

**INSTITUTIO
THEOLOGIAE
ELENCTICAE, STATUS
CONTROVERSIAE
PERSPICUE...**

François Turretini, Jan : van Vianen,
Benedict Pictet





Ex Bibliotheca
majori Coll. Rom.
Societ. Jesu

III. 13. e

67.3.3.
III III
12 9
C C





FRANCISCUS TURRETTINVS

THEOLOGVS GENEVENSIS

Obijt XXVIII Septemb Anno MDCLXXXVII

Annos natus LXIII Mens VI Dies XI

INSTITUTIO
THEOLOGICÆ
ELENCTICÆ,

IN QUÀ

STATUS CONTROVERSIAE PERSPICUE

exponitur, Præcipua ORTHODOXORUM ARGUMENTA proponuntur
& vindicantur, & FONTES SOLUTIONUM aperiuntur.

AUTHORE

FRANCISCO TURRETTINO

In Ecclesia & Academia GENEVENSIS Pastore, & S. S. Theologiæ Professore.

EDITIO

NOVA Recognita & multis locis aucta:

Addita est

BENEDICTI PICTETI PROFESS.

GENEVENSI Oratio DE VITA & OBITU AUTHORIS,
Nec non ENCOMIUM Operis, scribente M. L. S. S. Th. D. & P.

PARS PRIMA.



LUGD. BATAVOR.

FREDERICUM HARING.

Apud



TRAJECTI AD RHENUM,

ERNESTUM VOSKUYL. 1696.

Cum Privilegio.



DE Staten van Holland ende West-Vriesland, DOENT TE WETEN. Alsoo
 Ons vertoont is by FREDRIK HARING, Boekverkooper binnen Leyden, ende E-
 RNESTUS VOSKUYL, Boekdrukker binnen Utrecht, dat sy Supplianten in Compagnie
 besig waren met het Drukken van *Francisci Turretini in Ecclesia & Academia Ge-
 nevensi Pastoris & Theologia Professoris opera omnia Theologica*, 5 Volumina in
 Quarto, welk voorschreve Werk niet sonder groote moeyte en excessive onkosten van hare
 Supplianten was by der hand genomen, en alsoo sy Supplianten bedugt waren, dat ligtelijk
 ymand anders uyt wanguaste ofte baadsugi het selve soude willen nadrukken, tot haar seer groote schade ofte na-
 deel, soo was 't, dat sy Supplianten te rade waren geworden haar te keeren tot Ons, ootmoedelijk verzoekende,
 dat Wy haar Supplianten geliefden te begunstigen met een speciaal Oetroy voor Haar en hare Nakomelingen, omme
 het gemelte Boek gedurende den tijd van vijftien achter een volgende Jaren alleen te mogen Drukken, doen Druk-
 ken, ende te Verkoopen met verbod dat niemand wie hy sy het voornoemde Werk in geenderhande Talen het zy in
 't geheel ofte ten deele soude mogen nadrukken, ofte elders gedrukt in Ons Gebied te mogen inbrengen, verruylen,
 verhandelen ofte verkoopen op sekere poene by Ons daar tegen te statuieren: SOO IS 'T, Dat Wy de sake ende 't
 verzoek voorschreve overgemerkt hebbende, ende geneegen wesende ten bede van de Supplianten, uyt Onse
 rechte wetenschap, Souveraine Macht, ende Authoriteyt de selve Supplianten geconsenteert, geacordeert, ende
 geootroyeert hebben, consenteren, accorderen, ende Oetroyeren mids desen, dat sy gedurende den tijd van vijf-
 tien eerst achter een volgende Jaren het voorschreve Boek genaamt *Francisci Turretini in Ecclesia & Aca-
 demia Genevensi Pastoris & S. S. Theologia Professoris opera omnia Theologica*, 5 Volumina in Quarto,
 binnen den voorschreve Onsen Lande alleen sullen mogen drukken, doen drukken, uytgeven ende verkoopen, ver-
 biedende daarom allen ende een ygelijken het selve Boek in 't geheel ofte deel naar te drukken, ofte elders naar ge-
 drukt binnen den selven Onsen Lande te brengen, uyt te geven, ofte te verkoopen, op verbeurte van alle de naarge-
 drukte, ingebrachte, ofte verkochte Exemplaren, ende een boete van drie hondert Guldens daar en boven te ver-
 beuren, te appliceren een derde part voor den Officier, die de Calange doen sal, een derde part voor den Armen der
 plaatse, daar het casus voorvallen sal ende het resterende derde part voor de Supplianten, alles in dien verstande. Dat
 Wy de Supplianten met desen Onsen Oetroye alleen willende gratificeren tot verhoedinge van hars schade door het
 naardrukken van het voorschreven Boek, daar door in geenigen deele verstaan den Inhouden van dien te Authorise-
 ren, ofte te advoueren ende veel min het selve onder Onse protectie ende bescherminge eenig meerder credit, aan-
 sien ofte reputatie te geven, Nemaar de Supplianten in cas daar inneiets onbehoorlijks soude influeren, alle het selve
 tot haren lasten sullen gehouden wesen te verantwoorden, tot dien eynde wel expresselijk begeerende, dat by aldien
 sy desen Onsen Oetroye voor het selve Boek sullen willen stellen daar van geen geabbrevieerde ofte gecontraheerde mentie
 sullen mogen maken, Nemaar gehouden sullen wesen het selve Oetroy in 't geheel ende sonder eenige omiffie daar
 voort te drukken, of te doen drukken, en dat sy gehouden sullen zijn een Exemplaar van het voorschreve Boek gebon-
 den en wel geconditioneert te brengen in de Bibliotheecq van Onse Universiteyte tot Leyden, ende daar van behoorlijk te
 doen blijken, alles op poene van het effect van dien te verliezen. Ende ten Eynde de Supplianten desen Onsen consente
 ende Oetroye mogen genieten, als naar behooren: Lasten Wy allen ende een ygelijken die 't aangaan mag, dat sy de Sup-
 plianten van den Inhouden van desen doen laten ende gedogen rustelijk, vredelijk, ende volkomtentlyk genieten ende
 gebruyken, cesserende alle belet ter contrarie. Gedaan in den Hage, onder Onsen grooten Zegel hier aan doen han-
 gen op den 22 Jaanuary in 't Jaar Onses Heeren ende Saligmakers duyfent ses hondert vijf en t'negentig.

A. HEINSIUS. Vt.

Ter Ordonnantie van de Staten.

SIMON VAN BEAUMONT.



MAGNIFICIS, NOBILISSIMIS,
CONSULTISSIMISQUE
VIRIS,
D.D. CONSULIBUS,
TOTIQUE SENATUI

Inclytæ Reipublicæ GENEVENSIS,

Salutem & omnimodam Felicitatem precatur

FRANCISCUS TURRETTINUS.



UOTIES Reipublicæ istius, ad cujus clau-
rum sedere Vos Deus voluit, status in men-
tem venit, PROCERES AMPLISSI-
MI, tot & tanta, quibus inclaruit, occur-
runt Dei miracula, ut quod olim de Jerofo-
lyma canebat divinus Vates; de ipsa non im-
meritò prædicari posse nemo inficias iverit,
Gloriosa de Te dicuntur Civitas Dei. Exigua quidem, fateor, *ps. 87.*
& quâ vix alia minor in millibus Judæ, si Naturæ commoda spe-
ctentur; magna tamen, & quâ vix alia major, si attendantur
Dei munera. Quamvis verò innumera sint, quæ largâ manu
Dominus in eam effudit hætenus, & quotidie effundit benefi-
cia:

E P I S T O L A

cia: Duo tamen præ cæteris sunt eximia, quæ dignitatem ejus commendant; *Religio*, quâ nihil sanctius, & *Libertas*, quâ nihil dulcius: Cùm hæc sit veluti altera *Gofcen*, quam Solis justitiæ radii collustrant, dum Ægyptus mundi, plusquam Cimmeriis errorum tenebris tegitur; altera *Tjohar* parva, sed tuta, in qua gratum pii nanciscuntur asylum, dum feralis judicii divini ignis alias complures Mundi plagas incendit & depascitur; vera *Bethfemes* & *Heliopolis*, *Domus* & *Civitas Solis*, ubi non amplius Sol ille aspectabilis colitur, quod in Gentilismo factitatum hîc fuisse non minùs constanti, quàm consentiente famâ proditum est; sed divinus Oriens ex alto adoratur, Christus Dominus, qui *Sol* nobis est & *Clypeus*, Sol omnigenæ benedictionis, qui Religionis gloriam asserit, Clypeus Protectionis tutissimæ, qui invictum & inexpugnabile Libertatis præsidium præbet; Quod utrumque Genevæ decus maximum, justissimum admirabilem Dei erga nos Providentiam celebrandi suppeditat argumentum. Quis enim non stupeat, quòd in gravissimis illis totius penè Europæ motibus, in quibus nulla ferme regio belli expers visa est, nulla quæ funestissimos ejus effectus non senserit: Nos tamen hæcenus penè soli in hoc terrarum angulo alcyoniis gaudentes intacti, & immunes manserimus? Dum alii vastatos agros, Urbes captas & expilatas, incensos Pagos, Provincias excisas, & cætera quæ insunt bello lamentabilia, dira visu & immania, non sine summo animi mœrore cernere coguntur, & à patriis sedibus avulsi extorres ac palantes miserè vagantur; Nos sub vite & sub ficu nostrâ pane nostro tranquillè vescamur, & altâ pace fruamur? Ingratissimi sanè essemus mortalium, nisi hanc libertatem & pacem merum Dei, pro salute nostra excubantis, beneficium interpretaremur. Ille solus nobis hæc otia fecit, & facit; Ille unus qui tanti muneris semel Author fuit; ejusdem Stator & Conservator deinceps esse voluit. Quis enim alius tot conjurationum & prodicionum technas præter omnem hominum expectationem retegere; Quis alius tot incursiones & molimina ausu nefando facta repellere & irrita reddere potuisset? Qui Hieroglyphicis delectantur, Provi-

den-

D E D I C A T O R I A.

dentiam omnia sustentantem adumbraturi, Urbem nullo tibi-
 cine sultam, in aëre medio pendulam, grandi brachio cœlitus
 exerto sustentatam ingeniosè describere solent. Geneva nostra
 non umbraticè & emblematicè, sed verè est Urbs illa, quæ solâ
 Dei manu, non humanis mediis aut præsiidiis sustentatur: *Non* ^{Zach.}
exercitu, non viribus, sed Spiritu meo, inquit Dominus. ^{4. 6.} Ve-
 rùm longè majus & illustrius censerì debet alterum illud benefi-
 cium, quod præcipuum est divinæ Protectionis fundamentum,
 sub cujus umbra hætenus tuti quiescimus; Cœlestis nimirum
 Veritas, & purioris Religionis depositum, cujus inæstimabili
 dono beare nos voluit Deus, per quam profligatâ Romani An-
 ti-Christi tyrannide, Errore triumphato, fugatâ Superstitio-
 ne, Idolis dirutis, discussis Tenebris, *Lux* illa salutaris, quæ
Post Tenebras jam olim sperabatur, orta est feliciter iis qui jace-
 bant in tenebris umbræ mortis. Beati colles, quos eatenus di-
 lexit Deus, ut in illis aureum Veritatis Candelabrum colloca-
 ret, ex quo divinæ lucis radii undiquaque diffusi magnam Orbis
 Reformati partem illustrârunt. Felix Civitas, & Ecclesia, quam
 tanto honore dignatus est Christus, ut eam in Arcæ domicilium,
 Evangelii sedem, & Nominis sui sacrarium consecrârit, quæ,
 utut mundo exosa furorem & rabiem Diaboli, & Anti-Christi
 in se magis magisque concitari sentiat, Deo tamen dilecta, &
 instar pupillæ oculi chara, sub umbra alarum ejus suaviter de-
 litescit, non bonis tantùm suis læta gaudens, sed ea etiam plu-
 ribus aliis grata impertiens, quarum ideo vel Mater, vel Nutrix
 dici meruit, quæ sua incunabula, vel incrementa post Deum
 huic nostræ debere se profitentur. Sed eo nomine potissimùm
 beata, quòd admirabili Reformationis privilegio singulari Dei
 favore semper fruatur, & pretiosissimum Religionis κατήλιον si-
 bi commissum illibatum hætenus servârit. Hæc est gloria, Hæc
 corona nostra, quâ aliis bene multis terrarum populis, quibus
 similem denegavit gratiam, antistamus, & glorioso Peculii Dei,
 & sacræ Sionis nomine insignimur.

Cùm verò nihil antiquius nobis esse debeat, quàm tanti be-
 neficii, cum gratâ ejus erga Deum largitorem commemora-
 § § 2 tione,

E P I S T O L A

rione, constans & fidelis custodia: Id fuit, PROCERES
 AMPLISSIMI, indefessum Piorum Majorum Vestrorum
 studium, qui ut optimi Ecclesiæ Nutritii, inter primas curas
 semper habuerunt Religionis non minùs ac Libertatis causam
 strenuè agere, ut ea pura, & ab omni errorum contagio libera
 servaretur: sapientissimè judicantes, illam esse, non tam Pal-
 ladium quò Troja, vel Ancile ^{ἐργαστήριον} quò Roma olim gloria-
 batur, quàm Arcam fœderis, præsentix Dei pignus indubita-
 bile, ex quâ retentâ & conservatâ Reipublicæ, æquè ac Eccle-
 siæ securitas ac felicitas pendent. Longum esset recensere, qui-
 bus errorum portentis terribissimus ille Generis humani hostis,
 superiori seculo renascentis Evangelii lucem obscurare, & ex-
 tinguere identidem annisus sit; non modò per juratos Reforma-
 tionis hostes, qui eam sub pristinum Anti-Christianæ servitutis
 jugum retrahere moliebantur; sed & per vafros Sinones, qui in
 ejus sinu versantes, sub Religionis fovendæ & illustrandæ plau-
 sibili sed falso prætextu, extrinsecum opinionum sordes in doctri-
 nam invehere tentârunt, à quibus mirâ felicitate Majorum ve-
 strorum vigilantia Dominus eam liberavit. Testantur Annales
 Vestri, quot & quantis machinis divinum Reformationis opus
 à primis ferme incunabulis impetiturum fuerit. Quot profano-
 rum & factiosorum furoribus sancta morum disciplina sit oppu-
 gnata, & quoties veritatis Evangelicæ puritas tentata fuerit:
 modò per fanaticam *Anabaptistarum* colluviem, qui anno 1536.
 statim à susceptâ Reformatione turbas hîc dederunt; postea per
Petri Caroli impudentis Sophistæ Proteo mutabilioris artes
 subdolas, & iniquissimas calumnias; mox per *Sebastiani Casta-*
lionis, hodiernorum Semipelagianorum antesignani, exitiales
 Verbi Dei & Doctrinæ Orthodoxæ corruptelas; Per *Grueti* ho-
 minis factiosi, Samosatēnianismum cum Manichæismo in ean-
 dem errorum farraginem conflantis, pessimas technas. Exinde
 anno 1551. per *Hieronimi Bolfeci* impietatem, sanctam Præ-
 destinationis & Gratix salutaris doctrinam Pelagiano veneno
 corrumpere satagentis: Et per horrendas tandem *Michaëlis*
Serveti, non hominis, sed monstri ad omnem improbitatem
facti,

D E D I C A T O R I A

facti, super adorando S. S. Triadis Myſterio blaſphemias; quas dum evomere homo perditiffimus, licet ſæpius monitus, non deſinit ad peſtilentiſſimum venenum in vulgus ſpargendum, quod latè jam à pluribus annis in celebribus Europæ locis ſparſerat, tandem in carcerem conjeſtus, & in pertinaciâ ſuâ diabolicâ perſeuerans, juſtiſſimas anno 1553. impietatis execrandæ pœnas tulit. Non deſiit tamen Satan toties victus pugnam redintegrare, & novos ſubinde impietatis magiſtros excitare, quales fuerunt *Valentinus Gentilis*, *Paulus Alciatus*, & alii ex eodem ſodalitio impuriſſimi Serveti diſcipuli, qui anno 1558. Tritheitarum errorem cum Samofatenianismo & Arianismo, id eſt monſtra monſtris copulârunt. Quos Prædeceſſorum Veſtro-
rum authoritas fortiter compescuit, & feliciter fugavit, ut ſemper magnâ cum laude, *ſtrenuos & cordatos piæ cauſæ Vindices ſe* Tr. de
Præde-
ſtinat.
probarint, quod ſummus Vir Dei Calvinus ipsis olim honorifi-
cum elogium tribuit.

Hanc etiam præcipuam eſſe veſtram ſollicitudinem, P A-
T R I A P A T R E S Vigilantiſſimi, zelus & pietas veſtra du-
bitare nos non patiuntur: Nempe meminiftis Solium pietate
& juſtitiâ firmandum eſſe ex Regum ſapientiſſimi Oraculo, nec
unquam felix & bene compoſitum eſſe poſſe Regimen veſtrum:
niſi curetis, ut Verbo Dei ſua ſemper apud Vos conſtet autho-
ritas, & ut Chriſtus ipſe per Vos regnet: ut hîc non tam Ari-
ſtocratia, quàm *Theocratia* ſit quædam, quæ Deum Præſidem
& Rectorem ſemper habeat: Nec meliùs conſuli poſſe cenſetis
Reipublicæ ſaluti, quæ ſuprema Lex ſemper eſſe debet, quàm
inviſta duo iſta propugnacula tuendo, puræ Religionis cultum,
& piam Eccleſiæ fovendæ curam, quam Deus aliis veſtris tegan-
dam commiſit. Quod ita hætenus à Vobis præſtitum, ut non
modò intemerata ab omni erroris & ſuperſtitionis habe Religio
hîc ſingulari Dei beneficio permanſerit; ſed nihil inſuper in re-
ceptâ ſemel hîc puriori doctrinâ, quam religioſè ſemper reti-
nendam ſanxiſtis, immutatum fuerit. Pergite, D O M I N I,
conſtanter in hoc ſancto propoſito, & facite piâ veſtrâ & inde-
feſſâ vigilantia, ut tanta bona nobis ſint perpetua; ut ſub ve-

E P I S T O L A.

stris auspiciis pietate florens, & felix sit semper hæc Respubl. ad seros usque nepotes. Quod quidem haud dubiè sperare potestis à Deo, qui se fidum custodem fore promisit earum Urbium, quæ sedes Veritatis, & Piorum hospitium forent; Quandiu de eo religiosè colendo & retinendo, & gloriâ ejus ante omnia promovendâ semper eritis solliciti; Quandiu curabitis, ut inter Cives vestros Pietas & Justitia, Religionis & Patriæ amor, Charitas & sancta animorum Concordia vigeant, & vitia, plus nimis corruptissimo hoc seculo in Ecclesia etiam pullulantia, severè reprimantur; Quandiu studio vestro Urbs ista suo nomini respondens Reformata verè audiet, tam quoad morum honestatem, quàm doctrinæ puritatem; & ut verbo dicam, *Civitas Dei*, & vera הקדושה *in qua sit Dei Beneplacitum.*

Quia verò non Rectores Reipublicæ & Viros Principes tantùm hæc cura spectat: sed propiùs tangit eos qui Sacris operantur, quos ad opus suum adhibet summus rerum Arbiter; Non possumus satis mirari providam ejus erga nos curam, qui ut Veritatis sedem sibi hîc eligere voluit; Ita nunquam defuit Operi suo, fideles strenuósque Operarios in messem suam mittendo, qui dotibus eximiis præditi divinum repurgandæ Religionis opus intrepidè inchoarent, & inchoatum promoverent & perficerent. Neminem latet quantum Geneva debeat insignium Dei Servorum *Gulielmi Farelli*, & *Petri Vireti* laboribus, quibus Deus uti voluit in jaciendis Reformationis fundamentis: sed imprimis maximi & nunquam satis laudati Theologi *Johannis Calvinii* ὁ πάνυ ferventissimo zelo & indefessâ diligentia, quem Deus heroïco spiritu, subactissimo judicio, & profundâ eruditione mirabiliter instructum ad opus suum Genævæ difficillimis temporibus omnia alia cogitantem addixit; cujusque operam ad sanciendam puriorem doctrinam, & morum disciplinam non sine magnis certaminibus feliciter impendi voluit. Horum vestigiis insistentes, qui post ipsos lampada tenuerunt, hoc præ cæteris sibi semper proposuerunt, ut rejectis εὐσεβείαις παινοφωταίαις & ἐπεροδιδασκαλίαις, quas procul esse jubet Apostolus,

stolus,

D E D I C A T O R I A.

stolus, sanctissimam illam *Spina d'Indu*, quam illibatam à Majoribus acceperant, illibatam etiam religiosè custodirent, & ad successores transmitterent. Quo singulari beneficio, cum per Dei gratiam etiamnum hodie fruamur, gravissimi criminis reatum effugere non possemus, si hanc gloriam & coronam eripi nobis pateremur, & si quotquot in labores tantorum Virorum succedunt de premendis fideliter eorum vestigiis non essent solliciti. Ego sanè, ut de me aliquid dicam; ex quo Deus ad honorificam stationem, in qua à triginta circiter annis jam versor, singulari vestro favore evectum me voluit, licèt me longè imparem tanto oneri semper senserim, & tenuitatis meæ conscientia facilè mihi persuadeat, quàm procul absim à magnis illis Viris, qui nobis hîc præiverunt; sanctè tamen coram Deo testari possum, non alium unquam mihi scopum propositum fuisse, quàm ut præeuntes, non eodem gradu, sed eâdem viâ semper sequerer, & magna vestigia, licèt non passibus æquis, pro virili calcarem. Nec meliùs spartam quam nactus sum ornare me posse credidi, & sacramenti, ad quod adactus sum in munere mihi commisso, conscientia satisfacere, quàm si id unicè studerem, ut Juventus nobis concredita puriori Theologia, ac sobria & solidâ, quæ hîc semper obtinuit, doctrinâ imbueretur. Quò sponte propendentem, domesticum etiam duorum fidelium Christi Servorum sanguine mihi conjunctorum, impulit exemplum, magnum dico Theologum *Johannem Deodatum*, Avunculum meum, cujus nomen toto Orbe celeberrimum, & laudatissimum, ac cedro dignissimum in Sacram Scripturam Opus, ne quid aliud dicam, Virum monstrat: Et *Benedictum Turretinum*, Parentem meum dulcissimum, benedictæ & desideratissimæ memoriæ, quem immaturo & luctuosissimo præreptum obitu, accurati & solidi Theologi laudem obtinuisse, & fama, me tacente, loquitur, & scripta ejus testantur. Hisce magis magisque ad officium excitatus, hoc unum agendum mihi semper duxi, ut, missis vanis & inutilibus quæstionibus, quæ curiositatem pascunt, sed fidem non ædificant, ad sacram Verbi Cynosuram omnia mea

com-

E P I S T O L A

componerem, & sacrae Deo Juventuti λογικὸν ἄδολον γάλα propri-
narem, quo in veritate quæ secundum pietatem est quotidie
proficere, & ad opus ministerii sese parare posset. Eò respi-
cit Scriptum hoc, cujus prima pars in lucem prodit, quod pri-
vatis Tyronum nostrorum usibus primò destinatum, & rudi
penicillo adumbratum, publici juris facere, non tam sponte
adducor, quàm quodammodo cogor, crebris & iteratis eorum
flagitationibus satisfacturus, qui aliquod inde commodum ac-
cessurum putârunt Sacrorum Mystis, ad faciliorem Contro-
versiarum, quæ nobis cum Adversariis intercedunt, enodatio-
nem. An spes ipsorum rata debeat esse, eventus suo tempore
cum bono Deo nos docebit.

Interim hoc quicquid est Operis, VIRI AMPLISSI-
MI, N. N. & A. A. D. D. V. V. quâ possum submissione of-
ferre & nuncupare constitui. Licet enim non parum anceps
hæserim, an cum levidensi hoc munere ad Vos accedere debe-
rem; nec deessent rationes variae, quæ à proposito me deter-
rere poterant: effecit tamen benignitatis vestrae persuasio, &
officii mei ratio, ut excusso omni metu non dubitaverim splen-
dida vestra Nomina huic Operi meo præscribere, ut sub auspi-
ciis vestris feliciùs & tutiùs in publicum prodiret; Persuasus,
non ingratum fore Vobis argumentum, quod doctrinae saluta-
ris vindicias continet, quâ nihil potest esse in se sublimius, ni-
hil nobis debet esse carius; Nec patrocinium vestrum denega-
turos huic opellæ, quæ non aliò collimat, quàm ad causam
Dei, & cœlestem Veritatem, cujus Vos defensores voluit; ad-
versus vana hominum commenta asserendam. Adde quod ni-
hil justius fuit, quàm fructus hosce, licet tenues, studiorum
meorum vestros facere, qui ipso jure vestri jam erant, utpote
in fundo vestro nati & culti; ut meam, si non eruditionem,
saltem fidelitatem in obeundo munere mihi commissio, vel ex
hoc specimine Vobis probarem. Nec sine ἀχαρῆσις crimine
aliò me respicere patiebatur singularis illa benevolentia, quam
familia nostra tota semper à Vobis experta est, ex quo piissi-
mus & integerrimus Vir *Franciscus Turretinus* Avus meus
b. m.

D E D I C A T O R I A.

b. m. ante centum circiter annos ex Civitate Lucensi , relictis omnibus patriæ dulcissimæ commodis , huc concessit , sancto puriorem Religionem profitendi zelo impulsus , ubi sub Amplissimi Senatus protectione cum suis sedem fixit , optatissimæ lucis Evangelicæ usurâ gaudens , cum compluribus Italæ gentis propinquis & affinibus , aliisque piis viris , quos Veritatis amor , & Christi *Amicitia* huc adduxerat ; ubi ab anno 1552. Ecclesia Italica studio Joh. Calvinii , sub præsidio & autoritate Christiani Magistratus constituta est , quæ etiamnum hodie singulari Dei gratiâ , sub vestro patrocinio conservatur. Cujus beneficii memoria , ut animis nostris infixâ æternum hærebit ; ita postulat , ut grati animi testificatione apud omnes prædicetur : Eoque magis , quòd exinde ejusdem favoris non obscura dare non desistis argumenta , erga me inprimis , quem non uno honoris genere mactum reddidistis ; non modò sacrum , quo tum in Ecclesia , tum in Academia fungor , munus præter omne meritum meum mihi committendo , sed & benignè semper me fovendo , & qualescunque conatus meos eatenus probando , ut non semel aliò invitatum , licèt nihil minùs quàm de mutandis sedibus cogitantem , & maximè ante aliquot annos à Celsissimis & Præpotentibus , tum Belgii Fœderati , tum Hollandiæ Ordinibus , ad Professionem Theologicam in Florentissimo Athenæo Lugduno-Batavo honorificè vocatum , benevolo in me affectu hic retinere volueritis : Quo factò meam vobis fidem & obsequium jam addictum , magis magisque ita obstrinxistis , ut malum Nomen meritò censerer , si cùm debitum dispungere non possem , ingenuè saltem illud non profiterer ; nec curarem , ut constans aliquod observantiæ in Vos meæ , & grati animi semper extaret monumentum. Accipite ergo serenâ fronte , AMPLISSIMI PROCERES , hoc exiguum , non exigui , sed devotissimi obsequii mei , & propensissimi erga hanc vestram lucis Evangelicæ sedem , studii pignus ; Et favere pergite illi , qui ut se Vobis plurimum jam debere lubens agnoscit : Ita totum se cultu & obsequio vestrum perpetuò futurum profitetur

EPISTOLA DEDICATORIA.

& sponder. Quod superest, Deum Opt. Max. per quem Reges regnant, supplex veneror, ut N. N. & A. A. D. D. V. V. propitius semper adsit; Rempublicam Vobis, Vos Reipubl. quàm diutissimè præstet incolumes, & omni benedictionum genere cumulet, Spiritu suo verè *ἡγεμονικῶ* sapientiæ & fortitudinis, pietatis & iustitiæ ita Vos semper regendo, ut Consilia omnia vestra ad Sanctissimi Nominis sui gloriam, Reipublicæ commodum, & Ecclesiæ felicitatem cedant. AMEN. *Dabam Geneva, 17. Idus Februarii, Anno ὧν Οἰκουμένης M. DC. LXXIX.*



PRÆ-



PRÆFATIO AD LECTOREM.



NON possum, LECTOR BENEVOLE, quin paucis hic in limine consilii mei, in edendo isto quod vides Opere, rationes & scopum tibi aperiam, ne aliud de eo censeas, quam quod est revera, vel mihi quicquam hac in parte adscribas, à quo fui semper alienus. Cum enim tot laudatissima istius generis Scripta à Viris Theologis hætenus edita sint, quorum copia Studiosos sæpe inopes facit, incertos cui potissimum adjicere se debeant; temeritatis vel imprudentiæ notam vix effugere posse videor, dum ego, qui illis nec ingenio, nec doctrinâ sum comparandus, quique me ab iis omnibus imparatum agnosco, quæ ad tantum opus cum laude exequendum requiruntur; meos tamen conatus in hoc scribendi genere in medium protrudere audeam, quasi Soli lucem sænerari possem, vel Iliada post Homerum velle scribere. Verùm præterquàm quòd sola Muneris mihi impediti conscientia satis superque metueri hic posset, quod nihil non tentandum præscribit, ut quacunque ratione sive vivâ voce, sive scripto Juventutis Deo sacræ studia promoveantur; ut in Tabernaculo Domini extruendo, laudabilis etiam fuit eorum diligentia, qui si aurum, argentum, coccum, & alia id genus pretiosiora conferre non poterant, æs saltem & ferrum, & viliora quæque quæ penes se habebant, imò & pelles, & caprarum pilos offerre non verebantur, Deo non ex pretio rerum do-

P R Æ F A T I O.

na, sed ex animi affectu æstimante: Ipsa Operis suscepti occasio, non quæsita, sed oblata, imò obtrusa, quid a me sit præstitum, & quo animo abundè testabitur. Dum enim informanda Juventuti ex Muneris n.lli demandati ratione, non publicè tantum, sed & privatim pro virili incumbo; inter cætera Celeberrimi Alaresii Decades Tyronibus nostris ventilandas proposui, quod ut utilius ab ipsis fieret, Controversiarum, quæ ibi attinguntur, statum, & fundamentum paucis aperiendum duxi, adatis etiam distinctionibus & Observationibus aliquot, quibus ~~nonnullæ~~ Adversariorum relegeretur, & præcipuæ objectiones solvi possent: nec vivâ voce contentus, scripto etiam consignari ista volui, ut firmitus memoriæ infgerentur. Ita opus paulatim crevit, nec sine aliquo fructu Studiosorum manibus versatum est. Atque hunc laboris mei scopum mihi duntaxat proponebam, nec de tumultuario opere edendo unquam cogitassem; nisi hoc & Studiosorum preces, & Amicorum vota, & non incerti rumores ad aures meas perlati de illo ab aliis me inscio alibi evulgando non tam obtinuissent, quàm extorsissent. Ne ergo rude & indigestum, variisque mendis & lacunis sædatum prodiret, constitui tandem ~~exuvæ æreæque~~ votis hoc à me efflagitantium cedere, & qualemcunque hanc opellam, diligentiori paulò curâ recognitam, & auctam, & accuratiori methodo digestam, in lucem mittere, ut qui eruditionem non possum, obsequium saltem amicis, & studium veritatis tuendæ omnibus probarem. Unde si quis plura in illa desiderat, & fœtum hunc crudum & immaturum dicat, habebit me contentem, qui id primus profiteor, & hoc etiam addo, tolli potius debuisse, quàm exponi. Ideo etiam Institutionis Theologiæ Elencticæ nomen illi impositum, ne Systema aliquod Theologiæ plenum & accuratum hic tradi quis credat, hic enim mihi scopus propositus nunc quidem non fuit; sed tantum ad præcipuarum Controversiarum, quæ nobis cum Adversariis quæ veteribus, quæ recentioribus intercedunt momentum exponerem, & filium Adriadneum Junioribus subministrarem, cujus ope ex earum labyrintho se facilius extricare possent. Cum enim in hoc Eristico seculo, Viros Dei non deceat tantum

penitiori

P Æ F A T I O.

penitiori Veritatis notitiâ imbutos esse, *ἡ δὲ τὸ ὁρθοτομεῖν τὸν λόγον τῆς* *θεῆς*; sed & armis justitiæ potentibus, & scuto inprimis fidei instructos esse *ἡ δὲ τὸ τὰς ἀντιλήψεις ἐλέγχειν*, ad ignita Satana tela restinguenda, & destruendas munitiones & ratiocinia adversus cognitionem Dei se efferebant, ut omnis cogitatio captiva in obsequium Christi abducatur: Non melius prospici potest Studiosorum profectibus, quàm si doceantur cum trulla gladium tractare, quod olim Edificatores Ierosolymitanos fecisse refert historia sacra; id est cum *παράδειγμα* veri, cui fides inædificetur, jungere *ἐλέγχειν* falsi, quo errores, quibus vel directè vel indirectè impugnari solet, solidè refutantur, ut feliciter occupari queant in expediendis tot tantisque Controversiis gravissimis, quæ hodie plus nimis probo dolor! inter Christianos fervent, & Ecclesiam Domini miserè lacerant. Quia verò constat præceteris periculosè errari sæpiissimè circa Controversiæ statum, quò ignoratò, fit ut *ἀσέχως* Andabatarum more, cum larvis infelicitè dimicetur; Id mihi ante omnia negotii dedi, ut remotis illis quæ sunt *ἐξ αἰωνίων*, Statum & Cardinem præcipuum Questionum diligenter ex sententiâ Partium quantum fieri potuit eruerem & exponerem, ut eo semel rite posito & explorato via facilis ad reliqua complanaretur, sive *κατασκευαστικῶς* Veritas esset adstruendâ, sive per *ἀνασκαφικῶς* Error destruendus veniret. Quæ duo mihi insuper exequenda proposui; non ut rationis omnes operosè congererem, quæ in medium afferri solent confirmandæ veritati, quia hic non tam numero quàm pondere certandum; sed ut potiores & solidiores quibus fulciri potest cum iudicio sublegerem, robore etiam, ubi opus fuit, iis addito, & Exceptionibus præcipuis τῶν ἐξ ἐναντίας dilutis. Quibus tandem Fontes Solutionum subjiciendos censui, ut paucis & uno veluti obtutu, missâ prolixa argumentorum serie, distinctiones occurrerent, quibus tela Adversariorum retundi, & nervi præcipuarum Objectionum sine magno labore incidi possent. Quæ omnia brevitate & perspicuitate exequi conatus sum, ut nec nimia brevitatis obscuritatem, nec nimia prolixitas tedium pareret. Unde nudâ & simplici rerum expositione contentus, omisâ

P R Æ F A T I O.

operosa testimoniorum quæ coaccervari poterant, citatione, omni-
que eruditionis apparatu, brevibus punctis signare satis habui,
quæ aliàs in iustâ argumenti tractatione deducere potuissem. Ne-
mini autem mirum videri debet, si, vel Quæstiones varias
proletarias attingam, quia prodesse hic studeo, non eruditis &
mysteriorum nostrorum ἐμπύτοις, qui scriptis istis haudquaquam
egent, sed τοῖς κατηχημένοις, & nondum initiatis, qui erudiri vo-
lunt; quorum institutioni, ut vocem loquendo, ita stylum scri-
bendo accommodare debemus: Vel alias intactas reliquerim,
quarum in Locis Communibus mentio sæpe fieri solet: Cum
enim Controversiarum mole plus nimis jam labore, & tantum
non obruatur Theologia nostra, ex quibus non pauca minis ne-
cessariæ sunt, multæ etiam temerè moventur ab hominibus malè
sanis, qui, vel infelici curiositate, fastidientes aperta in Scri-
pturis, in clausa & obsignata in cælis quærunt, & in arcana
Dei penetralia irrumpere satagunt ἰσχυρότερον εἰς ἃ μὴ ἐωχέμεθα,
vel illiberali καρφολογίᾳ inanes verborum apices sectantur, & no-
dum in scirpo quærunt; plurimum semper interesse duxi ad di-
scientium profectum, & pietatis incrementum, Quæstiones mi-
nuere potius quàm augere, quantum veritatis ratio patitur:
Ideo eas seligere volui, quæ majoris momenti, vel magis ne-
cessariæ hoc tempore visæ sunt, cæteris missis, quæ vel arduæ
sunt nimis & curiosæ, vel inanes & jejunæ, quas Apostolus
ζητήσεις μωγεῖς, καὶ ἀπεργίας vocat, quæ nec ignorantibus nocent, nec
scientibus juvant; Ut aurea semper obtineat Apostoli regula φρονεῖν
εἰς τὸ σωφρονεῖν. Atque ita sollicitè fugiendam judicavi profanam
illam ingeniorum libidinem, ad nova & curiosæ prurientium, ni-
hilque studiosius egi, quàm ne deflecerem à formâ saniorum ser-
monum, & ut fidei pristinae simplicitas & εὐδικεῖνεια, quam post
Christum & Apostolos pii Decessores nostri nobis tradiderunt, &
quæ constanter hic obtinuit, intemerata semper à me quantum
fieri posset servaretur. Non ignoro equidem hoc fortè minis fore
ad palatum multorum, quorum nimis ferax est hoc seculum, qui-
bus vetera sordent, & nihil nisi musteum & recens probatur, qui
δοκίμοι & ἰδιογνώμεις, sibi solis sapientes, rationis suæ iudicio
plus

P R Æ F A T I O.

plus æquo tribuunt, quasi mensura esset veritatis, & sub specioso majoris lucis, & penitioris indaginis veritatis antea ignoratæ prætextu, ante se tradita convellere, bene constituta destruere, & idias Ἰδιώτης & κρείας δόξας instar oraculorum obtrudere præsumunt, & à se dissentientes tanquam bonæ mentis vacuos, imperitos, & veteribus formulis serviliter addictos traducere non erubescunt. Sed quod illi vitio vertunt, vel inscitie tribuunt, id ego cum verè cordatis laudi duco, & præcipuum commendationis argumentum arbitror. Nam cum antiquissimum quoddam sit verissimum, nulla melioris notæ scriptio dari potest, in argumento præsertim sacro, nisi quæ minùs novitatum habet; Vetera hic optima, & quæ ad primam antiquitatem exacta; tristiquè experientia nimis compertum est, quam periculosè sæpe aberrant, qui notos & tritos hic calles spernunt, ut sectentur novos, qui in avia & præcipitia ut plurimum abducunt.

Fateor, non aspernandam esse Recentiorum industriam, qui luculentiora dona à Deo consecuti, & peculiari ingenii acumine pollentes, cum laude occupantur in Scripturis scrutiandis, & veritate illustranda; Et ingratus esset in Deum talium donorum auctorem, qui debità laude illos fraudare vellet, vel nollet ex illis proficere. Sed ut sub hoc prætextu vetera superciliosè rejiciantur, & novitia dogmata in Ecclesiam inducantur, quasi illi qui nobis præiverunt in caligine & tenebris adhuc versati sint, nec Religionem ab erroribus suis satis repurgaverint: Hoc sanè & famæ tantorum Virorum est injurium, & Religioni probrosum, & piis auribus intolerandum. Commendentur ergo Libri alii à novitate, hoc elogium nolim huic meo vindicare; imò id sedulò cavi, ne quid novum haberet, & à Verbo Dei, & formulis publicis ex illo in Ecclesiis nostris receptis alienum, & ut nihil ibi adstrueretur, quod probatissimorum & optimæ notæ Theologorum nostrorum calculo non confirmaretur. Laudem porro ex hac meà opellâ nec expecto, nec expeto, sed satis bene mecum actum putabo, si æqui bonique consulas hoc qualecunque meum de Ecclesia Dei bene merendi studium: & si aliquis inde fructus, divinâ benedictione accedente, ad Veritatis illustrationem & Piorum ædificationem redeat.

P R Æ F A T I O.

redeat. Quod si non ingrati tibi, nec planè inutilem primam hanc Laboris mei partem, quam solam in lucem prodire aegrè patior, fuisse intellexero, alacriùs ad alteram pergam, & faciam cum bono Deo, si vires vitæque largiri dignetur, ut quandò ocius fidem datam exolvam. Interim quia homo sum, & nihil humani à me alienum puto, si quid à me hic dictum fuerit, quod cum Scripturâ unicâ fidei nostræ regulâ minus conveniat, non solum illud indictum, sed & expunctum volo. Tu verò, LECTOR AMICE, dum bene dictis favorem, & erratis veniam indulges, si quid nosti rectius istis,

Candidus imperti, si non, his utere mecum.

Faxit Deus veritatis & pacis, ut in veritate & charitate semper ambulantes, crescamus in dies in eo qui Caput est, donec perveniamus omnes ad unitatem fidei, & cognitionis Filii Dei, in Virum perfectum, & ad mensuram adultæ ætatis Christi. AMEN.



ORA-



ENCOMIUM OPERRIS.



Uis quantusque sit FRANCISCUS TURRETTINUS, novit Europæus Orbis. Etenim Ipsius laudes celebrant omnium Eruditorum ora, ejusque scripta quanti fiant ubique, testantur Officinæ, Nundinæ, Bibliothecæ. Sane vix Libros excudi videas, qui, ceu Turretini opera, omnibus in Academiis a Professoribus commendati, Studiosorum nocturnis diurnisque manibus teruntur. Etenim quidquid est Elenchicæ Theologiæ exhibuit plenissimè, explicatâ summâ puritate & evidentiâ Ecclesiæ Reformatæ Religione, atque refutatis fortiter quorumcunque erroribus, quibus Christiana fides vitiata & oppugnata unquam fuit. Quin in hoc genere scribendi palmam tulit inter Eruditos; nec invenias, qui cum Turretino abundantia rerum, scribendi perspicuitate, nitore styli ac facundia, ordinataque rerum quarumcunque dispositione comparari queant. Ne dicam de aliis ejusdem Viri Celebratissimi dissertationibus varii argumenti, sanctissimisque concionibus, quas dudum in Belgicum sermonem translatas, mirata est Christi Ecclesia.

Igitur haud mirum fuit ubique in orbe expetita fuisse scriptorum Turretini innumera exemplaria, maximeque in Belgio, ubi purior Theologia obtinet, atque ad militiam spiritualem armari debet, si ullibi, Deo & Ecclesiæ dicata Juventus. *Et quo plus sunt potæ plus sitiuntur aquæ*, aded restingui sitis non potuit!

E N C O M I U M O P E R I S.

Quæ etiam causa est, quod de Eximii Viri Operibus in Belgio excudendis non semel habita sint consilia, usque dum prælo commissa, nitidissimo charactere prodire in lucem, uti videbit Lector. Atqui rogabar ab iis, quorum sumptibus edebantur, ut Encomium adscriberem. Hæsi tamen dubius, an annuerem flagitantibus. Nulla enim ederâ hæc Volumina opus habebant, quum nomen *ἐπίσημον* tanti Authoris præferrent. Accedebat rumor Genevensi Typographo non admodum gratum fore, quod Opus, sibi ab Authore, dum viveret, commissum, hic excuderetur. Unde consultum magis videbatur me potius invidia abnuendo absolvere, quam quodam prologo indignationi hinc orituræ & litibus immiscere. Verum rogabar, quando Operæ Typographicæ ad finem properarent, nec meum erat quidquam dissuadere aut currenti rotæ, quo minus ultimæ paginæ excuderentur, intercedere. Regerebant etiam Typographi, hoc Opus post mortem Autoris communis quasi Juris factum, quando a toto Orbe tantopere expetere-
tur; se privilegium nactos Præpotentium Ordinum; atque cedere id in Defuncti laudes, quod in Belgio prælo subjiceretur. Itaque semel iterumque rogatus concessi tandem votis, quod arbitrarer æquum esse, ut quodam *ἑκαχαιρίας* testimonio venerer post fata Autorem, quem ante summo honore colueram, & qui me vicissim summopere dilexerat. Nempe cum recens pedem in hanc Academiam intulissem, meumque edidissem Libellum *de Oeconomia S. S. Trinitatis in Salutis negotio*, benevola sponte salutavit humanissimis literis, gratulatus demandatum munus, missò simul dono, quod exosculabar, *Theologia Elenctica* Tomo priore, in quò me honoris causa nominaverat, probatâ non uno loco *ἐμπόριον*. Unde mihi nata est ad Virum Eximium, quem uti Patrem venerabar, sæpius scribendi libertas. Nec literas a me accepit, quin quibusvis Nundinis Fraucosfurtensibus responderet. Unde putabam me sublimi ferire sidera vertice, quod colloquio hoc epistolari tanto cum Viro scælix beatissime viderer.

Hæc autem ad me Literarum verba fuere, quæ cur non repetam

E N C O M I U M O P E R I S.

tam cum gaudio, quod tantum Theologum mei studii habuerim encomiasten? *Perlegi jam magna cum voluptate Vim Veritatis, in qua bonam causam solidissime tueris. Novissimum tractatum de Oeconomia Trium Personarum, non sine singulari gaudio etiam ex parte jam perlustravi, & ubique eximias dotes tibi a Deo datas & coruscantes suspicio & exosculor. Spero Ecclesiam Dei magnum emolumentum ex utilissimis laboribus percepturam, si te diu salvum & incolumem superesse velit in bonum Ecclesiæ atque Academiae vestræ, totiusque orbis Reformati; quod voveo ex animo.*

Hæc Vir Egregius. Atque est quod hoc testimonio admodum debeam lætari, quidquid indignantur invidi & maligni, qui meos labores pro fide semel tradita sanctis, & exponi solita in Academiis, non ferunt. Imò verò placuit Beato TURRETTINO mei meminisse moribundo, ceu ad me scripsit D. B. PICTETUS, dignissimus Nepos & Successor, addens, *gaudebat a te amari, & inter suos intimos te numerabat. Sane non semel suis ad me literis professus est, se dulcissima, quam mecum contraxerat, amicitia delectari, imò me in oculis & corde gerere. Et verò cum eò erga me animò vixerit & mortuus sit TURRETTINUS, quidni meum porro dicam? Cur non adscriberem ipsius Operibus in Belgio jam recusis venerationis atque διχαεσίας ergò Encomia, quæ merentur?*

Nimirum scripta sunt a Viro, qui nobilem & excelsum in pectore animum gerebat; qui multifaria pollebat eruditione; qui perspicacissima mente scrutabatur omnia; qui solido Judicio de quibuscunque rebus arbitrium ferebat; qui arcana noverat errorum, & intima Reformatæ fidei Mysteria; qui vim veritatis sancto corde tenebat, ac tuebatur tanto robore, ut nullus unquam esset inter hostes, qui vel quicquam refellere sustinerit. Imò verò hæc Elenctica juxta Dei verbum doctorem reddere queat *εις πᾶν ἔργον* accuratæ disputationis in Adversarios *ἐξηρησμένων, & δυνατὸν τὰς αἰνπλέωντας ἐλέγχειν*. Neque adeò in Academiis alii Elenctici sunt commendandi studiosæ Juventuti, quando ex Turretino vel solo sapere ad sapientiam Aca-

E N C O M I U M O P E R I S.

micam in polemicis fere sufficit. Adeò omnes controversias dextrè exposuit, arcana acutè detexit, veritatem solide probavit, & errores fortissime refellit, vel notatis tantum responsionum fontibus. Unde in Juvenibus rectum format judicium, excitat atque acuit mentem, dirigit meditationes, ne vagentur extra oleas, occupat animum, ut veritati cum fidei obedientia reddat testimonium. Id utique tenere ætati facili que ac ceræ in vitium flecti apprime necessarium, hoc ævo, quo tanta ubique luxuries ingeniorum regnat, tot fastidia antiquæ veritatis vigent, tot novæ opiniones quæruntur aut laudantur, quasi ad eruditionem masculam id unum pertineret, vetera contemnere, recentiora mirari. Neque aliunde tanta est opinionum lubrica discordia, quam quod incertæ sint hominum mentes, qui solida veræ sapientiæ fundamenta nunquam posuerunt. Hinc enim inepti sunt, ut de rebus judicium ferant, verum a falso distinguant, intelligantque

Lana Tarentino quam sit medicata veneno.

Igitur Vir Egregius cum animum ad scribendum appelleret, imprimis necessariam esse Theologiam Elencticam censebat, & jure merito. Hac enim secura est Ecclesia Christi adversus hostium tela, dum militat in terris; illa exercentur Viri Juvenes ut similes evadant *sexaginta Heroibus ad prælia edoctis, qui lectum Salomonis cinxere*; atque hoc est Dei consilium, ut permittantur esse hæreses, quò qui probi sunt manifesti fiant inter nos, uti loquitur Paulus. Nec fieri potest, ut errores non nascantur, vel nati non permaneant in orbe, quum in peccato originali, quod definiente Augustino ignorantia & concupiscentia est, cuncti mortales concipiantur, nec deponere possint proclivem in quemvis errorem animum, nisi per illuminantem gratiam, qua veritas **S O L E J U S T I T I Æ** manifestata cordi illucescat. Hæc verò paucis data est per Salvatorem, qui solus est *via, veritas, & vita*: cur non multis ubique erroribus occurras, maxime quod homines *proxime* ament deferere Christianismi principium, i. e. Dei verbum, naturamque sequi? Etenim hinc fieri non potest, ut ad veritatem per-

veniant

E N C O M I U M O P E R I S.

veniant, prout ipsum Dei verbum, quod agnoscere ceu Divinum aliàs videntur, *pervertere ad suam perniciem*, uti habet Petrus. Et quidem id fit quodam prætextu, quando Ratio, & quidem naturalis venditur, i. e. Philosophia, quasi lumen esset in mentibus a Deo accensum, imò oraculum falli & fallere nescium, nisi ipsi Deus, quod absit, fallere dicatur.

Sane ex eò est, quod Ratio evaserit principium fidei, uti antiquitus Arianis & Pelagianis, sic etiam hodie, tanto cum fastu, ut agnoscatur ceu prima veritas, ad quam secunda & accessoria, quæ est Revelationis, exigenda fuerit. Neque tantum hoc crimen fuit Socinianorum, & deinde Remonstrantium, quando ipsorum vestigia statuerunt sequi; sed etiam in nostra communione quorundam, qui hinc sibi liberum putarunt suspendere Divinitatem Verbi, quoad conscientiam ac fidem, a ratione, & porro per eandem interpretari S. S. Scripturas, quasi illarum sensus non constaret, nisi ex humani cordis dictamine vel concupiscentia. Nempe sic evasit Philosophia Scripturarum Interpres, non tantum in Physicis & Astronomicis, quando de motu Terræ an Solis agitur; verum etiam in Revelatis mysteriis, quæ inter primarium obtinet locum S. S. Trinitas & Filii Dei Incarnatio, ipsis Angelis admiranda.

Vera loquimur dolentes. Itaque cum Religio per hosce Doctores parum tuta esset, Synodi in Belgio, & hinc Patriæ Patres adversus istam luxuriam, & philosophandi licentiam decreta conceperunt. Quæ utinam optatum habeant finem! At quid talibus facias, qui tegere virus hic & alibi norunt, iterumque afflare istis, maxime illis, apud quos se proficere posse arbitrantur, & qui dein *prædicant in tectis, quod a magistris audiverunt in penetralibus*, ut loquar cum Hieronymo? Hisce nullum repagulum objicias, nisi veritatem ore & calamo demonstratam, vel armatam Elenctica Theologia Juventutem, quæ ignita tela errorum queat extinguere. Atque utinam hoc Elenctices studium vigeat magis in Academiis, quando in spiritualibus armis est Ecclesiæ securitas! Hinc enim tuta evadit adversus intestinos & externos hostes, qui cati cautique se in

E N C O M I U M O P E R I S.

omnes vertunt formas, nova pila fingunt, insolitisque methodis se tuentur, ut nostrorum arma, scilicet, retundant. Quâ in arte disputandi dolosos se præstant præsertim Pontificii, ut nuper in Galliis visum, quando ad persecutionem, cui similis in Orbe nunquam fuit, via præparata fuit. Quam verò prudenter & acute dolos & μεθοδείας τῆς πλάνης detexerit noster Turretinus *part. III.* Lector videbit.

Sane hinc necessarium est continuo arma armis opponere, & pila minantia pilis, imò victricia per verbum & Spiritum Dei, quo *omnia possumus pro veritate.* Atque adeò excutendus est iste veternus, qui plurimum animos concepit, ut negligent vel ignorent ἑλόντες *Bella Jehovæ*, atque in utramvis aurem dormiant securi, dum vigilant & surgunt hostes, nunquam quieti pro suis erroribus tum propagandis, tum defendendis. Nimirum, sic isti clamant: devicti sunt Adversarii, & reportatus est jam diu triumphus. Atqui interea nesciunt iidem quid actum sit, & disputandi data occasione silere coguntur, pisce mutiores, hoc unum reponentes, jam victi estis a Theologis; vel forte utuntur insolitis ac necdum probatis armis, quorum saltem vim ipsi non intelligunt, vel facile infringunt Inimici. Utrique tales inveniri demonstrant vel ipsa examina, quibus ad ministerium præparatur Academica Juventus. Nempe isti prompti sæpe sunt respondere ad quæstiones, quæ ad ima Religionis fundamenta non spectant; inepti ad rationem fidei reddendam, ad argumenta pro veritate, uti convenit, adducenda, ad solvendas adversariorum objectiones, ad loca Scripturæ vindicanda, quorum aut usus est aut abusus. Unde fieri nequit, quin novis exercitati opinionibus, & aurem recentioribus præbentes Magistris, quasi soli saperent, & reliqui volitarent sicut umbræ, desciscant incauti sæpius a fidei puritate, locuti cum adversariis, imò in illorum territorio oberrantes, quasi transfugæ forent. Nempe ut aliud dicere videantur, & quid doctius cæteris, quos delectat sequi veteris vestigia recti.

Neque illos excusatos volumus, qui antiqua videntur novis præferre, at parum intelligunt quæ loquuntur, imperiti arcano-

rum

E N C O M I U M O P E R I S.

rum Religionis Reformatæ, nesciique Scriptorum, qui ante murus fuere adversus hostium molimina. Atque hinc inscitia, atque eruditorum penuries in Belgio, minata tantum non barbariem. Scilicet jactitant nonnulli ceu ἀέροι ὑπεργίνοι τῶν νεφελῶν, sapientiæ profectum, dum decrescunt studia & labores, nec centesimus Patrum subactam & multifariam eruditionem, tot vigiliis acquisitam, assequitur. Quin etiam illi, qui sapere adeò videntur, aliena laudant, quæ parum ad bonam aut eruditam mentem faciunt. Nempe Antiquitatum Hebraicarum prætextu sapientiam existimant in Judæorum fabulis versari, Scripturas ex Rabbinorum scriptis & nugis explicare, ex stercore Thalmudis aurum legere, invento exclamare, ὡρεκα, ὡρεκα, quasi judices & interpretes Divini verbi debeamus ἀπίστως venerari, qui non nisi cæcorum duces sunt. Quin qui mirantur plurimum, non nisi ex rivulis bibunt, inepti ad adeundos fontes.

Neque hæc dico, ut Philologiæ & Linguarum Orientalium studia insuper habeam, ignarus tanti thesauri; quum ipse annos xviii vix natus commentaria Hebræorum in Scripturas exponere a Judæo edoctus fuerim, & forte plura possem hodie in hoc negotio, quam multi, qui Philologico fastu turgent. Imò potius desidiâ illorum castigandam censeo, qui Linguas Orientales vix addiscunt, nisi ut ope Lexici locum Scripturæ explicent, neque Philologiam callent, ut decet, maxime necessariam & utilem in Theologicis. Verùm illos reprehendo, qui ceu Rabbanitæ audire amant, omnem sapientiam suam in explicandis ritibus aut Antiquitatibus Judaicis reponunt, atque ut pretium operæ fecisse videantur, ex illis S. S. Dei verbum interpretari, dicam pervertere, gestiunt; quò in studio nimium præivit Ligtfoetius. Quales Thalmudicos, quibus hoc otium placet, aliàs suo sensu & genio frui facile patimur, ridendos potiùs cum Pseudo-philologicis inventis, quam mirandos ob solidam eruditionem. Graviores sane studia Christianos decent, neque Rabbinos æquum est Ecclesiæ magistros esse, quibus κάλυμμα in corde jacet, quique ipsi velum Divino verbo obducunt,

E N C O M I U M O P E R I S.

ducunt, commenti fabulas ceu historias sine fine, ubi Leges Mosaicas exponunt, sicuti vel uno *Sotba* Wagenzelii manifestum est. Scilicet illa, quæ fuere in usû sequioribus temporibus ex institutis Phariseorum apud Judæos, instituit, aut facienda præcepit ipse Divinus Moses! Quasi Misnici & Gemaristæ, qui legem non nisi oralem jactitant, possint docere quænam fuerit mens Divini Legislatoris, aut antiqua Patrum sub V. T. a primis temporibus consuetudo. Credat Judæus Apella, non ego. Parum abest, quin dixerim istiusmodi Viros a Karæis esse condemnandos.

Quamquam in pejus periculum Ecclesiam conjiciunt, qui divâ Critice seu Philologiâ abusi, nihil non Mosaici instituti ex Gentilium, maximeque Ægyptiorum lacunis & moribus repetunt. Fuit quum Viri Eruditi Nationum ritus, ceu Imitamina quædam ex Mose derivarent, uti post Patres, Clementem & Eusebium videre est apud *Seldenum, Libro de Jure Naturali & Gentium*, cæterosque ejus vestigia secutos. Etenim vix dubium esse queat Philosophos, qui ad Ægyptios concessere, uti ipsorum sapientiam audirent (*Strabone* memorante de *Situ Orbis Lib. xvii.* ut Alexandriæ Plato in conductâ domo habitaverit) pariter cum Judæis, quorum diu ante Christum multus admodum ibi numerus erat, esse collocutos, atque adeo suam *sitim*, tam ex *ipsorum*, quam Ægyptiorum *fontibus restinxisse*, quod alibi dixit *Terullianus*.

Quamquam eò hæc trahi non debeant, ut nihil non inter Gentes sacri aut fabulosi ad Hebræos fontes referatur, quò vitio peccavit *Huëtius in Demonstratione Evangelica*, qui ubique Mosen vel Josuam invenit. At mutata sunt a quibusdam Philologis jam ab aliquo tempore studia. Nam Marshamus & Spencerus, Viri, qui sua Philologia ant antiquitatis peritiâ quam jactitabant, Eruditis imposuere, primò *Circumcisionem*, sacramentum licet fœderis gratuiti, i. e. *sigillum justitiæ fidei*, sic appellante *Paulo, in Epistolâ ad Rom. Cap. iv. 11.* deinde *Leges de Tabernaculo, Arca inter Cherubinos collocata, Altari,*

E N C O M I U M O P E R I S.

*Altari, Cornibus altaris, Veste lineâ Sacerdotum, Urim & Thummim, Naziræis, sacris Epulis, Festis, Primitiis, Decimis, Sacrificiis, cæteris, ab Ægyptiis, (damnata licet a Noacho gente) repetivêre. Nempe Deus cum videret Israëlitas a moribus Gentium abduci non posse, utile putavit Ægyptiacos ritus retinere, sordibus purgare, quo decora quodam modo cultui suo forent instituta, concessa magis duræ genti, cui aliquid dandum erant, quam præcepta, ne suo ingenio ad Nationum, maximeque Ægyptiorum, consuetudines delaberetur. Quasi non sit profanum sanctas Dei leges profanas suâ origine censere, & scribere, *Leges Evangelicæ sunt ἐκ γενεῶν τῆς ἀληθείας, mentis divinæ tantum soboles; at Leges Mosaicæ ἐκ γενεῶν ἑστῆς, temporis partus, & ad seculitatem præsentis ingenium accommodatæ.**

Satis autem apparet cujus ista sint styli, & incudis. Nempe Viri docti deseruêre Reformatæ fidei principia de statu Patrum sub V. T. uti de ingenio & scopo Legum Cetemonialium, quas non adeò ad Deum Servatorem, quam Creatorem retulerunt, ne haberentur divina fidei in Messiam exercitia, ceu illius typi, *σκιὰ καὶ εἰκὼν, Umbra & Pictura.* Utrique indignum foret istiusmodi Leges, quæ divino ex scopo augusto modo Christum promissum oculis quasi offerrent, ad gentiles fontes reducere.

Ut verò manifestum foret, quò ex principio ista profluxerint; Viri Docti ut firment commentum, non tantum ad Pontificios & Remonstrantes, *Tostatum, Petavium, Grotium, similesque*, sed etiam ad ipsos *Judæos* provocarunt. Nempe eò jam sunt delapsi Protestantes ut Pelagiana dogmata & Pontificia laudare debeant. Quin Judæos ἀπίστους, qui nequeunt ἀπεισῶν εἰς τὸ πᾶν intueri in scopum veteris Oeconomix, ac pro suâ cœcitate sæpius ipsam Legem rituum, ceu poenam *μοχολατείας* attendunt, uti apud *Kimchium* in *Psal. xl.* & *Abarbinetem* in *Jer. vii.* videre est. Quasi unquam istos in tanto negotio audire judices, sit honori Christianis! Parum abest, quin hic dictum Christi, *Matth. xv. 14.* repetam, *si cæcus cæcum duxerit, ambo eis βόθυνον παύονται:* Adeò sibi ca-
ven-

ENCOMIUM OPERIS.

vendum putent Philologi, ne istorum hominum stupidam ignorantiam imitentur, laudentque veluti sapientiam!

Par periculum ab illis metuendum, qui sua abusi Philologiâ corrumpunt Dei verba, magno fastu imponentes incautis, ne videantur fidei mysteria testari. Atque eò tendunt audaces conjecturæ, & Scepticæ, imo Socinianæ, commentationes; ut non frustra veritus sit olim Usserius (& quantus ille!) ne id genus Philologi plus aliquando mali inferrent Christianismo, quam Philosophi, uti refert in *Schol. sacrif.* Cloppenburgius. Et plura id genus expectamus hac ætate, quando nihil nisi criticum placet, nec refert an egrè fiat Theologis, qui solidis ad Scripturam interpretationibus rectæ fidei fundamenta adstruxerunt. Nempe qui hasce scripsêrent, sunt vulgus Theologorum, nimium controversiis intentum; longe sublimius sapiunt, qui ope divinæ Critices & antiquitatis peritia arcanos sensus inveniunt, quos hactenus vidit nemo. Ergo jubemur ab istorum arbitrio pendere, qui ultra tendunt, ut amissâ Hebræarum vocum significatione, nova Lexica cudantur, quorum ipsi, ceu literaturæ cujusvis callentissimi, forent artifices, majorem protervia in Scripturas criticos unguis injecturi, quam illi hactenus, qui antiquitatem punctorum negârunt, ut consonantium sensus a suo arbitrio suspenderent. Quin etiam eò pergere gestiunt isti, ut infinita Scripturæ loca, foliis antiquitus admodum confusis & male digestis, ceu perperam ab imperitis collocata, disponant alieno loco. Hac enim impietate prævit in Pontificiis Simonius, & secuturi mox alii, etiam in Belgio eadem audaciâ, nisi publica authoritate secum habitare jubeantur, ne facerrima Christianismi Religio ac fides maxime Reformata quid detrimenti capiat.

Verùm ad institutum revertamur, quod est Theologiam Elencticam commendare, saltem Auditoribus. Nimirum hoc studium postulant tempora, et nihil magis necessarium hodie est, quam ut acuatur in Sarmaticos Italosque ferrum. Sic accu-

E N C O M I U M O P E R I S.

accurata theologia & fidei puritas facta recta inter nos custodienda, detegendis mox illorum fraudibus, qui suaderent *incedere* veluti *per ignes, suppositos cineri doloſo*. Quin etiam ſic ſolida eruditio ſervabitur in Eccleſia Dei, notis fidei S. Sanctæ arcanis, & acute expoſitis aut deſenſis ex Scriptura, quæ in eo tota eſt, ut præter Oeconomias etiam Cauſas ſalutis exponat.

Neque tamen ſuadeo ſolis ſic Controverſiis incumbere, ut agatur præterea nihil, quam lites audire aut movere. Æquum eſt, ut addatur huic ſtudio Scripturarum proba intelligentia, atque Hiftoriarum Eccleſiaſticarum cognitio, ſine qua Elencticæ peritia quid moroſi & parum jucundi continebit. Sane illa diffundit mentem per ſæcula, & facit Eruditum *ἀμα πρὸς τὴν καὶ ἐπίσταντα ἰδεῖν*, quod utile eſt & amœnum Theologo, qui tantis gaudet latifundiis. Neque dantur hodierni errores, niſi ex antiquis fontibus deducti: unde illos conferre cum veterum hæreſibus imprimis eſt neceſſarium: imò etiam ſæpe cum Gentilium opinionibus. Exiſtis enim lacunis peſſima ſunt orta dogmata, uti conquæſti ſunt antiqui Patres. Sane Arianismus & Pelagianismus, ſummæ hæreſes, non niſi ex principiis Platoniciſ & Ariſtoteliciſ profluxerunt; illæque ſunt hodie omnium errorum quaſi fontes. Imò horum Paganizantium ſtudia imitati ſunt quidam Philologi, qui ipſum Moſen ſibi ſimilem fecêre, quaſi ex gentilitate ſua inſtituta repetiviſſet (quod iterùm obſervo) ſed peſſimo conatu, inſoſque Viris Doctis, qui interiora Oeconomix Moſaicæ cognoverant. Neque adeò ſequaces iſti habuêre, niſi ejuſdem farinæ mortales, aut Literatores, qui ſueti in antiquitates Gentium, Romanas aut Græcas inquirere, exiſtimarunt ſummæ id eſſe eruditionis, Ægyptiacam i.e. Chamiticam ſapientiam admirari, ex qua ipſe Moſes ſuas Leges deſumpſiſſet. Quin etiam fuit nonnullus, qui aſſerere non veritus eſt Moſis Coſmopœciam cum Gentium antiquitatibus eſſe contendendam, ut tandem cenſendus ſit locutus ad mentem vulgi Iſraëlitici, *λαοδογματικῶς*, non ex accurata rei veritate. Quin falſum erat mundum vi. diebus conditum eſſe, aut terram formatam exornatamque ante cœ-

E N C O M I U M O P E R I S.

li sidera, Solem & Lunam: quidquid ipse Deus in Lege IV. Decalogi dixerit se VI. diebus *Cælum, Terram, Mare, & omnia quæ in iis sunt* produxisse, ac quievisse septimo die. Quid? Aliud Systema, quam Mosaïcum, erat concipiendum, si veritatem quis amaret, imò Mosi constaret fides, quando de Diluvio universali differit. Aded in fideles fiunt Viri docti, quando semel statuerunt magis suo indulgere ingenio, quam divinæ Revelationi mentem subijcere!

Porro ad eruditam mentem in Elencticis plurimum spectat Historiam Ecclesiasticam, Conciliorum acta & antiquorum Patrum scripta nosse. Sane! prout inter Philosophos nullus verè doctus possit haberi, nisi qui historiam calleat Philosophicam aut Veterum scripta ac dissertationes; sic mihi non erit Theologus, qualem decet Eruditum esse, nisi historiam sæculorum evolverit; noverit hæresium authores, dolos, tempora; cognoscat Patrum antagonistarum disputationes, utique non aded ineptas, ut quibusdam persuasum, qui sibi sapiunt. Quasi antiquitus Orthodoxa veritas non recte intellecta, nec recte defensa fuisset! Quasi hæretici vel hanc ob causam habendi non forent *ἀναπολόγητοι*! Quibus consultum esset, si nolint, præ fastidio ingentium voluminum, opera Patrum pervolvere, lustrare, quæ diligentissimus *Forbesius* in *Instructionibus Theologicis* collegit, meritis prolixum *Vossii* testimonium; in quo affirmat, attendendum imprimis esse, non quid unus aut alter, sed omnino quid constanter docuerit Ecclesia Dei. Quantopere enim repugnat perspicuitati Scripturæ, si ita exarata credantur ut ab Apostolorum excessu, ne in præcipuis quidem fidei capitibus ipsi eas Ecclesiarum doctissimi ceperint Antistites? Quantum item adversatur bonitati Dei & amoris erga nos, si per tot sæcula ad intelligentiam scripturarum defuisse statuamus Spiritum Dei, viris licet pietate, & sanctissima præcellentibus, Ecclesiæque semper commendatissimis, atque eò melioribus, quo Apostolicis erant prioribus temporibus? Nec ignoro dicta hæc nostra parum de-

,, scen-

E N C O M I U M O P E R I S .

„ scendere in animos multorum , quia vident etiam ad anti-
 „ quitatem provocari in causa deploratissima. Qui cogitare
 „ debebant , nisi hospites forent in Veterum lectione non tam
 „ futilibus motum iri. Viderent enim bellos hosce pro-
 „ vocatores incaſſum jaſtare antiquos , præterquam apud ve-
 „ tuſtatis neſcios , qualibus ſe os facile ſublinere poſſe ſperant.

Bene hæc Voſſius , dum Patrum honori conſuleret , eaque repetimus nos , quando contemptum atque neglectum vide-
 mus doctæ Antiquitatis ſtudio , quin accuſatos a nonnullis Patres , quaſi tantum non Tritheitæ forent , Neſtoriumve male accuſatum , peſſime damnaſſent , homines in Concilio Ephesino furibundi & imperiti . Quod vituperium in illis , qui iſtam Synodum pari loco habent quo Tridentinam , non ferimus . Saltem iſtis ἀντιδιδακταις , qui fonte labra non proluerunt vetuſto , manuſcriptum debebat eſſe Theodoretum primum a partibus damnati Neſtorii ſtetiſſe , ejuſque cauſam impugnatis Cyrilli vel Concilii Ephesini Anathematismiſ ſuſcepiſſe , defendiſſe , at convictum reſipuiſſe palam . Unde mihi conſtat , miſerum Neſtorium nunquam mala fide accuſatum ; ſed hominem ſuperbum , antiquitatis imperitum , περιεμολόγον magis , quam Theologum , ſummo jure , productis ipſius ſcriptis , quæ adhuc apud Cyrillum haberi ſciant imperiti , condemnatum . Interea qui Neſtorium excuſatum tantopere volunt , videant ne ipſos Ephesinos Patres accuſent idololatrici erroris erga θεοτόκον , forte non credentes , quod hætenus docuit & profeſſa eſt *de Perſonâ Chriſti* vel Incarnatione Orthodoxa Eccleſia .

At tempus eſt contrahendi vela . Repeto ergo Magni Turretini , quas ante memoravi , laudes , atque hujus operis Encomia , quod omnibus Auditoribus præprimis commendatum eſſe velim , cum in hoc genere ſtudiorum nihil melius vel utilius cognoſcam : ſic enim autumare æquum eſt . Quæ porro Viri Eximii præconia ſpectant , executus eſt digniſſimus ejus Succellor , ac Nepos Benedictus Pictetus , qui Laudatione Funebris ipſius vitam & mortem deſcripſit . Atque aded ſufficeret Oratorem , non ex affectu , ſed conſcientia

E N C O M I U M O P E R I S.

dicentem audire. Sunt tamen nonnulla, quæ addere debui, quum amicas Viri defuncti literas repeterem. Nimirum in istis sæpius intimo dolore conquestus est de intestinis Ecclesiæ dissidiis, id maximopere exoptans, ut communi animo hostes oppugnantur, a quibus tanta esset afflictio & periculum. Sic enim scribebat, A. 1683. 12. Mart. *Ex novissimis meis colligere potuisti, quantum me sacra afficiant dissidia. In eo statu religio nunc ferme versatur ubique, ut de omnibus aliis cogitandum sit, quam de lacerando Ecclesiæ corpore, ut junctis viribus animisque opus Domini ἐπιπορευµαδὲν promoveatur, & hostis communis molimina repellantur, qui nihil intentatum relinquit, ut si-ve vi si-ve dolo bona causa obruatur, & greges Domini pereant. Atque hinc dilabitur Vir Pientissimus, ut Ecclesiæ Gallicanæ miseriam, quæ jam inceperat, intimo affectus mœrore describeret. Non dubito, inquit, quin vobis probe sit perspectum, quid in Gallia quotidie geratur & quanta sint fratrum calamitates, quibus nisi Deus veluti δὲν µηχανὴς succurrat, valde metuimus, ne tandem illis succumbere sit necessum. Non possumus non obstupescere ad multorum Principum & Rerumpublicarum protestantium ἀναφοραίαν, qui tristissimum illum statum securè & tacite respiciunt, nec quicquam hætenus, quod sciamus, tentarunt, ut intercessione saltem aliquâ mitigetur Regis animus, & editorum crudelitas reprimatur. Nescio an arētissima illa sanctorum communio, quam profitemur, hæc pati queat. Credo equidem sapientissimam Dei providentiam hæc ita dispensare, ut clarius constet non brachio carnis Ecclesiam sustentari, sed solâ Dei virtute, nec consiliis humanis opus Dei perfici, sed solo ejus spiritu, ut ipse solus tutor & vindex Ecclesiæ suæ agnoscatur, illique soli gloria liberationis & conservationis reddatur. Interim valde metuo, ne negligentiam istam & teporem Deus severè ulciscatur, si contritio Jacobi non magis sit nobis cordi. Nostrum est, qui stamus in specula non negligere, quod est officii nostri, ut vigilemus semper, & stantes in irruptione, iram Domini, in populum suum accensam ardentissimis precibus & seria pœnitentia avertere satagamus; quin imò populum Chri-*
stianum

E N C O M I U M O P E R I S.

stianum Magistratusque amplissimos ad hoc excitemus ut fratrum calamitatibus magis magisque compatiantur, eosque tum precibus suis, tum aliis omnibus, quæ ab ipsorum pietate & bonitate proficisci queant officiis, solari & juvare non desinant. In eo nos hic laboramus pro virili, qui minimi sumus in millibus Judæ.

Sic tum Vir Sanctus, & Prudentissimus. Et verò cum deinde mala accrescerent, pluribus exulibus Genevam confluentibus, hæc Ille iterum ad me sequentibus Annis. Concatenata negotia, quæ me a pluribus mensibus hoc tempore obstrictum tenent, præsertim ob fratres exules, huc quotidie appellentes, necessitatem mihi imponunt a justissimis officiis abstinere, quin de aliis negotiis cogitare vix sinunt, melioremque temporis partem subducunt. Et mæstissima Ecclesiarum Gallicarum facies ac tristissimus status ita animum meum sauciat, angitque, ut de tantâ calamitate sine suspiriis & lacrymis cogitare nec loqui possim. Eoque magis quòd nulla videatur affulgere undiquaque restorationis & liberationis spes: imò omnia ultimum excidium & πανοληρία portendere videantur, nisi Deus misertus afflictissimi populi sui ὁ πρὸς μὴχανῆς, laboranti & sub onere tantum non fatiscenti succurrat. Sperabam Principes & Status Evangelicos ad florentissimarum Ecclesiarum casum oculos aperturos, & de aliquo remedio tantis malis quærendo sedulo deliberaturos, ut suam non modò συνπαθῆσαν fratribus afflictis testarentur; sed & sibi ipsis ac suæ salutis prospicerent, cum certum sit ipsorum etiam rem agi, si quidem consilia Adversariorum ad commune Religionis excidium tendunt: verum ita sunt apud eos omnia perturbata & divisa, ut nihil præsidii inde expectari queat, maxime post mutationem in Angliâ factam, quæ variorum motuum poterit esse causa, licet hætenus omnia videantur esse tranquilla. Sed hæc & alia id genus, quæ pias mentes cruciant, committenda sunt sapientissimi & optimi summi Numinis providentiæ, quæ ἐκ τῶν ἀδουήτων πηγῶν invenire solet & ex tenebris densissimis lucem educere novit. Nec nos hic, licet hætenus in exiguo portu aliorum labores satis tranquille spectaverimus, otia diuturna nobis polli-

E N C O M I U M O P E R I S.

eri non possumus ; imò tempestatem jam jam imminentem videmus & persentiscimus , non modò in fratribus Tractùs Gesfienfis , in vicinìa nostrà , quorum duo reliqua templa paucis abhinc diebus Intendens dirui jussit , ut iter bidui , imò tridui facere cogantur ad audiendam concionem , & S. Synaxin celebrandam , additò severò interdictò , ne ad nos hac de causà accedant : sed nec nos ipsi immunes sumus ab omni periculo , cum idem præfectus Regius in pago uno vel altero ditionis nostræ templa etiam claudere voluerit , & reipsa clauferit , non obstantibus appellationibus nostris , sub prætextu , quod aliquod jus Regi competat in istiusmodi locis , quæ sunt Juris mixti ; licet antea non semel id ab Episcopo vicino frustra tentatum fuisset. Sed quia hoc tempore omnia illis facilia videntur , ideò litem hinc renovare voluit ; cujus exitum non sine causa metuemus ne pejora etiam succedant.

Sic Vir Optimus , cum lugeret afflictissima Ecclesiæ fata , & prævideret pejora , tanto cum mœrore , ut inde affligeretur valetudo. Addebat autem aliis literis. Non dubito quin afflictissimus Ecclesiæ Gallicæ status sit tibi perspectus , atque cum piis omnibus casum illius defleas amarè. Me sane ita perpetuo angit , ut sine lacrymis & gemitibus de eo cogitare non possim. Nec sine stupore Principum & Statuum Evangelicorum ἀναισθησίαν intueri queo , quos πικρὰ δαυλίαι vel δαυλείαι ita occupat , ut ne verbum quidem in gratiam fratrum pereuntiam dicere audeant. Sed hic altius assurgendum est , & Dei manus respicienda , qui ingratitude & impœnitentiam nostram hoc pacto vult severius castigare , ut repurgati a sordibus nostris , & excusso securitatis carnalis veterno , ad percutientem seriò nos convertamus , & de emendandis viis nostris corruptis sedulò cogitemus. Hac spe freti , Deum , qui dejicit , suo tempore erecturum , nec passurum portas inferorum adversus Ecclesiam prævalere. Velle quidem eum habenas quandoque laxare Diabolo & mundo , ut ad incitas eam redigant , & mulierem cogant in desertum aufugere , sed nolle tamen ad internecionem deleri , nec unquam permissurum Draconi , ut ipsam τῷ μοφώρῳ πικρῇ. Hæc fiducia

E N C O M I U M O P E R I S.

nos erigere debet adversus ingruentes undique calamitates, ut in specula stantes expectemus liberationem Domini, eamque votis & suspiriis nostris acceleremus. Sic oculis motus Angliæ novissimos intueri nos decet, Deumque toto pectore orare, ut miseretur magni illius populi, nec patiatur idolum denuò erigi in illo regno, sed puriorem Religionem magis magisque confirmare dignetur adversus quævis Antichristi molimina. Ita orare debemus pro invicem precibus nostris, ut sub umbra alarum Divinarum latentes, experiamur semper beatum esse populum, cujus Jehova Deus est.

Sic Vir Eximius de statu Ecclesiæ Anglicanæ quotidie in pejus ruente sollicitus admodum. Nec ipsi contigit videre suarum supplicationum fructus, i. e. beatam liberationem, quæ incepit A. LXXXVIII. Etenim superiore LXXXVII. mortuus est & obdormivit in Domino, certus Deum suæ Ecclesiæ non defuturum, quando ipse persentisceret in corde Ecclesiæ triumphantis gaudia.

Tu interim Lector ex hisce Beati Turretini, dum in terris peregrinaretur, ingenium, intimamque pietatem, tot sollicitis precibus & votis pro Ecclesiæ salute demonstratam, conspicias & mediteris ceu exemplum. Ac possem plurima id genus alia ex continuatis ad me literis proferre, nisi ex repetitis satis appareret, quam piam sanctamque animam in pectore gereret. Scilicet in Doctissimorum Virorum literis quasi ipsorum genius conspicitur, hinc edendis sæpe in publicum, si vel in illis egregii nihil aut eruditi inveniatur: quidni hæc, quæ descripsi, exhibuerim, quando vivam Turretini Imaginem menti offerunt, & coram videndam repræsentant? Et quanta est virtus in Theologis masculam adeò pietatem & eruditionem jungi? Sic sane juvat vim veritatis sanctissimæ experiri, ut ipse animus summo quasi argumento, id est Sp. S. testimonio, certus sit non vanam esse fidem, quæ Evangelio adhibetur!

Denique id colligo ex Illustri Viri ad me literis, quod uno alterove anno ante mortem, etiam cum tertiam Elencticæ partem conscriberet, cum *infirmam admodum valetudinem* lucta-

E N C O M I U M O P E R I S.

ius sit. Hanc enim ex morbo satis gravi & tenaci, crebris laboribus, mœstoque dolore ob Ecclesiæ misérias, contraxerat. Ut verum fuerit, paulatim Turretino defecisse vires, ad beatam sic vitam & quietem præparando. Ita enim placuit D.O.M. cujus non insolens est hæc circa Eruditos, quorum præ aliis operâ vult uti in suo Regno, providentia. Neque corpusculum, quod gerunt, satis valet ad ferendos labores, quibus occupatur ipsorum nunquam non meditabunda & cogitans de feriis anima. Imò verò mentis abstractiones, quibus delectantur, non permittunt in membra spirituum vitalium influxus, unde vegetæ vires & robusta valetudo. Nempe vita eorum veluti meditatio mortis est, plus quam Pythagorico sensu (quo suadebatur mentem a corpore ad philosophandum revocare) id est Christiano, quò fit, ut aliquando sint quasi ἐν πένθει, & divina meditantes desiderent πρὸς τὸν κύριον ἐνδημῆσαι, dum jam habent suum πολιτῆμα in cœlis. Neque desistunt sæpe moniti, quum Dei opus sit ipsorum cibus & potus, regerantque, *quid ergò! vultis me otiosum a Domino deprehendi?* Sic sane Turretinus, hisce verbis & exemplo Calvinum secutus, qui laboribus defectus tantum Annos LV. natus occubuit in eadem Genevensi Academia & Ecclesia, uti venerabilis Beza retulit.

Nunc manum de tabula, nisi unum esset, de quo Te Lector, monerem. Etenim ne credas, velim, Compendium Elencticae Turretinianæ, editum ante aliquot annos in Helvetiâ, industria & judicio D. *Leonardi Rysseni* prodiisse in lucem. Sane cum hic nuper Ultrajecti quidam Bibliopola illud recudere statuisset; ego dubitabundus, (quando primùm in Helvetia excusum esset) an rectè Clar. Doctoris nomen præferret, de eò Virum Literis monendum censi. Is verò respondit *se mirari tale compendium suo sub nomine vulgatum esse per orbem; imò hæcenus istud non vidisse; deliberaturum tamen, quid in posterum ipse facturus esset.* Cur verò id non sciant Eruditi, ne furtivo colore volet per orbem avicula? Quamquam posset Academicæ Juventuti esse non inutilis

lis

E N C O M I U M O P E R I S.

lis liber. At cur suum non præfixit nomen Editor, si Clarissimum Rijssenium non dedeceat? Interim utatur is qui velit. Optimè tamen fecerit, qui totum Turrettini opus pervolvat: *juvat integros accedere fontes*. Non ego valde amo compendia. Sunt illa meo iudicio sæpe dispendia, cum cedant in detrimentum Eruditionis, nutrimenta potius pigritiæ, quam sapientiæ. Satis minuta sunt ingenia hominum: diffundenda magis sunt, quando tam ampla studii Theologici dantur latifundia, ut imitentur, quantum licet, Salomonis sapientiam, cui dicitur data a Deo *חכמה הרבה כאר ורחב לב multa sapientia & latum cor* 1 Reg. 1v. 29. Non comprimenda sunt aut artioribus compendiorum vinculis constringenda. Quin si quærenda sint illa, sibi faciat studiosa Juventus, expertura vires, iudicium, calamusque, ubi ex uberrima segete quædam seliget & colliget, quæ optima videbuntur aut præprimis necessaria. Si quis ad hæc ineptus sit, haud dignus est, qui tractet Theologica, vel aliquando dicatur Theologus. Imò verò hinc Eruditorum tanta est hodie penuries, quod lectione multijuga non subigantur satis aut exerceantur Juniorum mentes, atque ex quibusvis floribus, ut apes sua non legant mella, quæ domi in cellulas reponant: sed levi satis defunctæ labore, mox putent se meditatione privata, forte in pigris lectulis, aut in plateis, ad eruditionis culmen perrecturas, quin etiam superaturas Patrum sapientiam, quibus diuturno studio omnis doctrinæ fons suppetebat. Unde fit, ut minuta acquiratur eruditio, nec ingenia excolantur, quæ norint, ut distent falsa veris, solida incertis, atque æra lupinis. Quid, quod levia hæc studia amet puerilis animus; multo magis, quando unus forte aut alter Scriptor commendatur, quasi ad eruditionem sufficeret. Quod genus hominum, si quodam dein acumine polleat, invenies *αὐτοδίδακτον*, errori, antequam sciat, implicitum, *αὐτογινώσκων* tamen, nec demovendum a male conceptis, aut falso creditis opinionibus. Hi si quid scribant, magis videntur sapere, quam esse eruditi, neque Patrum masculam eruditionem assequuntur, imitati hac ætate Pictores, qui vivis colo-

§ § § § §

ribus

ENCOMIUM OPERIS.

ribus fallunt incautos, dum Veterum imagines, artemque,
qua pinxerunt æternitati, nequeunt imitari. Verùm Posteritas istorum

---- pallere ligustra

Expirare rosas, decrescere lilia cernat,
ubi Patrum scripta videbit ceu arbores, consitas ut sæculis pro-
sint, vel uti palmas, annosasque quercus florere.

Atqui talibus accensebuntur Opera Turretini, qui Veterum
pressit vestigia. Tu, Lector, utere & videbis te qualibet ex
pagina eruditorem. Interim precare & vove mecum, ut hæc
fidei puritas, quam hic mascule defensam habes, in Ecclesia
Dei nequicquam repugnantibus Inferorum portis, facta tecta
permaneant ad usque consummationem sæculorum, quando de
omni peccato, errore & hoste æternus celebrabitur triumphus.

Tuus ad omnia Officia,

Dabam Ultraj.
2 Novemb. 1695.

M. LEYDECKER,

S. S. Th. D. & Prof.

BENE-



20

BENEDICTA MEMORIA
FRANCISCI TURRETTINI
THEOLOGI GENEVENSIS

Oratione parentali celebrata

A

BENEDICTO PICTETO

Pastore & S. S. Theol. Professore in alma Genevensi Academia

Die III. Novemb. A. M. DC. LXXXVII.

*Amplissimi Proceres, Reipublicæ nostræ lumina ac columnina.
Magnifice hujus Athenæi Rector. Venerandi & Celeberrimi
Pastores ac Professores, Genevensis Ecclesiæ & Academiæ
splendida decora. Nobilissimi, Generosissimi, Præstantissimi-
que Omnium Ordinum Hospites. Vósque Sacri Deo Nazirai,
Prophetarum filii dilectissimi.*



ERBA defunt rebus immensis. Vis magna
vocem emittit; Major tenet. Curæ leves
loquuntur, Ingentes stupent. Non sese con-
festim ostentat intensus dolor; sed vi sua
verbis obluçantibus viam intercludit. Post
publici parentis interitum gelidus cuique
præ animi consternatione hebet sanguis, sic-
ut amisso Patrefamilias vastum tota domo silentium, &
SSSSS 2 elinguis

elinguis lachrymarum imber, aut turbidi, & confusi quidam ejulatus. Hactenus tacuit Athenæum nostrum, & horrore sacri silentii luctum obsignavit. Dolor infandus repressit ora, & tristitia negavit verba. Verùm diutiùs vox nostra supprimi nequit, nec valet amplius animus tacitum sub pectore nutrire vulnus. Majora cruciant quàm ut moras possim pati; flammæ medullas & cor exurunt meum. Lachrymas lachrymis miscere juvat, & verbis obductum dolorem vulgare. At quid eloquar? Unde dicendi exordium? *Grandes*, ut cum Hieronymo loquar, *materias ingenia parva non sustinent*, & in ipso conatu *ultra vires ausa succumbunt*, *quantòque majus fuerit quod dicendum est, tantò magis obruitur, qui magnitudinem rei explicare verbis non potest*. Mens stupet, manus tremit, lingua balbutit, & quoties nitor in verba prorumpere, toties implentur oculi, & renovato dolore totus sum in funere. *Turretinus* noster fuit, Eheu!

Quis talia fando

Temperet à lachrymis?

VERUM si quædam mœroris solatia essedixerunt nonnulli, de mortuorum ortu, supremòque fati die verba facere, hanc qualemunque gravissimo dolori quæramus medelam, ac quandoquidem nobis, licèt balbutientibus, Tanti Viri locus venit occupandus, sit ille nostræ primæ post ferias prælectionis argumentum; Etenim bene ac sapienter instituerunt Veteres, ut hominum illustrium, qui rebus gestis, aut studiorum præstantiâ inclaruissent, ne funera quidem tacita ducerentur; Sed hæc quoque laudantium exequialis honos prosequeretur. Ipsis Indis alio Sole calentibus viguit consuetudo, ut mortuorum Vitam morèsque pro foribus domus ipse describeret Magistratus; & Quis XII. Tabularum Legis sancitum, cujus meminit Tullius, ac Græcorum *ἱάλεμον* ignorat; Barbarici quippe operis Mausolæa, Phrygios lapides, saxo aut ære structa monumenta tabida atque invidiosa consumit vetustas; at durat exempta fortunæ merita laus & prædicatio virtutum.

Quòd si moris erat, teste Stridonensi, *Ut supra cadavera paren-*

O R A T I O.

parentum in concione pro rostris laudes liberi dicerent, & instar lugubrium carminum ad fletus, & gemitus audientium pectora concitarent. Quidni hodierna die idem officium præstarem desideratissimo Avunculo, imò Venerando Patri, quod olim *Cæsario* aliisque præstitit *Nazianzenus*, & *Hieronymus Nepotiano*, atque hoc seculo apud nos *Jovianus Beza* Consultissimus *Lectionius*, Clarissimus *Fayus*, Doctissimus *Laurentius*, & Venerabili *Goulartio* Celeberrimus *Tronchinus*.

Eant alii in laudes Magnatum fato functorum, atque meris mœroris imitamentis, aut fallaci Encomiorum jactatione blandiantur, dum hæc justa *Mystræ* meritissimo, ac dulcissimæ mihi æternum memoriæ Doctori persolvam.

Favete, *Amplissimi Proceres*, Quem vivum ac spirantem tanto cum applausu audistis, audite etiam defunctum.

Favete, *Ecclesiæ & Academiæ*, cujus pars non parva fuit, radiantia sydera.

Favete omnes, quos hic funestat dolor, nec à me inanem verborum apparatus expectetis. Lugubri argumento non conveniunt vernantes Oratorum flores; in hoc imprimis justissimo luctu, ubi publica velut orbitas se omnium oculis ingerit. Date igitur veniam, & mihi parcite ad dolendum, quàm ad orandum paratiori.

QUAMVIS, juxta *Senecæ* effatum, non faciat nobilem atrium plenum fumosis imaginibus, quia nemo in nostram gloriam vixit, nec quod ante nos fuit, nostrum est. Si tamen familiæ dignitas quicquam facit ad justam excelsis mentibus conciliandam venerationem, De Nobili stirpe gloriari potuisse nostrum *Turretinum* illis omnibus notum est, qui in perverusta *Lucensi* Republica ejus Majores primas sedes tenuisse norunt.

PRIMUS, qui nostras Oras appulit, & *Genevæ* pedem fixit, vocabatur *Franciscus Turretinus* nostri defuncti avus p. m., qui ante seculum relictis omnibus patriæ dulcissimæ commodis, sancto veram Religionem profitendi & optatissimæ lucis *Evangelicæ* usurâ gaudendi zelo impulsus, post varios

casus hūc tandem concessit. Antverpiæ per aliquot vixerat annos, ubi Nobilissimi Marnixii Santaldegondani familiaritate utebatur. At ex illa Urbe à Duce Parmensi obsessâ exire coactus, non sine magno vitæ discrimine, cū primū Genevam, dein Tigurum tanquam in asylum, & velut quoddam humanitatis pluribus locis proscriptæ lararium se recepisset, ibique totum transegisset quinquennium, rursus Genevam nostram exosculatus est, nec eam reliquit dum vita mansit superstes. Vir erat, si quis unquam, integer vitæ, scelerisque purus, fraudis expers, tenax promissi, fidemque indocilis temerare pactam; sinceræ pietatis amans, qui non divitias, ut verbis Claudiani utar, nigrantibus abdebat antris, nec tenebris damna-
bat opes, sed imbre largior egenos sublevare lætabatur, & ita sibi gloriam post fata superstitem ad suos nepotes servavit, orbe vivaciorem, nec senectæ æruginosæ dentibus obnoxiam. De illo dicere par est quod sacer Vates Psal. 112. *Dispersit, dedit pauperibus, justitia ejus manet in seculum.*

Ex illo natus est *Benedictus Turretinus* nostri ἡγεμονίατῆς parens, Genevæ quondam amor ac decus grande, hujus Ecclesiæ & Academiæ splendidissimum jubar, μεγάλη σάλπιγξ, καὶ ὁ θεμὸς τῆς ἀληθείας προπάτης; cui haud dubiè Gregorii Nazianzeni Athanasium laudare aggredientis aptari vox illa posset, Ἀθανάσιον ἐπαινῶν δεῖσθαι ἐπαινέσμεναι;

*Cujus inexhaustum fecundi pectoris uber,
Doctrinæ pollentis opes, mirandæque mentis
Lumina doctorum mirata est turba Virorum,
Et quæ perpetuis sacravit pignora chartis.*

Imprimis doctissimum illud Opus adversus *Petrum Cotonum*, veteranum illum Jesuitam, qui Bibliorum nostrorum Versi-
onem adortus fuerat, ac de Genevæ conservatione non Dodo-
næam quercum, sed atrum Ditis tripodem excusserat, & ab Energumena, ut refert Thuanus, digna Theologo curio-
sitate fuerat sciscitatus; quo tempore Calvinii hæresis extin-
gueretur, atque alia quæ observante celeberrimo Historico
aliunde

O R A T I O.

aliunde (à patre mendacii scilicet) cognoscere spes non erat. De illo hoste miros *Benedictus* noster egit triumphos, & spolia ampla retulit.

*Non suspendenda Quirino
Dona Patri.*

Anno M. DC. XX. Alezianæ Synodo interfuerat, cujus Præses erat *Petrus Molinaus*, de quo præstat tacere, quàm pauca dicere, siquidem Gallia, Germania, Britannia, Helvetia, Batavia, Europa tota, totus orbis Christianus novit quantus fuerit. In hac Synodo omnium amorem, & admirationem meruit Magnus *Turretinus*; Ne enim credas solius Theologiæ arcana scrutatum fuisse, vix dici poterat, (quod de nonnullis observat Hieronymus) quid plus in illo admirarentur docti, Eruditionem seculi, an scientiam Scripturarum, qua laude inclaruerunt Tertullianus, Arnobius, Victorinus, Ambrosius, Boëtius, Cassiodorus, Calvinus, Beza, Danæus, Junius. Vir erat cujus omnes laudabant fœlicem authoritatem, eruditam pietatem, salutarem eloquentiam, animum ad utramque fortunam infractum, simplicem illam, & à Christo laudatam prudentiam, sanctam tolerantiam, pacis ubique fœciendæ studium, cœlo dignam sanctimoniam, integritatem, effusam in omnes benignitatem, quas singulas virtutes in Leone X frustra aliquando sperasse Erasmum, cuivis, ut reor, notum est.

Longævitate dignus videbatur, qui immortale nomen sibi pepererat; At ferè terris nostris tantùm ostenderunt fata. Vix septimam annorum hebdomadam ingressus, durissimâ correptus febre, immaturâ morte ereptus est, & velut à visceribus patriæ avulsus. Vivas tamen & expressas sui imagines reliquit; Duxerat uxorem lectissimam & nobilissimam virginem omni sexus laude præditam ex illustri *Michaeliorum* prosapiâ oriundam anno 1616. Ex illâ (præter natas, quas adhuc in vivis esse gratias agimus Deo quantas possumus maximas, & de quibus hoc unum dicere sufficit, utroque parente non esse indignas) plures habuit natos, quorum duo etiamnum hodie superstites, Viri integritate, pietate, candore, multiplici rerum usu,

usu, nec vulgari cognitione conspicui. Medium inter eos tenebat desideratissimus Noster *Franciscus*. Dies illi natalis fuit 17. Octobris anni M. DC. XXIII., qui emortalis fuerat *Philippo Mornæo Plessæo*, & *Paulo Veneto* Ordinis Servitarum, Viris Majorum imaginibus, & suâ virtute ac eruditione inclytis, metas ingenii & laudis egressis; Nimirum sicut inter Astra aliis horizontem nostrum subeuntibus, alia in adverso hemisphærio emergunt. Eodem anno Gregorius XV. Pontifex extremo sua fata die clausit, & *Franciscus Contarenus* in locum *Antonii Prioli Venetiarum* Principis subrogatus est. Eodem, Synodus Carentonensis habita, & Ecclesia Genevensis cœpit in Eucharistia fermentato uti pane, juxta veterum Christianorum praxim.

ORIENTIS Solis jubar admiramur, & de culmo segeteque futuram conjicimus messem. Ab ineunte ætate noster *Turretinus* ingenii sui edidit specimina, unde facile erat augurium ab his carceribus eum ad summa quæque perventurum. Suo confirmabat exemplo sententiam Scriptoris sapientissimi Probi Imperatoris indolem primam extollentis. *Nemo, inquit, unquam ad virtutem pervenit jam maturus, nisi qui puer virtutum seminario generosiore concretus aliquid inclytum designavit.* Hos ingenii igniculos, & hæc virtutum seminaria pro suâ sagacitate apprimè percepit Venerandus Nostri *Francisci* parens; Cùm enim morti proximus esset, & ferè jam supremo erraret in ore spiritus, ac ejus lecto dilectus noster admotus fuisset, de eo sanctum illum Virum, dicamne Vatem, seriori rogo dignum, hæc verba protulisse nobis relatum; *Hic sigillo Dei obsignatus est.* Ita *Athanasius* à teneris *Alexandrino* Episcopo suspicandi dedit locum fore aliquando insignem gregis *Dominici* Pastorem, & in *Basilii* magni ætate prima, florentis ingenii, sanctæque pietatis ignes ita emicuisse legimus, ut Sacerdotem inter Christianos diu ante sacerdotium fuisse dixerit non nemo.

PERACTIS aliquot pueritiæ annis, & primis literarum spatiis, quæ fastidiosâ oratione prosequi non est animus, scholastico

O R A T I O.

lastico pulvere foeliciter excusso, publicarum lectionum auditor, & Philosophicarum artium ἀσκητής factus est: Quâ erat ingenii foelicitate, eos tunc fecisse progressus, qui prolixam messem spondebant, ab illis accepimus, qui cum eo vacabant studiis, & quos adhuc vivere nostræ Ecclesiæ gratulamur, inter quos eminet Venerandus *Carolus à Furno*, vigilantissimus ac meritissimus Ecclesiastes, canorum reverentiâ, pectoris candore, laborum patientiâ, nec vulgari eruditione insignis, quem diserto ore nec senescente facundia concionantem, ac pulpita nostra pulsanter miramur. Nullam partem literarum noster μακρείτης intactam aut inexpertam relinquebat, sed curiosâ indagatione omnia rimabatur, & manibus libros, adolescens veteranis evolvebat; sic ambitu fervido suprema laudum surgebat ad cacumina, longè suorum vota vi mentis superans, & factis probans velociores esse mentis vias, quàm qui citato volvitur dies gradu.

E M E N S O foeliciter Philosophico studio, Theologiæ se totum mancipavit. Summos Viros, & toto orbe celebratissimos habuit præceptores; *Jobannem Deodatum* magnum illum Theologum, qui in Synodo Dordrechtanâ, quâ nulla fuit à multis retrò seculis celebrior, tot habuit suæ eruditionis ac subacti iudicii, & excelsi ingenii testes & tubas, quot auditores, ac in Conventu Salmuriensi animos nimium effervescentes ita tranquillavit, ut Regina Galliarum ipsi suo nomine gratias agi non semel voluerit; Cujus amicitiam Principes viri, ac purpurati suo verendi murice exoptarunt, & opus in sacrum Codicem monumentum est ære perennius. *Theodorum Tronchinum*, qui etiam inter Dordracenos Patres tantam de se existimationem excitavit, ut summi Theologi nomen meruerit, & cujus laus non infima est fortissimo *Robano* placuisse; Veritatis assertorem acerrimum, qui adversus Cotonum calamum vividè strinxit; Senem beatum, quem ad ultimam canitiem rara foelicitate videre lætata est *Geneva* ordinis nostri decus illustre, & sacræ pharum juvenæ, quemque renascentem venerati sumus & veneramur in Reverendo nostro *Tronchino* hujus Athenæi splendidissimo

§ § § § §

sydere.

O R A T I O.

fydere. *Fridericum Spanhemium* famigeratissimum illum Doctorem, quem revereri non desinet sacrata Doctorum turba,

Dum lumina Titan

Exseret ac stellarum ignes volventur Olympo.

Μουσέων μέγα κῆδος; Europæ παῦμα ἢ κλέος φίλον ὀφειδέας; Cujus immaturum obitum Reformatus adhuc defleret orbis, nisi duos post se reliquisset natos *Ezechielem & Fridericum*, Quantos Viros! Proh Deum immortalem! duo totius Reipublicæ literariæ lumina, seculi miracula, nostri temporis Phœnices, quos nulla annorum series poterit

Deturbare gradu, memorique expungere seculo.

Alexandrum Morum, disertissimum illum virum, cujus os facundum Pylum senem vincere potuisset, & immites ferarum animos lenire; qui ita nostrum *Turretinum* exosculabatur, ut cum sub ejus præsidio anno hujus seculi XLIV. Theses de *Necessariâ Dei Gratiâ* propugnandas suscepisset, (ut sub eo, anno XL. de *Fælicitate Morali & Politica* defenderat) in ejus gratiam versus condere haud gravatus fuerit. Sub tantis Viris quantum profecerit, judicet orbis, non pronuntio. Hoc unum memorasse juvabit, quodd scilicet ea facilitate discenda disceret, ut probabilem effecerit quorundam Philosophorum amabilem insaniam, nihil aliud esse discere quàm recordari; sic raro cœli favore, quasi per ludum & aliud agendo plus proficiebat, quàm alii improbo ac pertinaci labore, & ita magnam eruditionis penum sibi comparavit.

Cùm per aliquot annos studiis acriter incubuisset in Academia patriâ, alias toto orbe celebres lustrandi cupido incessit, & luculento testimonio discedentem comitantur Venerandi nostri Synedrii Patres. Statim se Lugdunum Batavorum contulit, quæ urbs tunc erat, & etiamnum est Musarum domus, officina Palladis, Sophiæ palæstra, dulcis artium parens, læta virtutum seges, & ferax frugis bonæ seminarium. In hac Scientiarum, Doctorumque sede non privatam tantum Theologorum commendationem meruit, verum & totam Academiam suæ eruditionis testem habuit; sub celeberrimo enim Spanhemio, de *Verbo Dei scripto* publicas Theses in solenni panægyri defendit.

dit. Omnes Viros in Belgio rarâ eruditione suspiciendos, eloquentiâ & vitæ sanctimoniâ claros sectabatur, Venerandum *Polyandrum*, πῶν πάντων *Andream Rivetum*, incomparabilem *Salmasium*, θαυμάσιον *Heinsium*, Clarissimum *Triglandium*. Celeberrimum *Voetium*, Doctissimum *Hoornebekium*, eruditissimum *Holtonem*, πολύγλωττον *Golium*, facundissimum *Æmilium*, aliósque Viros dicâmnē heroas ἐν τῇ τ' ἀνδρωπίνῃ καὶ θεῖα σοφίᾳ πεντάθλῳ, collabentium literarum instauratores, eruditionis principes. Illorum publicis privatisque pasci auebat sermonibus, & contubernium omne eruditionis virtutisque expers solitudinem appellitabat. Ultrajecti non sine stupore vidit Virginum doctissimam, decimam Musarum, ultimum in hoc sexu naturæ conatum, *Annam Mariam à Schurman*, nec satis laudibus efferre poterat ejus vastum ingenium, omniumquererum capax, ac imprimis pietatem quâ si non superabat, saltem æquabat *Letas*, *Eustochias*, *Furias*, *Paulas*, *Priscillas*, *Tellas*, quarum incredibilis vitæ sanctitas multijugâ eruditione decoratâ, Christiani nominis antistites præcones meruit.

Cùm ita Belgium perlustrasset, congressus cum his, quos vel eruditio vel integritas morum reddiderat insignes, & undique nonnihil decerpens, quod ad Christianum institutum facere videbatur, anno xlv. tendit in Galliam quæ semper eminuit claritudine Præceptorum, ut agnoverunt Impp. ipsi *Valens*, *Gratianus*, & *Valentinianus*, nec unquam fortissimis viris & eloquentissimis caruit, ut testatur Hieronymus, qui Galliarum studia florentissima vocabat. Primum Lutetiam apulit, Europæ quasi metropolim, quam Franciscus I. inter Provincias Galliarum numerabat, & quam Academiarum matrem vocare solebat Lipsius. In hac florentissima Urbe degebant Viri omni laude majores, rei literariæ antistites, ingenii miracula, eruditionis portenta, *Michaël Falcarius*, *Johannes Mestrezatus*, *Carolus Drelincurtius*, *Johannes Dallæus*, *Edmundus Albertinus*, *David Biondellus*, quorum ingentia merita

Non ventura silebunt.

Lustra, nec ignota rapiet sub nube vetustas.

§§§§§§

Com-

O R A T I O.

Commorabatur noster *Turrettinus* in ædibus Magni *Dallei*, quod nomen quoties profero, cernere mihi videor assurgentem totam Doctorum catervam. Illius summi Viri amorem, ut & aliorum sibi comparavit. Mirabantur omnes in hoc juveni Viro eam animi magnitudinem, eos stimulos, & judicii memoriamque fœlicitatem, aliâque animi bona cum sanctitate morum & *ἀρετῆς* conjuncta. Non tantum in hac augusta & potenti Urbe Theologiæ vacabat, sed & sub Petri *Gassendi* auspiciis, Sphæræ & Cosmographiæ cursum absolvit, ac ex tanto Philosopho intellexit,

*Quam variæ mundi partes, quo semina rerum
Fœdere convenient discordia, lucis & umbræ
Tempora quis motus regat, æstus frigore mutet,
Obscuret Solis vultum, Lunæque tenebris.*

Relictis Parisiis Salmurium contendit, ibique docentes audit summos Theologos, *Ludovicum Capellum*, *Mosem Amyraldum*, *Josueum Placæum*. Illinc Montalbanum usque progressus est, ubi Clarissimi Viri *Carolus*, & *Garissolius* Europæ Reformatæ decora summâ cum laude Cathedram Theologicam occupabant; Inde Nemausum petiit Urbem antiquitatis Venerandæ monumentis, & admirandæ partim pulchritudinis ruderibus ac fragmentis spectatissimam, in qua *Benedictus Turrettinus* ministerio functus fuerat. Hic noster *μακαρίτης* Venerandum *Calvum* salutavit, qui ipsum arctissimè amplexus est, nec dimittere poterat, siquidem amicissimi Parentis in eo, ut aiebat, imaginem intuebatur expressam. Sic totam peragravit Galliam, ubique sui desiderium relinquens, ac nominis fragrantissimum spargens odorem. Tandem rerum usu, literis ac pietatis ardore locupletior factus, Gallorum ac Belgarum doctis onustus spoliis,

Optatos lares, & pignora lata revisit.

TEM P U S erat, ut concredita sibi talenta in publicos erogaret usus; Non mora longa fuit, vix enim patriæ sedis limina tetigit, statim sacri Ministerii honore dignus habitus est anno XLVII., & sequenti Venerandi Synedrîi Patribus cooptatus fuit,

O R A T I O.

fuit, ac hujus Ecclesiæ Pastor creatus, Italico Cœtui sacra etiam ministrans; (Nam seu Gallico, seu Latino, seu Italico idiomate pari ac stupenda facilitate perorabat.) Ubi primùm vox ejus in Templis audita fuit, omnes redivivum Patrem agnoverunt, & *Benedictum* in *Francisco* exosculati sunt. Quoties ascendebat suggestum, toties velut altero Sole orto animi recreabantur, omniumque ad ipsum convertebantur oculi & aures; eo flumine eloquii, eo succo suavitatis auribus sese omnium insinuabat, ut Athenis Atticis altum educatùmque dixisses; Cuncta usque adedò in ejus labellis plena mellis, plena nectaris. Luxuriabat tanta dicendorum ubertate & copia, ut si quid minùs attento effugisset in primis, id in secundis facilè reparari posset. Oculorum & oris majestas ea fuit juxta & humanitas, ut attentionem auditorum nullus denegare posset, quippe grata illa augusti simul & humani conjunctio, quæ in fronte observabatur, reverentiam ac amorem omnium ad spectantium statim extorquebat; Sic tantam de se existimationem primis illis annis excitavit apud Genevenses, ut anno M. DC. L., ab Amplissimis Proceribus nostrique Synedrii Patribus Philosophica Cathedra ipsi non semel oblata fuerit, quam pro suâ modestiâ amplecti renuit.

NON intra angustos Genevæ nostræ cancellos coarctabatur fama nostri μακαρίτη; hinc factum ut cùm Ecclesia Lugdunensis *Aaronis Mori* tunc defuncti ministerio orbata plangeret, per literas *Turretinum* nostrum invitaverit, ei verba viri Macedonis acclamans, Εὐχόμενοι ἡμῖν. Hanc vocationem annuente utroque Senatu amplexus est, & à Lugdunensibus blando vultu, lætis vocibus, & sæpius ingeminatis acceptus fuit.

FAUSTIS auspiciis de eo cogitaverat Lugdunensis Cœtus; Ecclesia quippe hæc in partes ibat, atque aliquis erat discordiarum fomes, quum *Noster* æstus animorum compescuit, & motibus omnibus sedatis pristinam reduxit tranquillitatem Per anni spatium illic suo functus est ministerio, quanto cum applausu referant ipsi Lugdunenses. Diutiùs apud ipsos esset commoratus, si eorum vota fuissent exaudita; at hoc Viro ampliùs

O R A T I O.

carere non poterat Athenarum nostrum, & revocare cogeant Ecclesiæ nostræ commoda. Discessit itaque, & quem non sine lætis plausibus acceperant Lugdunenses, non sine lachrymis dimiserunt; Sospes natale solum tetigit; illicò de eo in partem laborum Academicorum vocando cogitatum est, & quidem loco Venerandi *Tronchini*, quem cana senectus publicè legere non patiebatur. Theologicam itaque Cathedram conscendit anno hujus seculi L I I I. & præter Celeberrimum *Tronchinum* τὸν ἐν ἀγίοις, Collegas habuit Clarissimum *Antonium Legerum* Virum magnum, fœcundum literarum pectus, judicio subactum, pietate fervidum, eruditione consummatum; Reverendum *Philippum Mestrezatum* Facultatis Theologiæ Decanum meritissimum nostro præconio majorem, & cujus encomium honore silentii suppressere cogit ejus præsentia.

Ex quo compos factus est assignatorum munerum, Orationem habuit inauguralem in primum Epistolæ ad Hebræos versiculum tota plaudente corona, & se in solidum rebus Ecclesiasticis ac Theologicis mancipavit. Hic in laudes hujus Theologi excurrendi latissimus sese offert campus; Verùm quamvis juxta Nazianzenum æquitatis ratio lædatur, si laudentur alieni, & proximi silentio premantur obscuro; tacere tamen malo quàm loqui, ne desideratissimi Avunculi in ore nepotis sordescant laudes, quæ altiùs eminent quàm ut invidiæ morflu appeti possint. Τοῖς ἄλλοις ἀνθρώποις ἐκ τῶν λόγων αὐξήσις συνίσταται τὰ ἐγκώμια, πῶς δὲ καὶ τοῖς ἡμετέροις τῶν πεπερασμένων αὐτοῖς ἡ ἀληθεία, πρὸς τὸ δεῖξαι αὐτῶν τὸ ὑπερβαῖν τὸ ἄρετῃς. Narrent alii quanto studio ad Regnum Christi propagandum, & prosligandam Antichristi Tyrannidem incubuerit, ac quantâ pro Ecclesiæ salute solitudine fuerit obsessus; quàm solidè & eruditè sacrum Christi Evangelium exposuerit, non verborum lenociniis auditorum animos, sed solidâ pascens doctrinâ, tum histtrionicum & ampullatum, tum incultum & neglectum dicendi genus devitans, & anxie cavens, ne oratio nimia verborum compositione frondesceret, ut loquitur Hieronymus, aut spumantia verba trutinaret, & ne tamen humi reperet. Referant alii quanta cum παρηγορίᾳ seculi mores infecta-

O R A T I O.

infectaretur, à servili illo silentio planè alienus, quod divinis Oraculis convenienter, talibus viris interdixit Justinianus ipse: quanto cum animi vigore adversus vitiorum publicam labem intonaret, non sine uberibus lachrymis singulos ad pœnitentiam hortans, ipsa ut res fidem faceret non inconsulto ardore; sed paterno in eos quibus irascebatur affectu, publicique boni desiderio permoveri. Quantâ cum solertiâ Doctoris partibus in Cathedrâ Theologicâ functus fuerit, quanta ingenii velocitate, quantâ perspicuitate involuta evolvebat, distinguebat perplexa, obscura explicabat, dignos vindice nodos resolvebat, aperiebat Sophistarum latebras & recessus, ac quâ parte laborabat hostis, detegebat, dicant Prophetarum filii, imò Prophetæ: si enim tres aut quatuor excipias, vix Pastor est apud nos, qui non eo usus sit præceptore, & qui ex ejus disciplina non prodierit. Doctorem suum grato animo agnoscunt Helvetii, Galli, Genevenses; Vos omnes appello testes, posteros ac nepotes docete, qualis fuerit Doctor noster μακαρίτης. Heu utinam hodie doceret!

S O B R I U S erat, si quis unquam, Theologus, noverat quippe, ut olim populo Judaïco ad radicem montis accessuro clathri, cancellique audaciæ suæ obices positi, sic certa nobis repagula esse constituta, ac nostræ cognitioni multa subducta, quæ summus omnium arbiter hîc ignorari voluit, expectari verò in futurâ beatorum sede; apertâ Scripturæ sedulâ perverstigabat industriâ, sed in occulta *ἢ ἀνωτέρω τῆ κοσμικῆς καὶ ἀλήψεως* temerario ausu non perrumpebat. Dolebat summopere ruere omnia in pejus per vetitum nefas, lacerari Christi tunicam, augeri errores, multorum fidem labefactari. pietatis mysteria hisce temporibus cavillis humanis vellicari, & Samosatenum, Photinum, Arium, infausta & in Christianæ Religionis probrum nata nomina denuò velut ex orco reduci. Sanguineis deilebat lachrymis, quòd multos afficere audiret serpentis Atheïsmi tabes, Socinianismi ac Pelagianismi gliscentis contagia. Omnia Dei arcana mirabatur, non scrutabatur, ajebat inquiri non decere quæ non capit terrestris imbecillitas, ac insa-

nientis

niētis esse opus scientiæ, plus sciscitari quàm docere vult Deus.

CHRISTIANARUM virtutum imaginem moribus ac vita eum expressisse omnibus notum, qui illius familiaritate utebantur; Nec enim erat ex eorum numero, *qui loquuntur quæ Dei sunt, faciunt quæ sua sunt, phaleratâ magis quàm verâ sapientiâ*, *ἐπεὶ οἱ αὐτῶ λόγῳ, τοῖαι καὶ αἱ πράξεις, καὶ ὅποια τὰ ἔργα, τοιῦτ' ὁ θεὸς.* Quod Athanasio Nazianzenus tribuit encomium, in *Turretinum* nostrum apprimè quadrabat, *ὕψηλός μὲν τοῖς ἔργοις; ὑπεικνός δὲ φρονήμασι* tam animo demissus, quàm vitâ erat sublimis. Non quærebat theatrum, nec plausum; honestam apud alios estimationem non spernebat; sed nec etiam captabat, neque unquam ex aliorum obtrectatione monumentum sibi cupiebat erectum; nihil ad gloriam suam, omnia ad publicam referebat utilitatem, & ad eorum quibus se totum dederat commoda; Imò si decora sibi ab aliis audiebat occini, eò magis se deprimebat. Cæco sui amore non abripietur, quo aliquando nec rarò offuscantur complures docti, quibus sua placita, scripta sola placent, aliena sordent, imò qui suas amant cicatrices, & qui sententiam foveant non tanquam veram, sed tanquam suam, neque charitatem, ut præclare Hipponensis ille, ad Christi Domini regulam, verùm ad suos affectus exigunt atque metiuntur. Nunquam sibi met *Noster* placebat, nervosque suos ignorans de se sentiebat admodum demissè. Suâ abutentem auctoritate nullus vidit, semper rogabat, jubebat nunquam, nec ulli quicquam dictatorio fastu præscribebat. Aberant à candidissimo pectore & miti ingenio excandescentiæ & iracundiæ furores, nec parùm ea displicebant ingenia, in quibus adeò ignei spiritus resident, ut nullo negotio flammula incendatur, incensa mox erumpat & latè grassetur, ac quò plus trahuntur pacis ad studia eò animosiùs prouant ad bellum. Nec mordax, nec maledicens erat, ab Hieronymo planè diversus, qui eâ linguæ impotentiam laborabat, ut nullis non moribus sæviret, nullo non saletuderet, injuriis nullis temperaret, quod ex ejus cum Rufino Aquilejensi Presbytero, cum Vigilantio Hispaniarum Episcopo, cum Joviniano Monacho, & cum Johanne

O R A T I O.

Johanne Hierosolymorum Præsule, crebris acerbisque simultatibus colligere est. Pacis erat amantissimus; Norat quippe non decere pacis & gratiæ ministros fieri Bellonæ filios, & in Martis classica converti tubas Zionis; summoque dolore afficiebatur, dum fratres, Hannibale ad portas neglecto in mutuam ruere peniciem intelligebat.

ALIENIS bonis non macrescebat, ea potius summo cum gaudio intuebatur. Nihil illo erat in vitæ officiis humanius, nihil ad promovenda aliena commoda promptius; Viduarum, pupillorum, peregrinorum, egentium paratus erat defensor, verusque ὀρφανοτρόφος, quod officium τοῖς ἱεροῦσιν ἀρμόζειν rectè observavit nonnullus Citri Episcopus; ἐλεημονικῶς καὶ φιλόπτωχον ἔξιν possidebat, ut verbis utar Olympiodori; pauperes consilio & reapse juvabat, atque alacri animo eorum egestati succurrebat, ut qui probè cognosceret τὸ τῷ ἐλεημοσύνης μέγεθος ἔκ ἐν τῷ πλήθει τῶν χρημάτων κρίνεσθαι, ἀλλ' ἐν τῇ περὶ θυμίας τῶν δίδόντων, καὶ ἐπὶ πισότητι εἰσφορᾶς ἀπαιτεῖν τὸν θεὸν ἀλλὰ μέτρα γνώμης. Exterorum amorem omnibus officiis sibi comparabat, ac ipsius domus ædes erant exterorum. Nemo ab ejus sermone tristis discedebat, & diem perdidisse opinabatur, cùm nihil cuiquam toto die præstitisset, quod de Tito narrat Tranquillus, ac de Friderico I. refert author non obscurus. φίλεργος erat, laboris patientissimus, & in perpetuo motu nunquam fatigari videbatur, quasi ipsa contentione animi vires reficerentur, ac repararentur.

*Duris ut ilex tonsa bipennibus
Per damna, per cædes ab ipso
Ducit opes animiūque ferro.*

Ea non refero, ut τὸν μακαρίτην laudibus extollam, nostro quippe præconio non indiget, sed ut vivam defuncti imaginem intueri adhuc valeatis, & hæc nobis ad æmulandum proposita sunt.

UBI primum Theologiæ Professor creatus est, illicò summus Academiæ Magistratus ei demandatur anno 54. in quo obeundo, quâ fuerit ille in tutandis Athenæi nostri juribus fide, in surgentem magnis animis juventutem affectu, multo-

§ § § § § § §

rum

O R A T I O.

rum est recordatio. Per multos annos Rectoratum exercuit, & non semel in celeberrimâ panegyri peroravit. Digna semper Theologo, digna splendido auditorio seligebat argumenta. De *huius Scholæ & Academiæ natali die*; de *Alexandri VII. Tiberini Pontificis electione*; de *Virtutis ac Veritatis amico consortio, indivulsôque nexu*, & de *Præjudiciis Euangelicorum Christianam concordiam impredientibus*, magnis cum Auditorum acclamationibus dissertavit.

Hoc levatus onere cùm fuisset, aliud ipsi non minùs grave impositum fuit Anno Lxi. Cùm enim ad nostræ Urbis munimentorum constructionem non sufficerent Genevensium vires, de legatione quadam ad Potentissimos & Celsissimos Fœderati Belgii Ordines Gentem nostræ Genève propensissimam cogitatum est, & huic negotio aptissimum fore judicavit noster Senatus dignissimum natum *Benedicti Turretini*, qui ante quadraginta annos eundem in finem fuerat Legatus. Discessit *Noster* mense Majo. Basileæ lætis vocibus acceptus fuit ab inclytis illis Viris, qui Rauracum Athenæum suo jubare illustrabant; imprimis à Reverendo nostrisque laudibus longè majori *Gernlero*, quo non erat nostro dum vixit conjunctior alter, toto orbe Celebratissimo *Wetstenio*, Doctissimo *Schenavvero*, Clarissimo *Vollebio*, & Venerando *Werensfelsio*, Vigilantissimo Ecclesiaste, subactissimo Theologo, qui jam in Alma Basileensium Ecclesia & Academia sublime Antistitis munus magno cum omnium applausu sustinet. Inde iter suum in Hollandiam usque direxit. Gratus recensebat, quàm humanissimè acceperant Illustrissimi Fœderati Belgii Procures, à quibus aureo torque cum numismate haud exigui ponderis donatus fuerat. Memori mente recolebat gratiosissimas voces & propitium vultum quo suscipere haud dedignatus erat *Serenissimus Princeps Auriacus* totius orbis miraculum, generis humani amor & delictum. Lætus recordabatur, quot ipsi amoris *παιμνία* exhibuerant Docti, qui tunc in Belgio erant superstites. Pro voto successit Legatio, & si taceremus, munimenta nostra loquerentur. Non refero, Auditores, quanto conatu ac molimine, quibus obresta-

O R A T I O.

obtestationibus, & quàm invidendis conditionibus Hagensis & Leydensis Ecclesia illius ministerio frui annis sint; quantum & quoties Universitas Lugduno-Batava illum ambierit Doctorem, ut novâ luce illustraretur, & cæteris luminibus, quibus coruscabat, accenseri posset *Turretinus*, cujus mirabantur candidissimam animam & totam cælo devotam, doctrinam ab omni ostentatione intactam; raram integritatem, varix & reconditæ eruditionis ubertatem, castigatissimi judicii acrimoniam, vigilem ac imperterritum in tuendâ & asserendâ veritate animum τὸν μὲν ὀρθοδοξίας ὑπέρμαχον, τῆς δὲ καινοδοξίας ἀντίμαχον. Frustranea fuerunt hæc molimina, reliquit Belgium noster ἡρανοπολίτης, ac suo discessu mæstos reddidit Batavos suæ eruditionis, ac suarum virtutum cultores. Illos tamen nunquam nostri Theologi cepit oblivio, hinc inter ejus κειμήλια multas legimus literas ad ipsum exaratas ab Amplissimo Consulissimoque *Burgessdicio*, non Leydensis tantum Urbis, sed & totius Belgii summo ornamento, Magni parentis Magno filio muneribus suis majori, idque non rarò nomine Illustrum, Nobilissimorumque Academiæ Lugduno-Batavæ Curatorum & Magnificorum Reipublicæ Leydensis Consulium. Per Germaniam contenderat *Noster* in Hollandiam; at in reditu aliud instituit iter; Parisios iterum lustrare, ac suos claros Præceptores compellare exoptavit. Qui superstites erant, quem audiverant discipulum, audire Doctorem gestierunt; Ipsorum petitioni reluctari non ausus est *Noster* μακαρίτης, & bis peroravit in Carentonenſi Cœtu numerosissimo, cujus dum recordor horret animus, vox hæret faucibus, & turgescunt fletu lumina. Tunc primùm cognovit Incomparabilem *Johannem Claudium*, cujus nominis splendore ac radiis totus perstringor, atque circumfundor, & quem laudare aut exprimere non aggredior, siquidem res est nostris conatibus major, & ad primam lineam acies hebescit, penicillus labat, industria retunditur, & tremuli ac errantes oculi id effigiare non possunt, quo fascinantur. Tandem sospes reversus ad optata patriæ tecta, magno undique Amplissimo-

rum Procerum, Collegarum & amicorum gratulantium concursu, calidissimo omnium affectu excipitur, & Academia quæ magno *Legero* orbata squallebat, tanti Doctoris funere exsternata ad conspectum nostri lætos induere cœpit vultus, ac exultare visa est.

Ad pristinos rediit labores, majorique cum impetu. Anno 68. iterum Athenæi nostri clavum tenuit, atque in solennibus Academicis pro more & quâ solebat facundiâ de *Geneva conservata*, ac *Ecclesiæ malis & scandalis* peroravit.

Nihil ipsi deesse videbatur præter ultimos thalami honores, itaque de ducenda uxore cogitare cœpit, ac nobilissimam virginem fecit sui tori consortem *Elizabetham de Masse*, ex qua natam trësque habuit filios, quorum unum adhuc superstitem

---- *Magnarum gradientem ad culmina laudum*

Prosequimur cupide, votisque favemus eunti.

Quædam tunc ingenii sui pignora ævo transcripserat, quæ nulla sequens dies oblivione ingloria premi sinet. Anno 64. Pontificio scripto responderat, & veritatem Religionis Reformatæ à cavillis & calumniis Adversariorum vindicaverat. Anno 66. Disputationes emiserat de *Satisfactione Christi* adversus Socinum ejusque infaustam prolem, & adversus Pontificios quibus alias addiderat de *Circulo Pontificio*, ac de *Concordia Pauli & Jacobi in Justificationis articulo*. Anno 74. *Institutionem Theologiæ Elencticæ* adornavit, in qua statum Controversiarum perspicuè exposuit, sine quo Andabatarum more atque infœlici Marte dimicatur. Diu quidem hæsit an illud Opus ederet, quippe noverat laborasse pridem in hujus generis lucubrationibus magnorum tum veterum tum recentium Theologorum industriam, imò immensâ illarum copiâ ita obrui litigiosum seculum, ut ni illæ aliquo novitatis lenocino alliciant lectorem fastidiosum, illum continuò iniquum parturientibus nanciscantur. At tot votis expetita fuit hæc Institutio, ut denegare amplius non potuerit, ac è præli carceribus prorumpere passus fuerit. Viris doctis non displicuisse testantur innumeræ summorum totius orbis Theologorum literæ; creber-

rima

rima enim erant ipsi commercia ferè cum omnibus, quos inu-
 sitatâ quâdam doctrinæ gloriâ aliis præcellere audiebat, unde
 si quis Musæum ejus expendat, totius Europæ compendium
 fuisse comperiet. Eodem tempore prodierunt ejus Conciones
 quæ hodie manibus omnium tanto cum fructu teruntur. Anno
 87. de *Necessariâ Secessione nostrâ ab Ecclesiâ Romanâ*, & *Im-*
possibili cum ea Syncretismo Disputationes recognovit & auxit,
 quibus addidit *Miscellaneous Disputationum Decadem*. Suam
 etiam Institutionem recognoscere incipiebat, & multa addere
 ac illustrare meditabatur, cùm cœli incola factus est, & æter-
 nitatis candidatus. In dies Vir ille pientissimus moriebatur
 per multos annos, præ summo dolore quo angebatur, ob lu-
 ctuosissimas Ecclesiarum dissipationes & strages. Nam cùm alii
 omnes, quod de Basilio narrat ejus *synopsis*, id tantum quod
 ante pedes est videant, suâque ut in tuto sint laborent (si tamen
 id satis tutum esse potest) neque ulterius progrediantur, nec magni
 aliquid & strenui vel cogitatione complecti, vel efficere queant,
 ipse contra tametsi cæteris in rebus moderatus esset, hic tamen
 modum haud quaquam tenebat, verum sublato in altum capite men-
 tisque oculis quaquaversum jactatis, omnes eas orbis partes, quas
 salutifera Christi doctrina pervagata est, comprehendebat; &
 quum vineam Domini devastatam audiebat, nec somnum oculis
 aut dormitationem palpebris concedebat, quicquidque carniū su-
 pererat curis absolvebat. Quoties & publicè & privatim in la-
 chrymas pium illum Virum erumpentem conspeximus, quum
 audivit Pedemontanorum Fratrum infandam sortem, atque in-
 tuitus est miserabiles eorum reliquias, partim ex inaccessis
 montium jugis, & abditis rupium antris, partim ex tetris & ob-
 scuris carceribus elapsas, velut titiones ex igne ereptos. Quo-
 ties violavit oborto rore genas, quum Gallorum fratrum do-
 lendas vices intellexit, quas præstat sipario tegere, quàm eas
 referendo infandum renovare dolorem. Quoties ingemiscens
 dixit:

O Rex armipotens, quem statues modum
 Iræ, quando humiles suscipies preces.

O R A T I O.

*Traduxti Pharia de scrobe vineam,
Nudatam solitis cur modò sepibus
In prædam hospitibus deseris hanc vagis.
Audi gementes carcerum qui vinculis
Marcent, potenti dextera
De fauce mortis libera.*

Summe Deus, hos gemitus, & hæc suspiria nosti. Nostis Auditores, qui non semel madentibus oculis hæc desilentem audivistis : Ea describere non aggredior ad exemplum sagacis illius pictoris, qui cùm artificio excelleret, ingenio tamen magis abundans, velo obumbrabat, quod penicillo exæquare desperabat.

AUDIVIT ejus gemitus Omnipotens, vidit lachrymas & absterfit; sic sensim ad fatale illud momentum descendit Oratio, quo *Turretinus* noster ad metam communis mortalitatis properavit. Valetudo satis ipsi firma erat & temperamentum corporis eximium corroborabat animus semper sibi constans. Rarò ægrotantem vidimus, colicis doloribus solùm aliquatenus obnoxius, tribusque vicibus tantùm nodosæ podagræ senserat dolores. Ad ultimam usque senectam perventurum sperabamus; verùm usu venire solet, ut quò quis magnificentius divinis literarum & sapientiæ ornamentis animum excoluerit, eò citius mens terrestris pertæsa domicilii sublimiora cogitet, & corpus, omni jam spiritu in tantis laboribus exhausto plenè & absumto, fatiscat. Die 26. Septembris, quâ se ad lectum composuit, summo mane & ante primi lumina Solis surrexerat, ac varias ad amicos exaraverat literas, & alias etiam parare in animo erat, ut ab eo intellexeramus, ad summos illos Theologos, quorum nomina tote orbe notissima absque præfatione referre non possum, Reverendum *J. H. Heideggerum* non Helvetiæ tantùm, sed & totius Europæ *ὁ ὡς λαμπρότερον*, & Celeberrimum *Petrum Jurieu* quem nominare sat est, Reformatæ causæ acerrimum Patronum, hæreticorum malleum, Viros Magnos, inter quos & *Turretinum* nostrum arctissima semper intercessit necessitudo. Eâdem die
cum

O R A T I O.

cum quibusdam de variis ad Ecclesiæ Christi commodum pertinentibus, ad horam decimam usque collocutus fuerat, quum subito se torminibus fatiferis excarnificatum sensit. O Fœlicem illum, *quem extrema dies ita invenerit Christo militantem*. Simul ac se morbo correptum percepit, continuò mens quasi præscia futuri instare sibi ultimum vitæ terminum augurata est, nec dilectissimam sororem hoc latere voluit. Et cum de morbo monitus ad eum festinante gradu cucurrissem, mihi dixit illicò, se maturè corporis ergastulo liberari ardentibus votis exoptare, dolere tantùm, quòd præ torminum quibus premebatur carnificinâ, satis pro voto Patrem æternum suis interpellare precibus non posset; Nosse tamen Redemptorem suum in quem crediderat, & dum suos spiritus regeret artus, crediturus erat, animamque suam unicum anhelare Christum; Id unum supplicibus à Deo contendere votis, ut condonatis peccatis, vires ferendis doloribus pares sufficere veller, & placidam concederet *ἡσυχασίαν*. Medici accersuntur experientissimi, qui morbo probè cognito omnia Apollineæ artis adhibuerunt remedia, ut gravissimos hosce dolores si non pellere, saltem levare possent, dum *Noster* æternum vitæ mortisque Arbitrum ita cum Regio Vate compellabat:

Audi vocantem rebus in asperis

Et lenis aurem da precibus meis

Rerum Creator.

Juris severi ne trutinâ meam

Expende vitam, nemo hominum innocens

Sic est, Tribunal possit ut ad tuum

Se profiteri crimine liberum.

Christe Salvator, sanguine tuo animam consperge, quæso, audi, Pater, sanguinis hujus clamores. Aliquando ea repetebat quæ novissimè & paucos ante dies in Concione Italica exposuerat ex Ps. 38.

Ne me furoris æstuante incendio

Servator orbis argue:

Neu promerentem quamlibet pœnas graves

Pergas

O R A T I O.

*Pergas per iram plectere,
Herent medullis penitus infixæ meis
Tuæ sagittæ dextera.*

Sequenti die Æsculapii nostri summo cum dolore suos omnes irritos viderunt conatus, ac morbum ingravescere propter κοιλίας νάρκωσιν, καὶ σώματι ἀρρώστιαν : Unde si de nostri μακαρίτε vitâ nondum desperabant, exigua tamen spe trahebantur, & inter spem metûmque fluctuantes quò vergeret iste morbus dubitabant. Ille verò quasi præfagus futuri ad mortem se accingebat; Cùm lachrymantes adstantes videret; Quid plangitis, ajebat, via lethi omnibus calcanda; non hæc vita quam vivimus vita est, at mali taberna, curarum mare, palæstra luctus, fomes doloris, mors mera. Vita quâ jamjam fruar sola hoc vitæ nomine digna est; O quando te deseram contubernium mali, & officinam tristium, quando mortis isto corpore dissolvam, ac mei potens, Christóque junctus perfruar beatitate perperi!

FILIVM unicè dilectum hâc die pluribus allocutus est, & præter varia quæ ipsi injunxit, quatuor hæc imprimis præscripsit, Ecclesiæ Dei curam, si aliquando ad sacrum vocaretur Ministerium, veritatis amorem, humilitatem, & charitatem; Et cùm ejus lecto proximus adstarem, me ad opus Domini verbis prægnantibus hortatus est, aliâque in mandatis dedit, quæ memori recolam mente, dum vitales ducam spiritus, sed quæ præ dolore referre nunc non valeo. Sub vesperam vires labascere visæ sunt, monuit tamen se hac nocte non moriturum, sed adhuc lucem diei sequentis visurum. Mirabamur omnes ejus in ferendis doloribus patientiam; si quando enim dolorem voce querula acerbius accusabat, mox ad se statim redibat, & in mediis cruciatibus paternam Dei prædicabat misericordiam. Ad lucis primæ auroram instare tempus suæ ἀναλύσεως agnovit; Jam tempus est, inquit, ut à te sejungar, O durum divortium! Quid ad hæc responderim ne expectetis, vox nulla, lachrymarum imber. Tunc accessit Magnificus hujus Athenæi Rector, *Michael Turretinus*, dilectissimus defuncti cognatus, Linguarum Orienta-

O R A T I O.

Orientalium meritissimus Professor, Hebrææ decus Cathedræ, dignissimus hujus Ecclesiæ Pastor. Illi multis verbis testatus est quantâ peccatorum pœnitentiâ duceretur, quibus addidit se tamen de illorum remissione, ac de sui Salvatoris misericordiâ dubitasse nunquam, se hanc misericordiam toto pectore amplecti, supplicemque à Deo petere, ut Unigeniti sui sanguine mundatum ad beatas sedes evocaret; Ipsi Ecclesiam, Academiam, filiûmque commendavit; rogavitque ut suo nomine Venerandum Synedrium salutaret, referreretque se in ea quam semper defenderat & publicè docuerat mori fide, credidisse, credere, & ad finem usque crediturum; hortari Fratres, ut positis omnibus simultatibus, sedatis affectibus pari conspiratione animorum & studiorum opus Domini peragerent, unicæ veritati litantes, memorésque essent communis fidei, nominis, ordinis, characteris, officii, ac tandem communis mortalitatis, illiûsque supremæ diei, qua unusquisque coram Christi tribunali suæ dispensationis rationem redditurus est. Commendavit Venerando Domino *Bernardo*, pro Christi causâ exuli, omnibus bonis colendo, suæ Ecclesiæ miseras reliquias, omnibus nobis Ecclesiæ Christi curam, & Clarissimo *Marco Michælio*, Vigilantissimo & fidelissimo Pastori, conjunctissimo consobрино fausta omnia animitus precatus est. Non morientis, sed triumphantis vultum habebat; Eheu non fidei tantum aut spei, sed ut ita dicam ipsius gloriæ in eo revelandæ stricturas ex ipsius ore emicantes etiamnum cernere mihi videor, & supremis vocibus nihil amplius humanum spirantibus aures meæ adhuc personant. Horâ septimâ deficere cœpit, & ejus tabernaculum fatiscere visum est, nobis ultimum vale dixit, & ex intimis visceribus Deo commendavit. Precibus nostris cœlum perrumpimus, & cum Reverendus Pastor *Bernardus* illum moneret, ut recordaretur Concionis, quam ultimam habuerat ad populum die sacræ Synaxeos, in hæc verba Pauli, *Eamus ad thronum gratiæ*, statim exclamavit *Noster*, quasi impatiens moræ, *Eamus, Eamus*. Hæc dicta postquam promisit è mentis sinu, tranquilla mors ut somnus obrepit,

§ § § § § § § § nullo

O R A T I O.

nullo corporis succussu, nulla oris, oculorum distorsione, nullo pectoris singultu; tum lenta letho labitur cervix velut defectum olivo lumen, aut quassum gravi papaver aurâ molle demittit caput.

Sic obiit Vir iste magnus annos 64. natus, sic assertum & redonatum est patrio cœlo nobile illud pignus ac depositum quod nostris terris commodarat Deus. O te felicem, ô nos infelices! tu nunc mole corporis solutus cœlestes orbis perambulas, beato Cœlitum adscriptus choro humana cuncta temnis, & sub te vides telluris orbem; ex lugenti campo ad sempiternam fœlicitatem, ex mortalitatis carcere ad vitam eam commigrasti, quæ nec temporum metis, nec beatitudinis modo circumscribitur; Nos in hac mundi pila procul vagamur à supernis sedibus, patrioque cœlo. Tu quiescis in vado fœlicitatis, imò functus ævi errore jam portum tenes diu fervidis cupitum vocatibus; Nos inter naufragia & scopulos horrifonis agitamur procellis, nunc timore penduli, nunc spe tumentes. Pax te beat mansura semper, Nos premit vitæ labes mox defituræ. Morstua *finis est laborum, victoriæ consummatio, vitæ janua, perfectæ securitatis ingressus*, non exitus est, sed ad æternitatem transitus, ἡ φθογὴ ἀλλὰ ζωῆς ἀφορμή, ἢ ἀφανισμὸς, ἀλλὰ μετὰ τὴν θάνατον πρὸς ἡμῶν, καὶ δρόμος πρὸς τὰς παύσεις. Vita quâ jam frueris *certa est securitas, segura tranquillitas; tranquilla fœlicitas, fœlix æternitas*. At vita quam adhuc vivimus, Vita est *dubia, vita cæca, vita ærumnosa, quam humores tumidant, dolores extenuant, ardores exsiccant, aëra morbidant, escae instant, jejunia macerant, joci dissolvunt, tristitiæ consumunt, sollicitudo coarctat, securitas hebetat, divitiæ jactitant, paupertas dejicit, juventus extollit, senectus incurvat, infirmitas frangit*, Vivere incipis, mors enim dies est natalis, Nos morimur in dies, nec mori desinimus. Cum Deo atque Angelis exultas depositis curis, pulsoque omni mœrore; Nostra lachrymæ cadunt per ora, & assiduo genæ rore irrigantur. O Pater, Pater, currus Israël! Quid agam post tua superstes fata? Mors est & omni morte pejus vivere, postquam tui careo.

careo. Non igitur amplius tuum contuebor vultum, nec amplius tuo grato doctóque fruor colloquio; Heu pars optima mei me reliquit! Plange Ecclesia! non vocem illam audies, quæ totum Dei consilium tibi recludebat, animis ægris medebatur, solabatur afflictos, errantes in viam reducebat, vacillantes corroborabat, ignaros docebat, confirmabat doctos, Os illud unde dictionis aureæ medulla profluebat haud ulla oracula fundet in terris! Plangite Prophetarum filii, hi ipsi parietes vocis ejus repercussu non amplius resonabunt! Cathedra hæc *Turretino* orbata erit; Quis ego sum, qui locum hunc occupare & tanto Viro succedere possim? De Imperatore quodam defuncto, cui alter ei impar successerat, ait Tranquillus, fuisse ipso successore desiderabiliorem. Quantum! pertimesco, ne idem de Nostro *Turretino* dicatur, cui jam licet infans successor destinatus sum. Precibus me vestris juvate obsecro, Præstantissimi & Nobilissimi Auditores, vestra meis vota conjungite, ut si chara hæc vestigia passibus æquis premere non valeam, saltem sequi possim.

F A X I T Omnipotens ne hujus Syderis deliquium malum aliquod Ecclesiæ nostræ portendat; Sinistra omina averte summe Deus, hujus Urbis Stator, sit ea semper salva & tranquilla, invictum potentiz ac virtutis tuæ theatrum. Vivant ac perennent Patriæ Patres, vivant Ecclesiæ & Academiæ *σύλῳ καὶ ἐδεδειγμένῳ*. Sit hæc Academia sincerioris sapientiz sedes, nudæ veritatis arx inexpugnabilis, rectarum animarum Prytanæum, doctorum lararium, totius orbis eruditi compendium, famamque & gloriam ad orbis terminos extendat; tandem sit hæc Ecclesia constans tuæ gratiæ, & Arcæ sedes. Eliam nostrum abstulisti, mitte Elizæos. Excita, quosque excitasti robore tuo confirma veritatis vindices, docentium & discantium mentes cœlesti luce illustra, sapientiz & pietatis amore accende.

I N T E R I M quandoquidem *Turretini* grato & decoro non amplius fruimur conspectu, *illum nostra pagella decantet; quem*
 § § § § § § § § 2 *corpore*

O R A T I O.

corpore non valemus, recordatione teneamus, & cum quo loqui non possumus, de eo loqui non desinamus.

V A L E desideratissime Turretine, φίλτατον ἡ θαυμάσιον καί γε.
Vale recepta cœlo mens, Nos te sequemur quo quemque nostrum ordine vocabit fatalis hora.

Cyprianus Serm. de Mort.

Quis non ad suos navigare festinans ventum prosperum cupidius optaret, ut velociter charos liceret amplecti? Patriam nostram Paradisum computamus, parentes nostros Patriarchas jam habere cœpimus, quid non properamus & currimus, ut patriam nostram videre, ut parentes salutare possimus? Magnus illic nos charorum numerus expectat parentum, fratrum, filiorum, frequens nos & copiosa turba desiderat.

August. lib. 19. de Civit. Dei cap. 8.

Quorum nos vita propter amicitiae solatia delectabat, unde fieri potest ut eorum mors nullam nobis ingerat mœstitudinem? Quam qui prohibet, prohibeat si potest amicacolloquia, interdicat amicabilem societatem, vel intercidat affectum omnium humanarum necessitudinum, vincula mentis immixti stupore dirumpat: aut sic eis utendum censeat, ut nulla ex eis animum dulcedo perfundat. Quod si fieri nullo modo potest, etiam hoc quo pacto futurum est, ut ejus nobis amara mors non sit, cujus dulcis est vita?

ELENCHUS LOCORUM, ET QUÆSTIONUM, QUÆ IN HOC VOLUME Tractantur.

LOCUS PRIMUS DE THEOLOGIA.



QUÆSTIO I. *An Theologia vox usurpanda sit in Scholis Christianis, & quot modis sumatur?* Pag. 1

Q. II. *An sit Theologia, & Quotuplex?* 3

Q. III. *An detur Theologia naturalis?* 7

Q. IV. *An Theologia naturalis sufficiens sit ad salutem, seu, An Religio aliqua communis detur, per quam omnes promiscuè salvari possint?* Neg. contr. Socin. & Remonstr. 10

DE THEOLOGIE OBJECTO.

Q. V. *An Deus & res Divina sint objectum Theologia?* 17

DE THEOLOGIE GENERE.

Q. VI. *Quodnam sit Genus Theologia?* 20

Q. VII. *An Theologia sit Theoretica, an Practica?* 22

Q. VIII. *An Ratio humana sit principium, & norma ad quam exigi debent Religionis Christiana & Theologia dogmata, qua sunt fidei objectum?* Neg. contra Socin. 26

Q. IX. *An Rationi iudicium aliquod competat in rebus fidei? An verò nullus omnino ejus sit usus?* 32

Q. X. *An rationi humana iudicium contradictionis in rebus fidei permittendum sit?* Aff. 36

E L E N C H U S

Q. XI. *An aliquis sit usus Testimonii sensuum in Mysteriis fidei ; An penitus sit repudiandum?* Aff. pr. Neg. poster. 39

DE USU CONSEQUENTIARUM.

Q. XII. *An Dogmata fidei & morum tantum expresso Dei Verbo demonstranda sint. An non etiam per Consequentias ex Scripturâ institutas legitime probari possint?* Aff. poster. 41

Q. XIII. *An aliquis sit Philosophia in Theologia usus?* Aff. 49

DE ARTICULIS & ERRORIBUS FUNDAMENTALIBUS.

Q. XIV. *An dentur loci quidam Theologici fundamentales, alii non? Et Quomodo inter se dignosci possint?* 53

L O C U S S E C U N D U S

D E

S C R I P T U R A S A C R A .

DE VERBO DEI.

Q. I. *An necessaria fuerit revelatio per Verbum?* Affirm. 61

DE NECESSITATE SCRIPTURÆ.

Q. II. *An necesse fuerit Dei Verbum scripto consignari?* Aff. 63

Q. III. *An Scriptura Sacra occasionaliter tantum absque jussu divino sit exarata?* Neg. contra Pontificios. 66

DE SCRIPTURÆ AUTHORITY.

Q. IV. *An Scriptura Sacra verè sit authentica & divina?* Aff. 69

Q. V. *An in Scriptura occurrant vera contradictiones, seu loca quadam ἀλλοτῆ, quæ nullâ ratione solvi & conciliari possint?* Neg. 78

Q. VI. *Unde nobis innotescat divina Scriptura Authoritas? An ea vel quoad se, vel quoad nos, pendeat à Testimonio Ecclesiæ?* Neg. contra Pontificios. 95

DE CANONE.

Q. VII. *An Liber aliquis Canonicus perierit?* Neg. 104

Q. VIII. *An Libri Veteris Testamenti sint adhuc pars Canonis fidei, morumque Regula in Ecclesiâ Novi Testamenti?* Affirm. contra Anabaptistas. 108

DE

LOCORUM ET QUÆSTIONUM.

DE LIBRIS APOC RYPHIS.

- Q. IX. *An Tobias, Judith, Sapientia, Ecclesiasticus, duopriores Machabæorum Libri, Baruch, Additamenta ad Estheram & Danielelem, bene referantur in censum Librorum Canonicorum?* Neg. contra Pontificios. 112

DE PURITATE FONTIUM.

- Q. X. *An Textus Originales V. & N. Test. puri & incorrupti ad nos pervenerint?* Aff. contra Pontificios. 116

DE EDITIONE AUTHENTICA.

- Q. XI. *An sola Editio Hebraea V. Test. & Græca N. sit Authentica?* Aff. contra Pontificios. 123

- Q. XII. *An Textus Hebraicus hodiernus tam circa res, quàm circa verba ita sit authenticus & βιόντως, ut ad ejus normam universa quæ extant Versiones sine exigenda, & sicubi defleant revocanda sint?* An verò liceat lectionem quam suppeditat, si minus commoda judicetur, deferere, & eam vel ex Veterum Interpretum collatione, vel quandoque ex proprio Judicio, & facultate σοφιστικῇ corrigere, & aliam commodiorem sequi? Affir. prius. Neg. poster. 128

DE VERSIONIBUS.

- Q. XIII. *An necessaria sint Versiones, & quinam earum usus & autoritas in Ecclesia esse debeat?* 135

DE VERSIONE LXX.

- Q. XIV. *An Versio LXX. Vet. Test. sit authentica?* Neg. 140

DE VERSIONE VULGATA.

- Q. XV. *An Versio Vulgata sit Authentica?* Neg. contra Pontificios. 144

DE PERFECTIONE SCRIPTURÆ.

- Q. XVI. *An Scriptura ita perfectè contineat quacunque sunt ad salutem necessaria, ut nullus post eam Traditionibus αἰγιόφοις opus sit?* Aff. contra Pontificios. 149

DE PERSPICUITATE SCRIPTURÆ.

- Q. XVII. *An Scriptura ita sit perspicua in rebus ad salutem necessariis, ut sine externo traditionis αἰγιόφοις, vel autoritatis Ecclesiastica auxilio à fidei intelligi possit?* Aff. contra Pontificios. 158

DE SCRIPTURÆ LECTIONE.

- Q. XVIII. *An Scriptura à quolibet fidei legi possit cum fructu, & debeat sine permissu?* Aff. contra Pontificios. 163

DE

E L E N C H U S

DE SCRIPTURÆ SENSU.

Q. XIX. *An quadruplex sit Scriptura sensus, Literalis, Allegoricus, Anagogicus, Tropologicus?* Neg. contra Pontificios. 65

DE SUPREMO CONTROVERSIARUM JUDICE, & S. SCRIPTURÆ INTERPRETE.

Q. XX. *An Scriptura, vel Deus in Scriptura loquens sit supremus & infallibilis Controversiarum Judex, & Scriptura Interpres. An verò Ecclesia, vel Pontifex Romanus?* Aff. prius. Neg. post. contra Pontificios. 170

DE AUTHORITY PATRUM.

Q. XXI. *An Patrum Scripta sint regula veritatis in dogmatibus fidei, & Scriptura interpretatione?* Neg. contra Pontificios. 179

LOCUS TERTIUS

D E

DEO UNO, ET TRINO.

Q. I. *An Dei existentia invictè adversus Atheos demonstrari possit?* Aff. 185

Q. II. *An dentur Athei propriè dicti?* Neg. 195

DE UNITATE DEI.

Q. III. *An Deus sit unus?* Aff. contra Gentiles & Tritheitas. 198

DE NOMINE JEHOVA.

Q. IV. *An ita soli Deo sit proprium, ut sit incommunicabile Creaturis?* Aff. contra Socin. 201

Q. V. *An Proprietates divinae distinguantur realiter ab Essentia divina?* Neg. contra Socinianos. 205

Q. VI. *An Attribute bene distinguantur incommunicabilia & incommunicabilia?* Aff. 208

DE SIMPLICITATE DEI.

Q. VII. *An Deus sit simplicissimus, & omnis compositionis expertus?* Aff. contra Socinum & Vorstium. 209

DE INFINITATE DEI.

Q. VIII. *An Deus sit infinitus ratione essentiae?* Aff. contra Socin. & Vorstium. 213

DE

LOCORUM ET QUÆSTIONUM.

DE IMMENSITATE DEI.

QUÆSTIO IX. *An Deus sit immensus, & omnipræsens secundum essentiam?* Affir. contra Socin. & Vorltium. 216

DE ÆTERNITATE DEI.

Q. X. *An æternitas Dei excludat successionem secundum prius & posterius?* Aff. contra Socin. 222

DE IMMUTABILITATE DEI.

Q. XI. *An Deus sit immutabilis, & quoad essentiam, & quoad voluntatem?* Aff. 225

DE SCIENTIA DEI.

Q. XII. *An omnia cadant sub scientiam Dei, etiam singularia, & futura contingentia?* Aff. contra Socin. 227

DE SCIENTIA MEDIA.

Q. XIII. *An præter scientiam naturalem, & liberam, detur in Deo scientia quadam media?* Neg. contra Jesuitas, Socinianos, & Remonstrantes. 234

DE VOLUNTATE DEI.

Q. XIV. *An Deus quadam velit necessario, quadam liberè?* Aff. 241

Q. XV. *An bene distinguatur Voluntas in Voluntatem decreti, & præcepti, & dioxias & diapexias, beneplaciti, & signi, arcanam, & revelatam?* Aff. 243

Q. XVI. *An bene distinguatur Voluntas in antecedentem & consequentem, efficacem & inefficacem, conditionalem & absolutam?* Neg. 249

Q. XVII. *An Voluntatis Dei aliqua possit dari causa?* Neg. 255

Q. XVIII. *An Voluntas Dei sit prima iustitiæ regula?* Dist. 257

DE JUSTITIA DEI.

Q. XIX. *An iustitia vindicatrix sit Deo naturalis?* Affir. contra Socinianos. 259

DE BONITATE, AMORE, GRATIA, ET MISERICORDIA DEI.

Q. XX. *Quomodo inter se distinguantur.* 266

DE POTENTIA DEI.

Q. XXI. *Qualis sit Omnipotentia, & an se extendat ad ea quæ implicent contradictionem?* Neg. 270

DE DOMINIO ET POTESTATE DEI.

Q. XXII. *Quid & quotuplex sit Dei Dominium? & An detur jus absolutum & ordinatum?* 276

DE SS. TRINITATE.

Q. XXIII. *Quis sensus sit vocum Essentia, Substantia, Subsistentia, Persona, Trinitatis, ὁμοούσιον in hoc Mysterio, & An bene Ecclesia illis utatur?* 280

§§§§§§§§§§

QUÆ-

E L E N C H U S

- QUÆSTIO XXIV. *An Trinitatis Mysterium sit articulus fundamentalis fidei? Aff. contra Socin. & Remonstrantes.* 288
- Q. XXV. *An in una Essentia divina tres sint distincta Persona, Pater, Filius, & Spiritus Sanctus? Aff. contra Socinianos.* 292
- Q. XXVI. *An Trinitatis Mysterium ex Veteri Testamento demonstrari possit, & An sub eo cognitum fuerit? Aff. contra Socinianos.* 300
- Q. XXVII. *An Persona Divina distinguantur ab Essentia, & inter se, & quomodo? Aff.* 306

DE DEITATE FILII.

- Q. XXVIII. *An Filius sit verus & aternus Deus, coessentialis & coaeternus Patri? Aff. contra Socin.* 310

DE ÆTERNA FILII GENERATIONE.

- Q. XXIX. *An Filius Dei ab aeterno sit genitus à Patre? Aff.* 321

DE SPIRITUS S. DEITATE.

- Q. XXX. *An Spiritus S. sit Persona divina à Patre & Filio distincta? Affir.* 332

DE SPIRITUS S. PROCESSIONE.

- Q. XXXI. *An Spiritus S. à Patre & Filio procedat? Aff.* 339

LOCUS QUARTUS DE DECRETIS DEI

in Genere,

E T

DE PRÆDESTINATIONE

in Specie.

- Q. I. *An Decreta dentur in Deo, & quomodo sint in eo? Aff.* 341
- Q. II. *An Decreta Dei sint aeterna? Aff. contra Socin.* 344
- Q. III. *An dentur Decreta conditionata? Neg. contra Socinianos, Remonstrantes, & Jesuitas.* 347
- QUÆ-

LOCORUM ET QUÆSTIONUM.

QUÆSTIO IV. *An Decretum afferat necessitatem rebus futuris?* Aff.

351

DE TERMINO VITÆ.

Q. V. *An Dei decreto cujusque hominum vita Terminus fixus & immobilis cum omnibus suis circumstantiis ita sit constitutus, ut alio temporis articulo & alio mortis genere decedere non possit, quam quo decedere contingit?*
Aff. contra Socinianos & Remonstrantes.

354

DE PRÆDESTINATIONE.

Q. VI. *An Prædestinatio publice doceri & prædicari debeat?* Aff.

362

Q. VII. *Quo sensu voces Prædestinationis, προϋπόθεσις, ἐκλογὴς, προῖκσις, in hoc Mystério usurpentur.*

365

DE ANGELORUM PRÆDESTINATIONE.

Q. VIII. *An detur Prædestinatio Angelorum, & An sit ejusdem generis & ordinis cum Prædestinatione hominum?* Prius Aff. poster. Neg.

369

DE PRÆDESTINATIONIS OBJECTO.

Q. IX. *An obiectum Prædestinationis sit homo creabilis aut labilis. An verò homo conditus & lapsus?* Prius Neg. Post. Aff.

376

DE ELECTIONIS CAUSA.

Q. X. *An Christus sit causa & fundamentum Electionis?* Neg. contra Arminianos & Lutheranos.

386

Q. XI. *An Electio facta sit ex prævisione fidei, aut operum, An verò ex sola Dei gratia?* Prius Neg. Posterius Aff.

391

DE ELECTIONIS CERTITUDINE.

Q. XII. *An constans sit & immutabilis certitudo hominum ad salutem electio?* Aff. contra Remonstrantes.

402

Q. XIII. *An fidelis possit esse certus de Electione sua, certitudine non tantum conjecturali, & morali, sed infallibili, & fidei?* Aff. contra Pontificios & Remonstrantes.

410

Q. XIV. *An absolutum sit Reprobationis decretum, quod à sola Dei dictione pendeat. An verò peccatum propria sit ejus causa?* Dist.

418

Q. XV. *An infidelitas, vel incredulitas adversus Evangelium præsupponatur ut causa in Reprobatione?* Neg. contra Remonstrantes.

429

Q. XVI. *An Voluntas Dei servandi perseveranter credentes, & damnandi incredulos, sit totum Decretum Prædestinationis?* Neg. contra Remonstrantes.

432

Q. XVII. *An Deo tribui debeat voluntas aliqua conditionalis, seu propositum universale miserendi totius Generis humani in peccatum prolapsi, omnibus & singulis Christum Mediatorem destinandi, & eos ad salutarem beneficiorum illius communionem vocandi?* Neg.

435

SSSSSSSSSS :

DE

Q. XVIII. *An aliquis ordo in Decretis divinis admittendus sit, & quis ille sit?* 459

LOCUS QUINTUS DE CREATIONE.

QUÆSTIO I. *Quid sit Creatio?* 474

Q. II. *An Potentia creandi sit communicabilis ulli creatura, vel principaliter, vel instrumentaliter?* Neg. 477

Q. III. *An Mundus fuerit ab æterno, vel esse saltem potuerit?* Neg. 480

Q. IV. *Quâ anni tempestate Mundus conditus sit? An Vere, an Autumnno?* 485

Q. V. *An Mundus unico momento sit creatus, An verò sex diebus? Et an opera singula cujusque hexæmeri absque motu & successione temporis creata sint, An verò uniuscujusque productioni integrum diem Deus impenderit?* 489

Q. VI. *Quo ordine opera Creationis in hexæmero à Deo producta fini?* 491

Q. VII. *An ex usu Luminarium à Mose posito, Astrologia judiciaria extrui possit?* Neg. contra Astrologos & Planetarios. 497

Q. VIII. *An Adamus primus mortalium fuerit, an verò homines existerint ante Adamum, & Epochæ conditi orbis, & rerum ab hominibus gestarum, multò alius, quàm ab Adamo sit repetenda?* Prius Aff. Poster. Neg. cont. Præadamitas. 503

DE HOMINIS CREATIONE.

Q. IX. *An homo in puris naturalibus conditus fuerit, vel conditus saltem peccatis?* Neg. contra Pelagianos & Scholasticos. 509

Q. X. *In quo sita sit imago Dei, ad quam homo conditus est.* 511

Q. XI. *An iustitia originalis fuerit naturalis?* Prius Aff. Poster. Neg. contra Pontificios. 517

Q. XII. *An primus homo ante lapsum immortalitatem habuerit, An verò naturâ & conditione fuerit mortalis?* Prius Aff. Poster. Neg. contra Socinianos. 521

DE ORIGINE ANIMÆ.

Q. XIII. *An anima à Deo creentur, An verò per traducem propagentur?* Prius

LOCORUM ET QUÆSTIONUM.

Prius Aff. Poster. Neg.

525

DE IMMORTALITATE ANIMÆ.

Q. XIV. *An anima ex intrinsecâ sua constitutione sit immortalis?* Affir.

531

LOCUS SEXTUS DE PROVIDENTIA DEI ACTUALI.

Q. I. *An detur Providentia?* Aff. 539

Q. II. *An Providentia Dei recte dicatur Fatum, & an necessitas fatalis illi bene tribuatur?* Dist. 545

DE OBJECTO PROVIDENTIÆ.

Q. III. *An omnia subsint Providentia, tam minima quàm maxima, tam contingentia & libera, quàm naturalia & necessaria?* Aff. 548

DE PROVIDENTIÆ ACTIBUS.

Q. IV. *An Providentia tantùm sita sit in conservatione, & sustentatione rerum, An verò etiam in gubernatione rerum, per quam Deus ipse agat, & efficaciter concurrat cum ipsis, consursu non generali & indifferente, sed particulari, specifico, & immediato?* Neg. Prius. Aff. Poster. contra Jesuitas, Socinianos, & Remonstrantes. 552

DE CONCURSU DEI.

Q. V. *An Deus concurrat cum causis secundis, non modò concursu particulari, & simultaneo, sed etiam prævio?* Aff. 557

Q. VI. *Quomodò concursus Dei possit conciliari cum contingentia & libertate causarum secundarum, & præcipue voluntatis hominis.* 564

DE PROVIDENTIA DEI IN MALO.

Q. VII. *An peccata subsint Providentia, & quomodo circa illa versetur.* 568

Q. VIII. *An ex Doctrina nostra sequatur, & legitimâ consequentiâ elici possit, nos Deum facere authorem peccati?* Neg. contra Pontificios, Socinianos, Remonstrantes, & Lutheranos. 583

Q. IX. *Quis sit usus, & abusus doctrina de Providentia?* 590

§§§§§§§§§§ 3

LOCUS

LOCUS SEPTIMUS DE ANGELIS.

Q. I. *An, & quando creati sint Angeli?* 594

Q. II. *An Angeli sint substantia spirituales & incorporea?* Aff. 597

DE COGNITIONE ANGELORUM.

Q. III. *Qualis sit modus, & quale objectum cognitionis Angelica?* 599

Q. IV. *Qualis sit voluntas & liberum arbitrium Angelorum, & an affectus in eos cadant?* 602

Q. V. *Quenam sit potentia Angelorum?* 603

DE APPARITIONE ANGELORUM.

Q. VI. *Quales fuerint Angelorum apparitiones, & quanam opera assumpserint?* 605

DE ORDINIBUS ANGELORUM.

Q. VII. *An inter Angelos detur aliquis ordo, & An distincta sint inter ipsos Hierarchia?* Prius Aff. Poster. Neg. contra Judæos & Pontificios. 608

DE ANGELORUM MINISTERIO.

Q. VIII. *Quare, & ad quid Deus utatur Angelorum ministerio? & An unicuique fidelium certus Angelus custos perpetuus assignatus sit?* Neg. 613

DE INTERCESSIONE ET CULTU ANGELORUM.

Q. IX. *An Angeli sint intercessores nostri apud Deum, & An cultus aliquis religiosus illis debeat?* Neg. contra Pontificios. 618

LOCUS OCTAVUS DE STATU HOMINIS ANTE LAPSUM,

E T

FOEDERE NATURÆ.

Q. I. *Quanam fuerit libertas Adam in Statu Integritatis?* 626

QUÆ-

LOCORUM ET QUÆSTIONUM

° QUÆSTIO II. *An Adamus vires habuerit credendi in Christum?* 629

DE FOEDERE NATURÆ.

Q. III. *An factus aliquod cum Adamo Deus pepigerit & quale?* 632

DE ARBORE SCIENTIÆ BONI ET MALI.

Q. IV. *Unde dicta sit Arbor scientiæ boni & mali, & cur Legem de ea non gustanda Deus Adamo dederit?* 637

DE ARBORE VITÆ.

Q. V. *Unde dicta sit Arbor vitæ?* 639

Q. VI. *An Adamus promissionem habuerit vitæ æternæ & cælestis, ut per-
fecto obedientiæ curriculo in cælum evehendus fuerit? Affir.* 642

DE PARADISO.

Q. VII. *An Paradisus terrestris hodie adhuc supersit?* 646

LOCUS NONUS DE PECCATO, in Genere & Specie.

QUÆSTIO I. *An Peccati ratio formalis rectè consistere dicatur in
arbitrio? Affir.* 650

Q. II. *An tot exēctio siue voluntarium, quatenus est illius, qui sciens & volens ali-
quid agit, sit de essentia peccati? Neg. contra Pontificios & Socinianos.* 652

Q. III. *An Reatus sit formale peccati, vel adiunctum ejus inseparabile? An verò
tantum ejus effectus? & An bene distinguatur in reatum culpa & pœna? 654*

Q. IV. *An omnia peccata per se & naturâ suâ sint mortalia? An verò ali-
quod detur veniale? Prius Aff. Poster. Neg. contra Pontificios.* 656

DE LAPSU ANGELORUM.

Q. V. *Quodnam fuerit primum Peccatum Angelorum, quò defecisse dicun-
tur à Deo?* 662

DE LAPSU ADAMI.

Q. VI. *Quodnam fuerit primum hominis peccatum, An infidelitas, An
superbia?* 665

Q. VII. *Quomodo labi potuerit homo integer? & quanam ejus lapsus vera
causa fuerit?* 668

Q. VIII. *An Adamus per lapsum suum amiserit Dei imaginem? Aff.* 674

Q. IX. *An actualis inobedientia Adami omnibus ejus posteris naturali ge-
neratione ab eo oriundis imputetur imputatione immediatâ & anteceden-
te? Aff.* 676

DE

E L E N C H U S
DE PECCATO ORIGINALI.

Q. X. *An detur peccatum aliquod originale, seu labes & vitiositas inherens, quæ per generationem ad nos traducatur? Aff. contra Pelag. & Socin.* 694

Q. XI. *An peccatum originale ipsam animæ substantiam corruperit? & An sit mera privatio, An etiam positiva quædam qualitas?* 701

DE PROPAGATIONE PECCATI.

Q. XII. *Quomodo peccatum originale propagetur à Parentibus in Liberos?* 706

Q. XIII. *De Peccato actuali, & variis ejus divisionibus.* 710

Q. XIV. *In quo consistat ratio formalis Peccati in Spiritum S. & Cur sit irremissibile?* 713

Q. XV. *An peccatum possit esse pena peccati? Aff.* 720

LOCUS DECIMUS DE LIBERO HOMINIS ARBITRIO

in Statu Peccati.

QUÆSTIO I. *An nomen Liberi Arbitrii seu ἀνεξαρτησία retinendum sit in Scholis Christianis, Et ad quam facultatem animæ, intellectum an voluntatem pertineat?* 726

Q. II. *An voluntati repugnet quævis necessitas? Neg. contra Pontificios & Remonstrantes.* 728

Q. III. *An ratio formalis Liberi Arbitrii posita sit in indifferentia? An verò in lubentia rationali? Prius Neg. Poster. Aff. contra Pontificios, Socinianos, & Remonstrantes.* 733

Q. IV. *An liberum Arbitrium in statu peccati ita sit servum, & peccato mancipatum, ut nihil possit quam peccare: An verò vires adhuc habeat sese inclinandi ad bonum, non tantum civile, & morale externum, sed internum & spirituale, quod præscripta in Legè Dei voluntati accuratè respondeat? Prius Aff. Poster. Neg. contra Pontificios, Socinianos, & Remonstrantes.* 737

Q. V. *An Virtutes Ethnicorum fuerint bona opera, ex quibus Liberi Arbitrii vires ad bonum colligi possint? Neg. contra Pontificios.* 755

I N
B E A T - I V I R I
D. FRANCISCI TURRETTINI
O P E R A
E N C O M I A S T I C O N.

TURRETTINE, pio quam Te venerabar honore,
Quando Orbe nostro viveres?
Absentem memori Te corde oculisque gerebam,
Ut in Virorum maximis
Te posui exemplar doctæ virtutis; imago
Quò non renidet pulchrior.
Nunc dixisse tuas licuit post funera laudes,
(Solamen hoc est unicum)
Æternasque animò grates, teste Orbe, fateri,
Quum millies obstrinxeris.
Aurea mittebas tot Munera, scripta perenni
Peritura nunquam sæculo,
Sed digna æternùm scribantur ut ære, vel ipso,
Si durius sit, Marmore.
Ut verò amplexus prohibebat diffusa sedes,
Tu literis suavissimis
Per loca dixisti multam longinqua salutem,
Quò dulcius nil contigit.
Nunc cum sancta, prius quæ membra artusque regebat,
Inter Beatos coelites
Mens vivit, corpusque sacrum monumenta recondunt,
Eheu, deinceps ut siles!
Fallor; an ipse siles, tua dum divina loquuntur
Clamantque tot volumina?
Quin loquimur Tecum, quæ tu facundus in illis
Arcana doctè differis.
Heic gladios, currus, clypeos & qualibet arma
Ter sancta repperit fides.

§§§§§§§§§§

Hac

Hæc fuerint arces, & murus æbeneus; hostis
 Quicumque bella moverit,
 Hic habet audacem quod frontem terreat omnem,
 Quidquid minetur horridi.
 Experiare tuas modò vires, Roma, Socine,
 Vafrique proles Memmonis,
 Et tu, quem Pelago Monachi lussisse Britanni,
 Hermannidaque Belgici,
 Juverit, arma armis & pila minantia pilis
 Regesta cernas dextera
 Victrici: nec acuta furor, visque ulla retundat
 Latrantis Orco Cerberi.
 TURRETTINE, Pater, quo non celebraberis ore?
 Labente semper sæculo,
 Te quacunque patet Tellus, FRANCISCE, locabit,
 Inter Virorum Principes,
 Et Tibi semper bonos, nomen, laudesque manebunt,
 Dum pascet Æther sidera.
 Tuque, GENEVA, tuum quanto memorare Magistrum
 Non debeas præconio?
 Is decus & columen Patriæ, Tutelaque vestra
 Adversus omnes inferos
 Et fidei & pietatis erat, solamen in artibus,
 Quò cogites nil suavius.
 Doctior, an melior fuerit, fidissima Testis
 Dic, ora cum conspexeris;
 Ora Viri radiis veluti renitentia sanctis
 Speculaque mentis entheæ.
 Calvinì Excelsam decoravit honore Cathedram,
 Quin Sole lustravit suo,
 Hinc potis a magno solus Doctore secundus
 In Urbe vestra dicier.
 Tum premere in terris vestigia grata memento:
 Hac itur in cælos via!
 Et post fata Viri, quando virtute paternâ
 Jam floret ipse Filius

Quem

*Quem suscepisti gremio & juvenilibus annis ,
Ut mater assolet pia ,
Fovisti, spes certa ferat , PATRUMQUE PATREMQUE
Hunc redditurum Posteris ,*

M. LEYDECKER, S. S. T. D. & P.

O D E
I N

THEOLOGIAM ELENCTICAM
VIRI CELEBERRIMI
FRANCISCI TURRETTINI.

FRustra superbas incolimus levi
Virtute turres, si neque aheneis
Nitantur impugnata claustris,
Ne tumida famulentur Hosti,

Vallata denso milite moenia;
Nec Martiales sustineant minas,
Fremente signorum tumultu,
Ancipiti superanda bello.

Frustra Juventas Christiadum, Deo
Dicata pubes, fingitur, ut sacros
Ducatur ad colles, pioque
Imbuitur generosa succo:

Frustra serenis fulget in atriis
Armata raro præsidio fides,
Impune vastanda, & pudendo
Sacrilegum quatienda ferro.

§ § § § § § § § § § 2

Defensa

Defensa nullo robore veritas
Prolapsa tandem corruet : hinc labor
Hic unus exantlandus Orbi est,
Ut gladiis gladios retundat.

Ingens Genevæ gloria, Tu præis,
Francisce, pilis pila, manu manum,
Repellis, infestamque late
Ausoniæ popularis Urbem.

Deliberatis jam petitur dolis
Injusta vani Præsidis Infula,
Unoque confunduntur ore
Imperii Latialis ausus.


Fallorne? victrix dextra minantium
Turbavit iras, & juga montium,
Tentata divinas per artes,
Turrigeræ gemuère Romæ.

Fraudesque & astus, queis Ratio tumens
Christo repugnat, Numine concidunt
Spirante, dum sacrata lætis
Prælia conseruisse Parmis;

Mirantur hostes, Te duce & auspice,
Fortem juventam : dira lues fugit.
Gens sacra, per cædes, per ignes,
In mediis revirescit armis.

ADRIANUS REBLAND.

LOCUS



LOCUS PRIMUS

D E

THEOLOGIA.

QUÆSTIO PRIMA.

*An Theologiæ Vox usurpanda sit in Scholis Christianis;
Et quot modis sumatur?*



Um ex accurata Methodi legibus necesse sit *πρῶτον* *ἡ* *ἑξῆς* *τὸ* *ὄνομα*, id est *usum* & *vim nominum* prius *THEO-*
expendere, ut vult Philosophus; quia verba sunt *LOGIÆ*
rerum *πῶς*: de voce *Theologia* quædam præmit- *bene usur-*
tenda sunt, antequam ad rem ipsam veniamus. *patur.*

Licet autem quæstio proposita parum necessaria videatur, in communi & recepto apud plerosque omnes istius vocis usu, qui eam tanquam vocabulum *πρῆν*, quod propriè & emphatice subjectum suum declarat, retinendam censent; Occurrendum tamen est nonnullorum sententiæ, quibus nomen hoc displicet, eo quòd in Scriptura non extet, & ad Ethnicorum *matæologiam* significandam usurpari soleat, quique convenientius judicant vocibus aliis ex Scriptura petitis uti.

II. Licet vox *Theologiæ* non sit *ἑξῆς* *αὐτολεξί*, non est tamen planè *ἀγροφ*; siquidem voces simplices ex quibus componitur, ibi sæpe occurrunt, ut *λόγ* & *θεῖ*, & *λόγια* *τῷ* *θεῷ* Roman. 3. 2. 1. Pet. 4. 10. Heb. 5. 12. Aliud ergo est *esse in Scriptura quoad sonum* & syllabas, siue formaliter & in abstracto; Aliud *quoad sensum*, & rem significatam, seu materialiter & in concreto; *Theologia* non extat in Scriptura priori modo, sed posteriori.

L O C U S P R I M U S.

Quæst.
1.

III. Quamvis non liceat dogmata ulla fingere extra Scripturam; licet tamen uti nonnunquam verbis, quæ in Scriptura non reperiuntur, si commoda sint, vel rebus divinis explicandis, vel erroribus præcavendis; quem in finem voces *Triadis*, *ὁμοῦσις*, *Peccati originalis*, & similes à Theologis sunt usurpatæ.

IV. Licet Ethnici sæpe abusi sint hac voce ad suam matreologiam designandam; non obstat hoc tamen quominus, quod illi falsæ & ἁδω-
νυμω suæ Theologiæ nomen malè tribuebant, veræ & salutari doctrinæ nostræ vindicetur. Quomodo nomen *Dei*, quod falsum & fictitium Deum apud Ethnicos significabat; & nomen *Ecclesiæ*, quod Cœtum profanum designabat; in Scriptura saniore sensu de vero Deo, & de Cœtu Sanctorum accipitur. Ita vox Theologiæ quæ origine græca est, è Gentilium scholis translata est ad usus sacros, ut olim vasa Ægyptiorum ab Israëlitis sacris destinata sunt usibus.

V. Non negamus varia esse synonyma in Scriptura, quibus doctrina cœlestis designatur, ut quum dicitur *sapientia in mysterio* 1. Cor. 2. 7. *forma saniorum sermonum* 2. Timoth. 1. 13. *cognitio veritatis secundum pietatem* Tit. 1. 1. *doctrina* Tit. 1. 9. & aliis id genus vocibus exprimitur. Sed non minùs ideo nomen hoc retineri potest & debet, quia & longo usu receptum est, & commodissimum est doctrinæ isti salutari exprimendæ.

Usus No-
minis.

VI. Vocem *Theologiæ* apud Gentiles in usu fuisse constat. Qui enim de Deo sublimia dicebant, vel Deorum cultum explicabant, vel eorum natales, conjugia, progeniem, imperia & res gestas explicabant, ipsi *Theologi* sunt appellati, & eorum scientia *Theologia*, ut notant Lactan. de Ira Dei c. 11. Clem. Alex. Strom. 3. Ido. lib. 5. Aristo. Metaph. 3.

VII. Nomen Theologiæ inter Christianos vel sumitur *inadequatè*, à parte efficientis ut sonat Θεῷ λόγον *Sermonem Dei*, & à parte ob-
jecti λόγον Θεοῦ τῷ Θεῷ *Sermonem de Deo*; vel *adequatè* prout notat utrumque, & sermonem Dei & sermonem de Deo, quæ duo conjungenda sunt, quia de Deo sine Deo loqui non possumus; Ut notetur doctrina, quæ *originaliter* est à Deo, *objectivè* de Deo agit, & *terminatè* in Deum fertur & ad Deum ducit, quod non malè Thomas 1.
2. q. 7. exprimit, *Theologia à Deo docetur, Deum docet, & ad Deum ducit*. Sic complectitur ista nomenclatio duplex Theologiæ *principium*; unum *essendi*, quod Deus est, alterum *cognoscendi*, quod est Verbum ipsius.

VIII. Rursus trifariam sumitur apud Authores. 1. Latè. 2. Stricte. 3. secundum justam significationis suæ amplitudinem. Primo modo accommodatur *Metaphysicæ*, quo sensu Aristot. primam Philosophiam vocat *Theologiam* lib. 6. Met. cap. 1. & lib. 10. Philosophiam Theoreticam dividit in tres partes, φυσικῶν, μαθηματικῶν, & θεολο-
γικῶν.

μὴν. Secundò, Patres *Theologia* nomine peculiariter designant illam Quæst. II.
doctrinæ Christianæ partem, quæ de Christi Divinitate agit, quo sensu
Joannes singulariter *Theologus* est nominatus, quia fortiter præ cæteris
τὴν τῆς Δέου θεότητα asseruit, ut ipse exponere videtur Apoc. 1. 2. &
Gregorius Nazianz. inter reliquos Patres nomen *Theologi* obtinuit, quia
Christi Divinitatem variis Orationibus demonstravit; Unde distinctio
apud ipsos nata θεολογίας & οἰκονομίας *Theologia* & *Oeconomia*; illâ do-
ctrinam de Divinitate Christi, istâ doctrinam de ejusdem Incarnatione
intelligunt, & θεολογεῖν Ἰησοῦν ipsis est, de Christi Divinitate disserere.
Euseb. hist. Eccl. lib. 5. c. 28. Basil. lib. 2. c. Eunomi. & Nazian. Orat.
42. & 49. Tertiò maximè propriè notat *Synagmā* seu *Corpus doctrinæ de*
Deo & rebus divinis, à Deo ad suam gloriam, & hominum salutem re-
velata, quo sensu hic à nobis sumitur.

IX. *Usus* nominis *Theologiæ*, vel est *equivocus* & abusivus, quando
tribuitur falsæ *Theologiæ* Ethnicorum, & Hæreticorum; Vel *minus*
proprius, quando effertur de originali & infinita Sapientia, quæ à nobis
in Deo concipitur seipsum in ætabili & perfectissimo modo cognoscente,
hoc enim nomen rei ipsius dignitatem assequi non potest; Vel de
Theologia Christi; Et de *Theologia Anglicæ*; Vel *proprius*, quando
tribuitur *Theologiæ* hominum Viatorum, quæ in naturalem & super-
naturalem distinguitur, ut infra dicetur.

QUÆSTIO II.

An sit Theologia, & Quotuplex?

DAri *Theologiam* multa probant, 1. *Natura & Bonitas Dei*, *THEO-*
qui cū sit optimus, sui maximè est communicativus; non au- *LOGIAM*
tem se communicat creaturæ rationali commodiùs & humanæ na- *dari pro-*
turæ convenientiùs, quàm per sui cognitionem & amorem. 2. *Popu-*
lorum consensus, & affectus innatus omnibus cognoscendi Deum, qui *batur.*
vanus esse nequit. Licet enim à vera *Theologia* turpiter aberrârint, ta-
lem tamen dari, eam consecrando comprobarunt; Unde nulla tam bar-
bara natio unquam reperta est, quæ suos hierophantas non habuerit, qui
in rebus divinis cognoscendis & docendis se occuparent. 3. *Finis Crea-*
tionis; Ideo enim Creaturas rationales condidit Deus, ut ab illis agno-
sceretur & celebraretur, quod sine *Theologia* fieri nequit. 4. *Res na-*
tura; quia quæ duo ad constitutionem disciplinæ requiruntur τὸ γνωστὸν
seu objectum scibile, & τὸ γνωστὸν seu subjectum cognoscitivum hic
occurrunt; Deus scilicet τῶν Θεητῶν Θεητότητων, & Creaturæ ra-

4 L O C U S P R I M U S .

Quæst. I. rationales intellectu præditi ad eum cognoscendum. 5. *Salutis necessitas*, ut enim homo ordinatur ad finem supernaturalem, necesse est illi dari medium supernaturale quo finem illum assequatur, quod non aliud est quàm fides, quæ Dei cognitionem necessario infert.

II. Licet entia omnia tractentur in Disciplinis Philosophicis, non tractantur tamen secundum omnia quæ de ipsis cognosci possunt, sed tantum secundum illud quod de ipsis naturaliter percipi potest, unde ex latitudine objecti Philosophici nullum infertur præjudicium Theologiæ supernaturali, quæ de Entibus quibusdam agit, non quæ per naturam, sed quæ per revelationem cognoscuntur. 2. Quamvis omnia Entia naturalia tradantur in inferioribus scientiis, non tollitur tamen necessitas Theologiæ, ubi mysteria varia docentur supernaturalia, ad quæ nulla humana scientia unquam pertigit.

III. Et si sensus nullâ indiget cognitione supernaturali ad sui perfectionem, non sequitur nec intellectum eâ indigere, quia intellectus ad finem supernaturalem ordinatur, qui comprehensionem rationis excedit, Sensus autem minimè. Quamvis verò hæc intellectus indigentia imperfectionis nota sit respectu finis nondum adepti, & ut significatur finis absentia, tamen perfectionem etiam designat respectu capacitatis ad obtinendum finem.

IV. *Metaphysica* est scientia omnium suprema in ordine naturali, sed se superiorem agnoscit Theologiam in ordine supernaturali. Quod verò dicitur apud Philosophos, scientias distinguere per majorem aut minorem abstractionem, atque adeò scientiam, quæ maximè omnium abstrahit à materia, ut *Metaphysicam*, esse omnibus superiorem, intelligendum est de scientiis merè theoreticis, & quæ non nisi circa res universales versantur, quæque sunt ordinis naturalis; Illæ enim suum sibi objectum per mentis abstractionem constituunt; & quò majori abstractione utuntur, eò sunt superiores; Sed non potest accommodari ad Theologiam, quæ mixta est ex theoria & praxi, quæ omni ordine naturali superior est, & suum sibi objectum per aliquam abstractionem non constituit, sed constitutum & distinctum accipit à Revelatione.

Quæst.
II. in
THEOLO-
GIA.

V. *Theologia* diversimodè distinguere solet. 1. In *veram* & *falsam*. *Falsa* & æquivocè ita dicta, quæ est doctrina erronea de Deo ejusque cultu, varia est. Primò *Gentilium*, quam multiplicem fuisse constat; unde *Plato* lib. 2. de *Repub.* geminam illam statuit, *συβολικὴν*, sive *μυθικὴν*, quæ signorum involueris implicita continebatur, sub quibus divina docere mysteria Gentilium, præsertim *Agyptiorum*, mos erat, & *φιλοσοφικὴν* seu *διδασκαλικὴν*, quæ in rerum divinarum commentatione occupabatur; *Varro* apud *Aug.* lib. 6. de *Civitate Dei* cap. 5. & lib. 8. cap. 1. triplicem facit, *μυθικὴν* seu *fabulosam* Poëtarum, quæ scenis & theatris erat desti-
nata,

nata, πολιτικῶ seu *civilem* Sacerdotum & populi, quæ publicè exerce-
batur in Templis juxta cujusque urbis & gentis ritus, & φυσικῶ seu *na-*
turalem Philosophorum, quæ in scholis docebatur, unde & *Poetae* ob θεο-
λογικὰς μὲν μῆτις, & Philosophi, & Sacerdotes *Theologi* dicti apud
Justin. Cohort. ad Græc. & Clem. Alex. Strom. 5. præcipua vero Theologiæ
ipsorum pars fuit θεογονίας expositio, quia Deos genitos fuisse putabant.
Secundò *Infidelium & Hæreticorum*, qui vel Christum planè rejiciunt, ut
Judei, Mahummedani &c. Vel qui Christi nomen retinent, sed in fun-
damentalibus cum Dei Verbo pugnant, qualis est Theologia *Pontificio-*
rum, Socinianorum, & aliorum idgenus hæreticorum. Licet enim eorum
Theologia aliquid veri habeat; quia tamen maxima ex parte falsa est, & pec-
cat in fundamentalibus, rectè falsa dicitur denominatione facta à potiori.

VII. *Theologia vera* distribuitur 1. in *infinitam* & increatam, quæ
tum est essentialis Dei de seipso cognitio Matth. 11. 27. in qua Deus solus
est simul Θεότης, ἐπιστήμων, & ἐπιστήμη, tum id quod de seipso decrevit
nobis revelare, quæ vulgò *Archetypa* dicitur; Et *finitam* ac creatam,
quæ est infinitæ illius ac πρωτότυπῃ effigies & ἑκτύπων, Creaturarum sci-
licet de Deo & rebus divinis notitia, à suprema illa efformata & creaturis
intelligentibus communicata, vel per unionem hypostaticam animæ
Christi, Unde oritur *Theologia Unionis*; Vel per visionem beatificam
Angelis & Beatis, qui non ambulant per fidem, sed per aspectum;
quæ dicitur *Theologia Visionis*: Vel per revelationem quæ fit Viatoribus,
iis puta qui ad metam nondum pervenerunt, & vocatur *Theologia Re-*
velationis, seu Stadii.

VIII. Secundò *Theologia Revelationis* rursus dividitur in naturalem
& supernaturalem. *Naturalis* quæ versatur circa τὸ γνωστὸν τῷ Θεῷ, tum
instita ex impressis cuique notionibus communibus, tum *acquisita* ex dis-
cursu per creaturas, quæ in Adamo quidem integro fuit exquisita, sed
in homine corrupto perturbatissima. *Supernaturalis*, quæ rationem no-
stram transcendit. & nobis à Deo communicatur novo gratiæ lumine,
ut ad summi boni fruitionem deveniamus, quæ tum Patriarchis revelata
est, tam ante quàm post diluvium, Tum per Moysen à Deo populo
Israëlitico tradita, Et Veteris Testamenti dicitur; Vel *N. T.* quæ *Chri-*
stiana peculiariter vocatur, quia Christum authorem & objectum habet,
est à Christo Joan. 1. 18. & de Christo agit Act. 1. 1. 1. Cor. 2. 2. &
Revelata strictè vocatur, quia principium ejus est divina Revelatio stri-
ctè sumpta, & facta per Verbum, non per Creaturas.

IX. *Theologia supernaturalis* con-
deratur, Vel *systematicè* prout no-
tat compagem doctrinæ salutaris de Deo & rebus divinis ex Scriptura ex-
pressa, per modum disciplinæ alicujus in sua præcepta certâ methodo
dispositæ, quæ & *abstractiva* & *objectiva* dicitur; Vel *habitualmente*, &

QUÆST. II. per modum habitus in intellectu residentis, & *concretiva* & *subjectiva* vocatur: Rursus Theologia habitualis, vel est *habitus principiorum*, quo unusquisque fidelis res à ratione alienas & remotas percipit, vel *habitus conclusionum*, quo ex principiis fidei lumine notis doctrinam salutarem explicamus & confirmamus.

X. Ut triplex datur Schola Dei, Naturæ, Gratiæ, & Gloriæ, & triplex Liber, Creaturæ, Scripturæ, & Vitæ; Ita trifariam solet distingui Theologia, ut prima sit naturalis, secunda supernaturalis, tertia beatifica; prima ex lumine rationis, secunda ex lumine fidei, tertia ex lumine gloriæ: illa est hominum in mundo, ista fidelium in Ecclesia, hæc beatorum in cælo.

Unitas
THEOLO-
GICÆ.

XI. Licet *Theologia* agat de diversis rebus, & ad diversas scientias pertinentibus, non delimit esse *una*, quia agit de illis sub eadem ratione formali, prout sunt res divinæ Verbo Dei nobis revelatæ. Unitas autem doctrinæ pendet ab unitate objecti, non materialiter, sed formaliter considerati. Unde si aliæ disciplinæ tractant de variis in Theologia contentis, non de illis tractant eodem modo, nec sub eadem ratione formali; Nam Theologia de illis agit, quatenus nobis Verbo Dei sunt revelatæ; Deinde eas considerat juxta causas remotas puta efficientem primam à qua sunt, & finem ultimum ad quem referuntur, non autem proximas; & juxta accidentia supernaturalia, non naturalia.

XII. Aliud est Theologiam esse unam quoad *substantiam* & *genus doctrinæ*; Aliud quoad *modum tractandi*; Posteriori sensu potest dici multiplex juxta varium *παιδείας τρόπον*, secundum quem tradi potest, & sic in Didacticam, Problematicam, Elencticam, Casuisticam &c. distribuitur; sed priori sensu nec est, nec potest esse multiplex, quia unum idemque genus doctrinæ semper in ea traditur.

XIII. Hinc etiam patet posse eam differre secundum magis & minus, quoad varios *gradus* revelationis, prout vel obscurior est sub Veteri Testamento, vel clarius sub Novo, vel perfectior vel imperfectior pro ratione subjectorum; sed non inde sequitur eam differre quoad *speciem*, quia eadem substantia doctrinæ utrobique retinetur, ut Christus idem est heri, hodie & in secula. Hebr. 13. 8.

XIV. Non perit Theologiæ sua *Unitas* licet dicatur partim theoretica, partim practica; quia scientia quævis una dicitur, non unitate simplici & absoluta, quæ unitas numerica & individualis dicitur, quasi esset una & simplex qualitas v. g. albedo in pariete; sed *unitate aggregativa*, quæ dicitur *unitas collectionis*, quatenus scilicet multi speciales habitus constanter & ordinantur ad unum totalem scientiæ habitum constituendum. Sic Imago Dei una est, licet novitatem mentis & affectuum complectatur; & Liberum Arbitrium unum, licet in intellectu & voluntate situm sit.

QUÆST.

QUÆSTIO III.

An detur Theologia Naturalis?

Non quæritur de *Theologia* in genere, sed de *naturali* in specie; *Status* Nec de ea qualis fuit in Adamo ante lapsum, hanc enim fuisse in *Quæstio-* Adamo, vel ex sola Dei imagine ad quam conditus est, satis con- *nis.* stat; sed de ea qualis remanlit post lapsum.

II. Non quæritur, An detur *Theologia naturalis*, quæ talis sit *actu* statim atque homo nascitur, ut actus vitæ est in vivente, & sensus in sentiente statim ab utero: Certum enim est nullius rei actualem cognitionem nobiscum nasci, & hac ratione hominem esse instar tabulæ ræsæ. Sed, An talis detur saltem ratione *principii* & *potentie*, seu, An detur in homine talis facultas naturalis ipsi insita, quæ se ultro & sponte exerat in omnibus adultis sanâ mente præditis, quæ complectatur non modò potentiam intelligendi, sed etiam principia naturalia notitiarum, ex quibus conclusiones tum theoreticæ tum practicæ deducuntur; quod asserimus.

III. Non quæritur, An cognitio ista sit perfecta & salutaris; fatemur enim post peccatum valde obscuratam esse, ut ad salutem penitus insufficiens facta sit; Sed tantùm, An aliqualis supersit in homine de Deo cognitio, per quam persuadeatur, Deum esse, & esse religiosè colendum.

IV. Res nobis hic est cum *Socinianis*, qui negant dari talem Theologiam seu cognitionem Dei naturalem, & si quæ esse videtur, eam partim à Traditione Majorum inde ab Adamo, partim ex variâ revelatione diversis temporibus factâ dimanasse volunt. *Socin. Prælect. Theol. c. 2. Ostorod. Institut. Relig. Christ. c. 3.* Orthodoxi verò Theologiam naturalem dari partim *insitam* quæ ex libro conscientiæ hauritur *universis involat*, partim *acquisitam* quæ ex libro Creaturarum petitur per discursum, constanter docent. Et sequentibus argumentis probant.

V. Quia datur in homine *Lex naturalis*, quæ scripta est in uniuscujusque conscientia, & quæ hominem excusat & accusat in bene vel malè factis, quæque ideo necessariò includit cognitionem Dei Legislatoris, cujus autoritate homines obligat ad obedientiam, iisdemque præmia vel pœnas denunciat. *Gentes quæ Legem non habent*, id est Legem Mosis, *naturâ quæ legis sunt faciunt*, adeoque *Legem non habentes sibi ipsis sunt Lex*; ut qui ostendant opus Legis scriptum in cordibus suis, unâ testimonium reddente ipsorum conscientia, & cogitationibus sese mutuò accusantibus & excusantibus. *Rom. 2. 14. 15.* quod dici non posset, nisi conscientia diceretur unicuique dari aliquod Numen probans rectè facta, & impro-

THEOLOGIA naturalis probatur ex Rom. 2. 14. 15.

QUEST. III. improbens, ac puniens malè facta. Nec excipi potest. 1. Non Legem, sed *opus Legis* dici inscriptum, quia Apostolo ista sunt synonyma, *sibi ipsi esse Legem* v. 14. & *opus Legis cordibus inscriptum habere* v. 15. Et rei natura hoc evincit, quia tale opus Legis intelligitur, cujus instinctu homo non modò honestum à turpi distinguit, sed ad illud præstandum, & hoc fugiendum impellitur. 2. Legem non dici innatam, sed *inscriptam*, id est cognitam, ut Judæis cognita Lex Moysis ex revelatione; Nam *inscriptio* naturalem revelationem istius Legis infert in hominis conscientia, oppositam revelationi externæ, quæ facta est Judæis per inscriptionem in tabulis lapideis. Unde per conscientiam, quæ se tum in *συνείδησι*, tum in *συνέδησι* exerit, exponitur v. 15.

Ex Ps. 19. VI. Quia Deus sui dedit notitiam tum insitam, tum acquisitam homini, quò pertinent loca Psal. 19. 1. Act. 14. 15. 16. 17. & 17. 23. 1. Act. 14. Rom. 1. 19. 20. Nec admitti potest audax *Socini* corruptela, qui verba Pauli ad secundam Creationem refert per Christum factam; quasi Apostolus innuat ea quæ inde à Creatione invisibilia & incognita fuerint hominibus, nunc conspici & cognosci factis Dei & hominum divinorum, id est Christi & Apostolorum ejus. Verba enim Pauli, & series sermonis clamant de prima eum loqui: Nam probare vult homines impios adversus quos cœlitus ira Dei demonstratur v. 18. Veritatem in injustitiâ detinere, nimirum veras de Deo notiones, quæ in revelatione naturali continentur, quod ostendit v. 19. quum ait *id quod cognosci potest de Deo manifestum esse ex cœlis in ipsis, quia Deus ipsis revelavit*, partim in cordibus ipsorum, partim in operibus Creationis. 2. Scopus Pauli idem docet, qui est demonstrare nec Gentiles ex Natura cap. 1. nec Judæos ex Lege justificari potuisse cap. 2. quia omnes sint peccatores, sed demum ex Evangelio quod à Christo revelatum est. 3. *πνεύματα* hic non possunt referri ad miracula ab Apostolis facta, quia nunquam in Scriptura sic appellantur, nec innotuerunt Ethnicis, de quibus agit Paulus; sed ad opera creationis Mundi, quia invisibilia Dei *ὅτι κτίσις κόσμου* in illis dicuntur patefieri.

Ex Experientia universalis.

VII. *Experientia universalis* hoc confirmat. Nam quod omnibus & singulis hominibus communiter & immutabiliter inest, id debet inesse naturaliter: Quia naturalia omnibus conveniunt & immutabilia sunt; sed notitia Divinitatis omnibus inest immutabiliter, quia nulla est tam barbara natio, cui non infideat hæc persuasio Deum esse *Cic. lib. 1. de Nat. Deor.* Ita ut res quasque vilissimas, imò Cacodæmonem ipsum potius pro Numine colant, quàm ut nullum habeant Numen. Et si qui sensum hunc excutere conati sunt, nunquam potuerunt; licet ad tempus videantur callum obduxisse, recurrit tamen terror Numinis, maxime in adversis.

Ex Religionum institutione.

VIII. *Religionum in Mundo institutio*, Theologiam naturalem clarissi-

clarissimè evincit. Nam unde occulta illa hominum ad Religionem propensio, juxta quam homo Platoni est *ζῷον θεοειδές τι*, nisi ex sensu Numinis, quod colendum agnoscunt? Nec tam proni fuissent ad idololatriam & quidem teterrimam amplectendam Populi, & ad falsas & fictitias religiones tam facilè recipiendas, quas Impostores astu Politico excogitarunt ad homines mancipandos, nisi instinctu quodam naturali ad Religionem & cultum alicujus Numinis impulsu fuissent. Nec dici potest Gentes hoc non tam instinctu, quàm imitatione fecisse; nam si non fuisset instinctus naturalis, homo animal gloriæ coram vilissimis creaturis se non abjecisset, ne censeretur omni Numine carere, nec quod ab imitatione tantum oritur, adèd commune & universale esse potest.

IX. Licet dentur Gentes nonnullæ maximè feræ, quæ videntur omni sensu Numinis destitutæ; non tamen carent omni cognitione Dei; exilia quidem possunt esse Religionis semina, quæ in ipsis remanent, propter maximam cæcitatem, & stuporem quo ad feræ & bruta videntur magis accedere; sed supersunt tamen quædam in iis, ut in Americanis & Brasiliensibus, quod nobis hîc objicit Socinus: Licet *Jo. Lerus Burgundus* observet nullos Deos apud eos agnosci, vestigia tamen divinitatis in iis superesse non obscurè innuit tum ex eo quod suos *Caribes* seu Sacerdotes habere narret, quos sunt persuasi & fortitudinem bellicam impertiri, & omnes è terra fructus producere, eo quod cum spiritibus commercium habeant; tum ex eo quod fateantur animas eorum qui virtutem coluerunt, post altissimos montes evolantes, in amœnissimis hortis perpetuis deliciis latum ævum agere, ignavorum contrà abripi ad *Signan* sic cacodæmonem vocant, & cum eo inter æternos cruciatus vivere. Idem in histo. naviga. in Brasiliam c. 6. narrat Mexicanorum summum Deum esse *Hoizili Pochtli*. Josephus à Costa in histo. Indi. Occiden. lib. 5. c. 2. & 3. Peruvianos suos habere Deos, & inter eos suum Piracocha, quem Pachacamak creatorem cœli & terræ vocant. Non absimilia leguntur apud Hiero. Benzonium in historia novi mundi, & Bartolo. de las Cazas, aliosque.

X. Non repugnat unum idemque vario respectu & ex lumine rationis cognosci, & credi lumine fidei, ut quod non nisi subobscurè ex uno colligitur, ex altero certius teneatur; sic Deum esse & ex natura cognoscimus, & ex fide, Hebr. 11. 6. ex natura obscuriùs, ex fide verò certius. Ita notitia specialis veræ fidei, per quam fideles placent Deo, & aditum habent ad ipsum, de qua ibi Paulus agit, non excludit, sed supponit generalem per naturam.

XI. *Mens* hominis est *tabula rasa* non absolutè, sed secundum quid, quoad discursum & cognitionem dianoëticam, quæ acquiritur necessariò unum ex alio inferendo. Sed non quoad cognitionem apprehensivam & noëticam: Nam vel teste ipso Paulo opus Legis ita insculptum est

QVÆST. III. cordibus Gentium, ut naturâ faciant quæ sunt Legis; unde duplex Scriptura legitur in corde hominis: Alia Dei in reliquiis imaginis suæ & Lege naturali; Alia Diaboli per peccatum.

XII. Quod naturale est subjectivè & constitutivè semper eodem modo se habet; Sed non quod tale est qualitativè & consecutivè, nam qualitates recipiunt magis & minus; Theologia naturalis ita dicitur non primo, sed secundo sensu; Unde non mirum, si pro ratione subjectorum, quæ vel majori vel minori pollent acumine, variat quoad gradum.

XIII. Licet non negemus Theologiam naturalem ab hominum institutione etiam pendere; Certum est tamen modum illum insufficientem futurum fuisse, nisi supposita fuisset cognitio Dei naturalis tum innata tum acquisita.

XIV. Licet cognitio Dei sit naturalis, non sequitur neminem mortali Deum negare potuisse; Quia si qui negarunt, non tam ignoratiâ negarunt, quàm malitiâ, redarguente eos propriâ conscientiâ, quod de Atheis irrisoribus in populo Dei testatur David Psalm. 14. 4. 5. & de Philosophis asserit Paulus Rom. 1. 18. 19. docens eos veritatem, id est, veras de Deo notiones in injustitia detinuisse. Causa negationis ergo non tam fuit ignorantia absoluta Dei, quàm corruptio & malitia cognitionem insitam suffocans & tantum non extinguens, ut liberiùs peccare possent.

Q U Æ S T I O IV.

An Theologia naturalis sit sufficiens ad salutem, seu, An Religio aliqua communis detur, per quam omnes promiscuè salvari possint? N. c. Socin. & Remonstrantes.

Occasio
Quæstio-
nis.

I. **O**ccasionem quæstioni dedit dogma impium Pelagianorum; Unumquemque in Religione suâ bene institutum servari, quod non tantum retinent Libertini, David-Jorristæ & similes, qui honestâ & civili conversatione contenti, quamlibet Religionem censent indifferentem; Sed & Sociniani hodie approbant, partim directè, dum docent eos, qui juxta lumen naturæ tanquam interius quoddam verbum Deum colunt, ipsi placere & gratos esse, & remuneratorem ipsum experiri, Socin. *Prælect. cap. 2.* partim indirectè & obliquè dum Capita Religionis præcisè ad salutem necessaria ad paucissima revocant, eaque suo modo & gradu omnibus communia faciunt, ut suo loco dicetur. Ad quos Remonstrantes non obscurè accedunt; Alii apertiùs ut Curcellæus, & Adolph. Venerator, qui in Apologia sua contra Ministros Dordracenos disertè hanc pro-

positionem negat, *Nemo potest servari qui Christo per veram fidem non sit insinus.* Alii cautiùs ut *Arminius, Corvinus, Episcopus*, qui non immediatè sed mediatè Ethnicos aliosque ad salutem admittunt, dum statuunt recto usu luminis Naturæ acquiri lumen Gratiæ, & per gratiam perveniri ad gloriam, *Armin. resp. ad Art. 15. 16. 17. & Arnoldus contra Tilenum.* In eodem errore versantur varii ex Pontificiis, qui salutem Ethnicorum absque Christi noticia ausi sunt propugnare, ut *Abulensis, Durandus, Capreolus, Andradus, Vega, Soto, Erasmus & alii.*

II. Orthodoxi verò contrà constanter tuentur, Theologiam sive veram Religionem per quam homini post lapsum contingere potest salus, unam esse tantùm, Verbo Legis & Evangelii revelatam; alias verò Religiones omnes præter hanc unam, vel impias esse & idololatricas, vel falsas & erroneas; quæ licet notitias quasdam obscuras & imperfectas Legis & τῷ γνωστῷ Θεῷ retineant, non ulteriùs tamen juvent, quàm ad hominem reddendum ἀναπλόγηται.

III. Non quæritur, An sint principia quædam Religionis apud Status omnes communia; fatemur enim in Theologia naturali ex lumine naturæ talia quædam dari, quibus superstruitur Theologia supernaturalis; verbi gratiâ, Deum esse, Deum esse colendum &c. Sed quæritur, An principia adæquata & propria veræ Religionis possint haberi apud omnes; quod negamus.

IV. Non quæritur, An hominibus utilis sit Theologia naturalis; Agnoscimus enim varios ejus fines & usus, 1. ut sit testimonium bonitatis Dei erga homines peccatores indignos etiam hisce reliquiis lucis, Act. 14. 16. 17. Joan. 1. 5. 2. Ut sit vinculum externæ disciplinæ inter homines, ne mundus in latrocinium abeat, Rom. 2. 14. 15. 3. Ut sit conditio subjectiva in homine ad lumen gratiæ admittendum, quia Deus non alloquitur bruta & truncos, sed creaturas rationales. 4. Ut sit incitamentum ad quærendam illustriorem Dei revelationem, Act. 14. 27. 5. Ut reddantur homines inexcusabiles, Rom. 1. 20. tum in hac vita in judicio conscientiæ accusantis, Rom. 2. 15. tum in futura in judicio Dei qui judicabit de latebris hominum, Rom. 2. 16. Sed quæritur, An sufficiat per se ad salutem, & An finis à Deo intentus in illa revelatione fuerit salus hominum quibus facta est; quod negamus.

V. Rationes sunt varix 1. Quia Religio salutaris nulla esse potest sine Christo, & fide in ipsum, Joan. 3. 16. & 17. 3. Act. 4. 11. 12. 1. Cor. 3. 11. Heb. 11. 6. At nusquam Christus revelatur nisi in Evangelio; nec fides datur sine Verbo, cum sit ex auditu, Rom. 10. 17. Nec excipi debet hinc tantùm sequi Religionem Christianam esse unicam viam ordinariam salutis; sed inde non colligi Deum non posse extraordinarie salutem conferre iis qui sancte vixerint juxta legem naturæ, etsi Christus illis annuntiatus non

THEOLOGIAM naturalem non sufficere ad salutem probatur.

Quæst. I. fuerit: Nam cum Scriptura testetur Christum unicam esse viam salutis, IV. sine quo nemo veniat ad Patrem, via extraordinaria absque Christo fingi sine crimine nequit. 2. quia Status Gentilium & eorum omnium qui Christi Verbo destituuntur, vocatur *Tempus ignorantia*, Act. 17. 30. quo Deus quasi connivendo eos dissimulavit, gentibus permittens in viis suis incedere, Act. 14. 16. & quo serviebant ignoto Deo, Act. 17. 23. Eph. 2. 12. & Athei erant in mundo, Eph. 2. 12. quod dici non posset, si revelatio naturalis habuisset ea quæ poterant sufficere ad salutem. 3. quia si salus posset haberi ex Religione communi, non opus fuisset Evangelio & Verbi præconio; cum tamen testetur Paulus 1. Cor. 1. 21. postquam in Dei sapientia, Mundus Deum non cognovit per sapientiam, placuisse Deo servare credentes per stultitiam prædicationis, id est, per Verbum Evangelii, quod impiis est stultitia.

Fon-
tes

Solutio-
num.

VI. Aliud est dari aliquam notitiam Dei Creatoris & Conservatoris, sed imperfectam, corruptam & obscuram; Aliud habere plenam, integram & claram cognitionem Dei Redemptoris & legitimi cultus illi debiti: Illud habet Theologia naturalis in $\gamma\omega\sigma\tau\omega\ \tau\tilde{\omega}\ \Theta\epsilon\tilde{\omega}$: Hoc sola revelata in $\tau\tilde{\omega}\ \pi\tau\omega$, quod ex Verbo tantum habetur. Nec sic Deus non se reliquit $\alpha\mu\acute{\alpha}\rho\tau\upsilon\rho\epsilon\nu$ in natura benefaciendo hominibus quoad $\tau\alpha\ \beta\iota\omicron\tau\iota\kappa\acute{\alpha}$ Act. 14. 17. quæ sæpe largitur iis quos odio habet, & quos exitio devovit, sequitur Vocationem externam objectivè fuisse sufficientem ad salutem, quia dicitur v. 16. *Si vixisse gentes ire viis suis*, & cap. 17. 30. vocatur *tempus illud ignorantia*, quod non aliò respicit, quàm ad defectum Vocationis externæ, quia illud opponit tempori Novi Testamenti quo per Verbum vocat homines ad poenitentiam.

VII. Aliud est quærere favorem & gratiam Dei per Verbum suum revelati, vi promissionum suarum in Christo; Aliud quærere Deum ignotum in operibus naturæ & providentiæ, si forsan palpando inveniri possit. Posteriùs rectè dicitur de Gentibus Act. 17. 26. 27. sed non prius. Nec si alibi in Scriptura $\tau\tilde{\omega}\ \kappa\upsilon\alpha\rho\epsilon\tau\epsilon\ \Delta\epsilon\upsilon\mu$ significat ad fidem ejus confugere & gratiæ ejus præsidium expetere, Et *eum invenire* notat expetiturum ejus præsidium obtinere, & sanctissimum ejus Numen propitium experiri. Sequitur hoc in loco eodem sensu intelligendum esse: Quia & diversa sunt objecta, & planè diversa quærendi ratio. In aliis locis, quæ afferuntur agitur de populo Dei fœderato. In hoc verò de iis tantum, qui extranei erant quoad pactorum promissiones. In illis de iis qui Deum cognoverunt in Verbo, & idola abominati sunt. In hoc de idololatriis, quibus Deus erat ignotus. In illis de quærendo & inveniando Dei cogniti favore per Christum. In hoc verò de Deo ignoto per opera naturæ & providentiæ quærendo, ut cognoscatur, & ab idolis discernatur. Denique in illis simpliciter & absolutè dicitur fideles Deum quærere debere ut cum

ad

ad salutem inveniant, sed in hoc Deum ideo in mundo condendo & re-
gendo potentia & Divinitatis suae documenta dedisse illiusmodi, quibus
inducerentur ad omnium conditorem *eo modo* quaerendum, nempe si mo-
dò *palpando eum inveniant*, quod de Sanctis iis, quorum in V. T. fit men-
tio, qui certissimis Dei in Christo promissis nixi ad eum accedere soliti
sunt, dici debere nemo dixerit.

QUEST.
IV.

VIII. Locus Rom. 1. 19. 20. de γνωστὶς τῆς Θεᾶς non favet Religioni Rom. 1. 19.
communi per quam omnes possint salvari, & quae sufficiat ad salutem. 1^o 20.
quia agitur hic tantum de γνωστὶς, non de πνεύματι, quod solum est salutare.
2^o Paulus dicit τὸ γνωστὸν Dei patefactum esse Gentibus, sed non πνεύματι
γνωστὸν, illud scilicet quod haberi potest ex libro naturae, non autem illud
omne quod de Deo cognosci potest ex Verbo, & quod scitu necessarium
est ad salutem, quale est Mysterium Trinitatis, & Christi Redempto-
ris &c. 3^o restringitur ab Apostolo illud γνωστὸν ad potentiam Dei & ejus
Divinitatem, id est, ad cognitionem existentiae Dei & illorum attributo-
rum, quae in operibus Creationis & Providentiae in sensus magis incur-
runt, quod ad Theologiam naturalem referri solet: Sed non extenditur
ad cognitionem voluntatis & misericordiae ejus in Christo, quae ex Verbo
tantum, nequaquam vero ex operibus Dei haberi potest, sine qua tamen
nulla salus. 4^o tale est γνωστὸν quod non aliò potest pertinere, quam ut
reddat homines inexcusabiles, Rom. 1. 20. Nec particula εἰς τὸ quae ibi
habetur debet intelligi tantum eventualiter, ut notetur rei eventus per ac-
cidens, sed etiam finaliter quoad Dei consilium, quia eventus ille non po-
test non esse à Deo intentus, cum hic agatur de opere quod facit Deus ex
decreto, non de eo quod praecipit tantum ex Lege.

IX. Quod sufficit ad inexcusabilitatem non statim sufficit ad salutem, si
eo bene utaris: plura enim requiruntur ad salutem conficiendam, quam
ad damnationem iustè & συναπολογίτως incurrendam; malum enim ex quo-
libet defectu oritur, at bonum requirit integram causam; v. g. qui impe-
gerit in uno reus est omnium, ex Jac. 2. 10. sed non statim qui bene fece-
rit in uno iustus est in omnibus: unius peccati admissio potest reddere
hominem inexcusabilem, sed unius boni operis impletio non sufficit ad
hominem salvandum; Sic inexcusabiles erant Gentiles, quòd loco unius
Dei, quem poterant ex lumine naturae cognoscere, innumeros sibi finge-
rent: Sed non ideo cognitio unius Dei potest dici sufficere absolutè ad sa-
lutem. Ita inexcusabilitas ista restringenda est ad materiam subjectam de
qua agit Apostolus, nimirum ad idololatriam quae sufficiebat ad eorum
damnationem, licet ejus fuga non sufficeret ad salutem.

X. Aliud est hominem esse excusabilem vel excusandum; aliud salva-
bilem vel salvandum, si excusabilis est tantum à tanto non à toto, quod
Ethnicis competeret, si per impossibile bene uterentur lumine naturae;

QUEST.
IV.

quia licet actiones suas externas ritè componerent à peccatis sequentibus abstinendo, non possent tamen veniam præcedentium peccatorum præsertim originalis obtinere, & statum & naturam corruptam reformare; actiones enim quas facerent, externæ tantum essent & bonæ quoad substantiam operis, non item quoad modum & principium, Spiritu Sancto quippe destitutæ; & si homini prodesse, prodesse tantum quoad præsens vel futurum, non verò quoad præteritum, ad tollendum reatum præcedentem, absque quo tamen nulla dari potest homini salus.

XI. Perperam dicitur in *γρως τὸ εἶναι* sufficientem dari *objectivè* Gratiæ & Redemptoris revelationem ad salutem, si non claram & explicitam, saltem obscuram & implicitam; quatenus in illo Deus cognoscitur ut Misericors, ac proinde aliquo licet confuso modo Redemptor, qui satisfactionem acceperit, & qui ad pœnitentiam vocet & remissionem peccatorum promittat. Nam primò, Aliud est longè posse cognosci Deum ut misericordem *misericiordiâ generali*, quæ ad bonum aliquod temporale & pœnarum dilationem vergat; Aliud ut misericordem *misericiordiâ speciali* & salutare in Christo, & positâ satisfactione. Aliud posse cognosci Deum ut *placabilem* & benignum; Aliud ut reipsa *placatum*, vel certò *placandum*. Prius damus Ethnicos ex lumine naturæ habere potuisse; sed non posterius, quod tamen necessariò requiritur ad tranquillandam conscientiam; Quid enim juvaret scire Deum posse placari, nisi constaret eum etiam velle placari, & medium talis placationis esset perspectum? Cùm enim conscientia prematur peccati reatu, & Justitiæ divinæ sensu, nunquam tranquillari poterit, nisi & bona Dei voluntas, & modus Justitiæ ejus placandi ipsi innotescat; quis autem dixerit hoc ex libro naturæ, ubi se Deus Creatorem tantum & Conservatorem exhibet, posse haberi? Quis non contrà ex solo Verbo Evangelii quod misericordiam Dei in Christo nobis revelat, petendum esse fateatur? Aliàs quare Paulus Mysterium hoc vocaret quod omnibus ætatibus incognitum fuit, Rom. 16. 25. Quare diceret Gentes alienas fuisse à fœderibus, & extra Christum, Ephes. 2. 12. si suberant semper aliquatenus fœderi gratiæ, in quo data fuit aliqua; licet confusa & implicita, misericordiæ salutaris in Christo notitia?

Matt. 13.
11.

XII. Non meliùs sese expediunt qui aliud incrustamentum quærunt, & distinguunt *sufficientiam mediatam* & *immediatam*, quali Gentiles qui non potuerunt habere revelationem sufficientem immediatè, habuerint tamen sufficientem mediatè; quatenus supponunt, si aliquis bene usus fuisset lumine naturæ, Deum superadditurum fuisse lumen gratiæ; hoc enim decere misericordiam ejus, & ex dicto Christi Matth. 13. 11. *habenti dabitur* colligi posse. Nam præterquam quod absurdè dicitur illa revelatio sufficiens, quæ eget aliâ revelatione superadditâ; quo sensu carpiamus Pontificiorum sententiam, qui pertendunt Scripturam dici posse sufficientem

ficientem mediâtè, quia licèt omnia non contineat, nos ad Traditionem QUEST. IV.
amandat à qua possunt peti: Supponitur hîc gratis quod probandum fuit,
Deum bene utenti lumine naturæ superadditurum fuisse lumen gratiæ,
quasi Deus sese ad quicquam adstrinxerit, aut homini quicquam debeat,
aut uspiam nexus ille ex Scripturis probetur. Imò hoc è Pelagii fontibus
videtur haustum, 'qui statuebat *facienti quod in se est Deum non denegaturum
gratiam*. Locus Matth. 13. 11. huc trahi non potest, quia agitur ibi ma-
nifestè de donis gratiæ, quæ Deus novis donis coronare solet, non de do-
nis naturæ.

XIII. Locus Pauli Rom. 2. 4. quum ait τὸ χρηστὸν τῷ Θεῷ εἰς μετάνοιαν ἀγεῖν, *benignitatem Dei ad pænitentiam invitare*, non huc pertinet,
quia non agit de Gentilibus, sed de Judæis, quos hoc capite convincere
vult peccati, ut cap. 1. Ethnicos jam ejusdem reatus convicerat: Patet 1.
ex iis quæ isti homini quem compellat tribuit, quæ in nullum alium,
quàm in Judæum aptius quadrant, ut quòd alios judicet in iis quæ ipse
perpetrat, &c. 2. ex v. 17. ubi nominatim dirigitur sermo ad Judæum,
qui dicitur esse homo ille quem alloquutus fuerat, *Ecce tu Judæus nomi-
naris*, quæ verba non sunt sermonis novi inchoatio ad alium hominem à
præcedente, sed prioris continuatio cum clariori designatione personæ:
χρηστὸς ergo de qua hîc agitur notat revelationem factam Judæis, & be-
neficia ipsis collata; sed nihil commune habet cum operibus providentiæ
generalis.

XIV. Quamvis conscientia Gentilium aliquando eos excusare dicatur, Rom. 2. 14.
Rom. 2. 14. 15. non sequitur posse eos in illo statu verâ & solidâ pace, & 15.
quæ eam sequitur perfectâ salute frui; Quia aliud est excusare in quibus-
dam, vel à tanto quod facit; aliud in omnibus & à toto, quod illi est im-
possibile; Aliud excusare à gravioribus sceleribus, & comparatè ad alios
nequiores; Aliud pacem certam & constantem nobis largiri, quæ fuit ex
sensu amoris Dei & nostræ cum eo reëconciliationis, quæ in Ethnico dari
non potest.

XV. Alia ratio est *status instituti & destituti*; Alia Legis in se & naturâ Rom. 2. 13.
suâ consideratæ, Alia respectu nostri: Lex initio homini integro data ad
vitam, & per se etiam ad vitam duxit, juxta sanctionem, *Fac hoc & vi-
ves*; sic intellige Rom. 2. 13. Sed post lapsum quando viribus destituta est
per carnem, non ad vitam, sed in speculum peccati & miseriæ, ad hominis
peccatoris inexcusabilitatem data est, Rom. 3. 19. 20.

XVI. *Opus Legis* bifariam dicitur, vel *formaliter*, quod Lex ipsa
præstat, vel *imperative* quod homini præcipit; prius est opus seu officium
Legis circa hominem quod in præceptione, promissione, interdictione
& comminatione versatur; posterius est opus hominis circa Legem; prius
est propositio & revelatio Legis; posterius ejus observatio & impletio.
Gen.

QUÆST. IV. Gentiles dicuntur *facere quæ sunt Legis*, Rom. 2. 14. non quoad posterius, sed prius; non implendo mandata quæ Lex præscribit, sed faciendo quod ipsa facit, honesta præcipiendo, & turpia vetando; patet 1^o ex scopo generali Pauli, qui etiam convincere Gentiles etiam sine Lege scripta, mortis reos esse ex Lege naturali. 2^o ex verbis sequentibus quæ sunt *ἐξ ἑαυτῶν*, quia *Legem non habentes, sunt sibi ipsis Lex*. E. facere quæ sunt Legis est, esse sibi ipsis Legem.

XVII. Licet Ethnici comparatè considerati, & relatè ad se invicem, alii aliis iustiores fuerint; licet eorum opera civiliter & moraliter loquendo virtutes dici possint; atque ita non ipsis defuerit vitæ rectè institutæ duplex præmium; tum positivum, quia hoc illis plerumque cessit in bonum aliquod temporale & conscientia aliquam tranquillitatem in hoc mundo; tum negativum, quia tolerabilior illis pœnæ evasit conditio: Tamen Theologicè loquendo & relatè ad Deum, eorum opera in speciem optima, nihil aliud fuerunt quàm splendidiora peccata, quæ apud Deum nihil conferre potuerunt ad salutem.

XVIII. Exempla Melchisedeci, Jobi, Centurionis, & similium quæ afferuntur sunt aliena; quia illi omnes specialis gratiæ & revelationis auxilio, & verâ fide fecerunt ea propter quæ laudantur in Scripturis, non ex simplici naturæ lumine.

XIX. *Cornelius* licet Gentilis origine, fuit tamen Profelytus Religione; etsi non crederet Messiam venisse, & esse Jesum quem Petrus nuntiabat; poterat tamen credere cum Judæis eum venturum ex oraculis Prophetis: Ita non accensendus est Ethnicis, sed Patribus, qui salutem à Redemptore nondum patefacto expectabant; unde ab adventu Petri non accepit fidei initium, sed augmentum.

Heb. 11. 6. XX. Articuli duo de quibus Heb. 11. 6. non intelligendi sunt physicè, quatenus rationis lumine percipi possunt; sed hyperphysicè & Theologicè, quatenus per Scripturas nobis manifestantur cognitione salvificâ, quâ non tantum novimus, quod sit Deus, & quod sit omnipotens rerum omnium Creator, sed quis sit, Pater, Filius & Spiritus Sanctus, & post lapsum Redemptor; non tantum Remunerator legaliter ex merito eum quærentibus, sed ex gratia eum quærentibus Evangelicè per fidem in Mediatorem. Hanc esse mentem Apostoli probat 1. adjunctum fidei salvificæ, quam toto capite prædicat. 2. Exempla Sanctorum quæ ibidem referuntur: Ita fides in Deum, de qua Apostolus loquitur, non est generalis notitia Dei bonitatem suam quovis modo diffundentis; sed cognitio veri Dei propter Christum bonæ cœlestia largientis. *Accedere ad Deum* Apostolo nihil aliud est quàm communionem cum Deo in Christo obtinere, ut passim alibi in eadem Epistola, Heb. 4. 16. & 7. 25. & 10. 22. Unde perperam *Curcellanus* fidem in Deum, & fidem in Christum distinguit, ut illa sit absolutè

absolutè necessaria ad salutem, hæc non nisi ex revelatione divina; Nam Quæst.
IV. nulla vera & salutaris potest esse fides in Deum, quæ non conjuncta sit cum fide in Christum, Joan. 14. 1. Cum in Deum non possimus credere, nisi per Christum.

XXI. Non negamus varios ex Veteribus de Gentiliis & Philosophorum juxta rationem vitam suam instituentium salute bene sperasse, ut *Clem. Alex. Strom. 7. Justi. Apol. 2. Chrysost. homil. 37. in Matth. & alios citatos Casaubono Exercit. 7. in Baronium*; Sed minùs mirum est istos in errore versatos fuisse, cum ante exortum Pelagium securiùs loquerentur; quàm multos Scholasticos post gratiæ in Christo necessitatem tam fortiter ab Augustino & discipulis ejus assertam, qui ad eundem lapidem impigere.

XXII. Si Zuinglius, Herculem, Theseum, Numam, Aristidem, Socratem, & similes Heroes cælo adscripsit, in Epist. ad Franciscum I. præfixâ Confessione fidei, ubi cœlestium consortium describendo post nominatos Veteres & Novi Testamenti Sanctos, addit. *Hic Herculem, Theseum, Socratem, Aristidem, Numam &c. Hic Antecessores tuos & quotquot in fide hinc migrârunt Majores tuos videbis.* Præterquàm quod à Nostris non probatur; certum est eum potiùs errasse in facto quàm in jure, non quasi senserit januam salutis patere extra Christum & fidem, sed quia speravit misericordiam divinam modo nobis occulto, sed ipsi cognito, fidem aliis instillasse quos virtutibus aliàs heroicis tam egregiè illustrasset, quod patet ex eo quod expressè loquitur de iis qui *in fide migrârunt*, quod non debet ad Majores Regis restringi, sed ad eos omnes de quibus loquutus fuerat in præcedentibus. Hanc autem illi mentem fuisse docet ejus de peccato originali declaratio ad Urbanum Rhegium Tom. 2. p. 109. ubi cum errare eos dixisset, qui damnationi adjudicant omnes quos Gentiles vocamus, addit, *Quid enim scimus, quid fidei quisque in corde suo Dei manu scriptum habeat?*

XXIII. Licet Ethnici varia sacrificia obtulerint, non sequitur eos misericordiam Dei in Christo agnovisse, quia eorum sacrificia non tam fiebant ad impetrandam Dei gratiam salutarem, quæ homini sine revelatione innotescere non potest, quia ejus exercitium planè est liberum, quàm ad placandam ejus justitiam, quæ naturaliter nota est, & cujus exercitium est necessarium.

QUÆSTIO V.

DE THEOLOGIÆ OBJECTO.

An Deus & Res Divinæ sint Objectum Theologiæ? Aff.

- I. **O**bjectum scientiæ alicujus est id omne quod præcipuè in ea THEOLOGIÆ Objectum. tractatur, & ad quod referuntur omnes ejus Conclusiones; spe-

Quæst. spectari autem potest, vel *materialiter* quoad rem consideratam, vel *formaliter* quoad modum considerandi.

V.
Deus &
Res Divi-
nae.

II. Quamvis diversimodè loquantur Theologi de Objecto Theologiae, communior & verior est eorum sententia qui hoc ad *Deum & Res Divinas* referunt; ut Deus quidem sit *primarium*, res divinae verò *secundarium*; sive quæ à Deo factæ, sive quæ ab hominibus vel credendæ sunt vel faciendæ, id est, Deus in *recto* & in *obliquo*; nimirum Deus, & quæ Dei sunt ut ejus Opera, & quæ Deo subsunt ut creaturæ, & quæ ad Deum tendunt ut hominis officia. Ita omnia in Theologia tractantur, vel quia sunt ipse Deus, vel quia *ἔστιν* habent ad Deum ut primum principium & ultimum finem.

III. Deum esse Objectum Theologiae patet; Tum ex nomine ipso *θεολογίας* & *θεοσεβείας*; Tum ex Scriptura, quæ non aliud objectum principale agnoscit; Tum ex conditionibus objecti, quæ in eo deprehenduntur; 1. ut sit aliquid incomplexum, 2. ut quædam de eo denominativè prædicentur, putà affectiones aut proprietates. 3. ut ad illud respiciant quæcunque tractantur in disciplina: Deus enim est Ens incompletum & maximè simplex; Quædam de eo prædicantur denominativè, ut ejus attributa; Ad eum omnia referuntur & habent relationem originis, conservationis, ac dependentiæ.

Deus ut re-
velatus &
fœderatus.

IV. Sed quando Deus proponitur ut Objectum Theologiae, non spectandum est simpliciter ut Deus in se, sic enim nobis est *ἀνατὼλη*; sed quatenus *revelatus* & ut se in Verbo nobis patefacere dignatus est, ut revelatio divina sit ratio formalis quæ in hoc objecto spectanda venit. Nec præcisè considerandus est sub *ratione Deitatis*, ut vult Thomas & post eum plerique Scholastici; hoc enim modo cognitio ejus non potest esse salutaris, sed exitialis peccatoribus: Sed ut est *Deus noster*, id est, fœderatus in Christo, quomodo se nobis in Verbo patefecit, non modò ut cognoscendum, sed etiam ut colendum, quibus duobus vera Religio quam Theologia docet, continetur.

Fomes
Solutio-
num.

V. Unitas scientiæ & distinctio ab alia, non sumitur semper ab unitate *Objecti materialis*, sive à re considerata; sed ab unitate *Objecti formalis*, seu à modo considerandi: Quanquam Physica, Ethica, & Medicina tractent idem subjectum, non desinunt esse diversæ scientiæ, quia hominem sub diversa ratione considerant; Physica quæ Corporis naturalis species est; Ethica quæ virtutis & felicitatis capax; Medicina, quæ à morbis curandus & sanitati restituendus. Ita quamvis Theologia de iis tractet de quibus agunt Metaphysica, Physica & Ethica; modus tamen considerandi longè diversus est. De Deo tractat, non ut Metaphysica quatenus est Ens, aut quæ lumine naturali cognosci potest, sed quæ per revelationem innotescit ut Creator & Redemptor: De Creaturis agit, non quatenus sunt res naturæ, sed quate-

us sunt res Dei, id est, quatenus habitudinem & ordinem habent ad Deum, Quæst. V. ut Creatorem, Provisorum, Redemptorem suum, idque juxta revelationem ab ipso factam; quem considerandi modum aut non norunt, aut non assumunt reliquæ scientiæ.

VI. Si Theologia probare satagit Deum esse, non id efficit ex prima & propria intentione, sed quasi per accidens ex adventitia necessitate, nimirum ad confutandos profanos & Atheos, qui excusso omni pudore & conscientia sensu id negare sustinent. 2. Axioma illud, *Scientiam non probare subjectum suum, sed supponere*, verum est in Scientiis humanis & inferioris ordinis; Sed Theologiæ quæ altioris est ordinis alia est ratio; extendit enim se ad omnia probanda quæ probari possunt per medium illis proprium, nimirum divinam revelationem, & hoc facit non instrumentaliter, sed architectonicè.

VII. Non necesse est ad Scientiæ habitum, ut Objectum suum ita capiat, ut quæcunque ipsi competere possunt perfectè cognoscat; sufficit si multa ex eo noverit, & de principiis suis deducere possit; Non ergo oportet subjecto adæquari scientiam secundum exactam & arithmeticam æqualitatem; sed satis est si adæquetur secundum aliquam æqualitatis proportionem, quæ adæquatio in Theologia reperitur; versatur enim illa circa Deum & perfectiones ejus infinitas, non ut infinite cognoscat, sed finito modo, nec absolute quantum cognosci in se possunt, sed quantum eas revelare de se dignatus est; sic Theologia dici potest adæquari Objecto suo secundum formalem rationem revelationis, non adæquando Deum ipsum, sed tantum Revelationem de Deo datam.

VIII. Quod vulgò dicitur *Scientiam non esse singulare, sed universale*; non sine limitatione admittendum est: Nam Metaphylica, Phylica &c. scientiæ sunt, nec tamen eò minùs de singularibus agunt, de Deo & de Mundo: Axioma E. Intelligendum est de singularibus ex materia compositis, & sub infima specie constitutis. Quod si de talibus agatur in Theologia, ut de Adamo, Noacho & aliis, hoc non fit principaliter, sed tantum ut aperiantur rerum origines, vel in exemplum vitæ, & testimonium divinæ providentiæ, atque adeò propter causas generales: At si sit aliquod singulare immateriatum & in actu puro, dubium non est quin possit esse de eo scientia; quia objectum intellectus est Ens; Ergo quò Ens est perfectius, eò magis sciri & cognosci potest; perfectius autem est, quò magis est in actu & minùs in potentia. 2. Deus inter universalia meritò potest referri, est enim universale in *causando*, cum sit causa universalis rerum omnium; Item in *predicando* non quidem in recto, sed in obliquo, nam omnia quidem Deus non sunt, sed omnia tamen sunt Dei, vel à Deo, vel ad Deum: Itaque non deest etiam hac in parte in subjecto Theologiæ omnis ratio universalitatis.

IX. Certum est in scientiis inferioribus principia scientiæ esse à subje-

QUÆST. Etō diversa, ut quæ passiones & proprietates demonstrent de subiecto per propria principia; Quia cū scientiæ cujuslibet humanæ subiectum finitæ sit essentiæ & virtutis; necessarium est aliqua esse principia, ex quibus fluat vel componatur: Sed in Theologia quæ superioris est ordinis, datur subiectum planè divinam, quod est & naturâ & potentiâ infinitum, adeoque omni re prius, ut nullam principiati rationem habere possit; unde propter eam infinitatem fit, ut duas hæc rationes simul contineat, sitque subiectum de quo agit Theologia & simul etiam ejus principium.

X. Theologia agit de peccato non prout Dei est, sed prout quandam *ἀντίθετον* ad Deum habet, vel sub ratione oppositi & contrarii; vel quatenus subiacet ejus Providentiæ & Justitiæ, ut Medicina agit de morbis & venenis, licet præcipuum ejus objectum sit homo sanandus.

QUÆSTIO VI.

DE THEOLOGIÆ GENERE.

Quodnam sit Genus Theologiæ?

I. **T**heologia consideratur vel *Systematicè* & *Objectivè* per modum disciplinæ, vel *habitualiter* & *subjectivè*, per modum habitus in intellectu residentis. Primo sensu non aliud genus accuratius illi potest assignari quàm *Doctrina*, quia à Deo docetur, & in Ecclesia discitur. Sed doctrina antonomasticè talis, omni humana longè præstantior, tum ratione originis, tum ratione materiæ, tum ratione formæ, & finis. Sic passim describitur in Scriptura per *διδασκαλῶ* Joan. 7. 17. 1. Tim. 4. 6. & 6. 3. per *τὴν διδασκαλίαν* Rom. 6. 17. ut in Vet. Test. *תורה* totam salutis doctrinam notat. Posteriori bene per habitum aliquem mentis describitur.

II. Ut melius dignoscatur, Quisnam mentis habitus illi assignandus sit. Observandum, omnem habitum mentis esse, vel habitum *sciendi*, vel habitum *credendi*, vel habitum *opinandi*; Ut sunt tres assensus mentis ad quos ordinantur, actus sciendi, credendi, & opinandi: Nam omnis assensus mentis vel nititur testimonio, vel ratione; Si nititur testimonio est *Fides*, si nititur ratione certa & solida, est *Scientia*, si tantum probabilis, est *Opinio*.

III. Habitus sciendi, prout opponitur habitui credendi & opinandi, sub se complectitur quinque habitus intellectuales ab Aristotele enumeratos lib. 6. *Ethic. Intelligentiam, Scientiam, Sapientiam, Prudentiam, Artem*, quia tunc sumitur latè pro quavis notitia habituali certâ & evidente, sive ea sit de rebus necessariis & speculabilibus, sive de rebus

Genus
THEOLO-
GICÆ Syste-
maticæ,
Doctrina.

Joan. 7.
17.
1. Tim. 4. 6.
& 6. 3.
Rom. 6. 17.

Quisnam
habitus
illi sit assi-
gnandus.

Distinctio
quintuplex
habituum
unde orta.

rebus contingentibus & practicis. Quintuplex autem ista distinctio ex QUEST. VI.
 quintuplici varietate objectorum circa quæ mens occupatur, oritur. Nam
 vel versatur circa necessaria, quæ sunt, vel Principia quibus sponte assenti-
 mur sine demonstratione, & horum notitia vocatur *Intelligentia*, Vel Con-
 clusiones quibus assentimur per Demonstrationem, quæ *Scientiam* consti-
 tuunt, Vel Conclusiones cum Principiis conjunctæ, quæ *Sapientiam* ex-
 primunt; Vel circa contingentia, quæ iterum, vel sunt *περὶ τὰ*, quorum
 nullus alius est finis præter *ἀπεργίαν*, circa quæ versatur *Prudentia*, vel
πρῶτον, quæ habent pro fine effectiōnem, in quibus *Ars* occupatur.

IV. Nullus habituum intellectualium, prout in Ethicis tractantur & Ad nullum
habituum
proprie re-
feruntur.
 à se invicem contradistinguuntur, potest verum & proprium genus Theo-
 logiæ constituere, quia isti habitus omnes sunt habitus sciendi, sed Theo-
 logia non est habitus sciendi, sed credendi. 2. sunt habitus naturales, &
 hominum solertiâ inventi & exculsi; At Theologia est supernaturalis &
ὑπερφυσική, cujus principium non est humana ratio, sed divina revelatio.
 3. sunt omnes vel Theoretici vel Practici simpliciter, sed Theologia mixti
 generis partim Theoretica, partim Practica.

V. In specie *Theologia* non potest esse *Intelligentia*, quia ista est tantum
 notitia principiorum, non conclusionum; At Theologia est notitia tum
 principiorum, tum conclusionum. Deinde versatur circa principia na-
 turâ nota, & suâ luce clara; At Theologia circa principia Verbo Dei re-
 velata. Non est *Scientia*, quia non nititur evidentiâ rationis, sed tan-
 tum testimonio, nec in cognitione acquiescit, sed eam ad operationem di-
 rigit & ordinat. Non est *Sapientia*, quia de ea negantur omnes partes Sa-
 pientiæ, putâ intelligentia principiorum per se notorum, & notitia con-
 clusionum. Non est *Prudentia*, quia non est tantum agendorum, sed
 etiam credendorum, & virtus est directiva actionum spiritualium, non
 civilium. Non denique *Ars*, quia non est habitus effectivus, & eorum
 quæ extra efficientem in aliquo opere terminantur.

VI. Licet verò Theologia nullus possit dici propriè & strictè ex istis Omnes ta-
men conti-
net omnien-
ter.
 habitibus, tamen bene dicitur eminenter omnes illos in se includere; Nam
 quatenus de Deo agit, ut summâ causâ similis est Sapientiæ; quatenus
 principia continet, Intelligentiæ; quatenus conclusiones demonstrat,
 Scientiæ; quatenus actiones dirigit, Prudentiæ; quatenus verò est ædi-
 ficativa Ecclesiæ, Arti. Hinc in Scriptura promiscuè illi tribuuntur voces
Intelligentia Ps. 119. 22. 34. *Scientia* Ps. 119. 66. U. 5. 13. *Sapientia*
 1. Cor. 2. 6. 7. *Prudentia* Ps. 119. 110. & passim in lib. Proverb. 1. 2. 3.
 4. 5. capit. *Artis*, quum Doctrina fidei vocatur opus & ædificium quod
 debemus perficere, 1. Cor. 3. 11. 2. Cor. 6. 1.

VII. Si genus aliquod ex istis habitibus est Theologiæ tribuen-
 dum, *Sapientia* ei maximè analogâ est, & ad naturam ejus proximè Sapientia
maximè
ex omnibus
illi conve-
nit.
 accedit; C 3

QUÆST. VI. accedit; Non quidem sensu Aristotelico præcisè, quia sic non multum differt ab Intelligentia & Scientia, sed potius sensu Stoicorum, quomodo est collectio habituum omnium tam speculativorum quàm moralium, apud Stobæ. Sermon. 1. de Virtu. Unde Suidas ait Sapientiam esse ἀπάντων μάθησιν καὶ τέχνην καὶ τὴν φρόνησιν, ἐπιστήμην, ἐνν. Sic sæpe in Scriptura doctrina fidei Sapientia nomine designatur ut in lib. Proverb. & 1. Cor. 2. 6. 7. &c. Et ratio hoc evincit 1. quia Sapientia est scientia rerum præstantissimarum, At Theologia de Deo & ejus operibus agit, & de æterna felicitate nostra, quæ sunt omnino res præstantissimæ, de quibus agit modo præstantissimo, non ex ratione, sed ex divina revelatione. 2. Sapientia est disciplina Architectonica, quæ aliis omnibus imperat, easque dirigit; At Theologia maxime proprium hoc est, quæ ita est omnium arbitra & domina, ut de ipsis judicet, & ipsa à nulla alia scientia judicetur, omnes enim aliæ disciplinæ exigendæ sunt ad ejus amussim, ut quicquid habent cum Theologia non consonum rejiciatur: Ita licet principia & objecta aliis disciplinis non præscribat, attamen illis eatenus dominatur, quia limites illis ponit, ut nec objectum aliquod statuere audeant contra Theologiam, nec suis principiis adversus illam utantur; tum etiam ratione finis ultimi, nimirum gloriæ Dei, quem quamvis non attingant immediate, tamen ad illum sese debent dirigere.

VIII. Si Theologia sumit quædam ab aliis disciplinis, non hoc petit ab illis ut inferior à superioribus, sed ut superior ab inferioribus, tanquam domina, quæ utitur liberè ancillis suis, & non tam sumit ab aliis, quàm præsupponit præcognita quædam quibus revelationem superfluit.

Q U Æ S T I O VII.

An Theologia sit Theoretica, an Practica?

Origo
Quæstio-
nis,

I. **P**Rimi Quæstionem hanc moverunt Scholastici, inter quos diu multumque jam olim agitata fuit. Quidam voluerunt Theologiam simpliciter esse speculativam, ut *Henricus* in summa artic. 8. q. 3. *Durandus* in proleg. sent. q. 6. *Joannes Rada* contro. 3. Alii simpliciter practicam, ut *Scotus* cum suis. Alii nec Theoreticam, nec Practicam, sed potius affectivam vel dilectivam, altiore scilicet disciplinis Theoreticis & Practicis; utpote cujus finis sit charitas, quæ sub praxi non contineatur, ut *Bonavent.* *Albertus*, *Agidius Romanus*. Alii denique mixtam, speculativam scilicet & practicam simul, sed magis speculativam, ut *Thomista*; vel magis practicam, ut *Thom. de Argentina*.

Et Mo-
mentum.

II. Quæstio non modò necessaria est ad intelligendam veram Theologiæ natu-

naturam; sed etiam propter Controversias hujus temporis, maximè contra Socin. & Remonstrantes, qui Theologiam ita strictè practicam dicunt, ut nihil in ea præcisè ad salutem necessarium sit, nisi quod pertinet ad præcepta morum & promissiones; unde *Obedientiâ præceptorum, & fiduciâ promissionum*, Religionem totam quoad fundamentalia absolvunt, seculiâ mysteriorum notitiâ; Quo fine obscurum non est, ut elevent necessitatem cognitionis dogmatum de Trinitate & Incarnatione &c. & sic viam faciliùs sternant ad Religionem communem, per quam omnes promiscuè servari possint, id est, ad Atheismum. Inter Orthodoxos nonnulli etiam merè practicam, plures mixti generis; sed alii magis speculativam, alii magis practicam statuunt. Ad quos accedimus, censemusque Theologiam nec esse simpliciter Theoreticam, nec simpliciter Practicam; sed partim Theoreticam, partim Practicam, utpote quæ simul conjungit theoriam veri & praxim boni; magis tamen esse practicam quàm theoreticam.

QUEST.
VII.

III. *Disciplina Theoretica* dicitur, quæ in sola contemplatione occupatur, & finem alium non habet à cognitione; *Practica*, quæ subsistit in solâ rei notitiâ, sed naturâ suâ & per se tendit ad praxim, & pro fine habet operationem. Rursus, Notitia aliqua potest ad operationem tanquam ad finem dirigi duobus modis, vel absolutè & per se, vel secundùm quid & per accidens: Illa notitia per se ad praxim dirigitur, quæ secundùm naturam illius disciplinæ ad quam pertinet ad operationem refertur; quomodo notitia rerum Ethicarum est practica, quia natura Ethicæ postulat, ut quæcunque in ea tractantur ad operationem & usum referantur: Illa notitia per accidens ad operationem refertur, quæ non est practica secundùm naturam illius disciplinæ ad quam pertinet, sed tantùm ratione finis quem sibi proponit is qui eâ notitiâ præditus est; sic Physica est practica per accidens, quando is qui eâ notitiâ præditus est, eam ad operationem aut usum dirigit. Theologia non posteriori tantùm sensu, sed priori dicitur practica.

Quid sit
Disciplina
Theoretica
& Practica.

IV. Scientia per se practica, non ea tantùm dicitur quæ est de re operabili, estque *regulativa & directiva alicujus operationis*; aliàs ea Medicinæ pars quæ considerat partes humani corporis, & partium morbos & signa & causas morborum, esset speculativa & non practica, quod absurdum; quia ultimus & præcipuus finis illius partis Medicinæ, non est morborum cognitio sed curatio: Sed etiam ea, quæ vel est *impulsiva ad operationem*, ut notitia bonorum vel malorum quæ sequuntur virtutem vel vitium, impellit ad honestas actiones; vel est prærequilita ad *melius operandum* & agendum, ut pars *παιδαγωγική* in Medicina. Theologia non dicitur tantùm practica priori sensu, sed etiam secundo & tertio; quia nullum est Mysterium quod contemplationi nostræ tanquam credendum pro-

pro-

QUEST. VII. proponitur, quod non incitet nos ad Dei cultum, vel ad eum feliciter instituendum non prærequiratur.

V. Argumenta quæ probant Theologiam vel esse Theoreticam vel practicam, si exclusivè de alterutra accipiantur, deficiunt & nimis eam restringunt; sed si inclusivè intelligantur pariter vera sunt; Quia Theologia non est generis simplicis, id est, vel tantum Theoretica, vel tantum practica, prout Physica & Ethica in Philosophia, sed mixti quod utramque *ἁπλῶς* includit.

THEOLOGIA est
Theoretico-
practica.

VI. Theologiam esse mixtam, id est, partim theoreticam, partim practicam evincunt, 1. *Objectum* Deus cognoscendus & colendus, ut primum Verum, & summum Bonum. 2. *Subiectum* Homo perficiendus cognitione veri quo illustratur intellectus, & amore boni quo ornatur voluntas, *fide* quæ ad *πιστὶς*, & *charitate*, quæ ad *ἀγάπη* extenditur. 3. *Principium*; tum *externum Verbum Dei* quod complectitur Legem & Evangelium, illa quæ facienda, istud quod credenda & cognoscenda proponit, unde *Mysterium pietatis* & *Verbum vita* dicitur; tum *internum Spiritus*, qui Spiritus est veritatis & sanctificationis, scientiæ & reverentiæ Jehovah, Isa. 11.2. 4. *Forma* quæ veræ Religionis essentiam complectitur, quæ cognitionem & cultum Dei postulat, quæ inter se indivulso nexu copulantur, ut in Sole lux & calor nunquam à se invicem separantur. Ideo nec cognitio Dei potest esse vera, nisi quam praxis comitatur, Joan. 13. 17. 1. Joan. 2. 5. Nec praxis recta & salutaris, nisi quæ à cognitione dirigitur, Joan. 17. 3. Unde *Lactant.* 1.1.c.1. *Nec ulla Religio sine sapientia suscipienda est, nec ulla sine Religionem probanda sapientia.* Et 1.3.de falsa Sapi.c.3. *Omnis sapientia hominis in hoc uno est, ut Deum cognoscat & colat, & 1.4.c.4. Non potest nec Religio à sapientia separari, nec sapientia à Religionem secerni, quia idem Deus est, qui & intelligi debet, quod est sapientia, & honorari quod est Religionem; sed sapientia præcedit, Religio autem sequitur, quia prius est Deum scire, consequens colere.* Ita in duobus nominibus una vis est, quamvis diversa esse videatur; alterum enim positum est in sensu, alterum in actis, attamen similia sunt duobus rivis ex uno fonte manantibus &c. 5. *Finis*, hominis beatitudo, quæ partim in visione Dei, partim in ejus fruitione posita est, ex qua utraque oritur assimilatio Dei, Joan. 13. 17.

Pontes
Solutio-
num.

VII. Ut scientia quædam sit merè practica, requiritur quidem ut *objectum* sit *πρᾶξις* & *operabile*, sed ut sit Theoretico-practica sufficit, non ut *objectum* ad praxim perducatur, sed ut praxis circa illud operetur: Ita Deus non est quidem *πρᾶξις*, sed circa illius cultum & amorem praxis debet occupari. Deinde, licet *objectum* materiale non sit *πρᾶξις*, tamen *objectum* formale, nimirum Deus quæ supernaturaliter in Verbo revelatus est, partim *θεωρησις*, partim *πρᾶξις* dici potest, quia revelatur tum ut cognoscendus, tum ut colendus.

VIII. *τὸ Speculativum & Practicum* possunt esse differentiae disciplinarum inferiorum, ad quas facultas naturalis intellectus pertingere potest; Ita ut objectum non possit esse determinatum & ad contemplationem, & ad praxim simul: Sed cum Theologia sit ordinis altioris & eminentioris, inter breves hos naturae cancellos non cohibetur, sed potest speculativum & practicum ambitu suo facile complecti; quomodo sensus communis eminenter continet differentias sensuum externorum, & vita rationalis vitam vegetativam & sensitivam in homine.

QUEST.
VII.

IX. Quum vita aeterna dicitur sita in agnitione Dei, Jo. 17. 3. & felicitas in ejus visione, hoc quidem ostendit Theologiam esse etiam speculativam, utpote quae multa objecta *θεωρητὰ* habeat; sed non potest inde propterea colligi esse merè speculativam, quia cognitio ista non theoretica tantum est, sed practica, 1. Joan. 2. 5. & visio non cognitionem 1. Jo. 2. 5. tantum, sed & fruitionem ex usu Scripturae notat.

Joan. 17. 3.

X. Disciplina potest dici *practica*, vel respectu *finis ultimi*, quia destinatur ad operationem tanquam ad finem suum, vel etiam respectu *objecti*, quia versatur circa objectum *πρακτικόν*, quod cadit sub voluntatem & actionem hominis. Priori sensu Theologia vocatur practica, non posteriori, quia praeter materias merè practicas, habet etiam multas theoreticas quae constituunt dogmata fidei.

XI. Licet notitia Dei & attributorum ejus, non sit strictè practica, quatenus practicum notat id quod est regulativum alicujus operationis ut res cognita agatur; ut notitia Legis est regula obedientiae, & actuum moraliter bonorum; est tamen practica, prout practicum dicit, id quod movet & impellit ad operationem, ut si res cognita non agitur, tamen ad actionem moralem incitet; Nam ideo Deus se nobis agnoscendum praebet, ut eum colamus; ideo potentiam suam nobis patefecit ut eam revereamur, & bonitatem ut eam amemus.

XII. Theologia consideratur vel abstractè in objecto, vel in subjecto concretè. Quamvis Theologus impie eam non transferat ad praxim, non denit esse practica in se, quia abusus subjecti non evertit legitimum usum objecti.

XIII. Theologia Comprehensivum non potest dici merè Theoretica, quia beatitudo complectitur, non modò summi boni *apprehensionem* per visionem quae est in intellectu; sed & illius *fruitionem* per amorem qui est actus voluntatis.

XIV. Theologia ita est Theoretico-Practica, ut non dicenda sit merè Practica, sed etiam Theoretica, ut mysteriorum notitia pars ejus sit essentialis. 1. Quia cognitionem veritatis Deus non minùs praecipit & urget, ac obedientiam praceptorum, Jer. 31. 34. Imò & *Jer. 31. 34. Jo. 17. 3.* vita aeterna in Dei cognitione ponitur, Jo. 17. 3. Nec dicendum cum Schlichringio agi de cognitione voluntatis per Christum in Evangelio 17. 3.

Q U Æ S T . VII. patefactæ, sed non de cognitione naturæ; Quia textus docet agi non tantum de voluntate, sed præcipuè de natura, ut *cognoscant te* &c. nimirum esse verum Deum, quod naturam non voluntatem notat. 2. Quia ex notitia oritur fides, ex qua pendet Religio, Rom. 10. 17. 3. Quia Symbolum Apostolicum quod juxta Socinianos continet Religionis compendium & ejus articulos, agit tantum de credendis, non de faciendis. 4. Quia cognitio Dei ponitur pro universo cultu, Jer. 31. 34. If. 53. 11. 1. Jo. 2. 3.

If. 53. 11.
1. Jo. 2. 3.

XV. Theologiam tamen magis esse practicam quam speculativam, patet ex *sine ultimo* qui est praxis; licet enim omnia mylteria non sint regulativa operationis, sunt tamen impulsiva ad operationem; Nullum enim est tam *θεωρητικόν* & à praxi remotum, quin incitet ad Dei admirationem & cultum; nec Theoria salutaris est nisi ad praxim revocetur, Jo. 13. 17. 1. Cor. 13. 2. Tit. 1. 1. 1. Jo. 2. 3. 4. Tit. 2. 12.

Q U Æ S T I O V I I I .

An Ratio humana sit principium & norma, ad quam exigi debent Religionis Christianæ & Theologiæ dogmata, quæ sunt fidei objectum? N. c. Socin.

Status
Quæstio-
nis.

I. **U**T Quæstionis status clariùs percipiatur, termini sunt ante omnia explicandi, & præcognita quadam præstruenda. 1. *Ratio humana* sumitur, vel *subjectivè* pro facultate animæ rationalis quâ homo intelligit & dijudicat intelligibilia sibi oblata, naturalia & supernaturalia, divina & humana; Vel *objectivè* pro lumine naturali tum exterius proposito, tum interiùs menti impresso, quo ratio disponitur ad conceptus quosdam formandos & conclusiones eliciendas de Deo rebusque divinis: Illa verò iterum spectari potest bifariam, vel ut *sana* & integra ante lapsum, vel ut *corrupta* & cæca post illum. *Principium* de quo hic quæritur debet esse primum & *αὐτόμικτον* ex quo primò educuntur, & in quod ultimò resolvuntur omnes fidei veritates & articuli; Ut omnibus artibus sua sunt principia à quibus extractæ sunt & demonstrantur, & supra quæ non licet assurgere. *Objectum fidei* hic intelligitur *formale*, non *præsuppositum*, id est Articuli fidei salvificæ *οὐκείας* proprii & strictè dicti; non verò præsuppositi, qui ipsi cum Theologia naturali & cum sana ratione sunt communes, quales sunt v. g. esse Deum, Deum esse justum, sapientem, bonum, Animam esse immortalem &c.

II. In hac Controversia peccatum fuit & in excessu & in defectu: In excessu ab iis qui plus justo rationi tribuunt in rebus fidei, prout fit à Socinianis: In defectu ab iis qui non satis, ut fit ab Anabaptistis, Luthera-

nis & Pontificiis; Nos hic adversus primos disputamus, cum aliis acturi Q U Æ S T .
VIII.
in sequentibus.

III. Non quæritur, An Ratio aliquem usum obtineat in rebus Theologicis; fatemur enim multiplicem esse ejus usum, tum ad *illustrationem*, ex rebus humanis & terrenis Mysteria divina declarando; tum ad *collationem*, vetera cum novis, Versiones cum Fontibus, Doctorum placita & Conciliorum decreta cum Verbi Divini Normâ conferendo; tum ad *illationem*, consequentias nectendo; tum ad *argumentationem*, rationes ex penu suo depromendo ad propugnandam *orthodoxiam*, & *impodoxiam* impugnandam: Sed quæritur tantum, An se habeat ad modum *Principii* & *Normæ* ad cujus trutinam debeant expendi maxima religionis Mysteria; ut nihil admittendum sit quod illius palato non sapiat, quodque in ratione non fundetur, & ex ratione non eliciatur; quod negamus contra Socinianos, qui ut facilius Mysteria Trinitatis, Incarnationis, & Satisfactionis & alia id genus quæ in Scripturis clarissimè revelantur, rejiciant, contendunt, Rationem esse normam religionis & credendorum, & non esse credenda quæ menti impossibilia esse videantur; Ostoro. *Instit. c. 6. Homo non tenetur credere, quod ratio dicitur falsum esse*; & Smalzium contra Frantzius; *Si rationi adversaretur religio, eo ipso religio non esset, summa enim & ipsa ratio Religio est.*

IV. Non quæritur, An Ratio sit *instrumentum quo*, vel *medium per quod* ad fidem possumus adduci; Agnoscimus enim Rationem utrumque esse posse, prius quidem semper & ubique, posterius verò quum agitur de articulis præsuppositis; Sed an sit *principium ex quo* fidei dogmata probantur, Vel *fundamentum* quo nituntur, ut falsum habendum sit in rebus fidei, quicquid lumen naturale, aut ratio humana non capit; quod negamus.

V. Rationes sunt 1. quia Ratio hominis irrogeniti circa legem cæcutit Eph. 4. 17. 18. Rom. 1. 27. 28. & 8. 7. & circa Evangelium planè cæca est & meræ tenebræ Eph. 5. 8. 1. Cor. 2. 14. quæ ideo captivanda est ut subjiçiat fidei, non efferenda ut illi imperet 2. Cor. 10. 3. 4. 2. quia mysteria fidei sunt supra sphæram rationis, ad quæ homo animalis assurgere non potest: Et ut sensus sibi judicium non assumit in illa quæ supra sensum posita sunt; Ita nec ratio in ea quæ rationem superant & supernaturalia sunt. 3. Fides non resolvitur ultimò in rationem, ut credere debeam, quia ita intelligo & capio; sed in Verbum, quia Deus in Scriptura ita loquitur. 4. Spiritus S. ad solum Verbum nos remittit Deut. 4. 1. Isa. 8. 20. Jo. 5. 39. 2. Tim. 3. 15. 16. 2. Pet. 1. 19. 5. Si ratio esset principium fidei, Primò sequeretur totam religionem esse naturalem, & naturali ratione & lumine demonstrabilem; sic confunderetur natura & gratia, revelatio naturalis & supernaturalis. Secundò rationem nuspiam esse captivandam & abnegandam, contra loca expressa Scripturæ, & eos qui

Ratio non est principium fidei.
Eph. 4. 17.
18. Ro. 1.
27. 28. &
8. 7. Eph.
5. 8. 1. Cor.
2. 14. 2.
Cor. 10.

3. 4.

Q U Æ S T. acuriori pollent ratione, & ingenio magis subactò, posse melius perci-
 VIII. pere & dijudicare myſteria fidei, contra univerſalem experientiam, 1.
 1. Cor. 1. Cor. 1. 19. 20 & Matt. 11. 25. 6. Ratio religionis norma eſſe nequit;
 19. 20. nec quàm corrupta, quia non ſolùm eſt infra fidem, ſed & contra eam,
 Matth. 11. Rom. 8. 7. 1. Cor. 2. 14. Matt. 16. 17. nec quàm ſana, quia talis in homi-
 25. Matt. ne corrupto non datur, nec in homine integro potuiſſet eſſe norma my-
 16. 17. ſteriorum ſupernaturalium; nec ubi nunc per Spiritum cortigitur judi-
 candum eſt juxta ipſam, ſed juxta principium primum quod ratio illumi-
 nata jam admittit, nimirum Scripturam.

Fontes
 Solutio-
 num.

VI. Aliud eſt *ministerialiter* & organicè ſe habere; Aliud *principaliter* & deſpoticè: Ratio priori modo ſe habet reſpectu Theologiæ, non po-
 ſteriori: Eſt Agar ancilla quæ ſubjici debet Scripturæ, non Sara domina
 quæ illi præficiatur; debet exigere quæ proponuntur credenda ad Scriptu-
 ras Sacras, ceu normam veritatis indeclinabilem, ut quum manu & oculo
 ad ulnam publicam exigimus quæ metiri volumus, ſed ipſa in normam
 credendorum conſtitui non poteſt nec debet.

VII. Aliud eſt *instrumentum fidei*; Aliud *fidei fundamentum*: Aliud
 inferre aliquid credendum; Aliud efferre quid ex dictis ſit intelligendum
 & explicandum, non textui aliquid imponendo, ſed exponendo quod
 involutum videbatur: Ratio eſt *instrumentum* quo utitur fidelis, ſed non
 eſt fundamentum & principium quo fides nitatur; & ſi in variis Scriptu-
 ræ locis rationis uſus prædicatur, non ſtatim fundamentum fidei ſtatui-
 tur, ut ex ratione tanquam normâ agere debeam; ſed miniſterium tan-
 tùm ejus notatur, ut fideles ſecundùm eam & per eam operentur ut instru-
 mentum.

Rom. 12. 1. VIII. *Cultus rationalis* bifariam dicitur, vel *originaliter* qui eſt à ratio-
 ne ut origine & principio; Vel *ſubjectivè* & *organicè* qui eſt in ratione
 tanquam in ſubjecto, & per rationem tanquam per *instrumentum* exerce-
 tur: Paulus Rom. 12. 1. Cultum rationalem quem fidelibus præſcribit,
 non intelligit primo modo, ſic enim *ἱεροθρησκείας* quas alibi damnat ap-
 probaret; ſed ſecundo pro eo qui in ratione poſitus eſt, & per rationem
 exercetur, id eſt, qui ſpiritalis eſt & internus, non carnalis & exter-
 nus, per antitheſim ad cultum Leviticum & Cæremonialem V. T. qui
 carnalis fuit in brutorum oblatione; ubi jam non bruta ampliùs Deus po-
 ſtulat, ſed *hostias rationales & ſpirituales*, ut Petrus vocat 1^a c. 2. 5.

IX. Chriſtus poteſt dici rationabiliter docuiſſe, Vel quoad doctrinæ
 genus, Vel quoad docendi modum: Si intelligatur primo modo, de
 quo hic quæritur, falſum eſt; imò doctrinam rationi cæcæ adverſam &
 ignotam attulit, Matth. 16. 17. Secundus verò modus non huc pertinet,
 ſatemur enim rationem ſe habere ad modum *instrumenti*.

X. Aliud eſt doctrinam ex natura haurire; Aliud doctrinam jam co-
 gnitam

gnitam aliquo modo illustrare, vel docendi occasionem ex natura arripere: Posterius in parabolis Domini agnoscimus; Prius non item: Nec enim per parabolas mysteria sua expressè probavit, sed tantum illustravit, ut facilius sub hisce emblematis perciperentur. QUEST. VIII.

XI. Alia est *veritas sententiarum*; Alia *veritas connexionum*, ut observat *Aug. lib. 2. de Doctr. Christ. cap. 32.* Illa respondet iudicio axiomatiko, ista iudicio dianoëtico: Axiomata sive sententias fidei dicat nobis in Scripturis divina revelatio; ideo ubi captum superant simpliciter credi debent propter auctoritatem infallibilis istius Magistri sententiarum, cuius *αἰνός ἐφα* est in omnibus tenendum: At veritatem connexionum apprehendit recta ratio, & per se diiudicat quid ex altero sequatur.

XII. Aliud est Consequentiarum rationem deprehendere; Aliud verò ipsum Consequens: Saepe deprehenditur consequentiarum ratio, quum nec deprehenditur antecedens, nec comprehenditur consequens, tantum intelligitur hoc ex illo sequi; Consequens deprehendit fides sed Consequentiarum Ratio: Rationis enim est deprehendere consequentiarum rationem, an sit recta & necessaria, an secus; nec inde sequitur fidem quâ consequens deprehenditur niti ratione, quia ratio hic non argumentum, sed instrumentum est; ut quum *fides* dicitur esse *ex auditu*, auditus non est argumentum fidei sed instrumentum, quia ratio non introducit in textum sensum qui ibi non erat, sed educit per legitimam consequentiam aliquid quod in textu latebat, adeoque eo implicitè docebatur.

XIII. Licet ratio se habeat in rebus fidei non modò per modum organi quo, sed etiam nonnunquam *medii* & argumenti ex quo Theologus arguit, quum nimirum ex proprio penu argumenti pro fide promit; sive agat pro principiis, ostendendo eorum credibilitatem iis qui eam non agnoscunt, sive agat ex principiis producendo argumenta ex natura al conclusiones Theologicas vel probandas vel confirmandas; (unde fit ut eadem conclusio quatenus ex Scriptura probatur sit de fide, quatenus autem ex ratione demonstratur, de scientia;) Non potest inde colligi habere rationem principii & normæ, ad quam exigi debent fidei dogmata.

XIV. In *Syllogismis mixtis* ubi una propositio est de fide, altera ex ratione; ratio hac in parte non est fundamentum & norma quâ nititur conclusio, sed tantum medium & instrumentum, cuius operâ elicitur veritas in præmissarum altera virtualiter latens: Itaque in istiusmodi syllogismis medius terminus non sumitur à ratione, sed à Scriptura; nexus verò medii cum maiore extremo quum negatur ab Adversario, per rationis principia ostenditur, non ad corroborandam Medii veritatem, sed connexionis: verbi gratiâ, nego Corpus Christi gloriosum esse ubique, assumpto hoc medio à Scriptura, quòd sit corpus verum; Major verò, *Syllogismi mixti sunt de fide.*

QUEST.
VIII.

quod nullum corpus sit ubique, petitur à ratione; unde in talibus argumentis conclusio emergit Theologica à medio inferente, & Logica à ratione quæ consequentiam necit; alterâ præmissarum, quæ est de fide vim suam communicante conclusioni, eatenus ut quoad materiam & consequens solâ revelatione nitatur, licet quoad formam & consequentiæ modum pendeat à ratione.

XV. Nec hîc reponi debet conclusionem sequi semper debiliorem partem, id est rationem, quæ infirmior est divinâ revelatione. Nam 1. axioma illud non ultra quantitatem & qualitatem est extendendum, ut si præmissarum una sit universalis, alia particularis, una affirmans, alia negans, conclusio debeat semper esse particularis & negans. 2. juxta plerosque conclusio sequitur debiliorum partem, dum sequitur revelationem quæ est inevidens saltem philosophicè loquendo; ubi debilior censeatur & inevidentior illa propositio quæ autoritate nititur, cā quæ nititur ratione, quia à scientifica demonstratione est remotior.

XVI. Hinc bene colligimus in istiusmodi syllogismis mixtis conclusionem esse Theologicam & de fide, quia propositio quælibet denominationem accipit à subjecto, non à prædicato suo. Cum ergo subjectum sit Theologicum, propositio est Theologica, licet prædicatum habeatur Philosophicum, vel de lumine naturali; Unde assensus qui istiusmodi conclusionibus adhibetur, est assensus fidei potius quam scientiæ, quia assensus sequitur naturam Propositionis cui præstatur; Itaque si propositio sit Philosophica, assensum habet evidentem, ad quem mens inclinatur per lumen rationis & scientiæ; si verò sit Theologica, assensum habet fidei, ad quem inclinatur per lumen revelationis; quamvis ergo assensus conclusionis fiat ab utraque propositione, quia tamen potior est ratio propositionis quæ ex Theologia deducitur, quam ejus quæ ex Philosophia habetur, sit ut assensus ille simpliciter ad Theologiam pertinere dicatur, non autem ad Philosophiam.

XVII. Ratio vel *materialiter* sumitur pro genere doctrinæ quod petitur ex lumine rationis, vel *formaliter* pro modo eam tradendi, qui *ῥεπτική* vulgò vocatur; At neutro modo potest dici principium Theologiæ; Non priori, quia nec ex ratione extruitur Theologia, nec in eam resolvitur; non posteriori, quia licet sit hoc sensu instrumentum, ut jam dictum, non potest tamen censerî principium.

XVIII. Aliud est aliquid esse *contra rationem*; Aliud *supra & præter*: Aliud à ratione everti; Aliud ab ea ignorari. Mystera fidei sunt quidem contra rationem corruptam, & ab ea impugnantur: Sed sunt tantum supra & præter rationem rectam, & ab ea non docentur; Sic neutro modo potest dici eorum principium.

XIX. Licet res fidei cum ratione consentiant, nec ullum dogma
cum

cum ratione recta & illuminata pugnet; Non sequitur consentire cum ratione corrupta & cæca; Vel rationem etiam sanam esse ejus principium; Quia non solum consensus, sed dependentia facit principium, qualis est inter causam & effectum.

QUEST.
VIII.

XX. Norma propria credendorum & non credendorum, non est sensus possibilitatis vel impossibilitatis, sed Verbum Dei: nec enim ea solum possibilia Deo, quæ humanæ menti videntur potest enim facere supra id quod possumus cogitare, Eph. 3. 20. Matth. 19. 16. & impium esset mentis finitæ angustiis infinitam potentiam Dei circumscribere.

Eph. 3. 20.
Matth. 19.
26.

XXI. Quamvis lumen lumini non sit contrarium, & veritas naturalis & revelata sibi mutuò non repugnent: attamen ipsa veritas naturalis non est sæpe id quod dicat humana ratio, quæ sæpe hallucinatur abusu luminis naturalis & revelati: ideo veritas revelati potest adversari ratiocinationi & humanis conceptibus, licet congruat cum veritate naturali, quam ratio sæpe non videt nec capit; ut hic distinguenda veniant prima principia naturæ per se nota, à conclusionibus & conceptibus rationis qui ex istis principiis educuntur: Illa sunt vera & certa; Isti verò obscuri, sæpe erronei & fallibiles.

XXII. Lux parva & magna possunt differre gradu, & specie, gradu quoad objectum naturale, specie quoad supernaturale: Ratio potest esse lux parva; sed in rebus civilibus & naturalibus, non supernaturalibus.

XXIII. Quamvis ratio non sit principium fidei, non sequitur Atheos non posse converti, quia modus agendi cum illis potest esse, vel Theologicus per argumenta Scripturæ inlita, vel Philosophicus, ut ex rationis principiis tollantur præjudicia contra religionem Christianam ex corrupta ratione hausta.

XXIV. Perperam nobis impingitur à Lutheranis, quod rationem principium & normam demonstrationis in Controversiis statuamus, eo quod petamus aliquando argumenta ex rationis censu, & ubiuitatem corporis Christi ex ratione impugnemus: Nam rationi tribuimus tantum partes ministeriales & instrumentales, non principales; & si in quæstionibus mixtis utimur ratione ad aliquid probandum, habet id rationem non principii, sed medii ex quo Theologus arguit; & ista nobis non sunt argumenta primaria, sed secundaria tantum & copiarum auxiliares: Adde quod dum Theologus argumentis utitur à ratione petitis, non tam Theologum quam Physicum agit. Quoad ubiuitatem corporis Christi rejicimus hoc dogma, & Philosophicè & Theologicè, quia absurdum est, contradicens principiis Theologiæ & Philosophiæ.

QUÆSTIO IX.

An Rationi judicium aliquod competat in rebus fidei?

An verò nullus omnino ejus sit usus?

Status
Quæstio-
nis.

I. **D**UO extrema hîc sunt vitanda; Alterum eorum qui in *excessu* peccant, nimium tribuentes Rationi, & eam pro Religionis & fidei Norma habentes; quod faciunt *Sociniani*, contra quos actum fuit Quæstione præcedenti; Alterum eorum qui in *defectu* errant, qui ne videantur statuere rationem pro Norma fidei, vel parum vel nihil rationi concedunt in qua sententia sunt non modo *Anabaptiste*, & *Wieligiani*, sed & *Lutherani*, & *Pontificii*, qui vellent testimonium Rationis non esse audiendum, quoties judicat de Mysteriis quibusdam fidei; verbi gratiâ, quum dogma transubstantiationis vel ubiquitatis non vult admittere, quia rationis recte lumini repugnat: Et nobis quia usum rationis planè non repudiamus, dicam talem propterea scribunt, quasi nos ipsos constituamus Judices & Arbitros ultimos in rebus fidei, & sic pulchro prætextu orbem decipiamus, dum nos solam Scripturam judicem agnoscere gloriamur.

II. Non Quæritur de *judicio decisionis*, quo publicè determinatur controversia aliqua: Hoc nemo nostrum Rationi tribuit; Sed vel Deo soli in Scriptura loquenti, si de summo agatur, vel Pastoribus in Ecclesia constitutis, si de subalterno quæstio sit: Sed quæritur tantum de *judicio privata discretionis*, quo verum à falso discernitur, quodque rationi illustratæ rectè tribui censemus. 2. In *judicio* distinguendum est *subjectum* sive potentia cognoscens, à *Norma* seu lege & fundamento quo nititur intellectus, ut ex illius præscripto judicet. 3. *Norma* pro ratione Objecti judicandi, vel respicit veritatem sententiarum, vel veritatem connexionum: Sententiæ rursus, vel sunt rerum naturâ notarum, vel tantum ex supernaturali revelatione.

III. Hoc posito; Rationi dico competere judicium discretionis in rebus fidei; tum *subjectivè*, quia intellectus solius est cognoscere & discernere res fidei; tum *Normaliter*, & quidem respectu veritatis connexionum in omnibus omnino enunciationibus, sive ex naturâ notæ sint, sive ex revelatione; Sed respectu veritatis sententiarum, tantum in iis quæ naturaliter nota sunt, & quidem cum triplici hac cautione. 1. ne pro necessario habeatur id judicium rationis, quasi Theologia absque eo esse non possit, 2. ut Verbum Dei in quo etiam veritates istæ revelatæ sunt pro primaria semper norma habea-

habeatur, Ratio verò pro secundaria. 3. ut quum Verbum aliquid addit rei naturâ notæ, quod natura ipsa ignorat, tum de ea non ex natura aut ratione, sed ex Verbo judicetur, non quasi Verbum & ratio inter se pugnent, sed quia ratio à Verbo perficitur; At in rebus tantum notis ex revelatione, ut in Mysterio Trinitatis, Incarnationis &c. sola Norma Verbum Dei est, ultra aut præter quam non est sapiendum.

Quæst.
IX.

IV. Non queritur, An mysteria fidei sint supra Rationem, vel, An ratio illa assequi possit; Damus enim facile esse res quæ longissimè captum non tantum humanum, sed Angelicum superant, & ad quarum cognitionem opus fuit supernaturali revelatione: Fatemur etiam rationem non modò incapacem esse ea retlegendi nisi revelarentur; non modò infirmam ad ea capiendâ postquam revelata sunt, sed etiam lubricam & fallibilem, quæ facile mendacium loco veritatis, & veritatem loco mendacii sequitur, & quæ nunquam Verbo Dei ejusque mysteriis crederet, nisi Spiritus gratiâ eam illuminante: Sed queritur, An nullus sit omnino ejus usus, & An Rationis testimonium planè repudiare debeamus, quoties de veritate vel falsitate alicujus dogmatis judicandum; quod Adversarii vellent, Nos negamus.

V. Licet maxima sit intellectus humani cæcitas, certum tamen est reliquos adhuc esse in ipso radios aliquos luminis naturalis, & quædam principia quorum indubitata est veritas, qualia sunt, Totum majus esse sua parte, Effectum supponere causam, Esse & non esse terminos esse αὐτῶν &c. & nisi hoc foret, nullæ dari possent scientiæ aut artes, nec quicquam certi esset in rerum natura. 2. Principia ista non modò certa sunt in natura, sed etiam in gratia & in mysteriis fidei; tantum enim abest ut ea destruat fides, quin contrà ea mutuatur à ratione, & iis utitur ad confirmationem dogmatum suorum. 3. Quamvis ratio & fides sint diversi ordinis, illa naturalis, hæc supernaturalis, non tamen sunt oppositæ, sed relationem habent ad se invicem & sibi subordinantur; ratio perficitur à fide, & fides supponit rationem, ut illi superstruat mysteria gratiæ.

VI. Ratio non potest nec debet ex penu suo Mysteria proponere, solum Verbum Dei hoc habet juris, & nisi inde petantur, eo ipso rejicienda sunt, Gal. 1. 8. 2. Non audienda est ratio quoties queritur se non posse capere mysteria fidei; qui enim infinitum caperetur à finito? Velle ergo rejicere mysteria, quia à ratione capi non possunt, non modò est peccare in fidem, sed & in rationem, quæ se finitam & longè inferiorem agnoscit sublimibus istis mysteriis. 3. Non audienda est quoties sub prætextu mysteriorum fidei proprios errores vult stabilire evertendo veritatem indubitatam principiorum luminis naturalis, sive quoad res merè naturales, sive quoad merè supernaturales, sive quoad mixtas, quæ gratia mutuatur à natura ad eas ad
E usum

Quæst. usum transferendas: Hinc recta ratio talia commenta debet rejicere, utpote

IX. *αὐτοῦ* cum principiis indubitatis luminis naturalis.

Rationis u- VII. Rationis usum in Mysterijs fidei multiplicem esse antea visum, ad
sus proba illustrationem, collationem, illationem, probationem: Et probatur insu-
sur. per 1. ex 1. Cor. 10. 15. ubi Apostolus provocat ad iudicium Corinthio-
1. Cor. 10. rum, non modò Doctorem, sed & plebis. 2. ab exemplis Christi & Apo-
15. stolorum ac Prophetarum, qui ubique ratiocinantur ad docenda mysteria fi-
dei: Nec dicendum non licere ab illis qui *θεόπνευστοι*, ad nos argumentari qui
fallibiles; quia vis ratiocinationum non nititur infallibilitate probantis, sed
1. Joan. 4. rei evidentia. 3. ex 1. Joan. 4. 1. ubi iubemur *probare spiritus*, quod non
1. potest fieri nisi rationis beneficio. 4. Sensus testimonium non est planè re-
jiciendum in rebus fidei, ut postea dicetur, ergo nec rationis, quia sensus
est longè inferior ratione.

Fonies VIII. Aliud est cognoscere sensum propositionis alicujus, Aliud co-
Solutio- gnoscere ejus veritatem; priori modo respicitur Evangelium simpliciter ut
num. Verbum, posteriori ut Verbum divinum & infallibile: Ratio circa prius
occupatur, sed fides tantùm circa posterius.

IX. Aliud est rem aliquam esse *incomprehensibilem*, quæ capi non possit;
Aliud esse *impossibilem* quæ concipi non queat: Mysteria Trinitatis, In-
carnationis & Prædestinationis sunt incomprehensibilia, quorum notitiam
tantùm obscuram & imperfectam habere possumus; Sed figmentum Tran-
substantiationis vel Ubiquitatis, concipi non potest propter repugnantiam
naturalem intellectus nostri in concipienda re penitus impossibili.

X. Ratio corrupta & in concreto potest repugnare Theologiæ; sed non
sana & in abstracto, quæ potest mysteria ignorare & non docere, sed non sta-
tim ea negare censenda est; ut malè colliges Medicum repugnare Juriscon-
sulto, quia leges non citat, sic nec Philosophus Theologo repugnat, licet
mysteria ejus non tractet, & supra se esse agnoscat.

XI. *Humana* dicuntur, vel quæ ex corruptione carnali sunt, & hoc sen-
Matth. 16. su opponit Christus humana divinis Matth. 16. 17. vel quæ ex imagine Dei
17. residua sunt, & sic non repugnant, sed subordinantur, nec lumen lumini,
nec veritas veritati contradicit, quia utriusque Deus Author est.

XII. Licet rationi per Spiritum Sanctum illustratæ judicium aliquod
discretionis tribuamus; non propterea nosmet ultimos Arbitros & Judices
in causis fidei constituimus, vel judicium supremum & decisionis Scripturæ
detrahimus; hæc enim subordinata sunt, non contraria, & sic ratio
judicat semper secundum Scripturam, tanquam normam primam & infal-
libilem.

XIII. Ex eo quod Mysteria fidei captum rationis superant, sequitur
quidem eam non debere adhiberi tanquam principium & fundamentum
ad

ad ostendendam veritatem sententiarum fidei; sed non sequitur eam non posse adhiberi, ad ostendendam veritatem aut falsitatem connexionum in controversiis fidei; nam veritas connexionum in rerum natura perpetua est, & in scholis quoque illis quæ extra Ecclesiam sunt disci potest, ut *August.* non semel lib. 2. de Doctrina Christiana docet.

XIV. Quando iudicium aliquod rationi in rebus fidei tribuimus, non intelligimus rationem cæcam & corruptam per peccatum, quo sensu fate-mur hominem animale non posse percipere quæ sunt Dei 1. Cor. 2. 14. ^{1. Cor. 2.} & *φρόνημα carnis esse inimicitiam adversus Deum* Rom. 8. 7. sed loquimur ^{14.} *de ratione recta & sanata per gratiam, quo sensu homo spiritualis dicitur omnia judicare* 1. Cor. 2. 15. & Paulus sæpe provocat ad iudicium fidelium 1. Cor. 10. 15. & 11. 13. Hebr. 5. 13. 14. ^{Rom. 8. 7.}

XV. *Captivatio intellectus* quam Apostolus præscribit 2. Cor. 10. 5. ^{2. Cor. 10.} non excludit omnem iudicandi libertatem, sed tantum contradicendi stu-^{5.}dium, quando se effert adversus Christum & Evangelium ipsius, non ut ratio non possit discernere, sed ut non audeat repugnare, etsi mysteria quæ proponuntur superent ejus captum, nec possit ea assequi; non vult ergo rationem prorsus tollere, quia gratia naturam non destruit sed perficit, sed tantum vult fidei servire & ancillari, ut sit pedissequa quæ obediat non domina quæ imperet; ut subjiciatur, sed non ut penitus abjiciatur, ut fidem non fundet, pro fide tamen militet, & fidem jam fundatam amplectatur, defendat & illustret.

XVI. Aliud est negare vel impugnare aliquem Articulum fidei, quia non videtur cum ratione convenire; Aliud impugnare erroneas opiniones circa eum, & falsas Scripturæ expositiones; non quia regulæ philosophicæ eas non admittunt, sed quia Verbo Dei, cui veritas naturalis connexionum inservit, contrariæ sunt.

XVII. Licet utamur ratione & ejus principiis in controversiis Theologicis, non sequitur fieri à nobis mixturam Philosophiæ cum Theologia, & rerum humanarum cum Divinis; quia non adhibentur tanquam fundamentum & principium fidei ex quo mysteria probamus, sed tantum ut instrumenta cognitionis; ut quum oculo corporis, & lumine Solis videmus aliquod objectum visibile, nulla fit mixtio oculi cum Sole, quia non concurrunt eadem ratione sed diversa.

XVIII. Transitus de genere in genus tum committitur, quando, quod proprium est unius disciplinæ, assumitur ad demonstrandam conclusionem alterius disciplinæ; sed hoc nequaquam à nobis fieri solet in hoc negotio, quia non assumitur medius terminus ex Philosophia ad probandam conclusionem fidei, sed ex Scriptura. 2. principia vel axiomata quæ assumuntur ex ratione, vel ex Philosophia ad probandum aliquem articu-

Q U Æ S T. X. lum fidei, non sunt ita propria Philosophiæ, quin censeantur etiam pertinere ad Theologiam saltem naturalem, quæ præstrui debet supernaturali & revelatæ, atque ita ad Articulos fidei possunt dici spectare, si non formales, saltem præsuppositos.

Q U Æ S T I O X.

An Rationi humanæ judicium contradictionis in Rebus Fidei permittendum sit? Affirm.

*Occasio
Quæstio-
nis.*

I. Hæc etiam Controversia agitur inter Nos & Lutheranos, potissimum Ubiquitarios, quibus quia obicere solemus opinionem eorum de *πλυντρία* vel *πα. & χυρία* Corporis Christi esse contradictoriam, regerere solent, Judicium contradictionis in articulis fidei non ad Rationem pertinere, sed ad Scripturam sacram, *Osiand. Enchiri. Calvin. c. 1. q. 3. Menzerus in Elencho errorum Sadeelis ad Arg. 6. Stegmannus in Photin. disp. 2. q. 3.* unde *Meisnerus quæst. metaph. 3. contra Calvin.* dicit axioma istud, *Contradictoria prorsus sunt impossibilia, quia idem esse & non esse sit αδύνατον*; periculosissimum esse in divinis. Ad quæstionis statum tenendum, distinguenda hic tria sunt, ratio judicans, principium ex quo judicium formatur, & norma consequentiæ quâ judicium formatur. 1. *Ratio* hic intelligitur non cæca & depravata per peccatum, sed restituta & illuminata à Spiritu Sancto. 2. *Principia* sunt axiomata, non naturâ nota, aut humanâ authoritate constituta, sed in Scriptura tradita. 3. *Norma* quâ dirigatur & firmatur ratio in eruenda & applicanda veritate è Scriptura, sunt regulæ bonæ consequentiæ à Deo Creaturæ rationali inditæ. Norma autem ista non est *Norma veritatis* ipsius, quæ est solum Dei Verbum & prima veritas normalis, sed *Norma tantum consequentiæ*, cujus interventu certius cognoscitur & discernitur quid sequatur ex vero, quid non.

*Status
Quæstio-
nis.*

II. Non quæritur, An Ratio possit assequi Myſteria fidei per se, nemo enim diffitetur plurima ex ipsis longissimè rationis captum superare; Sed, An possit cognoscere de contradictione propositionum, quæ non nisi ex naturæ & rationis legibus discerni potest. 2. Non quæritur de Judicio decisionis absoluto & illimitato, sed de Judicio discretionis, quod limitatum est & alligatum Verbo, & quod ex eo semper probandum est 1. *Theſ. 5. 21. 1. Joan. 4. 1.* quod si non facit semper ad convictionem alienam, sufficit tamen ad propriam.

III. Sic ergo statuimus; Judicium contradictionis ad rationem pertinere,

mere, sed 1. suppositâ semper revelatione, ejusque veritate per se fide dignâ. 2. organicè & ministerialiter, non despoticè & autoritativè. 3. cum exigentia ad ipsam Scripturam, quæ satis seipsam interpretatur, nec extra se ullum requirit interpretem, quo ejus sensus stabiliatur. Atque ita Rationem à Spiritu Sancto illuminatam per Verbum, ex ipsomet Verbo juxta regulas bonæ & necessariæ consequentiæ posse considerare & judicare, quomodo partes doctrinæ inter se cohæreant, & quid ex illis sequatur, quid non.

IV. Rationes sunt 1. Quia Scriptura hoc judicium non semel præcipit *Judicium* Matt. 7. 15. & 16. 6. Col. 2. 8. 1. Thessal. 5. 21. Hebr. 5. 14. 2. Exempla *contradi-* Sanctorum confirmant, ut Bereensium Act. 17. 11. & Corinthiorum *ctionis Ra-* 1. Cor. 10. 15. 3. Finis Scripturæ docet, qui est perfectio Viri Dei in *tionis com-* veritatis cognitione, & contradicentium convictione, 1. Tim. 3. 16. *petere pro-* Tit. 1. 9. qui sine eo obtineri nequit. 4. Rationis usus evincit, quia ut *bat.* ad eam pertinet cognitio affirmationis vel negationis propositionum, & *Matt. 7.* doctrina contradictionis, ita & judicium ejus ad eam spectat, & nisi hoc *15. & 16.* statuatur, latissima aperitur porta omnis generis hæreticis & fanaticis, fig- *6. Coloss. 2.* menta sua & opinionum monstra obtrudendi, nec ulla unquam vera esse *8. 1. Thess.* poterit contradictio. *5. 21. Heb.* *5. 14.*

V. Licet judicium hoc ab homine fiat subjectivè, non censendum ta- *Fontes* men est *humanum*, quod more hominum originaliter ex ratiociniis aut *Solutio-* affectibus humanis concipiatur, sed *Divinum*, quod ex luce & affectu Spiritus *num.* Sancti promitur, quo sensu Paulus ait 1. Cor. 2. 14. *hominem spiritualem o-* *1. Cor. 2.* *mnia judicare*, spiritualiter scilicet ex lumine gratiæ, non rationis animalis. *14.*

VI. Ratio non potest judicare de potentia Dei ex principiis naturalibus; Sed nihil obstat quominus de ea judicet ex Verbo, Matth. 19. 26. 2. Tim. 1. 12. Plal. 115. 3. Ita periculosum est judicium contradictionis quoad rationem excæcatam, quando ex corruptis principiis judicat; sed nos loquimur de ratione illuminata, ex Verbo pronunciante.

VII. Captivanda est ratio 2. Cor. 10. 5. quatenus se effert adversus *2. Cor. 10.* Christum & Evangelium ejus, sed potest audiri quando illi subservit, & *5.* ex eo judicat.

VIII. Tenebræ ingenii humani non impediunt, quominus de veritate connexionum, & sic de contradictione sana ratio judicare possit; Damus quidem non posse judicare de veritate sententiarum, utpote quam ignorat per se, & quæ ex Lege & Testimonio petenda est; sed non inde sequitur non posse judicare de contradictione enunciationum, & opinionum & interpretationum, quas homines formant circa ista mysteria.

IX. Ratio non tantum judicare potest *contradictione directâ & forma-* li, quæ constat iisdem terminis, & expressâ affirmatione & negatione,

Quæst. X. sed etiam de *indirecta* & implicita, quæ per necessariam consequentiam deducitur: Qualis hæc est, Christi Sanguis nos purgat ab omni peccato, ergo non datur Purgatorium; Christus ascendit in cœlos, ergo non est ubique.

X. Non necesse est ad contradictionem cognoscendam nosse distinctè res ipsas & earum essentiam, sed sufficit ut cognoscatur veritas connexionum, ex quibus de contradictione propositionis facile judicium ferri potest.

XI. Licet multa contradictoria variis videantur, quæ tamen reipsa non sunt; non sequitur hominibus ratione bene utentibus, & rectè sentientibus tale quid videri quod non sit.

XII. Aliud est loqui de ratione sana & regenerata in abstracto; Aliud de eadem in concreto, & prout est in hoc vel illo subjecto corrupto: Judicium damus rationi non posteriori, sed priori tantum sensu.

XIII. Aliud est rationi omne judicium adimere, & statuere ei absolute credendum non esse; Aliud non tantum credenda esse quæ ratio novit, sed in perfectiore schola ea discenda esse quæ ratio tradere & assequi non potest; Prius non dicimus, sed posterius.

XIV. Licet Judicium contradictionis in rebus fidei ratione permittatur, non sequitur intellectum humanum fieri regulam potentiz divinæ, quasi Deus non possit plura præstare, quàm ratio humana possit concipere: Quia aliud est fieri posse aliquid à Deo *supra* naturam & conceptum humanum, quod verissimè dicitur Ephes. 3. 20. Aliud verò *contra* naturam & principia luminis naturalis, quod falsissimum; Neque ita limitatur potentia Dei ad regulam intellectus nostri, sed mens nostra judicat ex Verbo, quid juxta rei naturam à Deo constitutam possibile vel impossibile dicendum sit.

XV. Ratio non potest judicare de potentia Dei, ut eam penitus comprehendere valeat, vel ut impossibilia putet quæ supra naturam sunt, vel ut aliquid in Theologiam inferat sub prætextu potentiz divinæ, nisi antea de illo ex Verbo constet; multò minus ut quum Verbum Dei aliquid certè & clarè statuit, ad illud evertendum ad omnipotentiam Dei confugiat. Sed eatenus bene judicat de Potentia Dei, quum illam ad rerum naturam & Verbum ejusexpendit; ut illud impossibile dicatur & contradictorium, non quod tale videtur huic vel illi, sed quod tale est reipsa, quia repugnat naturæ rei, & veritati in Verbo revelatæ.

XVI. Aliud est rationem esse posse Judicem falsi, contradictorii, & repugnantis tam rationis universalissimis principiis, quàm revelationi, v. g. in materia de Transubstantiatione, Ubiquitate, Adoratione creaturarum & sim. Aliud Rationem esse debere Judicem, & normalem quidem veri revelati, & *μυστηριώδους* quod supra illius sphæram quàm longissimè evertum est, quod à Deo traditum, cujus cogitationes immensum quantum huma-

humanas transcendunt, & qui rationem vult captivam duci ad obsequium *Quæst.*
fidei 2 Cor. 10. 5. Istud negamus, sed illud asserimus. *XI.*

QUÆSTIO XI.

*An aliquis sit usus testimonii sensuum in Mysteriis
fidei; An penitus sit repudiandum?*

Affir. pr. Neg. poster.

QUÆSTIO hæc nobis movetur à Pontificiis, qui ut elevent argu- *Status*
mentum quod petimus ad impugnandum commentum Transub- *Quæstio-*
stantiationis, & Præsentia carnalis Christi in Eucharistia & ad *nis.*
confirmandam veritatem substantia panis & vini, ex Testimonio sensuum,
quia sensus nihil vident, nihil tangunt & gustant nisi panem & vinum, eò
deveniunt, ut dicant non esse audiendum in Mysteriis fidei sensuum testi-
monium, eo quòd mysteria sint supra sensum, & fides in eo sita sit ut creda-
mus quæ non videmus.

II. Licet Orthodoxi nolint sensus audiendos esse in omnibus Mysteriis,
pertendunt tamen, suum etiam locum esse debere eorum testimonio, quum
agitur de rebus sensibilibus & corporeis, quæ sunt in sphaera eorum activitatis.

III. Ad statum quæstionis, Observandum; Ut tria sunt genera rerum
quæ cognosci possunt, alia quæ sunt αἰσθητὰ, alia νοητὰ, alia πνευματικά, ita
tres esse facultates quæ circa illas occupantur, sensum, rationem, & fidem;
& Sensum res sensibiles percipere, Rationem res intelligibiles, Fidem spi-
rituales & supernaturales: Ut verò sensus non sibi arrogat iudicium de re-
bus quæ sunt objectum rationis; Ita multò minùs rationem & sensum posse
iudicare de rebus fidei, sed unamquamque facultatem proprium habere ob-
jectum circa quod versatur, quæ ut confundi non debent, ita nec sibi in-
vicem sunt opponenda.

IV. Non quæritur ergo, An sensuum testimonium sit ubique audien-
dum, ut nihil concedamus nisi quod sensus capere possunt; fatemur enim
multa esse mysteria ad quæ ratio & multò minùs sensus non potest assurgere,
qualia sunt mysteria Trinitatis, Incarnationis &c. Sed quæritur, Quum
sensus judicant de objecto proprio, neque extra sphaeram suam egrediuntur,
An repudiandum sit, An verò admittendum eorum testimonium; Quæ-
ritur, An fides opponatur iudicio sensuum bene ordinato, illudque ever-
tat; quod negamus.

V. Mysteria fidei alia sunt merè spiritualia & posita longissimè suprà ca-
ptum nostrum, qualia sunt mysteria Trinitatis, Incarnationis &c. alia verò
quæ in rebus sensibilibus & corporeis sita sunt, sive Deus iis utatur tanquam
organis

QUÆST. organis & mediis ad exequenda consilia sua, sive velit nos per illa evehere ad clariorem cognitionem sublimiorum mysteriorum, qualia sunt miracula Christi, typi & figuræ Veteris Testamenti, Sacramenta Novi; Priora sunt proprie objectum fidei nostræ, nec ullo modo cadunt sub sensus; sed quoad posteriora, in quibus res spiritualis cum corporea jungitur, res spiritualis manet semper objectum fidei, sed res corporea manet objectum sensus. Quæritur ergo; An fides utatur testimonio sensuum in rebus corporeis v. g. quum judicat de substantia panis & vini in Eucharistia, & de absentia Corporis Christi; An verò illud rejiciat?

Testimo-
nium sen-
suum pro-
batur. Luc.
24. 39.
Matt. 28.
6. Act. 1.
1. Jo. 1. 1.
2. 2. Pet. 1.
17.

V I. Testimonium sensuum non esse rejiciendum patet. 1. Exemplo Christi, qui ad probandam veritatem Corporis sui post resurrectionem, provocat ad sensus, *videte & palpate*, Luc. 24. 39. quod non fecisset omnino, si fallax & dubium esset eorum testimonium: Ita Angelus hoc argumento utitur Matt. 28. 6. *Non est hic, sed suscitatus est, videte locum ubi jacebat*, & Act. 1. Apostoli eadem probatione utuntur, dum pollicentur reditum Christi eo modo quo abiit, sic Jo. 14 c. 1. 1. 2. & Pet. c. 1. 24 17. fundant præcipuam rationem veritatis & Divinitatis Evangelii super testimonium sensuum. 2. Quia Deus utitur Verbi præconio & operum contemplatione ad nos ad fidem adducendos; certum est autem ista media præsupponere non modò usum sensuum, sine quorum ministerio & Verbum & opera Dei nobis ignota essent, sed etiam fidelitatem & veritatem testimoniorum; nam si sensus possent falli, quænam certitudo posset ingenerari in nobis, vel ex Verbo, vel ex operibus Dei? 3. Spiritus S. utitur operationibus sensuum ad describendas actiones intellectus, ut visu, auditu, gustu &c. quod fieri non posset, nisi certum esset & non lubricum sensus testimonium. 4. Fidelitas Dei non patitur ut credamus Deum voluisse illudere hominibus, amandando ad testimonium quod decipere & fallere posset.

Fontes
Solutio-
nam.

V I I. Licet sensus non sint absolute infallibiles; non sequitur eorum testimonium nullum esse debere; quia variae sunt conditiones quibus positus sensus non falluntur, 1. ut objectum sit in debita distantia. 2. Ut medium sit purum & immune ab omni eo quod imaginem corrumpere posset. 3. Ut organum sit legitime dispositum. 4. Ut omnes sensus, saltem qui possunt cognoscere aliquod objectum, consulantur, & idem judicium faciant. 5. Ut sensus attentè agant & non præcipitanter, aliàs possunt decipi. 6. Ut phantasia sit libera, neque in ea vel phrenesis vel febris adsint, aliàs sæpe fieri solet, ut ea credamus videre & audire, quæ non videmus aut audimus; tamen si ad istas conditiones omnes attendimus patebit, ita concurrere omnes in testimonio circa veritatem substantiæ panis & vini in Eucharistia, ut nulla ratione fallax esse possit vel in dubium revocari.

V I I I. Non potest dici facta sensibus illusio, Vel in Maria Magdalena, quæ

quæ Christum credidit esse hortulanum, Joan. 20. 15. quia decepta fuit judicii præcipitatione, quod statim correxit, quum auribus oculis succurrentibus, agnovit ex voce Servatorem esse. Vel in discipulis Emaunticis, Luc. 24. 31. qui non agnoverunt Christum, quia hoc testatur cognitionem eorum fuisse imperfectam & obscuram, sed non falsam, quippe credebant verum hominem esse qui incedebat cum ipsis, sed non Christum esse putabant. Vel in Angelis sub humana forma apparentibus; Nam licet non essent veri homines, vera tamen erant corpora & non phantasmata sub quibus apparebant, & aliquid in illis erat semper, unde discernere poterant non esse meros homines, sed aliquid esse supernaturale, qualis erat splendor ille qui eos circumdabat, ut visum in Angelo nuntiante Christi nativitatem, & vestes candidæ sub quibus apparebant Angeli testes resurrectionis Christi; unde non difficile erat sensibus & rationi rectum de illis judicium facere; Quod si nonnulli decepti sunt, ut credibile est hoc non rarò contigisse, error fuit non à parte objecti, quod satis se prodebat, sed à parte subjecti & principii judicii sensuum.

IX. Aliud est à Deo percuti scotomate, ne videatur aliquod objectum rectè & clarè; Aliud sensus bene constitutos fallere in testimonio quod perhibent de objecto proprio & bene disposito; Prius dicitur de Sodomæis Gen. 19. 11. & Syriis militibus 2. Reg. 6. 18. qui non poterant januam Lothi invenire, & Urbem Samariæ agnoscere, sed non posterius.

X. Si Christus evalit per mediam turbam, quæ præcipitem eum agere voluit è monte, Luc. 4. 30. non propterea credendum eum Corpus suum reddidisse invisibile & imperceptibile sensibus; sed sese in turba abscondisse, ut se subduceret eorum furori, sive eos scotomate percussit, sive eorum furorem subito pacaverit, vel represserit, ut volunt *Ambrosius & Beda*.

QUÆSTIO XII.

DE USU CONSEQUENTIARUM.

An Dogmata fidei & morum tantum expresso Dei Verbo demonstranda sint, An non etiam per Consequentias ex Scripturâ institutas legitimè probari possint? Aff. poster.

I. **Q**uæstio nata est ex nova Agyrtarum & Circulatorum apud Pontificios disputandi methodo, qui ut facilius se expedirent ab argumentis nostris, quibus invictè ex Scriptura sententiam nostram adstruimus, & errores ipsorum confodimus; non aliam commodiorem elabendi

QUEST.
XII.

bendi rationem se habituros arbitrati sunt, quàm si nos eò adigerent, ut dogmata nostra omnia totidem verbis in Scriptura contineri demonstraremus, rejecto omni consequentiarum usu. Primus inter Pontificios videtur hanc artem excogitasse *Perronius* Cardin. in Replica sua adversus Regem M. Britannia; quem secuti sunt alii plures ejusdem furfuris, *Gunterius*, *Cottonus*, *Arnoldus*, & præcipue *Veronus*, qui peculiarem etiam Methodum exinde disputandi Veronianam dictam concinnavit, quibus se adjunxerunt *Fratres Wallemburgi* in Germania, aliique lucifugæ Missionarii. Sed veteres hæretici illis jam præluxerunt, Arriani enim hoc argumento non semel usi sunt ut τὸ ὁμοούσιον expugnarent; sic Macedoniani negabant Spiritus Divinitatem, eo quòd in Scriptura nusquam expressè dicatur Spiritum Sanctum esse Deum; vide *Greg. Nazianz. Orat. 5. de Theol.* Iisdem armis Apollinarietas & Monophylitas usos fuisse testatur *Maximus Monachus* in orationibus viginti, quæ vulgò, sed perperam, Athanasio tribuuntur.

II. Articulus quintus Confessionis Gallicanæ, unde videri volunt hausisse sententiam quam nobis affingunt, asserit quidem Scripturæ perfectionem, quum ait, *eam esse omnis veritatis regulam, & completi quicquid ad gloriam Dei & salutem nostram requiritur, ut non liceat hominibus imò ne Angelis ipsis quicquam illi addere vel detrabere*; sed non statuit nihil admittendum, nisi quod totidem verbis in Scriptura legatur: imò sub finem quando additur tria Symbola à nobis admitti, Apostolicum, Nicenum, & Athanasianum, satis innuitur nos apices verborum non sectari, sed veritatem doctrinæ & cultus. Vult ergo *solum Dei Verbum* retineri exclusivè ad quasvis traditiones, sed non statim restringit nos ad expressum Verbum exclusivè ad consequentias.

III. Ad quæstionis intelligentiam, Observandum, aliquid in Scriptura posse dici bifariam, vel κατὰ λέξιν, vel κατὰ διάνοιαν, vel expressè & totidem verbis, vel implicite & quoad sensum; omnia contineri dicimus in Scriptura non primo modo, sed secundo.

IV. *Consequentia* possunt spectari, vel *materialiter*, prout notant dogmata ipsa per consequentias educta, vel *formaliter* pro connexionione ipsa terminorum, quomodo Aug. lib. 2. de Doctrina Christi. c. 31. distinguit inter *veritatem sententiarum & veritatem connexionum*. Rursus aliæ sunt *innatae* & eductæ ex Scriptura, quæ virtualiter in ea continguntur, aliæ *illatae* in Scripturam & injectæ in eam. Aliæ proximæ, necessariae, & evidentes; Aliæ remotæ, probabiles, & obscuræ; de illis hic agitur, non de istis.

V. Solida probatio rei, vel talis est in se, vel in ordine ad hominem hunc vel illum: illa in evictione rei sita est, ista in convictione hominis; illa semper habetur in argumentatione recta per consequentias, ista non item.

VI. *Articuli fidei* qui ex Scriptura probari debent, vel sunt *positivi & affirm-*

affirmativi, qui dogma aliquod credendum continent, vel *negativi & exclusivi*, qui errores ab hæreticis invictos rejiciunt; Illi clarè & certò ex Scripturis debent probari; quia sunt proprium objectum fidei, sed quod ad istos sufficit de ipsis in Scripturis nullam mentionem fieri, & ea tradi ex quibus facillè falsitatis convincuntur; Hinc ludibrium debent Adversarii, quum à nobis petunt ut probemus totidem verbis in Scriptura nullum esse Purgatorium, Papam non esse Caput Ecclesiæ, Missam non esse Sacrificium &c. 1. quia affirmantis est probare, non negantis. 2. ista dogmata nobis non sunt positiva, sed negativa, sufficit ergo ut doceamus ea nusquam contineri in Scripturis, & alia haberi ex quibus facillè refutantur.

VII. Sufficiencia & perfectio Scripturæ, non in eo est posita, ut omnes errores & hæreses nominatim in ea damnentur, sed tantum ut omnia dogmata positiva clarè tradantur; nam ut rectum est index sui & obliqui, facillè posita omni veritate necessariâ, errores illi oppositi rejiciuntur.

VIII. Quæstio E. ad hosce terminos redigitur; An præter expressum Dei Verbum, Consequentia evidentes & necessaria in Theologia admitte- tendæ sint; seu An dogmata fidei & morum ex iis legitimè probari possint; affirmamus Nos, negant Adversarii; non tamen omnes. Nam *Bellarminus* nobiscum hæc facit lib. 4. de Verbo Dei c. 9. & lib. 3. de Justificatione c. 8. *Nihil est*, inquit, *de fide, nisi quod Deus per Apostolos & Prophetas revelavit, aut quod evidenter inde deducitur*, cui adstipulantur *Canus* l. 12. loc. com. c. 6. *Salmero* tom. 1. prol. 9. c. 7. *Turrecremata* lib. 4. sum. Eccl. p. 2. c. 8. & alii plures, id statuentes esse de fide, quod per necessariam & legitimam consequentiam ex Scripturis deducitur.

IX. Consequentiarum usum in rebus fidei multa probant: 1. *finis Scri- Consequen-*
ptura, qui est διδασκαλία, ἔλεγχος ἐπὶ ἀνόρθωσις, παιδεία, πειράκις *tiarum us-*
2. Tim. 3. 16. Rom. 15. 4. qui sine illis obtineri nequit, quia nec thesis ad hy- *sus proba-*
pothesim transferri, nec ulla applicatio Scripturæ ad usus vel Theoreticos *Scriptura,*
vel Practicos fieri unquam poterit. 2. *Natura hominis* cui mysteria Religio- *Naturâ ho-*
nis conceduntur, qui non est truncus aut brutum, sed creatura rationalis, *minis.*
quæ proinde, cum ratiocinationis sit capax, debet Scripturas scrutari, Joan. 5. 39. & non in cortice verborum hære, sed ad medullam ipsam & sensum penetrare, ut ex iis quæ legit, aliqua etiam quæ non legit intelligat, ut bene notat *Aug. lib. 3. contr. Maxi. c. 3. 3. Sapientia Dei*; Nam ut qui sapit *Sapientia Dei.*
quando loquitur, vult ut omne illud dictum à se intelligatur, quod ex ver-
bis legitimè elici potest: Ita cum sapientissimus sit, qui prævidit quicquid
ex Verbo deduci potuit, ita loquutus est, ut voluerit pro Verbo suo haberi
quod ex dictis legitimè colligitur. 4. *Praxis hæreticorum*, qui ut melius ad- *Praxi Hæ-*
versus Orthodoxos errores suos tuerentur, consequentiarum usum omnino *reticorum.*
repudiabant, ut Ariani τὸ ὁμολογεῖν negabant, eo quod ἀντιλεγεῖν non con-

Quæst. tineretur in Scripturis; unde *syllabarum aucupes* dicti sunt Baſilio; & Naziaſi.
XII. orat. 37. Pneumatomachum ſimili fraude utentem vocat alphabetarium ſophiſtam, & *συνοφάντιον τῶν ὀνομάτων*. 5. *Pontificiorum uſus*, qui pleraque ſua dogmata de primatu & infallibilitate Papæ, de Tranſubſtantiatione, de Purgatorio, & ſim. per conſequentias probare ſolent. 6. *Exemplum Chriſti & Apoſtolorum*, qui paſſim uſi leguntur conſequentiis: Ut quum Chriſtus ex formula fœderis contra Sadducæos probat reſurrectionem mortuorum Matth. 22. cùm tamen nihil expreſſe hîc de reſurrectione habeatur: Et quum Apoſtoli Jeſum Nazarenum probant eſſe verum Meſſiam in V. T. promiſſum, cùm tamen de eo nihil *αὐπλεξῆν* legatur. Nec juvat excipere Chriſti & Apoſtolorum authoritatem eſſe infallibilem; ideo conſequentias etiam indubitatæ veritatis eſſe, noſtras verò tales non eſſe: Nam licet in ſe ab authoritate dicentis infallibiles ſint Conſequentiæ Chriſti; tamen vim ſuam non habebant apud Sadducæos ab authoritate dicentis, quam non agnoſcebant, ſed à natura dictorum; aliàs qui Chriſtus illa ipſa probatione obſtruxiſſet os hoſtibus ſuis, qui authoritatem ejus non agnoſcebant?

X. Licet illationes Chriſti quoad nos tranſeant eo ipſo in Verbum Dei, quæ à Chriſto proficiſcuntur, & objectum fidei reddantur de jure, tamen falſum eas pro tali habitas à Sadducæis Chriſti hoſtibus de factò quæ tales, imò ideo tantùm admiſſæ ſunt, quia habebant fundamentum in dicto Moſis à Chriſto allegato. Itaque ut tales ab illis cognoſcebantur, ut ratio habita fuerit dictorum, non dicentis.

Fomes XI. *Λογισμοί* adverſus quos arma militiæ noſtræ diriguntur de quibus
Solutio- 2. Cor. 10. 4. non ſunt quævis ratiocinationes, ſed ut ibidem ait *λογισμοί*
nam. *ἐπαγριόμενοι κατὰ τῆς γνώσεως τοῦ Θεοῦ*, oppugnantes ſcilicet non ancillantes,
 2. Cor. 10. quæ opponuntur Evangelio non quæ illi ſubſerviunt; illæ merito deſtruen-
 4. dæ ſunt, quia *ἀσύνετοι* cum fide; ſed non pariter legitimæ ratiocinationes, quæ ſubjiciuntur revelationi, & ad illam explicandam & applicandam rectè uſurpantur.

XII. Aliud eſt *fundamentum* quo res aliqua nititur; Aliud *inſtrumentum* quo utimur ad rei iſtius cognitionem. Quod habet fundamentum fallibile non poteſt eſſe infallibile, quia effectus non poteſt eſſe nobilior toto genere cauſa ſuâ: ſed ratio hîc non eſt fundamentum, ſed inſtrumentum.

XIII. Licet intellectus qui elicit conſequentias ſit fallibilis; non ſequitur conſequentias eſſe falſas & incertas. 1. quia aliud eſt fallere poſſe, aliud actu fallere; Aliud fallere aliquando; Aliud fallere ſemper: Potentia quæ eſt per ſe & ſemper fallibilis in omnibus operationibus, non poteſt fundare certitudinem infallibilem, ſed intellectus talis non eſt, quia fallibilis eſt non per ſe, ſed per accidens, nec in omnibus, ſed in quibuſdam tantùm; aliàs ſi univerſaliter procederet argumentum, & ſi quia ratio aliquando fallitur,
 nulla

nulla illi adhibenda esset fides; sequeretur omnem revera notitiam & certitudinem tolli de mundo, & introduci Pyrrhonismum & ἀκαταλυσίαν; sic tolleretur omnis certitudo sensus, quia aliquando fallit, quod absurdissimum esse quisvis facillè intelligit; nam fallibilitatis potentia non necessariò conjuncta est cum actû, imò caveri potest ne exeat in actum adhibitis legitimis mediis: Ut ergo liberandi sunt sensus ab impedimentis, quibus eorum certitudo inhibetur, quæ vel in objecto, vel in medio, vel in organo deprehenduntur; ita liberandus est intellectus à præjudiciis rationem rectam impredientibus, & tunc non errabit, hîc autem loquimur de intellectu sano & bene constituto.

XIV. Aliud est Consequentia rationem deprehendere, Aliud verò ipsum Consequens. Consequens deprehendit fides, Consequentiam Ratio; Nec tamen inde sequitur fidem quâ consequens creditur, nisi ratione, quia hîc ratio non est argumentum propter quod credo, sed instrumentum quo credo, instrumentum autem non introducit in Textum quod ibi non erat, sed educit per legitimam consequentiam quod antea ibi latebat; Unde conclusio emergit Theologica à medio inferente, Logica verò à ratione sive instrumento eliciente consequentias; & Consequentia quoad *materiale* fundatur in Verbo, quoad *formale* in Ratione.

XV. Licet Ratio concurrat ad eliciendas consequentias, non sequitur fidem ratione stabiliri; ut nec, quamvis fides sit ex auditu, sequitur sensum esse fidei fundamentum: fides utitur ratione, non cōnoscitur, utitur tanquam instrumento applicationis & modo cognoscendi, non verò cōnoscitur ut fundamento & regulâ credendorum.

XVI. Syllogismi mixti, in quibus altera præmissarum est luminis naturalis, altera revelati, non desinunt esse de fide: 1. quia propositio quælibet denominationem accipit à subjecto non à prædicato. 2. propositio quæ est luminis revelati virtualiter continet id quod petitur à lumine naturali ad sui probationem, atque adeò vim suam illi communicat. 3. ad probandam fidei conclusionem medius terminus desumitur non à natura, sed à Scriptura; sed ubi nexus medii cum majore extremo negatur ab Adversario, succurritur per rationis principia, non ad probandam medii veritatem, sed nexus, v.g. nego panem fieri in Cœna Corpus Christi, assumpto hoc medio, quia habet accidentia panis; Si verò negatur connexio medii cum majore extremo; scilicet id quod habet accidentia panis, esse verum panem, probanda est ex ratione, quia formaliter non extat in Scriptura, sed tantum virtualiter.

XVII. Tantum abest ut ministerium rationis fidem dubiam faciat, ut potius cognitionem & certitudinem ejus plurimum adjuvet, & stabiliat: Distingue modò rationem in abstracto, & in concreto, rationem illuminatam in homine fidei, vel cæcam in irrogenito: Verum est rationem cæcam

& falsam dubiam fidem facere; sed negatur de ratione sana & illustrata.

XVIII. Licet Theologus perfectiorem notitiam habeat consequentiarum, Non obstat tamen quominus idiota idipsum possit pro modulo suo, quamvis ignoret Logicam & Metaphysicam, quia sufficit illi lumen rationis, & Logica naturalis ad discernendas consequentias naturales.

XIX. In hoc argumentationis genere, ubi aliquid per consequentiam elicitur, requiritur, 1^o ut altera præmissarum, vel utraque immediate vel mediate, verbis propriis vel figuratis in Scriptura contineatur. 2^o ut consequentia seu illatio sit necessaria & evidens, necessaria non solum necessitate formæ, sed etiam materiæ sive consequentis, ut quum ex antecedente consequens, ex genere species, ex causa effectum deducitur. 3^o ut sit evidens propter assensum, ut propter evidentiam illationis non minus conclusionibus quàm præmissis assentiamur.

XX. Aliud est loqui de ratiocinationibus extractis ex Scriptura & secundum eam, & quæ subordinantur revelationi & in eam resolvuntur; Aliud de iis quæ illi opponuntur. Non sequitur, licet hæretici utantur istis ad errores suos confirmandos, illas non esse admittendas; nam propter rei abusum, ejus usus legitimus tolli non debet.

XXI. Usus consequentiarum non est alienus à simplicitate discipulorum Christi; nam oves Christi etsi simplices esse debent, non debent tamen esse brutæ, sed rationales; nec si unam Christi audire debemus vocem, continuò impeditur ratiocinationum usus, modò adhibeatur cum temperamento legitimo; imò quia Christi vox est audienda, scrutandæ sunt Scripturæ, & vox peregrina à voce Christi discernenda, quod sine rationis usu fieri nequit. Ita tantum abest ut ratiocinationibus per consequentias è Scriptura deductis recedatur à Scriptura, vel illi aliquid addatur, ut ea duntaxat quæ sunt in Scriptura eruantur & ad usum reducantur.

XXII. Licet Scriptura dicatur perfecta in genere fundamenti credendorum & faciendorum, quatenus omnia dogmata continet & præcepta morum, quæ necessaria sunt ad salutem; hoc non obstat quominus & explicatione & applicatione opus habeat; ut regula perfecta est, & tamen ejus applicatione opus est; nec ista applicatio intercedit perfectioni regulæ, sed potius eam probat & declarat.

XXIII. *Ματαιλογία* seu *vaniloquentia*, quam proscribit Apostolus 1. Tim. 1. 6. non est ratiocinatio sana per consequentias ex Scriptura; sed est curiosa & anxiosa de rebus vanis dissertatio, quas vocat v. 4. *μυῖθες καὶ γενεαλογίας ἀπέρνυντες*, quales erant non modò Gentilium fabulæ de Diis suis & *θεογονία*, sed & Judæorum deliria de Lilith, Behemoth, Leviathan, & aliis idgenus Talmudicis nugis febrilibus.

XXIV. Abusus ratiocinationum non est confundendus cum earum
usus,

usus, nec res considerata in abstracto in se damnanda, ob perversam ejus applicationem in concreto: Sic multi falluntur in objectis variis dignoscendis per visum, nec ob id tamen dicendum incerta omnia esse quæ sensibus istis apprehenduntur. Ita si peccant illi, qui consequentiis utuntur ad firmanda falsa Transubstantiationis vel Consubstantiationis dogmata, quia sunt violentæ & illegitimæ, non continuò damnari debent illi qui legitime iis utuntur; aliàs sequeretur damnandum etiam esse Scripturæ ipsius usum, quia multi hæretici eâ abutuntur.

QUEST.
XII.

XXV. Aliud est aliquem audire, ut *artificem dogmatum*, sic Moses, Prophetæ, & Christus soli audiendi, & quoad re traditas, & quoad modum tradendi; Aliud audire, ut *artificem instrumentorum* dogmatibus explicandis, & applicandis idoneorum, sic homines consequentiis utentes possunt audiri.

XXVI. Alia sunt *principia dogmatum* & Veritatis sententiarum, Alia sunt *principia veritatis eductionum*; Illa ducuntur ex Scriptura, Ista ex ratione, & quia Veritas sententiarum potissima est, spectatur potissimum in argumentis, & ex ista judicium fieri debet de conclusione; Unde conclusio argumenti Theologica erit, quia principium dogmatum tale est, *Ratio* verò non est *principium rei*, sed *cognitionis rei*, Nec tam principium, quàm instrumentum quo cognoscitur id quod probatur.

XXVII. Consequentia est *opus rationis*, quatenus consideratur *formaliter* & organicè, quia per rationem elicitur, sed non ut *originaliter* & *materialiter* spectatur, pro doctrina per consequentiam elicitâ. Ita Consequentia non sunt de fide ex parte *organi*, quo eliciuntur, non enim credo, quia sic ratiocinor, sed quia hoc dicit Verbum Dei; sunt tamen de fide ex parte *principii*, ex quo eliciuntur; quales enim sunt præmissæ, tales conclusiones inde deductæ.

XXVIII. Aliquid censetur profectum à Spiritu Sancto, vel mediatè & in ramis, quod nempe ex Scriptura elicitur ministerio ratiocinationis, vel immediatè & in radice, quod totidem verbis in illa continetur, priori modo consequentiæ sunt à Spiritu Sancto, non posteriori.

XXIX. Licet pro Reformationum doctrina non sit habendum, quod ex ipsorum Confessionibus quomodocunque elicitur, & illis imputatur; nec pro sententia Lutheranorum statim quod ex eorum dogmate colligitur; non sequitur non posse haberi pro Dei Verbo, quod ex eo legitime & evidenter elicitur, quia non est par ratio; Spiritus enim Sanctus, qui τὸ βάθος τῆς Θεῆς scrutatur 1. Cor. 2. 10. ut omniscius potuit prævidere & intendere quicquid ex dictis suis erui ritè poterat; sed homines, qui nec sunt omniscii nec infallibiles, scire non potuerunt quid ex dictis suis in posterum erui posset.

XXX. Quum Petrus negat Scripturam esse privaræ interpretationis 2. Pet. 1. 20.

QUEST. C. I. 2^a 20. non intelligit *privatam subjective*, quæ à privato aliquo potest legitimè ex Scripturæ collatione erui; aliàs non juberet Spiritus Sanctus legere & scrutari Scripturas, & spiritualia cum spiritualibus conferre 1. Cor. 2. 13. prophetare ad analogiam fidei, Rom. 12. 6. & applicare eas ad convictionem & correctionem &c. 2. Tim. 3. 15. Sed intelligitur interpretatio *privata originaliter*, & ut habet textus *idia imilos*, id est propria & singularis, quæ ex cujusque cerebro & arbitrio oritur, & quam non suppeditant Scripturæ verba eorumque collatio, quale est jus quod sibi tribuit Papa Scripturam pro libitu interpretandi secundum spiritum illum infallibilem, quem sibi proprium & privatum facit.

XXXI. Ut Scriptura per Scripturam exponatur, sufficit ut Scriptura in circumstantiis, antecedentibus, consequentibus, parallelis, scopo &c. fundamenta & rationes Interpreti suppeditet, quibus ille genuinum Scripturæ sensum eliciat, aliisque ad conscientiam eorum demonstret: Sed non necesse est ut Scripturæ ullibi dicant locum istum per alterum esse explicandum, & ut in Scriptura legatur expressè consequentia & interpretatio quam propono; ut quum Jurisconsultus legem cum lege conferens, & unam ex altera explicans, dicit Imperatorem & Legislatorem seipsum interpretari, non opus est ut Imperator alicubi dicat expressè hanc Legem per illam, & hæc verba ex istis esse exponenda.

XXXII. Licet Scriptura non judicet de bonitate consequentiæ quoad veritatem connexionis, quia hoc pendet à ministerio rationis, non definit esse sola Judex controversiarum fidei quoad veritatem sententiarum; ut Lex non definit esse Judex litium quæ oriuntur in Republica, licet non dicat consequentias, quæ ex ipsa deducuntur ad hunc absolvendum & ad istum damnandum, bonas esse & bene formatas: Nec unquam auditum principia disciplinarum realium judicare de bonitate consequentiarum quæ inde formantur, quamvis ex illis controversiæ dijudicentur, Physicæ ex Physicis, Ethicæ ex Ethicis.

XXXIII. Ut auditus non facit sonum, & visus non facit lumen, quod videndo percipit; Ita nec intellectus facit objectum suum seu veritatem & Verbum Dei quod ratiocinando intelligit, sed supponit pariter: Sed ut intellectus ratiocinando facit ut veritas seu Verbum Dei sit conclusum; ita visus & auditus videndo & audiendo faciunt ut lumen sit visum, & sonus sit auditus.

XXXIV. Licet id sit perspicuum & evidens, quod à nemine negatur, & quod ab omnibus statim comprehenditur; non sequitur non esse perspicuum, quod ab omnibus statim non capitur, nam sæpe multis multa sunt obscura, quæ iisdem potuissent & debuissent esse maximè perspicua, vel quia non adhibent debitam attentionem, vel quia præjudicis excæcati sunt. Quando dicimus consequentias nostras evidentes esse, non eo sensu intelligimus,

gimus, quasi à nemine negentur, & à quovis facile capiantur sine ulla attentione & examine; sed intelligimus evidentes esse diligenter attendentibus, & debito modo considerantibus, vel tales, ut si quis eas non videat bonam conscientiam habere nequeat.

XXXV. Si per *formaliter revelatum* intelligatur id quod expressè legitur in Verbo Dei, certum est consequentias non posse dici formaliter revelatas: Sed si intelligatur illud quod vel totidem verbis, vel æquivalentibus, vel per evidentem & necessariam consequentiam elicitur, non potest negari esse formaliter revelatas, ideoque bene dici objectum formale fidei.

Q U Æ S T I O XIII.

An aliquis sit Philosophiæ in Theologia Usus? Affirm.

I. **P**Eccatur hac in parte in *Excessu* & in *Defectu*. In *Excessu*, ab iis qui Philosophiam cum Theologia confundunt: quod faciebant olim *Pseudapostoli*, qui dogmata varia Philosophica malè sana doctrinæ Christianæ immiscebant, qui propterea arguuntur ab Apostolo. Colof. 2. 8. *Patres* nonnulli, qui ex Philosophis egressi, nonnullas eorum sententias erroneas retinuerunt, & dogmatum Philosophicorum & Theologicorum mixturâ Gentiles ad Christianismum adducere tentarunt, ut *Justin. Martyr, Origenes, Clemens Alexandrinus*. Et *Scholastici*, quorum doctrina magis est Philosophica quàm Theologica, quæ magis nititur rationibus Aristotelis & aliorum Philosophorum, quàm testimoniis Prophetarum & Apostolorum. In eundem lapidem impingunt hodie *Sociniani*, qui Philosophiam in arce collocant, ut fidei principium & Scripturæ interpretem, quod imprimis urget *Paradoxus Exercitator* in impio tractatu non ita pridem edito, de *Philosophia Scripturæ interprete*. In *Defectu* peccant qui Philosophiam Theologiæ contrariam censent, ideoque à Theologia penitus eliminandam, non modò, ut inutilem, sed etiam ut noxiam, quod superioribus seculis *Fanatici & Enthusiastæ* statuebant, & hodie *Anabaptistæ & Weigeliani* retinent, qui Philosophiæ & liberalibus artibus bellum ex professo videntur indixisse.

II. Orthodoxi medium tenent: non confundunt Theologiam cum sana Philosophia tanquam partes totius, nec opponunt ut contrarias, sed subordinant & componunt ut subordinatas, quæ non repugnent sibi, sed subserviant, quod Philo Judæus, & ex eo Patres appositè declararunt per allegoriam Saræ & Agaræ, Dominæ & Servæ, ut Theologia dominetur Philosophiæ, & hæc ei ancilletur & subserviat. Fatentur varium & mul-

Quæst. XIII. triplicem ejus esse in Theologia *usum*, sed qui à multiplici ejus *abuso* sit accuratè discernendus.

III. Quamvis non quicquid verum est ratione demonstrari queat, cum multò latius pateant veritatis quàm rationis fines; nullum tamen mendacium ullo veræ rationis patrocinio contra veritatem niti potest; nec veritas à veritate potest aboleri, quamvis una alteram transcendat & superet; quia quæcunque illa sit, sive *infra rationem*, quæ sensu, sive *juxta rationem*, quæ intellectu, sive *supra rationem*, quæ fide percipitur; non aliunde quàm à veritatis parente Deo est profecta. Ita gratia non destruit naturam, sed perficit, nec revelatio supernaturalis naturalem abrogat, sed repurgat.

IV. *Philosophia* vel *proprie* sumitur & in *abstracto* pro rerum divinarum & humanarum cognitione, quatenus luce naturæ cognosci possunt; vel *improprie* & in *concreto* pro sylloge variarum opinionum inter se pugnantium, quas diversarum Sectarum Philosophi tenuerunt. Posteriori hoc sensu fatemur multos errores continere & nullum usum ejus esse, sed maximum *Coloss. 2. 8.* abusum, & sic eam damnat Paulus *Coloss. 2. 8.* sed priori non potest negari multiplicem ejus esse usum. Nos generales tantum obiter indicamus.

Usus Philosophiæ.

V. Primò ut sit medium tum convincendorum, tum ad fidem Christianam præparandorum Gentilium, unde *Clem. Alex. libro. 1.* dicit eam *κατασκευάζειν τὴν ὁδὸν τῇ βασιλικῇ τῇ διδασκαλίᾳ*, ut patet ex concionibus Paulinis *Act. 14. & 17.* & ex Scriptis Patrum contra Gentiles; quò pertinet Juliani Apostatæ vox, quum videret Gentilium errores profligari à Christianis Philosophiæ & humaniorum literarum subsidio, *πῶς αὐτῶν πειροῖς ἀλίσκουμεθα nostris ipsorum alis capimur*. Ita Deus vult ut quicquid veri latet in scientiis inferioribus ad Theologiam applicemus, & Ethnicis ut malæ fidei possessoribus eripiendo, Christo qui veritas est asseramus & vendicemus, ad Templi mystici ædificium, ut olim tabernaculum auro Ægyptio exornavit Moses, & Sidoniorum & Tyriorum operâ in extruendo Templo usus est Salomo. 2. Ut sit testimonium consensus in rebus naturâ notis, quo sic ex gemina revelatione veritas & certitudo ipsarum magis confirmetur. 3. Ut sit organum clarè res percipiendi, & rectè de iis differendi, judicando de vero & falso, consequente & inconsequente juxta regulas bonæ & necessariæ consequentiæ, naturæ rationali à Deo impressas, præeunte Verbi Divini luce, de quo actum suprâ Quæst. X. Quamvis enim Ratio Religionis principia sumat à lumine fidei, tamen hoc lumine præeunte ex hisce principiis debet judicare, quomodo partes doctrinæ cœlestis inter se cohæreant & se mutuò stabiliant, quid cum illis consentaneum, quid ab illis sit dissentaneum. 4. Ut animus excolatur & præparetur in disciplinis inferioribus, ad tractationem & susceptionem scientiæ altioris. Quod ita tamen sobriè præstandum, ne nimius Philosophiæ nos capiat amor, ut eam
sem-

semper ancillæ loco habeamus, non Dominæ, juxta illud *Clemen. Alex. Quæst. Philosophia Theologia se submittat, ut Agar Sara, patiatur se admoneri & corrigi; sin minus pareat, ejice ancillam.* XIII.

VI. Sed multiplex etiam abusus ejus potest observari. 1. Quum ea quæ *Et abusus* Philosophia de rebus sibi subjectis & in ordine inferiori verè pronuntiât, ad mysteria Theologiæ transferuntur; v. g. ex nihilo nihil fieri, à privatione ad habitum non dari regressum, Virginem non esse matrem, &c. quia fit *μεταβάσις eis ἀπὸ τοῦ ἑξ ὅθεν*, & quod Philosophia tradit de regno suo, & de causis naturalibus intelligendum est, non de regno gratiæ & in ordine supernaturali. Peccant E. qui hinc arguantur contra Creationem mundi, Incarnationem, & Resurrectionem mortuorum, quia hæc Scriptura fieri docet, non per virtutem causarum naturalium, sed per omnipotentiam Dei. 2. Quum prætextu Philosophiæ, falsa placita Philosophorum assumuntur, & ex illis errores in Theologia extruuntur vel defenduntur, qualis est opinio Aristotelis de æternitate mundi, Platonis de Igne purgatorio, Stoicorum de fatali rerum necessitate &c. At Errores Philosophorum non sunt decreta Philosophiæ, ut errata Artificum non sunt imputanda ipsi arti. *Philosophia, inquit Clem. Stro. 1. non est dicenda Stoica, nec Platonica, aut Epicurea, aut Aristotelica, sed quacunque ab his sectis rectè dicta sunt hoc totum selectum dicendum est Philosophia.* 3. Quum Philosophia circa articulos fidei magisterium sibi assumit, non contenta ministerio, quod factum à Scholasticis qui Aristotelem in throno collocarunt, & à Socinianis qui mysteria Trinitatis, Incarnationis, &c. nolunt admittere, quia Philosophiæ principiis non videntur congruere. 4. Quum novi termini & phrasæ à Philosophia in Theologiam inferuntur citra necessitatem, sub quibus nova sæpe & periculosa latent dogmata.

VII. Aliud est à Philosophia negari; Aliud ab eâ non doceri: Non negamus varia mysteria Theologica non doceri in Philosophia; sed non sequitur ea negari ab ipsa, quia limites scientiarum non sunt confundendi; Ut *Solutio- num.* Geometrica non tractat Medicus, nec Physica Jurisconsultus. Ita intra terminos suos contineri debet Philosophia, nec falcem in alienam messem immittere; licet ergo nihil de Trinitate & Incarnatione tradat, non propterea illa mysteria negare censenda est.

VIII. Paulus Col. 2. 8. veram Philosophiam in se spectatam non damnat, sed vanam & falsam, quæ erat in Philosophis illius ævi, à quibus doctrina Evangelii corrumpebatur, qualis semper reperitur in concreto, quum fertur extra proprios limites, & judicium sibi sumit de rebus supernaturalibus & divinis, quò respiciunt ista *Prudentii lib. 2. contr. Symma.* Col. 2. 8.

*Quippe minor natura aciem si intendere tentet
Acrius, ac penetrare Dei decreta supremi,*

QUEST.
XIII.

*Quis dubitet victo fragilem lassescere visu,
Imque fatigata membris sub pectore parvo
Turtari, invalidisque hebetem succumbere curis?
Sed facilis fidei via &c.*

Talem autem Philosophiam Paulum intelligere patet 1. ex descriptione addita, quia eam vocat *κεκωπημένη ἀπάτη* *vanam deceptionem*. 2. ab exemplo de *Angelorum cultu* v. 18. qui veræ Philosophiæ dogma non est, sed carcinoma. 3. à pari, quia Paulus damnat *πθαρὰ λογίαν* v. 4. non omnem, siquidem & ipse eâ usus legitur non semel, sed *λογίζεσθαι*; Ita non damnat omnem Philosophiam, sed tantum malè sanam & deceptricem, qualem scilicet Pseudapostoli invehere conabantur, ut sic à simplicitate & veritate Evangelii fideles abducerent, dum sub prætextu arcanæ cujusdam sapientiæ obtrudere satagebant Colossensibus novas & erroneas doctrinas de cultu Angelorum, ex Platoniorum lacunis fortè traductas; vel *λογισμῶν* & sophismatibus studebant Cæremoniarum legalium, & Traditionum humanarum usum & necessitatem commendare, & sic paulatim à Christo ad Mosem eos reducere.

Rom. 1. 21.
22.

IX. Apostolus Rom. 1. 21. 22. non damnat veram Philosophiam, sed tantum abusum ejus; nec loquitur de Philosophia, sed de Philosophis, qui inani sapientiæ suæ opinione turgidi, vani fiebant in ratiociniis suis. Ita quum disputat Act. 17. Athenis contra Stoicos & Epicureos, non rejicit propterea Philosophiam in se, sed dogmata tantum illorum Philosophorum, qui fidem unius veri Dei & Jesu Christi, & resurrectionem mortuorum oppugnabant.

X. Absurde ex eo quod Deus est Philosophiæ & rationis naturalis author, infertur quod hæc Scripturæ sit interpret. Illius enim Deus est author per naturalem *φαιέρωσιν*, in statu hominis corrupto, quantum ad veritates naturæ adhuc notas: Hujus verò per gratiosam *ἀπεκάλυψιν* in statu restituendo per gratiam, quantum ad mysteria rationi inaccessa. Nec quia Deus author est Philosophiæ eo ipso statim author est interpretationum, quas elicit hic & ille Philosophus.

XI. Si aliquando Patres durius contra Philosophiam loquuti sunt, ut Tertull. contra Hermoge. c. 8. dum ait *Philosophos esse Hæreticorum Patriarchas*. & de Præscript. adv. hæret. c. 7. *Quid Athenis & Jerusalemis, quid Academia & Ecclesiæ, quid Hæreticis & Christianis? nostra institutio de porticu Solomonis est, non Zenonis: viderint qui Stoicum & Platonium & Dialecticum Christianum attulerunt. Nobis curiositate opus non est post Jesum Christum, nec inquisitione post Evangelium &c.* Cypri. li. 4. epist. 2. Lactant. li. 3. c. 13. & alii, non veram damnant Philosophiam intra terminos manentem, sed falsam & temerariam, quæ immiscere se audet rebus supra captum suum, & Philosophos illius temporis, qui fidei Christianæ hostes erant acerrimi. XII.

XII. Licet Apostoli sine subsidio Philosophiæ Theologiam docuerint; QUEST. XIII.
non sequitur & nos hoc posse; quia ab extraordinaria & immediata Dei institutione, quæ necessaria erat primis illis nascentis Ecclesiæ primordiis, ad ordinariam & mediatam, quæ fit studio & subsidio disciplinarum inferiorum, non valet consequentia.

XIII. Licet Theologia multa tradat, quæ ignorat Philosophia; non sequitur aliquid falsum esse in Philosophia, quod Theologicè verum est, quia verum vero non repugnat, nec lumen lumini contrarium est; sed cavendum ne veritates Philosophicæ ultra sphæram suam & vires ordinarias naturæ extendantur, ad ea quæ sunt supernaturalis revelationis aut potentiæ, & phyllica cum hyperphylicis, humana cum divinis confundantur; v. g. in Philosophia verum est, Virginem non parere, Corpus grave deorsum ferri, Ignem urere admotâ materiâ, Ex nihilo nihil fieri &c. quibus contrarium Theologia statuit; Sed non sibi propterea adversantur, quia κατ' ἀνάγκη ἀνάγκη ista dicuntur. In Philosophia negantur secundum leges naturæ; in Theologia verò affirmantur respectu omnipotentiae divinæ, & supernaturaliter.

XIV. Quamvis Philosopho concedi posset, ad tutiorem rerum naturæ indagationem, ut à dubitatione incipiat; perperam tamen hoc ad res Theologicas & fidei traheretur, quæ certis & indubitatis nituntur principiis & veritatibus per se notis, de quibus dubitare est nefas ut de Dei existentia, nisi velimus conscientiam exuere, & dependentiam moralem à Creatore, quæ sine crimine excuti non potest vel ad momentum ejurare; atque adeò ἐπιχρῶ Academicam in Religionem invehere, & Theologiam totam Scepticam reddere.

QUESTIO XIV.

De Articulis & Erroribus Fundamentalibus.

An dentur loci quidam Theologici fundamentales, Alii non: & quomodo inter se dignosci possint?

I. **Q**uestio de *Articulis fundamentalibus* gravis est & ardua, quæ à In Defectu
variis movetur, & circa quam peccatum est diversimodè, tum peccant Sociniani.
in defectu, tum in excessu. 1. In defectu peccant Sociniani, qui fundamentalia paucissima admittunt, & non nisi Practica, Theoreticis fermè sepositis, ut ita facilem esse dissidiorum de Religione compositionem doceant, utpote quæ versentur potius circa conclusiones Theologicas, & dogmata Scholarum, quàm circa fundamentales fidei articulos, qui & pauci sint numero, & utrinque ferè confessi. Hoc prætextu præcipua fidei dogmata remonent à fundamentalibus, ut dogma de Spiritu Sancto,

Quæst. XIV. Sancto, de Trinitate, de Persona Christi, de Satisfactione &c. Ad eos accedunt non obscure *Arminiani*, qui fundamentalia etiam ad ea redigunt capita, quæ apud Christianos omnes ferme sunt extra controversiam posita, & tribus istis continentur, *fide divinarum promissionum, obedientiâ divinarum præceptorum, & debitâ Scripturis reverentiâ.*

In Excessu Pontificii & Lutherani.

II. In excessu peccant, tum *Pontificii* qui sæpe pro fundamentalibus scænum suum & stipulas, & quicquid Romana Ecclesia definit, obtrudere non erubescunt, tum *Lutherani* rigidiores, qui ut syncretismum nobiscum difficiliorem reddant, fundamentalia latius quàm par est extendunt, errorem quemlibet sæpe in hæresim vertunt, & ex adiaphoris necessaria faciunt, ut facilius evincant nos dissidere in fundamentalibus.

III. Inter utrosque medium tenent Orthodoxi, qui ut fundamentalibus quibusdam necessario nituntur; Ita nec nimis ea restringunt cum illis, nec nimis extendunt cum istis.

Quid sit Articulus fundamentalis.

IV. Ut fundamentum in ædificio dicitur, quod illi ita substernitur, ut absque eo nec exstrui nec consistere possit; Ita in Religione illud *fundamentum* dicitur, quo Religio tota nititur, & quo stante stat, quo sublato corruit. Sumitur autem bifariam: Vel *incomplexè & personaliter*, & transfertur ad Christum salutis omnis fundamentum, cui Ecclesia & Religio ceu petreæ immotæ inconcussæ superstruitur, Matt. 16. 18. 1. Pet. 2. 6. 7. & 1. Cor. 3.

1. Cor. 3. 11.

11. *Fundamentum aliud nemo potest statuere, præter id quod positum est, quod est Christus Jesus; Vel complexè & normaliter*, pro veritate fundamentali, quæ omnibus credenda præscribitur, & quæ proinde fidei fundamentum dicitur. Hoc verò, vel *latè* extenditur ad prima Religionis Christianæ rudimenta, quæ initiandis Catechumenis tradi solebant, quæ ab Apostolo Heb. 6. 1.

Qui vel latè,

Heb. 6. 1. 2.

2. nomine *ἑμελίσ fundamenti* seu *ἀρχῆς* veniunt, qualia sunt *resipiscentia ab operibus mortuis, fides in Deum, baptismorum doctrina, impositio manuum, resurrectio mortuorum, & iudicium æternum*, quæ tamen capita parem necessitatis gradum non obtinent; sed alia primariò & per se, alia verò secundariò tantùm & per aliud necessaria sunt; quo sensu articuli fundamentales Religionis referuntur ad Decalogum, Symbolum Apostolicum, Orationem Dominicam, Sacramenta, & Potestatem clavium, quia illi necessariam & fundamentalem salutis doctrinam continent, sine qua reliqua capere non possumus. Vel *strictè* notat essentialia Christianæ fidei dogmata, quorum *ἡρώγια* vel praxis simpliciter quoad rem ipsam est necessaria, seu quæ omnibus fidelibus simpliciter & absolutè necessaria sunt creditu, quæque vel ignorari vel negari absque salutis dispendio nequeunt: quo sensu jam de Articulis fundamentalibus loquimur.

Vel strictè sumitur.

Non omnes articuli sunt fundamentales.

V. Licet veritates omnes quæ in Scriptura revelantur creditu sint necessariae, ut divinæ & infallibiles, non tamen omnes ex æquo sunt necessariae, & di-

& distinguenda est hîc accuratè *fidei amplitudo* & extensio, ab ejusdem *necessitate*. Non quicquid est de fidei amplitudine, statim est de ejus necessitate. Non omnes veritates ejusdem sunt ponderis; aliæ majorem, aliæ minorem necessitatis gradum obtinent; v. g. Alia est ratio eorum quæ necessaria sunt necessitate mediæ; Alia eorum quæ sunt tantum necessaria necessitate præcepti; Alia eorum quæ spectant dogmata strictè dicta; Alia eorum quæ ad ritus & cæremonias tantum pertinent; Alia ratio dogmatis vel articuli alicujus quoad substantiam, v. g. Christum passum esse & mortuum; Alia ejusdem spectati tantum quoad circumstantias, v. g. Christum passum esse sub Pontio Pilato, & crucifixum inter duos latrones; hæc enim possent sine salutis dispendio ignorari.

VI. Scriptura discrimen istud articulorum non obscurè insinuat 1. Cor. 3. 11. 12. 13. ubi Paulus distinguit fundamentum, ab iis quæ fundamento inædificantur, & Phil. 2. 15. ubi docet posse dari quædam doctrinæ capita, in quibus Christiani dissident salvâ pace & charitate; Fundamentalia si quis tangit, subjicitur anathemati, *Etiâ si nos aut Angelus à cælo evangelizat vobis præter id quod evangelizavimus, anathema esto* Gal. 1. 8. In aliis locis est tolerantia Christianæ, Rom. 14. 1. *Eum qui fide infirmus est assumite*, & Phil. 3. 15. 16. *quosquos adulti sumus hoc sentiamus, quod si quid aliter sentitis, hoc quoque Deus vobis revelabit; Attamen in eo ad quod pervenimus eadem incedamus regula & idem sentiamus*. Ut verò in fide discrimen est respectu dogmatum; Ita & in Lege respectu præceptorum, alia est necessitas moralium, alia cæremonialium; illa absoluta & indispensabilis, ista verò hypothetica & mutabilis.

VII. Hinc dogmata quædam necessaria sunt scitu simpliciter *ad ipsum esse* fidei; Alia κατὰ τὸ tantum, & *ad bene esse*. Alia ad generationem fidei, Alia ad perfectionem, Heb. 6. 1. Alia per se & absolutè omnibus sive πάντοις, sive πλείοις, Alia per accidens tantum πλείοις, & provectis, Heb. 5. 13. 14. & re- late ad institutionem aliorum; quæ rursus necessitas cum quadam latitudine 14. est intelligenda, pro ratione donorum institutionis, vocationis, sexus, ætatis; prout alii sunt de grege, alii verò Pastores quibus commissa sunt Dei eloquia, quibus competit διδάσκειν, & τὰς ἀνελέγοντας ἐλέγχειν Tit. 1. 9.

VIII. Rursus, ut objectum fidei aliud est generale & adæquatum, totum scilicet Dei Verbum: Aliud verò speciale & proprium, doctrina scilicet de Christo cum annexis capitibus & promissionibus Dei; Ita dogmata fidei alia sunt *primaria & immediata*, quales sunt articuli de Trinitate, Christo Mediatore, Justificatione &c. Alia *secundaria & mediata*, seu consecutaria, hypotheses & conclusiones ex illis primariis natæ atque educæ. Alia *positiva*, quæ dogma aliquod verum affirmant; ut Christum esse Filium Dei, Mortem ejus esse λύτρον pro peccatis nostris. Alia *negativa*, quæ falsum rejiciunt, ut non dari Missam, nec Purgatorium; &c.

Pro

Quæst.
XIV.Quod probatur ex
Scriptura.
1. Cor. 3.
11. 12. 13.
Phil. 3. 15.
Gal. 1. 8.
Rom. 14. 1.Heb. 5. 13.
14.

Quæst. XIV. Pro varia autem istorum dogmatum ratione, alia creditu necessaria *explicitè* & *formaliter*, ut speciale & proprium fidei objectum, & primaria ac immediata dogmata, & positivi articuli de præcipuis fidei capitibus; alia tantum *implicitè* & *virtualiter*.

Error tri-
plex, con-
tra funda-
mentum,
Circum fun-
damentum,
&
præter fun-
damentum.

IX. Quod autem de fidei articulis dicimus; Idem & de *Erroribus* quibus oppugnantur dici debet. Ut non omnes Veritates sunt ejusdem necessitatis; Ita nec omnia vulnera quæ Veritati infliguntur statim sunt lethalia, nec omnis Error est capitalis, Unde triplex Error potest statui. 1. *contra fundamentum*. 2. *circum fundamentum*. 3. *præter fundamentum*. Error *contra fundamentum*, ille est, qui directe aut unum aut plures fidei articulos evertit, v. g. qui negat Christi Divinitatem, & Trinitatem Personarum. *Circum fundamentum*, qui non negat quidem directe articulum fundamentalem, sed tamen antithesim tenet, quâ stante, indirectè & per necessariam consequentiam articulus ille evertitur; ut qui Deum credit, sed non agnoscere vult ejus providentiam, quia sublata providentiâ tollitur Deus. *Præter fundamentum* est error, qui vel non tangit omnino fundamentum, vel illud respicit tantum per remotam & obscuram consequentiam, qui versatur circa quæstiones problematicas & curiosas, quæ nec in Verbo sunt revelatæ, nec scitu necessariæ. Cujusmodi sunt doctrinæ quas Apostolus vocat *fenum & stipulas* 1. Cor. 3. 11. quæ possunt consistere cum vero fundamento, & quæ non impediunt quo minus salvetur is qui eas profitetur, amissio tamen operæ suæ pretio.

X. Alius est error qui *directè*, primò & *immediate* fundamentum evertit; Alius qui *indirectè*, secundariò & per consequentiam: Ille procul dubio gravior est isto. Rursus error potest evertere fundamentum indirectè & per consequentiam proximam, evidentem, necessariam, vel per remotam, inevidentem & contortam: Ille propriè lethalis est, non item iste. Sic Pontificii Satisfactionis Christi sufficientiam, & Justificationem per fidem, & alia id genus dogmata non directe *adoriuntur*, sed indirectè & per consequentiam, sed evidentem & necessariam suis demeritis operum, satisfactionibus propriis, sacrificio missatice, purgatorio &c. erroribus impugnant, & non minùs censendi sunt fundamentum evertere quàm ii, qui directe illud impetunt, quia consistunt in terminis implicitæ contradictionis, ubi fit oppositum in appposito, & contradictio in adjecto.

XI. Error qui per consequentiam inevidentem & violentam deducitur ex aliquo dogmate, Vel quem seriò & sanctè detestantur & rejiciunt qui dogma illud retinent, non potest justè impingi iis; v. g. quæ Reformatis imputantur, quòd Deum faciant peccati authorem, quòd negent Dei omnipotentiam, quia ubiquitatem corporis Christi nolunt admittere, quòd Sacramenta in nuda signa convertant, quia negant corporalem Christi in Cœna præsentiam, & ejus oralem manducationem &c. Non legitime

Pro

possunt illis adscribi: quia isti errores, nec sequuntur, sed sequi tantum supponuntur; nec consequentia ista evidentes sunt & innata, quæ educantur ex Reformationum vera doctrina, sed contorta præter eorum mentem; nec ab iis recipiuntur, sed damnantur & rejiciuntur.

QUEST.
XIV.

XII. Alius est *error verbalis* circa phrasas tantum, Alius *realis* circa dogmata ipsa: Ille non potest esse fundamentalis, quia *de intelligentia est hæresis, non de Scriptura*, ut ait *Hilar.* lib. 8. *de Trinitate*, & sensus, non sermo sit crimen, & ut *Hieron.* in cap. 1. ad Galat. *Evangelium non in verbis Scripturarum, sed in sensu, non in superficie, sed in medulla, non in sermorum foliis, sed in radice rationis.*

XIII. Aliud est loqui de *Dogmatibus*, & *Principiis Theologicis*, Aliud de eorum *Conclusionibus* & *consecrariis*: Horum quidem notitia & assensus in hanc vel illam partem, Theologis necessaria est ad rerum divinarum uberiorem scientiam habendam, & ad *κατανοεῖν* veri & *διανοεῖν* falsi: Sed Christianis in communi non semper necessaria sunt, & possunt ab iis citra salutis periculum ignorari. Nos verò hîc, quando loquimur de articulis fundamentalibus, non intelligimus eos qui homini *perfecto*, imprimis verò *viro Dei* explicitè necessarij sunt cognitu, ut muneris & nominis sui mensuram impleat; sed precisè eos, qui cuilibet fidei & Christiano ad salutem sunt creditu necessarij.

XIV. Alia sunt quæ habent necessitatem medij; Alia quæ tantum necessitatem præcepti: Illa fundamentum per se & primò constituunt, Ista secundariò fundamento firmando & obfirmando superstruuntur: Illa necessaria absolutè & semper; Hæc verò secundum quid; sine illis salus non potest obtineri, sed sine his potest; nec privatio simpliciter horum damnat, sed tantum contemptus, qualia sunt Sacramenta.

XV. Distinguendum *Articuli* seu dogmatis Corpus, & *substantia*, ab ejus *modo* & *circumstantiis*; *Substantia* articuli fundamentalis non potest nec debet ignorari, & semper eadem fuit; sed alia ratio circumstantiæ seu modi, cujus ignoratio non statim damnat. Hinc *Error*, vel est circa *rei substantiam*, vel circa *modum*, circumstantias aut gradum, vel circa τὸ ὅλν, vel circa τὸ πῶς, & τὸ διότι. Verum est, aliquando modo everso tolli rem ipsam, quia modus ingreditur essentiam rei, eamque ex parte constituit; ut in practicis, qui tollit *modum* divini cultus à Deo sancitum, cultum ipsum evertit, Matth. 15. 9. qui tollit modum redemptionis per *λύτρον* Christi, modum justificationis per fidem, Redemptionem ipsam & Justificationem evertit. Sed fieri potest aliàs, ut error circa modum & circumstantias re ipsa salvâ occupetur; v. g. Græci erroris arcessuntur circa *modum processionis* Spiritus S. qui tamen Trinitatis mysterium & Divinitatem Spiritus profitentur.

XVI. *Fides* potest spectari, vel secundum *plenitudinem* & *gradum* luminis,

Q U Æ S T. XIV. *nis*, Vel secundum multitudinem credendorum: Priori respectu fides potuit crescere juxta mensuram revelationis, & amplior esse sub Novo Testamento quam sub Veteri: sed non posteriori, quia hoc sensu una semper fuit fides, Eph. 4. 5. & *Christus idem est heri, & hodie, & in secula* Heb. 13. 8.

XVII. Dogma de Jesu filio Mariæ vero Messia, non est novus articulus fidei quoad substantiam, & in *Thesi*; siquidem Veteres crediderunt Messiam venturum; Sed est tantum determinatio & applicatio specialis Oraculorum prophetarum in *hypothesi*.

XVIII. Alii sunt loci fundamentales per se; alii fiunt tantum tales per accidens, quatenus in locum aliquem fundamentalem incurrunt; v. g. Circumcisio non est per se fundamentalis, sed fit fundamentalis quum fingitur necessaria ad salutem, & incurrit in articulum Justificationis, quo sensu Apostolus invehitur in Pseudo-Apostolos, qui Circumcisionis usum retinere volebant, tanquam errantes exitialiter, Gal. 5. 2. 3. &c. sic articulus de Cœna non est per se fundamentalis, redditur tamen talis à Pontificiis, quando fingitur esse sacrificium propitiatorium pro peccatis.

XIX. Articulorum fundamentalium hæc sunt propria. 1. Ut sint *Catholici*, quia requiruntur ad fidem Catholicam, quæ singulis salvandis est necessaria, juxta illud Symboli Athanas. *Quicumque vult salvus esse, ante omnia opus est ut teneat fidem Catholicam, quam nisi quis integram inviolatamque servarit in æternum peribit.* 2. Ut eorum fides salutem necessario post se trahat; Et eorum ignoratio damnabilis sit, dubitatio periculi plena, negatio impia & hæretica. 3. Ut fideles quoad eos verum consensum foveant, neque alii ab aliis diversum sentiant, quia si quis aliter sentiat vel loquatur, subjicitur anathemati, Gal. 1. 8. Unde ubi est dissensus in fundamentalibus, nullus potest dari Syncretismus. 4. Ut ad eos reducantur omnia dogmata Theologica tanquam ad regulam, quod Apostolus vocat *ἀναλογίαν πίστεως*. 5. Ut sint primariæ & principales veritates, quibus omnes aliæ tanquam fundamento nitantur, & quibus sublatis fides prorsus evertatur; non secundariæ & minüs principales, quibus sublatis fides tantum quatiatur.

*Criteria
articulo-
rum fun-
damenta-
lium pe-
tuntur.
1. à natu-
ra dogma-
tum.*

XX. *Criteria* quibus possunt discerni articuli fundamentales à non fundamentalibus possunt peti. 1. à *natura & conditione ipsorum dogmatum*; Illa scilicet quæ necessarias salutis tum causas, tum conditiones continent, tum finem, tum necessaria ad illum media, quia negatis causis tollitur etiam effectus, & negatis mediis non potest haberi finis: Hinc, ut Gratia Dei quæ eligimur, Meritum Christi quo redimimur, & Spiritus quo sanctificamur sunt causæ principales salutis, & instrumentalis fides, Joh. 3. 16. 17. poenitentia verò & conversio ad Deum conditiones necessariæ, Heb. 6. 2. Matth. 3. 2. dicimus hæc omnia dogmata fundamentalia.

XXI. Secundò ex ipsius *Scriptura declaratione*; Nam quorum cognitio necessaria & salutaris dicitur, & ignoratio vel negatio exitialis, illi meritò censentur fundamentales. Talis est articulus de Deo Uno & Trino, tum positivè Joh. 17. 3. tum negativè 1. Joh. 2. 23. De Peccato 1. Johan. 1. 10. Eph. 2. 1. de Christo tum quoad personam, naturas, & officia, 1. Cor. 3. 11. Act. 4. 12. 1. Johan. 4. 3. Eph. 2. 11. 12. de Evangelio Rom. 1. 16. 17. Gal. 1. 8. 9. de Fide Heb. 11. 6. Marc. 16. 16. de Justificatione absque operibus Rom. 3. 27. Gal. 2. & 3. cap. de Sanctificatione & cultu Dei, Eph. 2. 10. Heb. 12. 14. de Resurrectione & Vitâ æternâ 1. Cor. 15. 14. 2. Tim. 2. 8. Rom. 10. 9. &c.

QUEST.
XIV.
2. à Scri-
ptura.

XXII. Tertius Character Articulorum fundamentalium peti potest ex *Symbolo Apostolico*, quò Veteres ex Scriptis Apostolicis summam doctrinæ fundamentalis complexi sunt; Unde & illi nomen *Symboli* inditum, quia fuit veluti tessera & signaculum Christianismi. Ubi tamen accuratè observandum 1. non posse esse notam adæquatam articulorum fundamentalium, quia agitur tantum de articulis theoreticis, qui spectant ad fidem, non de practicis, qui ad cultum. 2. credenda hic exhiberi non ἀνπελεγει, & explicitè, sed implicitè & per consequentiam & analogiam, v. g. licèt nihil de gratia Dei, & satisfactione Christi, nihil de providentia & conservatione & sim. dicatur, facilè tamen ex dictis colliguntur. 3. Symbolum non spectandum esse tantum quoad verba, sed quoad sensum, quia *Scriptura non in legendo, sed in intelligendo consistunt*, ut ait Hilar. & *fundamentalia non sunt in verbis, sed in sententia*, ut Hiero. Ergo licèt hæretici profiteantur se recipere Symbolum, non faciunt tamen, quia sensum ejus verum & genuinum non retinent. Sic olim frustra fidem in Patrem, Filium & Spiritum Sanctum professi sunt ex Symbolo *Sabellius, Arrius, Macedonius*, & alii Antitrinitarii, dum hanc ipsam non occultis cuniculis, sed apertis machinis oppugnandam suscepere, quod faciunt & hodie Sociniani eorum discipuli; Frustra Pontificii fidem ejus profitentur, qui variorum articulorum ejus de morte & passionibus Christi, de descensu ad inferos, de Ecclesia Catholica, de remissione peccatorum & sim. sensum corrumpunt.

XXIII. Licèt Theologia non sit tantum Theoretica, sed Practica, perperam tamen articuli fundamentales à non fundamentalibus discerni dicuntur à Socinianis unico hoc Criterio, *Obedientiâ Deo & Christo præstandâ*, seu studio pietatis ac bonorum operum; quia non tantum præcepta faciendorum necessaria sunt ad salutem, sed etiam dogmata credendorum ex locis Johan. 20. 31. 2. Tim. 3. 16. unde ut sunt Articuli fundamentales Practici, ita & debent esse Theoretici.

XXIV. Licèt ex Orthodoxis quidam plures, quidam pauciores articulos fidei statuant, non dissentiunt re ipsa, sed tantum verbis & modo

QUEST.
XIV.


proponendi, qui alii generalius & summatim eos complectuntur, alii specialius ea enarrant & κατὰ μέρη. Hinc quidem unicâ veritate de Jesu Christo crucifixo Redemptore nostro ex 1. Cor. 2. 2. sed quæ plures alias complectatur, fundamentum salutis describunt: Alii duabus cognitione Dei & Christi ex Joan. 17. 3. Alii ad quatuor capita extendunt tum Theoreticam Practicam, Alii ad sex. Cæterum omnes consentiunt articulos fundamentales esse, Dogmata de Scriptura Sacra θεοπνεύτω solâ & perfectâ fidei regulâ, de Deo Uno & Trino, de Christo Redemptore & plenissima ejus Satisfactione, De Peccato & morte ejus salario, De Lege & ejus impotentia ad salutem, De Justificatione per fidem, De Necessitate gratiæ & bonorum operum ad Sanctificationem & Cultum Dei, De Ecclesia, de Resurrectione mortuorum, Judicio ultimo, & Vita æterna, & si quæ alia hisce connexa sunt, quæ omnia ita inter se copulantur, ut à se invicem pendeant, nec unum subduci queat, quin cætera corruant.

Quæstio
de numero
articulorum
fundamentalium
sempiterna, &
inutilis.

XXV. Quæstio de numero *Articulorum* fundamentalium, quæ nobis ab Adversariis subinde movetur; præterquam quòd temeraria est, Scripturâ nihil hac in parte præcisè definiente; inutilis etiam & non necessaria deprehenditur ad Controversias quæ nobis cum ipsis intercedunt; quia non opus est sigillatim nosse quot sint numero tales articuli, si possumus evincere ipsos in uno, vel in pluribus errare fundamentaliter, quod facilè demonstrari potest contra Pontificios, Socinianos, Anabaptistas, & similes hæreticos.


XXVI. Neque hinc sequitur, vel Scripturæ ipsius perfectionem in necessariis laborare, vel Communionis Ecclesiasticæ normam apud nos deficere: Quia non definit Scriptura plenissimè continere omnia necessaria ad salutem, licet numerum eorum præcisè non definiat, & Veritas Articulorum fundamentalium, qui nobis normæ loco esse debent, satis colligitur ex Criteriis antè allatis.

XXVII. Si Orthodoxi aliquando articulos fundamentales paucos esse statuunt, hoc non absolutè & simpliciter intelligendum est: Sed tum quoad primaria capita, quæ συνήθη sumpta pauca sunt præ reliquis, tum comparatè ad Pontificios, qui in immensum eos augent, dum Canones Ecclesiæ, Scholarum placita publicè recepta, & Traditiones Patrum, in fidei articulos vertunt, à quibus sine hæresis crimine nemo discedere possit.



LOCUS SECUNDUS
DE
SCRIPTURA S.
QUÆSTIO PRIMA.
DE VERBO DEI.

An necessaria fuerit Revelatio per Verbum? Aff.

I.  *U*n *Verbum Dei* unicum est Theologiæ principium, Ita de ejus *necessitate* meritò quæritur ante omnia; An necesse fuerit Deum se nobis revelare per Verbum; seu An Verbum Dei necessarium fuerit? Fuerunt enim jam olim, & sunt etiamnum hodie varii, qui sonant satis esse præsidii in humana ratione ad bene beateque vivendum, unde omnem revelationem cœlitus profectam, non modò supervacaneam, sed & ridiculam existimant; eò quòd verisimile sit omnino, naturam homini, non minùs ac cæteris animantibus prospexisse: itaque rationem seu naturæ lumen abundè sufficere censent ad vitæ directionem, & felicitatis consecutionem.

II. Sed longè aliter Ecclesia Orthodoxa semper credidit, quæ Verbi Dei revelationem homini ad salutem absolutè & simpliciter necessariam statuit. Quia *semen* est quo regeneramur 1. Pet. 1. 23. *lux* quâ dirigimur Ps. 119. 105. *cibus* quo pascimur, Heb. 5. 13. 14. & *fundamentum* quo nitimur: Eph. 2. 20.

III. Eam demonstrat 1. *summa Dei bonitas* sui communicativa: cum enim hominem condiderit ad se, id est ad finem supernaturalem, & conditionem hac terrenâ longè feliciorē, noluit illi proculdubio hac in parte deesse, sed illi felicitatem ipsam, & viam eò perveniendi, quam ratio ignorabat Verbo declaravit. 2. *Extrema hominis cecitas & corruptio*; qui licet in terrenis rebus & mundanis post peccatum residuum adhuc habeat aliquod lumen ad sui ductum; tamen in divinis & cœlestibus quæ felicitatem

Necessitas Verbi probatur à Dei bonitate.

Hominis cecitate.

Quæst. I. spectant, ita cæcus est & depravatus, ut nec quidquam veri cognoscere, nec quidquam boni præstare, nisi Deo præeunte, possit 1. Cor. 2. 14. Eph. 5. 8. 3. *Recta Ratio* quæ docet Deum non nisi Dei lumine cognosci posse & coli ad salutem, ut Sol à nobis non nisi proprio lumine videri potest, Pl. 36. 10. Nec debuissent Impostores, qui nova sacra sunt commenti, fingere colloquia cum Numinibus aut Angelis, ut Numa Pompilius cum Ægeria Nympha, & Mahumetes cum Gabricle; nisi omnibus esset persuasum, rectam colendi Numinis rationem ab illius revelatione pendere. Unde omnium Gentium etiam barbararum consensu receptum est, ut homini bene sit, præter eam rationem, quam vitæ ducem vocant, requiri præterea cœlestem quandam sapientiam; quod ortum dedit Religionibus variis, quæ passim in Orbe obtinuerunt. Nec hic audiendi, qui hæc ingeniosa tantum volunt esse hominum commenta ad populos in officio continendos: licet enim certum sit plurima astutos homines in Religione commentos esse, quibus reverentiam plebeculæ injecerunt, quo haberent obsequentiores ejus animos, nunquam tamen id obtinuissent, nisi jam prius ingenitus fuisset humano animo ignorantiae suæ & inopiae aliquis sensus, quo factum ut facilius se ab istiusmodi agyrtis & circulatoribus circumduci passus sit.

Duplici
hominis
appetitu.

Dei gloriā
& homi-
num salutem.

IV. Hoc confirmat duplex appetitus homini naturaliter insitus, alter *veritatis*, alter *immortalitatis*, unus sciendi verum, alter fruendi summo bono, ut intellectus contemplatione veri, voluntas fructu perficiatur boni, in quo vita beata sita est: Cum autem frustra esse non possint isti appetitus, necessaria fuit revelatio quæ primum verum & summum bonum, & utriusque viam ostenderet; quod natura non potuit. Denique *Dei gloria & hominum salus* eam postulabat, quia Schola naturæ, nec ad veri Dei cognitionem, ejusque legitimum cultum ducere nos potuit, nec salutis rationem aperire, quā possent homines ex peccati miseria ad perfectæ beatitudinis statum, qui in unione cum Deo positus est, eluctari. Neccssaria ergo fuit Schola superior gratiæ, in qua Deus per Verbum veram Religionem nos doceret, nos in sui cognitione & cultu instituendo, & ad æternæ salutis fruitionem in sui communione evchendo, quò nec Philosophia, nec Ratio unquam assurgere potuit.

Rom. 1.
19. 20.

V. Licet in operibus Creationis & Providentiæ luculenter jam Deus se patefecerit, adeò ut *τὸ γινώσκον τὸ Θεῶν in illis manifestum sit, & invisibilia ejus a Creatione mundi conspiciantur*, Rom. 1. 19. 20. non potuit tamen post peccatum sufficere ad salutem Revelatio illa realis, non modò ratione sub-*jecti*, quia nullum habuit vim Spiritus comitem, quā cæcitas & malitia hominis corrigeretur; sed etiam ratione *objecti*, quia de mysteriis salutis, & misericordiæ Dei in Christo, sine quo nulla salus Act. 4. 12. nihil ibi habetur: Occurrit quidem *τὸ γινώσκον τὸ Θεῶν*, sed non *τὸ μέγαν*; Deus Creator, sed

sed non Redemptor; potentia & Divinitas, id est existentia Numinis, & virtus ejus infinita ex opere Creationis colliguntur, sed non gratia & misericordia salutaris. Necesse ergo fuit suppleri defectum prioris revelationis, quæ per peccatum facta fuerat inutilis & insufficiens, per aliam luculentiorē, non modò quoad gradum, sed & quoad speciem; ut non mutis tantum magistris uteretur Deus, sed os quoque sacrosanctum referaret, quod non modò excellentiam virtutum suarum patefaceret, sed & mysterium voluntatis suæ ad salutem nobis aperiret.

VI. Quamvis Revelatio naturalis varia tradat de Deo & ejus proprietatibus, de ejus Voluntate & operibus; non tamen ea nos docet, quæ possint sufficere ad salutarem Dei cognitionem sine revelatione supernaturali Verbi. Ostendit quidem *quod sit Deus*, & *qualis*, tum unitate Essentiæ, tum Attributorum variorum proprietate; sed *quis sit* in individuo, & ratione Personarum ignorat. *Voluntatem* Lege expressum patefacit imperfectè & obscure Rom. 2. 14. 15. sed *Mysterium Evangelii* apud illam planè absconditum. *Opera Creationis* & Providentiæ exhibet Ps. 19. Act. 14. & 17. Rom. 1. 19. 20. Sed ad *Opera Redemptionis* & gratiæ non allurgit, quæ solo Verbo nobis possunt innotescere. Rom. 10. 17. & 16. 25. 26.

Q U Æ S T I O II.

De NECESSITATE SCRIPTURÆ.

An necesse fuerit Dei Verbum scripto consignari? Aff.

I. **U**T præcedenti quæstione necessitatem Verbi probavimus, Ita in hac agitur de *Necessitate Scripturæ*, seu Verbi scripti contra Pontificios. Nam ut illimagno studio Scripturæ authoritatem deprimere conantur, ut facilius Traditiones suas ἀγροφες, & supremum Pontificis sui Tribunal stabiliant; Ita eadem de causa necessitatem ejus non unâ ratione elevare solent, ut evincant utilem quidem fuisse Ecclesiæ, sed non necessariam, ut *Bellar.* probat lib. 4. de Verbo Dei c. 4. imò *Hortius* Cardinalis eò blasphemix prorupit ut dixerit, *melius consultum fuisse Ecclesiæ, si nulla unquam exstisset Scriptura*; & *Valentia* commodius fuisse non scribi.

II. Ad quæstionis statum observa, *Scripturam* posse considerari bifariam, *Scilicet* vel *materialiter* ratione *doctrinæ traditæ*, vel *formaliter* ratione *scriptionis* & *Quæstio-* modi tradendi: Priori sensu fatemur, ut antea dictum, necessariam esse *sim-* pliciter & absolute, ita ut nunquam eâ carere possit Ecclesia: Sed posteriori de quo nunc quæstio est; agnoscimus non esse necessariam absolute respectu Dei; quia ut Deus ante Moysen per bis mille annos vivâ voce solâ Ecclesiam suam

Q U Æ S T. II. suam instituerat, Ita & poterat si voluisset eam eo modo docere postea: sed *hypotheticè* tantùm propter voluntatem divinam, quatenus Deo visum est gravibus de causis Verbum suum scripto consignari: unde positâ ordinatione divinâ facta est ad eò necessaria Ecclesiæ, ut non tantùm pertineat ad bene esse Ecclesiæ, sed etiam ad ipsum esse, ut Ecclesia absque ea hodie non possit subsistere: Ita Deus quidem non est alligatus Scripturæ, sed nos alligavit Scripturæ.

III. Non ergo quæritur, An scriptio Verbi absolutè & simpliciter necessaria fuerit, sed secundùm quid & ex hypothesi; non ab omni ævo, sed hodie hoc rerum statu; nec relatè ad Dei potentiam & libertatem, sed ad sapientiam & œconomiam ejus cum homine agentis. Nam ut in œconomia naturali parentes institutionis rationem cum crescente liberorum ætate variant, ut infantes vivâ voce primò formentur, tum voce Magistrum, & librorum lectione doceantur, ac demum subductâ manu ferulæ per se doctrinæ ex libris hauriant: Ita Pater cœlestis, qui erudit populum suum ut pater filium Deut. 8. 5. Ecclesiâ infantem & balbutientem adhuc, cum ea balbutiens vivâ voce, qui simplicissimus est revelationis modus, instituit: Mox adolescentem & in prima juventute sub Lege constitutam, & vivâ voce docuit, propter reliquias infantilis ætatis, & scripto propter primitias ætatis robustioris ad Apostolorum tempus: Tandem adultam sub Evangelio perfectissimo revelationis modo Verbi scilicet scripti luce contentam esse voluit. Ita Scriptura necessaria facta est non modò necessitate mandati, sed ex hypothese œconomix divinæ, quam Deus pro variis ætatibus Ecclesiæ, voluit esse variam & *πλυπικλον* Eph. 3. 10.

IV. Hinc orta distinctio Verbi in *ἀγγελικόν* & *ἱγερικόν*; quæ non est divisio generis in species, ut Pontificii statuunt; quasi aliud esset Verbum non scriptum à scripto: sed est distinctio subjecti in sua accidentia, quia eidem Verbo accidit, ut fuerit non scriptum olim, & nunc sit scriptum: *ἀγγελικόν* ergo dicitur, non respectu temporis præsentis, sed præteriti, quo visum est Deo Ecclesiâ solâ vivâ voce & non scripto edocere.

Heb. 1. 1. V. Licet Deus *πλυμερῶς ἢ πλυτρόπως* Heb. 1. 1. Patres olim alloquutus fuerit, modò clarâ voce & sermone *προφανεῖ*, modò interno afflatu tanquam sermone *ἐνδιάθετῳ*, nonnunquam immixtis somniis, quandoque visionibus exhibitis, aliquando assumptâ specie humanâ, sæpe Angelorum ministerio, aliisque præsentix suæ symbolis: Doctrina tamen semper fuit eadem: nec revelandi tradendique modo, vel temporum mutatione mutata est.

Necessitas
Scripturæ
probatur.

VI. Tria potissimum necessitatem Scripturæ confirmant, 1. *Conservatio* Verbi, 2. *Vindicatio*, 3. *Propagatio*. Necessè fuit Verbum scriptum Ecclesiæ tradi, ut esset constans & immotus fidei veræ Religionis Canon, qui con-

conservaretur facilius purus & integer adversus memoriæ infirmitatem, hominum perversitatem, & vitæ brevitatem: Ut vindicaretur certius à fraudibus & corruptelis Satana: Ut commodius non tantum ad absentes & distotos, sed & ad posteros propagaretur & transmitteretur: *Literis enim, ut bene monet Vives de Causis Corrupt. Artium, lib. 1. Artes omnes cœthesauro conservantur, ne unquam intercidant, cùm contrà infelix sit illa per manus traditio. Divinum hoc literarum & mirabile beneficium, ut ait Quintilianus, ut custodiant voces, & veluti depositum reddant absentibus.* Nec alia de causa Leges publicæ, Statuta & Edicta Regum & Plebiscita in ære inscribuntur, vel tabulis publicis consignantur, nisi quia hæc certissima est ratio conservandi incorruptè, & per multa secula propagandi earum rerum, quas publice interest scire memoriam.

VII. Et si Ecclesia ante Moysen caruerit Verbo scripto; non sequitur *Fontes* & posse nunc ea carere: quia alia est ratio Ecclesiæ adhuc infantis, quæ non- *Solutio-* dum corpus Reipublicæ constituerebat; alia jam auctæ & populosioris, alia *num.* primorum temporum, alia verò sequentium: In illis facilius Verbum *ἀγγελον* conservari potuit propter *longævitatē Patriarcharum, fœderatorum paucitatem, & frequentiam revelationum;* (licet suas etiam non paucas passum sit corruptelas.) Sed in aliis, ubi vita hominum ad brevius tempus contracta fuit, & Ecclesia non intra unam vel alteram familiam inclusa latuit, sed in populum numerosissimum excrevit, & Oracula divina parcius sunt exhibitā; alia debuit esse institutionis ratio, ut sacra hæc Respublica non vivā voce tantum, sed legibus scriptis regeretur.

VIII. Licet Ecclesiæ quædam particulares ad tempus carere potuerint scripto Dei Verbo, maximè quum primum erigebantur; tamen nec caruerunt eo Dei Verbo quod scriptum est, quod proculdubio per hominum ministerium auribus eorum insonabat, nec Ecclesia tunc in communi caruit Scripturā.

IX. Spiritus Sanctus *ἡ ἀρχαία* quā fideles debent esse *ἡ ἀρχαία* Jer. 31. 34. Johan. 6. 43. 1. Johan. 2. 27. Scripturam non reddit minùs necessariam; quia non datur nobis, ut afferat novas revelationes, sed ut Verbum scriptum cordibus imprimat: Ut hic nunquam Verbum à Spiritu divellendum sit, Isa. 59. 21. Illud objectivè, hic efficienter operatur; illud extrinsecus aures ferit, hic intus corda aperit; Spiritus est Doctor, Scriptura est doctrina quam nos docet. 2. Verba Jeremiæ 31. & 1. Joh. 2. 27. non sunt *Jer. 31. 34. 1. Joh. 2. 27.* absolute & simpliciter intelligenda, quasi non amplius esset necesse fideles Novi Testamenti uti Scripturā; aliàs frustra ad eos scriberet Johannes; sed secundum quid, quia propter pleniorē copiam Spiritus Sancti in Novo Testamento non tam operose erant docendū, ut sub Veteri per rudia & egenaelementa. 3. Promissio Jeremiæ complementum suum tantum obtinebit in cœlis, ubi propter claram Dei visionem, nullo amplius erit opus vel

QUEST. Scripturæ vel Pastorum ministerio, sed quisque immediatè facie ad faciem
II. Deum contemplabitur.

Dan. 9. 2.

Neh. 8. 2.

Esd. 4. 23.

X. Falsum est Ecclesiam conservatam fuisse in captivitate Babylonica absque Scriptura: nam Daniel c. 9. 2. dicitur sub finem 70. annorum considerasse ex libris numerum annorum, & Nehem. 8. 2. dicitur Esdras afferre, non de novo condere, librum Legis. Locus 4. Esd. cap. 4. 23. ut apocryphus nihil probat. Et si verò Esdras libros sacros collegerit in unum corpus, imò Scribarum negligentia depravata correxerit, non sequitur Ecclesiam absolutè Scripturâ caruisse.

XI. Gratis fingitur à Bellarm. post tempora Mosis, eos, qui ex aliis populis ad veram Religionem adducebantur, solâ traditione usos fuisse, & Scripturâ caruisse: Nam si qui profelyti fiebant in Mosis & Prophetarum doctrina erudiebantur sedulo, quod vel ex uno Eunuchi Candacis Reginx exemplo constat Act. 8. Nec absolutè Scriptura ignota fuit gentibus, maximè postquam in linguam Græcam tempore Ptolemæi Philadelphi translata fuit.

Matth. 23.

8.

XII. Christus ita est unicus Doctor noster Matth. 23. 8. ut non excludatur ministerium Scripturæ, sed includatur necessariò, quia nunc in ea tantum nos alloquitur, & per eam nos instituit. Non opponitur Christus Scripturæ, sed falsis Phariseorum Doctoribus, qui ambitiose magisterium affectabant, quod soli Christo debetur.

XIII. Quamvis Scriptura formaliter nullum usum habeat personalem erga ἀναλφάβητους legere nescios, tamen materialiter eorum instructioni & ædificationi inservit, quatenus non aliunde desumitur doctrina quæ in Ecclesia resonat.

Q U Æ S T I O I I I.

An Scriptura Sacra occasionaliter tantum absque jussu divino sit exarata? Neg. contra Pontificios.

Status

Quæstio-
nis.

I. **H**Æc Quæstio inter Nos & Pontificios movetur; qui ut Scripturæ authoritatem & perfectionem imminuant, non tantum docent minus necessariam fuisse, & Ecclesiam potuisse ea carere, sed etiam non expresso Dei mandato, sed peculiaribus tantum occasionibus traditam Ecclesiæ fuisse; Nec Christum Apostolis præcepisse ut scriberent, nec Apostolos de scribendo Evangelio primariâ intentione cogitasse, sed secundariâ tantum, & ex occasione, Bellarm. lib. 4. de Verbo Dei cap. 3. 4.

II. Non quæritur; An Scriptores S. quibusdam occasionibus impulsî fuerint ad scribendum? Non negamus enim oblati occasionibus sæpius usos

ufos fuisse ad scriptis consignanda Dei mysteria: Sed quæritur; An ita occasionaliter scripserint, ut non scripserint etiam ex professo ex mandato divino? Nos enim hæc non opponenda, sed componenda censemus; potuerunt & oblata occasione scribere, & tamen ex mandato divino, divinaque inspiratione; Imò quia occasio talis non nisi divinus oblata illis fuit, divinâ etiam voluntate illis scribendum fuit, nec enim vel temerè iis oblata, vel sponte fuit ab ipsis occupata.

III. Mandatum aliud est *implicitum & generale*; Aliud *explicitum & speciale*: Licet Scriptores S. omnes non habuerint mandatum speciale scribendi, quod in multis tamen occurrit Exod. 17. Deut. 31. 19. Is. 8. 1. Jer. 36. 2. Habac. 2. 2. Apoc. 1. 12. &c. habuerunt tamen omnes generale. Nam *mandatum docendi* Matth. 28. 19. continet etiam mandatum scribendi, cum absentes & posteros non nisi Scripturâ docere possimus, unde prædicatio alia dicitur fieri in *scripto*, alia in *facto*, alia in *verbo*: Deinde *inspiratio immediata*, & impulsus internus, quo acti fuerunt à Spiritu S. fuit Scriptoris S. loco mandati; Unde Paulus 2. Tim. 3. 16. vocat Scripturam *θεόπνευστον*, Petrus 2. cap. 1. 21. dicit *Prophetiam non allatam esse voluntate hominis, sed viros Dei loquutos esse* *ἐκ τοῦ πνεύματος & λόγου Θεοῦ* à Spiritu S. actos: *ἀκούσαντες* autem dicere Deo inspirante & movente Apostolos scripsisse, & tamen non præcipiente; Nec efficacius mandatum datur inspiratione rerum scribendarum; Nec fidiorum est Legatorum quicquam præter mandata exequi.

IV. Licet Apostoli nusquam mandatum speciale Christi commemorarent, quod faciunt tamen non rarè, ut *Johannes*, *Judas* & alii; sufficienter hoc testantur, 1. quum se universales omnem gentium Doctores profiterentur. 2. quum se fidos Christi servos vocant, adeoque de mandatis Christi implendis unice sollicitos. 3. quum se à Spiritu actos testantur, 2. Pet. 1. 21. Unde *Grego.* præfat. in Job. optimè, *Ipsè scripsit qui hæc scribenda distavit; Ipsè scripsit qui & illius operis inspirator extitit.*

V. Non debuerunt Apostoli singuli scribere, licet singuli tenebantur *Fontes* prædicare. Nam sicut divinæ inspirationi se committebant in prædicationis *Solutio-* exercitio; sic eandem debuerunt expectare, & sequi in *scriptione*: munus enim æquale fuit, in iis quæ essentialia Apostolatui fuere, ut essent ex æquo omnes Doctores *θεόπνευστοι*; non verò fuit munus æquale in exercitio omnium actuum singularium ad id pertinentium; Unde non mirum si pro libertate Spiritus Sancti, alii ad *scriptionem* simul & *prædicationem*, alii ad *prædicationem* tantum fuerint adhibiti.

VI. Communis liber non fuit condendus ab omnibus Apostolis conjunctim; tum ne viderentur omnes ex compacto egisse, tum ne majoris videretur authoritatis, quàm quod à singulis seorsum scriptum foret; quæ

Q^UÆST. ratio etiam videtur esse, cur Christus à scribendo abstinuerit: ne hîc dicamus, cum esse qui doctrinam suam non atramento, sed Spiritu Dei vivi, non in charta sed in corde scribit, 2. Cor. 3. 2. suffecit ergo ea ab aliquibus scribi, quæ à cæteris probarentur: Imò plurimùm addit ponderis & auctoritatis scriptis Apostolicis, quòd variis in locis, variis de causis & occasionibus, vario stylo & diversâ methodo scribentes ad varios, tam consona tamen scripserint.

VII. Non necesse fuit Catechismum ab Apostolis conscribi, ut doctrinam suam traderent ex professo: sufficiebat ea illos tradere, ad quæ libri symbolici omnes & Catechismi essent exigendi. 2. Si formaliter Catechesim non scripserunt; at materialiter ea tradiderunt sive in Evangeliiis, sive in Epistolis, ex quibus possumus luculenter κατὰ χάριν.

VIII. Ut non debemus legem figere Spiritui Sancto, & illi præscribere methodum revelandi voluntatem suam: Ita non debemus dubitare, quin convenientissima sit scribendi ratio quam secuti sunt; non tantùm, quia mos erat tunc temporis receptus apud plerosque docendi per Epistolas, quia hoc scribendi genus commodissimum erat ad disseminandum propere Evangelium, qui fuit præcipuus Apostolorum scopus; sed & quia methodus illa scribendi simplex & popularis omnibus se accommodabat tam indoctis quàm doctis, & Theologiam non idealem & mere theoreticam, sed practicam & in hypothesi tradebat.

IX. *Symbolum Apostolicum* ita dicitur, non *efficienter* quod ab Apostolis sit traditum, sed *materialiter*, quod ex doctrina Apostolica fuerit confectum, & medulla sit & compendium doctrinæ Apostolicæ.

X. Qui ex oblata occasione & illius necessitate scripserunt, potuerunt tamen scribere ex mandato, subordinata enim non pugnant: Christi mandatum fuit causa impulsiva principalis, & occasio oblata tanquam causa impulsiva secundaria & minùs principalis, quâ uti sciverunt ad gloriam Dei & proximi ædificationem, planè ut Apostoli & ex mandato & ex occasione prædicarunt.

XI. Licèt Apostoli ideo debuerunt scribere, quia tenebantur docere, non sequitur Pastores hodiernos pariter teneri semper ad scribendum, ut ad docendum, quia alia est utrorumque ratio; Apostoli quippe omnes gentes debuerunt docere, ut Doctores Occumenici, non sic Pastores ordinarii, qui peculiarem gregem habent sibi commissum.

QUÆSTIO IV.

DE SCRIPTURÆ S. AUTHORITY.

An Scriptura Sacra verè sit authentica & divina? Aff.

I. **E**X Scripturæ Origine, de qua in præcedentibus, pendet ejus Authoritas, quia enim à Deo est, non potest non esse authentica & divina. Hinc oritur quæstio de ejus *Authoritate*, quæ bimembris potest esse. 1. Cum Atheis & Ethnicis, qui nullam agnoscunt Scripturæ authoritatem, præ reliquis libris humanis. 2. Cum Christianis, quicquid agnoscunt suspendere tamen volunt, saltem quoad nos à Testimonio Ecclesiæ. Quoad illos, Quæritur, An Scriptura Sacra sit verè *αὐτόμνη* & divina? Quoad istos verò; Unde nobis costet talem esse, seu quo Testimonio præcipuè fides *αὐθεντίας* Scripturæ nitatur? Hic de primâ tantum quæstione agitur, non de secunda.

II. Licet verò prima quæstio parum necessaria videatur inter Christianos, apud quos extra omnem controversiam positum esse debet, Scripturam esse *θεῖον & ἁγίον*, tanquam fidei primarium fundamentum; Quia tamen nimis multi sunt adhuc hodie inter Christianos Athei & Libertini, qui sanctissimam hanc veritatem labefactare modis omnibus conantur; Ideo maximi est ad salutem momenti, fidem nostram adversus talium impiorum diabolica cavilla maturè muniri.

III. *Authoritas* Scripturæ, de qua hic quæritur, nihil aliud est quàm *Authoritas* jus & dignitas librorum sacrorum, propter quam in iis quæ credenda proponunt dignissimi sunt fide, & in iis quæ omittenda vel facienda præcipiunt, obsequio: Fundamentum est divina & infallibilis horum librorum Veritas, qui Deum authorem habent, quia jus summum habet obligandi homines ad fidem & obsequium. Ea verò potest esse, vel *intrinseca*, vel *extrinseca*. Illa *Intrinseca* est ipsius Verbi *αὐθεντία* in se, quæ semper æqualis est & sibi constans, sive *& extrinseca* accedat hominum testimonium, sive non. Ista est æstimatio sive judicium hominum de Scriptura, quod varium est pro ratione subjectorum.

IV. Rursus *Authentia*, alia est *historia* seu *narrationis*, alia insuper *veritatis & normæ*; Juxta illam quicquid narratur in Scriptura verissimum est *Historia & norma*. prout narratur sive bonum, sive malum; sive verum sit, sive falsum. Istam verò habere dicuntur ea quæ ita in se vera sunt, ut pro normâ fidei & morum tradantur. Non omnia quæ sunt in Scriptura habent *authenticam normam*, ut ea quæ ab impiis vel Diabolo dicta referuntur; sed omnia tamen habent *authenticam historiam*.

QUÆST. V. Non quaritur; An Scriptores Sacri *quà homines* simpliciter & in *sensu* *diviso*, errare potuerint; hoc enim facile concedimus, seu, An *quà homines* sacri acti à Spiritu S. & in *sensu composito*, reipsa errarint; hoc enim nemo ut opinor ex Adversariis, nisi planè Atheus dicere sustinebit: Sed, An in scribendo ita acti & inspirati fuerint à Spiritu Sancto, & quoad res ipsas, & quoad verba, ut ab omni errore immunes fuerint, & scripta ipsorum verè sint authentica & divina? Adversarii negant; Nos affirmamus.

Scriptura
seu am
probat.

VI. Scriptura seipsam Divinam probat, non modò *authoritative* & per modum argumenti inartificialis seu Testimonii, quando se *θεός* & *κύριος* vocat quod licet bene usurpetur adversus Christianos; qui eam se recipere profitentur, non potest tamen urgeri adversus alios qui eam rejiciunt: Sed *ratiocinative* argumento artificiali, ex *Notis* quas Scripturæ Deus impressit, quæ indubitata præ se ferunt Divinitatis argumenta. Nam ut opera Dei incomparabilem Opificis sui præstantiam veluti oculis conspiciendam certis characteribus exhibent; & ut Sol propria luce innotescit: Ita voluit in Scriptura, quæ est *ἀπὸ τοῦ* Patris luminum & Solis justitiæ, fulgere varios Divinitatis radios quibus se cognoscendam præbeat.

per Notas,
quæ sunt
vel

VII. *Nota* autem istæ, vel sunt *extrinseca*, vel *intrinseca*. Illæ etsi non possunt sufficere ad plenam rei demonstrationem, magni tamen sunt ponderis ad ejus confirmationem, & contradicentium convictionem. Sed in istis præcipuum robor argumenti situm est.

Externa.

VIII. Externæ sunt 1. ex parte *originis*; Prima Antiquitas supra omnia Pagana monumenta; *Primum enim quodque verissimum*, ut inquit Tertull. 2. Ex parte *durationis*; Mira Verbi Divini per providam ejus curam, contra hostes potentissimos & infensissimos qui ferro & flammis illud excidium voluerunt, in hunc usque diem conservatio, cum tot alii libri, adversus quos nihil tale tentatum est, penitus interciderint. 3. Ex parte *Instrumentorum* & *Amanuensium*; Summus in scribendo *candor* & sinceritas, qui nec propria sua *ὑπόκρισις* dissimulant, sed ingenuè pandunt. 4. Ex parte *adjuutorum*; Numerus, constantia & conditio *Martyrum*, qui eam suo sanguine obsignarunt. Cum enim nihil homini sit vitâ carius, non potuissent tot hominum myriades omnis sexus, ætatis, & conditionis, pro defensione Scripturæ tam libenter mortem oppetere etiam crudelissimam, nisi de ejus Divinitate persuasi fuissent. Nec Deus omnipotentiam suam adhibere voluisset ad tot tantâque *Miracula* patranda, quæ facta sunt, tum in Lege tum in Evangelio, ad fidem faciendam Scripturæ Divinitati, si merum humani cerebri figmentum fuisset. Accedunt Adversariorum ipsorum testimonia; ut Ethnicorum de Mose, Josephi & Thalmudistarum de Christo, & Mahumetis, ipsius de utroque Testamento, quæ ex *Ἱστωρίαις*, *Πλάτωνι*, *Γραμματικῇ* & aliis peti possunt. Denique *Populorum consensu*, qui licet ritibus, opinionibus etiam circa sacra, cultu, linguâ & studio differrent,

different, hoc Verbum tanquam pretiosum divinæ Veritatis thesaurum exceperunt. illudque pro Religionis & Dei cultus fundamento habuerunt; nec enim credibile est Deum passurum fuisse, ut tanta hominum multitudo, quæ ipsum studiose quærebat, mendacibus libris tamdiu deciperetur. QUEST. IV.

IX. *Interna*, quæ potissimæ sunt, sunt etiam multiplices. 1. Ex parte *materia*; Admiranda *Mysteriorum sublimitas*, quæ nulla rationis sagacitate investigari potuissent; qualia sunt Trinitas, Incarnatio, Satisfactio Christi, Resurrectio mortuorum, & sim. *Præceptorum sanctitas* & puritas, quæ cogitationes ipsas & affectus internos cordis in ordinem cogunt, & apta sunt ad hominem omni virtutum genere perfectum & Deo dignum reddendum. *Oraculorum* de rebus etiam occultissimis & remotissimis *certitudo*: Prævidere enim, & prædicere futura ex sola Dei voluntate pendentia, solius est Numinis Isa. 41. 23. 2. Ex parte *styli*; Divina *Majestas*, non minùs ex simplicitate quàm gravitate dictionis elucens, & summa illa quibusvis promiscuè & summis & imis imperandi *πρόνοια*. 3. Ex parte *forma*; Divinus *doctrina consensus* & *παραπρόνοια*, non modò inter utrumque Testamentum prædictionum & typorum complemento, sed etiam inter singulos utriusque Testamenti libros; tantò magis mirandus, quantò illorum Scriptores, & plures numero fuerunt, & variis temporibus & locis scripserunt, unde de rebus scribendis inter se conferre non potuerunt. 4. Ex parte *finis*; omnium ad unius Dei gloriam, & hominum sanctitatem & salutem directio. 5. Ex parte *effectuum*; divinæ doctrinæ *Lux* & *Efficacia*, quæ tanta est, ut penetrantior quovis gladio ancipiti ad ipsam animam pertingat, fidem & pietatem auditorum suorum animis, invictam Confessoribus constantiam ingeneret, & semper victrix de regno Satanæ & falsis Religionibus triumphet. Quæ sanè criteria talia sunt, ut in nullum humanum scriptum, quod humanæ fragilitatis semper præ se fert argumenta, cadere queant, sed Scriptum verè divinum arguunt; maxime quando non seorsim singula, sed omnia *ᾠθώως* considerantur.

X. Non putandum tamen notas istas pariter & æquali gradu fulgere in omnibus Scripturæ libris: Ut enim stella à stella luce differt; ita in hoc Scripturæ cælo, libri quidam splendidiore & uberiores lucis radios emittunt, alii longè tenuiores & pauciores, quò magis vel minùs necessarii sunt Ecclesiæ, & doctrinas majoris vel minoris momenti continent; ut longè magis radiant isto splendore Evangelia & Epistolæ Paulinæ, quàm liber Ruthæ vel Estheræ, sed tamen certum in omnibus ea esse veritatis & majestatis argumenta, quæ librum divinum & authenticum per se arguunt, vel saltem nihil in iis deprehendi, quod eorum *αὐθεντία* dubiam reddere queat.

XI. Non opus est etiam, ut notæ istæ omnes in qualibet libri Canonici pericope vel versiculo occurrant, quibus ab Apocrypho discernatur; vel in singulis

QUEST. IV. singulis Scripturæ partibus à toto separatis: sufficit ut dentur in Scriptis divinis, prout considerantur conjunctim & secundum se tota.

XII. Licet falsæ Religiones Criteria ista doctrinæ suæ vindicare soleant; Non minùs tamen justè vera poterit illa sibi tribuere; quia vana & falsa hominum opinatio, rei veritatem non labefactat: Nec si Turca Alcorano, vel Judæus Cabalæ suæ divinitatem falsissimè affingit, quia fabulæ & mendacia quibus uterque liber totus confusus est contrarium satis produnt; fidelis Scripturæ Sacræ non verè poterit Divinitatem prædicare, in qua fulgentissimos ubique videt divinæ Veritatis radios.

XIII. Quamvis fides Authoritate testimonii nitatur, non autem scientifica demonstratione; non sequitur argumentis artificialibus non posse subinde adjuvari, maximè in principio fidei adstruendo; quia fides antequam credat, debet perspectam habere divinitatem Testis cui credere debet, ex certis quibusdam notis quas in eo deprehendit; alias ipsi credere non posset. Nam ubi desunt idoneæ alicui credendi rationes, talis Testis testimonium non potest esse *axiomaticum*.

Authentia
Testimonii
Propheta-
rum & A-
postolorum.
Qui nec
decepti
sunt.

XIV. Testimonium Prophetarum & Apostolorum omni exceptione majus est, nec potest à quoquam cum ratione in dubium vocari: Nam si incertum esset & fallax, id foret, vel quia ipsi decepti sunt, vel quia alios ipsi deceperunt: sed neutrum dici potest. 1. *Non decepti sunt* nec decipi potuerunt. Nam si decepti sunt, vel ab alio decepti sunt, vel a seipsis; Illud dici nequit, quia nec à Deo, qui ut falli à nemine potest, ita nec quemquam potest fallere; nec ab Angelis qui non fallunt; nec à Dæmonibus, quia doctrina ista tota ad destructionem regni Diaboli tendit. Istud verò non magis, nam si quis fallitur in re aliqua, hoc fit ideo potissimùm, vel quia ipse eam non vidit, sed ab aliis accepit quorum fide nititur, vel quia eam obiter tantùm & in transcurso aspexit, vel quia res est obscura & difficilis quæ hominis caput longè superat, vel quia subiectum est malè dispositum & aliquo morbo præpeditum quominus rite judicet. Sed hinc nihil tale occurrit: Nam 1. ea quæ narrant profitentur se non ex incerto rumore, & ab aliis accepisse qui minùs accuratè ea novissent, sed quorum certissimam & exploratissimam habebant notitiam, utpote qui testes oculati & auriti fuerant, & in quibus pernoscentis magna attentione & studio versati erant. 2. Nec de remotis & dissitis rebus loquuntur, sed quæ in iis ipsis locis & eo tempore quo scribebant gesta erant, unde 1. Joh. 1. 1. *Quod videmus*, inquit, *oculis nostris, quod audivimus de Verbo vite id annunciamus* &c. 3. Non agebatur de rebus obscuris & in mera speculatione positis, in quibus rudes & illiterati potuissent facile decipi, non assequendo earum sublimitatem, sed de factis in sensus & oculos incurrentibus v.g. de resurrectione Christi; cum quo ante obitum versati fuerant familiariter, & qui se ipsis post resurrectionem con-

conspiciendum præbuerat, non obiter, sed diu, non semel, sed sæpius, non QUEST. IV.
coram uno vel altero, sed coram pluribus omnis sexus, & conditionis.
4. Denique nec dici potest facultatem ipsorum malè dispositam fuisse: nam præterquam quòd nulla præ se ferunt indicia corruptæ phantasiæ & mentis emotæ, imò sapientiam & bene compositum animum verbis suis & vitâ produnt; Accedit quòd non unus aut alter, sed plures numero idem sentiant & loquantur. Unde sequitur nihil esse cur decepti hîc dicantur.

XV. Sed ut decepti hîc non sunt, Ita *nec decipere voluerunt*: Nam qui Nec decipere voluerunt.
fallunt & mentiuntur, aliquod sibi proponunt mendacii & deceptionis emolumentum, vel ut gloriam caprent, vel ut hominum gratiam aucupentur, vel ut opes & commoda sibi comparent: At Viris Dei in isto testimonio dicendo, quid optabile vel viventibus quærebat, vel vitâ functis? Viventibus quidem ea omnia propter quæ propulsanda mentiri homines non rarò consueverunt, inopia, exilia, cruciatus, & extrema supplicia, post mortem verò infamia & pœna æterna. Et tamen omnibus istis posthabitis non dubitarunt scientes prudentes, ad hoc suum confirmandum testimonium infinita adire discrimina, & gravissimas subire contumelias & acerbissimas perpeti mortes. Quis ergo credat eos talia ferre non recusasse pro eo quod haberent incertum & falsum; cùm pro certissimis & compertissimis vix ac ne vix quidem reperiantur, qui vel existimationis, vel bonorum discrimen adire sustineant, nedum mortem oppetere? Nemo sanè eos affectati tam ingentis mendacii reos agere potest, quin eos faciat stultissimos simul & pessimos; stultissimos, qui nullo suo bono, certissimoque malo suo mentiri voluerint, contra ipsa religionis suæ quam scribebant, quæ tam severè mendacium vetat, dogmata; pessimos verò, qui mentiendo mundum universum fallere voluerint, nulloque ipsorum bono secum malis omnibus involvere.

XVI. Denique *nec decipere potuerunt*, etsi voluissent; quia scribebant non de rebus remotis & dissitis, aut quæ priscis temporibus, aut quæ Nec potuerunt.
clam & remotis arbitris in angulo aliquo gestæ erant; prout vulgò impostores solent, ne facillè possint mendacii coargui: Sed ea referebant, quæ illo ipso tempore publicè & coram Sole, illo ipso loco quo scribebant, & quidem sæpe iis videntibus & audientibus ad quos scribebant, contigerant, quique facillè fraudem & imposturam, si qua fuisset, reterege-
re poterant. Si ergo nec decepti sunt nec deceperunt, dubium non est, quin divinum sit eorum Testimonium, atque adeò authentica omnis illa doctrina quæ ex eo pendet & illo nititur.

XVII. Non potest in dubium vocari; An Prophetæ & Apostoli fuerint aliquando, & libros scripserint qui illorum esse dicuntur, quin nutet totius Antiquitatis fides, & Pyrrhonismus introducatur: Sic enim de omnibus aliis scriptis, quæ in manibus versantur dubitari poterit: Cùm

Quæst. autem certum sit tales libros à certis authoribus scriptos fuisse, quis sanæ
 IV. mentis non crediderit potius scriptos esse ab iis quorum nomen præferunt, quod Ecclesiæ omnes Christianæ ubique locorum constanter crediderunt, de quo nulla unquam aut à Judæis, aut à Paganis mota controversia fuit, & quod antiquissimis temporibus, cum ea de re constare posset, jam receptum est, quàm à quolibet alio?

*Authentia
 librorum
 Moſis
 ostenditur.*

XVIII. Quicquid in medium afferri potest ad elevandam fidem historiæ Mosaicæ, facile refelli potest si penitiùs excutiat. Nam si quis fortè neget Moſem unquam fuisse, vel authorem esse librorum qui illi adscribuntur, nullo negotio vincetur: tum quia non soli Judæi & Christiani ejus meminerunt, sed & profani Scriptores non pauci; tum quia hoc constanter creditum est à numerosissima gente, nec ulla causa dubitandi est, nisi velimus fidem omnium omnino historiarum convellere & negare, Platonem, Aristotelem, Ciceronem & alios unquam extitisse, & libros quicorum nomen præferunt scripsisse, quod nemo nisi mente captus dixerit. Multò verò minùs hoc de Moſe, quàm de cæteris dici potest, quia nullus liber majori cum rationis specie debuisset à Judæis aboleri, qui sic à Legis durissimæ jugo se liberassent: & nullus tamen majori studio & zelo ab iis exceptus est & conservatus, nullus unquam tantam auctoritatem subito consecutus est, ut pro Lege divina & Religionis norma haberetur; non alia sanè de causa, quàm ex veritatis illo contentæ persuasione.

XIX. Secundò, si quis inde depulsus aliò se recipiat, & fateatur quidem Moſem extitisse, & libros qui illi tribuuntur conscripsisse; Sed fuisse Impostorem & fabulatorem insignem asserat, qui inanibus mendaciis & fallis prodigiis populo Israëlitico imposuerit, ut eum Legi, quam proponebat, atque adeò sibi ipsi manciparet; non minùs facile confutabitur. Nam præterquam quòd ipsi Ethnici, & insensissimi hostes, ut *Porphyrus* lib. 4. adversus Christianos, veracis scriptoris laudem dant Moſi: facile capi non potest, quomodo insignis illa sapientia & eximiae virtutes, quibus tota vita Moſis radiat, cum tam nefanda impostura conciliari queant, vel quo pacto tam admirabilem Legem, à qua quicquid boni cæteræ habuerunt mutuatae sunt, quæ ad unius Dei gloriam & populi sanctitatem respiciebat, excogitare potuerit ut fraudi & imposturæ suæ faveret. Deinde, si impostor fuit, mirum est cur viam consilio suo planè contrariam secutus sit, ex qua facile fallitatis convinci potuit. Nam si falsa est quam tradidit narratio originis mundi, nihil facilius fuit quàm mendacii cum arguere ex exiguo generationum numero, quæ ab Adamo ad diluvium, & à diluvio ad exitum populi ex Ægypto recensentur, siquidem tempore Moſis superesse adhuc poterant varii, qui Josephum viderant, cujus parens Semum viderat, qui usque ad centesimum annum vitæ suæ potuit versari cum Methusalem ad illud usque tempus su-

per-

perstite, qui & ipse Adamum viderat; unde nullo negotio rei veritas vel falsitas deprehendi potuit. 3. Si Moses impostor fuit, qui Israëlitas decipere voluerit, speravit proculdubio, se mendacia sua & fraudes Israëlitis persuasurum: sed quo tandem pacto potuit in animum suum inducere, se persuasurum illis tot tantaque prodigia, quæ vel in Ægypto vel in deserto facta dicuntur, si nihil tale contigisset? maximè cum ad eos scriberet, qui vel auriti vel oculati testes eorum esse debuerunt, & cum de iis scriberet, non quæ multa ante secula gesta erant, sed illo ipso tempore, non clam & in angulo, & coram paucis testibus, qui faciliè corrumpi potuissent, sed palam & publice sub oculis sexcentorum millium hominum, & hostium etiam ipsorum insensibiliorum, qui potuerunt mendacia ipsius arguere? An potuit sperare nullum repertum iri in populo qui de istis dubitaret? vel qui ab Ægyptiis rerum gestarum veritatem non requireret? An credibile est, ex tanto hominum numero, quos subinde durissimè tanquam gentem rebellem & indomitam increpabat, imò pœnis nonnunquam gravissimis affligebat, subitanè morte non centenos tantùm sed millenos plectendo, & talia præstando quibus meritò exacerbari potuerunt adversus ipsum, neminem futurum fuisse qui suam illi fraudem & imposturam non objecisset, cum toties adversus ipsum tam iniquè murmurare & rebellare cernantur? Denique si impostorem egit, commodum aliquod sine dubio, vel gloriam vel opes inde captavit, ut vel Imperium sibi & posteris confirmaret, vel laudem sapientiæ & heroicæ virtutis apud homines consequeretur; sed quàm alienus à lucris vel gloriæ cupiditate Moses fuerit, & res ipsa clamat, & sinceritas quâ propria peccata sua, & incredulitatem imprimis tam ingenuè confitetur, satis testatur.

XX. Sed fortè Israëlita falsitatem rerum quæ à Mose referebantur agnoscetes, consenserunt in fraudem & imposturam, ad majorem genti gloriam conciliandam. Sed quis credere auit Israëlitas tam insanos fuisse, ut consentire non recusarent in tam insignem imposturam, per quam iugo *αἰσχρογὰρ* Legis durissimæ subiciebantur, si persuasi verè fuissent talem Legem fuisse merum Mosis commentum? Vel an ulla veri specie dici potest ex sexcentis hominum millibus ad unum omnes in talem fraudem consensisse, ut nemo repertus fuerit qui tali consilio se opposuerit? 2. Tantùm abest ut gloriam & laudem apud alios sibi inde conciliarent, ut contrà odium & contemptum omnium meritò in se accerterent: quis enim dixerit ad decus gentis pertinuisse, ut eorum murmura & peccata gravissima oculis hominum exponerentur, ut arguerentur tanquam *σκληροτάτοι* & ingratiissimi mortalium, ut pœna severissimæ quibus Deus eorum pervicaciam & rebellionem ultus erat non semel recenserentur, imò quis non videt hæc in æternum gentis probum cedere? Uno verbo causa nulla est, cur populus tam duræ cervicis, & *φιλόδοξος*, Legis molestissimæ & quæ minimam

QUEST. transgressionem tam severè ulciscébatur, jugum adeò facilè subire voluisset,
IV. nisi de divinitate vocationis Moïsis, & veritate dictorum ejus persuasus fuisset.

Conversio XXI. *Conversio mundi*, & *Evangelii successus* clarissimum est Divinitatis ejus argumentum; Nam nisi Viri Dei fuissent Apostoli, & cœlestem veritatem attulissent, capi animo non potest quì fieri potuerit, ut eorum doctrina iis omnibus prælidiis destituta, quibus doctrina aliqua humanitus commendari & propagari potest, & iis omnibus rebus pertinacissimè oppugnata quibus doctrinæ alicui resisti potest, autoritate Majorum, consuetudine Populorum, favore Principum, eloquentiâ Oratorum, subtilitate Philosophorum, accommodatione ad mores & ingenium humanum; quæ per paucos rudes & infirmos homines promulgata est, à fingendi non modò fraude sed & suspicione alienissimos, nullo eloquentiæ adjumento instructos, nullo simulationis artificio eruditos, & spreto & despicabiles, sola persuasione, sine ullo autoritatis & favoris publici præsidio, sine armorum auxilio, per mille mortes & discrimina, brevissimo tamen tempore ubique locorum ferme, ita propagata fuerit, ut omnia obstacula perruperit, & aliarum Religionum quæ istis omnibus præsidiis communitæ erant victrix evaserit, ut integri populi & Reges ipsi, relictis patriis Religionibus in quibus nati erant & educati, sine spe commodi, imò cum certa malorum expectatione, istam, quæ rationi absurda & carni ingrata erat, & quæ repellere potius à se homines quàm ad se allicere videbatur, amplexi fuerint.

XXII. *Certitudo* triplex potest esse, 1. *Mathematica*, 2. *Moralis*, 3. *Theologica*. *Mathematica*, seu metaphysica illa est, quæ competit primis principiis naturæ & per se notis, & conclusionibus per hujusmodi principia demonstratis; ut quando *Totum dicitur esse majus sua parte*, & quòd *idem non possit simul esse & non esse*. 2. *Moralis* quæ cernitur in rebus quæ quidem demonstrari non possunt, sed talibus tamen indiciis & argumentis tam probabilibus suadentur, ut de iis vir prudens dubitare nequeat; ut *Æneidem scriptam esse à Virgilio*, & *historiam Livii à Livio*; etsi enim res non est per se nota, tam constanti tamen famâ testata est, ut de ea dubitare nemo possit, qui aliquam rerum & literarum notitiam habet. 3. *Theologica* quæ habetur in rebus, quæ etsi demonstrari nequeant, vel per se & naturæ notæ sint, non tamen probabilibus tantùm indiciis & moralibus argumentis nituntur, sed verè Theologicis & divinis, divinâ puta revelatione, quæ proinde non certitudinem tantùm moralem & conjecturalem faciunt sed fidem verè divinam. Scriptura non habet certitudinem *metaphysicam*; aliàs assensus quem illi præbemus scientiam pareret non fidem: non habet etiam simpliciter *moralem* & probabilem, aliàs fides nostra non certior esset quolibet assensu historico qui scriptis humanis adhibetur; sed habet certitudinem *Theologicam* & infalli-

infallibilem, quæ hominem fidelem & Spiritu Dei illustratum decipere non potest. QUEST. IV.

XXIII. Prophetæ non errarunt in illis quæ scripserunt *Γενεύσεις* & *Fontes quæ Prophetæ*, ne quidem in rebus minoris momenti, quia aliàs universæ *Solutio-Scripturæ fides dubia redderetur*. Sed potuerunt errare in aliis *quæ homines*, num. quo modo David erravit in Epistola de Uria occidendo, quæ authenticam quidem habet historiam sed non normæ, & Nathan in consilio quod dedit Davidi condendi Templum, sed inconsulto Deo, 2. Sam. 7. 3. quia nec universalis, nec continuus fuit Spiritus Sancti afflatus, ne putaretur esse motus ordinarius, vel effectus naturæ, 2. Reg. 2. 17.

XXIV. Apostoli fuerunt infallibiles in fide, non in moribus; & Spiritus deducturus fuit eos in omnem veritatem ne unquam errarent, non in omnem pietatem ne unquam peccarent, quia similes nobis fuerunt in omnibus. *Petri simulatio* & hypocrisis, de qua Galat. 2. 12. fuit peccatum *Gal. 2. 12.* vitæ, non error fidei; lapsus moralis conversationis ex infirmitate & timore, ne in odium incurreret Judæorum; non verò error mentis ex libertatis Christianæ ignorantia, quam se cognoscere in familiari cum Gentilibus commercio ante Judæorum adventum satis testabatur.

XXV. Quum Paulus ait 1. Cor. 7. 10. *Ego dico non Dominus*, non 1. Cor. 7. negat inspirationem Domini cui dicta sua vendicat v. 40. sed tantum præ- 10. ceptum hoc, seu hanc legem à Domino expressè ante se latam esse; ut sensus sit, controversiam illam de maliciosa desertione, Christi tempore non fuisse adhuc motam, neque eam decidendi illum occasionem tum habuisse; quod Paulus jam Spiritu illustratus facit.

XXVI. Quæ ludicra & inutilia videntur in Lege, maximi inveniuntur esse momenti à piis & cordatis ad exercendam obedientiam, averſandam idololatriam, mores informandos, & Messiam indigitandum, si dextrè ut oportet accipiantur. Genealogiæ, & cætera quæ videntur superflua, testimonia sunt ortus, propagationis, & conservationis Ecclesiæ, & impletæ promissionis de Messia è Semine Abrahami & Davidis deducendo.

XXVII. Prophetæ Hoseæ cap. 1. 2. non injungitur ut meretricem *Hos. 1. 2.* ducat in uxorem, sic enim filii ex tali matrimonio non possent dici spurii, ut vocantur v. 2. Sed hæc *allegorice* sunt intelligenda, ut Israël spurca sua idololatria sub tali Symbolo repræsentetur.

QUÆSTIO V.

An in Scriptura occurrant veræ contradicções, seu loca quedam ἀλυτα, quæ nulla ratione solvi & conciliari possint? N.

I. **Q**Uamvis assertâ Scripturæ Divinitate, de qua actum fuit quæstione præcedenti, sequatur necessariò ejus Infallibilitas; Quia tamen non pauca ab omni ævo ἐναντιοφανῶ in Scriptura invenire sibi visi sunt, & studiosè conquisita jactarunt, veræ Religionis & Scripturæ hostes, ad ejus ἀνθεντίαν convellendam, ut *Porphyrius, Lucianus, Julianus Apostata*, alique olim ex Gentilibus, & hodierno die Athei varii, qui non paucas in ea contradicções & ἀπρεα, quæ nulla ratione conciliari possint, occurrere clamitant. Ideo peculiari quæstione cum illis agendum est, ut Scripturæ Integritas adversus impia ipsorum tela facta tectaque conservetur.

II. Res nobis hîc est, non modò cum apertis Atheis & Gentilibus, qui Scripturam Sacram non admittunt, sed & cum aliis qui, licèt recipere illam videantur, indirectè tamen illam hac ratione evertunt: Ut *Enthusiasta*, qui imperfectionem Verbi scripti prætexunt; ut homines ad verbum suum occultum, seu privatas revelationes abducant; *Pontificiis*, qui licèt aliàs Divinitatem Scripturæ contra Atheos tueantur, non verentur tamen ipsorum armis sibi aptatis propriam suam atque adcò totius Christianismi causam quantum in se est oppugnare, & hostibus suis prode, corruptionem Fontium urgendo, ut Versioni suæ Vulgatæ auctoritatem concilient; Denique *Libertini* varii, qui in sinu Ecclesiæ versantes, non desinunt varia illa ἀπορεα & ἐναντιοφανῶ objicere, ad Scripturæ auctoritatem labefactandam.

III. Ut illis occurratur diversam sequuntur viam Doctores. Quidam facilè rem expediri posse putant, si dicatur Scriptores sacros, memoriâ labi, aut in levioribus errare potuisse, Sic *Socinus* de auctoritate Scripturæ, *Castellio* in Dialogis & alii. Ast hoc non est causam tueri adversus Atheos, sed illam turpiter prode. Alii Hebræos & Græcos fontes in aliquot locis corruptos esse fatentur, Judæorum vel hæreticorum malitiâ, sed remedium facilè peti posse à Vulgata Versione & Ecclesiæ auctoritate infallibili. Quæ sententia est plurimorum ex Pontificiis, adversus quos postea disputaturi sumus, quum de puritate Fontium agemus. Alii paucula quædam menda irreplisse in Scripturam censent, & nunc etiam extare, quæ nulla Msc. Codicum fide & collatione sanari possint, sed quæ Scriptoribus ipsis sacris non sint adscribenda, sed partim temporum injuriæ, partim Exscriptorum & Librariorum

brariorum culpæ; Unde tamen Scripturæ αὐθεντία labefactari nequeat, quia *Quæst.*
 occurrunt tantum in rebus minus necessariis, & levioribus; sic *Scaliger*,
Cappellus, *Amama*, *Vossius*, & alii statuunt. Alii denique Scripturæ inte-
 gritatem tuentur, & contradictiones quidem varias apparentes occurrere
 non diffitentur, sed non veras & reales; loca quædam esse *δυσνόητα*, sed non
 planè *ἄλυτα* & desperata; quæ communior est Orthodoxorum sententia,
 quam ut tutiorem & veriore sequimur.

IV. Non quæritur de *irregulari* vocum *scriptione* vel *punctuatione*, vel de *Status*
variis lectionibus, quas non rarò occurrere fatentur omnes. Vel, An Apo- *Quæstio-*
 grapha quæ habemus ita cum Autographis primis conveniant, ut in nullo
 planè apiculo, vel literulâ ab illis recedant: Sed, An ita ab iis discrepent, ut
 sensus genuinus corrumpatur, nec possint amplius Textus originales censer
 fidei & morum regula.

V. Non quæritur de *particulari* quorundam Codicum *depravatione*;
 Vel de Erratis quæ Exscriptorum, vel Typothetarum negligentia in hujus
 vel illius editionis Codices irrepsit; Nam nemo negat varias esse tales
 corruptelas: Sed, An dentur corruptelæ & *menda universalia* per omnes
 Codices tam manuscriptos quam impressos ita diffusa, ut nullâ vel Codicum
 variorum, vel Scripturæ ipsius & locorum parallelorum collatione sanari
 & corrigi possint; An sint quædam veræ & reales, & non tantum apparentes
 contradictiones; Quod negamus.

VI. Rationes sunt 1. Quia Scriptura est *θεόπνευστος* 2. Tim. 3. 16. *Scriptura*
 Verbum Dei mentiri nescit Pl. 19. 8. 9. Heb. 6. 18. quod excidere & sol-
 vi non potest Matth. 5. 18. quod manet in æternum 1. Pet. 1. 25. & quod *esse corru-*
 est ipsa Veritas Johan. 17. 17. Quomodo enim talia de ipsa prædicarentur si *ptam pro-*
 esset contradictionibus obnoxia, & si Deus passus esset, vel Scriptores sacros *batur.*
 errare & memoria labi, vel menda in eam irrepere insanabilia?

VII. 2. Quia nisi integritas illibata Scripturæ tribuatur, non poterit
 censer unica fidei morumque regula, & lata porta aperietur Atheis, Liber-
 tinis, Enthusiastis, & aliis idgenus profanis, ad ejus αὐθεντίαν convellendam
 & salutis fundamentum evertendum. Cum enim fidei non possit subesse
 falsum, quomodo authentica haberi poterit, & divina censer Scriptura,
 quæ contradictionibus & corruptelis esset obnoxia; Nec dici hic debet cor-
 ruptelas tantum esse in levioribus, quæ fidei fundamentum non attingunt:
 Nam si semel Scripturæ αὐθεντία convellitur, quod fit vel ex unius loci cor-
 ruptione insanabili, quomodo fidem nostram ulterius fundare poterit? Et si
 in levioribus corruptio admittitur, cur non in aliis gravioribus? Quis mihi
 fidem facere poterit; nullam labem vel mendum in loca fundamentalia irre-
 plisse? Vel quid responderi poterit Atheo, vel hæretico subtili, qui hunc
 vel illum locum minus sibi faventem in mendo cubare pertinaciter asseret?

Neque

QUEST. V. Neque hîc reponendum, Providentiam divinam voluisse à gravioribus corruptelis eam immunem præstare, non verò à levioribus. Nam, præterquam quòd hoc gratis dicitur; non sine quadam ejus injuria asseritur, quasi defuerit in necessariis, quæ ad plenam Scripturæ ἀντιστάσιαν requirebantur: Nec facile credi potest, Deum, qui omnia & singula verba Viri θεοπνεύματος dictavit & inspiravit, de omnibus etiam conservandis non curasse. Si homines verba sua sollicitè conservari curant quantum possunt, maximè si sint alicujus momenti, v. g. si sit Testamentum vel contractus, ne quid immutetur vel corrumpatur: Quantò magis Deus, Verbi sui, quod Testamenti & Tabularum publicarum fœderis sui nobiscum initi loco esse voluit, curam gessisse ceniendus est, ne quid in eo corrumperetur; maximè cùm similes corruptelas prævidere & impedire facile potuerit, ad confirmandam Ecclesiæ suæ fidem?

VIII. Quatuor præcipua Argumenta sunt Integritatis Scripturæ & Puritatis fontium. 1. *Primarium Dei Providentia*, qui ut prospicere voluit fidei nostræ, Scriptoribus Sacris inspirando quæ scriberent, & Scripturam conservando contra hostium molimina, qui nihil intentatum reliquerunt ut eam delerent, Ita eam puram & intemeratam tutari debuit adversus falsariorum corruptelas, ut fides nostra firmum semper haberet fulcrum quo niteretur. 2. *Judeorum religio*, qui ad superstitionem usque solliciti fuerunt semper de fidei sacrorum Codicum custodia. 3. *Masoretarum diligentia*, qui notis suis sepimentum veluti Legi apposuerunt, ne mutari ullatenus vel corrumpi posset. 4. *Exemplarium numerus & multitudo*, per quam factum, ut si quidam Codices corrumpi potuerint, non tamen omnes.

Fontes
Solutio-
num.

IX. Quæcunque in Scripturis reperitur ἀντιλογία, apparens est non vera; nostri respectu tantum intelligenda, qui consensum ejus ubique cernere & capere non possumus, sed non in re ipsa. Et si legitimæ contradictionis leges observentur, ut opposita convenient τῷ αὐτῷ, *eidem*, κατὰ τὸ αὐτὸ *secundum idem*, πρὸς τὸ αὐτὸ *ad idem*, & τῷ αὐτῷ χρόνῳ *eodem tempore*; facile conciliari poterunt varia ἐναντιοφάνη Scripturæ. Nam vel de eodem non est sermo, ut quum Jacobus adscribit justificationem operibus, quam Paulus detrahit ipsis: Ille enim de *justificatione effectus* declarativa à posteriori loquitur; Ilte verò de *justificatione causa* à priori.

Luc. 6. 36. Sic Luc. 6. 36. præcipitur misericordia, *Estote misericordes*, quæ vetatur Deut. 19. *Non miseraberis*; Illud de privatis, hoc verò de Magistratibus. Vel non *secundum idem* dicuntur, ut Matth. 26. 15. negatur præsentia Christi in mundo, *Me non semper habebitis*, & cap. 28. 20. eadem promittitur, *Ero vobiscum usque ad consummationem seculi*. Illud respectu naturæ humanæ, & præsentia corporalis; hoc verò respectu divinæ & præsentia

sentia spiritualis. Vel non *ad idem*; ut quum aliquid absolutè, aliud verò *Quaest.*
comparatè dicitur; *Honora patrem tuum*; & Luc. 14. 26. *Si quis non oderit pa-*
rem suum: Illud absolutè; hoc comparatè intelligendum, pro eo quod est *V.*
minùs diligere, & posthabere Christo. Vel non *eodem tempore*; unde illud, *Luc. 14.*
Distingue tempora & conciliabis Scripturas: sic modò extollitur Circumci-
sio, tanquam magnum Judæorum privilegium Rom. 3. 2. modò deprimi- *Rom. 3. 2.*
tur, ut res nihili Gal. 5. 3. sed illud de V. T. tempore quo fuit Sacramen- *Gal. 5. 3.*
tum ordinarium & sigillum justitiæ fidei, hoc verò de tempore Evangelii
post abrogatam Legem cæremonialem. Modò mittuntur Apostoli ad solos
Judæos ante passionem Christi missione speciali, & prohibentur ire ad gen- *Matth. 10.*
tes, Matth. 10. 5. *In viam gentium ne abieritis*; modò ad omnes gentes mis- *5.*
sione generali post resurrectionem Marc. 16. 15. *Marc. 16.*

X. Licèt integritatem absolutam tribuamus Scripturæ, non ideo tamen
censemus Exscriptores vel Typothetas Θεοπνεύστους fuisse; sed tantum Dei
Providentiam invigilasse sacrorum librorum exscriptioni, ut etli potuerint
irrepere varii errores, non irrepsent tamen, vel non ita in Codices irrepsē-
rint, quin ex collatione aliorum, vel Scripturæ ipsius inter se, sanari facilè
possint. Itaque fundamentum puritatis & integritatis fontium, non ponen-
dum est in hominum ἀναμαρτησία, sed in Dei providentia, quæ, utcunque
homines in sacris Literis describendis occupati varios errores admiscere po-
tuerint, sedulò tamen semper cavit ut corrigerentur, vel corrigi facilè pos-
sent vel ex Scripturæ ipsius collatione, vel ex probatoribus Codicibus. Non
ergo necesse fuit Scribas omnes infallibiles reddere, sed tantum eos ita diri-
gere, ut vera lectio semper reperiri queat, & liber hic supra quosvis alios pu-
ritate longè emineat.

XI. Quamvis non possemus statim invenire conciliationem planam &
omnis difficultatis expertem inter loca Scripturæ, quæ vel de nominibus
vel de notis numericis, & chronologicis agunt; non statim inter ἄλλα re-
ponenda sunt: vel si ἄλλα dicuntur, talia erunt tantum τῇ ἀδυναμίᾳ ἢ
ἀλόγῳ, non re ipsa, ut hic satius sit ignorantiam nostram agnoscere, quàm
contradictionem ullam admittere. Historiæ enim illæ non ita sigillatim
conscriptæ sunt, ut omnes circumstantiæ notatæ fuerint: multa procul-
dubio in epitomen redacta sunt, aliis omissis, quæ non ita necessaria vide-
bantur: fieri etiam potest, ut loca ista varias ᾠσεις habebant, quæ Scri-
ptoribus apprimè cognitæ erant, licèt jam nos lateant. Hinc P. Martyr in
2. Reg. 8. 17. optimè; *Licèt occurrant*, inquit, *obscura loca in chronologi-*
cis, ad ea concilianda non est eò concedendum ut dicamus Codicem sacrum
mendosum. Nam Deus qui pro sua misericordia divinas Literas nobis conser-
vatas voluit, eas etiam integras & non corruptas concessit. Quamobrem si
quando quoad numerum annorum explicare non valeamus, facienda est igno-

Q U Æ S T. rantia quâ laboramus, & attendendum sacras Litteras tam concisè loqui, ut non facile appareat unde supputatio incipienda sit: maneat itaque Scriptura incorrupta, quasi labefactetur in uno vel altero loco, in aliis quoque sûpsecta erit. Et ad 1. Reg. c. 15. v. 1. Fit non raro, ut in hac historia numeri annorum quâ Regibus tribuuntur parum videantur inter sese consentire. Verum dubitationes istiusmodi possunt multiplici ratione discui: fit enim quandoque ut unus idemque annus duobus tribuatur, quod à neutro impletus fuerit & perfectus. Aliquando filii cum parentibus regnarunt aliquot annos, & illi nunc parentum, nunc verò liberorum regno adscribuntur. Contingebant etiam aliquando interregna, & vacuum tempus, modo priori, modo posteriori Regi attribuitur. Sane etiam nonnunquam aliquot anni, quibus Principes tyrannice & impie regnarunt, ideoque pratereruntur, neque ceteris annis imperii eorum accensentur.

Luc. 3. 36.
De Cainan.
Gen. 11. 13.

XII. Locus Luc. 3. 36. de Cainane juniore, qui inseritur inter Arphaxad & Sala, contra historiæ Mosaicæ veritatem Gen. 11. 13. revera est ducuntur, qui doctorum ingenia diversimodè exercuit; non tamen censi debet planè αλυσθαι, cum varii dari possint solutionis modi. Nos missis aliis sententiis, commodissimam putamus eam quæ statuit Cainan esse ἀποβελμαίνον & spurium, qui ex versione LXX. in qua etiam ante Christi tempora extitisse Demetrii Chronologia apud Eusebium Evang. præpar. lib. 9. testatur, irrepsit Exscriptorum incuriâ, vel pio quodam studio, ne committeretur Lucas cum LXX. Versione, quæ magnæ tum erat authoritatis. Hoc autem manifestè evincit 1. *Authoritas Mosis & Libri Paralipomenon*, qui in descriptionibus genealogicis, quas tribus in locis instituerunt Gen. 10. 24. & 11. 13. & 1. Paral. 1. 18. ubi sanè de eo loquendum fuit, nullam mentionem ejus faciunt. 2. *Paraphrases Chaldaica*, quæ constanter tam in Genesi quàm in libro Paralipo. Cainanem omittunt. 3. *Josephus* illum non agnoscit, nec *Berosus* ab ipso productus, nec *Africanus* cujus verba citat Eusebius in Chronico. 4. Sic conturbatur Chronologia sacra, & in dubium vocatur historia Mosis, si inseruntur anni Cainanis inter Arphaxad & Sala; & Abrahamus non erit decimus à Noacho, ut apud Mosem asseritur, sed undecimus. 5. Non extat in omnibus Codicibus, *Beza* nolter testatur non extare in M. S. antiquissimo suo, & *Vferius* dissert. de Cainane p. 196. asserit sibi visum librum Lucæ Græco-Lat. in antiquissimis membranis, literis majusculis sine spiritibus & accentibus descriptum, qui ex Græciâ in Galliam translatus olim in Monasterio S. Irenæi in suburbio Lugdunensi repositus, & anno 1562. repertus, in Angliam postea delatus sit, & Cantabrigiensi Academiæ donatus, ubi Cainan non comparet. *Scaliger* in Prolego. in Chroni. Eusebii in antiquissimis exemplaribus secundum Lucam Cainan desiderari affirmat. Quicquid sit, licet in mendo cubare dicatur locus apud Lucam, non potest

potest propterea in dubium vocari ejus *αὐθεντία* 1. quia corruptio non est u- Quaest. V.
niversalis, 2. parum in eo errore situm est, eique corrigendo facile reme-
dium suppetit ex Mose, ut nihil opus fuerit Doctiss. If. Vossium ideo puri-
tatem Hebræi codicis sollicitare, ut *αὐθεντίας* Versioni LXX. conciliaret.

XIII. Si varietas magna occurrit in *Genealogia Christi*, quæ textitur à Mat- Matth. 1.
thæo & Luca, tum quoad personas, tum quoad numerum ipsarum, mirum Luc. 3.
videri non debet; quia non est eadem, sed diversa. Matthæus enim genealo-
giam instituit Josephi, cujus genus à Davide per Salomonem deducit: Lucas
verò Mariæ genus per Nathanem alterum Davidis filium ad eundem Davi-
dem refert. Matthæus genus Sponsæ in genere Sponsi more Hebræo qua-
rendum relinquit; Lucas verò voluit supplere quod prætermisissimum erat, de-
scribendo stemma Mariæ, ut scilicet plena & perfecta extaret genealogia
Christi ab utroque parente, ne vel scrupulis infirmorum, vel cavillishostium
Evangelii locus esset, & illi confirmarentur, isti convincerentur, Christum
juxta vaticinia Prophetica verum & naturalem fuisse Davidis filium; sive Jo-
sephi Sponsi, in cujus familiam transierat per conjugium Mariæ, sive ipsius
Mariæ haberetur ratio. Maximè cum certum sit virgines *ἄνδρες*, quæ do-
tem habebant in hæreditatibus familiarum, qualis fuit B. Virgo, extra tri-
bum & familiam nubere non debuisse. Genealogia autem ideo refertur ad
Josephum, non ad Mariam apud Lucam, quia mos non erat per mulieres
genealogiam texere, nam censabantur vel in parentibus aut fratribus si in-
nuptæ, vel in maritis si desponsæ; hinc Judæorum axioma *אם לא משפחה*
משפחה, *Matris familia non familia*.

XIV. Licet *Jacobus* vocetur pater Josephi apud Matthæum, *Heli* verò
apud Lucam, nulla tamen est contradictio, quia hoc *κατ' ἀδελφὸν ἢ ἀδελφὴν* intelli-
gendum. Primò nihil est absurdi unum filium duos habere patres in diverso
genere, ut alter pater sit *naturalis* qui ex se filium genuit, alter *legalis* qui ab
alio genitum secundum legem sibi in omnia jura adoptat: quomodo Manas-
se & Ephraïm solius Josephi fuerunt filii naturales, sed Jacobi legales per
adoptionem; Davidis Avus Obed naturalem patrem unum habuit Boas, sed
legalem etiam Machlon maritum priorem suæ matris Ruth, cui maritus po-
sterior Boas secundum legem suscitavit semen: Sic Jacobus fuit pater natu-
ralis Josephi; Heli verò qui pater naturalis fuit Mariæ, potest dici pater Jo-
sephi vel *legalis*, ut voluit Africanus, quia mortuo Heli sine liberis, Jaco-
bus duxit ejus uxorem ex Lege Deut. 25. 5. & ex ea Josephum Mariæ mari-
tum procreavit; Vel *civilis* ratione matrimonii cum Maria filia contracti,
quo factus est ejus gener, quomodo Noëmi vocat nurus suas *filias suas* Ruth.
7. 11. 12. qui mos loquendi receptus est apud omnes. Vel dici potest Jose-
phum non vocari filium Heli, sed Christum, ut ista verba parenthesi sint in-
cludenda, *ὡς ἐνομιζέται υἱὸς Ἠλίου*, non verò parenthesis ut vulgò fieri so-

Quæritur V. let, post verbum ἐνομιζέτω finiatur, hoc sensu, ὡς (ὡς ἐνομιζέτω ὁ υἱὸς Ιωσήφ) τῷ Ἠλὶ, *existens* scilicet Iesus (ut *existimabatur* filius Ioseph) Heli scilicet filius id est, nepos in Virgine Maria filia: Nec intolerans est ille transitus ab avis ad nepotes, præsertim ubi patres extincti, eoque magis in hoc exemplo, quia Christus fuit ἀνθρώπος secundum naturam humanam.

Matth. 1. 8. XV. Si quæritur, Cur Matth. 1. 8. Joram dicatur genuisse Oziam, cum
2. Reg. 8. constet ex 2. Reg. 8. 24. & 1. Chro. 3. 11. 12. Joramum genuisse Acha-
24. ziam, Achaziam Joasum, Joasum Amaziam, & sic tres omittuntur Reges, &
1. Chro. 3. saltus fit à Joramo ad Oziam abnepotem. Responderi potest non insolitum
11. 12. esse in Scriptura ut seri nepotes atavorum & ab ultimâ antiquitate majorum, dicantur filii & filia; ut Judæi vocant se Abrahami filios Johan. 8. 39. Elizabetha dicitur esse ex filiabus Aaron Luc. 1. 5. Christus filius Davidis dicitur Matth. 22. Ita Joram dicitur genuisse Oziam generatione mediata, ob quam nepotes & abnepotes à majoribus descendentes filii dicuntur. Cur verò tres isti Reges omissi sint præ cæteris non usque adeò est obvium, nec rationes quæ afferri solent à variis assensum possunt impetrare; Commodius est quod dicitur, hoc factum esse rotundandi numeri causâ, quia voluit Matthæus omnes illas generationes in tessaradecadas referre, opportuno ad memoriam juvandam compendio; quod ut consequeretur parvi duxit personas quasdam minùs nobiles transilire, quod & alii historici facere non rarò solent, ubi rem in summam conferunt. Peculiariter verò isti tres possunt dici omissi, ut posteritas Achabi usque ad tertiam aut quartam generationem hoc etiam maledictionis caractere notaretur 1. Reg. 21. 22. tres hosce Reges qui erant è posteritate Achabi prorsus eradendo, & quasi capite minuendo, ut haberentur quasi nunquam vixissent aut regnassent. Non excluditur autem Joram, quia ex maledicto Achabi sanguine non erat oriundus, nec abnepos Ozias licet ab Achabo descenderit, quia ultra tertiam aut quartam generationem maledictio divina non solet procedere.

Matth. 1. 9. XVI. Si quæritur, quomodo Matth. 1. 9. Josias dicitur genuisse Jecho-
2. Reg. 24. niam cum ex libris Regum 2. Reg. 24. 6. & 1. Paralip. 3. 15. 16. constet Jo-
6. siam habuisse quatuor filios ἐπεγονύμους Joanan, qui & Joachaz, Joiakim, qui & Eliakim, Sedekiam, qui & Mattanias, & tandem Sallum. Jechoniam verò fuisse filium Joiakim? &c. variè responderi potest, vel Textum à Librariis corruptum esse & supplendum esse inter Josiam & Jechoniam Ιαχαίμ, Joakimum filium Josiæ & patrem Jechoniæ, quod firmitur autoritate vetul-
 ti Codicis quo usus est R. Stephanus & Henricus filius, quem Stapulensis & Bucerus laudant, atque ita restituendus sit verius Ιωσίας δὲ ἐγέννησε τὸν Ιαχαίμ. Ιαχαίμ ἐγέννησε τὸν Ιεχονίαν. Vel Josiam dici patrem Jechoniæ mediatè quia fuit ejus avus, omis-
 sum verò fuisse Joakimum, quia ut non erat dignus luctu & sepul-

sepulturâ Regum Juda Jer. 22. 18. ita nec dignus erat qui genealogiz Christi infereretur. Vel Jechonias duos fuisse & commemorari v. 11. & 12. primum *Joaquim* Josiâ filium, qui & *Eliakim* vocatur, & *Jechonias*; Nec id mirum videri debere, cum non pauci Reges Judæorum binomines, vel etiam trinomines fuerint, ut Zedekias dictus & Mattania, Ozias dictus Azarias; alterum verò Jechoniam propriè 1. Chron. 3. 16. qui & Joiachim, nepotem Josiâ de quo v. 12. qui rectè à priori distinguatur, tum mentione fratrum, quibus hic postremus caruit Jerem. 22. 18. 19. tum commemoratione generiti à Jechonia Salathielis κατὰ μεμνηστας v. 12.

XVII. Quamvis *Salathiel* dicatur genuisse Zorobabelem Matth. 1. 12. 1. Chron. 3. 17. 18. dicatur *filius Pedaja*, nulla tamen est contradictio: Quia *Salathiel* extincto sine liberis, *Pedaja* frater potuit illi suscitare semen, & ex uxore ejus jure Leviratus Zorobabelem habere, unde vocatur filius *Pedajæ* 1. Chron. 3. quia ab eo verè genitus est, & *Salathielis*, Matth. 1. 1. Agg. 1. 1. quia illi suscitatus fuerat à fratre; Vel quia Zorobabel successor fuit *Salathielis*, mortuo scilicet *Pedaja* ante *Salathielem* patrem, ut filius fuerit immediatus *Pedajæ*, *Salathielis* verò avi sui tantum mediatus.

1. Chron. 3.
17. 18. &
Mat. 1. 12.

XVIII. Non est contradictio inter 1. Chro. 3. 19. & Mat. 1. 13. & Luc. 3. 27. quum filii Zorobabelis dicuntur esse in lib. Chro. *Meschullam* & *Hania*, apud Matthæum verò *Abiud*, apud Lucam *Resa*; quia hoc facile conciliatur, si tres lineas Zorobabelis diversas describi dicamus, unam in lib. Chroni. filii ejus natu maximi *Mesullam* & aliorum quorum progenies fuit præclara, & ex quibus gubernatores & duces aliquot seculis Judæorum Gentis Babylone reduci præpositi sunt; secundam apud Matth. *Abiud*, ex quo Josephus; tertiam apud Lucam *Resa*, ex quo Maria, qui fuerunt homines privati, quorum vita inter populum obscura, propterea in Chronicis videtur omissa. Vel cum aliis dicendum diversos fuisse Zorobabeles & *Salathieles*, ideo non mirum videri debere si diversi sint eorum posterii.

1. Chron. 3.
19. & Mat.
1. 13. Luc.
3. 27.

XIX. Quum Josias dicitur genuisse Jechoniam ἐν τῷ μεμνηστας, verba ista non sunt vertenda præcisè in transportatione, cum constet ex promissione divina peculiari non vidisse malum illud & aliquot annis ante captivitatem fuisse mortuum 2. Chron. 34. 38. & 35. 24. sed ad vel circa eam, cum scilicet illa deportatio immineret; ita ut ἐν coincidat cum ἐως usque ad deportationem, ut μετὰ cum ἀπὸ v. 17. Sic ἐν notabit tempus quo res gesta fuit, non tamen strictè sumptum, sed cum latitudine, ut Marc. 2. 26. Luc. 3. 2. ut sit idem quod ὅτε Hebræis, quod sæpe valet circa vel prope Genes. 2. 2. Exod. 12. 15. & vertendum est sub vel circa, q. d. instante transportatione. Vel vox ἐν non est referenda ad verbum remotius genuit, sed ad proximum fratres ejus ἐν μεμνηστας pro ἐν μεμνηστας per enallagen præpositionis quæ frequentissima est, pro τὸς ἐν μεμνηστας

Quæst. V. qui fuerunt ex deportatione, id est, *inter eos qui Babylonem sunt abducti.*

XX. Licet Jechonias dicatur genuisse Salathielem Matt. 1. 12. & Luc. 3. 37. *Salathiel* dicatur *filius Neri*, nulla est contradictio; Quia diversi fuerunt Salathieles, unus filius Jechoniæ, de quo Matthæus, alter Neri, de quo Lucas; Ille ex linea Salomonis, Iste ex linea Nathanis: Et cum alii longè fuerint majores Salathielis usque ad Davidem apud Lucam, quàm Salathielis apud Matthæum, probabile est de diversis personis sermonem esse. Nec obstat quod Salathiel tam apud Matthæum quàm apud Lucam dicatur pater Zorobabel, quia pariter duo potuerunt esse Zorobabes, ut similis est duorum aut plurium eodem ordine succedentium concursus Luc. 3. 24. Mattati & Levi & v. 29. Et 1. Chro. 6. 7. 8. idemque de quatuor eorum nepotibus repetitur v. 12.

Pf. 22. 17. XXI. Locus Pf. 22. 17. de יָרֵךְ non est ἀλυσις. Nam licet retineatur lectio vulgata non propterea corruptio ibi esset statuenda, sed tantum Scriptionis anomalia, ubi N additum esset per epenthesim, ut non raro alibi Zach. 14. 10. יָרֵךְ pro יָרֵךְ exaltabitur, & י in י mutatum esset, ut literæ istæ inter se facillè permutantur Esd. 10. v. ult. יָשַׁב pro יָשַׁב acceperunt. Et *Marinus in Arca Noe*, literam illam non Jod sed Vau diminutum vocat, & ideo positam existimat, ut innuat clarè clavorum Christi stigmata: Unde in Codicibus Regiis cum Jod punctato scribitur, quasi esset Jod schurec יָרֵךְ, loco Vau schurec, ut Jerem. 50. 11. 2. confirmatur ex eo, quod Masora parva notat ad hunc locum, bis tantum יָרֵךְ occurrere in Scriptura cum Cametz sub כ, & quidem in diversa significatione. At Isa. 38. 13. ubi semel occurrit, non potest aliter exponi; quam *sicut Leo*, Ergo hic alio sensu ista vox venit exponenda, qui alius esse non potest ex ἀνιλεχία verborum, quàm qui vulgò ponitur nimir. *foderunt*. 3. In Masora magna finali proponitur alphabetum constans ex binis vocibus quæ scriptione conveniunt, significatione verò differunt, inter quas recensetur ista quæ Isa. 38. & hic occurrit; unde alia significatio apud Psalterem debet obtinere, quàm apud Isaiam. 4. Versiones antiquissimæ ita exponunt, LXX. ἀρῶξαν, sic Arabica, Syriaca, Æthiopica. 5. Psalmi scopus, qui est agere de consilio hostium Christi circa ejus crucifixionem, quod patet ex vestium divisione, & tunicæ sortitione & sim. Quis verò credat id quod præcipuum erat, & cæterorum caput silentio fuisse prætermissum? 6. Series verborum hoc postulat; nam si legamus sicut *Leo*, hiulca erit oratio, & nullus ejus sensus, *manus & pedes meos sicut Leo*; oportet ergo ut sit aliquod verbum periodum claudens, quod non potest aliud esse quàm כָּרַךְ *foderunt*, quò respicit aliud Oraculum Zacha. 12. 10. *videbunt quem transfixerunt*. 7. Quamvis daremus locum fuisse corruptum à Judæis, non sequeretur corruptionem esse universalem, quia Masorethæ testantur se in Codicibus probatoribus scriptum invenisse יָרֵךְ, Masora marginalis ad Num. 24. 9. Et

24. 9. Et *Jacob Ben-Haim* collector operis Masorethici Veneti in quibusdam exemplaribus correctis invenit scriptum, scilicet in textu, כָּאֵר, lectum verò, id in margine notatum כָּאֵר, *Joh. Isaacus* ex Judæo Christianus factus contra Lindanum testatur in Plalterio avi sui se idem reperisse, quod confirmat *Capito*. Instit. Hebr. li. 1. c. 10. Nec diffiteri possunt Pontificii, cum Biblia Complutensia ita legant, & *Genebrardus* variis testimoniis Judæorum probet ita lectum fuisse.

XXII. 2. Sam. 24. 24. David dicitur emisisse ab Arauna aream & boves siclis quinquaginta argenti. At 1. Paralip. 21. 25. siclorum auri sexcentorum fit mentio: Conciliatio facilis est ex materia emptionis: dedit 50. siclos pro ea parte areæ in qua altare primò ædificavit; sed postquam ex igne cœlitus delapso cognovit locum esse quem Deus ad ædificandam domum selegerat; jam exigua illâ areâ non contentus, universum agrum & montem emit 600. siclis.

XXIII. Ibidem v. 13. proponuntur à Gade Davidi septem anni famis in poenam à Deo infligendam. At 1. Paralip. 21. 12. fit tantum mentio trium. Sed ista facili negotio conciliantur, si dicamus, vel Gadem primò proposuisse septennium, quod postea cohorrescente Davide, ad preces Gadis live Davidis ad tres annos reductum fuerit, ut Gen. 18. numerus 50. justorum redigitur ad decem: Vel in numero septenario, de quo agit liber Samuelis, includi tres annos famis, qui jam præterierant, quæ imposita fuit propter Gibeonitas, de qua 2. Sam. 21. 1. cum anno libente: sed in lib. Chroni. mentionem tantum fieri trium annorum, qui venturi erant: sic sentiunt *Kimchi*, *Martyr*, *Junius*.

XXIV. 2. Reg. 21. 8. Joachim dicitur regnum adiisse quum annos 18. natus esset. At 2. Chro. 36. 9. dicitur natus tantum octo. Nimirum anno octavo regnare cœpit cum Patre, prout ferebat sæpe Regum eo tempore consuetudo, ut patres filios sibi in regni societatem assumerent, ut jam designaretur & agnosceretur legitimus regni hæres; At anno demum 18. defuncto parente regnare cœpit. Sic *Wolphius*, *Sanctius*, & alii post *Kimchium* conciliant. *Abarbenel* vult decem dies, qui adduntur in lib. Chron. sumi pro decem annis, ut non rarò alibi, quod eò verisimilius putat, quia aliàs non commemorari solent dies quibus Reges regnant, sed tantum anni vel menses.

XXV. Licet varii nodum insolubilem esse putent inter 2. Chron. 22. 2. & 2. Reg. 8. 26. ubi Joram pater Achazix dicitur cœpisse regnare anno tricesimo secundo ætatis 2. Chron. 21. 5. & regnasse octo annis, ut sit mortuus anno 40. ætatis v. 20. Achazias verò dicitur c. 22. cœpisse regnare an. 42. atque ita filius duobus annis antiquior patre videretur. Rursus in libro Regum dicitur cœpisse regnare an. 22. non 42. Non omnium tamen ea est sententia; nec desunt varii conciliationis modi, qui nodum commodè solvunt. Quidam, ut *Junius* & *Tremellius* secuti R. Levi ben Gerson, volunt in libro Regum enarrari verum ætatis Achazix annum, quo cœpit regnare, & dura-

QUÆST. V. durationem ipsius vitæ: in li. Chron. verò non durationem ipsius vitæ, sed
 maternæ familiæ Omri, ex quo regnare cœpit usque ad ejus finem, qui hoc
 ipso anno clarissimo Dei judicio contigit; ob cujus insignis miraculi memo-
 riam calculus hic Achaziz tributus est, qui eodem anno, cum cætera Achabi
 & Omri familia gladio Jhu sublati sunt: Nam Omri regnavit 6. annis in
 Israël 1. Reg. 16. 23. Achab filius ejus 22. annis 1. Reg. 16. 19. Achazia
 Achabi filius 2. annis, Joram hujus filius 12. annis, qui simul collecti faciunt
 numerum 42. Jorami autem Regis Israël anno 12. regnare cœpit hic Achaz-
 zia Rex Judæ 2. Reg. 8. 25. Qui in ea sunt sententia volunt trajectionem esse
 in verbis v. 1. ut sic invertantur, *Cujus matri nomen Athalia nata Omri* (i.e.
 neptis, puta filia Achabi Omri filii) *agens quadragesimum secundum annum*
quum Achazia regnaret. Quia verò coactor & obscurior videtur trajectio,
 satius esse putant alii, ut an. 42. notatio, non ad Omri, sed ad ipsam Atha-
 liam referatur, & sic legatur; *Cujus matri nomen Athalia nata Omri agens 42.*
annum; quia nihil erat quod vel Achaziam vel regni Judaici statum propius
 attingeret, quàm ortus Athaliz fœminæ, non ad mariti solum & filii, sed
 etiam ad totius Reip. & regii imprimis seminis, perniciem natæ. Alii quibus
 durior etiam videtur hæc conciliatio, aliam addunt nimi. ut Joram pater A-
 chaziz præter annos regni & vitæ commemoratos in Scriptura, vixerit ad-
 huc & regnarit viginti annos, dicatur verò regnasse tantum 8. annis בְּחֻקָּהּ
in fortitudine sua, i.e. bene & feliciter; sed ab eo tempore quo incidit in manus
 Arabum, & morbo gravi correptus fuit, de quo agitur c. 21. 16. 17. 19.
 Chroni. per plures annos adhuc vixerit, sed qui non accensentur ipsius regno,
 sed Achaziz filii in lib. Regum, quia inglorius vixit, unde nullum sui delide-
 rium reliquisse dicitur, nec sepulchris Regum fuit illatus 2. Paral. 21. v. ult.
 Achazias verò qui cœpit regnare cum Patre anno 22. post mortem anno
 42. solus regnum adiit, & per unum annum tantum regnavit, quod notatur
 in lib. Paralip. 22. 2. Sic conciliant post Kimchium, Martyr, Vatablus, Ly-
 ranus & alii, quæ fuit sententia Hieronymi in lib. Paralip. Alii fatentur men-
 dum esse in lib. Paralipo. non à Scriptoribus sacris profectum, sed ab Exscri-
 ptoribus, quod facile irrepere potuit eorum incuria, in βραχυγραφία,
 quæ in recensione numerorum sæpe obtinebat, ut ככ, quod 42. notat,
 positum sit pro כד, quod 22. designat. Sed negant inde sequi locum esse ἀλυσ-
 τόν, quia facile solvi potest nodus, & restitui vera lectio ex collatione libri
 Regum, qui numerum veritati historię, & annorum Jorami & Achaziz
 respondentem refert. Et constat varias versiones in lib. Paralipo. nume-
 rum 22. retinere, ut Syriacam, Arabicam, & varios Codices græcos mss.
 ut Oxoniensem, Cantabrigiensem & Romanum.

Exod. 12.
 40. Gen.
 15. 13.

XXVI. Exod. 12. 40. habitatio filiorum Israël dicitur futura in Ægypto
 quadringentorum & triginta annorum; Et tamen Gen. 15. 13. dicitur
 semen Abraham quadringentis annis vexandum ab alienigenis, quod confir-
 matur

matur Act. 7. 6. Responsio facilis est. Gen. 15. numerum rotundum pro obliquo poni, ut sæpe fieri solet tam apud Sacros quàm profanos Scriptores; licet ergo ab eo tempore, quo oraculum hoc datum Abraham, à quo inchoandus est iste numerus, revera effluere debuerint 430. anni; numerantur tantum 400. ad rotundationem numeri, nec ratio habetur 30. annorum. Quòd si dicuntur Israëlitarum habitaturi in Ægypto 430. Exod. 12. non ideo fit, quòd per tot annos manere debuerint in Ægypto, cum constet eorum moram fuisse tantum 210. annorum, sed refertur ad Ægyptum afflictio Israelitarum, quia fuit principium ejus ex Gen. 12. 10. & finis; vel quia diuturnior, durior & posterior fuit nobilitata imperio Josephi, Hebræorum multiplicatione & eorum oppressione gravissima, & stupenda liberatione.

XXVII. 1. Reg. 9. v. ultim. Servi Salomonis dicuntur attulisse ex Ophir auri talenta 420. At 2. Chro. 8. v. ult. recensentur 450. Sed facile ista conciliantur, si dicamus, vel non de eodem, sed de diversis profectioibus sermonem esse, eo quòd Salomon singulis tribus annis naves illuc mitteret ex 1. Reg. 10. 22. vel quia triginta talenta non ad Regem fuerunt perlata, sed in usum Classis consumpta.

XXVIII. Matth. 27. 9. Jeremiæ tribuitur Oraculum quod citatur de 30. Siclis argenteis, & de agro ex illis empto, quod certum est apud Zach. extare 9. c. 11. 12. unde videtur colligi mendum universale & *σφάλμα μνημονικόν* in Zach. 11. Matthæo. Sed variè solvi potest nodus. Quidam volunt nomen *Jeremias* irrepisse in textum ab exscriptore compendio Scripturæ non intellecto, cum adscriptum esset per abbreviationem *ζ* pro *ζαχαρίας*. Sed errorem esse exigui momenti, puta in nomine proprio, & correctionem facilem esse ex collatione V. & N. T. Alii, quod verisimilius est, statuunt dari hinc *σύγχυσιν* duorum locorum prophetiæ, ex quibus coaluit hoc testimonium, scilicet ex Jerem. 32. & Zach. 11. Quibus varia exempla similia occurrunt, ut Matth. 21. 8. ex Isa. 62. 11. & Zach. 9. 9. & Matth. 21. 14. ex Isa. 56. 7. & Jer. 7. 11. Act. 1. 20. ex Ps. 69. 26. & 109. 8. 1. Pet. 2. 7. ex Ps. 118. 22. & Is. 8. 14. Nec inusitatum est, ut quum verba aut testimonia duorum sunt, ut altero omisso, alterius tantum nomine exprimantur, ut Marc. 1. 2. 3. ubi prior testimonii pars Malachiæ est, posterior Isaia, & tamen omisso Malachia unus nominatur Isaias. Hoc autem eò magis fieri potest, quando alter qui citatur, vel antiquior est altero, & ex quo postremus multa hauserit, ut hinc obtinet: nam & Jeremias prior est Zacharia, & multa solet ab eo mutuari Zacharias, & quasi imitari ejus conciones, ut facile ostendi potest ex Zach. 1. 14. quod petitur ex Jerem. 18. 11. & 35. 15. & Zach. 3. 8. ex Jerem. 23. 5. & sim. unde dicere solent Judæi, *Spiritum Jeremia fuisse in Zacharia*. Quibus addi potest quòd ex traditione Rabbini in Talmude Babyl. Bava bathra fol. 14. quam citat R. D. K. in præfat. in Jerem. in volumine Prophetarum,

Quæst. V. Jeremias primum locum obtinuerit, unde primus nominatur Matth. 16. 14. Potuit ergo Matthæus verba ista in volumine Prophetarum citans, sub illius nomine tantum referre, quia primum locum ibi tenuit; ut Lucæ 24. 44. Liber Hagiographorum exprimitur nomine Psalmorum, quia primus est inter eos. Denique Jeremias hic potuit à Matthæo solus nominari, quia rationem reddere voluit non tam 30. siclorum, seu pretii quo Christus emptus est, de quo Zacharias, quàm agri de pretio empti, de quo Jeremias. Quod ergo hic de pretio dicitur, ex Zacharia, quod verò de agro, ex Jeremia petitur.

Gen. 11. 26. & Act. 7. 4. inter se collatis, in cujus enodatione ipse *Josephus Scaliger* inter-
 Gen. 11. 26. & Act. 7. 4. *zet*, nec quicquam respondere conatur animadv. in Euseb. p. 17. & *Hiero.*
Act. 7. 4. in qu. Hebr. & *Aug.* in 15. de C. D. c. 16. profitentur esse dubium insolubile. Verum non desunt tamen commodæ conciliandi rationes, quæ modestis ingeniis satisfacere possint. Nodus in eo est quod Moses Gen. 11. 26. velit Abrahamum natum anno Tharæ septuagesimo, & Stephanus Act. 7. 4. disertè asserat Abrahamum translatum Charrane in Canaan postquam mortuus est Thare. At certum ex Gen. 12. 4. Abrahamum profectum fuisse Charrane ætatis anno septuagesimo quinto, & patrem Thare vixisse ad 205. ex Gen. 11. 32. Jam si constat Abrahamum natum anno 70. Tharæ, & profectum Charrane anno ætatis suæ 75. non profectus erit post mortem Patris, ut ait Stephanus, sed 60. annis ante, id est, 145. anno ætatis Tharæ. Sunt qui volunt Stephanum memoriâ lapsum hic fuisse in temporis computatione, nec propterea historiam Lucæ minùs esse *αὐτόμηνον*, quia sat illi fuit referre fideliter quæ à Stephano dicta fuerant, nec de corrigendo ejus errore fuit sollicitus. Sed cum certum sit Stephanum Spiritu plenum fuisse etiam *θεοπνευστον*, non potest erroris argui, quin Verbi *αὐτόμηνον* nutet. Alii statuunt Abrahami nativitatem non præcisè assignandam esse anno 70. ætatis Tharæ, sed tantum anno 130. nec contrarium posse inferri ex eo quod Gen. 11. 26. dicitur *Thara anno 70. genuisse Abraham, Nachor & Haran*, quia licet primus ponatur, non hoc fiat tamen *ætatis*, sed *dignitatis* privilegio, ut Gen. 5. 32. *Noachus* dicitur *genuisse anno 500. Sem, Cham & Japhet*, id est, generasse cœpisse tres suos filios, quorum dignissimus fuit Sem, licet anno uno aut duobus post Japhetum majorem genitus: Ita Tharam anno 70. generare cœpisse tres suos filios, quorum Abraham dignissimus fuit, ideoque primo loco positus, non tamen primogenitus: Juxta hanc sententiam Abram natus anno 130. ætatis Tharæ, vixit cum ipso partim in Chaldæa partim in Charan 75. annos, usque ad obitum ejus, post quem Dei mandato quod in Chaldæa acceperat obtemperaturus ex Charan in Cananæam cum suis emigravit. Verum alii quibus durum videtur differre generationem Abrami ad an. 130. Tharæ, quia de eo nihil habet Scriptura, & sic tota Abrami genea-
 logia

logia incerta redditur, quam tamen supra cæteras omnes Moses recensere instituit, aliter solvunt nodum, duas statuentes vocationes Abrami, primam ex Ur Chaldaeorum Caranem vivente adhuc patre & agente annum 145. ipso verò Abramo 75. an. nato, de qua Moses loquatur Gen. 11. 3. & 12. 1. Alteram verò post mortem patris Carrane in Canaan, quæ videtur insinuari Gen. 12. 4. 5. Stephanus certè hoc non obscure indicat Act. 7. 4. quum ait *Abramum à Deo vocatum exivisse ex terra Chaldaeorum & habitasse in Caran*, & postea post mortem patris Deum transfulisse ipsum in terram Canaan, ubi bis Deus dicitur eum evocasse, primò ex Ur Chaldaeorum in Caran, postea ex Caran in Canaan; quæ commoda & facilis videtur conciliationis ratio. Denique sunt qui mendum volunt esse in recensione annorum vitæ Tharæ, quæ non protendenda sit usque ad an. 205. sed tantum ad an. 145. ut habet Pentateuchus Samaritanus, quod Euseb. in Chroni. Canon. græc. l. 1. p. 10. annotavit κατὰ τὸ Σαμαριτῶν Ἑβραίων, Θάρρα γενόμενος ἔτι τὸν γένεσιν τὸν Ἀβραάμ, καὶ ἐπέζησεν ἔτι ὡς μέγας ὁ ἔτος Ἀβραάμ, Thara natus annos 70. genuit Abrahamum, & vixit annos 75. usque ad 75. annum Abrahami. Errorem autem vulgarem conjiciunt ex eo facile oriri potuisse, quod computando per litteras, litera D quæ valet 40. mutata sit in P quæ notat centum, unde discrimen sexaginta annorum ortum sit. Verum cum communis sit Judæorum & Christianorum sententia, solum Pentateuchum Hebraicum, non verò Samaritanum esse authenticum, non facile quis dixerit illum ex isto corrigendum esse.

XXX. Si quærat quomodo locus Gen. 46. 27. ubi *septuaginta* Israëlitarum in Ægyptum descendisse dicuntur, cum Act. 7. 14. ubi *septuaginta quinque* numerantur, conciliari possit, diversimodè respondetur. 1. Quidam nullam esse discrepantiam volunt, quia loca non sint parallela; Mosem scilicet instituere genealogiam Jacobi, sive catalogum solorum posterorum, qui ex ejus femore egressi erant, & ingressi in Ægyptum cum eo, exceptis uxoribus filiorum; & sic dicuntur fuisse 66. v. 26. qui numerus ut inveniatur excludendi sunt ab eo Josephus & duo filii, qui non ingressi sunt cum ipso in Ægyptum, quia jam ibi erant, & Er & Onam qui mortui sunt in Canaan, & addenda Dina filia, nam integer numerus filiorum & nepotum Jacobi ascendit ad 71. è quo si demas quinque, restabunt 66. Act. 7. 27. Mosem texere Catalogum totius familiæ, tam eorum qui ingressi sunt cum ipso in Ægyptum, quam eorum qui ibi jam erant, id est, Josephi cum duobus filiis, quibus si addas Jacobum familiæ ipsius caput, habebis numerum 70. Stephanum verò docere voluisse, quosnam Josephus in Ægyptum advocaverit, propterea Josephum cum duobus filiis ejus excludere, & duobus Judæ nepotes Hezron & Hamul, de quibus v. 12. qui nati sunt tantum in Ægypto. Jacobum verò seorsim connumerare, à συσχεύειν sua cum distinguendo; Ita restare 11. fratres filios Jacobi, cum Dina sorore, 52. nepotes, quibus si addantur 11.

QUEST. V. uxores filiorum, quæ ad τῶν συγγενῶν pertinebant, haberi numerum 75. animarum. Alii volunt locum esse depravatum, nec Stephanum dixisse, vel Lucam scripsisse πάντε, sed πάντες, quam particulam expressit quoque Moses, Genes. 46. 27. *omnis anima* &c. & locum sic vertendum esse, *qui omnes*, id est, simul conjuncti *erant anime*, id est, capita *septuaginta*, vel πάντας *omnino*, Librariorum autem incuriâ facile fieri potuisse, ut ex πάντες vel πάντας πάντε prodirent, tum apud LXX. tum apud Lucam; nec tamen propterea authenticam Scripturæ labefactari, cum ex aliorum locorum collatione, & analogia fidei facile emendari possit, & salva nihilominus tum doctrinæ, tum historię fides permaneat. Alii Stephanum hîc non secutum fuisse textum Hebræum, sed Versionem LXX. quæ numerum 75. habet, veluti vulgatiorem & ubique receptam, & quod non existimaret numeri rationem ad id de quo agebatur pertinere, hunc autem numerum LXX. colligunt additis quinque filiis Josephi ex lib. 1. Chro. cap. 7. quos Moses non memorat, quique post ingressum in Ægyptum nati sunt, videlicet *Machir, Gilead, Simeon, Iuben & Eden*. Sive autem Stephanus secutus sit hîc LXX. sive error in LXX. in Lucam irrepsit Exscriptorum incuriâ; certum est errorem non esse insanabilem, cum ex textu Hebræo proclive sit illum corrigere; Scripturæ enim per Scripturas exponi debent.

Act. 7. 16. XXXI. Act. 7. 16. Stephanus ita loquitur de Patriarchis, *Translati sunt in Sichem, & positi in monumento quod emit Abraham pretio argenti à filiis Emmor* & Συχημ. At ex Genes. 23. 9. constat Abrahamum emisit sepulchrum ab Ephron juxta urbem Hebron, & ex Genes. 33. 19. & Jos. 24. v. 32. certum est non Abrahamum, sed Jacobum à filiis Emmor agrum emisit, non pretio argenti, sed centum agnis. Unde nodus videtur oriri insolubilis. Non incommodè tamen solvi potest, si dicamus Stephanum non respicere ad emptionem Abrahami de qua agitur Gen. 23. 9. sed ad illam Jacobobi de qua Gen. 33. 19. *Deinde venit Jacob incolumis ad Civitatem Sichem, emitque portionem illius agri à filiis Emmor Patris Sichemi centum agnis*, ubi sepultus dicitur Josephus Josu. 24. v. 32. Nec obstat 1. quod dicitur à Stephano Abraham emisit agrum, non Jacobus; quia vel Abraham hîc potest esse genitivus ut legatur ὁ & Ἀβραάμ sub. ἔκγονοι; vel quod satius est Abraham patronymicè sumitur pro Abrahamide, id est, pro Jacobo Abraham nepote, ut sæpe patrum nomina solent poni ad designandos posteros; ubi etiam de singularibus personis agitur, ut David pro Roboamo nepote ponitur 1. Reg. 12. 16. *qua nobis portio est cum Davide?* &c. & Roboam pro Abia 1. Reg. 14. 15. David pro Christo Jer. 30. 9. Ezech. 34. 23. ut apud Virgilium Æneas *Dardanus* pro Dardanide Ænei. 4. dicitur; vel cum Beza dicendum nomen *Abraham* esse glossēma, quod à sciolo in margine adscriptum, tandem in textum irrepsit. Ita non Abraham sed Jacob dicitur emisit hunc agrum.

agrum. Nec 2. quod Patres dicuntur translati in Sichem, cum Josephus le- QUEST.
gatur tantum ibi sepultus. Nam licet de solo Josepho fiat mentio apud Mo- V.
sem, quia solus vates erat & liberationem prævidit, & ex fide petiit, ut ossa in
Canaanem transferrentur Hebr. 11. 22. quod & cavit juramento Gen. 50.
28. unde & hoc narrari oportuit, quia se hoc modo juramento liberarunt
Israhelitarum Exod. 13. 19. potuit tamen Stephanus loqui in plurali per enallagem
numeri, vel per synechoclen integri, ut sæpe ita Scriptura amat loqui, Matth. Mat. 26. 8
26. 8. *murmurare* dicuntur *discipuli*, quod de uno Juda Iscariota intelligitur,
qui solus indignabatur ob profulum unguentum, ut exponit Joh. 12. 11. &
Matt. 27. 44. latrones dicuntur obloquuti Christo in cruce, quod ad unum 27. 44
latronem impœnitentem refertur, ut Lucas explicat 23. 39. Deinde licet ex-
pressè hoc non indicavit Moses, alios tamen fratres Josephi ibidem sepultos
fuisse facile colligi potest, quia pat erat ratio omnium Patriarcharum apud Ju-
daeos, eadem dignitas, & eadem omnibus causa, quæ Josephum movit ut hoc
peteret, fides in promissione Dei, proprietates in terra, & spes resurrectionis.
Eò pertinet quod *Hiero. in Epitaph. Paula* refert eam in Sichem diverten-
tem, vidisse ibidem duodecim Patriarcharum sepulchra; quod testimonium
utpote oculati testis videtur præferendum testimonio *Josephi*, qui l. 2. Antiq.
c. 4. tradit Patriarchas Hebrone sepultos fuisse. 3. Non obstat quod in tex-
tu non extat *Patris Sichem*, ut habetur Gen. 33. 29. sed simpliciter τῷ Συχέμ.
Nam rectè subintelligi potest nomen Patris, ut alibi non semel; ut Luc. 14.
10. *Maria Jacobi*, id est, Jacobi mater. *Herodo. Thalia* Κῦρος ὁ Καμβύσιω Cy-
rus *Cambysis* scilicet pater, *Ælia*. lib. 13. 30. Ολυμπίας ἡ Ἀλεξάνδρῃ Olym-
pias *Alexandri* puta mater. Denique nec obstat, quod Jacobus dicitur emis-
se agrum *centum agnis* apud Mosem, apud Lucam verò ager emptus dicitur
pretio argenti. Nam vox כסף non minùs *nummum* quàm *agnum* notat,
quia nummi tum signabantur imagine agni, ut olim omnis pecunia gestabat
pecudis imaginem, quia ante nummos pecudibus mercimonia commutaban-
tur. Vide *Radices R. D. K.* in voce כסף & *Buxtor. Diction. Chald. Bo-*
char. Hieroz. p. 436. &c.

XXXII. Nulla est contradictio inter 2. Cor. 11. 4. & Gal. 18. quia 2. Cor. 11.
in isto non aliud dicitur *Evangelium* esse re ipsa & quoad veritatem ab eo 4. Gal.
quod ab Apostolis fuit prædicatum: Sed in illo tantum ex hypothese per im- 1. 8.
possibile, non quod detur revera, vel dari possit, sed ut omnem Corinthiis
excusationem adimat in levitate quam ostendebant in recipiendis Pseudo-
apostolis; q. d. Si ita esset ut quis ad vos veniens alium Jesum & aliud Evan-
gelium perfectius afferre potuerit, rectè admitteretis & ferretis talem magi-
strum, nobis contemptis. Sed cum hoc sit penitus impossibile, ut vos
agnoscitis, nec ipsi Pseudo-apostoli diffiteri possunt, non potestis ad excusa-
tionem vestri quicquam prætere.

QUEST. V. XXXIII. Licet 1. Reg. 8. 9. dicatur nihil fuisse in *Arca prater Legis tabulas*. Et Heb. 9. 4. Apollolus alia dicat ibidem fuisse, quum ait, In ea scilicet Arca de qua immediate loquutus erat fuisse *Urnā auream habentem manna, & virgā Aaronis quā germinavit, & tabulas pacti*. Non occurrit contradictio, & facile difficultas solvitur, siue dicamus *ἐν* ἢ referri non ad vocem proximam *καὶ τὴν ἀρχὴν* arcam, sed ad remotiorem nimirum *οὐλὴν* v. 3. ut notum est, relativum aliquando ad antecedens non proximum, sed remotius referri. Siue præpositionem *ἐν* hic non poni pro *in*, quasi in arca ipsa fuerit manna & virga Aaron, sed pro *cum* vel *juxta* & *ad*, & sic respondere præpositioni *ב* apud Hebræos, quæ non semper notat rem quæ intra aliam est, sed & quæ alteri annexa & illi adhaeret, & valet modò *cum*, ut Deut. 6. 7. loqueris *בְּךָ* cum eis, 1 Sam. 1. 24. *בְּכִרְיָם* cum juvenis, Hos. 4. 3. in bestia, i. e. cum bestia, sic Matt. 16. 27. *ἐν δόξῃ* cum gloria 1. Thess. 4. 10. in voce, in tuba pro *cum*; modò valet apud vel *juxta* Jos. 10. 10. in Gabaon Jud. 18. 12. in Ciriathiarim, id est, propè illa loca, Matth. 21. 12. Ementes & vendentes dicuntur in templo fuisse, id est, in porticibus ejus, ut & Johan. 10. 23. alibi Christus dicitur passus in Jerusalem, id est, propè eam. Ita potest optimè verti in qua vel *juxta* quam nempe Arcam erant Urna & Virga, ut significetur non impositio, sed appositio. Vel *cum qua*, id est, cui Arcæ urna ac virga & tabulæ Legis conjunctæ fuerunt, sed diversimodè, tabulæ quidem intra Arcam, urna verò & virga foris, siue ad Arcam.

MASS. 5. 33. XXXIV. Quum Christus Matt. 5. 33. prohibet jurare *ὅλως* omnino, non vult absolutè & simpliciter damnare juramentum, quod alibi permittitur & probatur ac præcipitur à Deo Exod. 22. 8. 10. 11. Levi. 5. 4. Num. 5. 19. 8. 10. 11. 20. Prov. 18. 18. Heb. 6. 16. sed certas species juramenti, quæ à Judæis usurpari solebant, de quibus ibidem agitur, nimirum per *cælum*, *terram*, *Hierosolimam*, caput & alias idgenus creaturas, quæ omnes ut temerariæ & illicitæ damnantur à Christo. Quomodo notæ universales sæpe restringuntur ad certam speciem Johan. 10. 8. Quotquot ante me fuerunt, sunt fures, scilicet non vocati, nec missi, vel se, aut alium quemvis dicentes esse ostium ovium. Et 1. Cor. 10. 20. Omnia mihi licent. & cap. 9. 22. Omnia omnibus factus sum, nimirum in rebus licitis & indifferentibus, nec enim malæ & vitiosæ cuiquam vel unquam licent.

AA. 13. 21. XXXV. Act. 13. 21. Saul dicitur quadraginta annis regnasse, sed 1 Sam. 13. 1. biennio tantum regnasse dicitur. Respondetur non dici 1. Sam. 13. Saulum biennio tantum regnasse: sed tantum biennio jam tum regnasse, cum tria illa satellitum millia elegit de quibus agitur v. seq. cum duobus annis regnasset tum demum exacto illo biennio coegisse copias illas militares, ut Syrus & Arabs notant.

XXXVI. Ex quibus patet loca ista varia *ἐν αὐτῇ* ἢ, quæ afferuntur ad

ad αὐθεντίαν Scripturæ convellendam, quæ speciminis ergo à nobis allata sunt, licet difficilia sint & δυσνόητα, non esse tamen planè ἀλυστά. Sunt & alia nonnulla quæ à Pontificiis afferri solent ad evincendam corruptionem fontium à Judæis vel Hæreticis factam; sed vindicabuntur commodius in sequentibus, quum de Editione authentica disputabimus.

Quæst.
VI.

QUÆSTIO VI.

Unde nobis innotescat Divina Scripturæ Authoritas? An ea vel quoad se, vel quoad nos, pendeat à Testimonio Ecclesiæ? Neg. contra Pontificios.

I. **S**Copus Pontificiorum in hac & in cæteris, quæ de Scriptura ab ipsis moventur Controversiis, non obscurus est; ut scilicet Scripturæ tribunal, in quo satis præsidii ad errores suos tuendos non inveniunt, declinent, & ad Ecclesiam i.e. Pontificem suum provocent, atque ita in propria causa Judices fiant. Hinc, cum antea ex Scripturâ disputaretur de doctrina; An esset ipsi consentanea necne? jam de ipsa Scriptura disputari cœptum est; An idonea esset cujus authoritate & testimonio Religionis controversiæ definirentur. Eum in finem de ejus Origine & Necessitate, de Perfectione & Perspicuitate, de Canonis Integritate & Puritate, & præcipue de ejus Authoritate gravis mota lis fuit, ad eam si non penitus evertendam, mirum in modum saltem labefactandam. Ita apprime in eos quadrat quod *Irenæus* de hæreticis sui temporis ait lib. 3. cap. 2. *Cum ex Scripturis arguuntur, in accusationem convertuntur Scripturarum, quasi non recte habeant, neque sint ex autoritate.*

Occasio
Quæstio-
nis.

II. Observandum autem alios durius, alios moderatius in hac quæstione loqui. Quidam enim γυνῇ τῇ κεφαλῇ Scripturæ αὐθεντίαν in se sine testimonio Ecclesiæ simpliciter negarunt, nec majori fide dignam censuerunt, horresco referens, quàm Alcoranum, Titum Livium, vel Æsopi fabulas; quas blasphemias eructabant qui superiori sæculo adversus Nostros de Scripturæ Authoritate disputare cœperunt. Quò pertinent impiæ voces Hosii lib. 3. contra Brentium, qui asserit pio sensu posse dici; *Scripturas tantum valere quantum Æsopi fabulas, si destituamur Ecclesiæ autoritate*: Eckii de autoritate Ecclesiæ; *Scripturam non esse authenticam, nisi Ecclesiæ autoritate*: Bayli. tractat. 1. catech. q. 12. *Sine Ecclesiæ autoritate non magis se crediturum S. Matthæo quam Tito Livio profitentis*: Andradii lib. 3. defens. Conc. Trident. *Nihil inesse divinitatis in iis libris quibus sacra mysteria conscripta sunt, nec inveniri in iis, quod nos religione cogat & constringat ad credendum quæ in illis*

Pontificii
alii durius,
alii mollius
loquuntur.

conti-

Quæst. continentur : sed Ecclesiæ tantam esse vim & amplitudinem, ut nemo sine
 VI. maxima impietatis nota repugnare illi possit. Stapleton. adversus Whittak.
 li. 1. c. 7. Sic attestari Ecclesiæ, ut non secus Ecclesiæ testimonio credere de-
 beamus, ac Christi testimonio crediderunt Apostoli, & non credi Deum esse
 nisi propter Eccle. am. Quia verò hoc tanquam impium & blasphemum à
 Noltris exagitari nec sine ratione viderunt, alii cautiùs loquuti sunt, ita
 mentem suam exponentes ; ut fateantur quidem Scripturam absolutè & in
 se authenticam esse & Divinam, utpote à Deo omnis veritatis fonte pro-
 fectam, sed velint tamen *relatè* & *quoad nos* istam autoritatem non obti-
 nere nisi propter Ecclesiæ testimonium, cujus beneficio nobis innotescat,
 & à nobis ut Divina recipiatur. Unde orta distinctio Authoritatis *quoad se*,
 & *quoad nos*, quam Bellar. li. 2. de Concil. c. 12. Staplet. doctri. princip. c. 1.
 & de auth. Eccles. li. 2. c. 11. & alii subinde afferunt.

III. Sed quocunque modo mentem suam explicent, si rite rem putamus,
 patebit ad fucum faciendum, & invidiam tam impii dogmatis amoliendam
 potius, quàm ad explicandam rei veritatem distinctionem istam fuisse exco-
 gitatam : Quia cùm autoritas sit ex genere relatorum, & ἐν τῷ πρὸς ἡ, non
 debet absolutè spectari, sed relate; itaque non potest Scriptura esse authentica
 in se, quin sit etiam quoad nos : nam quæ argumenta illi autoritatem quoad
 se conciliant, eadem debent nos ad assentiendum permovere, ut quoad nos sit
 authentica; sin verò autoritas Scripturæ quoad nos suspenditur à testimonio
 Ecclesiæ, ut sit ratio formalis propter quam credo Scripturam esse divinam,
 necesse est ut suspendatur etiam quoad se, quod magis rotundè alii fateban-
 tur. Nec aliam esse ipsorum mentem facilè colligitur ex aliis quas hîc movent
 controversiis : nam quomodo vel perfectionem ejus, vel perspicuitatem, vel
 puritatem negarent, si verè authenticam in se crederent?

Status

Quæstio-
 nis.

IV. Ut Status Quæstionis pateat, 1 Non quæritur ; An Scriptura S. sit
 authentica & Divina, hoc enim non dissentientur Adversarii, vel videri volunt
 saltem credere. Sed unde ut talis nobis innotescat, seu quo argumento nobis
 constare possit hæc divinitas. Pontificii enim autoritatem istam suspendunt
 à Testimonio Ecclesiæ, & volunt præcipuum motivum, quo movemur ad
 credendum Scripturæ *αὐθεντίαν* esse Ecclesiæ vocem. Nos verò licèt non ne-
 gemus Ecclesiæ testimonium suum habere pondus, ut postea videbitur ; sta-
 tuimus tamen primariò & præcipuè Scripturam ut Divinam propter seipsam
 seu notas ipsi insitas, non propter Ecclesiæ à nobis credi.

V. Secundo, non quæritur de *Principio* seu *Causa* efficiente fidei
 per quam Scripturæ Divinitatem credimus ; An Spiritus S. cam in
 nobis operetur, nec ne? Hoc enim ad aliam quæstionem pertinet de
 libero arbitrio, & nobiscum agnoscunt Adversarii, Staplet. *triplic. adv.*
Whittak. c. 9. *Canus lo. Theo.* li. 2. c. 8. Sed de *Argumento* seu *motivo*
 præcipuo

principuo quo Spiritus iste utitur in persuadenda nobis ista veritate; An sit *Quæst. VI.* argumentum inartificiale Testimonii Ecclesiæ, quod volunt Pontificii; An artificiale petatum ex notis ipsius Scripturæ? quod statuimus.

VI. Ut triplex dari potest causa ad rei alicujus manifestationem, *objectiva efficiens*, & *instrumentalis* seu organica. Ita triplex formari potest Quæstio circa cognitionem Divinitatis Scripturæ. Prima de *argumento propter quod* credo. Secunda de principio seu *causa efficiente à qua* ad credendum adducor. Tertia de *medio & instrumento per quod* credo. Et ad triplicem quæstionem trifariam respondetur. *Scriptura* enim in notis suis habet se ad modum argumenti propter quod credo. *Spiritus Sanctus* se habet ad modum causæ efficientis & principii à quo fit ut credam; *Ecclesia* verò est instrumentum & medium per quod credo. Unde si quæritur, *Cur vel propter quid* credam Scripturam esse Divinam; respondebo hoc fieri propter ipsam Scripturam quæ se talem per notas demonstrat: Si quæritur, *Unde seu à quo* fit ut credam; respondebo à Spiritu Sancto qui fidem istam in me produxit: Denique si quæritur, *Quo medio vel organo* hoc credam; respondebo per Ecclesiam quæ utitur Deus in tradenda mihi Scriptura.

VII. 3. Non quæritur de motivo seu medio *ειργωνικῷ & λειτουργικῷ*, cujus ministerio utatur Spiritus S. in suadenda nobis Scripturæ autoritate; hoc enim Ecclesiæ facile concedimus: sed de argumento & motivo principali, quo ad fidem, non humanam sed divinam adducamur; quod Illi in Ecclesia statuunt; Nos extra Scripturam ipsam non esse quærendum credimus.

VIII. 4. Non quæritur, An Revelatio Divina sit fidei nostræ ratio formalis simpliciter & absolute; hoc enim Adversarii nobiscum agnoscunt: Sed quænam sit illa Revelatio nostri respectu prima & notissima quæ per & propter se recipi debet, non verò propter ullam aliam quæ nobis sit notior, quæque adeò sit communissimum & primum fidei principium per quod omnia probari debeant, ipsum verò à nullo priore. An illa Revelatio in Scriptura quærenda sit, An verò in Ecclesia? Nos revelationem istam solâ Scripturâ contineri censemus, quæ prima est & infallibilis Veritas & fidei regula. Pontificii verò in Ecclesiæ voce & testimonio quærendam esse statuunt. *Scapleto. lib. 1. de auth. Eccl. contra Whita. c. 8. Nunc ergo supremum externum testimonium in terris est, Ecclesia vox, & c. 9. Deus per Ecclesiam loquens non aliter loquitur, quàm si immediate per visiones & somnia, aut quovis alio supernaturali revelandi modo Deus loqueretur, & c. 14. f. 12. Tota formalis ratio fidei nostra est Deus per Ecclesiam revelans. Gretser. de Script. Cano. c. 7. Solum Testimonium Ecclesiæ aptè redditur ad quæstionem, Unde scis Scripturam esse divinitus revelatam? Bell. l. 3. de V.D. c. 10. resp. ad arg. 13. Certum est nos non certò scire quod Deus revelaverit nisi ex Ecclesiæ testimonio,*
N & lib. 6.

QUÆST. & lib. 6 de libero arbit. c. 3. *Credunt Catholici id quod credunt, quia Deus re-*
 VI. *velavit, Deum autem revelasse credunt, quia Ecclesiam ita dicentem & de-*
clarantem audiunt.

IX. Quæstio ergo redigitur ad hos terminos, *Cur seu propter quid cre-*
damus Scripturam esse Verbum Dei, seu quo argumento præcipuè utatur
 Spiritus S. ad persuadendam nobis Scripturæ Divinitatem. An Testimo-
 nio seu voce Ecclesiæ; An verò notis & criteriis ipsi Scripturæ insitis? Prius
 asserunt Adversarii; Nos posterius.

*Scriptura
 authoritas
 non pendet
 quoad nos
 à Testimo-
 nio Ecclesiæ
 Eph. 2. 20.*

X. Scripturæ authoritatem nec quoad se, nec quoad nos pendere à Testi-
 monio Ecclesiæ probatur, 1. quia Ecclesia fundatur super Scripturam Eph.
 2. 20. & omnem authoritatem suam à Scriptura mutuatur, quod Adversarii
 non possunt diffiteri; siquidem quum de ea quæritur, non aliò quàm ad Scri-
 pturam confugiunt ut eam probent. Ergo non potest Scripturæ authorita-
 tem conciliare vel quoad se vel quoad nos, nisi velimus causam pendere ab ef-
 fectu, principium à principiato, & fundamentum ab ædificio. Neque hîc ex-
 cipi debet utrumque verum esse posse, Ecclesiam mutuari suam authoritatem
 à Scriptura, & Scripturam vicissim ab Ecclesia, ut Johannes testimonium
 perhibuit Christo, qui & ipse testimonium dedit Johanni. Nam aliud est te-
 stimonium alicui perhibere ut Ministrum, quomodo Johannes testatus est
 de Christo, ut *di autem per ipsum*, non *di autem propter ipsum* crederent Judæi,
 Jo. 1. 7. Aliud verò authoritatem illi conciliare ut Dominum, quod Chri-
 stus fecit erga Johannem. 2. Quia authoritas Ecclesiæ esset prior authoritate
 Scripturæ atque ita primum esset credibile à quo primò penderet & in quod
 ultimò resolveretur fides nostra; quod non admittent Adversarii, qui volunt
 Ecclesiæ authoritatem pendere à Scriptura. 3. Quia manifestus committitur
 circulus dum Ecclesiæ authoritas probatur ex Scriptura, & vicissim authori-
 tas Scripturæ ex Ecclesia. 4. Quia nondum inter Adversarios constat quid
 per Ecclesiam intelligendum sit; An hodierna, An vetus, An collectiva, An
 repræsentativa, An particularis, An universalis; Quisve sit ille ætus testans
 de Scripturæ authoritate, vel signatus per sententiam aliquam judicalem, vel
 exercitus per continuam & successivam traditionem? 5. Quia testimonium
 fallibile & humanum, quale est testimonium Ecclesiæ, non potest fundare
 fidem divinam: Nec si per Ecclesiam hodie loquitur Deus, sequitur statim
 eam esse infallibilem; quia alia est inspiratio specialis & extraordinaria, quæ
 Apostolos & Prophetas reddidit *ἀναμάρτυς*, & de qua Christus propriè lo-
 quitur quum dicit Spiritum S. ducturum Apostolos in omnem veritatem
 Jo. 16. 14. alia communis & ordinaria, quæ non reddit Pastores *ῥεσπείδους*.

*Sed proba-
 tur per se-
 ipsam.*

XI. Scripturam per se ipsam nobis innotescere probatur. 1. à *Scriptura*
ipsius natura. Nam ut Lex suam à Judicibus subalternis qui eam interpretan-
 tur, vel à Præconibus qui eam promulgant authoritatem non mutuatur, sed
 à solo

à solo Principe qui eam sancit; ut Testamentum non à Notario cui commis-
sum est, sed à voluntate Testatoris pondus obtinet; ut Regula virtutem re-
gulandi ab innata sua perfectione habet, non ab Artifice qui eam utitur: Ita
Scriptura quæ Lex est summi Principis, Testamentum Patris Cœlestis, &
Regula fidei αληθής, non potest authoritatem etiam quoad nos habere ab Ec-
clesia, sed tantum à seipsa. 2. *A natura summorum generum & primorum
Principiorum.* Ut enim ista nota sunt seipsis, & sunt ἀναπόδεικτα quæ aliunde
demonstrari non possunt, alioqui res abiret in infinitum, unde Basil. in Ps. 115.
ἀνάγκη ἐκείνης μαθίστας ἀνεξετάστους εἶναι τὰς ἀρχάς: Ita Scriptura quæ primum
est Principium in ordine supernaturali nota est se ipsa, nec argumentis extra
se petitis opus habet quibus nobis probetur & innotescat. Si omnibus prin-
cipiis notas indidit Deus quibus ab omnibus cognoscantur, dubium non est,
quin tales posuerit in sancto hoc Principio ad salutem summè necessario.
3. *A Comparatis.* Ut Objecta sensuum facultatibus bene dispositis applicata,
dijudicantur statim & cognoscuntur absque ullo alio argumento externo,
propter arcanam proportionem & propensionem facultatis ad objectum;
Lux proprio splendore, Cibus propriâ dulcedine, Odor propriâ fragrantia,
etiam nemine testante, statim à nobis cognoscitur certissime: Ita Scriptura
quæ nobis respectu novi hominis & sensuum spiritualium, modò sub lucis
admirabilis, Ps. 119. 105. modò cibi suavissimi Ps. 19. 10. Is. 55. 1. 2. Heb.
5. 14. modò odoris fragrantissimi symbolo describitur Cant. 1. 3. per sei-
psam à novi hominis sensibus statim atque illis objicitur, facillè internoscitur,
& propriâ luce, suavitate & εὐωδία cognoscendam se præbet, nihil ut opus sit
argumenta aliunde quærere, quæ hoc esse lucem vel cibum vel bonum odo-
rem doceant. 4. *A Testimonio Adversariorum* qui Scripturæ Divinitatem
probant ex notis ipsius, Bell. lib. 1. de V. D. c. 2. *Sacris Scripturis, quæ Pro-
pheticis & Apostolicis literis continentur, nihil est notius, nihil certius, ut stul-
tissimum esse necesse sit, qui fidem illis habendam negat.* Vide Canum loc. Theo.
1. 2. c. 8. Greg. de Valen. l. 1. de Anal. fid. c. 15. Soto defens. Catho. c. 47.

XII. Multiplex officium Ecclesiæ circa Scripturam competere non diffi-
temur, 1. ut sit *Custos* Oraculorum Dei, cui sunt concredita, quæque tabu-
las authenticas Fœderis Gratiæ summâ fide, Tabellionis instar, asservet; *Fontes
Solutio-*
Rom. 3. 2. 2. *Index* qui indicat Scripturam, & ad eam manuducit; Isa. 30.
21. 3. *Vindex* qui eam tuetur & vindicat, libros genuinos ab adulterinis se-
cernendo, quo sensu vocatur ejus ἰδεῖν 1. Tim. 3. 16. 4. *Præco* qui
eam proponit & promulgat; 2. Cor. 5. 19. Rom. 10. 16. 5. *Interpres* qui
verum ejus sensum scrutatur & aperit. Sed ista omnia ministerium tantum
important, non magisterium; ut per eam quidem credamus, sed non propter
eam; ut per Johannem Baptistam fideles in Christum credebant, non pro-
pter ipsum, Jo. 1. 7. & per Mulierem Samaritanam Christus cognitus est à
Samaritanis, non propter eam, Jo. 4. 39. *N 2* XIII.

Q U Æ S T.
VI.

XIII. Alia est *Resolutio fidei* spectata *objectivè* quoad *res credendas*; Alia dum spectatur *subjectivè* vel formaliter ratione *actus credendi*. Illa fit in Scripturam & Testimonium externum Spiritus S. expressum in Scriptura; Ista in Testimonium ejus internum impressum in conscientia, & loquens in corde. Utenim duo sunt ad fidem ingenerandam necessaria, Veritatis propositio in Verbo, & ejusdem applicatio in corde, *Spiritus S.* utrobique operatur, & in Verbo & in Corde. Ideo dicitur *testari* propriè in Verbo *objectivè*, per modum argumenti propter quod credimus. In Corde verò dicitur etiam, sed minùs propriè, *testari efficienter*, & per modum *principii* cujus virtute credimus, quo sensu 1. Joh. 5. 6. *Spiritus* qui inter testes Divinitatis Christi, & Veritatis Evangelii reponitur, dicitur *testari quòd Spiritus est veritas*; id est, Spiritus in corde fidelium agens, testatur quod doctrina Evangelii à Spiritu tradita est vera & divina.

XIV. Quum Confessionis Gallic. Arti. 5. dicitur, *Nos cognoscere Scriptura libros esse Canonicos, non tam communi Ecclesia consensu, quam testimonio & persuasione internâ Spiritus S.*; per Spiritum S. intelligendus est Spiritus tam in Verbo, quàm in corde loquens. Idem enim Spiritus qui agit *objectivè* in Verbo veritatem proponendo, operatur etiam *efficienter* in corde veritatem istam mentibus nostris imprimendo; & sic alienissimus est à *Spiritu Embusastico*.

XV. Aliud est *Judicium privatum* Spiritus, quod est tale *subjectivè* ratione subiecti cui inest; Aliud quod est *originaliter*, quia à proprio hominis arbitrio pendet. Prius concedimus hîc dari, sed non posterius: Nam Spiritus qui testatur in nobis de Divinitate Scripturæ, non est proprius singulorum ratione principii & originis, quia communis est toti Ecclesiæ, & omnibus fidelibus in quibus eandem fidem ingenerat; etsi sit talis *subjectivè* ratione cujusque individui, quia singulis fidelibus privatim datur.

XVI. Licet *Ecclesia* sit *antiquior Scripturâ* *formaliter* consideratâ & quoad modum scriptionis: non tamen talis dici potest respectu Scripturæ *materialiter* spectatæ & quoad substantiam doctrinæ; quia Verbum Dei antiquius fuit ipsa Ecclesia, utpote ejus fundamentum & semen. 2. Non quaeritur de testimonio Ecclesiæ Veteris Patriarcharum quæ fuit ante Scripturam, sed hodiernæ quæ ipsâ longè recentior est.

XVII. Licet fideles Spiritus S. testimonio persuadeantur de Scripturæ Divinitate; non sequitur tamen omnes qui Spiritum illum habent consentire debere in singulis libris pariter accipiendis: quia ut non datur omnibus æquali mensurâ, ita nec omnes æquali cognitionis luce tam quoad principium Religionis, quàm quoad ejus dogmata perfundit, vel æquali efficacia ad assensum permovet: Hinc quidam Protestantes potuerunt dubitare de uno vel altero libro Canonico, quia nondum satis illustrati erant lumine Spiritus Sancti.

XVIII,

XVIII. Non necesse est semper, ut quicquid probatur per aliud probe- Quæst.
VI.
tur. Quædam enim sunt nota seipsis, juxta Philosophos, ut summa rerum genera & ultimæ differentia & prima principia, quæ aliunde non possunt demonstrari sed sua luce patent, & tanquam certa & indubitata supponuntur; & si quis ea fortè negaverit, non argumentis conveniendus est, sed ad agnatos relegendus aut supplicii coercendus, ut qui teste Philosopho, vel sensu vel pœnâ indigeat. Sic Poster. Analyt. l. I. c. 10. dicit quædam Axiomata esse, quæ veritatis causam externam non habent; ὅ ἀνάγκη εἶναι δι' αὐτὸ ὃ δὲ αὐτῶν ἀνάγκη, quod necesse est per se esse & videri tale, id est, quod non modò est αὐτὸ μὲν, verum à nemine seriò negari potest qui modò sit rationis compos. Cùm ergo Scriptura sit primum Principium, & prima & Infallibilis Veritas, quid mirum si per se ipsam probari dicatur? 2. Scriptura potest se ipsam probare; vel pars ex parte, quum non omnes partes pariter in dubium vocantur, ut quum Judæos convincimus ex V. Testamento; vel tota ex tota, non argumento inartificiali testimonii, quia divinam se dicit; sed artificiali & ratiocinativo, quia in ea deprehenduntur notæ divinæ quæ in hominum scripta non cadunt. Ideo nec petitur principium, quia Criteria ista sunt aliquid contradistinctum Scripturæ, si non materialiter at formaliter, ut adjuncta & proprietates quæ demonstrantur de subjecto: Nec idem per æquè ignotum probatur, quia sunt *notiora nobis*; ut bene causam ab effectis, & subjectum à proprietatibus suis demonstramus. 3. Argumentum Pontificiorum; quòd Scriptura per se ipsam probari non possit, quia notior & ignotior seipsa foret; multò fortius retorqueri potest adversus Ecclesiam.

XIX. Si qui sunt qui non agnoscunt Scripturæ Divinitatem, non inde est quòd objectum per se non sit notum vel cognoscibile, sed quia facultate bene dispositâ destituuntur; quibus Evangelium tectum est, quia Satan excæcavit oculos eorum 2. Cor. 4. 4. ut qui Deum negant, qui est maxime 2. Cor. 4. 4. intelligibilis, quia mente capti sunt, vel qui Solem non vident quia cæci sunt; ut apud Senecam mulier illa quæ oculis capta Solem non exoriri quiritabatur; nihilo tamen minus Sol radios semper emittit, quos per se usurpant qui valent oculis.

XX. Aliud est *Scriptura Canonem discernere & declarare*, Aliud *Canonem ipsum constituere & authenticum facere*. Ecclesia posterius non potest facere, quod ad Deum solum Scripturæ authorem pertinet; sed facit tantum prius, quod ministerii est non magisterii: Ut aurifex qui scoriam ab auro discernit, vel qui lydio lapide explorat aurum, discernit quidem verum ab adulterino, sed non facit esse verum, nec quoad se nec quoad nos: Ita Ecclesia per examen suum discernit quidem libros Canonicos à non Canonicis & Apocryphis, sed tales non facit; nec judicium Ecclesiæ potest authoritatem libris quam per se non habebant conciliare, sed authoritatem jam existentem declarat argumentis à libris ipsis petitis.

Quæst. VI. XXI. Alia est Cognitio rei confusa, Alia distincta. Cognitione confusâ Ecclesia potest cognosci ante Scripturam, sed distincta Scripturæ cognitio præcedere debet, quia veritas Ecclesiæ non nisi in Scriptura deprehendi potest. Ecclesia potest à nobis apprehendi *fide humanâ* ante Scripturam tanquam Cœtus hominum iisdem sacris utentium; Sed non potest cognosci & credi, ut Cœtus fidelium & Communio Sanctorum *fide divinâ*, nisi post cognitam Scripturam quæ Ecclesiæ notas nobis suppeditat.

Rom. 10.
17.

XXII. Quum Apostolus Rom. 10. 17. dicit *fidem esse ex auditu*, innuit quidem Ecclesiæ ministerium intercedere debere tanquam medium ordinarium ad fidem in adultis ingenerandam: sed non docet propterea Ecclesiam clariorem & notiores esse Scripturâ.

XXIII. Aliud est quærere de librorum sacrorum numero, authoribus, partibus & singulis verbis; Aliud de doctrina fundamentali libris istis contentâ: Cognitio ista ad quemlibet fidelem pertinet, sed non illa; nec periclitabitur salus illius qui nesciret à quo scriptum sit Evangelium Matthæi, modò crederet librum esse authenticum & divinum. Alia est cognitio authoris primarii alicujus libri: alia verò ejus amanuensis tantum: Ista est tantum fidei historica; Illa verò divina.

XXIV. Cùm *Circulus* juxta Philosophos sit argumentatio sophistica, quâ idem probatur per seipsum, quæ versatur circa idem causæ genus ambitu quodam sine fine in se recurrente; non potest nobis impingi Circulus, quum Scripturam probamus per Spiritum, & Spiritum vicissim ex Scriptura: Nam hîc quæstio diversa est, & aliud medium seu causæ genus; quippe probamus Scripturam per Spiritum tanquam per causam efficientem quâ credimus; sed probamus Spiritum ex Scriptura, tanquam ex objecto & argumento propter quod credimus. In primo respondetur ad quæstionem, *Unde, seu qua virtute* credis Scripturam esse Divinam? scilicet per Spiritum. In secundo verò respondetur ad quæstionem, *Quare, seu propter quid* credis Spiritum qui est in te, esse Spiritum Sanctum? nimirum propter notas Spiritus Sancti quæ sunt Scriptura. Sed Pontificii qui Circulum nobis objiciunt, in illum manifestè incurrunt in hac quæstione; quum probant Scripturam ex Ecclesia & Ecclesiam ex Scriptura; hoc enim fit per idem medium, & idem causæ genus. Si quærimus, Cur vel propter quid credant Scripturam esse divinam? quia Ecclesia hoc dicit, respondent; Si petimus rursus, Cur Ecclesiæ credant? quia Scriptura illi infallibilitatem tribuit, regerunt, dum eam vocat columnam & firmamentum veritatis: Si instamus, unde sciant hoc Scripturæ testimonium esse *ἀντίμαρτυρον*? quia Ecclesia de eo nos certiores facit, addunt: Ita revolvuntur ed unde fecerant disputandi initium, & in infinitum progrediuntur, nec in ullo primo credibili sistere possunt. Neque hîc diversa quæstio est; utrobique enim quæritur de

de ratione & argumento propter quod credo, non verò de facultate aut principio per quod credo. Q U A E S T. VI.

XXV. *Ecclesia* dicitur *σύλος* & *ἰδραῖωμα* τῆς ἀληθείας 1. Timot. 3. 15. non quòd Veritatem fulciat & illi authoritatem conciliet: Cùm potiùs Veritas sit 1. Tim. 3. 15. *Ecclesiae* fundamentum cui superstruitur Eph. 2. 20. sed quia in *Ecclesia* tanquam in columna prostat & omnibus se conspiciendam exhibet. *Columna* ergo dicitur non sensu architectonico; quatenus columnæ adhibentur ad ædificii sustentationem, sed sensu forensi & politico, prout Columnis ante Curias & Prætoria, & pro foribus Basilicarum Edicta Principis & Decreta ac Leges Magistratus affigi solebant, ut omnibus innotescerent, ut notat *Plin. histo. natur.* li. 6. c. 28. & *Joseph. lib. 1. Antiq. c. 4.* Ita *Ecclesia Columna* est Veritatis, tum ratione promulgationis & præconii, quia Leges Dei promulgare tenetur, & cœlestis Veritas illi appenditur ut omnibus innotescat; tum ratione custodiam, quia eam non modò proponere sed & vindicare debet & tueri, atque ideo non tantùm *σύλος*, sed etiam *ἰδραῖωμα* dicitur, *firmamentum* quo Veritas cognita vindicetur & adversus omnes corruptelas facta tectaque conservetur; sed non *θεμέλιον* fundamentum, quod det ipsi veritati suam ὑπόπαισιν & firmitatem. 2. Quicquid *Columna* & *firmamentum veritatis* dicitur, non statim est infallibile; sic enim Veteres vocabant eos, qui vel doctrinæ fulgore, vel vitæ sanctimoniâ, vel constantiæ firmitate cæteris præstabant, & doctrinam Evangelii & fidem Christianam doctrinâ vel exemplo confirmabant; quomodo fideles Lugdunenses apud *Euseb. histor. lib. 5. cap. 1.* vocant Attalum Martyrem, *Basili. ep. 120.* Episcopos Orthodoxos qui Arrianam hæresim oppugnabant hoc nomine insignit, οἱ σύλοι καὶ τὸ ἰδραῖωμα τῆς ἀληθείας. Et *Grego. Nazianz.* Athanasium sic appellat. Eodem sensu in Republica integri & incorrupti Iudices dicuntur *Columnæ* & *firmamenta Legum.* 3. Locus docet officium *Ecclesiae*, sed non ejus privilegium infallibile; quid teneatur facere in promulganda & defendenda veritate contra Adversariorum corruptelas, non verò quid faciat semper; ut nomina sæpe ab officio desumuntur non à rei veritate, *Malac. 2. 7.* *Labia Sacerdotis* dicuntur custodire Mala. 2. 7. scientiam, quia tenetur hoc facere, licet non faciat semper ut v. 8. docetur. 4. Quicquid hîc *Ecclesiae* tribuitur pertinet ad *Ecclesiam particularem Ephesinam*, cui tamen privilegium infallibilitatis nollent dare Pontificii: deinde agitur de *Ecclesia collectiva* fidelium, in qua Timotheus versari debuit, & ministerium suum exercere, non repræsentativâ Pastorum; multò minùs de Pontifice, in quo solo ἀναμαρτησία residere arbitrantur. 5. Alludit hîc Paulus tum ad usum Columnarum in Delubris Gentilium, in quibus vel Deorum imagines, vel Leges & morum præcepta, imò & Oracula appendebantur, teste *Pausaniâ* & *Athenao*, ut opponat *Columnas* illas mendacii & erroris, ubi nihil præter fabulas & falsorum Deorum imagines proponebantur, *Columna*

QUÆST. VI. *lumina* isti mysticæ *Veritatis*, in qua vera Dei invisibilis imago exhibetur Col. 1. 15. & cœlestia Dei Oracula proponuntur. Tum ad Columnam illam memorabilem, quam in Templo erigi curaverat Solomon, de qua 2. Chron. 6. 13. & 2. Reg. 11. 4. & 23. 3. quam veluti suggestum conscendebant Reges, quoties vel populum alloquebantur vel solemne aliquid præstabant, quæ ideo *Regia Columna* Judæis dicebatur. Sic Veritas Reginæ instar Ecclesiæ insidet, non ut suam authoritatem ab ea mutuetur, ut nec Solomon suam habebat ab ista Columna; sed ut Veritas in ea proponatur & conservetur.

August. loc. XXVI. Locus Augustini contra Episto. Funda. cap. 5. *Evangeliio non crederem, nisi me Ecclesia commoveret authoritas*, non favet Pontificiis. 1. Quia August. loquitur de se adhuc Manichæo, & nondum Christiano, & quod ponit in imperfecto valet præteritum plusquamperfectum; *crederem & commoveret*, pro *credidissem & commovisset*, phrasi Afris usitatissima, ut Docti observant; sic lib. 2. Confess. cap. 8. *Si tunc amarem poma illa*, pro *amavissem*. 2. *Authoritas* de qua loquitur, non est *juris & imperii*, quam hîc obtendunt Adversarii, quasi crediderit quia Ecclesia dicebat; sed *dignitatis*, quæ petebatur ex magnis & illustribus Providentiæ Dei argumentis, quæ in Ecclesia conspiciebantur, qualia erant miracula, vetustas, populorum consensio, successio &c. c. 4. quæ potest ad fidem manuducere, licet non possit illam primariò ingenerare. 3. Notatur ergo hîc *motivum externum* ad fidem, non verò *infallibile credendi principium*, quod in veritate sola quærendum docet c. 4. dum agnoscit veritatem omnibus esse præferendam, si tam perfectè monstratur ut in dubium revocari non possit, & cap. 14. *Eos sequamur qui nos invitant prius credere, quum nondum valemus intueri, ut ipsi à fide valentiores facti, quod credimus intelligere mereamur, non jam hominibus, sed ipso Deo inrinsicus mentem nostram firmante & illuminante*; sic intelligit Petrus de Alliaco q. 1. in 1. sent. art. 3. & Canus lib. 2. lo. Theo. c. 8. Gerson, Driedo, Durandus de Ecclesia primitiva & Apostolica interpretantur, non de præsentis pro cuius authoritate hîc pugnatur. Vide Disput. nostræ de Authori. Scripturæ.

QUÆSTIO VII.

DE CANONE.

An Liber aliquis Canonicus perierit? Neg.

Canon vel
late vel
strictè sum-
mat.

I. **U**T variæ quæ de *Scriptura Canone* moventur quæstiones faciliùs possint expediri, præmittenda est *Canonis* distinctio. Vox enim ista vel late vel strictè sumitur. Priori sensu adhibita fuit à Patribus de signandis *Decretis & Constitutionibus Ecclesiasticis*, quibus Concilia & Re-

Rectores Ecclesiarum definire solebant quæ ad fidem, vel mores, vel εὐταξίαν QUEST. VII.
pertinere videbantur. Quò spectant *Canones* varii, tum *Ecclesia universalis*
tum *Africana*, & *Canonum collectio* Burchardi, Ivonis, Gratiani, & *Ius*
ipsum *Canonicum*, quod Codice Canonum continetur, distinctum à *Jure*
Divino, quod Codice S. Scripturæ includitur. Posteriori κατ' ἐξοχὴν soli
Scripturæ tribuitur, quia Deus nobis eam dedit, ut sit fidei morumque re-
gula, quo sensu Irenæo Κανὼν τῆ ἀληθείας ἀκρίβης *norma veritatis ακρίβει-*
lis lib. 4. c. 69. Chrysostomo ἀπάντων ἀκριβὴς ζυγὸς, ἢ γνώμων ὁ κανὼν *Ex-*
quisita omnium verum trutina, norma & regula, dicitur.

II. Ut verò Verbum Dei bifariam spectari potest, vel pro Doctrina di- Canon Do-
vinitus revelata, vel pro Libris sacris quibus illa continetur. Ita duplex *gmatum*
Canon esse potest; Unus *Dogmatum*, qui doctrinas omnes fundamentales com- & Libro-
plectitur; Alter *Librorum*, qui libros omnes Θεοπνεύτους continet. *Scriptura*
Canonica dicitur duplici de causa, tum ratione dogmatum, quia est Canon Scriptura
& norma fidei & morum, originatione ducta ab Hebr. קִנְיָן quod *arundi-*
nem seu calamum mensorium significat, & ita usurpatur Gal. 6. 16. Phil. 3. cuius Cano-
16. tum ratione librorum, quia continet libros omnes Canonicos, quo nica dica-
sensu Athanasius in *synopsi* ab initio monet libros Christianorum non esse tur.
infinitos sed finitos, & certo *Canone* comprehensos. Gal. 6. 16.
Phil. 3. 16.

III. Prima Quæstio de Canone agit de ejus *Integritate*, An liber aliquis *Status*
Canonicus perierit, seu, An Scripturæ syntagma ullo libro quem Deus in *Quæstio-*
Canonem retulit hodie destituatur? Circa quam in partes varias abeunt tum *nis.*
Pontificiū, tum Orthodoxi. Plerique ex Pontificiis varios libros Canonicos
periisse contendunt, ut ita imperfectionem Scripturæ & Traditionum ne-
cessitatem, quibus ejus lacunas expleant, evincant. Quidam ex nostris, ut
Musculus, *Whitakerus*, post Chrysostomum idem asserunt, sed duplici cum
discrimine; primò quòd hoc de libris nonnullis Vet. Test. tantum affirmant;
non verò Novi ut Pontificii; secundò quòd nihil propterea perfectioni Scri-
pturæ quam Pontificii inde oppugnant decedere arbitrentur, quia integri-
tatem Canonis non metiuntur ex numero Librorum sacrorum, seu *perfe-*
ctione eorum *quantitativa*, sed ex plenitudine dogmatum, & *perfectione es-*
sentiali rerum omnium ad salutem necessariarum, quæ in libris qui super-
sunt abundè occurrat. Communior tamen est & sanior aliorum sententia,
qui nullos libros verè Canonicos periisse censent, & si qui perierunt, tali
charactere insignitos non fuisse.

IV. Rationes petuntur 1. à *Testimonio Christi* Matth. 5. 18. & Luc. 16. Nullum
17. *facilius est cælum & terram præterire, quàm Legis unum apicem excidere.* Librorum
At si ne apex quidem, vel minima literula potest excidere, quomodo varii li- Canonico-
bri Canonici potuerunt intercidere? Licet verò Christus directè de doctri- rum peris-
na Legis loquatur, non de ejus libris; analogicè tamen potest libris sacris so probatur
à Testimo- nio Christi
Matth. 5. 18.

- QUEST. VII.** applicari, ut eorum immunitas ab interitu asseratur; eò magis quòd, non solum literarum & apicum quibus Scriptura perficitur mentio fiat, sed etiam in libris scriptis Deus doctrinam istam conservari voluerit. 2. à *Luca & Pauli declaratione.* Nam nec Lucas 24. 27. mentionem facere potuisset *omnium Prophetarum & omnium Scripturarum*, si aliquæ ejus partes periissent: Nec Paulus Rom. 15. 4. *quæcunque scripta sunt ad nostram instructionem* scripti esse asserere posset, nisi omnia scripta V. T. extare supponeret.
3. à *Providentia Dei.* V. 3. à *Providentia Dei* pro Ecclesiæ salute perpetuò excubante, quæ concipi non potest pati voluisse tam exitialem jacturam; aliàs quid fiet tum sapientiæ, tum bonitati, tum potentiæ Dei, si tanti pretii thesaurum Ecclesiæ suæ ostensum quidem, sed subductum voluit, & Corpus Scripturæ lacerum & mutilum hodie extare? 4. ab *Ecclesiæ officio.* 4. ab *Ecclesiæ officio*, quod est Oracula Dei sibi commissâ religiose servare, & studiosè scrutari; Cui non defuisse vel ex eo patet, quòd nec Christus nec Apostoli Judæos unquam hoc nomine acculent; quòd sacrilegium non tacuissent omnino, qui minora non omittunt, si hic rei fuissent: Imò Paulus hoc privilegium Judæorum prædicat, quòd λόγια ἑ θεῶν ipsis fuerunt concedita, Rom. 3. 2. & 9. 4. 5. à *Fine Scripturæ.* 5. à *fine Scripturæ*, quæ consignata est in Canonem fidei & vitæ usque ad consummationem sæculi, qui obtineri non posset, si per jacturam quorundam librorum Canonicorum, Canon mutilus & truncatus Ecclesiæ relictus esset, id est, qui amplius Canon esse non possit. 6. à *Judæorum praxi.* 6. à *Judæorum praxi*; quia nunquam plures libri Canonici V. T. iis quos habemus agniti sunt, nec à Targumim expressi, nec à LXX. versi.
- Fonies** VI. Non omnia quæ scripserunt Viri Dei continuò sunt divina & θεόπνευστα; quædam enim ut *homines* historicâ diligentia meditari & exarare potuerunt ad ubertatem cognitionis, quædam ut *Prophete* inspiratione divinâ ad authoritatem Religionis; illa cum libertate judicari possunt, hæc cum necessitate credi debent, ut bene *Aug. de C. D. lib. 18. c. 38.* Ut non quicquid dixerunt Canonicum fuit, ita nec quicquid scripserunt. Si ergo Salomon libros varios scripsit Parabolarum & Carminum, ut de Plantis & Animalibus 1. Reg. 4. 32. 33: non sequitur eos fuisse Canonicos; potuerunt enim humanâ diligentia adornari, ad testandam multiplicem quâ instructus erat rerum cognitionem, non verò in argumentum divinæ & supernaturalis inspirationis.
- Num. 21.** VII. Libri qui dicuntur periisse, Vel non sunt *Sacri & Canonici*, qualis 14. *Jos. 10.* fuit *liber bellorum Jehovæ* de quo Num. 21. 14. Jos. 10. 15. *Liber Josi* 15. 2. *Sam. 1. 14.* *Chronica Regum Judæ & israelis* 1. Reg. 14. 19. 20. & 15. 7. 1. *Reg. 14.* qui non doctrinam Religionis, sed vel *Annales Politicos*, quibus res gestæ 19. 20. & *Israelitarum* consignabantur, vel *Tabulas Actorum publicorum & Statutorum politicorum* complectebantur, ut patet ex 1. Reg. 11. 41. Vel libri qui 15. 7. 1. *Reg. 11.* 41.

dicuntur periisse, adhuc extant sub aliis nominibus, ut *libri Nathanis & Gadis* de quibus 1. Chron. 29. 29. Et *Jehdonis* 2. Chro. 9. 29. *Semaja & Hid-*
donis c. 12. 15. quos partem librorum Samuelis & Regum facere, & Judæi
 docent, & Patres quidam notant, & varii ex Pontificiis non obscuri nominis,
 ut *Sixtus Senensis, Paulus Burgenfis, Ludo. de Tena, Sanctius* & alii fatentur.

Quæst.
 VII.
 1. Chro.
 29. 29.
 2. Chro. 9.
 29.

VIII. *Liber Jehovæ* de quo Isa. 34. 16. non alius est ab ipsa Prophetia
 quam scribebat nomine Domini, & quem propterea librum *Jehovæ* vocat.

Liber Lamentationum Jeremia super morte Regis Josiæ cujus mentio fit
 2. Paral. 35. 25. etiamnum in Threnis legitur.

Isa. 34. 16.
 2. Paralip.
 35. 25.

IX. Non dicitur Coloss. 4. 16. ullam fuisse Epistolam Pauli ad Laodi-
 censes, quia agitur de epistola *ἐκ Λαοδικείας*, non *πρὸς Λαοδικείαν*, poterat
 esse Epistola à Laodicensibus ad Paulum scripta, in qua, quia nonnulla erant
 quæ scire interesset Colossensium, Paulus vult cum sua ab illis legi. Unde li-
 quet quàm sine ratione *Faber Stapulensis* voluerit Epistolam ad Laodicenses
 obtrudere orbi Christiano, quod cordatiores ex Pontificiis agnoverunt.

Col. 4. 16.

X. *Juda* 14. non fit mentio Libri Enochi, sed tantum ejus Prophetiæ, *Juda* 14.
 quia dicitur *Propheta* se non scripsisse; Librum autem, si quis fuit, nunquam
 in Canonem relatum fuisse, patet tum ex Josephi & Hieronymi silentio,
 tum ex eo quòd Moses tanquam primus Scriptor Canonicus recensetur Luc.
 24. 27. Apparet quidem ex Augustino lib. 15. de C. D. c. 13. extitisse iis
 temporibus librum Apocryphum, cujus index mentiebatur Enochum
 authorem, cujus etiam fragmentum debemus Scaligero in animadvers.
 Euseb.

XI. Si quædam ab Apostolis referuntur loca ex Vet. Test. quæ nunc non
 leguntur expressè in ullo libro Canonico; Non sequitur librum aliquem Ca-
 nonicum in quo ista extabant periisse: sed, Vel continentur implicite &
κατὰ διάνοιαν, ut quod Matth. 2. 23. dicitur de Christo, *Nazarenus vocabi-*
tur, desumitur, vel ex Isaïæ 11. 7. juxta *Hier.* ubi Christus surculus vocatur,
 vel ex Jud. 13. 5. ubi agitur de Samsonè Christi typo, qui *Nazarenus Dei*
 dicitur futurus ab utero. Vel in eo quod dicitur 1. Cor. 5. 9. de Epistola
 quam ad ipsos scripserat, nihil obstat quominus illam ipsam intelligamus
 epistolam quam scribebat, in qua paulò ante jusserat excommunicari eum qui
 se incesto coinquinarat, ut Col. 4. 16. quando *ἡ ἐπιστολὴ ἡ ἐστὶν* fuerit, nim.
 hæc quam exarabat. Vel merè historica sunt, ut quod refert Judas v. 9. de al-
 tercatione Diaboli cum Michæle super corpore Moysis, quod potuit habere
 sive ex traditione, ut quidam volunt, sive ex libro aliquo Ecclesiastico,
 sed non Canonico qui perierit.

Mat. 2. 23.
 Isa. 11. 7.
 Jud. 13. 5.
 1. Cor. 5. 9.
 Jud. v. 9.

XII. Quamvis fieri potuerit ut Autographa Legis & Prophetarum quæ
 asservabantur in Arca, cum ea conflagrarent, quum eversa est Civitas & in-
 census Templum tempore Captivitatis Babylonicæ; Non sequitur propter-

Quæst. VII. ea tunc intercidisse omnes Libros sacros, qui per Esdram denuo velut per alterum Moſem intra 40. dies reſtituti fuerint; quia apographa penes pios varia remanere potuerunt, ex quibus poſtea cultus Dei inſtauratus eſt, *Eſd.* 6. 18. *Nehem.* 8. 2. Nec veriſimile eſt Ezechielem & pios Sacerdotes, *Neb.* 8. 2. ut & Jeremiam, Gedaliam & Baruchum, qui libertatem manendi in Judæa acceperant, illis caruiſſe, maximè cum cuſtodia & lectio Librorum ſacrorum ad ipſos pertineret; de Daniele videtur planum ex *c.* 9. 2. Locus 4. 23. & 14. 21. unde univerſalis interitus petitur, ut Apocryphus ipſiſetiam Pontificiis, nihil probat, & refellitur ab alio libro Apocrypho qui Canonicus eſt Pontificiis 1. *Maccab.* 2. 4. qui Arcam in qua deſolutus erat liber Legis *Deuter.* 31. 26. ſervatam dicit à Jeremia in Cavea montis Nebo. Præcipuè hoc commentum refellit altum Scripturæ ſilentium, quæ cum tam anxie Sanctuarii pollutionem, Jeruſolymorum excidium, Valorum S. interceptionem, Templi ruinam & alia deſiccat, tantam jaſturam ſine publico luctu non prætermiſſet. Eſdras ergo potuit operam ponere in colligendis, imò & corrigendis & reſtituendis exemplaribus quæ depravata fuerant in captivitate, quod optimè potuit ut *ἡ ἑκκλησία*; ſed non opus fuit illum de novo illa Eccleſiæ tradere.

Q U Æ S T I O V I I I.

An Libri Veteris Testamenti ſint adhuc pars Canonis fidei, morumque Regule in Eccleſia Novi Teſt? Affir. contra Anabaptiſtas.

*Status
Quæſtio-
nis.*

I. **Q**Uæſtio hæc nobis intercedit cum Anabaptiſtis, qui V. T. libros à Canone fidei rejiciunt, quaſi ad Chriſtianos minimè pertineant, nec ex illis fidei dogmata vel vitæ præcepta peti debeant. *Memoria* in Confell. ſua Artic. 11. Docent omnes Chriſtianos, quantum ad fidem attinet, debere ſe tantum neceſſario componere ad Evangelium Chriſti; quod confirmatur in Colloquio Francoth. Act. 1. 57. Orthodoxi contra ſtatuunt V. T. non minùs ad Chriſtianos pertinere quàm N. & ex utroque fidei dogmata & vitæ regulam eſſe petendam, Confell. Gallic. art. 4. & 5. Helvetica art. 1.

II. Non quæritur De V. T. ratione *Oeconomiae Moſaicae*; hanc enim ita abrogatam eſſe cenſemus per Chriſtum, ut nullus ampliùs ei locus eſſe debeat in *Oeconomia Gratiae*: Sed de eo quoad *doctrinam*; An nullus ſit ampliùs ejus uſus in N. T. quoad Canonem fidei & morum?

III. Non quæritur, An Chriſtus Legem in V. T. datam reformaverit ſub N. corrigendo eam & perficiendo; de hoc enim cum Socinianis poſtea agetur: Sed, An V. T. Scriptura ad Chriſtianos pertineat, ut ex ea non minus

ac ex N. Test. Canon fidei & regula vitæ peti debeat & probari, & Christi Religio non minùs in Mose & Prophetis quàm in N. T. libris contineatur, & ex iis demonstrari possit; quod Adversarii negant, Nos asserimus. QUEST. VIII.

IV. Non quæritur de discrimine Vet. & Novi Test. & de differentia doctrinæ quæ utrobique sonuit; hanc enim non diffitemur longè clariorem esse in N. Test. quàm in Veteri, tum propter typos quibus involvebatur, tum propter prædictiones & promissiones, quæ in ea tradebantur: Sed de *Principio Religionis Christiana*; Utrùm principium illud sint tantùm N. Test. An verò etiam Vet. Testamenti? quod statuimus.

V. Rationes sunt 1. Quia Christus V. T. commendat, & Moscm & Prophetas vult à fidelibus audiri Luc. 16. 26. Nec dicitur hoc Judæis exclusivè ad cæteros, quia hîc præceptum datur generale quod pertinet ad omnes qui æternum judicium prævertere cupiunt, & quod hîc proponitur ut præceptum, ejus praxis commendatur à Petro in Christianis 2. Pet. 1. 19. V. T. esse Canonium Christianis probatur. Luc. 16. 29. 2. Pet. 1. 19.
Habemus Sermonem Propheticum firmissimum cui rectè faciis quod attendatis, velut lucerna splendenti in loco obscuro, usquedum dies illucescat, & lucifer oriatur in cordibus vestris. Nec excipi potest, limitationem addi à Petro, ut hoc locum habeat tantùm usque ad tempus N. T. quo dies illucescere debuit; Nam si de N. T. sumatur, non propterea restringitur hac voce usus sermonis Prophetici usque ad tempus N. Test. quia non *usquedum*, non ita semper est positivum præteriti, ut sit exclusivum futuri, ut constat ex variis locis, Gen. 28. 15. Matt. 28. 30. 1. Cor. 15. 25. Si verò ad idem vitæ æternæ referatur, & ad exortum Luciferi in hemispherio gloriæ, quæ dies revera est *κατ' ἐξοχλῶ*, quod satius videtur, quia scribit ad fideles qui jam sortiti erant fidem *κατ' ἐξοχλῶ*, adeoque in quorum cordibus dies gratiæ, & Lucifer Evangelii jam exortus erat: fortius stringet argumentum, attendendum scil. sermoni Prophetico, usque ad finem seculi, donec beata illa dies exorietur, quæ vera dies, perpetua quippe & nulla nocte terminanda.

VI. 2. Quia Ecclesia N. T. superstruitur fundamento Prophetarum & Apostolorum Eph. 2. 20. id est, doctrinæ Prophetiæ & Apostolicæ. Neque hîc Prophetæ N. T. de quibus Eph. 3. 5. & 1. Cor. 12. 28. intelligi possunt; quia loquitur de fundamento perpetuo universalis Ecclesiæ; At donum Propheticum N. T. fuit temporarium. Nec ordo collocationis prioritatem vel posterioritatem temporis vel durationis statim infert; ut Eph. 4. 11. Prophetæ N. T. ponuntur ante Evangelistas, nec tamen illis ideo fuere anteriores. Eph. 2. 20.

VII. 3. Quia *Quacunque ante scripta sunt, ad nostram doctrinam ante scripta sunt, ut per tolerantiam & consolationem Scripturarum spem habeamus*, Rom. 15. 4. Quamvis verò omnia non sint æqualia in Scriptura ratione materiæ & usus, omnia tamen sunt æqualia ratione Rom. 15. 4.

Quæst. originis & auctoritatis, data proinde ex æquo ad bonum & ædificationem
VIII. Ecclesiæ.

VIII. 4. Quia Canon V. T. habet sufficientiam ad fidem & mores, & sacræ illæ literæ in quibus Timotheus institutus erat ab utero, quum nondum erat consignatus Canon N. T. potuerunt illum *σεφείας* ad salutem 2. Tim. 3. 15. 16. Et si *homo Dei*, id est, minister Evangelii potest ad omne bonum opus ex illis instrui, multò magis fidei hominis privati, & vitæ ejus dirigendæ utiles sunt & necessariae: Neque hoc Paulus refert tantum ad tempora antecedentia scriptionem N. T. quia loquitur in genere de tota Scriptura *ἡσαν τε ὅλε 50* vers. 16.

70. 5. 39. IX. 5. Quia Christus Judæos amandat ad scrutandas Scripturas Joh. 5. 39. utpote ex quibus haberi possit vita: Nec hoc indicativè dicitur tantum Judæis, sed & imperativè; quia scopus Christi est inducere Judæos ad lectionem Scripturarum tanquam medium ad sui cognitionem conducens, & testimonium omni exceptione majus. 2. licèt Christus loquutus fuisset indicativè res eòdem rediret, quia Christus praxim illam probat non culpat.

X. 6. Quia Scriptura V. T. eandem doctrinæ substantiam cum N. T. sive quoad credenda, sive quoad facienda, continet, nec aliud Evangelium nobis hodie proponitur, quàm quod antea in Scripturis Prophetis promissum, Rom. 1. 3. & 16. 25. 26. Unde Paulus qui totum Dei consilium de salute annunciavit Christianis Act. 20. 26. nihil tamen extra ea quæ à Mose & Prophetis dicta sunt, se dixisse proficitur Act. 26. 22. Nec alia Lex nobis præscribitur, quàm quæ à Mose olim lata, quæ amorem Dei & dilectionem proximi imperat, Matth. 22. 37. 38.

XI. 7. Quia si V. T. ad Christianos non pertinet, non poteris solidè probari adversus Judæos Jesum Christum Nazarenum esse verum Messiam; quod non nisi per collationem Scripturarum & *σύγκρισιν* characterum prædictorum in Vet. Test. de Messia, & impletorum in Jesu nostro sub Novo fieri potest, ut hoc non semel à Christo & Apostolis præstitum, Luc. 24. 27. 44. Act. 10. 43. & 17. 11. & 26. 22. Rom. 3. 21. Nec poterunt Judæi erroris convinci, & ad fidem adduci; quia aliud principium non agnoscunt.

Fontes
Solutio-
num.

Matth. 11.
12. & Luc.
16. 16.

XII. Per *Legem & Prophetas* qui debuerunt durare usque ad Johannem Matth. 11. 12. non intelligendi sunt libri V. T. eorumque duratio; Sed *œconomia V. T.* collata cum *œconomia Novi*, quarum illa erat Prophetica, ista Evangelica; Illa umbratilis & typica, quæ promittebat Messiam exhibendum; Ista clara & aperta, quæ annunciabat Messiam exhibitum: Christus ergo duos istos modos revelationis inter se conferendo dicit, primum per *προφητείαν* durasse tantum usque ad Johannem, quia Messiam exhibitum, non ampliùs prædici voluit ut futurus, alterum verò per *εὐαγγελισμόν* qui nuntiabat Christi adventum, cœpisse à Johanne.

XIII.

XIII. Quam Apostoli dicuntur *Ministri Spiritus*, non *Literæ* 2. Cor. 3. ^{Quæst. VIII.} 5. 6. per *Literam* non intelliguntur libri V. T. quasi nullus amplius eorum usus esse deberet, cum tamen passim illis utantur; sed *Oeconomia Legalis* ^{2. Cor. 3. 5. 6.} contradistincta Evangelicæ, quæ multis modis illi præstat, non modò ratione claritatis & amplitudinis, sed præcipuè ratione efficaciz, quia non tantum jubet & imperat officium ut Lex, sed etiam operatur per Spiritum Legem inscribendo in cordibus.

XIV. Aliud est *Vetus Fædus antiquatum* esse quoad *modum administrationis* Heb. 8. 13. & quoad accidentia fæderis, sive observationem externam appendicum fæderi annexarum; quod Paulus asserit Heb. 8. 13. Aliud verò quoad *rem administratam* & substantiam, seu internam fæderis ipsius formam; quod negamus.

XV. Aliud est loqui de vigore cæremoniarum V. T. vel Legis secundum Heb. 10. 1. illas; Aliud de duratione, & cognitione ac meditatione librorum Legis & Prophetarum. Quod umbram tantum habet futurorum bonorum non pertinet ad Christianos, qui habent expressam rerum imaginem quoad *praxim* & *observationem*: potest tamen pertinere quoad *doctrinam* & cognitionem, & relationem ad *τὴν εἰκόνα*. Imò ex collatione umbræ & formæ expressæ, clariùs elucescit ipsum *Corpus*.

XVI. Christus Matt. 5. non disputat contra Mosem & ipsa præcepta Legis, sed agit potius interpretem & vindicem Legis, corruptelas & glossemata, quæ à Judæorum magistris infarta erant in Legem rejiciendo, & illam nitore suo & genuino sensui restituendo; ut sigillatim videbitur in loco de Lege.

XVII. Quamvis Scriptura N. T. *perfecta* sit *intensivè*, quoad doctrinæ salutaris substantiam; non tamen talis est *extensivè*, quoad omnem Revelationis divinæ latitudinem; quia loquitur tantum de Christo exhibito, non verò de eo exhibendo, quod testimonii genus utilissimum fuit confirmandæ fidei: Ideo perfectio librorum N. T. non excludit usum librorum V. tum quia se inniti testantur V. T.; tum quia iteratum plurium testimonium de eadem re testimonium validius est respectu nostri, & facit ad majorem fidei nostræ ἀσφάλειαν.

XVIII. Quod nullo modo datum fuit à Christo, nec *mediate* nec *immediate*, id non pertinet ad Christianos. Sed Lex quæ data fuit per Mosem, data etiam fuit à Christo, per Mosem ut servum, à Christo ut Domino: Unde Act. 7. 38. *Angelus* idem qui apparuit Moysi in deserto v. 30. & ^{Act. 7. 38.} qui fuit ipse Jehova Exod. 3. 2. dicitur *loquutus Mosem in monte Sinai*, quia Filius Dei qui Angelus fæderis & faciei vocatur, fuit primarius author & promulgator Legis, cuius Moyses erat tantum minister. Nec sic discrimen tollitur inter promulgationem Legis & Evangelii, quia Filius Dei *mediate* tantum, & ut ἀρχηγός, in Lege operabatur, sed author dicitur primus Evangelii *immediate*, & ut ἐν ἑαυτῷ Heb. 2. 3. ^{Heb. 2. 3.}

XIX Christus

QUÆST. VIIII. XIX. Christus dicitur *finis Legis* Rom. 10. 4. tum quia fuit *scopus* ad quem Lex tota respexit; tum fuit ejus *πλείωσις* & *complementum*, non abrogando omnem ejus usum, sed implendo ejus Oracula, & eam exequendo, tum in se, agendo & patiando, tum in suis, inscribendo eam in cordibus fidelium; unde Matt. 5. 17. dicitur *non venisse ad dissolvendam Legem, sed ad eam implendam.*

XX. Non sunt audiendi servi præsente Domino, si testantur aut injussu ejus, contra eum; Sed audiri possunt & debent, si ex mandato ejus testantur de ipso. Quod non minus fecerunt Moses & Prophetæ Jo. 5. 46. Act. 10. 43. quàm Apostoli: & Christus Luc. 16. 29. jubet expressè audiri Moysen & Prophetas. Nec hoc est à Christo ad Moysen retrogredi, sed à Mose ad Christum progredi, qui pædagogus est ad Christum Gal. 3. 24.

XXI. Initium prædicationis Johannis bene dicitur *Initium Evangelii* Marc. 1. 1. quoad *complementum*, & respectu Christi exhibiti, non quoad *promissionem* & respectu Christi exhibendi, quod jam sub V. T. locum habuit, Rom. 1. 2. Gal. 3. 8. If. 52. 7. & 61. 1.

QUÆSTIO IX.

DE LIBRIS APOCRYPHIS.

An Tobias, Judith, Sapientia, Ecclesiasticus, duo priores Maccabæorum libri, Baruch, Additamenta ad Estheram & Danielelem, bene referantur in censum librorum Canonico- rum? N. contra Pontificios.

Libri Apo-
cryphi unde
dicti.

I. **L**ibri *Apocryphi* ita vocantur, non quòd Authores librorum ignorantur; sunt enim & Canonici quorum Author ignoratur, & Apocryphi nonnulli quorum scitur: non quòd privatim tantum & non publicè legerentur; nam varii legebantur etiam publicè: Sed vel quia remoti erant *απὸ τῆς κρύπτου* à sacra illa capsula, in qua Libri sacri recondebantur, ut volunt *Epiphanius* & *Augustinus*. Vel quòd occulta fuerit & suspecta eorum autoritas, & consequenter absconditus quoque eorum usus: quippe quos non consuevit Ecclesia legere ad Ecclesiasticorum dogmatum autoritatem confirmandam, ut habet *Hiero. præf. in Proverb. Salom.* Vel quòd verius est, quia sunt incertæ & occultæ originis, quorum occulta origo non claruit illis, quorum testificatione autoritas Scripturarum ad nos pervenit, ut ait *Aug. l. 5. de C. D. c. 24.*

Statim
Quæstio-
nis.

II. Non queritur de Libris V. & N. T. quos pro Canonicis habemus, hos

hos enim Pontificii ut Canonicos nobiscum admittunt. Nec de omnibus Apocryphis, sunt enim qui à Pontificiis non minùs ac à nobis rejiciuntur, ut 3. & 4. *Esdra*, 3. & 4. *Maccabaorum*, *Oratio Manassis*, &c. Sed agitur tantùm de *Tobia*, *Judith*, *Baruch*, *Sapientia*, *Ecclesiastico*, 1. & 2. *Maccabaorum*, *Addamentis Estheræ* & *Danielis*, quos in numerum Canonicorum referunt Pontificii: Nos ab illo eos excludimus; non quòd multa vera & pia iis non contineantur, sed quòd librorum Canonicorum notas non habeant.

Quæst.
IX.

Cur Libri
Apocryphi
à Canonis
excludun-
tur.

III. Rationes sunt variz. 1. Quia Ecclesia Judaica cui commissa sunt E-
loquia Dei Rom. 3. 2. nunquam eos habuit pro Canonicis, eundem nobis-
cum Canonem retinens, ut testatur *Joseph. lib. 1. contra Appionem*, & fate-
tur *Beda. Manu. Contr. lib. 1. c. 1. & Stapleto. to. 1. lib. 3. Contr. 5. c. 14.*
Quod fieri non potuisset sine gravi crimine, si libri illi non minùs ac cæteri
ipli concrediti fuissent; quod tamen ipsi nec à Christo, nec ab Apostolis un-
quam impactum. Neque hic Canon Judæorum à Canone Christianorum
distingui debet; quia Christiani nec possunt nec debent acceptare alios libros
V. T. pro Canonicis, quàm quos acceperunt à Judæis eorum Capfariis, ut
vocateos *Aug. in Pl. 40. qui studentibus nobis Codices portant.* 2. Quia nul-
quam citantur à Christo & Apostolis ut Canonici, non secus ac cæteri: imò
dum Christus omnes V. T. libros *Luc. 24. 44.* in tres Classes partitur, Le-
gem, Psalms, & Prophetas, non obscure Canonem Judæorum probat, &
libros istos qui illà divisione non continentur à Canone excludit. 3. Quia
Ecclesia Christiana per 400. annos eosdem nobiscum, & non alios libros
Canonicos agnovit; patet ex *Conc. Laodic. c. 59. Melitone* Sardenfi Epi-
scopo qui vixit a. C. 16. *apud Euseb. hist. l. 4. c. 25. Epiphano* in hæresi Epi-
curæorum, *Hieronymo* in Prologo galeato, *Athanasio* in synopli &c. 4. Quia
nec Authores fuerunt Prophetæ & Viri *ἱερωὶ καὶ σοφοὶ*, cùm scripti sint post Ma-
lachiam ultimum Prophetarum; nec linguà Hebraicà exarati sunt, ut libri
V. T. sed græcà. Unde *Josephus* loco citato agnoscit ea quæ apud suos scripta
fuerunt post Artaxerxis tempora, non paris esse fidei & authoritatis cum præ-
cedentibus *Ἀλλὰ τὸ μὴ ἡερωὶ καὶ σοφοὶ τῶν προφητῶν ἀνελεῖν ἡγεόχων.*

IV. Quia *stylus & materia* Librorum eos humanos esse non divinos cla-
mant, ut minimè sagacem oporteat esse eum, qui non sentiat eos ab humana
profectos industria, licet alii aliis sint præstabiliores. Nam præterquam quòd
stylus non resipit majestatem & simplicitatem styli divini, sed redolet vitia
& infirmitates ingenii humani, in vanitate, assentatione, curiositate, affecta-
tione, intempestiva eruditionis & eloquentiæ affectatione, quæ non rarò
occurrunt: in illis tot extant, non modò frivola & absurda, sed & falsa, su-
perstitiosa & contradictoria, ut facilè pateat non divina sed humana es-
se scripta. Pauca è multis damus Errorum specimina. *Tobias* mendacium
Angelo tribuit qui capite 5. v. 15. dicit se Azariam Ananiæ filium,

QUÆST. & cap. 12. 15. Raphaëlem Angelum Domini: Idem cap. 6. consilium magicum dat de fugando dæmone fumo piscini hepatis contra illud Christi Matth. 17. 21. Sibi tribuit oblationem precum uni Christo propriam c. 12. 12. Liber *Judith* factum Simeonis celebrat c. 9. 2. quod Jacobus ferit anathemate, Gen. 49. fraudes & mendacia Judithæ laudat c. 11. quæ malè conveniunt pietati; pejus adhuc, quòd illa fraudibus & mendaciis suis benedictionem à Deo petiit c. 9. 13. Nulla *Bethulia* urbis in Scripturis mentio, nec vel apud Josephum vel Philonem, qui de rebus Judaicis scripserunt, ullum vestigium occurrit liberationis ibi memoratæ. Author *Sapientie* fallò se regem in Israël fuisse asserit c. 9. 7. 8. ut pro Salomone habeatur, cum tamen c. 4. 2. alludat ad Certamina athletica nondum in usu apud Græcos Salomonis tempore; adde quòd Pythagoricam adstruit *μετεμψύχων* c. 8. 19. 20. & falsa narrat de origine Idolorum c. 14. 15. 16. *Syracides* c. 46. 20. Samueli tribuit quod factum est à Cacodæmone malis artibus evocato 1. Sam. 28. 11. falsa narrat de Elia corporaliter reversuro c. 48. 10. & hallucinationes suas in Prologo excusat.

V. In Additionibus *Estheræ* & *Danielis* tam multa sunt contradictoria & absurda, ut *Sixtus Senensis* eas planè rejiciat. *Baruch* dicit se anno quinto post excidium Hierosolymitanum librum suum legisse Jechoniæ & toti populo Babylone; cum tamen Jechonias esset in carcere, & Baruch cum Jechonia abductus fuisset in Ægyptum post eadem Godoliæ Jer. 43. 10. Aram Domini commemorat c. 1. 10. cum Templo diruto nulla esset. *Libri Maccabæorum* non semel inter se dissentiunt: confer 1. Maccab. c. 1. 16. cum c. 9. 5. 28. & 1. 1. c. 10. *αὐτοχρησία* Raziæ laudatur 2. Maccab. 14. 4. *Εὐελοθρησκεία* commendatur 1. 2. c. 12. 42. in Juda sacrificium pro mortuis præter Legem offerente; Author infantiam & infirmitatem suam excusat, & de laboris in confarcinando Centone suo ex quinque libris Jasonis Cyrenæi molestia queritur c. 2. 24. & 15. 39. Si quis de Libris istis plura desideret, consulat *Rainoldum*, *Chamierum*, *Molinaum*, *Spanhemium*, & alios qui fu-
lè & solidè hoc argumentum sunt executi.

VI. Alius est *Canon fidei*, Alius *Canon lectionis Ecclesiastica*: Non agitur hîc de Canone posteriori sensu; Nam certum est libros istos Apocryphos publicè etiam lectos aliquando fuisse in Ecclesia; sed *ad adificationem plebis tantum, non ad auctoritatem dogmatum confirmandam*, ut habet *Hiero. præfat. in li. Salomo.* sic *Legenda* quæ à legendo dicuntur, & quæ passiones Martyrum continebant, publicè in Ecclesia legebantur, licèt pro Canonicis non haberentur. Sed agitur hîc de Canone fidei.

VII. Vox *Canonis* apud Patres bifariam sumitur, vel *latè* vel *strictè*. Primo sensu complectitur Canonem non tantum fidei, sed & lectionis Ecclesiasticæ. Et hac ratione intelligendum est Concilium Carthaginense III. Ca-

no. 47. quum hos libros Canonicos vocat (si tamen Canon ille non est *πα-
ριστοι* & quia Bonifacii Papæ meminit, qui eo tempore Papa nondum fuit: *Quæst.*
unde *Sirius* Monachus Canonem hunc non Carthagenensi III. sed VII. vin- *IX.*
dicat To. I. Concil. p. 546.) non strictè & propriè de Canone fidei, sed latè
de Canone lectionis, ut expressè Synodus loquitur, quæ vult etiam legi *pas-
siones Martyrum*: & sic intelligendus etiam *August.* quum eos vocat *Canon-
icos*, facit enim duos ordines Canonicorum: Primum eorum qui ab omnibus
admittuntur Ecclesiis, & de quibus nunquam est dubitatum; Secundum eo-
rum qui à nonnullis tantùm sunt admissi, & qui solebant ex ambone legi; &
hos judicat non esse faciendos quanti priores, & longè imparem eorum esse
authoritatem lib. I I. *cont. Manich.* cap. 5. Apocryphi verò illi sunt scripta
adulterina, falsa & improba l. 5. de C. D. cap. 24. fabulas vocat Scriptura-
rum, quæ Apocryphæ dicuntur. Canon verò *strictè* sumitur pro eo quod ha-
bet divinam & infallibilem authoritatem ad probanda fidei dogmata: Et sic
Hiero. vocem Canonis sumit, quum eos excludit à Canone. Ita *August.* la-
tiùs accipit vocem *Canonici*, quàm *Hiero.* qui vocem *Apocryphi* latius acce-
pit quàm *Augustinus*, non modò pro apertè falsis & fabulosis libris, sed etiam
pro iis, qui licèt legerentur in Ecclesia, non adhibebantur ad probanda fidei
dogmata: Unde facilè conciliantur dicta Patrum istorum, quæ inter se hoc
in negotio arietare videntur. Sic *Caieta.* *Commen. in Esther.* sub finem dicta
Patrum explicat, ut *ad limam Hieronymi reducenda* dicat *tam verba Concilia-
rum, quàm Doctorum, ut libri isti non sint Canonici*, id est, *regulares ad fir-
mandam ea quæ sunt fidei, licèt possint dici Canonici*, id est, *regulares ad adi-
ficationem fidelium, utpote in Canone Biblico ad hoc recepti &c.* cum quo facit
Diony. Carthus. proem. in l. Tob.

VIII. Frustra Pontificii distinguunt inter Canonem Judæorum, & Ca-
nonem Christianorum: Nam licèt Canon noster prout totaliter sumitur
pro omnibus libris V. & N. T. in quibus consistit adæquatè, non ex æquo
admittatur à Judæis, qui N. T. rejiciunt: Tamen si sumatur partialiter ratio-
ne V. T. quo sensu de eo hîc loquimur; Certum est nostrum non differre à
Canone Judæorum, quia non alios admittebant in Canonem, iis quos re-
cipimus.

IX. Si apud Patres mentio fit nonnunquam Deutero-Canonicorum,
non intelliguntur illi qui verè & univocè sunt Canonici quoad fidem, sed
tantùm qui referebantur in Canonem Lectionis, propter multa pia & utilia
quæ facere possunt ad ædificationem.

X. Citatio loci alicujus non probat statim librum esse Canonicum; sic enim
Aratus, Menander, Epimenides citati Paulo Act. 17. 28. 1. Cor. 15. 33.
Tit. 1. 12. essent Canonici. 2. quæ allegantur ab Adversariis tanquam
citata ex Apocryphis, eadem in aliis libris Canonicis habentur, ex qui-

Quæst. IX. bus proinde Apostoli potius quàm ex Apocryphis citare illa potuerunt.

XI. Si conjunguntur cum Libris Canonicis, non sequitur eos esse paris authoritatis, sed tantùm utiles esse ad mores formandos, & historiam temporum cognoscendam, non verò ad fidem stabiliendam.

XII. Quamvis quidam ex Apocryphis meliores sint & castigatiores cæteris, & habeant varia ethica probi commatis, quæ usum suum habere possunt, ut liber Sapientiæ & Syracides; quia tamen alia habent non pauca falsa & absurda, meritò ex Canone fidei remouentur.

XIII. Licet quidam dubitarent de authentia nonnullorum librorum N. T. ut Epistolæ Jacobi, posterioris Petri, 2. & 3. Johan. & Apoc. qui postea ab Ecclesia pro Canonicis sunt habiti; Non sequitur idem fieri potuisse respectu librorum Apocryphorum: quia alia est ratio librorum V. & N. T. in hoc negotio. Nam Libri V. T. non per vices, temporis successu, & per partes Ecclesiæ Christianæ dati sunt: Sed uno & eodem tempore libros omnes ad illud pertinentes in uno Codice descriptos à Judæis accepit, postquam authoritatem indubitatam habuissent, ab ipso Christo & Apostolis confirmatam. Sed Libri N. T. per partes variis temporibus & locis editi fuerunt, & paulatim in unum Corpus collecti. Unde factum ut libri nonnulli posteriores, qui tardiùs in manus venerunt apud aliquas Ecclesias, in locis præsertim remotis, à nonnullis habiti fuerint dubii, donec paulatim authentia eorum innotuit. 2. Quamvis in quibusdam Ecclesiis sit contradictum nonnullis Epistolis & libro Apocal. semper tamen multò plures fuerunt qui receperunt quàm qui contradixerunt. Sed de libris Apocryphis non disceptatum fuit, quia semper ab Ecclesia Judaica sunt rejecti.

Q U Æ S T I O X.

DE PURITATE FONTIUM.

An Textus Originales V. & N. Test. puri & incorrupti ad nos pervenerint? Aff. contra Pontif.

I. **Q**uæstio hæc Nobis movetur à Pontificiis; qui puritatem Fontium ideo impugnant, ut Vulgatæ suæ Versioni authentiam faciliùs concilient, & ad Ecclesiæ Tribunal nos abducant.

II. *Textuum Originalium* nomine, non intelligimus ipsa *Autographa* manu Moïsis, Prophetarum & Apostolorum exarata, quæ desiderari hodie constat. Sed eorum *Apographa*, quæ eo nomine veniunt, quia exprimunt nobis Verbum illud Dei illis ipsis verbis quibus Scriptores sacri id consignarunt sub immediata inspiratione Spiritus Sancti.

III. Non quaeritur, An fontes ita sint puri, ut nulla menda in multos Co-
 dices sacros irreplerint, vel temporum injuriâ, vel librariorum incuriâ, aut
 malitiâ Judæorum aut Hæreticorum; Hoc enim utrinque est in confesso, &
Varia Lektionen, quas studiosè observarunt *Beza* & *R. Stephanus* in Græcis,
 & in Hebræis Judæi, satis hoc testantur. Sed, An Textus Originales sive
 Codices Hebræi & Græci, ita sint corrupti sive à librariis per incuriam, sive
 à Judæis & Hæreticis per malitiam, ut non possint amplius censeri Judex
 Controversiarum, & Norma ad quam omnes omnino Versiones sint exigen-
 da. Affirmant Pontificii; Nos negamus.

IV. Non omnes tamen Pontificii in ea sunt sententiâ: sunt enim non
 pauci quos *Hebraei* vocant, qui fontium puritatem agnoverunt, & ex
 professo etiam propugnarunt, ut *Sixtus Senensis* Bibli. S. l. 8. *Barnes* in 1.
 Thom. q. 1. artic. 8. *Andradus* Defens. Concil. Triden. lib. 4. *Driedol* lib.
 2. de Dogma. *Arias Montanus* in præfat. ad Bib. Heb. *Joh. Isaacus* contra
 Lindanum; *Jac. Bonfrerius* in Præloq. in Script. S. c. 12. §. 5. *Simeon de Muis*
 Epist. de veri. Heb. p. 17. & alii non pauci. Verùm alii ex opposito corrup-
 tionem fontium urgent acriter, ut *Stapletonus*, *Lindanus*, *Canus*, *Cottonus*,
Morinus, *Perronius*, *Gordonus*, & sim. Sunt qui mediam viam sequentes,
 nolunt quidem asserere corruptos esse fontes; interea non ea puritate & in-
 tegritate fluere asserunt, ut omnia in Versionibus ad eos examinari & emen-
 dari debeant; quæ sententia est *Bellarmini* lib. 2. de Verbo Dei c. 2. qui hac
 in parte parum sibi constare, ut non semel alibi,prehenditur.

V. Fontes non esse corruptos evincit 1. *Providentia Dei*, cui repugnat, *Fontes non*
 libros quos ad salutem hominum exarari voluit ab hominibus *ἡσυχασταί*, *esse corru-*
 quosque permanere voluit ad finem mundi ut ex iis aquæ salutares haurirentur, *propterea proba-*
 ita falsari sive ut ad hunc finem inepti essent. Et cum novæ revelatio- *tur à Dei*
 nes non sint expectandæ; postquam Deus totam voluntatem suam de doctri- *Providen-*
 na salutis libris Scripturæ consignavit; quid magis injurium Deo, qui se Ec- *tia.*
 clesiæ semper adfuturum promissit, quàm asserere passum esse, ut libri quibus
 hæc doctrina continetur, corrupti sint eatenus ut non possint esse Canon
 fidei? 2. *Ecclesia Christiana fidelitas*, & improbus in conservandis Co- *Ecclesia fi-*
 dicibus labor; cum enim magno studio semper Christiani in id incubue- *delitate.*
 rint, ut sacrum hoc depositum intemeratum servarent, credibile non est eos
 vel illud falsasse, vel falsari à quoquam permisisse. 3. *Judæorum religio*, *Judæorum*
 qui circa Codices sacros magnâ fide & diligentia ad superstitionem usque ver- *religione.*
 sati sunt; Hinc *Josephus* lib. 2. contr. *Appio*. post seculorum decursum, ne-
 minem ait ausum ex propriis Judæorum libris quicquam vel addere, vel de-
 mere, vel immutare, atque adeò innotatum ipsis esse pro Scriptura decorum
 mori. *Philo* libro de egressu filiorum Israël ab Ægypto citatus *Eusebio* li. 8.
 præpa. Evang. c. 2. ulterius progreditur, dum asserit usque ad sua tempora per

Q. VI. ^{X.} *spatium amplius quàm duorum millium annorum, ne verbum quidem fuisse in Lege Hebræorum mutatum, & quemlibet Judæum centies potius moriturum, quàm ut pateretur Legem in aliquo mutari.* Imò coulque ridiculè superstitioni deprehenduntur circa Codicem sacrum, ut si liber Legis emendatus in terram ceciderit indicant jejuniū, & metuendum dicant ne tota rerum universitas in pristinum Chaos revertatur; tantū abest ut fraudem facere sacro Codici sustineant. 4. *Masoretharum diligentia* non tantū circa versus & voces sed & singulas literas, quas unā cum omnibus variationibus punctuationis & scriptiōis, non solum in numerato habuere, sed & scripto consignavere, ne falsariis manibus, vel locus, vel suspicio saltem daretur; quod argumentum urget *Arias Montanus* præfat. in Bibl. 5. *Exemplarium multitudo*, cū enim longè lateque diffusi essent Codices sacri, quo tandem pacto potuerunt omnes corrumpi, vel Librariorum injuria, vel falsariorum malitiā? Aug. li. 15. de C. D. c. 12. *Absit ut prudens quispiam, vel Judæos cuiuslibet perversitatis atque malitia tantum potuisse credas, in codicibus tam multis, & tam longè lateque diffusis; quod Vives dicit opponi debere iis, qui falsatos & corruptos Hebræos V. T. Codices & Græcos Novi objiciunt, ne veritas sacrarum Librorum ex illis fontibus petatur.*

V I. 6. Si corrupti fuissent fontes, vel ante Christum id factum, vel post: sed neutrum dici potest. Non ante; quia Christus hoc non dissimulasset, qui varias doctrinæ depravationes arguit, nec libris corruptis uti sustinisset: An tam parum sollicitus fuit Dominus de salute suorum, ut falsatos esse Moysi & Prophetarum libros nec per se, nec per Apostolos verbo saltem admoneret, cū interea ex libris illis revincat Judæos, (quorsum autem, si corrupti erant & adulterati) & discipulos suos ad earum librorum lectionem & & scrutinium invitet & urgat? Non post; tum quia exemplaria inter Christianos distracta irritos reddidissent tales conatus, tum quia talis corruptionis nullum vestigium occurrit: Nam si tale quid contigisset, Cur loca quæ Christus & Apostoli citant ex Mose & Prophetis eodem modo hodie ac olim, & nullatenus depravata leguntur? Cur *Origenes* & *Hieronymus*, qui linguæ sanctæ peritiā excellebant ab hoc crimine Judæos tam disertè absolvunt? Igitur si nec ante nec potest Christum corruptio facta est, sequitur nunquam factam esse, quod argumentum persequitur *Bellarminus* lib. 2. de V. D. c. 2.

V II. 7. Judæi nec voluerunt nec potuerunt fontes corrumpere. *Noluisse*; præter Religionem eorum de qua diximus, probat *Textuum Sacrorum consideratio*: quia si quid corrumpere voluissent, utique Oracula quæ de Christo loquuntur, & fidem Christianam confirmant, depravassent; quis enim credat eos, si odio Christianorum hoc fecerunt, ut supponitur, ea loca falsasse ex quibus nihil adversus Christianos emolumentum capiunt; ea verò intacta prætermisisse in quibus tanquam palmariis Veritatis Evangelicæ fundamen-

tum Christiani constituunt? At res omnino ita se habet, quæcunque de Quæst. X.
 pravata dicuntur à Judæis, vel parum vel nihil obsunt Christianis; Et potissi-
 ma Oracula de Christo, integra supersunt, & multò clariora & *εμφανώ-
 neg* in Hebræo, quàm in Versionibus extant, ut *Hiero.* epist. 74. ad
 Marcellam; *Johannes Isaacus* adversus Lindanum, li. 2. *Andrad.* li. 2.
 defens. Conci. Triden. observant. Non potuisse etiam, licèt maximè voluis-
 sent; evincit non modò *Exemplarium multitudo*, sed & *Christianorum vi-
 gilantia*, quorum exemplaria Judæi ne cuncti quidem corrumpere potue-
 runt. Et *provisus Dei sapientia*, quæ si non patitur unum jota aut apicem
 perire ex Lege quin impleatur Matt. 5. 18. multò minùs siverit Corpus
 doctrinæ coelestis labefieri à Judæis, & tantum thesaurum nobis eripi; qu in
 potius, ut bene notat Bell. in *cum finem Judæos dispergere voluit per totum
 orbem terrarum, & circumferre libros Legis & Prophetarum ut inimici nostri
 Christianæ veritati testimonium præberent* li. 2. de V. D. c. 2. arg. 5. Hinc
 Augusti. Judæos vocat *Gentem scriptariam, bajulantem Legem & Prophe-
 tas, quomodo solent servi codices ferre, ut illi portando deficiant, & hi legen-
 do proficiant, nobis enim serviunt Judæi tanquam Capsarii, & Librarii,
 qui studentibus nobis Codices portant*, li. 22. cont. F. Manich. c. 23. in Cor-
 dibus hostes, in Codicibus testes, ut alibi loquitur.

VIII. Quamvis Exscriptorum incuriâ, vel temporum injuriâ variaz *Fontes*
 corruptelæ in Codices Hebræos irrepere potuerint, non desinunt tamen esse *Solutio-*
 Canon fidei & morum. Nam præterquam quòd sunt in rebus levioris mo- *num.*
 menti, & quæ fidem & mores non spectant, ut Bell. ipse fatetur lib. 2. de
 V. D. c. 2. quas propterea Scripturæ integritati officere negat; Non sunt
 universales in omnibus omnino Codicibus, vel tales quæ ex Scripturæ ipsius
 & variorum Codicum collatione facilè corrigi non possint.

IX. Odium Judæorum erga Christianos potuit quidem esse causa corru-
 ptionis Fontium remota; sed quæ ab alia causa superiore impediri potuit,
 nimir. Dei providentiâ, quæ non minùs prospexit Christianis de certa fidei
 regula, ac Judæis, ut ex indubitatis fundamentis Evangelium deduceretur,
 quod fieri non potuit, si corrumpi fontes permisisset.

X. Discrimen Versionis LXX. à Textu originali, non infert Textum
 esse corruptum, sed potius Versionem esse vitiatam; quod *Hiero.* suo tem-
 pore jam agnovit Præfat. in Deutero. & in Paralipo. & Epist. ad Suniam &
 Pretellam. *Bellarminus* de V. D. li. 2. c. 6. dicit ad eòd esse corruptam & vitiat-
 tam, ut omnino alia videatur, ita ut jam tutum non sit Hebræos vel Latinos
 Textus ex Græcis Codicibus emendare.

XI. Tantùm abest ut *Keri & Cethib*, quæ 848. vulgò numerantur,
 corrumpant Textum, ut varias potius ostendant lectiones variorum Ex-
 emplarium, per quas excluditur omnis Novatorum corruptio: Quò per-
 tinent

QUEST. X. tinent etiam *Chasir* & *Joiber*, qui defectus aut redundantias grammaticales indicant; Ex quibus Masoretharum patet superstitiosum quali Textus conservandi, non minimum depravandi studium.

XII. *Tikkun Sopherim* seu *Correctiones Scribarum*, quæ sunt tantum 18. non supponunt aliquid in Textu fuisse vitiatum; aliàs, vel Christus si ante ipsum factæ fuissent, vel Orthodoxi Patres si post Christum contigissent, sine censura non prætermisissent. Nec sunt necessariae correctiones, ut legenti patet, sed potius elegantes lectiones & non tam sensus quàm verborum mutationes, quæ factæ sunt, vel à Viris Synagogæ magnæ, quorum Esdras princeps fuit *העזרא*, qui post reditum ex Captivitate Babylonica, Exemplaria Librorum Sacrorum dissipata vel vitata in integrum restituit, & eo quem habemus ordine digessit; vel ab Authoribus ipsis, qui Rhetorum more per Epanorthosim quod dixerant in textu corrigunt; sed minùs esse necessarias res ipsa clamat, quia non delinit sensus integer esse, licet verba retineantur prout sonant. Vid. *Glass. Philol.* f. l. i. *Tract. 1. de Textus Hebr. puritate.*

XIII. Literarum quarundam similitudo, potest quidem facere, ut quidam Errores irreperint in varios Codices Exscriptorum negligentia, sed non ita universales fuerunt, quin corrigi potuerint ex aliis, maximè post Masoretharum diligentiam, qui non tantum dictiones omnes, sed & literas numerarunt quoties in textu occurrebant.

XIV. Tantum abest ut opus Masorethicum sit argumentum corruptionis fontium; ut contrà ad præcavendos errores sit institutum, ne vel unus apex in posterum possit mutari aut excidere.

Pf. 19. 5.
Rom.
10. 18.

XV. Licet Apostolus Rom. 10. 18. reddat per *ὁ λόγος* quod *Pf. 19. 5.* per *קו* expressum fuerat; Non sequitur corruptum esse textum Hebræum, & repositum *קו* *linea eorum*, pro *קול* *vox* vel *sonus eorum*. Nam *קו* non significat tantum lineam extensa seu perpendiculum, sed etiam *lineam scriptam*, seu literam quâ pueri elementarii informantur; qua voce usus est Isa. 8. 10. ut rudem infantiam populi Israëliti designaret, dum *præceptum post præceptum, lineam post lineam*, populum illum ait esse docendum instar puerorum. Sic *Plates Dies*, inquit, *diem docet, & nox alteri ostendit scientiam*. Huic autem voci non malè respondet *ὁ λόγος*, quæ non modò pro sono, sed & pro scriptura literæ sumitur, non aliter quàm diphtongum & vocalem scriptam dicimus. Deinde Paulus non allegat propriè hunc locum, sed tantum allusivè & anagogice accommodat ad prædicationem Evangelii ab Apostolis factam, ad sensum potius quàm ad verba respiciendo.

Isa. 9. 6.

XVI. Alia est *depravatio verborum*, Alia verò *interpretationis*. Judæi potuerunt corrumpere interpretationem loci Isa. 9. 6. ut verba ista *וְהוּא יְקַרְבֵּנוּ* *vocabit nomen eius*, referantur ad Patrem qui vocat, non

non ad Christum qui vocatur; sed non depravarunt ipsa verba, quia sive passivè, sive activè reddantur res eòdem redit, siquidem ex idiotismo linguæ hebraicæ, futurum activum sine supposito sæpe passivam habet significationem, ut habet *Ribera* in Mich. 2. 17. & ita verba tertiæ personæ impersonaliter accepta modò activè, modo passivè reddi possunt. Itaque non mutanda est lectio hebræa, & *vocabit nomen ejus*, sed explicanda; subaudiendo subiectum, non *Deus Pater*, quod Judæi suppleant, sed *unusquisque*, nimirum fidelium, vocabit nomen ejus scil. Christi, quod ut clariùs liqueret, redditum est passivè, *Vocabitur nomen ejus*. Sic Jerem. 23. 6. corruptela est in interpretatione non in verbis, quæ rectè redduntur; Vel in singulari *vocabit eum* uti sonant relatè ad nominativum præcedentem *Israël*, & *Juda*, ut LXX. vertunt; Vel in plurali *vocabunt*, ut vertunt *Pagninus*, *Vatablus*, *Arias Montanus* post Chaldæum, Syrum, Arabem & Vulgatam. Hieronymus in h. l. utramque lectionem habet *vocabit & vocabunt*; nec apud Veteres ullus est qui locum hunc depravatum dixerit.

XVII. Cùm Gen. 49. 10. per שִׁיחַ tria Targumin Onke. Hieroso. Gen. 49. & Jonath. & Kimchi intelligant *Messiam*, liquet Judæos locum hunc non corrupisse, ut probarent Messiam nondum venisse: adde quòd nomen שִׁיחַ, quod in *Talmude* Messia attribuitur *Codi. Sanhed. c. 11.* non minùs advertebatur Judæis & Christum indicat, quàm vox שִׁיחַ *missus*, quam ibi fuisse pertendunt; sive à שִׁי deducatur, quæ filium significat, sive à שִׁיחַ quæ pacificum esse innuit, sive quod LXX. sequuntur, & commodius videtur pro אֲשֶׁר לַיְיָ *cujus est regnum*, ut similis phrasis legitur apud Ezech. c. 21. 32.

XVIII. Locus Zach. 9. 9. non est corruptus, quando Messias dicitur *Zach. 9. 9.* futurus Rex justus & מֶלֶךְ צֶדֶק: vox enim ista vel passivè sumi potest, ut denotet Christum salvatum fuisse ut loquitur Apost. Heb. 5. 7. à morte, vel seipsum salvasse ut dicitur Is. 63. 3. vel per formam deponentis activè usurpatur, ut apud Hebræos non pauca reperiuntur, ut שָׁבַע *juravit* שָׁבַע *spoliavit*; & erit participium idem significans quod מִשְׁלֵם *Liberator, Servator*.

XIX. Licet Exod. 12. 40. Habitatio filiorum Israël in Ægypto fuisse dicatur annorum quadringintorum & triginta, quod non potest intelligi de mora in Ægypto, quæ fuit tantùm 215. annorum; sed de mora quam fecerunt tam in terra Canaan, quàm in Ægypto, ut explicant Samaritanus & Græcus contextus: Non propterea Codex Hebræus debet censerì corruptus, sed est locutio synecdochica, quæ meminit tantùm Ægypti, quia præcipuum fuit Israëlitarum exilium, denominatione facta à potiori.

XX. Psalmo 14. nulli versus sunt omisù, nam qui Rom. 3. 11. 12. & c. Ps. 14. citantur, non hinc petiti sunt ab Apostolo, sed ex pluribus Psalmis in unum Ro. 11. 12. contracti; ut ex Ps. 5. 11. 36. 140. & Is. 59. quod Hiero. docuit præfat. in 16. lib. Commen. in Isa.

Quæst. X. 1. Cor. 15. 47. non est corruptio in Textu Græco, sed in Vulgata Versione, quæ omisit nomen Κύριος, quo hic insignitur Christus, ut constet esse Dominum Jehovah, non nudum hominem, & sic antithesis primi & secundi Adami multò est fortior, *Primus homo de terra terrenus, sed secundus homo Dominus è cælo.*

Matth. 6. 13. XXII. Quamvis δόξαλογία, quæ habetur Matth. 6. 13. in clausula Orationis Dominicæ non extet apud Lucam c. 11. nec in variis exemplaribus: Non sequitur corruptum esse locum, quia Dominus potuit bis eandem precandi formulam proponere, primò in privata discipulorum institutione sine ea, deinde turbæ promiscuæ, ubi illam adjecit. Nec insolitum unum Evangelistam præterire quod alter exponit, cum omnia omnes perscribere non necessarium duxerint, ut Matth. 6. 33. habetur, *Quarite Regnum Dei & justitiam ejus.* At Luc. 6. 31. simpliciter habetur, *Quarite Regnum Dei.* Non ergo eradere, sed supplere oportet ex Matthæo, quod Lucas omisit, cum uterque sit θεόπνευστος; maximè cum ista pericope habeatur in omnibus græcis codicibus apud Matthæum, ut *Erasmus & Bellar. fatentur.*

Rom. 12. 11. XXIII. Quamvis in quibusdam Codicibus legatur Rom. 12. 11. καὶ ὡς δουλοὶ τοῦ χρόνου *servientes*, hoc non habetur in omnibus, imò *Franciscus Lucas* testatur se sex vidisse, in quibus esset Κυρίως. *Beza* asserit ita legi in probatissimis quibusque, & *Dom. à Soto* observat eam lectionem jam universim extare, tum Græcè tum Latinè.

1. Joh. 4. 3. XXIV. Certum est omnes Græcos Codices dissidere à Latinis 1. Joh. 4. 3. nam ubi Græci habent *omnis Spiritus qui non confitetur Jesum Christum in carne venisse*, Latini sic legunt, *omnis Spiritus qui solvit Jesum*: non sequitur corruptos esse fontes, quia lectio græca & augustior est, & longè fortior adversus Nestorium & Eutychem.

XXV. Aliud est *Corruptio*, Aliud *varia Lectio*. Varias lectiones plures dari tam in V. quam in N. T. fatemur, quæ ex variorum Codicum collatione oriuntur; sed corruptionem saltem universalem dari negamus.

XXVI. Aliud est loqui de *hæreticorum conatu* in corrumpeendis quibusdam Codicibus, quod faciliè concedimus, quò pertinent querelæ Patrum, ut de Marcione *Irena.* lib. 11. c. 29. & *Orige.* in Rom. 16. 13. & *Theodor.* de Tatiano lib. 1. hæres. Aliud verò de *successu*, seu de plenaria & universali corruptione, quam negamus, tum propter Providentiam Dei, quæ non passa est eos perficere quod intendebant, tum propter Patrum Orthodoxorum diligentiam, qui penes se Codices varios habentes, à corruptelis immunes eos præstiterunt.

QUÆSTIO XI.

DE EDITIONE AUTHENTICA.

An sola Editio Hebræa Vet. Test. & Græca Novi sit authentica? Aff. contra Pontificios.

I. **E**ditiones Scriptura, aliæ sunt *πρωτότυποι* seu *ἀρχέτυποι*, *originales & primaria* quibus primò usi sunt authores librorum; Aliæ verò *ἑκτυποι* vel *secundaria*, nim. Versiones quibus in alias linguas est derivata. Hebræam V. & Græcam N. T. esse originalem & primigeniam nemo negat: Sed, An Authentica sit utraque, quæ ex se fidem & auctoritatem mereatur, ad quam exigendæ sint Versiones omnes, id inter nos & Pontificios controvertitur.

II. Licet quidam ex Pontificiis æquiores sint fontibus, puritatem eorum asserendo, ut antea visum, & ex puritate authenticam illis adscribendo, ut Versiones omnes & Vulgata etiam ad eos revocari debeant, & ex iis corrigi possint; ut *Sixtus Senen. lib. 8. har. 2. Driedo. lib. 2. Andradius lib. 2. defens. Conc. Trid. & alii*. Plerique tamen illis sunt iniquiores, qui dicunt nullam esse contextus Hebræici certitudinem, nec in disputationibus fidei ad fontes esse provocandum, vel V. Versionem ex iis emendandam esse, ut *Stapleto. de princip. fid. doct. contro. 5. q. 3. a. 1. Canus lib. 2. c. 11. 13. Lindanus & alii*, qui corruptionem fontium tuentur. Hausta autem est hæc sententia ex Decreto Concilii Tridentini Sessi. 4. quo sancitur, ut *V. Versio Latina in publicis lectionibus, disputationibus, prædicationibus, & expositionibus pro authentica habeatur, ita ut nemo illam rejicere quovis prætextu audeat*. Licet verò non pauci ex Pontificiis quos hujus decreti pudet, alienum sensum ei affingere conentur, quasi nihil contra Textuum originalium authenticam Concilium decreverit, nec V. Versionem fontibus prætulit; sed solum ex Latinis Versionibus, quæ nunc circumferuntur, unam delegerit, quam cæteris anteponeret, ut ait *Bell. lib. 2. de V. D. c. 10. quæ sententia est Andradii, Salmeronis, Serarii, & aliorum*. Tamen hanc detorsionem esse Decreti Synodici meritò clamat *D. Bannes*, & ex ipsis decreti verbis facile colligitur. Nam si pro authentica haberi debet, ut nemo illam quovis prætextu rejicere audeat, nonne fontibus ipsis æquatur, imò & præfertur? nec enim si discedit à fontibus exigenda erit ad ipsos, sed ipsi potiùs ad eam. Unde *Mariana de V. V. p. 99. conqueritur post promulgationem Concilii Tridentini, Græca & Hebræa uno impetu concidisse*. Nostra verò sententia est, solam Editionem Hebræicam V. T. & Græcam N. semper fuisse & adhuc esse au-

*Sententia
Pontificio-
rum.*

Quæst. XI. thenticam, ad quam omnes de fide & Religione Controversiæ, omnesque Versiones probari & examinari debeant.

Authenticum scriptum quid sit?

III. *Authenticum Scriptum* illud est, cui ad fidem faciendam abunde omnia suppetunt, & cui plenissima fides in suo genere debetur, de quo certo constat quod & profectum sit ab eo authore, cujus nomen præ se fert, & quod omnia in eo scripta sint quomodo illa scribi ipse voluit. Duobus autem modis scriptum aliquod *authenticum* esse potest, vel *primario* & *originaliter*, vel *secundario* & *derivative*. *Primario* authenticum est id scriptum quod est *autographum*, cui sua per se fides constat, & cui ob seipsum planè creditur ac credi debet, quo pacto sunt authenticiæ tabulæ archetypæ Edictorum Regum, Decretorum Magistratum, Testamentorum, Contractuum, & quævis Authorum *Authographa*. *Secundario* authentica sunt omnia *Apographa* accuratè & fideliter ex archetypis descripta per idoneos homines, quales pro Edictis Principum, aliisque tabulis publicis, sunt duntaxat *Tabelliones* publicæ autoritate ad id destinati; pro libris autem & aliis scriptis quivis probi & diligentes scribæ & descriptores. *Primo* sensu sola *Autographa* Moïsis, Prophetarum, & Apostolorum sunt authentica: Sed posteriori *Apographa* fidelia & accurata sunt etiam authentica.

IV. Rursus, *Authoritas* cujusque Scripti authentici duplex est, altera in *rebus ipsis* de quibus id agit fundatur, & homines spectat ad quos id scriptum dirigitur: Altera circa *sermonem* ipsum & *scripturam* versatur, & ad congenita exemplaria, & translationes inde factas refertur; inque ea omnia jus tale obtinet, ut hæc ad scriptum authenticum examinari debeant, & sicubi ab eo variant corrigi & emendari. Prior illa autoritas potest esse vel major vel minor, prout est ejus autoritas à quo scriptum id de quo quaeritur profectum est, & prout is vel majus vel minus imperium obtinet in homines, ad quos scriptum suum dirigit: In sacris autem Scripturis est ea longè maxima, qualis in nullo alio scripto esse potest, cum Deo, pro summo illo imperio quod in homines, ut in alia omnia obtinet, & pro summa illa veritate & sapientia quæ in ipso eminent, simpliciter credere debeamus, & parere in omnibus quæ sacratissimum ejus Verbum Scripturâ authenticâ comprehensum aut credenda aut facienda proponit. Sed posterior in eo consistit, ut autographa, nec non accurata & fidelia apographa sint norma aliorum omnium ejusdem scripti exemplarium, ut & ejus Translationum; in quibus, si aliquid à scriptis authenticis sive ea sint autographa sive apographa, dissonum reperitur, id authentici nomine indignum est, pro spurio & adulterino rejiciendum, nec ulla alia ratione ad exercendam illam censuram opus est præter ipsum dissensum. De priori autoritate actum fuit antea Quæst. IV. quum de Scripturæ Divinitate disputavimus, nunc de altera disputamus, quæ in Editione authentica deprehenditur.

V. Denique *Authentia* bifariam spectatur, vel *materialiter* quoad *res enunciatas*, vel *formaliter* quoad *verba & modum enunciandi*. Non quaritur hic de *authentia* priori sensu, hanc enim *Versionibus* non denegamus, quando cum *fontibus* consentiunt, sed tantum posteriori, quæ solis *fontibus* competit.

Quæst.
XI.

VI. Rationes sunt, 1. Quia soli fontes sunt *Ἰερωὶ & σοι*, tam quoad *res* quam quoad *verba*, 2. Tim. 3. 16. unde soli possunt esse *authentici*. Nam si quid *Viri Dei* scripserunt, id fecerunt acti à *Spiritu Sancto* 2. Pet. 1. 21. qui *ipsis* ne errarent, non modò *res* sed *ipsa etiam verba* dictavit, quod de nulla *Versione* dici potest. 2. Quia sunt *norma & regula* ad quam *Versiones* omnes sunt examinandæ, ut *ἐκ τούτων* debet referri ad *ἀρχέτυπον* & rivus ex fonte discerni. Quò pertinet *Gratiani Canon* ex *Augustino Dist. 19. Ut Veterum librorum fides de Hebrais Voluminibus examinanda; Ita Novorum veritas Græci sermonis normam desiderat*. Multus est in hac re *Hieron.* ut *Hebraici textus* *authoritatem* teneatur, tanquam *fontis* ad quem *rivuli* omnes *Versionum* referri debeant & emendari, vide ep. 102. ad *Marcellam*, & ad *Vitalem*, & ad *Suniam & Fretellam*. 3. Quia *Editiones* istæ ab ipsa origine *authenticæ* fuerunt, & pro talibus ab *Ecclesia Judaica & Christiana* semper habitæ, multis post *Christum* seculis: nec ulla dari potest ratio propter quam *authenticæ* nunc esse desierint: Nam quæ à corruptione petitur, præterquam quòd supponit quod est in quæstione, antea à nobis confutata est.

Elitio Hebraea V. T. & Græca N. sola est authentica.

VII. 4. Quia si *Editio Hebræa V. & Græca N. T.* non est *authentica*, nulla erit *editio authentica*; nulla quippe præter istas habuit *αὐθεντίας* suæ *divinum testimonium*. Sic nullum esset *Dei Verbum authenticum* in *Ecclesia*, nullus esset *contentionum finis*, quia nulla esset certa *regula fidei & morum* in qua omnino sit *acquiescendum*; & *Scriptura* instar *nasi cerei*, vel *regulæ lesbicæ* posset in utramque partem pro arbitrio flecti. 5. Quia *Adversarii ipsi* fatentur in certis casibus ad *fontes* fas esse recurrere. *Beitar. lib. 2. de V. D. c. 11. 1. Cum in Latinis Codicibus error aliquis esse videtur Librario- rum. 2. Quum varias habent lectiones, ut quæ vera sit certo statui nequeat. 3. Quando habent aliquid anceps sive in verbis, sive in rebus. 4. Quando ἐσπευγία & proprietas vocabulorum non videtur satis expressa.* Quod fieri utique non posset nisi *fontes authentici* essent. *Arias Montanus* præfat. in *Bibl.* variis rationibus ostendit *errores Versionum* non posse emendari nisi ex *primariæ linguæ veritate*. *Vives* in lib. 14. Aug. de C. D. c. 8. hoc tanquam certum & indubitatum ponit ad *fontes* esse recurrendum. Idem sentiunt *Salmero, Bonfrerius, Masius, Muisius, Jansenius* cum familia sua, alique qui subinde ad *fontes* provocant.

VIII. *Varia Lectiones* quæ occurrunt in *Scriptura*, *authenticam* ejus non evertunt, quia facile deprehenduntur & dijudicantur, partim ex *cohærentia Textus*, partim ex *collatione meliorum Codicum*, nonnullæ

Fontes
Solutio-
num.

QUEST. nullæ etiam tales sunt, ut licet diversæ, non malè tamen eidem Textui
 XI. convenient.

IX. Licet ex Hebræis & Græcis fontibus variæ contentiones oriantur, non sequitur non posse esse authenticos; quia aliàs nulla omnino editio Bibliorum authentica foret ad quam recurrendum esset; nulla enim est lingua quæ non præbeat multam contentiosis rixandi materiam. Deinde, quia hoc non fit fontium vitio, sed eorum qui fontibus abutuntur, vel non intelligendo vel torquendo verba ad sua placita, iisque pertinaciter inhærendo.

X. Fallò Editio Hebræa Vet. & Græca N. T. dicitur mutila: Nec quæ ab Adversariis afferuntur testimonia hoc evincere possunt. Non historia adulteræ Joh. 8. licet enim desit in Syriaca Versione, reperitur in omnibus Græcis Codicibus. Non dictum 1. Joh. 5. 7. quamvis enim quidam in dubium olim vocarint, & vocent hodie hæretici, habent tamen omnia Exemplaria Græca, ut *Sixtus Senensis* agnoscit, *verba indubitata semper veritatis fuerunt, & in omnibus Græcis exemplaribus ab ipsis Apostolorum temporibus lecta.* Non Marci 16. caput, quod potuit in variis exemplaribus desiderari tempore Hieronymi, ut ipse fatetur; sed nunc in omnibus habetur etiam in Syriaca Versione, & est planè necessarium ad pertexendam historiam resurrectionis Christi.

XI. Frustra Adversarii, ut Editionis Hebræicæ *authenticam* labefactent, ad *punctorum novitatem* confugiunt, quasi punctatio fuerit tantum humanum inventum à Masorethis excogitatum, quod humanam proinde nitatur autoritate non divinam & infallibili, quodque pro libitu sine periculo mutari possit, atque ita sensum Textus incertum & ambiguum semper relinquat. Varia enim reponi possunt. 1. *Bellarminus* pro nobis hæc respondebit lib. 2. de V. D. c. 2. *Errores qui ex punctorum additione acciderunt, nihil officere veritati, quia puncta extrinsecus sint addita, nec Textum mutant.* 2. Positâ hac hypothese, corrumpit certitudo non modò Textus originalis, sed & Vulgatæ Versionis, quæ ex illo fonte deducta est, nisi probetur eum qui primus fuit Versionis illius author, sive Hieronymus, sive alius fuerit, à Spiritu S. immediatè accepisse vocalium necessariorum revelationem, quam alioqui à Judæorum traditione accepisse certum crit; quæ si incerta fuerit, nutabit omnis sacri Textus autoritas.

XII. 3. Licet puncta de novo addita essent, ut pertendunt illi qui à Masorethis Tiberiensibus illorum originem arcessunt; non sequeretur punctationem esse inventum merè humanum, quod ab humano tantum penderet arbitrio; quod sanè si statueretur non parum Codicis Hebræici authenticam labefactaret: Quia Punctatio, ex mente saltem plerorumque qui in ea sunt sententia, non supponitur facta pro libitu Rabbiorum, sed juxta analogiam Scripturæ, genium Linguae Sanctæ, & sensum inter Judæos longo usu receptum; Quippe licet Puncta non fuerint juxta illam hypothesim

sim à principio quoad *figuram*, negari non potest fuisse semper quoad *sonum* & *valorem*, seu *potestatem*: aliàs cùm vocales sint animæ consonantium, ambiguisselet semper, imò nullus planè exurgeret verborum sensus, nisi essent illæ coævæ consonantibus: Quod *Prideauxius* Lectione 12. de Punctorum antiquitate bene observat, *Quoad sonum*, ait, & *valorem*, nullus negaverit ab origine fuisse puncta & accentus, sed tantum quoad signa & characteres. Et paulò post, *Vocales fuerunt coævæ consonantibus quoad vim substratam & sonos*, tamen si apices & figura de quibus agitur, lucem tunc temporis nondum aspexissent, Imò vix dubitari potest, vocales, si non eadem figurâ quâ nunc pinguntur, notulis tamen quibusdam vice punctorum designatas esse, v. g. per literas וֹן, ut quidam censent, quæ propterea *matres lectionis* dicuntur, ut certus & constans posset haberi Spiritus S. sensus; qui aliàs à mera Traditione, & hominum institutione ac memoria pendens, facilè potuisset oblivioni tradi, & adulterari; quæ sententia est Doctissimi *Waltoni* Proleg. 7. ad Bibl. Polyglotta: *Ex usu*, inquit, & *Majorum Traditione operitrium literarum וֹן quæ matres lectionis vocantur, & ante punctorum inventionem loco vocalium erant, vera lectio & pronuntiatio conservata fuit.*

XIII. 4. Gratis supponunt Adversarii quod probandum fuit, Puncta recens & humanum esse inventum, cujus contrarium magno consensu Judæi hætenus, præter unum Eliam Levitam, qui ante annos centum vixit, asseruerunt, quos hîc sequuntur complures Viri Celeberrimi tam Grammatici, quàm Theologi, Protestantes & Pontificii, *Junius, Illyricus, Reuchlinus, Munsterus, Cevalerius, Pagninus, M. Marinus, Polanus, Deodatus, Broughtonus, Muisius, Tailorius, Bootius, Ligtfootius*, maxima pars recentium Theologorum, & qui omne punctum videntur hîc tulisse *Buxtorfsii* pater & filius, Ille in sua *Tiberiade*, Iste in solidissimo opere quod opposuit *Arcano Punctuationis Revelato*. Nec difficile esset variis argumentis hanc sententiam confirmare, si id nunc ageremus: Sed cùm quæstio ista magis videatur Grammatica, quàm Theologica, nostram litem eam nolumus facere: Verbo notasse sufficiat, veriore & tutiorem nobis semper visam, ad Textus originalis auctoritatem adversus quævis profanorum & hæreticorum cavilla sartam tectamque conservandam, ad certum immotumque fidei principium constituendum, illam quæ Puncta originis esse divinæ statuit, sive ea ad Mosem sive ad Eldram Synagogæ magnæ Principem referantur; atque adeò perperam Adversarios ex novitate Punctorum Codicis Hebræici auctoritatem impugnare velle.

QUÆSTIO XII.

An Textus Hebraicus hodiernus tam circa res quàm circa verba ita sit authenticus & ἰερόπνευστος, ut ad ejus normam universæ quæ extant Versiones sint exigendæ, & sicubi deflectunt revocandæ sint? An verò liceat lectionem quam suppeditat, si minus commoda judicetur, deferere, & eam vel ex Veterum Interpretum collatione, vel quandoque ex proprio judicio, & facultate σοφιστικῇ corrigere, & aliam commodiorem sequi? Affirm. Prius, Neg. Posterius.

I. **U**T Textus Sacri αὐθεντία primum est fidei fundamentum; nihil antiquius piis omnibus esse debet, quàm ut illibata conservetur, adversus eorum molimina, qui eam vel penitus convellere, vel quocunque modo labefactare conantur. In eum finem præcedens jam instituta fuit Controversia adversus Pontificios; Eò etiam spectat Quæstio proposita, in qua ad examen revocatur R. & D. Viri Ludovici Cappelli sententia, qui ut novitatem Punctorum, tanquam recens Masoretharum inventum, ab humana proinde industria & labore profectum, acerrimè propugnandam suscepit in *Arcano Punctuationis Revelato*; Ita in *Critica sua sacra* magno studio probare intendit; Nos ad hodiernam Lectionem Textus Hebraici nequaquam ita teneri, quin licitum sit sæpe ab ea discedere, quoties vel ex Veterum Interpretum collatione, vel ex rectæ rationis vi, vel proprio judicio, & conjectandi facultate lectionem aliam meliorem & convenientiorem deprehendere possumus, ut fusè hoc persequitur lib. 6. cap. 4. 5. &c. Quod eo animo non facimus, quasi quicquam propterea detractum velimus famæ Viri de Ecclesia Dei aliàs bene meriti, sed tantùm ut sententiam hætenus in Ecclesiis nostris constanter receptam de intemerata Textus sacri αὐθεντία confirmemus adversus eos, qui νεύρας istas δόξας & novitias hypotheses adoptare adhuc hodie sustinent, vel de illis tanquam de re levicula, & quæ vel nullius vel admodum exigui sit ad fidem momenti, loquuntur.

II. Ejus sententia eò redit. 1. Quia puncta sunt humanum inventum, posse ea, necessitate ita postulante, immutari & alia substitui, quando sensus quem fundunt vel falsus est vel absurdus. 2. non modò liberum esse lectionem mutare

are quoad punctationem, sed etiam quoad ipsam scriptionem; majorem tamen libertatem esse circa illam quàm circa istam, quia illam Masorethæ sæpe pro suo arbitrio & ex privato judicio fecerunt, ad quod nos non debemus esse adstricti. 3. Si ex Veterum Interpretum, sive Græcorum sive Chaldaeorum, sive Latinorum collatione ostendi potest sensum Versionum, vel æquè bonum & commodum, vel veriore & convenientiore quàm nostri Codicis Hebræi, licere lectionem hodiernam immutare, & aliam sequi ac substituere. 4. Nec modò ex Interpretum collatione, hoc fieri posse: sed etiam si ostendere possumus vitium in lectione hodierna subesse; & sensum vel nullum, vel absurdum & falsum esse, atque adeò vel ex rectæ rationis vi, & naturali ratiocinandi & argumentandi facultate, vel etiam ex conjecturis divinando meliorem, planiorem & aptiorem sensum invenire possumus per aliam commodiorem lectionem; tum licere in his casibus lectionem hodiernam configere, & aliam ei præferre. Hanc autem ejus esse mentem ex variis locis patere potest, & ex hoc imprimis *Crisi.* lib. 6. c. 5. parag. 9. *Ex his liquet, quod si qua lectio discrepat ab hodierno Textu Hebræo, etiam quoad consonas, si-
ve literas, adeoque & quoad voces & periodos integras, sensum parit com-
modiorem, illam esse magis genuinam, sinceram atque germanam, ubicun-
que tandem illa invenitur, sive apud LXX. sive apud Chaldaeos Paraphra-
stas, vel Aquilam, Symmachum, Theodosium, vel S. Hieronymum V. Ver-
sionis auctorem, ac proinde magis esse sequendam & amplectendam hodiernam
Masorethica; quod confirmat alibi sæpius.*

III. Ut verò hanc sententiam confirmet, aliam hypothesim adducit, nimirum Codices Hebræos quibus usi sunt LXX. & alii Interpretes, diversos fuisse à Codice hodierno, quem per contemptum Codicem Masorethicum & Judaicum vocat, & discrepantias Versionum Veterum ab hodierno Codice Hebræico totidem esse varias Lectiones Textus Hebræici, exceptis fortè illis quæ ab hallucinatione ipsorum Interpretum oriuntur, qui vocum Hebræicarum significationem, vel non ceperunt vel non satis ad eas attenderunt. Unde negat Biblia nostra Hebræica hodiernam totum constituere fontem, sed pro unico exemplari tantum esse habenda; & verum ac genuinum Textum originale authenticum, ex omnium demum Versionum Veterum collatione constituendum & formandum esse. Atque ideo distinguit inter *Codicem Hebraum in se, & Codicem hodiernum Masorethicum*. Istum haberi in omnibus exemplaribus quæ hodie habentur, sive inter Judæos sive inter Christianos; Illum verò demum posse colligi ex collatione Textus hodierni & Versionum Veterum. Quas in casibus positis non modò æquiparat Codici hodierno, sed & non obscure præfert, dum sensum quem illa fundunt, ut commodiorem & veriore sequendum esse præ alio quem reddit Codex hodiernus passim statuit, ut suprà visum. *Nec modò, inquit Apol. contra Bootium p. 54.*

Quæst.
XII.

si meliorem, verum etiam si tam bonum & commodum sensum fundit Lectio τῶν LXX. quam hodierna, tam haberi debet illius ratio, quam istius, quia illa antiquior est istâ, atque in pari bonitate lectionis & sensus, potior habetur ratio Codicis antiquioris. Et Paulò post, Authoritas Codicis τῶν LXX. aliqua est supra hodiernum, non modo iis in locis ubi ejus lectio sensum parit convenientiorem, sed etiam ubi tam bonum & commodum fundit, & quidem propter illius antiquitatem. Idem dici potest & debet de omnibus Codicibus Veterum Interpretum.

IV. Sed longè alia est recepta & communis in Ecclesiis nostris sententia; Non alium scilicet agnoscendum esse Codicem præter Hebraicum hodiernum pro Authentico, ad quem ceu Lydium lapidem Versiones omnes tam veteres quàm recentiores exigendæ sint, & sicubi ab eo desleant corrigendæ sint; non verò ex illis ipsum esse emendandum. Quamvis verò Codices varios inter se conferri posse ac debere censeant, ut varix lectiones, quæ descriptorum vel librariorum incuriâ oriri potuerunt discernantur, & menda quæ in his vel illis Codicibus occurrunt corrigantur; Nec diffiteantur fructum non exiguum percipi posse ad veri sensus indagationem, ex Veterum Versionum collatione: Negant tamen eas unquam æquiparandas esse, multò minùs præferendas Textui originali, ut liceat sensum quem illæ fundunt, & qui commodior nobis videtur amplecti, & alium qui ex lectione Textus hodierni fluit rejicere.

V. Hanc fuisse semper inde ab initio omnium Protestantium mentem res est luce meridiana clarior; & Controversia quæ cum Pontificiis ipsi intercedit de Editione Authentica de qua superius actum, satis hoc evincit. Ne diffiteri potest V. D. cum quo agimus, qui in ipso *Critica* Initio lib. 1. c. 1. *Primi quique ac Veteres Protestantes dixerunt omnia examinari & emendari debere ad Hebraicum Textum, quem purissimum fontem appellant. Quod Sixtinus Amama in laudatissimo Opere Antibarb. Biblici lib. 1. c. 3. confirmat, postquam propriam sententiam super hac re proposuit, Concludimus, inquit, ad eum scil. Textum Hebraicum, examinandas esse omnes quæ veteres, quæ recentes, nullâ exceptâ, Versiones, &c. cum etiamnum esse normam, regulam & Canonem omnium Versionum, &c. 4. Proinde nulla Versio, qualiscunque ea sit Textui Hebraico æquari, nedum præferri potest. Ita Protestantes de omnibus Versionibus veteribus & recentibus sentiunt omnes.*

Status

Quæstio-
nis.

VI. Ex quibus facillè colligitur Status istius quæstionis. Non quæritur enim; An liceat Versiones inter se, & cum Originali conferre ad veri sensus investigationem. Sed; An liceat ipsi vel æquiparare vel præferre lectionem quæ ex illis oritur, & quæ commodior videtur, substituendo in locum lectionis hodiernæ, quum ea nostro judicio, vel nullum, vel falsum & absurdum sensum reddit. Non quæritur; An discrepantiæ sint varix inter Textum hodiernum

diernum, & Versiones veteres; Sed, An illæ discrepantiæ habendæ sint pro Quæst. XII.
 totidem variis lectionibus Codicis Hebræici, ita ut lectio authentica non alia
 agnoscenda sit, quàm quæ exurgit ex collatione Textus hodierni, & Vete-
 rum Versionum. Denique non quæritur; An in examine & collatione Co-
 dicum inter se, tum manuseriptorum tum impressorum, possimus uti iudicio
 nostro, & ratiocinandi facultate ad discernendos probatiores, & ad dijudican-
 dum utra lectio sit melior & convenientior; Sed an liceat conjecturas criticas
 facere in Textu sacro, non minùs ac in authoribus prophanis ad mutationem
 literarum & punctorum imò & vocum integrarum, quando sensus nobis non
 videtur commodus ex lectione hodierna; quod V. D. pertendit; Nos negamus.

VII. Rationes sunt, 1. Quia ex hac hypothefi sequitur nullum dari Tex-
 tum authenticum, in quo fides omnino acquiescere possit; Nam vel esset Co-
 dex hodiernus hebræicus: sed ex ista sententia locum tenet tantùm unius
 Exemplaris, & illa demum lectio haberi potest pro authentico fonte He-
 bræo, ubi nullus est inter Interpretes dissensus à Codice hodierno, ut ait
 V. D. Apolo. cont. Bootium pag. 17. Non Codices alii quibus usi sunt ve-
 teres Interpretes; Nam præterquam quòd gratis fingitur eos diversos fuisse à
 Codice hodierno, quod est ejus $\pi\rho\omega\tau\epsilon\nu\ \psi\epsilon\upsilon\delta\omicron$, ut postea probabitur; licet
 hoc illi daretur, non possent tamen nunc fidem facere, quia desiderantur,
 nec ampliùs extant uspiam, nisi in ista Versione, quæ cùm sit humana & falli-
 bilis, non potest Codicem authenticum reddere. Deinde quis fidem facere po-
 terit, 70. fidelissimè secutos fuisse suum Textum Hebræum, & Textum Græ-
 cum, cum qui hodie legitur, ipsissimum esse cum eo quem LXX. exararunt?

VIII. 2. Si discrepantiæ omnes Versionum veterum à Textu hodierno
 essent totidem variæ lectiones Codicum hebræorum diversorum à nostro
 quibus usi sunt Interpretes; Cur talium Codicum nulla remansit memoria
 apud Veteres, & nulla sunt vestigia apud Hebræos, qui à multis jam seculis
 tam diligentes fuerunt in minimis etiam varietatibus observandis & colli-
 gendis, uti docent discrepantes lectiones Ben Ascher & Ben Nephtali, O-
 rientalium & Occidentalium? Quis enim credat has varietates quæ minoris
 sunt momenti remansisse, & illas quæ ex V. Interpretibus hodie obser-
 vantur, ita plane intercidisse ut nulla eorum super sit memoria? ut enim
 plura fuerunt exemplaria, mirum est nulla ad nos usque pervenisse. 2. Suppo-
 nitur gratis nullas esse discrepantiarum istarum causas præter diversitatem
 Codicum; cùm aliæ plures longè certiores occurrant; quemadmodum in ho-
 diernis Versionibus malè quis colligeret Interpretes usos fuisse diversis Co-
 dicibus, quia diversitates innumeræ translationum occurrunt, cùm nullus
 præter Codicem hodiernum extet ex quo factæ sunt. Nam quis nescit eos sæ-
 pius ad sensum potiùs quàm ad verba attendere potuisse, ut Hieron. non se-
 mel ait de LXX. Interpretibus? Deinde aliquando discrepantia potuit oriri

Quæst. XII. ab eorum imperitia vel negligentia, quia non satis attenderunt ad verba, unde sæpius aberrare potuerunt in literis & vocibus similibus, etiam sine vario codice; ut *Hiero.* hoc non semel in illis carpit. 3. Nimiam licentiam potuerunt etiam sumere, ut licet aliter legerent in suo codice, aliter tamen nimis audacter redderent, quod non satis sensum & coherentiam Textus Hebraici assequerentur, & cum levi mutatione sensum quem existimabant commodius fluere sequi mallerent. 4. Constat Versiones varias veteres non amplius tales esse quales primitus adornatæ fuerant, sed mirum in modum corruptas & immutatas, ut certum est præsertim de LXX. & Vulgatâ. 5. Exscriptorum oscitantia, vel imperitia fieri potuit, ut multæ corruptelæ in Versiones irreperant, quæ non ideo à varietate Codicum ortæ sunt.

IX. 3. Sic Versiones Veteres æquiparantur Textui originali; Nam si in omnibus discrepantiis, nihilo magis V. Interpretes ad Textum sunt examinandi, quàm hic ad illos, sed utrique ad communem Canonem commodioris sensus sint exigendi, ut illa lectio vincat; quam major sensus convenientia commendaverit, sive illa in Textu Hebræo, sive in quocunque istorum Interpretum inveniatur; Nulla Textui Hebraico supra V. Interpretes auctoritas relinquitur, nisi quæ à majore sensus commoditate petitur, imò sæpe infra Translationes deprimitur, dum lectio ejus aliis postponitur.

X. 4. Si non adstricti sumus ad lectionem hodiernam Textus Hebraici, sed vera lectio authentica petenda est partim ex collatione veterum Versionum, partim ex nostro met judicio & facultate *σοφισμῶν*, ut nullus alius Canon lectionis authenticæ sit, quàm commodior sensus qui nobis ita videtur; Constitutio lectionis authenticæ erit humani arbitrii, & rationis opus, non Spiritus S. Ratio humana in arce collocabitur, & pro normâ & principio fidei cum Socinianis erit habenda.

X. 5. Si Conjecturas licet facere in Textu sacro, etiam quum Codices hebræi cum Versionibus consentiunt, ut V. D. ait Criti. lib. 6. cap. 8. parag. 17. nulla amplius poterit esse certitudo *αὐθεντίας* Textus sacri, sed dubia omnia & incerta reddentur, & privati cujusque Conjectoris arbitrio Textus sacer subjicietur; quod annon sit omni auctoritate eum exuere quivis cordatus facile agnoscit. Nec reponi debet, Conjecturas non esse admittendas nisi certis rationibus & argumentis nitantur, & demonstrantur: quum lectio recepta sensum fundit vel falsum & absurdum, vel dubium & perturbatum. Nam nemo erit qui rationes Conjecturarum suarum non putet se reddere posse, & qui lectionem quam configere satagit falsitatis & absurditatis non insinulet. Quis verò Judex poterit esse istarum conjecturarum, an rectè & verè sint factæ? At sine Judice perpetuæ lites & contentiones inter Interpretes erunt, dum quisque pro suis pugnabit, nec alias suis præferri patietur. Nec si conjecturæ locum possunt habere in examine variorum Codicum,

dicum, ut expendatur quænam lectio melior sit & convenientior, continuo admittendæ erunt aliæ, quæ proprio iudicio, nullius autem Codicis probati autoritate nitantur, quarum nullus usus esse potest, sed maximum periculum & certa Scripturarum pernicies ex magna & audaci ingenii humani præsumptione. Neque hic exemplum Authorum profanorum, circa quos Critica potest liberè & sine periculo exerceri, valere debet. Quasi eadem sit ratio Criticæ sacræ & profanæ, & maximum non sit discrimen inter scripta humana & errori obnoxia, & divinum & ἁγίον & ἁγίον cuius sacrosancta debet esse majestas, quod tanta veneratione fuit exceptum, tanta cura conservatum, tanto consensu approbatum, ut veritatis authenticæ, & fontis elogium meruerit; Quid verò fiet de Codice hoc sacro, si cuivis æquè in illum liceat censorium stylum stringere & Criticam exercere, ac in quosvis libros profanos?

XI. 6. Si nulla datur prærogativa Codicis hodierni Hebræici supra veteres Interpretes, ut non major sit habenda ratio illius quàm istorum; imò istorum lectio præferenda sit non rarò lectioni hodiernæ, quando commodiorem sensum fundere videtur: Perperam Protestantes contra Pontificios hætenus pugnarunt, ut Textus Hebræici hodierni solius authenticam, supra Versiones quascunque sive veteres, sive recentiores assererent, nec poterit amplius urgeri adversus ipsos, Versiones omnes & præsertim Vulgatam adeum exigendas esse, & ex eo corrigendas, cum toties Versiones non modò illi æquiparentur, sed & præferantur.

XII. Aliud est *varia lectio*, Aliud *varians interpretatio*. Interpretes potuerunt varias interpretationes dare; ast non sequitur eas ex variis variorum Codicum lectionibus esse profectas, sed aliis ex causis suprâ memoratis. Fontes
Solutio-
num.

XIII. Non necesse est ut Scribæ fuerint ἀναμάχητοι, si non dantur varii Codices Hebræi; sed sufficit Providentiam ita invigilasse integritati Codicis authenticæ, ut licet varios errores vel imperitâ vel oscitantia potuerint in Textum sacrum inducere, non induxerint tamen, vel non induxerint in omnia omnino exemplaria, vel ea ratione, ut nullo modo restitui & corrigi possint ex collatione variorum Codicum & ipsius Scripturæ.

XIV. Licet bene dicamus Scripturam incertam reddi per diversas varias lectiones ex variis Interpretibus, non nisi per conjecturam erutas; Non statim incerta reddetur ex diversis interpretationibus, quia Interpretes illi diversimodè ex uno & eodem Textu sunt interpretati. Nam sic sensus quidem redditur dubius & incertus, sed non lectio verborum & phrasium; sed difficillimum est positis tot variis & incertis lectionibus & conjecturis, certitudinem illis tueri; quia hic gemina inducitur incertitudo & lectionis & sensus; Illic fundamentum certum positum est, ad quod Interpretes dissentientes adstringuntur; sed hic nullum certum

Quæst. fundamentum positum est, sed à judicii humani arbitrio & decisione omnia
XII. suspenduntur.

XV. Ut adstricti simus Codici hodierno, non opus est, ut repræsentet nobis ipsum Mosis & Prophetarum *αὐτὸ γράφειν* sine ullo vel minimo discrimine: Nam ad tuendam exactam exemplarium cum archetypis conformitatem sufficit, ut eadem sint utrobique voces sine quibus sensus non constat, & cum vocibus quoque literarum sine quibus non constant voces, neque scribi aut exarari possunt, licet quædam discrepantiæ possint in minutis aliis & apiculis occurrere.

XVI. Quamvis sæpius profiteatur V. D. Versiones omnes ex Textu Hebraico authentico judicandas esse & corrigendas, ipsumque quibuslibet translationibus esse præferendum; Non continuò liberari potest à culpa quæ illi impingitur, quòd Versiones Veteres Textui originali æquiparet, imò & quandoque præferat: Quia per Textum Hebræicum non intelligit Textum originale hodiernum, qui omnium manibus teritur tam Judæorum quàm Christianorum, sed Textum Hebræum in genere, quem vult colligere tum ex Codice hodierno, tum ex Codicibus veteribus quibus supponit Interpretes usos fuisse, quod, ut antea dictum, sine ullo solido fundamento asseritur: Et omnes Theologi qui hucusque de Textu Hebræo & ejus authenticâ disputarunt, nullum alium intellexerunt quàm communem & hodie receptum.

XVII. Ex quibus, ne plura jam addamus, liquere satis potest, quàm periculosa sint V. D. hypotheses, & quanta cum ratione Nostri Operis illius Editioni ubique restiterint, ne scilicet, quod futurum prævidebant, aliquod inde causa Dei detrimentum pateretur, & ne Adversariis contra Textus S. *αὐθεντικόν*, licet procul dubio præter ejus mentem, arma suppeditarentur.

XVIII. Si quis porro plura desideret, consulat Celeberrimi Buxtorfii *Anti-Criticam*, quam isti Criticæ V. D. opposuit, in qua accuratè & solidissimè totum hoc argumentum executus est. Possent & alia magnorum Virorum afferri testimonia, quibus constat quantopere ipsis sententia & Scriptum V. D. displicuerit. Ut summi Viri Jacobi Usserii Archiepiscopi Armachani, qui *errorem periculosissimum* continere ait, cui maturè occurrendum sit, priusquam latius serpat, in *Epistola ad Bootium*. Et ejusdem Arnol. Bootii in *Epistola* ad venerandum illum Præsulem, & in ejus *Vindicis*, in quibus de hoc opere loquitur, tanquam de *scripto perniciosissimo*, in quo *δὲν εἶναι ὁ γὰρ* pag. 51. quod vocat *infelicem & vere sacram Criticam*, qua *sententiam summè falsam & in sacrum Dei Verbum unice injuriosam* proponat, pag. 57. Cujus Author *Veritatis Hebræica* sit *infensissimus hostis*, qui *omni eam certitudine & autoritate exuat*, p. 1. & aliorum non paucorum qui publicè de eo conquesti sunt. Sed nobis nunc quidem sufficiet magni, & totâ Galliâ & Belgio Celeberrimi Andreae Riveti testimonium, qui licet Arcano

Arcano V. D. lecto, in ejus sententiam pertractus videretur; tamen perlecta Celeberr. Buxtorfii responsione aliter longè de ea loquitur in epistola ad Buxtorfium Hagâ-Comitis datâ anno 1645. quam ipse refert l. 1. *Anticristi.* c. 20. p. 345. *Quod spectat Cappellum, Clariss. amicus noster curabit ad Te deferri ejus Diatribam contra Te, quam nondum vidi, sed editam esse & Amstelodami proflare novi. Illa tibi occasionem præbebit exactius in alia inquirendi quæ adversus Textum sacrum, periculosis rationibus innixus, sub candoris & veri specie, medietur. In quibus video eum Viris doctis & gravibus, sed in talibus non satis exercitatis, imposuisse, quorum nonnulli Criticæ ejus extollunt, tanquam elimatum non solum sed & pene necessarium opus. Aliter hic judicarunt Collegæ nostri in lucris istis versatissimi, qui non auctores potuerunt esse Typographis nostris ut eam typis suis describerent. Et in alia Bredâ ad eundem datâ anno 1648. Hoc mihi inter alia summè probatur, quòd vero ductus zelo pro Verbi Divini auctoritatē subruisti penitus fundamentum pessima illius & profana Criticæ, quam vir ille melius est, & hostibus suscipiendam dedit, postquam ab Orthodoxis fuit rejecta. Ea certe si obtineret, actum esset de Scriptura tota V. T. quæ nihil aliud esset quàm Cothurnus Theramenis, omnibus aptandus pedibus. Et mox. Coercebit Deus hanc audaciam, ne ulterius prorumpat. Gratulor tibi ex animo, quòd Te vindicem pium non tantum privata causa tæ maxime parentis tui excitavit, sed etiam publici totius veræ Ecclesiæ peculii. Benedicat Deus huic tuo labori, teque diu servet, ut aliis similibus nos beare possis. Hoc viri Celeberrimi Judicium non pauci secuti sunt, qui licet faventiores fuissent ab initio Viri Docti hypothelibus, re accuratiùs postea expensâ, & perlectis Clariss. Buxtorfii & aliorum adversus ipsas lucubrationibus, priorem revocare sententiam non erubuerunt, & meliori locum dederunt.*

Q U Æ S T I O XIII.

D E V E R S I O N I B U S.

*An necessariæ sint Versiones, & quinam earum usus
& authoritas in Ecclesia esse debeat?*

I. **D**Uæ sunt Quæstionis partes. Prima de *Necessitate* Versionum agit; Secunda de earum *Authoritate*. Quoad priorem, lecet saniores ex Pontificiis Versionum necessitatem & utilitatem agnoscant, unde & ipsi varias in variis linguis adornarunt; Non pauci tamen illis infensi, ut noxias & periculosas eas damnant, ut *Arboreus Theosoph.* li. 8.

Quæst. li. 8. c. 4. qui *hæresum unam originem esse*, ait, *S. Literas in vulgarem linguam*
 XIII. *vertere*, cum quo faciunt *Aforo*, *Hardingus*, *Baylius*, & plerique ex locie-
 tate Lojolitica, qui pium & sanctum Literas sacras transferendi studium,
 ut *hæreticorum orthodoxa religionis extorrium*, *curiosum & æqua*, *Ecclesius*
proinde inuile, & *ad ferendas hæreses excogitatum* impiè & iniquè exagitare
 solent; aduersus quos Orthodoxi non modo utilitatem, sed & necessitatem
 Versionum tuentur, & variis argumentis probant.

Versiones
 Vernacula
 sunt neces-
 saria.

II. 1. Quia Scripturæ lectio & meditatio omnium linguarum homi-
 nibus est præcepta. Ergo ejus interpretatio in linguis vernaculis est neces-
 saria: nam ex quo homines in multiplices linguas sunt divisi, nec omnibus
 familiares sunt duæ illæ linguæ, quibus primum tradita est, non posset ab
 illis percipi, nili verteretur; perinde autem est nihil omnino dixisse, & ea
 dicere quæ nemo intelligat. Sed hic mirabili Dei gratiâ factum, ut divisio
 linguarum, quæ olim maledictionis fuerat signum, jam benedictionis cœ-
 lestis sit argumentum, quæ ad destructionem Babelis inducta fuerat, jam ad
 extructionem Sionis mysticæ usurpetur.

III. 2. Quia Evangelium in omnibus linguis prædicatum est, Ergo in
 omnes linguas verti potest & debet; Conseq. valêt à Verbo prædicato ad scri-
 ptum; quia eadem est utriusque ratio, & quæ rationes movebant Apostolos
 ut vernaculè prædicarent, eadem Versionum necessitatem evincunt. Licet
 autem Apostoli unâ tantum linguâ scripserint, non sequitur in alias non esse
 Scripturam vertendam, quia alia ratio est Fontium, alia Versionum: Fontes
 unâ tantum linguâ exarari debuerunt, & propterea Apostoli, ut Doctores
 universales Ecclesiæ, non aliâ quàm universali & communissimâ linguâ,
 quæ Græca erat tunc temporis, scribere debuerunt, ut V. T. quod Judæis
 destinabatur, linguâ hebræâ ipsis vernaculâ conscriptum est. Sed ubi usus
 græcæ linguæ deliit, Versionibus opus fuit ad Evangelii præconium.

IV. 3. Praxis constans Ecclesiarum, juxta quam cœtum est Ecclesias
 tum Orientales, tum Occidentales Versiones suas habuisse, & sacra linguâ
 populo Vernaculâ celebrasse, ut constat ex earum Liturgiis: quidni ergo
 idem fiet hodie, cum eadem sit populi instituendi necessitas & ratio? Ita
 cum duæ fuerint memorabiles Israëlitis dispersiones, una apud Chaldaeos,
 altera apud Græcos, & populus Dei eorum idiomatis utendo, hebrææ
 linguæ pene oblitus esset; hinc Thargumim seu Paraphrases Chaldaicæ, in-
 de Versiones græcæ adornatæ fuerunt in gratiam populi rudioris. Et quo-
 ad Thargumim plures fuerunt. Primo occurrit *Paraphrasis Chaldaica*,
Jonathanis Uzielis filii discipuli Hillelis, Simeonis coxatnei, qui vixit
 40. annis ante Christum. Is cum videret linguam purè hebræam paulatim
 abire in defuetudinem, & versari solum in usu doctiorum, Versio-
 nem Chaldaicam adornavit, ne vulgus tanto defraudaretur thesauro; Ex eo
 habemus

habemus Versionem Prophetarum priorum & posteriorum. Cui *Onkelos*, QUEST. XIII. qui post Christum floruit, & Gamalieli fuit *ὄνκελος*, addidit translationem Pentateuchi. Paraphrasis etiam existat Hagiographorum, sed de authore nihil certi habetur. Extant præterea Versiones Syriacæ, Arabicæ, Persicæ, Æthiopicæ, sed minùs usitatæ & cognitæ. Quoad N. T. datur *Translatio Syriaca*, quæ censetur opus esse antiquissimum, & à quibusdam Ecclesiæ Antiochenæ nascenti tribuitur.

V. Has sequuntur Versiones Græcæ V. T. quæ etiam sunt multiplices. Prima celebratissima est *Versio LXX.* quæ sub Rege Ptolomæo Philadelpho Ægypti Rege 300. circiter ante Christum annis facta est. Secunda *Aquila Pontici* sub Adriano Imperatore. anno C. 137. qui initio Græcus religionē, post Christianus, cū ob insanum Astrologiæ studium Ecclesiā moveretur, odio Christianorum defecit ad Judæos, & V. T. vertit ut Oracula de Christo corrumpere. 3. *Theodotionis* qui sub Commodō vixit an. C. 184. & genere Ponticus, religionē Marcionita, postea Judæus factus novam Versionem paravit, in qua sequitur ut plurimum LXX. 4. *Symmachi* sub Antoino & Aurelio Vero Imperato. circa ann. C. 197. qui Samaritanus primò, mox Judæus factus V. T. transtulit, ut Samaritanos confutaret. Quibus aliæ adduntur duæ incerti authoris, una *Hierichuntina* in dolio inventa prope Jerichuntē sub Caracalla ann. C. 220. Altera *Nicopolitana* reperta etiam prope Nicopolim sub Alexandro Severo ann. C. 230. Ex quibus omnibus inter se junctis *Origenes* Tetrapla, Hexapla, Octapla sua concinnavit. Tetrapla continebant quatuor Versiones græcas totidem columnis distinctas, LXX. Aquilæ, Symmachi, Theodotionis. In Hexaplis addiderat duas Editiones hebræas, unam literis hebraicis, alteram literis græcis. In Octaplis denique insertæ erant duæ aliæ Versiones græcæ *ἀνώνυμοι* Jerichuntina & Nicopolitana, quam Editionem nonnulli septimam vocant. Octavam addunt *Luciani* Martyris, qui præcedentes feliciter emendavit, & à Constantinopolitanis valde comprobata est. Non fuit *Hesychii*, quam Ægyptii & Alexandrini amplexi sunt. Decima quam ex Hieronymi Latina factam esse græcam Veteres dixerunt.

VI. Latinae Versiones veteres variæ etiam circumferuntur primitus factæ, non tam ex fontibus, quàm ex Versione græca. Una communior dicta fuit *Itala*, ut *Aug.* notat lib. 2. de doct. Christ. c. 15. Duæ aliæ adornatæ ab Hieronymo, una ex Versione LXX. altera, quam ad veritatem Textus hebræi & græci diligenter correxit, quæ existimatur esse Vulgata Versio hodierna, sed quæ progressu temporis diversimodè fuit corrupta, unde varii Viri docti *L. Pulla*, *I. Faber Stapulensis*, *Cajetanus*, *Arias Montanus* & alii, correctiones ejus notarunt. Aliæ sunt recentiores superiori & nostro seculo factæ, partim Latinæ, partim vernaculæ in aliis linguis, de quibus quia notissimæ sunt,

Quæst. XIII. nihil opus est dicere. Unde constat praxim fuisse Ecclesiarum perpetuam; ut Versionibus uterentur.

Fontes VII. Titulus Crucis non ideo tribus linguis tantum descriptus est, ut tres illæ linguæ consecrarentur in usu sacrorum; sed quia erant tum temporis nobilissimæ & notissimæ, atque adeo accommodatissimæ, ut fama de Christo quaquaversum per universum orbem disseminaretur, quod fuit Dei in eo titulo consilium.

VIII. Ecclesiæ unitas non linguæ, sed doctrinæ unitate conservatur Eph. 4. 3. & prima Concilia non obstante linguarum diversitate legitimè coacta & cum fructu celebrata sunt.

IX. Majestas Scripturæ potius ex sensu quàm ex Verbis oritur; quod si tres istæ linguæ videntur majestatem augere, sit hoc per accidens ex superstitione imperitæ plebeculæ, non per se.

X. Non negamus tres istas linguas, postquam desierunt esse vernaculæ, retentas esse sapius in Cœtibus doctiorum, ut in illis & secundum illas negotia Ecclesiastica peragerentur, & dirimerentur Controversiæ; sed non pariter ulum habuerunt inter populos, & in usu sacrorum, ubi uniuscujusque exercenda est fides & devotio, sic ut intelligat pro captu quid agatur.

XI. Quamvis non negemus linguam Hebræam in captivitate ex peregrinorum commercio inter vulgus variè corruptam fuisse, & Chaldaïca & Syriaca multa vocabula in eam invaluisse; non sequitur tamen inde, aut Textum quovis modo fuisse mutatum, aut à populo cui inculcabatur non intellectum, quia Zacharias, Aggæus & Malachias scripserunt linguâ purè Hebræicâ, quod non fecissent, nisi populus intellexisset. Deinde ex Nehem. 8. 18. colligitur Esdras legisse librum Legis coram tota multitudine, ad quem dicitur attenta fuisse, quod non poterat tamen si non intellexisset; Et si Esdras cum Levitis dicitur interpretatus quæ legebat, hoc ad expositionem sensus & rerum ipsarum referendum est, potius quàm ad translationem vocum.

XII. Licet Versiones non sint formaliter authenticæ & quoad modum enunciandi; Non ideo minùs in Ecclesia obtinere debent, quia si accuratæ sunt & cum fontibus consentiunt, sunt semper authenticæ materialiter & quoad res enunciatas.

Quanam
sit Versio-
num au-
thoritas.

XIII. Hinc patet quænam sit *Versionum Autoritas*; licet enim earum utilitas sit magna ad fidelium institutionem, non potest tamen, aut debet unquam ulla Versio æquiparari Originali, multò minùs præferri. 1. Quia nihil habet Versio ulla momentosi, quod fons hebræus vel græcus plenius non habeat, quippe in fontibus non modò res & sententiæ, sed ipsa verba sunt à Spiritu S. immediatè dictata; quod de nulla Versione dici potest. 2. Quia aliud est esse *Interpretem*, Aliud esse *Vatem*, ut ait *Hiero.* præfat. in Pentateuc. Vates ut *ἑρμῆς* errare non potest, sed Interpretes ut homo est nihil humani à se alic-

alienum habet, quippe errori semper obnoxius est. 3. Quia Versiones omnes sunt rivuli, Textus verò Originalis Fons ex quo manant: iste est regula; illa verò regulatum, quod nullam nisi humanam habet auctoritatem.

XIV. Non tamen omnis denegari potest Versionibus auctoritas, distinguenda enim hic accuratè *Auctoritas Divina* duplex, vel *Rerum*, vel *Verborum*. Illa quæ versatur circa *substantiam doctrinæ*, quæ formam internam Scripturæ constituit; Ista verò circa *accidens descriptionis*, quæ forma est externa & accidentalis. Fons utramque habet; quia tam quoad res, quàm quoad voces est *ſeipſus* & : Sed Versiones tantùm primam; quia verbis humanis non divinis expressæ sunt.

XV. Hinc patet *Versiones quæ tales* non esse Authenticas & Canonicas in se, quia humanâ industriâ & studio sunt adornatæ, atque ad eò sub illa *ſeipſus* posse esse errori obnoxias, & correctiones admittere; sed *authenticas* tamen esse *respectu doctrinæ* quam continent, quæ divina est & infallibilis. Ita non fundant fidem divinam *formaliter* quæ tales quoad verba, sed *materialiter* quoad doctrinæ substantiam illis expressam.

XVI. Alia est *perfectio Rei & veritatis*, cui nihil addi potest vel detrahi, & alia *perfectio ipsius Versionis*. Illa est opus merè divinum, quodque est absolute & omni modo *verum*; Talis est in Verbo Versionibus expresso. Ista verò est opus humanum & errori proinde ac correctioni obnoxium, cui competere quidem potest auctoritas magna, sed humana tantùm, quæ in fidelitate & conformitate cum Textu Originali versatur, non verò divina.

XVII. *Certitudo conformitatis* Versionum cum Originali duplex est, Alia mere *grammatica* & *scientia humana* cognoscentis conformitatem verborum quæ sunt in Versionibus cum verbis Originalis, quæ doctiorum est, qui linguas callent; Alia verò *spiritualis* & *fidei divinæ* respectu conformitatis rerum & doctrinarum, quæ ad singulos fideles pertinet pro mensura doni Christi, juxta illud Christi; *Oves meæ vocem meam audiunt*, Joh. 10. 27. & istud Pauli, *homo spiritualis dijudicat omnia* 1. Cor. 2. 15. quamvis ergo Idiotæ sit ignarus linguarum, non desinet fidelitatem Versionis quoad res ipsas colligere ex analogia fidei & dogmatum ipsorum nexu: *Si quis voluerit voluntatem ejus facere, cognoscat de doctrina utrùm ex Deo sit, an ego à me ipso loquar*; Joh. 7. 17.

XVIII. Aliud est esse *conformem* Originali, Aliud verò esse *equalem*: Quælibet Versio, modò sit fidelis, conformis quidem est Originali, quia eadem doctrina quoad substantiam ibi exponitur; sed non est propterea æqualis, quia modus illam exponendi est humanus non divinus.

XIX. Licet Versio quælibet ab hominibus errori obnoxia adornata non possit censei Divina & infallibilis ratione terminorum, potest tamen optimè talis censei ratione rerum, quum veritatem divinam fontibus expres-

QUEST. XIV. sam fideliter reddit: Ut Verbum quod prædicat minister Evangelii non desinit esse divinum & infallibile, & fidem nostram fundare, licet verbis humanis ab eo proponatur. Sic fides non pendet ab Interpretis vel Ministri autoritate, sed nititur rerum ipsarum quæ sunt in Verbonibus veritate & αὐθεντία.

XX. Si Versio contineret purum Dei Verbum verbis divinis, nullus daretur locus ejus correctioni, ut Fontes propterea nec possunt nec debent corrigi, quia tam quoad res, quàm quoad verba sunt *ἱερί & αὐθ*: sed quia Dei Verbum verbis humanis nobis exponit, inde fit ut correctionem possit admittere, non ratione doctrinæ ipsius quæ eadem utrobique manet, sed ipsorum terminorum, qui, maximè in locis difficilibus & obscuris, possunt à variis variè reddi pro mensura doni Christi.

QUESTIO XIV.

DE VERSIONE LXX.

An Versio LXX. Vet. Test. sit authentica? Neg.

I. **I**Nter Græcas V. T. Versiones, primum locum meritò obtinet nobis illa LXXII. Interpretum, quæ in tanto honore fuit tam apud Judæos quàm Christianos, tum Orientis tum Occidentis, ut ab illis in Synagogis, ab his ferè sola, vel ex ea factæ Versiones in Ecclesiis publicè prælegerentur. Ex hac reliquæ Versiones omnes ab Ecclesia antiquitus approbatæ, solâ exceptâ Syriacâ, traductæ sunt, vid. Arabica, Æthiopica, Armena, Illyrica, Gothica, Latina ante Hieronymum: nec aliam Ecclesia Græca, & præque Orientales in hunc usque diem agnoscunt hæc solâ contentæ.

Status

*Questio-
nis.*

II. Non quæ de *tempore*, vel de *modo* quo Versio ista fuit adornata; An sub auspiciis Ptolemæi Philadelphi & ejus sumptibus facta fuerit; An verò à Judæis suadente utilitate, quod existimat Scaliger epist. 14. An à LXXII. Interpretibus qui in cellulis separatis spatio 72. dierum singuli totum opus absolverint, & quidem summo cum consensu, etsi eorum unusquisque, scorsim ab alio, totum opus suscepisset & absolvisset, & alia idgenus quæ de istis Interpretibus referuntur, tum ab *Aristea*, qui peculiari libello prolixam de ea re narrationem instituit, tum à Josepho & Christianis, qui, quia Versio illa in usu fuit, faciles se istis narrationibus præbuerunt, avidè arripientes quæcunque faciebant ad authoritatem illi conciliandam. Hæc enim merè sunt historica, ideoque ad institutum nostrum nunc non pertinent; Quamvis si mentem nostram verbo aperire licet, ad Virorum Doctorum sententiam faciles accedamus, quibus ista omnia valdè suspecta sunt & dubiæ fidei, quorum vanitatem suo tempore *Hieronymus* jam retegere cœpit, & refellere, quod clariùs adhuc & fortiùs fecerunt recentiores, *Vives* in lib. 11.

Aug.

*Aug. de C. D. c. 42. Scaliger in Eusebium, Drusius, Casaubonus, Wou-
rus, Ufferius, Rivetus, Heinsius, & alii. Sed agitur hic tantum de ejus Au-
thoritate; An talis illi tribuenda sit, secundum quam verè Θεόπνευστος & au-
thentica censeatur.*

QUEST.
XIV.

III. Pontificii licet non eodem modo omnes loquantur, plerique ta-
men in id consentiunt Versionem illam factam esse divinitus, eoque autho-
ritatem divinam meritò obtinere, atque adeò Translatōres non tam Inter-
pretes quàm Prophetas censendos, qui necubi errarent peculiari modo Spi-
ritum S. assistentem habuerint, ut *Bellarmin.* loquitur lib. 2. de V. D. c. 6. ad
quos accedunt *Baylius, Stapleto. P. Carthusia.* de Translat. Bibli. c. 4. 5.
Joh. D' Espeires tr. 2. disp. 1. dub. 10. & præsertim *Joh. Morinus*, in Exer-
cit. Bibli. qui magno molimine αὐθεντίας Versionis istius adstruere conatus
est. E Nostri Vir Doctiss. *Isaacus Vossius* peculiari tractatu idem variis ra-
tionibus confirmare satagit.

IV. Nos verò licet non diffiteamur magnæ esse autoritatis in Ecclesia,
autoritatem tamen illam humanam censemus non divinam, utpote quæ ab
Interpretibus tantum humanâ industriâ adornata sit, non verò à Prophetis
& Viris Θεόπνευστος immediatâ Spiritus S. inspiratione.

V. Non queritur ergo, An aliquam autoritatem habere debeat in Ec-
clesia: Concedimus enim magni esse ponderis, & meritò aliis Versionibus
præferri. 1. Quòd sit omnium antiquissima, ante bis mille annos facta,
quæ ideo ob canitiem omnibus honoranda sit. 2. Quòd à Judæis ubique
terrarum dispersis publicè & privatim perlecta fuerit. 3. Quòd Apostoli &
Evangelistæ eâ plerumque in citatione locorum V. T. usi legantur, eamque
scriptis suis quali consecrarint. 4. Quia Apostoli eam Ecclesiæ tradiderunt,
cùm per eam mundum Christo subegissent, adeò ut per illam inter Gentes
Ecclesia genita, & hujus lacte enutrita fuerit. 5. Quia Ecclesia Græca & La-
tina, eam pro vulgata per 600. annos habuit. 6. Quia Patres & Scriptores
Ecclesiastici antiqui hanc commentariis explicarunt, populo in homiliis
exposuerunt, & ex ea orientes hæreses jugularunt, & in Conciliis Canones
ad fidem & mores formandos ex eadem hausserunt. Sed queritur, An talis
sit ista Autoritas, ut propterea authentica censi debeat & fontibus æqui-
parari; quod vellent Adversarii, Nos negamus.

VI. Rationes sunt, 1. Quia humano studio & labore concinnata est, *versio*
non verò à Viris Θεόπνευστος; Authores ejus fuerunt Interpretes non Pro- *LXX. non*
phetæ, qui post Malachiam, qui vocatur sigillum Prophetarum à Judæis, *est authen-*
desierunt: & ex eo etiam patet, quia apud Aristaram dicuntur Interpretes *tica.*
inter se contulisse, disputantes & conferentes inter se de re qualibet, donec
tandem in unum omnes convenerint &c. At si inter se contulerunt, non prophe-
tarunt: nam sacri Scriptores nunquam cum aliis contulerunt, disputantes

QUÆST.
XIV.

de qualibet re quam scriberent, sed prout à Spiritu S. edocti erant, sine ulla disputatione vel mora scriptis omnia mandarunt. 2. Quia si Spiritus S. afflatu scripserunt, numerustalis superfluous fuisset, cum unus sufficeret, nec opus esset viris doctrinâ claris, & linguæ Hebræicæ & græcæ peritis, si sine studio & auxiliis humanis confecta fuisset. 3. Quia nec rebus nec verbis convenit in multis cum fontibus, sed varias habet παραμυθείας, & discrepantias, ut ostensum est ab illis qui hoc argumentum tractarunt; unde *Morinus* tandem fateri coactus est Exerc. 7. cap. 4. *Authoritatem aliam non adscribendam esse huius Versioni, quam aliis industriâ humanâ factis.* 4. Quia non habetur hodie pura, sed mirum in modum corrupta & interpolata; Ejus rudera tantum & λείψανα habemus, ut vix possit jam vocari Versio LXX. similis navi Argo, quæ sæpius refecta, nec eadem nec alia amplius erat; quod non semel observavit *Hieron.* epist. 89. ad Aug. præfat. in Esdr. & in lib. Paralipo. Unde inter Doctos fermè jam receptum est, illam esse ex Versione *novâ* quæ Ἀρχαία etiam dicebatur, teste Hiero. ad Suniam & Fretellam.

Fontes
Solutio-
num.

VII. Si Apostoli sæpius usi sunt ista Versione, non ideo fecerunt, quod eam authenticam crederent & divinam, sed quia tunc temporis usitatissima erat & recepta inter omnes; & quia, ubi sensus & veritatis ratio patiebatur, noluerunt aut intempestivè rixari, aut scrupulum creare infirmioribus, sed per sanctam œconomiam immutatum reliquerunt quod mutatum offenderet, cum præsertim etiam non mutatum rem conficeret. Quod non ita faciunt tamen, quin nonnunquam ubi res postulare id videtur, quum non tantum incommoda, sed veritati parum opportuna visa est Versio LXX. illi prætulerint fontes, quod *Hieron.* observavit li. 2. contr. *Ruffin.* & facilè potest colligi ex Matt. 2. 18. coll. cum Hof. 11. 1. Joh. 19. 37. cum Zach. 12. 10. Jer. 31. 15. cum Matt. 2. 18. Isa. 20. 8. cum. 1. Cor. 15. 54. & alibi non rarò.

VIII. Testimonia quæ ex LXX. versione allegantur in N. T. authentica sunt non per se, sive quatenus à LXX. ex Hebræo in Græcum sunt traducta sed per accidens, quatenus approbata & sanctificata sunt à Spiritu S. & ejus afflatu ab Evangelistis in contextum sacrum relata.

IX. Si Patres nonnulli extollunt istam Versionem, & authenticam prædicant, ut non diffitendum est, *Irenæum* *Clementem Alexandrinum*, *Augustinum* & alios eò propendisse, hoc affectu magis quàm studio faciunt, linguæ Hebrææ ferè rudes: nec tenemur in eorum verba jurare, cum non minùs quàm LXX. humanis & erroribus & affectibus obnoxii vixerint. At qui doctiores inter eos erant, ut *Origenes* & *Hieronymus*, longè in alia sunt sententia, qui Interpretes docent fuisse non Vates.

X. Quamvis Ecclesia per multos annos usa sit ista Versione, non sequitur eam habuisse pro authentica & divina, sed tantum magno apud eam in pretio fuisse habitam. Verum ordinarius ille usus non præjudi-

præjudicare potuit libertati recurrendi ad fontes quoties opus esset. QUEST.
XIV.

XI. Discrepantia maxima quæ occurrit inter Textum Hebræicum & Versionem LXX. in Chronologia, dum ab Orbe condito usque ad cataclysmum Hebræi Codices umerant tantum annos 1656. LXX. verò recensent 2242. non evincit Versionem istam esse authenticam, sed potius ejus corruptionem arguit. Quia pro calculo Hebræico militant Codicum Hebræorum consensus, circa quos ex confessione omnium nulla hac in parte occurrit lectionis varietas. 2. Versionum omnium antiquarum *συμφωνία* Chaldaicæ, Syriacæ, Samaritanæ, Arabicæ, Latinæ, quæ hic discedunt à Versione LXX. & Hebræos Fontes sequuntur. 3. Versionis græcæ in locis de quibus agitur manifestus error, nimir. dum extendit vitam Mathusalæ ultra diluvium annis minimum quatuordecim, si non viginti, nec eum tamen in arca vult ab aqua salvatum; Nam si Mathusalem genuit filium Lamech anno vitæ suæ 165. prout legunt Biblia græca optimæ notæ in Editione Waltoni, debuit vixisse Mathusalem tot annos post diluvium; Nec si quædam exemplaria græca hic sequuntur hebræum, ut ait Vossius de Africano & Alexandrino Codice, pauca illa quæ ex hebræo procul dubio sunt correctæ, opponi debent tot millibus quæ Ecclesiæ & Patres sequuntur, in quibus talis computus habetur.

XII. Quæ hic afferuntur pro calculo Græcorum facile solvuntur. Primò quoad *annos pubertatis*, qui majori cum proportionem ad totam vitam referantur apud græcos circa annum ducentessimum, quàm apud Hebræos anno 100. Quippe *Waltonus* ipse, licet non sit alienus à *Vossii* sententiâ, agnoscit tamen istius argumenti vanitatem, dum ait *vanas esse conjecturas, quæ in hominis sani mentem venire vix poterant*, proleg. 9. p. 68. & gratis supponitur, annos pubertatis seu *παιδογονίαν* necessario sequi proportionem quadruplam aut quintuplam totius vitæ, cum illi respondere debeant corporis vigori, & absurdum sit primis illis seculis, quibus maximè vegeta erant corpora, pubertatem differri ad ducentessimum annum. Constat certè in *pædogoniis* à Mose memoratis non observatam fuisse proportionem pubertatis ad vitam, cum magna sit inter eas inæqualitas; Noachus gignit anno 500. Mahaleed ann. 65. Lamech. an. 102. Cainan a. 70. Enoch a. 65. Et Patrum postdiluvianorum *pædogoniæ*, quamvis eorum vita longè esset contractior, apud græcos cum prioribus pene sunt pares, quæ referuntur ut plurimum ad an. 130.

XIII. Secundò quæ adduntur ad probandam Textus Græci *αὐθεντίαν*, quia nec casu contingere potuit talis corruptio, siquidem multoties est facta, nec consilio, quia dici non potest cui bono facta sit, longè fortius stringunt pro integritate Codicis Hebræi, cui cæteris paribus, non solet prærogativa denegari. Licet verò deditâ operâ hæc corruptio facta non esset, cur non potuit fieri exscriptorum incuriâ, vel *ἀβελήϊα*? Deinde prætextus
satis

QUEST. fatis plausibilis potuit esse, ut scilicet Ægyptiis in ratione temporum gratificarentur, quia Ægyptiorum antiquitatibus Hebræus Textus multò magis adversatur quàm Græcus; quamvis enim Waltonò pro nihilo sit hæc ratio, magni tamen eam facit Vossius, & ex hoc ipso Græcum Hebræo præfert, quod ille quàm iste Ægyptiorum antiquitatibus magis consonet: nam per istorum mille & sexcentorum annorum additionem Ægyptiorum Dynastiæ facilè intra creationis terminos coërcentur, imò à Scaligero & G. Vossio modi afferuntur, quibus intra diluvii terminos possunt restringi, si additamenta græcorum cum hebræo admittantur.

XIV. Licet Ecclesia Græca, & plerique Scriptores Græci calculum LXX. sequantur, & non hebræum, nihil inde ponderis potest accedere calculo Græcorum, quia hoc potuit fieri ex errore, vel linguæ hebrææ ignorantia, per quam fiebat ut neglectis fontibus Versionem istam ubique receptam sequerentur.

XV. Ἀναρχονισμός qui occurrit apud LXX. in calculo vitæ Patrum post-diluvianorum, ubi numerum annorum supra mille septingentos usque ad nativitatem Abrahami extendunt, cùm Hebræus habeat tantùm annos ducentos nonaginta duos, quia ad Patriarcharum singulorum vitas, qui à Diluvio ad Abrahamum vixerunt, addunt annos minimum centum; non potest Versioni isti authenticam conciliare: Imò errorem ejus undecunque ortus sit manifestum demonstrat; Nec quæ à Vossio & Waltonò afferuntur ad ejus confirmationem satis valida sunt ad Textus sacri *αὐθεντίας* propterea convellendam, ut fusè & solidè *Bailius* lib. 1. Operis histo. & Chrono. c. 4. ostendit.

Q U Æ S T I O X V.

D E V E R S I O N E V U L G A T A.

An Versio Vulgata sit authentica? Neg. contra Pontificios.

I. **N**on quæritur, An Versio Vulgata utilis sit, & aliquoties etiam veritatem apprimè reddat, quod nemo diffitetur; Non item, An sit antiqua & longo tempore in Ecclesia usitata, quod etiam apud omnes constat; Sed, An sit authenticæ veritatis ut Fontibus ipsis sit æquanda, & Versionibus cæteris omnibus anteponenda; quod negamus, asserunt Pontificii ex Concilio Tridentino Sess. 4. Decret. 1. *Si quis libros ipsos integros cum omnibus suis partibus, prout in Ecclesia Catholica legi consueverunt, & in Veteri Vulgata Editione habentur, pro Sacris & Canonicis non susceperit, Ana-*

Anathema sit. Et mox, Insuper eadem S. Synodus considerans, non parum utilitatis accedere posse Ecclesie Dei, si ex omnibus Latinis Editionibus, quae circumferuntur sacrorum Librorum, quam pro authenticâ habenda sit, innorescat, statuit & declarat, ut hac ipsa vetus & vulgata Editio, qua longo tot seculorum usu, in ipsa Ecclesia probata est, in publicis Lectionibus, praedicationibus, & expositionibus pro authenticâ habeatur, & ut nemo eam rejicere quovis prae-textu audeat vel praesumat. QUEST. XV.

II. Verum est variantes esse Pontificiorum sententias circa Canonis Concilii sensum; dum alii nullam inter Versionem istam & Fontem comparisonem factam esse volunt, sed tantum cum aliis Versionibus Latinis quae circumferuntur; ut *Bellarminus, Serarius, Salmero, Mariana, & alii complures*, quicam etiam ex fontibus corrigi & emendari posse censent: Alii verò authenticam eam absolutè declaratam esse, ut melior dari non possit, & omnibus editionibus cujuscunque idiomatis præferenda sit, imò ex qua primigenii codices utpote corrupti emendandi sint. Ut *Canus, Valentia, Gordonus, Gretserus, Suarezius, & alii*. Sed qui penitiùs verba Canonis expendere agnoscet facilè in posteriorem inclinare sententiam. Nam si nullo prae-textu rejici potest: Ergo nec prae-textu hebraici codicis, quod apertè pronunciavit *Harius* colloquio cum *Rainoldo*. Hinc *Ximinius* Cardinalis præf. ad Biblia Complutentia protestatur se *Latinam posuisse mediam inter hebraicam & graecam, tanquam duos hinc indelatrores, medium autem Jesum, hoc est Romanam sive Latinam Ecclesiam*. Nec fidem à sodalibus impetrat *Mariana*, quum libro de V. Versione eam non minoris authoritatis esse ait, quàm fontes, ubi cum fontibus convenit, alioqui quando discrepat excusandam esse: ideo verba ista, *ubi cum fontibus convenit*, Index Expurg. induxit, & *Ludo. de Tena* Isag. ad script. lib. 1. dist. 6. sect. 3. arguens *Marianam*, Si *Vulgata esset authentica*, inquit, *quatenus cum fontibus convenit; & quando discrepat vitiosa*, Ergo absolutè non esset authentica, neque per decretum Tridentinum majorem quoad nos recipit certitudinem quàm ante habebat, quando etiam ante decretum hoc obtinebat sub prædicta conditione, nim. convenientia cum fontibus. Ergo Concilium Tridentinum ita si decrevit, nihil de novo definuit, sed lis mansit ut antea.

III. Nos verò etsi V. Versionem ut antiquam in pretio habemus, tamen authenticam esse negamus. 1. Quia humana industria est elaborata, non *versio Vulgata non est authentica.* 2. Quia humana industria est elaborata, non verò authorem habet Θεόπνευστον, quod Editio authentica postulat. Nam si ejus author statuatur Hieronymus, ut volunt Pontificii, si ante Hieronymum alius quispiam qui Versionem Italiam & Vulgatam dictam concinnaverit, si *Sixtus V. & Clemens VIII.* qui veterem usitatam in Ecclesia multis modis correxerunt, nemo ex illis fuit Θεόπνευστος.

IV. 2. Quia nec ante decretum Concilii, nec post fuit authentica.

QUEST
XV.

ca. Non ante quia multos habuit errores, quos liberè redarguunt varii ex Pontificiis, Nicolaus Lyra, P. Burgensis, Driedo, Hier. ab Olcastro, Caietanus & alii, præcipue Ilidorus Clarius, qui octoginta millia errorum in Vulgata Lat. se observasse dicit. Sixtus Senensis lib. 8. Biblio. ad finem. *Ingenue fatemur & nos multos errores ab Hieronymo emendatos in veteri translatione, & similiter in hac nostra nova editione nonnullas inveniri mendas, solacismos, barbarismos, & multa parum accommodatè versa, & minus latine versa, obscure & ambigue interpretata, itemque nonnulla superaddita, aliqua omissa, quædam transposita, immutata, ac vitio Scriptorum depravata quæ Pagninus, Olcastrius, Vatablus, Caietanus, interpretationibus & expositionibus suis iudicarunt.* Certè si authenticam antea judicasset Leo X. Pontifex, non fuisset author S. Pagnino Lucensi novam adornare versionem, eo quòd vidisset celebrem illam Hieronymi versionem hominum incuriâ & temporum injuriâ, magna ex parte vel intercidisse vel corruptam fuisse ut refert Sixtus Senen. lib. 4. Non potest dici authentica post Concilium, quia non potuit Concilium authenticam facere, quæ ante non fuit; ut enim librum non Canonicum, non potest Canonicum facere, sed tantum declarare; sic non potest versionem authenticam facere, hoc enim solius Dei est, qui divinam auctoritatem cuilibet scripto conferre potest, sed tantum declarare versionem esse fidelem, & fonti suo conformem; vel si mendæ irrepsent eas corrigere, & usum ejus in publicis Ecclesiæ officiis imperare.

V. 3. Quia pluribus in locis à fontibus desleçtit, quod de Sixtina concedit Clemens VIII. qui eam, licet authenticam à Concilio pronunciatam, & emendatissimam ex Sixti judicio, emendare tamen sustinuit, & biennio post ad incudem revocavit, expuncta nonnulla à Sixto restituit, plura mutavit, & correxit; ut patet ex collatione Exemplarium in *Bello Papali Thomas Jamesii*, ubi præter innumeras varietates ad bis mille lectiones produxit, quas à Sixto auctoritate Apostolica adversus hebræam & græcam veritatem confirmatas, Clemens eadem auctoritate refinxit, & ad fontes reformavit, quæ præli vitio, ut causatur Clemens, non possunt adscribi; quis enim credat chiliadas sphalmatum præli vitio in eam editionem irrepsisse; quam tantâ diligentia Sixtus procuraverat? Clementinam etiam, quam post Sixtinam authenticam esse jussit Clemens, variis vitiis scâtere ipsa præfatio docet; *Accipe itaque Christiane Lector, inquit, eodem Pontifice annuente, Vulgatam S. Scripturæ editionem quantâ fieri potuit diligentia castigatam; quam quidem sicut omnibus numeris absolutam pro humana imbecillitate affirmare difficile est, Ita cæteris omnibus, quæ hucusque prodierunt, emendatiorem & puriorem esse, minime dubitandum.* Si enim difficile est affirmare eam omnibus numeris esse absolutam sed tantum puriorem fuisse omnibus quæ hucusque prodierant; Ergo non negatur posse deinceps prodire correctiores, nec potuit dici

dici à Concilio emendatissima. Sed in sequentibus hoc ipsum clariùs patet, quum disertè dicitur in *Vulgato Vetere Bibliorum Interprete quadam visa fuisse mutanda, quæ consulo immutata relicta sunt*. Nec hoc dissimulat Bellar. qui inter Correctores fuerat in Episto. ad L. Brugensem datâ, cujus ipse meminit, *Scias velim, Biblia Vulgata non esse à nobis accuratissime castigata, multa enim de industria justis de causis praterivimus, quæ correctione indigere videbantur*.

VI. 4. Variis mendis refertam esse V. Versionem jam olim agnoverunt non pauci è Pontificiis, Erasmus, Valla, Pagninus, Caietanus, Oleastrius, Forerius, Sixtus Senensis, & id hodieque fatentur Interpretes varii celebres, Salmero, Bonfrerius, Serarius, Masius, Muissius, & alii complures Viri doctissimi, qui subinde ab ea ad fontes provocant.

VII. 5. Multa sunt loca, quæ perperam reddita erroribus gravissimis, vel occasionem, vel patrocinium præbuerunt; Sic Gen. 3. 15. ipsa contret, ut ad B. Virginem referatur, cum in fonte legatur *217*, ipsum, scilicet semen, & 14. 18. *Erat enim Sacerdos*, pro *Et erat*, & 48. 18. *invocetur nomen meum super eos*, pro *vocetur in iis nomen meum*. Psal. 99. 15. *Adorate scabellum pedum ejus*, pro *ad scabellum*, si arca notatur, vel in *scabello*, id est in Templo, quod scabellum pedum ejus est. Ecclesiast. 9. 2. *omnia in futurum servantur incerta*; pro *omnia sunt ante eos*. Joh. 14. 26. *suggeret vobis omnia, quæcumque dixerò vobis*, ad insinuandas Traditiones Apostolicas *ἀποστολικὰς*; sed aliter sonant græca, *πάντα ἃ ἐγὼ ὑμῖν*, *omnia quæ dixi vobis*. Heb. 11. 21. *adoravit fastigium virga*, contra mentem Pauli *προσεκύνητο ἐν τῷ ἄκρῳ*, *adoravit super summitatem baculi*, id est, ut Beza vertit, pro *baculo innixus*. Heb. 13. 16. *talibus hostiis promeretur Deus*, pro *delectatur*. 1. Cor. 15. 10. *Non ego, sed gratia Dei mecum*, pro *quæ mecum est*. Addi possunt alia loca in quibus vel detractio vel additione peccatur, ut Rom. 11. 6. *Si autem gratia, jam non ex operibus, alioquin gratia jam non est gratia*, deest post hæc verba integra sententia, quæ in græco habetur. *Sin ex operibus, jam non est gratia, alioquin opus jam non est opus*, Matth. 6. 4. 6. 18. ter desunt ista verba *In propatulo*, quæ extant in græco. c. 15. 8. desunt ista, *appropinquas mihi populus hic ore suo*. cap. 20. 22. desunt ista, *& baptismo quo ego baptizor, baptizari?* 1. Cor. 6. 20. post *in corpore vestro*, desunt, *& in spiritu quæ sunt Dei*. Additione etiam non semel peccat, Luc. 10. 1. designavit & alios septuaginta duos, in græco *ἐτίθηκ' ἐβδόμηνδεκα*. Act. 9. 29. *loquebatur quoque gentibus, & disputabat cum Græcis*, pro *loquebatur, & disceptabat adversus Græcos*, Rom. 4. *ex operibus Legis*, in græco est tantum *operibus*. Plura sunt id genus, quæ legentibus occurrere possunt. Vide plura apud Whitakerum, Chamierum, Amama, Jamesium, & alios ex Nostreis, qui errores Versionis istius notarunt.

Quæst.
XV.

VIII. 6. Quæcunque sit illa Versio, quam volunt conflata partim ex veteri quæ *Itala* dicitur Aug. lib. 2. de Doct. Christ. cap. 18. & Vulgata ipsi Hieronymo in Is. cap. 49. partim ex novâ Hieronymi; non potest esse authentica: nam neque Vulgata *Ἡεπνὸς* fuit, alias Hieronymo non licuisset illam corrigere, & interpolare, neque Nova quæ ex utraque coalluit talis censeretur potest, ipso fatente Hieronymo.

IX. 7. Quia Decretum Concilii canonizavit Editionem quæ nondum fuit in rerum natura, sed post quadraginta sex annos demum prodire debuit: Nam decretum rogatum est an. 1546. & anno demum 1590. à Sixto V. biennio autem post à Clemente opus confectum est & publicatum. At quid Concilium potuit probare & authenticam declarare editionem quam non examinarat, & quæ nequidem tunc adhuc facta erat?

Fontes
Solutio-
num.

X. Licet Hebræi & Græci suos habuerint Textus authenticos, non sequitur Latinos authenticum etiam habere debere, quia non eadem est utrorumque ratio; Nam à Prophetis & Apostolis à Spiritu S. inspiratis certò profluxisse V. T. Textum Hebræum, & Græcum Novi constat: sed nemo dixerit V. Versionis authores vel promotores fuisse pariter *Ἡεπνὸς*.

XI. Longus Versionis usus cum ratione conjunctus illi auctoritatem conciliare potest, sed non authenticam illi tribuere, ut ab eo nullo prætextu discedere fas sit. Talis enim authenticia, non à longo usu, sed à divina inspiratione pendet. Deinde qualiscunque fuerit istius Versionis usus, in sola Ecclesia Latina obtinuit, non Græca & Orientali.

XII. Vera & propria causa Editionis authenticæ, non est Patrum testimonium, praxis Ecclesiæ, vel confirmatio Concilii. Nam etiam teste Bell. lib. 1. de V. D. c. 10. Ecclesia non facit libros authenticos, sed tales esse declarat. Quæ ergo Versio in se authentica non fuit, eam talem Ecclesia declarare non potest.

XIII. Non opus est ut Vulgus quod imperitum est linguarum hebræicæ & græcæ, habeat Vulgatam pro authentica, ut possit scire an Scripturam legat necne. Quia Scripturæ veritatem non minùs ex Versionibus vernaculis quas legit & intelligit cognoscere potest, quàm ex Vulgata quam non intelligit.

QUESTIO XVI.

DE PERFECTIONE SCRIPTURÆ.

An Scriptura ita perfectè contineat quæcunque sunt ad salutem necessaria, ut nullis post eam Traditionibus ἀγέῳς opus sit? Aff. contra Pontificios.

I. **U**T Pontificii faciliùs Scripturæ Tribunal, quod sibi adversari intelligunt, declinent: Non tantùm ejus αὐθεντίαν & integritatem convellere, sed Perfectionem etiam & Perspicuitatem arguere conantur. Unde inter nos & ipsos quæstio agitur de *Perfectione Scripturæ*.

II. Ad Statum Quæstionis observa. 1. Non quæri, An Scriptura ea *Statu* omnia contineat, quæ à Christo & Sanctis vel dicta sunt vel facta, vel quæ ad *Quæst. 0-* religionem quomodocunque possunt pertinere: Non negamus enim multa *nis.* à Christo facta, quæ scripto non sunt consignata ex Joh. 20. 30. multa item *Joh. 10. 30.* occurrere, quæ Religionis sunt veluti appendices & adminicula, ut quæ versantur circa ritus & politiam Ecclesiasticam, quæ sigillatim non traduntur in Scriptura, & relinquuntur prudentiæ Rectorum Ecclesiæ, qui prospicere debent ex Pauli præcepto, 1. Cor. 14. 40. ut omnia decenter fiant in Ecclesia: Sed quæri tantùm de *Rebus necessariis ad salutem*, sive pertineant ad fidem, sive ad mores; An omnia ista ita Scripturâ contineantur, ut possit esse totalis & adæquata fidei morumque regula; quod statuimus; Adversarii negant.

III. Non quæritur, An omnia ista ἀνπλεῖται & totidem verbis, seu immediatè & expressè tradantur in Scriptura: Fatemur enim multa per legitimam consequentiam bene ex Scriptura deduci, & pro Dei Verbo habenda esse. Sed, An ita continentur in Scriptura, vel expressè in ea sint vel legitimè ex ea deducantur, ut nullo alio fidei principio ἀγέῳς opus sit, unde quæ Religionis & salutis sunt petere oporteat.

IV. Non quæritur de *Perfectione intensiva* seu *qualitativa*, quæ in dogmatum & præceptorum exquisita veritate, & modo ead tradendi perfectissimo versatur. Sed de *Perfectione extensiva* seu *quantitatis*, quæ ad omnia credenda & facienda extenditur. Illa in unaquaque Scripturæ parte occurrit. Ista in toto corpore conspicitur.

V. Non quæritur, An Perfectio Scripturæ eadem semper fuerit quoad gradum. Fatemur enim pro variis ætatibus Ecclesiæ variam etiam fuisse ejus revelationem, ita ut crescente Ecclesia creverit etiam revelatio, non quidem

Q U A E S T .
XVI. quoad substantiam rerum credendarum, quæ semper eadem fuit, sed tantum quoad clariorem earum manifestationem & applicationem. Sed, An ita plena sit hodie, ut sine ullo Traditionum supplemento sit adæquata fidei morumque regula.

VI. Non quaeritur, An nullus unquam locus in Ecclesia fuerit Traditionibus ἀγχαφοις. Fatemur enim Deum aliquando verbo ἀγχαφω Ecclesiam docuisse, ut ante Mosem. Sed, An consignato semel Scripturæ Canone, dentur quædam Traditiones ἀγχαφοι quæ pari pietatis affectu recipienda sint cum Scriptura; quod Pontificii volunt, Nos negamus.

VII. Non quaeritur, An omnes omnino Traditiones sint absolute rejiciendæ: Nam concedimus posse dari *Traditiones historicas* quæ rerum gestarum mentionem continent, *Traditiones rituales* quæ de ritibus & caeremoniis liberæ observationis agunt. Sed agitur tantum de *Traditionibus Dogmaticis & Ethicis*, id est, quæ vel fidem vel mores spectent, quas extra Scripturam dari negamus.

VIII. Non quaeritur, An admittendæ sint Traditiones Divinæ & Apostolicæ, id est, ea omnia dogmata quæ vel à Christo vel ab Apostolis tradita sunt, hoc enim facile omnes concedunt. Sed an dentur ullæ Traditiones tales præter Scripturam. Donec ergo Adversarii suas Traditiones ἀγχαφοις certo argumento probent à Christo & Apostolis revera manasse, quod nunquam facturi sunt, tandiu eas ut humanas rejicimus.

IX. Quæstio ergo eò redit; An Scriptura S. contineat perfectè, non omnia absolute, sed necessaria ad salutem, non expresse & totidem verbis, sed æquipollenter vel per legitimam consequentiam, ut nihil opus sit ad verbum aliquod ἀγχαφω confugere, quod Traditiones aliquas dogmaticas vel Ethicas contineat. Seu, An Scriptura sit regula totalis & adæquata fidei & morum, An verò partialis tantum & inadæquata. Nos prius tuemur; Pontificii posterius statuunt, qui volunt *Traditiones non scriptas tum ad fidem tum ad mores pertinentes pari pietatis affectu & reverentia cum Scriptura esse recipiendas*, Concil. Triden. Sess. 4. Bellar. li. 4. de V. D. c. 2. & 3.

X. Præverunt Pontificiis in Traditionibus recipiendis Judæi, qui Legem partiebantur in *Scriptam & Oralem* quam Moles in monte Sinai acceptam tradiderit Josuæ, hic LXX. Senioribus, hi verò Prophetis, Prophetæ Synagogæ magnæ, & ita deinceps, donec tandem conscripta & in Talmud relata sit. Unde variæ δόξαες apud ipsos invaluerunt, ut ipsis Christus exprobrat; quod fuit Satanæ artificium ut per Legem hanc Judæos à Lege scripta facilius avocaret. Eadem arte effecit ut Pontificii duplex Dei Verbum sinxerint, aliud scriptum, aliud non scriptum, quasi Christus & Apostoli multa vivâ voce docuerint quæ scripto non tradiderunt. Hinc Traditiones ortæ sunt ἀγχαφοι, ita dictæ, non quòd nusquam scriptæ sint, sed quod juxta Bell.

Bell. à primo authore non scriptæ sint, aut quòd in nullo libro Apostolico scriptæ inveniantur. QUEST?
XVI.

XI. Ne videantur verò hac ratione Scripturam insufficientiæ arguere, distinguunt inter eos nonnulli *sufficiëntiam explicitam & implicitam* ut Staplet. & Serarius, vel *mediatam & immediatam* ut Perronius. Et Scripturam quidem non esse *sufficiëntem* immediate & explicitè fatentur; sed posse dici tamen *sufficiëntem mediatè & implicitè*, quia in iis quæ non habet in se, amandat ad Ecclesiam & Traditionem.

XII. Nos verò talem sufficiëntiam & perfectionem Scripturæ tribuimus, quæ sit immediata & explicita, ut nihil necesse sit extra Scripturam ad ullam Traditionem confugere, licet pro Divina & Apostolica venditetur.

XIII. 1. Quia Paulus dicit *πέναν βοήθω* esse *βοήθω* & *utilem ad* *Scripturam* *doctrinam, ad redargutionem, ad correctionem, ad disciplinam in iustitia, ut* *esse perfe-*
perfectus sit homo Dei ad omne opus bonum perfecte instructus, 2. Tim. 3. 15. *ctam pro-*
16. 17. ubi varia latent argumenta pro Scripturæ perfectione. Primò quia *basur ex 2.*
Literæ sacræ possunt hominem *σφίσι* *ad salutem* v. 15. quid enim quæri- *Tim. 3. 15.*
mus ampliùs, quàm ut salutis fiamus compotes? 2. quia utilis est ad omnes *16. 17.*
usus theoreticos & præticos, ad docendam fidem, & formandos mores. 3.
quia potest perfectum reddere Virum Dei ad omne bonum opus; at quod
Pastoribus sufficit, utique & ovibus sufficere potest.

XIV. Frustra Pontificii excipiunt. Primò, *utilem* dici, non autem omne
utile sufficiens esse; aquam utilem esse ad vitam, aërem ad sanitatem, non
tamen sufficere. Nam quod utile est non ad quædam tantum, sed universa-
liter ad omnia, utilitate completa & adequata, non partiali & incompleta,
sufficiëntiam necessariò importat. At Scriptura talis hic prædicatur, quando
dicitur posse hominem ad salutem *σφίσι*, & utilis esse tum ad *διδασκαλίαν*
veri, & *ἐλεγχον* falsi, tum ad *ἐπαρέσθαι* mali, & ad *παιδείαν* boni; nihil enim
præterea requiritur ad perfectionem. Nec similia allata huc pertinent; quia
aliud est loqui de utilitate, quæ ad finem tantum remotum & accidentalem re-
fertur, qualis est in aëre ad sanitatem, in aqua ad nutritionem; tunc enim uti-
litas potest notare tantum adminiculum, non sufficiëntiam. Aliud verò de
utilitate, quæ finem proprium immediatum & naturalem respicit; tunc
enim utilitas necessariò sufficiëntiam secum trahit, ut quum ignis dicitur uti-
lis ad calefaciendum. Eo autem modo Scripturam utilem dici patet. Secundò,
agi tantum de Scriptura V. T. Si ergo sola sufficiens dicitur ad omnia, super-
fluitatis damnari N. T. vel si potuit addi Vet. Test. Novum, nihil obitare
quominus Novo etiam aliquid hodie addi possit. Nam Paulus loquitur de tota
Scriptura tunc temporis extante; Jam verò, non V. T. tantum, sed variæ partes
Novi jam conscriptæ erant. 2. Si Vet. Test. sufficiens fuit, Ergo multò magis
V. & N. 3. Si V. T. fuit sufficiens suo tempore, non propterea Novum super-
fluum

QUÆST.
XVI.

fluum fuit, ut enim ætas Ecclesiæ variat, ita variat gradus revelationis, non ut perfectior reddatur quoad substantiam dogmatum, sed tantum quoad circumstantias & clariorem eorum propositionem. 4. Si V. T. Novum est additum non sequitur aliquid posse jam addi Novo, quia perfectus jam est omnimodo Scripturæ Canon, non modo quoad substantiam rerum credendarum, sed etiam quoad modum & gradum revelationis qui potest haberi in hac vita. Tertiò, non dici *ἡ ὅλην* totam, sed *πᾶσαν γέγραπται*, omnem Scripturam; At si urgetur syncategorema, perfectionem istam inveniendam esse in qualibet Scripturæ parte, quod absurdum. Nam vox *πᾶσα* hic non distribuitur pro singulis partibus, vel versibus Scripturæ est intelligenda, sed *collective* pro toto integrali, quomodo sæpe sumitur Matt. 2. 3. & 27. 45. Act. 2. 36. Luc. 21. 32. Act. 20. 24. & sic intelligunt Cornelius à Lapide, Estius, Catechesis Tridentina.

Ex Deut.
4. 7. Gal.
1. 8. Apoc.
22. 18.

XV. 2. Quia Deus expresse vetat quicquam Verbo suo addere, vel detrahere, Deut. 4. 2. *Ne addite ad Verbum illud quod ego precipio vobis, neque detrahite de eo.* Gal. 1. 8. *etiamsi nos aut Angelus e cælo evangelizet vobis prater id quod evangelizatum est, anathema esto.* Apo. 22. 18. *si quis adjecerit ad hæc, imponet ei Deus plagas scriptas in libro isto, & si quis abstulerit aliquid, auferet Deus partem ejus e libro vite.* Ubi non potest dici: Vel intelligi tantum Legem à Mose vivâ voce traditam, quæ amplior fuerit scriptâ: Quia verbum Mosis *ἡ γέγραπται* & *ἡ γέγραπται*, non re sed modo tantum differunt, nec aliud viva voce docuit, quàm quod scripsit; Unde Legem totam non mutilam in perpetuum Ecclesiæ usum perscribere jussus est, & ut servus fidelis perscripserit, Exod. 24. 4. Deut. 31. 9. 11. 19. &c. sic passim per Legem intelligitur liber Legis, Deut. 28. 38. Josu. 1. 7. Vel agi de integritate tantum obedientiæ, quia integritas obedientiæ refertur ad integritatem Legis, quæ talis est ut nefas sit ei quicquam addere. Vel agi de *additionibus corruptentibus, non perficientibus.* Quia nulla datur Traditio perficiens illud quod jam perfectum est; nec damnatur tantum corruptio, sed simplex additio, appositio, non tantum oppositio; Unde Galat. 1. 8. non dicit tantum Paulus contra, sed *supra* vel *prater* *παρ' ὃ evangelizatum est* ut V. Versio reddit; ubi rectè Theophy. *ἐκ τῆς ἐπιπλέοντος ἐν τῇ ἐκείνῃ κατὰ γράμματα ἀπὸ τῶν μικρόν τι ἐναγγελίζοντα παρ' ὃ ἐναγγελισάμεθα.* Omnis additio in materia fidei est corruptens, quia additur fundamento, quod unicum esse debet, & cui si quid additur, eo ipso evertitur, ut circulus destruitur si vel tantillum addas, nec pondus justum ampliùs erit si ultra quod requiritur aliquid apponas. Nec ideo peccasse censendi sunt Prophetæ & Apostoli qui tam multa Canoni Mosaico addiderunt; quia discernendæ sunt ætates Ecclesiæ, juxta quas crescere debuit revelatio, non quoad substantiam dogmatum, sed quoad modum & circumstantias; nam alias Paulus, qui protestetur se totum Dei consilium annunciasse fidelibus Act. 20. 20. 27. protestatur

statut tamen se nihil dixisse extra ea quæ Moses & Prophetæ dixerant, Auctor. Quest. XVI.
 26. 22. Denique pleraque quæ Pontificii addunt, non tantum sunt *præter*
 Verbum, sed etiam *contra* illud. Ad Johannem verò quod attinet, non
 spectavit tantum Prophetiam suam, ut vetaret eam interpolari; sed ut fuit
 Scriptorum sacrorum ultimus, Apocalypsi suâ totum Scripturæ Canonem
 clausit, & extremis verbis veluti diris quibusdam obsignavit. Adde quod
 à pari semper valeret argumentum; & quod de isto libro dicitur, id ipsum
 & in aliis etiam locum habere debet.

XVI. 3. Quia *Lex Dei* dicitur *perfecta*, quæ *restaurat animam*, & *datur* 3. Ex Ps. 19. 6. 9.
scientiam simplici &c. Ps. 19. 8. 9. At animæ conversio & restauratio non
 potest obtineri nisi cognitis omnibus ad salutem necessariis. Nec dici potest
 agi hic tantum de *perfectiōe intensiva* quoad qualitatem; quia Lex est imma-
 culata, & sine ullo vitio quoad singulas partes, non verò de *perfectiōe ex-*
tensiva quoad quantitatem & amplitudinem; quia & primaria vocis עֲצֻמָּה
 significatio designat perfectiōem talem cui nihil deest, & rei ipsius natura
 hoc exigit, quia agitur de ea perfectiōe, quæ potest animam restaurare &
 dare sapientiam simplici, quod sine plena sufficientia obtineri nequit.

XVII. 4. *Finis Scripturæ* perfectiōem istam postulat; data enim est ut sa- 4. à Fine Scripturæ.
 lutem & vitam ex ea habeamus Jo. 20. 31. & 1. Jo. 5. 13. Ro. 15. 4. quomodo
 verò finis iste obtineri posset, nisi perfectæ esset quæ omnia ad salutem neces-
 saria contineret? Data est ut sit *Canon & Regula fidei*: At regula quæ non est
 totalis & adæquata, eo ipso regula non est; regula enim talis est mensura cui
 nihil adimi vel addi potest, νόμος ἀπαράβατος, ut ait Phavorinus, καὶ μέτρον
 ἀδιάψυχον, πᾶσιν ἀρᾷστον, καὶ ἀκαίρετον μηδ' αὐμῶς ὑποδεχέμενον, *Lex invari-*
abilis & mensura infallibilis, nullam additionem vel detractionem admittens.
 Data est ut sit *Testamentum Christi*: At si humano testamento nemo quic-
 quam audet ὑποδιατάσσει Gal. 3. 8. quantò minùs Divino, quo supremam
 Testatoris voluntatem integrè contineri legitimi hæredes, non minùs tutò
 quàm firmiter credunt. Data est denique ut sit *Contractus, fœderis à Deo no-*
 biscum initi; Quis verò dixerit vel plura, vel aliena ab iis quæ in istis Tabu-
 lis perscripta sunt, vel spondidisse nobis Deum, vel à nobis esse stipulatum?

XVIII. 5. Quia rejiciuntur Traditiones omnes dogmaticæ extra Scri- 5. Ex Is. 29. 13.
 pturam Is. 29. 13. Mat. 15. 4. 9. *Frustra me colunt docentes doctrinas & man-*
data hominum. Nec reponi potest rejici Traditiones Pharisaïcas, non Apo-
 stolicas. Quia rejiciuntur in genere omnes doctrinæ quæ ab hominibus do-
 centur, & in Scriptura non traduntur; & supponitur gratis dari Traditio-
 nes Apostolicas præter Scripturam. Ita Isa. 8. 20. *Ad Legem & Testimonium* Isa. 8. 20.
 revocantur fideles, & exitium denunciatur iis qui juxta illud loquuti non
 fuerint. Nec per Testimonium possunt intelligi Traditiones, quæ passim
 rejiciuntur à Deo; sed vel ipsa Lex quæ sæpe testimonium dicitur, id est,

QUEST. XVI. Lex, quæ est Dei Testimonium exegeticè, vel Scripta alia Prophetarum, quæ Legi addita sunt. Paulus 1. Cor. 4. 6. *vetat sapere πᾶς ὁ γέγραπτόν* prater id quod scriptum est, non modò respectu mòrum, ne quis sapiens sibi videatur ex præscripto Salomonis, Proverb. 3. 7. sed & respectu doctrinæ, ne quis inani sapientiæ præsumptione inflatus doctrinas peregrinas præter Scripturam in Ecclesia proponat, quod faciebant Pseudapostoli inter Corinthios.

6. Quia nulla ratio afferri potest traditi-
onis.

XIX. 6. Nulla ratio idonea afferri potest, cur Deus unam Verbi sui partem scripto, alteram vivâ voce tantùm tradi voluerit. Et malè consulisset Ecclesiæ suæ, si doctrinæ necessariam partem incertæ hominum traditioni commisisset, cùm nulla sit traditio quæ temporis lapsu corrumpi facilè non possit. Adde quòd nulla regula datur ad discernendas Traditiones, quæ non refundatur tandem in Testimonium & auctoritatem Ecclesiæ, & hæc ipsa auctoritas maximè in controversiam venit. Cùm ergo earum dubia sit origo, incerta auctoritas, perplexus & ambiguus plerumque sensus, & impossibilis eas discernendi ratio; Nemo non videt meritò à nobis eas rejici, ut soli Scripturæ tanquam perfectissimæ fidei morumque regulæ adhæreamus.

7. Ex Patribus.

XX. 7. Patres nobis hîc adstipulantur clarissimè, Tertul. contra Hermo. c. 21. *Adoro Scripturæ plenitudinem; & mox, scriptum esse doceat Hermogenes, aut si non est scriptum timeas illud, Væ adjucentibus.* Et alibi de præscripte. adversus hæret. *Nobis curiositate opus non est post Christum, nec inquisitione post Evangelium. Quum credimus, hoc primum credimus, nihil esse quod ultra credere debeamus.* Hiero. in Matth. 23. *Quod de Scripturis auctoritatem non habet, eadem facilitate contemnitur, quâ probatur.* Aug. de Doctrina Christi, lib. 2. c. 29. *In his quæ apertè posita sunt in Scripturis, inveniuntur ea omnia, quæ continent fidem moresque vivendi.* Basilii Serm. de Fide. *Infidelitatis argumentum est, & signum superbiæ, aliquid vel eorum quæ scripta sunt infirmare, aut eorum quæ non scripta sunt introducere &c.* Irenæ. adv. hæret. lib. 3. c. 1. *non per alios dispositionem salutis nostræ cognovimus, quàm per eos per quos Evangelium pervenit ad nos, quod quidem præconiauerunt, postea verò per Dei voluntatem in Scripturis nobis tradiderunt, columnam & fundamentum fidei nostræ futurum.*

**Fontes
Solutio-
num.**

**Joh. 20.
30.**

XXI. Licet omnia non sint scripta κατὰ μέγεθος quoad dicta & facta singula, cùm singularium nec numerus sit nec scientia, de quibus agitur Joh. 20. 30. scripta tamen sunt κατὰ εἶδος quoad ipsam doctrinæ necessariæ substantiam. Unde aliud est multa à Christo & Apostolis dicta & facta in Scripturis non contineri; quod concedimus. Aliud talia dicta & facta diversa esse quoad substantiam ab iis quæ consignata sunt; quod negamus.

XXII. Quæcunque Pontificii obtendunt recipienda extra Scripturam: Vel revera extant in Scriptura, ut Trinitas saltem quoad rem, Pædobaptismus, quem Bell. lib. de Bapt. cap. 8. probat ex Scriptura, Irreiterabilitas

bilitas Baptismi, Numerus Sacramentorum saltem numeratus, Fœminarum admissio ad S. synaxim ex Act. 2. 42. 1. Corinth. 11. 28. Sabbathi in diem Dominicum translatio Apoc. 1. 10. 1. Cor. 16. 2. Col. 2. 16. 17. Vel non sunt dogmata necessaria ad salutem, ut perpetua Virginitas Mariæ etiam post partum, quòd Pascha die Dominico debeat celebrari. Vel falsa sunt & commentitia, ut localis Christi in inferos descensus, Purgatorium, Missa, Enochi & Eliæ reditus &c.

QUEST.
XVI.

XXIII. *Deposuitum* de quo 1. Tim. 6. 20. Timotheo commissum nihil minùs insinuat, quàm doctrinam vivâ voce traditam & non scriptam; sed vel formam saniorum verborum cuius meminit 2. Tim. 1. 13. contra profanas vocum novitates, & oppositiones *ἡ ἀδανύμενη γνώσις*, vel Talentum donorum ipsi concreditorum; quæ cum farragine Traditionum non scriptarum nihil habent commune.

XXIV. Multa illa quæ portare non poterant Discipuli Christi Joh. 16. 7. 16. 12. non inferunt vel Scripturæ insufficientiam, vel Traditionum necessitatem; Tum quia non fuerunt nova dogmata quoad substantiam diversa à prioribus Jo. 14. 26. Sed eadem plenius declaranda & certius persuadenda per Spiritum, tum quia edocti postea per effusionem Spiritus ea literis consignarunt.

XXV. Locus Apost. 2. Thess. 2. 15. non probat dari Traditiones *ἀγέμεναι*, sed duplicem ejusdem doctrinæ tradendi modum designat, qui sit tum vivâ voce, tum scripto; & particula disjunctiva *ἢ* quæ tamen copulativè potest etiam sumi, ut Rom. 14. 8. 1. Corinth. 15. 11. Col. 1. 20. diversitatem notat, non rei, sed modi, qui alius & alius esse potuit, maxime primis illis temporibus quibus Canon Scripturæ N. T. nondum erat consignatus. Deinde licet omnia non contenta fuissent in epistola quam ad Thessal. scribit Paulus, non sequitur non contineri alibi in Scriptura.

XXVI. Traditio aliquando notat quamlibet doctrinam, quæ nobis traditur sive scripto, sive viva voce, aliquando doctrinam quæ solâ vivâ voce & non scripto traditur. Non quæritur de Traditione primo sensu, sic enim omnia dogmata Scripturis contenta possunt vocari Traditiones, ut Paulus Institutionem Eucharistiæ vocat 1. Cor. 11. 23. sed agitur de doctrina non scripta.

XXVII. Perperam distinguitur à Perronio *sufficiencia mediata & immediata*; Ut Scriptura sufficiens dicatur non secundo sensu, sed primo, quia nos amandat ad Ecclesiam, quæ postea supplet defectus Scripturæ: Quia sic vera Scripturæ insufficientia notaretur; Nam si amandat ad Ecclesiam quæ sufficientiam illam habeat, eo ipso declarat se illam non habere. 2. Sic Lex posset dici perfecta ad salutem, quia amandat ad Christum in quo salus. 3. Scriptura non amandat nos ad Ecclesiam, quæ nova dogmata nobis proponat; Sed ut ea quæ in Scriptura habentur explicet &

Q U Æ S T. applicet. Nec hîc reponi debet; Nos sufficientiam istam mediatam statuere;
 XVI. quum volumus Scripturam si non expressè, saltem per consequentiam omnia necessaria ad salutem continere; quia quum Scriptura per consequentiam aliquid docet, non amandat ad alium qui doceat; sed ex sinu suo promit quæ virtualiter in ea latebant. Nec simile allatum à Perronio *literarum credentia*, quæ sufficientes dicuntur, licet non omnia contineant quæ in mandatis legatus habet, potest hic accommodari; quia Scriptura non est tantum Epistola credentialis, sed etiam Edictum Principis, quod ita omnia credenda & facienda continet, ut nihil illi addendum vel detrahendum sit.

XXVII. Perfectio Scripturæ quæ à nobis asseritur non excludit vel Ministerium Ecclesiasticum, quod à Deo institutum est ad Verbum proponendum & applicandum, Vel Spiritus S. virtutem necessariam ad conversionem internam: Sed excludit tantum necessitatem alterius regulæ ad directionem externam, quæ Scripturæ addatur ad illam perficiendam; non ideo imperfecta est Regula, quia requiritur manus Architecti ad eam applicandam.

XXIX. Alia sunt *Dogmata positiva* & affirmativa, quæ explicant positivè quid nobis credendum sit; Alia *negativa* quæ docent quid sit rejiciendum. Non quæritur hîc tam de sufficientia Scripturæ quoad articulos negativos, quasi expressè debeat continere rejectionem omnium errorum & hæresium, quæ vel olim exortæ sunt, vel orituræ sunt adhuc; Nam ut rectum index est sui & obliqui, facile refelluntur errores ex positione veritatis. Sed agitur potissimum de articulis affirmativis, qui sunt ipsum animæ pabulum.

XXX. Traditio sumitur, vel *formaliter* pro actu tradendi, vel *materialiter* pro re ipsa tradita: hîc non agitur de Traditione primo sensu, quod eam admittimus, quia per eam Scripturas habemus; sed secundo, quod eam negamus.

XXXI. Scriptura V. T. *perfecta* fuit *essentialiter* & absolute; quia substantiam doctrinæ necessariæ ad salutem continebat sufficienter pro ratione illius temporis; quamvis *accidentaliter* & comparatè resp. Scripturæ N. T. imperfecta dici possit ratione modi manifestationis, ut status Ecclesiæ Christianæ vocatur infantia 1. Cor. 13. resp. gloriæ, licet resp. Ecclesiæ Judaicæ sit ætas virilis, Gal. 4.

XXXII. Jesum filium Mariæ esse verum Messiam, vel Filium Dei in carne venisse, non est novus articulus fidei, sed explicatio & applicatio præcedentium, quæ in *hypothesi* docet quod jam ante in V. T. traditum erat in *thesi* de Messia. Ita dum Christus apographum chirographo addit, complementum prædictioni, & corpus umbris, non novam doctrinam proponit, sed veterem tantum exponit & illustrat.

XXXIII. Traditio de Scriptura non evincit Traditiones dari extra Scri-

Scripturam, quia quæstio propriè non est de *Principiis*, sed de *Principiatis*; An positâ quam habemus Scripturâ, opus sit non scriptis aliquibus traditionibus ad ejus supplendos defectus in rebus ad salutem necessariis. Deinde Traditio ista est formalis & activa, quam concedimus, quia & Ecclesiæ sunt commissa Oracula Dei, ut eorum sit Præco & Custos; non verò materialis & passiva, quæ doctrinam aliquam traditam extra Scripturam, quam negamus, notet. Ita Scripturam habemus per traditionem, non quæ sit principium illi credendi, sed tanquam medium & instrumentum, quò illa ad manus nostras perveniat.

XXXIV. Scriptura perfecta dicitur, non semper adæquatè ad *objectum*, quasi mysteria omnia quæ traditè perfectè explicet; multa enim sunt quæ non possunt exprimi in se adæquatè, ut Deus, Trinitas &c. sed adæquatè ad *finem*, quia ita illa proponit ut à nobis percipi possint sufficienter ad salutem.

XXXV. Quum Scripturam dicimus perfectam in esse regulæ, hoc intelligimus quoad *totam Scripturam* collectivè, non verò quoad *totum Scripturæ* distributivè, id est, singulas ejus partes, ut nec in regula materiali, quicquid est regulæ, idem est regula.

XXXVI. Licet sæpe Traditionum Patres meminerint, non sequitur statim eos Traditiones *apostolicas* Pontificiorum admisisse, quia diversimodè de illis loquuntur: Aliquando Traditio ab ipsis usurpatur pro *actu tradendi*, quo libri sacri nunquam interrupta serie temporum, & perpetuâ successione ab Ecclesiâ sunt conservati & ad posteros traditi; quæ Traditio est *formalis*, quo sensu Origenes dicit se per *Traditionem* didicisse, quòd *quatuor Evangelia in Ecclesiâ universa sint indubitata*. Secundò sumitur sæpe pro doctrina scripta, quæ primò vivâ voce post scripto consignata est, sic Cyprian. ep. 74. ad Pompeium, *Si in Evangelio præcipitur aut in Apostolorum Epistolis, aut Actibus invenitur, observetur etiam hæc sancta Traditio*. Tertiò pro doctrina quæ totidem verbis in Scriptura non extat, sed per legitimam & necessariam consequentiam inde educitur, adversus eos qui expressa verba Scripturæ petebant, nec *ἐκ μόνων* admittere volebant, quia in Scriptura verbotim non occurrebat. Ita Basili. de Spiritu S. c. 27. ipsam fidei professionem qua credimus in Patrem, Filium, & Spiritum S. e Scripturis haberi posse negat, Symbolum intelligendo, cujus articuli tamen quoad sensum habentur in Scripturis. Quartò pro doctrina rituum & caeremoniarum quæ dicitur *Traditio ritualis*. Quintò pro consensione veterum Ecclesiæ Doctorum in expositione loci alicujus Scripturæ, quam à Majoribus acceptam non sine modesta veneratione antiquitatis retinebant, quia cum Scripturis conspirabat; quæ potest dici *Traditio sensus* vel exegetica, de qua Iren. lib. 3. c. 3. loquitur & Tertull. sæpe lib. præscript. Sextò traditionis voce utuntur ad hominem,

QUÆST. disputando contra hæreticos qui eas urgebant, non quòd ea quæ probabant, minùs haberentur in Scriptura; sed quia hæretici quibuscum disputabant Scripturas non admittebant, cùm *ex Scripturis se revinci sentiant in accusationem convertuntur Scripturarum*, ut ait Irenæ. Disputant ergo *ἐκ αἰώνων* ex consensu Traditionis cum Scriptura, ut nos ferè jam disputamus ex Patribus contra Adversarios sed non eo animo, ut Traditionem Dogmaticam extra Scripturam recipiant, testis Hiero. in Hag. 1. *Quæ absque autoritate & testimonio Scripturæ quasi Traditione Apostolica sponte repetunt & confingunt, percutit gladius Dei.*

Q U Æ S T I O X V I I .

D E P E R S P I C U I T A T E S C R I P T U R Æ .

An Scriptura ita sit perspicua in rebus ad salutem necessariis, ut sine externo Traditionis αἰεγιῶς, vel authoritatis Ecclesiasticæ auxilio, à fidei intelligi possit? Affirm. contra Pontificios.

I. **N**on satis fuit Pontificiis Scripturam imperfectionis arguere, ut Traditionum necessitatem invcherent, sed ut aliquo cum prætextu populum ab ejus lectione arcere possent; & lucernam sub modio occultare, ut faciliùs in tenebris regnarent, ejus obscuritatem urgere cœperunt, quasi nulli certò notus esse possit ejus sensus sine judicio Ecclesiæ.

Statas

Quæstio-
nis.

II. Ad Statum Quæstionis observa 1. Non quæri de *Perspicuitate*, vel *obscuritate subjecti*, seu Personarum; Nam non negamus Scripturas esse obscuras infidelibus & irrogenitis, quibus Evangelium suum tectum esse dicit Paulus 2. Cor. 4. & fatemur Spiritum illuminantem fidelibus necessarium esse ad eas intelligendas. Sed de *obscuritate vel perspicuitate objecti*, seu Scripturæ; An ita sit obscura, ut homo fidelis sine autoritate & judicio Ecclesiæ eam ad salutem percipere non possit; quod negamus.

III. Non quæritur de *Obscuritate Rerum seu Mysteriorum* in Scriptura traditorum; utrinque enim agnoscimus mysteria pleraque, quæ in Scriptura proponuntur, ita esse sublimia ut longissimè captum nostrum superent, & hætenus posse dici obscura in se: Sed de *obscuritate modi* quo res illæ abstrusissimæ traduntur, & quem mirabili *συγκατάβασις* ita esse temperatum à Domino statuimus, ut fidelis qui habet oculos mentis illustratos attentè legens sufficienter ad salutem hæc mysteria capere possit.

IV. Non quæritur, An Scriptura S. sit perspicua in omnibus suis partibus, ut nullo interprete, nullaque dubiorum expositione egeat, quod Bel-
larm. nobis, sed falso & per calumniam affingit lib. 3. de V. D. c. 1. Statum
quæstionis ita formans; *Sintne Scriptura per se facillima & aperitissima, ut in-
terpretatione non indigeant.* Nam ultro fatemur sua esse Scripturæ adyta, &
sua βάρη, quæ assequi & scrutari non valemus, & quæ Deus tum ad excitand-
um studium fidelium & augendam eorum diligentiam, tum ad domandam
hominis superbiam, tum ad fastidium detergendum quod ex nimia facilitate
suboriri poterat, in Scriptura esse voluit: Sed tantum quæritur de rebus ad
salutem necessariis, & quidem secundum eam tantum *ἡσίων* secundum quam
necessariæ sunt cognitu, & sine crimine ignorari non possunt; v. g. Trinita-
tis mysterium perspicuè traditur quoad τὸ ὄν quod necessarium est, sed non
quoad τὸ πῶς, quod nosse nobis non conceditur, nec ad salutem requiritur.
Sic scilicet visum Deo, ut in Natura ita & in Scriptura, ut omnia necessaria
ubique ferè locorum occurrerent & facili negotio invenirentur; sed nonnulla
minùs necessaria certis locis altiùs recondiderentur, unde non nisi magno stu-
dio erui possent. Ut illa præter cibum & panem, suas habeat veluti delicias,
suas gemmas, & aurum altè defossum, & indefesso studio eruendum. Et ut
Cælum diversis stellis majoribus vel minoribus interstinguitur; Ita Scriptu-
ra non ubique pariter lucet, sed locis clarioribus & obscurioribus veluti stel-
lis quibusdam majoris vel minoris magnitudinis distinguitur.

V. Non quæritur, An res ad salutem necessariæ ubique perspicuè tradan-
tur in Scriptura; Fatemur enim varia esse *δυσκόνητα*, quibus studium nostrum
& ingenii acumen exercere voluit Deus: Sed an alicubi saltem, ut fidelis se-
dulà adhibitâ meditatione earum veritatem percipere queat; quia nihil ex
obscurioribus locis eruitur, quod non alibi planissimè dictum reperiat, ut
habet Aug. *Magnificè quippe & salubriter Spiritus S. ita Scripturas modifica-
vis, ut apertioribus locis fami occurreret, obscurioribus autem fastidium deter-
geret*, de doctr. Christi, lib. 2. c. 6. & de Verbis Domini Serm. II. *Pascimur
apertis, exercemur obscuris, ibi famel pellitur, hic fastidium.*

VI. Non quæritur de Perspicuitate quæ excludat media ad Interpretatio-
nem necessaria; ut lucem Spiritus internam, attentionem animi, vocem &
ministerium Ecclesiæ, conciones & commentarios, preces & vigiliæ, a-
gnoscamus enim talia media non modò utilia, sed etiam necessaria esse ordi-
nariè: sed proscriptam tantum volumus eam obscuritatem, quæ plebem ar-
cet à lectione Scripturæ quasi noxia sit & periculosa, & quæ cogat ad Tradi-
tionem confugere, ubi subsistendum erat in sola Scriptura.

VII. Quæstio ergo eò rēdit, An Scriptura S. ita sit perspicua in rebus ad
salutem necessariis, non quoad res ipsas traditas, sed quoad modum tradendi,
non respectu subjecti, sed objecti, ut sine externo Traditionis auxilio, vel
Ecclesiæ

QVÆST. Ecclesiæ infallibili iudicio, possit à fidelibus salutariter legi & intelligi.
XVII. Pontif. negant; Nos asserimus.

Scriptura VII. Scripturam perspicuam esse patet 1. ex ipsa Scriptura quæ se lucidam clamat Ps. 119. 9. *Testimonium Jehovæ est certum, illuminans oculos,* & 119. 105. *Lucerna pedibus meis sunt verba tua.* 2. Pet. 1. 19. *Lucerna splendens in loco obscuro.* Proverb. 6. 23. *Lex est lucerna.* Nec valet exceptio 1. Bellarmini, qui vult agi tantum de præceptis Legis, non de tota Scriptura: Quia Legis nomine totum Dei Verbum passim innuitur, & effecta consolandi & restaurandi docent sic debere intelligi. Et Gloss, interline. Lyranus, Arias Montanus pro nobis hîc faciunt. Petrus sanè totum Dei Verbum lucernam appellat. Nec melior est altera, quâ statuit, licet agatur de tota Scriptura, non alio sensu hoc intelligendum, quàm *quia intellecta illuminat.* Nam Scriptura non tantum lucida dicitur, quia intellecta illuminat, sed quia in se lucida est & apta nata est nos illuminare, si ab homine oculis fidei usurpetur, ut lucida sit *formaliter & effective*, quia radios spargit instar Solis, & oculis intuentium se ingerit. Deinde nihil ineptius dici potest, idem enim est ac si dicerem Scripturam non illuminare, nisi illuminet, nam eo ipso illuminat quo intelligitur.

Deut. 30.
11.

IX. Locus Deutero. 30. 11. ubi dicitur Verbum non esse occultum vel remotum à nobis, non tantum refertur ad facilitatem implendi mandata, sed etiam ad facilitatem intelligendi, sine qua nunquam implerentur: nec tantum de præceptis agit, sed de Verbo Dei in genere; Unde Paulus applicat hoc Verbo fidei Rom. 10. 6. quod non implendum opere, sed credendum fide.

2. Cor. 4. 3.

X. Evangelium dicitur tectum solis infidelibus 2. Cor. 4. 3. & perspicuum proinde fidelibus, non solum quâ prædicatum, sed etiam quâ scriptum; tum quia non aliud prædicarunt Apostoli, aliud scripserunt, tum quia opponitur hîc Evangelii claritas obscuritati Veteris Testamenti, in cuius lectione occupabantur Judæi, de quo egerat Paulus c. 3. 14.

XI. Perspicuitatem Scripturæ probant ejus *Efficiens*, nim. Deus *Pater luminum*, qui dici nequit vel noluisse, vel non potuisse perspicue loqui, quin arguatur ejus summa bonitas & sapientia. 2. *Finis* qui est ut sit Canon & regula fidei & morum, quod esse non posset nisi perspicua esset. 3. *Materia*, *Lex* scil. & *Evangelium* quæ à quolibet facile percipiuntur. 4. *Forma*, quia nobis est loco Testamenti, Contractus Fœderis, Ediçti Principis, quæ perspicua & non obscura esse debent.

XII. Patres eam passim agnoscunt, licet non negent suam esse Scripturam βαβη quæ studium fidelium exercere debent, Chrysost. homi. 3. de Lazar. Scripturam ita *temperatam* dicit, ut etiam *idiota eam intelligere possint*, si modo *studiose legant*, πάντες ibi esse αὐτῇ ἡ ἐκείνη, πάντες τὰ ἀναγκαῖα δηλα. Augustin. lib. 2. de C. D. c. 2. 6. & 9. *In iis quæ clare in Scri-*
pturis

pturis tradita sunt, inveniuntur omnia qua continent fidem, moresque vivendi Quest. XVII.
 Irenæ. lib. 2. c. 46. Scripturam Propheticam & Evangelicam dicit esse in a-
 perto & sine ambiguitate. Grego. Præf. in Jobum, Scriptura habet in publico
 unde parvulos nutrias, sicut servat in secreto, unde mentes sublimium in admi-
 rationem suspendas; quasi quidam est fluvius planus & alius, in quo & agnus
 ambulet, & elephas natet.

XIII. Aliud est loqui de ignorantia & cæcitate hominis; Aliud de ob- Fomes
 scuritate Scripturæ. Illa sæpe urgetur in Scriptura, sed hæc non item, nec ista Solutio-
 legitimè potest inferri, non magis quàm Solem esse obscurum, quia à cæco num.
 non videtur: Hinc si David & alii fideles petunt sibi oculos retegì, ut videant
 mirabilia Legis, non ideo obscuritas Scripturæ potest inferri, sed tantum
 ignorantia hominis; At hîc non quæritur, an homines egeant Spiritus S. lu-
 mine ad intelligendam Scripturam, quod ultro damus, sed an Scripturæ ho-
 mini fideli & illuminato sint obscuræ: Deinde aliud est loqui de illumina-
 tione theoretica, Aliud de practica; Aliud de primo gradu, aliud de ejus in-
 crementis; David non prius propriè, sed posterius petit.

XIV. Quum Christus dicitur aperuisse mentem discipulis ut intellige-
 rent Scripturas, Luc. 24. 45. hoc innuit quidem hominem non posse per se Luc. 24. 45.
 sine auxilio gratiæ Scripturas percipere; sed non arguit statim Scripturæ ob-
 scuritatem, nec imputari potest Scripturæ caligo quæ fuit in discipulorum
 mentibus.

XV. Aliud est esse *δυσνόητα* in Scriptura, quæ difficilia sint captu, Aliud
αἰνόντα, quæ quantavis diligentia adhibitâ non possint intelligi; Petrus prius
 dicit, 2. Epist. c. 3. 15. non posterius: Aliud esse *δυσνόητα πάντα*, quod conce- 2. Pet. 3. 15.
 dimus; Aliud *δυσνόητα πάντα*, quod negamus. Aliud esse *δυσνόητα* in modo
 tradendi Epistolarum Pauli, quod negamus; Aliud in rebus ipsis traditis,
 quod Petrus innuit: Nam relativum *οἷς* non potest referri ad vocem *ἡπιστο-*
λαι, ut fatentur *Gagne. & Lorin.* sed ad res quæ tractantur. Aliud est esse *δυ-*
σνόητα indoctis & instabilibus, qui incredulitate & malitia ea torquent ad
 proprium exitium, quod fatemur cum Petro; Aliud esse *δυσνόητα* fidelibus,
 qui ope Spiritus S. in iis perscrutandis humiliter versantur.

XVI. Ab obscuritate quarundam partium Scripturæ v. g. Prophetiarum
 & Oraculorum Veterum non valet consequentia ad obscuritatem totius
 Scripturæ: quia, Vel Prophetiæ illæ non sunt de rebus necessariis ad salutem;
 Vel si quid obscuri in illis traditur, alibi clarè explicatur. Ita *Liber clausus*
 & *signatus* de quo Dan. 12. & Apoc. 5. docet quidem Prophetias obscuras Dan. 12. 4.
 esse ante complementum; sed non evincit Scripturam totam ita esse obscu- Apoc. 5. 1.
 ram, ut à fidelibus intelligi non possit in rebus necessariis ad salutem.

XVII. Licet cognitio nostra per Scripturam sit obscura comparatè ad
 cognitionem gloriæ, ubi non ampliùs per speculum & in ænigmate sumus

Quæst. XVII. cognituri, sed facie ad faciem Deum sumus visuri 1. Corinth. 13. 14. Non sequitur absolutè & in se obscuram esse respectu status hujus vitæ; quia talis est claritas, quæ nobis in hac vita sufficit; utpote per quam facie relectâ contem-
 1. Cor. 13. 14. plamur gloriam Domini in speculo Evangelii. 2. Corint. 3. 18. 2. Paulus lo-
 2. Cor. 3. 18. quitur de cognitione ænigmatica, quæ sit communis omnibus viatoribus, nemine ne seipso etiam excepto; *Nunc*, inquit, *videmus per speculum*; quis verò dixerit Paulo obscuram fuisse Scripturam? Ergo locus notat tantum imperfectionem cognitionis nostræ in hac vita, & discrimen revelationis gratiæ & gloriæ, sed non obscuritatem Scripturæ.

Jo. 5. 39. XVIIII. Quamvis scrutandæ sint Scripturæ, Joh. 5. 39.; non sequitur obscuras esse ubique, etiam in rebus ad salutem necessariis, 1. Quia non dicimus esse cuius perspicuas; sed tantum animum attendenti, & sedulò investiganti, propterea opus est scrutinio, quia scrutanti demum perspicua est Scripturæ: Facillima enim quæque, obiter atque oscitanter legentibus, obscura fiunt. 2. Non negamus suæ esse Scripturæ adyta, & mysteriorum *βαῖν*, quæ non nisi summo studio & diligente indagine crui possunt; sed hoc non obstat quominus alia occurrant bene multa, quidem necessaria ad salutem, quæ oculis fidelium facilè obversantur.

Jo. 16. 18. XIX. Quamvis Apostoli resurrectionem, & ascensionem Christi satis intelligere non potuerint Joh. 16. 18.; non sequitur Scripturam fuisse obscuram: quia sufficit unicuique cognitio pro modo status in quo versatur, & doctrinæ quæ revelatur. Jam rerum harum revelatio plena, post resurrectionem demum contingere debuit.

XX. *Cognitio Scripturæ* alia est *literalis & theoretica*; quæ verba secundum literam & grammaticè intelliguntur; Alia *spiritualis & practica*, quæ verâ fide apprehenduntur. Multa in Scripturis occurrunt homini etiam animali perspicua theoreticè; & constat ingeniosè de summis fidei articulis posse disputare homines profanos; sed practica cognitio propria est fidelium 1. Cor. 2. 14. 15. 2. Cor. 4. 3.

XXI. Quæcunque afferantur ab Adversariis obscuritatis Scripturæ ratione modi tradendi causæ, non possunt evincere eam ita obscuram esse in rebus necessariis ad salutem, ut non possit esse totalis fidei morumque regula, & necesse sit ad eas superandas ad Ecclesiæ auctoritatem aliquam infallibilem, & prætersum ejus tribunal confugere. Nam præterquam quòd eò nunquam relegamur, tales non sunt quæ adhibito studio superari non possint, & ea quæ in locis illis occurrunt, vel non sunt necessaria ad salutem, vel si in uno vel altero loco obscuriùs traduntur, alibi clariùs explicantur.

XXII. Aliud est loqui de *obscuritate absolutâ* Scripturæ, & respectu omnium ætatum & statuum Ecclesiæ; Aliud de *obscuritate comparatâ* relatè ad certam ejus ætatem. Fatemur Scripturam V. T. obscuram esse comparatè,
 resp.

resp. N. T. & relatè ad statum & ætatem Ecclesiæ Christianæ: Sed hoc non obstat quo minus perspicua fuerit in se, & sufficienter ratione status Ecclesiæ V. T. cui proponebatur. QUEST. XVIII.

QUÆSTIO XVIII.

DE SCRIPTURÆ LECTIONE.

An Scriptura à quolibet fidei legi possit cum fructu, & debeat sine permissu? Aff. cont. Pontif.

I. **S**ententia Pontificiorum non melius potest colligi, quàm ex Regul. IV. Indicis libr. prohib. ex Tridentina Sanctione editi, quæ sic habet. *Cum experimento manifestum sit, si sacra Biblia vulgari lingua permittantur, plus inde ob hominum temeritatem detrimenti quàm utilitatis oriri, prohibentur Biblia cum omnibus eorum partibus, sive excusa sive manuscripta, in qualicunque vulgari lingua extent.* Verùm quia hoc crudum nimis videbatur, Pius IV. temperamentum aliquod videtur addere voluisse, quum ad iudicium ordinarii Parochi aut Episcopi reducit concessionem Bibliorum lectionis, iis scilicet quos intellexerint, ex huiusmodi lectione, non damnum, sed fidei & pietatis augmentum capere posse: Sed subsecuta Clementis VIII. Observatio spem istam planè illusoriam esse ostendit in Reg. hanc 4. dum negat ullam de novo tribui Episcopis, vel aliis facultatem talem licentiam concedendi, quæ ipsis hætenus sublata fuit mandato S. R. Inquisitionis, cujus in hoc negotio, praxi inhærendum. Ita, altera manu auferendo quod unâ dare videbantur, ostendunt scopum non alium fuisse ipsis, quàm lucem istam sub modium reponere, & Scripturam è manibus populi eripere, ne errores eorum retegantur. Fatendum tamen variis inter Pontificios tyrannidem duram hanc videri, qui lectionem Scripturæ fidelibus concedendam esse censent; sed pauci sunt præ iis qui interdictionem ejus urgent; quorum sententia recepta est, ut communis totius Ecclesiæ; utpote fundata in Lege sancitâ Concilii autoritate atque Pontificis; cui Concilium ipsum, pronuncians supremam ejus esse potestatem in universa Ecclesia, Sess. XIV. de Pœnitentia cap. 7.; expressè demandavit ea terminare & evulgare quæ ad Censuram Librorum pertinent; in continuatione Sess. XXV. Quæ ideo non potest aliter spectari quicquid contra pertendatur, quàm Universalis Lex Ecclesiæ Romanæ donec dilertè revocetur. Nos verò contra, non modò fidelem quemque Scripturam liberè legere posse, sed & debere pertendimus, ut nulla hic sit venia ab Episcopo aut Parocho expectanda.

II. Non quæritur, An necessaria sit absolutè & simpliciter omnibus Scripturæ lectio; Nam & infantes sine ea salvantur, & multi sunt *ἀναλφάβητοι* Status
inter nis.

Q U A E S T. inter adultos, qui eam nunquam lustrarunt: Sed an ita sit cuius licita, ut nemo quamvis rudis & imperitus sit ab ea arcendus.

XVIII.

III. Non quaeritur, An discretio quædam possit & debeat adhiberi in lectione librorum Scripturæ pro captu cuiusque, quomodo olim arcebantur à nonnullis Scripturæ libris juniores, quibus ob ætatem iudicium nondum erat satis confirmatum: Nam hoc non tam interdictio est, quàm methodus discendi; & commodè fieri potest ad maiorem profectum & ædificationem Sed, An Lectio interdicenda sit cuiquam; quod negamus.

Scriptura

Lectio probatur. Ex

Deut. 6. 6.

7. 8. c. 31.

11. 12.

Pf. 1.

2. Col. 3.

16.

Jo. 5. 39.

Jo. 1. 8.

2. Pet. 1. 19.

Apo. 1. 3.

IV. Rationes sunt, 1. *Dei Præceptum*, quod omnes & singulos spectat, Deut. 6. 6. 7. 8. & c. 31. 11. 12. Pf. 1. 2. Col. 3. 16. Jo. 5. 39. Jos. 1. 8. 2. Pet. 1. 19. Apoc. 1. 3. 2. *Scriptura finis*, quia tradita est ad omnium utilitatem & salutem, omnibus arma subministrat adversus hostes nostros spirituales, 2. Tim. 3. 16. Rom. 15. 4. Eph. 6. 17. 3. *Scriptura est Testamentum* Patris cœlestis; quis verò dixerit filium arcendum à lectione Testamenti patris? 4. *Praxis constans Ecclesiæ*, tum Judaicæ tum Christianæ, Deut. 17. 18. 19. Act. 8. 27. & 17. 11. 2. Pet. 1. 19. 2. Tim. 3. 15. 16. Nec usquam Veteres Patres tam solliciti sunt unanimiter, quàm in commendanda & inculcanda omnibus Scripturæ lectione: Vid. Chrysost. passim in Gene. hom. 6. in Matt. hom. 1. & 3. de Laza. ubi non semel repetit ignorantiam Scripturarum esse causam omnium malorum. Aug. confes. lib. 6. c. 5. Serm. 35. de tempore: Basil. in Pf. 1. Cypria. lib. de Specta. Orig. hom. 9. in Levi. & 12. in Exo. Hiero. in ep. ad Latam.

Pontes

Solutio-

rum.

V. Quod plus incommodi & damni affert per se & propriè quàm commodi, id non est permittendum; sed non valet de eo quod affert tantum per accidens ex vitio hominis: Si homines abutuntur Scripturâ, non fit per se sed per accidens, ex eorum perversitate, qui eam perperam detorquent ad proprium exitium. Aliàs si propter abusum tollendus esset usus, auferenda esse Scriptura non tantum laicis, sed etiam Doctoribus qui longè magis eâ abutuntur; nam hæreses non à plebeis & idiotis, sed ab Ecclesiasticis oriri vulgò solent.

VI. Si ex Scriptura perperam intellecta errores possunt nasci, tantum abest ut hoc debeat arcere fideles ab ejus lectione; quin potius excitare eos debet ad eam scrutandam, ut eam probè intelligendo possint talibus erroribus obviam ire.

VII. Libertas Scripturam legendi non tollit vel institutionem oralem, vel directionem Pastorum, vel alia subsidia ad intelligendum necessaria; Sed occurrit tantum eorum tyrannidi, qui nolunt tenebras errorum suorum argui à luce Verbi divini.

Matt. 7. 2.

VIII. Quum Christus vetat Sanctum dare canibus, & margaritas objicere porcis, Matth. 7. non vult fidelibus denegare Scripturæ lectionem & usum, nec enim filii Dei canum vel porcorum nomine designari possunt: Sed tantum non esse communicanda gratiæ divinæ symbola impuris qui-

quibusque peccatoribus, vel temerè obtrudenda esse infidelibus altissima s^{en}-
dei mysteria, vel iis qui desperatâ obstinatione manifestæ veritati resistunt; QUEST. XIX.
sed accommodandam esse institutionem iis qui humiles & dociles se præbent.

IX. Non sufficit concedi apud Pontificios quibusdam Lectionem Scri-
pturæ, quia non debet quibusdam concedi per modum privilegii, quod om-
nibus mandatum est per modum officii.

QUÆSTIO XIX.

DE SENSU SCRIPTURÆ.

*An Quadruplex sit Scripturæ sensus, Literalis,
Allegoricus, Anagogicus, Tropologicus?
Neg. contra Pontificos.*

I. **U**T Pontificii, præter Scripturam, & Spiritum S. in ea loquen- Sententia Pontificio-
rum de sensu Scrip-
turæ.
tem, obtrudant nobis alium Judicem Controversiarum visibi-
lem, puta Ecclesiam & Papam, Scripturæ multiplicem sensum
affingunt, dubiamque & flexiloquam inde esse colligunt. Ideo distinguunt
sensum in *Literalem* & *Mythicum*, *Mythicum* postea in tres partes tribuunt,
Allegoricum, *Tropologicum*, *Anagogicum*. *Allegoricum* vocant quando hi-
storia sacra transfertur ad res fidei, ut quod dicitur Gal. 4. 22. de duobus fœ-
deribus ex Sara & Agare: *Anagogicum*, quum verba Scripturæ transferun-
tur ad res futuri seculi, ut quod de requie dicitur Heb. 4. 3. *Tropologicum*,
quando transferuntur ad mores, quod exprimitur noto versiculo,
*Litera gesta docet, quid credas allegoria,
Moralis quid agas, quò tendas anagogia.*

II. Nos ita sentimus, Scripturæ S. unicum tantum competere verum & Et Ortho-
doxorum.
genuinum sensum, sed sensum illum duplicem posse esse, vel *Simplem*,
vel *Compositum*. *Simplex* & historicus est, qui unius rei declarationem con-
tinet, absque ullius alterius significatione, qui vel præcepta, vel dogmata,
vel historias spectat. Et hic rursus duplex, vel *Proprius* & *Grammaticalis*,
vel *Figuratus* & *Tropicus*. *Proprius* qui ex verbis propriis oritur; *Tropicus*
qui ex verbis figuratis: *Sensus Compositus* seu mixtus est in Oraculis typi ra-
tionem habentibus, cujus pars est in typo, pars in antitypo, quæ non consti-
tuunt duos sensus, sed duas partes unius ejusdemque sensus intenti à Spiritu
Sancto, qui cum litera mysterium respexit, ut in isto Oraculo, *Os non con-
fringetis ei*, Exo. 12. 46. plenus non potest haberi sensus, nisi cum veritate ty- Ex. 12. 46.
pi, seu Agni Paschalis, jungatur veritas Antitypi seu Christi ex Jo. 19. 36. Jo. 19. 36.

III. *Literalis sensus* non is tantum dicitur, qui ex verbis propriis &

QUÆST. XIX. **S**tatus **Q**uestio-
nis. non figuratis elicitur, quomodo distingueretur à figurato, & sic nonnunquam usurparunt Patres; sed qui intenditur à Spiritu S., & exprimitur verbis vel propriis vel figuratis: Sic Thom. definit sensum literalem, *quem Spiritus S. sive auctor intendit*; Salmero to. 1. tr. 7. *quem Spiritus S. auctor Scriptura per verba, sive juxta propriam grammaticam coherentem significationem, sive per tropos & translationes, primum significare voluit*. Non ergo τὸ ῥητὸν quærendum semper est in verbis propriis, sed etiam in figuratis; quomodo verò retinemus τὸ ῥητὸν in Sacramentis, quia retinemus sensum à Spiritu S. intentum. Talis etiam est sensus parabolarum quibus usus est Dominus, in quibus semper est habenda ratio intentionis ejus; nec tantum literalis sensus existimandus est, qui significat rem quæ assertur in similitudinem, sed etiam qui applicationem denotat. Unde unus est semper sensus isque literalis, quo per talem similitudinem res aliqua vera explicatur.

IV. Unicum dari Scripturæ sensum patet 1. à *Veritatis unitate*, quia veritas est unica & simplex, quæ proinde plures non admittit sensus, alias incerta & ambigua foret. 2. ab *unitate formæ*, quia unius rei unica tantum datur forma essentialis; At sensus est forma Scripturæ. 3. à *Scripturæ perspicuitate*, quæ non admittere potest varios sensus alienos & diversos.

V. Non quæritur, An detur tantum unus conceptus in sensu Scripturæ; fatemur enim sæpe unius ejusdemque sensus dari plures conceptus, sed sibi invicem subordinatos & respondentes, maxime in sensu composito qui complectitur typum & antitypum: Sed quæritur, An plures dentur unius loci sensus diversi & non subordinati, quæ sententia est Azorii insti. mora. l. 8. c. 2. *Thoma* 1. q. 1. art. 10. *Lyrani, Gretseri, Becani, Salmeronis, Driedonis, Bellarmini & aliorum*.

Fontes
Solutio-
num.

VI. Distingue sensum Scripturæ ab ejus applicatione. Sensus unus est, sive *simplex* in historiis, præceptis, & prophetiis nude propositis, sive *compositus* in typicis, sive propriis verbis propriis, sive figuratis verbis figuratis enunciatus: At applicatio potest esse diversa tum ad *διδασκαλίαν*, *ἐλεγχον*, *ἐπαινεῖσθαι* &c. qui usus sunt Scripturæ Theoretici & Practici; Ita Allegoria, Anagoge, & Tropologia, non tam sunt sensus diversi, quam applicationes unius sensus literalis, Allegoria & anagoge, quæ ad *διδασκαλίαν*, Tropologia verò, quæ ad *ἐπαινεῖσθαι* referuntur.

VII. *Allegoria* vel est innata, vel illata, vel à Spiritu S. intentata, vel ab hominibus inventa; posteriori sensu non ingreditur sensum Scripturæ, sed confectarium est quod elicitur ex hominis studio, per modum applicationis; Sed prior in sensu composito continetur tanquam ejus pars, quia dubitandum non est quin à Spiritu Sancto intentata sit, atque adeò de ejus mente; ut quod dicitur Gal. 4. de duabus Uxoribus Abrahami trahitur ad duo fœdera, quod dicitur Heb. 4. de *requie* trahitur ad requiem cœlestem. Ita
quum

quum à signo ad rem signatam progredimur, non novum sensum adducimus; sed quod sub signo latebat educimus, ut sensum integrum & completum à Spiritu S. intentum habeamus.

QUEST.
XIX.

VIII. Licet intellectus Dei sit infinitus, qui plura imò infinita potest simul complecti, non sequitur sensum Scripturæ esse multiplicem, quia ab intellectu Dei, ad verba Dei non datur consequentia; nec metienda est dictorum significatio à loquentis fecunditate quæ hinc infinita, sed ex certa & determinata ejus intentione, hominum quibus loquebatur captui accommodata. Deus quum intelligit sibi intelligit, ut infinitus est, atque adeò infinitè; sed quum loquitur non sibi loquitur, sed nobis, id est, accommodatè ad captum nostrum, qui finitus est, nec plures simul sensus concipere potest.

IX. Ezech. 2. 10. Apoc. 5. 1. per librum scriptum à fronte & à tergo, intus & foris; non significatur duplex unius Scripturæ sensus, sed multitudo eorum quæ utrobique scripta erant; illic plagarum Judæis infligendarum, hinc verò decretorum Dei.

Ezech. 2.
10. Apoc.
5. 1.

X. Locorum difficultas, non arguit multiplicem Dei intentionem, sed aliquam verborum ambiguitatem, & intelligentiæ nostræ imbecillitatem. Licet voces varia significare possint in thesi, tamen in hypothesi hujus vel illius loci, ad unum tantum significatum ex his à Spiritu S. referuntur, qui debet ex antecedentium & consequentium consideratione, & ex analogia fidei erui.

XI. *Sensus literalis* aliquando latius sumitur pro toto complexu sensus intenti à Spiritu S. sive in typo, sive in antitypo, & sic sub se mysticum etiam continet; Aliquando strictius pro eo quem verba immediatè & proximè præ se ferunt, & sic distinguitur à mystico, qui non tam significatur per verba, quàm per res verbis significatas, qui mediatè tantum ex intentione dicentis exurgit.

XII. Quamvis sensum compositum ponamus, non tollimus tamen unitatem veritatis, & Scripturæ certitudinem, quod Pontificiis exprobramus; quia veritas quæ in istis Oraculis proponitur, varias *exerces* complectitur, quæ omnes à Spiritu S. intenduntur.

XIII. Ut Scriptura est fecundissima, quæ plures res quàm verba continet, Ita nihil absurdi est dicere Spiritum S. sub una eademque voce multa simul connotare nobis voluisse, sed sibi subordinata, ita ut alterum alterius sit signum & figura, vel aliquam inter se connexionem & dependentiam habeant: Sic promissio data Abraham de semine, & Isaacum in typo & Christum respiciebat in antitypo Gal. 3. 16. Oraculum de non confringendis ossibus Agni Exod. 12. & ad agnum Paschalem pertinebat in figura, & ad Christum in mysterio Joh. 19. Promissio data Davidi, 2. Sam. 7. *Ero illi in Patrem* &c. & Salomonem respexit, & Christum Heb. 1. Prædictio Ps. 16. de Sancto non vidente corruptionem & in Davide, sed imperfectè locum habuit, & in Christo

Quæst. XIX. Christo perfectè Act. 2. 29. 30. Talia sunt innumera Scripturæ loca, quæ varias *grætiæ* continent, quæ omnes conjungi debent, ut plenum habeamus Oraculi sensum; nec simul & semel, sed successivè & gradatim impleri debent. Hinc Oracula vetera plerumque tres *grætiæ* habuerunt, ad statum Legis in Ecclesia Judaica, ad statum Gratia in Christiana, ad statum Gloriæ in cœlis: Ita Oraculum Is. 9. 1. de populo ambulante in tenebris, & conspiciente magnam lucem tribus gradibus debuit impleri, 1. in liberatione Babylonica. 2. in prædicatione Evangelica Matth. 4. & in resurrectione ultima, quâ illi qui sedebunt in valle umbræ mortis magnam lucem gloriæ Dei sunt visuri. Idem in Oraculo Ezech. 37. de ossibus siccis observari potest, quod jam impletum est quum populus à captivitate tristissima Babylonis velut ex tumulo exiit v. 15. impletur quotidie in resurrectione spiritali, Eph. 5. 14. & implebitur perfectè in resurrectione ultima, Joh. 5. 25.

XIV. Loca varia quæ afferuntur à Pontificiis ad probandam sensuum multipliciter Hose. 11. 1. cum Matt. 2. 15. Psalm. 2. 7. cum Act. 13. 33. 2. Sam. 7. 14. cum Heb. 1. & 5. ostendunt quidem dari sensum compositum ex typo & antitypo, quique impleatur variis gradibus, primò in typo, secundò in antitypo; sed non evincunt dari multiplicem sensum toto genere diversum.

XV. *Sensus Mysticus* vel est *Sacer*, quem Spiritus S. per Scriptores S. proposuit, & qui propterea in ipsa Scriptura fundatur, quò pertinent loca Johannis c. 3. 13. de serpente æneo, Pauli 1. Corint. 10. 1. 2. 3. 4. de baptismo nubis & maris, & cibo ac potu spiritali Israëitarum, & Gal. 4. 22. de allegoria duarum uxorum Abrahami. 1. Petri 3. 21. de Arca & Baptismo. Vel est *Ecclesiasticus*, qui à Scriptoribus Ecclesiasticis adhibetur, vel illustrationis, vel delectationis gratiâ, quod *Philo Judæus* primus tentavit in duobus libris Allegoriarum, quem secuti sunt Veteres nonnulli, & *Origenes* imprimis, qui hoc genus interpretationis præ cæteris secutus est, ubi sæpe non tenuit modum; unde non immeritò propterea ab Hiero. reprehenditur ep. ad Avitum & Amabilem, *Origenes ingenii sui acumina putat esse Ecclesia Sacramenta*. Posterior iste sensus, licet possit facere ad illustrationem, nullam tamen vim habet ad probationem; quia est interpretamentum humanum, non divinum, quod probabiliter suadere, sed non persuadere potest. Sed prior vim habet probandi fidei dogmata, quia authorem habet Spiritum S. atque ad cò de ipsius est intentione. Quod ergo vulgò dicitur Theologiam symbolicam non esse argumentativam, valet tantum in allegoriis & parabolis humanis non divinis.

XVI. *Sensus mysticus* non invenitur in omni Scripturæ loco; sed tum tantum legitimè admittitur, ubi Spiritus S. occasionem & fundamentum ejus præbet, & hîc accuratè observandum, ne præter intentionem Spiritus Sancti adhibeatur, neve ultra scopum ejus protendatur.

XVII.

XVII. Ut in omni Scripturæ loco est sensus aliquis literalis sive proprius sive figuratus; Ita cujusque loci literæ sensus tantum unicus est, sive simplex ut in historiis, sive compositus ut in typis, licet applicatio possit esse diversa juxta varios usus theoreticos vel practicos.

XVIII. Ad verum Scripturæ sensum indagandum, opus est *Interpretatione*, non tantum *verborum*, quæ in Versionibus consistit, sed etiam *verum*, quæ *Prophetia* à Paulo Rom. 12. 6. & ἐπίλυσις à Petro 2æ 1. 20. vocatur. Ea verò non ex privato cujusque judicio petenda est, quæ revera esset ἰδιὰ ἐπίλυσις quam rejicit Petrus, sed ex ipsa Scriptura instituenda est, quæ optima est & certissima sui interpres, Nehem. 8. 9. Actor. 17. 11. Ad hoc verò post arduas ad Deum preces, opus est fontium inspectione, linguarum cognitione, verborum priorum & figuratorum distinctione, scopi & circumstantiarum observatione, locorum collatione, antecedentium & consequentium connexionem, præjudiciorum remotione, & interpretationis ad analogiam fidei conformatione, quæ omnia ad tria ista media referri possunt, ἀνάλυσιν, σύγκρισιν, & ἀναλογίαν. *Analysis* triplex est, *Grammatica*, quæ proprias, *Rhetorica*, quæ tropicas dictiones excutit, & *Logica*, quæ scopum & circumstantias observat, & ἀπὸ κληχίαν verborum attendit. Σύγκρισις loca Scripturæ inter se confert Act. 9. 22. obscuriora cum apertioribus, similia & parallela cum similibus, dissimilia cum dissimilibus comparando. *Analogia fidei* Rom. 12. 6. non modò significat modulum fidei, sive mensuram unicuique fidei concessam, sed constantem harmoniam, & convenientiam omnium capitum fidei, in illustrioribus Scripturæ dictis exhibitorum, cui omnes expositiones conformes esse debent, ne quid Articulis fidei, vel Decalogi præceptis dissonum statuatur.

XIX. A sensu literali proprio temerè & sine necessitate non est recedendum, nisi is in fidei articulos & charitatis præcepta verè incurrat, & evidenter ex eodem vel aliis locis parallelis figuratus esse sermo deprehendatur. Figuratæ autem locutionis hoc est certissimum κριτήριον, 1. Si verba propriè sumpta vel nullum vel absurdum & impossibilem sensum fundunt, ut quum Christus dicitur porta ovium Joh. 10. & Joh. 15. 1. vera vitis. 2. Si analogiæ fidei repugnat, & in aliquod dogma receptum vel theoreticum vel practicum incurrat. Cum enim Spiritum S. sibi semper constare certum sit, non potest censeri sensus ille ab eo proficisci, qui aliis veritatibus ab ipso traditis adversatur. Hinc verba Eucharistiæ tropicè esse intelligenda colligimus, quia proprius sensus in varios articulos fidei de veritate corporis Christi, de ejus ascensu in cœlos, & reditu ad judicium impingit. Et verba Hoseæ cap. 1. 1. non propriè sed symbolicè & allegoricè esse exponenda, quia flagitium à Lege vetitum de ducenda meretrice præcipitur: quò pertinet aurea regula August. l. 3. de Doct. Christi. c. 16. Si præceptiva

QUÆST. *locutio est, aut flagitium, aut facinus vetans, aut utilitatem aut beneficentiam jubens, non est figurata; si autem flagitium aut facinus videtur jubere, aut utilitatem aut beneficentiam vetare, figurata est: ratio est, quia Dei proprium est, ut præcipiat bona, quia bonus est, & ut mala severissimè prohibeat quia sanctus, utcunque ea sæpe fieri permittat.*

XIX.

XX. Quæ Adversarii media præter hanc fidei regulam afferunt, ut Præxim Ecclesiæ, Patrum consensum, Conciliorum Decreta, præterquam quòd omnia in unius Papæ arbitrium refunduntur, incerta sunt, & nullo fundamento subnixa, imò impossibilia & contradictoria, quæ animum innumeris difficultatibus impediunt, potius quàm ut expediant, ut in sequentibus sumus demonstraturi.

Q U Æ S T I O X X.

DE SUPREMO CONTROVERSIARUM JUDICE, ET SCRIPTURÆ INTERPRETE.

An Scriptura, vel Deus in Scriptura loquens, sit Supremus & Infallibilis Controversiarum Judex, & Scripturæ Interpreter. An verò Ecclesia, vel Pontifex Romanus? Aff. prius, Neg. poster. contra Pontificios.

I. **Q**uæstio ista primaria est, & unica ferme, propter quam aliæ omnes, quæ de Scriptura moventur Controversiæ, excitatæ sunt: Nec enim alia de causa, vel Autoritas Scripturæ in dubium vocatur à Pontificiis, vel Integritas, & Puritas convellitur, vel Perspicuitas & Perfectio arguitur, quàm ut evincant Scripturam non posse Controversiarum esse Judicem, sed necessariò ad Tribunal Ecclesiæ confugiendum esse.

Status

*Quæstio-
nis.*

II. Ad Statum Quæstionis observandum, 1. Non hic quæri de qualicumque judicio; An ullum competat Ecclesiæ vel ejus Rectoribus de Controversiis fidei judicium, quod crimen sibi impactum suâ praxi refutant Orthodoxi; Sed quæritur tantùm de Supremo & Infallibili quo standum cadendumque sit necessariò. An sit penes Scripturam ipsam, quod volumus, An verò penes hominem aliquem, aut Cœtum conflatum ex hominibus; quod volunt Pontificii.

III. Triplex hîc accuratè distinguendus est Judex. Primus *Supremus & autoritativus*, qui judicat autoritate legislativa & absoluta per modum summi Principis qui Legem tulit, & à quo non datur provocatio. Secundus *imperialis* seu *Ministerialis*, qui Legum interpretationem facit per modum

dum ministri publici. Tertius *ιδιωτικὸς* seu *Privatus*, qui tum de legibus, tum de interpretatione judicat per modum privatae discretionis. Primus dat *judicium Decisionis* ultimæ & absolutæ. Secundus *judicium Determinationis publicæ*, sed subalternum, & legibus adstrictum. Tertius *judicium Privatae Discretionis*, sine ulla auctoritate publica. Hic non disputamus de Judice ministeriali, & privato, sed de supremo & infallibili. Quæst. XX.

IV. Non quæritur, An Scriptura sit Regula & Norma Controversiarum; Hoc enim non diffitentur Pontificii, saltem hoc volunt videri certò statuere, licet quod unâ manu dant, alterâ auferant, ejus obscuritatem & imperfectiorem arguentes. Sed, An sit Regula totalis & plena, non partialis & imperfecta, Illi enim Regulam tantum partialem esse volunt, & quidem quatenus juxta mentem Ecclesiæ Catholicæ, id est, Romanæ explicatur.

V. Pontificiorum sententia cò redit. 1. Distinguunt inter Normam & Judicem, qui ex Scriptura debet ferre judicium. Scripturam quidem agnoscunt esse normam, sed partialem & inadæquatam, cui Traditio *ἀγροφος* sit addenda; & quæ non sufficiat ad Controversias definiendas, nisi accedat Judicis alicujus visibilis & infallibilis sententia, quæ clarè pronunciet, utrius partis causa sit potior; quia aliàs nullus contentionum esset finis. Talem autem Judicem non alibi quærendum esse quàm in Ecclesia, ubi quatuor erigunt Tribunalia à quibus non fit appellatio, 1. Ecclesiæ, 2. Conciliorum, 3. Patrum, 4. Papæ, sed rite calculis subductis solus restat Papa, cui supremum istud & infallibile Judicium deferre solent.

VI. Hanc esse ipsorum sententiam probant ista Andradii, qui Concilio Tridentino interfuit li. 2. Defen. Fidei Triden. *Hanc tantam*, inquit, *interpretandi Scripturas auctoritatem*, *non singulis passim Episcopis*, *sed Romano solum Pontifici qui Ecclesiæ est Caput*, *aut omnibus Prasulibus ejus imperio in unum collectis tribuimus*. Et Bell. li. 3. de Verbo Dei c. 19. *Iste Judex non potest esse Scriptura, sed Princeps Ecclesiasticus, vel solus, vel cum consilio & consensu Coepiscoporum*. Et Greg. de Valen. de Anal. li. 7. *Pontifex ipse Romanus est in quo auctoritas illa residet, quæ in Ecclesia extat ad judicandum de omnibus omnino Controversiis fidei*. Non eatamen omnium est sententia, licet enim hanc Judicis potestatem Pontifici adscribant illi qui Papam pertendunt esse supra Concilium, aliter tamen sentiunt qui Concilium supra Papam esse volunt; alii denique ut utramque component sententiam, Papam in Concilio, sive Concilium à Papa approbatum censent esse Judicem istum infallibilem.

VII. Nos verò licet non diffiteamur in Ecclesia dari Judicem ministerialem, & subalternum, qui Controversias fidei ex Dei Verbo dirimere publicè possit; Licet quoad internam *πληροφορίαν* Spiritum S. nos de vera Scripturæ interpretatione persuadere per modum principii agnoscamus.

Quæst. XX. Negamus tamen quoad externam objecti demonstrationem præter Scripturam ullum Judicem supremum & infallibilem quærendum esse; multò minùs admittendum esse Papam qui tali fungatur officio; solam enim Scripturam seu Deum in ea loquentem ad id sufficere arbitramur.

Sola Scriptura est
Supremus
Controver.
siarum Judex.
VIII. Rationes sunt, 1. Quia Deus in V. & N. Test. ad istum Judicem nos absolutè remittit, & sine ulla conditione, Deut. 17. 10. *Facies juxta Legem quam docuerint te.* Is. 8. 20. *Ad Legem & Testimonium* &c. Luc. 16. 29. *Habent Moysen & Prophetas, illos audiant,* non dicit Christus habent Sacerdotes & Scribas, qui errare non possunt, sed habent Moysen & Prophetas, scilicet quoad scripta ipsorum, ut innuat eos abundè sufficere ad plenam instructionem, & eorum authoritati acquiescendum esse: Nec alia mens Christi Matth. 19. 28. ubi Apostolis post suum discessum promittit fore ut *sedeant super duodecim thronis judicantes duodecim tribus Israelis*; quod non aliò potest referri, quàm ad judicariam potestatem, quam per Verbum obtinent in Ecclesia. Sic Matt. 22. 29. *Erratis,* inquit Christus Sadducæis, *nescientes Scripturas.* Et alibi amandat Judæos ad scrutandas Scripturas, Jo. 5. 39.

2. Ex præxi Christi & Apostolorum.
IX. 2. Praxis Christi & Apostolorum hoc confirmat, qui in Controversiis fidei ad Scripturas provocant, Matth. 4. & 22. Joh. 5. & 10. Act. 17. 18. 26. nihilque dicere se profitentur extra Moysen & Prophetas Luc. 24. 44. Act. 26. 22. Petrus præfert visioni cœlesti Verbum, ut λόγον θεοῦ λέγειν cui benefaciant attendentes 2. Pet. 1. 19. nulla habita proprii privilegii aut Papalis infallibilitatis ratione. Laudantur Berœenses Act. 17. 11. doctrinam expendentes ad Scripturæ normam, non consulentes aliud infallibilitatis Oraculum. Pharisei verò & Sadducæi damnantur, quia ab illa recesserunt, Matth. 15. 3. & 22. 29.

3. Ex natura Judicis infallibilis.
X. 3. Supremus & Infallibilis Judex is demum est, qui in judicando nunquam errat, nec errare potest, qui nullo partium studio ducitur, & à quo non datur provocatio. At hæc omnia nec Ecclesiæ, nec Conciliis aut Pontifici competere possunt, nam & errare possunt, & sæpe gravissimè errarunt, & sunt pars rea, accusati quippe tanquam falsarii & depravatores Scripturæ, & ab iis ad Scripturam semper datur provocatio 1. Joh. 4. 1. Isa. 8. 20. Joh. 5. 39. Act. 17. 11. Sed Deus in Scriptura loquens solus hæc tanquam propria sibi vendicat, quia nec in judicando errare potest, utpote ipsa Veritas, nec partium studio ducitur, quia ἀπροσωπλήπτης; nec ab ipso datur provocatio, quia nullum agnoscit superiorem.

4. Quia omnis homo est erroris obnoxius, & solus Deus infallibilis.
XI. 4. Homo non potest esse infallibilis Scripturæ Interpres, & Controversiarum Judex, quia errori est obnoxius, nec in eum fides nostra resolvitur; sed in Deum solum à quo pendet sensus & sententia Scripturæ; & qui optimus est verborum suorum interpres, qui sensum Legis optimè explicare potest, ut unicus Doctor Matth. 23. 8. 10. Legislator noster, qui potest ser-

servare & perdere, Jaco. 4. 12. Nec si Rectores Ecclesiæ Spiritu S. aguntur, continuo delinunt esse homines ac proinde fallibiles; quia inspiratio eorum est tantum ordinaria & communis, non extraordinaria & specialis, quæ infallibilitatis donum conferat, qualis fuit in Prophetis & Apostolis.

QUEST.
XX.

XII. 5. Si talis daretur Judex qualem pertendunt Pontificii, 1. Mirum esset Dominum hujus tam necessarij Interpretis nulpium meminisse. 2. Paulum in Epistolis, & præsertim ad Romanos de tanto privilegio vel uno verbulo illos non admonuisse. 3. Nec Petrum in Catholicis suis Epistolis hoc sibi ad Successores propagandum arrogasse, multò minùs exercuisse. 4. Nec ipsos Pontifices ex illa authoritate infallibili Controversias varias gravissimas, quas E. R. in sinu suo fovet, inter Thomistas & Scotistas, Dominicanos & Jesuitas, Jesuitas & Jansenistas &c. potuisse vel voluisse componere: Cur enim pro sua infallibilitate non tollunt lites, & nodos perplexos explicant? Si non possunt, quomodo sunt infallibiles? Si possunt, cur non liberant Ecclesiam ab istiusmodi scandalis?

5. Quia Scriptura nullum præter Deum agnoscit.

XIII. 6. Non potest Ecclesia statui Judex Controversiarum, quia esset Judex in propria causa & regula sui ipsius, præcipua enim Controversia est circa Ecclesiæ potestatem & infallibilitatem; An verò in quæstione quæ quaritur, An Ecclesia sit Judex, vel An E. R. errare non possit; eadem Ecclesia sedebit Judex, & credendum illi erit quia se talem prædicat? An verò ferendum est nolle Scripturam Sanctam esse Judicem, quam omnes agnoscunt esse Dei Verbum infallibile; Et velle ut Ecclesia vel Papa sedeat Judex in sua ipsius causa, & Judex sit infallibilis suæ infallibilitatis, de qua maximè ambigitur, & quem constat non modò errare posse, sed & sæpe errasse? Papas enim non paucos hæreticos fuisse, vel impios & magicis artibus deditos, coguntur fateri ipsi Pontificii. Adrian. VI. in 4. Sent.

6. Quia Ecclesia non potest esse Judex in propria causa.

XIV. 7. Veteres nobis adstipulantur, Constantinus ad Patres Nicænos apud Theodo. lib. 1. c. 7. postquam quæ nos oportet sentire de Deo clarè in Evangeliiis, Apostolicis & Propheticiis libris doceri prædixisset, addit τὴν πελομοπιὸν ἂν ἀπελάσαντες εἶεν, ἐκ τῶν θεοπνεύστων λόγων λάβωμεν τῶν ζητημένων τὴν λύσιν. Optatus de Schismate Donatistarum lib. 5. Vos dicitis, licet, nos dicimus non licet: inter licet vestrum, & non licet nostrum nutant & remigant animæ populorum. Nemo vobis credat, nemo nobis, de cælo querendus est Judex: in terris de hac re nullum poterit judicium reperiri: Sed ut quid pulsamus ad Cælum, cum habeamus hic in Evangelio Testamentum? Aug. in Psal. 1. expo. 11. Fratres sumus, quare litigamus? non intestatus mortuus est Pater, fecit Testamentum &c. aperi, legamus, quare contendimus? & lib. 2. de nupti. c. 33. Ista Controversia Judicem quarit, judicet Christus, judicet cum illo Apostolus Lactan. li. 3. Insti. c. 1. Loqui Deum, ait, in divinis Literis, quasi rerum omnium maximum Judicem, cujus

7. Ex Patribus.

Q U A E S T. non est argumentari, sed pronunciare. Grego. Nyssæ. lib. 1. cont. Eunomi.
 X X. κριτικὸν ἀσφαλὲς ἐπὶ παντὸς δόγματος ἢ θεοπρόπου γράφει; sic Cypria.
 epist. ad Cæciliū, Chrysost. hom. 23. in Acta, Aug. de Bapt. lib. 2. cap. 6.

X V. 8. Quia ut Principis est legem suam interpretari, sic & Dei est
 esse Scripturæ suæ, quæ Lex fidei & morum est, interpretem. Et privilegium
 quod aliis authoribus convenit, ut quisque sit Interpres verborum suorum,
 non debet Deo in Scriptura loquenti adimi.

Fon-
 tes
 Solutio-
 num.

X V I. Quum dicimus Scripturam Judicem Controversiarum non aliter
 intelligimus, quàm quatenus est fons juris divini, & norma fidei abso-
 lutissima, quæ possunt & debent omnes de fide Controversiæ certò & per-
 spiciuè definiri; ut in Republica fundamenta Decisionum & Judiciorum
 petuntur à Lege. Ita *Judex* dicitur *late* & per metonymiam adjuncti *Judex*
Normalis, non *Personalis*. Unde non confundi debet cum Judice subalter-
 no, qui Controversias juxta normam Legis dirimit, & jus Legis ad τὰ καθ'
 ἑκάστη applicat, quò respiciunt ista Philosoph. Poli. 4. c. 4. δὲ τὸ νόμον ἀρχεῖν
 πάντων, τῶν δὲ καθ' ἑκάστη τὰς ἀρχὰς καὶ τὴν πολιτείαν κείναι.

X V I I. Non semper necesse est inter Judicem & Legem distingui,
 Philosophus enim fatetur lib. 3. Poli. c. 6. in Jure universali præscribendo
 Legem habere rationem Judicis: At in applicatione particulari ἐν τοῖς κατ'
 ἑκάστη Legis interpretes officio Judicis fungitur, sed ministerialis & subalter-
 ni; quo sensu non negamus Ecclesiam esse Judicem, sed qui semper alli-
 getur ad Scripturam. Ut in Republica sententia Magistratus eo tantum est
 valida, quatenus Lege nititur, & illi est consentanea; aliàs si repugnat
 irrita est, & ab ea datur provocatio: Ita in Ecclesia Pastorum judicium
 eatenus tantum admitti potest, quatenus Scripturæ conforme deprehendi-
 tur.

X V I I I. Licet Scriptura non audiat utrinque litigantium rationes; nec
 semper ita sententiam dicat, ut nominatim hunc absolvat, alterum dam-
 net: non sequitur non esse Judicem summum & normam perfectam; quia
 hæc non sunt propriè supremi Judicis, sed ministerialis qui juxta Legem
 sententiam ferre tenetur, & eget examine testium, rationum, & inspe-
 ctione legum, quia agitur de facto non de jure. At supremus Judex is est
 qui extra omnem litem sancit quoad jus universale quid faciendum sit & fu-
 giendum, cujus sententiæ tenentur adstricti Judices subalterni; nec un-
 quam factum ut in Legibus expressa legatur condemnatio Titii aut Mævii.
 Hic autem ita se res habet, quia agitur in causa fidei de jure, non verò de
 facto, quum quæritur quid credendum sit, aut non credendum, quod Ju-
 dex & Lex potest definire partibus non auditis.

X I X. Non opus est ut supremus Judex in Scriptura loquens, quotidie
 ob novas hæreses orientes novum verbum nobis afferat; siquidem ille, qui
 id

id futurum noverat, veritatem suam ita in Verbo pronunciavit, ut possint ex ea fideles ministri veritatem Catholicam agnoscere, & errores omnes ex ea refellere. Hinc Patres ex Scriptura hareses Pelagii, Arrii, Macedonii & aliorum solidissime refutarunt, licet nihil de illis expressè tradat. QUEST.
XX.

XX. Non necesse est dari Judicem infallibilem visibilem, præter Scripturam ad componendas omnes Controversias. 1. Quia finis Controversiarum non sperandus est in hac vita, *necesse enim est hareses esse, ut probati manifestentur* 1. Cor. 11. 19. Apostolorum tempore jam variæ irrepsērunt corruptelæ, quæ planè sublatae non fuerunt. 2. Aliud est *convincere de facto* Adversarium, & illi os obstruere, ne quicquam reponat; Aliud *convincere de jure*, ut habeat unde sufficienter convinci possit, nisi contumax sit: Licet Scriptura prius non faciat semper propter hominum perviciaciam, facit tamen semper posterius, quod sufficit. 3. Ut in Rep. bene ordinata sufficit esse bonas Leges ex quibus *τὰ νόμιμα* judicari possint à iudicibus subalternis. Ita in Ecclesia sufficit dari Verbum scriptum infallibile, unde singuli Pastores normam iudicii petant in singulis Controversiis. 4. Iudex visibilis apud Pontificios non impedit quominus infinitæ emergerint controversiæ, quas nondum composuit pro infallibili sua autoritate.

XXI. Scriptura varios & ambiguos sensus habet, non ex natura rei affirmatae, aut intentione affirmantis, sed ex inscitia aut pertinacia detorquentis. Ambiguitas ergo hæc & obscuritas si quæ sit, non tollit ejus auctoritatem sed ostendit necessitatem Spiritus illuminantis, & ministerii Scripturas exponentis.

XXII. Licet agatur de vera alicujus loci Scripturæ interpretatione, non necesse est ideo dari aliquem Judicem visibilem infallibilem extra Scripturam; quia Scriptura seipsam interpretatur, & quamvis homo talem interpretationem proferat, non censendus tamen est ejus author; quia nihil de suo comminiscitur, nihil Scripturæ affingit, sed tantum ex Scriptura elicit & educit quod in ea latebat, ut qui conclusionem aliquam ex præmissis legitime deducit, non illam pro arbitrio confingit, sed ex præmissis concessis & in illis latentem elicit.

XXIII. Quum disputatur de Iudice Controversiarum, propriè non agitur de *Principiis*, id est, de quæstionibus quæ versantur circa Scripturam, quæ ut principium supponitur hic non probatur; sed de *Principiatis*, id est, de doctrinis in Scriptura contentis, quas posita Scripturæ autoritate ex ipsa Scriptura sufficienter dirimi posse credimus: Licet non diffiteamur Scripturam etiam seipsam probare, ut antea demonstratum, non modò autoritativè & per modum testimonii, sed & ratiocinativè & per modum argumenti.

XXIV. Scriptura non magis potest dici *muta* & elinguis ad judicandum, quàm Ecclesia in Conciliis, & Patres in scriptis suis, quos tamen
&

QUEST
XX.

& loqui & judicare Adversarii pertendunt. Si Pater loquitur in Testamento, & Rex in Edictis & Diplomatis, quidni dicamus Patrem Cœlestem in utroque Testamento, & Regem Regum in divinis Oraculis nos clarissimâ voce alloqui? Nec de eo ambigi potest, cum toties Scriptura, vel Spiritus S. in ea dicatur homines alloqui, accusare, & judicare. Lex dicitur loqui iis qui sunt sub Lege, Rom. 3. 19. *Habent Moſem & Prophetas*, inquit Abrahamus Epuloni Luc. 16. 29. non vivos quidem & videntes, sed nec mutos & elingues, imò loquentes & auscultandos. Sic Isaias dicitur *clamare* Rom. 9. 27. Moſes accusat Judæos Joh. 5. 45. Lex judicat Joh. 7. 51. & c. 12. 48. *quicumque non recipit verba mea ἔχεται καὶ οὐκ ἐκρίθη*; *Sermo quem loquutus sum, ille judicabit eum ultimo die.* Eodem sensu, *Sermo Dei vocatur νεανὸς, Judex cogitationum*, Heb. 4. 12.

XXV. Judex terrenus in foro externo debet coactivâ potestate esse instructus. Sed non eadem est ratio Judicis spiritualis in foro conscientie, quia Regnum Dei non corporali coactione, sed spiritali demonstratione veritatis promovetur 1. Cor. 2. 4. Deinde licet corporea coactio locum hic non habeat, spiritalis tamen & interna non desideratur, tum respectu piorum, quos Deus loquens in Scripturis, vi flexanimâ & blandâ trahit & cogit in obsequium, Joh. 6. 44. 2. Cor. 10. 4. tum respectu impiorum & incredulorum, quorum conscientias torquet & vexat.

Deut. 17.
11. 12.

XXVI. Exemplum Moſis & Aaronis, non potest trahi ad statuendum Judicem supremum & infallibilem extra Scripturam. Quia uterque fuit Judex ministerialis, non αὐτοκράτωρ; ille extraordinarius, hic ordinarius, qui controversias non decidebant autoritate sua; sed ex Dei Lege & præscripto: Moſes ut internuncius referendo ad Deum Exod. 18. 19. Aaron verò ex Lege, & secundum eam respondendo, Deut. 17. 11. *juxta Legem quam docuerint te facito.* Aliàs si contra Legem pronunciabant non erant audiendi. 2. non agitur hic propriè de Controversiis fidei, sed de ritualibus, de judicando inter sanguinem & sanguinem, lepram & lepram. 3. non agitur tantum de Summo Sacerdote, sed de toto Sacerdotio Levitico, cujus sententiâ standum fuit, quum ex Legis præscripto pronunciabatur; Aliàs si absolutè standum fuit, Jeremias c. 26. 12. 13. Christus Joh. 9. Apostoli Act. 3. & 13. crimen capitale commisissent, qui ab ea recesserunt. 4. à Summo Sacerdote ad Pontificem non valet consequentia, quia in N. T. nullus est Summus Sacerdos præter Christum, cujus Aaron typus fuit.

Ecclef. 12.
13.

XXVII. *Pastor unus* de quo Ecclef. 12. 13. non significat Sacerdotem typicum V. T. sed verum Sacerdotem N. Christum Jesum, qui est bonus ille Pastor populi sui, Ezech. 24. 23. Joh. 10. 11. à quo omnia sapientum verba profecta sunt, quia ejus Spiritu acti loquuti sunt Dei homines 2. Pet. 1. 21. ut ipsi Pontificii exponunt, Tirinus, Menochius, à Lapide.

XXVIII.

XXVIII. Hagg. 2. 11. Mal. 2. 7. non unus aliquis Sacerdos, sed in-
definitè Sacerdotes interrogari jubentur & interrogati respondere de Lege. Quæst. XX.
Nec notatur eorum infallibilitas, sed officium, quod tamen non semper fe- Hagg. 2.
cisse ibidem docetur, quum statim additur *ψ. 8. Vos autem recessistis de via &c.* 11. & Mal. 2. 7.

XXIX. *Cathedra Mosis* de qua Matth. 23. 2. non est successio in lo- Mat. 23. 2.
cum & officium Mosis, vel externum Judicis supremi forum, cui affixum hæ-
reat summum illud jus de quo agitur; nam nec Mosis Cathedra ulla supere-
rat, nec tale privilegium illi tributum; sed est veræ doctrinæ à Mose traditæ
promulgatio, ut habet Glossa ordinaria in Deut. 17. *Ubicunque est doctrina*
Mosis, ibi est cathedra Mosis, & ubicunque sonat doctrina Petri, ibi est ca-
thedra Petri. Ita qui Doctores fuerunt Legis à Mose traditæ, illi in cathedra
Mosis docuisse censentur, ut habet *Hilarius*; Ergo erant audiendi Pharisei
docentes in Mosis Cathedra, quatenus Mosis doctrinam sine proprio fer-
mento admixto populo sincerè proponebant.

XXX. Licet Matth. 18. 17. Christus nos amandat ad vocem Ecclesiæ, Matth. 18.
quam si quis non audierit habendus sit pro Ethnico & Publicano, non eam 17.
tamen statuit Judicem infallibilem in rebus fidei. 1. Quia non agitur de
Controversiis fidei, sed de offensis privatis, & correptione fraterna: quæ
si non succedat privatim, deferenda est ad publicam Ecclesiæ censuram,
quam non denunciat unus Prælatus infallibilis omnibus Ecclesiis, sed sin-
guli Pastores propriis suis gregibus. 2. Alluditur hîc ad morem Judaicæ di-
sciplinæ, quæ contumaces excommunicabat; quod non magis pertinet ad
Romanam quàm ad quascunque particulares Ecclesias intra proprios limi-
tes. 3. Si à simili ducitur argumentum, Ecclesia audiri jubetur, quandiu
Christum audit, & verba Christi loquitur: aliàs si abit à Christo & contra-
ria loquitur ei anathema dicendum, Gal. 1. 8.

XXXI. Concilia à Papis absentibus aliquando postularunt, non con-
firmationem authoritativam, sed fraternum assensum: aliàs jus Papas de-
ponendi, & ipsorum actus examinandi, & abrogandi, quod fecerunt,
sibi vindicare non potuissent. Patres & particulares Ecclesiæ potuerunt in
difficilioribus negotiis Ecclesiasticis illos consulere, non ut *Judices* infalli-
biles, quorum decretis tenerentur conscientias suas submittere; Sed ut *ar-*
bitros honorarios & prudentes, qui, priusquam superbiæ, superstitionis
& tyrannidis veneno afflatis essent, magno erant apud Ecclesias, maximè
propter urbis *πρωτεύουσα*, in pretio.

XXXII. Licet in foro externo Ecclesiæ quilibet privatus teneatur
se subicere Synodicis decisionibus, nisi velit excommunicari, & tale
judicium vigere debeat ad ordinis, pacis, & orthodoxiæ conservatio-
nem, ut Novatorum molimina coërceantur: Non sequitur judicium es-
se supremum & infallibile, quia ab eo datur semper provocatio, quoad
forum

Quæst. XX. forum internum conscientia, nec ulterius obligat quemquam in illo foro, quàm quatenus persuasus fuerit de illius consensu cum Scripturis.

XXIII. Quamvis singulis fidelibus iudicium privatæ discretionis competere statuamus, quia *homo spiritualis omnia judicat* 1. Cor. 2. 15. & *omnia probare* jubet Apostolus, 1. Thess. 5. 21. non propterea Scripturæ *ιδία επίλυσις* à nobis asseritur contra Petrum 2. Pet. 1. 21. quia *ἐπίλυσις* non tam hîc Scripturæ interpretationem notat, quàm Oraculorum Prophetarum originem, ut dicantur scripta, non ex proprio impulsu & instinctu cujusque privato, quod dicitur de iis qui currunt non mittente Deo Jer. 23. 21. sed ex dictamine Spiritus Sancti quo acti fuerunt: ut hîc *ἐπίλυσις* non pertineat ad officium Interpretis, auditoris vel lectoris Scripturæ; sed ad vim sive impetum prophetandi, sive ad illum motum, quo Propheta impulsus est ut loqueretur aut scriberet: Cui favet collatio ψ. præced. & seq. In quibus non quaeritur, Quisnam jus habeat interpretandi Prophetias, sed cujus impulsu & motu Prophetæ scripserint; Et quo loco Prophetias habere debeamus; Quæ reverentia iis debeatur; Et cur fides iis habenda sit, tanquam indubiis Dei Oraculis; nimirum quia non fluxerint ex proprio hominum motu & voluntate, quasi essent humanum inventum, vel humano arbitrio excogitatum; Sed ex impulsu & afflatu Spiritus S. quo acti sancti Dei homines loquuti sunt. Hoc sensu *ἐπίλυσις* significabit missionem Virorum Dei ad prophetandum, quâ Deus illis veluti carceres ad currendum aperit, allusivè ad Cursores in stadio, qui solutis repagulis à carceribus erumpebant ad cursum quem inde inchoabant. Quòd si vox hîc de Interpretatione exponitur, ut sit à variis ex vi verbi *ἐπιλύειν*, quod exponere & explicare significat, Marc. 4. 34. & Act. 19. 39. negabitur prophetia esse *ιδίας ἐπιλύσιως*, quæ talis sit quoad principium & originem, id est, quæ sit ex proprio cerebro, non verò quoad subjectum ut hîc *propria interpretatio* non opponatur communi sive publicæ; sed adventitio Spiritus S. dono.

XXXIV. Ex Iudicio isto privatæ discretionis, quod unicuique fidei tribuitur, perperam quidam colligunt Rationem humanam esse Controversiarum Judicem, & Scripturæ Interpretem, quod vellent Sociniani, & antea à nobis refutatum est, quum de *Rationis usu in Theologia* disputavimus Lo. 1. Q. 8. quia fidelis hîc non rationis lumine tantum, sed Spiritus dictamine præcipuè movetur. Et quamvis Interpreti liceat Scripturæ sensum conceptum ad rationem naturalem examinare; non licet tamen rationis dictamen Scripturæ Sacræ opponere, vel fidem ei negare ob præconceptam rationis forte repugnantis opinionem; Certius est rationem humanam, quæ fallax est & lubrica, deviare à re veritate, quàm Scripturam S. quæ Verbum est Veritatis, & ipsa Veritas, ut hîc ratio sub fide captivanda sit 2. Cor. 10. 5. non supra eam efferenda.

XXXV.

XXXV. *Judicii humani incertitudo non potest facere, ut Deus in Scripturis loquens non sit idoneus in causa nostra Judex, dum sciri nequit, nec quis habeat Spiritum S., nec an reipsa habeatur. Quia non opus est in hoc negotio scire immediatè & à priori quis Spiritum habeat, sed tantùm quis juxta Scripturam loquatur, quod ubi ex Scripturæ collatione innotuit, facile judicari potest à posteriori, quis Spiritus verba proponat & ab ipso loquatur. Ita Berœenses non inquirebant à priori, an Paulus qui illis concionabatur à Spiritu S. ageretur, quia hoc soli Deo καρδιωγνώση patebat, sed an Paulus juxta Scripturas loqueretur; unde ex conformitate cum Scriptura colligebant eum non à seipso, sed à Spiritu S. loqui. Concludimus aureis Basilii ep. 80. ad Eusta. Medicum verbis; ἔκῃν ἡ θεόπνοος & ἡμῖν ἀκριβοῦς γεγενῆσθαι, καὶ παρ' οἷς ἂν ὁρεθῇ τὰ δόγματα σύνωδα τοῖς θεοῖς λόγοις, ἐπὶ ταῖς ἡξει πάντως ἡ θεία & ἀληθείας ψῆφος. *Judicet ergo nobis divinitus inspirata Scriptura, & apud quos comperta fuerint dogmata Scriptura consentanea, eorum prorsus esto veritatis calculus.**

QUEST.
XX.

QUESTIO XXI.

DE AUTHORITY PATRUM.

An Patrum Scripta sint regula Veritatis in dogmatis Fidei, & Scripturæ interpretatione? Neg. contra Pontificios.

I. **L**icet ex præcedenti quæstione jam satis colligatur, Patres non posse sedere Judices in Controversiis fidei: quia tamen Pontificii subinde eò recurrunt, nobisque Patrum consensum pro regula veritatis obtrudere solent; de hoc argumento, quod maximi est momenti ad Controversias hodiernas, peculiari quæstione agendum est.

II. *Patrum* nomine non intelligimus cum Aug. in Ps. 45. Apostolos tantquam primos Ecclesiæ Christianæ fundatores & Patriarchas, sed prout usus hodie obtinuit ex antiqua consuetudine, veteris Ecclesiæ Doctores, qui ab excessu Apostolorum tum vivâ voce tum scripto salutis doctrinam docuerunt & illustrarunt; tum propter *etatem*, quia multis annis tempora nostra præcesserunt, tum propter *doctrinam*, quia eam discipulis inculcando liberos Deo in Ecclesia genuerunt.

Quinam
Patres dicantur.

III. Quamvis verò sint qui eorum ætatem extendant usque ad sæculum decimum: Non putamus tamen ulteriùs, quàm ad sextum protendendam esse; quia certum est puritatem doctrinæ & cultus, augescentibus Dei justo judicio erroribus & superstitionibus, post annum sexcentimum quo Antichristus caput extulit, magnam labem passam esse. Primo sæculo post Apostolorum obitum, præcipui fuerunt Ignatius & Polycarpus, quorum fra-

QUÆST. gmenta extant. Secundo, Justinus Martyr, & Iræneus. Tertio, Tertullia-
X X I. nus, Clemens Alexandrinus, Origenes, Cyprianus, Arnobius, Lactantius. Quarto, Athanasius, Eusebius Cæsariensis, Hilarius Piæcaviensis, Basiliius, Gregor. Nazianzenus, Ambrosius, Hieronymus, Gregorius Nyssenius, Epiphanius, Joh. Chrylostomus. Quinto, Augustinus, Cyrillus Alexandrinus, Theodoretus, Hilarius Arelatensis, Prosper Aquitanicus, Leo I. Sexto, Fulgentius Afer, Gelatius, Gregor. M. & alii.

I V. Circa authoritatem Patrum, tres sunt Pontificiorum sententiæ. Prima eorum qui eos æquant Scripturæ; quò pertinent ista Glossatoris Decreta, Dist. 9. asserentis, *Scripta Patrum esse authentica, tam singulorum quàm omnium*. Secunda illi opposita eorum qui scripta eorum ut merè humana agnoscunt, quæque adeò regula fidei esse nequeunt; quæ fuit mens Cajetani præfa. in quinque libros Mosis, & saniorum ex Pontificiis. Tertia eorum qui medium tenentes, singulorum Patrum authoritatem humanam & fallibilem concedunt, sed communem & universalem Patrum Consensum in controversiis infallibilem & divinum censent; quæ fuit Concilii Tridentini sententia Sess. 4. Can. 1. dum statuit *Traditiones Patrum, tum ad fidem tum ad mores pertinentes, cum V. & N. T. pari pietatis affectu suscipiendas esse*. Et ibidem prohibet ne quisquam audeat *Scripturam interpretari contra ejus sensum, quem tenuit aut tenet sancta mater Ecclesia, &c. aut etiam contra unanimem consensum Patrum*; cui adstipulantur plerique ex Pontificiis Stapletonus, Bellarminus, Canus, Valentia, & alii.

Status

Quæstio-
nis.

V. Orthodoxi verò, licèt Patres magno in pretio habeant, & utilissimos esse cenleant ad notitiam historiæ veteris Ecclesiæ, & ut constet consensus noster cum ea in capitibus fidei: Negant tamen authoritatem eorum sive singulorum sive universorum, dici posse authenticam in rebus fidei & interpretatione Scripturæ, ut eorum Judicio standum & cadendum sit: Sed authoritatem esse tantum Ecclesiasticam & humanam subordinatam Scripturæ, quæ nullius sit ponderis nisi quatenus cum ea consentit.

V I. Non quæritur; An Patres sint *Testes*, qui de consensu Ecclesiæ veteris, vel de sententia Ecclesiæ illorum seculorum quibus vixerunt testimonium perhibeant: Sed An sint *Judices* qui authoritate infallibili Controversias fidei dirimere possint; Pontificii posterius volunt; Nos prius statui-
mus; & si quando ex Patribus disputamus contra Adversarios, iis utimur tantum tanquam Testibus, qui veritatem à nobis creditam calculo suo comprobent, & fidem Ecclesiæ sui temporis declarent; non tanquam Judicibus, quorum sententiæ absolutè & sine examine acquiescendum sit, & quæ sint mensura veritatis in dogmatis fidei vel Scripturæ interpretatione.

Patres non
possunt esse
Judices,
1. quia fue-
runt falli-
biles.

V I I. Rationes sunt; 1. Quia Patres sive linguli scorsum sive omnes conjunctim spectentur, non fuerunt Prophetæ, nec Apostoli, qui immediatè

vocatione & donis extraordinariis instructi, infallibilitatis privilegium habuerint; Sed homines fallibiles & errori obnoxii, quorum cognitio imperfecta fuit, & qui partium studio duci & affectibus transuersum abripi potuerunt. Nec vocatio mediata quâ instructi fuerunt eos extra erroris periculum constituit: Nec modò errare potuerunt; Sed constat eos sæpe sive singulos, sive conjunctim plures in variis capitibus errasse, quod facillè probari posset, nisi haberemus hic Pontificios nobis assentientes; ut Bellarminum, qui fateatur Patres etiam eruditissimos in multis non leviter errasse, de V. D. li. 3. c. 3. & 10. sibi contradicere li. 2. de Christo c. 2. & neminem esse qui aliquando non cæcutiat, ibid. c. 2. quod confirmat Sixtus Senensis præfa. in lib. 5. Biblio. Salmero p. 3. li. 1. Disp. in Epist. Pauli disp. 6.

Q U Æ S T .
X X I .

VIII. 2. Quia Scripta Patrum diversimodè sunt corrupta & adulterata; partim per varia Pseudepigrapha, quæ Patrum nomine circumferuntur, quæ tamen ex doctiorum judicio constat esse foetus adulterinos qui Patribus temerè afficti sunt & suppositi; vel per Sycophantarum illusiones, vel per hæreticorum fraudes & imposturas, vel per Typographorum aut Bibliopolarum αἰσχροτέλειαν: Partim per corruptionem & falsationem quæ illata est genuinis Patrum scriptis, quæ variè adulterata esse constat, sive per Exscriptorum injuriam, sive per Monachorum audaciam, & Jesuitarum imprimis nequitiam in iis corrigendis, expurgandis & castrandis, de quo Viri Docti jamdiu conquesti sunt, & Nostri innumeris exemplis comprobarunt; ut videre est apud Rivetum in Critico sacro, & Dallæum de Usu Patrum; & alios qui hoc argumentum tractarunt.

2. Quia
Scripta eorum
sunt
corrupta.

IX. 3. Ipse Patres agnoscunt scripta sua non debere esse authentica, ut nudis suis assertionibus absolute standum sit in iis quæ de Religione proponunt; Aug. in ep. 19. ad Hiero. Ego, inquit, fateor charitati tuæ; solis eis Scripturarum libris qui jam Canonici appellantur, didici hunc timorem, honoremque deferre, ut nullum eorum authorum scribendo aliquid errasse firmissimè credam &c. alios autem ita lego, ut quantalibet doctrina sanctitate præpolleant, non ideo verum putem, quia ipsi ita censuerunt; sed quia mihi, vel per illos auctores Canonicos vel probilitatione, quod à vero non abhorreat, persuadere potuerunt. Nec te, mi frater, sentire aliquid aliter existimo; prorsus inquam non te arbitror sic legi libros tuos velle, tanquam Prophetarum vel Apostolorum, de quorum Scriptis quòd omni errore careant dubitare nefarium est. Et Epist. 3. ad Fortunat. Neque quorumlibet disputationes, quamvis Catholicorum & laudatorum hominum, velut Scripturas Canonicas habere debemus, ut nobis non liceat salva honorificentia quæ illis debetur hominibus, aliquid in eorum scriptis improbare atque respuere, si fortè inveniremus quod aliter senserint quàm veritas habet. Talis ego sum in scriptis aliorum, tales volo esse intellectores meorum. Et contra Crescont. lib. 2. c. 31. Nos nullam Cypriano facimus injuriam,

3. Quia
Patres hoc
nolunt.

QUEST. XXI. cum ejus quilibet literas à Canonica Divinarum Scripturarum authoritate distinguimus: Nec enim sine causa tam salubri vigilantia Canon Ecclesiasticus constitutus est, ad quem certi Prophetarum & Apostolorum libri pertineant, quos omnino judicare non audeamus, & secundum quos de ceteris lueris vel fidelium vel infidelium liberè judicemus. Et c. 32. Ego hujus Epistola authoritate non teneor, quia literas Cypriani non ut Canonicas habeo, sed eas ex Canonicis considero, & quod in eis divinarum Scripturarum authoritati congruit, cum laude ejus accipio, quod autem non congruit, cum pace ejus respuo. Fulvius etiam & fortius idipsum confirmat lib. 11. contra Faustum Manichæum c. 5. Ibi nimirum in Scripturis Canonicis, si quid velut absurdum moverit, non licet dicere, Author hujus libri non tenuit veritatem; sed aut Codex mendosus est, aut Interpretes erravit, aut tu non intelligis. In opusculis autem posteriorum, quæ libris innumerabilibus continentur, sed nullo modo illa sacratissime Canonicarum Scripturarum excellentia coquantur, etiam in quibuscunque eorum invenitur par veritas, longè tamen est impar authoritas. Hieronym. non absimiliter epist. 62. ad Theoph. Alexand. Scio me aliter habere Apostolos, aliter reliquos Tractatores; illos semper vera dicere, istos in quibusdam ut homines errare; & epist. 76. Ego Origenem propter eruditionem sic interdum legendum arbitror, quomodo Tertullianum, Novatum; Arnobium, & nonnullos Ecclesiasticos Scriptores, ut bona eorum eligamus, evitemusque contraria, juxta Apostolum dicentem, omnia probate, quod bonum est retinete. Hoc passim inculcat, & magna libertate censoriam virgulam identidem stringit in superiorum sententias & expositiones, imò & de scriptis suis ita loquitur; Si quis melius, imò verius dixerit, & nos libenter melioribus acquiescimus; commenta. in Haba. & Zach. t. 5. Idem testatur Ambrosius de Domin. Incarna. Sacram. c. 3. Nolo nobis credatur, Scriptura recitetur, non ego dico à me, quia in principio erat Verbum, sed audio, non ego affingo, sed lego &c. & Cyrill. Hierolo. Catech. 12. Meis commentis & geōloyias non attende, posses enim fortè decipi; sed nisi de singulis Prophetarum testimonia acceperis, ne credas dictis, &c.

4. Pontificii ipsi Patres rejiciunt.

X. 4. Pontificii ipsi authoritatem Patrum repudiant, quoties sibi adversari agnoscunt, & liberè ab iis recedunt, tantum abest ut eos pro Judicibus agnoscant in rebus fidei. Plura possunt afferri loca huc facientia præter ea quæ ex Bellarmino, Sixto Senensi, & Salmerone antè allata sunt. *Cajetanus* præfat. in Pentat. loquens de suis in Scripturam commentariis: Si quando, inquit, occurrat novus sensus textui consonans, nec à S. Scriptura, nec ab Ecclesiæ doctrina dissonus, quamvis à torrente Doctorum sacrorum alienus, rogo Lectores omnes ne precipites detestentur, sed aquos se prabeant censores. Solis Sacra Scriptura authoribus reservata authoritas hac est, ut ideo sic credamus esse, quia ipsi ita scripserunt. Alios autem, inquit August. ita lego,

lego, ut quantalibet sanctitate doctrinaque prepolleant, non ideo credam sic esse, QUEST.
XXI. quia ipsi ita scripserunt. Melchior Canus loco Theo. lib. 7. c. 3. postquam dixit ex August. Hanc felicitatem Deum in solis divinis Voluminibus inesse voluisse, ut in iis non esses quicquam erroris, subjicit; Cateroqui nemo quantumvis eruditus & sanctus non interdum hallucinatur, non alicubi cecutit, non quandoque labitur. Et postea; Legentur itaque à nobis Patres veteres, cum reverentia quidem, sed ut homines, cum delectu & iudicio: & num. 10. At revera sequi Majores nostros per omnia, & in illorum vestigiis nos pedes quoque nostros figere, ut pueri faciunt per lusum, nihil videtur esse aliud quam ingenia nostra damnare, iudicio nos privare nostro, & facultate inquirenda veritatis. Sequamur Veteres; bene habes; sed ut duces, non ut dominos. Maldona. sæpe in comment. suis in Evang. in Matth. 19. 11. & 16. 18. & 20. 22. Sic fere omnes Patres exponunt, quibus equidem non assentior. Petavi. in Epipha. p. 205. Nos eâ quâ par est moderatione in divinatorum hominum, sed hominum, errores ac lapsus, non tam inquirimus, quam oblatos ultro ac vel invitis occurrentes, ne cui fraudi sint, patefacimus; tueri autem ac defendere nihil magis quam eorum vitia si quæ fuerint debemus: idem testatur p. 244. & 285. Baronius passim Patres liberrimè reprehendit & refutat, quoties aliud quam quod ipse probat sentiunt. Si ergo ipsi Adversarii Patres adeò securè contemnere & proculcare deprehenduntur, etiam consentientes, quoties minùs placent; qua fronte illos tanquam Iudices in Controversiis nostris audiendos esse decernunt?

XI Quod universi Doctores tradunt unanimi consensu secundùm Dei Fontes Verbum, id sibi potest & debet persuadere universa Ecclesia. Sed si non Solutio- loquuntur ex Verbo, sed potiùs contra illud, tantùm abest ut recipere illud num. debeat Ecclesia, ut illis potiùs anathema dicere teneatur Gal. 1. 8.

XII. Quamvis Patres, qui propiores fuerunt ætati Apostolorum puriores debuerint esse; Non sequitur eorum scripta pro norma veritatis haberi posse cum Apostolicis: quia donum infallibilitatis est ἀξίωμα Apostolatus proprium, quod successoribus eorum, qui iidem donis non præditi sunt, competere nequit.

XIII. Unitas Ecclesiæ per unitatem fidei in Scriptura traditæ propriè conservatur, non per consensum Patrum, de quo vix ac ne vix quidem constare potest.

XIV. Obedientia quæ Ductoribus debetur ex Heb. 13. 17. non est cæ- Heb. 13. ca & bruta, ut temerè assentiamur iis omnibus quæ ab ipsis dicuntur vel scri- 17. buntur; sed debet esse rationalis, ut eos audiamus Oracula Dei loquentes & tradentes, quæ ipsi à Christo acceperunt, Matt. 28. 20. 1. Cor. 11. 23.

XV. Quamvis nolimus Patres pro Iudicibus agnoscere in causis fidei; non ideo nullam eorum auctoritatem esse dicimus; possunt enim magni esse

Q U Æ S T. XXI. esse usus si non ad fundandam fidem, ad eam saltem illustrandam & confirmandam; ut hoc testimonio de fide veteris Ecclesiæ constet, & pateat Pontificios Patrum consensum jactare potius quàm sequi; Et inaudita esse primis seculis quæ nobis præter Scripturam ex Traditione obtrudunt dogmata.

XVI. Frustra Pontificii Patrum Consensum ad Judicium Controversiarum & Scripturæ interpretationem obtendunt. 1. Quia licèt haberi posset, humanum tantùm & probabile argumentum faceret, quale ex Prudentum responsis habetur, sed non necessarium & ἀνεπὶ ἔργον; cùm & ipsi Patres se suaque judicio Scripturæ submittant. 2. Quia si non impossibile, difficillimum saltem est talem consensum deprehendere: nec via illa longissima & intricata, & tot voluminum labyrinthis involuta, controversiis finiendis apta esset: Maximè cùm vix ac ne vix quidem certò dignosci queat, quid super nostris controversiis senserint Veteres: tum quia paucissima habemus Veterum scripta, præsertim eorum qui primo vel secundo aut tertio seculo vixerunt, quorum tamen potior quàm inferiorum habenda est ratio, utpote ad ætatem Apostolorum proximè accedentium: tum quia quæ supersunt ex tribus seculis scripta, ut plurimum de rebus alienissimis à Controversiis nostris agunt, & istas non nisi obiter & aliud agendo attingunt: tum quia Patres & alii ab aliis sæpe dissident, & ipsi secum in iisdem fidei capitibus non semper idem sensisse deprehenduntur, sæpe sententiam mutant, prout in veritatis cognitione cum ætate proficiunt, & senes ea revocant, quæ juvenes censuerant.

XVII. Non putandum est Patres contemni & illis injuriam fieri, quum illis suprema detrahatur judicandi potestas. Cavendum equidem ne debitus ipsis eripiat honor, sed multò magis ne ipsis nimium deferatur, cùm in hanc partem periculosius quàm in illam peccari soleat. Imò si reviviscerent, talem auctoritatem sibi tribui ferre non possent, & quod Apostoli Lystrensibus ad eorum cultum accedentibus inclamabant, homines nos sumus ὁμολογησάντες Act. 14. 14. 15. id ipsum nobis intonarent; qui passim docent se scripsisse non præcipiendi auctoritate, sed proficiendi exercitatione, ut legerentur, non cum credendi necessitate, sed cum judicandi libertate; & opuscula sua profitentur nullo modo sacratissimæ Scripturarum auctoritati coarquare, ut habet Aug. li. 11. cont. Faustum c. 5. & li. 2. cont. Crescon. c. 31.

XVIII. Ex quibus faciliè colligitur, non posse nec debere Patres tanquam Judices adhiberi in Controversiis nostris, sed tanquam Testes, qui veritati Christianismi admirabili consensu suo testimonium perhibeant, & vanitatem dogmatum à Pontificiis præter & contra Scripturam invectorum, silentio suo vel solidis etiam rationibus evincant. Utut ergo reverenter suscipienda sint eorum scripta, & cum fructu legi possint, non possunt tamen aliam auctoritatem, quàm Ecclesiasticam & humanam habere, id est, subalternam & dependentem à Scriptura.



LOCUS TERTIUS
DE
DEO UNO ET TRINO.
QUÆSTIO PRIMA.

An Dei Existentia invictè adversus Atheos demonstrari possit? Affirm.



UAMVIS ἄπειρον καὶ ἀκατάληπτον sit τὸ Θεῖον; ut bene notat Damascenus lib. 1. c. 4. Et vera dicere de Deo ob summam ejus ὑπεροχὴν etiam sit periculosum, ut Cyprianus loquitur: quia tamen Deus se nobis revelare dignatus est & in Natura & in Scriptura; & accedentem ad Deum credere oportet quòd Deus sit, & remunerator ipsum requirentibus, Heb. 11. 6. Tractatio de Deo primum in Theologia lo-

cum obtinet, & totius sapientiæ salutaris, quæ nobis discenda est, summam ambitu suo complectitur; ut in timore & tremore Domini revelata scrutantes, arcana quæ sibi soli servare voluit, temerè non rimemur, *ne in istis illicitè curiosi, in illis verò damnabiliter inveniamur ingrati*, ut ait Prosp. lib. 1. de voc. gen. c. 7.

II. Tribus autem partibus illa potest absolvi. Primò ut sciamus *quòd sit* adversus Atheos, ratione existentiae. Secundò, *quid sit* adversus Ethnicos, ratione naturæ & attributorum. Tertiò, *quis sit* adversus Judæos & hæreticos ratione Personarum. Dux priores agunt de Deo ὑποστάτως considerato; postrema de eo spectato ὑποσπινχώς & relatè quoad Personas.

III. Licèt *Deum esse*, Principium sit Religionis indubitatum, quod supponendum est potius quàm probandum, ut pœnis compescendus sit potius quàm argumentis refellendus, qui hoc negare sustinet, ut ait Philosophus: Quæstionem tamen hanc necessariam reddit hodie Atheorum, quorum nimis ferax est seculum hoc corruptissimum, execrabilis vesania, qui clarissimæ huic veritati impiè refragari non erubescunt.

QUÆST.

I.

IV. Non quæritur; An vera & salutaris Dei cognitio, ubique inter homines locum habeat: nemo enim negat, verum Deum fuisse & etiamnum plerisque gentibus esse ignotum, quæ propterea ab Apostolo vocantur *ἀθεοί* Eph. 2. 12. Sed, An cognitio Numinis ita hominibus sit à natura insita, ut nemo illud penitus ignorare possit; Vel, An Dei existentia invictis, non tantum ex ipsa Scriptura sed & ex ipsa natura rationibus demonstrari queat; quod profani & Athei negare non verentur; Nos asserimus.

Deum esse
probat.

V. Demonstratio Divinitatis quatuor præcipue fundamentis nititur. 1. Universæ Naturæ voce. 2. Hominis ipsius contemplatione. 3. Conscientiæ Testimonio. 4. Populorum consensu. Deus enim admirabilis mundi opifex, adeò altè Majestatis suæ vestigium singulis ejus partibus impressit, ut quod de Minervæ Clypeo vulgò dicitur, cui tam scitè effigiem suam inseruerat Phidias ut inde eximi non posset sine totius operis luxatione, longè potiori jure hic dici debeat, non posse Deum à natura avelli quin tota pereat & confundatur.

1. A Causarum subordinatione.

VI. 1. Natura demonstrat Deum; quum clamat se non tantum esse, sed ab alio esse, & sine alio esse non posse. Nam si certum esse debet & indubitatum, *nihil à seipso fieri, & nihil esse sui ipsius causam*, quia sic foret seipso prius & posterius; certum etiam debere dari aliquod Ens primum & improductum, à quo sint alia omnia, ipsum verò à nullo. Nam si omne Ens esset productum, vel à se vel ab alio produci debuit: Non à se quia ut jam dictum, nihil potest esse causa sui; Non ab alio, quia sic sequeretur vel dari progressum in infinitum in causis producentibus, vel Circulum fieri, quod utrumque implicat. Nam quoad Circulum, cum in iis quæ facta sunt detur ultimum, quod aliud non fecit, non dari posse patet; Adde quòd ejusmodi circulus est impossibilis, quia eo posito sequeretur idem à seipso fieri, & sui ipsius esse causam mediatè saltem, quo nihil absurdius. Progressus etiam in infinitum in causis locum habere non potest: quia in causis necessariò ordo aliquis dari debet secundum prius & posterius; At progressus in infinitum respuit omnem ordinem, sic enim nulla causa prima esset, sed omnes mediæ, quæ ante se causam aliquam haberent: Imò nulla esset causa, quæ ante se infinitas causas se superiores non habere deberet, quod *ἀδύνατον*; Quippe si ante omnes & singulas causas infinitæ causæ essent, ante totam causarum multitudinem & collectionem essent jam infinitæ causæ; & sic collectio illa tota non esset. Rursus si ascendendo ab effectis ad causam, nunquam posset ad primam causam perveniri; Ita descendendo à causis ad effecta, ad ultimum effectum nunquam deveniri posset; quia quod infinitum est, non magis ascendendo quàm descendendo pertransiri potest. Subsistendum ergo necessariò in aliqua causa, quæ ita sit prima, ut superiorem nullam agnoscat, & sic progressus ille causarum non debet esse *in infinitum*, sed *ad infinitum*, in quo terminabitur.

VII.

VII. 2. *Novitas Mundi* cum principio motus & temporis evincit ne-
cessariò Deum esse. Quia si Mundus incepit, ab aliquo ortum accepisse ne-
cesse est; siquidem non potuit esse à seipso: Ab alio autem non potuit esse
quàm à Deo. Mundum autem cœpisse & æternum non esse multa probant.
Quia tempus non potest esse ab æterno: nam si æternum fuisset, ab æterno
noctis & diei vicissitudo fuisset, quod est *ἀντισέως*; nam repugnat diem &
noctem ab æternò fuisse; quippe vel fuissent simul, quod implicat; vel suc-
cessivè, quod æternitatem tollit. Deinde, si tempus esset æternum, nullus
potuisset dari primus dies, nam si datur primus, E. tempus initium habuit;
si nullus primus dies, omnem diem dies præcessit, id est, fuit dies antequam
esset dies. Tertiò, si tempus æternum fuit, E. fuerunt infiniti anni, infi-
niti menses, dies & horæ; sed numerus mensium, annorum & dierum, vel
erit æqualis vel non; si æqualis sequetur partem esse toti æqualem, & totum
non esse majus sua parte; si inæqualis, E. dabitur magis & minus in infini-
to. Quartò, vel nullus dies fuit ab æterno, vel omnis fuit ab æterno, vel ali-
quis tantum: si prius, Tempus non est ab æterno; secundum falsum esse do-
cet experientia; tertium dici non potest, quia si fuit aliquis dies ab æterno,
ejus duratio debuit esse infinita & sine principio, quod implicat, cum 24-
horis ejus duratio terminetur. Quintò, motus omnis est cum successione,
quæ includit prius & posterius, quod repugnat æternitati. Sextò, si Sol ab
æterno sese movit, & orbem illuminavit, id factum fuit vel respectu nostri
hæmispherii, vel oppositè apud antipodas, vel respectu utriusque simul;
Prius dici non potest, quia quod fit successivè non potest dici æternum: non
posterius, quia est impossibile Solem simul utrumque hæmispherium illu-
minare, quia & pluribus in locis simul fuisset, & ubique dies fuisset, & nul-
la nox.

VIII. Si homines fuissent ab æterno, infinitæ darentur hominum gene-
rationes sibi invicem succedentium, & numerus hominum qui hætenus
vixerunt esset infinitus: sed non potest dari progressus in infinitum in ge-
nerationibus, ut jam diximus, nec numerus hominum, qui hætenus vi-
xerunt, potest esse infinitus, cum quotidie augeatur; at infinito nihil po-
test addi. Deinde vel fuit aliquis homo ab æterno, vel nullus; si nullus, ho-
mines non sunt ab æterno, & à Deo producti non sunt; si aliquis fuit, non
potuit gigni ab alio, quandoquidem quod ab alio producitur eo posterius
est; Et quod æternum est, nihil se prius agnoscit.

IX. Frustra assertur ab Atheis, ad possibilitatem progressus in infinitum
confirmandam, consideratio æternitatis à parte post: quia ut descendendo
in æternitate à parte post, datur primum, etsi non detur ultimum, nec un-
quam devenitur ad ultimum; Ita in æternitate à parte ante ascendendo po-
test dari ultimum, licet non detur primum. Quippe conferuntur hîc longè
dissimilia, illud quod fuit & revera transiit, & quod nunquam futurum est

Q U Æ S T. I. vel transitorium: Nam duratio temporis præteriti, & successio hominum qui hætenus vixerunt, fuit, & non est amplius: Sed duratio seculi futuri, & hominum qui in eo victuri sunt, talis est ut nunquam dici possit præterisse. Deinde potest dari quidem initium rei sine fine, ut in duratione Angelorum & animarum, sed non potest dari finis sine initio, quia finis necessariò supponit aliquod principium à quo res ortum habuerit: Unde non valet consequentia; Si in æternitate à parte post dari potest duratio quæ initium habuerit, non habitura sit finem; Ergo in æternitate à parte ante potest dari duratio quæ finem habeat, & nunquam tamen initium habuerit.

3. A Mundi ornati. X. 3. Idem evincit admirabilis *Mundi ornatus & ordo*. Nam si ordo requirit sapientiam & intelligentiam, perfectissimus supponet necessariò perfectissimam & infinitam Sapientiam, quam Deum vocamus. Ordinem autem pulcherrimum ubique extare cæcus est qui non videt, vel pessimus qui non fatetur, in tam convenienti partium dispositione, tam constanti rerum tam discordiarum concordia, tam pulchro creaturarum diversissimarum concentu & consensu, tam rapido & æquabili simul corporum cœlestium motu, & tam immutabili ordinis semel positi stabilitate & constantia. Sic non modò cœli enarrant gloriam Dei, sed quælibet in prato herba & flosculus, in littore lapillus, & in mari conchula ejus non tantum potentiam & bonitatem, sed & sapientiam *πολυπικλον* prædicat, tam obviam cuique ut vel palpando inveniri possit Deus: Hinc August. lib. 11. de C. D. cap. 4. *Exceptis Prophetis vocibus, mundus ipse ordinatissimâ suâ mutabilitate & mobilitate, & visibilium omnium pulcherrima specie, quodammodo tacitus, & factum se esse, & non nisi à Deo ineffabiliter atque invisibiliter magno, & ineffabiliter & invisibiliter pulchro, fieri se potuisse proclamat.*

XI. Dices fortè, hæc casu & fortuito atomorum concursu ita esse disposita. Sed nescio an dignum sit refutatione tam impium & absurdum commentum, cum ista non *τύχην*, sed *πᾶν* maximam notent; Nam quæ casu fiunt incerta sunt & indigesta, nihilque constans habent, & quod sui simile sit: At nihil fingi potest hac universi compage magis ordinatum & compositum; dicere ergo ornatissimum & pulcherrimum hunc mundum fortuito atomorum concursu factum esse, idem est, ac si quis putet, si innumerabiles unius & viginti formæ literarum aliquò conjiciantur, posse ex his in terram excussis *Annales Ennii*, ut deinceps legi possint, effici, ut loquitur Cicero de Nat. Deo. lib. 2. & præclare idem ibidem ex Aristotele, Si essent, inquit, qui sub terra semper habitavissent bonis & illustribus domiciliis, nec tamen exissent unquam supra terram, accepissent autem famam esse quoddam Numen & vim Deorum; deinde aliquo tempore patefactis terræ faucibus, evadere in hæc loca qua nos incolimus atque exire potuissent; cum repente terram & maria, cælumque vidissent, aspexissentque Solem, ejusque tum magnitudinem pulcherrimam,

rimam, tum etiam efficientiam cognovissent, tum cælum totum cernerent astris distinctum, eorumque omnium ortus & occasus, atque in omni aeternitate rarios immutabilesque cursus; hac cum viderent profectò & esse Deos, & hac tanta opera Deorum esse arbitrarentur.

QUEST.
I.

XII. 4. Hoc ipsum confirmat *Rerum omnium tendentia ad finem*. Nam cum omnia Entia naturalia finis alicujus gratiâ agant, quem certò & infallibiliter semper assequuntur; necesse est ut Rectoris alicujus consilio gubernentur. Quippe cum Natura nihil faciat frustra, si finis gratiâ agat, oportet ut vel ipsa finem istum norit & appetat, vel si eum non norit aut appetat, ut ab alio eò dirigatur. Cum autem ex rebus naturalibus multæ sint consilii incapaces, quia vel inanimatæ vel ἀλογoi, alieno egent consilio quo dirigantur: At alienum istud consilium non potest alii tribui, quàm Authori & Rectori naturæ. Nec dicendum naturam ipsam in singulis rebus esse, cujus consilio singulæ diriguntur ad fines suos. Nam Natura illa, vel erit rei cujusque naturalis proprietas & natura quæque singularis; sed quomodo illa consilii capax esse potest, si res ipsæ brutæ sunt? Vel communis quædam natura ex singularum rerum naturis collecta: Sed communis natura non est extra singulares naturas. Vel substantia aliqua intelligens & subsistens, cujus consilio omnia diriguntur: Sed hoc est ex Natura Deum facere, & cum Deum neges, Deum sub Naturæ nomine agnoscere, quò pertinent illa Philosophi, qui *opus natura dicit esse opus intelligentia non errantis*.

4. Ex Ten-
dentia re-
rum o-
mnium ad
finem.

XIII. 5. Sed homo non eget longè corrogatis testibus, vel ut exeat ex seipso, cum habeat in sinu suo domesticum hujusce veritatis Doctorem; & si ab omnibus visum suum avocet, & in seipsum reflectat, non minorem in microcosmo quàm macrocosmo sapientiam agnoscet, & in corpore visibilem, & in mente scintillantem Divinitatem admirabitur. Unde enim corpus tam admirabili & planè stupendo extractum artificio? Unde tot disparia membra mutuo intextu concreata, & tam aptè ad propria cuique munia disposita, nisi ab immenso Spiritu? Unde mens divinæ auræ particula, tot facultatibus instructa, tot dotibus nisi à suprema Intelligentia? Hæc sanè Imago prototypum suum refert, & nemo est qui si attendere velit, Deum in se præsentem non tantùm audiat & videat, sed etiam quodammodo tangat & palpet.

5. Ab ho-
mine ipso.

XIV. 6. Hoc præcipue docet *Conscientiæ vis ac stimulus*, sceleris vel cœpti vel patrati comes individuus; cujus neque sensus obtundi, neque accusatio eludi, nec testimonium corrumpi, nec vadimonium deserui, nec Tribunal declinari potest. Quis fit enim, ut conscientia commisso scelere angatur etiam in occulto & remotis arbitris, ubi nullum ab hominibus imminet periculum, etiam in illis qui in supremo fastigio sunt constituti, nisi quia penitissimo Numinis sensu afficitur? quod in Nerone, Caligula, aliisque non paucis visum est:

6. A Con-
scientia.

QUEST.
I.

Hinc Juvenal. Satyr. 13.

--- Curtamen hostu

*Evasisse putes, quos diri conscia facti
Mens habet attonitos, & surdo verberare cadit
Occultum quatiente animo tortore flagellum, &c.*

Ovid. Fasto.

*Conscia mens, ut cuique sua est, ita concipit intra
Pectora, pro facto spemque metumque suo.*

Unde terrores illi conscientiae trepidantis ad atrociora facinora nisi à sensu alicujus Vindicis & Judicis, quem etsi non videt, ubique tamen persentiscit? Illi enim terrores nequeunt provenire ab aliquo metu Legum civilium, seu temporalis alicujus poenae aut infamiae; tum quia hæc non metuuntur nisi ob malefacta manifesta, quæ solæ leges civiles, & secundum eas Judices punire possunt; tum quia etiam occupant eos qui neminem in terris superiorem agnoscunt, quique ideo à nemine judicari possunt: Quis fit aliàs, ut quum improvissum ingruit periculum, vel repentinus oboritur terror, ii qui omnem Divinitatem ex animo delevisse videbantur, iratum Numen perhorrescant, & ejaculatoriis precibus & suspiriis opem ejus implorent? Quid verò eos trepidare facit, qui aut in occulto & abdito profani sunt, aut intra animum suum tantum Deum esse negant? Vanus fortè dices est metus; At si vanus est, unde est? Cur adeò pertinax & inexpugnabilis est, etiam cum nulla metuendi causa est? Quis aut quid metuitur ab eo, qui sibi solus cogitationum suarum conscius est, qui neminem arbitrum, aut testem, aut judicem earum esse persuasus est? Seipsumne? At sibi amicissimus est. Aliosne? At illi ignorant, quid animo cogitet aut moliatur. Tum si tuti esse velint, ore probent quod corde negant. Cur securi tunc non sint? Ergo velint nolint Deum aliquem esse credant oportet, quem ipsa recta ratio docet metuere, quem jubet ubique agnoscere tanquam Dominum & Judicem omnium.

Eph. 4. 19. XV. Nec ob stare potest quod Paulus *Eph. 4. 19.* dicit homines aliquando eousque malitiae pervenire ut reddantur ἀπὸ λυγρότερος, id est, doloris omnis, quem conscientia alioquin solet inferere expertes, imò eousque, ut conscientiam habeant κακὰν τριτοσφύλῳ cauterio inustam, ac proinde sensu

1. Tim. 4. 2. omni ac remorsu privatam, ut Apostolus loquitur *1. Tim. 4. 2.* Nam hoc indicat quidem conatum & studium profanorum ejusmodi hominum, & conatus istius effectum qui foris apparet, quando scelesti isti extrinsecus confidentiam ostendunt, & obfirmatum ad scelera animum, quasi nullo scelerum sensu aut conscientiae morsu permerentur; At non ostendit quales animo intus sint. Hoc enim non apparet, hoc dissimulare in publico possunt; Et si exterius videntur sine sensu, sine dolore sunt, imò & sine eo esse se palam affirmabunt. At si intus videre eos liceret, animus eorum inquietus,

tus, & aculeis durissimis agitatus videretur. Nolim tamen negare fieri posse Quæst. I.
 ut ex peccandi consuetudine callum quemdam conscientia ita obducant, ut
 aliquando & aliquandiu videantur amisisse omnem peccati sensum, & con-
 scientia morsum non sentiant vel non curent, imprimis quum omnia illis
 fluunt ex voto, quum vires constant, & valetudo est firma, & favor pu-
 blicus adest. At ut sensum omnem penitus amiserint, dici non potest;
 dormit conscientia, non mortua est, ebria est à carne, sed non extincta;
 alias quomodo Paulus dicere posset *homines Legem non habentes, sibi ipsis
 esse Legem, & ostendere opus Legis scriptum in cordibus suis, una testimo-
 nium reddente eorum conscientia, & cogitationibus se mutuo subinde & per
 intervalla accusantibus & excusantibus* in malè vel bene factis.

XVI. 7. Accedit constans & perpetuus *populorum omnium sensus & consensus*; Licet enim diversimodè de Numinis natura, de numero, de ra- 7. A Popu-
lorum con-
sensu.
 tione ac modo illud colendi senserint, & ut plurimum fœdissimè errarint;
 in tanta tamen varietate consensu hic fuit, Deum esse aliquem qui sit reli-
 giosè colendus: *Nulla gens est tam fera & immansueta*, inquit Cicero l. 1.
 de Legi, *quæ non, etiamsi ignoret qualem Deum habere deceat, tamen haben-
 dum sciat.* Imò tam altas in animis hominum radices egit hæc notio, ut
 quidvis potiùs sibi homines persuadeant Deum esse, quàm Deum nullum
 esse, & falsum habere maluerint quàm nullum. Hinc factum, ut ad lapides
 & ligna, & ad vilissima quæque se demiserint potiùs, quàm ut omni Numi-
 ne carerent; quod in homine naturâ superbo nunquam factum fuisset, nisi
 vehementissima foret Divinitatis persuasio. Quod si quæ hominum mon-
 stra nonnunquam dentur, quæ ausu giganteo ipsi naturæ bellum indixerunt
 ad Deum negandum, ut Ps. testatur stultum dicere in corde suo non esse
 Deum Ps. 14. præterquam quod hoc potiùs de Atheis practicis quàm theo-
 reticis est intelligendum, ut postea probabitur; non debent opponi com-
 muni & generali omnium consensui; nec paucorum furibundus conatus
 notitiam hanc suffocare nitentium, & in hac obstinatione etiam morien-
 tium, præjudicare debet universali cæterorum judicio, quod ubique per o-
 mnes orbis partes diffusum, per tot secula constantissimè duravit: Non
 magis quàm monstra & prodigia quæ contra naturam videntur aliquando,
 leges ordinarias à Deo positas possunt evertere; Vel paucorum mente ca-
 ptorum insania evertit hominis definitionem, dum dicitur animal rationale.

XVII. Cum ergo constans ille & universalis populorum omnium cir-
 ca hanc primigeniam veritatem consensus, nec ex simplici desiderio possit
 oriri, quod in multis ad remotionem potiùs Numinis, quod propter scelera
 pertimescunt, quàm ad ejus præsentiam tenderet, nec autoritate potentio-
 rum vel Traditione majorum tantum nitatur, quæ tam efficax nunquam
 potuit esse, ut consensum hunc universalem in animis omnium produce-
 ret: Necessè est ut à rei ipsius evidentiâ ducat originem, quæ tanta est ut
 neminem,

Quæst. I. neminem, qui modò mentem habeat, latere possit, & à penitissimo *Numinis sensu*, quem Deus singulis impressit, ne quis ad ignorantie prætextum confugeret; sed ut, cum ad unum omnes intelligant Deum esse & suum esse opificem, suo ipsorum testimonio damnentur, quòd illum non coluerint. Eò pertinent ista *Jamlici de myster. Ægyptiorum c. 1. Ante omnem rationis usum inest naturaliter insita Deorum notio, imò tactus quidam Divinitatis melior quàm notitia.* Hoc est τὸ γνωστὸν τῷ Θεῷ quod Deus in gentibus patefacere voluit Rom. 1. 19. quod explicans Damascen. l. 1. c. 1. ait πᾶσι ἡ γνώσις τῷ εἶναι Θεὸν ὑπὸ αὐτῆς φυσικῆς ἰγναρίσσεται, *Cunctis cognitio quòd Deus sit, ab ipso naturaliter est congenita.*

XVII. Parum autem refert, siue sensum hunc per notitiam naturalem Dei insitam, siue per communem notionem, siue per mentis conceptum, siue cum recentioribus per *Ideam Dei* ut *Entis perfectissimi* mentibus nostris impressam explicemus; res eòdem redire videtur: nimirum insitum esse singulis ab ortu Divinitatis sensum qui se celari non patitur, & qui sponte se exerit in omnibus adultis sanâ mente præditis. Observamus tantum *Ideam Dei* minùs propriè dici nobis imprimi, si per eam designetur species aliqua & imago Dei intelligibilis in mentibus nostris, quæ quidditatem & essentiam Dei clarè & distinctè nobis repræsentet, quod & infinita Dei Majestas respuit, & finita ac fragilis intelligentia nostra non capit. Quomodo enim Entis infiniti daretur imago in mente finita, vel utcunque adæquata, vel clara & distincta? Nec si pro certo ex communi ista notione & conscientie instinctu haberi potest, quòd *Deus sit*, continuò sequitur, ut claro & distincto conceptu, qualis supponitur esse ista de qua loquitur *Idea, quis & qualis sit* statim assequi possimus. Præterquam quòd certum est claram & distinctam Dei ideam, si qua datur in nobis, non ex naturâ, quæ per peccatum obtenebrata est & excæcata, sed ex revelatione supernaturali Verbi demum haberi, in qua Deus apertè se nobis patefecit; licet hæc ipsa cognitio respectu gloriæ sit tantum specularis & ænigmatica, id est, imperfecta adhuc & valde obscura.

XVIII. Possunt alia non pauca addi argumenta ad ejusdem veritatis confirmationem: A *rerum futurarum & mere contingentium vaticiniis*, quæ longè ante eventum prædici non potuerunt certissimè, nisi à mente omnis-
 scia: Ab *heroicis* magnorum Virorum *motibus*, qui sine afflatu divino dari non potuissent; Ab *Imperatorum conversionibus & eversionibus*, quas digito Dei contingere res ipsa clamat: A *Judiciis publicis, & scelerum penis* quæ ab ultrice Nemese infliguntur; & A *miraculis* quæ totius naturæ vim superant. Cum enim nihil ultra vires suas agere possit, & multa miracula sæpius contigisse in mundo, non modò Scriptura testetur, sed & Judæi & Ethnici fateantur; necesse est dari aliquod Ens perfectissimum, totâ naturâ majus & præstantius, cujus virtuti transcribantur: quod non aliud esse potest quàm Deus.

XIX. Hæc verò & similia argumenta ex Operum Divinorum contemplatione, & ex imis naturæ penetralibus eruta, quibus blasphemi isti θεόμαχοι confodi possunt, confirmantur luculentiùs ex Verbi irrefragabili testimonio; quod cum Divinitatis suæ illustres notas præ se ferat, ut antea visum, & Deum authorem suum passim prædicet, hanc persuasionem in animis fidelium indelebili charactere insculpit.

XX. Addi possunt & hæc argumenta ad hominem, quæ Atheum ipsum *Fontes* movere possunt ad credendum Numen; si non Dei ipsius & Religionis *Solutio-* vindicandæ causâ, saltem sui ipsius, & utilitatis suæ gratiâ. Nam si *num.* Deus non est, nulla Respublica, nulla Societas in mundo tuta erit; Quia sine virtute, sine Religione nihil tutum esse potest: At si Deus non est, nec virtus nec Religio est. Quid erit mundus nisi merum latrocinium, in quo cuique quod libebit licebit, in quo nullum fas aut nefas erit, nullum imperandi jus, nulla obediendi necessitas, in quo optimus erit qui vaferrimus, & dominus qui potentissimus. Nullo fræno continebitur imperantium licentia, & subditorum rebellio, suo quisque animo impunè serviet. Rursus si Deus non est, nemo mortalium vel ad momentum tutus aut securus esse poterit à vi, à fraude, à perjurio, à cæde, à sanguine. In horas singulas omnia metuenda erunt: Sublato enim Divinitatis obice, quis fidei & innocentiae dabitur locus? quid licentiæ aut violentiæ non patebit? Nam quoad edicta humana, præterquam quòd animus in melius mutare non possunt, sed contrà eum reddunt vafrum, & in omnes fallendi artes intentum; quis dabitur edictis humanis locus, si sublato Numinis sensu, conscientia iusti & iniusti rationem omnem exuit?

XXI. Licet Deus non pateat sensibus comprehensivè, ut est in se, apprehensivè tamen potest percipi, prout elucet in Operibus, videtur in signis, auditur in Verbo, manifestatur in totius Universi fabrica. 2. Falsò supponitur nihil esse in intellectu, quod priùs non fuerit in sensu. Nam universalia sunt in intellectu, & nunquam fuerunt in sensu: Anima cognoscitur ut & Angelus, nec tamen sentiuntur vel videntur nisi ex effectis. Quidni ergo Deus mente certissimè cognoscatur, quem nec oculis nec aliis corporis sensibus percipere possumus ex Operibus & à posteriori?

XXII. Aliud est dari consulationem & αἰτασίαν apparentem in mundo respectu nostri, quod concedimus; Aliud esse veram & realem ex parte Dei, quod negamus: Nam quæ nobis perturbata videntur apud Deum sunt ordinatissima.

XXIII. Quamvis in mundo varia videantur inutilia, imò multa noxia & periculosa, quæ ad sui ipsius perniciem & ad humani generis extremam miseriam comparata sunt, ut horrendi & ignivomi montes, qui flammarum & cinerum perpetua eructatione agros, pagos, civitates & integras regiones cum hominibus & cæteris animantibus iniquissimo

QUEST. I. fato obruunt, voragine marina, scopuli naufragi, herbae venenatae, & noxia animantia, & alia idgenus: Non sequitur mundum ab aliquo Ente optimo & sapientissimo conditum non fuisse, & ab eodem non dirigi; Quia praeterquam quod gloria Creatoris ex istis omnibus clarissime clucet, nihil tam est inutile, & noxium nobis videtur, quod variis modis conducibile non sit, tum homini, tum aliis Creaturis: Nec si varios usus rerum istarum non possumus assequi, continuo sequitur nullos esse.

XXIV. Prospera impiorum, & adversa piorum ostendunt sapientissimam Dei dispensationem, qui haec omnia ad gloriam suam & piorum salutem convertit: Sed Divinitatis fidem labefactare non debent: Imò Judicii ultimi post hanc vitam exercendi veritatem confirmant, ubi unusquisque recipiet fidei & factis consentanea.

XXV. Bonum infinitum non statim tollit omnia mala, si sit agens liberrimum non necessarium; quia ad sapientiam & omnipotentiam suam magis judicat pertinere, malum permittere, ut ex eo bonum eliciat, quam malum esse non sinere.

XXVI. Quando Deus dicitur esse à seipso, hoc intelligendum potius negative quia est à nullo, est quippe *αὐτοζών* & *αὐτοαῖν*, quam positive quasi esset suiipsius causa, quod implicat, quia esset seipso prior & posterior.

XXVII. Aliud est uti Religione & Numinis sensu ad populos in obsequium cogendos, & in officio continendos: Aliud verò talem persuasionem Numinis, licet falsam, populis imponere. Fateor quidem prius fecisse Legislatores, & plurima in Religione commentos esse astutos homines, quibus reverentiam plebeculae injicerent & terrorem incuterent, quo haberent obsequentiores ejus animos. Sed id nunquam obtinuissent, nisi jam prius constanti illa de Deo persuasionem imbuta fuissent hominum mentes, ex qua velut semine emergit ad Religionem pro-pensio. Deinde quis credat paucorum vi vel astutia diffusam esse per omnes orbis partes, & per omnia secula constantem illam opinionem, quae tantopere vexat conscientias, etiam in sceleribus absconditis? Quis non videt, quod, si persuasio Divinitatis debetur auctoritati Legum, & metui suppliciorum, non ulterius duratura illa fuisset quam durante jugo servitutis? cum tamen certum sit illam pervasisse in omnes homines etiam liberrimos, & legum vinculis solutos.

QUÆSTIO II.

QUÆST.
II.*An dentur Athei propriè dicti? Neg.*

I. **C**UM tantus sit hodie in mundo Atheorum numerus, mirum primâ fronte videri poterit, quòd tales dari, vel in dubium revocari possit vel negari. Sed certis positis distinctionibus facile patebit, quo sensu verum esse possit, Atheos plures dari, & tamen Atheos nullos esse. Status
Quæstio-
nis.

II. Primò *Atheus* alius est *Speculativus*; Alius *Practicus*: ille quoad fidem qui Deum non agnoscit; iste quoad mores & vitam qui cum agnoscendo non colit, qui ita vivit ac si Deus non esset, vel ex voto, quia Deum non esse optaret. Quanquam enim, ut nulla praxis est quæ non supponat aliquam cognitionem, nec ulla cognitio saltem quæ versatur circa Dei cultum, quæ ad praxim aliquo modo non tendat; sic nullus est Atheismus practicus qui non oriatur ex prava cognitione & iudicio corrupto mentis, & nullus speculativus qui non post se etiam trahat corruptionem praxeos; Nihil obstat tamen, quominus à potiori fiat denominatio, ut Atheismus qui magis consistit in verborum jactatione & blasphemiiis, dicatur speculativus, ille verò qui magis in factorum impietate versatur, practicus vocetur. Atheos autem multos practicos esse non diffitemur, speculativos negamus.

III. Secundò *Atheus speculativus*, vel *directus* est & expressus, vel *indirectus* & interpretativus. *Directus* est, quum quis omnem cognitionem, sensum & fidem Numinis excutit. *Indirectus*, quum quis talia Deo attribuit vel de illo negat, unde per necessariam consequentiam Deus negatur, v.g. si quis negat Dei Providentiam & Justitiam, licet profiteatur se Deum agnoscere; eo ipso cum negat, quia Deus sine providentia esse non potest. De istis verò hic non agimus, sed de illis. Atheus
Speculativus, vel
Practicus.

IV. Tertiò *Atheus directus*; vel est *externè disputans* imò & malitiose contra sensum suum negans; vel *internè dubitans*, qui ad tempus dubitationibus an sit Deus vexatur, & iis ad momentum in tentationis paroxysmo videtur succumbere; vel *studiosè affectans* totalem Numinis *aversionem*; vel qui planè & certò persuadetur in corde suo nullum esse Deum. De illis non agimus quos subinde reperiri posse non negamus; sed de istis, quos dari non posse censemus. Quæritur hic ergo, An dentur Athei non practicè, sed speculativè, non indirectè & interpretativè, sed directè, non qui externè disputent, vel negent, vel qui internè dubitent, & contentur sibi persuadere nullum esse Deum; Sed qui expressè hoc corde credant, & ore profiteantur; quod negamus. Atheus
speculativus.

V. Rationes sunt. 1. Quia datur in homine cognitio Dei insita, &

Q. U. A. E. T. Divinitatis sensus, qui non magis potest abesse ab homine quàm intellectus rationalis, ita ut homo illum exuere non possit, quin seipsum exuat, ut antea probatum Loc. 1. Q. 3. Nec si in Scriptura negatur peccatoribus cognitio salutaris & practica, quâ convertantur 1. Johan. 2. 4. continuo negatur cognitio inefficax & theoretica: Et si tribuitur illis ignorantia pravæ dispositionis 1. Thes. 4. 5. Eph. 4. 17. 18. non potest illis pariter tribui ignorantia puræ negationis.

Rom. 2. 14. V I. 2. Quia datur opus Legis in eo scriptum Rom. 2. 14. & synteresis ac conscientia naturalis, in qua thronum suum crexit Deus, quæ extingui non potest nisi cum lumine rationis. Licet enim sæpe desperatæ impietatis homines eam excutere conentur, non possunt tamen. Et ut pro tempore callum obduxisse videantur, & sopita sit conscientia, evigilat tandem & acriores aculeos ipsorum cordibus infigit, ita ut velint nolint irretiti teneantur, & quem nescire cupiunt, subinde persentiscant, ut in Caligula, Nerone, & aliis non paucis visum. Nec excipi potest, conscientiam istam non semper cum notitiâ vel metu aliquo Dei conjunctam esse; posse enim conscientia flagellum remanere ex hominum metu: Nam licet hoc locum habere possit in sceleribus cognitis; At in absconditis quæ homines latent, & quæ ab iis sunt perpetrata, qui se superiorem in terris nullum agnoscunt, unde talis error oriri posset nisi ex sensu Justitiæ Dei, quæ illorum conscientias eò magis percellit, quò magis refugere conantur, ut hic revera θεῶν τι subesse necesse sit.

Act. 17. 26. 27. V I I. 3. Quia tam clarè seipsum in Operibus patefacit, ut homines vel palpando eum invenire possint, Act. 17. 26. 27. & non possint oculos aperire quin tanti Numinis majestas & splendor, eos statim afficiat. Nec particula ἀλλ' quâ utitur Apost. in dubium revocat revelationis divinæ evidentiam & certitudinem, sed ad inquirentium stuporem & negligentiam pertinet, ut Act. 8. 22. Ita quod additur de præsentia Dei, quâ non longe absit ab unoquoque nostrum, promissionem gratiæ peculiarem fidelibus Dei cultoribus non notat, sed beneficium Providentiæ omnibus hominibus commune innuit.

V I I I. Cognitio hæc Dei acquisita triplici viâ solet obtineri, *Causalitatis*, *Eminentia*, *Negationis*. Per viam *Causalitatis*, quum ex effectis intelligimus causam, & à causis secundis ascendimus ad primam Ps. 94. 9. *Plantator auris, annon audiet, & formator oculi annon intuebitur?* Per viam *Eminentia*, quicquid est perfectionis in rebus creatis, eminenter & κατ' ἐξῆλιν Deo tribuimus. Per viam *Negationis* removemus à Deo quæ imperfectiorem notant in creaturis, ut quum dicitur invibilis, immortalis, immutabilis. Per viam negationis devenimus ad cognitionem attributorum negativorum. Per viam eminentiæ cognoscimus attributa positiva. Et per viam causalitatis ascendimus ad notitiam attributorum relativorum.

I X. Quum

IX. Quum dicitur Ps. 14. 1. *Stultum in corde suo dicere non esse Deum*, Quæst. II.
 non tam describitur certa & firma persuasio hominis Athei Deum negan-
 tis, quàm dubitatio & conatus hominis impii suffocare nitentis hanc no- Fomes
 titiam. Ideo non ait, *credit & statuit*; sed *dicit*, id est, secum tacitè loqui- Solutio-
 tur, & sibi persuadere hoc nititur. 2. non potest hîc intelligi Atheus spe- num.
 culativus directus, quia agitur in genere de impiis & peccatoribus, ut con- Ps. 14. 1.
 stat ex collat. cum Rom. 3. At certum non posse omnes peccatores dici hoc
 sensu Atheos. 3. hîc non tam innuitur negatio existentia, quàm Providen-
 tia Dei, ut patet ex Ps. 10. ubi quod dixit v. 4. de Impio, *quod in altitudine*
sua non inquit, omnes cogitationes ejus sunt non est Deus, v. 11. refert ad ne-
 gationem Providentia, *dicit in corde suo oblitus est Deus, abscondit faciem*
suam, non videbit in perpetuum. Hinc rectè Orvenus l. 3. Epig. de Atheo.

Inspiciens in corde suo, non est Deus inquit,

Dixit, & hoc nullus credidit inspiciens;

Inspiciens negat esse Deum si nemo, quis ergo

Atheus est? nullum qui velit esse Deum.

X. Aliud est exterior Dei negatio, vel erratica tantùm cogitatio & du-
 bitatio de Deo; Aliud fixa & constans in corde negatio: Priorem dari
 posse in homine non diffitemur, sed posteriorem negamus.

XI. Quicquid occurrit apud Authores de suffocatione & obliteratione
 luminis naturalis ad aliquod tempus in paroxysmo furoris, & quicquid de
 conscientia cauterizatione, lethargo & ἀναισθησία dicitur, referri non de-
 bet ad totalem cognitionis istius naturalis extinctionem, nec ad assensus
 & persuasionis contraria certitudinem: sed ad suppressionem & offusca-
 tionem aliquam luminis istius & cognitionis, quâ impii homines actua-
 lem de Deo cogitationem, quantum fieri potest abjiciunt, & sibi per-
 suadere conantur non esse Deum; nec Dei Judicis vindictam credunt, aut
 exhorrescunt.

XII. Gentes dicuntur ἄθεοι Eph. 2. 12. non quòd nullum prorsus Eph. 2. 12.
 Numen agnoscerent, sed quòd veri Numinis notitiâ destituerentur: nam
 qui verum Deum non habet, eo ipso uullum Deum habet & πλυθεότης
 est revera αἰθεότης.

XIII. Si qui Atheorum apud Veteres nomine infami traducebantur,
 non tam omnis Numinis hostes, quàm Idolorum & fictitiorum Numi-
 num contemptores fuerunt; quod de Socrate, qui Oraculo Apollinis to-
 tius Græciæ sapientissimus judicatus est, Apulejus & Agellius testantur.

XIV. Aliud est abesse ad tempus actualem cogitationem de Deo à
 mente Athei, idque per negligentiam & malitiam; Aliud abesse notitiam
 Dei, quæ ad modum dispositionis seu habitus permanentis primitus im-
 pressi se habet, & deinde per ratiocinationem ex utroque libro Naturæ &
 Scripturæ efformatur: prius potest nonnunquam occurrere, sed non po-
 sterius.

Quæst.
II.

XV. Ad exempla Atheorum, qui videntur omnem Numinis sensum egerasse, ut de *Julio Cesare Vanino* & aliis dicitur, qui ad ultimum usque vitæ halitum in sua obstinatione perstiterunt: Respondetur eos externè quidam negasse, & internè omni studio suffocare hunc sensum conatos fuisse, sed quòd de eo plenè persuasi fuerint constare non posse: Imò si eorum mores expendantur, non obscure deprehendi posse eos ab internis conscientiaë stimulis non fuisse immunes, quicquid externè simularent, quæsitâ in Atheismi pertinaci professione gloriâ. Nec obstat quòd ad mortem usque in eo furore permanserint, quia ut profundum est & desperatum cor hominis, potuerunt hoc profiteri contra interiorem sensum & dictamen conscientiaë, ad constantiaë & fortitudinis invictaë laudem apud socios superstites reportandam.

XVI. Licet nemo sciat quid sit in homine, nisi spiritus hominis qui in ipso est, 1. Cor. 2. 11. non obstat quominus possimus certò statuere, neminem posse omnem sensum Numinis penitus ex corde ejicere, ut conscientiam nunquam potest exuere; quia hæc sunt principia per se nota, quæ ab hominis constitutione pendent. Ita licet aliquis protestaretur se nihil scire & nihil intelligere, se veritatem principii istius, *nihil potest simul esse & non esse*, non percipere, se nullam habere legem naturæ, nec conscientiaë accusantis aut excusantis motum; rectè vanissimo illi Sceptico, mendaciter & contra internum animi sensum protestanti, universalis experientia, ratio, & Scriptura opponi possunt, ut statuamus cum quicquid dicat propria conscientiaë vim inferre.

QUÆSTIO III.

DE UNITATE DEI.

An Deus sit unus? Affir. c. Gentiles & Tritheitas.

Status
Quæstio-
nis.

I. **S**ententia de Deo ad tres præcipuas species possunt revocari, ut notat Gregorius Nazianz. Orat. 35. 1. ad *ἀναρχίαν*, quam urgent Athei. 2. ad *πλυναρχίαν*, quam retinent Ethnici. 3. ad *μοναρχίαν*, quam docent Christiani.

II. *Unum numero* bifariam dicitur, vel *affirmativè* tantum, vel etiam *exclusivè*. Priori modo illud unum est, quod est indivisum in se, & divisum à quolibet alio, sed præter quod alia dari possunt ejusdem ordinis & naturæ; quomodo unumquodque individuum humanum est unum numero. Posteriori illud unum est quod est unicum & *μοναδικόν*, præter quod nullum est aliud tale, ut Sol unus dicitur quia unicus. Non quæritur hîc
de

de Unitate Dei priori sensu, sed posteriori; quia Deus ita est unus affirmative quoad indivisionem, ut sit etiam unicus quoad cæterorum exclusionem. Quæst. III.

III. Non quæritur de *Unitate numerica personali*; quia ut postea probabitur, plures sunt Personæ in Divinis: sed de *Unitate numerica essentiali*; An non sit unus numero Deus quoad essentiam; quod contra *πλουθεότητα* Gentilium, & Tritheitarum errorem tuemur.

IV. Non quæritur, An sint multi Dii *λεγομένης* & secundum dici, juxta vanam & falsam hominum opinionem quæ inter gentes obtinuit. Sed, An sint plures in rei veritate & secundum esse. Non quæritur, An sint plures *participative* & improprie: Fatemur enim hoc sensu Angelos & Magistratus sæpe Deos vocari in Scriptura propter quandam participationem dominii & dignitatis, Ps. 82. Heb. 2. Jo. 10. Sed, An plures sint *proprie* & originaliter? quod negamus.

V. Unum esse Deum & Scriptura passim asserit, & Ratio evincit. *Deum unum esse* Deut. 6. 4. *Audi Israël, Jehovah Deus noster, Jehovah unus est.* 1. Cor. 8. 4. 5. *Nobis unus est Deus, Pater ille a quo omnia.* Gal. 3. 20. *Deus est unus.* 1. Tim. 2. 5. *Unus est Deus & unus Mediator.* Præter hunc unum plures esse, aut reperiri posse negat Moyses Deut. 32. 39. *Videte nunc memetipsum esse, & nullum esse Deum mecum;* & Is. 43. 10. 11. *Ego sum Jehovah, & nullus est præter me Servator,* & 37. 16. & 44. 8. probatum à Scriptura.

VI. Ratio etiam idem confirmat. Quia implicat dari plura infinita, æterna, omnipotentia, perfectissima; quale debet esse Deus, nec ut & plures Rectores mundi, *ἐκ ἀγαθὸν πλουταρχίῃ εἰς κείραν* & *ἔσω*, unde Tertull. cont. Marcio. l. 4. *Deus si unus non est, non est:* Nam si plures essent; vel essent æquales, & sic neuter esset primus & perfectissimus; vel inæquales, & sic inferior non esset Deus; vel unus esset causa reliquorum, & sic solus esset verus Deus; vel non, & sic neuter esset Deus, quia non esset causa omnium. A Ratione.

VII. Nec hoc ipsis Ethnicis penitus ignotum fuit, quando mundi gubernacula uni summo Deo tradiderunt, quem *Patrem hominum Deorumque* vocant; cui quum cæteros subjiciunt & ab eo volunt esse ortos, illos ipsos quos Deos nuncupant divinitate exuunt. Hinc Hermes Trismegistus Philosophorum parens, in Poëmat. c. 2. 3. 4. & alibi unum Deum, unam unitatem, omnium quæ sunt radicem esse statuit, *ἡ μονὰς*, inquit, *πάντων ἀρχὴ καὶ ῥίζα*, Pythagoras referente Cicerone & Plutarcho; *Deus est unus*, non ut plurimi censent extra administrationem mundi, sed totus in toto. Orpheus qui primus, si Justino credimus, *πλουθεότης* & fuit author, quia nomina & genus Deorum primus edidit, unum tamen Deum agnoscit apud Clem. in protrep.

Εἰς δὲ ὅς ἀποχρῆς, ἐνὸς ἐκδοῦα πάντῃ τίπτεται.

Idem saniores ex Gentilibus sentiunt, Plato, Aristoteles, Epictetus, Cicero,

QUÆST. III. ro, Seneca & alii, quorum testimonia vide apud Plessæ. de Relig. Christ. c. 3. & apud Justinum, Tertull. Clementem Alex. Lactantium, Arnobium, Augustinum, & alios ex Veteribus, qui Dei unitatem adversus Ethnicos fuisse probant.

**Fontes
Solutio-
num.**

VIII. Varietas nominum & Attributorum divinorum, non arguit pluralitatem Deorum; quia unius Dei perfectioni connotandæ adhibentur, ut per plures conceptus inadæquatos capiamus utcumque, quod per unicum adæquatum non possumus.

IX. Licet plures dentur in Deo Personæ, non dantur tamen plures naturæ; quia participant omnes unam eandemque naturam infinitam, non per divisionem, sed per communicationem. Nec si tres Personæ in humanis dicunt tres homines, debebunt tres inferre Deos tres Personæ in divinis; Vel Unitas Essentiæ divinæ unitatem etiam Personæ inducere, ut vellet Socinus; quia trium personarum humanarum tres sunt essentiæ singulares distinctæ numero, siquidem essentiam singularem finitam eorum una etiam subsistentia exhaurit & terminat; sed trium Personarum divinarum unica est essentia individua & singularis, quæ ut est infinita pluribus est communicabilis.

X. Πολυθεότης & Ἀθεότης ejusdem insanix foetus meritò censentur: unde Apostolus Gentiles vocat ἀθεῖς, quia erant πολυθεοί Eph. 2. 12. nam qui unicum Deum non habet, Deum nullum habet, quia vero destituitur.

XI. Si quæritur; cùm ratio & natura nos ad unum Deum ducant, unde πολυθεισμός Gentilium oriri potuerit, qui pro uno Deo δῆμον θεῶν, ut loquitur Nazian. Serm. de Natal. Christi, coluerunt

Quicquid humus, pelagus, cælum mirabile signant

Id dixere Deos, colles, freta, flumina, flammæ.

Ut canit de illis Prudentius. Hesiodus triginta millia Deorum fuisse notat

Τεσσαρμύριοι εἰσι θεοὶ ἐπὶ χθονὶ πολυβοτείρῃ. Ἀθίναται.

Causæ varix reddi possunt. Præcipua est oblivio veri Dei, & hominis necessitas, homo enim necessitate sua pressus undequaque auxiliores quærit, ideo multos sibi facit Deos, quod Plin. cap. 2. eleganter explicat; *Fragilis & laboriosa mortalitas in partes ista digessit infirmitatis sue memor, ut portionibus quisque coleret, quo maxime indigeret.* Ut ergo multiplici premebantur necessitate, multiplices quæsierunt Deos qui illis mederentur, quasi unus summus Deus omnia non posset.

XII. Secundò, Veneratio & cultus eorum qui humanum genus beneficiis quibusdam insignibus erant prosecuti, multitudinem Deorum invenit. Nam illi qui vel præclaris facinoribus illustres essent, vel qui beneficiis quibusdam eximiis commendabiles sese præstitissent, sive quia nobili reperto profuissent generi humano, sive quia rem bello præclare gessissent, sive quoniam gentis vel urbium essent conditores, in Deorum numerum

referebantur. Unde Cicero lib. 2. de Nat. Deor. *Suscepit vita hominum consuetudoque communis, ut beneficiis excellentes viros in cælum fama & voluntate tollerem: hinc Hercules, hinc Castor & Pollux, hinc Æsculapius, hinc Liber &c.* quod & Plin. lib. 2. c. 7. observat, *Hic est vetustissimus referendi gratiam benemerentibus mos, ut tales Numinibus adscribantur; quippe & omnium aliorum Deorum nomina, & quæ supra sidera relata ex hominum nata sunt meritis: Quæ Tertull. ad gentes c. 10. & 11. Minucius in octavio, Lactantius & Arnobius fuscè ostendunt; Deos scilicet qui majori in pretio habebantur apud Ethnicos, nihil aliud quàm homines fuisse. Et si penitiùs rem scrutamur, facilè deprehendimus Philosophos & Poëtas pleraque ex istis ab Hebræis fuisse mutuatos; sed ita interpolata astu Satanæ & fabulis involuta, ut ad investigandas aliquot auri micas ingens stercoris acervus commovendus sit. Exemplum nobis esto Saturnus cum filiis suis tribus, imperium orbis inter se partientibus; in quibus Viri Docti pridem observarunt latere Noachum & tres ejus filios, ut solidè probant Bochartus & Vossius.*

XIII. Tertiò; Polytheismi occasio fuit inter aliàs, non modò nominum divinorum multitudo, sed præcipuè attributorum & operum Dei varietas & copia, quibus homines ad plures Deos cogitandos sensim inducti, tot ac tantas perfectiones divisas in pluribus potiùs, quàm in uno copulatas quæliwerunt.

QUÆSTIO IV. DE NOMINE JEHOVA.

An ita soli Deo sit proprium, ut sit incommunicabile Creaturis? Aff. contra Socinianos.

I. **L**icet Deus qui est Ens singularissimum, & naturâ suâ à re qualibet distinctum, nomine discretivo non egeat; Nec nomen propriè in Deum cadat, vel appellativum quod est distinctarum specierum ejusdem generis, vel proprium quod est discretivum individuorum ejusdem speciei; unde Trismegistus apud Lactan. lib. 1. c. 6. Deum dicit *ἀνώνυμον*. Quia tamen omnis nostra cognitio incipit à nomine, varia solet nomina assumere in Scriptura, ut se nobis accommodet. Quædam petuntur à fortitudine, ut El, Elohim; quædam ab omnipotentia & sufficientia, ut Schaddai; quædam ab excelritate ut Elion; quædam à dominio, ut Adonai; sed omnium primum & præcipuum est Jehova, quod ab essendo vel existendo deducitur.

II. De hoc nomine duæ præcipuæ sunt quæstiones: Alia grammatica- *Status*
lis de ejus *pronunciatione*; An pronunciari possit, & quænam vera sit & ge- *Quæstio-*
nuina ejus pronunciandi ratio. An per Jehova, An per Adonai: Alia Theo- *nis.*
logica de ejus *usu*; An soli Deo sit proprium, An verò etiam creaturis com-

QUÆST. mune sit : Nos hîc missâ quæstione quam Criticis relinquimus , de possessori tantum agimus.

IV.

III. Quæstio hæc nobis intercedit cum Socinianis , qui ut argumentum quod petere solemus ad Divinitatem Christi asserendam ex hoc nomine eludant , pertendunt nomen hoc Creaturis variis posse communicari , & solere tribui in Scriptura Angelis & Christo quâ Legatis Dei ; supponentes pro regula indubitatæ veritatis *Legatum posse nomen & personam ablegantis gerere* : Discrimen tamen aliquod statuunt , nimirum si nomen Jehova ponatur cum adjectione vocis Zebaoth , soli Deo proprium esse ; sin autem absque ea etiam Creaturis commune esse. Nos verò nomen hoc ita proprium esse Deo dicimus , ut Creaturis planè sit incommunicabile. Verum est dari etiam inter ipsos Orthodoxos aliquam circa usum nominis istius discrepantiam , sed potius verbalem quàm realem ; dum quidam nulli personæ creatæ competere fatentur , sed usurpari tamen respectu Arcæ fœderis per metonym. adjuncti ; alii nulli prorsus Creaturæ tribui & convenire volunt : sed consentiunt omnes , nomen hoc absolutè & sine tropo acceptum soli Deo proprium esse. Nihilominus posterior sententia verior videtur , & tutior ad Sociniarum errorem jugulandum.

IV. Rationes sunt, 1. Quia Deus hoc nomen tanquam suum & proprium sibi vendicat , *Ego sum Jehova, hoc est nomen meum ; non dabo gloriam meam alteri* Is. 42. 8. & 48. 2. Amos 5. 8. & 9. 6. Unde Exod. 15. 3. Israël canit, *Jehova nomen ejus* : hinc Judæi vocant absolutè *יהוה* nomen *יהוה*, nomen substantia, *שם המיוחד* nomen proprium & separatum.

V. Quia etymon & significatio vocis talis est , ut soli Deo conveniat : Ex Scriptura patet nomen hoc tria potissimum inferre quæ conjungi videntur Is. 42. 35. 36. 37. 1. *Eternitatem Dei & independentiam*, quatenus Deus est Ens necessarium quod per seipsum existit independentè à quovis alio , *αὐτῶν* Exod. 3. 14. *sum qui sum* ; unde vocatur simpliciter *ὢ ὢν*, ut veteres Philosophi & Plato imprimis agnoverunt ; & Joh. in Apoc. 1. 4. describit per tres temporis differentias *ὢ ὢν καὶ ὢ ἦν καὶ ὢ ἐρχόμενος* ; quod pertinet illud veterum Ethnicorum *ζῶν καὶ ζῶν ἐν ζῶν ἐσσι* ὡς μέγα ζῶν ; 2. *Causalitatem & efficaciam*, quia quod est primum & perfectissimum in unoquoque genere est causa reliquorum , quia Deus est per seipsum , ut omnibus aliis sit causa essendi Is. 44. 24. 3. *Immutabilitatem & Constantiam in promissis*, quia præstat revera & facit id quod promissit , dando promissis suis *ἔναι*, non solum *αὐτῶν*, sed & *ἔστω* & *ἔσονται* : quo sensu Exod. 6. 3. dicit se non innotuisse Patribus sub nomine Jehovæ, non quoad vocem significantem , nam contrarium patet ex libro Genescos ; sed rei significatæ respectu , quia nondum dederat esse promissionibus suis de multiplicatione seminis , educatione populi ex Ægypto , introductione in Canaan &c. : patefecerat se Patribus per potentiam in creatione Mundi , in ejus-

ejusdem gubernatione & collatione multorum beneficiorum ac mirabili Quæst.
defensione; sed nondum declaraverat reipsa se esse Jehovam, implendo IV.
promissiones Patribus datas. Cum verò æterna existentia, virtus omnipotens, & immutabilis veritas soli Deo conveniant; Nomen Jehovæ quod tria ista complectitur, soli Deo debet esse proprium.

VI. Nomen Jehova per naturam suam sive constructionem grammaticam non potest esse pluribus commune, quia per se est Individuale, nec unquam legitur cum ꝑ emphatico, aut demonstrativo. 2. semper numero singulari, nunquam autem plurali usurpatur. 3. nullibi legitur cum affixo aut in statu constructo; cum ergo Deo tribuatur, illi debet esse proprium.

VII. Sicubi hoc nomen tribuitur Angelo, ut Gen. 16. 18. 48. Exod. 3. 2. *Fomes*
Ec. Angelus increatus intelligitur, non creatus, Filius scilicet Dei qui est *Solutio-*
Angelus faciei, qui in præludium suæ Incarnationis sæpe ita apparuit, ut ex *num.*
circumstantiis locorum patet; ubi proprietates, opera, & honor Dei Angelo illi tribuuntur: Gen. 16. 10. effectum divinum sibi tribuit *multiplicare*
semem, v. 13. vocatur *Deus visionis*. Gen. 18. Angelus increatus designatur *Gen. 18.*
1. *Nomine* quia unus tantum ex tribus, Angelis qui apparent vocatur Jehova. 2. *ex Proprietatibus* divinis, quum sibi tribuit omnipotentiam, & omniscientiam, prænunciat futura v. 10. & 14. vocatur Judex totius terræ v. 25.
3. *ex Honore*, quia Abraham illum adorat; nec tamen Angelus recusat, quod tamen fecisset, si fuisset creatus, ut Apoc. 19. Gen. 48. Angelus dicitur *Gen. 48.*
liberasse Jacobum ab omni malo, quod solius Dei est, & ab ipso benedictionem petiit quam nemo nisi Deus dare potest. Exod. 3. Angelus qui appareret Mosi vocatur subinde Elohim & Adonai, dicitur misisse Mosem c. 4. 5. & esse Deus Abrahami, Isaaci & Jacobi qui audivit clamorem populi.

VIII. Non semper Angelus Jehovæ à Jehova, ut missus à mittente distinguitur essentialiter, sed tantum personaliter; ut qui est Angelus Jehovæ, sit etiam Angelus Jehova.

IX. Aliud est aliquid agere ex Dei autoritate, quod Angelo creato convenit, Aliud Dei autoritatem habere, & nomen ejus sibi vindicare, quod nemini nisi Deo vero & æterno competit. Apparitor aut Legatus Principis, agit ex autoritate Principis & ejus nomine, sed non tamen titulos Principis sibi assumit, vel se Regem aut Principem vocari patitur. Ita nunquam Angelus creatus ita assumit Dei personam, ut quodlibet ejus nomen, vel sibi tribuat, vel aliis sibi deferri patiatur.

X. Quum Apostolus Heb. 13. 2. hospitalitatem commendat ex eo quòd *Heb. 13. 2.*
per eam Angeli hospitio fuerint aliquando excepti, non respicit ad apparitionem factam Abrahamo Gen. 18. sed ad eam quæ contigit Lotho Gen. 19. ubi duo tantum erant Angeli creati: Tertius qui erat increatus mansit cum Abrahamo ut colloqueretur cum ipso, & occurrit postea Lotho Sodomæ exeunti: illum ideo tanquam Jehovam compellat. v. 24.

Quæst. XI. Summus Deus non potest mitti per imperium, sed per consensum.
 IV. Nec αὐτοκρατεῖς est, esse *Angelum Jehovah*, & esse *Jehovam*; quia quoad prius, Jehovah sumitur *hypostaticè*; quoad posterius verò, *essentialiter*; potest à Deo Patre mitti Filius ejus, qui sit ipse idem cum Patre Deus.

Exod. 23. XII. Angelus de quo Moses loquitur Exod. 23. 20. non potest esse
 20. Creatura, quia Deus jubet illi obtemperare, & illum non exacerbare, eo quòd peccata hominum sit ulturus, & nomen ipsius in eo sit, quod longè amplius sonat, quàm esse instructum autoritate Dei: aliàs de Mose, & quolibet gregario Propheta æquè dici posset, quod nomen Dei in ipso est, quod nusquam dicitur.

Ezech. 48. XIII. Aliud est esse & vocari Jehovah; Aliud Jehovah alicubi esse &
 35. habitare: posterius dicitur de Ecclesia Ezech. 48. 35. quum vocanda dicitur isto nomine יהוה שמה *Jehova est ibi*; Non prius.

XIV. Aliud est symbolum inscribere Altari; Aliud verò Altari nomen aliquod tribuere. Prius dicitur Exod. 17. 15. ubi notatur titulus & inscriptio Altaris, *Jehova vexillum meum*, supple est, quomodo Palatiis & Templis sententiæ solent quædam inscribi; sed non posterius.

XV. Aliud est Arcam fœderis vocari Jehovah; Aliud Deum cujus præsentia Arca erat symbolum & pignus: posterius dicitur Ps. 24. 7. &
 Ps. 24. 7. 47. 6. non prius; Ita quod solebat dici, quum attollebatur vel deponebatur
 Ps. 47. 6. Arca Ps. 68. 1. *Surge Domine, & dispergentur inimici tui*, non dirigebatur ad Arcam ipsam, quæ illius cultus capax non erat; sed ad Deum in Arca adumbratum, cujus erat inimicos suos dispergere.

Jer. 33. 16. XVI. Non dicitur Jer. 33. 16. quòd Jerosolyma sit vocanda Jehovah
 justitia nostra; sed docet Propheta, Eum qui vocaturus erat Jerosolymam ad salutem, fore Jehovah justiciam nostram, ut fundamentum ejus fidei & spei denotet. Nec excipi debet Jerosolymam non minùs posse vocari Jehovah, quàm Ecclesia dicitur Christus, 1. Cor. 12. 17. Nam nomen Christi commune est multis, à quo fideles vocantur Christiani propter similitudinem unctionis 1. Joh. 2. 19. sed non est eadem ratio nominis Jehovah, quod singulare est & Deo soli proprium.

XVII. Licet vox Κεῖν dum sumitur appellativè, pluribus sit communis; tamen quum sumitur absolutè, prout respondet Jehovah, non secus ac si nomen proprium esset, quomodo LXX. & post eos Apostoli reddunt יהוה per Κεῖν, quia nullum aliud commodius vocabulum occurrebat, quamvis emphasim vocis non planè exprimat, nemini nisi soli Deo potest tribui.

XVIII. Quamvis Deus nos allocutus sit per Filium, ut ἐν τῷ υἱῷ, non
 Hier. 1. 2. viximus temporibus Heb. 1. 2. Non obstat hoc tamen quominus Patres allocutus jam sit per ipsum, ut ἀπερὸς: aliàs falsum esset quòd dicitur heri & hodie idem Heb. 13. quòd tentatus fuerit ab Israëlitis in deserto 1. Cor. 10. 9. quòd Lex data fuerit in manu Mediatoris Gal. 3. 19. & quòd allocutus sit
 Mo-

Mosem, & dederit illi λόγια ζώντων Act. 7. 35. Itaque in Legis promulgatione distinguendus est *primarius Legislator*, qui fuit Christus Angelus fœderis, de quo Act. 7. 31. qui Mosi in rubo apparuerat, & cui propterea opera & honores divini tribuuntur; ab *Apparitoribus* qui subservierunt tanquam ministri: hoc sensu *Lex data* dicitur per *Angelos* Gal. 3. 19. Heb. 2. 2. quia eorum ministerio Christus est usus, sive in apparatu magnifico instituendo in monte per tonitrua & ignem & sonitum tubæ, sive in formandis ipsis vocibus; unde Angeli dicuntur numero plurali, cùm Angelus, qui Jehovah etiam dicitur, ubique numero singulari appelletur. Comparatio quæ instituitur Heb. 2. 2. inter Legem & Evangelium, eo quòd Lex data sit per Angelos, Evangelium verò per Filium; non fit simpliciter respectu primarii authoris, qui fuit utrobique Christus; sed ratione modi agendi, & ministrorum, quia in illa Deus uti voluit ministerio Angelorum, in isto verò Christus ipse incarnatus loqui voluit immediatè; ut ergo discrimen est inter ea quæ Princeps facit per se & immediatè, & quæ præstat per ministros suos: Ita Evangelium præstantius hoc sensu dicitur, quia Christus *ἑαυτῷ* immediatè illud promulgavit, & per se nos alloquitur, cùm Legem per Mosem & Anglos dare nobis voluerit.

XIX. Dici non potest nomen Jehovah tribui, vel Vitulo aureo Exod. 32. 5. vel Idolo Micæ Judi. 17. 3. quia utrobique id nomen vero Deo tribuitur; Illic quidem, quia Aaron promulgat festum celebrandum Jehovah per Vitulum, quòd esset symbolum veri Dei juxta morem Ægyptiorum, apud quos Apis colebatur sub forma bovis, unde vers. 4. dicuntur Dii qui eduxerunt populum ex Ægypto. Hic verò, quia argentum, unde idolum factum est, dicitur sanctificatum Jehovah v. 3. scilicet ratione finis, id est, ad cultum ejus.

QUÆSTIO V.

An Proprietates Divine distinguantur realiter ab Essentia Divina? Neg. contra Socinianos.

I. **A**D intelligentiam Quæstionis quædam de Attributis Divinis sunt præmittenda. *Attributa Divina* vocantur Proprietates essentialiales quibus se nobis infirmis cognoscendum præbet & distinguitur à Creaturis, sive quæ ipsi tribuuntur pro captus nostri modulo ad naturam ejus explicandam.

*Quid sint
Attributa
divina.*

II. Non tribuuntur *Attributa* propriè Deo, ut aliquid *ἑαυτῷ* dec, quod accidentale est subjecto, quod illud perficit, & quod realiter est ab ipso distinctum; sed *improprie* & transumptivè, quatenus dicunt Perfectiones essentialiales Naturæ Divinæ, quæ per modum Proprietatum à nobis concipiuntur.

III. Licet singula Attributa fecundissimam & simplicissimam Dei naturam repræsentent; non possunt tamen nisi inadæquate eam repræsentare,

QUÆST. V. re, id est non secundum totam rationem sui, sed modò sub hac perfectione; modò sub alia; quia quod uno conceptu adequato, utpote finito, non possumus assequi, in varios conceptus inadæquatos partimur, ut aliqualem cognitionem ejus habeamus; quod non est testimonium erroris in intellectu, sed tantum imperfectionis. Sic Omnipotentia est ipsa Essentia divina apprehensa, ut carens omni obitaculo in agendo; Æternitas est essentia Dei, ut carens omni termino in duratione; & sic de cæteris.

I V. Inadæquati illi conceptus Essentiæ Dei nobis objiciuntur per *abstractionem præcisivam*, seu per præcisionem simplicem & negativam, ut de bonitate cogitem non cogitando de potentia; sed non per *præcisionem exclusivam* seu privativam, ut v. g. asseram esse omnipotentem, qui nec sit misericors nec justus.

V. Quæstio de distinctione Attributorum ab Essentia Divina movetur nobis à Socinianis; qui ut faciliùs probent Spiritum S. non esse Deum, aut Personam divinam, etsi vocetur virtus Dei, volunt Attributa Dei ab essentia realiter distingui. Orthodoxi docent Attributa *realiter* idem esse cum ipsa essentia Dei; distingui verò ab ea *virtualiter*, & eminenter.

Status
QUÆSTIO-
nIS. VI. *Realiter* illa differre dicuntur, quæ distinguuntur ut res *diversæ* secundum essentiam, sive subjecto convenient sive non; *Virtualiter* verò *distingui* nihil aliud est, quam vel virtute continere distinctos effectus, vel unitè in se habere quæ in aliis distincta sunt, vñ habere eminentem virtutem, quæ possit esse principium diversarum actionum; Ita fundamentum ejus potest esse non intrinsecum, sed extrinsecum; non à parte principii, vel subjecti, sed ratione *termini* & *objecti*, propter diversitatem operationum & effectorum quæ à proprietatibus oriuntur, & secundum quæ diversi conceptus formales ipsarum formantur.

V II. Attributa Dei non possunt realiter differre ab Essentia, vel inter se, tanquam res & res; quia Deus est summè simplex & perfectus: Jam realis distinctio præsupponit res essentiâ diversas, quod respuit summa simplicitas; & quæ realiter diversa sunt, non nisi per aggregationem fiunt unum, quod absolutæ perfectioni adversatur. Deinde si differrent realiter, perficeretur essentia per aliquid realiter à se distinctum, atque adeò in se summè perfecta non foret. Tertiò quia sequeretur Deum non esse prorsus immutabilem, quia haberet in se potentiam passivam, radicem mutabilitatis, per quam Attributa vel elicerentur ex essentia, vel illi adjungerentur. At cum Deus sit Ens primum & independens, quod est quicquid esse potest, nihil potest ei accedere, vel ab eodem auferri.

V III. Differre tamen Attributa Dei tum ab essentia, tum à se invicem, patet ex diversitate conceptuum. Nam ubi est ratio fundandi distinctos conceptus formales de re aliqua licet una & simplici à parte rei, ibi necesse est distinctionem aliquam virtualem & eminentem dari. Cum ergo in Di-
vina

vina Essentia simplicissima sit ratio fundandi diversos conceptus formales de divinis perfectionibus, quod patet ex eorum distincta definitione & explicatione, optimè dicitur Attributa ista quæ tales conceptus fundant, distinguuntur ab Essentia tum inter se virtualiter.

QUÆST.
V.

I X. Licet Attributa sint essentialiter & intrinsecè unum in Deo, tamen benè distinguuntur, tum *virtualitè* quoad conceptum formalem diversum, tum *objectivè*, & *effectivè* quoad varia objecta & effecta externa; unde patet distinctionem illam, nec esse *realem* simpliciter inter res & res, nec *formalem*, quæ fit tantum ratione modi nostri concipiendi; sed *eminentem*, quæ licet non se teneat à parte rei ut inter rem & rem, habet tamen fundamentum in re propter diversitatem objectorum & effectuum.

X. Licet varii sint conceptus formales nostri de Essentia Dei, & ejus Proprietatibus, non possunt tamen dici falsi, quia illis respondent totidem conceptus objectivi, actu quidem indivisi in Deo, propter summam ejus simplicitatem; sed virtute tamen & eminenter distincti.

Fontes
Solutio-
num.

X I. Attributa de se invicem possunt prædicari in *sensu identico*, quatenus considerantur ut unitatem & identitatem inter se habentia; ut quum dico Intellectus divinus est res eadem cum Voluntate, vel Justitia est eadem res cum Misericordia; sed non in *sensu formali*, quia nostris conceptibus, & objectis suis formaliter distinguuntur: sic non possum dicere Justitia est Misericordia, quia conceptus formalis Justitiæ differt à conceptu formali Misericordiæ.

X II. Qui quod actu in Deo & realiter unum est & simplex, concipit tanquam actu & realiter diversa, is falsum concipit; sed qui concipit illud quod unum est actu in se, tanquam plura virtualiter & extrinsecè seu *objectivè*, is falsum non concipit; sed imperfectè & inadæquatè rem concipit propter imbecillitatem intellectus humani, & eminentiam ac perfectionem Naturæ Divinæ.

X III. Attributa Divina considerantur, vel absolutè & subjectivè in se & à parte Dei, vel relatè quoad effecta circa Creaturas, & à parte objecti; fateor posteriori modo Justitiam punientem & Misericordiam parcentem, esse oppositas; sed non priori, de quo quæritur.

X IV. Proprietates sunt *multæ* ex parte *objecti*, & termini seu operationum & effectuum; sed non ex parte *subjecti*, vel principii quod unum est & summè simplex.

X V. Ubi datur prius & posterius quoad esse absolutum & reale, ibi est discrimen reale; sed non ubi est tantum prius & posterius quoad esse cognitum & intelligibile; quod datur in Deo & Attributis ejus.

X VI. Alia est definitio rei in se; Alia conceptuum nostrorum de re: Illa, non hæc arguit distinctionem realem; definitiones autem Proprietatum Divinarum sunt potius conceptuum nostrorum, Deum sub hac & illa ratione concipientium quàm de re ipsa, quæ una est & simplicissima.

QUESTIO VI.

An Attributa bene distinguantur in Communicabilia & Incommunicabilia? Aff.

I. **I**Nter varias Attributorum Divinorum distinctiones, nulla frequentius occurrit eâ, quâ distribuuntur in Communicabilia & Incommunicabilia; de qua, quia non pariter ab omnibus recipitur, paucis dicendum est.

*Attributa
communi-
cabilia &
incommu-
nicabilia.*

II. Ad distinctionis intelligentiam; Nota *Communicationem* duplicem esse; aliam *essentialem* & *formalem* per intrinsecum esse rei, aliam *similitudinariam* & *analogicam* respectu effectuum & operum. Quoad priorē, dicimus omnes Proprietates Dei esse pariter incommunicabiles, quæ non magis communicari possunt quàm Essentia Divina; aliàs desinerent esse proprietates: sed posteriorem dari posse fatemur, quum Deus in Creaturis, maximè rationalibus, effecta analogia proprietatibus suis producit, ut bonitatem, justitiam, sapientiam &c.

III. Hoc sensu rectè dici possunt *Incommunicabilia* stricte & omni modo ea Attributa, quæ ita Deo sunt propria, ut eorum nihil simile vel analogum, vel nulla imago & vestigium in creaturis reperiri possit; qualia sunt Attributa negativa, quæ omnem à Deo Creaturarum imperfectionem remonent, ut Infinitas, Immenitas, Æternitas, quæ talia sunt, ut vel eorum carentia, vel contrarium omni insit creaturæ. Alia verò *Communicabilia* non malè dicuntur, quorum similitudo, vel subobscura quædam vestigia in Creaturisprehenduntur, & per simplicem analogiam nominis & effectuum, talia sunt Affirmativa, quæ per viam eminentiæ, vel causalitatis Deo tribuuntur.

IV. Attributa Communicabilia de Deo & de Creaturis non dicuntur *univocè*, quia non est una ratio, quemadmodum in simpliciter univocis quæ nomine & definitione conveniunt; nec *equivocè*, quia non est ratio totaliter diversa, sicut in meris æquivocis, quæ nomine tantum conveniunt; sed *analogicè* per analogiam, tum *similitudinis*, tum *attributionis*; Illa est, quum res eodem nomine appellantur propter quandam, quam inter se habent similitudinem, Ista, quum nomen unum ita pluribus tribuitur, ut de uno primariò & principaliter live per prius dicatur, de aliis verò secundariò & per posterius propter dependentiam ab illo primo. Sic Attributa ista prædicantur de Deo *essentialiter*, & modo planè singulari, id est, infinitè & perfectissimè, atque aded etiam in abstracto, quo sensu Deus solus bonus dicitur Matth. 19. 17. id est, *originaliter*, *independenter*, *essentialiter*; Sed de creaturis tantum *secundariò*, *accidentaliter* & *participativè*.

V. *Participes* dicuntur *fideles natura divina*, 2. Pet. 1. 4. non univocè QUÆST. VII. per participationem formalem essentia divina, sed tantum analogice per beneficium regenerationis, quæ characteres sanctitatis & iustitiæ quæ maximè propriè Deo competit ipsis imprimi, quum renovantur ad imaginem Creatoris sui; Coloss. 3. 10. Sic intelligendum est quod sæpius apud Patres legitur, quum hominem regnitum dicunt *θεωδοξ*, & fieri *θεωδοξ* Deo conformem; non essentialiter, quod de solo Filio dicitur; sed analogicè.

VI. Quod quædam attributa communicabilia & incommunicabilia dicuntur, nullam proprietatum divinarum inæqualitatem arguit, quasi alia aliis magis sint Deo propriæ; quia omnes ex æquo essentialiter illi competunt; sed hoc bonitatem & gloriam Dei commendat, quia in creaturas suas aliquam virtutum suarum similitudinem & *ἀποκρίματα* exprimere voluit.

VII. Distinctio ista non potest favere errorum, qui proprietates divinas Naturæ humanæ Christi communicatas esse pertendunt, quia ut suo loco videbitur, alia est *communicatio in concreto*, resp. personæ, quam in Christo agnoscimus; alia *communicatio in abstracto*, resp. naturæ, quam negamus. Alia est *communicatio formalis & intransitiva*, per transfusionem earundem proprietatum quæ sunt in Deo, in naturam humanam Christi; quam rejicimus; Alia *transitiva & effectiva* per analogiam, quam in Creaturis rationalibus resp. attributorum affirmativorum dari statuimus.

QUÆSTIO VII.

DE SIMPLICITATE DEI:

An Deus sit Simplicissimus, & omnis Compositionis expertus?

Aff. contra Socin. & Vorstium.

I. **S**ociniani litem hanc nobis movent, dum Simplicitatem Deo secundum Scripturam tribui posse negant, & ex attributorum divinatorum numero expungendam censent, *Catech. Racov. c. 1.* non alium in finem, quàm ut compositam statuendo Dei essentiam, mysterium Trinitatis facilius labefactent. *Vorstius* hunc etiam errorem cum variis aliis retenuit, & interpolavit, *Tractat. de Deo, & notis ad Disp. 3. de Natura Dei.* Ad quos etiam accedunt *Remonstrantes*, qui in Apologia sua negant simplicitatem Dei esse creditu necessariam, vel quicquam de ea haberi in Scriptura, sed totam doctrinam esse metaphysicam, sive vocem sive rem spectes. Orthodoxi verò constanter hactenus docuerunt Dei essentiam esse summè simplicem, & omnis compositionis expertem.

Q U Æ S T.
VII.

II. *Simplex* bifariam dicitur, vel *absolutè & simpliciter*, vel *secundùm quid & comparatè*. *Absolutè* tale est, quod in omni Entis genere excludit compositionem; *Comparatè*, quod tantùm respectu cuiusdam; ut Cœlum & Elementa vocantur corpora simplicia respectu mixtorum, sed non excludunt compositionem ex materia & forma & partibus quantitativis; Angeli & animæ sunt simplices respectu Corporum, sed nec absolutè tales sunt, quia compositionem multiplicem semper involvunt. Hic agitur de Simplicitate absoluta, & non comparata.

III. *Simplicitas* Dei, quatenus non *moraliter*, sed *physicè* sumitur, est Attributum ejus incommunicabile, per quod Natura Divina à nobis concipitur, non solùm ut expers omnis compositionis & divisionis, sed etiam incapax componibilitatis & divisibilitatis.

Deum esse
simplicissi-
mum pro-
batur.

IV. Hanc Deo competere patet, 1. Ab ejus *independentia*; quia compositio est de ratione formali Entis orti & dependentis, siquidem nihil à seipso componi potest, sed quicquid componitur ab alio componatur necesse est; At Deus est Ens primum & independens, quod nullum se prius agnoscit. 2. Ab ejus *unitate*, quia qui est absolutè unus, est etiam absolutè simplex, quique ideo dividi nequit, vel componi. 3. Ab ejus *perfectione*, quia compositio imperfectionem infert, quatenus supponit potentiam passivam, dependentiam & mutabilitatem. 4. Ab *actuositate*, quia Deus est actus purissimus qui nullam habet potentiam admixtam, quique ideo omnem compositionem respuit; quia in Deo nihil est quod perfici egeat, aut ab alio perfectionemumat, sed est quicquid esse potest, nec potest esse aliud quàm quod est. Unde non tantùm nominibus concretis, sed etiam abstractis solet describi, Vitæ, Lucis, Veritatis &c.

V. A *remotione omnium specierum compositionis*: qualis est *Physica* ex *materia & forma*, cùm sit incorporeus; aut ex *patribus quantitativis*, quæ in Deum non cadunt; aut ex *subjecto & accidente*, quia perfectissimo nihil accidere potest quo ulteriùs perficiatur: *Logica* ex *genere & differentia*, quia Deus est supra omne genus, nec in eo datur natura communis quæ per differentiam restringatur: *Metaphysica* ex *actu & potentia*, cùm sit actus purus & mutationis propriè dictæ nescius, cui nihil de novo accidere potest aut ab eo recipi; Ex *essentia & existentia*, ut in rebus creatis in quibus alia est essentia ratio, alia existentia; essentia quippe earum potest concipi sine existentia, nec existentia ingreditur earum definitionem, quia possunt esse & non esse, & existentia earum respectu est aliquid contingens non necessarium; Nam in Deo essentia non potest concipi absque existentia, & repugnat concipere Deum qui non existat: Unde Philosophi vocant eum Ens per essentiam, id est, quod vi suæ essentia existit & de cujus essentia ratione est ut semper existat: Et hac de causa Deus se *proboam* vocat, *illum* scil. *qui est*, אֲדָה אֲשֶׁר אֲדָה, *Ego sum qui sum*,

ut notet esse illi convenire longè alia ratione, quàm rebus omnibus creatis, non participativè & contingenter, sed necessariò, propriè, ac independentè. Denique ex *natura & subsistentia*: nam personæ & essentia non se habent, ut extrema componentia realia ex quibus tertium quid exurgat, ut in humanis, ex natura hominis & subsistentia Petri fit suppositum illud quod vocamus Petrum; aliàs non Trinitas, sed quaternitas quædam in Deo concipienda esset; nec modorum, quales sunt subsistentiæ, est componere, sed tantùm modificare.

Quæst.
VII.

VI. Ut autem Deus omnem compositionem in se respuit; Ita Simplicitas ejus obstat etiam ne in compositionem veniat cum ullis rebus creatis, ut rationem habeat partis alicujus, vel materiæ aut formæ, contra quam olim Platonici Deum esse animam mundi volebant, & Manichæi creaturas omnes ex Dei essentia ceu traduce quodam propagatas esse per-
tendebant: tum quia diversissimus est à Creaturis, tum quia est immutabilis & incorruptibilis, qui non potest cum ulla re creata mutabili & corruptibili coalescere in unum: quia omnis compositio infert mutationem, per quam res fit pars totius, quod antea non erat.

VII. Si omnia dicuntur esse ex Deo Rom. 11. 36. hoc non υλικώς & materialiter, sed δυναμικώς & efficienter intelligendum est. Genus & progenies Dei dicimur Act. 17. 28. non participatione ejusdem essentia, sed similitudine imaginis, efficienter non essentialiter quomodo etiam vocatur Pater Spirituum Heb. 12. 9. respectu creationis non compositionis. Filius Dei est Θεογενής, non per compositionem propriè dictam, sed per unionem hypostaticam; per quam λόγος quidem assumpsit naturam humanam in unam hypostasim, sed non compositus est cum ea tanquam pars cum parte; sed ad eam se habet ut perficiens & sustentans, ad adjunctum aliquod essentialiter perficiendum & sustentandum, ita ut perficiatur quidem inde natura humana, sed nihil propterea accedat naturæ divinæ.

Fontes
Solutio-
num.
Rom. 11.
36.
Act. 17.
28.

VIII. In quo sunt plura entia realia, in eo est compositio; sed non ubi sunt tantùm plures modi, quia modi modificant tantùm, & characterizant essentiam, non componunt. At in divinis datur una essentia & tres hypostases, quæ sunt modi qui distinguunt quidem personas ab invicem, sed non componunt, quia non sunt entia realia quæ concurrant ad compositionem alicujus quarti, cum unam habeant communem essentiam, sed tantùm modificationes, secundùm quas essentia in tribus Personis subsistere concipitur.

IX. Simplicitas & Triplicitas ita sibi opponuntur, ut non possint simul subsistere: sed non simplicitas & Trinitas, quia diverso respectu dicuntur: Simplicitas respectu Essentiæ, Trinitas verò respectu Personarum, quo sensu nihil obstat Deum, qui unus est Essentiâ, esse trinum Personis.

QUÆST. VII. X. Decreta Dei possunt spectari bifariam; vel *subjectivè*, si fas sit ita loqui, id est, à *parte actus interni* in se, & per modum absoluti; vel *objectivè*, extrinsece & relativè respectu Creaturarum per modum respectivi: priori modo non differunt ab ipso Deo, & nihil aliud sunt quàm Deus ipse decernens: sed posteriori differunt; quia ut multiplicia concipiuntur, non à parte rei, siquidem omnia unico & simplissimo actu decernit Deus, sed à parte objectorum; ut Scientia Dei circa objecta innumera versatur, citra unitatis suæ detrimentum.

XI. Ita *Decreta Dei libera* sunt, non absolutè & à parte principii, sed relatè & *objectivè* à parte *termini*, quia nullum objectum externum esse potuit quod necessariò terminaret volitionem divinam: Deus enim nulla re extra se indiguit; itaque potuerunt esse & non esse; sed hoc non obstat, quominus respectu principii & actus interni necessaria dicantur, quia actus intellectiōis & volitionis non potuit à Deo omnino abesse; non potuit enim Deus esse, quin intelligeret & vellet: *necessaria* ergo sunt quoad *existentiam* internam, sed *libera* quoad *ῥῆσιν* & *habitudinem ad extra*; nec volitio Dei dicitur desinere absolutè, sed objecti externi respectu ad quod terminatur.

XII. Decreta Dei sunt actus immanentes Voluntatis divinæ, sed non propriè effectus ejus; & Deus non tam eorum causa dici debet quàm principium, unde non opus est ut sint posteriora Deo, nisi ordine & nostro concipiendi modo.

XIII. Licet essentia Dei in se simpliciter considerata sit absoluta, & nullum ad Creaturas respectum importet; non obstat tamen quominus eadem, si consideretur cum oppositione relativa ad Creaturas, & prout per modum principii vitalis ad hoc vel illud extra se producendum sese determinat, possit habere aliquam *ῥῆσιν* & relationem ad Creaturas; nec multiplex illa relatiō potest magis compositionem in Deo facere, quàm respectus quem omniscientia & omnipotentia habent ad extra, discrimen reale constituit inter Deum, & ejus omnipotentiam & omniscientiam.

XIV. Quicquid est in Deo essenziale & absolutum, est ipse Deus; & sic attributa absoluta identificantur realiter cum essentia divina, & illi insunt essentialiter, non accidentaliter; & si de Deo prædicantur in concreto, *subjectum* eorum est tantum *denominationis*, non *inhesionis*. Sed quicquid est personale & modale in Deo, est quidem ipse Deus in concreto, sed non in abstracto.

XV. Attributa relativa non arguunt compositionem, sed distinctionem; quia ratio formalis relationum non est inesse, sed esse ad, nec novam superaddunt perfectionem essentiæ, sed habitudinem tantum essentiæ ad alia important: Paternitas & dominium non alium reddunt, sed aliter disponunt possidentem sine relati in ipso mutatione.

XVI. Proprietas personalis Filii non efficit ut alia sit essentia ejus QUEST. VIII.
ab essentia Patris, aut ut essentia ex simplici fiat composita; nihil enim
reale addit essentia, sed tantum efficit ut distinctus sit à Patre Filius; di-
stinctio autem non est compositio.

XVII. Patres hanc Dei simplicitatem sapius inculcant. Aug. *de*
Trinit. c. 1. Simplex est Dei natura, & immutabilis atque imperiturbata,
nec aliud est ipse, aliud quod habet & quod est, & l. 6. c. 6. postquam docuit
nullam Creaturam esse verè & perfectè simplicem, addit; Deus autem etsi
multiplex dicatur, verè tamen & summè simplex est, dicitur enim magnus,
sapiens, beatus, & verus. & quicquid aliud non indignè dici videtur, sed
eadem magnitudo ejus est, qua sapientia; non enim mole magnus est, sed
virtute, & eadem bonitas ejus est qua sapientia & magnitudo & veritas.
Et non est ibi aliud ipsum beatum esse, & aliud magnum & sapientem, aut
verum aut bonum esse, aut omnino non esse. Ita Athanasius in Epist. ad Episc.
Afric. Non Deus est compositus, qui omnia ut essent composuit, neque talis
qualia sunt, quæ per Verbum ejus facta sunt; quippe qui simplex sit substantia,
in qua nulla est qualitas, neque ulla, ut Jacobus testatur, immutatio.

QUESTIO VIII.

DE INFINITATE DEI.

An Deus sit Infinitus ratione Essentie? Affir.
contra Socin. & Vorstium.

I. **S**implicitatem Dei excipit ejus *Infinitas*, quæ ex æquo per alia Dei
attributa diffunditur, per quam natura divina concipitur à nobis
ut carens omni termino & imperfectione, tum ratione *essentie* per
incomprehensibilitatem, tum ratione *durationis* per *æternitatem*, tum ra-
tione *circumscriptionis* quoad locum per *immensitatem*. Nos hîc de prima
agimus, non de cæteris, de quibus postea.

II. Non agitur hîc de Infinitate *improprie* ita dicta, & quoad nos, ut Status
Questio-
nis.
numerus stellarum vel arenæ maris infinitus dicitur, quia illum non asse-
quimur, licet in se necessariò sit finitus; cùm nihil sit actu absolutè in-
finitum præter Deum, sed de *infinitate propria & in se*.

III. Non agitur de *infinitate syncategorematica*, & secundum quid,
de qua dicitur, non tot quin plura, quomodo quantitas dicitur in in-
finitum divisibilis: sed de *categorematica & absoluta*: Non de *infinitate*
potentiâ, quo sensu materiæ appetitus respectu formarum dicitur esse
infinitus; sed de *infinitate actu* tali, secundum quam essentia non est

QUÆST. tantum αόριστος & indefinita, sed revera ἀπειρος & infinita, non tantum actu
VIII. infinita in casu obliquo, sed etiam αδελος infinitus in recto.

IV. Huic Infinitati intercedunt Sociniani, & qui eorum juvenca arat Vorstius; qui ut immensitatem Dei quoad essentiam non agnoscunt: Ita nolunt Deum esse actu infinitum simpliciter, licet respectu nostri sic saepe dicatur. Remonstrantes verò, licet indirectè illis adstipulantur, dum infinitatem potentiae & operationis quidem Deo adscribunt, sed infinitatem essentiae vel tollunt vel in dubium vocant.

Deum esse
infinitum
essentia
probatur.

Ex Ps. 145.

3.

Job. 11. 7.

Isa. 40. 12.

15.

Ex Dei

perfectione.

Et poten-

tia.

V. Orthodoxi absolutam infinitatem Deo tribuunt respectu Essentiae. Primò ex Scriptura quæ illam prædicat, dum ait Ps. 145. 3. *Magnum Deum esse, & laudabilem valde, & magnitudinis ejus non esse finem*, ubi Ps. non loquitur de magnitudine molis quæ à Deo simplicissimo longè abest, sed de magnitudine seu potius infinitate essentiae ac virtutis. Ita Tisophar apud Jobum c. 11. 7. *An profunditatem Dei invenies, aut ad perfectionem Omnipotentis pervenies? altior est altissimis cælis, quid agas? profundior inferno, quid cognoscas? longior terræ mensura ejus, & latior mari.* Neque dici debet hæc verba ad perfectionem sapientiae proprie spectare, ut vult Crellius l. 1. de Relig. c. 27. Nam, præterquam quòd locus testatur agi de ipsa Dei incomprehensibilitate, si ad sapientiam tantum respiceret, non minùs stringeret argumentum, quia proprietates infinitæ perfectionis naturæ finitæ convenire non potest. Eodem spectant ista Isa. 40. 12. *Quis mensus est pugillo aquas, quis cælos palmo mensus est? &c. v. 15. 17. Gentes coram ipso quasi stilla situla, & coram eo quasi nihil &c.*

VI. Secundò ex summa Dei Perfectione. Cùm enim Deus habeat omnem perfectionem quæ esse & haberi potest, constat nihil ipso melius & perfectius esse vel cogitari posse, adeoque necesse esse ut sit infinitus, quia bonum infinitum bono finito melius est. Accedit, quòd perfectiones quæ rebus creatis insunt includantur certis terminis ultra quos non extenduntur, & omnis earum activitas certam habeat sphaeram quam superare non valet: Sed in Deo res aliter se habet, nam præterquam quòd continet omnem omnis Entis perfectionem, habet eam modo eminentissimo, id est, qui omnem perfectionis omnis gradum absque ulla limitatione complectitur.

VII. Confirmatur hoc ulterius ex consideratione Potentiae Dei: Cùm enim illa, ut cætera attributa, identificetur cum essentia, necesse est essentiae cum ipsa eandem esse rationem, atque adeò infinitam esse, non secus ac illam: infinitam autem esse potentiam inde patet, quòd Deo nihil sit impossibile; hoc enim de potentia finita & quæ terminum aliquem habet dici non posset. Denique, si Dei essentia finita est, necesse est, ut ab aliqua causa limitata sit, quod de eo dici nequit qui nullam habet causam superiorem, sed omnium est causa. Ergo eò tandem deveniendum est, ut dicamus cum Veteribus, quod ἀπειρος est & ἀκατάληπτον τὸ θεῖον, & τῷ μόνον αὐτῷ

κατάληπτον ἢ ἀπειρία, & ἡ ἀκατάληψία, nlm. Deum esse infinitum & incomprehensibilem, & infinitatem ac incomprehensibilitatem hoc esse unum, quod de eo comprehendi potest. QUEST. VIII.

VIII. Deus dicitur infinitus ratione essentiae trifariam. 1. *originaliter*, quia absolute est independens, qui nihil se prius vel superius habet, vel habere potest. 2. *formaliter*, quia essentiam habet absolute ἀπερον. 3. *virtualiter*, quia nullam sphaeram activitatis suae finitam habet, nec ullo concursu ullius causae eget in agendo, sed omnia potest quaecunque vult.

IX. Licet Deus non possit producere effectum infinitum, quia producibilis non est, non definit tamen esse infinitae virtutis, quia agit *modo infinito*, & quae infinitas non potest reperiri in termino propter repugnantiam, reperitur in ipso *agendi modo*. Fomes Solutio- num.

X. *Comprehensio* vel notat consecutionem & fruitionem plenam rei desideratae, per χείρον ad eos qui in stadio metam attingunt, quo sensu beati possunt dici comprehensores Phil. 3. 12. 1. Cor. 9. 24. ut distinguantur à fidelibus qui sunt adhuc in via: vel designat accuratam & omnibus numeris absolutam Dei cognitionem, quae objecto planè adaequatur: hoc sensu nulli possunt dici comprehensores, nec homines nec Angeli, quia finitum non est capax infiniti.

XI. Quamvis Deus seipsum perfecte & adaequatè cognoscat, non sequitur essentiam ejus esse finitam, quia & ipsa cognitio & comprehensio Dei de se infinita est: ita essentia finita Deo dicitur, minus propriè, non quòd Deus judicet essentiam suam esse finitam, sed quòd cognitio ejus illi sit adaequata.

XII. Repugnat quidem aliquid esse *indefinitum*, & esse actu hoc aliquid: sed non repugnat esse actu infinitum sine ullis essentiae terminis, & actu hoc aliquid, id est, singularissimum, indivisum in se, & divisum à quolibet alio.

XIII. Licet Creaturae omnes distent in infinitum à perfectione increata, & inter illas & Deum nulla sit proportio aequalitatis & commensurationis; non sequitur creaturas omnes esse aequè perfectas, quia mensura perfectionis Creaturarum non sumitur à distantia perfectionis Dei, sed à pluribus vel paucioribus gradibus perfectionis, quos unaquaeque res à Deo participat.

XIV. Perfectiones omnes Deo competunt, vel *formaliter*, ut perfectiones simpliciter tales, id est, quas absolute loquendo praestat habere quam non habere, & quibus nulla major perfectio concipi potest; vel *eminenter*, ut perfectiones secundum quid, quae quidem in suo genere dicunt perfectionem aliquam, sed quae necessariò cum aliqua imperfectione est conjuncta, quas quia propriè & formaliter habere non potest, possidere tamen eas dicitur virtute & eminenter, quia potest perfectionem illam producere,

Q U Æ S T . cere, vel quia præstare potest absque illa quicquid illa præstat, seclusa omni
IX. imperfectione.

XV. Quod ita est hoc ut non sit aliud, nec formaliter, nec eminenter, est finitum ratione substantiæ; sed de Deo hoc dici nequit, qui ita est hoc aliquid, ut tamen sit omnia eminenter, rerum omnium perfectiones in se eminenter continendo.

XVI. Quamvis infinitas secundum locum requirat formalem existentiam rei in omnibus locis, tamen infinitas essentia, non requirit, ut res sit formaliter omnis substantia, sed tantum ut contineat perfectiones cujuscunque substantiæ, si non formaliter, saltem eminenter.

Q U Æ S T I O IX.

DE IMMENSITATE DEI.

An Deus sit immensus, & omnipræsens secundum essentiam?

Aff. contra Socin. & Vorstium.

I. **P**ost infinitatem Dei respectu essentia, spectanda est eadem respectu loci & temporis, per quam concipitur Deus *ἀνεξέστητος*, qui nullis vel temporis vel loci limitibus circumscribitur: prior vocatur *Immensitas*; posterior *Eternitas*, de quibus distinctè dicendum, & primò de Immensitate.

Status

Quæstio-
nis.

II. Non quæritur de *Præsentia virtutis* & operationis quæ *ἐνεργητικῇ* dicitur, quomodo Sol nobis præsens dicitur virtute radorum, licet corpore longissimè sit diffusus: Hanc enim non diffitentur Adversarii; sed de *præsentia naturæ*, quæ *ὁσιώδης* seu essentialis dicitur, quam admittere nolunt.

III. Non quæritur de variis præsentia Divina specialis modis, secundum quos dicitur esse, *In Christo* per unionem hypostaticam & Deitatis plenitudinem Col. 2. 9. *In Cælo* per gloriam 1. Reg. 8. 27. *In Ecclesia* per gratiam Ezech. 48. 35. quæ rursus, vel est *præsentia symbolica*, quando sub aliquo visibili symbolo se fidelibus patefacit, ut Moysi in Rubo, populo in Columna nubis, Patribus sub forma Angelorum & hominum, vel *præsentia sacramentalis* & mystica, quum sub Signis & elementis externis gratiam suam nobis obsignat & exhibet; vel *præsentia spiritalis* & vivifica, quum per Spiritum habitat in cordibus fidelium: Has enim varias præsentia Dei species particulares esse & certis locis proprias nemo negat. Sed agitur de præsentia Dei generali per Essentiam, quæ abstrahit ab istis modis omnibus singularibus.

IV. Deus potest dici adesse rebus omnibus tribus modis, 1. per *Potentiam* & *operationem*, 2. per *Cognitionem*, 3. per *Essentiam*; quod Scholastici solent exprimere hoc verticulo.

Emer

Enter, præsenter Deus est, & ubique potenter.

QUEST.
I X.

Per *potentiam* dicitur esse ubique, quia omnia producit & gubernat, & operatur omnia in omnibus, quo sensu Paulus ait Act. 17. *Nos in ipso vivere, moveri & esse.* Per *notitiam* adest omnibus, quia omnia quæ sunt vel fiunt ubique locorum, tanquam sibi præsentissima & coram se posita videt & intuetur, unde Heb. 4. 13. *Omnia nuda & aperta dicuntur esse coram eo, & nulla creatura abscondit a potest esse in ejus conspectu.* Per *essentiam* denique, quia ejus essentia omnia penetrat, & omnibus ac singulis rebus tota per se ipsam intimè adest. De hac verò præsentia hic propriè agitur; Nec enim Adversarii negant Deum esse præsentem ubique per potentiam & notitiam, ut jam dictum.

V. Tres vulgò statuuntur modi essendi in loco. 1. *Circumscriptivè*, qui corporibus tribuitur, quia in loco & spatio sunt, ut commensurentur partibus spatii. 2. *Definitivè*, qui de spiritibus & substantiis incorporeis creatis dicitur, qui certis locis definiuntur, & ita hic sunt, ut non sint alibi. 3. *Repletivè*, qui Deo adscribitur, quia essentia ejus immensa omnibus adest, & veluti omnia loca replet. Quamvis verò hæc distinctio suas pati possit instantias, quum ad vivum resecatur, & non replere videatur propriè pertinere ad corpus occupans locum per sui extensionem; cum tamen hætenus longo usu recepta fuerit inter Philosophos & Theologos, & commodum possit obtinere sensum, ex mente ipsius Spiritus Sancti, qui testatur *Deum implere cælum & terram* Jer. 23. 24. non videtur temerè rejicienda, si dextrè explicetur & sano sensu intelligatur, maximè cum destituamur terminis propriis & accuratis quibus Dei ubiquitatem explicemus, & cogamur hic uti phrasibus à rebus finitis & corporeis desumptis.

VI. Ita ergo Deus dicitur esse repletivè ubique propter essentia immensitatem, ut hoc intelligatur diversissimè à modo essendi in loco corporum, id est, citra spatii occupationem, & sui multiplicationem, extensionem, divisionem, vel cum aliis rebus commixtionem, sed illocaliter & impartibiliter; quia ubicunque est, totus est, totus in omnibus, totus extra omnia, nullo loco inclusus, nullo etiam exclusus, nec tam in loco, quia finitum non capit infinitum, quàm in seipso, quò pertinet quod Rabbini Deum vocant *מקום* *locum*, quia Deus non tam loco continetur, quàm omnia in seipso continet, & quod Theophylus ad Autolycom lib. 1. ait, *ὁ Θεὸς πῶς ἐστὶ τῶν ὅλων, ἢ ἑαυτῷ πῶς ἐστὶ.* *Deus locus est omnium, & sibi ipse locus est.*

VII. De ista Dei Immensitate & Omnipræsentia litem nobis movent Sociniani cum Vorstio, qui admittunt præsentiam quoad virtutem & operationem, sed negant eam quoad essentiam; quum cælo Deum contineri pertendunt, ut Socinus in tract. Francisci Davidis, & Crellius lib. 1. de Vera Relig. c. 127. non semel asserunt, & variis argumentis probare conantur. Vorstius, licet videatur *ἐπέχειν* in hac quaestione, tamen

QUÆST. I X. sententiam suam satis aperit in tract. de Deo & Apologia sua, quum omnipræsentiam substantialem inter *ἀούρα* & *ἀδύρα* reponit; & diserte docet Deum secundum essentiam esse in cœlo, secundum virtutem verò & efficaciam esse in terra & adesse omnibus creaturis.

VIII. Orthodoxi verò Dei Immenstatem & Omnipræsentiam, non tantum ratione virtutis ac operationis, sed præcipuè ratione essentia cre-
dunt & confitentur: Modum verò illius nec curiosius inquirendum esse, nec temerè definiendum censent. Hoc tantum certò tenendum esse, non consistere vel in multiplicatione essentia divinæ, quæ est una numero & individua, vel in extensione & diffusionem cuiusdam molis corporeæ, cum sit Spiritus increatus, vel in contactu Physico, qui competit tantum corporibus; Sed in simplici & nobis incomprehensibili essentia divinæ infinitate, quæ ita intimè adest rebus omnibus, ut & ubique sit in mundo, nec tamen mundo includatur.

Deum im-
mensum ef-
se proba-
tur à Scri-
ptura.
Ps. 139.
7. 8. 9.

IX. Rationes sunt. 1. Quia Scriptura hanc Omnipræsentiam Deo tri-
buit Ps. 139. 7. 8. 9. *Quò irem à Spiritu tuo, quò à facie tua fugerem? Si
scanderem cælos illic es, aut stratum ponerem in sepulchro, illic ades. Si as-
sumerem alas aurora habitaturus in extremitate maris, etiam illuc manus
tua deduceres me & prehenderet me dextra tua.* Sic Isa. 66. 1. *Hoc dicit
Dominus, Cælum sedes mea, Terra autem scabellum pedum meorum, quæ
est ista domus quam edificabitis mihi?* ubi probat se templis manufactis in-
cludi non posse, non ratione ducta à distantia loci in quo sit ejus propria
sedes, ut fingit Vorstius; sed à substantia suæ magnitudine quæ univer-
sum mundum replet. Imo alibi protestatur se cælum & terram implere
apud Jerem. 23. 24. *Annon cælum & terram ego impleo?* Et ne quis pu-
tet intra cælum aut mundum contineri, alibi Spiritus Sanctus testatur
1. Reg. 8. 24. *Cælos cælorum cum non capere.*

X. Frustra excipitur à Crellio ista loca agere de omnipræsentia virtutis
& efficaciam, non essentia. Nam 1. contrarium verba ipsa docent, quæ de
operatione tantum non agunt, sed de ipsa essentia; quid enim aliud sibi
volunt verba ista, *Tu illic ades; Cælum & Terram ego impleo, cæli cælo-
rum te non capiunt?* 2. A pari, eo modo debet esse in sepulchro vel infer-
no, quomodo dicitur esse in cælo, quia præsentia Dei utrobique ex
æquo asseritur: Aut ergo est ubique quoad essentiam, aut nullibi est quoad
essentiam. 3. Scopus Plal. est ostendere neminem occultari à Deo posse
ut non videatur ab ipso, quia nusquam potest esse ubi Deus non sit, &
nusquam potest se abscondere, quin à Deo facile retegatur, quia tenebræ
perinde illi sunt ac lux. 4. Opponuntur componenda: præsentia poten-
tia non excludit, sed supponit necessariò præsentiam essentia; nam ubi
Deus non est, ibi operari non potest, quia operatur immediate per es-
sentiam; Ita si ubique operatur, ubique esse debet.

XI. 2. Idem

XI. 2. Idem demonstrant ea loca, quæ docent, Deum operari omnia Quæst. IX.
in omnibus, & omnia sustentare Verbo suo potenti, Heb. 1. 3. & non
longè abesse ab unoquoque nostrum, Act. 17. 27. 28. quia in ipso sumus,
vivimus, & movemur: nam Spiritus præsentia, non certius potest co-
gnosci quàm ab ejus operationibus, neque minùs impossibile est ut quis
immediatè aliquid efficiat ubi non est, quàm quum non est; Nec dici de-
bet Deum operari omnia in omnibus, sed per causas secundas sive phy-
cas, sive hyperphysicas, ideo positâ illâ operatione, non statim inferri
præsentiam essentia. Nam, præterquam quòd Deus non semper agit per
causas secundas, sed sæpe immediatè per seipsum, ut in creatione mundi,
ejus sustentatione, miraculis, & operibus gratiæ in cordibus, quando
utitur causis secundis, præsentissimè ipsis adest, ut operetur per eas.

XII. 3. Si Deus non est immensus essentiâ sed finitus, non implica-
bit contradictionem dari creaturam Deo majorem; ut enim infinito nihil
addi potest, ita de ratione finiti est ut semper illi aliquid addi possit. Imò
si essentia Dei non alibi est quàm in cælo, mundus erit major Deo. Dein-
de, si finitus est essentiâ, etiam potentiâ finitum cum esse oportet, quia
potentia infinita non potest esse in subjecto finito. Tertiò, si Deus es-
sentiâ suâ præsens non est immediatè creaturis, sed tantum operatione, fi-
des Incarnationis Filii Dei non poterit in tuto collocari; qualis enim in-
tercedere potuit cum natura humana Unio hypostatica, si essentia divina
in cælo conclusa manet, nec in terris præsens fuit?

XIII. Deus dicitur *esse in cælo*, non exclusivè ad terram, quasi cœ- Fomes
lo sit inclusus quoad essentiam; sed quia in cælo tanquam Palatio Regio Solutio-
singulari modo gloriam suam patefacit. Nec si orantes oculos in cœ- num.
lum tollunt, vel naturæ instinctu vel ex Verbi præscripto, hoc ideo fit
quòd Deus sit cælo inclusus, quod Apost. arguit Act. 17. 24. sed 1. ut
accessuri ad Deum cogitationes omnes nostras ab hisce caducis & terre-
nis amoveamus, & nihil de Deo nisi magnum & excelsum cogitemus.
2. Ut sciamus cœlum esse sedem & thronum Dei, ubi & illustrior
est patefactio, & uberior communicatio gloriæ & gratiæ, unde benedi-
ctiones omnes sunt expectandæ & expetendæ, ut sub V. T. adoraturi fa-
ciem obvertebant ad Arcam & Templum, non quòd Deus Arcæ vel
Templo esset inclusus, sed propter singularem gratiæ manifestationem
quæ ibi fieri solebat. 3. Ut meminerimus etiam cœlum esse habitacu-
lum nobis à Deo paratum, ad quod debemus perpetuò contendere, ut
Israëlita in exilium pulsi Templum respiciebant, tanquam votis ad
patriam & libertatem anhelantes; sic nos exilii & peregrinationis admo-
neamur, ut libertatem suspiremus, & indefessis viribus patriam repeta-
mus. 4. Ut ostendamus preces nostras non ampliùs ad certum locum in
terra constitutum dirigendas esse; sed in *cælum* esse elevandas; ut altari
Ec 2 nostro,

QUEST. nostro, quod est Christus in cœlis, imponantur ab ipso sanctificandæ.
IX.

XIV. Non indignum est Majestate Divina esse ubique in terra etiam in locis spurcissimis; quia ibi non est per contactum physicum, vel per commixtionem aliquam aut compositionem, sed ut causa rerum efficiens & conservans. 2. Si Deo indignum non fuit omnia etiam vilissima creare, cur indignum esset illis perpetuò adesse? Sol radiis suis loca sordida permeat, nec tamen illis inficitur, quantò minùs Deus?

XV. Deus procul abest ab impiis, quoad præsentiam specialem favoris & gratiæ, sed adest illis semper per præsentiam generalem essentia. Ubi est Deus, ibi quidem est gratia ejus *originaliter & subjectivè*, sed non semper *effectivè*, quia ejus exercitium est planè liberum.

XVI. Absurdum est Deum esse in Diabolis & Impiis, quomodo est in fidelibus, ut Deum gratiosum, sed non ut Deum judicem & vindicem criminum; non ut approbatorem scelerum, sed ut Creatorem & conservatorem naturæ. Licet sit diversimodè in inferis ac in cœlis, hic per gratiam illic per justitiam, hic beando illic puniendo, potest tamen utrobique esse quoad essentia immensitatem.

XVII. Licet essentia Dei sit ab omnibus entibus creatis abstracta, non sequitur non posse esse omnipræsentem quoad essentiam; quia dicitur abstracta quatenus ab iis divisa est, nec est pars eorum; sed omnipræsens dicitur, non quòd veniat cum iis in compositionem tanquam pars, vel quòd illis contineatur, sed quatenus nullius essentia terminatur, aut ab ea excluditur.

XVIII. Quum dicitur Deus immensus, qui ita sit in mundo ubique, ut mundo tamen, qui finitus est, non includatur, sed concipiatur etiam esse extra mundum; non debet hoc intelligi *positivè*, quasi concipienda sint spatia quædam extra mundum, quæ Deus repleat præsentia suâ; sed *negativè*, quatenus spatia universa mundi non exhauriunt immensitatem Dei, ut illis contineatur & circumscribatur; Dicitur ergo esse extra mundum, quia illi non est inclusus, non ut sit in locis quibusdam imaginariis, sed in seipso in infinitate essentia suæ, ut ante conditum mundum in seipso erat, *sibi erat & locus, & mundus & omnia*, ut Tertull. ait contra Praxeam c. 5.

XIX. Qui concipit Deum ubique suâ essentia præsentem, non concipit eo ipso Deum per totum mundum extensum ad instar corporum, sed concipit illum simplicissimâ essentia suæ infinitate, totum mundum continere, vel eum coexistere indivisibiliter omnibus rebus creatis, quomodo aternitas omne tempus, ut punctum sinu suo complectitur, & illis indivisibiliter coexistit.

XX. Tantùm abest ut doctrina de omnipræsentia essentiali Dei Atheismum inducat, ut Remonstrantes in Apologia sua statuunt; ut contra negatio ejus illi non parum faveat, quia tollit ejus reverentiam & timorem,
dum

dum eum absentem sibi fingit, quique ideo peccata hominum, vel non vi-
det, vel vindicare non potest, sed pii qui Deum timent dicuntur ambulare
coram Deo, quia illius præsentiâ excitantur ad ejus cultum & obsequium.

Quæst.
IX.

XXI. Aliud est præsentiâ Dei per operationem ad extra declarare & demonstrare à posteriori; Aliud est præsentiâ Dei ipsâ operatione definire à priori, aut Deum non statuere præsente, nisi per virtutem & operationem. Prius rite posse fieri concedimus; posterius verò negamus, quia operatio Dei ejus præsentiâ supponit, & prius concipi debet esse & existere, antequam concipiatur agere. Si qui sunt ergo ex Recentioribus, qui omnipræsentiâ Dei ejus operatione definiunt, potest eorum sententia admitti, si priori sensu hoc intelligant, pro ejus manifestatione à posteriori: sed si hoc referant ad ejus constitutionem à priori, meritò rejicitur ut Scripturæ contraria, & nimis accedens ad Socinianorum errorem.

XXII. Licet Immensitas & Omnipræsentiâ Dei, semper conjungantur, distinguendæ tamen sunt; illa absolutam dicit in Deo proprietatem ab æterno illi competentem; hæc in illa fundata notat habitudinem ad locum in tempore existentem; habentque se adinstar actus primi & secundi, vel principii & principii: Nam ex immensitate oritur omnipræsentiâ, quæ supponit immensitatem tanquam fundamentum; Ideo enim Deus omnipræsens est, quia immensus.

XXIII. Quum *Deus* dicitur *ascendere* vel *descendere*, *abire* vel *venire*, hoc omnipræsentiâ non tollit, quia hoc non respectu essentia, sed tantum de diversarum operationum absentia vel præsentiâ dicitur: *venit* ergo Deus, quando peculiari ratione alicubi operatur, vel in gratia vel in justitia; *recedit* verò quando gratiæ suæ symbola subducit, & salutaris præsentiæ testimonia hominibus denegat: Aliàs *in eo semper vivimus, movemur & sumus*, ut Paulus ait Act. 17.

XXIV. Hoc Dei attributum non ignorarunt ipsi Ethnici, hinc Trismegistus dicit, *Deum esse Circulum, cujus centrum sit ubique, circumferentia nusquam*, Et Aratus,

Jovis omnia esse plena.

Et Virgilius,

— *Deum ire per omnes*

Terrasque tractusque maris, cælumque profundum.

Quò spectant & ista,

Quò fugis Encelade quascunque accesseris oras

Sub Jove semper eris.

Seneca lib. 4. de Benef. c. 8. *Quocumque te flexeris, ibi illum videbis occurrentem tibi, nihil ab illo vacat, opus suum ille implet.*

QUÆSTIO X.

QUÆST.
X.

DE ÆTERNITATE DEI.

*An Æternitas Dei excludat successionem secundum prius
& posterius? Aff. contra Socin.*

Status
Quæstio-
nis.

I. **I**Nfinitas Dei respectu durationis Æternitas dicitur, cui hæc tria tribuuntur, quòd sit expers principii, 2. quòd sit sine fine, 3. quòd careat successionem, id est, duratione rei secundum prius & posterius, secundum præsens, præteritum & futurum. Non quæritur propriè hic, An Deus sit æternus ratione duorum priorum, id est, An sit sine principio & fine. Hoc enim Socinus & Vorstius negare non possunt contra tot clarissima Scripturæ testimonia; sed de tertio, An Æternitas ejus sit immunis à successionem; vel, An subjaceat temporis differentiis, ut illi pertendunt; vide Crellium lib. 1. de Relig. c. 18. Nos verò Deum ab omni temporis differentia, & non minùs à successionem quàm à principio & fine, esse immunem statuimus.

II. Non quæritur de Æternitate improprie, & secundum quid ita dicta: quomodo sumitur aliquando pro longa rei duratione, ut *Circumcisio pactum æternum* dicitur, Gen. 17. id est, constans, quod debuit durare usque ad rerum omnium διαφθοραν, & *Colles æterni*, Deut. 33. 15. à Mose dicuntur, quia propter diuturnitatem & constantem durationem videntur accedere ad æternitatem: vel usurpatur de eo quod finem non habet, etsi initium habuerit, ut Angeli & animæ sunt æternæ. Sed de æternitate absolutâ & propriè dictâ, tam à parte ante, quàm à parte post.

Deum esse
æternum
probat.

III. Deo talem Æternitatem competere Scriptura docet, non modò quando Deum vocat æternum, Gen. 21. 33. qui *habitat æternitatem*, Is. 57. 15. *Regem seculorum, immortalem, invisibilem*, 1. Tim. 1. 17. qui *fuit antequam mundus esset conditus*, Psal. 90. 1. 2. *à seculo & in seculum*. Sed etiam quum illi omnes æternitatis proprietates tribuit, Ps. 102. 26. 27. 28. Tum divisim; quòd sit sine initio; quia fuit ante foundationem terræ v. 26. sine fine, qui *in seculum permanet*, & *cujus anni non deficiunt* v. 25. 28. sine successionem, quia dicitur *permanere* citra omnem mutationem v. 27. & *semper idem esse* v. 28. non enim semper idem est cui singulis pene momentis per prius aliquid decedit & per posterius aliquid accedit. Conjunctim; quando opponitur rerum maximè constantium mutabilitati, quæ habent principium, finem & successionem v. 13. 14. *perpetua Dei in eodem statu permansio, Cali peribunt, tu autem permanes, & omnes ut vestis veterascent, & velus vestimentum circumvolves eos, &*

mutabantur: Tu verò idemes, & anni tui non deficiunt. Nec aliò tendunt illa Jacobi 1. 17. quando ait penes Deum non esse *μεταβολή, ἢ τροπὴ* Quæst. X.
μεταβολή, mutationem, vel mutationis obambractionem; nam partium durationis, quæ paulatim aliæ post alias existunt, successio & fluxus speciem quandam præ se fert motus, qui in Deum cadere non potest.

IV. Eòdem pertinet, quòd dicitur *primus & novissimus* apud Isa. c. 41. 4. & apud Joh. Apoc. c. 1. *Alpha & Omega;* principium sine principio, quia cùm sit omnium rerum principium, ipse principio caret, & finis sine fine, quia cùm sit finis ad quem omnia referuntur, nullum potest habere finem; quod autem est sine principio, est etiam sine successione, quia successio pendet ex principio, & ordinem dicit secundum prius & posterius. Hanc Æternitatem nomen *Jehova* necessariò includit, quia ut dictum, designat Deum esse Ens primum & independens, nulli mutationi obnoxium. Unde factum ut Versio Gallica bene illud reddat passim per *l' Eternel*, quia illi soli Æternitas *καὶ ἐξολὴ* competit.

V. Æternitas Dei non potest habere successionem, quia Essentia, cum qua identificatur realiter, nullam admittit; tum quia summè simplex & immutabilis est, quæque ideo mutationem prioris in posterius, præteriti in præsens, præsentis in futurum, quam successio involvit, respuit; tum quia immensurabilis, utpote prima & independens, at quod durat per successionem quodammodo mensuratur.

VI. Huc facit quod à Scholasticis vera æternitas describi solet per *interminabilem vitam totam simul & perfectam possessionem*, ut scil. excludat successionem non minùs ac terminum, & per *nunc stans*, non verò *fluens* concipi debeat: Ratio est: quia de vita Dei, sicut de nostra, nihil cum tempore effluit, sed Deus quovis momento simul habet quicquid divisim per successum temporis habemus. Unde Philosophi bene dixerunt, nec futurum nec præteritum, *erit* vel *fuit*, sed solùm præsens sive *est*, de Deo rite dici posse; quia æterna Dei duratio omnia quidem tempora, præteritum, præsens & futurum complectitur, sed nihil in eo potest esse præteritum aut futurum, quia vita ejus eadem semper & immutata perseverat.

VII. Tres temporis differentia tribuuntur Deo Apoc. 1. 4. quum *Fomes* dicitur *ὁ ὢν, καὶ ὢν, καὶ ὢν ἐρχόμενος*, qui est, qui erat, & qui venturus est, non formaliter, sed eminenter, & *ἀνδρῶν πᾶσι*, ut descri- Solutio- num.
 batur hoc modo utcunque Dei æternitas, non *divise* quasi de illo successi- Apoc. 1. 4.
 vè prædicuntur, sed *indivise* quia Dei æternitas omnia tempora simul complectitur; sic affirmatur præteritum, sed sine negatione præsentis & futuri, & asseritur præsens, sed sine negatione præteriti & futuri, quod *August. tract. 99. in Joh. bene explicat, Quamvis, inquit, natura illa immutabilis & ineffabilis, non recipiat fuit vel erit, sed tantum est, tamen*
propter

QUEST. X. *propter mutabilitatem temporum, in quibus versatur nostra mortalitas & mutabilitas, non mendaciter dicimus, est, fuit, & erit, fuit in præteritis seculis, est in presentibus, erit in futuris, fuit quia nunquam defuit, erit quia nunquam deest, est quia semper est.*

VIII. Etli æternitas coëxistat omnibus temporum differentiis, non sequitur easdem inter se coëxistere, quia non coëxistit illis simul sumptis & simul existentibus, sed coëxistit illis divisim existentibus & sibi invicem succedentibus; sic præteritum dum fuit, coëxistit æternitati, præsens jam coëxistit, & futurum coëxistet.

IX. Quæ conveniunt in uno tertio, ea conveniunt inter se, sed tantum ejusdem tertii respectu. Ita omnes temporis differentia in eo inter se conveniunt, quod unaquæque earum quum existit, coëxistit toti æternitati; sed non debent inter se ideo convenire, ut simul coëxistant, quia tota æternitas illis non coëxistit simul sumptis, sed divisim prout mutuò sibi succedunt, ut Sol & motus ejus coëxistunt omnibus diebus seculi, nec tamen inde sequitur eos omnes inter se coëxistere, quia quisque dies in suo ordine coëxistit cum Sole, qui semper est idem.

X. Licet tempus coëxistat toti æternitati, non sequitur æternum esse, quia ista coëxistentia non est *adæquata*, quali essent ejusdem naturæ & durationis, sed *inadæquata* rei & quoad naturam & quoad durationem planè heterogeneæ.

XI. Æternitas Dei indivisibilis complectitur omnia tempora divisibilia, non *coextensivè* vel *formaliter*, sed *eminenter* & *indivisibiliter*; ut Deus immensus complectitur immentitate suâ omnes mundi partes extensas & divisibiles, licet suâ naturâ sit indivisibilis, quia ubicunque est, totus est.

XII. *Punctum* vel est *Mathematicum*, quod est principium lineæ aut temporis; vel *Physicum* & *Politicum*, brevissima scil. extensio, vel molis vel temporis; vel *Metaphysicum*, quod notat extensionis & divisibilitatis negationem; hoc tertio sensu non est absurdum mundum & tempus in puncto æternitatis contineri.

Pf. 90. 4.

XIII. Quum mille anni dicuntur esse coram Domino sicut unus dies, Pf. 90. 4. non tantum agitur de æstimatione, quod Deus non pluris faciat mille annos quàm diem unum, sed etiam de collatione nostræ durationis quæ est *ἐφήμερος* cum divina quæ est æterna; ut innuatur Deum nostro non esse metiendum pede, quali tardaret promissio ejus, etli seriùs nostro judicio impleatur; quia Deus non subiaceat ullis temporis differentiis, sed mille anni coram Deo sint instar unius diei.

XIV. Deus dicitur *Antiquus dierum*, non quod senio sit confectus, & satur annis, ut Saturnus Ethnicorum, sed quod diebus ipsis, & natalibus temporis sit prior & antiquior. *Dies* ergo & *anni* illi non tribuuntur propriè, sed anthropopathicè, quia nos qui in tempore versa-

versamur, nihil possumus concipere nisi per *æon* ad tempus, in quo sumus. QUEST. XI.

XV. Quando actiones Dei considerantur, vel ut præteritæ, vel ut præsentēs, vel ut futuræ; hoc dicitur non ratione efficientis, sed effectorum & objectorum respectu, quæ producuntur diversis temporibus, & ad quæ actiones ejus terminantur.

XVI. Tempus & æternitas non se habent ut pars & totum, sed ut species durationis inter se oppositæ. Æternitas semper fuit & erit, Tempus verò nec semper fuit, nec semper erit, sed cum mundo desinet.

QUESTIO XI.

DE IMMUTABILITATE DEI.

An Deus sit Immutabilis, & quoad Essentiam, & quoad Voluntatem? Affir.

I. **I**mmutabilitas est attributum Dei incommunicabile, quo negatur de Deo non tantum omnis mutatio, sed etiam possibilitas mutationis, tam quoad existentiam, quam quoad voluntatem.

II. Hanc Dei Immutabilitatem vellicant etiam Adversarii, maximè eam, quæ circa actus voluntatis versatur: ita ut Deus possit jam nolle quod antea voluit, & velle nunc quod priùs nolebat. *Crellius de Relig. lib. I. c. 21. Vorstius Tract. de Deo.* Nos cum Orthodoxis omnimodam immutabilitatem illi tribuendam censemus, tam quoad naturam quam quoad voluntatem.

III. 1. Quia Scriptura hanc expressè Deo tribuit, *Malac. I. 7. Ego Deus essum Jehova & non mutor.* *Ps. 102. 26. Cæliperibunt, Tu autem permanes, &c.* *Jaco. I. 17. Apud Deum non est transmutatio, nec transmutationis obumbratio;* ubi non modò de eo negatur mutatio, sed etiam umbra mutationis, ut sic opponatur Soli lucis corporeæ fonti, qui conversionibus & obumbrationibus est obnoxius quibus lux ejus intercipitur. At Deus Pater luminum tropicos non agnoscit, nec ullâ umbrâ obscurari potest, cum nihil sit quod vim ejus intercipiat. In specie Voluntatis & Consilii divini immutabilitas asseritur sæpius *Numer. 23. 19. Deus fortis non est homo qui mentiatur, aut filius hominis quem pœniteat; An ipse dixerit & non faciet? An locutus fuerit & non præstabit illud?* *Isa. 46. 10. Consilium meum stabit, & omne beneplacitum meum implebo.* Sic *Ps. 33. 11. & 110. 4. 1. Sam. 15. 29. Heb. 6. 17.*

QUÆST. IV. Ratio illam confirmat, quia est Jehova, atque adeò Ens necessarium & independens quod à nemine mutari potest; res omnes creatæ sunt mutabiles, πᾶν κτὶν τρεπὸν, inquit Damascenus, quia aliunde esse suum accipiunt; sed Deus est immutabilis, quia à seipso, nec ullam causam supra se agnoscit. 2. quia nec potest mutari in melius, quia optimus, nec in pejus, quia desineret esse perfectissimus: Aug. tract. 15. in Joh. *Quicquid à meliore in deterius, & à deteriori in melius mutatur, non est Deus, quia neque in melius ire potest summa virtus, nec in deterius vera aternitas.* 3. quia omnes causæ mutationis à Deo removentur, dependentia à priori, & potentia passiva, error mentis, & inconstantia voluntatis.

Fontus
Solutio-
nem. V. Creatio mutationem non attulit Deo sed Creaturis, non physicam & propriè dictam, quæ supponit suum mobile, sed hyperphysicam, per quam Creatura transit à non esse ad esse. Illud agens mutari dicitur, quod in se ipso aliter se habet quàm priùs habuerat; sed quod aliter se habet, non in se ipso sed tantùm relativè & in ordine ad aliud, non potest dici mutari: At quum Deus sit Creator non mutatur in se, nihil enim illi de novo accedit, nam ab æterno habuit voluntatem efficacem creandi mundum in tempore, sed tantùm in ordine ad Creaturam, quia nova relatio illi accessit. Et quoad actionem creandi, cùm sit transiens non immanens, non tam est in Deo quàm à Deo.

VI. Deus per incarnationem non est mutatus; quia λόγος & caro factus est, non conversione τῷ λόγῳ in carnem, sed assumptione carnis ad hypostasim λόγου.

VII. Aliud est *mutare voluntatem*, aliud *velle* alicujus rei *mutationem*: Deus potest velle variarum rerum mutationem, ut institutionem & abrogationem cultus Levitici, sed immutatâ manente ejus voluntate, quia ab æterno talem mutationem jam decrevit. Sic ab æterno decretum fecit de mundo creando & ad certum tempus conservando, sed postea de eo diluvio perdendo. Eodem modo de scientia ratiocinandum est; cognitio Dei non mutatur cum re cognita, quia Deus qui eam novit, non modò sciebat hanc mutationem futuram, sed etiam eam decreverat.

VIII. Aliud est esse *indifferentem* ad varia objecta; Aliud verò esse *mutabilem*. Causa indifferentiæ non est mutabilitas, sed libertas; voluntas Dei potuit esse indifferens ante decretum, sed post decretum non potest esse mutabilis.

IX. Potestas variandi actus suos, non est principium mutabilitatis in se, sed tantùm in objectis suis, nisi intelligatur de variatione internorum suorum actuum quos voluntas perfecta non variat sed imperfecta tantùm; nam nemo decretum suum variat, nisi aliquid incommodi in eo deprehendat; quod in Deum non cadit.

X. Aliud est *quærere*; An Deus potuerit ad alia objecta se determinare quàm

quàm ad ea quæ decrevit, antequam de illis quicquam statuisset; Aliud *Quæst. XI.*
verò, Anposito decreto potuerit illud rescindere; posterius negamus,
sed prius asserimus: Nec propterea mutabilitas uila Deo adscribitur, quia
ille demum mutari dicitur, qui velle incipit quod nolebat, vel nolle
quod volebat; quod in Deo locum non habet.

XI. *Pœnitentia* Deo tribuitur *ἀποκαταστάσις*, sed intelligenda est *ἡγεμονία*; non ratione consilii, sed eventus, non Voluntatis ipsius, sed rei
volitæ; non affectus & interni doloris, sed effectus & externi operis, quia
facit quod homo pœnitens facere solet. Sic Gen. 6.6.8. Deo tribuitur pœ-
nitentia de creatione hominis quæ non poterat infecta reddi, intelligen-
da est non *καθάρσις* sed *ἐργασίαν*; licet enim quod fecerat non posset in-
fectum reddi per non creationem, poterat tamen mutari per abolitionem.

XII. Promissiones & comminationes quæ non implentur, non ar-
guunt mutationem voluntatis, quia fuerunt conditionatæ non absolutæ,
ut patet ex Jer. 18. 7. licet conditio non sæpe exprimatur, sed tacita sit &
implicita quæ debet subintelligi.

XIII. Quum Ezechiae mors prædicitur, non notatur quid secundum
voluntatem Dei esset futurum; sed quid secundum cursum causarum se-
cundarum fuisset eventurum, nisi Deus hoc impedivisset.

XIV. Necessitas immutabilitatis quam tribuimus Deo, non infert fa-
tum Stoicum; quia est tantum necessitas extrinseca, & ex hypothesi vo-
luntatis divinæ, salvâ manente rerum libertate & contingentia, ut postea
probabitur quum de Decretis agetur.

Q U Æ S T I O XII.

DE SCIENTIA DEI.

*An omnia cadant sub Scientiam Dei, etiam singularia, &
futura contingentia? Aff. cont. Socin.*

I. **I**Nter Attributa Communicabilia & positiva, quæ perfectionem ali-
quam de Deo affirmant, Tria sunt præcipua, quibus vita ejus im-
mortalis & beatissima actuosa est. *Intellectus, Voluntas, & Potentia.*
Ille ad principium dirigens pertinet, ista ad imperans, hæc ad exequens.

II. Ad cognitionem Intellectus Dei, pertinet disquisitio de ejus *scien-
tia*, circa quam duo præ cæteris sunt attendenda, *modus & objectum*:
Modus consistit in eo quod perfectè, individuè, distinctè, & immu-
tabiliter omnia novit, quo pacto à scientia humana & angelica distingui-
tur: *Perfectè*, quia omnia novit per seipsum sive per essentiam suam, non

QVÆST. XII. per species à rebus abstractas, ut creaturæ solent; tum quia species illæ sunt tantum in tempore cum rebus ipsis, at scientia Dei est æterna; tum quia nullam potest habere causam extra se. 2. *Individuè*, quia *intuitive* & *noticè* omnia novit, non *discursive* & *dianoëticè* ratiocinando, & unum ex alio colligendo; Et si nonnunquam Deus inquirens, vel ratiocinans proponitur, hoc non propriè, sed humanitus dicitur, balbutiente nobiscum Scriptura, ut perfectæ & certæ Dei notitia asseratur. 3. *Distinctè*, non quòd diverso conceptu diversa rerum prædicata colligat, sed quia distinctissimè omnia uno intuitu pervidet, ut nihil vel minutissimum eum fugiat. 4. *Immutabiliter*, quia penes eum nulla est mutationis obumbratio, & ut ipse immotus manens dat cuncta moveri, ita rerum varias vices & mutationes immutatâ videt cognitione.

III. *Objectum* scientiæ Dei est tum ipse Deus, qui seipsum in seipso perfectissime novit, tum omnia extra Deum, sive possibilia, sive futura, quoad varios ordines & status; ratione *quantitatis*, magna & parva; ratione *qualitatis*, bona & mala; ratione *prædicationis*, universalis & singularis: ratione *temporis*, præterita, præsentia, & futura; ratione *status*, necessaria, & libera seu contingentia.

An Deus
singularia
cognoscat?

IV. Quæstio potissimum hic movetur circa *singularia* & *futura* *contingentia*, quæ nonnulli subducere veillent scientiæ Dei: *Singularia* quidem, ut *Averroës*, qui ea exactè à Deo sciri negat, quod etiam à nonnullis tribuitur *Hiero.* in *Haba.* 1. 1. quum absurdum esse putat, & *indignum Majestate divina*, ad hoc eam deducere, ut sciat quot momentis singulis nascantur culices, quotve moriantur, *quæ cimicum & pulicum sui interra multitudo* &c. quæ sanè sententia valde foret in Deum injuria, si præcisè urgeretur; sed verba illa duriora possunt emolliiri, si comparatè intelliguntur, ut non aliud intendat quàm ista speciali curæ quam hominum gerit subducere, ut privilegium horum præ illis doceat, quod videtur innuere dum addit, *Nec simus tam fatui adulescentes Dei, ut dum potentiam Dei ad ima detrahimus, in nos ipsos injuriosi simus, eandem rationabilium quàm irrationalium providentiam esse docentes.*

V. Scriptura sanè ita clara est hac in parte, ut omnem dubitandi ansam nobis eximat: Ecquidem Christus diceret capillos capitis nostri esse numeratos, & ne unum passerulum cadere in terram sine voluntate Patris? *Matt.* 10. 29. 30. Ecquid Paulus *Heb.* 4. 13. assereret omnia esse nuda & *παρὰ χηλιδμένα* coram ipso, & nullam esse creaturam quæ non sit manifesta in ejus conspectu? Ecquid *Ps.* 147. 4. innueret Deum numerare multitudinem stellarum, & nomine singulas vocare, nisi Deus singula intueretur? Et si Deus illa creavit & gubernat, quidni etiam illa cognoscat?

VI. Intellectus divinus non magis vilescit à rei villis cognitione, quàm Sol inquinatur à re turpi. Et si non evluit Dei potentia, quum eas
crea-

creavit, cur vilesceret ejus scientia eas intuendo? Imò cum res omnes etiam maximæ, minimæ sint coram ipso, si ad ejus infinitudinem appendantur, ut ait eximie Isaias c. 40. 15. & tanquam nihilum, omnium scientia illi adimenda esset, si minimas ejus cognitioni subduceremus.

VII. Quæstio alia majoris momenti respicit futura contingentia, quorum cognitionem Sociniani detrahere conantur Deo, ut facilius liberi arbitrii indifferentiam asserant, immunem ab omni necessitate, etiam illâ quæ à Dei præscientia illi imponi solet: Licet enim non rarò videantur cognitionem plenam rerum omnium Deo tribuere, etiam futurarum, ut Crellius lib. 1. c. 24. *Nomine sapientia Dei, hoc loco, omnium rerum cognitionem complectimur &c.* Et paulo post, *Quod attinet res futuras, illas etiam Deum nosse apertissima sunt in sacris Literis documenta.* Alibi tamen futurorum contingentium notitiam, quia non putant esse in genere scibilem, Deo aperte detrahunt, ut vel illa non cognoscat absolute, vel in determinatè tantum & verisimiliter noscat. Socin. Prælect. c. 11. *Cum igitur nulla ratio, nullus Scripturarum locus sit, ex quo aperte colligi possit, Deum omnia quæ sunt scivisse antequam fierent, concludendum est, minime asserendam esse a nobis istam Dei præscientiam, maxime cum & rationes non paucae, & summa testimonia non desint, unde eam plane negandam esse appareat &c.* Sic Crellius lib. 1. c. 24. *Inconsiderate illi faciunt, inquit, qui futura contingentia Deum determinate scire ajunt, quia alias non esset omniscius, cum potius ideo ille determinate futura non concipiat, qui est omniscius & in rebus cognoscendis nunquam errat &c.* Et Smalcus contra Frantzius Disput. 12. adhuc clariùs. *Quomodo verò verum esse potest, quod seipsum destruit & sacris Literis repugnat, vel illis magnam vim afferi? Dicere Deum illa quæ nullo modo sunt scire, qualia sunt futura contingentia, est sibi contradicere; Nam quod scibile est illud contingens proprie non est, quod contingens est proprie, illud sciri non potest. Orthodoxi contra futura contingentia sub scientiam Dei infallibilem cadere statuunt.*

VIII. Ad statum quæstionis, Nota 1. *Contingens* posse dici bifariam: Vel respectu *causæ primæ*, quatenus potest produci vel non produci à Deo; & sic omnes Creaturæ sunt contingentes respectu Dei, quia potuit nullas creare si voluisset: Vel respectu *Causarum secundarum*, quæ possunt effectum producere vel non producere, & quæ ideo distinguuntur à causis necessariis; Nos hic agimus de futuris contingentibus posteriori sensu, non priori.

IX. Secundo, Res potest considerari, vel quoad *certitudinem eventus*, vel ratione *modi productionis*: futurum contingens utrumque notat, nam quæ futurum, notat certitudinem eventus, quæ contingens, verò modum productionis; illud habet à decreto causæ primæ, hoc à constitutione causæ secundæ.

QUEST.
XII.

X. Queritur ergo; An futura, non quævis & quæ habent causam necessariam, de his enim non dubitatur; Sed contingentia, quæ habent causam liberam, & ἀδιάφορον, non *logice* resp. causæ primæ, quo sensu etiam maximè necessaria, sunt contingentia, quæ possunt esse & non esse; sed *physice* resp. causæ secundæ contingentis, cadant sub scientiam Dei infallibilem, non ut indeterminatè tantum & verisimiliter ea cognoscat, sed determinatè & certissimè: Quod negant Sociniani; Nos affirmamus.

ex Jo. 21.
17.

XI. Rationes sunt, 1. Quia Scriptura talem scientiam passum Deo vendicat, Jo. 21. 17. *Domine, tu omnia nosti*, & 1. Jo. 3. 20. *Deus est major corde nostro, & novit omnia*. Frustra hic reponitur omnia dici quæ scilicet scibilia sunt, talia autem non esse futura contingentia: Nam hoc est *πεῦν* ↓ & ↓ quod probandum fuit, non supponendum; nos verò scibilia dicimus, non in se determinatè, sed in decreto Dei.

Act. 15.
18.

XII. Act. 15. 18. *Nota sunt Deo*, inquit Jacobus, *ab omni ævo omnia opera sua*. Si omnia opera; ergo etiam libera & contingentia, si ab æterno nota; ergo etiam quæ futura. Nec dici debet 1. hic agi non de omni opere Dei, vel hominum, sed de illo de quo Jacobus agebat quod pertinebat ad vocationem gentium. Nam nota universalis restrictionem non admitit, sed ostendit Jacobum progredi à genere ad speciem, à thesi ad hypothetisim; hoc sensu, quia quicquid Deus agit in tempore id ab æterno decrevit & præscivit, ideo decrevit & præscivit gentes in communionem Ecclesiæ cooptatum iri citra Legis Mosaicæ observationem. Secundò, agi de operibus quæ sunt, non verò de illis quæ nec fuerunt, nec sunt, nec certò futura sunt, qualia sunt futura contingentia: Nam licèt non sint quoad esse reale, sunt tamen quoad esse cognitum, licèt non sint futura certò quoad causas secundas, sunt tamen certò futura quoad primam, à qua definita sunt. 3. Vocatio gentium ita fuit opus Dei, ut debuerit etiam esse opus gentium, quia debuerunt respondere vocationi Dei per ejus gratiam; Ideo si Deus certò novit istam vocationem, nosse debuit futura contingentia.

Heb. 4. 13.

XIII. Heb. 4. 13. *Omnia sunt nuda & intimè patentia oculis ejus*, si omnia, ergo & cogitationes & voluntariæ hominum actiones, non tantum actu existentes sed & futuræ, quas Deus non modò videt in causis suis, sed etiam in decreto suo. Hinc dicitur *intelligere cogitationes nostras è longinquo*, & *nosse sedere & surgere nostrum*, priusquam sermo est in lingua mea, *nostis ipsum solum*. Psal. 139. à v. 1. ad 7. Ergo non tantum actu existentem, sed etiam futurum: & Jer. 1. 5. *Antequam te formassens in utero, jam cognovi te*. Is. 48. 8. *Novi omnino te alturum perfide*. Ezech. 11. 5. *Eorum qui veniunt in spiritum vestrum, unumquodque ego novi*.

XIV. 2. Quia Deus prædicat futura contingentia; ergo ea novit, nam nisi nosset infallibiliter, non posset certò ea prædicere, ut passim facit;

cit; unde Tertull. lib. 2. cont. Marci. *Præscientia Dei*, inquit, *tot habet testes, quot fecit Prophetas. Indicat a principio finem*, inquit II. 46. Quæst. XII.

10. *Et ab omni antiquitate que nondum facta sunt.* Et c. 41. 23. *Indicate que eventura sunt in posterum, ut cognoscamus vos esse Deos*; sic se subinde Deus discernit à falsis Diis & creaturis. Exempla prædictionum passim occurrunt in Scriptura. Quid hîc reponent Adversarii? An prædictiones illas esse ex verisimilibus tantum, ut impiè loquuntur: Sed quis ferat blasphemam vocem, ut scientia Dei infallibilis sit merè conjecturalis, & Verbum ejus quod cælo & terrâ firmitus est & cujus ne jota quidem excidere potest quin omnia fiant, meris verisimilitudinibus fallibilibus nitatur. An prædictiones istas esse de rebus quas Deus decrevit facere? Sed nulla est ex rebus futuris quas Deus non decreverit, vel facere si bonæ sint, vel permittere si malæ; nec eas potest præscire nisi quia decrevit. An esse potius admonitiones quàm prædictiones? Sed loca ipsa contrarium innuunt; prædictio enim est narratio rei futuræ simpliciter; At monitio est hortatio ad opus virtutis, vel dehortatio à contrario. Quid si quædam prædictiones possunt ad hortationem hominum facere, non sequitur, non esse prædictiones. An hoc dici de futuris quibusdam, non omnibus? Sed cur hoc de nonnullis dicetur, non de omnibus? nulla diversitatis ratio dari potest.

XV. 3. Quia hoc natura Dei perfectissima exigit; nam si cognitio futurorum est perfectio in creaturis, multò magis erit in Deo. Deinde quia est *omniscia*; quod non esset tamen, nisi cognitio ejus ad omnia se extenderet, non modò præterita & præsentia, sed etiam futura, tam contingentia quàm necessaria. 2. quia est *καρδιογνώστης*, quod non posset de ea dici, nisi penitissimè nosset, non modò cogitationes, consilia & affectus cordis, sed etiam ipsas propensiones & dispositiones priusquam in actum exeant, Jer. 17. 9. 10. Job. 34. 21. Jo. 2. 24. 25. Act. 1. 24. & Apoc. 2. 23. 3. *Omnipræsens*, quæ omnibus creaturis ubique & intimè adest, & eas movet & agit, antequam seipsas moveant vel agant.

XVI. 4. Decretum Providentiæ eam post se trahit necessariò, quia ut quicquid sit in tempore, Deus immutabiliter apud se decrevit, vel efficere vel permittere; Ita debet infallibiliter illud omne præscire: ratio, quia præscientia Dei sequitur ejus decretum & ut decretum mutari non potest, ita nec scientia ejus falli: Ps. 115. 3. *Deus noster in cælis est, quicquid voluit fecit*, Rom. 11. 36. *Ex eo, per eum, & ad ipsum sunt omnia.* Eph. 1. 11. *Omnia agit ex consilio voluntatis suæ.* Neque loca possunt referri tantum ad ea quæ Deus ipse facit, non verò ad ea quæ ab hominibus fieri debent, quæ Deus in ipsorum arbitrio posuit, ut vult Socinus. Nam omnia ex æquo Providentiæ divinæ subjecta sunt, nec libertas actionum humanarum obstat, quominus sub ejus scientiam & decretum cadant, ut postea dicitur.

Q. A. T. XVII. Licet difficile sit assequi modum, quo Deus futura contingenter certo novit; non tamen propterea neganda est res ipsa, quæ tot locis Scripturæ & rationibus confirmatur.

Fontes
Solutio-
num.

XVIII. Præcipuum fundamentum Scientiæ divinæ circa futura contingentia, non est, vel causarum secundarum natura, quæ supponitur esse adi. & p. p., vel simpliciter Eulentia Divina, ut imitabilis à creaturis, & ut potens illa producere, quod est fundamentum possibilitatis rerum; sed decretum solum, per quod res à statu possibilitatis transeunt ad statum futurationis, in quo ea tanquam præfinita & certo futura videt: Et quia Dei decretum non versatur circa rem, sed etiam circa modum rei, id est, ut res fiat juxta naturam causæ, necessariò si necessaria, liberè si libera, Deus videt ea in decreto, non modo ut certo futura, sed etiam ut certo futura contingenter.

XIX. Quorum non est determinata veritas, eorum non potest esse certa & infalli. illis scientia, si absolute & omnimodo sunt indeterminata; sed futura contingentia talia non sunt: Nam si sunt indeterminata respectu causæ secundæ, & in se ipsis, non sunt respectu causæ primæ, quæ eorum futurationem decrevit; si indeterminata est eorum veritas respectu nostri, qui non possumus videre quò se inclinatura sit causa secunda libera, non est talis respectu Dei, cui omnia futura obversantur ut præsentia.

XX. Non est *αἰσίαν* idem dici possibile & impossibile simul, sed κατ' αὐτὸ καὶ ἄλλο; possibile respectu potentiae seu causæ secundæ, in se considerata & in sensu diviso, & impossibile secundum quid, ex hypothesis decreti & præscientiæ Dei. Ita possibile fuit Christum non crucifigi, si Deus voluisset, & impossibile propter decretum: quod ergo in sensu composito & supposito Dei decreto de futuratione rei est impossibile non fieri, tamen in sensu diviso & seposito eo decreto, possibile esset non fieri.

XXI. Aliud est rem posse fieri vel non fieri, id est, rem esse possibilem, vel non esse futuram ex hypothesis; Aliud rem posse esse simul futuram & non futuram: Prius notat tantum *simultatem potentiae*, quatenus res potuit fieri vel non fieri; Posterius infert *potentiam simultatis*, quia supponitur, aliquid simul posse esse & non esse: Contingens dicitur primo modo, non secundo, qui est *αἰσίαν*.

XXII. Datur contradictio inter istas duas propositiones, homo est ambulaturus, & homo non est ambulaturus; sed non inter istas; homo est ambulaturus, & potest non ambulare: quia prius loquitur de *veritate futurationis*, posterior de *veritate possibilitatis*; ita non pugnant inter se istæ duæ propositiones, & possunt esse simul veræ; *Ad. m.* certo est lapsurus, & *Ad. m.* potuit non labi; quia prior loquitur de rei futuratione ex decreto, posterior de rei possibilitate ex causæ secundæ dispositione.

XXIII. Infalibilitas & certitudo eventus, non tollit naturam con-

contingentiarum rerum; quia res possunt fieri necessario quoad eventum, & tamen contingenter quoad modum productionis. Si datur præscientia futurorum contingentium, omnia fiunt necessario *necessitate consequentia*, secundum quid, infallibilitatis; non *consequentis* & absoluta. Manet ergo discrimen semper inter necessaria & contingentia, quod illi habent necessitatem intrinsecam, quia oriuntur à causis proximis necessariis & talia sunt in se; Contingentia verò, quæ licet necessitatem habeant extrinsecam, ratione eventus, tamen naturam suam per causas contingentes fiunt.

QUÆST.
XII.

XXV. Libertas voluntatis evertitur quidem per necessitatem physicam & coactionis, quæ pugnat cum formali ratione libertatis; sed non per necessitatem hypotheticam & infallibilitatis eventus, idem enim hoc respectu potest esse liberum & necessarium: Unde quamvis actiones hominum sint liberae, quia sponte fiunt & prævio rationis iudicio, non desinunt esse necessariae ratione decreti & præscientiæ Dei. Præscientia autem Dei infert quidem futuritionis & eventus infallibilitatem, & necessitatem consequentiæ, non tamen infert coactionem aut violentiam, nec aufert voluntati suam intrinsecam libertatem.

XXVI. Præscientia Dei infallibilis non infert Deum esse causam peccatorum, quia Deus præscit peccata ut certò eventura v: g. venditionem Josephi & traditionem Christi, non tanquam à se efficienda quæ peccata, sed ut permittenda, à se verò ordinanda; qui modus non magis in præscientia & decreto, quam in executione eum reum facit, quia nec decretum, nec præscientia intrinsecam necessitatem afferunt homini, sed tantum extrinsecam quoad eventum.

XXVII. Deus homines non tentat ex ignorantia, ut ea ratione cognoscat quod antea nescierit, sed ex sapientissima providentia, ut aliis declaret quod antea eos latebat. Ita tentavit Abrahamum, non ut cognosceret fidem & obedientiam ejus hoc experimento quam antea ignoraret, cum jam antea Gen. 18. 19. Deus professus esset se nosse ejus pietatem, sed ut notam redderet mundo & Ecclesiæ insignem ejus fidem: Nec sic dicitur Gen. 22. 12. tunc novisse Deus quod ipsum timeret, *Nunc cognovi quod times Deum, quod non pepercasti unigenito filio tuo propter me;* hoc absolute intelligendum est de cognitione quam Deus obtinuerit, sed *transitive* de cognitione quam aliis dederit, ut sæpe verba similia usurpari solent in Scriptura.

XXVIII. Licet Deus Gen. 18. 21. testetur se descendere velle ad videndum, an clamor Sodomæ qui ad ipsum venerat verus esset, non sequitur eum antea ignorasse qualis & quanta esset istius civitatis impietas, quia jam dixerat, *Clamorem Sodomæ & Gomorrhæ multiplicatum esse* &c. sed hoc αἰσχροπρεπὲς dicitur, ut innuat se boni & exacti judicis partes implere, & nihil temerè vel pronunciare, vel exequi, ut judex accuratus in rem ipsam præsens inquit, ne præcipitanter quid agat.

QUÆST.
XIII.
If. 5. 4

XXIX. Deus dicitur expectare uvas à vinea If. 5. 4. non quòd nesciret quid esset eventurum, sed humanitus hoc dicitur, quòd seriò mandaret populo suo ut bonis operibus studeret, & ea esset natura donorum collatorum, ut non minùs ex iis deberet fructum expectare, nisi incidissent in solum ingratum, quàm sedulus agricola fructum solet expectare ex vinea rite excolta.

XXX. Quando Deus concipit futura contingentia ut certò futura, non concipit ea aliter quàm sunt; sed ea relatè ad decretum novit, ut necessariò eventura & determinata, quæ relatè ad causas suas novit indeterminata & contingentè futura. Præscit ergo ea Deus, tum in *seipso*, & decreto suo ut primà causâ, & sic necessaria sunt propter immutabilitatem decreti & infallibilitatem præscientiæ; tum in *causis secundis*, à quibus proximè & immediate dependent, quæ sunt per se indefinitæ, & ita sunt contingentia.

QUÆSTIO XIII.

DE SCIENTIA MEDIA.

An præter Scientiam Naturalem, & Liberam, detur in Deo Scientia quædam Media? Neg. contra Jesuitas, Socin. & Remonst.

Scientia
Dei du-
plex; natu-
ralis & li-
bera.

I. **L**icet Scientia Dei non minùs una sit & simplex intrinsecè, ac ejus Essentia, diversimodè tamen spectari potest extrinsecè ratione objectorum; solet verò distingui vulgò à Theologis in *Scientiam simplicis intelligentiæ seu naturalem*, & *indefinitam*, Et *Scientiam liberam*, seu *visionis & definitam*; Illa est rerum *merè possibilium*, quæque ideo *indefinita* vocatur, quia nihil de illis definitum est in alterutram partem apud Deum: Ista est rerum *futararum*, quæ *definita* dicitur, quia res futuræ definitæ sunt certo Dei consilio. Unde differunt inter se, 1. *objecto*, quia scientia naturalis versatur circa res possibles; Libera verò circa res futuras, 2. *fundamento*, quia scientia naturalis fundatur in Omnipotentia Dei; Libera verò pendet ab ejus voluntate & decreto, per quod res à statu possibilitatis transeunt ad statum futuritionis, 3. *ordine*, quia scientia naturalis antecedit decretum; libera verò illud sequitur, quia intuetur res ut futuras, futuræ autem non sunt nisi per Decretum.

Quanam
sit origo
Scientiæ
mediæ.

II. Præter duas hæc Scientiæ divinæ species, Tertiam excogitarunt Jesuitæ *Fonsæca*, *Lessius*, *Molina*; nec enim inter eos convenit, quis spiritui istius fœtus sit genuinus parens, singulis hunc sibi vendicantibus, quam *Mediam* dixerunt, quòd media sit inter naturalem & liberam, & differat

ab utraque, ab indefinita & naturali, quia versetur circa futura, non verò, quia non sit certò futurorum, sed tantum ex hypothesi. Ita autem Scientiam istam mediam Authores explicant, ut dicant esse Præscientiam Dei circa futura conditionata, quorum veritas non pendeat à decreto Dei libero, cum illud antecedit; sed à libertate creaturæ, quam certò prævidit Deus, sive in se, sive in re, quomodo seipsam sit determinatura, si in tali rerum ordine collocaretur.

Quæst.
XIII.

III. Scopus Jesuitarum fuit hæresim Semipelagianam de prævisa fide & bonis operibus in Electione tueri, & Idolium Liberi Arbitrii asserere: ut facilius sese expedirent ab argumentis Dominicanorum talem prævisionem rejicientium; hac potissimum ratione, quòd, cum nulla sit scientia in Deo, nisi vel naturalis, quæ est possibilem, vel libera futurorum, omnis præscientia fidei & boni usus liberi arbitrii, pendere debeat à decreto, non illud antecedere. Quam rationem non alio modo eludere se posse arbitrati sunt, quàm Scientiam istam mediam excogitando. Quas autem turbas quæstio ista excitavit inter Jesuitas & Dominicanos, Papà interim ad cujus tribunal res tota non semel delata fuit, pro sui judicii infallibilitate in re tanti momenti dormitante, & non audente quicquam statuere, non opus est ut recenseamus: Sufficit ut notemus commentum hoc, quod tanquam Helenam suam depereunt Jesuitæ, ut fallissimum oppugnatum fuisse acerrimè à Dominicanis; inter quos eminent *Cumel, Ripa, Alvarez, Nugno*, & alii ad quos hodie accedunt Jansenistæ.

IV. Hoc commentum adoptatum postea fuit à Socinianis & Remonstrantibus, qui animosè illud sustinent, ut liberum Arbitrium in arce collocent; vide *Armi. thes. de Nat. Dei, Vorstium Disp. de Deo Grevinchovium* in dissert. Theol. adversus Amesium.

V. Non quæritur; An Deus futura conditionata cognoscat, convenit enim inter omnes Deum scientiâ aliquâ, non tantum res ipsas, sed omnes earum combinationes & connexiones, sive præsentis, præteritis & futuras, sive necessarias & contingentes ab æterno scire. Sed, An pertineant ad Scientiam quandam mediam distinctam à naturali & liberâ; quod negamus.

Status
Quæstio-
nis.

VI. Non quæritur de futuris conditionatis necessariis, quæ tali aut tali positâ conditione non possunt non evenire; ut si Sol oriatur, dies erit, si Petrus ex animo resipiscat, salvabitur; nam ut ista sunt necessariò inter se connexa, vel ex rei natura, vel ex hypothesi decreti divini cadunt sub Dei scientiam, vel naturalem, si conditio sit tantum possibilem, vel liberam si sit futura, & à Deo decreta; Sed agitur de futuris conditionatis contingentibus, quæ positâ conditione, possunt esse & non esse, v. g. si Johannes esset Lutetiæ, loqueretur vel paccaret, & sim. An certò & determinate possint cognosci antecederet ad decretum Dei; quod negamus.

Q U Æ S T. VII. Non quæritur, An scientia futurorum conditionatorum detur in
XIII. Deo antecedenter ad omne decretum: Nam Adversarii non negant decretum aliquod generale præcedere, quo decreverit causas secundas producere, & quo paratus sit generalem saltem & indifferentem concursum præbere creaturæ, quotiescunque ad agendum sese ipsa determinare voluerit: Sed quæritur; An præcedat decretum speciale de certa hujus vel illius rei futuratione, ut Deus rem istam videat antecedenter ad tale decretum, vel in seipsa, vel in causis suis; quod ipsi pertendunt; Nos negamus.

VIII. Quæritur ergo; An præter scientiam naturalem, quæ est tantum de possibilibus, & scientiam visionis, quæ est tantum de futuris, detur in Deo scientia quædam tertia, seu media de futuris conditionatis, quâ Deus cognoscat, quid homines vel Angeli absque præcedente decreto speciali liberè essent facturi, si cum his vel illis circumstantiis in tali rerum ordine collocarentur. Affirmant Jesuitæ, Socin. & Remonstr. Negant Orthodoxi.

*Nullam
dari scientiam
mediam
probat.*

IX. Rationes sunt; 1. Quia scientia naturalis & libera omnia scibilia complectuntur; & Entia non sunt multiplicanda sine necessitate: nihil enim est in rerum natura quod non sit possibile, aut futurum; nec tertium ordinem constituere possunt futura conditionata. Nam vel talia sunt ex conditione duntaxat possibili seu potestativa, nunquam tamen eventura, vel ex conditione certò futura & decreta: priori modo non egrediuntur naturam possibilium, & pertinent ad scientiam naturalem; posteriori futura sunt, & à Deo decreta & ad scientiam liberam spectant.

X. 2. Quia quæ vera non sunt non possunt præsciri ut vera; At futura conditionata non sunt vera seclusâ voluntatis divinæ determinatione; v. g. Sidonios resipiscendum acturos, si virtutes in illis factæ fuissent; nam in differenter se habebant naturâ suâ Sidonii ad resipiscendum vel non resipiscendum positis illis virtutibus; Ergo aliunde provenire debuit, quòd verum fuerit eos pœnitentiam acturos positis virtutibus illis, si omnino verum fuerit. Nulla verò fingi potest hujus rei causa præter voluntatem Dei; ab æterno enim nihil fuit, quod causa esset determinationis rei indifferentis ad partem alteram præter voluntatem Dei: Non essentia ejus vel scientia, utraque enim sejuncta à voluntate nihil operatur ad extra. Ut ergo nullus effectus potest intelligi futurus, sive absolutè sive ex hypothesi absque divino decreto, quia nulla creatura potest esse in mundo sine divina causalitate; Ita nullum futurum conditionatum potest esse scibile ante decretum.

XI. 3. Si omnes actus voluntatis creatæ subjacent Providentiæ divinæ, ut nullus sit independens & indeterminatus; nulla potest dari scientia media, quæ supponitur habere pro objecto liberam voluntatis determinationem, quæ à nulla causa superiori dependeat. Talem autem dari voluntatis creatæ subjectionem, evincit dependentia quæ est inter primam causam
& se-

& secundas, inter Creatorem & creaturas. Nec sufficere potest ad istam dependentiam salvandam, quòd voluntas dicatur creata, & ipsius libertas data sit à Deo: Nam non desinet esse principium suæ determinationis, si actus ejus non dependent ab aliquo decreto; Non erit quidem primum Ens, sed erit tamen primum operans, nec erit ampliùs causa secunda, sed prima; quia si pendet in esse à Deo, non pendet tamen in operari.

Quæst.
XIII.

XII. 4. Nulla scientia incerta Deo est tribuenda; At scientia media nullam certitudinem habere potest, quia versatur circa objectum incertum & contingens, puta voluntatis *ἀδιαφορίας*. Quæro ergo unde certò scire possit Deus quid sit futurum vel non futurum? hoc enim fiet; Vel ex natura rerum ipsarum quando eas spectat, vel in causis, vel in se-ipsis, ut sunt actus liberi in voluntate creata, quod placet Bellarmino; Sed quomodo res incerta poterit fundare scientiam certam? Vel ex scientiæ divinæ infinitate, quæ certò præscit ad quam partem moralis persuasio voluntatem, aliàs ad oppositum liberam, sit inclinatura, quod volunt Vasquez & Suarez; Sed quomodo scientiæ infinitas poterit mutare rerum naturam, & videre rem certò eventuram, quæ contingens est? Rursus scientia, vel eventum certum facit, vel ut certum prævidet; si facit, quomodo præscire potest ut talem, & ubi voluntatis indifferentia? si ut certum prævidet, quomodo certa potest esse prævisio rei incertiæ & indifferentis? Vel ex rerum existentia ab æterno, per quam præsentibus Deo dicuntur, ut aliis videtur; Sed cum nullum habere possint esse reale ab æterno, sed tantum intentionale, non aliter dici possunt existere ab æterno, quàm ratione decreti in quo futuritionem suam obtinent. Cum ergo necessitas certa eventus non possit fundari in terminorum connexionione contingenti, nec à scientia ipsa quæ rem cognoscit non facit, sequitur ut sit tantum à connectentis efficaci decreto; unde optimè Thomas 1. q. 14. art. 13. *Qui cognoscit effectum contingentem in sua causa tantum, & non in causa aliqua superiori certò determinante, non habet de eo nisi conjecturalem cognitionem; quoniam ex causa indifferenti in quantum indifferens, non erit actus determinatus; & eadem ratione ex antecedente contingente, in quantum contingens, non erit illatio necessaria ante decretum divina voluntatis.*

XIII. Quintò, scientia media tollit dominium Dei in actus liberos, quia ea stante actus voluntatis supponuntur esse antecederet ad Decretum, ideoque futuritionem non habent à Deo, sed à se; imò Deus hoc pacto videtur potiùs pendere à creatura, dum nihil potest decernere vel dispo- nere, nisi posita humanæ voluntatis determinatione, quam Deus in tali connexionione rerum viderit. Nec reponi debet dominium Dei non tolli propterea, quia Deus potest illam connexionem, vel aliquam connexionis illius circumstantiam tollere; v. g. In præscientiâ, quâ Deus novit

Ques. T. XIII. Petrum negaturum Christum, si ponatur in tali statu, Deum posse facere ut non neget Christum, auferendo aliquam circumstantiam prævisam, v. g. timorem mortis, vel addendo majus lumen in intellectu, & majorem inclinationem in voluntate ad confessionem, & sim. Nam non sufficit ad Dei dominium adstruendum, quod Deus possit efficere ut Petrus non neget Christum; nam poterat Petrum ex hac vita evocare antequam Christus caperetur; sed hoc esset dominium habere in vitam Petri, non in ejus liberum arbitrium; sed requiritur ut actus liberi Petri, negandi vel non negandi Christum, ab eo pendeant, quod positâ istâ scientiâ negatur. Deinde, si Deus potest auferre unam circumstantiam prævisam, Ergo potest mutare rei eventum; si potest per decretum mutare rei eventum, Ergo ad decretum etiam pertinet eum procurare. Idem enim qui impedit eventum per ablationem alicujus circumstantiæ, debet eum causare per circumstantiarum positionem.

XIV. Sextò, positâ hâc scientiâ, assignari posset ratio Prædestinationis extra Deum præter ipsius propositum & *Edoniam*, quia consensus prævisus voluntatis Jacobi in tali dispositione constituti, esset saltem conditio sine qua non Deus potius Jacobum quàm Esavum ad salutem prædestinaret. Sed nulla ratio ex Paulo potest assignari istius electionis, præter *Edoniam* Dei Ro. 9. 11. *Nondum enim natis pueris, & cum nihil fecissent boni vel mali*, non propter prævisum liberi arbitrii bonum usum per scientiam mediam, sed *ut propositum Dei firmum maneret, non ex operibus, sed ex vocante, dictum est, major serviet minori.* Nec dicendum conditionem hanc assignari ex parte Dei cujus est scientia, non hominum; Nam licet Deus sit qui præscit, objectum tamen quod præscit statuitur esse bonus usus liberi arbitrii prævilante decreto, ut ratio decreti non in Deo, sed in homine ponatur. Sic gratia aptius dicitur pedissequa humanæ inclinationis quàm domina, & *comes* quàm *causa*, quæ facit ut Deus pendeat potius ab homine, quàm homo à Deo.

Fontes

**Solutio-
num.**

**1. Sam. 23.
11. 12.**

XV. Locus 1. Sam. 23. 11. 12. non potest facere ad Scientiam mediam adstruendam, quia non tam est prædictio futurorum quæ adhuc essent in fieri, quàm revelatio occultorum quæ jam tum erant, puta consiliorum quæ inter Kehilitas agitabantur de tradendo Davide, si ibi substitisset; Nam cum David dubius esset de consilio Saulis & animo Kehilitarum erga se, & interrogaret Dominum propterea, num Saul esset descensurus contra Kehilam & Kehilitæ ipsum essent tradituri in manus Saulis, si scil. inter ipsos maneret; respondet Deus, ut David sese eorum furori subduceret & fugam arriperet; Et Saulem descensurum & Kehilitas eum tradituros, si istic maneret, quia revera & Saul se accingebat ad iter, & Kehilitæ de Davide illi tradendo, clancularia jam agitabant consilia, *Tradenti te enim*, id est, voluntatem habent te tradendi, ut habet Glossa interlin.

Ita

Ita *nō descendere & tradere* non de actione ipsa ex hypothesi futura intelligitur, sed ut sæpe alibi, pro *consilio & intentione* ponitur, id est, in *animo habere hoc facere*, ut Act. 12. 6. & 16. 27. Quæst. XIII.

XVI. Verba Christi Matth. 11. 22. 23. *Si Tyri & Sidone factæ fuissent virtutes, quæ factæ sunt inter vos, olim cum sacco & cinere resipuissent*; non sunt ad literam urgenda, quasi ageretur de re aliqua quæ sub hac vel illa conditione determinatè esset futura. Nam est *hyperbolicum & proverbiale loquendi genus*, ubi Christus odiosâ Judæis comparatione vult exaggerare contumaciam & rebellionem earum urbium, quæ miraculis suis inclaruerant, quam ut *καὶ ἐδιογνῶσκis* noverat majorem & obstinatiores malitiâ Tyriorum & Sidoniorum. Sic Christus non loquitur ex præscientia de rebus ullis futuris conditionatis, sed usitatâ hyperbole suam Judæis præ Tyriis & Sidoniis vult ingratitude & impœnitentiam exprobrare: quomodo si præceptor tardum aliquem & bardum discipulum alloquens diceret: si tandiu alinum docuisssem, hoc non ignoraret; vel de Judice inexorabili, si tandiu saxa & rupes pulsassem, eas fregissem; non id volumus, vel rupes posse molliri, vel alinum posse doceri, sed tantum maximam esse illius discipuli tarditatem, & istius Judicis duritiem. Eo modo Christus Luc. 19. 40. *Si hi sileant, lapides clamabunt*, non quasi lapides clamare possint, sed ut ostendat personam suam, doctrinam & opera, ita esse clara & indubitata, ut non possint amplius occultari. Similis locus est Ezech. 3. 6. *Si te misissem ad populos ignota lingua, nonne tibi auscultassent?* Matt. 11. 22. 23.

XVII. 2. Sam. 12. 8. Propheta enumerat beneficia Dei erga Davidem in- gratum, quibus majora additurus fuisset, si David in obedientia perstitisset, non ex decreto aliquo conditionali, vel ex scientia media, sed juxta promissionem pietati factam. Ita Ps. 81. 14. 15. notatur promissio conditionalis cum exprobratione ingratitude; sed nihil habetur de futuri conditionati præscientia ante decretum. Eodem modo intelligenda sunt verba Elisæi 2. Reg. 13. 19. ad Joasum; *Si terram percussisses quinquies aut sexies, percussisses Syros ad internecionem usque*; non quòd id per scientiam mediam cognosceret, sed quia Propheta revelatione divina indefinitè facta id pro affectu colligeret 2. Sam. 12. 8. Ps. 81. 14. 15. 2. Reg. 13. 19.

XVIII. Aliud est Deum prævidere vel cognoscere connexionem rei unius cum alia v. g. peccati cum morte, & justitiæ cum vita; Aliud cognoscere connexionem istam ut futuram in tali subjecto, in hoc vel illo statu constituto. Hoc postulat decretum aliquod, quo statuatur quid circa illud subjectum fieri debet; Illud verò potest fundari in sola possibilitate & habitudine rerum ad se invicem.

XIX. Aliud est Deum cognoscere omnes omnium rerum connexiones ut necessarias, & rerum per illas eventurarum causas antecedenter ad decretum; Aliud nosse connexiones contingentes eventuum, & rerum omnium possibiliter futurarum; si illud daretur, posset scientiæ mediæ favere;

Quæst.
XIII.

vere; sed falsum est, Deum omnes omnium rerum connexiones ut necessarias, & eventum rerum infallibiliter producturas maximè in actibus liberis cognoscere antecederet ad decretum, à quo omnis rerum futuritio pendet: posterius verò quod concedimus, non infert dari scientiam mediam; quia connexiones ejusmodi contingentes pertinent tantum ad scientiam naturalem, quando considerantur antecederet ad decretum determinans illarum connexionum aut mediorum certam futuritionem.

XX. Quod concipitur à Deo esse determinatè, illud etiam pronunciari potest esse determinatè; quod verò concipitur demum esse possibiliter, illud pronunciatur demum possibiliter esse. At coexistentia actus liberi ex hypothese concipitur esse *determinatè* antecederet ad decretum negatur; *possibiliter* conceditur. Sic verum est Petrum *possibiliter* peccaturum, si ponatur in tali rerum ordine antecederet ad decretum; Sed non *determinatè*, ut verum sit Petrum actu & re ipsa peccaturum, si ponatur in tali rerum ordine; hoc enim non potest certum esse nisi ex decreto Dei permissivo.

XXI. *Necessitas & contingentia* aliter se habet in *simplicibus terminis*, aliter in *complexis*. Primo modo dividitur Ens in necessarium & contingens, nec possunt eidem competere; sed secundo, quatenus oriuntur ex diversa causarum ad effectus habitudine, catenus sic coincidunt, ut quod respectu primæ causæ est necessarium, respectu secundæ possit esse contingens, ita disponente primâ causâ, quæ non modò efficit ut res sit, sed ut suo modo sit, hoc est necessaria necessariò, contingens contingenter; Nec tamen ista necessitas respectu primæ causæ libertatem tollit liberi arbitrii, quia necessitas ista non est coactionis, sed consequentiæ seu infallibilitatis, quæ optimè consistit cum libertate.

XXII. Quamvis Deus antecederet ad decretum possit nosse ex variis mediis quæ ad voluntatem movendam adhiberi possunt. hæc aut illa posse melius persuadere aliis, si adhibeantur; non potest tamen cognoscere hæc actu persuasura antecederet ad voluntatem dandi illa media, & ea ad effectum producendum efficaciter movendi: Nec valet exemplum quod affertur de igne, quem Deus novit habere esse calefactivum antecederet ad voluntatem creandi ignem qui actu calefacturus sit, quia alia est ratio agentium naturalium, naturâ suâ ad unum determinatorum; alia verò liberorum, quæ ad utrumque oppositorum ferri possunt.

XXIII. Aliud est loqui de *causa rerum existentie*; Aliud de *causa futuritionis* rerum. Causæ secundæ cum Deo concurrere possunt ad causandam rei alicujus existentiam, quia simul cum Deo existunt & activæ sunt. At nulla causa secunda cum Deo concurrere potest ad causandam rerum futuritionem, quia futuritio facta est ab æterno, at causæ omnes tantum sunt in tempore. Unde patet rerum futuritionem non aliunde pendere quàm à Dei decreto, atque adeò non aliunde quàm ex decreto præsciri posse.

QUÆSTIO

QUÆSTIO XIV.

DE VOLUNTATE DEI.

An Deus quædam velit necessariò, quædam liberè? Aff.

I. **I**ntellectum Dei sequitur necessariò *Voluntas*, cujus *objectum* est tantum bonum, ut intellectus est verum. Quia verò bonum vel est increatum & infinitum, vel finitum & creatum; hinc duplex voluntati objectum assignatur; primarium nimirum Deus, ut bonum infinitum; secundarium verò res omnes creatæ extra Deum, quæ rationem habent boni finiti, quas etiam extra se vult Deus, sed non eodem modo; scilicet quidem *necessariò per complacentiam*, alia verò omnia *liberè ex decreto*: Unde quæstio proposita oritur.

II. Ad statum quæst. observa *1 necessarium* duplex esse: Aliud *absolutum*, quod simpliciter & per se suâque naturâ non potest aliter se habere, ut Deum esse bonum, justum &c. Aliud *hypotheticum*, quod non ita est ex se & simpliciter tale quin possit aliter se habere, sed tamen posito aliquo necessariò sequitur, nec potest aliter se habere, ut si ponas Deum prædestinasse Jacobum ad salutem, necesse est Jacobum salvari, nim. ex hypothetico decreto; quia aliàs potuisset non prædestinari, & non salvari. Quando ergo quæritur, An Deus velit quædam necessariò, quædam verò liberè; non agitur tantum de necessitate hypothetica: sic enim ea quæ Deus vult liberè, posito decreto non potest amplius non velle; sed de necessitate absoluta.

III. *Liberum* dicitur vel ratione *spontaneitatis*, vel *indifferentiæ*, illud quod fit sponte & sine coactione, hoc verò quod ita est comparatum ut possit fieri & non fieri. Quum quæritur, An quædam Deus velit liberè, non intelligitur tantum libertas spontaneitatis; sic enim ea quæ Deus vult maximè necessariò, vult etiam liberè, id est, sine coactione; sed proprie libertas indifferentiæ; id est, An ita illa velit, ut potuerit ea nolle.

IV. Tertiò, duo sunt volitorum genera; Aliud *principale* quod habet rationem finis ultimi; Aliud *secundarium* quod habet rationem mediorum: In prius voluntas fertur necessariò; ut non possit in illud non ferri: In posterius verò liberè fertur & per electionem, nisi necessariam & inseparabilem connexionem habeat cum ultimo fine, ut sine illo finis esse non possit. Tunc enim eadem necessitate quâ volumus ultimum finem, volumus & istud medium, ut qui vult vitæ conservationem, vult etiam cibi sumptionem, sine quo vita conservari nequit.

QUEST.
XIV.

V. Hoc posito; dico Deum velle seipsum necessariò, non tantùm necessitate hypotheticâ, sed etiam absolutâ; quia est ultimus finis & summum bonum, quod non potest non velle & amare, non modò quoad specificationem, ut nihil contrarium velit aut amet, sed & quoad exercitium, ut à seipso volendo & amando nunquam cesset, quia non potest nolle gloriam suam aut seipsum abnegare. Cætera verò liberè; quia cùm nulla res creata necessaria sit respectu Dei sed contingens, utpote qui eâ potuit carere, ita vult omnia, ut potuerit non velle, id est, libertate non tantùm spontaneitatis, sed etiam indifferentiæ.

Fontes
Solutio-
num.

VI. *Libertas* illa divinæ voluntatis circa res creatas, intelligenda est absolutè & à priori, & respectu rerum in se consideratarum; non hypotheticè & à posteriori, respectu ipsius decreti: Nam hoc sensu Deus res creatas vult necessariò ex hypothesi, quia posito quòd semel eas voluerit, non potest amplius nolle propter voluntatis immutabilitatem; sed absolutè loquendo vult eas liberè, quia ad eas primò volendas nulla necessitate sed merà libertate inductus est, & potuit ab earum productione abstinere.

VII. Hæc verò indifferentia voluntatis divinæ, tantùm abest ut minùs deceat Dei maiestatem, ut maximum sit perfectionis in Deo argumentum, qui, ut Ens independens, nullà re extra se eget; ut id maximum est in creaturis imperfectionis testimonium.

VIII. Deus vult res omnes creatas propter se non perficiendum, quasi illis egeat; sed communicandum: & suam in illis bonitatem & gloriam manifestandam; unde, quia illis potuit omnibus carere sine ullo beatitudinis suæ detrimento, liberè dicitur eas velle. Cùm enim omnia velit Deus extra se in quantum ordinantur ad bonitatem suam ut in finem, & bonitas Dei sit perfecta sine aliis, ut nihil ex aliis illi perfectionis accrescat; sequitur quòd Deus alia à se velit, non esse necessarium absolutè, sed tantum ex hypothesi, ut bene notat Tho. 1. 1^a q. 19. Art. 3.

IX. Quamvis Deus velit omnia propter bonitatem suam, & bonitatem suam velit necessariò; non tamen sequitur cum velle eadem necessitate alia omnia quæ vult extra se: quia vult ista propter bonitatem suam non ditandam, sed effundendam, atque ita ut sine illis esse possit.

X. Non eadem est ratio intellectus in cognoscendo, & voluntatis in volendo, quia intellectus res habet in se, & eas intuetur secundum quod sunt in seipso; voluntas verò ad illas fertur: unde in intelligendo ad modum recipientis intelliguntur; in volendo verò secus; intellectus res ut existentes, saltem in se intuetur, ideoque eas non potest non intelligere; sed voluntas eas facit, propterea liberè circa illas versatur: Ut ergo res omnes prout sunt in Deo, necessitatem quandam habent, in seipsis verò contingentiam; Ideo, quæcunque scit Deus, ex necessitate scit; non verò pariter quæcunque vult ex necessitate vult.

XI. Licet

XI. Licet omnis volitio Dei sit aeterna, non tamen debet esse statim *Quaest.*
absolutè necessaria; nam quod est necessarium *originaliter* à parte princi- *XV.*
pii, potest esse liberum *terminative*, & à parte objecti.

XII. Huc pertineret quaestio de *Voluntate Dei circa peccatum*, quo-
modo possit dici Deus velle peccatum, sed commodiùs tractabitur postea
in loco de *Providentia*.

QUAESTIO XV.

*An bene distinguatur in Voluntatem Decreti, & Praecepti,
videntis & videntis, Beneplaciti, & Signi, Arca-
nam, & Revelatam? Affir.*

I. **Q**UAMVIS unica sit & simplicissima Voluntas in Deo, per quam
omnia unico & simplicissimo actu comprehendit, ut unico in-
tuitu omnia videt & intelligit: quia tamen circa varia objecta
diversimodè versatur; hinc fit ut modo nostro concipiendi, ut multiplex
apprehendatur, non in se & intrinsecè à parte actus volendi, sed extrin-
secè & objectivè à parte volitorum.

II. Hinc ortæ sunt variae Voluntatis Dei distinctiones. Prima & prae-
cipua illa est, quæ tribuitur in *Voluntatem Decreti & Praecepti*. Illa statuit
Deus quid velit ipse facere vel permittere: Istà quid velit à nobis fieri.
Illa respicit rerum futuritionem & eventum, & est norma actionum Dei
ad extra: Istà versatur circa praecepta & promissiones, & est norma actio-
num nostrarum. Illi resisti nequit, & semper impletur, Rom. 9. 19.
Voluntati ejus quis resistit? Istà sæpe violatur ab hominibus, Matth. 23.
37. *Quoties volui vos congregare, & nolulistis?*

III. Ut dantur loca varia Scripturae, in quibus Voluntas Dei, vel pro
Decreto sumitur, ut Rom. 9. 19. Eph. 1. 11. vel pro *Praecepto*, ut Pl. 143.
10. Rom. 12. 2. Ita dantur etiam nonnulla in quibus utraque Dei voluntas
simul significatur, ut Joh. 6. 38. dum ait Christus *se descendisse ut face-
ret voluntatem ejus qui misit eum*, id est, ut impleret ea quæ à Deo decreta
sunt, & ut Patris mandato obsequeretur. Et quum dicimus in oratione
Dominica, *Fiat voluntas tua*, petimus ut ejus praeceptis mos geratur,
& ut ejus decreta impleantur.

IV. Licet praeceptum cadat etiam sub Decretum quoad *propositionem*;
non tamen cadit quoad *executionem*; unde bene inter se distinguuntur, ut
Voluntas Decreti sit ea quæ determinat rerum eventum, Voluntas verò
Praecepti ea quæ homini officium suum præscribit: Sic Deus potest sine
contradictione velle quoad praeceptum. quod non vult quoad Decretum;
quatenus vult quidem aliquid homini præscribere, sed non vult id ipsum
efficere, ut volebat Pharaonem dimittere populum, sed nolebat tamen po-
pulum re ipsa dimitti.

QUEST.

XV.

V. Hinc fit, ut licet istæ voluntates ut diversæ à nobis concipiantur pro diversitate objectorum, non sint tamen contrariæ; quia ut jam dictum, non versantur circa idem. Equidem si Deus vi decreti sui homines impelleret ad ea faciendâ quæ Lege prohibuit, aut si conantem Legi obsequi, opposito obice ab obedientia revocaret, vellet pugnantiâ, & ipse adversaretur suæ voluntati: sed non pugnat decretum Dei cum ejus mandato, quando præcipit homini officium quod ab ipso debetur, ad quod tamen præstandum vires homini dare non vult; quia vult quidem rem quoad propositionem officii, sed non vult tamen quoad executionem eventus.

VI. *Voluntas Præcipiens* duplicia objecta habet; *Alia affirmativa*, quorum respectu & ipsa *affirmativa* dici potest, quando rei effectio præcipitur; *Alia negativa*, quorum respectu & ipsa *negativa* potest appellari, quæ consistit in rei prohibitione. Ita *Voluntas decernens* habet objecta affirmativa, quorum respectu dicitur *effectrix & affirmativa*, tam respectu *termini* quàm *principii*; *Alia* verò *negativa*, quorum respectu voluntas cessans dici potest & *negativa*, si non quoad principium saltem quoad terminum, & tunc vocatur *permissiva*, per quam statuit non impedire creaturam peccantem. Licet enim volitio ista sit *positiva* quoad principium, quatenus *vult non impedire*, bene tamen *negativa* dicitur quoad terminum qui est non impeditio.

VII. *Voluntas effectrix* non potest consistere cum præcipiente negativa; nunquam enim Deus velle potest per se efficere quæ Lege sua tanquam mala fieri vetuit. Sed optimè consistit cum præcipiente affirmativa; idem enim qui præcipit fidem, decernit eam Electis dare. *Voluntas præcipiens affirmativa* potest consistere cum voluntate decernente negativa, ut Deus præcipiat Creaturæ quod tamen non vult efficere in Creatura. Sic præcipit omnibus observationem Legis, quam tamen in iis non efficit; præcipit fidem in Christum vocatis, quam tamen multis denegare decrevit.

*Voluntas**εὐδοκίας**ὁ διακρί-
σις.*

VIII. Ad distinctionem istam *Voluntatis divinæ*, accedit alia, quâ distribuitur in *Voluntatem εὐδοκίας* & *ἐναρξίας*, quæ à Theologis sæpe usurpatur: *Voluntas εὐδοκίας* respondet voluntati decreti, *ἐναρξίας* verò præcepti. Petitaverò videtur ex Scriptura, quæ illam *εὐδοκίαν* sæpe vocat, istam verò *ἐναρξίαν*: Sic de voluntate decreti loquens Christus Matth. 11. 26. respectu eorum quibus vel abscondit vel revelat sua mysteria, *Ita est Pater, ὅτι ἔτις ἐγένετο εὐδοκία ἐμπεραθεῖν οὐ, quia tale fuit tuum beneplacitum*; Et Paulus Ephes. 1. 5. dicit Deum nos prædestinasse κατὰ τὴν εὐδοκίαν τῆς θελήματός αὐτοῦ, *juxta beneplacitum voluntatis suæ*. Ita vers. 9. mentio fit hoc sensu *εὐδοκίας*. Quoad *ἐναρξίαν* verò, illa non rarò refertur ad voluntatem præcepti, quæ & approbationis & complacentiæ dicitur, ut Rom. 12. 2. *Voluntas Dei*

cui

cui nos debemus conformare, vocatur bona & *ἀγαθόν*, Et Ephes. 5. 10. *δοκιμάζοντες τί ἐστὶ ἀγαθόν τῷ Θεῷ*, explorantes quid sit gratum Deo. Col. 3. 20. *τῷ ᾧ ἵσιν ἀγαθόν τῷ Κυρίῳ*, hoc enim est acceptum Domino. Hoc sensu *ἀγαθία* innuit voluntatem præcipientem & approbantem, quâ Deus quid sibi gratum sit & ab hominibus fieri velit, declarat; *εὐδονία* verò voluntatem decernentem, quâ Deus beneplacitum suum testatur circa res quas ipse exequi statuit.

IX. Non ergo ita intelligenda est, quasi illud quod pendet ab *ἀδονία* Dei, non esset etiam illi *ἀγαθόν*; nam quæcunque Deus decrevit fieri revera ipsi grata sunt eo respectu, nec dici potest aliquid velle exequi quod ipsi non placeat exequi: sed eo modo tantum recipi potest, quo refunditur in voluntatem decreti & præcepti, ut per voluntatem *ἀδονίας* designetur præcisè ea voluntas, quâ Deus aliquid decernit facere, vel permittere, & de qua nullam aliam rationem reddere possis ut plurimum, nisi quia sic Deo libitum est: per voluntatem verò *ἀγαθίας*, ea quâ vult proponere Creaturæ officium suum, tanquam rem gratam sibi & in qua sibi complaceat.

X. Quamvis *ἀδονία* nonnunquam confundamus cum *ἀγαθία*, dum de illis dicitur quibus Deus delectatur, quia in iis est qualitas vel conditio aliqua quæ cum Dei natura convenit, quæque ideo ejus favorem conciliat; quomodo de Christo dicit Pater Matth. 3. 17. *ἐν ᾧ ἀδύνηται*, id est, quo vehementissimè delector; quamvis & hoc non malè referri possit ad voluntatem beneplaciti, quam Christus perfectissimè implevit, satisfaciendo Justitiæ ejus: hîc tamen strictè sumitur pro decreto cujus nulla ratio extra Dei beneplacitum quaerenda est.

XI. *Εὐαγεσία* contradistinctè ad *εὐδονία* in hoc argumento nihil aliud notat quàm meram complacentiam, quâ Deus rem aliquam ut justam & sanctam probat & eâ delectatur, eamque propterea vult præcipere Creaturæ ut justissimum ejus officium: Unde non includit propriè decretum vel volitionem aliquam in Deo, sed tantum importat rei convenientiam cum Dei natura, juxta quam non potest non amare quod sanctitati ipsius est consentaneum: Nam approbatio rei alicujus, non continuò est ejus volitio; nec si aliquid probo, idcirco statim id volo. Ideo minùs propriè dicitur ista voluntas Dei.

XII. Licet ad voluntatem *εὐαγεσίας* pertineant etiam promissiones de salute danda credentibus, quæ cum præcepto Evangelico proponuntur; non sequitur connotare debere aliquod decretum vel volitionem propriè dictam conditionatam de danda omnibus salute: Nam tale decretum non posset consistere cum decreto reprobationis, nec cum sapientia Dei, cui repugnat aliquid velle sub conditione impossibili, & quam Deus ipse decrevit denegare creaturæ, qui solus eam potest dare; sed hinc tantum potest colligi, dari nexum inseparabilem inter fidem & salutem, qui à Deo ipso

Q. ÆST. sit constitutus, ut nemo salutem possit obtinere qui fidem non habeat, & XV. nemo fidem habeat, qui salutem certissimè non consequatur: Ita promissiones quæ adduntur præceptis significant tantum quid Deus daturus sit credentibus & pœnitentibus, non quid dare velit illis omnibus quibus præceptum proponitur.

*Voluntas
Signi &
Benepla-
citi.*

XIII. Tertia distinctio *Voluntatis*, est in *Voluntatem Signi & Beneplaciti*, quæ distinctio ab Hugone de S. Victore primò allata, inde à Lombardo assumpta lib. 1. sent. dist. 45. ab omnibus Scholasticis, & Thom. præcipuè p. 1. q. 19. Art. 11. & 12. passim usurpatur, & à Theologis nostris bene explicata retinetur.

XIV. Scholasticis *Voluntas Beneplaciti* dicitur, quæ tantisper in Deo latet, & ejus liberrimæ potestati relinquitur, dum ex aliquo oraculo vel eventu ipso patefiat. *Signi* verò, quæ signo aliquo puta præcepto, vel promisso, nobis innotescit, quæque notat effectum aliquod extra Deum, quod est signum voluntatis ipsius. Unde quinque signa solent à Scholasticis recenseri quibus Dei voluntas innotescat, scilicet præceptum, prohibitio, consilium, permissio, operatio; quæ hoc versiculo comprehenduntur,

Præcipit & prohibet, permittit, consulit, implet.

Sed perperam, 1. quia plura sunt signa talia, puta promissiones & minæ, vaticinia & narrationes. 2. Operatio non est signum voluntatis, sed effectum ejus quod ad voluntatem beneplaciti pertinet. 3. Permissio non cadit sub signum, sed sub beneplacitum. 4. Consilium vel refertur ad beneplacitum, vel includitur in præcepto.

XV. Melius ergo *Voluntas Beneplaciti* nobis dicitur ea quæ alibi vocatur *Decernens*, quæ nihil aliud est quàm decretum beneplaciti Dei de rebus extra se futuris; *Voluntas* verò *Signi*, ea quæ dicitur *præcipiens & approbans*, quæ homini officium suum præscribit, & quid gratum Deo sit exponit.

XVI. Dicitur *Voluntas Signi*, non quòd significet quid Deus facere circa hominem vel de homine velit; hoc enim sensu non contradistingueretur voluntati beneplaciti; sed quia significat quid Deus velit præcipere homini, ut sibi gratum, & justum ipsius officium: Ita voluntas ista bene dicitur cadere sub decretum & beneplacitum, quoad *præceptum rei*, non quoad *rem præcepti*, quia nihil Deus præcipit in tempore, quod præcipere non decreverit ab æterno.

XVII. Quando *Voluntas Beneplaciti* contradistinguitur *Voluntati Signi*; *Beneplaciti* vox non sumitur latè, prout simplicem complacentiam & approbationem rei notat, vel decretum ejus præceptionis; hoc enim sensu voluntas signi potest etiam dici voluntas beneplaciti, quia versatur circa res quas Deus approbat, & quas decernit præcipere creaturæ; sed sumitur *strictè* prout notat placitum sive Decretum Dei de rei alicujus effectione, vel permissione, quomodo Decreta Curia vocantur Placita.

XVIII.

XVIII. Non potest dari contrarietas inter istas duas voluntates, quia non idem volunt & nolunt eodem modo & respectu: Voluntas beneplaciti est *voluntas eventus* & executionis: Voluntas signi est *voluntas officii* & obligationis ad illud. Sic Deus voluit immolationem Isaaci voluntate signi quoad præceptionem, id est, ut illam Abrahamo præciperet ad probationem ejus obedientiæ: Sed noluit eandem voluntate beneplaciti quoad eventum ipsum, quia decreverat eandem istam prohibere. Licet autem duo isti actus voluntatis divinæ diversi sint; volo præcipere Abrahamo ut immolet filium, & nolo filium istum immolari, non sunt tamen contrarii; utrumque enim verum fuit, & Deum decrevisse hoc præcipere Abrahamo, & decrevisse pariter ejus effectum impedire; sic Deus sine contrarietate voluit offerri, & non offerri Isaacum; voluit quoad *præceptum*, sed noluit quoad *effectum*; Tota voluntas Dei circa hoc factum non fuit, vel mandare tantum Abrahamo istam oblationem, vel eam impedire; sed debet completi duos actus istos diversos, quorum prior est affirmativus, qui versatur circa præceptionem rei, posterior verò negativus, qui spectat ejus impeditionem: Nec sequitur exinde hominem juberi credere quod falsum est; quia illud demum jubemur credere quod revelatur, prout revelatur: jam verò eventus per ejusmodi mandata non revelatur, sed tantum officium & obligatio ad illud.

XIX. Licet Deus dicatur velle omnium salutem voluntate signi, & nolle voluntate beneplaciti, nulla tamen est pugna: Quia præterquam quod propositio universalis, non tam de singulis generum quam de generibus singulorum est intelligenda: prior voluntas respicit meram Dei approbationem & præceptionem officii; posterior verò versatur circa ejus futurationem & impletionem: prior notat quid Deo gratum sit, & quid constituerit præcipere homini ad salutem obtinendam; posterior verò quid ipse Deus decreverit facere. Non pugnant autem ista duo; velle vocare ad fidem & salutem, & nolle tamen fidem ipsam vel salutem dare; velle id est, mandare homini ut credat, & nolle id est, decernere ipsi non dare fidem ut credat.

XX. Voluntas signi quæ extrinsecus proponitur, debet respondere voluntati alicui internæ in Deo, ne sit signum falsum & fallax: sed voluntas illa interna, non est decretum de danda salute huic vel illi, sed decretum de præcipiendi fide, & promittenda salute si homo crediderit: quod nititur tum nexu à Deo constituto inter fidem & salutem, tum interna Dei dispositione; per quam ut seipsum amat, non potest non amare sui imaginem, ubicunque eam videt refulgere, adeoque delectari creaturæ fide & poenitentia eatenus ut illam salute donet.

XXI. Salus promissa quæ proponitur per voluntatem signi, non cadit quidem propriè & directè sub præceptum, quia in suo formali promissio & præceptio differunt; illa dicit beneficium, hæc verò officium: Sed reductivè

Quæst.
XV.

ductivè & secundariò potest ad illud pertinere, quatenus additur præcepto per modum stimuli, ut medium & motivum ad excitandam obedientiam illius cui præceptum datur. Et quamvis necesse sit promissionem habere fundamentum aliquod certitudinis eventus, ut moveat hominem, non petendum est illud à *Decreto Dei circa personas* singulares, de conferenda omnibus salute, quod consistere non potest cum decreto reprobationis; sed à *decreto eius circa res ipsas*, id est, ab ordinatione & connexione inseparabili facta à Deo inter fidem & salutem, ut inter media & finem: hinc enim fit ut certissimè promittitur salus in Evangelio omnibus credentibus, quia tam arcta datur ex Dei beneplacito connexio inter fidem & salutem, ut nemo illam habere queat, quin istius sit etiam compos.

XXII. Verbo isti externo quod signum est, v. g. *Omnis credens in Christum servabitur*; respondet aliquod *verbum internum* seu *res significata*; Voluntas nimir. Dei connectendi inseparabiliter fidem in Christum cum salute, & talem ordinem ac salutis viam homini proponendi: sed non potest esse voluntas conditionalis omnes & singulos sub ista conditione servandi, quia testaretur Deus se id velle quod revera non vult erga præteritos, quibus conditionem denegat.

XXIII. Licet voluntas signi significet Deum esse misericordem, non sequitur debere esse misericordem respectu omnium & singulorum; sed tantum respectu eorum qui conditionem voluntate ista expressam sunt habituri, nim. credentium, qui cum non alii sint quam Electi, ad istos tantum misericordia voluntate ista expressa propriè pertinet: Adde quod cum voluntas ista signi nunquam fuerit universalis respectu omnium & singulorum, licet fuerit generalis & communis respectu omnium populorum & conditionum, non potest misericordia per illam significata esse universalis.

XXIV. Si Deus per istam voluntatem significaret se velle omnium & singulorum salutem, significaret se id velle quod minimè vult, cum plurimos prætereundo eos salute donare noluerit: sed quum significat se velle salutem omnium credentium & pœnitentium, significat se id velle quod revera vult, & nihil verius, nihil sincerius est ista declaratione.

Voluntas
Arcana &
Revelata.

XXV. Quarta distinctio Voluntatis est; In *Arcanum*, & *Revelatum*: Illa vulgò refertur ad voluntatem decreti quæ in Deo ut plurimum latet; ista verò ad voluntatem præcepti quæ revelatur & patet in Lege & Evangelio. Fundamentum ejus petitur ex Deut. 29. 29. *Arcana ad Deum nostrum pertinent; revelata verò ad nos & filios nostros, ut faciamus verba Legis hujus*. Illa dicitur profunda abyssus & impervestigabilis Ps. 36. 7. & Rom. 11. 33. 34. Istà omnibus exposita est, neque est procul à nobis, Deut. 30. 10. Rom. 10. 8. Illa pro objecto habet ea omnia quæ Deus vult aut efficere, aut permittere, & quæ in specie de singulis hominibus vult facere, quæ proinde absoluta sunt, & ad unum determinata. Istà respicit

respicit ea quæ nostri sunt officii, & quæ conditionatè proponuntur. Illa *Q.ÆST. XV.* semper sit; Ista sæpe violatur.

XXVI. Voluntas arcana dicitur, non quòd semper nos lateat, & nuspiam reveletur; non rarò enim Deus in Verbo arcana quædam consilii sui hominibus patefacit, & ex eventu ipso patet; Sed quòd in Deo abscondita lateat, donec indicio aliquo, ut ex oraculo, vel ex eventu patefcat.

XXVII. Licèt voluntas arcana de electione nostra in Deo maneat abscondita, non sequitur nullam posse nos habere certitudinem de salute, quia licèt non possit haberi à priori, potest tamen haberi à posteriori.

XXVIII. Quicquid Christus in tempore fieri voluit ab hominibus ex officio secundum Legem & Evangelium, illud etiam in tempore revelavit; sed non statim quicquid Christus à se fieri decrevit ex beneplacito, quod Deus sibi servat ut plurimum, nec nobis nisi ex eventu patefacit, Act. 1. 7. Marc. 13. 32.

XXIX. Licèt Deus sit optimus, non necesse est ut omnibus bene velit ad salutem per voluntatem antecedentem; quia exercitium bonitatis ejus à sapientissima ejus voluntate pendet, quæ miseretur quorum vult, & quos vult indurat: nec si bonitatem suam erga creaturam vult diffundere per beneficium Creationis & Providentiæ, statim debet illi bene velle ad salutem.

Q U Æ S T I O XVI.

An bene distinguatur Voluntas in Antecedentem & Consequentem, Efficacem & Inefficacem, Conditionalem & Absolutam? Neg.

I. **P**Ræter distinctiones allatas Voluntatis Divinæ, quæ ab Orthodoxis recipiuntur, dantur & aliæ, quæ subinde ab Adversariis proponuntur; quia quæ minus commodæ sunt, & ὑπερὸν τι videntur in se habere, meritò rejiciuntur.

II. Talis est distinctio voluntatis, in *Antecedentem* & *Consequentem*, quæ à Scholasticis passim refertur. Eam videtur primus tradidisse *Damasce-nus* lib. 2. *Orthod. fide.* c. 29. dum voluntatem Dei dicit aliam esse *προηγμένην*, aliam verò *ἐπιμνημένην*, postea à Scholasticis avidè est arrepta, & à Novatoribus Arminianis, Socinianis, & aliis Gratiæ Universalis Patro-nis in causæ subsidium usurpata.

III. Sunt quidem etiam ex nostris Theologis, qui eam post Patres retineri posse putant; sed diversissimo tamen à Neopelagianis sensu, nimirum tum respectu *Mandatorum*, tum respectu *Decretorum*: Respectu quidem *Mandatorum*, volunt antecedentem voluntatem locum habere in præceptis, consequentem verò in promissis, & minis quæ sanctionis ergò

An volun-tas bene di-stinguatur in volunta-tem anteco-dentem & consequen-tem.

Quo sensu à quibus-dam ad-mittatur.

Quæst. praeceptis adduntur, & in beneficiis, vel pœnis quæ hominis obedientiam vel rebellionem consequuntur: Respectu *Decretorum* quoad ordinem & modum nostrum concipiendi, ut antecedens illa dicatur voluntas, quæ concipitur antecedere; v. g. voluntas de creando homine, quæ præcedit voluntatem de eodem redimendo; consequens verò, quæ concipitur sequi alium voluntatis actum.

Quæ sensu
reprehenda
nt.

IV. Sed nostri constanter eam rejiciunt, quo sensu Scholastici & Neopelagiani cæusi leguntur, ut per Voluntatem Antecedentem, intelligatur Consilium Dei de omnibus in universum hominibus servandis, per Consequentem verò decretum de servandis credentibus, & damnandis incredulis: Illa sic dicitur, quod antecedit actum humanæ voluntatis, sive bonum, sive malum; Ista quia posterior est humanæ voluntate, & ab actionibus ejus bonis vel malis pendet.

V. Ita Arminiani Voluntatem Antecedentem eam esse volunt, quæ Deus vult aliquid creaturæ rationali ante omnem illius actum, seu ante actum aliquem creaturæ illius; Consequentem verò, quæ aliquid vult creaturæ rationali post actum aliquem, sive post multos actus creaturæ: sic voluntate antecedente Deus voluit Saulis Regnum stabilire, & voluntate consequente voluit illum regno deturbare; illa voluit Judæos, ut pullos gallina, congregare; hac verò voluit illos spargere per omnes nationes: Illi resisti potest; sed isti nequaquam. Sic *Arminius* contr. *Perkin. Corvinus* adversus *Molinæum*.

VI. Distinctio ista multis modis injuria est in Deum; 1. quia ei affingit contrarias voluntates: Deum scilicet voluntate antecedente velle omnes servare; consequente autem nolle omnes servare, sed quoddam tantum: ab æterno eum seriò voluisse salutem Judæ, & tamen simul & eodem momento novisse Judam nunquam crediturum, & se nolle dare fidem qua infallibiliter converteretur, imò permissurum ut in sua infidelitate maneat & peccet. Quis homini sanæ mentis tales voluntates ausit tribuere, ut dicatur velle seriò & ardentem id quod tamen novit nunquam futurum, & quidem non futurum quia id efficere nolit, à quo solo effectus dependet? Nec exempla quæ afferantur hic ab Arminio, possunt hoc efficere; v. g. Pater qui optat & vult seriò ut filius suus ipsi obediat; At non violenter trahit ipsum ad obediendum; Et mercator qui vult merces suas salvas, sed necessitate compulsus projicit eas in mare; Ita Deus, inquit, compulsus malitiâ hominum eos damnat quos servare voluerat obedientes. Nam conferuntur hic valde dissimilia: Aliud est loqui de hominibus, qui licet valde seriò aliquid velint, non possunt tamen fieri compotes voti, nisi per media convenientia quæ in ipsorum non sunt manu, unde frequenter suâ spe excidunt & intentione frustrantur: Aliud verò de Deo, cui nunquam desunt media justa & convenientia per quæ assequatur id quod intendit. Utergo
exem-

exemplum quadret debet ita proponi; An Pater qui nosset filium non obediturum, nisi hanc illi mentem & voluntatem indat, nec velit tamen; possit dici seriò velle ut filius obediat? An Mercator, qui novit merces suas non posse conservari, nisi tempestas comprimatur à se, nec velit tamen; possit dici seriò cupere merces suas salvas? Si talia exempla producerentur, quibus constaret, creaturam rationalem posse velle seriò & ardentè id quod tamen novit se nunquam facturam, cum tamen facere posset, & cum ab ea sola eventus certò pendeat; facile fraudes pateret, & id ab Adversariis Deo affingi, quod creaturis rectà ratione utentibus non posset tribui.

VII. Secundo, distinctio ista non potest locum habere in Deo, quin illi tribuatur non modò *insipientia & impotentia*, dum fingitur Deus intendere aliquid seriò, & desiderare affectu naturali quod non assequitur, nec potest assequi per hominem quia ipse non vult; sed etiam *mutabilitas*, quia voluntati consequenti locus esse non potest, nisi prius rescissa antecedente: quomodo enim Deus posset simul eodem actu voluntatis, velle omnes homines servare, & maiorem partem ipsorum damnare?

VIII. Tertiò, Voluntas Antecedens, non tam voluntas quàm velleitas quædam, & inane & irritum desiderium quod nunquam impletur; quod in Deum sapientissimum & potentissimum cadere nequit: quomodo enim ille perfectissimus & beatissimus dici posset, qui finem & scopum verè intentum assequi nequit ex interventu & obstaculo creaturæ sese aliter & independentè determinantis.

IX. Quarto, Deus hoc pacto homini ipsi subicitur, quum voluntas consequens dependere dicitur à determinatione voluntatis humanæ, ut nemo eligatur à Deo, qui prius Deum non elegerit per fidem & poenitentiam suam.

X. Quintò, Evangelio repugnat, quod constanter docet, Deum non omnes simpliciter, sed tantum electos & fideles per Christum servare velle, nec omnibus offerri aut conferri media salutis, sed quibusdam tantum. Denique æternam Dei Electionem subruit, quia eam incertam relinquit, fundatam scilicet, non in Dei *idoneitate*, sed in humanà voluntate, quâ nihil incertius & mutabilius. Et talem fingit, cui nulla executio respondeat, id est, irritam & inefficacem.

XI. 1. Sam. 13. 13. non proponitur Voluntas Antecedens, quâ voluerit firmare Regnum Saulis in perpetuum: quomodo enim hoc velle potuisset, quod sciebat nunquam futurum, & cuius contrarium ipse decreverat? sed quum dicitur, *Jam certè stabilivisset Jehova regnum tuum in seculum*, innuitur tantum peccatum & rebellionem Saulis esse causam brevi desituri, & ad alium transituri Regni ipsius; quod futurum non fuisset, si permanisset in officio juxta promissiones pietati factas.

XII. Ex loco Matth. 23. 37. non potest duplex voluntas ista consumari; Matth. 23.

Q U E S T. I. Quia non dicitur Deum voluisse dispergere, quos voluerat congregare; sed tantum Christum voluisse congregare, quos *Jerusalem*, id est, *primores populi* noluerunt congregari; At non obstante eorum conatu non desinit Christus congregare quos voluit; Unde August. Enchi. c. 97. *Ille quidem filios suos ab ipso colligi noluit, sed eam quoque nolente filios ejus collegit ipse quos voluit.* Distinguenda hic ergo Jerusalem à filiis suis, ut verba ipsa evincunt, & series capituli, in quo à vers. 13. usque ad 37. alloquitur Scribas & Phariseos, & illis exprobrat, quod ipsi non *introeant in Regnum cælorum, nec introeuntes sinant introire.* 2. Voluntas de qua hic agitur, non est voluntas decreti, quæ unica est & simplex; sed *præcepti*, quæ ad vocationem refertur, & quæ sæpe iteratur per Verbi præconium, *Quoties volui?* & ita Christus hic loquitur ut *Minister Circumcisionis.*

XIII. Si Deus primo mundo concedit spatium 120. annorum, ut invitaret eum ad pœnitentiam, non inde colligi potest voluntas antecedens, quasi decrevisset illi parcere, quia hoc decreto æterno de diluvio in mundum mittendo opponeretur; sed tantum voluntas præcipiens notatur, quæ illi præscribit officium pœnitentiæ, ut redderet eum inexcusabilem suppositæ ejus contumaciæ.

XIV. Frustra dicitur inventa distinctio voluntatis antecedentis & consequentis ad concilianda varia loca Scripturæ, quæ aliàs viderentur *contraria*; ut quod promiserit populum introducere in Canaan, & tamen voluerit eum conficere in deserto, Exod. 32. & Num. 14. quod velit omnes salvare, & plurimos tamen damnare, multos vocare ad nuptias, quos tamen excludere ab illis constituit. Nam alia datur longè certior & verior conciliationis ratio. Promissio introducendi populum non repugnat voluntati puniendi, quia facta est sub conditione, Exod. 32. 14. & impleta est re ipsa, si non respectu illorum individuorum, quæ ceciderunt in deserto propter incredulitatem, Deuteron. 1. 35. Heb. 4. 6. At respectu ipsius gentis in genere, quæ eò tandem pervenit. Voluntas salvandi omnes homines non evertit decretum reprobationis multos prætereundi; quia nec est voluntas decernens, sed tantem præcipiens & approbans; nec universalis quæ respiciat omnes & singulos, sed generalis tantum quæ indiscriminatim ad quosvis extenditur. Sic vocari possunt ad nuptias voluntate præcepti, qui ab illis tamen exclusi sunt ab æterno per voluntatem beneplaciti.

*Voluntas
efficax &
inefficax.*

XV. Secunda distinctio quæ afferri solet ab Adversariis est *voluntatis efficax & inefficax*: quæ quidem, si eo sensu intelligatur, ut voluntas efficax respondeat voluntati decreti, & ita vocetur quia semper impletur & illi resisti non potest; voluntas verò inefficax coincadat cum voluntate præcepti, & ita appelletur quia manet sæpe irrita propter hominis re-

rebellionem, posset utcumque tolerari; quamvis locutio sit minùs com-
moda & ἐνδίαλκντ: sed si referatur ad solam voluntatem decernentem,
prout ab Adversariis intelligitur, qui pertendunt Deo competere velleita-
tes, & irrita desideria in quibus excidat suo fine, nec assequatur quod inten-
dit, quò pertinent decreta conditionata quæ illi tribuunt, non potest ad-
mitti: Quia Scriptura testatur immutabile esse Dei consilium, & ejus vo-
luntati non posse resisti, Is. 46. 10. Rom. 9. 19. si verò illi non resistitur, uti-
que perficiet necessariò quod intendit. Secundò, voluntas inefficax non po-
test Deo tribui, quin ipse arguatur vel ignorantia, quòd nesciverit eventum
non successurum, vel impotentia, quòd non potuerit effectui dare quod in-
tendebat: Nec dici debet, hoc non fieri ex impotentia, sed ex beneplacito,
quia noluit tantam vim adhibere, quæ rem ad effectum posset infallibiliter
perducere; Nam eo ipso concluditur Deum seriò hoc non voluisse; nam
qui seriò aliquid intendit, media omnia adhibet quæ sunt in sua potestate
ad illud assequendum. Denique quæ rationes docent non dari voluntatem
antecedentem, eadem probant non dari inefficacem.

XVI. Licet omnis Dei voluntas sit *efficax*, quia eventum quem inten-
dit semper assequitur; non statim debet esse *efficiens*: efficientia enim tan-
tùm est in bonis, sed efficacia etiam in malis.

XVII. Loca quæ desiderium vel votum Deo tribuunt, non statim ar-
guunt voluntatem aliquam in eo inefficacem, sed humanitus dicta, sunt
γενεσιως intelligenda, nisi Anthropomorphitarum deliria adoptare ve-
limus: Si ad præteritum referantur, nihil aliud notant, quàm seriam im-
probationem peccatorum commissorum, cum exprobratione vehementi
ingratitude hominum, & declaratione bonorum quibus exciderint, &
malorum in quæ inciderint suis peccatis: sic intellige loca Ps. 81. 14. *U-* Ps. 81. 14.
tinam populus meus obtemperasset mihi, Israël in viis meis ambulasset &c. Et Is. 48. 18.
Is. 48. 18. *Utinam attendisses ad mandata mea, facta fuisset sicut flumen*
pax tua. Si verò ad futurum respiciant ut Deut. 32. 29. *Utinam talem ha-* Deut. 32.
beant mentem, ut timeant me & custodiant mandata mea, ut bene sit eis &c. 29.
innuunt tantùm serium mandatum suis promissis & comminationibus
suffultum, quo declarat quid approbet tanquam honestum & sanctum, &
quantopere illi placeant qui ipsi obsequuntur.

XVIII. Quod Deus testatur apud Ezech. 18. 23. *Se nolle mortem pecca-* Ezech. 18.
toris, sed ejus conversionem & vitam; non facit pro voluntate inefficaci
vel velleitate Dei, quia verbum חַיִּים quod ibi occurrit, non tam *deside-*
rium, quàm *delectationem* & *complacentiam* notat, ut dicatur Deus non
delectari supplicio impiorum, quatenus est creaturæ interitus, licet illud
velit ut sonat justitiæ suæ exercitium. Ita dicitur velle peccatorum respi-
scientiam *approbative* & *præceptive*, ceu rem sibi gratissimam & mandatis
suis expressam, etsi eam omnium respectu nolit *decretive* & *effectivè*.

Quæst.

XIX. Tertia distinctio est voluntatis in *Absolutam & Conditionalem*.

XVI.

*Voluntas
absoluta &
conditiona-
lis.*

Illa dicitur quæ aliunde non pendet, præsertim à conditione aliqua externa; Ita quæ suspensa est à conditione extra Deum; v. g. quum concipitur Deus velle servare Judam si credat: hæc verò licet à quibusdam admittatur minùs propriè respectu voluntatis præcepti, quia promissiones & comminationes proponuntur conditionatè; si tamen intelligatur de voluntate decreti & beneplaciti, ut volunt Adversarii, meritò exploditur; quia Deo est indigna, repugnans quippe ejus tum independentiæ, tum sapientiæ, & potentia; quia dubia manet & incerta, suspensa puta ab hominis voluntate mutabili, atque adeò inefficax & frustranea, per quam sine suo Deus sæpe ex-cidere debet.

XX. Rursus conditio sub qua concipitur Deus aliquid velle, vel erit certò futura ex Dei decreto, vel certò non futura, imò nec possibilis. Si prius, non amplius erit conditionalis, sed absoluta; cum conditionem supponatur Deus velle, non utique conditionatè, quia alias daretur processus in infinitum, sed absolutè; si posterius, statueretur Deus aliquid seriò intendere sub conditione nunquam futura, imò & impossibili, quam Deus ipse dare non vult, qui solus dare potest; quod si de homine sapiente dici nequit, non sine summa sapientissimæ & potentissimæ Majestatis divinæ injuria ipsi tribui potest.

XXI. Interim, ne hic aberremus, *Voluntas Conditionalis* bisariam spectari debet, vel à priori & antecedenter, quæ à conditione suspenditur; vel à posteriori & consequenter, cujus scilicet executio sit interveniente aliqua conditione in creatura: posteriori sensu voluntas, sed minùs accuratè, potest vocari conditionalis, quia decreta Dei cum fine media etiam ordinant quibus executioni mandentur, ut qui nobis decernit salutem, decernit etiam fidem & poenitentiam tanquam media ad eam obtinendam: sed priori de quo quæritur, non potest admitti, quia sic omne beneplacitum Dei est absolutum.

XXII. Aliud est conditionem se tenere à parte *actus interni* seu ipsius *volitionis*: Aliud à parte *objecti externi* seu *rei volita*: posteriori sensu damus volita esse conditionata; sed non priori, ut ipsa volitio a conditione pendeat: v. g. salus nobis à Deo decreta conditionalis potest dici, quia non datur nisi interventu fidei; sed non ipsum decretum salutis, quod absolutum est, tam respectu finis, id est, salutis, quàm mediorum quæ Deus absolute & sine conditione suis electis omnibus largiri statuit.

XXIII. Propositio ergo ista Deum velle hominibus salutem si crediderint, duplicem potest habere sensum. Vel significat Deum velle seu statuisse, ut salus nobis contingat sub conditione fidei, id est, modò crediderimus, quod utique verum est: sed hic salus nostra tantum conditionalis evadit, non autem voluntas Dei. Imò voluntas Dei constituit tam conditionem,

ditionem, quàm salutem. Vel significat ex conditione fidei positâ vel prævisâ saltem oriri in Deo voluntatem conferendi hominibus salutem; Et hoc sensu falsa est propositio; quia nihil temporale potest esse causa illius quod æternum est. Ita non concipienda est voluntas in Deo quæ suspenditur à conditione antecedenter, sed quæ ponat ipsam conditionem consequenter tanquam medium. Non vult servare homines si credant; sed vult eos credere ut serventur, vel vult eos servare per fidem quam ipsis dare statuit. Sed de his postea fusiùs agendum erit, quum de Decretis disputabitur.

Quæst.
XVII.

QUÆSTIO XVII.

An Voluntatis Dei aliqua possit dari Causa? Neg.

I. **Q**uæstio ista ex præcedentibus pendet; & propter Pelagianos necessaria est, qui in negotio Prædestinationis causas voluntatis divinæ extra Deum quarunt in prævisione fidei, vel boni usus liberi arbitrii. Nos verò cum Orthodoxis nullam causam propriè dictam voluntatis Dei extra Deum quærendam esse censemus.

II. Ad statum quæstionis nota: Aliud esse quærere de *ratione voluntatis Dei*; Aliud de *Causa*. Non quæritur hic, An aliqua possit dari ratio voluntatis Dei; nec enim potest esse *αλογος* voluntas Dei, qui omnia fecit sapientissimè, et si plerumque ratio illa nos lateat; *Voluntatis Dei*, inquit Aug. epist. 59. ad Paulinum, *occulta causa esse potest, injusta esse non potest*, ubi causam sumit pro ratione, quia alibi lib. 1. de Genes. cont. Mani. c. 2. statuit absurdum esse quærere causam voluntatis Dei; *Causas voluntatis Dei sine fine quærunt, cum voluntas Dei omnium quæ sunt ipsa sit causa*. Sed quæritur de causâ propriè dictâ, quæ voluntatem Dei moveat ad hoc vel illud volendum; quam dari posse statuunt Adversarii; Nos negamus.

Status
Quæstio-
nis.

III. Ut Dei voluntas est omnium rerum causa, Ita ipsa nullam sui causam habere potest: & tam certum est causam voluntatis Dei extra ipsum nullam dari, quam certum est nihil Deo prius esse: nam si habet causam, est aliquid quod eam antecedit; sic esset causa secunda non prima, regulum non regula. Unde Lombard. l. 1. dist. 45. *Qui causam quærit voluntatis divinæ, aliquid majus eâ quærit, cum nihil majus sit*. Adde quod cum voluntas Dei sit æterna, nullam potest habere causam extra se non æternam.

IV. Aliud est causam dari ex parte *actus volendi*; Aliud ex parte *rei volitæ*. Priori sensu nulla potest dari causa voluntatis Dei, sed posteriori dari potest, quia inter Dei volita alia aliorum possunt esse causæ: Sic Christus dici potest causa *salutis decreta*, quia nobis datur propter Christum; sed non *decreti salutis*, quia ex solo Dei beneplacito fluxit: Hoc volunt

Scho-

Quæst.
XVII.

Scholastici, quum dicunt Deum *velle hoc propter hoc*, sed non *propter hoc velle hoc*, v. g. velle salutem propter Christum, sed non propter Christum velle salutem, ut Christus qui est causa meritoria salutis, se teneat ex parte salutis quam nobis acquisivit, non verò ex parte decreti ipsius quo nobis destinatur. Ita datur ordo & causalitas inter res volitas à Deo, ut una sit propter aliam; sed non in volitione divina, quæ nullam causam extra se agnoscit.

V. Ut *Proprietates Dei* aliæ sunt *Absolutæ*, quæ nituntur Jure Dei absoluto & supremo ejus dominio, qualis est potentia & potestas ejus *ἀνεξαρτητὴ*: aliæ *Respectivæ*, quæ nituntur jure virtutibus temperato, & quæ ad egressum sui requirunt conditionem aliquam, vel qualitatem in objecto circa quod se exercere debent; qualis est Justitia quæ peccatum, & Misericordia quæ miseriam supponit. Ita de actibus voluntatis quæ juxta illas operatur ratiocinandum est. Nam quum operatur ex proprietatibus absolutis, ut supremus Dominus & arbiter omnium, v. g. quum vult creare aut eligere unum præ alio, voluntatis ejus non modo nulla est causa præter ejus beneplacitum, sed nec ulla conditio, aut qualitas in objecto quâ moveatur; nam potentia quidem objectum suum non supponit, sed constituit; & electio cum sit inter pares, nihil videt in uno præ alio, quo inter se discriminentur, unde ex mero suo beneplacito agit. Quum verò agit ex respectivis, ut ex justitiâ ad puniendum, vel ex misericordia ad salvandum, licet qualitas quædam supponatur semper in objecto, puta vel peccatum, vel miseria, non potest habere locum causæ propriè dictæ, quia sic vel omnes damnarentur, quia sunt peccatores, vel omnes salvarentur, quia sunt miseri; sed tantum qualitatis in objecto requisitæ ad istarum proprietatum exercitium; & si quædam causa aut motivum quærendum est, non quærendum est extra Deum, sed tantum in ejus justitiâ & misericordia, quibus voluntas ad agendum incitatur.

VI. Licet inter effecta voluntatis divinæ, quædam habeant rationem causarum respectu aliorum, ut Deus voluit ordinem esse aliquem tum in natura, tum in gratia, quo inter se connecterentur, non tamen ea est illorum vis, ut divinam voluntatem ad actum suum eliciendum permovere possint, quippe quæ sint ipsius ut primæ causæ effecta: Cur hoc vel illud ita fecerit Dominus, non alia asserri potest causa, quàm quia voluit: Cur autem sic voluerit, si ultra pergis rogare, majus aliquid quæris & sublimius Dei voluntate, quod inveniri non potest. Compescere ergo se debet humana temeritas, & non quærere quod non est, ne fortè id quod est non inveniat.

QUÆSTIO XVIII.

QUÆST.
XVIII.*An Voluntas Dei sit prima Justitiæ regula? Dist.*

I. **Q**uæstio ista non modò mota fuit à Scholasticis, qui hîc in partes abierunt; sed etiam inter ipsos Orthodoxos agitur: quorum alii stant pro affirmativa, statuentes omnem bonitatem & malitiam moralem à libera Dei voluntate pendere, & nihil esse bonum & justum, nisi quia Deus vult. Alii contra stant pro negativa, & bonitatem aliquam & justitiam in actionibus moralibus essentialem agnoscunt antecedenter ad Dei voluntatem, ita ut res illæ non sint bonæ & justæ, quia Deus vult; sed Deus eas velit, quia bonæ sunt & justæ.

II. Nos posteriorem sententiam sequimur, positis istis distinctionibus. 1. Voluntas potest dici prima regula justitiæ, vel *ab intrinseco*, vel *ab extrinseco*, id est, vel respectu Dei, vel respectu rerum omnium extrinsece: priori sensu, ut à Justitia Dei reguletur ejus voluntas; posteriori, ut justitia in nobis non aliunde reguletur quàm ab ipsius voluntate. 2. ut *Jus* Dei aliud est *naturale & indispensabile*, quod fundatur in ipsa Dei natura & sanctitate, aliud *liberum & positivum*, quod pendet tantùm ab ejus voluntate; Ita bonitas vel malitia rerum potest referri, vel ad jus naturale, vel ad jus positivum.

III. Hoc posito, dico, *Voluntatem* posse dici & revera esse primam justitiæ *regulam ab extrinseco, & respectu nostri*, non verò ab intrinseco & respectu Dei. *Respectu nostri*, quia fons omnis justitiæ non alibi quæri debet quàm in voluntate Dei, quæ ut perfectissimè in se justa est, ita regula est omnis rectitudinis & justitiæ; primum enim in unoquoque genere est regula cæterorum: hoc sensu Theologi dicunt voluntatem Dei esse summam regulam justitiæ, ideoque quæcunque Deus vult ideo esse justa & bona, quia Deus vult. Sed *respectu Dei*, non semper voluntas potest dici prima regula justitiæ, regula est in iis quæ bonitatem tantùm liberam & positivam habent, sed non in illis quæ habent bonitatem essentialem, id est, in cæremonialibus, non in moralibus: in istis enim regulatur voluntas Dei, non quidem ab extrinseco sed ab intrinseco, nimirum à natura sua sanctissima; unde bene dictum est, res quasdam esse bonas, quia Deus vult, qualis est observatio cæremoniarum, & mandata omnia positiva; alias verò Deum velle, quia justæ sunt & bonæ, qualis est amor Dei & proximi, quia tales sunt per se & naturâ suâ, & si per impossibile Deus eas non præciperet, non desinerent esse justæ, adeoque à nobis præstandæ.

QUÆST. XVIII. IV. Rationes sunt. I. Quia ut datur in Deo Justitia & Sanctitas naturalis antecedenter ad voluntatem ejus liberam: ita Bonitas & Justitia moralis quæ fundatur in justitia & sanctitate Dei, & illius refert imaginem, non potest non esse naturalis. Et ut Deus non potest seipsum abnegare, vel non amare sanctitatem suam: Ita non potest non amare ejus imaginem, eamque tanquam justitiæ & sanctitatis regulam perfectissimam creaturæ præscribere.

V. 2. Quia datur in Deo jus aliquod æternum & indispensabile, antecedenter ad omnem liberum voluntatis actum, per quod ut Creator dominium habet in Creaturam; ita Creatura debet dependere à Deo, non modo in genere Entis quoad conservationem, sed & in genere moris quoad cultum & obedientiam, & talis est & tam arcta illa obligatio, ut contrarium ejus *divinum* nec statui possit sine repugnantia; non magis enim concipi potest Deus eximere Creaturam ab hoc officio, quàm seipsum abnegare. Cum ergo tale jus sit in Deo antecedenter ad voluntatem ejus, datur regula aliqua justitiæ independenter à voluntate.

VI. 3. Si voluntas Dei esset prima regula justitiæ etiam ab intrinseco, ut nihil esset bonum & justum nisi quia Deus vult; sequeretur nullum esse atheismum, magiam, Epicureismum, odium & blasphemiam Dei, & alia idgenus crimina quæ Deus non posset mandare; & eo ipso moraliter bona reddere quæ præcepta: quicquid enim potest cadere sub præceptum Dei, potest etiam honestari & justum reddi. Sic Deus poterit dispensare de omnibus præceptis Decalogi, & præcipere creaturæ ut credat Deum non esse bonum & sanctum, non esse adorandum, sed potiùs odio prosequendum, imò & non esse, quod horret animus referre. Sic Deus si vellet, posset esse author & approbator inobedientiæ hominis, posset enim illi mandare ne sibi quodcunque præcipienti aut vetanti obediat; nulla enim supponitur esse obligatio in homine, nec jus obligationis in Deo antecedenter ad Dei voluntatem. Sic nulla daretur justitia vindicatrix essentialis in Deo, nec ulla esset urgenda necessitas Satisfactionis contra Socinum, quod faciunt tamen qui istam sententiam amplectuntur.

Fontes
Solutio-
num.

VII. Deus non subest ulli officio morali *ad extra*, quia nemini debitor est, nullaque causa est extra Deum quæ illum possit obligare: sed *ad intra* obligari potest, quia sibi ipsi debitor est, nec potest seipsum abnegare; ut Filius in divinis obligatur ad operandum à Patre, & pater obligatur ad amandum filium. Sic in actionibus *ad extra*, posito productam esse creaturam, Deus non potest non illi imperare, & præcepta dare justa & sancta.

VIII. Lex dicitur norma omnium actionum bonarum & malarum *quoad nos* & cognitionem nostram, quia non aliunde ratio bonitatis & malitiæ nobis innotescit quàm à Lege; sed *quoad Deum* & jus ipsum obli-
gandi

gandi vel imperandi, datur antecedenter ad voluntatem Dei, quia fun- Quæst.
XVIII.
datur in ipsa maiestate & sanctitate Dei.

IX. Absurdum est dicere Deum dependere ab aliquo extra se, sed non Deum dependere à seipso, modò hoc *θεογονεπὶς* intelligatur, id est, ut nihil velit Deus nisi juxta sanctitatem & justitiam suam.

X. Deus est exlex à Lege quam ponit homini, formaliter scilicet sumendo legem ut lex est; sed non est liber & absolutus ab omni materia Legis, ut oppositum ejus possit aut præcipere, aut ipse facere, v. g. ut credat se non esse Deum, & aliis mandet hoc credere, quod piæ aures sine horrore audire non possunt.

XI. Licet divina Voluntas sit simpliciter libera ad extra, tamen ex suppositione unius actus liberi potest necessitari ad alium; ut si velit promittere absolute, non potest non promissum implere; si vult loqui aut se revelare, necessario debet revelare verum; si vult gubernare, debet justè gubernare. Ita voluntas divina non potest determinari ex se ad volendum, ut aliquid sit aut non sit, sed bene determinari potest respectu complexorum ad rectitudinem eorum quæ sunt, aut quæ vult esse.

XII. Peccatur ab homine immediate in Legem Dei revelatam, sed peccatur etiam mediatè & consequenter in Deum authorem Legis, & supremum Dominum qui Legem fixit. Sic peccatum semper manet *ἀνομία* tam respectu Legis externæ revelatæ, quàm æternæ quæ fundatur in sanctitate Dei.

QUÆSTIO XIX.

DE JUSTITIA DEI.

An Justitia Vindicatrix sit Deo naturalis? Aff.
contra Socinianos.

I. **A**D Voluntatem Dei pertinent *Virtutes*, quæ Deo tribui solent, non sub ratione habitus ad modum virtutum humanarum; sed quatenus notant perfectionem eam quæ est in habitu, & promptitudinem agendi; licet de cætero ab essentia non differant. Possunt autem illæ ad duas præcipuas referri, quæ alias sub se complectuntur, *Justitiam* & *Bonitatem*. Illa est quâ Deus in se sanctus est & justus, & constantem voluntatem habet suum cuique tribuendi. Ista, quâ Deus summè bonus concipitur, & omnis boni dator.

II. *Justitia* vox, ut de ea dicamus primùm, in genere bifariam usurpari solet; vel pro universo omnium virtutum complexu, ut injustitia pro quo- *Justitia a-
lia univer-
salis.*
vis peccato sumitur, quæ *justitia universalis* dicitur, per quam ut Deus in se justissimus est & sanctissimus, ita in omnibus operibus suis incorruptam

Quæst. servat rectitudinem & justitiam, cui longè perfectiùs competit quod de
NIX. justitia humana dixit Poëta,

Ἐ δὲ δικαιοσύνη σου ἡ ἐδωκεν πᾶσι ἀπὸ ἐστ.

Adcompertinent in specie *Benignitas & Beneficentia*, *Constantia & Fidelitas* in promissis implendis, quæ sæpissimè in Scriptura *justitia* nomine veniunt. Vel pro *Justitia particulari*, quæ suum cuique tribuit, quæ in pœnarum vel præmiorum distributione occupatur, quæ *distributiva dicitur*, quamvis circa præmia piorum, ut suo loco dicetur, non ipsorum merita, sed sua dona coronet, & dei potius quod suum est, quàm reddat quod nostrum, ut Concil. Araus. cap. 22. loquitur. Unde non tam propriè quàm analogicè Deo tribuitur. Ad *Commutativam* verò quod attinet, quæ proportionem arithmeticam servat, cùm in dati & accepti æqualitate posita sit, & per eam dominium transferatur, quorum neutrum de Deo dici potest, *Quis enim prior dedit ei, ut reddatur ei?* Rom. 11. 35. eam à Deo removendam esse cum sanioribus Scholasticis censemus.

III. Rursus, *Justitia Divina* potest considerari, vel *absolutè & in se*, quo pacto nihil aliud est, quàm Naturæ Divinæ rectitudo & perfectio, quæ dicta est à nobis *Justitia universalis*, & ab aliis *Justitia Dei*, quæ competit ipsi quia Deus est: Vel *relatè respectu egressus & exercitii* quod habet per voluntatem divinam, secundum regulam juris sui supremi ac sapientiæ æternæ. Duplex verò potest observari: Vel in *regimine & gubernatione* creaturarum, quæ vocatur *Justitia Dominica*, quæ illi competit, quia Dominus est, & supremus rerum Arbiter, qui facit de suo quod vult, & actiones omnes suas in gubernando & administrando res creatas dirigit, secundum normam juris & sapientiæ suæ; quod enim in rebus administrandis nobis Lex est, in Deo est jus suum, cum sapientissimâ & justissimâ voluntate conjunctum: Vel in *Judiciis* iisque vel præmiantibus, vel vindicantibus, & hoc vel ad castigationem, vel ad ultionem, quæ *Justitia vindicatrix* vel *ultrix* dicitur, de qua quæstio proposita agit: ad cuius intelligentiam quædam de ea præmittenda sunt.

Statu

Quæstio-
nis.

IV. Politâ Creaturâ rationali & ejus dependentiâ morali à Deo primus egressus hujus justitiæ est in *constitutione Legis pœnalis*, non simpliciter quia Lex est, hoc enim propriè pendet à *Justitia regiminis*, sed quia *pœnalis*: Secundus egressus est in *ipsa pœna inflictione*; Sed ipsa rursus spectari potest, vel quoad *rem & substantiam* ipsam pœnæ in genere, vel quoad *modum & circumstantias*, quæ attenduntur, vel in tempore, vel in gradu, vel in personis. Rursus, *Jus Dei* circa pœnam, vel est *summum & rigorosum* quod vocatur ἀνεξέλεγκτον, vel est *Jus* quadam *immoderate temperatum*: quoad prius, pœna imponitur non modò peccato sed & ipsi personæ peccatrici; quoad posterius, multiplex datur moderatio in justitiæ exercitio, vel in tempore per dilationem, vel in personis per trans-

translationem, vel in gradibus per mitigationem. Hinc duplex jus oritur circa pœnæ inflictionem; aliud necessarium & indispensabile respectu peccati ipsius, aliud verò liberum & positivum respectu peccatoris. Justitia postulat necessariò ut peccatum omne puniatur, sed non pariter postulat ut puniatur in ipsa persona peccante, vel tali tempore & gradu; quod non malè à Scholasticis expressum, quando dixerunt *impersonaliter* pœnam necessariò infligi omni peccato, sed non *personaliter* omni peccatori.

V. Licèt autem justitiæ egressum necessarium constituamus, non negamus tamen Deum liberè eam exercere: Necessitas quippe ista non est exclusiva *libertatis concomitantis*, sed tantùm *indifferentia antecedentis*, secundùm quam dicimus positâ creaturâ peccatrice Deum liberè quidem, id est, sponte & sine coactione, inclinari ad pœnam infligendam, sed non indifferenter, quasi posset pro libitu plectere vel non plectere.

VI. Unde patet etiam quo sensu *naturalis* dicatur ista justitia; non quasi necessitatem physicam secum trahat, sed quia in ipsa Dei natura fundatur, imò & cum ipsa identificatur, licèt non possit sese exerere ad extra nisi mediante actu intellectus & voluntatis, eodem modo quo alia attributa, quæ licèt naturalia sint, non exercentur tamen nisi mediante liberâ voluntate, ut bonitas, sapientia &c.

VII. Justitia ista trifariam spectatur; Vel per modum *δυναμews* seu facultatis, quo sensu est ipsa voluntas Dei averfans, & punire volens peccatores; Vel ut *ἐνέργεια* ipsa & actus judicii seu punishmentis, quo judicia sua in peccatores exequitur; Vel pro effectu ipso seu pœna à justitia inflicta: Nos hîc non de tertio significato, sed de primo & secundo agimus, qui videntur conjungi Ps. 119. 137. *Justus es Deus, & iusta judicatura.*

VIII. Quæstio hîc nobis movetur à Socinianis de Justitia ista vindicatrice; qui ut faciliùs Satisfactionem Christi destruant, negant Justitiam vindicatricem Deo esse naturalem, sed tantùm liberrimæ voluntatis effectum, quæ possit esse & non esse, eadem ratione quâ liberum fuit Deo creare mundum, & non creare. Fatetur quidem *Socinus* Deo talem justitiam competere, quâ si perpetuò uti vellet, fas esset omnes peccatores, non expectatâ ipsorum pœnitentiâ, destruere, & sic nullum peccatum impunitum dimittere, lib. 1. de Serva. c. 1. Concedit etiam Deum nolle peccatum remittere nisi resipiscentibus. 3. non negat Deum constituisse pœnam peccati secundùm normam juris & sapientiæ suæ; Sed negat dari ullum attributum in Deo, quod satisfactionem pro peccato necessariò exigat, sed si peccatum punit, hoc esse liberrimum voluntatis ejus effectum à quo possit abstinere. Sic *Socin.* prælect. c. 16. *Nec enim*, inquit, *in Deo ulla est justitia, quæ peccata omnino punire jubeat, cui ipse renunciare non possit. Est quidem in Deo perpetua justitia: sed hæc nihil aliud est quam aequitas & rectitudo.* Et post pauca, *Justitia ista vulgari nomine sic*

Quæst. appellata, quæ misericordiam opponitur, Dei qualitas non est, sed tantum effectus voluntatis ipsius, quod confirmat lib. 1. de Serva. c. 1. & lib. 3. c. 1. & Ostorod. Insti. c. 31. Crolli. lib. 1. c. 23.

IX. Orthodoxi contra, Justitiam hanc proprietatem Dei essentialem esse pertendunt, non verò liberæ tantum voluntatis effectum: Hic tamen fatendum inter ipsos Orthodoxos dari aliquam sententiarum diversitatem circa exercitium justitiæ istius, quod alii necessarium statuunt, alii liberum & indifferens, à quo scilicet Deus possit abstinere si velit; Unde de necessitate Satisfactionis diversimodè sentiunt. Quidam eam hypotheticam tantum statuunt, ex hypotheti scilicet voluntatis & decreti divini, ut Deus non potuerit remittere peccata sine satisfactione; non quòd hoc Justitia ejus absolutè & necessariò exigeret, sed quia ita decrevit; quam sententiam post quosdam ex Doctoribus nostris, qui ante Socinum exortum securius loquebantur, Twissus sequitur. Alii verò absolutam ponunt, quæ non ex decreto tantum pendeat, sed etiam ex justitiâ divinâ oriatur. Licet verò utrique consentiant in cardine quæstionis contra Socinianos necessitatem Satisfactionis negantes, certum tamen est longè efficaciorē esse ad hæresim illam pestilentissimam jugulandam, & convenientiorē naturæ Dei, & verbis Scripturæ posteriorem sententiam, quæ hodie ferè est communis omnium.

Justitia
vindicati-
va proba-
tur ex Scri-
ptura.

X. Quæstio ergo ad hos redigitur terminos; An Justitia Dei vindicatrix, ita sit Deo naturalis ut non possit non se exercere positâ Creaturâ peccatrice, & ei repugnet peccatum relinquere inultum; An verò ita sit libera in Deo, ut ejus exercitium à sola ejus voluntate & beneplacito pendeat: Posterius volunt illi cum quibus agimus; Nos prius tuemur.

XI. Justitiam ultricem Deo esse essentialē, præ cæteris ista quatuor evincunt. 1. Scripturæ vox. 2. Conscientiæ dictamen & Populorum consensus. 3. Legis Sanctio cum toto Sacerdotio Levitico. 4. Nostra per Christi mortem Redemptio. Scriptura istam justitiam passim Deo tribuit; Primò in iis locis in quibus Deo perfectæ sanctitatis & justitiæ laus tribuitur, per quam dicitur summè detestari & averfari peccatum Exod. 34. 7. Tu Deus es, qui nullo pacto absolvis fontem, visitans peccata parentum in filios &c. Et Habac. 1. 13. Purior es oculis, quàm ut aspicias malum. Ps. 5. 5. Non es Deus fortis qui delesteris improbitate, non est commoraturum apud te malum: Et alibi passim; Unde colligimus, Si odium peccati in Deo est necessarium, justitiam pariter necessariam esse, quia odium peccati est voluntas constans puniendi, quæ non potest effectu carere in eo qui viribus non destituitur: In nobis quidem potest sæpius dari averfatio sine punitione, vel quia vires non suppetunt, vel quia privatorum non est ultionem facere, sed Rectorum & Magistratum; sed in Deo res aliter se habet, qui & summâ potentiâ & summâ auctoritate est instructus.

Ideo

Ideo si peccatum odit necessariò, necessariò debet punire: *NECESSARIÒ AU- QUEST. XIX.*
tem cum odisse peccatum, constat ex amore justitiæ illi opposito; Ut
enim necessariò amat justitiam, ut non possit illam non amare; Ita neces-
sariò ex natura contrariorum averfari debet peccatum, & averfando puni-
re: Nam ut qui rem aut personam amat, ei bene vult, & si potest benefa-
cit; Ita verum odium & averfatio dari nequit, quin post se trahat depulsi-
onem & destructionem contrarii. Aliàs si posset non punire, posset non
odisse, si posset non odisse, posset amare, quod *αἰσῶμαι*. Nec si peccata
electorum non punit, sequitur ipsum ea multa relinquere, quia in Chri-
sto punivit.

XII. Secundò in iis quæ Deo justis Judicis *κρίσις* tribuunt, ut Gen.
18. 25. *An Judex totius terræ non exerceret jus?* Rom. 3. 6. *Num in-
justus Deus qui inferi pœnam?* Absit, alioqui quomodo Deus judicaret
mundum? Rom. 1. 18. 31. *Paret ira Dei è Cælo adversus omnem impie-
tatem & injustitiam hominum, qui & hoc esse Jus Dei agnoscunt, nempe
eos qui talia faciunt dignos esse morte.* 1. Thess. 1. 6. *Justum est apud Deum
reddere afflictionem iis qui vos affligunt.* Cum enim Judicis & Rectoris
munus naturaliter Deo competat, Jus *ἐπιτιμωτικὸν* circa pœnam, quod ex
illo pendet, debet esse essentiale, atque adeò Justitia ultrix, quæ illo nititur.

XIII. Scripturæ testimonium confirmat secundò *Conscientia dictamen* ^{2. Ex Con.}
& *populorum consensus*; Illa quidem dum sistit hominem ad Tribunal Dei, ^{scientia}
& eum vel acculat vel excusat in bene vel malefactis Rom. 2. 14. 15. Ille ^{sensu &}
verò per quem apud omnes populos etiam ferissimos obtinuit ista persua- ^{populorum}
sio Deum esse justum Judicem scelerum, & si non exerceret hanc justiti- ^{consensu.}
am, non fore Deum. Hinc *διὰ τὴν* Jovis filiam finxerunt, quam rebus
humanis præfectam voluerunt, ad ulciscendas injurias & pœnas infligen-
das illis qui adversus Deos deliquissent. Unde verò publica ista conscien-
tiæ vox, quæ homines arguit & terrorem illis incutit? Unde cæca illa
verbera quibus torquentur post admissum scelus, etiam nemini cognitum,
nisi ex justitiæ ultricis firmissima persuasionem, per quam, ut notum est
ipsis *θεὸν εἶχεν ἐκδικεῖν ὄμμα*, ita ad ejus vindictam tremunt & expavescunt?
Hunc verò publicum consensum, ut variis modis testatum fecere, ita
præsertim sacrificiis probarunt, de quibus affirmat *Plinius* iis consensisse
totum mundum, quamvis discordem & sibi ignotum. Cum enim sacrifi-
cia in eum potissimum finem sint instituta, ut iis divini Numinis ira averte-
retur, liquet hanc *πρώληψιν* ipsis insitam esse, Deum justum non posse non
esse scelerum vindicem. Et tam altas hæc notio in ipsorum animis radices
egit, ut ad infandum *αἰνθροποθύσιαι* facinus impulsi sint, ut excellentiori
scilicet sacro felicius litarent irato Numini.

XIV. Tertiò, *Lex ipsa* moralis & cæremonialis idem adstruunt; ^{3. Ex Lege.}
Cum enim illius præcepta magna ex parte sint indispensabilia, quæ
jure

QUEST.
XIX.

jure Dei æterno & naturali nituntur, necesse est ut sanctio pœnalis, quæ illis additur ejusdem sit naturæ, eò vel magis, quòd, ut antea probatum, detur connexio necessaria & naturalis inter peccatum & pœnam, malum morale & phylicum, quemadmodum bonum morale & physicum indivulso nexu inter se copulantur. Cæremonialis verò eòdem tendit, cùm totus apparatus sacrificiorum legalium non aliò respexerit quàm ad ostendendam necessitatem expiationis peccatorum, ut satisfaceret Justitiæ divinæ: Nec toties urgeret Paulus sacrificia ista reatum peccati tollere non potuisse, si ille nullâ justitiæ necessitate, sed solâ Dei voluntate auferri potuit: nam quod à libera Dei voluntate pendet, non minùs potuit interventu victimarum legalium peragi, quàm alio sanguine. Cùm ergo impossibile fuerit sanguinem taurorum peccata tollere Heb. 10. 3. 4. non modò ex Dei voluntate, sed ex ipsius etiam rei natura, quia tam fœda res est peccatum, ut nullo hircorum sanguine elui possit, consequens est ut dicamus, talium sacrificiorum necessitatem, non à sola voluntate, sed ab ipsa Justitia Dei essentiali pependisse.

4. Ex mor-
te Christi.

XV. Quartò, *Mors Christi* hoc non minùs evidenter demonstrat: Nam si liberum fuit & integrum Deo punire peccatum vel non punire, illâ suâ Justitiâ, ita ut nulla ratio præter solam voluntatem Deum impulerit ad Filium in mundum mittendum, qui pro nobis moreretur, quænam excogitari potest ratio legitima propter quam Deus dilectissimum & sanctissimum Filium suum crudelissimæ & maledictæ morti subicere voluerit? An summa Dei bonitas & sapientia patitur ut credamus hoc gratis & sine maxima quadam necessitate factum fuisse? An Deus qui non delectatur morte peccatoris, delectatus fuisset morte innocentissimi Filii, si hoc pependit absolutè à mero ejus arbitrio, & nullâ alia ratione motus fuit ad illum neci dandum? Quod ergo sese pro nobis obtulit, non fuit nudæ voluntatis opus, sed justitiæ, quæ hoc sacrificium ad sui satisfactionem postulavit; unde dicitur *constitutus à Deo in placamentum ad ostendendam justitiam suam*, Rom. 3. 24. 25. *Et reconciliasse nos Deo per sanguinem suum*, Col. 1. 20.

Fontes
Solutio-
num.

XVI. Non semper licet de jure suo remittere; Licet quidem de *jure positivo & libero*, non verò de *naturali*; Licet de *jure privato crediti*, quod ad utilitatem propriam spectat, non de *jure publico Rectoris & Judicis*, quod majestatem Legum, & honestatem, ac officii executionem respicit; ut Magistratus peccaret, si nimîâ indulgentiâ de jure puniendi peccata remitteret, ut sceleribus impunitatem largiretur. At *Jus pœnale* de quo loquimur, non est Jus positivum, sed *naturale* in ipsa Dei sanctitate & justitia fundatum, quod oritur ex dependentia essentiali creaturæ, quæ illam subicit Creatori suo, & quoad obedientiam ratione præceptorum, & quoad pœnam ratione sanctionis eorum. Non jus privatum crediti, licet enim peccata debitis quan-

quandoque conferantur, tamen sunt etiam *crimina*, quæ inulta non possunt manere sine præjudicio Legum; Sed est *Jus publicum Rectoris*, quia Deus non punit ut pars offensa, sed ut Judex, & supremus mundi Rector. QUEST.
XIX.

XVII. Quamvis autem Deus non puniendo peccatum nemini faceret injuriam extra se; faceret Justitiæ suæ quam impunè offendi non decet; faceret Legibus à se latis quarum majestatem factam tectam tueri debet, faceret bono publico; cujus est custos & administrator Deus; ut non potest seipsum abnegare, nec se naturali dominio quod in creaturam habet exuere, quod si faceret tamen, nemini esset injurius.

XVIII. Licet effecta justitiæ pendeant à voluntate Dei libera, non sequitur ipsam Justitiam, prout concipitur in actu primo, esse pariter actum liberum voluntatis; sed tantum esse proprietatem essentialem, quæ in exercitio & egressu suo requirit interventum liberæ voluntatis, quæ determinat de modo, de tempore, de gradu, & de personis quibus vult infligere pœnam.

XIX. Aliud est punire peccata ex *necessitate physica*, qualis est in igne ad urendum; Aliud verò ex *necessitate morali* & rationali: Si Deus juxta primam puniret peccata, verum est eum semper eodem modo acturum, & puniturum æqualiter, & quantum potest; Sed hoc non valet de necessitate morali, quia exercitium istius virtutis pendet à sapientissima Dei voluntate, quæ variam potest in pœnæ inflictione juxta *inmensitatem* adhibere modificationem sine præjudicio Justitiæ, quæ quidem exigit necessario ut omne peccatum puniatur; sed non statim omnis peccator, vel hoc vel illo tempore, hoc vel illo gradu.

XX. Quamvis justitiæ & misericordiæ effecta possint esse contraria propter diversitatem objectorum circa quæ versantur: non sequitur tamen ipsas virtutes esse in se contrarias, non magis quam Sol tibi contrarius est, quando liquefacit ceram & indurat lutum.

XXI. Alia ratio est Justitiæ & Misericordiæ Dei in exercitio: Nam misericordia quidem omnimodè est libera, ut possit sese exercere vel non exercere citra ullius injuriam, quia consistit in actu merè gratuito, quem non tenetur erga ullum exercere; nam sive misertus fuisset nostri, sive non, nullam fecisset cuiquam injuriam, quia hoc nemini debet. Sed Justitiæ actus licet sit liberrimus, est tamen necessarius, quia debitus; nam in eo consistit ut reddatur cuique quod suum est; & quamvis nihil debeat propriè creaturæ nullumque sit propriè loquendo hac in parte Jus creaturæ in ipsum, tamen hoc debet sibi, & conservationi Legum à se latarum, ita ut si hoc non faceret, justus non esset.

XXII. Si nulla creatura peccatrix, vel misera fuisset, Justitia & Misericordia non fuissent quoad *esse relatum*, & in actu exercitio; sed fuissent tamen semper quoad *esse absolutum*, & in actu signato, quomodo omnipotentia fuit in Deo ab æterno, et si nihil produxerit.

Q U Æ S T.
IX X.

XXIII. Quamvis Deus circa gradum pœnæ posset aliquam *ἐπιείκεια* admittere; non sequitur eum pariter posse omnes gradus pœnæ tollere, quia justitia quandam graduum latitudinem habet, extra quam si exiret, ne justitia quidem esset; licet verò talis gradus definiri non possit à nobis, Deus tamen optime illum definitum & perspectum habet.

XXIV. Non quæritur hic simpliciter, An Deus possit per potentiam peccatum non punire; sed, An possit per justitiam quæ propriè versatur circa pœnam, quod quia illi repugnat, ideo bene dicitur Deum non posse hoc præstare. Licet verò non sit formalis contradictio in terminis dicere peccatum non puniri, est tamen in re ipsa, quia sic infertur Deum non odisse peccatum & posse illud amare.

XXV. Quamvis ex jure absoluto Deus possit creaturam annihilare, non pariter potest illi innocenti cruciatum infernalem & æternum inferre; quia illud est summi Dominii effectum, hoc verò necessariò involvit *ἔκστασιν* ad justitiam, quæ talem cruciatum immerenti inferre non patitur, ut ferre non potest non obstante quantocunque demerito pœnam ipsam totam auferri. Vide Disp. de Necess. Satisf. P. I. & II.

Q U Æ S T I O XX.

DE BONITATE, AMORE, GRATIA, & MISERICORDIA DEI.

Quomodo inter se distinguantur?

I. **U**T Justitia vindicatrix de qua actum fuit Quæstione præcedenti, & *Odium*, *Ira*, & *Severitas*, quæ ad ipsam pertinent, occupantur circa mali phsyici seu pœnæ inflictionem: Ita *Bonitas*, & quæ sub ea continentur virtutes, puta *Amor*, *Gratia*, & *Misericordia*, versantur circa bonorum communicationem, sed diversimodè.

*Bonitas
Dei quæ
nam sit.*

II. *Bonitas* Dei est, quæ concipitur non modò *absolute & in se*, ut summè bonus & perfectus tanquam *ἀνωτάτος*, & *solus bonus* Marc. 10. 18. quia talis est originaliter, perfectè, & immutabiliter, sed etiam *relative & extrinsecè*, ut beneficus erga Creaturas; quæ *benignitas* etiam dicitur, quia de ratione boni est ut sit sui communicativum.

III. Quamvis bonitas ista ad omnes sese extendat Creaturas, non tamen sese extendit æqualiter, sed diversitatem maximam in bonorum communicatione ostendit; Unde alia est *generalis* quæ creaturas omnes prosequitur Pl. 36. 6. 7. Alia *specialis* quæ homines respicit, Act. 14. 17. Alia *specialissima* quæ electos, de qua Pl. 72. 1. *Deus bonus est Israël.* Si quæras diversitatis istius causas; dari possunt variæ præter ejus voluntatem.

I. Supremum ejus dominium decebat liberissimam in diffundendis donis suis

suis ostendere potestatem, quæ in hac inæqualitate maximè clucet. 2. Po-
 stulabat Dei sapientia, ut ordo quidam in rebus existeret, qui in superio-
 rum & inferiorum nexu conspicitur. 3. Faciebat hoc ad pulchritudinem
 Universi, quam perficiunt Creaturæ formâ, actionibus, & virtutibus
 distinctæ. 4. Meliùs hoc demonstrabat inexhaustum divinæ bonitatis fon-
 tem; cùm una creatura non posset omnem bonorum Dei communicatio-
 nem recipere, eam in plures derivari.

IV. Ex bonitate fluit *Amor*, per quem sese communicare gestit crea-
 turæ, illique sese veluti unire & benefacere vult, sed diversis modis & gra-
 dibus pro diversitate objectorum. Unde triplex gradus amoris divini con-
 stitui solet; primus quo creaturas prosequitur, qui vocatur *φιλοκασία*;
 secundus quo homines complectitur, qui dicitur *φιλανθρωπία*; tertius qui
 erga electos specialiter fertur, qui *ἐκλεκτοφιλία* nuncupatur. Nam quò
 quæque creatura perfectior est & præstantior, eò etiam majorem amo-
 ris divini effluxum & *κοινωνίαν* participat. Hinc licet amor *affectivè* con-
 sideratus, & à *parte actus interni* sit æqualis in Deo, quia in eum non cadit
 magis & minus; tamen *effective* spectatus sive à parte boni quod vult alicui
 est inæqualis, quia effecta amoris alia aliis sunt majora.

V. Triplex amor Dei vulgò statuitur, seu potius tres gradus sunt u-
 nius ejusdemque amoris; Primus, *Amor est benevolentia* quo Deus ab æ-
 terno bene voluit Creaturæ: Secundus, *Amor beneficentia* quo illi juxta
 bonam suam voluntatem in tempore benefacit; Tertius, *Amor compla-*
centia quo sibi complacet in creatura propter radios imaginis suæ quos in
 ea videt: duo priores antecedunt omnem actum creaturæ; posterior sequi-
 tur, non ut effectum causam, sed ut consequens antecedens; Amore bene-
 volentiæ nos diligit *antequam simus*; Amore beneficentiæ nos diligit *ut si-*
mus, & Amore complacentiæ nos diligit *quum sumus*, ad ejus scilicet ima-
 ginem renovati: Illo nos elegit, isto nos redimit & sanctificat, hoc verò
 nos sanctos & justos gratuito remuneratur; de primo agitur Joh. 3. 16. de
 secundo Eph. 5. 25. Apoc. 1. 5. de tertio Is. 62. 3. Heb. 11. 6.

VI. Amorem Dei erga nos quatuor maximè commendant, 1. *Maje-*
stas Diligentis; 2. *Tenuitas & indignitas Dilectorum*, 3. *Dignitas illius*
in quo diligimur, 4. *Multitudo & præstantia donorum*, quæ ab isto amore
 in nos exundant. 1. Deus nos diligit, qui in summâ *ὕψι* & beatitate
 constitutus non eget nobis, qui non tenetur ad nos amandos, imò qui
 potest justissimè odisse & perdere si vellet. 2. Dilecti sunt homines, non
 modò vanæ & fragiles Creaturæ; sed peccatores & rei, servi rebelles, qui
 tantùm abest ut aliquid tale mereantur, ut contrà odio & pœnâ sint dignif-
 simi, hostes puta & sceleratissimi. 3. Ille in quo dilecti sunt Christus est
 Eph. 1. 5. deliciae Patris cœlestis, & *character ejus Personæ*, Heb. 1. 3.
 quo nihil præstantius, nihil carius dare nobis potuit; licet totum orbem

Q U Æ S T.
XX. dedisset. 4. Effecta amoris sunt & multa numero, & magna dignitate; beneficia scilicet omnia quibus salus in hac vita inchoatur & perficitur in altera, & quod omnium beneficiorum caput est & summa, Dei ipsius donum, qui se nobis fruendum & in gratia & in gloria præbet.

Gratia VII. Amorem excipit *Gratia*, ex qua Deus dicitur *ἰσχυρὸς ὁ χάρις* *gratiosus* Exod. 34. per quam concipitur Deus, ut volens se communicare Creaturæ ex amore gratuito citra ullum Creaturæ meritum, & non obstante ejus demerito. Bisariam autem solet præcipuè sumi; vel *affectivè*, uti loquuntur, id est, ratione *actus interni* in Deo; vel *effectivè* ratione *effectuum* quæ ad extra producit in Creaturis: Illa est ergo nos, & ad eam nos habemus objectivè; Ista est in nobis, & ad eam habemus nos subjective. Priori sensu notat Dei *favorem & benevolentiam*, seu benignam & propensam ejus voluntatem, omnia liberaliter & gratis, non ex merito nostro, vel debito suo largientem; quæ iterum, vel innuit favorem quò nos ab æterno dilexit & elegit ad vitam, quo sensu electio vocatur *electio gratia*, Rom. 11. 6. & Eph. 1. 6. dicimur *prædestinati ad laudem gloriæ gratiæ suæ*, id est, gloriæ suæ gratiæ; vel cum quo nos in tempore gratos habet & acceptos in Filio dilectionis suæ, quo potissimum sensu toties *gratiam & pacem* precatur fidelibus ad quos scribit Apostolus, id est, tum favorem & benevolentiam Dei, tum omnigena ejus effecta, quæ *pacis* nomine ex idiotismo Hebræorum significantur. Eodem sensu Rom. 3. 23. Luc. 1. 30. Tit. 3. 7. gratiæ Dei fit mentio.

vel affectivè.
26. VIII. Posteriori sensu *Gratia* effectivè sumpta notat *χρησισματα* omnia Spiritus S. gratis nobis à Deo data; sive *ordinaria* fidei, spei, & charitatis ad propriam cujusque salutem, quæ in vocatione, conversione, & sanctificatione nobis conferuntur, quo sensu vox gratiæ usurpatur 1. Cor. 15. 10. Eph. 2. 7. 8. sive extraordinaria & miraculosa ad communem totius Ecclesiæ ædificationem, quæ gratiæ nomine designantur, 1. Cor. 12. 4. 7. 8. Eph. 4. 7. Scholastici dona ista solent nomine *gratiæ gratis data* insignire, alia verò nomine *gratiæ gratum facientis*; Sed perperam, tum quia dona ordinaria non minus cæteris sunt gratis data, tum quia non possunt nos gratos Deo facere, quod sola gratia & justitia Christi nobis imputata efficit. Melius ergo *gratiæ gratum faciens* benevolentiam Dei erga nos innuit, per quam non ex nostris meritis, sed gratuito suo amore nos gratos facit in Christo: per *gratiam* verò *gratis datam* notantur omnia dona quæ gratis nobis conferuntur per Spiritum S. Ista autem gratia pro varietate actuum suorum distinguitur in *operantem* seu *prævenientem*, quæ movet voluntatem ut velit; & *cooperantem*, & *subsequentem*, quæ efficit ne frustra velit, de qua suo loco agetur.

IX. Rursus, Gratia distribuitur in *decernentem* & *exequentem*: Illa denotat æternum Dei propositum de nobis eligendis ante facta mundi fundamenta; Ista complectitur universam mysterii istius admirabilis dispensatio-

tionem, secundum graduum & temporum varietatem, quæ tum Redem-
ptione, tum in Vocatione, Justificatione, Sanctificatione, & aliis effectis
salutaribus erga electos sese exerit; quam prædicat Paulus Eph. 1. & 2. Tim.

1. 9. 10.

X. Gratiâ Dei comitatur ejus *Misericordia*. Utenim illa sese exerit
circa hominem peccatorem, ut illi veniam peccati concedat; Ita ista circa
hominem miserum exercetur, ut illius miseriæ succurrat. Hæc Deo pro-
priè tribuitur, non quatenus significat dolorem conceptum ex aliena mi-
seria, ut locum habet in hominibus; sed quatenus notat promptam &
propensam voluntatem succurrendi miseris absque omni ægritudine &
perturbatione.

*Misericor-
dia quomo-
do Deo sit
tribuenda.*

XI. Oritur non ab aliqua causa externa quæ hunc effectum in hominibus
excitare solet; ut conjunctio sanguinis, amicitia, societas ærumnarum,
imbecillitas ætatis, sexus &c. Sed à sola bonitate, quæ ut sese communi-
care amat *Creaturæ*, ita miseris succurrere non desinit. Requirit quidem
in objecto miseriam, sed quæ habet rationem conditionis & qualitatis
tantum, non verò causæ; Et ita liberè versatur circa illud, ut possit sese
exerere, vel non exerere sine cujusquam injuria; unde *misereri* dicitur *cu-
jus vult* Rom. 9. 18.

XII. Duplex autem vulgò statuitur; una *generalis* quâ Deus omnibus
creaturis in aliquâ miseriâ constitutis succurrit, Psal. 104. 27. alia *specialis*
quâ suorum miseretur, dum ex hominibus lapsis quosdam elegit servandos
per Christum, qui ideo *vasa misericordiæ* vocantur: Illa temporalis
est, quæ versatur tantum circa *terrena*, & bona hujus vitæ; hæc verò
salutaris & æterna, quæ nos in possessionem salutis & vitæ æternæ mittit.

*Generalis
& specia-
lis.*

XIII. Magnitudo misericordiæ colligitur ex variis, 1. ratione *principii
miserentis*, nimir. Dei, qui beatissimus in se, & nullâ re indigus, nostri
misereri, solâ *bonitatis* suâ motus, non dedignatur. 2. ratione *objectorum*, id
est, hominum quorum miseretur, qui non modò nihil tale merentur, sed
planè hoc favore sunt indigni, utpote peccatores, & inimici Dei. 3. ratione
modi & effectuum, quia peccata innumera nobis remittit, & æternam mi-
seriam à nobis removet, & bonum infinitum & æternum, vitam scil. & sa-
lutem confert. 4. ratione *durationis*, quia est æterna *עלם* Isa. 54. 8.
Osc. 2. 19. Thre. 3. 23. Luc. 1. 54. Hinc opponenda est 1. *Justitiæ divinæ
severitati*; quo sensu dicitur *exaltari supra judicium*, Jac. 2. 13. 2. *peccato-
rum numero & atrocitati*, Mich. 7. 18. Nam ubi abundat peccatum, ibi su-
perabundat gratia, Rom. 5. 10. & omnes conclusit Deus sub peccato, ut omni-
um miseretur, 3. *miseriarum & tentationum multitudini*; quia nulla tanta
est, ex qua summa misericordia Dei juxta inenarrabiles divitias suas nos non
liberet, Ps. 103. 8. Eph. 2. 4. 5. 4. *mortis & judicii divini terrori*, quia in de-
cretorio illo die, pii omnes misericordiam consecuturi sunt, 2. Tim. 1. 18.

XIV. Quamvis verò amplissima sit & multiplex Dei misericordia

QUEST. ratione effectorum quæ sunt innumera, quo sensu dicitur *πλὴν ἔλεος*
 XXI. Ps. 51. 1. 1. Pet. 1. 3. & *οἰκτιρμοὶ* seu miserationes, & viscera miserationum Deo tribuuntur Rom. 12. 1. sua tamen objecta & vasa habet in quæ diffunditur, electos scil. & fideles, quorum ab æterno misereri statuit, qui ab aliis distinguuntur quos præterire statuit, qui ideo vocantur *vasa iræ congmentata ad interitum*, Rom. 9. 22. Aylum est pœnitentium & piorum, sed non refugium profanorum & impœnitentium.

Q U Æ S T I O X X I.

DE POTENTIA DEI.

Qualis sit Dei Omnipotentia, & An se extendat ad ea quæ implicant contradictionem? Neg.

I. **P**otentia Dei, quæ est principium exequens operationum divinarum, nihil aliud est quàm ipsa Essentia Divina extra se productiva, per quam concipitur ut potens facere ea omnia quæ vult, vel vel^{le} potest; quæ hîc ante omnia distinguenda venit à *potestate* seu *ἐξουσία*, quæ jus & auctoritatem aliquid faciendi notat, cùm potentia innuat deum in conceptu suo vim & facultatem agendi.

II. Non quæritur, An Potentia passiva quæ est principium patiendi ab alio in Deo detur; Nam cùm ea sine imperfectione & mutatione dari nequeat, eam procul à Deo amovendam esse constat. Nec si generatio Filii vel spiratio Spiritus terminis passivis exprimitur, statim sequitur, dari in Divinis potentiam passivam, cùm hoc metam *χρῆσις* notet ad Personas generantem & spirantes. Sed agitur tantùm de activa, quæ est principium agendi in aliud.

Status
 Quæstio-
 nis.

III. Non quæritur de *Potentia actuali ordinata*, secundùm quam Deus actu & irresistibiliter facit quæcunque vult facere, eo tamen tempore & modo quo ipsi visum est, de qua Ps. 115. 3. *Deus noster in cælis est, quicquid vult facit*, de qua bene dicitur à *Potentia actuali ad opus seu effectum valere consequentiam*. Sed de *absoluta*, per quam concipitur plura posse facere quàm re ipsa facit, nimir. ea quæ perfectissimæ naturæ suæ non repugnant, vel contradictionem non implicant, per quam Deus potuisset ex lapidibus suscitare filios Abrahamo Matth. 3. 9. & mittere duodecim legiones Angelorum Christo, Matth. 26. 53. de qua notandum, *A potentia absoluta ad opus non valere consequentiam*, quia multò plura Deus præstare potest quàm revera præstat.

IV.

IV. Licet potentia & voluntas non differant realiter; non sequitur potentiam non latius patere ipsa volitione actuali; imò ut volitio actualis respondet potentia actuali, per quam quicquid vult facit; ita volendi facultas seu possibilitas respondere debet potentia absolutæ, per quam Deus concipitur posse facere quicquid potest velle.

Quæst.
XXI.
Fontes
Solutio-
num.

V. Si quidam ex nostris Theologis *potentiam absolutam* rejicere videntur, tanquam commentum profanum & detestabile, ut *Calv. n. l. 3. Insti. c. 23. s. 2.* hoc intelligunt, non absolute, sed secundum quid, ratione abusus Scholasticorum, qui multa portentosa dogmata inde extruxerunt, quasi absolutæ potentia ratio in eo consisteret, quod Deus possit quicquid à nobis excogitari potest, sive bonum, sive malum, sive contradictorium, sive non; puta quod possit mentiri, peccare; quod possit aliquid quod repugnat naturæ rerum &c. hanc potentiam absolutam rectè negat Calvinus, quia non esset potentia & virtutis, sed impotentia & imperfectionis; sed noluit negare Deum per potentiam absolutam plura posse præstare quàm revera præstet per actualem.

VI. *Objectum* Potentiæ Dei nihil aliud est quàm *possibile*, id est, quicquid fieri non repugnat, ut omniscientiæ objectum est scibile. Impossibile verò non cadit sub omnipotentiam Dei, non ex defectu potentia in Deo, sed ex defectu possibilitatis rei, quia involvit in conceptu suo prædicata contradictoria; ut visio licet esset infinita, extenderetur tantum ad visibilia, non ad audiabilia.

VII. *Impossibile & possibile* trifariam dicitur, 1. *supernaturaliter*, 2. *Quotuplex sit possibile & impossibile.*
naturaliter, 3. *moraliter*. *Impossibile supernaturaliter* est quod nequidem virtute divinâ fieri potest; ut lapis sensitivus, homo irrationalis. *Possibile supernaturaliter*, quod saltem divinitus esse potest, ut resurrectio mortuorum. *Impossibile naturaliter* est quod viribus naturæ & causarum secundarum fieri nequit, sed potest tamen fieri virtute supernaturali; ut Creatio mundi, partus Virginis &c. *Possibile* verò quod non excedit naturæ fixitæ vires. *Impossibile moraliter* est quod non potest fieri juxta sanctitatis Leges; *Possibile* verò quod est consentaneum legibus honestatis. Deus potest quidem non impossibile naturaliter, sed non quod tale dicitur, vel moraliter, vel supernaturaliter.

VIII. Aliud est *impossibile natura* respectu causarum secundarum, id est, quod usitatum & consuetum naturæ cursum superat; ut Solem stare, ignem non urere; Aliud est *impossibile naturâ*, id est, quod naturæ rei repugnat respectu omnium causarum. Quum impossibile dicitur non cadere sub potentiam Dei, intelligitur secundo modo, non primo; nam aliàs quæ sunt impossibilia hominibus, apud Deum suntabilia.

IX. *Impossibile*, vel est à *parte rei*, quod naturæ rei repugnat, vel à *parte Dei*, quia Deus hoc non potest facere, non quod absolute sit impossibile

Quæst.
XXI.

possibile in se, quia ab aliis fieri potest, & sæpe fit; sed quia in Deum cadere nequit, v. g. mentiri, peccare, mori, quæ non sunt absolute impossibilia in se, sed respectu Dei. Ita quæcunque defectum aut *imperfectiorem* aliquam notant; siue *moralem*, qualia sunt mendacium, peccatum, abnegatio sui, Heb. 6. 18. 2. Tim. 2. 13. Jacob. 1. 13. 14. siue *physicam* qualis est mors, vel corruptio, in ipsum cadere non possunt, quia omnipotens; quod *Aug.* eximie notat To. 9. de symbo. ad Catechume. lib. 1. c. 1. *Deus omnipotens est, & cum sit omnipotens mori non potest, falli non potest, negare seipsum non potest, quum multa non potest & est omnipotens? Et ideo omnipotens est, quia ista non potest, nam si mori posset, non esset omnipotens.* Et lib. 5. de C. D. c. 10. *Potestas Dei non minuitur, quum dicitur mori, fallique non posse; sic enim hoc non potest, ut potius si posset minoris esset potestatis.* Recte quippe omnipotens dicitur, qui tamen mori & falli non potest, dicitur enim omnipotens faciendo quod vult, non patiundo quod, non vult.

X. Hinc patet quid statuendum sit de objecto Potentiæ Dei; non esse scilicet illud omne quod quocunque modo concipi, vel excogitari potest; siquidem multa falsi, & mala, & quæ esse non possunt concipiuntur: Non etiam illud tantum quod Deus vult, multò enim plura posse Deum facere quàm vult res ipsa clamat, & Scriptura expressè docet Matt. 26. 53. Matt. 3. 9. Sed illud omne quod non repugnat, tum à parte rei, tum à parte Dei, id est, quod potest fieri, & quod Deus potest facere.

XI. Unde colligitur quid iudicandum sit de contradictoriis: Contradictorium enim illud dicitur quod est *impossibile logicè*, id est, quod habet repugnantiam, & quod includit prædicata contradictoria; v. g. Deus corporeus, homo irrationalis. *Repugnantia* autem alia est *immediata & explicita*, quando termini repugnantes explicitè sunt contradictorii; v. g. factum infectum, homo non homo. Alia *mediata & implicita*, quando termini repugnantes virtualiter tantum & implicitè contradictionem includunt; v. g. quando de subjecto negantur proprietates inseparabiles, vel affirmantur prædicata contraria; v. g. Deus corporeus & mortalis, homo non risibilis, corpus non extensum, accidens non inherens; talia enim involvunt prædicata contradictoria, quæ incurrunt in principium indubitæ veritatis, *Impossibile est idem esse non esse simul.*

Contradictoria non cadunt sub potentiam Dei.

XII. Talia verò non cadere sub Dei potentiam patet, 1. Quia impossibilia non possunt à Deo fieri, contradictoria autem sunt impossibilia, quia sunt *impossibilia*; contradictio enim est æternæ disjunctionis, & in æternum opponuntur affirmare & negare, esse & non esse. 2. Quia potentia Dei versatur circa Ens, id est, quod potest esse; At contradictorium est non ens. 3. Quia si posset facere contradictoria, posset facere ut idem simul esset & non esset, ut duæ propositiones contradictoriæ possent

sent esse simul veræ. 4. Sic nullum planè ampliùs daretur impossibile, quia Quæst.
 XXI.
nullum datur majus eo quod implicat.

XIII. Licèt autem potentia non extendatur ad contradictoria, non pro- Fomes
 Solutio-
 num.
pterea censenda est limitari ejus infinitas; nam uniuscujusque agentis po-
tentia æstimatur ex proprio objecto; proprium autem objectum potentia
divinæ est id quod non repugnat. Ergo quum dicitur omnipotens seu
omnia posse, particula *omnia* non distribuit nisi Entia, sub quibus impos-
sibilia & contradictoria non continentur.

XIV. Deus quidem potest facere quæ sunt supra rationem hominis, quia
potest facere supra id quod possumus cogitare, Eph. 3.20. sed non quæ sunt
contra rationem: Nec si potest facere impossibilia apud homines, id est,
quæ superant vires humanas, statim sequitur posse facere impossibilia apud
rationem, id est, quæ repugnant rationi. Verum quidem est intellectum
divinum superare logicam & ratiocinationem nostram; sed inde non potest
colligi Deum illa posse quæ in nostra logica implicant contradictionem;
quia licèt deficiat recta nostra ratio in adæquatione veritatis divinæ, ut to-
tam non possit assequi, nihil tamen illi veritati contrarium continet.

XV. Aliud est dicere Deum plura posse quàm possumus intelligere, &
mens nostra capere; Aliud verò, Deum posse quæ implicant contradic-
tionem; prius docuerunt Theologi nostri ex Scriptura, sed non posterius,
quod sine ullo potentia divinæ limitandæ metu constanter negarunt.

XVI. Apud Deum non est impossibile ullum verbum, vel res, quæ Luc. 1. 37.
potest habere rationem veri Entis Luc. 1. 37. sed illud quod est contradi-
ctorium tale non est, sed nihil & non ens.

XVII. Aliud est facere contraria; Aliud contradictoria. Deus prius
potest, sed non posterius; & si Deus naturam rerum aliter constituisset,
nobisque alias rerum ideas indidisset, faceret quidem diversa & contra-
ria, sed non contradictoria; nec falsum foret illud principium *impossi-
bile est idem simul esse & non esse*, quod est verum contradictionis funda-
mentum.

XVIII. Deus potuit facere ut præteritum non esset præteritum *in sensu
diviso*, & antequam esset præteritum: Sed *in sensu compositio*, non potest fa-
cere ut quod est præteritum non sit præteritum, quia non minùs impossi-
bile est rem si nullo fuisse & non fuisse, quàm esse & non esse.

XIX. Licèt asseramus Deum quædam non posse, non propterea
censeri debemus negare ejus Omnipotentiam, ut hoc impingitur nobis
à Pontificiis & Lutheranis; quia hoc tantum intelligimus de illis quæ
implicant contradictionem, & vel vitium aliquod, vel imperfectionem
arguerent in causa prima, qualia posse impotentia est, non potentia.
Nec magis argui potest impotentia Dei potentia, quòd non feratur in
impossibilia, quàm visus eo quòd non videat sonos, vel auditus quòd

Quæst. non audiat colores. Contradictoria autem censemus esse ea quæ Deum
 XXI. posse negamus; ut accidentia dari sine subjecto, Corpus aliquod illocare esse, vel *πλὺππν*.

Matth. 3. 9. XX. Quod Johannes ait Matth. 3. 9. Deum posse ex lapidibus suscitare filios Abrahamo; non statuit Deum posse contradictoria; sed tantum vanam gloriationem Judæorum retundit, & spem impunitatis propter parentum sanctitatem, & gentis dignitatem conceptam, eo quod Deus illis delectis posset alium sibi populum colligere miraculose ex lapidibus, qui essent filii Abrahami, non generatione sed imitatione. Hæc autem locutio, Vel figuratè intelligi potest de *lapidibus*, non *physicè* sed *ethicè*, id est, de gentibus extraneis quæ lapides colunt, & quæ lapidibus in Scriptura comparantur; Vel ad *litteram*, hoc sensu; si vos omnes malè pereatis, Deus tamen nec erit vanus in promissis suis, nec deerit Abrahamo posteritas; ut formavit Adamum ex terra, sic ex lapidibus potest filios suscitare Abrahamo, non carnales sed spirituales; Vel proverbialiter & hyperbolicè, quomodo dicuntur *lapides clamaturi*, Luc. 19. 40. ut innuatur Deum posse mediis extraordinariis, & præter naturæ cursum populum sibi colligere. Ita hic potentia notatur absoluta, quæ scilicet superat ordinem in naturâ constitutum, non verò actualis, quæ talem ordinem observat & sequitur.

XXI. Quamvis omnia opera Dei sint finita, nec ullum infinitum actu & propriè dictum à Deo fieri possit; non propterea limitatur omnipotentia Dei, quia non definit esse infinita, tum *essentiæ* respectu, cum qua convertitur, tum respectu *modi operandi*, qui in operibus finitis infinitus debet esse, sive propter infinitam distantiam inter ens & nihil; sive quia infinitum necessario statui debet agens, cui nihil in quod agat præsupponitur; tum respectu *objectorum*, quæ possunt dici infinita, non actu sed potentiâ.

XXII. Potentiam hanc infinitam suam Deus exercet, vel *mediatè* interventu causarum secundarum, quibus tanquam instrumentis utitur ad operandum; vel *immediatè*, quum Deus per seipsum sine aliis causis operatur; priori sensu Deus potentiam suam exerit in gradu finito, quia non potest communicare virtutem suam creaturæ nisi in gradu finito, cujus capax est creatura; v. g. quum potentiam suam exerit Deus in nutritione hominis per cibos; posteriori sensu illam exerit infinito modo, quia solus operatur, ut quum virtutem suam exerit in conversione hominis.

XXIII. Licet rei impossibilitas se magis teneat à parte rei propter repugnantiam terminorum, quàm à parte Dei, in qua nulla impotentia, sed summa virtus & perfectio propterea notatur; tamen nihil est impossibile à parte rei, quod non sit etiam tale à parte Dei, ut quicquid possibile dicitur, non ita vocatur à parte rei simpliciter, quasi intrinsecam
 ha-

habeat entitatem in se ab aeterno, quod quidam malè voluerunt; sed à parte Dei, & respectu potentiae agentis, quatenus possibile illud dicitur, quod agens primum potest producere.

XXIV. Si Deus posset facere infinitum actuali extensione & numero, tale esset, quod haberet extensionem actualem infinitam, vel numerum revera infinitum; sic darentur plura actu & revera infinita, imò aliquid tam magnae extensionis, vel tanti numeri, cui Deus adicere non posset vel unitatem, vel unum cubitum, cum ei quod est infinitum actu nihil addi possit, quod nemo non videt absurdissimum esse; Imò Creaturam aliquam dari infinitam actu, sive extensione, sive numero, tam implicat, quàm Creaturam esse aeternam & non factam.

XXV. Propositio ista, *Deum posse fallere si velit, licet nec velit, nec possit velle*, quacunque interpretatione emolliatur, tanquam nimis cruda & periculosa, imò & veritati de Deo in Scriptura tradita aperte repugnans, meritò rejicitur. Quia si Deus potest fallere, potest etiam mentiri & peccare si velit, quod perfectissimae ejus veritati & sanctitati adversatur, atque ideo jamdiu damnatum est tanquam blasphemum in Scholasticis; Nam alterum verbis fallere, quid aliud est quàm mentiri, aut falsum dicere? ideo si potest Deus fallere verbis, potest & mentiri, quod expresse repugnat Scripturae Tit. 1. 2. Heb. 6. 18. & naturae Dei, in qua nec esse potest ignorantia, nec error judicii, nec malitia, nec aliquid tale, unde mendacium originem ducit. Imò si hoc diceremus, dicere etiam possemus Deum posse fieri non Deum, horresco referens; quia si Deus posset fallere, Deus posset peccare, si posset peccare, posset fieri non Deus, quia qui peccat, vel peccare potest non est Deus. 2. Deus per bonitatem, sanctitatem & justitiam suam nequit dici posse facere malum, injustum & impurum, etsi vellet; Ergo per eandem consequentiam non potest dici posse fallere, propter immutabilem ejus veritatem, quae etiam ante omnem voluntatis conceptum Deo tribuenda est. 3. Deus id non potest facere, quod non potest velle; nam Deus non potest aliquid sine sua voluntate, cum voluntas potentiam in actum deducat, & quicquid potest Deus facere, id potest etiam velle ut fiat, nisi statuamus aliquid posse dici simul possibile & impossibile eidem Deo simplicissimo & veracissimo, quod à *ὁυσα πω*; At nemo negat nisi Atheus Deum non posse velle fallere. 4. Si Deus posset fallere si vellet, potuit nos obligare si vellet ad credendum mendacium, idque fide divinâ propter auctoritatem suam. 5. Deus non potest contradictoria; Ergo non potest fallere si velit; nam Deum posse fallere, est Deum posse esse non veracem, atque aded non Deum. 6. Si Deus potest fallere, fides nostra semper nutabit circa Scripturam; nam si data est à Deo qui potest fallere, quomodo persuadere poterimus Atheo eum non sefellisse? Frustra dices eum non velle fallere; nam unde hoc illi constabit?

Q U Æ S T .
XXI.

bit? non ex Scriptura, quæ expressè hoc dicit, quia statim reponere poterit, hoc dictum esse ab illo Deo qui fallere potest, & unde scimus eum hîc effectum non dare, quod dicitur posse? non ex Dei natura, quia Dei naturæ non repugnat id effectum dare quod efficere potest: frustra etiam dices repugnare naturæ Dei id velle efficere, quia si non repugnat Dei naturæ, posse illud efficere; nec naturæ Dei repugnabit, posse velle illud facere.

XXVI. Quamvis potentia Dei ad plura se extendat quàm ejus voluntas *in actu exercito*, quia multò plura potest facere quàm ea quæ de facto vult, quæ sunt futura; non tamen latius patet voluntate *in actu signato*, id est, non potest plura facere Deus quàm potest velle, cum utraque & potentia & voluntas ex ejus natura sibi formet legem.

XXVII. Aliud est Deum decernere posse ut fiat error à Creatura, & permittere ut creatura fallatur; Aliud verò Deum seipso immediatè aliquem fallere posse: Prius potest justè fieri, & de facto fit à Deo, sed non posterius quod rationem peccati involvit.

XXVIII. Quamvis rectè dici possit Deum aliquid facere posse si vellet, respectu eorum quæ Deus non potest velle ex hypothesi decreti sui immutabilis; quia talis operatio non involvit cum natura Dei ullam repugnantiam. Non pariter dici potest hoc respectu eorum quæ non potest velle per suam bonitatem & justitiam; quia talia non ex hypothesi tantùm respectu decreti sunt impossibilia, sed absolutè & in se propter repugnantiam quam dicunt cum natura Dei.

Q U Æ S T I O XXII.

DE DOMINIO & POTESTATE DEI.

Quid & quotuplex sit Dei Dominium? Et an detur Jus Absolutum & Ordinatum?

I. **C**UM *Potentiam* Dei, de qua præcedenti quæstione actum, semper conjungi debet ejus *Potestas*, ex qua Jus & autoritas illi competit ea præstandi quæ facit. Potestas verò ex Dominio ejus oritur, de quo quæstio jam instituitur.

*Dominii
Dei funda-
mentum.*

II. Deum Dominum esse Cœli & Terræ, si Scriptura ipsa toties non testaretur, satis ipsa natura Dei, quæ est independens, perfectissima, & omnium causa hoc evinceret. Duplex ejus fundamentum statuitur, 1. *ὑπεροχή* & *eminentia Naturæ*, 2. *beneficentia amplitudo* & *excellencia*. Ut inter homines duo sunt fundamenta legitimi dominii;

Emi-

Eminentia virtutis supra ceteros, id enim fert rerum natura, ut superiores & præstantiores, inferioribus & ignobilioribus dominantur; unde Aristoteles expresse asserit, si quis reperiretur qui omnibus virtutibus ceteris mortalibus longè antecelleret, ceterorum omnium Regem esse constituendum. Deinde *beneficentia* per quam jus homini in alium acquiritur, ideo enim Dominus, quia beneficus; Cùm ergo Deus in summa *ὑπεροχῇ* sit constitutus, & beneficiis innumeris Creaturas suas mactaverit, & quotidie mactet, tanquam opus suum, justissimè omnium Dominus dicitur, ut opifex operis sui est Dominus.

III. *Dominium* istud vocatur *naturale & essenziale*, ut distinguatur ab *æconomico* quod Christo competit Phil. 2. 9. & multifariam ab illo differt; *Dominium naturale & æconomicum quomodo differant.*
1. Ratione *principii & originis*; Illud naturale dicitur *κατὰ Θέον*, quia à nullo datum, hoc verò *æconomicum*, & *κατὰ ἑένον*, quia ab alio datum, scilicet à Patre, Matt. 28. 19. *Omnis potestas mihi data est in cælo & in terra.* 2. Ratione *fundamenti*: Prius fundatur in *decreto Providentia*, quo res & eventus omnes prædefinivit; Posterius verò in *decreto Prædestinationis*, secundum quod nos prædestinavit ad adoptionem per Jesum Christum, Eph. 1. 5. 3. Ratione *objectorum*, Regnum naturæ universale est, quod Creaturas omnes ambitu suo complectitur, Regnum gratiæ specialiter ad Ecclesiam terminatur, unde peculiari ratione vocatur Rex & Dominus Ecclesiæ; quamvis enim potentiam suam & justitiam exerceat etiam in ipsos impios qui illi subjiuntur, quosque regit & conterit virgâ ferreâ Ps. 2. 9. specialiter tamen regnat in electis & fidelibus per gratiam. 4. Ratione *effectuum*; Nam effecta Providentiæ divinæ in Regno naturali communia sunt, & in omnes creaturas licet diversimodè sese diffundunt; sed effecta Regni gratiæ sunt beneficia salutaria solis electis propria, Vocatio, Adoptio, Justificatio, Sanctificatio &c. 5. Ratione *administrationis*; Illud exercetur à Christo ut Deo, unà cum Patre & Spiritu S. unde *essenziale* vocatur, quia totius Essentiæ Divinæ commune est; sed hoc ab ipso ut Mediatore & *ἡεαυθγαίνω*, unde *Personale* dicitur, quia ad Personam Filii pertinet, & illius *æconomia* destinatur. 6. Ratione *durationis*; Illud æternum est & immutabile Psal. 145. 13. Hoc verò finem habiturum est, saltem quoad modum, quia reddet Regnum Deo Patri, 1. Cor. 15. 24.

IV. Præcipua Domini Dei proprietas est, quòd sit non solum *universale*, sed etiam *absolutum & illimitatum*; nam ut Deus est Ens independens, & verè *αὐτεξέστης*: Ita est planè *αὐτοκράτωρ*, qui nullius censuræ vel iudicio est subjectus, Job. 9. 12. Dan. 4. 25. qui de suo facere potest quod vult, Matth. 20. 15. & cum quo nemo litigare potest, aut illi dicere cur facis? licet divinorum ejus operum & iudiciorum ratio nos lateat, Job. 33. 13. Rom. 9. 20. 21. *An figmentum dices figulo, cur me ita fecisti?*

QUEST. V. Hinc orta distinctio Juris Dei, in *Absolutum* & *Ordinatum*; Illud
 XXXII. est dominium sive potestas quam Deus obtinet in omnes suas Creaturas,
Jus abso- statuendi de illis pro arbitrio sine injustitia. Cujus duplex est fundamen-
lutum & tum. Primum est excellentia naturæ supra omnes creaturas; nam sum-
ordinatum. ma illa *ὑπεροχή* quam obtinet in omnia, potestatem etiam illi summam
 conciliat. Alterum est dependentia omnium creaturarum ab ipso, tum
 in essendo, tum in operando, Act. 17. 24. per quam, ut primus est à quo
 sunt omnia, ita & novissimus esse debet, ad quem referantur, Rom. 11. 36.

VI. *Jus ordinatum*, est ordo seu ratio Justitiæ, quam Deus Verbo
 Legis & Evangelii nobis declaravit, tum quoad officium hominis in utro-
 que fœdere, opera scilicet & fidem, tum quoad promissionem & commi-
 nationem illi annexam in vita & morte, salute & condemnatione. Hujus
 fundamentum est fœdus cum Creatura initum, seu voluntas Dei externo
 verbo Legis, vel Evangelii nobis patefacta. Unde locum habet in ordi-
 naria Dei erga homines dispensatione; Alterum verò in extraordinaria,
 quod Deus potest quidem illa sua justitiâ exercere, sed quod rarissimè
 tamen exercet.

VII. Utriusque argumentum occurrit in Prædestinatione. Nam in
 Electione ad Jus absolutum pertinet, quòd Deus pro liberrimo suo bene-
 placito homines peccatores & reos destinat ad salutem. Et quòd licet omnes
 sint pares, hunc tamen præ illo eligit, ut visum in exemplo Esavi & Ja-
 cobi, de quo Apost. ait Rom. 9. 11. quòd *nondum natis pueris, cum ni-*
hil fecissent boni vel mali, ut propositum Dei, quod est secundum electio-
nem, non ex operibus, sed ex vocante firmum maneret, dictum est major
serviet minori; unde statim additur v. 18. *miseretur cuius vult, & quem*
vult indurat. Ad ordinatum verò spectat, tum quòd non absque Chri-
 sti satisfactione peccatoribus gratiam facit, & eos salvat, Rom. 3. 25.
 tum quòd fidem & opera gratiosè ex promisso remuneratur, 2. Thess. 1.
 5. 6. 7. In Reprobatione Jus absolutum cernitur in eo, quòd licet ho-
 mines omnes sint pares, tamen hunc præ illo præterit ex sola *ἰδιονία* agens,
 non ut Judex, sed ut *ἀντιπαράθετος* & Dominus, qui potestatem habet fa-
 ciendi vas ad decus & ad dedecus, Rom. 9. 21. Matt. 11. 25. Ordina-
 tum verò in eo quòd neminem reprobatur & damnatur nisi propter peccatum,
 Rom. 1. 32.

VIII. Licet Jus absolutum ex Lege non reveletur, non ideo censen-
 dum est contrarium Legi; est supra & præter Legem, sed non contra eam:
 Nec propterea dicendum est injustum, utpote non conforme Legi; quia
 ut antea probatum est, Justitiæ regula adæquata non est sola Lex, sed par-
 tim natura Dei, partim ejus voluntas. Deinde, Aliud est agere ex re-
 gula Justitiæ ordinariæ; Aliud verò ex superiori ordine, nim. ex Jure au-
 tocratico, cui justitia non repugnat, sed subordinatur. Sic Princeps
 quum

quum peccatum condonat, non agit ex Justitia quā Judex, sed ex clemē-
 tia quā Dominus & Princeps, qui potest dispensare de lege à se lata. Quæst. XXII.
 Ita Deus in exercitio istius Juris absoluti, licet nihil faciat quod adver-
 setur justitiæ, non agit tamen ex ea, sed ex liberrimo beneplacito quod
 illi competit, ut supremo Domino.

I X. Quousque Jus Dei absolutum extendatur curiosius non est scrutan-
 dum, multò minùs temerè definiendum, nec nostrarum virium, aut par-
 tium est limites ullos vel Potentiæ, vel potestati Dei ponere. Si vermi-
 culum nemo ferret de hominum potestate disputantem, & illi terminos
 ponentem, quantò minùs hoc ferendum in homine respectu Dei, qui
 vermiculo longè minor? facessere ergo hinc jubemus curiosas & inutiles
 Scholasticorum quæstiones, qui temerario ausu Majestatis Dei arcana no-
 bis incomprehensibilia definire præsumunt. Duo tantum hinc arcè tenen-
 da censemus; Hinc quidem Jus Dei summum esse & absolutum supra quod
 possumus vel cogitare vel eloqui, ut possit facere de suo quod libet: Inde
 verò esse semper sanctum & perfectissimæ Dei naturæ consentaneum, ut
 dum eo utitur, nihil faciat quod sapientiæ, bonitati, & sanctitati suæ
 adversetur.

X. Quum Scriptura de Jure absoluto loquitur, ut Rom. 9. & in libro
 Jobi c. 33. 45. &c. non tam innuit quid Deus re ipsa faciat, quàm quid
 facere possit, ut ita præfractis & impudentibus libertatem Dei suggillan-
 tibus os obstruat.

XI. Huc pertinet distinctio Juris Dei in *Naturale* & *Liberum*. Illud *Jus natu-
 rale & liberum.* fundatur in ipsa natura Dei; hoc verò pendet ab ejus arbitrio & voluntate:
 Illud æternum est & indispensabile, cujus contrarium velle nequit sine
 contradictione; Hoc verò positivum est & dispensabile, cujus oppositum
 Deus velle potuit sine repugnantia. Sic ad *Jus naturale* pertinet, quòd
 Deus non possit se ipsum abnegare, & gloriam suam alteri dare, quòd
 Creatura rationalis Deo obediat & sublex sit, aut ut pœnam luat, quòd
 Deus non possit non gubernare mundum quandiu mundus est, & manda-
 ta sancta & justa Creaturæ præscribere. Talia enim sunt ista omnia, ut
 Deus non possit contrarium velle sine repugnantia. Ad *Jus verò liberum*
 pertinet permissio peccati, gratiæ discriminantis collatio, Legis symbo-
 licæ & cæremonialis institutio; hæc enim sunt hujusmodi, ut Deus po-
 tuerit ea velle vel nolle sine justitiæ suæ detrimento.

QUEST.
XXII.

QUESTIO XXIII.
DE S. S. TRINITATE.

*Quis sensus sit Vocum Essentiae, Substantiae, Subsistentiae,
Personae, Trinitatis, ὁμοούσις in hoc Mystério,
Et an bene Ecclesia illis utatur?*

I. **A**bsolutam Dei considerationem ratione Naturæ & Attributorum ejus, excipit *Relata*, ratione Personarum, quæ versatur circa adorandum Trinitatis mysterium, quod nec capit ratio, nec demonstrat exemplum, sed sola divinæ Revelationis autoritas fide suscipiendum, & pietate suscipiendum proponit.

1. *Essentia.* II. Ut verò ex Scriptura sobriè explicari queat quoad τὸ ὅτι, quod clarè in ea traditur, non quoad τὸ διότι, vel τὸ πῶς, quod ipsis Angelis est ἀκατάληπτον, genuinus sensus & usus vocabulorum, quæ subinde adhiberi solent ad faciliorem ejus intelligentiam, aperiendus est.

III. Primò hîc occurrit vox ὑσίας seu *Essentia* & *Natura*, quæ quidditatem rei notat, & in Scriptura non semel innuitur, non modò in concreto, quum Deus ὁ ὢν dicitur Exod. 3. 14. Apoc. 1. 4. sed & in abstracto, quum Deo tribuitur θεότης Col. 2. 9. φύσις. Gal. 4. 8. θεία φύσις 2. Pet. 1. 4. Eò referri potest vox Hebræa עֶשֶׂת, quæ תְּלֹוֹת הַיְּהוּדִים ὑσίας designat Job. 12. 19.

2. *Substantia.* IV. 2. *Substantia* Deo tribuitur à Patribus, non quatenus dicitur à substando accidentibus, quæ in Deum non cadunt; sed à subsistendo, quia per se & à se subsistit. Notandum verò hîc in contraria abire aliquando, & non uno modo substantiæ vocem usurpare; Quidam substantiam pro subsistentia sumunt, ut Hilarius qui *tres in Divinitate substantias agnoscit*, lib. de Synodis. Alii unam tantum agnoscunt, tres autem esse negant, ut *Aug.* lib. 5. de Tri. c. 9. *Tertull.* cont. Praxeam & alii, substantiam scil. pro natura & essentia sumentes.

3. *Subsistentia.* V. 3. Vox est *subsistentia*, quæ ὑπαρξις Græcis dicitur, unde τὸ ἐπὶ ὑπαρξεως modum subsistendi, seu personalitatem notat. Subsistere autem est aliud quid quàm existere. *Existere* enim est rem actu esse extra suas causas in rerum natura, quod in accidentia non minùs ac in substantias cadit; Sed *subsistere* notat modum existendi proprium substantiis. *Subsistentia* autem duplex vulgò statuitur; alia quâ constituitur substantia in esse substantiæ; alia quâ constituitur in esse suppositi: Illa explicari solet per *Independentiam* à subjecto, quæ competit omnibus substantiis tam incompletis quàm completis; Ista per *incommu-*
nicationem

nicationem, seu incommunicabilitatem, quatenus substantia singularis ne- QUEST. XXIII.
que est pars, nec adjunctum alterius, quæ si sit intellectualis vocatur Per-
sona. Illa est ipsa substantiæ existentia, Ista verò dicitur superaddere mo-
dum aliquem existentia substantiæ singularis, qui modus entitativus di-
citur ultimò terminans & complens naturam substantialem, atque illi
dans incommunicabilitatem, ut subsistere hoc sensu sit naturæ singularis
ultimò completæ, & incommunicabilis. Ita *humanitas Christi* habet prio-
rem subsistentiam quæ constituitur in esse substantiæ quia est vera substan-
tia independens à subjecto; sed non posteriorem quæ constituit supposi-
tum, quia non est suppositum humanum, utpote unita & adjuncta Ver-
bo ad constitutionem *ἁνθρωπίνης*. Hic verò vox subsistentiæ non priori
sensu, sed posteriori sumitur.

VI. 4. Huic subsistentiæ designandæ Græci adhibuerunt vocem *ὑπόστασις* 4. *ὑπό-*
στασις, quæ magnarum turbarum olim in Ecclesia occasionem præbuit, pro-
pter vocis homonymiam; Vel enim genericè & latè sumitur apud Patres
pro ipsa rei substantia, & ita veteres Romani & Africani nullum discrimen
ponebant inter essentiam & hypostasim; unde in Synodo Sardicensi a. 347.
habita, hæreticorum esse dicitur tres hypostasies asserere, Catholicorum verò
unam tantum, & *Athanas.* Epist. ad Africa. & Antioch. *ὑπόστασις ὅσα ἐστίν,*
καὶ ὁ δὲν αὐτὸ σημαίνει, ἢ αὐτὸ τὸ εἶναι, hypostasis substantia est, & nihil aliud notat,
quàm id quod existit, quæ fuit etiam sententia Hieronymi in Epist. ad Da-
masum, qui non patiebatur tres hypostasies dici, ne tres essentia divinx, &
sic tres Dii statuerentur. Vel sumitur *strictè* pro rei subsistentia, & supposi-
to, quomodo Alex. Synodus an. 319. contra Sabellianos definit unam esse
prædicandam *ὑπόστασιν*, tres verò *ὑποστάσεις*, vide Basili. Epist. ad Gregor. fra-
tres. Hinc facilè conciliatio instituitur inter loca Patrum inter se pugnan-
tia, ut ostendit Athanasius in Concilio Alexand. cujus erat præses, qui litem
acrem ortam inter Orientales & Occidentales, Græcos & Latinos, ea de
causa prudenter & feliciter diremit, quod Grego. Nazi. observat in Orat.
de laudib. Athanasii. Unde teste Aug. lib. 5. de Trini. c. 8. dicere consue-
verant *μίαν ὑπόστασιν τῆς ὑποστάσεως, unam scilicet Essentiam, tres Subsisten-*
tias. Postea verò ne vocis ambiguitas esset erroris occasio, ut Thom. no-
tat p. 1. q. 29. art. 2. obtinuit Græcorum sententia, qui *ὑπόστασιν* pro sub-
sistentia ponunt, quæ communis est hodie & recepta apud omnes, eoque
magis, quòd Scriptura hic præire nobis videtur, dum conferendo Perso-
nam Filii cum Persona Patris, cujus refert imaginem, vocat eum *Cha-*
racterem subsistentia Patris, Heb. 1. 3.

VII. 5. Hinc patet quid nomine *Persona* intelligendum sit; Nam *5. Persona.*
quod apud Græcos hypostasis dicitur, id apud Latinos est *Persona*, non
prout vox à Scenâ petita est, & *histrionum larvam* notat, apud Gellium
lib. 5. cap. 7. ubi histriones larvati, *personati* dicebantur, vel quum su-

QUEST. XXIII. nimirum pro *qualitate* aliqua, aut externa specie, quæ ad causæ momentum nihil facit; quo pacto Judex non debet personam divitis in judicio respicere præ paupere, & à Deo removetur *περὶ σωτηρίας*: Vel pro officio & munere aliquo, ut quum quis dicitur exuere personam Judicis, & induere Accusatoris: Sed *proprie & strictè*, prout designat *suppositum intellectuale*, quomodo sumitur 2. Corinth. 1. 11. & apud Jurisconsultos passim usurpatur, quum actio dividitur in rem, vel personam.

VIII. Vox *Persona* propriè concreta est non abstracta, quæ præter formam, quæ est personalitas, subjectum etiam notat cum forma à qua denominatur; Sed quandoque tamen abstractè sumitur, unde fit ut Personæ Divinæ bifariam considerentur; vel concretè, ut quum Filius dicitur *ὑπάρχων in forma Dei*, Phil. 2. 6. vel abstractè, quum vocatur *Character Personæ Patris* Heb. 1. 3. posteriori sensu contradistinguitur essentia, ut modus rei; priori includit essentiam cum modo. Hinc duplex orta est *Persona Divina* definitio, alia *abstractiva*, quam Calvinus noster recipit lib. 1. Insti. c. 13. §. 6. quum Personam definit, *Subsistentiam in essentia Dei, quæ ad alios relata, proprietate incommunicabili distinguitur*, sequutus hac in parte Justinum & Damascenum, qui eam dixerunt *τρόπον ὑπάρξεως, modum subsistendi*: Alia verò *concretiva*, quæ est Melanctonis & Ursini; quibus *Persona* dicitur, *Individuum subsistens, vivens, intelligens, incommunicabile, non sustentatum ab alio, & quod non est pars alterius*. Illa perfectionem Personarum Divinarum plenius exprimit; Ista veritatem subsistentiæ earum clariùs innuit.

IX. 6. Sequitur vox *Trinitatis*, propria huic mysterio; quæ licet in abstracto non extet in Scriptura, legitur tamen in concreto 1. Joh. 5. 7. ut non opus fuerit Pontificios illam ex Traditione arcescere ad causam fidei hæreticis prodendam, cum ipse Bell. li. 2. de Chr. c. 5. fateatur Trinitatem *evidenter* deduci ex Scripturis. Licet verò *τριάς* Græcorum videatur tantum ex prima nominis impositione quemlibet ternarium rerum numerum notare; tamen vox ista, ut multæ aliæ, sacra facta est Ecclesiastica consuetudine, & soli huic mysterio καὶ ἰσχυρῶ applicatur. *Trinitas* autem dicitur, non *Triplicitas*, quæ Essentiæ multiplicationem inferret. Trinus ergo dicitur Deus, non triplex, quia tres sunt Personæ, sed unica numero Essentia.

X. 7. Post vocem Trinitatis, expendendum est τὸ ὁμοούσιον, de quo tot lites in Ecclesia veteri excitatæ sunt. Origo vocabuli petenda est ex hæresi Ariana; cum enim variis modis elabi semper conaretur Arius, fatendo Christum esse Deum, sed ante mundum creatum, imò genitum, qui haberet Essentiam Divinam, sed participatam & dependentem; tandem ut omnia illi effugia præcluderent Orthodoxi, in Concilio Nicæno dixerunt esse ὁμοούσιον Patri, id est, *eiusdem naturæ & essentiæ*. Quantæ verò turbæ propter hoc vocabulum natæ sunt, nemo ignorat, nisi qui in historia Ecclesiastica

Itica planè est hospes. Criminabantur quippe Ariani Orthodoxos, recens esse inventum Patrum Nicænorum, Veteribus planè ignotum, quos propterea *Homousianos* vocabant, quod tamen falsum esse docet Athana. ex Diony. Rom. Dionys. Alex. qui ante exortam Arii heresim non semel vocem hanc usurparunt. Cum verò Ariani hac voce se constringi viderent ad fraudem conversi, conati sunt unius literulæ additione, omnem vim istius vocis intervertere, agnoscentes Filium Patri ὁμοούσιον idest, *similis essentia*, sed non ὁμούσιον, ut notat Theod. lib. 2. hist. c. 18. & l. 5. c. 21. Hinc factum ut in Concilio Arimin. simpliciores ab Arianis decepti τὸ ὁμοούσιον in locum τῷ ὁμοούσις, reponendum consenserint, unde Ariani Catholicos in suas partes transiisse gloriabantur; sed alii constanter restiterunt, & Athanasius fucum detexit, dum non similem, sed eandem in Patre & Filio essentiam esse docuit.

XI. Perperam verò *Curcellanus*, qui magno molimine τὸ ὁμοούσιον oppugnat, pertendit hoc de *unitate specifica* non *numericâ* intelligi; ut una quidem specie dicatur essentia in Patre & Filio, sed non una & eadem numero, quomodo Petrus & Johannes bene dicuntur ὁμοούσιοι, quia sunt ὁμοειδέες qui eandem participant specie essentiam: Nam si Patres unitatem specificam tantum intellexissent, Tritheismum revera induxissent, non tantum tres personas, sed in tribus personis tres numero essentias diversas statuantes, quomodo tres personæ humanæ, tres homines dicunt. Deinde nihil esset mirandum & ἀκατάληπτον in hoc mysterio, quod omnes tamen fatentur, quia quotidie id ipsum cernimus inter homines. Tertiò, cum natura humana sit divisibilis, potest quidem eadem manere specie, quum propagatur per generationem, licet non sit eadem numero, quia scernit quandam substantiæ partem, quam in genitum transfundit; sed de Divina quæ indivisibilis est, eadem non est ratio: nam vel non communicatur, vel communicatur eadem numero; Itaque Christus vel Filius Dei non est, vel eandem numero essentiam debet habere sibi communicatam. Sed hæc fusiùs probabuntur in sequentibus.

XII. Vocabulum ὁμοούσιον usurpatum est potius quàm μονούσιον, vel πανούσιον; non quòd illud unitatem specificam, ista verò numericam demonstrarent; sed quia duo postrema possent usurpari positâ tantum una hypostasi cum Sabellio: Nam μονούσιος potius eum notat qui unam essentiam habet, quàm qui est ejusdem essentia cum alio, vel eum designat cujus natura & essentia ita unica est, ut nihil ei sit simile; ut Sol μονούσιος est, quia est solus suæ speciei, astra verò cætera ὁμοούσια dicuntur, quia eandem naturam inter se obtinent, vel non magnopere differentem. Sic Deus μονούσιος est, quia unicus, & naturæ suæ consortem neminem habet, qui numero sit ab ejus essentia discretus. At Personæ Trinitatis eo sensu μονούσιοι dici nequeunt, quia tres sunt, non unica hypostasis: παν-

Quest. XXIII. τοῦτο & etiam ambiguitate non caret; potest enim designare eum, qui essentiam habet à seipso, non ex alterius communicatione, quo sensu solus Pater esset πάντες & ratione personæ: sed ὁμοῦς notat hic plures personas, consortes ejusdem numero essentia.

**ἰμω-
χώρησις.** XIII. Huc pertinet vox ἰμωχώρησις, quā frequenter Patres utuntur, quam vellicat *Curcellanus*, tanquam ἀγέγον, ambiguam, & quæ adhibetur ad eam rem significandam quæ nusquam in Scriptura docetur. Verum non sine ratione usurpatam esse ad intimam Personarum inter se unionem describendam ex ipsa Scriptura non obscure colligi potest, quum *Filius dicitur esse in Patre, & Pater in Filio*, Joh. 10. 38. & 14. 11. quod mysterium non melius quàm per ἐνάλληλον ἰμωχώρησιν, id est, *mutuam circumplexionem seu inexistentialiam* & immanentiam utcunque exprimi posse putarunt, ut ita designetur perfectissima illa unio qua Personæ Divinae se complectuntur, & se, si fas ita loqui, permeant, ut licet mancant semper distinctæ, nunquam tamen à se invicem separentur, sed semper coexistant, & ubicunque una est, ibi reipsa sit & altera. Nec si fideles dicuntur manere in Deo, & Deus in fidelibus 1. Joh. 3. 24. & 14. 23. propter intimam Spiritus præsentiam, qui arctissimum est communionis ipsorum cum Deo vinculum, continuò ἰμωχώρησις talis ipsis potest tribui; quia diversissima est ratio unionis mysticæ fidelium cum Deo, & unionis divinæ Personarum Trinitatis in Natura, vel Naturarum humanæ & divinæ in Christi Persona.

XIV. Voces *Proprietatis, Relationis, & Notionis*, quæ à Scholasticis adhuc bentur suum usum sano sensu intellectæ habere possunt. *Proprietas* notat peculiarem modum subsistendi & characterem ἀπαρτηνόν, quo in esse personæ hæc vel illa persona constituitur, & ab aliis distinguitur. *Relatio* vero innuit eandem proprietatem, quatenus dicit ἄλλοις unius personæ ad aliam. Et *Notio* eundem characterem designat, quatenus significat Personam unam esse distinctam ab alia; ut sit index & nota distinctionis inter Personas. Aliquod tamen inter eas potest observari discrimen; quia *Notio* latius patet *Relatione*, & *Relatio* *Proprietate*. Nam tres tantum statuuntur *Proprietates*, Paternitas, Filiatio, Processio; quatuor *Relationes*, Paternitas, Filiatio, Spiratio activa & passiva. Et quinque *Notiones*, ἀρρησιὰ, Paternitas, Filiatio, Spiratio tam activa quàm passiva.

XV. A *Notione* oriuntur *Actus notionales*, quorum crebra mentio apud Theologos, qui probè distinguendi sunt ab *essentialibus*, qui fluunt à *Proprietatibus essentialibus*, & terminantur ad aliquid ad extra, quod est aliud & diversum essentialiter à Deo, unde communes sunt tribus Personis. Sed *notionales* proficiscuntur à *Proprietatibus personalibus*, quæ Personis singulariter competunt, & terminantur ad opus ad intra, quales sunt *Generatio & Spiratio*.

XVI. Explicato vobum, quæ hîc usurpari solent, sensu; Nunc de earum usu, paucis dicendum. An liceat illis uti in hoc explicando Myſterio. Occasio Quæstionis nata est ex Hæreticorum importunitate, qui ut rem ipsam facilius possent convellere, voces ipsas tanquam novas & peregrinas, præter Scripturam excogitatas eliminare sunt conati. Hoc jam Ariani, Sabelliani, & reliqui Anti-Trinitarii urgebant adversus Orthodoxos, quod nomina *ἑῷας, ὁμοούσις, ὑπερσείων* &c. non extarent in Scripturis, atque adeò non admittenda essent in Ecclesia. Arius in Disp. cum Athanasio p. 373. *Cur Apostolica fidei adjicitur verbum, cujus nec Prophetæ nec Apostoli mentionem faciunt?* Quorum vestigia prementes Sociniani, & qui cum ipsis hîc faciunt Arminiani hoc subinde opponunt, *Cæcellæus* imprimis, qui peculiari Dissertatione usum istarum vobum nec necessarium, nec utilem esse operosè probare conatur, ideòque satius esse ut redeatur ad *S. Literarum simplicitatem*; & omnes humanitus inventa voces inde arceantur, aut saltem nullus deinceps in eas jurare cogatur, p. 15. 16.

XVII. Equidem si de re ipsa consensus esset, de vocibus non multùm laborandum esse censeremus, quia non decet virum Theologum *ῥοσέν* *καὶ λογομαχίας*. Et hoc sensu intelligenda sunt *Calvini* nostri verba, quæ tam odiosè traducuntur à Pontificiis & Lutheranis lib. 1. Insti. c. 13. §. 5. *Utinam sepulta essent nomina Trinitatis, ὁμοούσις &c. constaret modò hæc inter omnes fides, Patrem, Filium, & Spiritum Sanctum esse unum Deum, nec tamen aut Filium esse Patrem, aut Spiritum Filium, sed proprietate quadam esse distinctos.* Sed quia sæpius compertum est eos qui de verbis pertinacius litigant, fovere occultum virus, & satis constat novos istos Religionis Corruptores, non alià de causa voces istas Veteribus usurpatas condemnare, nisi quia res ipsas illis designatas recipere nolunt, ut cum vocibus res ipsas tollant, rectè Nostri eas retinent, earumque usum non modò licitum, sed & utilem & necessarium esse pertendunt ad constringendam hæreticorum pertinaciam, & ipsos ex latibris suis educendos.

XVIII. Non quæritur, An temerè & sine necessitate liceat voces peregrinas & novas extra Scripturam in Ecclesiam introducere: hoc enim apud omnes est in confesſio, ne Adversariis calumniandi occasio detur, ne spargantur semina dissensionum in Ecclesia, & singularitatis oriatur suspicio; siquidem sæpe sub novis verbis, novæ res & recentia dogmata obtenduntur, quò pertinent varia Patrum dicta, quæ cavendam esse jubent vobum novitatem, & verborum licentiam. *Aug.* de C. D. lib. 10. c. 23. & *Hiero.* in Epist. ad Damasum. Sed, An liceat gravi aliqua ratione ita exigente dogmata *ἰσχυρὰ* vocibus *ἀγράφοις* enunciare ad planiorem veritatis explicationem, & solidiorem errorum refutationem.

XIX. Non quæritur, An sermo hominum præferendus sit Sermoni divino; Sed, An ille ad istius elucidationem in quò Adversarii latibula

Q VÆST.
XXIII.
De usu Vo-
cum Trini-
tatis.
Persona
&c.

Status
Quæstio-
nis.

QUEST. XXIII. captare solent, admitti possit. An verò teneamur verbis Scripturæ ita mordicus hære; ut extra ea, alia nulla in explicandis dogmatibus exco- gitari possint & usurpari: Quod pertendunt Adversarii; Nos negamus.

XX. Rationes petuntur, 1. Ab *utilitate*, quæ multiplex est, sive ad uberiores explicationem mysteriorum istius, sive ad solidiores hæresium quæ illud oppugnant refutationem. 2. A *necessitate*, quia nisi liceat verbis uti, quæ ἀντιλεξή non extant in Scripturâ, non poterimus Scripturam interpretari, & illam ad usum tum theoreticos, tum practicos applicare. Sic esset inutilis ad institutionem & correctionem, convictionem & redargutionem hæreticorum, quia nemo fuit unquam qui errores suos confirmare non conatus sit ex Scriptura, & qui præsidium aliquod in ea se habere non putarit; unde quicquid verbis Scripturæ solis sancitum fuerit, poterit ab illis recipi, retinendo interim venenum suum. Sic Sabellius tres esse, Patrem, Filium, & Spiritum S. non diffitebatur, quia Scriptura hoc dicit; sed unam personam ex tribus illis constituebat, pro diversis operationibus variè appellatam. Arius non negabat Christum esse Deum, sed intelligebat Deum factitium & dependentem. Socinus Christum Dei Filium fatebatur, sed ratione muneris & potestatis, non naturæ; non negat redemisse nos sanguine suo, sed improprie & metaphoricè, non verè & meritoricè. Ita passim Hæretici Scripturas jactare solent, ὅμοια μὲν λαλῶντες ἀνόμοια δὲ φρονοῦντες, ut ait Irenæus in præf. lib. 1. Fuit ergo prudentiæ Christianæ tales usurpare voces quibus fides orthodoxa clarius confirmaretur, & sic constringeretur hæretica pravitas, ne ullus amplius sub æquivocatione ambigua & dolosa esset elabendi locus. 3. A *pari*, In aliis articulis commodè adhibentur termini Ecclesiastici, quod nomen *Peccati Originalis*, & *Sacramenti* ostendit; quidni ergo in hoc mysterio possunt legitimè usurpari?

XXI. 4. Hæc fuit mens Veterum in vocibus istis usurpandis Athanasius in Disp. cum Ario coram Probo Iudice Gentili, tom. 2. *Ecclesiastica semper moris est disciplina, si quando hæreticorum nova doctrina exurgit, contra insolentes questionum mutationes, rebus immutabiliter manentibus, nominum vocabula immutare &c.* Greg. Nazianz. Orat. in S. Lumina, *Non est de nominibus odiosa contentione certandum, quandiu syllabæ ad eandem sententiam ferent.* Aug. lib. 7. de Trin. c. 4. *Fatemur loquendi necessitate paruta esse hæc vocabula, cum opus esset copiosa disputatione adversus insidias vel errores hæreticorum.* Et tr. 97. in Joh. *Adversus impietatem Arrianorum hæreticorum novum nomen Homousion condiderunt, sed non rem novam tali nomine signaverunt.* Hinc Tho. 1. q. 29. Art. 3. *Ad inveniendum nova nomina fidem antiquam significantia coegit necessitas disputandi cum hæreticis.*

XXII. Ὑποτύπωσις ὑγιαίνοντων λόγων, de qua Paulus 2. Tim. 1. 13. non est forma externa locutionis, quæ ita sit verbis Scripturæ alligata, ut

nihil

Fontes
Solutio-
num.

2. Tim. 1.

13.

nihil ne syllabam quidem aut voculam in Scriptura extantem adhibere liceat; alias perperam conciones & commentationes in Scripturam fierent; sed notat eam docendi rationem quæ à Scripturæ mente & fidei analogia non recedat, quæque non tumido vanæ eloquentiæ fastu, sed religiosâ veræ sapientiæ simplicitate gaudeat.

XXIII. Aliud est loqui de modo res enunciandi, Aliud de rebus ipsis; Paulus quum vetat ἐπιδοιδασκαλεῖν 1. Tim. 6. 3. res ipsas notat, ne quis *ἐπι* doceat, id est, dogmata quæ aliena sint à veritate & simplicitate Evangelii: Sed non loquitur de modo tradendi, quasi illicitum censeret uti aliis verbis quàm ἐγγεγραμμέναις. Nec enim Deus frustra donum Prophetiæ dedit Ecclesiæ ad interpretandas Scripturas, quod inutile sanè foret, si rem Scripturis traditam nefas esset aliis vocabulis exprimere.

XXIV. Alia est *novitas verborum* tantum; Alia quæ cum verbis infert *novitatem rerum*. Alia utilis & necessaria, quæ ad elucidationem veritatis & erroris confutationem facit; Alia verò vana & exitialis, quæ sub novis & peregrinis verbis peregrina invehit dogmata. Paulus istam damnat non illam, quum jubet vitare τὰς βεβήλους καὶ νεοφανίας *profanas vocum novitates* 1. Tim. 6. 20. Unde Aug. tract. 97. in Joh. *Apostolus non dicit verborum novitates devita, sed addit profanas; Sunt enim & doctrinae religionis congruentes verborum novitates, &c. res ipsa novis appellata nominibus ante nomina sua erant &c.*

XXV. Aliud est sub pœna anathematis obtrudere voces in Ecclesia recipiendas; Aliud verò res vocibus significatas: Posterius rite potest fieri, sed non prius.

XXVI. Aliud est non esse in Scriptura expresse, & κατὰ τὸ γέγραμμα; Aliud verò æquivalenter & κατὰ τὸ πρᾶγμα, live quoad rem significatam; Voces Trinitatis, ὁμοκτίη, περιχωρήσεως, Personæ, non sunt in Scriptura priori modo, sed posteriori.

XXVII. Vitanda sunt illa vocabula, quæ materia sunt iurgiorum per se in Ecclesia, sed non quæ tantum per accidens propter pertinaciam hæreticorum, qui voces impugnant, ut res ipsas vocibus significatas tollant.

XXVIII. Licet Concilium Alexandrinum apud Socratem lib. 3. c. 5. non usurpandos decreverit tales terminos in concionibus ad populum: agnoscit tamen posse legitimè adhiberi in Polemicis, quando res nobis est cum versipellis hæreticis qui eò nos adigunt.

XXIX. Alia sunt fundamenta fidei, Alia ejusdem munimenta: Illa innituntur tantum Scripturis & ex illis petuntur; Ista assumuntur etiam extra Scripturas contra impugnantium insultus. Hujusmodi sunt varia ista vocabula à Theologis excogitata ad prævertendam fraudem & πανουργίας hæreticorum.

XXX. De Deo non est loquendum nisi cum Deo, id est, nihil asserendum,

QUEST. XXIV. rendum, nisi quod ipse asseruerit in Verbo suo quoad res ipsas, sed non statim quoad voces; aliàs non alià linguà quàm Hebræâ, in qua Deus locutus est, de illis esset loquendum.

QUESTIO XXIV.

An Trinitatis Mysterium sit Articulus fundamentalis fidei?

Aff. contra Socin. & Remonst.

I. **A** Nequam de *Veritate* Mysterii Trinitatis dispuemus, de ejus *Necessitate* quædam dicenda sunt, non modò contra *Socinianos* qui directè negant hunc esse fidei articulum, sed etiam propter *Remonstrantes*, qui licèt illius fidem videantur profiteri, negant tamen articulis fundamentalibus esse accensendum, ut sine salutis dispendio possit à nobis ignorari; ut hoc non obscurè testantur, In Apolog. sua c. 3. In responso ad excerpta D. D. Profess. Leid. p. 38. 39. & *Episcopi* l. 4. Inst. c. 34. sic scilicet qui clanculum subruunt dogmatum Christianorum veritatem, plerumque prius quæstionem movent de eorum momento & necessitate, ut homines in securitatis somnum inducti, tantò faciliùs veritatem sibi excuti patiantur, nec decertent pro fide semel Sanctis datâ.

Status

*Quæstio-
nis.*

II. Ad Statum Quæstionis observa I. Non agi tantùm de *negatione* istius articuli, sed de simplici *ignoratione*, quædam enim in Verbo revelata ejusmodi sunt, ut citra salutis dispendium possint ignorari, licèt sine ejusdem periculo non possint negari: Sed Trinitatis non solùm negatio, sed & simplex ignoratio est damnabilis.

III. Non quæritur, An æqualis debeat esse in omnibus cognitionis istius gradus. Fatemur enim varium esse & multiplicem, in aliis majorem & ampliorem, in aliis minorem & obscuriorem, v.g. in fidelibus V. T. præ fidelibus N. in idiotis & rusticis, præ Doctoribus; Sed, An non aliquis saltem ejus cognitio necessaria sit in omnibus pro ratione status, personarum, & temporis in quo versantur.

IV. Non quæritur de perfecta & plena istius Mysterii comprehensione, vel de intuitiva ejus notitia; hæc enim est solum Beatorum, illa solius Trinitatis, quo sensu *Cyprian.* lib. 1. de Bapt. Christi dicit *sibi soli notam esse Trinitatem*; Sed quæritur tantùm, An ad fidem Catholicam omnibus salvandis necessariam, trium Divinitatis Personarum cognitio & confessio requiratur.

V. Non quæritur, An cognitio Trinitatis sit necessaria absolutè quoad ejus *rationem* & *divinitatem*, sive quoad probationes omnes quibus confirmatur à Theologis, sive quoad rejectiones sophismatum quibus oppugnari solet ad hæreticos: Sed quæritur de positiva ac simplici dogmatis istius cognitione ac confessione.

VI.

VI. Quæstio ergo eò redit; An Myſterium Trinitatis ſit Articulus fundamentalis, qui fidelibus omnibus creditu ſit neceſſarius, ut ſine ſalutis diſpendio non modò negari, ſed nec ignorari poſſit; quod Adverſarii negant; Nos aſſerimus his poſſimùm ducti argumentis.

VII. Primò, Quia in ejus cognitione ſita eſt vita æterna. *Hæc eſt vita æterna*, inquit Chriſtus Joh. 17. 3. *ut te cognoscant ſolum verum Deum, & quem miſiſti Jeſum Chriſtum.* Et ne quis excipiat fieri mentionem Chriſti, non ut Dei, ſed ut Mediatoris à Deo miſſi, conferantur loca parallela, ubi de eo Scriptura loquitur, ut de vero Deo primario fidei objecto, 1. Jo. 5. 20. *hic eſt verus Deus & vita æterna*, & Joh. 14. 1. *Crèditis in Deum, credite etiam in me.* Adde quòd Chriſtus non potuiſſet eſſe Mediator, niſi fuiſſet verus Deus: diſtinguitur autem hic non à Deo, ſed à Patre à quo miſſus eſt.

Trinitatis
dogma eſt
articulus
fundamen-
talis.

VIII. Secundò, Quia continet primarium objectum fidei & cultus, cujus confeſſionem neceſſariò includit Baptiſmus noſter Matt. 28. 19. Nam non ſufficit cognoscere quòd ſit Deus quoad exiſtentiam, vel quid ſit quoad attributa; ſed debet etiam agnoſci quis ſit quoad Perſonas, prout ſe cognoscendum in Verbo nobis præbet. Unde 1. Jo. 2. 23. *Qui negat Filium, is nec Patrem habet*, & Jo. 5. 23. *Qui non honorat Filium, non honorat Patrem qui mit eum*; ut ergo Deus ſe revelavit ut Eſſentiâ unum, & Perſonis trinum, Patrem ſcilicet, Filium, & Spiritum Sanctum; Ita qui non agnoſcit & credit Trinitatem, non habet verum Deum, ſed ſibi pro Deo idolum fingit.

IX. Tertiò, Quia ab eo articulo varia dogmata fundamentalia pendent; qualia ſunt dogmata de miſſione Filii, de adventu ejus in carnem, de ejus Satisfactione, de miſſione Spiritus S. & divinis ejus operibus & ſim. Et ſine eo præcipuæ ſalutis cauſæ ignorantur; Gratia Patris, Meritum Filii, & Sanctificatio Spiritus Sancti, quæ non niſi ſacrilegè Enti creato tribui poſſunt. Ut ergo ad ſalutem neceſſe eſt ut diſtinctè cognoscamus Deum, à quo omnia beneficia ſalutifera nobis obveniunt; ita doctrina de Trinitate inter præcipuos fidei articulos meritò eſt habenda.

X. Quartò eſt ſtabilimentum totius Religionis Chriſtianæ & ſalutis noſtræ, quò à Judæis hodiernis, Mahumetanis & Ethnicis diſtinguimur. Quintò conſtans fuit fides Veterum, ut ex Symbolis, Conciliis, Patribus, Reſcriptis Imperialibus, Confeſſionibus Eccleſiarum facile colligitur; hinc illa Symbo. Athana. *Qui vult ſalvus eſſe, ante omnia opus eſt ut teneat Catholicam fidem, quam niſi quiſque integram & inviolatam ſervaverit, abſque dubio in æternum peribit; fides autem Catholica hæc eſt, ut unum Deum in Trinitate, & Trinitatem in Unitate veneremur.*

XI. Licèt Myſterium Trinitatis obſcurius fuerit in Vet. quàm in N. T. non ſequitur ignotum planè fuiſſe; nam aliàs nec verum Deum cognoviſſent, nec in Meſſiam credere potuiſſent. Diſtinguenda ergo hæc cognitio ab ejus gradibus; data fuit eadem cognitio quoad ſubſtantiam,

Quæritur. ut postea probabitur; sed quæ varia fuit quoad gradum, gradus autem non mutat speciem.

XXIV.

XII. Trinitas continetur in Symbolo, si non in actu signato, saltem in exercito, quatenus fidem nostram tribus personis obsignamus; nec alia fides est quæ credo in Deum Patrem, alia quæ credo in Filium & Spiritum Sanctum.

XIII. Aliud est credere τὸ ὅτι Trinitatis; Aliud scire τὸ διότι, & τὸ πῶς: Posteriori sensu non dicimus esse Articulum fundamentalem, quia hoc nec ipsi Angeli capiunt, multò minùs homines licet perspicacissimi; sed priori tantùm, quo modo ipsi rustici & idiotæ Trinitatis doctrinam & credere & profiteri tenentur.

XIV. Fides Trinitatis à baptizatis non poterat non requiri, quum in nomine Patris, Filii, & Spiritus S. tingebantur; imò confessio fidei quæ ab ipsis exigebatur, & quæ Symbolo Apostolico continebatur, non ultra Trinitatis doctrinam ab initio extendebatur; unde antiquissimæ expositiones Symboli, quæ extant apud Irenæ. Tertull. Origen. Justinum, non ulteriùs extenduntur; imò & intra hæc capita Nicænum Symbolum contentum fuisse docent Socrates, Sozomenus, Nicephorus. Baptismus in nomine Christi administratus non excludit, sed includit fidem Trinitatis, quia Christus non potest cognosci sine Patre & Spiritu.

XV. Ut articulus aliquis sit fundamentalis, non opus est ut literaliter extet semper in Scriptura quoad omnia verba quibus solet exprimi; sufficit si in ea quoad rem contineatur, & æquipollenter, & per evidentem & necessariam consequentiam inde deducatur. Quamvis ergo vox Trinitatis non extet in Scriptura in abstracto, satis est rem ipsam contineri in concreto, & quoad sensum.

XVI. Dissensus Doctorum, qui occurrit in expositione istius mysterii, nihil detrahere debet rei veritati; maximè quum dissensus non est in re ipsa, sed in concipiendi ratione, vel explicandi modo, vel defendendi methodo, qualis potest esse inter Theologos etiam Protestantes. Quoad Scholasticos non diffitemur eos curiosis & temerariis suis quæstionibus totam hanc doctrinam miserè obscurasse; sed lites ipsorum nostras non facimus, imò ab eorum tricis & λεπτολογίαις procul esse volumus Virum Dei.

XVII. Loci fundamentales *Catholici* dicuntur, non tam respectu personarum, quàm *doctrinæ*; non quòd de illis Christiani omnes sive veri sive nomine tantùm tenus consentiant; sed quia ab omnibus veris Christianis, qui Catholicam fidem profitentur, retinentur.

XVIII. Articulus Trinitatis non est tantùm theoreticus, sed & practicus, quia facit ad gratitudinem & cultum Dei, ut nostram Deo uni & Trino qui se nobis revelavit fidem & obsequium addicamus; & ad consolationem, ut sciamus Christum verè nos redemisse, & salutem nostram in tuto esse positam.

XIX.

XIX. Fallò *Episcopus* pertendit Patrum Ante-Nicænorum aliam fidei fuisse: Nam constanter hoc dogma & creditum & confessum fuisse ex Justino, Athenagora, Ignatio, & aliis facile ostendi potest; Et illa ipsa confessio fidei quam *Episcopus* memorat hoc satis testatur: quomodo enim poterant credere in Patrem, Filium, & Spiritum Sanctum, nisi Trinitatem credidissent? Nec concipi potest quomodo tam subito & inopinatò Arium reluctantem tam unanimiter 318. Patres condemnassent, nisi certa fuisset apud Veteres hæc sententia. Socinus sanè ingenuè fatetur, se à Patribus & Conciliis hac in parte dissentire.

XX. Hoc verò ita se habere ex priscis primorum seculorum quæ supersunt, monumentis non obscure colligi potest; Pauca tantum ex multis damus. Plinius Junior in Epist. ad Trajanum lib. 10. Epist. 97. de Christianis loquens, docet eos coluisse Christum ut Deum: *Illi tantum*, inquit, *affirmabant hanc fuisse summam vel culpa sua, vel erroris, quòd essent soliti stato die ante lucem convenire, carmenque Christo quasi Deo dicere secum invicem, seque sacramento non in scelus aliquod obstringere, sed ne furti, ne latrocinia, ne adulteria committerent, ne fidem fallerent, ne depositum appellati abnegarent.* Quibus verbis testatur Plinius Christianos, Dominum Jesum Christum tanquam Deum habuisse, & illum cultu divino, & doxologia religiosa esse veneratos; quod testimonium ab ipsis hostibus peti- tum, non patitur nos dubitare de fide primorum Christianorum. Tertull. cò respiciens Apolo. c. 2. Plinium secundum ad Trajanum scribentem de Christianis, nihil aliud se de eorum sacramentis comperisse ait, quàm *cælus antelucanos ad canendum Christo ut Deo*, sic enim legendum esse, non ut vulgò legitur, *Christo & Deo*, verba Plinii liquidò ostendunt, & ex eo Eusebius in Chron. p. 209. Edit. Scalig.

XXI. Clemens Romanus in Epist. ad Corinth. opere genuino & vetustatis venerandæ, de Christo loquitur non ut homine tantum, sed de eo quem Deo conjungere non veretur unà cum Spiritu S. pag. 20. *ἓνα θεὸν ἓνα χριστὸν, καὶ ἓνα πνεῦμα χάριτος τοῦ ἐκχυθέντος ἐν ἡμῖν.* *Annōn unum habemus Deum, & unum Christum, & unum Spiritum gratia in nos effusum?* & ibidem eum vocat *sceptrum Majestatis divinae*, ut illum ab humili hominum sorte eximat. Aristides qui vixit paulò post Clementem Rom. temporibus. Elia Adriani idem confirmat in Apologia sua oblata Adriano Imperatori cujus meminit Euseb. in Chroni. & Hiero. in Catal. Scriptorum Ecclesiasticorum, & imprimis Martyrologium Rom. vetustissimum cujus hæc sunt verba: *Adriano Principi de Religione Christiana volumen obtulit nostri dogmatis, continens orationem, quòd Christus Jesus solus esset Deus, prasente ipso Imperatore, luculentissime peroravit.* Non absimili ratione, Ignatius in Epist. ad Ephesios idem mysterium confirmat, *ἓνα θεὸν, καὶ ἓνα κύριον ἡμῶν, θεὸν Ἰησοῦν Χριστὸν, τὸν μετὰ αἰώνων υἱὸν μονογενοῦν*, inquit,

QUEST.
XXV.

καὶ λόγον, ὑπερόν δὲ καὶ ἀνθρώπον ἐκ Μαρίας τῆς παρθένου &c. *Habemus unicum Medicum Dominum nostrum Deum Jesum Christum, antecessa Filium unigenitum, postea vero & hominem ex Maria Virgine, quo disertius dici nihil potuit. Theodoretus Dial. 1. hujus loci meminit. Alibi in Epist. ad Roma. Christum vocat Deum suum, & in Epist. ad Magnasios, Christum dicit Verbum Patris non prolatitium sed essentiale. Athenagoras Atheniensis Philosophus in Apologia sua pro Christianis quam Imperatoribus Marco Aurelio Antonino & Lucio Vero obtulit, cujus mentio fit apud Epiph. hær. 64. & in Auctario Bibliothecæ Patrum Fronto. Ducæi fidem S. Trinitatis non semel perspicuè & solidè adstruit. Ut Deum asserimus, & Filium ipsius Verbum, & Spiritum S. unum secundum potentiam, Patrem, Filium & Spiritum S. &c. Justinus Martyr variis locis idem confirmat, quæ exscribere longum nimis foret. Consulatur Dialogus contra Tryphonem Judæum, ubi Christum esse Deum contra ipsum ex Oraculis V. T. Christo applicatis solidè probat. Et Apologia quæ vulgò secunda habetur. Irenæus Justinii Martyris vestigia premeus lib. 4. c. 11. Ipse Christus, inquit, cum Patre est Deus vivorum, qui locutus est Moysi, qui & Patribus manifestatus est. Vid. lib. 3. c. 6. lib. 2. c. 56. Clemens Alexand. Verbi Divinitatem & cultum non semel adstruit Strom. lib. 7. Pædog. lib. 3. c. ult. & lib. 1. c. 11.*

QUESTIO XXV.

An in una Essentia Divina Tres sint distinctæ Personæ, Pater, Filius & Spiritus Sanctus? Aff. contra Socinianos.

Status
Quæstio-
nis.

I. **A**D Quæstionis istius primariæ, quæ nobis cum Antitrinitariis tam veteribus quàm recentioribus intercedit, intelligentiam, observa. Fidem orthodoxam hanc esse; In unica & simplicissima Dei Essentia, Tres esse distinctas Personas, quæ proprietatibus incommunicabilibus, sive modis subsistendi, ita inter se distinguantur, ut una non sit alia, licet per ineffabilem *ἁποχώρασιν* maneat semper & existant in se invicem. Ita unica numero Essentia communicatur tribus Personis, non tanquam species individuis, vel substantia secunda primis, quia est singularis & individua; nec tanquam totum partibus, cum sit infinita & impartibilis, sed tanquam natura singularis suis suppositis, in quibus varios subsistendi modos sortitur. Unde patet 1. Essentiam Divinam in eo præcipuè à Personis distingui, quòd communicabilitatem habeat, cum Personæ proprietate incommunicabili distinguantur. 2. Differre à naturis aliis singularibus, quòd, cum communicentur tantum uni supposito, & unicâ subsistentiâ terminentur, quia sunt finitæ; ista, quia infinita est, plures possit admittere.

II. Hinc est quòd tres Personæ in Divinis non sunt tres Dii, ut inter homines, quia Personæ in Divinis eandem numero participant Essentiam, eamque infinitam; at in humanis tres homines eandem Essentiam specie tantum non numero participant. Sic tres Trinitatis Personæ non *συνέσται*, vel *ὁμοιόσται*, sed *ὁμοῦσται* dicendæ sunt, quia non simile tantum, sed eandem numero inter se habent Essentiam, cujusmodi nihil extat in creatis. Nec Proprietates quibus inter se distinguuntur, dispares gradus constituunt, licet ordinem earum designent, utpote diversi subsistendi modi, quibus nec Essentia in Personis dividitur, nec Personæ ab Essentia separantur, sed tantum ita distinguuntur, ut una non sit altera.

III. Non quæritur, An unus sit numero Deus; vel, An tria ista nomina, Pater, Filius, & Spiritus S. de Deo dicantur, hoc enim facile concedunt Sabelliani & Sociniani. Sed, An tria ista nomina tres distinctas Personas in unica ista & individua Essentia subsistentes designent: quod volunt Orthodoxi, negant Antitrinitarii: Tum illi, qui cum *Sabellio* unam tantum Personam agnoscunt, quæ alio & alio respectu, jam Patris, jam Filii, jam Spiritus S. nomen induat; quem pestilentissimum errorem superiori seculo *Michaël Servetus* monstrum hominis ex orco revocavit: Tum illi qui cum *Tritheistis* ex tribus Personis tres constant essentias, unam essentiantem, duas essentiatas, quod impie *Valentinus Gentilis* asseruit: Tum illi qui cum infame *Socino* Mysterium hoc sanctissimum, ut humani cerebri figmentum blasphemè traducere sustinent; Adversus quos fides Orthodoxa confirmanda est.

IV. Ut verò Mysterium hoc longissimè superat rationis humanæ caput, ita ex sola Verbi revelatione solidè potest demonstrari; Et quicquid ad illius probationem à nonnullis ex natura & rationis discursu solet afferri, vel à Dei perfectione & potentiâ, vel ab ejus intellectione, vel à boni communicatione, licet suppositâ revelatione respectu fidelium possit utcumque inservire ad ejus illustrationem, non potest tamen convincere, & solidæ probationis vim obtinere. Eadem est ratio similitudinum variarum quæ hic adhiberi solent; ab anima humana, ab Iride, ab arbore, à fonte, à Sole & luce, quæ aliquod licet subobscurum Trinitatis exhibere videntur vestigium, quæ ut magnâ dissimilitudine semper laborant, ita sobriè & cautè debent proponi, non adversariis ad eos convincendos, sed fidelibus ad eos confirmandos, & tanti Mysterii saltem credibilitatem ostendendam.

V. Quæ in Gentilium monumentis ad hoc Mysterium pertinentia occurrunt, vel sunt adulterina & supposititia, ut quæ petuntur ex *Trismegisto*, & *Libris Sibyllinis*, qui jamdudum ut nothi ab oculatioribus condemnati sunt, & si nihil aliud evinceret, satis hoc testaretur, quod ibi clariùs hoc mysterium retegatur, quàm ab ullo Prophetarum propositum fuerit. Vel non huc faciunt, ut quæ ex Platone & Platoniceis de tribus Principiis, *Mente, Verbo, & Spiritu*, petuntur, quæ si quid probant tres Essentias

Trinitas non ex lumine natura, sed ex sola revelatione solidè probatur.

Quæst.
XXV.

seu Deos separatos adstruunt; & si quid veri habent, id ex prisca Hebræorum doctrina & lectione librorum Moïsis & Prophetarum, quos non ignotos fuisse penitus Platoni constat, haustum videtur, & Traditioni ex revelatione potius, quàm rationi ex lumine naturæ adscribendum est.

V I. Quicquid ergo de hoc Mysterio scire licet, ex Dei Verbo solo discendum est; Et unica certa & invicta probatio, nec petenda est ex obscuro & corrupto Rationis lumine, nec ex Patrum rivulis, nec ex turbidis Scholasticorum ἀποκατάστασις, & in profundam istam abyssum temerè irrumpentium lacunis, qui dum spinosissimis suis argutiis nihil indiscussum relinquere satagunt, sentiunt tandem scrutatores Majestatis ab ea opprimi; Sed ex limpidissimis Scripturarum fontibus, in quibus Spiritus Sanctus totum hoc Mysterium, quantum ad salutem cognitu necessarium est, revelare nobis dignatus est; In Veteri quidem Testamento obscurius, sed clariùs in Novo. Unde propterea Probationum nostrarum initium facimus.

1. Trinitas
probat
ex Baptismo
Christi,
Matt. 3.
16.

V I I. Prima petitur à *Baptismo Christi*, Matt. 3. 16. in quo Tres Personæ distinctis se manifestarunt personalitatibus; Pater qui è cœlo loquitur, Filius qui è Jordane ascendit, & Spiritus qui de cœlo descendit in specie Columbæ, & manet super Filium. Alius auditur, sed nec videtur, nec descendit. Alius non auditur, sed visibili specie descendit. Alius descendit & ascendit è flumine baptizatus in conspectu omnium: Unde illud Veterum: *Abi Ariane ad Jordanem, & videbis Trinitatem*. Filius hic intelligitur, non communis, sed singularis, & proprius ac dilectus in quo Pater sibi complacuit, qui Spiritu Sancto debuit baptizare, Luc. 3. 16. quod de Persona creata dici nequit, sed tantùm de Divina. Spiritus verò de quo mentio fit, non potest tantùm designare voluntatem aliquam vel proprietatem Dei, quia nunquam in Scriptura Proprietates Dei dicuntur descendere è cœlo super aliquem, quæ est actio personalis, multò minùs corpoream aliquam & visibilem speciem assumere. Nec particula *ωσεί*, quæ apponitur, ad *modum descensus* referri debet, ut vellent Sociniani, quasi diceretur sensim & leniter delapsus, ut columba solet, non cum impetu, ut accipiter prædæ intentus; sed ad *modum apparitionis*, quæ facta fuit sub visibili ista & corporea specie, ad characterem Spiritus Christi meliùs designandum. Unde & descensus ipse, & mansionis quies super Christum satis probant descendentem personam esse, non simplicem qualitatem: Non obstat quòd illo baptizari dicamus; non minùs enim possumus dici baptizari Spiritu, figuratè scilicet & mysticè, quàm dicimur Christo indui & nutriri, licet sit persona.

2. ex Baptismo
nostro,
Matt. 28.
19.

V I I I. Secundò idem confirmatur ex *Baptismo nostro* à Christo instituto, Matth. 28. 19. *Docete omnes gentes, baptizantes eos in nomine Patris, Filii, & Spiritus S.* Ubi etiam tres occurrunt Personæ distinctæ ejusdem naturæ, authoritatis & virtutis, quibus nomina nostra ex æquo damus & sponde-

spondemus obsequium: baptizamur autem in *nomen* ipsis commune, non in *nomina*, quod Essentia unitatem notat. Ut autem baptizari in nomine Dei, tria potissimum dicit. 1. *Authoritatem Dei instituentis*, & fœdus quod nobiscum pepigit hoc Sacramento, velut sigillo confirmantis. 2. *Promissionem gratia & protectionis* erga eos, quos baptismo in communionem suam recipit. 3. *Stipulationem cultus & obsequii*, ad quod baptizati ex fœdere adstringuntur: Ita necesse est Patrem, Filium, & Spiritum S. unicum illum & verum esse Deum, qui ut author fœderis gratia, authoritatem habet instituendi Sacramenta ad ejus obsignationem, qui gratiam fœderalem potest polliceri & præstare, & ad cujus cultum ac obsequium fœderati initiantur & obligantur; quod de nullo mortalium dici posse Paulus satis testatur 1. Cor. 1. 13. quum negat Corinthios in nomen Pauli esse baptizatos. Nec vim istius argumenti potest elevare, quòd Israëlita dicuntur in Mosem baptizari, 1. Cor. 10. 2. Aliud est quippe in nomine Dei baptizari; Aliud in Mosem baptizari, id est, vel Mosis ministerio כֹּהֵן מֹשֶׁה per manum Mosis, ut vertunt Syrus & Arabs, vel quod melius in doctrinam Mosis ad confirmationem doctrina à Mose tradita, quomodo saepe Moses pro Lege, vel doctrina ab ipso tradita usurpatur Jo. 5. 45. 46. *Moses in quem speratis, & cui creditis vos accusabis*, id est, doctrina Mosis, & Luc. 16. 29. *Habent Mosem & Prophetas*, non utique in personis ipsorum, sed in doctrina. Sic baptizari in baptismo Johannis est baptizari ad confirmationem doctrina quam Johannes baptismo suo obsignabat Act. 19. 3.

IX. Tertiò probatur ex 1. Jo. 5. 7. ubi expressè tres memorantur, qui unum esse dicuntur, *Tres sunt qui testificantur in caelo, Pater, Verbum, & Spiritus, & hi tres unum sunt*. Tres ponuntur Testes, non utique qualitates, sed Personæ; nam ut Pater est Persona, ita & Verbum, & Spiritus, qui in eodem ordine & gradu locantur: Testes non humani, vel Angeli, qui vocantur testimonium divinum v. 10. oppositum proinde humano & creato. Ita tamen distinctè testificantur, ut unum sint, non consensu tantum & voluntate, sed essentiâ, ut unum dicuntur Jo. 10. 30. Frustra Adversarii ad telum hoc declinandum fidem istius loci sollicitare conantur, quasi adulterinus sit, quia desideratur in variis Codicibus Græcis, nec apud Syrum & Arabem Interpretes legitur, & à variis Patribus omittitur. Nam faciunt pro nobis antiquissimi & probatissimi Codices, qui locum hunc retinent, ut Hiero. prologo in Epist. Cano. in Codicibus Græcis extitisse notat, & Erasmus fatetur extare in Codice Britannico vetustissimo; Et laudatissimæ Editiones Complutensis, Antverpiensis, Ariæ Montani, R. Stephani, Valtoni quæ optimis Codicibus usæ sunt, hunc habent; Unde si in quibusdam desideratur, hoc vel fraudi & dolo malo Arianorum adscribendum est, ut Hiero. agnoscit; vel anteriorum hæreticorum, quos manus sacrilegas intulisse in Scripturam constat. Accedit Textus ipsius connexio, & series sermonis

QUEST. monis Apostolici, quæ illum postulat; nam nullus esset sensus verborum
XXV. sequentium, & tres sunt qui testantur in terra, nisi supponeretur tres testes
præcessisse testantes in cælo, quibuscum Testium in terra fieret collatio.

X. Perperam etiam volunt agi tantum de unitate consensus, seu ὁμοθυ-
λίας, quia perfecti ὁμοθυλία supponit etiam ὁμοσίαν; unde qui ad consen-
sum referunt ex Nostriis, non excludunt, sed supponunt identitatem natu-
ræ; quicquid enim non est Deus, cum sit mutabile & fallibile quod deficere
potest, ejus testimonium divinum, ac cum Deo unum dici non potest.

2. Non dicuntur tantum eis τὸ εἶναι ad idem esse, ut de testibus terrestribus
dicitur, quod bene ad consensum refertur, sed esse τὸ εἶναι unum quod iden-
titatem naturæ propriè infert. Nec si fideles dicuntur esse unum, Jo. 17. 21.
ut Pater est unum cum Filio, sequitur eandem esse utrobique unitatis ratio-
nem: nec vox καθὼς semper notat æqualitatem, sed qualemcunque ana-
logiam & similitudinem; ut 1. Pet. 1. 19. Matt. 5. 48. Non dicitur de fi-
delibus, quod sint unum cum Deo, sed quod sint unus spiritus, 1. Cor. 6.
17. non ut referatur ad unitatem essentialem, sed ad mysticam & spiritua-
lem, ut εἶναι εἰν πνῶμα, idem sit quod, εἶναι εἰν τῷ πνῶματι, esse unum
Spiritu, quia idem Spiritus & in Capite & in membris operatur.

4. Ex 1. XI. Quartò, Benedictio Apostolica idem non obscure evincit 2. Cor.
Cor. 13. 13. Gratia Domini nostri Jesu Christi, & Charitas Dei, & Communio
Spiritus S. sit cum omnibus vobis. Hæc enim tria beneficia quæ totam salutis
rationem complectuntur, à tribus distinctis, & tribus nominibus insigni-
tis, fidelibus optantur; Si ergo Dominus qui confert gratiam, & Deus qui
charitatem largitur, sunt Personæ, quidni etiam Spiritus S. qui in eadem
classe reponitur, ejusdem ordinis esset & dignitatis? Nec hic excipi debet,
Communione Spiritus passivè, non activè esse intelligendam, quasi votum
hoc esset, ut gratia Christi, & charitas Patris, Spiritum S. fidelibus com-
municet: Nam aliud est Spiritum petere à charitate Dei & gratia Christi;
aliud verò petere ut communio Spiritus sit cum fidelibus, non minùs ac
gratia Christi & charitas Patris, quod hic fit. Hoc enim pacto tria beneficia
à tribus Personis manantia in opere Redemptionis, juxta proprium cuique
operandi modum, designantur: Charitas Dei in destinatione; Gratia Chri-
sti in acquisitione, & Communio Spiritus in applicatione; quomodo alibi
Spiritus proponitur ut author donorum, & ut objectum voti, non ut ma-
teria ejus, quum ab eo petitur gratia & pax Apoc. 1. 4. 5.

5. Ex Jo. XII. Quintò, huc pertinent loca in quibus expressa sit mentio
15. 26. Trium, qui distincti sunt à se invicem, quibus opera divina ex æquo
tribuantur, ut Jo. 15. 26. Cum venerit Paracletus, quem mittam vobis
à Patre, Spiritus veritatis, qui à Patre procedit, ille testabitur de me: &
capite 14. 16. Ego rogabo Patrem, & alium dabit vobis, qui maneat
vobiscum in æternum; ubi videmus mentionem fieri Paracleti missi,
Filii

Filii mittentis, & Patris à quo procedit, & cujus nomine mittitur, qui ut-
 ut alii ab invicem, Filius à Patre, & Spiritus à Filio, tamen in æquali au-
 thoritatis & virtutis gradu collocantur ad complementum operis Redem-
 ptionis, quod soli Deo competit absque creaturarum interventu; sic missio &
 executio ostendunt tantum ordinem inter Personas & appropriatorum di-
 stinctionem, non essentiam, aut causalitatis diversitatem. Nec obstat, quod
 Christus dicat se rogare Patrem & eum se esse majorem Jo. 14. 16. 28. quia
 hoc dicit officii & œconomiae respectu, non ratione essentiae: Vel quod Spi-
 ritus dicatur pluribus dari, quod personae non competit; Nam & Filius bene
 pluribus dicitur dari, non destruendo vel distrahendo personam, sed com-
 municando beneficia: Vel quod negatur Spiritum à se loqui, Joh. 16. 13.
 Nam hoc absolutè non est intelligendum, quasi aliquid non dicat, sed quia
 aliud non docet ab eo quod Christus docuit, ut innuatur esse principium
 πλεσμεζυγὸν, quod consummat opus salutis inchoatum à Patre, & promo-
 tum à Filio.

QUEST.
XXV.

XIII. 1. Cor. 12. 4. 5. 6. *Distinctiones donorum sunt*, inquit Paulus, *sed* 6. ex 1. Cor.
idem Spiritus; distinctiones ministeriorum, sed idem Dominus; distinctiones ope- 12. 4. 5. 6.
rationum, sed idem Deus qui operatur omnia in omnibus. Cum autem constet
 neminem nisi Deum solum posse authorem esse donorum, ministeriorum,
 & operationum, necesse est ut Spiritus, Dominus, & Deus Pater, à quibus
 ista proficiunt, sint unus ille Deus. Nec potest dici causas istas esse subor-
 dinatas, non principales, quia in eodem ordine collocantur, & non minùs
 Spiritus dicitur distribuere singulis prout vult dona, quàm Deus Pater au-
 thor esse operationum: Sic Apostolus Corinthios de donis inter se litigan-
 tes ad unitatem vult reducere hoc argumento. Quaecunque habetis sive do-
 na, sive ministeria, sive operationes miraculosas ab unico Deo proveniunt;
 sed ista partim à Spiritu S. partim à Domino Jesu, partim à Deo Patre, qui
 κατ' ἐξοχὴν Deus dicitur, conferuntur; Ergo Pater, Filius, & Spiritus S.
 sunt unus ille Deus, in quo vos oportet unitatem colere.

XIV. Impossibile est idem esse & non esse eodem respectu; sed in Trini-
 tate quæ distinguuntur personaliter, idem possunt esse essentialiter; Itaque etsi
 Filius sit ejusdem essentiae cum Patre, rectè dicitur non esse Pater: Illud enim
 ratione essentiae tantum dicitur, hoc verò respectu Personæ.

XV. Qui sunt tres numero Dii, non sunt unus numero Deus; sed Pa-
 ter, Filius, & Spiritus S. licet sint tres numero Personæ, non sunt tamen
 tres numero Dii, quia eandem participant Essentiam Divinam. Pater est
 alius, Filius est alius, sed non alius Deus; Alius est personaliter, sed non
 essentialiter.

XVI. Principia quæ vera sunt de natura finita, non sunt transferenda ad
 infinitam, alioqui fiunt falsa, v. g. Tria non possunt esse unum, gignens &

QUÆST.
XXV.

genitum non sunt unum essentiâ, quod singulare est & individuum non potest communicari pluribus. Ideo malè colligitur: In humanis tres personæ sunt tres homines, Ergo in Divinis tres Personæ sunt tres Dii; quia in humanis illi tres eandem participant essentiam specie tantum non numero, & similem potius quàm eandem, habent enim quisque suam essentiam, & existentiam singularem; sed in Divinis Personæ eandem participant essentiam numero infinitam.

XVII. Licet sint tres Personæ Divinæ, non sequitur tria dari infinita: Nam ut Trinitas Personarum non infert Trinitatem Deorum, propter identitatem essentiæ, Ita non infert Trinitatem infinitorum, quia tres Personæ eandem numero infinitatem habent, quæ est proprietas essentialis, ac proinde sunt unus Deus infinitus.

XVIII. Ubi sunt unum & tria realiter distincta, ibi sunt quatuor; sed hic Personæ tres realiter non distinguuntur ab essentiâ, sed tantum subsistendi modo, ita ut *alius* inter Personas, sed non *aliud* inter illas & Divinitatem reperiatur, quia tres illæ Personæ, nihil aliud sunt quàm unus Deus, qui in tribus Personis diversimodè subsistit.

XIX. Quamvis verus Deus sit Trinitas, tamen non quicquid est verus Deus est Trinitas, sed vel Trinitas, vel aliqua ejus Persona.

XX. Qui concipit Deum tanquam unum, concipit completum quoad complementum essentiæ, sed non statim quoad complementum personalitatis; nec si conceptus noster de Deo est incompletus, sequitur ideo Essentiam ipsam Divinam esse incompletam, quia Essentia est inseparabilis à Personis.

XXI. Unum numero substantivè quoad unitatem essentialem, non potest esse trinum eodem respectu; sed potest adjectivè & personaliter quoad trinitatem personalem.

XXII. *Quæ sunt eadem uni Tertio, sunt eadem inter se*, nimir. Tertii illius respectu in quo conveniunt; sic quia Personæ conveniunt in Essentiâ, idem etiam sunt inter se quoad Essentiam; atque ita bene quidem dici possunt *idem*, sed non *iidem*, Idem Deus, sed non eadem Personæ. 2. Quæ sunt eadem uni tertio singulari & incommunicabili, sunt eadem inter se, sed quum sunt eadem uni tertio universali, vel saltem communicabili, non sunt eadem inter se, v. g. Paulus & Petrus sunt unum in natura humana specificè, sed non sunt idem inter se numericè, quia natura humana est universalis; Pater & Filius sunt unum in Natura Divina, & non sunt tamen idem inter se, quia Natura Divina in qua conveniunt, licet sit singularis & individua, est tamen communicabilis pluribus Personis.

XXIII. Hinc patet quid respondendum sit ad sophisma hæreticorum, quod pro syllogismo expolitorio afferunt, *Essentia Divina est Pater, Essentia*
Di-

Divina est Filius, Ergo filius est Pater, nimir. esse ex meris particularibus & constare quatuor terminis, quia medius terminus scilicet Essentia Divina non est incommunicabilis, ut in istiusmodi syllogismis esse debet, & diversimodè sumitur in majori & in minori. Nam in majori vel sumitur universaliter & completè hoc sensu, Essentia Divina est Pater, id est, quicquid est Essentia Divina, & sic est falsa; vel particulariter & incompletè, Aliquis qui est Essentia Divina est Pater, & sic vera est, sed nihil concludit, quia sunt meræ particulares.

QUÆST.
XXV.

XXIV. Licet Natura Divina præcisè sumpta, singularitatem & existentiam concipiatur habere, non potest tamen dici Persona, quia non habet incommunicabilitatem: Ita licet latius pateat singulis Personis seorsim sumptis, tamen respectu Personarum simul sumptarum illis adæquatur, & identificatur. Sic unaquæque Persona totam Divinitatem quidem participat, sed non totaliter & adæquatè, si ita loqui licet, quia ita est in Patre ut sit etiam in Filio.

XXV. In qua essentiâ Pater est solus Deus oppositè ad Filium & Spiritum S. & non ad Creaturas, & Numina fictitia Gentilium tantum, in ea non sunt tres distinctæ Personæ; Sed ita negamus in Essentia Divina solum esse Patrem. Nec hoc evincitur ex Joh. 17. 3. quia particula exclusiva *μόνον* solum, non limitat subjectum *Te*, sed prædicatum *verum Deum*, & opponitur non Filio, aut Spiritui Sancto, sed Creaturis & falsis Diis, hoc sensu, ut *cognoscat Te, qui es solus verus Deus*, quod evidenter docet structura orationis: nam, si ad subjectum *Te* pertineret, dicendum fuisset sine articulo *ὅτι μόνον, τὸν ἀληθινὸν θεὸν Te solum esse verum Deum*, non verò, ut hîc dicitur, *ὅτι τὸν μόνον, Te, qui es solus verus Deus*, ubi articulus appositus voci *μόνον* innuit pertinere ad prædicatum sequens, non ad subjectum antecedens.

Joh. 17. 3.

XXVI. Præter Essentiam & Relationem seorsim sumptas; est Persona ex utraque constans, non tanquam ex partibus componentibus, sed tanquam ex re & modo ejus. Persona gignit, aut gignitur, aut procedit. Essentia generando vel spirando communicatur. Relatio gignens à genito & procedente distinguit.

XXVII. Cogitatio de Tribus æquali cultu adorandis, non distrahit animum invocantis, ne fortè cultum uni Deo debitum inter plures dividat, cùm persuasum esse debeat positâ unitate & ὁμοσίᾳ Personarum, eodem invocationis actu quo Pater colitur, Filium & Spiritum Sanctum invocari, ut semper recurrere debeat illud Nazianzeni ἢ φθάνω τὸ ἐν νοῷσαι, καὶ τοῖς τοῖς πελάμπμαι, ἢ φθάνω τὰ τεῖα διαλῆν, καὶ εἰς τὸ ἕν ἀναφέρωμαι, *Non possum unum cogitare, quin trium fulgore mox circumfundar, nec tria possum discernere, quin subito ad unum referar.*

QUESTIO XXVI.

*An Trinitatis Mystrium ex Veteri Testam. demonstrari possit,
& an sub eo cognitum fuerit? Aff. contra Socinianos.*

I. **Q**Uamvis ex iis quæ à nobis antè sunt allata de necessitate istius Dogmatis tanquam Articuli fundamentalis, satis colligatur, revelatum & cognitum fuisse sub V. T. cum fundamentalia eadem sint apud omnes fideles, nec possint augeri vel minui: Quia tamen *Sociniani* ut fidem istius Mystrii quacunque ratione destruant, peculiariter urgere solent, novum esse dogma post Christum & Apostolos demum excogitatum; quibus hic etiam succollant *Arminiani*. Necesse est ut adversus utrosque fides istius Mystrii asseratur, non modò ex N. sed etiam ex V. T.

*Trinitas
non fuit in-
cognita in
V. T.*

II. Fatemur quidem non eâ claritate revelatum fuisse sub V. Test. quâ jam docetur in Novo, sed longè obscuriùs traditum fuisse, quia ita ferebat illius œconomix ratio, & Ecclesiæ veteris adhuc infantis conditio: Sed hoc non obstat quominus sufficienter jam Patribus ad salutem patefactum fuerit; quod Orthodoxi hætenus constanter asseruerunt contra Socinianos, & variis argumentis probari potest.

III. Ad probationem certum est delectum faciendum esse locorum Scripturæ, ut non tam numero quàm pondere cerтемus; nec enim tam sollicitos esse decet quàm multa sint, sed quàm solida, ne ludibrio exponatur Religio Christiana & cavillandi ansa præbeatur Adversariis; quod dum *Calvinus* noster facere satagit, immeritò & injustissimè traducitur ab Adversariis, tanquam Judaizans vel Arianizans, cum tamen vix quisquam fortiùs & solidiùs fidem Christianam adversus Arianorum, & Judæorum impietatem confirmaverit.

IV. Ut verò *πλουμερῶς καὶ πλυτέπως* se hic revelare Deus dignatus est: Ita duplici probationum genere uti possumus; ut primò ea loca asseramus ex quibus *Personarum pluralitas* colligitur. Secundò ea quibus Trinitas expressè connotatur. Inter illa agmen ducunt ea quæ Deum de se numero plurali loquentem inducunt, qualia sunt tria potissimùm. In hominis creatione, *Faciamus hominem ad imaginem nostram* &c. Gen. 1. 26. In Adami transgressione, *Ecce homo factus est sicut unus ex nobis*, Gen. 3. 22. Et in linguarum confusione, *Descendamus & confundamus linguam eorum*, Gen. 11. 7. nulla enim ratio assignari potest, cur Deus, qui alias tam frequenter de se in singulari loquitur, verbo plurali utatur, nisi ut in unitate Essentiæ aliquam saltem Personarum pluralitatem notet; hinc non dicit *faciam*, sed *faciamus*, ut plu-

*Persona-
rum plura-
litas proba-
tur ex
Gen. 1. 26.
& 3. 22.
& 11. 7.*

plures innuantur, quorum ut communis est in creando operatio, ita communis debet esse natura; non dicit ad imagines, sed ad *imaginem nostram*, ut identitas imaginis, identitatem essentiae pluribus istis communem designet. Neque hic excipi debet, 1. Deum honoris causâ de se loqui numero plurali per enallagen, instar Regum & Principum: Quia idiotismus linguæ repugnat; licet enim persona secunda vel tertia posset honoris ergò sic compellari, tamen insolitum est planè ut prima persona de se ita loquatur; ut ipse *Aben Ezra* in Gen. 29. 27. observat, nec ullum afferri potest exemplum in contrarium: Nam quæ petuntur ex variis Scripturæ locis synecdochica sunt, ubi unus plurium nomine loquitur, Gen. 29. 27. Laban de se & amicis præsentibus, Job. 18. 2. 3. Bildah de se & sociis, Daniel 2. 7. 6. de se & sociis, Jo. 3. 11. Christus de se, Johanne Baptista, & Discipulis. Cant. 1. 4. Ecclesia de se & puellis, id est, fidelibus. Regum consuetudo hodierna non infert talem fuisse morem apud Hebræos, cum Reges etiam ambitiosissimi de se numero singulari loquentes introducuntur, Pharaon, Nebucadnetzar, Belthasar; quid quòd Reges ita loquuntur, non tam ad se attollendos quàm deprimendos, ne videantur tantùm ex suo, sed etiam Optimatum sententia loqui. Deinde, si honoris causâ de se sic loqueretur Deus, semper ita loqui deberet, quod tamen non fieri certum est. Tertiò, non modò inutilis sed & periculosa esset ista enallage, quia sic faciliè induceretur fidelis ad credendum pluralitatem Personarum, quod tamen falsum esset ex illa hypothese.

V. Frustra etiam excipitur hic compellari Angelos: Quia in nullo ex tribus locis possunt intelligi; Non in primo, quia nec Angeli quicquam contulerunt ad hominis Creationem, nec ad eorum imaginem uspiam conditus dicitur; Et licet homines in variis sint similes Angelis, non possunt tamen dici ad eorum imaginem facti, quia ad hoc non requiritur qualiscunque similitudo, sed etiam dependentia typi à prototypo & exemplari, quæ hic non occurrit. Non in secundo, Gen. 3. quia quos alioquitur Deus, sunt ei pares, & eorum similitudinem homo ex promissione Serpentis affectavit, quod de Angelis dici nequit. Non in tertio, Gen. 11. quia illi compellantur quorum opus est confusio linguarum, quod ad Angelos non pertinet, sed ad solum Deum, præterquam quòd altum de Angelis hic silentium, solum Jehova dicitur descendere, videre, confundere, quod dici non debuisset, si Angelis usus esset ministris in hoc opere.

VI. Secundò, pluralitas probatur ex iis locis ubi sermo sit de Deo, 2. *Ex Gen.* ut de diversis personis Gen. 1. 2. *Spiritus Dei* dicitur incubare aquis, ubi 1. 2. per *Spiritum*, nec *aër* aut *ventus* potest intelligi, quia nullus dum creatus erat, & nulla rerum facta erat distinctio; nec Angelus aliquis, quia non constat, an tum Angeli creati fuerint, nec eorum ministerio usus legitur Deus in creatione; nec vis quædam & efficacia Dei, quæ fecunditatis

QUEST.
XXVI

rerum causa fuerit, quia illa incubatione describitur, & distinguitur à Spiritu, ut effectum à causa, & actiones sunt suppositorum. Ergo per Spiritum necessariò suppositum aliquod seu persona intelligenda est, quæ ad hoc opus concurrerit, idem scil. Spiritus, qui alibi Author Creationis perhibetur Ps. 33. 6. & 104. 30. Isa. 40. 13. 14. cujus elogia in rem creatam non cadunt. Nec obstat quòd Spiritus Dei vocatur, ita enim est *Spiritus Dei* hypostaticè considerati, ut sit etiam *Spiritus Deus* & modò; ut Filius hominis est etiam homo: Nec si incubatio illa, ut opus ad extra, est communis toti Trinitati originaliter, sequitur non posse appropriativè competere Spiritui S. quia immediatè & per se, licèt à Patre & Filio eam peregit, ut Redemptio quæ toti Trinitati tribuitur, singulariter tamen & terminativè Filio adscribitur.

VII. Idem probatur ex locis illis, in quibus Deus à Deo distinguitur, *Ex Hos. 1. 7.* non essentialiter utique, sed personaliter Hos. 1. 7. dicit Jehova, *Servabo eos per Jehovam Deum ipsorum.* Ubi duo commemorantur, unus qui servat, alter per quem servat, nim. Messias, uterque Jehova. *Gen. 19. 24.* *Jehova demisit pluviam sulphuris & ignis à Jehova,* id est, Filius à Patre; nam si voluisset tantum notare hoc factum fuisse immediatè à Deo, sufficiebat dicere Jehovam pluuisse, nec opuserat addere à Jehova; Mystrium ergo in hac locutione latere dubium non est, licèt apodicticum ex eo loco seorsim sumpto duci non possit argumentum. Ita Psalm. 110. 1. *Dixit Jehova Domino meo,* & Psal. 45. 8. *Unxit te o Deus, Deus tuus oleo latitiae,* ubi mentio fit Dei ungentis, & uncti, nimirum hypostaticè non essentialiter. Eò pertinent loca in quibus Messie nomina & Attributa Divina tribuuntur, quum vocatur *Jehova justitia nostra, Deus fortis, Angelus faciei,* &c. quæ manifestè evincunt esse Personam Divinam distinctam à Deo Patre; Nec quidquam hic opponunt hæretici quod vim argumenti nostri elevet, ut suo loco probabitur, quum de Deitate Filii agetur.

Trinitas
probat
ex Gen. 1.

VIII. Ut verò varia sunt loca quæ pluralitatem Personarum connotant; Ita non pauca sunt in quibus Pluralitas illa ad Trinitatem restringitur. Primò non obscurè colligitur ex historia Creationis, ubi distinctè Moses meminit *Elohim creantis, Spiritus Elohim* aquis incubantis, & *Verbi* omnia producentis. Elohim esse Deum non negant Adversarii, Spiritum Dei esse Personam distinctam ab ipso suprà probatum est, Verbum verò non esse simplex Dei jussu & mandatum, sed Verbum personale evincit collatio Mosis cum Johanne, qui ad Mosem alludens, Sermonem, de quo locutus fuerat Moyses, describit tanquam Personam subsistentem apud Deum Patrem, per quam omnia creata sint c. 1. 1. 2. 3. Nec potest intelligi, vel *Sermo externus*, quo Deus Angelis ut ministris suis imperaverit, quia nondumerant creati, & per illum Sermonem, quo omnia facta sunt sine exceptione, produci debuerunt;

Vel

Vel *internus* quo sibi ipsi hoc præceperit, quia Deus introducit loquens in *Q. VI. XXVI.*
 tertia persona tanquam alteri personæ imperans, non sibi, idque perpetuū,
 quod nec temerè factum, nec accommodatè ad sermonem internum expri-
 mendum. Superest Ergo ut intelligatur *Sermo personalis* id est Filius Dei, qui
 sæpe apud Chald. Paraphrastem per *רַבּוּ*, seu *Verbum* exponitur. Nec obstat
 quod verbum *dixit* iussum Dei efficax connotet; licet enim objectivè & ter-
 minativè ad creaturas producendas innuat efficax Dei mandatum, cui suam
 debent originem, supponit tamen ad intra & originaliter Verbum Dei per-
 sonale tanquam *principium* quod illud mandatum debuit exequi, ut per illud
 omnia operatur, & secula ipsa fecit, Heb. 1. 3. Quòd respiciens David Ps. 33. 6. *Pf. 33. 6.*
*Verbo Jehovah, inquit, Cæli facti sunt, & Spiritu oris ejus omnis exercitus eo-
 rum.* Ubi mentio fit distincta trium ad Creationem concurrentium, *Jehova,
 Verbi & Spiritus.* Verbum enim aliud esse non potest ab illo per quod Johan-
 nes dicit omnia facta fuisse, c. 1. 3. Nec alius Spiritus ab eo qui ferebatur super
 aquas in prima Creatione. Nec si alibi *Spiritus oris* Dei verbum ejus efficax
 solet designare, ut 2. Thess. 2. 8. hîc etiam debet eodem modo sumi, cum de
 eo tam expressa mentio in prima parte versus facta fuerit.

IX. Secundò, idem probatur ex *Liberatione Populi à servitute Ægyptia-
 ca*, & deductione per desertum, & introductione in Canaan. Is est verus il-
 le Deus quem Israëlitas agnoverunt & coluerunt, qui Israëlitas ex Ægypto
 eduxit, per desertum deduxit, & tandem in terram promissam introduxit,
 quia non alius præter Deum tantum opus potuit exequi, ut ipse in præfatio-
 ne Legis testatur; *Ego Dominus Deus tuus qui eduxi te ex terra Ægypti*, &
 sæpius hoc sibi soli vindicat Exod. 3. 8. Deut. 33. 22. At Tribus Trinitatis
 Personis Patri, Filio, & Spiritui S. hoc opus tribuitur. De Patre non dubi-
 tant Adversarii; de Filio probant loca sequentia Exod. 3. 2. & 23. 10. & 32.
 34. in quibus *Angelo Jehovah* adscribitur hoc opus, quem non esse Angelum
 creatum, sed increatum ipsum Dei Filium, qui à Deo ad hoc opus mitteba-
 tur, & se sæpius sub hoc symbolo Patribus patefecerat, ostenditur ex ejus de-
 scriptione, & attributis variis quæ illi tribuuntur, quæ talia sunt ut in cre-
 aturam cadere non possint, sed soli Deo competant, 1. quia dicit se Deum A-
 brahami, Isaaci & Jacobi Exod. 3. 6. vocat Israëlitas populum suum v. 7. mit-
 tit Mosem ad Pharaonem v. 10. & sibi pollicetur cultum divinum post edu-
 ctionem ex Ægypto v. 11. 2. dicitur præcessisse Israëlitas in columna nubis &
 ignis Exod. 14. 19. quod expresse Jehovah tribuitur c. 13. 21. & Num. 11.
 25. & 14. 14. 3. *Nomen Dei in ipso* dicitur futurum, ita ut impunè non sit
 laturus qui adversus ipsum rebellaverit, Exod. 23. 20. 4. vocatur *facies ipsa
 Dei* Exod. 33. 14. *Facies mea præcedet te*, quia est imago Dei invisibilis,
 character Personæ Patris. Spiritum S. etiam eo convenisse ut Personam cum
 aliis, docet illustris locus Is. 63. 7. 8. 9. *Miserationes Domini memorare sa-
 ciam* 9. *Is. 63. 7. 8.*

2. Ex libe-
 ratione po-
 puli à ser-
 vitute Æ-
 gyptiaca.

Exod. 3. 8.
 & 23. 10.

QUÆST. XXVI. *ciam &c. dixit verè populus meus ipsi, & fuit ipsis in Salvatorem. Angelus faciei salvavit eos propter dilectionem suam &c. sed illi rebelles fuerunt, & irasci fecerunt Spiritum Sanctitatis ejus &c. Ubi tres Personæ distinctæ recensentur, Jehovah, Angelus faciei, & Spiritus Sanctus, quibus distinctæ operationes tribuuntur, Jehovah misratio erga populum, Angelofaciei redemptio, Spiritui S. exacerbatio & pugna contra populum, dum conversus est ipsis in inimicum. Cum ergo tribus istis opus merè divinum tribuatur, necesse est, ut sint unus ille verus Deus essentialiter, licèt modo subsistendi, & personaliter inter se distinguantur.*

3. Ex descriptionibus Messia.

X. Tertiò, idem evincitur ex descriptionibus Messia; Cum enim passim proponatur, non modò ut Semen mulieris, & fructus ventris id est verus homo, sed etiam ut verus & æternus Deus, cui & nomina, & attributa, & opera divina tribuuntur, ut postea sumus demonstraturi, qui mittendus fuit à Patre & Spiritu S. satis apertè Trinitatis mysterium exinde revelatum esse constat. Eò pertinet locus Is. 61. 1. 2. 3. *Spiritus Domini Dei super me, quapropter unxit me Dominus ad evangelizandum mansuetis &c.* Verba ista ad Messiam referri debere Christus ipse auctor est Luc. 4. 21. neque id Judæi licèt pertinaces negare possunt; talia enim de eo prædicantur, quæ nec Isaïæ, nec cuiquam mortalium competere possunt: Ut ergo opus quod Messiaë tribuitur Deum esse eum arguit; Ita dum fit mentio Jehovah & Spiritus ejus mittentis & ungentis ipsum, Personæ duæ distinctæ ab eo connotantur. Nec aliò spectat oraculum Aggæi c. 2. 4. 5. quod trium istorum expressè meminit, *Sumus vobiscum dictum Jehovah exercituum, cum Verbo quo pepigeram vobiscum, & Spiritu meo stante in vobis.*

4. Ex Trina nominis Jehovah repetitione. Num. 6. 23. 24.

Gen. 48. 15. 16.

Is. 6. 3.

XI. Quartò, ex Trina nominis Jehovah repetitione, ut in Benedictione Sacerdotali, Num. 6. 23. 24. *Benedicat tibi Jehovah, & custodiat te. Faciat Jehovah ut luceat facies suatibi, & gratiam faciat tibi. Attollat Jehovah faciem suam erga te, & apponat tibi pacem;* Trina enim illa repetitio non potest aliò pertinere, quàm ad designandas tres illas Personas, à quibus benedictio illa petitur ut ab uno vero Jehovah; quomodo Jacobus ter Deum commemorat, à quo benedictionem filiis suis petit. Gen. 48. 15. 16. *Deus ille ante cujus conspectum ambularunt Patres mei. Deus ille qui pascit me ex quo die sum, usque in hunc diem; Angelus ille qui vindicat me ab omni malo benedicat pueris istis:* nam Angelus qui vindicavit eum ab omni malo, & à quo benedictionem petit, non potest esse creatus. Eò etiam referendum Trisagium Seraphicum, Is. 6. 3. *Sanctus, Sanctus, Sanctus, Jehovah exercituum.* Licèt enim trina ista repetitio possit indefessam Cœlitum in Deo laudando assiduitatem, & Sanctitatis divinæ excellentiam notare; non obstat quominus etiam ad S. S. Triadem designandam adhibita fuerit; quod ex eo colligitur, quòd hæc accinuntur Jehovah, cujus plures esse personas vel illinc innuitur,

innuitur, non solum quòd dicat v. 8. *Quis ibi nobis*, sed & quòd mandatum ibi factum non modò Patri sit tribuendum, sed etiam Filio & Spiritui S. ex colla. Joh. 12. 41. & Act. 28. 25. ubi quæ hìc dicuntur de Jehova, tribuuntur Filio & Spiritui Sancto, qui per consequens designari intelliguntur in isto Trisagio. Frustra verò *Volkelius* argumentum infringere conatur ex locis illis, ubi trina habetur repetitio, ut Jer. 27. 4. & 22. 9. Ezech. 21. 32. quia non simpliciter eâ nititur, sed eâ junctâ cum aliis Textus circumstantiis.

XII. Quintò, eo referenda sunt loca illa, ex quibus Divinitas Filii & Spiritus S. asseritur, de quibus in sequentibus agendum erit, quum de eorum Divinitate disputabitur, quæ nullam vim haberent, nisi Trinitas Personarum in unitate Essentiæ jam connotata fuisset.

XIII. Sextò, cum non alius sit V. alius N. T. Deus, ut Marcionitæ & Manichæi olim fingeant, sed unus idemque utrobique revelatus, ut objectum solum fidei & cultus; Et sub N. T. se unum Essentiâ & Trinum Personis revelaverit; Necessè est ut Judæis ut talis sit revelatus, & ab iis agnitus & cultus; aliàs verum Deum, qui non alius est quàm Pater, Filius, & Spiritus S. non coluissent, quia qui Filium non habet, nec Patrem habet, 1. Joh. 2. 23.

XIV. Denique, si Trinitas non revelata fuit in V. T. perperam Orthodoxi hætenus tam veteres quàm recentiores, eam ex V. T. probare satègerunt, quod sine gravi injuria tot Viris magnis & fidelibus Dei Servis impingi nequit. Nec dici debet hoc nos posse quidem ex V. T. nunc colligere adhibito Evangelii lumine: sed non potuisse pariter à Patribus fieri. Quamvis enim fateamur N. T. lucem nobis non parum inservire ad illustrandam veterum Oraculorum obscuritatem; negari tamen non potest, Deum qui ea Patribus revelare dignabatur ad ipsorum institutionem & solatium, ea attemperasse illorum captui, ut possent exinde de hoc Mystèrio edoceri, quantum necesse fuit ad ipsorum salutem; aliàs frustra hæc ipsis revelata fuissent.

XV. Licet hodierni Judæi hoc Mystèrium nolint agnoscere; non sequitur incognitum fuisse sub Veteri Testamento, non magis quàm alia varia mysteria quæ à recutitis hodie negantur, quamvis certum sit eajam olim revelata fuisse: cognitio enim rei non ex ignorantia hujus vel illius subjecti mensurari debet, sed ex revelatione facta in Verbo. Adde quòd hodierni Judæi velum incredulitatis in corde gerentes, & odio nefario quo Messiam nostrum prosequuntur fascinati, sponte cæcutiant ad istam lucem, quam veteres fideles nullo præjudicio excæcati ope Spiritus S. magno cum solatio contemplantur.

QUESTIO XXVII.

An Personæ Divinae distinguantur ab Essentia, & inter se, & quomodo?

I. **A**SSERTA Personarum Divinarum Trinitate; Nunc de earum *distinctione*, tum ab Essentiâ ipsâ, tum inter se agendum. Personas ab Essentiâ distingui patet, quia Essentia est unica, Personæ verò tres: Illa absoluta; Istæ relativæ: Illa communicabilis, non quidem secundum multiplicationem, sed secundum identitatem; Istæ incommunicabiles: Illa est quid latius; Istæ verò habent se ut quid angustius: Licet enim Essentia sit adæquata tribus Personis simul sumptis, unaquaque tamen earum latior est, quia unaquæque Persona habet quidem totam Divinitatem, sed non adæquatè & totaliter, si ita fas loqui, id est non exclusivè ad alias, quia pluribus adhuc est communicabilis. Illa Principium commune est operationum ad extra, quæ indivisæ sunt, & tribus Personis communes; Istæ Principium operationum ad intra, quæ singulis Personis relatè ad se invicem competunt.

Persona distinguuntur ab Essentia.

II. De natura distinctionis istius non consentiunt inter se Theologi. Alii realem statuunt, alii formalem, alii virtuales & eminentem rationis ratiocinatæ, quæ licet non sit à parte rei, habeat tamen fundamentum in re; alii personalem, alii denique modalem. Nos notiones istas varias non vexandas esse, & ad vivum rescandas censemus, utpote quæ à rebus humanis & finitis petitæ, Mysteriorum hoc non nisi valdè imperfectè adumbrare queant, & præstitisset in hac generali notione subsistere, dari distinctionem aliquam, licet qualis & quanta sit à nobis capi & exprimi nequeat.

Non essentialiter, sed modaliter.

III. Licet autem omnes istæ distinctionis species longè subsistant infratanti Mysteriorum sublimitatem, nulla tamen propius ad illud accedere nobis videtur, *distinctione modali*, quâ modus dicitur distingui à re aliqua, quia proprietates personales quibus Personæ distinguuntur ab Essentia, sunt modi quidam quibus characterizatur; non quidem formaliter & propriè, quomodo modi dicuntur esse in rebus creatis, quæ cum finitæ sint diversimodè affici, & modos realiter distinctos & posteriores re modificata admittere possunt, quod in Dei Essentiam infinitam & perfectissimam cadere nequit; sed eminentet & analogicè sublati omnibus imperfectionibus. Ita Persona differre dicetur ab Essentia, non *realiter*, id est, *essentialiter*, ut res & res; sed *modaliter*, ut *modus à re*.

IV. Unde sequitur nullam esse compositionem in Deo, quia compositio oritur tantum ex rebus diversis; sed hic non habemus res & res, sed rem

& modos rei, quibus non componitur, sed distinguitur. Deinde compositio est ex illis quæ se habent ut potentia & actus, quod hîc non datur. Nec terminus compositionis sine imperfectione Deo tribui potest. QUEST. XXVII.

V. Quicquid est in Deo essenziale & absolutum est Deus ipse; talia sunt Attributa Divina, Potentia, Sapientia, Justitia &c. Sed quicquid in Deo est personale, relativum, & modale, non statim omnimodo identificatur cum Essentia Divina; est quidem Deus in concreto, sed non in abstracto; est Deus Pater, vel Deus Filius, vel Deus Spiritus Sanctus, sed non potest dici formaliter ipsa Divinitas.

VI. Cùm infinitas sit proprietas essentialis quæ competit Divinitati, non necesse est ut personalitatibus propriè tribuatur, sufficit eos dici modos Essentiæ infinitæ.

VII. Sapientia & Virtus Dei præcisè & essentialiter sumptæ, sunt attributa quæ identificantur cum Divinitate; sed dicuntur de Filio & Spiritu S. personaliter & relatè, prout afficiuntur personalitatibus Filii & Spiritus S.

VIII. Distinctio Personarum inter se major videtur esse quàm ab Essentia; Nam Essentia potest prædicari de Persona, nec datur oppositio inter Personam & Essentiam in actu exercito, seu in concreto ut dicatur hæc Persona non est Deus, nam Pater est Deus, Filius est Deus &c. quanquam in actu signato & in abstracto Persona non sit Essentia: Sed Personæ de se invicem prædicari non possunt, nam Pater non potest dici Filius, vel Filius Pater.

IX. In ea explicanda duo extrema vitanda sunt, quæ gravissimarum hæresium origo fuerunt. Hinc *Sabellianismus*, à Sabellio Pentapolitano, ex Ptolemaide Ægypti civitate oriundo introductus circa ann. 260. quem secuti sunt postea Praxeas Asiaticus, & Hermogenes Afer, & quem seculo superiori M. Servetus renovavit, qui distinctionem tantùm rationis inter Personas statuit, ut unica tantùm sit Persona, quæ propter varios effectus, modò Pater, modò Filius, modò Spiritus S. dicatur. Inde verò *Tritheismus* Philoponi, & Valentini Gentilis, qui ex tribus Personis tres fingit Spiritus & inæquales, essentialiter inter se distinctos. In explicanda distinctione Personarum inter se vitandus Sabellianismus. Et Tritheismus.

X. Orthodoxi medium tenent; contra Sabellium solam distinctionem rationis hîc locum habere negant, quia Pater alius est à Filio, & Filius à Patre à parte rei citra conceptus nostri operationem; contra Tritheitas *realem* seu essentialem rejiciunt, quia licèt sint plures Personæ inter se distinctæ, unica tamen est Essentia. Sed *modalem* statuunt, quia ut Personæ proprietatibus personalibus tanquam modis subsistendi incommunicabilibus constituuntur, ita per eosdem distingui bene dicuntur.

XI. Licèt autem Theologi videantur quodammodo hîc inter se dissentire, dum alii *realem*, alii *modalem* tantùm distinctionem urgent, facilè tamen

Q U A E S T .
XXVII. conciliantur, quia qui dicunt differre realiter, nolunt propterea notare *distinctionem realem majorem* quæ est inter res & res, quasi in Trinitate esset *aliud & aliud*, seu alia & alia Essentia, quod simplicitati & unitati Essentiæ Divinæ repugnat; sed tantum *distinctionem realem minorem*, ut vocant Scholastici, quæ est inter rem & modum rei, vel inter modos ipsos, quæ coincidit cum distinctione modali, quam alii statuunt; quia etsi in Deo non sit *aliud & aliud*, id est, alia & alia Essentia, est tamen *alius & alius*, alia & alia Persona.

XII. Ad adstruendam distinctionem istam in Divinis, non necesse est dari aliquod exemplum par vel æquale in creaturis. Sufficit si simile aliquid detur, vel analogum pro fundamento: imò vel ad ipsas Personas attendere satis est, quæ distinctæ non erunt nisi nomine tenus, ut Sabellius volebat, nisi distinctio realis modalis intercedat.

XIII. Quæ sunt *αἰνέλαος* incommunicabilia, possunt dici differre realiter, id est non solâ ratione; sed non statim debent differre essentialiter & specificè. Personæ primo modo inter se differunt, non secundo.

XIV. *τρόποι ὑπαρξεως*, seu modi isti subsistendi, quibus Personæ inter se distinguuntur, *reales* bene dicuntur, quia non sunt opus rationis; sed à parte rei aliquid positivi innuunt, quo personæ constituuntur, & inter se distinguuntur, non tamen vel *substantiales*, vel *accidentales*, bene dici possunt; cum ista sit entis finiti tantum divisio, & quidem rerum, non modorum, quod si substantiales quandoque dicuntur, hoc fit improprie respectu *subiecti modificati*, si ita fas loqui, non verò ratione *forma* vel quidditatis ipsorum modorum.

XV. Quamvis verò modi isti negativè ut plurimum exprimi solcant per incommunicabilitatem; Non sequitur nihil positivi innuere, sed dicere meram tantum negationem conjunctionis Essentiæ Divinæ cum alia re ad constituendum unum suppositum; quia terminus iste negativus infert tamen positivè ejusmodi ultimum complementum per quod res ita est completa in se, ut cum alia ulterius uniri & communicari nequeat. Unde ista incommunicabilitas in aliquo positivo, quod formaliter personæ est constitutivum, non verò negativo fundatur. Aliàs Trinitatis conceptus esset purè negativus, & tres Personæ Trinitatis in suo esse personali constituerentur, & à se invicem distinguerentur per solam negationem, & opera personalia ad intra, nullum principium haberent nisi negativum, quæ cum stare non possint, necesse est ut dicamus modum subsistendi in Divinis aliquid positivi superaddere unitati Essentiæ Divinæ; Quamvis autem facile non capiamus quid positivè illud sit, non ideo in mera negatione dici debet consistere.

Distinctio
Personarum depre-
henditur
1. in ipsis
Personis
ratione or-
dinis.

XVI. Distinctio autem ista Personarum in duobus potissimum observatur, 1. *intus* in ipsis Personis, 2. *foris* in earum operationibus. Quoad Perso-

nas ratione *ordinis*, quia Pater proponitur in Scriptura ut prima Persona, quæ à nullo est, Filius ut secunda, quæ est à Patre, & Spiritus S. ut tertia, quæ est à Patre & Filio. Cujus respectu quædam *παραχρηστική* à Theologis tribuitur Patri, non quidem ratione *essentia*, & Deitatis, quia ut Personæ sunt *ὁμοούσιοι*, ita summa datur inter eas æqualitas: sed ratione *modi* tum in subsistendo, tum in operando: In *subsistendo*, quia & quoad ordinem, & quoad originem præcedit Filium & Spiritum Sanctum, utpote qui nullum habeat vel ordinis vel originis principium, sed à seipso sit, non *positive* sed *negative*, quo sensu Patribus dicitur *πηγαία θεότης* Fons Deitatis, non absolute quoad existentiam, sed respectivè quoad illius communicationem. In *operando*, quia ordo operandi sequitur modum subsistendi. Unde Pater à se, Filius verò à Patre operatur.

XVII. Secundò, ratione *Proprietatum Personalium*, quæ non communes sunt Personis singulis, sed singulares alicui Personæ, adeoque incommunicabiles, quia conveniunt Personis quæ Personis, & ipsam Personarum incommunicabilitatem constituunt. Sic Patri tribuitur *ἀγεννησία*, Filio *γέννησις*, Spiritui Sancto *ἐκπέρευσις*. Pater dicitur *αὐτογέννητος*, non affirmativè, aliàs sui ipsius principium foret, & seipso prior & posterior; sed negativè, quia est *ἀγέννητος*, & ut explicat Athan. in Symb. *ἀπ' ἑδενός ἐστι ποιητός, ἑδὲ μὴ κτιστός, ἑδὲ γέννητος*, contradistinctè ad Filium, qui licet non sit vel creatus, vel factus, est tamen à Patre genitus. Sic Filius dicitur esse à Patre per generationem, non ratione *Essentia*, & *absolute* quæ Deus, sed ratione *Personæ*, & *reduplicativè* quæ Filius. Spiritus S. est à Patre & Filio per spirationem, quia generatio & spiratio est communicativa *Essentia* ad terminum *Personalitatis*. Et proprietatum personalium.

XVIII. Quia verò *Proprietates* istæ *Personales* & *characteristica* exprimi solent nominibus relativis Patris, Filii, & Spiritus Sancti; hinc fit ut relationibus etiam distinguere inter se dicantur, non quidem prædicamentali- bus, quæ sunt accidentales, sed transcendentalibus; ut enim unicuique Personæ peculiaris est subsistentia, & peculiaris proprietas, sic & singulis peculiaris est relatio. Quamvis autem *Relationes* istæ *reales* possint dici à parte *fundamenti*, quod in operationibus ad intra constituitur, quia reale est discrimen inter Personas, & alius est reipsa Pater à Filio: Non possunt tamen dici *Entia realia*, ut vellent Scholastici, quia non sunt entitates absolutæ, sed modificationes tantum & characteres *Essentia*.

XIX. Ita tamen distinguuntur Personæ per istas relationes, ut non tam sint principia constitutiva Personarum, quàm earundem declarativa à posteriori, quatenus scilicet spectantur in esse suo externo & respectivo. Sic Paternitas, quæ est relatio Patris ad Filium, notificat nobis primam Personam, Filiatio secundam, Spiratio tertiam. Licet autem in Patre

Quæst.
XXVII.

dentur duæ Relationes, Paternitas, & Spiratio; Pater tamen non distinguitur in duas Personas, quia præterquam quòd non potest esse proprietas *αἰωνίου* Patris, utpote quæ communis Patri & Filio, solæ relationes quæ sunt oppositæ, hîc distinctionem faciunt; quòd non occurrit in Paternitate, & Spiratione.

2. In operibus ad extra.

XX. Secundò, distinctio colligitur ex *Operibus Personarum*. Nam licèt opera ad extra indivisa sint, & communia ex æquo singulis Personis, tum ex parte principii, tum ex parte apotelesmatis; *ordine* tamen, & *terminis* distinguuntur. Nam ordo operandi sequitur ordinem subsistendi; ut ergo Pater à seipso est, ita à seipso operatur; ut Filius est à Patre, sic à Patre operatur, quò pertinent ista Christi, Jo. 5. 19. *Filius non potest à semetipso operari, nisi viderit Patrem operantem*. Ut Spiritus Sanctus est ab utroque, ita ab utroque operatur. *Terminis* etiam differunt, quoties operatio aliqua divina ad aliquam Personam terminatur. Sic vox de cælo audita terminatur ad Patrem, Incarnatio terminatur ad Filium, & apparitio sub specie columbæ ad Spiritum Sanctum.

Q U Æ S T I O XXVIII. D E D E I T A T E F I L I I.

An Filius sit verus & æternus Deus, coessentialis, & coæternus Patri? Aff. contra Socin.

I. **U**T Divina Majestas & Gloria Filii Dei Redemptoris nostri adversus pestilentissimos hæreticos, qui eam execrandâ impietate oppugnatum eunt, asseratur, Quæstionis status rite tenendus est, ut quæ sunt *ἐξαρτία* & non controversa à controversis secernantur, & genuina eorum sententia, quam verbis ambiguis sæpe obtegere solent, ut simplicioribus imponant, deprehendatur.

Status

Quæstio-
nis

II. Non quæritur; An Filius sit Persona Divina, & An possit vocari Deus; hoc enim profitentur se credere Adversarii, unde *Smalcus* tractatum fecit de *Divinitate Christi*, & de *Christo vero & naturali Dei Filio*, & contra *Franzi*. disp. 1. p. 5. *Filium*, inquit, *Personam esse non dissitemur, eamque Divinam* &c. Et *Socinus* contra *Wiek.* c. 5. *Diximus concedere nos Christum esse naturalem Dei Filium*, Sic sæpe ea Christo tribuunt, quæ videntur veram ejus Divinitatem arguere. Si tamen penitiùs in sensum eorum inquirimus, facile patebit verba tantùm esse & voces ad fucum faciendum excogitatas, ut videantur in primario Religionis Christianæ capite ad nos accedere, licèt re ipsa quàm longissimè distent. Nam quicquid de Christo prædicent, cer-
tum

tum est eos non ultra humanam ejus naturam assurgere, & divinitatem tantum precariam & dependentem illi adscribere, respectu miraculosa suae conceptionis & Divinitatis, vel respectu muneris quod illi impositum fuit; sed quæ ad ὁμοσίαν cum Patre non referatur, qui est Quæstionis cardo.

III. Ut ergo fucus omnis illis detrahatur, Quæstio non concipi debet; An Filius sit Deus; sed, An sit verus & æternus Deus Patri coessentialis. Non An possit dici naturalis Dei Filius quodam sensu, qui divinitatem precariam & dependentem ab eo habuerit, ratione *præminentiæ, auctoritatis, dominii, & muneris*. Sed, An sit proprius Filius, qui eandem numero Essentiam cum Patre, non in tempore, sed ab æterno per ineffabilem generationem ab eo acceperit. Quod Sociniani cum veteribus Arrianis negant, *Ostrod. Instit. c. 6. & 7. Volkeli. l. 5. de Relig. c. 10.* Nos verò affirmamus.

IV. Ad Socinianos non obscurè accedunt Remonstrantes; quamvis enim velint videri differre ab ipsis, generationem Filii asserendo, tamen in ea explicanda satis produnt suum cum ipsis consensum, dum negant ὁμοσίαν Filii cum Patre, & statuunt Filium, non ordine modò, sed & dignitate, & potestate differentem à Patre, eique non coordinatum, & consubstantialem, sed subordinatum tantum, ut *Episcopiuse* exponit li. 4. *Instit. c. 32. & 35.*

V. Filium verum esse & ὁμοσίον ac æternum cum Patre Deum quator ista, quæ ipsi tribuuntur, & soli Deo competunt, invictè demonstrant. 1. *Nomina Dei*, 2. *Proprietates*, 3. *Opera*, 4. *Cultus*. Primò *Nomina*, quia passim & in V. & in N. Test. Deus vocatur *Pf. 45. 8. ô Deus, Deus tuus unxit te*, quod de Christo dici liquet ex *Heb. 1. 8. 9.* ubi Deus Pater à Deo Filio distinguitur, non ὁσώδως, sed ὑποτακτικώς, & *Deus ejus* dicitur, non ratione naturæ, sed ratione muneris & œconomiz. *II. 9. 5.* Puer nobis datus, & Filius nobis datus vocatur *Deus fortis*, hunc enim titulum cum cæteris qui adduntur non esse descriptionem Dei vocantis & nomen imponentis, ut vellent Rab-
Filii Deitas probatur 1. ex nominibus Dei.
Pf. 45. 8.
Jer. 23. 5. 6.
Jer. 23. 5.
6.
1f. 7. 14.
Mal. 3. 1.
Mal. 3. 1.
 bini, sed Messiz vocati, ad ejus majestatem & gloriam designandam, res ipsa clamat. *Jer. 23. 5. 6.* Germen Davidis dicitur vocandum *Jehova Justitia nostra*, quod de Messia intelligi series loci, appellatio *germinis*, & *Regis*, & beneficiorum ejus commemoratio evincit, cui similis locus est *Jer. 33. 16.* Eò spectat quòd *II. 7. 14.* Filius quem Virgo parere debuit vocatur *Emmanuel*, non tantum quia per eum & in eo Deus summus revera nobiscum est, id est, nobis favet & opitulatur, ut vult Socinus, quia sic non esset nomen Messiz, quod esse tamen colligitur ex *c. 8. 8.* sed integra enunciatio, quod alienum est à mente Spiritus Sancti; sed quia ille est Deus qui nobiscum est, ut *Mat. 1. 22.* interpretatur *μετ' ἡμῶν ὁ Θεός*. *Mal. 3. 1.* vocatur *Dominus* qui venturus est in Templum suum, quod de Messia dici Evangelizæ docent *Marc. 1. 2. Luc. 1. 76.* quis autem Dominus est *κατ' ἐξοχὴν* cujus est Tem-
plum,

Quæst. XXVIII. plurimum, nisi Deus? unde dies adventus ejus, vocatur dies Jehovæ magnus & terribilis, Mal. 4. 5.

VI. Hoc verò ulterius confirmatur ex collatione variorum locorum V. & N. T. in quibus quæ de Jehova, Deo Israël, Creatore Cœli & Terræ, dicta sunt in Veteri, ad Christum Filium Dei applicantur in Novo. Confer loca Numer. 14. 22. & 21. 5. 6. Psal. 95. 9. cum 1. Cor. 10. 9. Ps. 102. 26. cum Heb. 1. 10. 11. Isa. 6. 9. 10. cum Johan. 12. 40. 41. If. 45. 23. cum Rom. 14. 11. Joel. 2. 32. cum Ro. 10. 13. Ps. 68. 19. cum Eph. 4. 8. 9.

Jo. 1. 1.

VII. In N. T. clarius adhuc Deus vocatur Jo. 1. 1. *Sermo erat Deus*, quod de Deo secundo & factitio, ratione muneris intelligi nequit, ut velent Adversarii, sed de vero Deo ratione naturæ; quia non dicit *ἐγενετο*, ut v. 14. quando loquitur de incarnatione, quod prius notasset; sed *ἦν* erat ad ejus existentiam æternam designandam. Deinde, eo modo debet esse Deus, quo potuit esse in principio ante rerum omnium creationem v. 1. tanquam ejus author, v. 3. hoc autem nemini nisi Deo summo competit. Tertiò, non est credibile Johannem in primis historię verbis, uti voluisse nomine Dei improprie & ambigüe nullâ additâ explicatione, quod facile fideles in errorem periculosissimum inducere potuisset, ut crederent Sermone istum esse verum Deum, qui non esset tamen. Quamvis autem Sermo iste dicatur fuisse *apud Deum*, personaliter consideratum, id est, Patrem, quo sensu non potuit esse Persona illa apud quam esse dicitur; Non obstat quominus fuerit Deus essentialiter idem cum Patre.

1. Jo. 5. 20.

VIII. Dicitur *verus Deus & vita æterna*, 1. Jo. 5. 20. quæ verba non ad Patrem, sed ad Christum esse referenda, evincit tum pronomen *ἐγώ*, quod Christum respicit, de quo immediatè actum, tum scopus Apostoli, qui est docere Christum venisse ut nos ad cognitionem & communionem veri Dei adducat, nosque ideo esse in vero illo, eo quod sumus in Filio ejus Jesu Christo, quoniam & ipse Jesus Christus sit *verus Deus & vita æterna*. Confirmatur ex eo quod elogium *vita æterna* in stylo Joh. nunquam Patri, sed frequentissime Filio tribuitur Jo. 1. 4. & 11. 25. & 1. Jo. 1. 2. & 5. 11. 12.

Rom. 9. 5.

IX. Vocatur *Deus benedictus in secula*, Rom. 9. 5. quod non potest referri per apostrophē *δοξαλογικῶς* ad Patrem, quia eam nec res poscit, nec verborum series admittit; nam articulus cum participio *ὃς ὢν* relativus est sententiam novam non inchoans, sed inchoatam continuans; nec de Patre potest accipi, sed de Christo, de quo verbis immediatè præcedentibus actum fuerat. Deinde limitatio *καὶ πατέρα*, quæ opponitur Deo benedicto, ostendit duas in Christo naturas designari, humanam, secundum quam oriundus sit à Patribus, & divinam, secundum quam sit Deus benedictus in secula. Appellatur

Tit. 2. 13.

Deus magnus Tit. 2. 13. non utique Pater, sed Filius, quia Deus & Servator uni articulo subjiuntur, quod non fieret, si essent duæ personæ, deinde *ἐμφάνηται*

nun-

nunquam tribuitur Patri, sed semper Christo; Et ille, cujus adventum expectamus, dicitur semetipsum dedisse pro nobis *ψ. 14.* quod est solius Christi. QUEST. XXVIII.

X. Exclamatio Thomæ Joh. 20. 28. in quam admirabundus erumpit, *Jo. 20. 28.* viso & attrectato Christo, *ὁ Κύριός μου, & ὁ Θεός μου, Domine mi, & Deus mi,* ad Christum necessariò refertur, nec potest nisi violenter aliò detorqueri, quia præcessit *ἔπερ αὐτῷ dixit ipsi,* scil. Christo, ut fidem suam hac eximia confessione illi approbaret, quasi dicat, *Tues Dominus, & Deus meus.* Unde non ponitur admirationis nota *ὦ* sed articulus præpositivus *ὁ*. Ita dicitur *Deus manifestatus in carne,* 1. Tim. 3. 16. *& Deus qui redemit Ecclesiam suo sanguine,* Act. 20. 28. quod dici non potest nisi de Filio, qui carnem nostram assumpsit, & sanguine suo æternam redemptionem nobis acquisivit. 1. Tim. 3. 16. Act. 20. 28.

XI. Nec omittendus illustris locus Philip. 2. 6. ubi *forma Dei* Christo adscribitur, *Qui cum esset in forma Dei, non reputavit rapinam esse æqualem Deo.* Unde varia argumenta petuntur, 1. quia Christus dicitur esse in *forma Dei*, quod non posset illi competere, nisi esset naturâ Deus; nam ut *forma servi* illi opposita necessariò notat naturam humanam cum statu servili; Ita *forma Dei*, Essentiam Divinam gloriâ & maiestate coruscantem designare debet. 2. quia dicitur esse *æqualis Deo*, tum quoad *naturam*, quia idem est cum Patre, tum quoad *personam*, quia est perfectissima ejus imago, tum quoad *statum*, quia eadem gloriâ ab æterno fruebatur. 3. quia fuit in *forma Dei* antequam fuerit in *forma servi*, id est, antequam natus sit, & homo sit factus; quod notat verbum *ὑπάρχων*. Frustra Socinus *formam Dei* vult referri ad gloriâ & *potentiam miraculorum*, quam Christus in passione deposuerit. Nam sic alii qui dono miraculorum pollebant, potuissent dici in *forma Dei*, quod nec dictum uspiam, nec dici potest: Antithesis *formæ servi* non probat *formam Dei* esse tantum speciem aliquam externam, & qualitatem, imò contrarium evincit; Nam ut similis conditio non potuit esse nisi in humana natura; Ita *forma Dei* non potest esse nisi in essentia Dei. Nec exinanitio, quæ Christo tribuitur, consistit in *formæ istius divinæ* depositione absolutâ, sed tantum in occultatione ejus sub velo carnis in statu humilitatis. Quamvis *ἰσὺς* aliquando similem tantum non æqualem notet, non potest eo sensu hic sumi, quia talis *ἰσότης* intelligitur, quæ oritur ex *formæ Dei* possessione, quæ non similitudinem tantum aliqualem, sed veram æqualitatem & identitatem importat. Phil. 2. 6.

XII. Quamvis nomen Dei improprie, limitatè, & in plurali possit tribui Creaturis, ut Angelis & Magistratibus, qui *Dii* quandoque vocantur; nunquam tamen proprie, absolutè, & in singulari cuiquam tribuitur, nisi vero Deo. Unde Filium Dei, cui hoc modo tribuitur, Deum verum & æternum esse necesse est.

XIII. Eadem Deitas evincitur ex *Attributis Divinis*, quæ cum solo Deo 2. Ab attributis.

Q^UÆST. XXVIII. propria sint exclusivè ad Creaturas; non potest non esse Deus, de quo illa prædicantur. Talis est *Æternitas*, quæ illi tribuitur non semel, ut quum dicitur, *Sapientia fuisse apud Deum ab initio via sue, & ab æterno principatum habuisse à principio ante terram*, Prov. 8. 22. Sapientiam enim hic personalem Mich. 5. 2. notari postea probabitur. Mich. 5. 2. quòd egressus ejus fuerint à diebus seculi, ubi mentio fit duplicis egressus; alter qui *futurus* erat in tempore Betlehemo ex Patribus quoad naturam humanam, *Ex te mihi prodibit futurus Dominator*; alter *præteritus*, seu potiùs æternus per generationem secundum naturam divinam à Patre, *cujus egressus inde à principio & diebus seculi*, ne quis putaret cœpisse demum exiltere eum quum natus est. Vocatur *Primus & novissimus*, qui est, qui erat, & qui venturus est, Apoc. 1. 8. *Pater æternitatis*, If. 9. 5. nec initium dierum, nec finem vitæ habens, Heb. 7. 3. hæc enim talia sunt ut in durationem finitam & temporalem cadere non possint.

Joh. 1. 1. XIV. Huc pertinet locus Joh. 1. 1. ubi *Sermo dicitur fuisse in principio*, non utique in *principio Evangelii*, seu novæ Creationis, ut vellent Adversarii, sed in *principio temporis*, quia non aliud hic principium intelligi potest, quàm id de quo agit Moses Genes. 1. 1. ad quod manifestè alludit, quod demonstrat scopus Joh. qui est describere Personam Christi, partim ab eo quòd fuit ante Incarnationem, inde à principio, partim ab eo quòd factus est per Incarnationem, ubi utitur verbo *ἐγένετο*, non verò verbo *ἦν*. Deinde res ipsa hoc evincit; nam cui verisimile est Johannem hoc tantum voluisse, Sermonem, id est, Christum Patris oratorem jam fuisse in principio Evangelii, id est, cùm Evangelium prædicare inciperet? tam absurdus sensus Spiritum S. non decet.

Joh. 8. 58. XV. Joh. 8. 58. *Antequam Abraham existeret ego sum*, quod perperam Adversarii trahunt ad Prædestinationem, ut dicatur fuisse ante Abrahamum ratione prædestinationis; quia non agebatur de prædestinatione Christi, sed de reali existentia, siquidem quæstio erat, An verè potuisset dicere Christus Abrahamum diem suum vidisse, quod Judæi in ista ætate de Christo negabant, Christus autem affirmat, ratione inde petitâ, quòd antequam Abrahamus fuisset, jam existeret. Multò minùs admitti potest audax alia Socini corruptela, qui hæc verba ita interpretatur, *Antequam Abraham fieret*, scil. *Pater gentium*, se fuisse; quia non agitur hic de tempore quo vocandæ erant gentes, sed de eo quo Abraham vixerat, quod non videbatur Christus, qui minor erat quinquagenario, potuisse præcedere, non de futuro, sed de præterito. Eodem sensu dicitur Christus habuisse gloriam apud Patrem, antequam mundus factus esset, Joh. 17. 5. non tantum, quia ipsi à Patre prædestinata est, sed etiam quia illam actu ab æterno possedit, quod non potuisset nisi jam extitisset. Gratia quidem potest nobis dici data à Deo per prædestinationem antequam simus 2. Timoth. 1. 9. sed gloriam nemo potest dici habere actu nisi qui actu existit.

XVI. 2. *Immensitas & Omnipraesentia*, quum dicitur esse in medio suorum ubicunque congregati fuerint, Matth. 18. 20. & 28. 20. *Ecce ego vobiscum sum, usque ad consummationem seculorum.* Et Joh. 3. 13. *Nemo ascendit in caelum, nisi qui descendit e caelo, nimirum Filius hominis qui est in caelo,* ubi Christus loquens in terris, dicit se esse in caelo; nemo vero potest esse & in caelo & in terra simul, nisi qui replet caelum & terram. Nec audiendus Socinus, qui praesens exponit per praeteritum, ut dicatur Filius hominis à caelo descendisse, & in caelo fuisse; quia repugnant verba Christi *ὁ ὢν ἐν τῷ αἰῶνι*, quæ de praesenti existentia in caelo etiam postquam descendit de caelo, non de praeterita intelligi res ipsa loquitur; descendisse ergo de caelo dicitur per Incarnationem, qui in caelo semper erat per immensitatem.

Quæst.
XXVII.
Immensi-
tate.
Matth. 18.
20. & 28.
20.
Joh. 3. 13.

XVII. *Omnipotentia* illi tribuitur Apoc. 1. 8. & 11. 17. ubi vocatur *παντοκράτης*, Joh. 5. 17. ubi dicitur omnia facere quæ Pater facit, & Heb. 1. 3. omnia portare Verbo suo potenti. Nec si Filius nihil potest facere à seipso ratione ordinis & originis, continuò sequitur potentiam ejus esse limitatam & dependentem; quia diversitas ordinis non facit diversitatem essentiae & virtutis, Matth. 28. 18. omnis potestas illi data dicitur, quæ supponit necessariò omnipotentiam, nec enim omnem potestatem posset habere in caelo & terra, quæ Mediator, nisi haberet omnipotentiam quæ Deus.

Omnipa-
rentia.

XVIII. *Omniscientia* de eo prædicatur, Joh. 21. 17. *Domine, tu nosti omnia*, & Joh. 16. 30. *Novimus nunc quod omnia nosti*, vocatur *καὶ ὁ γινώσκων*, Apoc. 2. 23. qui ipsas cogitationes cordis novit, Luc. 6. 8. & Joh. 2. 24. 25. *Apoc. 1. 23.* Nec dici potest hoc Christum habere per revelationem, quia Deus hoc soli sibi servat, 1. Reg. 8. 39. *Christus* dicitur *ignorare diem judicii*, Marc. 13. 32. *Marc. 13.* non quæ Filius Dei, sed quæ Filius hominis, qualis ab interrogantibus conspiciebatur. Nec si *solus Pater* dicitur illud nosse, hoc excludit cognitionem Filii, & Spiritus, qui profunda Dei scrutatur; Non magis quàm Matth. 11. 27. *Pater* potest dici seipsum ignorare, quum *nemo cognoscere* dicitur *Patrem nisi Filius*. *Solus* ergo non excludit omnes simpliciter, sed illos in certo genere quos non intererat hoc scire, nim. homines, ut sic parati semper essent & vigilarent, ne dies iste dormientibus & imparatis superveniret.

Ex omni-
scientia.

XIX. *Immutabilitas* Heb. 1. 11. 12. *Cæli peribunt, Tu autem permanes, Idem semper es, & anni tui non deficient*, quæ de unico vero Deo dici constat ex Ps. 102. unde ista desumpsit Apostolus. Ita Heb. 13. 8. dicitur *idem esse heri, hodie, & in æternum*, non modò ratione doctrinæ & operationum, sed etiam ratione Essentiae & Personæ, quia effecta supponunt causam.

Immutabi-
litate.

XX. Denique *Plenitudo Deitatis* in ipso habitare dicitur, id est, essentia cum attributis, Col. 2. 9. & *vita Dei* ipsi tribuitur Jo. 5. 26. Nec si dicitur illi data à Patre, ideo minuitur ejus dignitas, quia hoc ordinem tantum notat, non inferioritatem; quippe accepit eandem numero cum Patre, non ex gratia, sed ex natura, non in tempore, sed ab æterno.

Col. 2. 9.
Joh. 5. 26.

QUEST.
XXVIII.
3. Ex Ope-
ribus di-
vinis.

XXI. Tertiò, idem colligitur ex *Operibus divinis* quæ illi tribuuntur; ut *Creatio*, quam Deus sibi soli tribuit II. 40. 12. & 44. 24. & quæ virtu-tem infinitam postulat, Proverb. 8. 27. &c. *cùm firmaret celos, ibi ego eram* &c. Ubi Sapientia æterna loquitur. Jo. 1. 3. *Omnia per ipsum facta sunt, & sine eo nihil factum est.* Heb. 1. 2. *Per eum secula fecit, & ꝑ. 10. Tu Domine fundasti terram.* Col. 1. 16. 17. *Per eum omnia sunt, quæ in cælis sunt, & quæ in terris, visibilia, invisibilia, throni.* 2. Mundi creatio, conservatio, & gubernatio, quia *omnia portat Verbo suo potenti*, Heb. 1. 3. *In ipso omnia subsistunt.* Col. 1. 17. *Pater meus hucusque operatur, & ego operor*, Jo. 5. 17. 3. Miraculorum patratio, quæ vel ipse per se, vel Apostolorum ministerio fecit, ut passim videtur in Evangelio, & præcipuè mortuorum resurrectio, Johan. 5. 21. & 6. 40. quæ arguunt absolutum Christi in creaturas imperium. Unde ad opera ista provocat tanquam ad argumenta invicta Divinitatis suæ Jo. 5. 36. & alibi.

Jo. 1. 3.

XXII. Non potest intelligi *secunda Creatio*, Jo. 1. 3. ut cavillatur Soci-nus, 1. quia Joh. loquitur absolutè & sine ulla restrictione, quæ adhiberi solet, quoties de nova creatione agitur. 2. agitur de creatione universali, in qua per eum *omnia facta sunt, & sine quo nihil factum est.* 3. de creatione mundi, qui Christum non cognovit ꝑ. 10. Ergo non Ecclesiæ tantum. 4. Paulus extendit istam creationem ad omnes omnino creaturas visibiles & invisibiles, & ipsos Angelos, & distinguit creationem primam à secunda, de qua agit tantum ꝑ. 18. Nec si *per Filium* omnia creata dicuntur; notatur causa instrumentalis, quæ nulla potest esse in Creatione, sed efficiens principalis, quomodo *per Deum* dicuntur esse omnia, Rom. 11. 36. & particula *ꝑ.* sæpe ita sumitur Gal. 1. 1. Nec tantum *di autē per ipsum* ut principium omnia sunt condita, sed *eis autē ad ipsum*, tanquam ad finem, Colos. 1. 16. quod instrumento non competit: Imò *ex autē* dicuntur omnia facta, quomodo Act. 17. 38. dicimur *ex autē* nim. Deo vivere, moveri, & esse. Nec si Patri tribuitur creatio appropriativè continuò denegatur Filio, ut Pater non excluditur ab opere Redemptionis, licet peculiariter Filio adscribatur.

XXIII. Virtus patrandi miracula non fuit illi adventitia & ministerialis, qualis erat Apostolorum & Prophetarum, sed propria & insita: quia dicitur ab eo manasse, Luc. 6. 19. & 8. 46. 2. negant Apostoli se propriâ virtute facere miracula, sed in nomine Christi, Act. 4. 7. 10. id est, ejus vi & autoritate, & virtutem istam à Christo petunt, Act. 9. 34. Nec si Christus preces nonnunquam adhibuit ad miraculi alicujus patrati-
onem, ut Jo. 11. 41. sequitur propriam virtutem illud edendi non habuisse, quia hoc non fecit ex defectu potentia, sed partim secundum voluntariam œconomiam, per quam in officio Mediatorio se Patri submit-
tit, & ad illum omnia refert, partim ut se accommodaret iis, quibus præ-

præsentibus miracula patrabat, ut scirent omnia precibus esse obtinenda. QUEST. XXVIII.

XXIV. Nec minùs *Opera Gratia & Redemptionis* Christo tribuuntur; qualis est Electio, Jo. 13. 18. Redemptio, Act. 20. 28. Vocatio, Jo. 10. 16. Math. 9. 1. Sanctificatio, Ephes. 5. 26. Missio Spiritus Sancti, Jo. 16. 7. 14. & 15. 26. Defensio adversus omnes hostium insultus, & donatio vitæ æternæ, Jo. 10. 10. 28. Vivificatio & resurrectio mortuorum, Jo. 5. 21. & sui ipsius suscitatio, quæ ut invictum affertur Divinitatis ejus argumentum, Jo. 2. 19. & 10. 18. Rom. 1. 4. Judicium universale, Johan. 5. 22. Act. 17. 31. Hæc enim omnia soli vero Deo competunt. Nec dici debet hæc Christo tribui ut causæ instrumentali, per quam Pater operetur: Nam, præterquam quòd pleraque ista opera immediatè à Deo fieri debent sine ullius instrumenti interventu; licet Christus agat hîc ut Mediator, qui ratione œconomix minor est Patre, non desinit illi æqualis esse quoad essentiam & potestatem, & ista operari ut Dominus; quod invictè probat Apostolus, Heb. 3. 3. 4. ubi loquens de constitutione Ecclesiæ, dicit Christum domum istam condidisse, atque ita eum Mose, qui in ea fuit tantum servus fidelis, longè digniorem fuisse probat; statimque subjicit *Omnis domus ab aliquo construitur, Deus autem ille est qui omnia construxit*, innuens scilicet clarissimè Christum, qui Ecclesiam ædificavit, Deum esse: Unde κατ' ἐξοχὴν vocatur *Dominus & Maritus Ecclesiæ*, Eph. 4. 5. & 5. 25. quod ad solum Deum sanctum Israël pertineret docet Isa. 54. 5.

XXV. Quartò, *Cultus religiosus* soli Deo ob infinitam ejus potentiam, 4. *Ex Cul-* gloriam, & majestatem debitus, illi tribuitur. Fides, Johan. 14. 1. *Credite in Deum, & in me credite*, Spes, Ps. 2. 12. *Beati qui sperant in eum*, At maledictus qui spem suam in homine collocat, Jerem. 17. 5. Adoratio, Hebr. 1. 6. *Adorent eum omnes Angeli*, Ps. 2. 12. *Osculamini Filium*, Johan. 5. 22. *Pater omne judicium dedit Filio, ut omnes honorent Filium sicut honorant Patrem*, Phil. 2. 9. 10. *Datum est illi nomen super omne nomen, ut in nomine Jesu omne genu flectatur, & omnis lingua confiteatur, quòd Dominus est Jesus ad gloriam Patris*. Invocatio, quia gratia & pax, & cætera beneficia spiritualia, quæ à Deo solo expectari possunt, à Christo non minùs ac à Patre petuntur in Epistolis Paulinis, & fideles per *Invocantes Nomen Domini Nostri Jesu Christi* describuntur Act. 7. 59. & 9. 14. 1. Cor. 1. 2. Gloria & honor, Apoc. 5. 13 omnis creatura inducitur gloriam tribuere Agno non minùs ac Patri, *Insidentis throno, & Agno sit benedictio, honor, gloria, & potentia, in secula seculorum*.

XXVI. Frustra hîc excipitur. 1. Fidem etiam ad creaturam posse terminari, quia Israëlita dicuntur *Credidisse Deo, & Mosi*, Exod. 14. 31. quia hoc non ad personam Moysis refertur, sed ad doctrinam. 2. Christum esse ob ectum secundarium fidei, non primum: Quia non datur subordinatio in objecto fidei, nec magis potest dividi fides & cultus religiosus

QUÆST. inter Creatorem & Creaturam, quàm Divinitas, Isa. 42. 8. *Hoc est nomen meum, gloriam meam alteri non dabo, nec laudem meam sculptilibus.* Nec dici debet, honorem Dei non alienari, quum aliquem ex Dei præscripto colimus, istud enim Dei solius caulâ fieri, & honorem in Deo ipso terminari: Quia supponitur semper falsò, talem honorem Creaturæ posse legitimè exhiberi, cum fides & adoratio ferantur in objectum infinitum, omniscium, omnipotens, & æternâ gloriâ præditum; quod in nullam Creaturam licet perfectissimam cadere potest.

XXVII. Quamvis verò Christus quâ Mediator sit adorandus, non sequitur Divinitatem ejus non bene colligi ex ejus adoratione; Quia Mediator in conceptu suo dicit Personam Divinam, quam non tollit minoritas æconomica; Non adorandus est directè quâ *homore duplicativè*, id est, respectu naturæ humanæ; quæ non est objectum per se adorabile, sed *specificè* ille qui homo est adoratur, sed respectu naturæ divinæ; ut hic tria probè distinguenda veniant, *Objectum adorationis*, quod est Persona Christi, *fundamentum*, quod est natura divina, & *adjunctum* line quo non fit adoratio, nim. natura humana.

Jo. 5. 17.
18.

XXVIII. Quatuor hisce Argumentorum Classibus possumus & alia at-
texere. 1. Ab æqualitate Filii cum Patre, Jo. 5. 17. 18. quum ait Christus se continuo operari cum Patre, quod Judæi de æqualitate essentia & potentia interpretantur, atque ideo tanquam blasphemum eum conantur interficere, eo quod Deum Patrem suum vocaret, se parem ei faciens, quam illationem tantum abest ut Christus redarguat & neget, ut contra illam ulterius confirmet variis argumentis, tum ab æqualitate vitæ, sive essentia viventis v. 26. ut *Pater habet vitam in seipso, ita Filio dedit habere vitam in seipso*, tum ab æqualitate operationis, v. 19. *quia quæ Pater facit, Filius quoque facit*, tum ab æqualitate honoris & cultus soli Deo debiti, v. 23. *Ut omnes honorent Filium, sicut honorant Patrem*, quæ absolutam æqualitatem inferunt, & non tantum limitatam respectu operationis, ut vellent Adversarii; Eò vel magis, quod æqualitas operationis cum Deo præsupponat necessariò æqualitatem potentia essentialis, atque adeò ipsius essentia. Nec obstat quod dicitur *nihil facere à seipso*, v. 19. Hoc enim ordinem quidem operandi notat, qui sequitur ordinem subsistendi, sed non inæqualitatem essentia vel potentia arguit, aliàs non diceretur *quoque* operari.

Jo. 10. 30.

XXIX. 2. Ab unitate ejus cum Patre Johan. 10. 30. *Ego & Pater unum sumus*, quod ad unitatem consensus tantum, non essentia referre, est vim facere verbis Christi. 1. quia ab unitate potentia Christus ratiocinatur ad unitatem essentia, v. 28. 29. quæ duo non differunt in Deo. 2. quia Judæi Christum lapidibus obruere voluerunt, non ob unitatem voluntatis, sed propter unitatem essentia cum Deo, quam opinione ipsorum blasphemè sibi tribuebat, *Non lapidamus te propter ullum bonum opus, sed propter*

propter blasphemiam, quia cum sis homo, te facis Deum v. 33. 3. Christus dictum non revocat & corrigit, sed tuetur & confirmat verbis sequentibus, QUEST. XXVIII. argumento petito à Magistratibus, qui vocantur Dii in Scriptura, unde colligit non tantum à comparatis, sed etiam à *minori ad majus*; Si Magistratus politici vocantur Dii propter munus aliquod temporale ipsis concessum, quanto magis ego quem Pater sanctificavit, & misit in mundum ad officium Mediatoris, quod virtutem divinam postulat, & qui opera Patris facio, ita ut Pater sit in me, & ego in Patre, quod de nulla creatura dici potest, me legitime Deum & Filium Dei vocare potui? Sic sanctificatio & missio in mundum affertur à Christo, non tanquam causa Filiationis antecedens, & à priori, quasi Filius tantum ideo diceretur, sed tanquam argumentum & signum à posteriori, unde illa colligitur.

XXX. 3. *A munere Christi Mediatorio.* Quia Mediator debuit esse Propheta, qui non tantum externè, sed & internè mentem illuminaret, & cor flecteret, Rex qui Ecclesiam adversus Satanæ & mundi insultus tueretur, & Spiritu suo potenter eam regeret, Sacerdos qui merito mortis & obedientiæ infinito, infinitæ Justitiæ divinæ satisfaceret, & redemptionem æternam nobis acquireret. Quæ omnia ab homine imo fieri non potuerunt, sed cum postulabant, qui essentiâ & potentiâ infinitâ præditus esset, ut suo loco probatur. Idipsum etiam ex Filiatione Christi colligi potest invictè, ut in sequenti Quæstione demonstrabitur.

XXXI. Christus factus est Dominus post resurrectionem, Act. 2. 36. *Fontes* non dominio essentiali, quod habuit inde ab orbe condito, ut conditor omnium Hebr. 1. 2. & quatenus est *Λόγος*, sed dominio personali & œconomico, quod illi competit, quia est *θεάνθρωπος*, & quidem non simpliciter, nam Solut. omn. Act. 2. 36. Heb. 1. 2. longe antè David eum appellavit Dominum, Ps. 110. 1. nec quoad ejus jus & fundamentum, quod habuit ab initio, sed secundum quid, & ratione plenæ manifestationis & inaugurationis.

XXXII. Qui hæres constituitur dono gratiæ, non proprietate naturæ, non est verus Deus; sed Filius non ita vocatur hæres, quia est proprius Dei Filius; non Filius, quia hæres, sed hæres, quia Filius. Deinde hæres dicitur ratione dominii quod obtinet in omnia.

XXXIII. Qui distinguitur à Deo *ὑποτάκτως* considerato, is non est Deus; sed Christus distinguitur à Deo *ὑποτάκτως* tantum spectato, quatenus per appropriationem nomen Dei Patri tribuitur, non exclusivè ad Filium & Spiritum S. sed œconomicè, quia Christus Mediatoris munus obtinet, & Spiritus S. Paracleti, Pater verò ut prima Persona sustinet Majestatem Numinis.

XXXIV. Qui proponitur ut *homo merus*, is non potest esse Deus; sed non qui proponitur tantum ut *homo verus*, qui utrumque potest esse, &

QUEST. & homo, & Deus. Loca quæ humanitatem Christi prædicant, veritatem
 XXVIII. ejus asserunt, sed Divinitatem non negant; & quoties denominatur Chri-
 stus ab humanitate, non statim excluditur Divinitas, ut quoties asseritur
 Divinitas, non excluditur humanitas, quia denominationes quæ tribuun-
 tur Personæ possunt ab alterutrâ naturâ peti.

XXXV. Aliquid accipi potest, vel in tempore, vel ab æterno, vel ex
 gratia, vel ex natura: Prior accipiendi modus revera inferioritatem arguit,
 & naturæ inæqualitatem, & in verum Deum cadere nequit; At posterior
 Personis divinis competere potest sine ulla inæqualitate; quia ordo subsisten-
 di Personarum non tollit æqualitatem essentia. Ita Filius omnia potest dici
 accepisse à Patre, vel quâ λόγος per ejusdem essentia communicationem ab
 æterno, vel quâ θεάνθρωπος & Mediator in tempore per officii impositionem,
 cujus respectu se Patre minorem fatetur.

XXXVI. *Principium*, vel est *communicationis*, vel *inchoationis*, Filius
 habet principium communicationis, nim. Patrem, sed non inchoationis,
 quia essentia illi communicata est ab æterno.

Col. 1. 15. XXXVII. Christus dicitur πρωτόπικος, non πρωτόκτιστος Col. 1. 15. *Pri-*
mogenitus omnis Creatura ratione dominii, quia ut omnia per ipsum facta sunt,
 ita imperium habet in omnia; sed non ratione creationis, quasi primus inter
 Creaturas productus esset, aliàs non diceretur, jam fuisse in principio, & o-
 Apoc. 3. 14. mnia condidisse. Hoc sensu vocatur, *Principium creatura Dei*, Apoc. 3. 14.
 non *passivum*, quasi esset prima Creatura, sed *æctivum*, quia ab eo omnes crea-
 turæ originem ducunt, ut Paulus loco citato exponit.

1. Cor. 8. XXXVIII. Pater unus Deus dicitur, 1. Cor. 8. 5. 6. non relatè ad Filium,
 5. 6. aut Spiritum Sanctum, sed ad idola, quod pater ab antithesi v. 4. *Idolum ni-*
hil est in mundo, & nullus est alius Deus nisi unus, & v. 5. 6. agit de iis qui vo-
 cantur Dii in cælo & in terra. 2. Ut unus Dominus non excludit à Domi-
 nio Patrem, qui Dominus Dominorum vocatur, 1. Tim. 6. 15. Ergo
 nec unus Deus Pater excludit à Deitate Filium, qui dicitur etiam verus
 Deus. Distinguuntur quidem inter se *unus Deus Pater*, & *unus Dominus*
Jesus Christus, sed personaliter, non essentialiter.

XXXIX. Quum Christus negat se bonum esse oppositè ad Deum, qui
 Matt. 19. solus bonus est, Matt. 19. 17. non absolute hoc est intelligendum, sed rela-
 17. tè ad mentem adolescentis, qui cum ut φίλον ἄνθρωπον respiciebat; quasi dice-
 ret, ut quid me bonum vocas, cum non habeas me pro Deo, & nemo sit
 verè & perfectè bonus nisi Deus?

Filius bene
 dicitur
 αὐτόθεος. XL. Licet Filius sit à Patre, non minùs tamen αὐτόθεος dicitur, non ra-
 tione Personæ, sed ratione Essentia; non relatè quâ Filius, sic enim est à
 Patre, sed absolute quâ Deus, quatenus habet Essentiam divinam à se exi-
 stentem, & non divisam vel productam ab alia essentia, non verò quâ ha-
 bens

bens essentiam illam à seipso. Sic Filius est Deus à seipso, licet non sit à seipso Filius. Unde pater quàm injustè dicam hîc hæreseos scribant Calvino, Genebrardus & alii ex Pontificiis, eo quòd impietatem Valentini Gentilis confutaturus, qui Essentiam divinam soli Patri tribuebat, quem ideo Deum primarium vocabat, & *αὐτόθεον*, Filium verò & Spiritum S. essentiatos à Patre; Filium non minùs ac Patrem *αὐτόθεον* dixit, sed respectu Essentiæ tantùm, quæ non minùs est *αὐτοσία* in Filio quàm in Patre; non verò Personæ, quòd rectè dici ipse Bellar. agnovit li. 2. de Christo c. 19.

XLI. Quod Christus dicitur ex Virgine natus, passus & mortuus, non ubique præiens, & minor Patre, ostendit quidem cum fuisse verum hominem nobis per omnia similem, sed non negat fuisse Deum; imò ita proponitur natus ex Virgine in tempore, ut sit genitus ab æterno à Deo, Prov. 8. 22. Ita est Patre minor ratione voluntariæ exinanitionis & assumptæ carnis, ut sit tamen ei par respectu æternæ Deitatis ipsi ab æterno communicatæ, Jo. 5. 18. ita est mortificatus carne, ut sit vivificatus Spiritu, 1. Pet. 3. 18.

QUESTIO XXIX.

DE ÆTERNA FILII GENERATIONE.

An Filius Dei ab æterno sit genitus à Patre? Aff.

I. **Q**uestio præcedens *ὁμοουσίαν*, & identitatem essentialem Filii cum Patre asseruit; Ista ejus *distinctionem Personalem* ab eo, & ineffabilem & æternam ejus Generationem adversus Anti-Trinitariorum blasphemias, demonstrabit.

II. Non quæritur, An Christus possit dici genitus à Deo per miraculo-*Status* sam Spiritus S. conceptionem; Et An Filius Dei vocari possit per gratiosam *Quæstio-* communicationem existentiae, potestatis, & gloriæ divinæ: hoc enim facile *nis.* largiuntur Adversarii; Et nullam aliam Filiationis ejus causam agnoscunt. Sed, An sit genitus ab æterno à Patre, &, An vocetur Filius propter arcanam & ineffabilem ex Patre generationem; quod blasphemè negant Sociniani; Nos affirmamus.

III. Ut verò veritas æternæ istius generationis meliùs possit adstrui, aliquid in antecessum de ejus natura observandum. Non quòd ea à nobis concipi possit, vel exprimi. *Hic enim vox silet, mens deficit, non tantum mea sed etiam Angelorum*, ut Ambrosi. lib. de fide cap. 5. loquitur, & Grego. Nazi. fibulam injicit curiositati nostræ, quum vult eam silentio colli, *Θεὺ ὁμῶς σιωπῇ τιμάτω, μέγα σοὶ τὸ μαθεῖν ὅτι γηγῆται*, ut hîc

Quæst.
XXIX.

rite usurpari possit illud Isa. 53. 8. licet aliò etiam respiciat, *Generationem ejus quis enarrabit?* Sed tantum ut distinguatur à generationibus humanis, & negativè potius quam positivè explicetur.

IV. Ut omnis generatio dicat communicationem essentiae à parte gignentis genito, per quam genitus fiat similis gignenti, & eandem cum ipso naturam participet. Ita Generatio ista admirabilis rectè exponitur per communicationem essentiae à Patre, per quam eandem cum illo essentiam Filius indivisibiliter possidet, & illi fit simillimus: Sed qualiscunque sit inter generationes naturales & humanas, & supernaturalem & divinam analogia; Non est tamen ista ex illis metienda, vel ad illas exigenda, quia magnum inter eas discrimen intercedit, sive *principium*, sive *modus*, sive *terminus* attendatur. Nam in physica generatione Principium non est tantum activum, sed & passivum & materiale; sed in Divina datur tantum activum. In illa communicatio fit non totius essentiae, sed partis tantum, quæ deciditur à gignente & ab eo alienatur: Sed in ista communicatur eadem numero essentia sine decisione & alienatione. In illa productus non modò distinctus est à gignente, sed etiam separatus, quia generans extra se generat terminativè; sed in ista gignens in se & non extra se generat; Ita Filius genitus licet sit distinctus, nunquam tamen est ab eo divisus, non modò *ὁμοίσις* sed & *ὁμοῦσις*.

V. Generatio ista facta est *αἰχρόνως*, non in tempore, sed ab æterno; ideo nulla hic prioritas vel posterioritas durationis observari potest, licet sit prioritas ordinis, secundum quem Filius est à Patre, licet non sit post Patrem. 2. *ἀχωρίτως*, quia Pater non genuit extra se, sed in eadem essentia. Unde dicitur Λόγος fuisse apud Deum; & Pater in Filio, & Filius in Patre. 3. *ἀπαθῶς* sine ulla passione, vel mutatione, vel in Patre, vel in Filio, cum ipsum generari nullam imperfectionem notet, sed potius sit omnis perfectionis receptio. Quamvis ergo respectu Patris Generatio bene dicatur activa, non tamen bene dicitur passiva respectu Filii, quia aliàs potuisset dici Filius in potentia gignentis. Nec obstat quòd gigni dicatur; hoc enim *ἀνθρώπου παθῶς* dictum, *θεογενῶς* debet intelligi, removendo omnem imperfectionem; unde quod locum habet in generatione transiente & physica & materiali, non debet transferri ad hyperphysicam, immanentem, & divinam.

VI. Persona bene dicitur generare Personam, quia actiones sunt suppositorum; sed non Essentia Essentiam, quia quod gignit & gignitur necessario multiplicatur, & sic via sterneretur ad Tritheismum. Essentia quidem generando communicatur; sed generatio, ut à Persona sit originaliter, ita ad Personam terminatur.

VII. Utrumque potest sano sensu dici, *Patrem Filium generare, & genuisse*; Prius respectu generationis in se spectatae, quia opera Trinitatis ad in-

intra, quale est gignere & gigni, sunt æterna & indefinientia; aliàs si actus personales haberent finem, haberent etiam principium, nec omnis posset in Deo negari mutatio. Ut ergo in opere sunt perfecti, ita in operatione sunt perpetui; Nec ulla propterea potest colligi generationis imperfectio, quia etiam in natura dantur, quæ sunt dum fiunt, ut radii solares. Posterius tamen melius dicitur nostri respectu, cui imperfectum est quod est in fieri, perfectum verò quod est in facto esse. Unde Scriptura, cum qua nobis loquendum, utitur potius verbo præterito quàm præsentis, Pl. 2. & Prov. 8. Terminata ergo bene dicitur generatio *terminatione perfectionis*, non *terminatione durationis*, ut notant Scholastici; Et quum Filius semper gigni dicitur, non negatur *perfectio termini*, sed *finis tantum communicationis*.

VIII. Generatio illa probatur, 1. ex illustri Oraculo Psal. 2. 7. *Tu es Filius meus, ego hodie genui te*, quod de Messia dici, non Apostoli modò agnoscunt, Act. 4. 25. & 13. 33. Hebr. 1. 5. sed Judæi ipsi vi veritatis pressi fieri coguntur. Is autem vocatur Filius Dei, non qualiscunque, sed qui talis sit *καὶ ὡς υἱός*, & exclusivè ad ipsos Angelos; Nam cui *Angelorum unquam dictum, Tu es Filius meus* &c. ut Apostolus argumentatur, Hebr. 1. 5. atque adeò verus & æternus cum Patre Deus; Quis enim nisi Deus Regni sui potestaria potuit usque ad fines terræ protendere, y. 8. Reges & populos, ut vasa figulina conterere y. 9. quem Reges terræ debeant osculari, id est, religiois colere y. 11. 12. qui absolutam habeat potestatem vitæ & necis, qui vel minimo iræ ardore gentes & Principes depascit, in quem fiducia sit collocanda, & à quo felicitas expectanda sit, nisi verus & æternus Deus? Huic Filio tribuitur generatio, non temporalis & physica, sed hyperphysica & æterna, qualis illi potest competere, qui æternus est æterni Patris Filius, atque adeò verus cum ipso Deus, per quam extollitur non modò supra homines, sed etiam ipsos Angelos. At si propter gratiosam communicationem existentie vel gloriæ ita vocaretur, non hoc illi soli, sed & aliis, licet dispari gradu posset tribui. Nec obstat locus Act. 13. 33. ubi Paulus videtur Oraculum hoc referre ad resurrectionem Christi. Nam præterquam quòd locus Psalm. 2. non tam assertur ab Apostolo ad probandam resurrectionem Christi, quod facit y. 35. ex Ps. 16. quàm ad probandam impletionem promissionis datæ Patribus de Christo excitando, & in mundum mittendo; ista non sunt opponenda, sed componenda; non quòd generatio ista consistat in resurrectione, siquidem jam à principio fuit apud Deum, Jo. 1. 1. imò & ante secula Prov. 8. 22. & Deus voce cœlitus edita Filium suum esse testatus est in ejus baptismo; sed ratione *φανερώσεως* & *declarationis à posteriori*, quia per illam innotescit, ut Paulus interpretatur, Rom. 1. 4. quum ait *Christum fuisse ó ἐκ ἐντα declarationem Filium Dei per resurrectionem à mortuis*, juxta morem Scripturæ, quo res fieri vel nasci dicuntur, quum manifestantur, Prover. 17. 17. Quia ergo

Quæst.
XXIX.

Generatio
Filii proba-
tur ex Ps.
2. 7.

Act. 13. 33.

Rom. 1. 4.

QUEST.
XXIX.

resurrectio fuit irrefragabile Divinitatis ejus, & æternæ Filiationis argumentum, Spiritus S. apud Psalterium potuit utrumque conjungere, & respicere tam ad æternam generationem quàm ad ejus manifestationem, quæ in resurrectione fieri debuit. Et Paulus bene dicit impletum fuisse Oraculum; quando patefacta est ejus veritas, quum per resurrectionem plenissimè declaravit Patrem eum *ὄντως & ἰδίως* esse Filium suum; ut Jacobus c. 2. 23. dicit impletum fuisse Oraculum de Justificatione Abrahami per fidem: *Abraham credidit Deo, & illi imputatum est ad justitiam*, quando obtulit Filium suum; non quia tum demum facta sit per istam oblationem justificatio, sed quia declarata. Atque eò respicit vocula *hodie*, quæ non apponitur ad notandum certum tempus quo ista generatio cœperit; sed ut intelligamus omnia esse Deo præsentia, & successivam non esse istam generationem, sed permanentem in æternitate, in qua scilicet nihil præteritum est, aut futurum, vel ulla temporis successio, sed *ἡ* indivisibile, quod omnes tamen temporis circumstantias complectitur: Ut ergo apud Deum nunquam hesternus aut crastinus dies est, sed semper hodie; ita Filiatio ista utpote æterna, rectè per hodie æternitatis designari potuit.

IX. Frustra etiam opponitur, talem esse generationem quæ sit pars decreti, aut effectum ejus, atque ideo opus merè arbitrarium. *Narrabo*, inquit, *decretum, Dominus nihil dixit, Tu es Filius meus, hodie genui te, Pete à me, & dabo tibi in hereditatem gentes*; Nam generatio ista non proponitur ut pars decreti istius, sed tantum ut ejus *fundamentum*, quo nititur Regnum universale quod illi conceditur; Nam nisi Christus fuisset verus & æternus Dei Filius, ab ipso ab æterno genitus, nunquam potuisset in Mediatorem destinari, & regnum universale obtinere. Denique, non magis urget quòd hæc ad Davidem pertinere volunt, qui tamen dici non possit ab æterno à Deo genitus. Nam licet hoc Oraculum posset utcumque ad Davidem pertinere in typo, ratione dignitatis ad quam evectus est, longè dispari tamen ratione competeret Christo, in quo solo perfectè potuit impleri, & ad quem præcipuè David Spiritu Prophetico respexit; ita de Melchisedeco & de Christo idem dicitur Hebr. 7. 3. quòd sit *ἀπ' αἰῶνος, ἀπ' αἰῶνος*, nec initium dierum, nec vitæ finem habens; nemo tamen negat longè alio sensu de Christo & de Melchisedeco dici. Imò si propius verba expendantur facilè patebit, quamvis multa in hoc Psalmo ad Davidem, ut typum pertineant, hoc tamen Oraculum peculiariter & *ἐξ ὅλης* Christo proprium esse, quia de eo talia prædicantur, quæ in hominem mortalem cadere nequeant: Ut sæpe occurrit in Oraculis compositis, ut quædam convenient, & typo & antitypo, quædam verò, vel soli typo, vel soli antitypo; quod hîc fieri ex circumstantiis textus non obscurè liquet.

1 Ex Prov.
8 22. 23.
Gr.

X. Secundò, idem colligitur ex loco Prov. 8. 22. in quo sic Sapientia introducitur loquens, *Jehova*, inquit, *possidebat me principio via sua, ante opera sua, ante ullum tempus, ante seculum inuncta fui, ante principium,*

pium, ante primordia terra, quum nulla essent abyssi, edita, vel genita eram, &c. QUEST. XXIX.
quum aptaret cælos ibi eram, priusquam statueret fundamenta terra, eram apud eum ut delicia &c. v. 24. 25. 26. 27. 30. Nihil dici potuit clarius ad Mysterium de quo agimus confirmandum. Sapiencia æterna Patris dicit Jehovam ipsam possedisse, quo modo? non nisi per veram generationem, per quam dicitur genita, & habita instar nutritii charissimi à Patre, & hoc non in tempore, sed ab æterno, *initio via sue, ante opera*, & ne ullus superesset scrupulus, addit vers. 24. 25. hoc fuisse ante principium & primordia terræ, antequam essent ullæ abyssi & montes &c. quod absolutam æternitatem notat. Sapiencia autem ista non potest esse tantum qualitas, aut virtus aliqua, sed necessariò debet esse *Persona* subsistens, quia quæcunque illi tribuuntur personalia sunt, ut quòd doceat, clamet, Reges vocet & constituat, c. 8. *adificet domum, mactet animalia, convivium paret, & mutat ancillas* ad vocandos homines, & sim. c. 9. quæ non nisi personæ competere possunt. Nec hic potest esse *prosopopæa*, per quam introducatur loquens Sapiencia in genere, & in abstracto; Nam licet locus dari possit *prosopopæias* in amplificationibus & exaggerationibus, maximè in apologis, non tamen ubi agitur de brevibus & confertis præceptis, ubi idem toties repetitur, nec ulla alibi figurati sermonis expositio additur; aliàs nihil certi esset in Scriptura, si liceret ad *prosopopæias* ubique recurrere; Nec ullum simile exemplum datur: nam quod affertur ex c. 9. 13. de *insipientia*, quæ sub imagine Mulieris fatuæ loquens introducitur, longè dispar est à nostro, ut intuenti patet, & potest optimè ad Mulierem adulteram, ejusque illecebras referri; Quod verò petitur ex 1. Cor. 13. de *charitate*, quæ omnia sustinere & credere dicitur, non magis facit pro Adversariis, quia abstractum ponitur pro concreto, charitas pro homine charitate prædito, cui talia competunt. Ita hic Sapiencia in abstracto ponitur, non *qualitative*, sed *personaliter*, pro eo qui sapientiâ præditus est, qui quia perfectissimè eam possidet, non modò Sapiencia dicitur in singulari, sed *הכמות* Sapiencie, in plurali ex Hebræorum idiotismo.

XI. Hunc autem non alium esse quàm Filium Dei Christum Dominum nostrum colligitur, non modò ex nomine ipso *Sapiencia*, quo sæpe solet insigniri in Novo Testamento, Luc. 7. 35. 1. Cor. 1. 24. sed & ex attributis, quæ isti Sapiencie tribuuntur, quæ in ipsum aptissimè quadrant, & nemini alii competere possunt. Quis enim alius Sapiencie nomen mereri potest, & quidem Sapienciarum? Quis alius homines ad se vocat, veram salutis viam docet, vult Legem & præcepta sua in Ecclesia obtinere, homines peccatores stultitiæ arguit, & auscultantibus vitam, incredulis verò ultimum exitium denunciat? Quis alius est, qui antequam mundus esset, fuit apud Deum, & ipsi mundo creanti perpetuò adfuit? Si Jehova dicitur possedisse Sapienciam ab initio; Nonne *Sermo* dicitur fuisse in principio, & fuisse apud Deum?

QUEST. Jo. I. 1. Si dicitur fuisse Patri in deliciis; Nonne Christus est *ὁὶς ἀγαπᾶται*,
 XXIX. Matt. 3. 17. Si à Patre ordinata est & inuncta; Christus nonne præcognitus
 est ante jacta mundi fundamenta, & unctus ad Officium Mediatorium, 1.
 Pet. 1. 20. Si ante colles edita dicitur; Nonne Christus est ante omnia,
 Coloss. 1. 17. Si per eam Reges regnant; Nonne Christus est Rex Regum
 & Dominus Dominantium, Apoc. 19. 16. Si Sapiencia docet & clamat,
 homines vocat & hortatur ad relipscentiam in plateis & semitis, tum per
 se immediatè, tum mediatè per puellas; Nonne Christus hoc præstitisse le-
 gitur, tum immediatè per seipsum Evangelium prædicans, tum immediatè
 per servos suos Apostolos, quos per totum orbem misit ad vocandos homi-
 nes ad communionem gratiæ suæ?

XII. Verbum *וְהָיָה* non debet verti *formata sum*, ut vellent Vatablus
 & Pagni. sed *genita sum*, ut Chaldeus & Græci reddunt, quia *וְהָיָה* verbum
 Pihel à radice *וָהַיָּה* non modò *parturire* notat, quum de mulieribus dicitur,
 sed & *gignere*, respectu virorum, ut Buxtorf. explicat in Lexico. Nec si ali-
 cubi ad formationem verbum hoc potest referri, ut Ps. 90. 2. Deut. 32. 18.
 sequitur eodem sensu sumi semper debere; cum res de qua agitur hoc non po-
 test pati, ut hic, ubi mentio fit Sapienciæ quæ genita est ante secula. Quum
 verò LXX. reddunt, *ἐκ ποτὸς με creavit me*, vel mendum est pro *ἐκ ποτὸς*, vel
ἐκ τῆς αἰῶνος, vel hoc fit, quia apud Græcos *πρὸ κτίσεως* creare, & gignere inter se
 quandoque reciprocantur, Ps. 90. 2. & 104. 31. Deut. 32. 18. vel quia Spiri-
 tus Sancti mentem ipsi non sunt satis assecuti. Nam *וְהָיָה* quod hic habe-
 tur, verbum est generale quod acquisitionem vel possessionem notat, quæ
 in specie potest obtineri, vel per creationem, ut Genes. 14. 19. vel per ge-
 nerationem, Genes. 4. 1. quam postremam significationem hic retinendam
 esse patet, 1. ex locutionibus variis, quæ hic cumulantur, *in initio via, ante
 opera, ante secula, ante primordia terra* &c. quæ descriptionem absolutæ æta-
 tis important. 2. ex verbo *וְהָיָה* quod additur ad possessionem istam expli-
 candam, quod generationem dicit, unde LXX. vertunt *γεννᾶ με*.

3. Ex Mi-
 cha. 5. 2.

XIII. Tertio probatur ex Mich. 5. 2. ubi *egressus Messia dicuntur esse à
 principio, à diebus æternitatis*, oppositè scil. ad egressum ejus temporalem ex
 civitate Betlehem per nativitatem ex Virgine, ut sic contradistinguatur exi-
 tus exitui, generatio generationi, temporalis æternæ. Is enim non potest non
 esse genitus ex essentia Patris, cujus egressus dicuntur esse à principio, à die-
 bus seculi. Hoc verò Oraculum ad Messiam pertinere, *Jonathan Chald. Pa-*
rap. agnoscit, qui loco *תָּשִׁיב* substituit *מָשִׁיחַ Messiam*, & prædicata ipsa
 evincunt, quia vocatur Dominator in Israël *נָאֵר יִשְׂרָאֵל*, cui adscribitur
 vocatio gentium, regnum pastorale, fortitudo Jehovæ, gloria & pax exten-
 denda ad omnes fines terræ, v. 4. 5. Exceptiones variæ quæ afferuntur facile
 solvuntur. Licet egressus latius pateat generatione, tamen negari non potest
 gene-

generationem esse egressum, ut omnes filii & posterii dicuntur egredi ex femore patrum, & non semel tribuitur Filio, quod à Patre prodierit & egressus sit, Joan. 13.3. & 16.27.28. nec potuit prodire à Patre nisi per generationem substantialem, cujus egressus præcessit omnem creationem, & productionem è nihilo. Si **מקדם** alicubi non significat æternitatem, non sequitur nusquam eam connotare, quia Deus dicitur esse **מקדם** Hab. 1.12. *ἀπ' αἰ-
χῆς* ab æterno, & Deus vocatur Deus **קדם** id est, æternus, Deut. 33.37. Ita hic egressus dicitur esse ab initio, id est, ab æterno, eoque magis quod additur alia phrasis eodem pertinens ad *ימי עולם* à diebus seculi, licet enim **עולם**, & **קדם** seorsim sumpta tempus quandoque notent, juncta tamen ut hic æternitatem significant. Audax verò est corruptela hoc referre ad antiquitatem familiæ Christi, quia ortus est à Davide Betlehemita, qui jam olim vixit; Quia non agitur de antiquitate familiæ Dominatoris, sed Dominatoris ipsius, ut non tantum fuerit in remotissima potentia ad nascendum, sed ut de facto extiterit. Nec melius dicitur fuisse ab initio, ratione prædestinationis, quia ab æterno fuit decretum apud Deum Ducem illum aliquando ex stirpe Davidica proditurum; quia Propheta non loquitur de decreto Messia aliquando exhibendi, sed de actuali ejus egressu; alias omnium rerum egressus dicendi essent æterni, quia decreti.

XIV. Quartò demonstratur ex *Filiatione Christi*, quæ ut maximè propria & planè singularis est, necessario inferre debet communicationem essentia à Patre modo perfectissimo nim. per generationem; Ideo non modò vocatur *ὁ υἱός* Filius *κατ' ἐξοχῶν*, Hebr. 1.5. & Matth. 16.16. *Tues Christus Filius ille Dei viventis*, sed etiam *Filius proprius*, Rom. 8.32. *qui proprio Filio non perperit*, qui proprium habet Patrem, Joan. 5.18. qui proinde ex essentia genuit Filium. *Filius Unigenitus* Jo. 1.14. *Vidimus gloriam ut unigeniti*, & 18. *Unigenitus qui est in sinu Patris*, & Matth. 3.17. *summè dilectus*. Jam si Filius tantum diceretur propter gratiosam communicationem existentia & gloria, respectu naturæ humanæ, live in miraculosa conceptione, live in resurrectione & exaltatione, live in vocatione, non posset vel proprius, vel unigenitus vocari Dei Filius, quia Filiatio ista & aliis posset competere, si non in eodem gradu, at in eodem genere. Nam & *Angeli Filii* vocantur propter excellentiam naturæ, & *Magistratus* propter dignitatem muneris, & *Adamus* propter miraculosam creationem, & *Fideles* tam propter adoptionem & regenerationem, quàm resurrectionem. Ergo necesse est dari aliquem alium filiationis modum illi proprium & singularem, qui non alius potest esse quàm per generationem, ut per naturam obtineat quod per gratiam cæteris confertur, quod urget Apost. Hebr. 1.5. ubi docet Christum ita esse Filium, ut ipsius respectu, ne Angeli quidem, sint aut dici possint Filii.

XV. Quum Christus dicitur visus *ὡς μονογενὴς* ut *unigenitus Patris*, Joh. Jo. 1.14.

QUEST.
X XIX.

I. 14. τὸ ὡς non est *assimilativum*, quasi similis tantum esset unigenito; sed est *expressivum veritatis*, ut sæpe alibi, 2. Cor. 3. 18. Luc. 22. 44. 1. Cor. 4. 1. quia fuit revera talis; quod vel ex eo colligitur; quod dicitur fuisse in principio apud Deum, imò & fuisse Deus, per quem omnia creata sunt. Nec si Christus habet multos fratres Rom. 8. 29. desinit esse unigenitus κατ' ἐξοχὴν quia genitura planè est dissimilis, & toto genere diversa, non mystica, sed naturalis, non per qualitatum expressionem, sed per essentialis ipsius communicationem. *Isaacus* vocatur *unigenitus* Heb. 11. 17. non simpliciter, sed secundum quid, quia solus ex Sarà liberà in legitimo conjugio Abrahamæ genitus, eoque solus hæres factus: Quamvis autem μονογενὴς, & ἀγαπῶν de eodem subjecto enuncientur, Gen. 22. 2. Matt. 3. 15. non sequitur absolute æquipollere, alias quicumque sunt ἀγαπῶν θεῶν, possent etiam dici μονογενεῖς τοῦ θεοῦ πατρὸς, quod falsum.

XVI. Christus dicitur *proprius Filius Patris*, non tantum quatenus opponitur *alieno*; ut verè Patris intelligatur, quia sic non distingueretur à fidelibus, qui etiam hoc sensu proprii Filii Dei dici possunt, quia non sunt alieni; sed quatenus opponitur *adoptivo* & metaphorico, ut dicatur naturalis Filius, qui talis est, naturæ ipsius privilegio, non adoptionis tantum gratiâ & beneficio, oppositè ad fideles, qui Filii sunt adoptivi Eph. 1. 5. eo modo quo Pater dicitur *proprius ejus Pater*, Jo. 5. 17. non qualicumque ratione, sed maxime propria, quia Judæi voluerunt hoc audito lapidibus illum obruere quasi blasphemasset, quod non fecissent, si de paternitate tantum adoptiva locutus fuisset.

Ex Col. 1.
15. Heb. 1.
3.

XVII. Quintò, Quia est *Imago Dei invisibilis*, Col. 1. 15. & ἀπύχασμα τῆς δόξης, καὶ χαρακτὴρ τῆς ὑπεστάσεως αὐτοῦ, *Effulgentia gloria Patris*, & *character Persona ejus*, Heb. 1. 3. Illa enim debet esse vera generatio, cujus terminus is est, qui est imago gignentis, & character ipsius Personæ, qualis dicitur Christus. Nec sine causa Paulus jungit hic ἀπύχασμα & χαρακτὴρ, ut veritas & perpetuitas imaginis notetur; Non est tantum *splendor* qui citò transit, sed *character* qui semel impressus semper manet. Nec hic opponi debet hominem esse imaginem Dei, nec tamen ex ejus essentia genitum; Quia alia est *imago accidentalis* & analogica, quæ in virtutum similitudine consistit, qualis est in homine respectu Dei, qui hoc sensu dicitur particeps naturæ divinæ, 2. Pet. 1. 4. alia verò *essentialis* & naturalis, qualis est Patrum in filiis, qui ejusdem sunt cum illis naturæ, qualis est in Christo, qui ideo non tantum similis, sed etiam æqualis Patri dicitur. Licet autem Christus sit imago Dei hypostaticè considerati, id est, Patris, & ejusdem cum eo essentialis, non sequitur esse sui ipsius imaginem, quia potest esse imago alterius, quoad modum subsistendi, qui ejusdem cum illo est essentialis; Non potest esse eadem persona cum illo cujus est imago, sed nihil impedit quin possit esse idem essentialis. Quamvis etiam diceretur imago Dei, quæ θεῶν ὁμοιωσις, & ratione
Officii

Officii Mediatorii, quia perfectè refert nobis Patrem, ut qui videt ipsum, QUÆST. XXIX.
videat & Patrem, Jo. 14. 9. non excluditur tamen, sed supponitur ratio
imaginis essentialis, quatenus est λόγος; quia substantialis illa imago fuit
in Christo incarnato, & quasi in speculo in ipso eluxit divinæ virtutis ima-
go clarissima, unde dicitur Θεὸς φανερωθεὶς ἐν σαρκί, *Deus manifestatus in*
carne, 1. Tim. 3. 16.

XVIII. Non potest Christus dici *Filius Dei viventis* ratione *unctionis*
vel muneris, quasi nomen Christi & Filii Dei coinciderent, quia expressè à
Domino distinguuntur. Nec ideo Christus Filius Dei viventis dicitur, quòd
esset Messias, sed contra inde agnoscitur pro Messia, quòd esset Dei Filius,
qui solus huic muneri potuit esse par: Hinc fit, ut, quia ista duo indivulso
nexu inter se sunt conjuncta; nemo possit confiteri Jesum Messiam, quin eo
ipso agnoscat eum ut Filium Dei viventis, & viceversa. Christus enim, &
Filius Dei eandem designant personam, sed non eandem rem in eadem per-
sona: *Filius enim personam, Christus verò officium exprimit.* Nec addi debet,
fideles sæpe vocari filios Dei viventis, quos tamen coessentialia Deo nemo
dixerit; Hos. 1. 10. Gal. 3. 26. Rom. 8. 14. Quis enim nescit aliam esse
longè fidelium filiationem, quorum nemo potest *μορφῆς* & proprius Dei
Filius vocari, per adoptionem scil. gratuitam, quæ est in Christo, ab ea qua
Christus κατ' ἐξοχὴν dicitur Filius Dei viventis, per antithesim ad filium
hominis morientis, ut aliquid longè præstantius; ut innuat Petrus se cum
cæteris discipulis non habere illum tantum pro Filio hominis, qualem alii
eum existimabant, qui eum vel Eliam, vel unum ex Prophetis, vel Johan-
nem Baptistam esse censebant; sed Filium etiam æterni illius Dei qui sem-
per vivit & nunquam deficit: ut ergo ejusdem erat cum matre naturæ, quæ
Filius hominis; sic necesse est ut ejusdem etiam sit cum Patre naturæ, quæ
Dei viventis Filius.

XIX. Quamvis Christus diceretur ἀπὸ πατρὸς ὁ λόγος & καὶ ἐκ πατρὸς ὁ υἱός, *Patris ratione muneris Mediatorii*, & ut est *ἰερότης*, quia
perfectissimè Pater sui imaginem in ipso expressit, & sigillo suo veluti ob-
signavit, Joh. 6. 27. non obstarèt tamen hoc quominus & hoc ipsi tribuere-
tur, quæ λόγος est, & ratione Filiationis æternæ, secundum quam est *lumen*
de lumine, & *Deus de Deo*, ut Concilium Nicænum loquitur, & caracte-
rem expressissimum gerit in seipso Personæ Patris, quo ita differt ab eo se-
cundum subsistentiam, ut conveniat cum eo secundum essentialiam. Imò illa
ἁγιότης non posset locum habere nisi ista supposita, quia non potuisset per In-
carnationem gloriam Dei, & characterem ejus Personæ nobis exhibere, nisi
talis fuisset antea per æternam generationem.

XX. Christus diversimodè *primogenitus* dicitur, 1. *ratione temporalis Fontes*
nativitatis, quando vocatur *primogenitus Maria*, quia nemo ante ipsum *Solutio-*

QUÆST. XXIX. natus est, & nemo post ipsum. 2. ratione *resurrectionis*, Col. 1. 18. *primogenitus ex mortuis*, tum quia primus resurrexit, non tam *prioritate temporis* quàm *causalitatis*, quia propriâ virtute resurrexit, Jo. 2. 19. alii verò omnes virtute alienâ nim. Christi, tum quia resurrexit ad vitam immortalem, non denuò moriturus. 3. ratione *authoritatis & dominii*, quomodo vocatur *primogenitus omnis Creature*, Col. 1. 15. & inter multos fratres, Rom. 8. 29. quia omnes prærogativæ primogenitorum, Regnum, Sacerdotium, dupla portio illi propriissimè competunt. 4. ratione *æternæ generationis*, quum dicitur *primogenitus Dei*, Heb. 1. 6. quia à Patre ab æterno genitus *θεῷ πρίως κτιστὸς μονογενὴς ἁγνός*, ut habent Scholia Græca. Nec Primogenitus semper debet esse ex numero eorum quorum primogenitus dicitur, cum sæpe unigenitum notet, ante quem nemo fuit, & post quem nemo venturus est: Sic Christus primogenitus omnis Creature dicitur, non quòd sit primus Creaturarum, sed quia ante Creaturas genitus est, ut hic non connumeratio cum Creaturis sit intelligenda, sed antecessio & præexistentia: nam si est ante Creaturam omnem, non debet inter Creaturas recenseri, atque ideo æternus sit necesse est.

XXI. Pater nec genuit Filium *jam existentem*, quia jam ante supponeretur fuisse, nec *nondum existentem*, sic enim non foret æternus, sed *coexistentem*, quia ab æterno fuit cum Patre. Itaque divisio valet tantum in generationibus physicis, ubi genitum transit à non esse ad esse; sed non potest accommodari generationi huic hyperphysicæ, quæ est actus æternus æterni Patris, à quo Filius emanat, & in quo immanet sine omni præcisione coexistendo. Unde Filius non fuit propriè ante generationem, nec cœpit esse per generationem, sed semper emanavit à Patre actu æterno & interno, ad modum radii à Sole jugiter emanantis, licet modo eminentiori inexplicabili. 2. Deinde per generationem communicatur Essentia Divina genito, non ut *existat*, sed ut *subsistat*, adeò ut illa non terminetur ad existentiam absolutam, sed ad modum subsistendi, nec per eam constituatur Deus absolutè, sed Filius relatè.

XXII. *Necessarium & voluntarium* utcumque in Deo quoad nostrum concipiendi modum distinguantur, realiter tamen non opponuntur. Unde Pater necessariò & voluntariè Filium genuisse dicitur; necessariò quia naturâ genuit, ut est naturâ Deus, sed voluntariè, quia non coactè, sed lubenter genuit; non *voluntate antecedente*, quæ notat actum volendi liberum ad extra, sed *concomitante*, quæ notat naturalem volendi in Deo facultatem; non libertate *indifferencia*, sed *spontaneitatis*.

XXIII. Licet Filius à Patre genitus dicatur, non sequitur *Filium fore suipsius Filium*, quia Essentia non generat Essentiam, sed Persona Personam; Pater Filium, qui ab ipso est *alius*, licet non *aliud*.

XXIV. Quod est perfectissimum non generat *aliud* à se essentialiter, sed *aliud*

alium à se personaliter. Nam Essentia Patris est Essentia Filii & Spiritus Sancti, licet esse Patrem non sit esse Filium, aut esse Spiritum S. Unde unum manet semper perfectissimum, nimirum Deus, licet non sit unica Persona, quia tribus suppositis est communicabile, non essentia diversis, sed relatione characteristica distinctis.

QUEST.
XXIX.

XXV. Quum Filius dicitur unus esse cum Patre Deus, & tamen esse distincta Persona ab ipso, nulla est contradictio; quia licet eandem essentiam habeat, secundum quam unus cum Patre Deus dicitur, non habet tamen eam cum eodem modo subsistendi: Nec si in finitis & creatis ad diversam personam diversa requiritur essentia, continuo hoc in Divinis locum habet, ubi Essentia eadem numero & singularis, potest tamen pluribus esse communicabilis, quia infinita.

XXVI. Licet *fideles* dicantur *gigni*, vel *nasci ex Deo*, propter similitudinem virtutum, & non per essentia communicationem; non sequitur eodem sensu hoc intelligi de Christo quia agitur de propria generatione, per quam Filius est proprius & unigenitus Dei.

XXVII. Miraculosa conceptio Christi potest esse argumentum à posteriori, quo cognoscitur ejus æterna Filiatio, sed non statim est ejus causa à priori. Ita intelligenda sunt Angeli verba ad B. Virginem Luc. 1. 35. *Ideo quod nascetur ex te Sanctum, vocabitur Filius Dei.* Ubi particula *ideo* est nota consequentia, non consequentis, *signi* cur sit vocandus Filius Dei, non *causa*, quia antequam conciperetur, jam fuisse dicitur, Jo. 1. 1. Phil. 2. 6. unde non dicit simpliciter erit, sed *κληθήσεται vocabitur*, id est, manifestabitur.

Luc. 1. 35.

XXVIII. Non ideo Filius Dei dicitur Christus, quia à Patre sanctificatus, Jo. 10. 36. alias enim Filiationis rationes addit, tum ab unitate essentia *ψ. 30.* tum ab identitate operum, *ψ. 38.* sed ideo sanctificatus est, id est, ad munus Mediatorium consecratus, quia Filius fuit, quod alias sustinere non potuisset: Nec ideo Filius, quia dilectus Matt. 3. 17. sed ideo dilectus, quia Filius, ut verborum series docet.

Jo. 10. 36.

Matth. 3.
17.

XXIX. Cum Generatio ista hyperphysica sit diversissima à generationibus physicis & finitis, perperam Adversarii ex istis ad illam argumentantur, quasi nulla vel mutatio, vel imperfectio, vel alienatio, vel prioritas naturæ aut temporis in Deum propterea caderet, quia omnis generatio substantialis est mutatio à non esse ad esse, quia omnis genitus est posterior gignente, quia qui gignit partem substantia alteri communicat, & genitus essentialiter est diversus à gignente: Hæc enim & similia quæ petuntur ex generatione humana, male trahuntur ad generationem divinam per *μετάβασις εἰς ἀλλο γένος*. Nec si conferuntur generationes istæ inter se, propterea coarquantur: imò dum quicquid perfectionis occurrit in generationibus finitis illi tribuitur, ut quod gignens gignat sibi simile, per communicationem essentia, quicquid imperfectionem aliquam notat, sedulo ab ea est removendum.

QUEST. XXX. Frustra se fatigant Scholaſtici in modo Generationis iſtius inquirendo & explicando, cùm ſit non modò ineffabilis, ſed & ἀκατάληπτος iſtis Angelis. Indecorum eſt querere, inquit Athanaſius contra Arian. quomodo ex Deo Verbum ſit, aut quomodo ſit Dei ſplendor, aut quomodo gignat Deus, & quis ſit modus generationis Dei. Inſaniret enim qui talia auderet, quoniam rem ineffabilem & propriam divinæ naturæ, & duntaxat ipſi ac Filio ſuo cognitam verbis interpretari conaretur. Et Hilar. lib. 3. de Trini. Ut inenarrabilis eſt Pater in eo quod ingenuitus eſt; Ita enarrari Filius in eo quod unigenitus eſt non poteſt, quia ingenuitus eſt imago qui genitus eſt.

XXXI. Similitudines quali adhiberi ſolent ad huius Myſterii explicationem petita; vel à Mente, quæ ſeipſam intelligendo ſui imaginem & ideam excitat in ſeipſa, quæ in mente ſemper manet unde manat; vel à Sole, à quo jugiter emanant radii, ut nec ſit ante illos, nec abſque illis; poſſunt utunque facere ad Myſterii iſtius illuſtrationem; eoque magis quòd Scriptura ad eas non ſemel videtur reſpicere, quum Filium Dei vocat Λόγον, Sapientiam, Imaginem Dei, Et ἀπαύρασμα δόξης ſplendorem gloria Patris. Sed plenam & accuratam modi generationis iſtius determinationem exhibere nequeunt. Unde hinc, ſi uſpiciamus, ſobriè nobis eſt ſapiendum, ut contenti τῷ ὄντι, quod clarum eſt in Scriptura, de modo iſto planè nobis incomprehenſibili definiendo; vel etiam inquirendo anxie non cogitemus, ſed Deo, qui ſolus ſe perfectiſſimè novit, illum relinquamus.

QUÆSTIO XXX.

DE SPIRITUS S. DEITATE.

An Spiritus S. ſit Perſona Divina, à Patre & Filio diſtincta? Affir.

I. **U**T Anti-Trinitarii Filio non denegant perſonalitatem, ſed æternitatem: Ita Spiritui Sancto æternitatem non detrahunt, ſed perſonalitatem. Quemadmodum ergo æternitatem Filii jam evicimus; Perſonalitas Spiritus adverſus eodẽ jam eſt demonſtranda.

II. Non quæritur de Spiritu ἁγιῶδες conſiderato, quo ſenſu Deus dicitur Spiritus, Jo. 4. 24. & natura divina Chriſti ſæpe eo nomine venit, 1. Tim. 3. 16. 1. Pet. 3. 18. 19. hoc enim tribus Perſonis ex æquo competit; Sed prout ἁγιῶδες ſpectatur, & unam ex illis ſingulariter designat.

III. Non quæritur; An iſte Spiritus, qui Sanctus dicitur κατ' ἑξοχὴν, non

non tantum subjectivè, quia est sanctissimus, sed etiam efficienter, quia nos sanctificat, sit res vel Creatura aliqua, vel virtus quædam Dei, ut cætera attributa, hoc enim non diffidentur Adversarii; Sed, An sit Persona Divina, à Patre & Filio, non divisa, sed distincta. Negant Pneumatomachi tam veteres quàm recentiores; Nos affirmamus.

IV. Rationes sunt, 1. Quia Spiritui S. *actiones personales* varix tribuuntur; ut docere, Jo. 14. 26. testari, Joan. 15. 26. Rom. 8. 16. revelare futura, 1. Tim. 4. 1. scrutari profunda Dei, 1. Corinth. 2. 10. separare aliquos, & expresso mandato ad ministerium illos mittere, Is. 61. 1. Act. 13. 2. & 20. 28. creare, Gen. 2. 2. fecundare Virginem sterilem, Luc. 1. operationes omnis generis exercere, & dona tam ordinaria quàm extraordinaria hominibus conferre, 1. Corinth. 12. 11. *Omnia hæc agit unus ille & idem Spiritus, distribuens privatim illa singulis, sicut vult*, ubi quod de Deo dixerat v. 6. quòd operetur omnia, ὅδὲ αὐτὸς ἐστὶ θεὸς ὁ ἐνεργῶν τὰ πάντα applicatur Spiritui Sancto, πάντα δὲ ταῦτα ἐνεργῶν τὸ ἐν καὶ τὸ αὐτὸ πνεῦμα, quod dici non posset, nisi Spiritus Sanctus Persona esset Divina ejusdem ordinis & virtutis cum Patre. Nec excipi debet rebus sæpe tribui quod Personarum est, nec tamen propterea res ipsa personas censerì; ut peccato quòd deceiverit & occiderit, Rom. 7. 11. Legi quòd loquatur, Rom. 3. 19. Charitati quòd omnia credat & speret, 1. Cor. 13. 7. Sanguini Abelis quòd clamet, Gen. 4. 10. Nam nemo non videt loca allata non notare agendi principales causas, sed media quibus per ulitatum metalepsim actio principalis agentis adscribitur; nec enim propriè peccatum decipit, sed diabolus per peccatum, nec activè occidit, sed meritoriè. Lex propriè non loquitur, sed Legislato in Lege, vel per Legem. Caritas credit, id est, homo charitate imbutus. Sanguis clamat, non effectivè, sed objectivè. At quæ tribuuntur Spiritui Sancto, sic Personarum sunt, & viventium, ut in Scriptura ad res inanimatas non transferantur.

V. Non melius elabuntur, qui hoc ad *Prosopopæiam* referunt, quia Prosopopææ subjectum ordinariè solet esse res aliqua corporea, vitâ vel sensu carens; ut quum cæli audire jubentur, & flumina plaudere manibus, quod in Spiritum Sanctum non quadrat. 2. Quia si figuratè locuta esset Scriptura in uno vel altero loco de Spiritu S. alibi hoc propriis verbis explicuisset, quod non facit tamen, imò constanter de illo ita loquitur, 3. Si mens Adversariorum valeret, tota historia Evangelica in jejunas allegorias facile posset transformari, & quæcunque de Christo dicuntur pari modo ad virtutem Sapientiæ transferri. 4. Licet quædam locutiones figuratæ occurrerent in Scriptura respectu rerum aliarum, non sequitur, quicquid de Spiritu S. legitur, figuratè & per prosopopæiam debere intelligi, collatio enim locorum disparitatem faciliè ostendit.

Spiritus S.
est Persona
Divina.

Quæst. VI. Secundò, Quia proponitur non tantùm ut distinctus à Patre & Filio, XXX. sed etiam ut *alius*, & missus ab utroque, Jo. 14. 16. & 15. 26. & 16. 7. *Rogabo Patrem*, & alium *Paracletum dabit vobis*. Nemo autem dixerit aliquem, alium à Patre & Filio vocari, & ab illis mitti, qui tamen Persona pariter cum ipsis non fuerit. Adde nomen *Paracleti* quod illi tribuitur, quod ut officium personale in Christo innuit, 1. Jo. 2. 1. quatenus apud Patrem Intercessorem & Patronum nostrum agit, causam nostram disceptando, idem etiam debet notare in Spiritu S. ut sit personaliter Patris & Filii Paracletus apud nos, id est *Interpres* eorum, Consiliarii & Consolatoris munus in nobis obeundo. Tertiò, hoc docet enallage generis, quâ utitur Scriptura, dum πνεύματι, quod est neutrius generis, conjungit pronomen masculinum personæ denotandæ magis accommodum, Jo. 16. 13. ὅταν ἔλθῃ ἐκεῖνος τὸ πνεῦμα τῆς ἀληθείας. Et Eph. 1. 13. 14. dicimur obsignari τῷ πνεύματι ἀγίῳ ὅς ἐστιν ἀρραβὼν, &c. Cur enim talis euallage usurpetur à Scriptura causa nulla reddi potest, nisi ut clariùs Persona Spiritus S. hoc pacto designaretur.

VII. Tertiò, Quia æquali potestate, & autoritate ac virtute in obsignandis fidelibus, & conferendis Ecclesiæ bonis, concurrat cum Patre & Filio, qui indubitatè sunt Personæ distinctæ, ut patet in Baptismi formula præscripta, Matt. 28. 19. benedictione Apostolica, 2. Cor. 13. 13. & testificatione de Christo, 1. Jo. 5. 7. quod fieri non posset, nisi Personæ esset ab illis distincta, & cum illis ejusdem conditionis & autoritatis. Exceptiones Adversariorum suprâ sunt discussæ, Quæstione de Trinitate.

VIII. Quartò, Quia sub specie visibili apparuit, ut in Baptismo Christi sub specie columbæ, Matt. 3. 16. & die Pentecostes in specie linguarum, quæ visæ sunt Apostolis dispersitæ instar ignis insidentis super Apostolos, Act. 2. 3. Personarum est non attributorum, aut accidentium visibiles species assumere, & in, vel cum, vel sub ejusmodi formis apparere. Nec nisi absurdè quis dixerit justitiam aut misericordiam Dei, vel aliquam aliam virtutem per visibilem formam se conspiciendam præbuisse. Nec reponi debet non omne quod apparet, per se subsistens esse, siquidem accidentia apparent, nec tamen per se subsistunt. Nam licet certum sit accidentia immediatè in oculos incurrere, supponunt tamen semper rem substratam, aut Personam. Unde sub specie ista visibili, aliquod subsistens fuisse oportet, quod textus Spiritum Sanctum fuisse asserit, & à Personis Patris & Filii in Baptismo Servatoris expresse distinguit. Nec dici potest linguas igneas ad Spiritum Sancti dona esse restringendas; Textus enim manifestam notat Spiritum à donis ejus distinctionem. *Ceperunt loqui variis linguis, prout Spiritus ille Sanctus, quò erant repleti, dabat illis loqui, &c.*

IX. Quintò, Quia in Spiritum Sanctum peccatur; hinc mentio fit Israëlitarum qui exacerbarunt Spiritum Sanctitatis, II. 63. 10. & blasphemiam

miæ in Spiritum S. tanquam peccati irremissibilis Matth. 12. 31. 32. & Ananias & Sapphiræ, qui mentiti dicuntur Spiritui Sancto Act. 5. 3. unde statim pœnas dederunt sui criminis. Is autem adversus quem peccamus, non potest non esse Persona divina. Nam ut solus Deus est objectum cultus & adorationis; Ita propriè & ultimè solus est peccati objectum. Et ut blasphemia quæ in Patrem & Filium dirigitur, supponit eos esse Personas; Ita & blasphemia quæ in Spiritum Sanctum fertur; Imò eò certius hoc evincitur, quòd blasphemia in Spiritum Sanctum longè gravius censetur crimen, utpote irremissibile, quod neque in hoc seculo, nec in futuro remittitur, id est nunquam, ut Marcus interpretatur, quod dici non posset, nisi Persona esset. Licet autem in Scriptura nonnulla dicantur blasphemari, quæ non sunt Personæ, ut *Bonum nostrum*, Rom. 14. 16. *Doctrina*, 1. Tim. 6. 1. *Dei Sermo*, Tit. 2. 5. *Via veritatis*, 2. Pet. 2. 2. Non sequitur idem de Spiritu S. dici posse; quia res semper dicuntur blasphemari relatè ad Deum ipsum; sic nostri boni blasphemia est Dei ipsius offensio, à quo bonum illud accepimus; doctrinæ & sermonis blasphemia, in Deum ipsum ejus authorem refunditur. Sed blasphemix in Spiritum Sanctum alia ratio est, quia expressè distinguitur à blasphemia in Patrem & Filium.

X. Perperam verò dicitur Ananias mentitus Spiritui S. ceu Dei dono, quo pollebat Petrus, non verò ceu Personæ Divinæ. Nam mentiri nemo potest alicui, nisi ut Personæ intelligenti & viventi, unde v. 4. Petrus inquit, *non mentitus es hominibus, sed Deo*, mentiendo scil. Spiritui Sancto, quod explicatur v. 9. per τὸ πειράζεισθαι, *tentare Spiritum Sanctum*, quod de Persona tantum dicitur. Quamvis verò τὸ ψευδεσθαι cum accusativo potius esset fallere & decipere, quàm mentiri, (quod non simpliciter potest dici, siquidem verbum hoc non modò cum dativo sed etiam cum accusativo in eo significatu jungitur, Prov. 14. 5. & Isa. 57. 11.) res tamen eòdem rediret, cum æquè Persona is debeat esse quem alii fallere student, ac is cui mentiri conantur.

XI. Sextò, hoc evincit Spiritus S. distinctio à donis suis, quæ toties proponitur. Cur enim Scriptura tam sollicitè distingueret Spiritum à donis suis, si nihil aliud esset quàm aliquod Dei donum? Certum est quidem non rarò Spiritum pro donis sumi, sed constat etiam alibi ab illis expressè distingui, tanquam eorum authorem & causam efficientem, *Discrimina sunt donorum, sed idem Spiritus*: 1. Cor. 12. 4. & v. 8. *Huic quidem per Spiritum datur sermo sapientiæ, alii verò sermo cognitionis &c.* & v. 11. *Omnia ista operatur unus & idem Spiritus, distribuens singillatim unicuique sicut vult.* Et ne quis putet esse virtutem aliquam seu potentiam Dei ipsi per modum attributi competentem, Scriptura δυνάμιν à Spiritu distinguit, Luc. 4. 14. *Christus dicitur recessisse à deserto in virtute Spiritus, & Act. 1. 8. Accipietis,* inquit

Q U A S T. XXX. inquit Christus, *virtutem Spiritus Sancti supervenientis*, ubi *divinus effectus*, Spiritus verò causam & principium ejus notat, Personam scil. hac virtute præditam, quam in alios diffundit.

Divinitas Spiritus S. probatur, 1. ex nominibus. XII. Spiritum Sanctum autem non esse Personam tantum, sed Personam divinam ex quatuor argumentis, quibus Divinitatem Christi probavimus, firmissime potest evinci. Quia Nomina, Attributa, Opera, & Cultus Dei illi tribuuntur. *Nomina* quidem, quia quod de Jehova exercituum dicitur, Is. 6. 9. applicatur Spiritui Sancto Act. 28. 25. *Bene locutus est Spiritus Sanctus per Isaiam, dicens, Vade ad populum illum &c.* & qui vocatur Spiritus Dei, is statim dicitur Deus, & Rupes Israël, 2. Sam. 23. 2. *Spiritus Jehova locutus est in me, & sermo ejus per linguam meam, dixit Deus Israël, mihi locuta est Rupes Israël.* Eò pertinet quòd Ananias dicitur mentitus Deo, quia mentitus est Spiritui Sancto, ut supra visum, & quòd Fideles Tempia dicuntur esse Dei viventis, quia sunt Tempia Spiritus Sancti, qui in ipsis habitat: *An nescitis corpus vestrum esse Templum Dei, & Spiritum Dei habitare in vobis?* 1. Cor. 3. 16. & 6. 19. Cùm verò Templum & Divinitas sint relata, non potest non esse Deus ille, cujus Templum dicimur. Nec hoc tantum præsentia vel habitationis respectu intelligi debet; non enim quæcunque inhabitari dicuntur, eo ipso Tempia sunt, & nunquam vocamur Tempia Verbi divini, quod tamen in nobis copiosè habitare debet. Sed Templum involvit necessariò relationem cultus religiosi ejus, cui erectum est. Unde Aug. lib. 1. cont. Maxim. *Si sacrilegi essemus faciendo Templum cuicunque creatura, quomodo non est verus Deus, cui non Templum facimus, sed nos ipsi Templum sumus?*

2. Ab Attributis. XIII. Secundò, *Attributa Divina* illi competunt, *Aternitas*, quia erat jam in principio creationis, *Ferebatur enim super aquas*, Gen. 1. 2. qui autem rerum omnium creationem antecessit, ipse creatus non est, ac proinde æternus. *Omnipresentia & Immensitas*, Ps. 139. 7. 8. *Quò irem à Spiritu tuo?* Quod ad præsentiam essentia referendum esse, & non virtutis tantum supra probatum, Quæst. de *Immensitate Dei*, 1. Cor. 3. 16. *Spiritus S. habitat in vobis*, non utique per efficaciam tantum suam, sed etiam per essentiam, quia ibi est, ut Deus in Templo suo. *Omniscientia*, quia *scrutatur profunda Dei*, 1. Cor. 2. 10. non *effectivè*, quia facit nos scrutari, nostrum enim non est scrutari τὸ βάθος τῆς Θεῆς, ne opprimamur à gloria, Prov. 25. 27. sed *subjectivè & formaliter*, quia eodem modo se habere dicitur ad ea quæ sunt Dei, quomodo spiritus hominis se habet ad ea quæ sunt hominis propriè & formaliter per operationes suas reflexas scrutando interiora cujusque: Et scopus Apostoli eò nos ducit, qui est probare solum Dei Spiritum omniscium, & omnia scrutantem, posse nobis certò retegere ea quæ Deus paravit diligentibus se, quæ alioquin nec oculus vidit, nec auris audivit, nec ascenderunt in cor hominis 1. 9. Scrutari autem dicitur, non inquirendo, quod dubitationem aliquam in eo suppo-

supponeret; sed *penetrando*, quomodo Deus dicitur scrutari corda & renes. *Quæritur* XXX.
 Eò pertinet quòd dicitur *futura annunciare*, Joh. 16. 13. quod est solius Dei, & quòd per eum Prophetæ qui futura prædixerunt locuti sint, 2. Pet. 1. 21. *Omnipotentia*, quia *Virtus Altissimi* dicitur, Luc. 1. 35. non essentialis simpliciter, sed personalis. *Vita*, quia est Spiritus vivificus, 1. Cor. 15. qui vivificat mortalia corpora nostra, Rom. 8. 11.

XIV. Tertiò, *Opera*, tum *Natura*, Creatio, Gen. 1. 2. Ps. 33. 6. 3. *Ab Operibus*.
 conservatio & gubernatio, Ps. 104. 30. Patratio miraculorum, Matth. 12. 28. 1. Cor. 12. 4. Tum *Gratia*, Christi conceptio, Luc. 1. 35. Unctio & missio, Isa. 61. 1. Peccatorum remissio & regeneratio, 1. Cor. 6. 11. Joh. 3. 5. Gubernatio Ecclesiæ, Act. 13. 2. & 15. 28. & 20. 28. Prædictio futurorum, Joh. 16. 13. Act. 11. 28. Collatio donorum, 1. Cor. 12. 7. Illuminatio, Eph. 1. 17. 18. Sanctificatio, 2. Thess. 2. 13. & 1. Pet. 1. 2. Mortuorum resurrectio, Rom. 8. 11.

XV. Quartò, *Cultus* illi divinus tribuitur, quia baptizamur in ejus *4. A Cultu*.
 nomine, non minùs quàm Patris & Filii; in ipsum credere jubemur in Symbolo, non minùs ac in Patrem & Filium; ab ipso gratiam & pacem, cæteraque beneficia non minùs petimus, quàm à Patre & Filio, 2. Cor. 13. 13. & Apoc. 1. 4. ubi petitur gratia & pax à *septem Spiritibus qui sunt ante thronum*: *Apoc. 1. 4.*
 Spiritus enim Sanctus sic describitur, non respectu personalitatis, quæ unica est, sed respectu septemplex, id est, multiplicis donorum varietatis, quæ ipse effundit in fideles, & septenario numero utitur, non modò propter ejus perfectionem, sed allusivè ad septem Ecclesias ad quas scribit, ut innuat donorum suorum copiâ se illis affatim prospecturum, ac si singulis Ecclesiis singularis Spiritus daretur. Nec dici potest per septem Spiritus illos, non Personam intelligi, sed medium exprimi, quo gratiam & pacem à Patre proficisci vult Apostolus; quia eodem modo à Spiritibus gratiam petit, quo à Patre, *αὐτὸν πνεύματων* tanquam à principio & causa. Ita quia Templum sumus Spiritus S. Paulus colligit nobis esse glorificandum Deum in corpore & animo nostro quæ sunt Dei, 1. Cor. 6. 20. quem Deum? nempe illum cujus Templum sumus, non excludendo quidem Patrem & Filium, sed œconomicè designando Spiritum S. quem invocare, est glorificare. Unde Act. 4. 24. 25. Spiritus qui loquitur per Prophetas invocatur ab Ecclesia, *Domine, tu es Deus ille qui fecisti cælum & terram, qui per os Davidis servi tui dixisti*, quo exemplo & vetus Ecclesia semper eum invocavit, hymno de Spiritu S. *Veni Creator Spiritus &c. Et Gloria Patri, & Filio, & Spiritui S. &c.*

XVI. Si Scriptura rariùs meminit adorationis & cultus Spiritus S. hoc non fecit, quòd non sit coadorandus cum Patre & Filio; nam non desunt istius adorationis præcepta & exempla: Sed quia in œconomia salutis, quæ ordini Personarum respondet, ut Pater operatur per Filium, & Filius

QUEST.
XXX.

per Spiritum S. Ita gloria Divinitatis, quæ est ex adoratione, à Spiritu S. qui excitat preces in cordibus Fidelium per Filium tanquam Mediatorem ad Patrem refertur. Hac de causa proponitur sæpius ut *author* & *principium* precum, quam ut *objectum* ad quod dirigantur; ut ille qui potius invocatur, id est nobis invocare facit, quam qui invocetur.

Fontes
Solutio-
num.

XVII. *Donum Dei* si *quodvis* considerari, non potest esse Deus; sed nihil obstat, Donum Dei personaliter sumpti esse Personam divinam, quomodo Christus, qui est Persona divina, vocatur *amen* donum Dei, Joh. 3. 16. & 4. 10. & 11. 9. 5. Ita Spiritus S. potest vocari donum Dei. Nec repugnat semper, ut aliquis sit, & donum, & donator sui ipsius, cum Christus ipse seipsum det pro nobis, & nobis in alimentum vitæ æternæ, *Panis quem ego dabo, Caro mea est, quam ego dabo pro mundi vita*, Joh. 6. 51.

XVIII. Si quædam quandoque tribuuntur Spiritui S. quæ minùs congruere videntur personæ, ut quod eo *ungamur*, *baptizemur*, & *repleamur*, quod *effundatur* à Deo, & nobis detur; ista de donis ejus in nobis intelligenda sunt, suppositâ tamen Personæ ejus veritate: & Christus non minùs dicitur indui, recipi, manducari à nobis, & nobis à Deo dari, citra Personalitatis suæ præjudicium.

Heb. 2. 4.

XIX. *Mea quos* Spiritus Heb. 2. 4. non tam sonant *passivè* partitiones Spiritus, quam *activè* distributiones donorum quorum hic mentio, quæ fiunt à Spiritu S. qui dona sua distribuit quibus vult, 1. Cor. 12. 11. Licet ergo distributionem donorum Spiritus S. agnoscamus, tamen ipsius Personæ Spiritus S. quæ in se indivisa est, & divisa à quolibet alio divisionem aut partitionem negamus.

Num. 11.
17.
2. Reg. 2. 9.

XX. Ut Spiritus Sanctus sæpe metonymy. ponitur pro donis suis, ita dicitur vel augeri vel minui, non ratione principii, sed donorum quæ in homines diffundit. Ita Deus dicitur de eodem Spiritu, quem contulerat Moysi, id est, ex illis donis & gratiis, quæ erant necessariae Reip. illi regendæ, seposuisse quod daret 70. Senioribus, ut in partem illius sollicitudinis venirent, Num. 11. 17. *Elizæus duplicem Spiritum* pro se petit, 2. Reg. 2. 9. id est, charismata duplo majora iis quæ in aliis Prophetis vulgò cernebantur, vel duplam portionem donorum Spiritus, id est, magnam copiam, ad sustinendum magnum & difficile munus quod illi demandabatur. Quod si vocetur *virtus* & *spiritus Elia*, Luc. 1. 17. non *originaliter*, sed *subjectivè* hoc est intelligendum, quia in Elia re idebat.

XXI. Verus Deus non potest *mitti* per *imperium*, quia se superiorem non agnoscit; sed potest mitti per *consensum*, quod divinitatem quidem officii notat, sed non essentia. Filius & Spiritus mittuntur posteriori modo, non priori.

Joh. 7. 39.

XXII. Spiritus S. nondum erat ante Christi glorificationem, Joh. 7. 39. non simpliciter & absolute, quasi tunc demum incepit esse *καὶ τὸ πνεῦμα*, cujus

eius contrarium effecta ejus demonstrant; sed secundum quid ratione uberioris effusionis, quæ postea in Apostolos aliosque fieri debuit.

QUEST.
XXXI.

QUÆSTIO XXXI.

DE SPIRITUS S. PROCESSIONE.

An Spiritus Sanctus à Patre & Filio procedat? Affirm.

I. **U**T Filio tribuitur *ῥήσις*, Ita Spiritui Sancto, *ἐκπέδσις*, seu *Processio*, non modò latè sumpto vocabulo, prout notat originem ab aliquo habere; sic enim non minùs Filio posset competere, cui *ἐξοδὸς* & *ἐξελθσις* tribuitur, quum dicitur exivisse à Patre Joh. 16. 28. & habere egressus æternos Mich. 5. 2. Sed *strictè*, quatenus notat emanationem à Patre & Filio, distinctam à Filii generatione.

II. Non quæritur de *Processione temporali & externa*, quæ terminatur *Status* ad Creaturas, per quam Spiritus S. mittitur ad nos sanctificandos, & ad perficiendum opus salutis. Sed de *Processione æterna & interna*, quæ terminatur *Quæstio- nis.* ad intra, & nihil aliud est quàm modus communicationis Essentiæ divinæ, quo tertia Persona Trinitatis à Patre & Filio eandem numero essentiam habet, quàm Pater habet & Filius.

III. Processionem istam differre à Generatione Filii negari non potest, *Quomodo Processio differt à Generatione.* quia se habent ut alius & alius, qui habent ad invicem relationem originis; Sed quodnam sit istud discrimen explicari non potest, & tutius ignoratur, quàm inquiritur. Unde *Damasce.* lib. 4. orth. fid. c. 10. *Ὅτι μὲν ἐστὶ ἀγαθοῦς ῥήσις καὶ ἐκπέδσις μεμαθῆκαμεν, τίς δὲ τὸ πῶς ἀγαθοῦς μεμαθῆκαμεν*, Et *Aug.* lib. 3. cont. Maxi. c. 14. *Est differentia inter Generationem & Processionem, sed ego distinguere nescio, quia utrumque inenarrabile.* Scio hîc Scholasticos differentiam istam velle petere ab operatione intellectus & voluntatis, ut generatio Filii fiat per *modum intellectus*, unde dicatur Dei *Sapientia*. Processio verò per *modum voluntatis*, unde dicatur *Amor & Caritas*. Sed ut hoc sine Scriptura dicitur, ita rem implicat potius quàm explicat. Saniùs loquuntur, qui in re tam ardua balbutientes, discrimen istud in tribus collocant, 1. In *principio*, quia Filius emanat à Patre solo, Spiritus S. verò à Patre & Filio simul. 2. In *modo*, quia Filius emanat per viam generationis, quæ terminatur non tantum ad personalitatem, sed etiam ad similitudinem, ob quam Filius vocatur imago Patris, & secundum quam Filius accipit proprietatem communicandi alteri Personæ eandem essentiam. Sed Spiritus per viam spirationis, quæ terminatur tantum ad Personalitatem, & per quam Persona quæ procedit non accipit proprietatem communicandi essentiam istam alteri Personæ. 3. In *ordine*, quia ut Filius est secunda Persona, Spiritus S. verò tertia, generatio modo nostro concipiendi spirationem præcedit, licet re ipsa sint coæternæ.

QUÆST.
XXXI.
De Processionis Prin-
cipio dispu-
tant Græci
& Latini.

IV. Quoad *Processionis Principium* celebris est Controversia inter Græcos & Latinos, inter quos tamen de Deitatis unitate & Personarum Trinitate est consensus. Quæritur, An à Patre solo procedat, An verò à Patre & Filio. Græci prius statuunt, Latini posterius. Illi accusant istos, quòd addiderint Symbolo Nicæno per Constantinopolitanum explicato particulam *Filioque*; Isti verò illos carpunt, quòd in Symbolo Athan. vocem *μὴν* inseruerint art. 7. *ἀπὸ τοῦ πατρὸς μὴν*. Sæpius ea de re disceptatum fuit acriter inter Orientales & Occidentales Tandem in Concilio Florentino anno 1439. temperamentum aliquod quæsitum est ad concordiam incundam, ut statueretur Spiritus Sanctus à Patre per Filium procedere. Sed notum est Orientales qui subscripserant ab illa transactione resiliisse, & in priori sua sententia acriter etiamnum persistere.

V. Licet non debeant Græci hæreseos insimulari propter sententiam suam, nec ea debuerit esse occasio Schismatis vel orti, vel continuati. Latinorum tamen sententia ut Scripturæ verbis convenientior & verior, rectè retinetur. 1. Quia Spiritus Sanctus non minùs à Filio quàm à Patre mittitur, Joh. 16. 7. Ergo ab eo debet procedere, quia non posset à Filio mitti, nisi ab eo procederet. 2. Quia Spiritus Filii dicitur non minùs ac Patris, Gal. 4. 6. 3. Quia quicquid habet Spiritus, non minùs habet à Filio quàm à Patre, Johan. 16. 13. 14. 15. & ut Filius dicitur esse à Patre, quia non à se loquitur, sed à Patre, à quo omnia habet; sic Spiritus debet dici esse & procedere à Filio, quia audit & loquitur ab ipso. 4. Quia insufflavit Spiritum S. discipulis in tempore, Joh. 20. 22. Ergo spiravit ab æterno; nam processio temporalis supponit æternam.

VI. Pater & Filius spirant Spiritum S. non ut duo principia diversa, siquidem vis spirativa est eadem in utroque, sed ut duo supposita, quæ eadem virtute concurrunt ad istam processionem.

VII. Licet Spiritus dicatur procedere à Patre, Joh. 15. 26. non negatur de Filio, imò supponitur, quia missio Spiritus illi tribuitur, & quæcunque Pater habet, Filius pariter habere dicitur Jo. 16. 15.

VIII. Cum vis spirativa sit una numero in Patre & Filio, non bene diceretur hoc respectu Spiritus procedere à Patre per Filium, quasi esset principaliter à Patre, secundariò verò & minùs principaliter à Filio: Sed si *modus subsistendi* spectatur, secundùm quem Pater est fons Deitatis, à quo Filius emanat, non malè hoc sensu dicitur à Patre per Filium procedere quoad processionis ordinem & modum.


IX. Si in quibusdam Symbolis primis omissa fuit particula *Filioque*, quæ processionem à Filio arguit, factum id fuit, quia tunc temporis nulla dum de Processione Spiritus S. lis mota fuerat, sed addita fuit prudenter postea ob insurgentes errores.



LOCUS QUARTUS
DE
DECRETIS DEI
In Genere,
ET
DE PRÆDESTINATIONE
in Specie.

QUÆSTIO PRIMA.

An Decreta dentur in Deo, & quomodo sint in eo?

I.  OST considerationem absolutam Essentiae Dei, ejusque Attributorum: Et relativam Personarum, sequitur Disquisitio de *Actibus essentialibus* Dei *internis*, qui vulgò *Decreta* vocantur; de quibus hîc quæritur, 1. *An dentur in Deo, & quomodo sint in eo?*

II. Decreta in Deo dari, & Scriptura testatur, *Decreta in* quæ passim *προγνῶσιν, πρόθεσιν, ὡς ἐμψύχων βελλῶ, Deo dan-* *ιur.* *εὐδοκίαν*, consilium Deo tribuit. Et ratio multiplex evincit, tum à *summa* Dei perfectione, ad quam pertinet, ut nihil fiat sine ejus voluntate; tum ab ejus *omniscientia*, per quam nota ab æterno habere debet omnia opera sua, non tantum quæ sunt in genere possibilium, sed etiam in genere futurorum, quæ non potuit aliter intueri quàm in suo decreto; tum à *dependentia* causarum secundarum à prima, & rerum omnium ac eventuum à supremo Ente & agente.

QUEST. III. Decretum Deo tribuitur, non quatenus est effectum deliberationis & consultationis præcedentis, cum ratiocinatione & discursu ab uno ad aliud, quo non est opus ei, *cujus oculis omnia sunt nuda & intime patentia*, Heb. 4. 13. sed ratione *determinationis* certæ de rerum futuritione, secundum quam nihil facit temerè, sed consultò, id est, sciens & volens.

Non ratione Inquisitionis, sed determinationis.

I V. *Actus divini* trifariam distinguuntur, 1. Sunt *actus immanentes & intrinseci*, qui nullum habent respectum ad extra; Tales sunt actus personales gignere, inspirare, quorum est absoluta necessitas, sine potentia ad oppositum. 2. Alii sunt *actus extrinseci & transeuntes*, qui non sunt in Deo, sed à Deo effectivè, & in creaturis subjectivè, ut creare, gubernare; Isti sunt actus temporales, & Deus extrinsecus tantum ab iis denominatur. 3. Sunt *actus immanentes & intrinseci* in Deo, sed connotantes respectum & *quædam* ad extra; qualia sunt Decreta, quæ nihil aliud sunt quàm *Consilia Dei de rebus extra se futuris*.

V. Circa ista Decreta quaeritur, *Quomodo sint in Deo*, An essentialiter, An verò *inhabitive* & accidentaliter: Prius statuunt Orthodoxi; Posterius Socinus & Vorstius, qui, ut Dei simplicitatem evertant, & in eo compositionem realem dari evincant, pertendunt esse veri nominis Accidentia; adversus quos ita disputamus.

Non sunt in Deo ad modum accidentium.

VI. In Deo nullum potest dari accidens; Ergo Decreta non possunt illi inesse *inhabitive* & accidentaliter. Patet 1. à *simplicitate*, quia in quem cadunt accidentia, is non est absolutè simplex, utpote qui componitur ex subiecto & accidente. 2. Ab *infinitate & perfectione*, quia quodcumque accedit ad aliquid, ad ejus perfectionem facit ad quod accedit. At Deus est perfectissimus omnimodo, nec tantum perfectibilis, ut omnes creaturæ. 3. Ab *immutabilitate*, quia accidens est radix omnis mutationis: At Deus est immutabilis tam voluntate quàm essentia.

sed ut actus voluntatis immanentes.

VII. Cum ergo non possint accidentaliter Deo competere, necesse est ut in Deo dicantur esse *essentialiter*, ut *actus immanentes voluntatis ipsius*, cum *quædam* & terminatione ad extra, quique ideo non differunt realiter ab ipsa Essentia Dei, cum voluntas Dei, cum qua identificantur, nihil aliud sit quàm ipsa Essentia volens inadæquato conceptu à nobis apprehensa; Hoc sensu Decreta rectè dicuntur identificari cum ipsa Essentia, prout concipitur ad modum actus vitalis sese determinantis ad hoc vel illud extra se producendum; Unde duplicis causæ notionem induunt, Efficientis & Exemplaris; *Efficientis*, quia quæcumque futura sunt, ideo futura sunt, quod Deus ea decrevit; nec dari potest alia prior causa ejus operum. *Exemplaris* autem, quia Decretum Dei est omnium rerum extra se quasi idea, ad quam cœu *ἀρχέτυπον* ipsa veluti *ἐκτυπον* exprimuntur in tempore.

qui habent rationem Causæ Efficientis & Exemplaris.

VIII. Ut omne agens liberè & ex consilio agit ad ideam, non malè rerum omnium Ideæ in mente Dei dicuntur esse, non prout sonant speciem aliquam intelligibilem, vel formam aliquam rerum, quæ ex rebus ipsis eliciatur, & accedat aliunde, & imprimatur in Deo, ut se res habet in ideis humanis; Sed prout innuunt notionem seu causam exemplarem, quæ rebus ipsis præ-existit in mente Dei, & exprimitur in ipsis quum producantur, nihilque aliud est quam ipsamet Essentia divina, prout ab ipso Deo intelligitur, vel ut *imitabilis* a Creaturis, si sit res merè possibilis, quæ pertinet ad scientiam naturalem, vel ut *imitanda*, si sit futura, & scientiam liberam respicit.

Quæst.
I.
& idea le-
ne dicun-
tur.

IX. Unde patet Ideam diversimodè tribui Deo, & homini; in homine idea est prius impressa, & postea exprimitur in rebus: Sed in Deo est tantum exprimens propriè, non impressa, quia non accedit aliunde. In homine res ipsæ sunt exemplar, & scientia nostra est imago, sed in Deo scientia divina est exemplar, & res ipsæ sunt imago, vel similitudo ejus expressa.

X. Licet Ideæ rerum possibilium & futurarum statuatur in mente Dei, non sequitur Deum debere pariter concipi, vel ut possibilem, vel ut futurum; sufficit ut inde colligamus rerum omnium possibilitatem & futuritionem à Deo pendere; & Deum hoc sensu esse omnia non formaliter, sed eminenter.

XI. Quamvis Idea dicat rationem similitudinis & convenientiæ; Dei autem & Creaturæ sit summa distantia, & nulla proinde videatur esse posse similitudo; Non desinit tamen Idea dari, quia distinguenda est *similitudo invocationis*, quando duo conveniunt in uno conceptu univoco & communi, ut Petrus & Paulus dicuntur similes, quia conveniunt in humanitate, quæ est illis communis, & sic non datur similitudo inter Deum & Creaturas, quia ea quæ dicuntur de Deo, & de Creaturis non dicuntur univocè, sed analogice; sed alia est *similitudo expressionis*, sive representationis, quando unum distinctè representat & exprimit aliud, sive conveniant in alio communi, sive non; nam idea quæ est in Deo, representat perfectissimè Creaturam ipsam, & sic idea bene dicitur similitudo rei cognitæ.

XII. Aliud est agere ad Ideam adventitiam & accidentalem; Aliud ad Ideam essentialem. Imperfectionis est agere ad Ideam adventitiam, & aliunde mutuam; Sed non ad Ideam essentialem, quomodo agit Deus, non respiciendo ullum exemplum extra se, sed essentiam suam.

XIII. Libertas Decreti divini non obstat quominus non sit ipse Deus, quia est liberum tantum *terminative* & *ex parte rei*, sed non *subjective* & *ex parte Dei*; est liberum in *actu exercitio*, quatenus situm est in Dei libertate, ut hoc vel illud decernat, non in *actu signato*, quia aliquid decernere pendet ex interna constitutione Dei, quæ intelligit & vult; liberum quoad *actionem* & *relationem ad extra*, sed non quoad *existentiam absolutam ad intra*.

Fontes
Solutio-
num.

QUEST. Tria ergo in Decreto probè sunt distinguenda, 1. *Essentia Dei volens & decernens* ad modum *principii*, 2. *tendentia ejus ad extra* (hinc ulla tamen interna vel additione, vel mutatione, quia nihil dicit nisi respectum externum & habitudinem ad creaturam, quæ se habet ad modum *relationis*, 3. *objectum* ipsum sive res decreta, quæ habet rationem *termini*. Primo modo Decretum est necessarium, sed posteriori liberum, vide supra Loc. 3. Qu. 7. Th. 10. de *Simplicitate Dei*.

XIV. Quod est dependens ab alio ut à causa propriè dicta non est Deus; sed non quod pendet ab alio tanquam à principio, quale est Decretum, quod est posterius in signo rationis, & ex parte conceptus nostri, non ratione rei & temporis.

XV. Actio transiens differt ab agente, nec tam est in Deo, quam à Deo; sed actio immanens quale est Decretum, cum eo identificatur, quia in Deo non differunt *Esse, posse, operari*, siquidem non agit Deus ut Creaturæ per aliquod superadditum ad suam naturam, sed per suammet essentiam, seipsam per modum principii vitalis ad hoc vel illud determinantem. Ita bene dicitur, quòd nulla actio à libera voluntate procedens, possit esse Deus absolute & in se, sed potest tamen bene dici Deus *quædam* spectatus, per modum actus vitalis sese sponte determinantis, hoc sensu Decretum nihil aliud est quàm Deus ipse decernens.

XVI. Ut Deus est Ens absolute necessarium; Ita Decretum est necessarium intrinsecè à parte principii, sed non obstat quominus sit liberum extrinsecè & terminativè; neque hoc ullum discrimen reale insert in Deum, quia est mera *quædam* & relatio ad extra, quæ modificat, non componit.

XVII. Decreta Dei non sunt multa intrinsecè, & *ἀλλὰ ἓν καὶ ἓν*, aliter & aliter se habentia in Deo, quamvis se habeant *πρὸς ἄλλο καὶ ἄλλο* ad aliud & aliud extrinsecè; unde quæ in Entibus finitis formaliter diversa sunt, ea eminenter identificantur in Ente infinito.

QUESTIO II.

An Decreta Dei sint æterna? Affir. contra Socin.

*Sociniani
Decreto-
rum æter-
nitatem
non admis-
sunt.*

I. **U**T Sociniani faciliùs probent Decreta Dei differre realiter à Deo, docent non esse æterna, sed temporalia, vel saltem æterna secundum quid; hinc statuunt quædam facta esse ante conditum mundum, ut decretum de creando, conservando, & regendo mundo, & similia: Alia verò temporalia, quæ post conditum mundum diversis temporum articulis facta sint, prout rerum ipsarum ratio exigere potuit, ut loquitur *Crollius* apud *Volkel*. lib. 1. de vera Relig. c. 32. nec aliter *Vorstius* &

& Remonstrantes sentiunt. Nos verò omnia Decreta absolute & simpliciter Quæst. 11.
æterna esse credimus.

II. Rationes sunt, 1. Quia Scriptura illis æternitatem tribuit, ut quum *Orthodoxiam asserunt.*
regnum dicitur paratum piis à *jactis mundi fundamentis*, Matth. 25. 34. quum electi dicimur *ante jacta mundi fundamenta*, Eph. 1. 4. & gratia data nobis dicitur in Christo *πρὸ χρόνων αἰώνων*, 2. Tim. 1. 9. & Christus præcognitus à Deo, *πρὸ καταβολῆς κόσμου*, 1. Pet. 1. 20. id est, ab æterno, nam quod præcessit principium temporis debet esse æternum. Nec adverbium temporis *ante* quod usurpatur innuit actum temporalem, quia non tam sumitur *positive*, quomodo indicat differentiam temporis, quàm *negative*, prout ejus remotionem notat; Nec dici debet hoc tantum asseri de quibusdam decretis, non omnibus, ad ostendendam singularem personarum vel rerum præstantiam, vel insignem earum certitudinem. Quia eadem debet esse ratio omnium decretorum, unde positio quorundam non excludit, sed includit & supponit alia analogicè. Imò Scriptura hoc non ad quædam tantum, sed ad omnia extendit.

III. Quod demonstrat secundò locus Act. 15. 18. ubi Jacobus asserit, *Act. 15. 18.*
Deo nota fuisse ab æterno omnia sua opera. Nam si Præscientia Dei est æterna, necesse est etiam ut decretum quo ipsa nititur sit æternum; quippe non novit res ut futuras, nisi in decreto, per quod à statu possibilitatis transeunt ad statum futuritionis.

IV. Tertiò, Si in tempore demum decreta conderet; Ergo pro re nata consilium caperet ad instar hominum, quod nec sapientiam ejus infinitam, nec perfectionem absolutissimam, & immutabilitatem decet, cum tam absurdum sit, eum novi alicujus decreti esse susceptibilem, quàm illi aliquid ex improvviso accidere.

V. Quartò, perperam *Vorstius* post *Socinum* distinguit æternitatem in absolutam & restrictam, simpliciter, & secundum quid ita dictam; quia Scriptura de æternitate eodem modo semper loquitur, nec uspiam talem distinctionem innuit; Nec rei ipsius natura eam potest facere, quia æternitas non est successiva, sed indivisibilis & tota simul.

VI. Licet Decreta alia aliis priora vel posteriora dicantur, non se- *Fontes*
quitur non esse æterna in se; quia hoc non dicitur à parte Dei, sic enim *Solutio-*
sunt unus & simplicissimus actus in Deo, sed respectu nostri concipiendi modi, qui propter distincta objecta, decreta non possumus nisi distinctè per prius & posterius concipere. Ita prioritas illa & posterioritas, non tam ratione decretorum spectanda est, quàm rerum decretarum, quæ in executione suam habent ordinem, & aliæ aliis sunt priores, vel posteriores.

VII. Illud non est æternum, quo aliquid prius est ordine durationis &

QUÆST. II. temporis, sed dici potest æternum, quo aliquid prius est prioritate ordinis & naturæ: Deus prior est decretis suis posteriori modo, ut eorum principium, non tamen priori.

VIII. Causa non semper effectu suo prior est ordine temporis, ne in Creaturis quidem, imò sæpe fit ut effectus causis suis sint coævi, quum scilicet ab illis per emanationem procedunt; ut lumen Soli, ratio menti, actus cognitionis & dilectionis in intellectu Angelico & humano recens creato, sunt σύγχρονοι. Ita nihil obstat decretum esse coæternum Deo à quo fit, quamvis non tam decreti causa, quàm principium dici debeat.

IX. Licet Deus mutet in tempore dispensationem suam erga homines, sive in bonum sive in malum; Non sequitur mutari decretum ipsum, vel in tempore demum fieri, quia hæc ipsa mutatio jam ab æterno decreta est; Sed ista ἀνθρωποπαθὴς dicta, θεοπροπῆως debent intelligi, non ratione mutationis in Deo, sed in operibus ejus. Sic intellige loca Jer. 18. 11. & 31. 28. Deut. 28. 63.

X. Quamvis decreta Dei statuuntur æterna; non sequitur Creaturas æternas fuisse; sequitur tantum Deum ab æterno decrevisse, quid futurum esset circa illas in tempore; fuisse ergo dicuntur tantum quoad *esse cognitum & intentionale*, propter futuritionem earum decretam, quo sensu dicuntur omnia opera cognita fuisse Deo ab æterno, Act. 15. 18. sed non quoad *esse reale*.

XI. Si Decreta à quibusdam negantur esse æterna à posteriori, quia desinunt cum ipsa executione; hoc intelligendum est tantum respectu objectorum quæ producuntur extra Deum, non respectu actus divini, qui non mutatur. Ita post executionem res quidem decreta desinit esse in fieri, quia jam facta est, sed non desinit tamen ipsum decretum, quia verissimum est Deum ab æterno tale quid decrevisse.

XII. Licet decreta possint esse diversa respectu rerum decretarum, nulla tamen dantur quæ sibi ipsis adversentur respectu eorundem objectorum; ut velit aliquem per unum decretum perdere, quem per aliud decretum servare velit. Nec si Deus decrevit, ut eidem homini, bona & mala contingant successivè, sequitur esse contraria decreta; Imò ut sunt ab uno Deo, ita unius ejusdemque decreti semper sibi constantis effecta censerī debent, qui hac ratione homini prospectum voluit; ut ejusdem Medici decreto diversa & sæpe contraria remedia ad ægricurationem successivè adhibentur.

XIII. Æternitas Decretorum Dei non tollit libertatem ejus in decernendo; quia licet nullum momentum assignari possit, quo Deus ad hoc vel illud decernendum fuerit actu indifferens; tamen certum est naturam Dei in se fuisse indifferentem, ut vel hoc vel illud decerneret, quia nulla fuit necessaria connexio inter Deum & Creaturas; qualis est inter Patrem & Filium; quem non potuit non generare, cum potuisset, si voluisset, abstinere ab omni rerum productione.

QUÆSTIO III.

*An dentur Decreta conditionata? Neg. contra Socin.
Remonstr. & Jesuitas.*

I. **N**ulla est Decretorum Dei distinctio, quæ frequentius urgeatur à Socinianis, Remonstrantibus, & aliis qui liberi arbitrii Idolo litant, eâ, quâ distingui solent in *absoluta* & *conditionata*; sed nullatamen est quæ majoribus prematur absurdis, & quæ minùs sit admittenda. Scopus Socinianorum, & eorum qui hac in parte illos sequuntur, est Scientiæ mediæ figmentum confirmare, Electionem ex fide prævisâ adstruere, & humani arbitrii vires extollere.

II. Non quæritur de Decreto *absoluto* vel *conditionato* à *posteriori* & *con-* Status
sequenter,
Quæstio-
nis. *sequenter*, vel respectu *rerum decretarum*, & objectorum volitorum extra Deum. An dentur talia decreta, quæ vel nullam conditionem, & medium in executione habeant, vel quæ aliquod includant. Hoc enim sensu non negamus varia decreta posse vocari conditionata, quia conditiones habent sibi subordinatas; Quamvis fatendum sit minùs propriam esse locutionem, quia non confundenda est *conditio* cum *medio*; & aliud est rem decerni sub conditione, aliud verò eam decerni per talia media exequendam. Sed quæritur de Decreto *absoluto*, vel *conditionato* à *priori* & *antecedenter*, à parte ipsius decreti. An talia dentur decreta, quæ suspendantur à conditione aliqua extra Deum potestativa & incerti eventus; An verò sint absoluta, quæ pendeant à solo ejus beneplacito. Priùs Sociniani cum cæteris asserunt; Nos verò posterius.

III. Rationes sunt, 1. Quia omne decretum Dei est æternum; Ergo Nulla dan-
tur Decre-
ta conditio-
nata. non potest pendere à conditione, quæ est tantùm in tempore. 2. Quia Decreta Dei pendent ab ejus *ex dono*. Matth. 11. 25. Eph. 1. 5. Rom. 9. 11. Ergo non sunt suspensa ab aliqua conditione extra Deum. 3. Quia omne decretum Dei est immutabile, II. 46. 10. Rom. 9. 11. At decretum conditionatum est mutabile, quia omnis conditio est mutabilis, præsertim si non sit decreta à Deo, sed in libero hominis arbitrio posita, ut de tali hîc agitur, unde eâ cessante Deus sine suo excideret, & nova inire teneretur consilia per *Id negat Opportunitas*. 4. Quia repugnat sapientiæ & potentiæ Dei, talia condere decreta, quæ à conditione aliqua impossibili pendeant, quæ nec futura sit nec esse possit, quia ipse à quo solo pendet eam dare non vult: Nec si in hominibus infirmis & futurorum ignaris hoc potest locum habere, sequitur in Deo sapientissimo, omniscio, & omnipotenti, cui omnia sunt non modò prævisa, sed & provisa, idem dari posse.

QUÆST.
III.

IV. 5. Quia absurdum est Creatorem pendere à Creatura, Deum ab homine, & voluntatem Dei, quæ prima est omnium causa, à rebus ipsis; quod necessario fieri debet si Decreta Dei suspenduntur à conditione aliqua quæ sit in homine.

V. 6. Quia nulla datur scientia media quæ pro objecto habet futura conditionata, ut supra probatum Loc. 3. Qu. 13. Ergo neque decretum conditionatum, quod illi loco fundamenti solet subterni.

VI. 7. Quia decreta conditionata non possunt poni, quin supponatur eum qui decrevit, aut ignorare eventum, aut eventum non esse in decernentis potestate, aut eum de eventu nihil certò aut absolute constituisse, quæ omniacùm in Deum sint maximè injuria, illi tribui nec possunt nec debent.

Fontes
Solutio-
num.

VII. Hinc sapienter Synodi Gallicanæ non semel proscripserunt Decreta conditionata, velleitates inefficaces, & desideria frustratoria & irrita, utpote Sapientiæ, Potentiæ, & Constantiæ Dei contraria.

VIII. Aliud est Deum non decrevisse quemquam servare, nisi per legitima media; Aliud statuere decretum de his & illis servandis per legitima media esse conditionatum, & eventus incerti: quod fingunt Adversarii. Licet fides & perseverantia habeant rationem conditionis prærequisitæ ad salutem decretam, ut sine illis non debeat expectari; non habent tamen rationem conditionum potestativarum ad Dei decretum æternum de salute huic & illi in Christo conferenda. Imò tantùm abest ut Deus illis decreverit salutem sub tali conditione, ut contrà eo ipso quo illis salutem decrevit, decreverit quoque illis fidem & perseverantiam, & omnia alia media ad salutem necessaria.

IX. Aliud est *rem decretam* esse conditionatam; Aliud *ipsum decretum*: prius damus, sed non posterius; potest dari causa antecedens, vel conditio rei volitæ, sed non statim ipsius volitionis: Sic Deus vult ut salus habeat annexam conditionem fidei & pœnitentiæ in executione, sed fides & pœnitentia non sunt conditio vel causa actus volendi in Deo, vel decreti de salute in intentione.

X. *Promissiones & comminationes conditionales* non inferunt dari decreta conditionata, quia non pertinent ad voluntatem decernentem, sed præcipientem, & sunt appendices mandatorum divinatorum, quæ per modum stimuli illis adduntur ad homines excitandos. Ita qui promittit & minatur sub conditione incerta, non prædicat aut decernit quid sit reipsa eventurum, sed tantùm indicat quid evenire queat conditione præstitâ vel neglectâ. Unde tales promissiones & comminationes ostendunt tantùm necessarium nexum conditionis cum conditionato, sed nullam futuritionem rei involvunt. At decreta habent veritatem categoricam de re futura, aut non futura.

XI. Quamvis omnis promissio vel comminatio hypothetica refundi debeat mediâtè in aliquod decretum à quo pendeat; non debet esse decretum

con-

conditionatum, sed absolutum; non quidem de executione rei illius, seu de ejus certa futuritione, sed tantum de ejus cum alia infallibi connexion; v.g. propositio Evangelica servandi peccatores si crediderint nititur aliquo decreto, non quidem rei futuritionis, quasi omnibus decreverit dare salutem sub conditione fidei, sed *connexionis*, quâ fidem cum salute indissolubili nexu sociare voluit: Sic quum Paulus comminatur *mortem illis qui secundum carnem vixerint*, Rom. 8. 13. perperam quis inde colligeret Deum decretum conditionatum fecisse de omnium morte, si vivant secundum carnem; sed tantum Deum peccatum & mortem vinculo arctissimo inter se conjunxisse. Sic verum est bruta fore risibilia, si essent rationalia, nemo tamen dixerit propterea Deum decrevisse conditionatè ut bruta sint risibilia, si sint rationalia; sufficit ut talis propositio fundetur in decreto generali, quo voluit risibilitatem esse proprietatem rationis & nullibi esse rationem, quin eam comitetur risibilitas. Eodem sensu bene infero peccatores omnes servatum iri si crediderint, non ex ullo decreto conditionato, sed ex hac veritate generali certissima, quam Deus decreto suo absoluto sancivit, fidem scilicet esse medium infallibile salutis, quia enim unicam hanc viam homines deducendi ad salutem instituit; hinc veritas propositionis istius hypotheticæ exurgit, *Si peccator credit servabitur*, quæ consequentiæ tantum certitudinem notat, non verò consequentis positionem infert.

XII. *Consilium* quod Pharisei dicuntur rejecisse adversus seipsos, Luc. 7. 30. non notat decretum ullum conditionatum de servandis Phariseis sub conditione fidei & pœnitentiæ, sed voluntatem mandati, testimonium scilicet Johannis de Christo, per quod Deus consilium iis dat de modo adipiscendi salutem æternam, quo sensu sumitur vox consilii, Ps. 107. 11. Prov. 1. 25. 30. Apo. 3. 18. & alibi.

XIII. Quod habetur 1. Sam. 2. 30. *Dixeram planè domum tuam, & domum Patris incessuram coram me in perpetuum; Nunc verò absit ut hoc faciam, &* 30. & 13. cap. 13. 13. *Si servasses mandatum Domini Dei tui, stabilivisset regnum tuum in perpetuum.* Promissio est facta Sauli positâ ejus obedientiâ, quæ non nititur decreto ullo conditionato, de re quæ nec fuit unquam, nec futura erat, sed tantum connexion à Deo constituta inter pietatem & vitam.

XIV. Loca varia Scripturæ, quæ loquuntur de rebus futuris positâ hac vel illâ conditione; qualia sunt, Gen. 20. 17. 2. Sam. 17. 1. 2. 3. cum v. 14. & 24. 13. Jer. 16. 3. 4. & 17. 24. 25. 26. & 38. 17. 18. 42. 9. 20. non inferunt ulla decreta conditionata, sed notant tantum promissiones, vel comminationes varias, quæ ostendunt quidem certitudinem connexionis unius cum alio, v. g. obedientiæ & conservationis ac salutis, rebellionis & exitii; sed non futuritionem eventus vel absoluti vel conditionati, quidve de his vel illis Deus nominatim decreverit. Et hoc eò verius est, quòd cum

QUEST.
III.

Deus qui omnia in sua habet potestate, sciat conditionem talem nunquam futuram, utpote quam ipse non decrevit, dei non potest aliquid sub illa conditione decrevisse; nihil enim fingi potest absurdius, quam statuere Deum decernere aliquid sub conditione, quam eo ipso momento quo decernit scit nunquam impletum iri.

XV. Quamvis Decreta à parte objectorum sæpe conditionem aliquam includant, non desinunt formaliter & in se esse absoluta; quia conditio & conditionatum pendent immutabiliter à Deo, vel quoad permissionem ut in malis, vel quoad effectum ut in bonis.

XVI. Tantum abest ut ad hominum mutationem, Deus sua decreta mutet, ut contra omnis illa factorum humanorum mutatio procedat ex æterno & irrevocabili Dei decreto, qui hoc modo exequitur quod eventurum per promissiones & comminationes decreverat: Nec sententiam mutat priorem precibus piorum, sed per illas ipsas preces, quod futurum constituerat perducit ad exitum. Ita quum Deus mutat quæ fecit, quum adimit homini vitam quam dederat, quum destruit mundum quem creaverat, hæc mutatio est in rebus non in Deo, nam ab æterno decrevit istam facere mutationem, & nisi fieret, decretum de facienda ista mutatione mutaretur.

Num. 14.
30.

XVII. Locus Num. 14. 30. ubi Deus per Moysen protestatur Israëlitas non intraturos in terram, quam illis juramento promiserat, docet quidem solennem promissionem factam fuisse à Deo illi populo, introducendi illum in terram Canaan, sed sub conditione obsequii præstandi, quæ cessante cessabat promissio & contractus. Sed non arguit aliquod fuisse decretum conditionatum de illis introducendis; Imò ut decreverat talem promissionem facere, ita suis de causis etiam constituerat illam istorum contumaciam permittere, & illius generationis individua non introducere in terram promissam. Deinde ut promissio facta fuit genti in communi, non necesse est ut singula ejus individua respiciat, ut in illis impleatur, sufficit ut spectarit demum ea quæ ad sequentem generationem pertinebant, in quibus debuit impleri.

XVIII. Licet proprietates respectivæ Dei, quales sunt misericordia & justitia, supponant ad sui exercitium in objecto circa quod versantur, qualitatem aliquam, puta miseriam & peccatum; Non sequitur propterea decretum quod fit de hominum salute, vel damnatione, esse conditionatum, quia quamvis supponatur ad ejus constitutionem, non suspenditur tamen ab ea, sed certissime & infallibiliter impletur juxta Dei beneplacitum.

XIX. Quicquid dicitur adversus Decreta conditionata, dicitur pariter contra voluntatem hypotheticam, quia nullus datur actus voluntatis de rebus extra se futuris, qui non induat notionem decreti; Unde non elabuntur qui omisâ voce decreti conditionati, retinent tamen voluntatem hypotheticam;

potheticam; idem enim, mutato tantum nomine dicunt. Plura vide supra Quæst. IV. Loco 3. Quæst. 13. de *Scientia media*, & Quæst. 16. thes. 19. &c. de *Voluntate conditionali*.

QUÆSTIO IV.

An Decretum asserat necessitatem rebus futuris? Affirm.

I. **Q**uæstio agitur inter Nos & Pelagianos ac Semipelagianos Veteres & Novos, qui ut facilius Idolum Liberi Arbitrii stabiliant, necessitatem rerum ex Decreto & Præscientia negant, quam constanter asserunt Orthodoxi.

II. Ad Quæstionis Statum observa 1. *Necessarium* dici id quod aliter *Status* se habere non potest, πὴ μὴ ἐδεχόμενον ἄλλως εἶναι, ut nominis ratio à *Quæstio-* non cessando demonstrat. Hoc autem bifariam spectari potest, vel in Deo, *nis*. vel in rebus ipsis. In Deo duplex *necessitas* vulgò notatur; una *absoluta*, cuius *Varia ne-* oppositum simpliciter est Deo impossibile, ut quum dicitur Deus incorru- *cessitatis* ptibilis, & qui seipsum abnegare nequit; alia *hypothetica*, quæ oritur ex *species;* *absoluta,* *hypotheti-* hypothese decreti divini, quo posito necesse est sequi ipsum effectum voli- *ca*. tum. Prior fundatur in immutabili Dei natura; posterior in immutabili ejus voluntate, quæ iterum duplex est; alia *immutabilitatis* ex decreto im- *Infallibili-* mutabili, alia *infallibilitatis* ex præscientia infallibili. In rebus ipsis varia *tatis,* etiam occurrunt necessitatis species. 1. *Physica* & interna à parte causarum *Immutabi-* secundarum, quæ ita sunt ad unum determinatæ, ut non possint aliter age- *litis.* re, ut in igne necessitas urendi. 2. *Coactionis*, quæ oritur à principio externo *Physica,* per violentiam agente. 3. *Hypothetica* *eventus* seu *dependentia*, per quam *Coactionis.* res, licet sit naturâ suâ mutabilis & contingens, non potest non esse propter *Eventus.* dependentiam à Dei ordinatione, cujus nec voluntas mutari, nec præscien- tia falli potest.

III. Non quæritur de *Necessitate absoluta*, & *physica*, respectu causarum secundarum in se, quia fatemur alias esse necessarias, alias contingentes; Sed respectu Dei & in ordine ad ipsum. Non de *necessitate coactionis*, quia decretum nullam vim infert causis secundis, sed futuritionem rerum decrevit fieri convenienter naturæ ipsarum; Sed quæritur de *necessitate hypothetica* & *consequentia*, respectu certitudinis eventus & futuritionis ex decreto; quam asserimus.

IV. Rationes sunt, 1. Quia omnia æterno & immutabili consilio apud Deum decreta sunt, unde non possunt non evenire tempore præstituto, aliàs *Decretum* *infert ne-* mutaretur Dei consilium, quod fieri posse negat Scriptura, Isa. 46. 10. *cessitatem* *eventus.* Ephes. 1. 9. 2. Quia necessitatem istam Scriptura prædicat, Matt. 18. 7.

Necesse

QUEST. IV. *Neceſſe eſt ut ſcandala eveniant, &c. 26. 54. Quomodo implerentur Scriptura, qua dicunt ita debere fieri, ſcilicet ex decreto, Luc. 22. 22. Filius hominis vadit, & τὸ τέλος αὐτοῦ. Ita Act. 2. 23. & 4. 28. Herodes & Pontius Pilatus congregati ſunt ad faciendum ea omnia quæ manus tua & conſilium, id eſt, conſilium efficaciffimum antea decreverant fieri, 1. Cor. 11. 19. Neceſſe eſt hæreſes eſſe &c. 3. Quia maximè fortuita & casualia neceſſariò dicuntur evenire; patet exemplo cædis casualis, Exod. 21. 12. 13. ſortium, Prover. 16. 33. avicularum & capillorum, Matt. 10. 29. 30. ex oſſium Chriſti conſervatione, Jo. 19. 36. & ejus morte, Act. 4. 28.*

V. 4. Quia ut ab inſallibili præſcientia omnia prævidentur, Act. 15. 18. Heb. 4. 13. ita inſallibiliter evenire neceſſe eſt. 5. Quia certò prædicuntur ut futura, ita ut ſermo Dei non poſſit excidere, nec Scriptura ſolvi; Ergo debent neceſſariò contingere, ſi non quoad modum productionis, qui ſæpe contingens; at quoad certitudinem eventus, qui aliter ſe habere non poteſt.

Fontes
Solutio-
num.

VI. Quod ſtatuit determinationem ad unum per neceſſitatem phyſicam, vel coactionis, tollit libertatem & contingentiam; ſed non quod eam ſtatuit tantùm per neceſſitatem hypotheticam; quia certitudo non oritur ex cauſarum ſecundarum naturâ, quæ liberæ ſunt & contingentes, ſed extrinſecè ex decreti immutabilitate, quod ita determinat futuritionem eventus, ut rerum naturam non mutet, ſed res neceſſarias neceſſariò, liberas liberè agere ſinat. Unde patet neceſſitatem & immutabilitatem decreti tollere quidem *contingentiam* reſpectu *cauſæ primæ*, quia cùm omnia neceſſariò eveniant, nihil poteſt contingenter fieri; ſed non tollere eam reſpectu *cauſarum ſecundarum*, quia idem decretum quod præſtituit futuritionem rerum, ſtatuit etiam *modum futuritionis*, ut quæ neceſſarias cauſas haberent neceſſariò fierent, quæ verò contingentes, contingenter: Atque ita effectus bene dicitur, & *neceſſarius*, & *contingens* ſimul, ſed καὶ ἄλλο καὶ ἄλλο. Illud à *parte Dei* & relatè ad decretum; Iſtud à *parte rei* & relatè ad cauſas ſecundas & proximas, quæ aliter ſe habere potuerunt.

VII. Quamvis ergo in ordine ad cauſam primam dicantur omnia neceſſaria, tam ſecundùm ſe ſumpta quædam poſſunt eſſe libera, contingentia, & fortuita, quia unaquæque res eſt & judicatur ſecundùm cauſas proximas & particulares. *Omnis effectus in neceſſitate & contingentia ſequitur cauſam proximam, & non cauſam primam*, ut Thom. ait tract. de Præſci. & Prædeſti. c. 4.

VIII. Neceſſitas decreti tollit quidem *libertatem independentiam*, & τὸ αὐτοπρόβουτον & αὐθιγότον Creaturæ, quia ita à prima cauſa pendet, ut ſine ea nec eſſe nec operari poſſit; Sed non tollit *libertatem ſpontaneitatis & indiſſerentia*, quia neceſſitas eſt tantùm hypothetica, quæ eventus certitudinem ponit, ſed cauſarum ſecundarum naturam & proprietates non tollit. Hinc eſt quod rectè dicatur, *Adamum neceſſariò, & liberè peccaſſe*: Illud quidem

dem respectu decreti, & rei futuritionis; Istud respectu voluntatis ejus, QUEST.
IV.
& quoad modum, quia qualiscunque fuerit necessitas decreti, Adamus tamen volens peccavit, & per consequens liberrimè.

IX. Licèt detur necessitas eventus ex Decreto, non propterea quicquam detrahatur Sapientiz & Justitiz Dei, quasi nec illa posset cum fructu hortari homines ad officium, nec ista, præmia vel pœnas virtuti & vitio statuere. Quia necessitas ista, ut jam dictum, utpote extrinseca & hypothetica, optimè consistit cum libertate creaturarum, quæ non desinunt liberrimè agere à parte sui, licèt effectus sit necessarius à parte Dei: Tantùm abest ergo ut ista opponantur sibi invicem, ut amicè inter se conspirent, quia per ista media quamvis libera, promoventur & producuntur eventus à Dei decreto definiti.

X. Quamvis res omnes necessariæ dicantur ex decreto; Deus non propterea potest censeri author peccati, quia decretum quod est causa futuritionis peccati, non est tamen ejus causa, nec physica per malitiæ infusionem, nec ethica per ejus approbationem; Ita licèt ad decretum sequatur peccatum necessariò, non tamen potest dici fluere ex decreto; quia decretum non influit in rem, nec est effectivum mali, sed tantùm permissivum & directivum.

XI. Ut verò Deus propter necessitatem quam decretum ejus rebus infert, peccati inculari non potest; Ita nec peccatores propterea excusari possunt, quia talis necessitas libertatem eorum & *πραίσιον* in agendo non tollit, nec intercedit quominus liberrimè actus suos exerceant. Nec si exequuntur hoc pacto decretum Dei, continuò illi obedire censendi sunt, quia decretum non est regula actionum nostrarum, sed Lex Dei; Quamvis ergo impleant voluntatem decernentem; non minùs censentur rei, quia peccant contra voluntatem præcipientem, legem sibi positam injustissimè violando; Sic Herodes & Pontius Pilatus cum Judæis non desinunt teterrimi criminis reatum incurrisse per crucifixionem Christi, licèt nihil fecerint nisi quod manus & consilium antea jam decreverant fieri, Act. 4. 28. Sed de his postea fusiùs agetur, quum de Providentia Dei actuali circa peccatum, & de ejus concursu disputabitur, ubi calumnia quæ nobis objici solet de Deo autore peccati, & de Fato Stoïco refutabitur.

QUÆSTIO V.

DE TERMINO VITÆ.

An Dei Decreto cujusque hominum vitæ terminus fixus & immobilis cum omnibus suis circumstantiis ita sit constitutus, ut alio temporis articulo, & alio mortis genere decedere non possit, quàm quo eum decedere contingit? Aff. contr. Socinian. & Remonstr

I. **Q**uæstio hæc movetur nobis à Socinianis & Remonstrantibus, qui ut Decretorum mutabilitatem asserunt, negant etiam vitæ Terminum à Dei Providentia ita fixum esse & determinatum, ut non possit vel prorogari, vel abbreviari. De qua fusè disputatum fuit in Belgio ante aliquot annos, studio Amplissimi Viri Joh. Beverovicii Medici Dordraceni, qui Virorum Doctorum super eâ judicia inquisivit, eaque in *Epistolica Quæstione de Terminò vitæ* in lucem misit.

Status
Quæstio-
nis.

II. Ad Quæstionis Statum observa, 1. *Terminum vitæ* alium esse *communem*, & *generalem*, qui assignatus est humano generi; alium *specialem*, qui datus est hujus vel illius individui durationi. Non agitur hic de primo, sed de secundo; Non quæritur, An Decreto Dei statutum sit hominibus semel mori: vel, An detur terminus aliquis vitæ humanæ vel longior vel brevior, sive absolute & in se, sive comparatè ad vitam animantium? hoc enim non dissentitur Adversarii. Sed quæritur de Terminò speciali. An unicuique à Deo constitutum sit momentum natiuitatis & mortis, quod fixum sit & immobile?

III. 2. *Terminus vitæ* potest dici *mobilis*, vel *immobilis* diverso respectu, vel resp. *Causa primæ*, vel resp. *Causarum secundarum*. Non quæritur, An Terminus vitæ physicus, qui oritur ex causis proximis naturalibus sit immobilis; Fatemur enim posse vel contrahi vel produci propter bonum vel malum regimen, ut qui ex ordine naturæ potuisset diutius vivere, vel crapulâ, vel luxuria, vel aliis peccatis vitæ cursum ordinarium abrumpat, vel gladio, fame aut casibus aliis violentis intereat. Sed quæritur de *Terminò hyperphysico*, quia causa primæ, & divinâ ordinatione ponitur; Eò respicit distinctio Thomæ I. q. 116. artic. 3. *Fatum ut in causis secundis est mobile, ut autem à divina præscientia est immobile, non necessitate absolutâ, sed conditionali.*

IV. Constitutio Terminì vitæ, vel est *absoluta antecedens*, vel *consequenter*, ut excludat omnem causarum secundarum & mediorum usum. Non quæritur de posteriori; An mors cujusque & vitæ decreta sit absolute absque

absque ullo respectu ad media necessaria, quæ finibus suis certò subordinentur, & eidem decreto includantur, ad id ut quicquid fecerint, aut non fecerint homines, certò eventurum sit quicquid decrevit Deus. Hoc enim nemo nostrum asserit, qui ita fixum terminum agnoscimus, ut necessitatem mediorum propterea non excludamus. Sed quæritur de *constitutione absoluta antecedenter*, quæ non pendeat ab ulla conditione prævia. Et Quæstio redigitur ad hos terminos. An Terminus vitæ, non generalis & communis, sed specialis & proprius uniuscujusque, ita sit fixus & immobilis, non causarum secundarum respectu, sed primæ, & æterni Dei decreti, ut quacunque tandem ratione nec prorogari nec abbreviari possit. An verò ita indefinitus sit & mobilis, ut possit vel contrahi peccatis hominum, vel produci arte & industriâ Medicorum: Posterius affirmant post Socini. Remonstr. & Lutherani; Prius verò Orthodoxi.

Quæst. V.

V. Rationes sunt, 1. ex Jobi 14. 5. ubi Deum sic alloquitur, *Si quidem definiti sunt dies ejus, numerus mensium ejus tecum est, statuta seu determinationes ejus fecisti, quas nemo transgrediatur*, & cap. 7. 1. *Nonne milita, seu determinatum tempus, hoc enim innuere Pagni. & Mercerus notant in h. l. & ut mercenarii dies sunt dies ejus?* Unde colligitur dari certum & determinatum numerum dierum vitæ hominis, & hunc à Deo positum esse immutabiliter, ut nemo eum prætergredi possit. Nec excipi debet, 1. conditionatam esse locutionem, propter particulam *ON*; quia series orationis docet, non conditionaliter esse sumendam, sed ratiocinativè, pro *si quidem*, hoc sensu, quandoquidem definiti sunt dies hominis, & terminos illi posuisti breves, quos non transgredietur, recede ab ipso, id est, hoc tibi sufficere debet, quòd miseria ejus talis sit per peccatum, ut brevi confici debeat, nihil ut opus sit gravioribus malis eum onerare. 2. Jobum loqui de termino communi humanæ vitæ præfixo, quem ordinariè attingunt omnes qui culpâ suâ dies non abbreviant. Quia verba ostendunt agi de termino speciali cuique præfixo, agitur enim de *numero mensium ejus*, de *diebus ejus*, & de *termino ejus*. 3. Licet Jobus loquatur de definitione dierum, non innuere tamen quâ ratione illa facta sit à Deo; & nihil obstare si dicamus circumscribi ex certa prævisione divina; quomodo quisque nostrum se gesturus sit, vel saltem ex hypothesi boni vel mali usus arbitrii nostri. Quia supponitur gratis obedientiam vel inobedientiam, bonum vel malum usum liberi arbitrii respici, cujus tamen nulla sit mentio: Adde quòd Deus nihil prævidere potest futurum nisi consequenter ad suum decretum, aut effectivum, aut permissivum de illius futuritione.

Terminum vitæ esse fixum probatur 1. ex Job. 14. 5.

VI. Secundò ex Ps. 39. 5. 6. *Fac scire me, Domine, finem meum, & mensuram dierum meorum quæ ipsa sit, nesciam quanti ævi ego. Ecce palmas, id est ut palmæ mensuram, posuisti dies meos, & tempus meum tanquam nihil coram*

1. ex Ps. 39. 5. 6.

QUÆST. *te.* Unde duo colliguntur, 1. quòd Deus finem hominis novit; Ergo illum præfinivit, quia nec nolle nec prædicere posset, nisi illum determinasset, 2. quòd Deus certam mensuram constituit diebus hominis, quod perperam diceretur, nisi terminum vitæ ejus præfinivisset. Neque hic notatur tantum brevitæ vitæ in genere, sed in individuo brevitæ dierum Davidis determinata & definita à Deo, non conditionatè, sed absolutè.

3. *Ex Aët.* VII. Tertio ex Aët. 17. 26. *Deus fecit ex uno sanguine totum genus humanum, ut habiles super universâ superficie terra, definitis præstitutis temporibus, & positis terminis habitationis eorum.* Jam ubi sunt καὶ ποὶ προπαραγμένοι ibi definitus esse debet vitæ terminus; quod non potest referri tantum ad durationem generis humani, sed etiam ad durationem cujusque individui, quandoquidem ut postea ψ. 28. additur, *In ipso vivimus, movemur, & sumus,* & ψ. 25. *Ipse dat vitam, halitum & omnia:* Confirmatur ex Aët. 1. 7. ubi Deus dicitur tempora in sua potestate posuisse; Ergo & tempus cujusque mortalis. Et si cuique rei suum tempus nascendi & denascendi assignavit, Eccl. 3. 1. 2. nulla ratio subest, cur non æquè statuatur decretorius dies, quo quisque mori debeat positus ab ipso, ac cuique suum diem natalem præfixit, quo in mundum veniat.

4. *Ex Matth.* VIII. Quarto ex loco Matth. 10. 28. 29. 30. ex quo ita concludimus: Si capilli capitis nostri numerati sunt, multò magis dies, menses, & anni; Et si ne passer quidem cadit sine Patris voluntate, quantò minùs censendus est homo hujus vitæ stationem subire aut relinquere absque speciali nutu summi Imperatoris, cui jus vitæ & necis propriè in eum competit? quæ ita dicuntur Apostolis, ut ad alios etiam pertineant, quia, ut mandatum còmmune est, communis etiam debet esse promissio contra pericula persecutionum & mortis, & argumentum consolationis ducitur à Dei providentia non propria Apostolis, sed omnibus communi.

5. *Ex prædicatione mortis.* IX. Quintò, vitæ terminus prædicitur infallibiliter; Ergo præfinitur immutabiliter, quia non alia potest dari prædictionis certitudinis causa; patet exemplo diluvii primi mundi, cui præfinitum fuit tempus 120. annorum, Gen. 6. Moïsis, Deut. 31. 14. Infantis Davidis, 2. Sam. 12. 14. Filii Jeroboami, 1. Reg. 14. 12. Achazæ Regis Israël, 2. Reg. 7. 1. 4. Petri, Jo. 21. 18. Christi Servatoris, cujus mors prædicitur, non modò quoad genus mortis, Luc. 18. 32. Jo. 12. 33. sed etiam quoad horam & tempus, Jo. 7. 30. & 13. 1. & 17. 1. Filiorum Heli, 1. Sam. 2. 34. Israëlitarum qui peste percussi, 2. Sam. 24. 15. ubi exerte dicitur pestem in illos grassatam esse usque ad כּוּעַר תַּי id est, *tempus constitutum*, Belzaris, Dan. 5. 25. 26. &c. Achabi & Jezabelis, 1. Reg. 21. 22. 23. Cùm igitur quicquid præscitur à Deo, habeat futuritionem suam definitam & infallibilem ex definito consilio & præcognitione Dei, Aët. 2. 23. tam necesse est definitum esse à Deo modum,

& diem mortis singulorum, quàm utrumque ab illo certò & infallibiliter præciri. Nam fingere aliquid indefinitè & conditionatè præscitum à Deo, ut vellent Adversarii, est dicere *αὐτὰρ*.

QUEST.
V.

X. Sextò, mortis genus quod maximè casuale & fortuitum videtur, definitum est immutabili Dei decreto; Ergo multò magis quodlibet aliud mortis genus, patet in homicidio casuali, de quo Exo. 21. 13. 14. dicitur, quòd *Deus facit talem hominem occurrere ad manum ejus*, & ut Onkelos habet, *à facie Dei traditus est*. In Achabo, cujus instans exitium, 1. Reg. 22. 28. prædicitur, & tamen dicitur *casu* periisse, v. 34. nimirum causæ secundæ respectu, quæ de Achabo non cogitabat. In idololatræ Judæis, quos Deus dicitur numerasse ad gladium, II. 65. 12. In Herode qui à vermibus corrosus est, Act. 12. 23. In primo mundo aquis diluvii suffocato. In 185. millibus hominum exercitus Sancheribi, qui unâ nocte interierunt. Quis verò dixerit Dei decretum de inevitabili isto mortis genere ab uniuscujusque obedientiâ vel inobedientiâ, bono aut malo usu liberi arbitrii fuisse suspensum, tanquam necessariâ conditione, sine qua Deus absolutè terminum vitæ ne nini præfigere posset?

XI. Septimò, Deus certo & præstituto ordine totam hominis vitam, & motus, & ætates moderatur à principio ad finem; Ergo & ultimum vitæ terminum debet definire; nam qui totum gubernat, & singulos actus antegressos providè curat, cur negligeret extremum? si quod minoris est momenti regitur à Deo, an quod maximum est, decretorius sc. ille dies à quo pendet æternitas, homini relinqueretur? conceptio hominis, & natiuitas, & quæcunque pertinent ad ejus vitam, & varios rerum successus, in libro Dei scripta sunt, ut passim notatur, Ps. 139. 16. & 106. & 107. 144. 121. &c. & non scripta erunt in libro Dei, quæ ad extremam vitæ clausulam, quæ omnium maximè est memorabilis, spectant, quasi Deus non habeat exitus mortis penes se, Ps. 68. 21. & non sit Dominus mortis æquè ac vitæ, finis æquè ac initii?

XII. Octavò, si Deus non præstituit cuique suum vitæ terminum, sequitur Dei providentiam versari tantum circa τὴν κατ' ὅλην, non circa τὴν κατ' ἐκτὸς; hominem non tantum fortunæ suæ, sed & vitæ mortisque esse fabrum; Deum & ejus voluntatem ac scientiam postponi causis secundis, & pro re natâ omnia ordinare & disponere, consilium capere in arena, terminos figere & refigere, ad motus hominum decreta sua formare & inflectere, & sic Deum non esse Deum, id est, Dominum independentem & absolutum, qui quæ vult facit, sed hypotheticum & conditionibus circumscriptum, quæ omnia cum sint impia & blasphemæ, tale etiam esse illud, unde deducuntur, necesse est.

XIII. Ezechix dies non ultra terminum à Deo fixum prorogati fuerunt, *Fentes* sed tantum ultra illud tempus, quo secundum ordinem causarum secun- *Solutio-*
darum num.

Q U A E S T. V. darum & naturalium, & vim ipsam morbi morti proximus videbatur, & re-
 ipsa moriturus fuisset, nisi Deus gratiâ suâ prospexisset. Denunciatio ergo
 mortis, quæ fit à Propheta, est comminationis, non prædestinationis, non
 24. 38. 1. absoluta; sed conditionalis, licet conditio expressa non fuerit, sed eventu tan-
 tum declarata. Non decreverat ergo mori Ezechiam, sed tantum mortis sen-
 tentiam illi denunciari, ut dolore salutari contritus, ad eum ardentius con-
 fugeret, quod à Rege intellectum fuisse ex eo colligitur, quod illico ad pa-
 rietem conversus ad Jehovah preces ardentissimas pro vitæ prorogatione fu-
 derit. Licet autem comminatio non deberet impleri, non desinebat tamen
 esse maximè seria, quia per eam decretum de conservando Rege exequi con-
 stituerat. Mors quidem per comminationem denunciata pugnabat cum
 eventu decreto, qui fuit prorogatio vitæ, sed non ipsa comminatio mor-
 tis, quæ medium à Deo institutum erat ad illius executionem.

XIV. *Impii non dimidiant dies suos*, Ps. 55. 24. non propriè aut ab-
 55. 24. solutè, sed comparatè & relatè, non quidem ad decretum Dei, sed vel ad
 naturam suam, & corporis habitum, quia sibi relictæ, & absque casu di-
 vinitus immisso, potuissent diutius vivere possibilitate causæ secundæ, non
 verò possibilitate effectus qui pendet à concursu causæ primæ & secundæ,
 vel relatè ad opinionem, spem & intentionem, tum suam, tum aliorum,
 quia ingentem dierum summam spe jam præceperant. Sic sæpe in Scriptura
 res dicitur talis, quæ talis habetur opinione & fallaci hominum judicio,
 Luc. 8. 18. *quod non habet*, id est, *quod videtur habere*, *auferetur ab eo*. Nec
 si pii quidam immaturâ morte abripiuntur, & nonnulli impii ad provectam
 ætatem proveniunt ex fixo Dei decreto, continuo sequitur comminationem
 istam Psaltis nullam esse, nec istos illis ideo infeliciores censendos esse; quia
 quamvis pariter tempore constituto, respectu providentiæ divinæ ipsis in-
 cognitæ moriantur, tamen mors utrorumque longè dispar est. Isti tempo-
 re immaturo & semper immaturi, mortem horrent & fugiunt, & frustra tar-
 dare satagunt, dum in morte nihil nisi mortem vident, sine pœnitentia,
 sine spe, & consolatione ex morte in mortem transeunt, & mortem acer-
 bissimam sibi reddunt, non tam sponte egredientes ex mundo, quàm suc-
 cisi & violenter eradicati. Sed pii dierum saturi, quamvis in ipso ætatis flo-
 re, vocantem Dominum alacres sequuntur cupiunt dissolvi ut sint cum
 Christo, & parati ad discessum, accensis lampadibus, & lumbis præcincti
 adventum Sponsi cum desiderio præstolantur; & ut impii quocunque mo-
 riantur tempore etiam in decrepita senectute, immaturi semper & imparati
 obeunt; Ita pii quomodocunque, & quandocunque moriantur, maturè
 semper & opportunè moriuntur, unde dormire & quiescere in cubilibus
 suis, & ad Dominum redire dicuntur.

Eccl. 7. 17. XV. *Improbis moritur, tempore non suo*, Eccl. 7. 17. tum respectu
 causarum

causarum secundarum, & constitutionis naturalis, quia ulterius potuisset pro-
rogari ejus vita, quam Deus justo judicio abrumpere voluit; tum respectu voti
& ipsi ipsius, quia intempestive semper moritur, id est illibens & imparatus,
qui nunquam vel vivere vel mori didicit, quamvis ratione peccatorum plus
satis maturus, unde mors improvisa & inexpectata obrepere dicitur tem-
pore malo, id est, non suo, Eccl. 7. 17. Tempus quippe pœnitentiæ &
pietati opportunum, tempus est acceptum, & verè ætæ nostrum, quo
in rem nostram uti debemus quia ab illo omnis *vita* pender. At ubi præ-
terit, non restat nisi *naipos anapos*. Sic exponit Greg. expo. in Job. li. 16.
c. 6.

XVI. Quum Scriptura loquitur de *prolongatione*, vel *abbreviatione* die-
rum, quæ sit à Deo respectu piorum aut impiorum, Exo. 20. 12. Deut.
4. 40. & 30. 19. 20. Pl. 91. 16. 1. Reg. 3. 14. Prover. 10. 27. non tam
intelligitur propriè *prolongatio*, vel *abbreviatio* termini à Deo positi, quàm
longævitæ absoluta, aut *mors præcox*, per metony. *antecedentis pro conse-*
quente, ut Paulus explicat verba Legis Eph. 6. 1. *Ut sis longævus super ter-*
ram. Rursus abbreviari vel prolongari dies alicujus dicuntur, non abso-
lutè & simpliciter ultra terminum singulis à Deo positum; sed tantum com-
parate tum ad alios, tum ad naturæ leges & cursum ordinarium, tum ad
ipsorum vota & expectationem. Nam ut quibusdam diutius vivere datur,
quàm vel ipsi crediderant, vel alii speraverant. Ita multi calculos suos malè
ponunt, dum in florenti ætate & fortunâ sentiunt vitæ filum abrumpi, mul-
tò citius quàm sibi persuaserant.

XVII. Quamvis longitudo dierum promittatur pietati, & brevitæ im-
piis denunciatur, non propterea terminus vitæ suspenditur à conditione in-
certa hominis, quia Deus qui decrevit eos ad pietatem deducere, decrevit e-
tiam longævitatē ipsis concedere, coronando dona sua non ipsorum meri-
ta, & si abbreviat vitam impiorum ob ipsorum scelera, eodem consilio quo
decrevit illa permittere, decrevit etiam illa hoc pacto punire. Promissiones
ergo & comminationes non declarant quid Deus de singulis apud se decre-
verit, sed quales sive longævitate ornare, sive brevitate vitæ multare velit, &
quæ præmia pietati, quas pœnas impietati posuerit, quæ tamen, pro natura
rerum temporalium, semper cum conditione voluntatis ejus intelligendæ
sunt, qui potest prout expedire judicat, vel vitam contrahere piis ad ipsorum
salutem, vel impiis producere ad graviores ipsorum pœnam.

XVIII. Licet possibile fuisset hunc vel illum diutius vivere, in sensu diviso,
& seposito Dei decreto, tamen in sensu composito, & ex decreti hypothesi,
necesse erat ut eo loco & tempore, & eo modo moreretur. Quamvis Laza-
rus moriturus non fuisset, si Christus dum exprobat eum visitasset; tamen
ita divinitus erat constitutum, ut Christus abisset, ut moreretur.

Quart.
V.

XIX. Tantùm abest ut certitudo finis & eventus tollat necessitatem & usum mediorum, ut ea supponat potiùs, quia Dei decreto talia media instituta sunt ad futuritionem rei: Licèt Ezechia prorogata fuisset vita, ut de eo dubitare non posset, non ideo debuit cibum negligere, sed contrà debuit subservire hac in parte consilio Dei: Sic Act. 27. 24. Deus vitam omnium quotquot in navi erant dederat Paulo, tamen cùm nautæ vellent se subducere, dicit Apostolus Centurioni, *nisi manserint isti servari non potestis.* Unde patet Medicorum operam, qui à Deo in morborum levamen instituti sunt, sine temeritate negligi non posse, licèt in illis fiducia non sit collocanda; nec cessare debent illi ab opere, quia nesciunt, nec opus est ut sciant, quid Deus de vita vel morte ægri constituerit; nostrum est facere quod nostri est officii, & Deo eventum committere; Si terminus vitæ nondum accessit, benedicet remediis, & iis utetur ad finem suum obtinendum. Sin aliter de eo statuerit, frustra erunt artes Medici, sed fecerit tamen ille officium suum.

XX. Licèt fixus sit vitæ Terminus, bene tamen preces pro longæva vita possunt concipi, tum quia terminus ille nemini cognitus est, tum quia preces debent semper esse ex hypothesi voluntatis Dei, cui se suaque omnia fideles semper submittere debent.

XXI. Qui violentas sibi manus inferunt, non possunt hinc excusari, quia tale scelus non committunt, ut decreto Dei, quod ignorant, morem gerant, sed ut furorem diabolicum, quo perciti sunt, expleant; Nec magis excusantur apud Deum ob terminum vitæ suæ ita fixum, quàm latrones in necando viatore, qui ex Dei providentia in eorum manus incidit.

XXII. Doctrina de Terminò vitæ fixo, sic debet nos fortes & imperterritos reddere in periculis omnibus quæ nos circumstant, dum vocationem nostram sequimur; ut non faciat nos temerarios ad tentandum Deum, & adeunda quælibet pericula sine necessitate; ut Turcæ hoc prætextu, quòd dies ipsorum numerati sint, nullum fugiunt discrimen, & nihil sibi metuunt à peste, ejusque contagio, quos propterea *securos à peste, sed non tuos hac opinio præstat*, ut scitè Bulbequius loquitur epist. 4.

XXIII. Sive quis moriatur semel, aut bis, ut in Lazaro & filia Iairi visum, sive non moriatur, ut Enoch, aut tantùm immutetur, ut fideles superstites novissimo die, 1. Cor. 15. 51. manet tamen immobile Dei decretum, quo singulis præfixit aut vitam, aut mortem, unam, vel geminam, aut transmutationem.

XXIV. Incolæ primi mundi, Sodomitæ, & similes peccatores prorogare poterant vitam, si resipuissent; non ultra terminum à Deo fixum, quia ut non decreverat illis dare resipiscientiam, ita nec vitam eorum prorogare voluit, sed respectu causarum naturalium & cursus ordinarii vitæ.

XXV.

XXV. Ninivitis denunciatus fuit interitus sub conditione, nisi resipiscerent, sed tacitâ & subintellectâ, quod ut fieret, Deus terribili Prophetæ comminatione effecit. 20417.
VI.

XXVI. Quum Moses Ps. 90. dicit *dies vite nostræ esse septuaginta, vel octoginta annos*; non loquitur de termino vitæ speciali cuique individuo constituto, sed tum de termino generali, ad quem vita Israëlitarum sui temporis redacta erat, quorum corpora cadebant in deserto, & quidem magnam partem intra illum terminum 70. aut 80. annorum; tum de termino comuni posito vitæ hominum, qui *ὡς ἰπὶ τὸ πολὺ* intra terminum istum consistit, & quidem in valentioribus, paucis illum & rarissimè superantibus.

XXVII. Huc non malè refertur, quod passim apud Philosophos & Poëtas profanos de lethi certitudine & inevitabilitate legitur, ut illud Pindari Pythi. ode 12. *τὸ γὰρ μὲρσιμον, ἢ πείρφυκτον*, id est, *fatale decretum non est evitabile*. Unde nomen *morsis* videtur originem ducere à voce *μὲρ* quæ apud Poëtas pro letho sumitur, *μὲρ* enim à verbo *μείρω* deducitur, quasi *μεμελεσμένον* & *πᾶσιν*, ἐν δὲ τῷ *μὲρ* γινέσθαι *μὲρμον*, ut loquitur Etymo. magn. & per pleonasmum *σμέρσιμον*, τὸ πεπρωμένον ἔ τὸ εἰμασμένον. Et etiam pertinent ista Lucretii libro 3.

*Certa quidem finis vita mortalibus adstat
Nec devitari lethum posse, quin obeamus.*

Et ista Sillii Italici,

*Et pace & bello cunctis stat terminus avi,
Extremumque diem primus tulit.*

a quibus non abluunt hæc Ciceronis de Senectute, *Quod cuique temporis ad vivendum datum, eo debet contentus esse*. Et Senecæ de Consola. ad Marciam c. 20. *Nemo nimis cito moritur, qui visiturus diutius, quam vixit non fuit, fixus est cuique terminus, manebit semper ubi positus est, nec illum ulterius diligentia aut gratia promovebit.*

QUÆSTIO VI.

DE

PRÆDESTINATIONE.

An Prædestinatio publicè doceri, & prædicari debeat?

Affirm.

Occasio
Quæstio-
nis.

I. **O**ccasionem huic Quæstioni jam olim dederunt tempore Augustini, nonnulli ex Gallis fratribus: Cum enim ille in libris contra Pelagianos multa inseruisset & inculcasset de Prædestinatione, ut hac ratione veritatem adversus impia illorum dogmata defenderet, hac doctrinâ varios turbatos esse, constat ex duabus epistolis *Prosperi* Augustini discipuli, & *Hilarii* Arelatenfis Episcopi, quæ præfixæ sunt lib. de Prædestinatione Sanctorum, & bono perleverantiz Tom. 7. Oper. Aug. Causa fuit, non quòd eam omnino falsam judicarent, sed quòd existimarent ejus prædicationem periculosam esse, & invidiosam, quæ premeunda potius esset silentio, quàm in medium proponenda.

II. In ea etiam nonnulli sunt hodie sententiâ, qui pertæsi contentio-
rum, quæ circa hanc doctrinam omnibus penè seculis exorta sunt; putant tutissimum esse ad pacem Ecclesiæ, & ad tranquillitatem conscientiz, has Quæstiones non attingere; utpote quibus injiciantur animis scrupuli, & subnascantur dubitationes, quæ infirmorum fidem labefactare possint, & homines ad desperationem, vel securitatem carnalem impellere. Sed hæc oratio honestior est, quàm verior, nec facile recipi potest ab iis, qui norunt fructus uberrimos consolationis & sanctificationis, qui ex hac doctrina bene intellectâ ad fideles redeunt.

III. Unde sic statuendum putamus, doctrinam istam, nec præpostere modestiæ obtentu penitus esse suppressendam, nec præsumptione temerariâ curiosius esse rimandam, sed sobriè & prudenter ex Dei Verbo esse docendam, ut ita duo infames scopuli declinentur; hinc *affectedata ignorantia*, quæ nihil videre vult, & in revelatis sponte cæcutit; inde *curiositatis temeraria*, quæ nihil non videre & cognoscere etiam in arcanis satagit. In primum impingunt, qui *in defectu* peccantes, ab istius doctrinæ propositione abstinendum esse putant; In alium verò, qui in *excessu* errantes, volunt omnia in hoc mysterio *εξορχίζεν*, nec in eo quicquam *ἀνεξερεύντων* esse

esse arbitrantur. Adversus utrosque statuimus cum Orthodoxis, posse cum fructu doceri Prædestinationem, modò sobriè & sanctè ex Dei Verbo doceatur. Quæst. VI.

IV. Rationes sunt, 1. Quia Christus & Apostoli non semel eam docuerunt, ut constat ex Evangelio, Matth. 11. 20. 25. & 13. 11. & 25. 34. Luc. 10. 20. & 12. 32. Joh. 8. 17. & 15. 17. & alibi non semel, & ex Epistolis Paulinis, Rom. 9. toto & 8. 29. 30. Eph. 1. 4. 5. 2. Timoth. 1. 9. 1. Thess. 5. 9. 2. Thess. 2. 13. Nec aliter Petrus, Jacobus, & Johannes se gerunt, qui identidem occasione datâ de hoc mysterio loquuntur. Jam si illis licuit docere, cur non nobis discere? Cur doceret Deus quod ἀπὸ τοῦ οὐρανοῦ fuerat ἀκουον? aut cur ea voluit vulgari, quæ meliùs nesciuntur? An prudentiores Deo esse volumus, vel leges illi præscribere? Prædestinatio est docenda.

V. 2. Quia unum est ex primariis Evangelii capitibus, & fidei fundamentis, quod non potest sine insigni Ecclesiæ & fidelium detrimento retineri, utpote quod fons est gratitudinis nostræ erga Deum, radix humilitatis, fundamentum & anchora fiduciæ firmissima in omnibus tentationibus, consolationis dulcissimæ fulcrum, & potentissimum ad pietatem & sanctimoniam incitamentum.

VI. 3. Importunitas Adversariorum, qui primarium hoc fidei Caput exitialibus erroribus corruerunt, & infames quibus subinde doctrinam nostram proscindere solent calumniæ, Tractationis istius necessitatem nobis imponunt, ut veritas in aperta luce collocetur, & ab hominum malefactorum falsissimis & iniquissimis criminationibus liberetur; quasi fatalem & stoicam necessitatem inducamus, quasi per eam extinguamus omnem in animis hominum religionem, & eos vel in securitatis & profanitatis pulvinar, vel in desperationis barathrum projiciamus; quasi Deum crudelem, hypocritam, & authorem peccati, horresco referens, constituamus. Quæ omnia cum sint falsissima, necessariò debent refelli, sobriâ & salutari istius doctrinæ ex Verbo Dei propositione.

VII. Licet profani non rarò abutantur istâ doctrinâ perperam intellegentia; non propterea legitimus ejus usus erga pios debet tolli, nisi majorem profanorum, quàm fidelium rationem habere vellemus, 2. si propter abutendum quorundam abstinendum esset ab istius Mysterii propositione, abstinendum esset pariter à plerisque Religionis Christianæ Mysteriis, quibus profani abutuntur, vel quæ irrident & insectantur; qualia sunt Mysteria Trinitatis, Incarnationis, Resurrectionis & similia. 3. Calumniæ quibus Pseudapostoli doctrinam Pauli infamabant, non potuerunt efficere ut illam silentio premeret, imò divinè suo more eam executus est, ut Adversantium os ocluderet. Cur ergo ab ea nobis temperabimus? sequamur modò Pauli vestigia, & cum eo loquamur & taceamus. Fontes Solutio-num.

Quæst. VI. VIII. Si quidam doctrinâ istâ abutuntur, vel ad licentiam, vel ad desperationem; hoc non fit per se ex ipsa doctrina, sed per accidens ex hominum vicio, qui detorquent eam pessimè ad proprium exitium. Imò nulla est doctrina ex qua potentiores ad pietatem petantur stimuli, & uberiores fiducia & consolationis rivuli dimanent, ut suo loco videbitur.

IX. Prædestinationis Mysterium est sublimius, quàm ut à nobis possit capi, quoad τὸ διόν, & temerarius esset qui hujus rationes vel causas invenire vellet, vel reddere; Sed non obstat tamen quominus τὸ εἶς clarè doceatur in Scriptura, & à nobis teneri firmiter debeat: Duo ergo hic distinguenda sunt, alterum quod Deus in Verbo revelavit, alterum quod celavit; illud aspernari non possumus nisi perperam, hoc investigare nisi temerè nequimus, *Arcana Deo*, inquit Scriptura, *sed revelata nobis & filiis nostris*, Deut. 29. 29. revelata negligere est ingrati, sed occulta quærere est superbi, *Non ideo negandum est quod est apertum, quia comprehendere non potest quod est occultum*, ut ait Aug.

Quomodo
Prædesti-
natio sit
docenda.

X. Patres ante August. parcius de hoc mysterio locuti sunt, non quòd judicarent doctrinam esse silentio premendam, sed quia non dabatur occasio fusiùs de ea disputandi, nondum exortâ hæresi Pelagianâ, imò securiùs aliquando locutos fuisse certum est: non tamen hanc veritatem penitus tacuisse (nam ignorare qui potuerunt in Scriptura sacra tam clarè proposita?) probat August. lib. de bono Perseverantiæ, adductis in hunc finem ex Ambrosio, Cypriano, Nazianzeno testimoniis, cap. 15.

XI. Licet verò docendam censeamus Prædestinationem, non propterea sibilam curiositati humane laxandam, arbitramur, sed magnâ *sobrietate & prudentiâ* hic opus esse credimus, tum ut maneamus intra terminos a Scriptura præscriptos, nec sapiamus *πρό ὧ ἡγεγῆται*, tum ut prudenter rationem habeamus personarum, locorum, & temporum quibus proponi debet; Nec enim quibusvis statim, & primo ingressu hoc mysterium tradi debet, sed paulatim, & per gradus; nec æquè quoad omnes suas partes, quædam enim sæpius inculcari debent ut utiliores, & ad solatium piorum accommodatiores, ut Electionis doctrina, aliæ verò parcius tractari ut Reprobatio; Nec tam plebi in Ecclesia proponi, quàm τῷς μύσταις in Schola. Rursus, Prædestinatio non tam à priori spectanda est, quàm à posteriori; non ut descendamus à causis ad effecta, sed ut ascendamus ab effectis ad causas; non ut curiosè *librum vite* evolvamus, ut videamus, an nomina nostra ibi inscripta sint, quod nobis interdictum, sed ut sollicitè *librum conscientie* versemus, quod nobis non modò permissum, sed & mandatum, ut sciamus, an sigillum Dei impressum sit cordibus nostris, & an fructus electionis, scilicet & pœnitentia in nobis deprehendantur, quæ tutissima est procedendi via ad salutarem doctrinæ istius cognitionem:

Uno verbo curiosæ omnes & vanæ quæstiones hîc sunt fugiendæ, & quas Quæst.
VII.
Paulus vocat 2. Tim. 2. 23. ἀπειθεύτως ζητήσεις καὶ ἀπειράντως, quæ pugnas & contentiones solent excitare, & scopus unicus nobis esse debet fidem instituere, non curiositatem pascere, ædificationi consulere, non gloriæ nostræ velificari.

QUÆSTIO VII.

*Quo sensu vox Prædestinationis, προγνώσις, ἐκλογὴ, προ-
πίσις, in hoc Mystério usurpentur.*

I. **C**Um Scriptura variis utatur vocibus in hoc Mystério explicando, quarum genuina significatio multum lucis affert ad rei ipsius cognitionem; De illis in antecessum quædam præmittenda sunt.

II. Prima hîc occurrit vox *Prædestinationis*, quæ non levi brachio est præ- Prædestina-
tio
tercunda: Quamvis enim vox προορισμὸς non extet in Scriptura, verbum tamen unde de lucitur non semel legitur, Act. 4. 28. Rom. 8. 29. 30. Eph. 1. 5. Prædestinare autem seu προορίζειν ex vi verbi, est de rebus antequam fiant aliquid definire, easque ad certum finem dirigere.

III. Trifariam autem sumitur apud Authores. 1. *Latius* pro omni decreto Dei circa Creaturas, & potissimum circa Creaturas intelligentes in ordine ad ultimum earum finem; Et sic non semel apud Patres usurpatur pro ipsa Providentia. 2. *Specialius* pro consilio Dei de hominibus lapsis, vel salvandis ex gratia, vel damnandis ex iustitia, quod vulgò Electio & Reprobatio dicitur. 3. *Specialissimè* pro decreto Electionis, quæ Prædestinatio Sanctorum dicitur. Rursus juxta ultimam hanc ἁπλὴν bifariam sumi potest, non modò pro destinatione ad finem, sed singulariter pro *destinatione ad mediâ*, quo sensu usurpatur à Paulo, Rom. 8. 29. 30. quum ait Deum eos quos præcognovit *prædestinasse, ut sint conformes imagini Filii sui*, ubi manifestum est prædestinationem distingui à præcognitione, & respicere potissimum mediâ, non finem. Ita Eph. 1. 5. postquam dixit Apostolus Deum nos elegerisse in Christo, addit προορίσας ὑμᾶς εἰς υἰοθεσίαν, ut notet destinationem mediorum, quæ ad salutem ab electione destinatam obtinendam ordinantur.

IV. Circa vocem istam autem quæritur, An referenda sit tantum ad Electionem, An Reprobationem etiam complectatur? Quæ Controversia olim acriter disceptata fuit à causa Godeschalcii seculo nono, Johanne Eri-

QUEST.
VII.

genâ Scoto eam Electioni tantum convenire statuente, lib. de unica Prædestinatione; Godeschalco autem & Lugdunensibus, & eorum nomine Remigio Episcopo ad Reprobationem eam extendentibus. Idem nunc inter Nos & Pontificios quaritur. Pontificii enim, quibus Reprobationis nomen exosum est, primo sensu usurpandam esse pertendunt, unde reprobos, non prædestinatos, sed *præscitos* vocare solent: & non supponunt, sed opponunt reprobationem prædestinationi, ut Bell. Greg. de Valen. Pighius lib. 8. de libero Arbit. c. 2. Ad quos nonnulli etiam ex Orthodoxis accedere videntur, licet non eodem fine. Nos verò quamvis libenter fateamur, nomen Prædestinationis ex usu Scripturæ sæpius restringi ad Electionem; tamen non tantum ex propriâ vocis significatione, sed etiam ex usu Scripturæ & receptâ consuetudine, rectè extendi ad Reprobationem censemus, ut utramque consilii divini partem ambitu suo complectatur, tum Electionem, tum Reprobationem, quo sensu hic à nobis sumitur.

Prædesti-
natio com-
pletur
Electionem
& Repro-
bationem.

V. Rationes sunt, 1. Quia Scriptura verbum *προορίζω* extendit ad actus scelestos reproborum, qui crucifixionem Christi procurarunt, *Filius hominis abit, & τὸ σώμα ἐκένω*, Luc. 22. 22. & Act. 4. 28. *Nihil Herodes & Pontius Pilatus fecerunt, quàm quod manus & consilium Dei προορίζοι* fieri. Nec excipi debet, non agi hic de eorum reprobatione, sed ordinatione crucifixionis ad bonum finem. Quia ista non sunt opponenda, sed componenda; Crucifixio enim Christi, quæ nobis est medium salutis, Crucifigentibus fuit medium damnationis, quod à iustissimo Dei decreto pependit.

VI. Secundò, Scriptura utitur phrasibus æquipollentibus, quum ait quosdam positos esse ad iram, 1. Thess. 5. 9. 1. Pet. 2. 8. coagmentatos ad interitum, Rom. 9. 22. scriptos ad iudicium, Jud. 4. factos ad dedecus, Rom. 9. 21. & ad diem mali, Prov. 16. 4. Si Reprobatio istis phrasibus describitur, cur non poterit exprimi Prædestinationis voce? Tertiò, quia definitio Prædestinationis, ordinatio scilicet rei ad finem per media antequam sit, non minùs convenit Reprobationi quàm Electioni. Quartò, Patres non semel ita loquuntur, Concilium Valentinum, *Constituimus Prædestinationem electorum ad vitam, & Prædestinationem impiorum ad mortem*. August. Enchi. ad Laur. c. 100. *Implet ipse quod vult, bene utens & malis tanquam summe bonus ad eorum damnationem, quos iuste prædestinavit ad pœnam*. Et de Peccato. meritis & remiss. l. 2. c. 17. de C. D. l. 21. c. 24. Fulgen. ad Monimum lib. 1. Prosper. ad Capit. Gall. c. 14. Ilido. lib. 2. de summo bono c. 6. *Gemina est prædestinatio, sive electorum ad requiem, sive reproborum ad mortem*.

VII. Quamvis verò Prædestinatio nonnunquam strictè sumatur in Scriptura pro Prædestinatione Sanctorum, seu Electione ad vitam; Non sequitur non posse latius usurpari. Nec si objecta reprobationis & electionis sunt

op-

opposita, statim ipsi adtus à parte Dei sibi invicem adversantur, imò ab ea-
dem causa liberrimè agente possunt proficisci.

QUEST.
VIJ.

VIII. Secunda vox, quæ hic sæpius recurrit, est πρόγνωσις, de qua Pau-
lus non semel loquitur, Rom. 8. 29. ὅς πρόγνω, & Rom. 11. 2. non rejecit
populum quem πρόγνω, & Petrus c. 1. primæ v. 2. electi dicuntur ἡ πρό-
γνωσιν. Quia verò Pelagiani veteres & recentiores perperam hac voce abutun-
tur ad stabiliendam prævisionem fidei & operum; observandum πρόγνωσιν bi-
fariam posse sumi, vel theoreticè, vel practicè; priori modo pro simplici no-
titia Dei rerum futurarum, quæ præscientia dicitur, & pertinet ad intelle-
ctum; posteriori pro dilectione practica, & decreto quod Deus de hujus vel
illius salute statuit, & ad voluntatem spectat, hoc sensu cognitio sæpe poni-
tur pro dilectione & approbatione Pl. 1. 6. Joh. 10. 14. 2. Tim. 2. 19. Sic
γινώσκον non modò rem aliquam cognoscere, sed & de eâ cognoscere & ju-
dicare significat, ut *Plebiscitum* non est plebis notitia, sed *sententia*, à verbo
φαίσκειν, quod decernere & statuere significat: Quum ergo Scriptura utitur vo-
ce πρόγνωσις in doctrina de Prædestinatione, non eam usurpat priori sensu,
pro nuda Dei præscientia, quâ fidem vel opera hominum præviderit, 1.
quia illa præcognovit etiam quos reprobavit, at hic agitur de præcognitione
electis propriâ, 2. nuda præscientia non est rerum causa, nec modum aut
ordinem rebus imponit, sed invenit, ut hic fit tamen in serie salutis, 3.
quia nihil prævideri à Deo potuit, nisi quod ipse dederit, quodque adeo se-
quatur tanquam effectum Prædestinationem, non verò præcedat ut causa,
ut postea probabitur. Sed sumitur posteriori sensu pro *præcognitione practi-
ca*, id est, dilectione & electione Dei, ne putemus illam esse αἰώνιον, licet ra-
tiones sapientiæ ejus nos lateant, quo modo *Christus* dicitur προγνωσμένος
præcognitus à Deo, id est, ordinatus ante facta mundi fundamenta, 1. Pet. 1. 20.

IX. Rursus quia in benevolentia illa Dei & præcognitione practica di-
stinguimus, 1. amorem & benevolentiam, quâ nos prosequitur, 2. de-
cretum ipsum, quo constituit amorem suum in nos explicare per communi-
cationem salutis: hinc fit ut πρόγνωσις modò latius sumatur pro utraque, di-
lectione scilicet & electione, quo sensu usurpatur, Rom. 8. 29. & Rom. 11. 2.
modò strictius pro dilectione & favore, qui fons est & fundamentum electio-
nis, & ita Petrus 1. 2. de ea loquitur, quando dicit fideles electos esse ἡ πρό-
γνωσιν, secundum præcognitionem, id est, ex dilectione Dei.

X. Tertiò est expendenda vox ἐκλογῆς, seu *Electio*nis, quæ subinde oc-
currit, sed non semper eodem significatu, aliquando notat *vocationem ad
munus* aliquod politicum vel sacrum, ut 1. Sam. 10. 24. Saul vocatur ele-
ctus, & Joh. 6. 70. Judas electus, scil. ad Apostolatum. Aliquando co-
optationem & segregationem externam populi alicujus ad sedus Dei, quò
sensu populus Israëliticus dicitur à Deo electus, Deut. 4. 37. Sed in hoc
negotio

Quæst.
VII.

negotio sumitur propriè pro Electione ad æternam salutem, scilicet pro Dei consilio, quo Deus decrevit quorundam misereri ex gratia, eosque à peccatis per Filium liberatos salvare. Rursus eo respectu, vel sumitur *ob-jective*, pro ipsis electis, ut Rom. 11. 7. ἐκλογὴ ἐπέτυχεν, *Electio obtinuit, reliqui occalluerunt*, idest, electi; vel *formaliter* pro actu Dei eligentis, qui vocatur ἐκλογὴ χάριτος, Rom. 9. 11. quæ iterum spectatur, vel in antecedente decreto, quomodo facta est ab æterno, vel in subsequente executione, quomodo fit tantum in tempore per vocationem, quod Christus respicit Joh. 15. 16. *Vos non me elegistis, sed ego vos elegi*. Et v. 19. *Non estis ex mundo, sed ego vos elegi ex mundo*. August. utramque χάριν conjungit de Prædesti. Sanctorum c. 17. *Electi sumus ante Mundi constitutionem eâ prædestinatione, in qua Deus sua futura facta prævidit; de mundo autem electi sumus eâ vocatione, qua Deus id quod prædestinavit implevit*.

XI. Ita Electio vi vocis strictior est Prædestinatione; Nam omnes possunt prædestinari, sed non omnes possunt eligi, quia qui eligit, non omnes sumit, sed aliquos è multis legit; Electio aliquorum necessario aliorum præteritionem & rejectionem infert, *Multi vocati*, inquit Christus, at *pauci electi*, Mat. 20. 16. & Paulus Rom. 11. 7. *Electi affecti sunt, reliqui occalluerunt*, hinc 2. Thessal. 2. 13. utitur verbo ἐλεω ad electionem designandam, quod secretionem aliorum ab aliis innuit, *Deus vos ἐλεω à principio*, id est, *exemit & separavit ad salutem in sanctificatione spiritus, & fide veritatis*.

πρόθεσις.

XII. Quartò πρόθεσις à Paulo sæpe usurpatur in Electionis negotio, Rom. 8. 28. & 9. 11. Ephes. 1. 11. ad designandum, consilium hoc Dei non esse inanem quandam & inefficacem velleitatem, sed constans, determinatum, & immutabile Dei propositum. Vox enim est efficacis summæ, ut notant Grammatici veteres, & signatè vocatur à Paulo, πρόθεσις τῇ τοῦ πάντων ἐργῶντος, *consilium illius qui efficaciter omnia operatur ex beneplacito suo*, Eph. 1. 11. Aliquando electioni tribuitur, ut Rom. 9. 11. πρόθεσις κατ' ἐκλογὴν, *propositum Dei secundum electionem*, & Eph. 1. 11. *prædestinati dicimur & πρόθεσιν*, aliquando vocationi jungitur, Rom. 8. 28. τοῖς & πρόθεσιν κλητοῖς, *qui vocati sunt secundum propositum*, quia tum Electio, tum Vocatio, hoc Dei proposito nititur, & in eo fundatur.

XIII. Licet autem istæ voces sæpe promiscuè usurpentur, non rarò tamen distinguuntur, nec sine ratione à Spiritu Sancto adhibentur, ad varias istius decreti χάρις designandas, quæ unicâ voce non ita commodè possent explicari. Nam ut decretum istud potest concipi, vel ratione *principii* à quo oritur, vel ratione *objecti* circa quod versatur, vel ratione *mediorum*, per quæ impletur; ratione prioris mentio fit *προθέσεως* vel *εὐδοκίας*, quæ consilium & beneplacitum Dei notat, ut primam causam istius operis; ratione posterioris dicitur *πρόγνωσις*, vel *ἐκλογὴ*, quæ versatur in secretionem certarum perso-

personarum ab aliis ad salutem; ratione verò postremi usurpatur vox *QUEST. VII.*
προορισμῷ, secundum quem Deus præparavit media ad finem obtinendum
 necessaria; *ἐλέησις* respicit finem, *ἐργασία* objecta, *προορισμός* me-
 dia; *ἐλέησις* certitudinem eventus, *ἐργασία* & *ἐκλογή* personarum sin-
 gularitatem, & distinctionem, *προορισμός* mediorum ordinem; ut Ele-
 ctio sit certa & immutabilis per *ἐλέησιν*, determinata & definita per *ἐρ-
 γασιν*, & ordinata per *προορισμῶν*.

XIV. Hisce verò tribus gradibus, si ita loqui licet, decreti æterni, ex adverso
 actus tres in executione temporali respondent, vocatio, justificatio, & glori-
 ficatio: Ut enim glorificabimur apud Patrem, redempti per Filium, & vocati
 per Spiritum Sanctum; Ita Pater nos glorificare proposuit apud seipsum ab
 æterno, hæc est *ἐλέησις*; elegit in Filio, hæc est *ἐργασία*; prædestina-
 vit ad gratiam & dona Spiritus Sancti, qui Filii obli-gnat imaginem in no-
 bis per sanctitatem, & patientiam crucis, is est *προορισμός*. Sicut enim
 Pater mittit Filium, Filius cum Patre Spiritum Sanctum; Ita vice verâ
 Spiritus S. nos ad Filium ducit, & Filius ad Patrem deducet tandem.

XV. Hæc autem vocabula quibus describitur Prædestinatio Membro-
 rum, usurpantur etiam ad exprimendam Prædestinationem Capitis. Nam
 de eo pariter dicitur *ἐλέησις*, Rom. 3. 25. quum ait Paulus *ὁ ἐλεήσας ἡμᾶς*
ἰλαστήριον &c. *ἐργασίας*, 1. Petr. 1. 20. ubi dicitur *προεργασμένων* &
προορισμός, non modò quando dicitur *ἐλεός* Filius Dei, Rom. 1. 4.
 sed & quum mors ipsius dicitur contigisse ex definito Dei consilio, Act. 2.
 23. & ex ejus prædestinatione, qui *πρόβλεπται* fieri quæcunque ab Herode &
 Pontio Pilato gesta sunt.

QUÆSTIO VIII.

De ANGELORUM PRÆDESTINATIONE.

*An detur Prædestinatio Angelorum, & An sit ejusdem generis
 & ordinis cum Prædestinatione hominum? Prius aff.
 Poster. neg.*

I. **L**icet Scriptura longè parcius loquatur de Prædestinatione Angelo-
 rum, quàm de Prædestinatione hominum, quam nosse plurimùm
 nostra refert. Quia tamen ad nostram ædificationem pertinere ju-
 dicavit quædam de ea tradere; nostrum est eam ducem sequi, & ab ea disce-
 re, quæ super hoc argumento docere nos voluit.

QUEST.
VIII.
Datur An-
gelorum
Prædesti-
natio.

Objectum
ejus.

II. Dari Prædestinationem Angelorum Scriptura testatur apertè, quum meminit Angelorum Electorum, *Obiecto*, inquit Paulus ad Timoth. primæ c. 5. *coram Deo & Angelis*, quod non tantum *adjectivè* dicitur, quia sunt eximii & præstantes, sed etiam *participialiter*, quia sunt à Deo electi, ut ita à reprobis discernantur, quorum etiam reprobatio non semel describitur, quando dicuntur catenis caliginis traditi damnationi servari iudicio magni illius diei, 2. Pet. 2. 4. & Jud. 6. & ignis æternus illis paratus statuitur ab æterno, non materialis & sensibilis, qui Spiritus attingere non potest, sed spiritualis & intelligibilis, quo torquentur animæ, Matth. 25. 41. Unde casus eorum proponitur, Luc. 10. 18. Apoc. 12. & 20. 10.

III. Quale autem fuerit ejus *objectum*, quaeritur, id est, quales Deo prædestinanti obversati sint Angeli; Volunt quidam fuisse *pares*, non *impares*, id est, integros adhuc & stantes, sed labiles, ex quibus quosdam è lapsu præservare & in bono confirmare; alios lapsui permittere, & propter peccatum damnare decreverit, quod quidem verè dici potest, si Reprobatio latiori sumatur significatu, prout decretum non præservandi à lapsu, & illum permit- tendi includit, sic enim objectum ejus non potest non esse Angelus integer, sed labilis: Verum si strictius & magis propriè intelligitur, prout notat decretum deferendi in lapsu, & damnandi propter lapsum; Angeli non possunt hîc spectari tantum ut integri, at labiles, ut respectu electorum; sed ut lapsi. Primò, quia labilitas Creaturæ eam non facit reprobabilem, sed lapsus; nec jure quis pœnæ addicitur, aut addicendus decernitur, eo quòd peccare possit in Leges, sed quòd de facto peccasse supponatur. Deinde reprobatio omnis absolute considerata est actus justitiæ & iræ, siquidem per illam vasa iræ fiunt, & coagmentantur ad interitum, Rom. 9. 22. unde non potest simpliciter esse actus beneplaciti, ut permissio peccati, quæ à solo ejus beneplacito pependit, quippe, cum omnes paris essent conditionis, & pariter labiles, à solo ejus *arbitrio* factum, quòd horum potius quàm illorum lapsum permittere decreverit. Tertio, quia Prædestinatio hominum supponit peccatum, ut postea probabitur; ergo & Angelica respectu reprobationis, ratio enim diversitatis commoda dari nequit.

IV. Scriptura eò nos videtur deducere, quæ reprobationem ut consequens peccati considerat, quum ait *Deum non pepercisse Angelis lapsis*, 2. Pet. 2. 4. *Sed eos catenis caliginis detrusos tradidisse, ut asservarentur ad iudicium.* Et Jud. 6. dicit *reservasse iudicio magnæ diei Angelos, qui non servarunt suam originem*; Ergo per prius concipiuntur peccasse & deseruisse originem suam, quàm concipiantur reprobat, cum primus gradus reprobationis in derelictione in lapsu, & abdicatione à facie Dei collocetur. Non ergo reprobat & pœnæ æternæ devovit, quos sineret labi, sed eos quos siverat labi suâ ipsorum culpâ, reprobat, & abdicavit in æternum.

V. Licet verò permissio lapsus Angelorum supponatur eorum Reprobationi, non propterea sine fine à Deo decreta censetur; finis enim illius decreti potuit esse manifestatio gloriæ Dei in infirmitate Creaturæ, ut discrimen creaturæ mutabilis & labilis, à Creatore immutabili & æterno clarius pateret; Unde lapsus in tempore non fuit medium exequendæ reprobationis, sed fuit conditio in objecto requisita, ad quam sequebatur reprobatio, tum quoad desertionem in lapsu, tum quoad damnationem.

Quæst. 17.
VIII.

VI. Atque hinc colligitur primum discrimen Prædestinationis Angelorum & hominum: Quòd in ista obversentur Deo homines pares, in eadem corruptionis massa, & ut peccatores & lapsi; Sed in illa Angeli dispares Deo objecti sint. Nam qui electi sunt ex ipsis, spectati sunt ut stantes Dei gratiâ, qui verò reprobati, ut lapsi propriâ culpâ. Labilitas quidem fuit communis omnium, sed non propter eam reprobari debuerunt, aliâs omnes reprobandi fuissent, quia fuit hic status naturæ integræ; sed propter lapsum, qui fuit status naturæ corruptæ, atque adeò justè reprobabilis.

VII. Ut verò de utraque Prædestinationis Angelorum parte aliquid dicamus. Prima occurrit *Electio* bonorum, quæ duobus actibus absolvitur, *Præservatione à lapsu*, seu *confirmatione in bono*, & *destinatione ad vitam & felicitatem supernaturalem*, quorum uterque ex eventu patet. Cùm enim quidam ex ipsis originem suam servarint, & in bono sint confirmati, ut faciem Patris videant continuò, Matth. 18. 10. dubitari nequit quin hoc ab Electione pendeat, siquidem non potuit oriri à natura, quæ fuit omnium communis ex Creatione, communia autem non faciunt discrimen. Interim gratia, vel virtus quâ steterunt Angeli boni usque ad confirmationem suam, & aliorum lapsum, distinguenda est à *gratia confirmante*, quæ fuit primum Electionis beneficium: Nam quamdiu steterunt antequam confirmarentur, stabant per eas vires quas acceperant in Creatione, & quæ illis concreatæ erant, per quas etiam Angeli mali steterunt usque ad lapsum; sed quando confirmati sunt, non tantum ut non laberentur, sed ut neque essent amplius labiles, hoc ab Electione fluxit, quæ hos ab illis secrevit. Antea habuerant *auxilium sine quo non*, quod illis sufficiebat ad standum si voluissent; sed per Electionem habuerunt *auxilium quo actu & immutabiliter starent*, cujus vi, ex statu labilitatis traducti sunt ad statum immutabilem felicitatis & gloriæ inamissibilis.

Electio Angelorum.

VIII. Quamvis verò ista Electio non possit dici gratuita, eo modo quo Electio hominum, quæ solâ Dei misericordiâ nititur, non desinit tamen esse gratuita, quia Deus ad eam non tenebatur. Nam licet ex hypothese decreti de creandis Angelis, eos bonos & sanctos, non peccatores creare debuerit; non tenebatur illos creare justos immutabiliter, & nullam fecit injuriam iis quos labi permisit suâ ipsorum culpâ, & citra ullam injuriam potuiff-

QUEST. set alios in isto labilitatis statu relinquere. Quod ergo gratiam confirmationis illis largiri voluerit, fuit ex beneplacito suo, non ex ipsorum merito.

An Angeli
electi sint in
Christo.

IX. Quomodo autem confirmationis istius gratiam consecuti sint, & An in Christo benedicantur electi, quaritur inter Theologos, nec omnes inter se consentiunt. Consentiant quidem omnes, non posse dici *electos in Christo Redemptore*, quia ubi non est peccatum, ibi non datur redemptioni locus: Sed in eo dissident; An aliquâ saltem ratione *Mediator* ipsorum dici possit, non quidem *Redemptionis*, sed *Præservationis*, *Confirmationis*, & ἀνακεφαλαιώσεως recollectionis, ut qui naturâ erant labiles, in gratia confirmarentur ne laberentur, & qui à lapsu præterito non erant redimendi, saltem à futuro præservarentur. Hæc fuit mens Bernardi Serm. 22. in Cantu. qui vult Christum Angelorum fuisse Redemptorem, Quo pacto enim tu dicces D. Jesum Christum bonis Angelis fuisse Redemptorem? qui erexit hominem lapsum, dedit stanti Angelo ne laberetur, sic illum à captivitate eruens, sicut illum à captivitate defendens, & hac ratione fuit æquæ utrique Redemptio, solvens illum hominem, servans istum Angelum &c.

X. Quamvis verò sententia ista nihil habeat quod repugnet analogiæ fidei, putamus tamen veriore esse, & Scripturæ verbis magis conformem eorum sententiam, qui negant Electionem Angelorum factam esse in Christo Mediatore. Fatemur quidem confirmationis gratiam illis per Λόγον obtigisse, ut à quo entitatem acceperant, ab eodem ejus conservationem mutarentur; quia Pater non nisi per Filium operatur, tam in operibus naturæ, quam in operibus gratiæ, Jo. 5. 17. qui fons est omnis vitæ & gratiæ. Sed hoc posse pariter de Christo Θεωδωρίω & Mediatore dici non putamus.

Angeli non
sunt electi
in Christo.

XI. Rationes sunt, 1. Quia Scriptura nunquam sic loquitur, quæ Mediatorem Christum vocat inter Deum & homines, sed nunquam Angelorum, 1. Tim. 2. 5. imò expressè negat Christum assumpsisse Angelos, sed semen Abraham Hebr. 2. 16. 2. quia Mediator omnis supponit partes dissidentes, est enim duorum Gal. 3. 20. at nullum erat dissidium inter Deum & Angelos 3. quia Mediatorem utrique parti conjunctum esse oportet, quod de Christo respectu Angelorum dici nequit, 4. quia quorum Christus est Mediator, eorum est ἱλασμός, & Advocatus, quia isti sunt actus formales mediationis, 1. Tim. 2. 5. 6. & 1. Jo. 2. 1. 2. Sed cum actus illi circa peccatores tantum occupentur, non possunt locum habere respectu Angelorum.

Fons
Solutio-
num.

XII. Christus rectè potest dici *Caput Angelorum*, ratione dominii & regiminis, quia ipsi etiam, ut Mediatori subsunt Angeli, tanquam Domino & Regi, cui in conservanda & tuenda Ecclesia ministrant, Hebr. 1. 14. & hoc sensu Angeli & Potestates dicuntur illi subjici, 1. Pet. 3. 22. sed non bene dicitur *Caput influxus & sustentationis*, ut respectu fidelium, quos ut membra Corporis sui mystici sibi unit & vivificat; unde Paulus, qui Eph.

Eph. 1. 21. Christum exaltatum super omnem potestatem asserit; *soli Ec-* Quæst. VIII.
clesia datum esse in Caput testatur, v. 22. 23. *quæ est ejus Corpus, & com-*
plementum ejus qui implet omnia in omnibus, non sanè in omnibus Creatu-
 ris, sed in omnibus fidelibus, qui pertinent ad illud Corpus suum, quod
complementum ejus vocat, tum *active*, quia illud implet gratiis suis, tum
passive, quia Corpus istud mysticum, ex membris istis coagmentatur &
 completur.

XIII. Non magis requiritur Mediator ad confirmandam Creaturam in
 gratia Creatoris, quàm requirebatur ad eam creandam & primitus cum eo
 uniendam: quia eadem est utrobique ratio; si ergo Mediator non potest dici
 fuisse ad eorum Creationem, ergo neque ad eorum confirmationem.

XIV. *Angeli dicuntur immundi, & stolidi coram Deo*, Jobi 4. 18. & *Job. 4. 18.*
 15. 15. non *absolute*, quasi defectus aliquis culpabilis in ipsis foret; sic *et 15. 15.*
 enim *sancti* non possent vocari, sed *comparatè* quoad Deum, relatè ad in-
 finitam ejus perfectionem, quia essentialiter, immutabiliter, & indepen-
 denter est Sanctus. Nec si opus habuerunt Filio Dei conservatore & confir-
 matore, ut in ipso & per ipsum subsisterent, per quem creati fuerant, Col.
 1. 16. 17. 18. statim opus habuerunt Christo Redemptore; aliàs etiam ho-
 mo eo eguisset in statu integritatis, quod nemo tamen dixerit.

XV. Loca Eph. 1. 10. ubi *omnia recollecta dicuntur in Christo, tam quæ* Eph. 1. 10.
in cælis quàm quæ sunt in terra, Et Col. 1. 20. *quum per ipsum reconciliata* Col. 1. 20.
dicuntur omnia Deo, pace per sanguinem ejus facta: non evincunt Electio-
 nem Angelorum bonorum factam esse in Christo. 1. Quia possunt referri
 ad homines, tam comprehensores, quàm viatores, ut significetur in Chri-
 sto recolligi & reconciliari Deo universam Ecclesiam, tam Veteris quàm
 Novi Testamenti, illam triumphantem in cælis, istam militantem adhuc in
 terra; atque id eò certius videtur confirmari, quòd agatur de recollectione,
 & reconciliatione eorum qui disjecti, & divisi fuerant à Deo per peccatum,
 quod de Angelis dici nequit. 2. Quamvis verba extenderentur ad Angelos,
 non sequeretur electos fuisse & confirmatos per Christum; quia possunt dici
 recolligi in Christo, vel quatenus per homines in Angelorum lapsorum lo-
 cum subrogatos per Christum, reparatur & refarcitur veluti eorum jactura,
 ut voluit *Augustinus* Enchir. c. 62. & post eum *Lombardus*. Vel quate-
 nus Christus pace facta Angelos hominibus conciliavit; ut posita seditione,
 boni cives, & rebelles, qui priùs insensu erant inter se, reconcilientur, &
 positis odiis sub eodem Principe vivunt ita tranquillè, ac si unum ex omni-
 bus conflatum esset corpus, quæ sententia est *Chrysost.* in h. l.

XVI. Atque hinc oritur secundum discrimen Prædestinationis Ange-
 lorum, & hominum, quòd isti quidem in Christo sunt electi, Ephes. 1.
 4. scilicet servandi & redimendi; Sed Angeli licet per Filium Dei sint con-

Quæst. VIII. firmati, non tamen in Christo possint dici electi; qui illis quidem uti potuit, ut ministris, sed pro quibus tamen venire non debuit, ut Mediationis suæ objectis.

XVII. Positâ verò quorundam Electione, sequitur aliorum Præteritio, quâ non modò confirmare eos in bono noluit, sed peccatum eorum permittere, &posito lapsu, illos in eo derelinquere, & propter lapsum damnare decrevit. Quò refertur illorum Reprobatio, quæ duobus etiam actibus, continetur, uno *negativo*, qui est derelictio in lapsu, alio *affirmativo*, qui est ad æternum supplicium damnatio; nec enim tantum sunt præteriti, dum negata est ipsis confirmatio in bono, & è malo erectio, sed & pœnis æternis positivè sunt addicti, Matt. 25. Jud. 6.

XVIII. Rursus in *Præteritione* duos actus possumus notare: 1. *lapsus permissionem*, quam diximus Reprobationem præcedere in signo rationis, secundò. *derelictionem in lapsu*: prior est actus meri beneplaciti; nam si quæritur ratio, propter quam quosdam præservare voluit à lapsu, alios verò lapsui permittere, nulla alia reddi potest præter solum beneplacitum, quia ita illi libuit; posterior est actus justitiæ, ideo enim eos voluit in peccato derelinquere, quia hoc meruerant. Ita autem omnes in peccato deseruit, ut nulli spem gratiæ facere voluerit, vel cuiquam ex illis pepercerit, sed æterno & irrevocabili supplicio addixerit, severiùs cum illis, atque cum hominibus agendo, quorum nonnullos à lapsu erigere misericordiâ suâ in Christo voluit; sed hîc in casu simili, gratiam similem denegavit, parcendo hominibus, non pepercit Diabolis; sed voluit ut vulnus eorum esset immedicabile, & ruina irreparabilis. Si quæratur ratio, respondet Aug. *occulta esse potest, sed injusta esse non potest*. Variæ vulgò afferuntur probabiles. 1. quòd homo peccârit ex fragilitate, Diabolus verò ex malitia, quò sublimior autem ejus fuit cognitio, eò & gravius peccatum. 2. Quòd homo ab alio seductus, Diabolus verò nullo instigante, sed propriâ voluntate, apostasiâ planè voluntariâ, & prorsus spontaneâ. 3. Quia in Angelorum lapsu, non tota natura Angelicæ cecidit, at in homine peccante totum genus humanum cecidit, ideo ne totum genus interiret, divina misericordia remedium exhibuit. Sed quæcunque rationes afferantur, in liberrimo Dei beneplacito præstat acquiescere, & grato animo φιλαγάθῳ Dei erga nos agnoscere & celebrare, per quam relictis Angelis peccantibus, nihilo nobis inferioribus, imò longè quoad naturam præstantioribus, quibus in æquali culpa non æqualem largitus est gratiam; nos tamen in peccato pariter jacentes & reos ex lapsu, admirabili misericordiâ erigere & ad salutem perducere statuit.

XIX. Ut ergo Deus decrevit Angelorum creationem ad bonitatis suæ manifestationem, & permissionem lapsus eorum ad libertatis suæ, & absoluti dominii demonstrationem, & majorem gratiæ suæ, in aliis, quos præservare

servare voluit à lapsu, illustrationem; Ita derelictionem in lapsu, & damnationem propter peccatum ipsorum ad justitiæ suæ ostensionem, constituit.

XX. Damnatio autem Angelorum, quæ est actus positivus Reprobationis, duabus partibus absolvitur, *dejectione e cælo*, & *detrusione in tartarum*: Utriusque meminit Scriptura; primæ quidem, dum dicitur e cælo cadere, Luc. 10. 18. *Contemplabar Satanam instar fulguris e cælo cadentem*, & Apoc. 12. 9. 10. *Accusator fratrum, qui vocatur Diabolus, cum Angelis suis, dicitur in terram dejectus*, quod supplicium peccato apprimè respondet; Nam ut domicilium suum & originem reliquerant, sponte à Deo deficiendo, ita justissimum fuit à beatis illis sedibus exturbari longè à Dei conspectu, quomodo Rex cum ex aula sua ejicit, à quo graviter est offensus. Secundæ etiam meminit non semel, ut quum Petrus ait, *Angelos malos tenegit* ἑκαστὸν τῶν πονηρῶν ἀγγέλων *catenis caliginis vinctos in tartarum precipitari* cap. 2. 2^a 4. & Judas in judicium magnæ diei vinculis æternis sub caligine reservare dicit, & Apoc. 20. conjici in stagnum ignis & sulphuris, paratum ipsis ab æterno, Matth. 25. dicuntur.

XXI. Licet verò justissima ista Dei sententia in Diabolum statim lata sit, non tamen statim quoad omnes partes executioni mandata est: Nam quamvis e cælo ejectus sit, non illico in tartarum detruditur, sed permittitur illi adhuc mora quædam in mundo, Deo illi habenas aliquatenus laxante pro sapientiâ suâ, tum ad exercitium piorum, tum ad impiorum pœnam, unde dicitur *Princeps æris, & mundi, Deus hujus seculi*, qui instar Leonis rugientis nos circumstat, quærens quem devoret, 1. Pet. 5. quò referenda sunt, quæ Apoc. 20. de *solutione & ligatione Satana* habentur, donec ultima die projiciatur in stagnum ignis & sulphuris, ubi in æternum torqueatur, Apoc. 20. 10. 14.

XXII. Ex quibus patet ita in statu pœnali jam constitui Angelos lapsos, ut reprobatio sua ipsis sit cognita, sciantque ad majorem sui desperationem, nullam spei scintillam ipsis esse reliquam: ut hîc etiam differant ab hominibus reprobis, quorum licet certa sit ab æterno & immutabilis reprobatio, nemini tamen dum in terra versantur, cognita est infallibiliter; sed Diaboli damnationis pœnam ita sustinent, ut sciant se esse extra omnem spem veniæ, ut tam præposteræ sit misericordiæ condolare vel le illorum miseriæ, quàm ridiculæ spei aliquid sperare cum Origene de eorum restitutione post varias seculorum revolutiones.

QUÆSTIO IX.

De PRÆDESTINATIONIS OBJECTO.

*An Objectum Prædestinationis sit homo creabilis, aut labilis;
An verò homo conditus, & lapsus? Prius
neg. Poster. affir.*

I. **P**ostquam de Prædestinatione Angelorum dictum est, Ad Prædestinationem hominum est veniendum: Prima quæstio respicit ejus *Objectum*, circa quod, quia variant ipsorum etiam Orthodoxorum sententiæ, paulò distinctius de eo agendum est.

Status

Quæstio-
nis.

II. Non quæritur simpliciter, *Quodnam* sit objectum Prædestinationis ratione naturæ; Constat enim hic agi de genere humano, non Angelico, de quo supra dictum est; Sed *Quale* illud sit ratione qualitatis, id est, qualiter homo consideratus sit in mente Dei prædestinantis, & quibus qualitatibus vestitus; An ante creationem, & lapsum, An verò post.

III. Sententiæ Theologorum ad tres ordines possunt referri. Alii enim *supralapsum* ascendunt, unde & *Supralapsarii* dicti, qui objectum Prædestinationis volunt esse hominem, vel nondum creatum, vel saltem nondum lapsum. Alii *infralapsum* descendunt, & hominem non tantum ut lapsum, sed etiam ut redemptum per Christum, & vel credentem, vel incredulum objectum Prædestinationis statuunt. Alii medium tenentes *in lapsu* subsistunt, & hominem lapsum Deo prædestinanti objici pertendunt. De secunda sententia postea agetur, nunc prima & tertia excutiendæ sunt.

IV. In antecessum verò observandum, qualiscunque sit Theologorum hac in parte diversitas, manere tamen apud utrosque saluum fidei fundamentum, & ex æquo istos opponi exitiali Pelagianorum & Semipelagianorum errori; Nam & illi qui in hoc negotio altius ascendunt, & creationem aut lapsum hominis in Prædestinationis decreto includunt, & qui utrumque supponunt, in eo omnes conveniunt, quòd homines Deo *pares*, non *impares* objiciunt, & tales quorum discretio à solo Deo pendeat, à quo fundamento recedunt omnes sectarii.

V. Licet verò non incommodè geminæ istius sententiæ conciliatio instituaturs à quibusdam, ex latiore, vel strictiore vocis Prædestinationis usu, quæ vel *generaliter* ab illis sumitur pro omni Dei decreto circa hominem in ordine ad ultimum ejus finem, quo sensu dubium non est quin com-

complectatur decretum de creando homine, & permittendo ejus lapsu: vel *Quæst.*
specialiter ab istis pro consilio Dei de servandis hominibus ex misericordia, *IX.*
 & damnandis ex justitia, quo modo resolvitur in Electionem & Reprobationem, & pro objecto habet hominem lapsum. Quia tamen prior illa significatio non est ex usu Scripturæ, & confundit opera naturæ & gratiæ; Creationis & Redemptionis ordinem; lubentiùs acquiescimus in posteriori sententia, quam Synodus Dordracena sapienter ex Verbo Dei sancivit, tanquam veriore, & ad conscientias tranquillandas, & cavilla Adversariorum amolienda commodiorem. Eam verò esse sententiam Synodi, ne quis dubitare queat, evincunt verba Artic. 6. *Ubi profunda misericors pariter, & justa hominum equaliter perditorum discretio*, dicitur esse *Decretum illud Electionis & Reprobationis in Verbo Dei revelatum*. Et Artic. 7. *Electio definitur immutabile Dei propositum, quo ante jacta mundi fundamenta, ex universo genere humano ex primæva integritate in peccatum & exitium suâ culpâ prolapsa, secundum liberrimum voluntatis suæ beneplacitum ex merâ gratiâ, certam quorundam hominum multitudinem, aliis nec meliorum, nec digniorum, sed in communi miseria cum aliis jacentium, ad salutem elegit in Christo, &c.*

VI. Ut verò *Quæstionis Status* meliùs percipiatur, observa 1. Non quæri, An Creatio hominis & Permissio lapsus cadant sub Dei decretum: utrinque enim est in confesso, tam illam quàm hunc à Deo esse præstitutum. Sed, An se habeant ad modum *medii* respectu decreti salutis & damnationis; & An Deus in signo rationis concipiatur priùs cogitasse de hominum salute & exitio, quàm de eorum creatione & lapsu.

VII. 2. Non quæritur rursus, An in Prædestinatione ratio peccati in considerationem veniat; Non diffitentur enim, qui supra lapsum ascendunt, consequenter hinc respici, ut nemo damnetur nisi propter peccatum, & nemo salvetur nisi qui miser fuerit & perditus; Sed quæritur, An peccatum se habeat antecedenter ad Prædestinationem quoad esse prævisum, ita ut homo non obversetur, nisi ut lapsus Deo prædestinanti; quod volumus.

VIII. 3. Non quæritur, An peccatum habeat rationem *cause impulsivæ* respectu Prædestinationis. Agnoscunt enim qui in lapsu subsistunt non posse dici causam, nec respectu Reprobationis, quia sic omnes reprobarentur, multò minùs respectu Electionis: Sed quæritur tantùm, An rationem habeat *qualitatis* vel conditionis præcedanæ in objecto requisitæ, duo enim hæc multùm differunt; *Qualis* sit Prædestinatus, & *Quare*, sive propter quid: Illud notat qualitatem & conditionem objecti, hoc verò causam. Ita quæstio eò redit: An Deo prædestinanti homo obversatus sit, non modò ut creabilis, vel conditus, at non lapsus, sed etiam ut lapsus; non quoad esse reale, sed quoad esse cognitum & intentionale, ut licet lapsus non fuerit

QUEST. causa, fuerit tamen conditio & qualitas in objecto prærequisita? Negant
IX. Viri Docti cum quibus nunc agimus; Nos affirmamus.

Homo creabilis non est objectum Prædestinationis.
IX. Rationes sunt; 1. Quia Nonens non potest esse objectum Prædestinationis. At homo creabilis, vel labilis simpliciter est Nonens, quia per creationem à non esse fuit productus. Ratio majoris ex eo patet, quòd salus & exitium quæ per Prædestinationem intenduntur, sunt fines qui introducuntur in subjectum; quod propterea supponitur jam existere. Nec hinc excipi debet objectum Creationis seu decreti Creationis, fuisse Nonens; Ergo & tale potuisse pariter esse objectum Prædestinationis. Nam longè dispar est ratio Creationis, quæ dicit productionem rei, & sic objectum suum facit, non supponit; alia verò Prædestinationis, quæ versatur circa objectum jam constitutum, & quæ non facit simpliciter ut sit, sed ut sit hoc vel illo modo. Ut ergo decretum de homine creando debuit habere pro objecto hominem creabilem, cui destinabatur; Ita decretum de homine salvando, vel damnando debuit respicere hominem lapsum, quia illi destinabatur redemptio, vel exitium: subjectum autem omne suis adjunctis prius esse concipitur.

X. 2. Quia vel omnes homines creabiles sunt objectum Prædestinationis, vel aliqui tantum ex illis, sed neutrum dici potest: Non prius, quia sunt innumeri homines possibiles, qui nunquam creandi sunt, ac per consequens nec salvandi, nec damnandi: Non posterius, quia si aliqui tantum, ex omnibus creabilibus; ergo non fuere indefinitè præsciti, sed definitè quæ futuri; nulla enim alia ratio reddi potest, cur alii creabiles non sint prædestinati, quàm quia non erant futuri. Frustra regeretur omnes homines creabiles absolutè non esse Prædestinationis objectum, quia non omnes sint creabiles in tempore; Nam, præterquam quòd absurdè dicerentur creabiles, si non possent creari; nulla ratio potest afferri, cur quotquot sunt creabiles, non cadant sub objectum Prædestinationis, si homo creabilis quæ talis est ejus objectum; Ergo ut discrimen inveniatur inter eos, qui possunt objici Deo prædestinanti, vel non, descendendum est ad decretum Creationis, ut supponantur creandi rei ipsa, non tantum creabiles.

XI. 3. Qui objicitur divinæ Prædestinationi, debet esse vel eligibilis per misericordiam, vel reprobabilis per justitiam; sed hoc dici nequit de homine creabili & labili, sed tantum de creato & lapso. Nec valet hinc distinctio *actuum elicitorum & imperatorum*, quasi homo non sit eligibilis, vel reprobabilis quoad actus imperatos, id est, quoad actualem misericordiam, sed bene quoad elicitos, id est, intentionem miserendi, & puniendi. Nam gratis supponitur latius patere actus elicitos quàm imperatos, cum isti sint illorum effectus; & misericordiz, vel justitiz Dei effecta destinari posse creaturis, nec miseris, nec reis, quod repugnat naturæ proprietatum istarum respectivarum, quæ objectum certis qualitatibus vestitum supponunt.

XII.

XII. 4. Si Prædestinatio respicit hominem creabilem vel labilem, creatio & lapsus erunt media Prædestinationis; sed hoc rectè dici nequit. 1. Quia Scriptura nunquam de illis, ut de mediis Prædestinationis loquitur, sed ut de conditione antecedentè, dum transit à Prædestinatione ad vocationem. 2. Medium necessariam habet connexionem cum fine, ut posito medio, necessariò debeat suo tempore poni finis. At nec creatio nec lapsus ullam talem connexionem habent, vel cum elictione, vel cum reprobatione, nam poterant creari & labi homines, nec tamen eligi. 3. Media debent esse ejusdem finis & dispensationis: At creatio & lapsus pertinent ad ordinem naturalem, dispensationem Providentiæ, salus verò & damnatio ad ordinem supernum Prædestinationis. 4. Si media essent, Deus consilium inivisset de hominibus salvando, vel perdendo, antequam quicquam decrevisset de ejus futuro lapsu, quod absurdum.

XIII. Frustrum est, Deum non potuisse pervenire ad illustrationem gloriæ suæ per justitiæ & misericordiæ, nisi positâ creatione & lapsu, ideoque non posse habere rationem mediorum. Nam licet peccatum & creatio antecederentur antecedenter ad illustrationem misericordiæ & justitiæ; Non propterea esse media, sed tantum conditiones requiritas; nec enim, sine quibus non possumus aliquid præstare, continuo sunt media. Mentis & ductilitas in luto supponitur, ut conditio ad valis consecutionem ad decus, aut ad dedecus, sed non est medium; morbus in ægro est conditio prævia sine qua non sanatur, sed non est medium per quod sanatur.

XIV. 5. Quia sententia illa est *ὁ διάβλητος*, quasi Deus homines reprobasset, antequam per peccatum essent reprobabiles, & destinasset ad penam innocentes, antequam in iis ulla prævideretur culpa; Nec ideo voluerit damnare quòd essent peccatores, sed ideo permiserit fieri peccatores ut possent puniri, & creare constituerit, ut perderet.

XV. Unde patet longè tutius & verius loqui eos, qui in objecto Prædestinationis assignando ultra lapsum non ascendunt. Scriptura sanè eò nos ducit. 1. Quum nos eligi dicit ex mundo ergo non ut creabiles, vel labiles tantum, sed ut lapsos, & in massâ corruptâ, Jo. 15. 19. *Quia ex mundo non estis, & ego vos elegi ex mundo, ideo mundus vos odit.* Nec clabatur qui dicit, hic non Prædestinationem æternam intelligi, sed vocationem, quæ fit in tempore: Quia ista non opponenda sunt, sed componenda; Nam ex qua massa in tempore Deus hominem vocat, ex eadem ab æterno eum elegit, & qualis obversatur in executione decreti, talis debuit Deo objici in ipso decreto: Nec propterea necesse est eundem esse intentionis & executionis ordinem, sed tantum idem esse utrobique objectum vocationis & electionis, ut ex eo bene colligatur eligi hominem peccatorem, quia ut talis vocatur.

*Sed est Ho-
mo lapsus.*

Q U Æ S T.

I X.

Eph. 1. 4.

XVI. Deinde Electio hominum fit in Christo, Ephes. 1. 4. Ergo hominem respicit lapsum, quia in Christo non possunt eligi, nisi ut redimendi, & sanctificandi per ipsum; Ergo ut peccatores & miseri. Nec reponi debet, *eligi in Christo*, nihil aliud esse quam *per Christum*, non ut Redemptorem, sed ut Deum, ut notetur, non medium, sed causa principalis Electionis. Nam licet non negandum sit Christum, ut Deum esse authorem Electionis nostræ, non posse tamen hoc loco sic intelligi patet. 1. Quia eo modo electi dicimur in Christo, quo modo dicimur in ipso benedicti, & redempti v. 3. & 7. At hoc de Christo, non ut Deo simpliciter, sed ut Redemptore intelligi debet. 2. Confirmatur ex loco parallelo, 2. Tim. 1. 9. ubi gratia nobis dicitur data ante tempora secularia in Christo, non utique ut Deo simpliciter, sed ut Mediatore. 3. Tota series capitis, quo recensentur beneficia salutaria Dei in nos collata per Christum, evincit de eo agi sub illa *χρίστου*, neque diffitetur ipse *Beza*, licet primæ sententiæ addictus, qui *in ipso* idem vult esse, quod *in ipso adoptandos*. Cum ergo nemo possit eligi ad salutem per Christum consequendam, nisi qui concipitur ut perditus & miser; necesse est objectum illius Electionis esse hominem lapsum.

XVII. Tertiò, Massa de qua Paulus loquitur, Rom. 9. 21. est objectum Prædestinationis. At non alia est quam *massa corrupta*, 1. Quia ea massa intelligitur, ex qua fiunt vasa misericordiæ, & vasa iræ; illa ad decus, ista ad dedecus, v. 21. 22. 23. ira enim & misericordia necessariò supponunt peccatum & miseriam. 2. Illa massa intelligitur, ex qua desumpti sunt Isaacus & Ismaël, Jacobus & Esavus, qui proponuntur in exemplum vel Electionis gratuitæ, vel rejectionis justæ & liberæ. At talis est massa corrupta, quia loquitur de gemellis in utero conceptis, v. 11. & per consequens peccatoribus. 3. Ea massa intelligitur in qua homines jacentes possunt odio haberi à Deo, ut Esavus. At talis debet esse massa corrupta, quia non potuisset Deus creaturam puram & integram odisse. 4. Illa massa intelligitur, ex qua Pharaò suscitatus est à Deo ad ostendendam potentiam suam in ejus exitio. At nemo dixerit Pharaonem ex massa integra fuisse excitatum: Sic intelligit *August.* Enchir. c. 98. 99. & 107. qui vocat eam *massam perditionis*, & epist. 105. *Quia universa ista massa meritò damnata est, contumeliam debitam reddi iustitia, honorem donat indebitum gratia, & postea, ex ea massa facti sum, quam propter unius peccatum meritò Deus iusteque damnavit.* Idem asserit li. 2. cont. duas Epistolas Pelagi. & li. 5. in Julia. c. 7.

XVIII. Ne quicquam obtenditur. 1. Massam hinc intelligi puram, quia pueri nihil dum boni vel mali fecerant v. 11. R. quia non dicuntur nihil boni vel mali fecisse absolutè, siquidem agitur de illis ut conceptis in utero; Ergo jam peccatoribus: Sed comparatè inter se, nihil boni vel mali, quo inter se distinguerentur; nihil boni fecerat Jacobus præ Esavo propter quod

quod eligeretur, nihil mali fecerat Esavus præ Jacobo, propter quod reprobaretur, pares enim erant quoad omnia. Ita distinctio unius ab alio, non potuit aliunde oriri quàm à sola Dei *διδωκῆ*, ut *propositum secundum Electionem firmum maneret, non ex operibus sed ex vocante*, ψ. 111. 2. Massam notari ex qua fiunt vasa ad dedecus; ergo non corruptam, sed integram, quia jam homo esset vas ad dedecus. R. Sed *ἀνομία* hic non peccatum, sed poenam peccati notat, ut decus innuit gloriæ coronam, ad quam homo præparatur. Ita *feri vas ad dedecus*, non est creari ad exitium, sed reprobari & parari ad interitum, quod nemini nisi peccatori convenit: Quò pertinet quod Paulus non dicit de vasis iræ, quòd Deus ea *κατέργασεν*, quomodo de vasis gratiæ dicit, Deum ea præparasse, sed quòd sint *κατηρτισμένα* ad interitum, quia Deus alios invenit vasa aptata ad interitum suo vitio, alios facit vasa gratiæ suæ misericordiæ. 3. Massam intelligi, non peccati, sed luti ex quo Adam formatus est. R. Sed quocunque respexerit Paulus in similitudine figuli, sive ad locum Jer. 18. 6. sive Is. 45. 9. non potest alia massa intelligi quàm corrupta, quia non ex alio luto possunt fieri apud Deum vasa misericordiæ & iræ; nec aliò spectat comparatio figuli, quàm ad ostendendam summam Dei libertatem in Electione & Reprobatione hominum. 4. Non posse intelligi massam corruptam, quia sic tollerentur facilè omnes scrupuli propositi à Paulo, ψ. 14. 19. R. Neg. scrupuli enim semper remanent in Electione & Reprobatione comparata, cùm nulla ratio dari possit, cur hunc potius quàm illum elegerit vel reprobarit, & nihil possit reponi, quàm illud Apostoli, *Quis es o homo, qui responsas Deo, An figmentum dicet fictori, cur me ita fecisti?* 5. Sic excludi Adamum & Evam à prædestinatione, quia non potuerunt formari ex massa corrupta. R. Neg. quia *formatio* ista non *physicè* intelligenda est per creationem, sed *ethicè* per prædestinationem; quo pacto, & ipsi primi parentes ex massa corrupta formari potuerunt, quia quà miseri & peccatores fuerunt electi ad salutem, non quidem in massa peccati originalis originati, quod in posteris tantùm existit, sed peccati originalis originantis, quo ipsi infecti sunt.

XIX. Quartò, illustratio gloriæ Dei per demonstrationem misericordiæ in electis, & justitiæ in reprobis, est finis Prædestinationis ex Apost. Rom. 9. 22. 23. At illa requirit conditionem peccati in objecto, quia nec misericordia exerceri potest sine miseria prævia, nec justitia sine prævio peccato. Si Deus hominem ante lapsum ad gloriam prædestinasset, opus fuisset quidem bonitatis immensæ cuiusdam, sed quæ misericordia rectè non vocaretur, quæ non tantùm non dignum, sed indignum, & contraria meritum respicit. Ita si Deus hominem à peccato omni immunem reprobasset, opus esset absolutæ potestatis, & *ἀντιλογον*; at justitiæ opus non esset; quia misericorditer liberat, & justè damnat, ut ait Aug. hominem; Ergo lapsum tum in

QUEST. IX. Electione, tum in Reprobatione considerare debuit. Frustra subtilissimus *Twissus* excipit; Exercitium misericordiae & iustitiae effectivè consideratum, supponere homines miseros & reos, sed non pariter ipsam intentionem miserandi, aliàs sequeretur à pari; cùm salvationis objectum sit fidelis, etiam destinationis aeternae objectum esse, quod nemo nisi Arminianus dixerit. Nam siue misericordia & iustitia considerentur *effectivè*, ratione exercitii & actus externi in homine, siue *effectivè* ratione actus interni in Deo, idem objectum postulant; Licet enim praedestinatio nihil ponat in praedestinato, ut ajunt, & sic propositum miserandi non sit ipsa misericordia effectivè considerata, quo communicatur Creaturae; non sequitur non esse actum misericordiae, quæ proinde miseriam & lapsum supponere debet: Ut Princeps qui gratiam facere decernit reo, eo ipso actum misericordiae erga eum exerit, licet nondum de facto sententiam absolutoriam illi intimet. Nec ratio Viri Docti à pari de salutis decreto valet, quia confunditur *conditio* præviam cum *medio* subsequente; Nam illa quidem, qualis est lapsus, praecedere debet tam in intentione quàm in executione; sed istud, qualis est fides respectu salutis, praecedere quidem debet in executione, sed non pariter in intentione, imò ut medium debet sequi intentionem finis. Sic æger est objectum consultationis Medici de illo sanando, sed in illa non potest considerari ut jam purgatus, eo quòd purgatio est medium ad sanationem obtinendam.

XX. Ut verò *finis Praedestinationis* respectu hominum, salus nimirum & damnatio, supponit necessariò creationem & lapsum in objecto: *Media* etiam id ipsum evincunt: In Electione quidem Christus, Vocatio, Justificatio, Sanctificatio, quæ præexigunt conditionem lapsus & peccati: Christus enim est Servator à peccatis, Matt. 1. 21. Vocatio est peccatorum, Justificatio reorum, Sanctificatio immundorum. In Reprobatione verò derelictio in peccato, separatio à Christo, retentio peccati, excæcatio & induratio, quæ non nisi in peccatorem cadunt.

Fontes
Solutio-
num.

XXI. Creatio & lapsus non ordinantur instar *medii* per se subordinati ad Praedestinationis finem; sed præsupponuntur instar conditionis in objecto prærequisitæ, ut existentia & ductilitas in luto, non est medium quod subternit figulus suo instituto, de vasis ad decus vel ad dedecus parandis, sed conditio tantum seu qualitas in objecto prærequisitâ, & causa sine qua non; nisi enim homo conditus esset & lapsus, non posset venire in executionem.

XXII. Quamvis Praedestinatio non præcedat decretum de creando homine, & de permittendo lapsu; Non sequitur Deum incerto fine hominem condidisse; Nec enim si Deus pro fine non habuit patefactionem misericordiae & iustitiae in salute vel damnatione, ilicò dicendum est omni fine caruisse; quidni enim Deus in utroque gloriam suam patefacere voluit per exercitium aliorum attributorum, potentiae, sapientiae, & bonitatis, licet non respexerit

respexerit adhuc ad misericordiam & justitiam, quia nondum erat eorum QUEST.
IX. objectum constitutum. Finis ergo propter quem Deus decrevit hominem creare, & lapsum ejus permittere, non fuit manifestatio justitiæ & misericordiæ in salute & damnatione hominum ex decreto prædestinationis, quod ordine naturæ, & in signo rationis est eo posterius, nisi velimus Deum primò cogitasse de opere reficiendo, quam congita-verit de eo coficiendo, & de ægri curatione, antequam de morbo quicquam constituerit; sed fuit communicatio, & velut *in Gens* potentia, sapientia, & bonitatis Creatoris, quæ tum in creatione hominis Pl. 8. 5. 6. tum in ejus lapsu diversimodè emicuerunt, quod ultimum fuit intra naturæ terminos, & in tali rerum ordine. At postquam hunc ordinem peccatum corrupit & perturbavit, Deus qui ex tenebris lucem, & bonum ex malo elicit, redemptionis opus instituit, non alio fine, quàm ut in alio rerum ordine, virtutes easdem, & cum illis misericordiam & justitiam magnificentius ostentaret, & velut in gradu summo, cui fini serviunt media, non Creatio, quæ alterius est generis & ordinis, non lapsus, qui occasio tantùm fuit, & terminus à quo Deus consilium salutis incepit: sed fœdus gratiæ, missio Filii, & Spiritus Sancti, redemptio, vocatio, &c. quæ non ad ordinem naturæ, sed ad superiorem & supernaturalem ordinem gratiæ pertinent.

XXIII. Vulgatum Axioma, quo uti hîc solent Supralapsarii, & quod ad ravim usque oggerit *Twissus*, & cui soli, operosam, quam super hoc argumento instituit Disputationis molem, superstruere videtur, *Quod ultimum est in executione, debet esse primum in intentione*. At illustratio gloriæ Dei per misericordiam in salute electorum, & per justitiam in reproborum damnatione, est ultima in executione; Ergo prima debet esse in intentione, varias patitur limitationes. Primò valet quidem resp. *finis ultimi*, sed non respectu *subalternorum*; aliàs sequeretur pariter, id quod penultimum est in executione, esse secundum in intentione, & quod antepenultimum est, esse tertium, & sic deinceps. Ita quia in executione primò creat, 2. permittit lapsum, 3. redimit, 4. vocat, sanctificat, & glorificat, oportet Deum primò intendisse hominis glorificationem & redemptionem, antequam cogitasset de ejus productione, vel lapsus permissione, quod absurdum esse nemo non videt. Jam illustratio misericordiæ & justitiæ in hominum salute vel damnatione, non est finis ultimus simpliciter & absolute, quoad hominis gubernationem in genere, sed secundum quid & relatè quoad gubernationem lapsi. Finis enim ultimus, ut jam dixi, fuit manifestatio gloriæ Dei in communi per hominis creationem & lapsum: Unde Decretum Electionis dicitur primum in intentione, non absolute, quasi primum sit omnium decretorum ordine, etiam ante creationem & lapsum, sed tum in genere decretorum, quæ sunt de salute hominis peccatoris, tum respectu medio-

Quæst.
IX.

mediorum ei subordinatorum. Secundò valet tantùm in *eodem rerum ordine*; & ubi necessaria & *essentialis* occurrit rerum *subordinatio*; quod non diffinitur illi cum quibus agimus, Iqui volunt tantùm valere in *naturâ subordinatis*. Sed nulla datur necessaria inter creationem & lapsum, & redemptionem connexio & subordinatio, imò inter ea nemo non videt hiatum, & μέγα χάσμα, propter peccatum quod creationis ordinem abruptit, & redemptionis œconomix locum dedit; peccatum est contra naturam, nec medium vel respectu salutis, nisi per accidens, id est, occasio, vel respectu damnationis; damnatio enim est propter peccatum, non peccatum propter damnationem. Non confundendæ ergo hîc sunt *viæ & œconomia Dei*, in *natura*, & *gratia*, *providentia*, & *prædestinationis*, quia cùm sit alius finis, alia etiam necesse est esse media. Axioma ergo potest locum habere in eodem ordine, ut quod ultimum est in executione in ordine naturæ, vel gratiæ, sit etiam primum in intentione; sed non valet ubi agitur de disparatis, & ubi fit saltus ab una dispensatione ad aliam, ab ordine naturali providentiæ, ad ordinem supernaturalem prædestinationis, ut hîc res se habet.

XXIV. Ita autem concipienda est ista *subordinatio*, ut non *subjectivè*. & *à parte Dei* sit intelligenda; quia cùm omnia unico & simplicissimo actu discernantur, qui & finem & media simul complectitur, non tam subordinatio hîc locum habet, quàm *coordinatio*, per quam varia ista objecta simul & semel menti divinæ obversantur, & unicum decretum constituunt; Sed tantùm *objectivè*, & *à parte nostri*, quatenus ad faciliorem intelligentiam, concipimus subordinatè juxta variam *χέρον* & dependentiam, quam res decretae habent ad se invicem, quæ in Deo tamen sunt unita.

Prov. 16.4.

XXV. Deus non fecit improbum quàm improbum, productione physicâ, malitiam illi instillando; sed quem improbum propriâ culpâ deprehendit, *fecit*, id est, *ordinavit* destinatione morali & juridica ad *diem mali*, id est, ad diem calamitatis & interitus, quod alibi Judas dicit impios esse scriptos ad iudicium; sic τὸ ποιεῖν sæpe in Scriptura, pro ordinatione sumitur.

XXVI. Licet objectum Prædestinationis statuatur homo lapsus, non sequitur Prædestinationem demum factam in tempore, quia homo lapsus intelligitur, quoad esse cognitum & prævisum, non quoad esse reale, & præscientia lapsus & decretum ejus permissivum non minùs æternum est ac ipsa Prædestinatio.

Rom. 9.17.

XXVII. Quamvis Deus dicatur excitasse Pharaonem ad hoc ipsum ut in ipso potentiam suam exereret, Rom. 9. 17. non sequitur eum in reprobatione sua fuisse consideratum ante creationem, & lapsum; quia non agitur de prima creatione, sed de productione ex semine immundo, vel erectione ad Regnum, quam per Providentiam suam procuravit Deus, ut in eo quem prævidebat rebellem fore, & indurandum miraculis & plagis ejus ex justo suo iudicio, materiam potentix suæ exerendæ in ejus exitio haberet. XXVIII.

XXVIII. Licet Apostolus loquatur de potestate & jure Dei absoluto in hominum prædestinatione, per similitudinem figuli quâ utitur Rom. 9. 21. 22. non sequitur eam creationem & lapsum hominis præcedere; quia liberrimâ illa potestas & jus absolutum Dei in prædestinatione comparatâ hominum lapsorum satis patet, cum ista hominum discretio ab invicem nullam aliam causam possit habere præter solum ejus beneplacitum.

XXIX. Quamvis creatio & lapsus cadant sub decretum Dei, & sic prædestinata possint dici, voce prædestinationis latè sumpta pro omni Dei consilio circa creaturam: Non minùs rectè tamen Prædestinatio strictè dicta à lapsu inchoatur; quia hoc sensu decretum creationis & lapsus pertinent ad Providentiam, non ad Prædestinationem.

XXX. Calvinum receptam in Ecclesiis nostris sententiam circa objectum Prædestinationis secutum esse, multis ex locis colligi potest clarissimè, potissimùm verò, lib. de Ætern. Prædesti. p. 978. *Quum de Prædestinatione, inquit, sermo habetur, inde exordiendum esse constanter semper docui atque hodie doceo; jure in morte relinqui omnes reprobos qui in Adamo mortui sunt & damnati.* Et postea, *Questionem hanc non ideo tantùm parcius attingere convenit, quòd abstrusa est, & in penitioris sanctuarii Dei adyto recondita; sed quia otiosa curiositas alenda non est, cujus illa nimis alta speculatio, alumna est simul & nutrix.* Altera pars quòd ex damnata Ada sobole, Deus quos visum est eligit, quos vult reprobat; sicut ad fidem exercendam longè aptior est, ita majore cum fructu tractatur. In hac doctrina quæ natura humana corruptionem & reatum in se continet libentius insisto, sicut non solum ad pietatem magis conducit, sed magis etiam Theologica est. Ita Instit. li. 3. c. 22. §. 1. & 7. & c. 23. §. 3. *Ex corrupta massa si desumpti sunt omnes, non mirum si damnationi omnes subiaceant.* Sic in c. 9. ad Rom. censet Paulum loqui de massa corrupta, ubi inter alia; *Verum est, inquit, propinquam reprobationis causam esse, quia sunt omnes in Adamo maledicti.* In quo summi Theologi judicio, quod respondet Articulo XII. Confessionis Gallicanæ, ut & in Synodi Dordracenæ decreto, omnino acquiescimus, & omnibus quibus placet sapere sobriè, acquiescendum esse putamus.

XXXI. Præter istas duas sententias circa Objectum Prædestinationis, Tertia datur eorum qui volunt, non modò hominem lapsum & peccato corruptum, sed etiam ut *redemptum à Christo, & vel credentem in ipsum, vel incredulum* Deo Prædestinanti objici; Quæ sententia fuit Semipelagianorum, & nunc recipitur ab Arminianis, & illis omnibus qui Christum pertendunt esse fundamentum Electionis, & fidem prævisam ejus causam, vel saltem conditionem præcedaneam. Verùm quia questio ista in eam recidit, quæ agitata erit postea, de fundamento &

QUEST. X. causâ impulsivâ Electionis, de ea nihil nunc addimus: Nam si semel probatum fuerit, nec Christum nec fidem antecedere Electionem, sed in ea includi tanquam media ejus & effectus, eo ipso evictum erit, non posse hominem quâ Redemptum, & quâ credentem, aut incredulum esse Objectum Prædestinationis.

Q U Æ S T I O X.

DE ELECTIONIS CAUSA.

An Christus sit causa & fundamentum Electionis? Neg. contra Armin. & Lutheranos.

I. **P**rima de Electione Controversia, à qua cæteræ omnes pendent, respicit ejus *Causam*; An præter solum Dei beneplacitum, alia detur causa impulsiva extra ipsum, quâ motus decretum electionis condiderit. Orthodoxi enim solam *causam* locum habere statuunt, & nullam ejus causam, aut dari posse, aut quærere fas esse censent. Sed Adversarii, qui Pelagianismum vel Semipelagianismum foveant, alias etiam posse in ordinem venire arbitrantur, puta vel Christum ejusque meritum, vel fidei, & operum prævisionem. Unde tripartita oritur quæstio, de Christo, de Fide, de Operibus. An Electio facta sit propter Christum, & intuitu meriti ejus. An ex fidei prævisione. An ex operibus prævisis. De prima nunc agitur.

Status

Quæstio-
nis.

II. Ad Statum Quæstionis observa; Non quæri, An Christus ingrediatur decretum Electionis; vel, An nullus sit intuitus meriti Christi in destinatione salutis. Non negamus enim ingredi illud *consequenter*, tanquam *medium primum* executionis; Nec volumus nobis destinari salutem sine ullo intuitu meriti Christi; agnoscimus enim Deum, qui destinavit nobis salutem, eodem actu destinasse nobis Christum Mediatorem qui eam nobis acquireret. Sed quæritur, An Christus ingrediatur decretum *antecedenter*, ut *causa impulsiva* & meritoria, propter quam nobis destinetur; quod volunt Adversarii; Nos negamus.

III. Non quæritur, An Christus sit causa meritoria & fundamentum salutis decreta, à parte rei; Sed, An sit decreti salutis à parte Dei; Non, An sit causa à parte effectus voliti terminativè; Sed, An sit causa à parte actus volendi formaliter; Non, An sit fundamentum Electionis exequendæ à posteriori; Sed, An sit fundamentum Electionis decernendæ à priori; Non, An Decretum Electionis sit *absolutum* à mediis consequentibus, quæ necessaria agnoscimus, & inter ea Christum; Sed, An sit *absolutum* à causa

impulsiva, & conditionibus antecedentibus: Ita Quæstio redigitur ad hos terminos; An Christus sit fundamentum & causa meritoria, non salutis à posteriori, sed electionis à priori; non à parte effectus in homine, sed à parte actus volendi in Deo; An Decretum sit absolutum, non à mediis, sed à causa antecedente. Quod negamus; Adversarii affirmant. QUEST. X.

IV. Arminiani passim hoc adstruunt tanquam sententiæ suæ primarium fundamentum; ut liquet ex Collati. Hagi. Actis Synoda. Ex Arminii, Corvini, & Grevinchovii, aliorumque scriptis: quod potuerunt haurire à Pontificiis, qui pertendunt Christi merita prævisa esse causam Prædestinationis, ut Dida. Alvarez de auxiliis, lib. 5. disp. 39. Vasquez disp. 91. c. 1. Suarez in 3. q. 19. Art. 4. disp. 43. quanquam non pauci nec ignobiles Scholastici reclament, Tho. in 3. q. 24. art. 4. Bonavent. in 3. Dist. 11. Durandus in 3. Dist. 10. & alii. Lutherani cum Arminianis hîc faciunt, dum asserunt Christum esse causam meritoriam Electionis; ut Eckar. in fasci. contro. Gherar. Brokman. & alii. Scopus eorum est sub pretextu gloriam Christi extollendi, Gratiam universalem stabilire, & absolutam electionem Dei κατ' εὐδοκίαν destruere. Ad ipsos etiam accedunt illi ex Nostreis, qui Gratiam universalem tuentur, qui ut facilius universalem Redemptionem adstruant, statuunt decretum de mittendo Christo pro salute generis humani præcedere decretum Electionis, quod volunt versari circa dandam fidem, & ex φιλανθρωπία Dei generali promanare, atque adeò latius eo esse.

V. Rationes Orthodoxorum sunt; 1. Quia Electio est facta ex solo Dei beneplacito; Ergo non propter Christum, quia beneplacitum excludit omnem causam extra Deum, à qua Electio pendeat; hinc apud Mosem, inquit, *misererebatur cuius misererebatur* &c. Sic Matth. 11. 25. *Confiteor tibi Pater, quod occultaveris hæc à sapientibus, & intelligentibus, & ea revelaveris infantibus. Etiam Pater, quia ita placuit tibi*, & Rom. 9. 11. *Ut propositum Dei secundum Electionem firmum maneret, non ex operibus, sed ex vocante* &c. & v. 16. *Non est volentis, nec currentis, sed miserebentis Dei*, Luc. 12. 32. *ne timeat grex, quia εὐδοκίησιν libuit Patri vestro dare vobis Regnum*. Si verò omnia in solidum soli beneplacito Dei adscribuntur, non potest nec debet alia extra ipsum causa quæri. Nec juvat excipere, beneplacitum istud in Christo fundari ut erga nos exeratur; quia aliud est debere in Christo fundari, ut causâ antecedente à qua pendeat, quod negamus; cùm ex eo Christus ipse sit ordinatus in Mediatorem: Aliud verò fundari in ipso, ut fundamento Redemptionis, ab ipsa Dei εὐδοκίᾳ præordinato; quod concedimus.

VI. 2. Quia effectum Electionis non potest dici ejus causa; At Christus est effectum Electionis, utpote qui electus ipse sit & præordinatus in Mediatorem, Is. 42. 1. 1. Pet. 1. 20. & Jo. 3. 16. ubi dilectio Dei erga mundum præcedit ordine missionem Filii tanquam ejus causa. Sic 1. Joh. 4. 10.

Q U Æ S T. X. *Intò, dicitur, charitas esse Dei, non quòd dilexerimus Deum, sed quòd Deus prior nos dilexerit, & dederit Filium suum pro nobis.* Frustra Corvinus & alii excipiunt, supponi quidem missioni Christi aliquem amorem seu affectum in Deo miserendi ad salutem; sed esse communem & universalem respectu omnium, non specialem respectu electorum: Quia hoc gratis supponitur, non probatur; nullum enim talem amorem universalem salutarem ex Scriptura agnoscimus, sed tantum specialem erga electos, quibus Christus tantum Servator & Caput destinabatur, ut suo loco probabitur.

VII. 3. Tertiò confirmatur ex eo, quòd Objectum prius debet esse actu, qui circa illud versatur: At Objectum meriti Christi sunt Electi; Ergo Electio præcedere debet & Redemptionem & decretum ejus. Objectum autem mortis Christi esse Electos ex illis locis evincitur, quæ statuunt Christum pro populo suo, Matth. 1. pro ovibus, Jo. 10. pro amicis, Jo. 15. pro Ecclesia se dedisse, Eph. 5. 25. Nec si Scriptura alibi latius videtur extendere mortem Christi ad omnes; continuò universalitas absolutè est intelligenda, sed limitata, vel respectu universitatis fidelium, vel respectu generum singulorum, non singulorum generum, ut postea demonstrabitur.

VIII. Quartò, intentio finis præcedere debet destinationem mediorum: At salus est finis, Christus est medium; Ergo prius concipi debet destinari salutem electis, quàm destinari Christum ad finem illum obtinendum; Ut intentio sanandi ægrum præcedere debet Medici inquisitionem, & remedium applicationem; Ita necesse est ut in mente Dei concipiamus prius fuisse cogitationem de eligendis illis quibus salutem destinabat, quàm de eligendo Salvatore qui ipsis salutem procuraret. Aliàs sine incerto venisset Christus, & destinatus fuisset Redemptor, antequam nihil apud Deum de illis qui re ipsa redimendi erant constitutum fuisset.

Fontes
Solutio-
num. IX. Licet Christus sit *fundamentum salutis*, non statim potest dici *fundamentum Electionis*, quia multò plures causæ requiruntur ad salutem, quàm ad Electionem. Nam media Electionis fiunt causæ salutis; Nec Electio potest dici salus, cum nihil adhuc ponat in electo, sed tantum principium & causa salutis.

Eph. 1. 4. X. *Eligi dicimur in Christo*, Eph. 1. 4. non jam *existentes*, quasi supple- dum sit participium *ὄντες*; quia nemo potest esse in Christo, quin prius datus sit à Patre Christo, Joan. 17. 6. 7. & per fidem & charitatem ad quam eligimur illi sit insitus; sed in Christo *futuros*, & per Christum redimendos, ut suppleatur infinitivus *εἶναι*, ut hic statuatur Christus primum electionis exequendæ medium, & causa salutis quæ per eam nobis destinatur, non causa decreti per quod decernitur. Hanc esse Pauli mentem multæ evincunt, 1. quia Paulus dicit nos *eligi in Christo*, non *propter Christum*; illud notat intuitum Christi in electione, tanquam medii subordinati, quod

quod concedimus; hoc verò ejus causalitatem, quod dici nequit, nisi velimus medium prius intendi ipso fine. 2. Quia dicit nos eligi in Christo ut *simus sancti*; Ergo non possumus spectari in Christo existentes anteceder, ita enim jam essemus sancti, sed ut futuri consequentur. 3. Paulus se ipsum alibi interpretatur, quum ait 1. Thess. 5. 9. *Deum non constituisse ad obtinendam salutem per Christum*: Ita eligi in Christo nihil aliud est, quàm destinari ad salutem in Christo seu per Christum adipiscendam, ut Christus sit causa salutis, non electionis. Sic 2. Thess. 2. 13. dicimur *electi ad salutem in sanctificatione Spiritus, & fide veritatis*, non ut sanctificatio sit causa electionis, cum sit ejus finis in hoc loco, sed ad salutem consequendam per sanctitatem & fidem.

XI. Non eodem planè modo eligimur in Christo, quo in ipso benedicimur. Nec est par ratio benedictionum quæ nobis dantur in tempore, & decreti, seu actus interni & immanentis in Deo, qui fit ab æterno. Illæ fundantur in Christo ut in causa meritoria & efficiente, quia sine ipso nihil communicari potest Creaturæ, & propter ipsum, & ab ipso ut Capite, quicquid gratiæ nobis confertur, promanat; Sed decretum nullam causam agnoscit præter *deum*. Nec reponendum est Electionem esse benedictionem; quia Electio quidem est fons & principium omnium benedictionum, sed non potest propriè dici benedictio, quæ in nos reipsa transit, & ad quam nos habemus subjectivè, quod dici non potest de Electione quæ manet in Deo: Particula ergo *καθ' ἡς* quæ adhibetur à Paulo 1. Tim. 4. non notat paritatem Electionis & benedictionis, ut eadem sit utriusque causa; sed fundamentum & originem benedictionum quæ derivant ab electione, ut doceat nihil fieri in tempore, quod ab æterno non sit præstitutum, & fideles non benedici à Deo in Christo, nisi quomodo Deus ab æterno constituit in electionis decreto, ut in ipso benedicerentur.

XII. *Gratia dicitur nobis data in Christo, πρὸ χρόνων αἰώνων* 2. Tim. 1. 9. 2. Tim. 1. 9. *destinatione* propter certitudinem eventus, non actuali collatione; *in Christo* ut fundamento redemptionis & salutis, quia destinatur salus conferenda per Christum: Sed non propter Christum tanquam causam ipsius Electionis.

XIII. Propter quod Deus nos salvat in tempore, etiam ab æterno decrevit nos salvare propter illud, verum est, si *propter* referatur ad rem decretam, non ad ipsum decretum, ad volitum, non ad volitionem: quia Deus nos decrevit salvare propter Christum, ut reipsa nos salvat propter ipsum in tempore: Sed falsum est, si *propter* referatur ad ipsum actum Dei decernentis, & decretum ipsum, quia missio Christi est effectus decreti, non causa.

XIV. Licet propter Christum non eligamur, non tamen eligimur sine Christo & extra Christum: quia eodem decreto quo destinata est nobis salus, destinatus etiam est Christus ad eam nobis acquirendam, nec

Quæst. X. aliter destinata est, quàm ut per Christum acquireretur. Electio ergo non excludit, sed includit Christum, non ut jam datum, sed ut dandum, nec unquam ista duo sunt ab invicem divellenda; quod faciunt tamen Sophismata Adversariorum.

XV. Quamvis *amor beneficentia & complacentia* non possit erga nos ferri, nisi propter Christum antecedenter; quia placatio actualis Dei quæ per Christum fit, supponi debet necessario amoris divini erga nos reali communicationi: Non pariter hoc necessarium est respectu *amoris benevolentia* qui in Deo manet. Deus potuit nobis bene velle antecedenter ad Christum, licet non potuerit nobis benefacere nisi propter ipsum. Nec ullum inde affertur justitiæ præjudicium, quia amor iste non excludit, sed includit, & post se trahit necessario satisfactionem; quia enim nobis bene vult, ideo Christum constituit in Mediatorem; ut nobis per ipsum actu beneficiat: Nec si nos amat, jam *placatus* debet censeri, sed tantum *placandus*: nam beneficentia quidem requirit reconciliationem jam factam, sed ad benevolentiam sufficit, ut sit præstanda suo tempore.

XVI. Aliud est Christum quàm λόγος esse *causam efficientem* Electionis; Aliud cum quàm θεός & Mediatorem esse *causam objectivam & meritoriam* ejus. Prius asseritur à Christo, Johan. 13. 18. *Scio quos elegerim*, & Jo. 15. 16. *Vos non me elegistis, sed ego vos elegi*: sed non posterius.

XVII. Si *prædestinamur ad conformitatem imaginis Filii Dei, ut sit primogenitus inter multos fratres* Rom. 8. 29. sequitur quidem Christum esse primarium medium executionis, à quo cætera omnia pendent, sed non esse causam ipsius Electionis. Imò cum præcognitio, quæ Electionem personarum hic significat, ut suprâ dictum, præponatur Prædestinationi, quatenus significat destinationem ad media, satis innuitur, primò Electos esse à Deo, qui erant servandi, antequam dati fuerint Christo, & prædestinati ad conformitatem imaginis ejus. Nec si Christus dicitur primogenitus inter multos fratres, necesse est ut primò electus sit omnimodè, sufficit ut primum locum obtineat in executione, ratione causalitatis & dignitatis.

XVIII. Quod nititur misericordiâ Dei effectivè consideratâ, illud etiam debet niti merito Christi, quia Christus est canalis per quem misericordia Dei ad nos transit, & fons omnis benedictionis & gratiæ; sed quod nititur misericordiâ Dei affectivè spectatâ, & quatenus in Deo manet, qualis est electio, non statim debet niti merito Christi antecedente, sufficit ut illud involvat consequenter.

XIX. Licet à quibusdam Theologis Orthodoxis, Electio Christi statuatur prior Electione hominum, non propterea censendi sunt favere Novatoribus: Primò quia hoc ita ab illis intelligitur, ut sit prioritas tantum ordinis, non causalitatis, ut volunt Arminiani: Deinde ut non latius extendatur Electio

lectio Christi in Mediatorem, quàm Electio hominum qui salvandi sunt, QUEST. XI.
 ut non pro pluribus destinatus sit, & missus, quàm pro electis, cujus contrarium statuunt Gratia universalis patroni. Interim observandum, omnem illam ordinis differentiam non esse intelligendam respectu Dei, cui omnia simul præsenta sunt, & à quo omnia unico & simplicissimo actu decreta sunt, tam ea quæ ad finem, quàm quæ ad media spectant; sed tantùm respectu nostri, qui propter finitudinem nostri intellectus, ista inadæquatè concipimus, ea dividendo, quæ in se tamen unita sunt.

Q U Æ S T I O X I .

*An Electio facta sit ex prævisione fidei, aut operum; An
 verò ex sola Dei Gratia? Prius neg.
 Poster. Affir.*

I. **H**ic præcipuus Cardo est Controversiæ Pelagianæ, ad quem ceu communem Scopulum impeerunt, quotquot Pelagianismum, vel Semipelagianismum hoc seculo renovarunt.

II. Ad quæstionis Statum obser. 1. Non quæri; *An decretum Electio- Status
 nis sit absolutum consequenter, & à mediis*: Fatemur enim meritum Christi, *Quæstio-
 fidem, & opera esse media ad illius executionem necessaria: Sed, An sit tale nis.
 antecedenter à motivis & conditione præcedanea*; quàm moveatur Deus ad hunc
 potius quàm ad illum elingendum; quod negamus.

III. 2. Non quæritur, An ullæ sint istius decreti causæ penes Deum, ut enim sapientissimus est, nihil *ἀλόγως* facit, & rationes dispensationis suæ habet proculdubio gravissimas, licet illæ nos lateant. Sed, An rationes illæ sint in homine extra Deum; quod negamus.

IV. 3. Non quæritur, An fides sit *conditio*, vel *causa* saltem organica *salutis decreta* extra Deum, hoc enim nemo nostrum negat: Sed, An sit *conditio* vel *causa* ipsius *decreti* in Deo. Unde Quæstio eò redit; An sola Dei Gratia & *evdokia* ita sit causa Electionis, ut nequaquam suspendatur, vel ex operum, vel ex fidei prævisione, sive ea causa ejus statuatur, sive tantùm *conditio* prærequisita? Adversarii negant; Nos affirmamus.

V. Pontificii hûc in varia abeunt. Et ne repetamus Scholasticorum antiquiorum sententias, qui parum concordantes inter se deprehenduntur, & quorum plerique apertè ad Pelagium deflectentes, prædestinationem ex prævisione meritorum, & bono liberi arbitrii usu suspendunt: certum est Theologos Pontificios in Concilio Tridentino abiisse in partes; nonnullis gratuitam

Q U A S T. XI. gratuitam Dei Electionem cum Augustino asserentibus, aliis verò cum Pelagianis & Semipelagianis eam ex prævisis hominum meritis, & bono liberi arbitrii usu suspendentibus. Quæ contentio continuata fuit, & acriter agitata exinde, tum inter Dominicanos & Franciscanos; Et nunc fervet adhuc inter Jansenistas & Jesuitas, illis pro gratuita Dei Prædestinatione, istis contra, pro prævisione operum decertantibus. Fatendum tamen Jesuitas ipsos non planè esse concordēs; Nam quidam volunt homines ad primam quidem gratiam gratis eligi; sed ad gloriam, non gratis, sed propter prævisa & futura merita, ut *Stapleio*. in *Antido*. in c. 9. ad *Ro. Becanus* de *Prædest.* q. 4. n. 8. *Petavius* lib. 10. *Theol. dogm.* c. 2. & alii plures ex eo Sodalitio. Alii verò, homines non solum ad gratiam, sed etiam ad gloriam omnino gratis eligi pertendunt, ut *Bellarminus* præ cæteris, qui fusè & proximè ad mentem nostram totum hoc argumentum exequitur, lib. 2. de *Gratia & Libero Arbit.* c. 6. 7. 10. 11. & seqq. ubi asserit, quòd *Prædestinationis divina nulla ratio ex parte nostri assignari potest. Dicimus*, inquit, *nullam rationem assignari posse, ut excludamus, non solum merita propriè dicta, &c. sed etiam si non dicatur esse meritum nisi de congruo, & etiam si non dicatur vera causa, sed tantum conditio sine qua non prædestinaretur, qui prædestinatur.* Et cap. 11. statuit, quòd *hac sententia non quorumvis Doctorum opinio, sed fides Ecclesie Catholica dici debeat*, quam probat variis argumentis, c. 10. 11. 12. &c. ut totus noster hinc videatur; quanquam alibi ea statuat de Libero Arbitrio Gratia sufficiente, salutis incertitudine, & operum meritis, quæ cum ista doctrina sunt *αἰνίσματα*. Qualiscunque autem sit ejus sententia, & aliorum qui Augustinum hinc sequuntur, & à veritatis stant partibus: Certum est communioem, tum apud Jesuitas, tum apud plerisque Pontificios sententiam eorum esse, qui Prædestinationem ad vitam seu Electionem suspendunt à prævisione operum, & boni usus liberi Arbitrii; adversus quos hinc disputamus.

VI. Lutherani hinc etiam inter se scinduntur; Quamvis enim ab initio nulla controversia circa hoc Caput mota fuerit, magno Viro Dei Luthero doctrinam Augustini de gratuita Prædestinatione retinente, ut illam solidè asseruit, lib. *de Servo Arbitrio*. Factum tamen est postea, ut dum lis ex lite feritur, alii ab ejus mente paulatim deflectentes duriùs locuti sint, & Electionem ex fide prævisâ suspenderint, ut rationem habeat, vel causæ impulsivæ, vel saltem instrumentalis, quomodo se habet respectu Justificationis, (nec enim inter se hac in parte satis consentiunt *Jacobus Andree, Hunnius, Gherardus*, & alii,) quæ communior est apud ipsos jam sententia; Licet non desint alii qui sanius hinc, & sentiunt & loquuntur, & inter cæteros *Celeb. Calixtus*.

VII. Arminiani, qui Papismum, & Pelagianismum per posticum revocant,

revocant, in eundem scopulum impegerunt: Licet enim magno molimine conentur probare, se non facere fidem causam Electionis, ut declinent invdiam Semipelagianismi, qui ipsis meritò impingitur, non negant tamen esse causam sine qua non seu conditionem prærequiritam necessariam in eligendis. Imò non obscure colligi potest, eos ulterius progredi, & causalitatem aliquam fidei tribuere, ut Deus ejus prævisione moveatur ad hunc potius quàm illum eligendum; Cur enim aliàs dicerent toties Electionem niti prævisione fidei, nisi statuerent intuitum fidei aliquid conferre ad electionem unius præ alio? Hinc Collatores Hagi. p. 109. *Absurdum esse*, ajunt, *ponere absolutam Dei voluntatem in decreto electionis, pro causa prima, qua reliquas causas, Christum puta, fidem aliasque omnes antecedit*, & Corvinus adversus Molinæum p. 351. relinquit in medio, *An fides debeat vocari causa, An conditio*. Duplex autem hîc faciunt Electionis decretum: Primum generale, servandi credentes; Secundum speciale, servandi hos & illos nominatim, quos Deus prævidit credituros; Primi nullam aliam causam dari volunt quàm puram Dei voluntatem, sed quoad secundum, licet in divina voluntate etiam fundetur, volunt fidei intuitum & respectum supponere, ut Deus eâ moveatur ad eligendum potius unum quàm alterum. Hîc verò non agitur de primo decreto, cujus vanitas alibi demonstrabitur, sed de secundo.

VIII. Ad Reformatos quod attinet, unanimi consensu Ecclesiæ statuunt Electionem esse merè gratuitam, nec ullam dari prævisionem fidei aut operum, & meritorum, vel de congruo, vel de condigno. Nec obstat quòd quidam aliter sentire videantur, dum electionem ad salutem juxta nostrum concipiendi modum posteriorem statuendo electione ad fidem, censent Deum primò decrevisse dare fidem homini, quàm illum ad vitam destinavit; atque ita prædestinationem ad gloriam & vitam volunt esse ex fide, tanquam conditione à Deo prævisâ in eo qui eligitur. Ut Testardus loquitur in Ireni. th. 29. *Nemo negaverit Electionem ad justificationem & glorificationem, si distinctè considerentur esse ex fide prævisâ, ejusque objectum esse hominem credentem, quatenus credentem*. Et Cappellus Theol. de Elect. th. 13. *Destinatio ad vitam æternam & gloriam, sive voluntas Dei de glorificando homine nititur conditione fidei & pœnitentia, sed quam Deus ipse in nobis efficit*, &c. Nam licet hæc opinio in causâ fidei differat ab Arminianorum placitis, quia tamen in cæteris ad ipsa propius accedit, & à receptâ hætenus in Ecclesiis nostris sententiâ recedit, quæ constanter pro Electione merè gratuita citra prævisionem ullam fidei aut operum pugnarunt, meritò tanquam nimis cruda & periculosa rejicitur.

IX. Hæc ergo Ecclesiarum nostrarum est sententia, Electionem tam ad gloriam quàm ad gratiam planè gratuitam esse; ita ut nulla causa, vel conditio, vel ratio in homine fuerit, ad cujus intuitum Deus hunc potius quàm alium elegerit; Sed hoc à sola ejus *eudoxiâ* pependerit, quâ,

Q U A S T . ut certum hominum numerum, aliis nec meliorum, nec digniorum, ex massa corrupta selegit, quibus salutem destinaret; Ita decrevit pariter ipsis dare fidem tanquam medium ad salutem obtinendam necessarium; vide *Synod. Dordr. th. 7. 9. 10. de Prædest.*

Electio non est ex fide prævisa.

X. Rationes cur hoc statuant sunt istæ potissimum. 1. Quia fides & obedientia est Electionis fructus & effectus. Ergo non potest esse causa, vel conditio prævia; repugnat enim idem esse simul causam & effectum, eligi ex fide, & eligi ad fidem. Fidem autem & obedientiam esse fructum Electionis, loca varia probant, Rom. 8. 29. *Quos prædestinavit, hos & vocavit.* At vocatio est ad fidem, & fides finis ejus, ut vocatio effectus Prædestinationis. Eph. 1. 4. *Elegit nos, ut essemus sancti,* Ergo non quia eramus, & v. 5. *Prædestinans nos eis quod sciamus ad adoptionem,* Ergo ad fidem, per quam adoptio illa nobis obtingit. Jo. 1. 12. Act. 13. 48. *Crediderunt quosque quot ordinati erant ad vitam æternam.* Ergo illi demum credunt, qui sunt electi, & quia sunt electi, non verò electi sunt, quia credunt, unde *Fides Electorum* dicitur, Tit. 1. 1. quia ea solis Electis datur. Hinc August. de Prædest. Sanctorum cap. 17. *Intelligimus vocationem, quâ fiunt electi, non qui eliguntur, quia crediderunt, sed qui eliguntur ut credant: Nam si propterea electi erant, quoniam crediderunt, ipsi cum prius utique elegerant, credendo in eum, ut eligi mererentur.*

Rom. 8. 29. **XI.** Nequicquam hic excipitur, 1. ad locum Rom. 8. 29. non intelligi vocationem ad fidem, sed ad crucem, in qua conformes nos esse deceat Filio Dei, ut simus illi conformes in gloria, & prædestinationem non aliam intelligi quàm conditionatam, si nimir. homines velint sequi Deum eligentem. 2. Nam vocatio non alia potest intelligi quàm ad fidem & obedientiam, licet conditionem crucis annexam habeat, quia agitur de vocatione secundum propositum, id est, efficaci, quæ electorum tantum propria est, oppositè ad vocationem inefficacem, quæ aliis etiam competit, 3. quia præponitur justificationi, & cum ea inseparabiliter cohæret, 4. quia est immediatum effectum Electionis, quod de cruce dici nequit. Nec si est vocatio ad fidem, sequitur Deum gratos habuisse peccatores antequam crediderint amore complacentiæ, licet Deo placuerit amore benevolentiae ipsos prosequi, ut ipsis beneficeret, 4. Prædestinatio non alia potest intelligi quàm ea quæ certò conjuncta est cum justificatione & glorificatione, & secundum quam omnia cooperantur in bonum Deum diligentibus: quod de absoluta tantum dici potest, non de conditionali quam fingunt Adversarii, quæ non obstat quominus multi deficiant & damnentur.

Eph. 1. 4. **XII.** 2. Ad Eph. 1. 4. Perperam regeritur fideles posse etiam eligi ad sanctitatem. 2. Quia hoc ipso quòd sunt fideles, jam supponuntur sancti, siquidem fides purificat corda: Et cum Apostolus doceat benedictiones omnes spirituales dari nobis in Christo ex Electione, inde necessario sequitur, fidem

dem quæ primaria est ex illis benedictionibus, fluere ex electione: Nec si A- QUEST.
postolus loquitur de electione completa singulorum, sequitur omnes Ephe- XI.
tios, ad quos scribit, debuisse esse electos; quia locutiones istæ sunt synecdo-
chicæ, in quibus denominatio fit à potiori: Adde quòd Paulus potuit ita lo-
qui, quia bene sperabat de illis ex iudicio charitatis; Sed cum hîc certæ ele-
ctionis notæ ponantur, patet Electionis elogium iis demum verè compete-
re potuisse, qui notas illas habebant. Licet verò fides se habeat antecederet
ad adoptionem, non sequitur se habere pariter ad electionem, quia non est
causa adoptionis, nisi quatenus medium est à Deo per electionem ordina-
tum ad eam conferendam.

XIII. Fallò supponunt Adversarii Act. 13. 48. non agi de Electione Act. 13.
terna, tum quia non dicuntur illi *προπαιγμένοι* à Deo, sed simpliciter *παιγμένοι*. 48.
ταγμένοι, tum quia inde sequeretur revelatum fuisse Paulo & Lucæ omnes il-
los, qui sermonem vitæ acceperant, electos fuisse ab æterno, quod absurdum.
4. Quia verbum simplex *παιγμένοι* ponitur pro composito, ut Rom. 9. 22.
maximè cum respectu Dei, cui omnia sunt præsentia, non tam sit præordi-
natio quàm ordinatio: Deinde licet non dicantur à Deo ordinati, sensus ta-
men alius esse non potest, nisi velimus à seipsis ordinatos esse, quod Pelagia-
num est. 3. Non opus fuit revelari extraordinariè Paulo electionem horum
vel illorum; sed sufficebat, ut Apostolus colligeret ex fide electionem, tan-
quam causam ex effectu. Non melior est alia ipsorum glossa, quâ post Soci-
num locum istum corrumpere conantur, ordinationem istam referendo ad
dispositionem ad fidem, sive aptitudinem, quâ quis idoneus efficitur ad cre-
dendum, ut sit sensus, *crediderunt quotquot ad vitam æternam erant dispositi*.
Nuspiam enim phrasis illa in Scriptura ita sumitur, & pugnat cum textu, ubi
ordinatio non habet relationem ad fidem, seu dispositionem in subjecto, sed
ad vitam; non dicitur, qui erant *dispositi ad fidem*, sed *ad vitam*. Nec *ἀπεναντι*
opponuntur *πρὸς προπαιγμένους*, sed *ἐν ταῖς πρὸς*, qui ordinem positum rite servant.
Locus 1. Cor. 16. 15. non huc pertinet, quia non notat dispositionem inter-
nam, sed ordinationem ad munus, quâ illi, de quibus agitur se addixerant mu-
nisterio Sanctorum. Denique supponitur gratis hominem irregnitum, qua-
les erant illi de quibus loquitur Lucas, posse esse dispositum ad vitam æter-
nam, antequam in Christum credat, quod toti Scripturæ repugnat, & rei na-
turæ adversatur: nam bona illa dispositio, vel esset ab homine ipso, & ita se-
ipsum discerneret, vel à Deo, & sic arcessenda esset à liberrima Dei Electione.

XIV. Tit. 1. 1. *Fides Electorum* dicitur, quia non est omnium, 2. Thes. Tit. 1. 1.
3. 2. sed tantum eorum qui ad vitam æternam sunt ordinati, quibus eam dat
Deus, non aliis, Matth. 13. 11. Non quòd sit in Electis antecederet, ut
sine ejus intuitu nemo eligatur, sed quia est in illis consequenter, ut nullus
fidem habere possit nisi ex electione, & dependenter ab ea.

QUÆST. XV. Licet Apostolus 2. Thess. 2. 13. intelligeret tantum electionem temporariam, seu vocationem, quæ fit per Evangelium ad gratiæ participationem, non verò æternam ad salutem, non minùs valeret argumentum nostrum, propter utriusque inter se connexionem & analogiam: sed faciliè contrarium colligitur ex ipsis verbis, quia loquuntur de electione quæ facta est ἀπ' αἰῶνος, id est, jam ab æterno, ex stylo Scripturæ, & quæ perficitur per vocationem ψ. 14. Ita Apostolus non hic commemorat causas electionis, sed salutis, & verba in sanctificatione, non jungenda sunt cum verbo elegit, sed cum voce salutis, quasi dicat, elegit ad salutem obtinendam in sanctificatione Spiritus, & per fidem veritatis, ut alibi loquitur, 1. Thess. 5. 9.

XVI. Secundò, quia Electio facta est ex solo beneplacito, & non ex operibus ullis; loca sunt expressa, Rom. 9. 11. *Ut propositum secundum Electionem Dei firmum maneret, non ex operibus, sed ex vocante.* Unde additur ψ. 16. *Non est volentis, nec currentis, sed misereantis Dei,* sic. c. 11. 5. 6. vocatur electio gratiæ. Ita Matth. 11. 25. Christus loquens de revelatione mysteriorum ad salutem, quæ pendet ab Electione, illam soli beneplacito fert acceptam, *Etiam Pater, quia ita placuit tibi,* Nec aliter Paulus, 2. Timoth. 1. 9. 10. dicit, *Deum nos salvasse & vocasse, non ex operibus, sed secundum Dei propositum, & gratiam quæ nobis data est in Christo ante tempora secularia.*

XVII. Perperam Remonstrantes beneplacitum Dei, de quo Scriptura loquitur in electionis negotio, pertendunt illud esse, quo ex multis conditionibus possibilibus statuit solam fidem eligere, & acceptare in conditionem communicandæ salutis: Licet enim non negemus hoc à Deo constitutum esse, negamus tamen decretum esse electionis, de quo Apostolus loquitur; nam illud decretum est practicum particulares personas ordinans ad salutem, non res, vel rerum connexionem in ordine ad salutem disponens, & ad ipsas creaturas terminatur, non ad qualitates. *Elegit nos,* inquit Paulus, scilicet homines, Eph. 1. 4. *quos predestinavit,* Rom. 8. nempe homines. At qualitas ipsa fidei hoc sensu non electa dicitur, sed electis præscripta, & donata & ab æterno præparata.

XVIII. Fides potest consistere cum beneplacito & gratia Dei, quando illi subordinatur, tanquam effectum seu medium ab eodem beneplacito pendens, quod non minùs media præparavit quàm ipsum finem præstituit, & ita Paulus asserit Rom. 4. 16. *Esse ex fide, ut sit per gratiam,* quia sola fides potest cum gratia consistere in Iustificationis negotio, sed αὐτίκα est cum illa, quando consideratur ut causa antecedens, quia qui solam gratiam dicit, causas omnes alias extra Deum excludit.

Rom. 9.
11. 12.

XIX. Locus Pauli Rom. 9. 11. 12. non potest consistere cum prævisione fidei, aut operum, 1. quia agitur de gemellis qui nihil boni vel mali fecerunt

fecerant, quo inter se distinguerentur, 2. quia expressè dicitur electio esse ex vocante, non ex operibus, 3. quia vers. 15. 16. soli Dei misericordiae hoc totum adscribitur, *Miseretur cujus vult, & non est currentis, & volentis, sed misereris Dei*: At si ex fide prævisâ Deus hominum miseretur, salus potest dici volentis & currentis, non tantum misereris Dei. 4. Si daretur prævisio, nullus esset locus objectionibus & scrupulis qui moventur ab Apostolo 1. 14. quasi Deus injustus esset, qui hunc præ illo eligeret, nulla enim injustitiæ species est in eo, qui credentes eligit, & incredulos reprobat.

XX. Nequicquam hic obtenditur; Non agi in hoc capite de electione vel reprobatione quorundam, sed de decreto Justificationis, quo Deus justitiâ & salute donare credentes in Christum constituit, rejectis iis qui justitiam ex Lege sectantur: Nam, præterquam quod Paulus de hoc argumento fulissimè egerat in capitibus præcedentibus, ut nihil opus fuerit ad illud redire, scopus Apostoli contrarium satis evincit, qui est ostendere promissiones Dei, & fœdus cum Abrahamo initum non excidisse, etsi magna Judæorum pars resisteret Evangelio, ratum quippe esse semper in filiis promissionis, tales autem qui sint vel non, hoc pendere à divina prædestinatione: Series etiam ipsa orationis satis docet eò deveniendum esse, maxime quæ habentur 1. 11. 15. 16. quæ de justificatione per fidem non possunt exponi, sed ad electionem & vocationem manifestè respiciunt; ubi opera non opponuntur fidei, sed electioni & vocationi Dei, non dicit Paulus, non per opera, sed per fidem, ut dicendum fuisset, sed *ex vocante*, & 1. 16. *Non est volentis aut currentis*, non addit, sed credentis, ut addere debuisset, *sed misereris Dei*. Et sane quum agitur de causa, cur ex duobus in peccato pariter conceptis, & per omnia paribus hunc illi prætulit, sola Dei misericordia & electio gratuita consideranda est, non fides, quæ electionem sequitur, non præcedit: Quod verò habetur 1. 30. &c. de justitia fidei quam Gentes consecutæ sunt, non evincit Paulum egisse hoc capite de Justificatione, sed consecutarium est ex præcedentibus elicited, nempe ex hac electione & vocatione gratuita gentes obtinuisse, ut justitiæ per fidem fierent participes, Judæos verò magna ex parte sectantes opera Legis, justo Dei judicio salute excidisse: Unde elicited fidem esse medium unicum salutis, sed non causam electionis.

XXI. Licet rejectio & electio, quæ proponitur in persona Esavi & Jacobi, possit quodammodo posteros ipsorum respicere secundariò, primariò tamen ipsos spectat, ut ostendatur causam discriminis inter filios carnis & promissionis, quæ proponitur 1. 6. 7. non in operibus bonis vel malis præcedentibus & prævisis quærendam esse, sed in æterno Dei proposito, Jacobum ex gratia eligentis, & Esavum reprobantis: Ita ista non proponuntur tantum typicè, sed etiam *paradigmaticè*, quemadmodum exempla priora Ismaëlis & Isaaci personas singulares respiciunt.

QUEST.
XI.

XXII. Tertiò, Si Electio est ex fide prævisa, oportet ut illam in nobis præviderit Deus, vel tanquam actum naturæ, qui à nobis proficiscatur, vel ut actum gratiæ, qui à Deo pendeat, vel ut actum communem, qui ab utroque conjunctim partim à Deo, partim ab homine oriatur; Si ut actum Dei, ergo prævidit eam ut donum suum, id est, à se decretam ex electione, & sic electionem sequetur, non præcedet; Si ut actum naturæ, ergo nos ipsos discernimus, contra Paulum 1. Cor. 4. 7. & vicit Pelagius; Si ut actum communem, vel specificatur actus Dei ab actu hominis, & sic homo est architectus suæ salutis, & habet quod sacrificet reti suo, cum conferat ad sui salutem quod præcipuum est, vel specificatur actus hominis ab actu Dei, & sic electio erit causa fidei, non contrà: ita vel ascendendum est cum Scriptura ad Deum discriminantem hominem dono suo, vel descendendum cum Pelagio ad hominem se discernentem libero suo arbitrio, nec ullum datur medium.

XXIII. Quartò, Si Electio est ex fide prævisa, Deus non eligeret hominem, sed homo potius eligeret Deum, & sic prædestinatio dicenda potius esset postdestinatio, prima causa fieret secunda, & Deus penderet ab homine, quod falsum esse, & res ipsa clamat, & Christus expresse testatur, Joh. 15. v. 16. *Non vos me elegistis, sed ego vos elegi*, quod oraculum sæpe ab August. repetitur, præcipue lib. de prædestinatione Sanctorum c. 19. *Electiorem quam significat Dominus dicens, Non vos me elegistis, sed ego vos elegi, nec ipsa fides præcedit: Non enim quia credidimus, sed ut credamus elegit nos, ne priores eum elegisse dicamur.*

XXIV. Quintò, Si Electio est ex fide prævisa, nullus dabitur locus objectionibus quæ circa eam moveri solent, & nihil proclivius erit quàm satisfacere quæstioni, cur ille eligatur potius quam iste, & frustra exclamaret Paulus, ὡς βάρους Ro. 11. 33. Frustra idem velut injectis lupatis hominis curiositatem reprimeret increpando, οὐκ ἔστιν, & cum luto figuli cum comparando; Nam quamvis admiranda sit œconomia qua servantur credentes, increduli damnantur, adeò tamen clarè nobis est revelata in Evangelio, ut nihil supra; Ergo in Prædestinatione aliquid ponendum est admirabilitatis plenum, quod nihil aliud esse potest quàm electio aliorum præ aliis non pejoribus, & reprobatio aliorum præ aliis non melioribus; causa enim hujus discriminis, cum in homine nulla sit, nec imaginando fingi possit, necesse est mentes hominum hic hære, ac veluti sub velo plenum horroris venerandi mysterium adorare: Nec Apostolo confugiendum fuisset ad solum Dei beneplacitum, qui *miseretur cuius vult*, si causa discriminis istius esset in homine ipso, nihil enim facilius fuit quàm respondere Deum nullam cuiquam injuriam facere, quia si damnat, damnat incredulos, si eligit, eligit credentes; cum ergo nihil tale efficiat, sed solius beneplaciti mentionem faciat, eo ipso testatur clarissimè, se nullam discriminis istius causam agnoscere quàm solam ejus *ειδοξίαν*, atque adeò electionem non esse ex fide prævisa. XXV

XXV. Alia ratio est *amoris benevolentia & beneficentia*, alia *amoris complacentia & amicitia*; ille quidem antecedit fidem necessariò, quia illam dat, hic verò eam supponit; ille ex amantis dignatione, & sola ejus *εὐδοκία* pendet, iste ex amati dignitate, seu convenienti dispositione fluit. Quum Paulus ait ad Hebræos c. 11.6. *sine fide impossibile esse placere Deo*, non intelligit primum amorem, sed secundum, quia loquitur de fide actuali Patrum, per quam obtinuerunt testimonium justitiae; hinc ergo rectè infertur quales Deo placeant in tempore, non quare Deus elegerit ab æterno ut placerent.

Quæst. XI.
Fontes
Solutio-
num.
Heb. 11.6.

XXVI. Aliud est *hominem placere Deo*, aliud verò *placere Deo hominem eligere*; prius supponit fidem in subiecto existentem, & de hoc loquitur Paulus Hebr. 11.6. sed non posterius: Nec si Deo placet gratiam homini facere, statim sequitur hominem illum placere Deo; alioqui sequeretur, quia placuit mundum sibi reconciliare, mundum etiam placuisse Deo antequam reconciliatus esset, quod est *ἀσύνετον*; prius notat complacentiam quæ terminatur in homine, & actum ejus supponit, posterius tantum eam quæ terminatur in ipso decreto, & actum Dei dicit. Quamvis verò sine fide placeat Deo nos eligere ab æterno, non sequitur sine fide pariter nos placere posse Deo in tempore; quia potest placere Deo, ut bene velit creaturæ antecederet ad fidem, sed non potest Deus sibi complacere in Creatura nisi consequenter ad ipsam.

XXVII. *πρόγνωσις* de qua Rom. 8. 29. non *speculativè* intelligenda est pro nuda præscientia, quia nihil potest prævidere in homine quod ipse non dederit, sed *practicè* pro gratuita ejus electione, ut supra visum; Nec si Paulus ait, Deum quos *præcognovit*, *prædestinasse* *συμμόρφως* *imagini Filii sui*, intelligit tales fuisse antecederet; quia hoc non potuerunt obtinere, nisi ex vocatione quæ sequitur, sed ut essent tales consequenter, ut supplendum sit *πρὸς τὸ εἶναι*, ut indicentur *prædestinationis effecta & media*, non causæ & motiva: atque hinc patet, non quare hunc præ alio prædestinarit, sed ad quid prædestinet, & quibus mediis nimirum ad gloriam, & ad conformitatem cum Christo, tum in sanctitate, tum in cruce: ita *πρόγνωσις* decretum de fine seu destinationem ad salutem, *προορισμός* decretum de mediis ad finem illum consequendum necessariis notat, ut Eph. 1. 5.

Rom. 8.29.

XXVIII. Quod Jacobus dicit cap. 2. v. 5. *Deum elegisse pauperes hujus mundi divites fide*, innuit quidem ad quid Deus elegerit, nimirum ad fidem, sed non per quid & propter quid eos elegerit, ut verba ista *divites fide*, non *causaliter*, sed *finaliter* sint accipienda per ellipsim infinitivi *εἶναι*, ut Eph. 1. 4. quod patet à pari, quia eo modo elegit divites fide, ut *heredes regni*, sed *heredes regni electi* sunt ut tales redderentur, non quòd jam actu tales essent ante fuit electionem.

Jac. 2.5.

XXIX. Aliud est nolle electionem suspendere à fide & operibus, quod volumus; Aliud statuere salutem nobis esse decretam citra ullum respectum

etum

QUEST. XI. Etum obedientiæ & fidei, quod per calumniam nobis affingitur, Decretum de salute in tali respectu non fundatur, sed tamen ipsa salus decreta ex obedientia fidei pendet, quam Deus in nobis operatur.

XXX. Aliud est electos esse credituros; aliud electos esse *reduplicativè*, & *causaliter*, quia vel quâ credentes, & credituros; prius datur, quia neminem servare decrevit, quin quoque decreverit illi fidem dare, ut propositiones istæ sint convertibiles, omnis credens est electus, & omnis electus est credens; sed posterius, de quo hîc agitur, negatur. Hinc loca quæ statuunt neminem nisi credentem servari, probant quidem necessitatem fidei ad salutem consequendam in tempore, sed non fidei prævisionem, quæ electione sit prior ab æterno; quia aliud est Deum velle credentes servare, aliud decrevisse eos salvare, qui prævidit eos credituros.

XXXI. Si Deus salvat credentes quâ tales, sequitur quidem eum decrevisse eos salvare quâ tales, sed non quâ tales elegisse ad salutem, quia fides quæ est causa salutis, est tantum effectum & medium electionis: Sic verum est Deum in tempore servare eodem modo quo decrevit servare, & ut servat in tempore per fidem, ita decrevisse ab æterno servare per fidem, id est, ut fides sit conditio & medium consequendæ salutis; Sed non valet pariter, si de causa decreti intelligatur, quia fides quæ est causa antecedens salutis quæ nobis decernitur, non potest esse causa decreti, sed tantum medium, quo salus nobis decreta obtinetur. Licet autem nihil fiat in tempore quod non decretum sit ab æterno, non tamen propterea debet eadem esse ratio decreti quæ executionis. Nam decretum incipit à fine, & desinit in mediis; At executio incipit à mediis, & desinit in fine; Deus in eligendo concipitur prius decrevisse servare, deinde intendere dare media ad salutem, scil. fidem & obedientiam; sed in executione prius dat media quàm perducatur ad finem: Unde quod est causa salutis, non statim debet censeri causa electionis, imò potius ejus effectum: Sic Medicus prius intendit sanationem ægri quàm cogitet de remediis, sed in exequendo prius adhibet remedia quàm sanet. Licet ergo Deus in exequendo prius det fidem quàm salutem, non tamen inde inferri potest Deum in eligendo prius considerare fidem quàm salutem.

XXXII. Licet Deus prædestinet homines ad fidem, ut ad medium, per quod ad salutem perveniant; non necesse est ut pariter Deus prædestinet reprobos ad incredulitatem & ad impœnitentiam: quia alia sunt media, quæ Deus invenit in nobis, alia quæ facit; incredulitas & impœnitentia non ponuntur à Deo, sed inveniuntur in nobis; At fides à solo Deo oritur, non à nobis.

XXXIII. Licet reprobatio facta sit ex intuitu peccati, non sequitur electionem pariter factam fuisse ex intuitu fidei & bonorum operum, quia reprobatio est actus justitiæ, quæ supponit necessariò peccatum; Sed electio est

est actus misericordiae, quæ nihil supponit nisi miseriam: Ita homines potuerunt in prædestinatione spectari in *statu miseria*, in quam suâ culpâ inciderunt, sed non in *statu gratia*, ad quem per decretum electionis tantum erant traducendi.

QUÆST.
XI.

XXXIV. Voluntas dandi salutem, ut coronam & præmium fidelibus, præsupponit fidem & perseverantiam in homine qui salvandus est, qui sine illis salvari non posset, sed non in Deo qui servat, quasi voluntas ejus à prævisione talis fidei pendeat, cum hæc ipsa fides ab illo decreto oriatur: Justitia ergo postulat ut præmium non detur nisi post obedientiam, sed non postulat ut destinetur propter obedientiam prævisam, maxime cum merces illa sit merè gratuita, quæ à Deo non modò promittitur, ut præmium ad nos excitandos ad officium, sed destinatur etiam ut donum & hæreditas. Sic Deus præparavit regnum cælorum diligentibus se, 1. Cor. 2. 9. ut dilectio sit conditio præcedens possessionis, sed non propter dilectionem, ut sit causa impulsiva præparationis. Neque hîc bene distinxeris inter *χρῆσιν Patris*, quæ obtineat in Prædestinatione, & *χρῆσιν Judicis*, quæ locum habitura sit in die Judicii, ut collatio salutis non tam sit actus gratiæ, qui pendeat ex electione, quàm actus justitiæ, qui retribuatur unicuique secundum opera sua. Licet enim justitia fidelitatis in remuneratione gratuita fidelium sese exerere debeat, non ideo negari potest misericordiam Dei Patris ex gratuita electione fluentem hîc locum esse habituram; cum vita æterna nobis detur ut hæreditas filiorum ex beneplacito Patris Luc. 12. 32. *Netime pusille grex, nam beneplacitum Patris est tibi dare Regnum.* Et Matth. 25. 34. *Venite benedicti Patris mei, hæredate regnum vobis paratum à jactis mundi fundamentis.* Et Electio in Scriptura non tantum referatur ad media, fidem scilicet & sanctitatem, ut ista hypothesis statuit; Sed etiam ad finem, salutem nimirum ipsam, & vitam æternam, 2. Thess. 2. 13. 2. Tim. 1. 9. Rom. 6. 23. & alibi sæpe.

XXXV. Electio quæ sit inter dispares, & secundum inhærentes qualitates fieri debet ejus quod est melius; sed non eadem est ratio illius quæ fit inter pares, & in eadem miseria constitutos, tunc enim eliguntur non meliores, sed æquè mali, ut boni fiant, quæ electionis nostræ est conditio.

XXXVI. Quamvis sanctificatio sit nota à posteriori Electionis, quæ & nobis innotescit, & aliis sit manifesta, quo sensu Paulus 2. Tim. 2. 21. 2. Tim. 2. dicit *eum qui se purgaverit, fore vas ad decus*, id est, declaratum iri, ut Matth. 5. 44. 45. & Jo. 8. 31. non propterea potest censericausa, vel conditio Electionis.

QUÆSTIO XII.

DE ELECTIONIS CERTITUDINE.

An constans sit & immutabilis certorum hominum ad salutem Electio? Aff. contra Remonst.

I. **Q**UÆSTIO ista oritur ex præcedentibus, & cum iisdem Adversariis nobis intercedit; Nec mirum eos incertitudinem & mutabilitatem Electionis tueri, qui eam à conditione inconstanti & mutabili suspendunt.

II. Arminiani, ut Apostasiam Sanctorum tueantur, Electionis mutabilitatem statuunt; ideo duplicem eam fingunt: aliam *incompletam* & *non peremptoriam* eorum qui credituri sunt, quæ revocari possit & irrita fieri, ex inconstantia hominum, qui possunt deficere à fide; aliam verò *completam* & *peremptoriam* in fide perseverantium, & morientium, quæ sit immutabilis.

III. Orthodoxi verò, licet fateantur varios actus in electione assignari posse ratione variorum obsectorum, finis scilicet & mediorum: negant tamen Scripturam meminisse vel diversorum graduum, vel specierum Electionis; sed unicam tantum cum ea, completam & peremptoriam agnoscunt, non indefinitam hominum credentium, & perseverantium, sed definitam certorum hominum ex eadem massa corrupta ad salutem per & propter Christum obtinendam destinatorum, quæ ita sit certa & immutabilis, ut revocari nunquam possit, sed finem suum tandem infallibiliter consequatur.

*Status
Quæstio-
nis.*

IV. Ad Statum Quæstionis, observa 1. Non quæri de *certitudine* Electionis *subjectiva*, quæ est à *parte nostri*, & respectu sensus quem de ea habemus, de qua postea agetur; Sed de *objectiva*, & à *parte rei*. Non, An Electus possit excidere à parte sui, quod nimis verum esse experiretur, si sibi relinqueretur; Sed, An possit excidere à parte decreti, quo ad salutem electus est.

V. Non quæritur, An ita sit certa electio, ut nulla sint amplius necessaria media, & quicquid homo præstiterit necessario salvandus sit? nolumus enim finem à mediis separare, quæ inter se Deus conjunxit; Sed, An certa sit positis mediis à Deo ordinatis? Quæstio ergo eò redit; An decretum electionis ita firmum sit & immutabile, ut electi necessario & infallibiliter ad salutem tandem perducere debeant: Negant Adversarii; Nos affirmamus.

VI. Rationes sunt. Primò quia eadem est ratio decreti Electionis, quæ
alio-

aliorum Dei decretorum, quæ sunt immutabilia, ut supravifum ex Ps. 33. *Quæst. XII.*
 11. Num. 23. 19. Mal. 3. 6. Jac. 1. 17. If. 46. 10. *Consilium meum stabit, & Electionis*
perficiam omne beneplacitum meum, ubi cum immutabilitate decreti, notatur *immutabi-*
infallibilitas eventus. Hinc Scriptura Electioni tribuit ἀμετέλητον ὁ βελῆς *litas proba-*
immutabilitatem consilii, Heb. 6. 17. & *propositum quod firmum manet,* Rom. 11. *tur.*
 9. 11. Et alibi testatur, *Dona & vocationem Dei esse ἀμεταμέλητα,* Rom. 11. *Ex Heb. 6.*
 29. Si verò dona & vocatio, quæ ab Electione fluunt, sunt sine pœnitentia, *17.*
 quidni & ipsa Electio, eorum causa erit ἀμεταμέλητῃ? Nec dicendum hîc *Rom. 9. 11.*
 Deum quidem non pœnitere donorum suorum, sed hominem posse pœni- *& Rom.*
 tere doni accepti, vel retenti. Quia licet homo à parte sui in sensu diviso *11. 29.*
 posset deficere; non potest tamen in sensu composito, & quâ electus & vo-
 catus, siquidem hæc ipsa electio & vocatio ἀμεταμέλητῃ, irresistibiliter in
 eo operando dat velle & perficere, & facit ut eum doni accepti nunquam
 pœniteat, producendo pœnitentiam ἀμεταμέλητον, 2. Cor. 7. 10.

VII. Huc pertinet locus illustris Pauli 2. Tim. 2. 19. *Firmum stat Dei Ex 2. Tim.*
fundamentum, habens hoc sigillum, Deus novit qui sui sunt. Ubi quot sunt *2. 19.*
 verba, tot sunt rationum pondera. Quia enim Ecclesia domus est Dei vivi,
 & salutis opus ædificium quod in ea extruitur, ne de ejus firmitate aliqua du-
 bitatio oriretur, *fundamentum* illi tribuit Apost. æternam scil. electionem,
 in qua salus nostra tota fundatur, sed fundamentum eximium, non homi-
 nis, sed *Dei*, tum *originaliter*, quia ab ejus manu sola positum est, Heb. 11.
 10. 1. Petr. 2. 6. tum *subjectivè*, quia eo velut rupe Seculorum nititur Matt.
 16. 18. adeoque non fluxum & mobile, qualia sunt fundamenta terrena &
 humana, quæ variis casibus tandem concidunt, sed *firmum & immotum*,
 quod everti non potest, & quidem quod ἔστηκε, id est, firmum & inconcus-
 sum, *stat*, perpetuâ nempe stabilitate, quæ nullas temporis differentias ag-
 noscit, idque *obsignatum* notitiâ Dei non simplicis inspectionis, sed pra-
 cticâ discernente suos à non suis: Quippe, ut homines sigillo solent con-
 firmare scripta quæ rata & firma esse volunt; Ita Deus decretum Electio-
 nis sigillo munire voluit, ne ullus de eo dubitandi esset locus. *Habens sigil-*
lum hoc, novit Deus qui sui sunt, & recedat ab iniquitate, qui nominat nomen
Christi, quod duplex velut emblemata exhibet ad plenam confirmationem.
 Unum resp. Dei, alterum resp. nostri: Prius ad Dei amorem & custodiam;
 posterius ad sanctificationis studium, quod Deus in suis gignit, pertinet,
 quo utroque Electionis certitudo constat: Nam si posset irrita fieri, vel à
 parte Dei hoc oriretur, vel à parte nostri; Sed neutrum dici potest: Non
 prius, quia *Deus novit qui sui sunt*, id est, amat & protegit, ne unquam de-
 ficiant: Non posterius, quia idem curat, ut quisquis profitetur nomen
 Christi, & est ex numero suorum, recedat ab *iniquitate*.

VIII. Quid fortius dici potuit ad immutabilitatem Electionis adstruen-

QUEST.
XII.

dam? Quid enim excipi potest? An, non agi de Electione, sed tantum de doctrina resurrectionis, de qua egerat in versu præcedenti? & Sed, præterquam quod doctrina resurrectionis involvit totam salutis rationem, quæ in electione fundatur; Scopus Apostoli contrarium evincit, qui est confirmare fidem verorum fidelium adversus defectionem Hymenæi & Phileti, & aliorum idgenus Apostatarum, ne propterea conturbarentur, quali actum esset de salute sua, quia diversissima sit ratio fidei istorum *περοπαίρων*, & fidei electorum, illam concuti posse & everti, quia stabili non erat gradu, sed istam nequaquam, utpote quæ rupi seculorum immotæ inniteretur; Licet ergo Hymenæus & Philetus, & alii aberraverint à fide, *ὁ μὲντοι πρεδὸς ἔστικε Θεῷ* *θεμελίῳ*, *firmum nihilominus manet Dei fundamentum* respectu verorum fidelium, quos Deus pro suis agnoscit & amat. An addent agi de fundamento quod nititur præscientiâ fidei, quia dicitur habere hoc sigillum, *Deus novit qui sui sunt*? Sed ne sic quidem quicquam promovebunt, tum quia notitia ista non est speculativa, sed practica, quæ objectum non supponit, sed facit; tum quia hic proponitur, non antecedenter ad fundamentum, sed ut sigillum consequens, quodque ideo electionem sequitur non præcedit. An denique dicent proponi quidem recessum ab iniquitate, ut officium hominis, qui hoc debeat facere, sed non statim ut ejus actum, qui hoc reipsa impleat? Sed hic actus hominis ab ejus officio non separatur, quia idem qui jubet Deus, ut recedamus ab impietate, id ipsum operatur in nobis Spiritu suo, qui ne recedamus unquam à Deo, facit ut per sanctam apostasiam recedamus à mundo & peccato, mortificando facta corporis, Rom. 8. 13. & crucifigendo carnem cum suis concupiscentiis Gal. 5. 24.

ex Matth.
24. 24.

IX. Secundò, Quia Electi seduci non possunt, Matth. 24. 24. Christus de Pseudoprophetis loquens, dicit, tot & tanta signa & prodigia facturos, ut *seducerent*, *si fieri posset*, καὶ τὰς ἐκλεκτὰς *ipso etiam electos*, id est, si qua vis valeret adversus electionem, quod dici non posset, nisi revera electos seduci esset impossibile, non respectu cujusvis erroris levioris, in quem non repugnat eos cadere, sed exitialis & finalis: Nec ad eludendam vim istius loci juvat excipere. Primò Electos notare hic tantum præstantes: Quia nusquam vox ista in N. T. præcellentiam innuit sine respectu ad decretum, quod loca ab ipsis Adversariis allata, Luc. 23. 35. 1. Pet. 2. 4. Act. 9. 15. probant, nec hoc aliter intelligendum hic esse ex Marc. 13. 20. constat, ubi describuntur per *electos*, quos Deus elegit. Secundò *ὁ δυνάμει* non absolutam quandam impossibilitatem, sed magnam tantum difficultatem indicare, quæ referenda sit, non ad ipsius seductionis eventum, sed ad seducendum consilium & studium, ut sit sensus, quantum in ipsis est, nil intentatum relinquent, quo possint electos seducere; illud autem si ipsorum machinationes non efficiant, nil obstat tamen, quin seipsos prodant electi

electi, & ex innata labilitate pereant; aliàs quid opus fuisset monitione ne se- Quæst. XII.
 ducerentur, si impossibile fuit eos seduci? *R.* Sed scopus Christi contrarium
 evincit, qui est exaggerare summum discrimen ultimorum temporum, quod
 imminebat fidelibus à Pseudochristis & Pseudoprophetis, qui talia signa
 erant edituri, ut non tantum πρόσκαιροι, sed ipsi etiam electi, si possibile es-
 set, subverterentur; quod locum non haberet, si difficultas tantum notaretur,
 & impossibilitas moralis ex parte seductorum, quasi sensus esset, nil in-
 tentatum relinquent Pseudoprophetæ, ut quantum in ipsis est noceant ele-
 ctis; sed quid opus erat hoc prædici, de quo nemo dubitabat, cum hoc sit
 ingenium, & hæ artes seductorum? Deinde difficultas illa, vel superabilis
 fuit à Pseudoprophetis talia molientibus, vel non; si potuit superari, nihil
 novi aut magni hinc prædicitur à Christo; si non potuit, obstaculum non est
 ab eorum impotentia vel ignorantia, sed à superiori causa, quam ipsi frustra
 oppugnant, nim. electione; unde non ait, *ei δύω αὐτοῖς*, sed *ei δύω αὐτῶν*,
 quod non simplicem difficultatem, sed eventus impossibilitatem notat, ut
 Gal. 4. 15. Nec si impossibilis est seductio propter electionis immutabili- Gal. 4. 15.
 tatem, sequitur frustraneas esse Christi hortationes ad vigilantiam, quia sunt
 media quibus Deus constituit consilium suum exequi; aliàs frustra Christus
 præmoneret Petrum de lapsu, quia erigendus erat, & Paulus Centurionem
 de naufragio, Act. 27. 31. cum omnes servandi essent.

X. Tertiò, Quia datur nexus inseparabilis inter Electionem & gloriam,
 ut quotquot electi sunt, iidem etiam sint glorificandi, patet ex catena aurea
 salutis, quæ ab Apostolo nectitur Rom. 8. 29. 30. ubi initio facta ab æterna Rom. 8. 29.
 Dei electione, per singulas gratias inde manantes, progreditur ad ultimum 30.
 salutis complementum, ab æterno in æternum, ab æterno respectu prædesti-
 nationis, in æternum respectu glorificationis. *Quos Deus prænovit, eos præ-*
destinavit conformandos imagini Filii sui. Quos verò prædestinavit, eos voca-
vit, quos vocavit, eos etiam justificavit, quos justificavit, eos etiam glorificavit.
 Ubi Paulus loquitur de glorificatione in præterito, tum respectu inchoatio-
 nis in gratia & sanctitate, quæ gloria est inchoata, 2. Cor. 3. 18. tum respec-
 tu certitudinis, quia æquæ certa est & infallibilis, ac si re ipsa in cælos jam
 introducti essent. Si ergo gratiæ istæ arctissimè inter se junctæ sese ita comi-
 tantur, ut nemo prædestinatus sit, qui non vocetur, nemo vocetur, qui non
 justificetur, nemo justificetur, qui non glorificetur, ex eo invictè patet Ele-
 ctionem immutabilem esse, quæ infallibiliter eventum suum debet consequi.

XI. Quidam ex Pontificiis, ut *Becanus* & *Tirinus*, ut se ex hoc loco
 expediant, confugiunt ad hyperbaton, quasi ita legendum foret, *Deus eos*
prædestinavit, quos præscribit fore conformes Christi. Sed Bellarminus ipse
 agnoscit hanc esse depravationem Textus, qui contrarium habet. Alii
 volunt agi de præscientiâ eorum, quos Deus prænovit *finaliter credituros.*

Quæst. XII. Sed glossa illa textum ipsum corrumpit, nam Paulus dicit Deum prius prænovisse eos quos prædestinavit, ut conformes essent Filio suo; Ergo non poterant præsciri, ut jam conformes, multò minùs ut credentes, & ad finem usque perseverantes. Præcognitio ergo ipsa est practica personarum, non theoretica qualitatum, unde non dicit *quorum fidem* præcognovit, sed *quos* prænovit. Non meliùs elabuntur, qui ista omnia conditionata esse pertendunt, dummodo Deum amare non desinamus; Apostolum scilicet ostendere, quid ex parte sua facturum sit Deus, nimirum quòd credentes & perseverantes sit glorificaturus, sed non dicere; An qui semel credunt & Deum amant, perpetuò in officio suo sint permansuri; aliàs frustra excitaturus fuisset fideles ad patientiam in cruce. Nam gratis supponunt conditionatè ista sumenda esse, cùm conditio ipsa, nimirum fides sub promissionem cadat, utpote vocationis fructus; alioquin vana esset gloriatio Apostoli, & triumphus fidei, quid enim juvaret tutum esse ab hostibus externis, si periculum nobis à propriâ nostrâ inconstantia semper immineret?

Rom. 11. 7. XII. Id ipsum verò Paulus alibi confirmat clarissimè, quum inter destinationem gloriæ, & salutis consecutionem nexum proponit, Rom. 11. 7. *ἡ ἐκλογή ἐπὶ τυχεν Electio affecuta est, ceteri occalluerunt*, ubi non dicit simpliciter *Electos* affecutos esse, nimirum justitiam vel salutem, quam Judæi ceteri perperam in Lege quærebant, sed *electionem*, ut notet non modò *subjectum*, id est, illos qui salvantur, sed *causam*, cur salutem potiùs isti quàm alii obtineant, nimirum æternam Dei electionem. Ideo v. 2. dixerat Apost. *Deum non abjicere populum quem prænovit* propter electionis certitudinem.

Apoc. 13. 8. XIII. Quartò, Quia Electorum nomina scripta sunt in cælis, in libro vitæ, Phil. 4. 3. Apoc. 13. 8. Heb. 12. 23. qui lituram nullam patitur: Unde Christus jubet discipulos suos lætari, non quòd dæmones ipsis subjicerentur, sed præcipuè quòd *nomina eorum scripta essent in cælis*, Luc. 10. 20. cujus gaudii nulla esset ratio, si inscriptio illa faciliè deleri posset, & à tenui tantum voluntatis humanæ mutabilis filo penderet. Verum enim demum gaudium est, quod est solidum & ἀναφαίρετον. Et hoc luculentiùs patet, sive inscriptio in genere spectetur, quâ Scriptura solet firmitatem & infallibilem executionem decretorum Dei designare, tum in irâ, ut Is. 65. 6. *Ecce scriptum est coram me*, nempe peccatum Israëlitarum, *non tacebo nisi rependero in sinum ipsorum*; tum in gratia, ut Mal. 3. 16. dicitur *Liber memoria conscriptus coram Deo timentibus Jehovaham*, sive in specie author, & subjectum inscriptionis istius attendatur; Nam quamvis ad multiplicem ritum alludere hac phrasi potuerit Spiritus S., sive ad album amicorum, sive ad militum conscriptionem, sive ad matriculam Civium, qui jure civitatis fruuntur; Certum est hoc libro designari æternum Dei consilium; quò in mente sua inscripsit nomina eorum, quos in numerum fidelium suorum recipit, & quos in Jerusale-

lem cœlestem admittere statuit, cujus invicta potentia, & constantia immota scriptionem istam indelebilem reddit: Nam si homo dixit, quod scripsi; scripsi; an Deus quemquam scribit in libro vite & delet? ut loquitur August. Si Regum Persarum decreta erant irrevocabilia, quantò magis Regis Regum, in quem nec cadere potest ignorantia in decernendo, nec impotentia in exequendo? Accedit etiam titulus ipse libri: nam cur vocaretur *Liber Vitæ*, in quo qui scribuntur, scribuntur ad vitam, Is. 4. 3. si in æternum perire possunt? Denique loci ipsius conditio hoc evincit, ut enim terra inconstantia & fragilitatis sedes est; Ita impii, quorum portio est in terra, & qui cum ea perituri sunt, dicuntur *scripti in terra*, Jer. 17. 13. Sed fideles dicuntur *scripti in cœlis*, non modò quia ipsorum *πλῆθὺς* est in cœlis, Phil. 3. 20. & jus habent ad patriam cœlestem, sed & quia hæreditas incorruptibilis ipsis asservatur in cœlis, 1. Pet. 1. 4. à qua excidere nequeunt. Unde alibi Christus promittit victori, Apoc. 3. 5. *Quòd non deleturus sit nomen ejus ex libro vite*, & Apoc. 21. 27. Johannes protestatur, quòd nemo faciens iniquitatem sit ingressurus in civitatem cœlestem, *εἰ μὴ οἱ γεγραμμένοι ἐν τῇ βίβλῳ τῆς ζωῆς, præter inscriptos in libro vite*. Ut ergo nemo extra eos potest hoc expectare; Ita quotquot sunt ex eo numero hoc jure sibi polliceri possunt.

XIV. Perperam hîc distinguitur *Liber Agni*, & *Liber Vitæ*, quasi in illo inscripta sint nomina perseverantium in fide, adeoque eorum qui salvantur; In isto verò inscripti sint omnes fideles sub conditione perseverantiæ. Quia eundem esse librum Agni, & Vitæ constat Apoc. 13. 8. ubi liber Agni, simul vocatur *Liber vite Agni*. Frustra etiam inscriptio duplex fingitur, alia facta secundum æternam prædestinationem ex prævisione perseverantiæ, quæ sit indelebilis, alia verò temporalis, quæ dicatur fieri secundum præsentem fidei & justitiæ statum, quæ sit delebilis; quia indignum est Majestate & Sapientia Dei fingere Deum *ἀλλοπρόσωπον*, cujus decreta suspendantur ex volubili voluntatis humanæ flexu, ut toties nova ineat consilia, quoties illa, vel in pejus, vel in melius mutatur.

XV. Sed longè aliter perfectissima Dei natura ratiocinari nos jubet; Nam si Electionis decretum mutaret, vel inde fieret, quòd prævidere nesciverit quod eventurum erat ex ignorantia, vel quòd exequi non potuerit ex impotentia, vel quòd perficere noluerit ex inconstantia. At cum nihil tale cadere possit in Deum sapientissimum, potentissimum, & optimum, ac fidelissimum, consequens est, ut quod semel statuit ratum maneat ac fixum, & eventum suum remotis omnibus impedimentis infallibiliter sortiatur.

XVI. *Electio* nostra potest firmari à posteriori, respectu sensus nostri in Fontes corde; Et hoc sensu verba Petri intelligenda sunt, 2. Pet. 1. 10. quum jubet *Solutio* fideles vocationem suam & electionem *βεβαιῶν*, firmam reddere, quia per num.

Q U A S T. XII. praxim bonorum operum, & sanctificationis studium, veritas electionis magis ac magis nobis innotescit, & in cordibus nostris confirmatur; Sed non inde sequitur eam debere confirmari à priori, & respectu ipsius consilii Dei, quod ut ἀμεταῖτερον, idem semper manet, nec irritum fieri potest.

XVII. Vox ἀδόκιμος non necessariò sumitur participialiter pro eo qui reprobatus est à Deo, & ad æternam mortem prædestinatus, sed nominaliter sæpe usurpatur pro inepto, inidoneo, sicut vicissim δόκιμος significat eum qui probæ est notæ, & aptus ac idoneus ad opus ad quod vocatur. Quum ergo 1. Cor. 9. 27. *Se contundere corpus suum, ne cum aliis predicaverit, ipse inveniatur ἀδόκιμος*, non vult supponere se posse ex electo fieri reprobum, sed innuit tantum se corpus suum in servitutem redigere, ne ob vitam licentiosiores ἀδόκιμος & ad Evangelii prædicationem ineptus redderetur: alludit scilicet ad pugiles, quorum ii qui desidiosi erant & pigri ex nimia saginatione rejiciebantur, tanquam inepti & minus idonei: adde quòd sollicitudo Pauli non poterat infringere certitudinem decreti, quæ usum mediorum non excludit, sed includit.

XVIII. Electus potest deficere in *sensu diviso*, quæ homo in se consideratus: sed non in *sensu composito* quatenus electus, relatè ad decreti divini immutabilitatem, & invictam Dei custodiam.

Exo. 1. 32. 32. XIX. *Liber* de quo Moses optat deleri, Exod. 32. 32. non est *liber vite æternæ*, seu prædestinationis; sed *liber providentiæ*, seu *vita presentis*, ut doceat se tanto erga Dei gloriam zelo, & tantâ charitate erga populum ferri, ut interitu suo paratus sit redimere totius populi exitium, & optet potius mori, quàm universam illam gentem, in fœdus Dei adscriptam, tot miraculis clarâ, cum magna, ut videbatur, Nominis divini ignominia in deserto perire: Nec difficile est hoc colligere, tum ex eo quòd mentio fit tantum libri Dei, *dele me de libro tuo*, non libri vitæ; tum quòd votum Moysis respondere debet pœnæ, quam adversus populum Deus interminatus fuerat, quæ fuit, destructio, & mors corporea, ex ψ. 10. *Dimitte me, ut irascatur furor meus, & deleam eos, faciamque te in gentem magnam*; Ergo de eodem mortis genere debuit loqui, quod etiam in simili casu intelligit, Num. 11. 15. *Si sic mecum agis, obsecro ut interficias me*. 2. Licet de libro vitæ hoc intelligeretur non statim inferri inde posset Electionis mutabilitas, quia votum est quod tacitam habet conditionem, si res fieri posset, & faceret ad Dei gloriam. Ita non notatur *facti possibilitas*, sed *orantis ardor*, & *zelus*, & *charitas summâ*, quâ impellitur, ut proprio exitio, siquidem hoc fieri posset, fratrum suorum salutem redimere vellet: quomodo Christus orat Patrem, ut à se transeat calix passionum, non quòd hoc fieri posset per decretum Dei, sed ut intimum iræ divinæ sibi imminentis, & dirissimæ mortis sensum exprimeret. Eòdem pertinet votum Pauli, qui optat anathema fieri

fieri à Christo pro fratribus, Rom. 9. 3. non ut separaretur à Christo quoad *gratiam & sanctitatem*, quod non modò Deo esset ingratum, sed petenti *impium*, sed quoad *gloriam & felicitatem*, siquidem hoc per rei naturam, & Dei voluntatem fieri posset.

XX. Aliud est *deleri realiter & positivè* ex libro vitæ, quando expunguntur qui antea scripti fuerant; Aliud *deleri tantum* *ἐξ ὧν*, & *negativè*, quum declaratur aliquem non esse scriptum. Priori sensu nemo deleri potest reipsa ex libro vitæ; Sed posteriori hypocritæ & *πρὸς οὐρανὸν* deleri dicuntur, quum larva ipsis detrahatur, & ex ipso eventu constat nunquam inscriptos fuisse. Sic exponit Aug. in Pl. 69. *Isti ergo, quomodo inde delentur, ubi nunquam scripti fuerunt, hoc dictum est secundum spem ipsorum, quia ibi se scriptos putabant, quid est deleantur de libro vitæ? ut ipsis constet non illos ibi esse, nam versus qui sequitur exponit quod dictum est, & cum justis non scribantur; Ita Apoc. 22. 19. Deus dicitur ablaturus partem e libro vitæ illius, qui abstuleris verba istius Prophetiæ, non delendo positivè eum qui nunquam scriptus fuit, sed ostendendo eum nunquam scriptum fuisse, quomodo dicitur pars ejus auferenda ex sancta Civitate, non quam habuerit, vel habiturus erat, sed ne ullam habeat.*

XXI. Cum certitudo finis non excludat necessitatem mediorum, sed eam supponat, perperam doctrina de immutabilitate Electionis tollere dicitur usum monitionum, & comminationum, & securitatem carnalem inducere, quia ista sunt mediâ à Deo instituta ad decreti sui executionem: Hinc iidem Sancti, qui certissimè sibi spondent constantiam in via, & fruitionem in patria, non desinunt esse solliciti de salute sua, quia norunt hoc non posse præstari sine intermediis sanctitatis officiis, & oppositorum fugâ, 1. Joha. 3. 3. *Qui habet hanc spem se purificat*, vide 1. Cor. 9. 26. Phil. 3. 14.

XXII. Unde patet quàm impia sit profanorum ratiocinatio, qui ex Electionis certitudine salutem suam putant esse in tuto quomodocunque vivant. Quia hæc dividuntur conjungenda, finis à mediis, salus scilicet à fide & sanctitate, & conjunguntur dividenda, vitium scilicet cum felicitate, malum ethicum cum bono physico: Ita enim ex electionis decreto ad finem prædestinantur fideles, ut non aliter quàm per mediâ à Deo instituta ad eundem perducantur. Quamvis ergo verum sit quemlibet electum salvandum esse necessariò, falsissimum tamen est quovis modo, aut supposito quovis casu salvum fore; nam Deo quidem decernente certa est & firma salus electorum, sed eodem Deo decernente, non nisi per viam fidei & sanctitatis certa est, *quia absque sanctitate nemo videbit Deum* Heb. 12. 14. Et quàm necessarium est electum salvari, tam necessarium est salvari hæc viâ & ordine. Et contradictio est in adjecto dicere Electum servatum iri, licet impenitentem, quia non modò electus est ad salutem, sed & ad sanctitatem.

QUEST.
XII.

XXIII. Aliud est privari jure regni *demeritorie*, aliud verò *effective*; Fideles quum peccant, excidunt jure regni quoad demeritum, sed non pariter de facto, id est merito suo quidem sunt damnandi, sed firmo tamen Dei proposito sunt absolvendi. Unde istæ duæ propositiones possunt simul consistere; Impossibile est, ut David electus pereat, Impossibile est ut David adulter & in adulterio perseverans servetur. Sed nodum hunc divina misericordia & providentia solvit, curando, ut non moriatur in illo statu, in quo à vita æterna excluderetur, sed ut ante vitæ exitum ad pœnitentiam, tanquam ad salutis viam revocetur. Quamvis ergo in atrocibus peccatis, fideles reatum damnabilem contrahant, & præsentem ad regnum cœlorum aptitudinem amittant, quia tamen actus hominis non possunt actus divinos rescindere; Non propterea vel adoptionis status convellitur, vel jus ad regnum cœlorum aufertur, quod gratuitâ Dei electione nititur, & merito Christi ipsius partum est; Nec amor specialis quo eos Deus prosequitur, patitur ut in *odium hostile* incurrant, quod cum proposito damnandi conjunctum est, licet non impediatur paternam Dei indignationem contra filios rebelles, ut eos à peccatis revocet.

Jo. 6. 70.
et 17. 12.

XXIV. Alia est *electio ad salutem*, alia ad *Apostolatam*, illa irrevocabilis est, sed non ista; Judas Christi proditor *electus* dicitur ad Apostolatam, Jo. 6. 70. Nec particula *eipm* Jo. 17. 12. quum nemo dicitur periisse ex omnibus iis, qui dati sunt Christo, nisi *filius perditionis*, est *exceptiva*, ut sæpe alibi, non ut excipiat Judas ex illis qui dati sunt Christo, & non perierunt, sed ut illis opponatur, ut pateat non fuisse datum Christo, quia perit ut filius perditionis, id est, exitio jam antea devotus.

Rom. 11.
23.

XXV. *Insitio in oleam*, alia est *externa vocationis* per professionem, alia est *interna communionis* per fidem salvificam; ab illa potuerunt rescindi Judæi; qui pro populo Dei habebantur, Rom. 11. 23. sed non ab ista, quæ electis propria est, & est immutabilis. Alia sunt argumenta quæ pro Apostasia Sanctorum afferuntur, quæ loco de *Perseverantia* excutientur.

Q U Æ S T I O XIII.

An fidelis possit esse certus de Electione sua, certitudine non tantum conjecturali, sed infallibili, & fidei? Aff. contr. Pontificios & Remonstr.

I. **A**SSERTA *Certitudine objectivâ* Electionis, De *subjectivâ* dicendum, quam Pontificii & Arminiani pariter impugnant: Quamvis verò plena ejus tractatio ad locum de Justificatione & Perseverantia per-

pertineat, quia tamen circa Electionis doctrinam movetur etiam *Quæstio* *Quæst.*
XIII.
hæc ab Adversariis, de ea paucis est agendum.

II. Pontificiorum sententia non certius potest colligi, quam ex Concilii *Sententia*
Tridentini decreto, Sess. 6. c. 9. & Cano. 13. 14. 15. quod Negat *Pontificio-*
rum. quemquam
scire posse certitudine fidei, cui non potest subesse falsum, se gratiam Dei esse conse-
cutum. Negat oportere, eos qui verè justificati sunt, absque ulla omnino du-
bitatione apud se statuere se esse justificados. Et anathema denunciat illi qui
dixerit, hominem renatum & justificatum teneri ex fide ad credendum se certò
esse ex numero prædestinatorum. Licet verò de sententiâ decreti Synodici non
satis inter se consentiant Adversarii, aliis eam ad certitudinis confirmatio-
nem, quam tuebantur, aliis ad ejus oppugnationem trahentibus, singulis
sensum Concilii versatilem ad suam vertiginem inflectentibus. Certum ta-
men plerosque, & Jesuitas imprimis ita illud interpretari, quòd fidelis ex con-
jecturis & signis probabilibus equidem de futura felicitate sua bene sperare,
nihil tamen certò concludere, vel certitudine fidei de ea cognoscere possit.

III. Arminiani negant dari ullum sensum electionis in hac vita nisi con- *Et Armi-*
ditionatum, & laudabile ac utile esse ducunt dubitare, an ii semper futuri si- *nianorum.*
mus, qui nunc sumus, ut loquuntur Collatores Hagi. verentur scil. ne cer-
titudò talis sit peccatoribus loco pulvinaris, quo seiplos molliter fovere, &
suaviter demulcere possint; Unde sufficere arbitrantur eam certitudinem,
quâ fideles sciunt, se, siquidem in fide perseverent, permansuros in Dei gra-
tia, & vitam æternam consecuturos; id est, certitudinem conditionalem,
non absolutam, idque de præsentì solummodo, non de futuro: Fons erroris
est, falsa de electione opinio, quam demum in articulo mortis compleri
ajunt, cum antea incompleta fuerit, ut quandiu quis in vivis est, singulis
momentis deficere possit, sicque planè dubitare debeat de electione sua,
quòd ei non constare possit, an ad finem usque sit perseveraturus.

IV. Hinc Quæstionis Status colligitur. 1. Non quæritur, An Electio *Status*
à priori nobis sit perceptibilis; *Quis enim novit mentem Domini, quis illi fuit* *Quæstio-*
à consiliis? Rom. 11. 34. Sed à posteriori tantum; non in cœlum ascenden- *nis.*
do, ut in causas Electionis inquiramus, & librum vitæ evolvamus, quod no-
bis est interdictum; Sed in nos descendendo, ut librum conscientia verse-
mus, & fructus electionis in nobis observantes ab effectis ad causam ascenda-
mus. Hoc autem non fit certius quam per *sylogismum practicum*, cujus ma-
jor est in Verbo, minor in corde legitur. Quisquis verè credit & resipiscit,
electus est; Atqui ego credo &c. Ergo electus sum.

V. 2. Non quæritur de extraordinaria revelatione; An aliquis possit esse
certus extraordinariè de electione & salute sua; hoc enim non diffitentur Ad-
versarii respectu quorundam, quibus peculiarem hanc gratiam Deum con-
cessisse volunt. Sed de modo ordinario & communi, qui fiat per fidei évép-

QUEST.
XIII.

γινῶν & πληροφορίαν. Non de certitudine probabili & conjecturali, cui possit subesse falsum, quam agnoscunt; Sed de certitudine fidei. Non de certitudine electionis & salutis alienæ, quæ non nisi ex iudicio charitatis colligi potest, sed de certitudine electionis propriæ.

VI. 3. Non quæritur de omnimoda certitudine, quæ omnem contrarii formidinem excludat, & in eodem gradu semper maneat, qualis erit beatorum in cælis, qui nullis amplius tentationibus futuri sunt obnoxii. Agnoscimus enim certitudinem illam innatæ imbecillitatis respectu concuti sæpius & fluctuare, præsertim in vocationis primordio, vel in Cruce, & lucta, imò ad tempus etiam supprimi, ut in tentationum paroxysmis, quum solatium fidelis sic nonnunquam intercluditur, & lumen divini vultus sic absconditur, ut in excessu mentis fidelis queratur cum Davide, se projectum à facie Dei Ps. 31. 23. Sed quæritur de tali certitudine, quæ in actum aliquando exeat, ut nemo sit fidelium, qui hac persuasionem ante mortem aliquando ad solatium suum non imbuatur.

VII. 4. Non quæritur, An certitudo illa possit in actum exire in quolibet hominis statu, etiam extra studium sanctitatis, & usum mediorum; quasi homo perseverans in peccatis, possit & debeat sibi persuadere se ad vitam æternam esse electum, & certò servandum, hæc enim statuimus αἰτίαι, & inani ac falsissimâ spe sese lactaret, qui hæc apud se cogitaret. Sed quæritur, An dum fidelis est in via sanctitatis, & utitur mediis à Deo institutis possit hanc persuasionem habere, quia in ista tantum via ambulantes Deus promissiones dedit, & ibi sunt vera γνωρίσματα, & indubitata κερτήρια Electionis & Justificationis.

VIII. Quæstio ergo eò redit, An fidelis adultus possit, non quoad actum continuum, & non interruptum, sed quoad fundamentum, & habitum nunquam amissum, non de præsentis tantum, sed & de futuro statu certus esse; An debeat, non ex propriæ dignitatis, sed dignationis divinæ, & potentis custodiæ ejus intuitu, certitudinis actum elicere, non probabilis tantum & conjecturalis, cui falsum subesse possit, sed veræ fidei de electione, & salute sua. Negant Adversarii; Nos affirmamus.

Electi possunt esse certi de Electione sua.

IX. Rationes sunt, 1. Quia fideles possunt scire se esse filios Dei, & se credere. Ergo possunt scire se esse Electos, quia adoptio & fides sunt effecta & fructus infallibilis Electionis. Possunt scire se esse filios Dei, non tantum ex amore filiali, quo feruntur ad invocandum eum ut Patrem, sed etiam ex testimonio Spiritus, qui testatur eos esse filios Dei, Rom. 8. 15. 16. Possunt scire se credere ex natura fidei, quæ non tantum actu directo fertur in rem promissam, sed & actu reflexo in propriam apprehensionem; aliàs si fideles non possunt scire se credere, Apostoli non possent dicere Novimus, & credidimus, Joh. 6. 69. Et Pater Lunatici, Credo Domine, succurre incredu-

dulitati meæ, & Jo. 12. 3. *Novimus quòd cognovimus ipsum* &c. Nec posset Paulus dicere, *Novi cui crediderim*, 2. Tim. 1. 12. & alios hortari, *Ut se explorent, an sint in fide*, 2. Cor. 13. 5. nisi hoc sciri posset. Unde Aug. de Trinitate, lib. 13. c. 1. *Fidem suam quisque qui eam habet, videt in corde suo, & tenet certissimâ scientiâ, & clamante conscientiâ*. Nec obstat, quòd varii inani spe se lactare possunt, & per temerariam præsumptionem gloriari de fide, quam non habeant tamen; quia inanis hypocritarum jactantia non tollit veram fidelium fiduciam; Nec si, qui Spiritu isto destituuntur, eum non norunt, bene colligitur eos qui illum possident, hunc ignorare, neque ullis *περ τοιούτοις* posse illum dignoscere. Fateor notas istas non semper æqualem claritatis vel certitudinis gradum habere, sed propterea non sunt censendæ fallaces & merè conjecturales. Tam certò enim, ac qui vivit scit se vivere ex actionibus vitalibus, quas in se persequitur; Ita, qui vivit vitâ spirituali filiorum Dei potest scire se vivere ex Spiritu, qui in ipso operatur.

X. Secundò, Idem colligitur ex *Dei ipsius inscriptione*. Quemadmodum enim ab æterno in *libro vite* nomina electorum inscripsit, ut in *libro Scripturæ* promissiones perseverantiæ ad confirmationem fidei nostræ consignat; Ita in *libro conscientie*, & in tabulis non lapideis, sed carneis cordis, non atramento, sed Spiritu Dei vivi, 2. Corinth. 3. 3. apographum electionis nostræ exscribit, gratiam & legem insculpando animis nostris, ut nos de æternitate amoris sui, & curâ suâ ac custodiâ perpetuâ certos reddat, Jerem. 31. 33. Atque huc apprimè facit *ψῆφος λευκή calculus albus*, quem Christus pollicetur se victori daturum, Apoc. 2. 17. *Cui inscribendum sit novum nomen, quod nemo novit, nisi qui recepit*. Sive enim allusio fiat ad *Judicia Veterum*, in quibus absolutio per calculum album, & condemnatio per nigrum fieri solebat, unde illa *ψῆφος σάλευσα*, ista verò *ἀναίρεσον* dicebatur, ut notetur plena fidelis justificatio; Sive ad *Comitia publica*, in quibus Magistratus creabantur per suffragium inscriptis tessellulis seu albis, calculis nominibus electorum, unde suffragium vocabatur *ψροφροεία*, quo sensu innueretur summa filiorum Dei dignitas, qui Reges & Sacerdotes Deo fiunt, Apoc. 1. 6. sive ad *Certamina* & ludos gymnicos, in quibus calculus albus symbolum erat victoriæ, ut ita triumphus fidei & felicitas fidelium designetur; Certum est *nomen illud novum*, quod isti calculo inscribendum dicitur, non aliud esse quàm *nomen Filiorum Dei*, quod quamvis alios lateat, cognitum tamen Deus esse voluit accipienti. At hoc dici neutiquam posset, si nec electio, nec adoptio cuiquam fidelium cognita esse posset. Fateor quidem promissionem istam perfectè impleri demum in cœlis, absoluto studio & consummatâ felicitate nostra; sed nihil obstat quominus hîc jam inchoetur ad fidelium solatium, quum *ἡμετέρας* cœlestis *βεβήκω* jam primitias percipiunt.

QUÆST. XI. Tertiò, Confirmatur ex testimonio & obfignatione Spiritus S. qui
 XIII. non modò testatur nos esse filios Dei, Rom. 8. 16. Sed & nos obfignat in diem
 Eph. 4. 30. redemptionis, Eph. 4. 30. Quomodo verò vel testaretur verè nos esse filios
 Dei, & hæredes regni cælorum, vel obfignaret nos in diem redemptionis,
 si nihil certi de eo nobis constaret, & si fieri posset, ut testimonium ejus esset
 falsum, vel obfignatio fallax? Sed contrarium evincit ipsa vox sigilli, quæ im-
 motam rei certitudinem designare solet, quomodo inviolabilia dicuntur,
 quæ Principis sigillo sunt obfignata. Unde Patres illud vocant ἀκατάλυτον
 indissolubile. Nec si Diabolus nonnunquam se transformat in Angelum lu-
 cis, continuò sequitur Spiritus testimonium, vel sigillum esse fallax & incer-
 tum; vel fidelem qui seriò illud observat, posse semper decipi, ut nunquam de
 ejus veritate persuadeatur; tanta enim est suavitas & potentia istius operatio-
 nis, tam admirabilis lucis istius divinæ splendor, & tam invicta ad captivan-
 dum cor in obsequium fidæi efficacia, tam inenarrabile gaudium & solatium,
 quo conscientias perfundit, ut fidelem latere nequeat, sed indubitatis argu-
 mentis se à temeraria profanorum gloriatione facillè secernat. Unde 1. Joha.
 3. 24. In hoc cognoscimus, inquit, quòd manemus in ipso, & ipse in nobis,
 quia de Spiritu suo nobis dedit.

1. Cor. 2. XII. Nec aliò pertinet, quòd Paulus ait, 1. Corint. 2. 12. Nos accepisse
 12. non Spiritum mundi, sed Spiritum qui est ex Deo, ut sciamus quæ Deus nobis est
 gratificatus. Nimirum Deo propter gloriam suam, & salutem nostram,
 non satis est bona nobis largiri, nisi sensum & notitiam eorum animis nostris
 imprimat, ut & de illis gratias agere possimus, & iis cum gaudio & solatio
 frui. Nec dicere juvat cum Becano, Apostolum loqui de donis gloriæ, quæ
 ab æterno nobis præparavit, non de donis gratiæ, de quibus quæritur. Quia
 de utrisque loquitur Paulus, & de utrisque disputamus, & si certitudo datur
 per Spiritum donorum gloriæ, quæ sunt futura, quantò magis dabitur do-
 norum gratiæ quæ sunt præsentia? Nec si dicuntur illa in cor hominis non
 ascendisse respectu naturalis notitiæ, statim sequitur non posse à corde fideli
 percipi ex supernaturali revelatione.

XIII. Quartò, Praxis, & Exempla Sanctorum, qui de Electione & salu-
 te sua certi fuerunt, docent non modò possibilem esse, sed necessariam istam
 certitudinem. Patet in Abrahamo Patre credentium, qui contra spem sub spe
 credidit, non infirmatus in fide, sed πληροφωρηθεὶς plenissimè persuasus, quòd ille
 Rom. 4. 18. qui promiserat potis erat efficere, Rom. 4. 18. 19. In Davide qui certò sibi per-
 19. suadet, se non motum iri, Ps. 16. 8. sed misericordiam Dei eum comitatu-
 ram oranibus diebus vitæ suæ, Ps. 23. 6. & quòd in æternum non debeat
 confundi, Ps. 31. 1. In Paulo qui expresse testatur se persuasum esse nihil eum
 separare posse ab amore Dei πίπισμαι, inquit, neque mortem, neque vitam, ne-
 que Angelos, neque Potestates, &c. posse me separare ab amore Dei in Christo,
 Rom.

Roman. 8. 38. Quale autem fundamentum esse potest istius insultationis, QUEST. XIII.
 nisi Certitudo electionis, & adoptionis fidelium, propter quam fit, ut in Rom. 8. 38.
 omnibus *ὑπερνικῶσι*, & securi de hostibus omnibus suis triumphare possunt,
 ὕ. 31. 32. 33. Neque hinc revelatio quædam extraordinaria est obtinenda,
 quasi hoc peculiari privilegio quibusdam à Deo sit indultum, non verò cæ-
 teris, quia Abrahami fides proponitur in exemplum cæteris, Rom. 4. 21.
 Et Paulus certitudinem suam petit, non ex peculiari revelatione, sed ex fun-
 damentis & motivis generalibus, æternâ scilicet Dei electione, Christi mor-
 te, & intercessione, amore Dei immutabili; quæ cum sint fidelibus omni-
 bus communia, patet eos, non minùs ac Paulum, actum istum certitudinis
 fiduciam elicere posse, ac debere.

XIV. Quartò, *Effecta fidei* hanc certitudinem postulant, qualia sunt *πε-
 πίθησις* Eph. 3. 12. *πληροφορία* Heb. 10. 22. *καύχησις* Rom. 5. 2. *χαρὰ ἀνε-
 κλάλητος* 1. Pet. 1. 8. quæ à nobis tolli non potest, Johan. 16. 22. quomo-
 do enim vel fiduciam, & plenam persuasionem habere possumus, per quam
 ad thronum gratiæ cum confidentia accedere licet, vel pacem habere apud
 Deum, & spem quæ non confundit, vel gloriari, & gaudio ineffabili & gló-
 rioso exultare, si perpetuo metu & dubitatione agitentur conscientiæ, &
 non nisi conjecturalem & incertam opinionem de amore Dei & salute no-
 stra possemus obtinere?

XV. Licet certitudo gratiæ Dei ex eventu externo, sive prospero, sive ad-
 verso non possit haberi, quo sensu Ecclef. 9. 1. Sapiens dicit, *hominem nesci-* Fontes
re odium & amorem, id est, non posse cognoscere ex eventibus externis, qui Solutio-
 bonis & malis pariter contingunt, an sit in odio, an in amore Dei: quia, ut num.
statim additur, *עַל כִּלְכִּלָּהּ*, id est, non ut vitiosè reddidit V. V. *omnia in fu-* Ecl. 9. 1.
surum servantur incerta, sed *omnia sunt coram facie ipsorum*, vel ut Arias Mont.
omnia ad facies eorum, id est, bona & mala ex æquo omnibus eveniunt; Non
 sequitur fidem non posse illam indubitatè habere ex Verbo Dei, & Spiritus
 Sancti testimonio. Nec potest hinc totalis & absoluta incertitudo urgeri tam
 respectu piorum quàm impiorum: quia impii scire possunt & debent se odio
 dignos esse, dum perseverant in peccatis, & fideles possunt nosse ex fide &
 pietate se esse filios Dei, atque adeo in ejus gratia & amore.

XVI. Aliud potest esse incertum respectu indispositionis & indignitatis
 nostræ, quod tamen certum sit respectu fidei cordis regeniti, quæ non nititur
 virtute suâ, sed immutabilitate electionis, & infallibilitate Dei promittentis;
 incerti sumus respectu nostri, sed certi ex parte Dei: Certitudo nostra non
 consistit in dispositionis affectu, sed divinæ gratiæ infallibili effectu.

XVII. *Pavor & timor*, qui commendantur in Scriptura, Proverb. 28. Prov. 28.
 14. Phil. 2. 12. 1. Pet. 1. 17. Securitatem tantùm carnalem excutunt, sed 14. Phil. 2.
 certitudinem Electionis & Justificationis non evertunt, notant sollicitudi- 12. 1. Pet.
1. 17.
 nem

QUEST. XIII. nem de mediis, per quæ ad finem pervenitur, non hæsitantiam de fine, & eventu, qui Dei nititur decreto. Timor est, non servilis, diffidentia, & desperationis, qui charitatem expellit, 1. Jo. 4. 18. & fiducia adversatur; sed filialis, humilitatis, reverentia, & pia sollicitudinis, qui cum fiducia optimè consistit, Ps. 2. 11. Phil. 2. 12. sed præsumptionem temerariam & carnalem destruit.

XVIII. Licet ad tempus in filiis Dei sopiri possit, & supprimi sensus amoris divini, quoad actum secundum, sive in malis culpæ, sive in malis poenæ, ut ipsi dubitationibus variis vexentur. Nunquam tamen excutitur quoad actum primum, & certo tandem ex illis tentationibus eluctantur, ex Dei eligentis, & erigentis gratiâ, quâ fit, ut reddat illis Deus gaudium salutis suæ, & faciat ut exultent ossa contrita, Ps. 51: 10. 14. Nam ut Deus fidelis est, vult quidem tentari fideles, sed non vult eos vinci, patitur labi, sed non permittit dejici, si judicat expedire eos nonnunquam premi, nunquam tamen vult eos opprimi, sed sustinet & erigit labantes, 2. Cor. 4. 8. 9.

XIX. Quamvis Certitudo salutis, quæ oritur ex actu reflexo fidei, & cognitione experimentalis, non nitatur immediatè Dei Verbo, quod dicat me credere & resipiscere, non desinit tamen in eo fundari mediatè, quatenus illud veræ fidei & resipiscentiæ naturam, proprietates, & effectus describit, ex quibus veritatem fidei & resipiscentiæ nostræ faciliè colligere possumus. Unde non minùs censenda est certitudo fidei divinæ, quæ non pendet à principio incerto & dubio rationis humanæ sed divino & infallibili Verbi & Spiritus testimonio, cujus operâ ut fides & resipiscentia in nobis producit, ita per ejusdem operationem videtur & cognoscitur.

XX. Ut fidelis sciat quid ab æterno de se Deus decreverit, vel quid in æternum ab ipso sperare debeat, non debet temerè in arcana Dei irrumperere; Sed ex cognitione status præsentis, faciliè potest & præteritum & futurum colligere. Cum enim gratia sit vinculum electionis, & glorificationis, ut illius fructus necessarius, & medium ad istam infallibile; quisquis se in gratia Dei esse novit; novit autem quisquis credit & poenitentiam ducitur, is etiam certò statuere potest, se electum esse à Deo, & tandem infallibiliter ab eo glorificandum; atque ita certitudo salutis, quæ tria includit, certitudinem electionis præteritæ, gratiæ præsentis, & gloriæ futuræ, non aliunde potest haberi quàm ex sensu gratiæ præsentis.

XXI. Licet verò certitudo gratiæ præsentis supponat ex parte nostra impletionem conditionum quas Deus nobis præscribit, puta fidei & poenitentia: Non propterea censenda est impossibilis; quia etli incerta sit impletio talium conditionum à parte nostri; non est tamen à parte Dei, qui has ipsas condiciones se nobis daturum promisit: licet certi esse non possimus de impletionem perfectâ, & omnibus numeris absolutâ, possumus tamen auxiliante Spiritu Sancto persuaderi de impletionem vera, sincera; & absque

hy-

hypocrisis; aliàs nec Apostoli profiteri possent se credere, Johan. 6. 69. nec Eunuchus potuisset respondere Philippo *se credere Christum esse Filium illum Dei*, Act. 8. 37. Quæritur
XIII.
Joh. 6. 69.
Act. 8. 37.

XXII. Tantùm abest ut doctrina de certitudine gratiæ sit securitatis mater, & obstetrix licentiæ, ut nulum ad veram pietatem sit majus incentivum, quàm vividus sensus amoris Dei, & eorum quæ Deus nobis gratificatus est, qui ita potenter rapit & incendit animum, ut totus ardeat reciproco illius amore, à quo tantum beneficium habet, & habet gratis præ aliis in communi perditionis massa relictis.

XXIII. Ut duplex est fidelis *status*, vel *lucta*, vel *victoria*, vel dum pugnat & manus cum hoste conserit, vel dum prostrato hoste triumphat; Ita diversimodè se habet in utroque fides, & certitudo quæ ex ea oritur: In illo languida est, in isto vivida; In primo timet & fluctuat, in secundo confidit & lætatur; In primo suspiria & gemitus fundit ex sensu iræ Dei & gravitatis peccatorum, in altero gaudium ineffabile percipit ex gratiæ liberatricis suavitate. Licet ergo fidelis in lucta non possit elicere actum certitudinis; Non obstat quominus superata tentatione, & resumptis per gratiam viribus fortior & confirmator emergat.

XXIV. Exempla Sanctorum, qui dubitarunt de amore Dei erga se, probant quidem certitudinis actum non esse perpetuum in ipsis, sed diversimodè interrumpi; sed non evincunt ab illis semper abesse, nec in ullo statu eos posse illum elicere. Imò iidem qui aliquando dubitant attoniti, dum gravi tentatione premuntur, alibi exultant & lætantur securi. Idem David qui in excessu mentis queritur se à Deo derelictum Ps. 22. 1. & à facie ejus projectum, Ps. 31. 23. alibi tamen plenus fide & gaudio sibi persuadet se non confusum iri, & nihil sibi nociturum, licet ambulet in valle umbræ mortis, quia Deus illi semper adest, Ps. 23. 4. & Ps. 118. 5. Idem Paulus qui se carnalem & venundatum sub peccato queritur, & miseriam suam deplorat, *Miser ego homo, quis me liberabit ex hoc corpore mortis?* Rom. 7. 24. paulò post gratias Deo agit quasi de victoriâ reportatâ, v. 25. & securè omnibus hostibus insultat, *Quis nos separabit à dilectione Dei?* Rom. 8. 35.

XXV. Cùm certitudo actualis fidelium non possit in actum exire extra usum mediorum, frustra quæreretur illa cum continuo peccandi proposito, & in gravibus Sanctorum lapsibus. Tantùm abest enim, ut in eo statu certi esse possint se esse in gratia Dei, ut contrà debeant sibi persuadere se esse in gravissimo reatu, & damnationis statu in quo certissimum imminet ipsis exitium, nisi per pœnitentiam ad se redeant.

XXVI. Magna ergo cum cautione Doctrina ista salutaris est proponenda, ad solamen conscientiarum afflictarum, non ad fovendam securita-

Q U Æ S T.
XIII.

tem profanorum, ut sit remedium adversus desperationem, sed non ut sit pulvinar licentiæ carnis. Ideo nunquam ista Certitudo urgenda, quin illico sanctificationis studium adjiciatur, tanquam conditio necessaria ad eam obtinendam.

XXVII. Quamvis certitudo ista necessaria sit ad fidelis consolationem, tamen ad fidei ipsius veritatem, non opus est ejus actu explicito singulis momentis, nec protinus fide carere dicendus est qui nondum est in hac certitudine confirmatus. Nec si interdum caret illo sensu, debet statim se reprobis accensere, & de divina misericordia dubitare, sed illum ardentibus à Deo votis postulare & exposcere debet, & à parte sua sedulò in id incumbere tenetur, ut per fidei & bonorum operum praxim cum in seipso excitare, & magis ac magis radicare possit. Non ergo ad ultimum usque vitæ halitum homo expectare debet, ut se certò electum pronunciare possit, quod Adversarii vellent, tunc enim non consideratur amplius ut eligendus, sed ut in vitam æternam introducendus, nec ullius posset usus esse fideli Electionis consideratio, si in exitu tantum vitæ de ea certus redderetur; sed totis viribus illi enitendum est, ut in progressu sanctificationis vividiorum indies ejus sensum ad solatium suum consequatur. Sed de his pluribus dicenda erunt, quam de Certitudine Salutis agatur.

Q U Æ S T I O XIV.

D E R E P R O B A T I O N E.

*An absolutum sit Reprobationis Decretum, quod à sola Dei
evidentiæ pendeat; An verò peccatum propria sit ejus
causa? Dist.*

I. **E**Xpositâ Electionis doctrinâ, ad *Reprobationem* veniendum est, quæ hîc sumitur, non in tota sua latitudine, pro quovis proposito, vel personas, vel res aliquas, vel à certis officiis & beneficiis, vel à certis ulibus removendi; quo sensu Scriptura loquitur de *argento reprobo*, Jerem. 6. 30. & de *Christo lapide electo*, impiè à Phariseis, & Sacerdotibus, & aliis ædicatoribus *reprobo*, Act. 4. 11. & 1. Pet. 2. 7. non pro reprobationis executione, seu ipso *reprobandi actu*, qui fit in tempore; Sed pro ipso *decreto*, quod ab æterno sancitum est, quod describitur, Æternum, immutabile, & liberrimum Dei propositum, quò certorum hominum, in æquali prorsus cum aliis corruptione & reatu jacentium, decrevit non misereri, sed in peccatis relictos propter ea æternum

nūm damnare ad demonstrationem gloriosæ suæ justitiæ, libertatis, & po-
tentia. Quæst. XIV.

II. Vix opus est quærere, *An detur Reprobatio*; licet enim non defue-
rint, qui eam sub prætextu extollendæ Dei misericordiæ, negare sustine-
rint, ut *Samuel Huberus*, qui superiori seculo universalem omnium homi-
num in Christo electionem ad salutem, sive illi credant, sive non, asserere
non dubitavit; Illam tamen, non modò *Electio* illi opposita necessariò evin-
cit, quia non potest dici electio quorundam sine aliorum præteritione, &
damnatio impiorum, quæ sit in tempore, eam supponit, nisi velimus Deum
temporalia ex postfacto consilia capere; Sed *Scriptura* ita clarè eam adstruit,
ut nemo nisi projectæ audaciæ, non dico eam negare, sed neque de ea ipsa du-
bitare queat.

III. Eò pertinet quod dicit de Dei amore erga Jacobum, & odio erga
Esavum, Malach. 1. 2. 3. *Nonne frater Jacobus Esavo erat? ait Jehova, At
dilexi Jacobum, & Esavum odio habui*, quod à Paulo Electioni & Reproba-
tioni applicatur, Rom. 9. 11. 12. de Deo miserante, & indurante, *Misere-
tur cuius vult, & quem vult indurat*, v. 18. de *vasis misericordia*, quæ Deus
præparavit ad gloriam, & de *vasis ira*, quæ parata sunt ad interitum, v. 21. 22.
de illis qui sunt positi ad salutem, & illis qui ad iram & ἀπείθειαν, 1. Thess.
5. 9. 1. Pet. 2. 8. qui inscripti sunt libro vitæ Agni, Apoc. 13. 8. & de aliis,
qui *præscripti sunt ad iudicium*, Jud. 4. de benedictis, qui à Deo in regni pos-
sessionem vocantur, & de maledictis, quos ut nunquam novit, procul à
facie sua rejicit, Matth. 7. 23. & 25. 41. Nec propterea periclitatur vel bo-
nitas Dei, vel summa ejus misericordia, quia ita est bonus & misericors, ut
sit etiam summe justus, & quemadmodum illam erga electos demonstrat,
ita istam in reprobos reos & peccatores justè exerit.

IV. Ut verò Reprobationis natura, & Quæstionis propositæ Status me-
lius percipiatur, distinctiones quædam hîc sunt præmittendæ. Primò distin-
guendus venit ante omnia *duplex* Reprobationis *actus*; licet enim à parte
Dei unico & simplicissimo actu peragatur, solet tamen juxta nostrum con-
cipiendi modum inadæquatum ad faciliorem rei intelligentiam, in duos di-
spesci à Theologis, quorum prior *negativus* dicitur, posterior verò *affirma-
tivus*, seu *positivus*: Ille refertur ad *præteritionem*; Iste ad *prædamnationem*.
Quamvis enim uterque suo sensu sit *positivus à parte Dei*, quia notat actum
voluntatis divinæ, per quem non tantum non vult illos liberare, sed vult
illos in reatu & miseria sua relinquere; rectè tamen prior *negativus* dicitur
respectu *terminorum*, qui sunt non misereri, & non dare gratiam, quia con-
sistit in negatione gratiæ; alter verò *positivus*, quia affirmat de illis aliquid
positivum, nimirum iudicium & pœnam.

V. Distinctio autem ista, non est divisio, aut generis in species, aut totius

Q U A E S T. in partes, aut subjecti in accidentia, sed distinctio unius actus formalis, respec-
 XIV. tu variorum terminorum & objectorum, quæ ἀποδίδειται constant; quæ in ipsa Scriptura fundatur, quatenus de reprobatione aliquando loquitur *negativè*, dum eam constituit in præteritione quorundam, tum in destinatione gratiæ, Matth. 11. 25. & 13. 11, tum in destinatione gloriæ, Matth. 7. 23. Apoc. 20. 14. interdum *positivè* in destinatione ad maiorem indurationem, Jo. 12. 39. 40. Rom. 9. 18. & ad damnationem, Rom. 9. 11. 12. Jud. 4.

Actus negativus includit præteritionem, & desertionem.

VI. *Actus negativus* duo includit, tum *præteritionem*, per quam in aliorum electione, tum ad gloriam, tum ad gratiam, illos neglexit & insuper habuit, quod patet ex eventu Electionis, tum *desertionem negativam*, quæ ipsos in massa corruptâ, & suâ miseriâ reliquit; quod ita tamen intelligendum, 1. ut non excipiantur legibus communis providentiæ, sed illis maneant subjecti, nec omni gratiâ Dei statim priventur, sed tantum saluari & vivificâ, quæ electionis est fructus. 2. ut ad illam præteritionem & desertionem sequantur omnis generis peccata actualia; non quidem ex naturâ præteritionis & desertionis ipsius; & vi ipsius gratiæ negatæ, sed ex natura liberi arbitrii corrupti, & vi corruptionis quæ in illo est; Ut ille qui non curat morbum in agro, non est causa morbi per se, neque illorum quæ ab illo morbo resultant. Ita peccata sunt *consequentia* potius quàm *effecta* reprobationis, ut quæ futuritionem eventus necessariò inferat, sed malitiam tamen non influat, vel infundat; non removendo quod adest, sed non admovendo quod sustentaret. Nec si Sol non illuminans terram, est causa per accidens tenebrarum; statim Deus deserens hominem, & non curans ejus corruptionem potest dici causa per accidens; quia non illuminationem Solis necessitate naturæ sequuntur tenebræ, sed negationem gratiæ sequuntur peccata voluntariè.

VII. Licet Deus per istam desertionem neget homini illud sine quo vitari non potest peccatum, non propterea peccati causalitas illi tribui potest, 1. quia Deus jure illam negat, nec tenetur gratiam illam cuiquam dare. 2. ex illa negatione non sequitur potentia peccandi, quam homo habet à seipso, sed tantum non curatio istius impotentiae. 3. Deus negat gratiam, quam nolunt ipsi accipere, nec retinere, & quam ultro aspernantur, cum nihil minus cupiant, quàm regi à Spiritu S. 4. non negat illam gratiam ut peccent, sed ut ob peccatum luant.

Actus positivus dicitur destinatio. nam ad damnationem & ad indurationem.

VIII. *Actus positivus* est, quo homines præteritos, & in statu suæ corruptionis relictos, aut naturæ, vel Evangelii lumine, quod per communem providentiam ipsis fuit administratum, suâ sponte abusos, meritis pœnis statuit afficere, qui dicitur *prædamnatio*, quæ duo includit, destinationem ad damnationem, per quam sunt *vasa ὀργῆς καταρτισμένα εἰς ἀπώλειαν* *coarctamentata ad interitum*, tum destinatio ad judicia intermedia, inter quæ præcipuum est excæcatio, & induratio, quæ solis ἀπολλυμένοις contingit. Unde

de patet reprobationem latius patere damnatione, licet quandoque confun- Quæst.
XIV.
datur per synecdochen integri, quia non est tantum decretum damnandi, sed etiam decretum non miserendi, non dandi Christum Mediatorem, non vocandi efficaciter &c.

IX. Secundò hîc accuratè etiam distinguenda duplex *αἵσις* Dei in hoc Duplex
αἵσις
Dei, ut
Domini.
& ut Ju-
dicis.
negotio, quæ respondet duplici actui Reprobationis antea notato; alia est *αἵσις* *αὐτοκράτορος* & *Supremi Domini*, qui de suo potest facere quod vult; alia *ἡ* *Judicis*, qui pœnam debitam peccatori irrogari justè statuit; prior se exerit in *actu negativo*, seu præteritione, in qua, ut liberrimus bonorum suorum dis- pensator, gratiam indebitam, quam uni largitur, alteri negat, de qua agit Christus, Matth. 11. 25. 26. & 20. 15. & Paulus Rom. 9. 11. 18. Poste-rior verò in actu positivo seu prædamnatione; per quam, ut justus Judex reos pœnis debitis ex ordine justitiæ addicit, de qua agitur Prov. 16. 4. Matth. 25. 41. Rom. 9. 21. 22. 1. Thess. 5. 9. Utraque Dei reprobantis majesta-tem & gloriam demonstrat, reprobatorum audaciam compescit, quippe qui nec cum Deo jurè expostulare possunt quod liber vel quod justus sit, vel quod utraque ista proprietate circa hæc vel illa individua utatur.

X. Tertiò, *Reprobatio*, non minùs ac *Electio*, vel *absolutè* consideratur Reprobatio
spectatur,
vel absolu-
tè, vel com-
paratè.
respectu unius, vel *comparatè* & *relatè* respectu plurium: priori sensu quæri potest, quare hunc reprobavit, vel elegerit; posteriori quare hunc potius quàm illum elegerit, & illum potius quàm hunc reprobavit; diversimodè enim ad utrumque responderi potest juxta diversum reprobationis actum, & reprobantis *αἵσιν*, ut statim dicetur.

XI. Quum agitur de *Absolute Reprobationis Decreto*, Non quæritur, Status
Quæstio-
nis.
An sit *absolutum*, vel à *causa finali*; Nemo enim dubitat, quin Deus in omnibus decretis, & in isto potissimum finem optimum & sapientissimum sibi proposuerit. Vel à *causa ἀρχιγενεῖν* & *interna*, quâ movetur Deus ab intrinseco ad agendum; Certum quippe, eam Deo sapientissimo etiam non defuisse. Vel à *conditione* & *qualitate* præcedanea in objecto; Nam cum objectum Prædestinationis antea evicerimus esse hominem consideratum ut lapsum, peccatum necessariò debet supponi tanquam conditio in eo qui reprobatur, non minùs ac in eo qui eligitur. Sed, An sit absolutum à *causa propriè dicta procatartica* & *externa*, quâ Deus extra se impulsus sit ad hominem reprobandum.

XII. Non quæritur, An reprobatio quoad *actum positivum*, seu *prædamnationem*, pendeat à sola Dei *εὐδοκίᾳ*. Nam ut est actus Dei Judi- cis debitam pœnam peccatori decernentis, certum est peccati conside- rationem hîc intercessisse. Nec enim potest dari in Deo voluntas puniendi, nisi peccatorem, nec pœnæ inflictio vel destinatio justa esse potest sine culpa. Sed non est par ratio *actus negativi*, seu *præteritionis*: quæ ab

QUEST. co, ut supremo Domino pro jure suo autocratorico oritur; illius enim causa, ut supra, prater ejus *εὐδοξίαν*, nulla propriè dari potest.

XIV.

XIII. Interim ut *absolutè* vel *comparatè* spectatur, diversimodè de ea respondendum est; Nam si *absolutè* consideratur rectè adscribitur corruptioni hominis nativæ, quæ cum effecit justè reprobabilem: si verò *comparatè* ad solum Dei beneplacitum est referenda, pro liberrima sua potestate, quos vult eligentis, & cæteros prætereuntis. Quum ergo quæritur, Cur hic vel ille reprobatus sit, bene respondetur hoc ideo factum, quia propter peccatum dignus fuit qui reprobareretur: Non quòd peccatum sit propriè causa reprobationis, aliàs omnes reprobatii fuissent, qui erant pariter peccatores; sed quia est conditio & qualitas in objecto præcedanea, ex qua oritur in homine reprobabilitas, vel *causa sine qua non*, quia nisi homo peccator esset, à Deo non reprobareretur, licèt non reprobetur statim omnis qui peccator est. At quum quæritur, Cur hunc potius quàm illum reprobarit, cum ambo essent ex æquo peccatores, ideoque reprobabiles, hic peccatum allegari non potest, quia est commune utrique, at communia non faciunt discrimen. Et causa nulla reddi potest præter solum Dei beneplacitum, quia ita illi libuit. Quò respicit Paulus in exemplis Esavi & Jacobi, Rom. 9. 11. qui licet inter se pares, discreti tamen sunt ab invicem per odium, & amorem Dei, nihil quippe in Jacobo boni fuit præ Esavo, propter quod præ illo eligeretur, nihil in Esavo præ Jacobo, propter quod præ illo reprobareretur. Unde soli Dei beneplacito hoc est adscribendum. Atque hinc se prodit actus Dei *ἀντιπροσέτις*, & supremi Domini, qui ut liberrimus bonorum suorum est dispensator, potest de suo facere quod vult, hunc eligendo, alterum prætereundo, huic dando gratiam, alteri denegando absque cujusquam injuria.

XIV. Quæstio ergo eò redit, An Decretum Dei æternum Reprobationis, non tam affirmativæ, quàm negativæ, non tam absolutæ, quàm comparatæ, sit absolutum, non à mediis consequentibus, vel causâ finali, vel conditione seu qualitate præcedaneâ, sed à causa procatacticâ externâ, ut à sola *εὐδοξίᾳ* Dei pendeat; An verò prævisum peccatum, & infidelitatem tanquam causam meritoriam reprobationis unius præ alio semper supponat. Posterius affirmant Adversarii; Nos prius tuemur.

XV. Arminiani, ut Decretum Electionis ex prævisâ fide suspendunt; Ita decretum Reprobationis prævisam incredulitatem supponere pertendunt, ut nemo merâ Dei voluntate sit præteritus, sed reprobatio omnis singularum personarum facta sit secundum considerationem antecessaneæ infidelitatis, & in eadem perseverantiæ finalis; atque ita objectum Reprobationis statuunt, non tantum hominem peccatorem, sed finaliter incredulum & impenitentem, ut mentem suam explicant in *Actis Synodalibus*.

XVI. Nos verò, licèt objectum Reprobationis non minus ac Electionis

nis

nis statuamus hominem peccatorem, ut supra visum, ut ea non facta sit sine intuitu peccati; Negamus tamen prævisum peccatum, vel infidelitatem posse censerī causam, Cur unus præ alio reprobetur; & non aliam qualitatem, vel conditionem in præterito præsupponi dicimus, quàm quæ in electo reperta est, & quæ toti massæ corruptæ est communis, adeò ut sola Dei *videtia* inter electos & reprobos discrimen constituat, non v.ò ulla, vel bona, vel mala qualitas, quæ in ipsis prævideatur, quo sensu rectè *absolutum* posse dici censemus *Reprobationis decretum*.

XVII. Rationes sunt, 1. Quia Reprobatio, non minùs ac Electio, facta est ex beneplacito; Ergo non ex prævisâ infidelitate, patet ex Rom. 9. 18. *Indurat quem vult*; si voluntas est causa indurationis, ergo etiam reprobationis, quia quod est causa causæ, est etiam causa causati; At induratio est causa damnationis, ergo quod illius causa est, est etiam hujus; hoc verò probat Paulus, 1. ex exemplo gemellorum, quorum unus electus est, alter reprobatus, antequam boni vel mali quicquam fecissent, v. 11. ergo ex solo beneplacito Dei, vel vocantis, vel rejicientis, non verò ex operibus. 2. ex similitudine figuli; nam si figulus hanc potestatem habet in lutum, ut possit ex eadem massa adornare vas ad decus, vel ad dedecus, quidni etiam Deus tantam habeat potestatem in Creaturas, ut unam possit reprobare, alteram eligere; Accedit discriminis ratio, utut enim magna sit figuli potestas in lutum, finita tamen est & limitata, Dei verò potestas in hominem infinita. De inde homo est Creatura Dei, At massa non est figuli; Unde fortius exurgit argumentum; si figulus in lutum, utut non opus suum, tantam habet potestatem, quidni Deus majorem habet in hominem Creaturam suam?

XVIII. Nec juvat excipere, Decretum revera præcedere omnes conditiones *præstitas*, sed non *præscitas*, opera omnia, sed non prævisionem operum. Nam hoc Pelagianorum *κρησφύγετον* verba ipsa Pauli præcludunt, ut *August.* ep. 105. ad Sixtum fusè docet, quæ nullam rationem discriminis inter duos istos fratres æquales afferunt, quàm *πρόθεσιν κατ' ἐκλογὴν*, quæ inde asseritur esse ex vocante tantum, non verò ex operibus, vel præstitis vel prævisis, quia infantes possunt reprobari, quorum opera nunquam præstanda non possunt esse prævisa. Et hoc confirmatur ulterius ex iis, quæ in persona Judæorum Apostolus sibi immediatè objicit, nimirum, si propositum Dei tantum facit inter pares discrimen, injustitiam videri fore apud Deum v. 14. Quid verò Paulus? An hîc recurrit ad fidem vel infidelitatem, ut causam istius discriminis reddat, quod facilè ora Judæis obstruere poterat; Nihil minùs, sed ad solius Dei beneplacitum assurgit, *Absit*, inquit, Deus ipse pro se respondeat, & liberrimam suam potestatem asserat, Exod. 33. *Miserebor cujus misertus fuero*, v. 15. unde infert, *Non est ergo volentis nec currentis, sed misipientis Dei*. Et ne quis diceret, hoc electionem absolu-

Quæst.
XIV.

Reprobationis absolutum decretum probatur.

tam

QUEST. tam facere, sed non reprobationem, addit statim, *Itaque miseretur cujus*
 XIV. *vult, & quem vult indurat.*

XIX. Frustra etiam additur, *Oraculum de Jacobo diligendo, & Esau odio habendo, non posse referri ad absolutam aliquam electionem aut rejectionem à salute, sed ad collationem, vel negationem externa prerogativa primogenitura, & huic annexa promissionis terra Canaan, non tam de personis ipsis, quam de eorum posteris esse intelligendum, ut Malac. 1. 2. exponitur, alias omnes posterii Jacobi essent electi, & omnes posterii Esavi reprobi. &c.* Nam licet Oraculum istud ad posteros etiam extendatur, Gen. 25. 23. & Mala. 1. 3. & in sensu historico referatur ad beneficium vel iudicium externum dominii, vel servitutis: Non obstat tamen quominus in sensu mystico referatur propriè ad electionem & reprobationem respectu ipsorum Patrum, qui hinc non excluduntur sed includuntur, & respiciuntur primariò à Spiritu Sancto. Quod Paulus *θεόπνευτος* & probè intelligens ad scopum suum rite applicat; nimirum ut doceat non excidisse promissionem Abraham factam, licet major pars Judæorum rejiceretur, quia non omnes sint genuini filii ejus, sed alii *filii carnis*, ad quos non spectet promissio, alii *filii promissionis*, in quibus rata est; quod declarat exemplo gemino *Isaaci & Ismaëlis, Jacobi & Esavi*; Et quia in hoc erat paritas summa inter fratres ex uno Patre & Matre, & uno conceptu genitos, causam exponit discriminis inter ipsos, non in operibus bonis vel malis utriusque prævisis, sed in solo Dei proposito, hunc amantis & eligentis, illum verò odio habentis & reprobantis; Unde non sequitur idem locum habere posse respectu omnium posterorum, quasi vel posterii Jacobi omnes eligi, vel posterii Esavi omnes reprobari debuerint; quia non est par ratio eorum quæ in Oraculis, historicè, & quæ mysticè enunciantur. Ita Esavus historicè jugum servitutis, nec subiit, nec excussit, sed mysticè subiit, & nunquam excussit ut firmum maneret Dei propositum.

XX. Secundò, quia reprobatio temporalis, quæ est actus transiens extra Deum, est à solo beneplacito, ergo multò magis æterna, quæ est actus immanens in Deo; patet ex Matth. 11. 25. ubi Christus causam revelationis, & occultationis mysteriorum refert ad solam *εὐδοκίαν*, *Etiam Pater, quia placuit tibi.* Nec dici potest, vel hoc ad *eventum* tantum, non ad Dei consilium pertinere; nam verba ipsa nimis clara sunt quàm ut ullâ sophisticâ possint eludi; Vel revelari *parvulis*, id est, iis qui *dociles* sunt, probi & humiles, & occultari *sapientibus*, id est, qui propriæ sapientiæ opinione turgidi pertinaciâ suâ fiunt indociles & incurabiles; Nam gratis supponitur *parvulos* hinc humiles, & bene dispositos notare. 1. quia gratia humiles facit, non invenit. 2. agitur hic de initio, non de incremento fidei. 3. mirum non esset Deum se docilibus potius, quàm superbis revelare, cujus ratio patet, nec opus fuisset

set recurrere ad Dei *εὐδοκίαν*. Interim, ut reprobatio temporaria, vel posita Quæst. XIV.
est in præteritione & negatione gratiæ, quæ aliis conceditur, vel in substra-
ctione gratiæ oblata, sed rejectæ & contemptæ, sic ista bene dicitur fieri ob
peccatum, quia est actus justitiæ punientis, sed illa, de quâ hic agitur, est
actus domini, qui de suo facit quod vult.

XXI. Tertiò, Quia infidelitas est consequens Reprobationis, Ergo non
potest eam præcedere: *Propterea vos non auditis, quia non estis ex Deo*, inquit
Christus, Jo. 8. 47. ad Phariseos, & 10. 26. *Vos non creditis, quia non estis*
ex ovibus meis, id est non estis ex numero electorum, & c. 12. 39. 40. *Pro-*
pterea non poterant credere, quia dixit Isaias, excæcavit oculos ipsorum, & c.
hinc Petrus dicit *reprobos positos esse ad ἀπειθείαν* 1. c. 2. 8. Nec ullius est pon-
deris quod excipitur, Jo. 8. 47. & 10. 26. nihil haberi de reprobatione, sed
tantum doceri eos, qui non sunt dociles, & discendi cupidi, sed contrariis
affectibus & vitiis aguntur, contra omnem rectam rationem, non posse au-
dire sermonem Christi, nec ei credere, quæ causa sit, cur non sint ex Deo,
sed ex Diabolo. Nam, præterquam quòd falsò supponitur dari in homine ali-
quam dispositionem ad fidem antequam credat, sic invertitur Christi oratio,
qui non dicit, eos non esse ex Deo, & oves Christi, quia non credunt, sed
non credere, quia non sunt oves Christi, & ex Deo, nim. quia à Deo sunt
præteriti, in electione eorum qui dati sunt Christo, ut sint ejus oves. Falsò
etiam volunt Jo. 12. 39. nihil aliud indicari, quàm populum illum commer-
itum esse, ut in sua cæcitate & stupore relinqueretur, & hanc actionem pœna-
lem fuisse, propter peccata præcedentia, non ex solo beneplacito. &c. Sed qua-
liscunque fuerit conditio populi, manet semper verum, contumaciam ejus se-
cutam fuisse ejus excæcationem, atque adeò non antecedenter se habuisse ad
ejus reprobationem. Denique quoad locum 1. Pet. 2. 8. perperam volunt eos
positos dici ad pœnam ἀπειθείας, non verò ad ipsam ἀπειθείαν, quia aliàs de-
fineret esse inobedientia, utpote quæ nequit esse actus divinæ destinationis.
Nam verba ipsa contrarium evincunt, *qui offendunt ad sermonem ἀπειθεῖντες*,
οὗτοι οὐκ ἐπίθουσιν, id est *immorigeri*, & *contumaces*, ad quod etiam positi sunt,
utique à Deo, & judicio ipsius, ut alibi Scriptura testatur, 1. Thess. 5. 9.
Jud. 4. non ut infunderet ipsis infidelitatem, sed quia constituerat illis non
dare fidem, & rebelles ipsos adversus Evangelium graviùs excæcare, & tan-
dem æternùm damnare. Unde ἀπειθεῖν non definit esse inobedientia, quia
positio ad eam, quæ fit à Dei decreto, non fit ad eam efficiendam, sed ad ho-
minem in ea deserendum, & ipsam justo judicio aggravandam.

XXII. Quartò, Si Reprobatio fieret ex prævisâ infidelitate, non es-
set mysterium inscrutabile, nec Apostolus ad arcanum Dei judicium &
ἀνεξερεύνητον ascendere debuisset ad homini os obturandum in objectio-
nibus, quas caro hic movere solet, si tam facilis suppetebat responsio,

Quæst. XIV. petita ex ipsis hominibus, & eorum infidelitate; quod cum faciat non semel, Rom. 9. 14. & 11. 33. 34. Deuter. 29. 29. eo ipso testatur non aliam causam ab eo agnosci istius discretionis, quam solum Dei beneplacitum.

Fontes
Solutio-
num.

XXIII. Quamvis doctrina ista sancta, tanquam dura, & crudelis, adeoque consolationi, pietati, ac Religioni omni inimica impiè traduci soleat ab Adversariis, qui reprobos adversus Deum susceptâ causâ, ipsum injustitiæ, simulationis, crudelitatis, prosopolepsias, immani blasphemiam insimulare solent; facile tamen est Deum ab istis hominum criminationibus falsissimis liberare, & rationem humanam tumultuantem & insanientem compescere.

XXIV. Nam posito absoluto reprobationis decreto; Non laborat Dei *Justitia*, vel hominem ad mortem distinando, quia neminem nisi peccatorem damnat, vel æqualibus inæqualia dando, alios eligendo, & alios prætereundo; Quia tunc non agit ut Judex, sed ut Dominus, qui potest sine cujusquam injuria æqualibus inæqualia tribuere, quando agitur de re indubitata, qualis est gratia. Ita electi habent quidem de quo gratias agant Deo ob collationem gratiæ, quam meriti non sunt, sed reprobi non habent de quo querantur, tum quia Deus nulli tenetur benefacere, nec ullâ promissione se obstrinxit reprobis ad conferendam eandem gratiam quam electis largitur; tum quia si seipsos excutiunt, justissimum & præteritionis & punitionis suæ fundamentum in peccato suoprehendunt.

XXV. Non laborat *Veritas* ejus, dum vocat ad salutem, quos tamen absoluto decreto à salute exclusit; Quia vocatio illa externa non declarat ullam volitionem, vel intentionem Dei, quâ velit, illos salvare, sed tantum propositionem officii, & declarationem modi vel medii, per quod salus potest contingere, cum promissione illius iis qui conditionem præscriptam habuerint: Ut ergo oblatio salutis quæ illis fit, non est absoluta, sed conditionata, non potest dici Deus cum illis simulatè agere, quum eos vocat, licet ab æterno eos præterire & damnare decreverit: Sanè si aliam salutis viam monstraret ipsis in Evangelio, quàm eam quæ ad salutem ducit, vel si ex corde credentes & resipiscentes à salute excluderet propter decretum reprobationis, posset dici minùs sincerè cum illis agere; Sed hæc nulla potest esse hypocrisis, vel respectu Dei, quia sincerè ostendit unicam & infallibilem viam ad salutem, seriò hortatur ad illam sequendam, & promittit verissimè salutem iis omnibus qui illam secuti fuerint, credentibus nimirum & poenitentibus; Vel quoad homines, quia oblatio non fit illis absolutè, sed sub condicione, quam illi sua sponte & propriâ culpâ aspernantur.

XXVI. Non laborat ejus *φιλανθρωπία* & *Misericordia*, quòd majorem hominum partem in peccato suo relinquere, & propter illud damnare decreverit; Nam quamvis summa sit, propterea universalis esse non debet ad omnes sal-

salvandos, imò ut libera est & indebita, potest Deus eam pro libitu exercere, vel non exercere erga creaturam peccatricem, nec tenetur in omnes illam diffundere; sed ut illam patefacere in quorundam electione voluit; Ita statuit etiam justitiam suam in aliorum reprobatione ostendere. Quæst. XIV.

XXVII. Non laborat ejus *Sanctitas*, quasi peccati causalitas illi possit adscribi, quia peccandi necessitas conjuncta est cum denegatione gratiæ, & indurandi decretum videtur homines prædestinare ad peccatum. Nam, præterquam quòd Deus in homine reprobo peccatum non facit, sed invenit, vel prævidet futurum ex permissione sua; Necessitas peccandi quæ reprobationem sequitur, non potest peccati causalitatem Deo impingere, tum quia *Θνηταιος* est, & voluntaria in homine peccante; tum quia sequitur ad reprobationem, ut *consequens* tantum, sed non ut *effectum*. Effectum præsupponit causam, sed consequens tantum antecedens, inter antecedens autem & consequens non intercedit causalitas. Ut Sol non potest dici tenebrarum causa, quia ad ejus absentiam sequuntur tenebræ, sic succedit reprobationi peccatum, sed non causatur à reprobatione. *Nec consequens est*, ut bene olim Aug. in lib. de arti. fallò impositis ad artic. 15. *Deum quibus pœnitentiam non dat, respicientiam auferre, & quos non levaverit allidere*: hinc tantum bene colligas, hominem necessario ruere, nisi Deus illum sustentet; sed nequaquam Deum peccare, quia homini non dat, quod non debet. Licet verò Deus possit dici prædestinasse homines ad indurationem tanquam pœnam, quo sensu immorigeri dicuntur positi *εις ἀπειθείαν*, 1. Pet. 2. 8. & impii perscripti ad judicium, Jud. 4. Non sequitur prædestinasse ad eam, quæ est *ἀνομία*, & si quis id affirmarit, anathema dicere illi non dubitamus cum Synodo Arausicana: Nec necesse est ut destinet eo modo ad media, quomodo ad finem; nam pro mediorum natura diversimodè circa ea versatur in destinatione eorum, vel ut alia efficiat, vel ut alia permittat tantum, & dirigat; quo sensu potest dici prædestinare ad peccatum & indurationem, non effectivè, sed permissivè & directivè, quatenus illam permittere & ordinare decrevit.

XXVIII. Qui ideo aliquem punit, vel punire decernit, eo quòd ea non fecit quæ facere nullo modo potuit, vel per subtractionem virium injustè factam, vel per impedimentum actionum externarum, manente nihilominus inclinatione ad illas, Is potest dici iniquè agere: Sed absit, ut tale quid statuamus in Deo; dicimus Deum in tempore punire, & ab æterno constituisse punire peccatores, quòd non fecerunt, quæ facere debuerunt, ac initio etiam potuerunt, sed postea sua culpâ, nec potuerunt amplius nec voluerunt. Nec si Deus deserit hominem in reatu, quem proprio suo vitio in se attraxit, & denegat gratiam necessariam ad ejus erectionem, potest iniquitatis inculari, quia ut liberrimæ potestatis Dominus est, nullo jure tenetur vires ad faciendum quod debet restituere ei, qui vires illas propriâ vo-

Quæst. XIV. Iustitiam perdidit, ut iustissimè potest ab homine quod debet semper repetere; & propter ejus omissionem illum punire, licèt vires ad illud exequendum amiserit; cùm debitum non magis cesset post amissionem virium, quàm debitum pecuniarium cessat post dilapidationem bonorum.

XXIX. Cùm *προσωπολήψια* propriè cadat in Judicem, qui, neglecto legitimo juris fundamento, respicit in judicio ad qualitates, vel conditiones externas, quæ nihil faciunt ad causam: perperam in Prædestinatione incusatur Deus tanquam *προσωλήπις*, dum unum præ alio elegit, quia non agit tunc Judicem, sed Dominum & Principem, qui potest indebitam gratiam huic dare, & illi negare sine cujusquam injuria, quia potest facere de suo quod libet, nec ullam in salute destinanda respexit conditionem. Quod August. epist. 105. ad Sixtum bene explicat; *Quod Personarum acceptiorem Deum se credere existimant; si credant quòd sine ullis præcedentibus meritis, cujus vult miseretur, & quos dignatur vocat, parum attendunt, quòd debita reddatur pœna damnato, indebita gratia liberato, ut nec ille se indignum queratur, nec dignum se iste gloriatur, atque ibi potius acceptionem nullam fieri personarum, ubi una eademque massa damnationis & offensionis involvit, ut liberatus de non liberato discat, quòd etiam sibi supplicium conveniret, nisi gratia subveniret; si autem gratia, utique nullis meritis debita, sed gratuita bonitate donata; sed injustum est, inquiunt, in una eademque malâ causâ hunc liberari, illum puniri. Nempe ergo justum est utrumque puniri. Quis hoc negaverit? Agamus ergo gratias Salvatori, dum nobis redditum non cernimus, quòd in damnatione similium etiam nobis debitum agnoscimus. Et postea. Cur illum potius quàm illum liberet, aut non liberet, scrutetur qui potest Judiciorum ejus tam magnum profundum, verumtamen caveat præcipitium. Nunquid enim est iniquitas apud Deum? Absit &c.*

XXX. Quamvis Deus dicatur velle omnium salutem, 1. Tim. 2. 4. & Ezech. 18. non delectari morte peccatoris, Ezech. 18. Non propterea sequitur eum neminem reprobasse, quia eadem Scriptura testatur alibi; Deum non misereri quorumdam, & præscribere illos ad Judicium. Aliud ergo est velle salutem hominum voluntate *εὐαρεσίας*, id est eâ delectari; Aliud eam velle voluntate *εὐδοκίας*, id est eam intendere. Aliud velle omnium salutem indiscriminatum; Aliud omnium & singulorum universaliter: posterius cum Reprobatione *ἀντίπεπον*, sed non prius.

XXXI. Cùm Deus nemini in hac vita velit reprobationem suam certò constare, sed possit etiam perditissimos peccatores ultimâ horâ ad se vocare; Non potest doctrina reprobationis bene intellecta in desperationem homines aligere, sed potius ad vigilantiam & sollicitudinem eos excitare debet, ut cognoscendo severitatem Dei, non effcerantur superbiâ, sed timeant, & recedentes à via peccati, quæ eos in hoc præcipitium abduceret, ambulent con-

constanter in via sanctitatis, quæ, ut Electionis fructus, ad vitam infallibiliter eos perductura est. QUEST. XIV.

XXXII. Quamvis nemo damnetur nisi propter peccatum; non sequitur pariter neminem reprobari nisi propter illud, quia reprobatio latius patet damnatione; nec est tantum actus iustitiæ, in prædamnatione, quæ revera fit ex intuitu peccati, sed etiam actus dominii in præteritione comparatè spectata, quæ à liberrima Dei potestate proficiscitur, quæque non potest *χέρον* habere ad peccatum, quod tam electis quàm reprobis commune est.

XXXIII. Licet ad decretum reprobationis sequatur necessariò hominis exitium; Non tamen Deo potest transcribi ejus causa, sed homini soli, juxta illud Osee 13. *Ex Te perditio tua Israël*, quia non reprobatur quemquam nisi peccatorem, adeoque meritò reprobabilem; Unde exitii ratio est iustissima, tum à peccato originali, quod in homine reprobandò supponitur, tum actuali, quod etsi denegationem fidei non possit non sequi, atque ita sit necessarium, est tamen spontaneum & voluntarium, & non coactum.

XXXIV. Si porro Caro tumultuari pergat, & obstrepere adversus inscrutabile hoc Mysterium, meminerimus Apostoli doctrinam iisdem tellis fuisse oppugnatam, Rom. 9. 14. 19. quod invictum est conformitatis doctrinæ nostræ cum doctrina Pauli argumentum: Ideo iisdem etiam cum ipso armis utamur, ad tela ista ignita Diaboli extinguenda, *O homo tu quis es, qui ex adverso responsas Deo? &c.* Et cum ipso serveritatem, & benignitatem Dei attendentes, Rom. 11. 33. 34. exclamemus, *O altitudo divitiarum, sapientiæ, & cognitionis ejus, quam inscrutabilia sunt ejus judicia, & impervestigabiles ejus viæ? Quis enim novit mentem Domini, aut quis fuit illi à consiliis? Aut quis prior dedit ei, & reddetur ei? Nam ex eo, & per eum, & in ipsum sunt omnia, Illi sit gloria in secula. Amen.*

QUESTIO XV.

An infidelitas, vel incredulitas adversus Evangelium præsupponatur ut causa in Reprobatione? Neg. contra Remonstr.

I. **Q**uestio hæc pendet à præcedenti, & licet ex iis quæ dicta sunt facile solvi possit, quædam tamen majoris illustrationis ergò addenda sunt.

II. *Infidelitas, vel incredulitas, alia est naturalis, alia acquisita.* Illa est naturalis cæcitas & corruptio hominis peccatoris, quæ non capit, nec Incredulitas duplex, naturalis & acquisita.

Quæst. XV. capere potest ea quæ sunt Dei, 1. Cor. 2. 14. 2. Cor. 3. 5. ista est voluntaria contumacia adversus Evangelium, quæ illud, vel non suscipit, vel susceptum rejicit: Prior rursus spectari potest, vel quoad *originem* & habitum, quatenus est communis omnibus hominibus, qui naturâ sunt filii iræ, Eph. 2. 3. & sic antecedit Prædestinationem, quia supponitur ut conditio in prædestinando, vel quoad *actum & exercitium*, quod est in reprobis non vocatis, qui deseruntur in illa corruptione, & ita consequens est reprobationis. Posterior *Negativa*, est propria reprobatorum vocatorum, qui non tantum *negativè* sunt increduli, quia propter corruptionem insitam, fidem nec habent ex se, nec habere possunt, sed etiam *positivè*, quatenus positivâ incredulitate Christum rejiciunt, vel ab ejus fide deficiunt.

Status
Quæstio- nis. III. Non quæritur de infidelitate naturali, & negativâ quoad originem, An præsupponatur Reprobationi, hoc enim ultro fatemur: Sed de infidelitate acquisitâ, & positivâ, quæ fit per actualem incredulitatem contra Evangelium, quam Arminiani volunt semper hic præcedere, ut nemo reprobetur, nisi qui prævidetur à Deo ut incredulus, & quidem perseveranter & finaliter; Sic Remonstrantes loquuntur in declaratione sententiæ suæ circa 1. Arti. th. 8. *Reprobatio à vita aeterna facta est, secundum considerationem antecedentem infidelitatis, & perseverantiæ in eâ.*

IV. Non quæritur, An ab omni æternitate Deus præsciverit præteritos morituros in sua infidelitate, hoc enim Deum omniscium latere non potest; Sed An prævisa illa infidelitas fuerit causa non electionis, seu præteritionis; quod negamus, quia nemo prævidetur in infidelitate certò moriturus, nisi quem Deus in destinatione gratiæ efficacis decreto antecedente præterivit. Quæstio ergo est, An prævisio incredulitatis, non naturalis & originalis, sed actualis, & acquisitæ, non negativæ, sed positivæ Reprobationem præcedat, & sit ejus causa, An verò sequatur, Remonstrantes volunt præcedere. Nos verò sequi.

Incredulitas non est causa Reprobationis. V. Rationes sunt, 1. Quia incredulitas ista sequitur Reprobationem, Ergo non potest eam præcedere, patet ex locis antè allatis & vindicatis, Jo. 8. 47. & 12. 39. Matth. 11. 25. & 13. 11. 1. Pet. 2. 8. Nam si ex præteritione Dei sequitur hominum induratio & contumacia adversus Evangelium, perperam dicetur ejus causa.

VI. 2. Quia Reprobatio versatur circa homines pares, & æqualiter corruptos cum electis, quum ex eadem massa peccati, alii fiunt vasa ad decus, alii ad dedecus, vel destinantur ad vitam, vel destinantur ad mortem, quod dici non posset, si fieret ex prævisâ incredulitate, quæ præteritis est propria.

VII. 3. Quia sic sequeretur nullos reprobari, nisi infideles & contumaces adversus Evangelium, id est nullos posse damnari nisi vocatos per Evangelium. Atque ita nec Gentiles, Turcas, & alios, qui nec vocati sunt unquam per

per Evangelium, nec de Christo quicquam audiverunt, reprobari posse. Sic nulla peccata forent damnabilia, nisi quæ committuntur adversus Evangelium: Sic nec peccati originalis reatus sufficiens ad condemnationem esset, propter quod tamen nascimur iræ filii, Eph. 2. 3. & dicimur in Adamo mori, 1. Cor. 15. 22. Nec peccata actualia adversus Legem naturæ & Mosis, vera causa essent damnationis, contra loca expressa Scripturæ, quæ damnationi subjicit, tam Gentiles, qui adversus solum naturæ lumen sine Lege Mosis peccarunt, Act. 14. 16. Rom. 2. 12. & 3. 19. & 5. 12. quàm Judæos, qui cum Lege peccarunt. Frustra hîc excipitur, Eos quibus prædicatum non fuit Evangelium, nihilominus damnatum iri propter ejus contemptum, quia se per Legem naturæ ad Evangelium audiendum non disposuerunt. Nam supponitur gratis id quod est in quæstione, nimirum eos contempsisse Evangelium, quibus nunquam innotuit. Sed si ex Apostolo sine Lege peribunt, qui sine Lege peccarunt, quidni etiam dici debet eos sine Evangelio perire, qui Evangelium non audiverunt? Nam quod additur, eos reos peragi Evangelii contempti, quia non se disposuerunt per legem naturæ ad illud audiendum, reponit crambem Pelagianam de dispositionibus naturalibus ad bonum, quas Paulus toties rejicit; & statuit perperam, hominem teneri se disponere ad id recipiendum, de quo nihil unquam audivit, nec auditurus est. Non felicius se expediunt ex hac difficultate, qui vocationem ad gratiam quærunt in revelatione naturali, quia hoc est confundere τὸ γινώσκον, & τὸ μέλλον, naturam, & gratiam, & malè Paulus diceret Deum reliquisse gentes ire viis suis, Act. 14. 16. & eas esse procul à fœderibus, & sine Deo in mundo, Eph. 2. 12. si præconium Evangelii per Creaturas potuit quocunque modo illis innotescere.

VIII. Quum Paulus ait Rom. 2. 16. *Deum judicaturum homines secundum Evangelium suum*, non proponit Evangelium quod prædicabat, ut *Solutionem* normam judicii universalis, quod fieri debet de omnibus & singulis hominibus, cum expressè dixisset v. 12. *Eos qui peccarunt sine Lege, perituros sine Lege, & qui cum Lege peccarunt, ex Lege judicandos esse*; sed arcessit futuritionem certam judicii, & ejus authoris ab infallibili ejus declaratione, quæ facta est in Evangelio, cuius erat Minister. Ita innuitur, non *secundum quid*, sed *per quem* sit judicaturus Deus, nempe per Mediatorem tanquam Judicem viventium & mortuorum, quod non in Lege, sed in Evangelio docetur, Jo. 5. 22. 27. Act. 17. 31.

IX. Licet Evangelium neminem addicat damnationi ob solum peccatum originale; Non sequitur nec Deum quemquam ob illud reprobare posse, hoc enim non ideo fit, quasi nemo damnetur propter peccatum originale, sed quia aliud est officium Evangelii, Jo. 3. 36. & aliud Legis, Rom. 3. 18. 19. & 2. 12.

Q U Æ S T .

XV.

Joh. 3. 18.
36.

X. Quamvis omnes vocati qui resistunt vocationi, & gratiam per Evangelium oblatam respuunt, propter incredulitatem condemnentur, quo sensu verba Christi sunt intelligenda Jo. 3. 18. 36. non infert hoc tamen, neminem reprobari nisi quâ incredulum; Quia alia est ratio reprobationis, alia damnationis; alia vocatorum per Evangelium, alia non vocatorum, qui non possunt damnari propter rejectionem Christi de quo nihil unquam audiverunt. Nec si increduli dicuntur condemnandi, ponitur statim solos, & non alios esse condemnandos; Nuspiam enim Evangelium habet aut ponit exclusivam.

XI. Licet doctrina Electionis ex solo Evangelio petenda sit, quia tota est gratuita, Rom. 11. 5. Non eadem est ratio Reprobationis, quæ tam ex Legge, quàm ex Evangelio colligitur. Nec si sola fides est medium salutis, sola incredulitas esse debet causa meritoria damnationis: quia salus vi fœderis gratiæ tantum potest haberi, quod nullam conditionem nisi fidem exigit, oppositè ad Legem quæ opera postulabat: Sed damnatio oritur, non modò ex violatione fœderis gratiæ, sed etiam ex violatione fœderis operum, & peccatis contra Legem admissis, tam originali, quàm actualibus. Dicere, Deum novum fœdus in Adamo cum toto Genere humano inivisse, & cum Noacho renovasse, ut nemo damnetur propter peccata contra vetus fœdus, est gratis supponere, quod probandum fuit, quodque non modò in Scriptura fundamentum non habet, sed illi aperte adversatur, dum fœdus istud particulare, non universale esse asserit, ut suo loco demonstrabitur.

Q U Æ S T I O X V I .

An voluntas Dei servandi perseveranter credentes, & damnandi incredulos, sit totum Decretum Prædestinationis?

Neg. contra Remonstrantes.

I. **I**Nter varios Errores, quibus Remonstrantes doctrinam de Prædestinatione corruperunt, præcipuus est ille, quo pertendunt voluntatem Dei servandi credentes & perseverantes, & damnandi finaliter incredulos esse totum Prædestinationis Decretum, ut illi loquuntur in *Actis Synod. circa 1. Arti. p. 48. Voluntas Dei peremptoria de salute & exitio hominum in Evangelio patefacta, est totum & integrum Prædestinationis Decretum. Perseverantes, vel morientes in fide velle salvare; super incredulis verò & impenitentibus iram velle relinquere, est voluntas Dei de salute & exitio hominum in Evangelio patefacta.* Ergo. Quia verò sub verbis ambiguis malè sanæ doctrinæ suæ venenum occultare solent, expedit paucis eorum mentem aperire, ut constet quantum à veritate in Verbo Dei tradita, hac etiam in parte discedant.

II. Hoc verò non difficile est intelligere, si spectemus quem in finem QUEST. XVI.
 Decretum istud generale & indefinitum statuunt; Nimirum ut doceant, non quid de personis singularibus decreverit Deus, sed quid circa *qualitates Status*
salvandorum, & damnandorum constituerit, fidem ex omnibus conditio- Quæstio- nis.
 nibus possibilibus eligendo in conditionem salutis. Licet verò non nege-
 mus hunc ordinem à Deo constitutum esse, ut fides sit medium salutis; Ne-
 gamus tamen in eo positam esse Prædestinationem, multò minùs ut totum
 & integrum ejus decretum hac constitutione includatur.

III. Rationes sunt, 1. Quia Prædestinatio ex usu Scripturæ semper re-
 spicit personas singulares, separans illas in communi massa peccati, & illas
 ad vitam, istas ad mortem destinans, *Multi vocati, pauci electi*, Matth. 20.
 16. *Quos præcognovit, eos prædestinavit* &c. Rom. 8. 29. 30. & 9. 16. 18.
 Act. 13. 48. *Crediderunt quotquot ordinati erant ad vitam æternam*, nec us-
 piam refertur tantùm ad qualitates. At voluntas ista occupatur circa qualita-
 tes, circa personas non nili contingenter & eventualiter, idque propter qua-
 litates citra distinctionem aut separationem singularium; Notat quidem
quales Deus servare statuerit, sed non *quos* in singulari salvare vel damnare
 decreverit. Quippe decretum hoc indefinitum neminem in particulari præ-
 destinat & segregat, neminem libro vitæ inscribit, & illo stante fieri potuif-
 set, ut vel nullus damnaretur, vel nullus salvaretur, & sic Servator fuisset
 sine servandis, & Caput sine Membris.

IV. 2. Prædestinatio qualis in Scriptura nobis proponitur, est voluntas
 Dei efficax, quæ media Electionis efficaciter operatur in Electis, & finem
 etiam, id est, salutem infallibiliter confert. Et in mediis Reprobationis
 alia permittit, alia justo judicio efficit, & damnationem reprobis certissi-
 mè infligit, Rom. 8. 29. 30. & 9. 11. 18. 22. 23. & 11. 7. Eph. 1. 4. 5.
 At voluntas illa est æq̃ & otiosa, utpote quæ suspendatur ab arbitrio
 humano mutabili, incertissima eventu.

V. 3. Prædestinatio, ut suprà probatum, præcedit fidem & perseve-
 rantiam, ut causa suum effectum, & incredulitatem, ut antecedens suum
 consequens. At *credentes, & increduli*, qui dicuntur servandi, vel da-
 mnandi istâ voluntate, intelliguntur tales *antecedenter* ab Adversariis, non
consequenter, quod nihil aliud est, quàm pervertere seriem causarum salu-
 tis, & ex Prædestinatione facere Postdestinationem.

VI. Christus & Apostoli totam Dei voluntatem de hominum salute an- Fontes
 nunciarunt, quantum ejus scire nostra refert, Act. 20. 27. dum modum Solutio-
 obtinendæ per Christum salutis, & conditiones ejus nobis plenissimè num.
 revelarunt. At quos eligere voluerit ab æterno, & quibus velit dare fi-
 dem, ut pertinet ad arcanum Dei consilium, non ad voluntatem ejus reve-
 latam, quæ est objectum prædicationis Evangelicæ, non mirum si occultum

QUEST. XVI. manet penes Deum, & ex eventu demum nobis manifestatur. Licet verò nominatim non declaretur in Evangelio quinam sint salvandi, satis tamen prospectum voluit fidelium consolationi Deus, characteres & signa veræ electionis in Verbo nobis dando, ex quibus possunt certitudinem habere suæ electionis.

VII. Decretum absolutum de salute personarum singularium, non obstat quominus sapienter præscribantur hominibus ejus obtinendæ conditiones; quia Deus decrevit quidem salutem absolutè & antecedenter sine intuitu ullius causæ præcedantæ, sed non consequenter absque mediis, verum per media obtinendam. Nec magis absurdum est, positâ voluntate peremptoriâ de salvando aliquo, aliquid illi præcipere ad eam obtinendam, etiam sub comminatione mali contrarii, quàm absurdum erat Ezechiae præscribere ciborum usum, licet prolongatio vitæ à Deo decreta fuisset, & Paulum vetare Act. 27. 31. egressum eorum qui erant in navi sub periculo naufragii, licet revelatione divinâ certus esset de omnium conservatione. Nam certitudo finis non excludit necessitatem & usum mediorum.

VIII. Nulla est contradictio inter Decretum absolutum Electionis, quod paucos respicit, & Voluntatem revelatam, quæ salutem indiscriminatim omnibus offert per fidem in Christum: Quia oblatio salutis quæ fit per Evangelium, non fit absolutè, sed conditionatè, sub conditione fidei & pœnitentiæ; Licet autem duo ista sint inter se diversa, offerre salutem omnibus indiscriminatim sub conditione fidei, & decernere absolutè salutem & fidem paucis: non possunt tamen censerì contradictoria, quia non ad idem respiciunt, nec eodem respectu sunt intelligenda; illud ad voluntatem revelatam approbationis pertinet, istud verò ad voluntatem arcanam decernentem.

IX. Quamvis promissio hypothetica de danda salute omnibus credentibus, indiscriminatim omnibus vocatis proponatur, non sequitur eam fluere à decreto generali de servandis omnibus credentibus, & de fide ex omnibus conditionibus possibilibus eligendâ in conditionem communicandæ salutis, quod præcedat decretum speciale de personis singularibus servandis, ut pertendunt Adversarii: Quia ut est decretum de mediis salutis, debet necessariò subordinari decreto de salute, quæ habet rationem finis: ut Deus non concipiatur cogitasse priùs de fide in medium salutis constituendâ, quàm cogitaverit de illis, quibus dare volebat salutem, quam ut ipsis conferret, media ad id necessaria selegit, & inter alia fidem. Quia verò connexio ista inter fidem & salutem, est immutabilis veritatis, hinc fit ut indiscriminatim proponatur omnibus vocatis, licet ex Dei consilio quoad eventum impleatur in solis electis, quibus constituit dare fidem.

QUESTIO XVII.

An Deo tribui debeat Voluntas aliqua conditionalis, seu propositum universale miserendi totius Generis humani in peccatum prolapsi, omnibus & singulis Christum Mediatorem destinandi, & eos omnes ad salutarem beneficiorum illius communionem vocandi? Neg.

I. **Q**uestio hæc ex superiori oritur, & cum variis nobis intercedit, qui, licet non per omnia inter se consentiant, omnes tamen à receptâ hæcenus in Ecclesiis nostris doctrinâ recedunt.

II. *Lutheranorum* sententia communior huc redit. Prædestinationem esse voluntatem, seu consilium, & beneplacitum Dei æternum de hominibus per Christum fide apprehendendum salvandis, quæ *Voluntas* distinguatur in *antecedentem*, & *consequentem*: Illam esse volunt consilium & decretum Dei æternum de omnibus in universum hominibus peccato perditis per Christum fide apprehendendum salvandis, quæ tribus fundamentis nitatur, *universali Dei misericordia*, *universali Christi merito*, & *universali Verbi ministerio*, seu *vocatione*. Istam esse consilium Dei æternum de salvandis credentibus, & damnandis incredulis, & causam istius particularitatis non oriri ex Deo, qui serîo, constanter, & ardentè vult ut omnes homines credant, & per fidem in Christum servantur; sed ex hominibus ipsis, qui benigno Dei & universali beneplacito non obsequuntur nec credunt, quæ verba sunt *Hassenrefferi*, in *Locis comm.* lib. 3. sta. 3. cui adstantur *Eckardus* Fascicu. Controv. c. 15. q. 2. *Hutterus*, *Hunnius*, *Ghe-rardus*, de Elect. & Reprob. c. 4. &c. & alii.

III. *Arminiani* cum Lutheranis hîc faciunt, & ulterius etiam ipsis progrediuntur: quatuor quippe decreta hîc sibi subordinata statuunt. 1^{um} de dando Christo in Mediatorem toti Geni humano. 2^{um} de salute in Christo fidelibus conferenda, & de damnandis infidelibus. 3^{um} de administrandis mediis sufficientibus ad salutem omnibus & singulis. 4^{um} de personis singularibus credituris servandis, & non credituris damnandis. Tribus prioribus decretis fundamenti instar substernunt *Gratiam universalem*, sive affectum & misericordiam Dei erga totum genus humanum, quâ impulsus Christum in Mediatorem omnibus destinavit, & omnibus media sufficientia ad salutem largiri constituerit, ut mentem suam in *Collatione Hagienfi*, *Actis Synodalibus*, & scriptis aliis ab Arminio, Corvino, Grevinchovio, Episcopo & cæteris, adornatis exponunt.

QUEST.
XVII.

IV. Non dissimulandum etiam, non idem per omnia hîc sentire ipsos Theologos Reformatos, & nonnullos esse, qui licet nobiscum conveniant in centro Controversiæ Pelagianæ de Electione merè gratuita, & de decreto particulari de danda fide his, non illis, ut & de Vocatione efficaci, & irresistibili, quique hac in parte ab Arminianis dissentiunt; tamen pio quodam, ut videtur, pacis Ecclesiasticæ promovendæ consilio, & fortius cum Remonstrantibus disputandi studio, quamvis successu minùs felici, hypotheses quasdam ipsorum adoptarunt, peripheriam gratiæ latiorē ducendo, & Misericordiæ, Redemptionis, & Vocationis universalitatem tuendo, dum pertendunt Deum *φιλανθρωπία* suâ & generis humani misericordiâ impulsus, decrevisse ab æterno Filium suum in mundum mittere, qui præstitâ pro peccatis satisfactione, remissionem peccatorum, & salutem æternam câ lege omnibus acquireret, si ipsum per fidem amplecterentur, nec dedignarentur tantæ salutis esse compotes. Ita statuunt Deum aliquo modo voluisse, & homines pariter potuisse servari omnes, modò crederent; Sed addunt, Deum non ampliùs suâ *φιλανθρωπία* communi, sed singulari quodam amoris & misericordiæ genere permotum, nonnullos ex universitate hominum elegisse, quibus fidem indulgeret, eo animo ut eos ad salutem certissimè perduceret, ad id ut non ampliùs eos voluerit servare, modò credant, sed statuerit eos ad fidem adducere ut serventur. Duo itaque præcipuè hîc Decreta spectanda esse pertendunt. Aliud *Generale* de servandis per Christum credentibus, quo Deus statuit omnium & singulorum misereri, & Christum omnibus Mediatorem dare, & omnes ad salutem vocare. Aliud *Speciale*, quo decrevit quosdam efficaciter vocare, & illis fidem præ cæteris largiri. Quoad prius cum Remonstrantibus conveniunt, quoad posterius ab iis dissidunt. Vide *Ameyrald. Diss. de Gra. Uni. & Testar. in Ireni.*

V. Recepta verò apud Reformatos sententia, aliud longè statuit; Deum scilicet non omnium, sed quorundam tantum ex humano genere in peccatum & mortem prolapsos misereri voluisse, quos propterea ex lapsu erigere, & ad salutem deducere constituerit, cæteris in nativâ suâ corruptione relictis: quia verò non poterat misericordiam suam erga ipsos exercere, nisi satisfaceret priùs Justitiæ suæ; Ideo destinasse ipsis Christum Mediatorem, qui tanquam Vas pro ipsis satisfaceret & salutem impetraret, & ut Caput per Spiritus efficaciam, fidem operando, salutem acquisitam iis applicaret. Ita concipitur primò Deus cogitasse de fine, id est, de salute quibusdam danda, postmodum de mediis, & primò de medio acquisitionis, deinde de medio applicationis; sed ita ut unum decretum non sit latius altero, nec aliis destinasse statuatur salutem, vel Christum, quàm quibus destinavit Spiritum, & fidem. Nam, ut tres partes præcipuæ gratiæ salutaris ad tres Personas S. S. Trinitatis referuntur per appropriationem, *Electio* ad Patrem, *Redemptio*

ad Filium, & *Sanctificatio* ad Spiritum Sanctum. Ita æqualem peripheriam & amplitudinem obtinere debent, ut nemo electus sit à Patre, qui à Filio non fuerit redimendus, & à Spiritu sanctificandus, & nemo vicissim redimi debuerit à Christo, qui à Patre electus ab æterno non fuerit, & per Spiritum suo tempore sanctificandus.

QUEST.
XVII.

VI. Hinc facile colligi potest verus *Quæstionis* istius Status. 1. Non *Status* quæritur, An omnes & singuli homines, sive credant, sive non credant, *Quæstio-* ad salutem sint prædestinati; Nam hoc *Samuelis Huberi* Ecclesiarum Hel- *nis.* veticarum quondam turbonis commentum, pridem explosum, & nigro thetâ notatum.

VII. 2. Non quæritur, An Deus amore, & *φιλανθρωπία* generali feratur in homines, tanquam creaturas suas, & varia etiam beneficia temporalia circa τὸ βιωτικὰ illis largiatur: Non diffitemur enim hac in parte Deum nunquam se relinquere ἀμέσπυρον Act. 14. 17. Et facile damus neminem esse, qui aliquam gratiam Deo non debeat, & qui quicquid est, aut potest, gratiæ Creatoris sui acceptum ferre non teneatur. Sed agitur de *Amore speciali & salutari*, qui tendat ad beneficia spiritualia, & quo ipsorum ad salutem misereri voluerit, quem particularem esse solis electis, non universalem & communem omnibus censemus.

VIII. 3. Non quæritur, An detur in Deo voluntas aliqua præcipiens & approbans fidem & salutem hominum; seu, An Deus mandet in Evangelio ut homines credant & resipiscant, si salvari velint; & An illi gratum esset homines credere & servari. Nemo enim negat Deum delectari potius conversione & vitâ peccatoris, quàm ejus morte, & subscribimus libenter Synodo Dordracenæ, quæ in C. 4. th. 8. statuit, *Deum serio & verissimè ostendere Verbo suo, quid sibi gratum sit, nimirum ut vocati ad se veniant*; Sed quæritur, An ex tali voluntate approbante & præcipiente hominibus quid sui sit officii ad salutem obtinendam, possit colligi voluntas aliqua, seu consilium Dei, quò intenderit salutem omnium & singulorum sub conditione fidei, & pro illis Christum in mundum mittere decreverit. Unde patet aberrare eos à *Quæstionis* vero cardine, qui pertendunt agi hic tantum de voluntate *εὐαγγελίας*, non verò *εὐδοκίας*, quia patet agi, non de eo quod Deus vult à nobis fieri, sed quod vult ipse facere ad salutem hominum, & de decreto mittendi Christum pro ipsis, quod pertinere ad voluntatem *εὐδοκίας*, non verò *εὐαγγελίας* nemo non videt.

IX. 4. Non quæritur, An Decreto quodam absoluto omnium & singulorum salutem intenderit, hoc enim absurdum esse nobiscum fatentur illi cum quibus nunc agimus, quia si hoc foret omnes infallibiliter servarentur; cum contrà *multi sint vocati, & pauci electi*. Sed, An decreto quodam conditionato, & voluntate maximè seria Deus omnibus & singulis

Quæst. XVII. constituerit dare salutem sub conditione fidei. Licet enim nonnunquam negent Viri Fratres se *decretum* ullum *conditionatum* statuere, sed tantum voluntatem conditionatam, ut declinent sententiam latam in Synodis Gallicanis, adversus eos qui ita loqui voluerint: Non possunt tamen diffiteri Primarios ex ipsis à *decreti conditionati* voce non abhorruisse, & eam subinde occurrere in Scriptis Celeber. Virorum *Amyraldi*, *Testardi*, *Placei*, *Cappelli*, & aliorum. Et res ipsa quam statuunt hoc postulat; cum enim nullus detur actus propriæ & intrinsecæ volitionis in Deo de rei alicujus eventu, qui decretum non importet, quisquis voluntatem conditionatam in Deo agnoscit, is pariter decretum conditionatum in eo admittat oportet.

X. 5. Non quæritur de Universalitate Redemptionis, vel Vocationis, de his enim Deo dante suo loco agendum erit, sed de *Universalitate misericordiae*, & *gratiæ*, quoad intentionem salutis. Ut Quæstio redigatur ad hos terminos; An detur in Deo decretum aliquod generale, sive consilium & propositum dicatur, sive voluntas conditionata, quâ verè & seriò Deus omnium & singulorum misereri ad salutem intenderit, non fidem dando, sed pro omnibus & singulis Christum mittendo, & omnes ac singulos ad salutem vocando sub conditione fidei & pœnitentiæ? Quod Gratiæ universalis Patroni statuunt; Nos negamus.

XI. Quia verò Quæstio ista tanquam minùs necessaria, & intempestiva quibusdam videtur, eo quòd in ea agatur tantum de *Methodo* quadam diversa, circa quam nemini lis sit movenda, non verò de ullo doctrinæ capite; In antecessum observandum, quòd si de sola *Methodo* ageretur, quæ rei ipsius diversitatem post se non traheret, facilè hâc Controversiâ carere possemus; Nec enim de solo *τόπω παιδείας* cum quoquam litigandum censemus, modò sana doctrina sit in tuto: Verùm si res ipsa paulò attentius expendatur, facilè patebit, non agi tantum de *methodo*, sed sub prætextu novæ *Methodi*, novam doctrinam invehi. Quis enim dixerit ad simplicem *Methodum* pertinere dogmata quæ hic proponuntur de *Misericordia*, *Redemptione*, & *Vocatione* universali? An est *methodus* tantum, docere Deum aliquid seriò & ardenter velle, quod scit nec futurum unquam, nec fieri posse, & ad quod media necessaria homini largiri non vult, qui solus potest? An est *Methodus* docere, Mediatorem illis destinari, quibus nunquam innotuit, & homines vocari sufficienter ad salutem, si non immediate, saltem mediatè ex contemplatione cœli & terræ; impetrationem salutis latiùs patere ejus applicatione, & Christum propriè nobis non meritum esse fidem &c. Sanè qui hæc & similia accuratè perpenderit facilè deprehendet, non tantum de *methodo*, sed de momentoso dogmate agi, ut illi cum quibus agimus non possunt diffiteri.

XII. Interim, quæcunque hîc deprehendatur inter Nostros sententiarum

rum discrepantia, salvum utrobique manet hætenus per Dei gratiam fidei QUEST.
XVII.
fundamentum, dum utrimque asseritur. 1. *Universalis* omnium & singulorum hominum *Corruptio*, & *universalis*, ac invicta ex ea emergendi, cujuscunque illa generis sit, *impotentia* sine efficaci Dei gratia. 2. *Electio* ex ista miseria ad salutem *particularis*, & plurimorum præteritio immota, quos Deus in sua miseria, liberrimo quidem, sed justissimo tamen judicio, qui omnes relinquere poterat, relinquere voluit. 3. *Gratia efficax*, quæ sola fidem istam operari potest, & sine quâ haberi nequit, ut donum particulare solis à Deo electis destinatum ab æterno, illis etiam solis concessum in tempore, sine quo tamen nemo salutem consequi potest. 4. *Solum Evangelium*, ut *ministerium Spiritus*, & instrumentum unicum ingenerandæ fidei in Christum, cæteris omnibus revelationibus ad salutem omnino insufficientibus, si non objectivè, saltem subjectivè propter innatam hominis corruptionem; Quæ capitalia sunt fidei dogmata, quæ adversus Pelagianos & Semipelagianos constanter omnes tuemur.

XIII. Ut ut verò conveniamus omnes in exitiis Pelagianorum, & qui eorum castra sequuntur erroribus oppugnandis; nihilominus nova ista, quæ à Viris magnis excogitata est methodus, quamvis ad auram popularem, & placita hominum magis videatur accommodata, & venditari soleat tanquam commodior ad justitiam Dei adversus reprobos tuendam, & causam totam exitii hominum in ipsos transferendam, non desinit variis absurdis, & difficultatibus inextricabilibus urgeri, quæ ideo; ut Deo minùs conveniens, parum sibi constans, ab *ἁγιωγράφοις* saniorum sermonum recedens, & propter multiplices, quas post se trahit consequentias, periculosa, ab Ecclesiis nostris jampridem damnata est, & rejecta: Quod non sine gravi causa factum esse, salvâ dissentientium pace, paucis jam probandum, & quidem circa primum Caput, de quo nunc agitur, voluntatem scilicet, seu propositum universale omnium miserendi ad salutem.

XIV. Talem nullam dari voluntatem, vel propositum in Deo probamus, Nullam
dari mi-
serendi
particularem
facit, non
universalem,
quum testatur
Deum quorumdam
tantum misereri,
alios amare,
& libro vitæ
inscribere, alios
verò odisse,
indurare, ad
iram ponere,
& ad damnationem
præscribere,
Rom. 9. 11. 12. 13.
18. 22. 1 Thess. 5. 9. 1. Pet. 2. 8.
1. Ex *Electiois & Reprobationis decreto*. Quia Scriptura propositum miserendi particulare facit, non universale, quum testatur Deum quorumdam tantum misereri, alios amare, & libro vitæ inscribere, alios verò odisse, indurare, ad iram ponere, & ad damnationem præscribere, Rom. 9. 11. 12. 13. 18. 22. 1 Thess. 5. 9. 1. Pet. 2. 8. quis enim dixerit Deum misereri velle ad salutem illorum, quos ab æterno reprobavit, & maximè seriò intendisse illis finem sub conditione, quos eodem voluntatis actu à medio ad illum unquam perveniendi exclusit? & quis non videt destrui consilium conditionatum de dandâ salute innumeris, per consilium absolutum de non dandâ illis fide?

XV. Frustra hîc excipitur, 1. Decretum particulare miserendi quorundam, non evertere universale, quia κατ' ἀλλοτρίαν & ἀλλοτρίαν de Deo dicuntur; particu-

Q U A S T. XVII. ticularare decretum esse κατ' ἐκλογὴν, sed universale non item; Nec adversari sibi invicem duos istos actus, ut primo Deus voluerit omnium & singulorum salutem, si credant, & secundo quibusdam dare voluerit fidem, ut certo serventur. & gratis enim supponitur dari duplex illud miserendi propositum, cum Scriptura omne Dei propositum miserendi, ab æterna illius electione arceßat, imò in eo ipsammet Electionem constituat, Rom. 8. 28. 29. & 9. 11. Ephes. 1. 11. 2. Tim. 1. 9. Et res ipsa docet non posse sine absurditate concipi, ut Deus, in quo non potest dari prius & posterius, & qui unico & simplicissimo voluntatis actu omnia decernit, eodem actu voluerit maximè seriò aliquibus salutem sub aliqua conditione intendere, & simul conditionem istam sine qua haberi nequit salus, illis negare constituerit, qui solus dare potest; quid hoc aliud esset, quàm velle misereri, & non velle simul? Fateor unicum voluntatis divinæ actum in varios posse dividi, qui concipiantur per prius & posterius, sed hoc tantum intelligendum de illis, qui in se non arietant, & seipsos non destruunt; Jam dicere Deum omnibus salutem intendisse, & simul decrevisse alios eligere & amare, alios verò odisse & reprobare sunt ἀνίσταται, nec simul apud Deum stare possunt, ne quidem successivè, nili voluntas ejus obnoxia mutationi statuatur, quod de Deo cogitare blasphemum.

X V I. Secundò non feliciùs distinguitur hîc *Amor Dei in comparatum, & absolutum*, & statuitur Paulum, quum locutus est de amore Jacobi, & odio Esavi, voluisse tantum innuere Deum illum magis amasse, & huic prætulisse, quomodo non odisse, non semel in Scriptura ponitur pro *minùs amare*, Gen. 29. 31. Ita et si quosdam peculiari amore complexus dicatur Deus, ut illis fidem daret, non sequi, quòd alios salvare noluerit; varios enim gradus in amore Dei erga homines non minùs concipi posse, quàm erga Creaturas. & Licet enim demus facilè, nonnunquam odium poni pro amore diminuto inter homines, negamus tamen apud Paulum odium Dei erga Esavum sic posse intelligi, quia opponitur amor Jacobi, qui dicitur esse κατ' ἐκλογὴν, ut ergo amor iste necessariò includit propositum miserendi Jacobi, & illum servandi; Ita odium illud negat, & notat propositum reprobationis, quòd à Deo liberè præteritus est, & a salute exclusus, ut hætenus Theologi Reformati hoc constanter tenuerunt. Nec si in effectibus *amoris Dei generalis, & communis providentia*, quo fertur in omnes Creaturas suas pro varietate subjectorum, quæ majori vel minori naturæ præstantiâ pollent, sunt gradus, statim sequitur dari gradus affectivè in *Amore Dei speciali & salutari*, cum enim amor ejus non possit esse inanis & inefficax, quos amat ad salutem, debet amare plenè, & usque ad finem, Joh. 13. 1.

X V I I. 2. Qui vult alicui seriò finem, is etiam vult & confert, quantum in se est, media ad eum obtinendum necessaria, maximè si ea omnia in manu

manu sua habet, & si ab eo solo pendent. Si ergo Deus vult voluntate generali omnium & singulorum salutem, debet velle etiam media ad salutem ducentia; qualia sunt Verbi præconium, fides, pœnitentia, sine quibus salus non potest haberi: Sed ea nec vult, nec confert quantum in se est innumeris, quibus nec indulget Verbi præconium, nec fidei donum; Ergo. Nec hic dici debet, hoc valere de eo, qui velit finem *absolutâ & plenâ voluntate*, non verò *voluntate diminutâ & conditionatâ*. Quia probandum est, non supponendum, dari talem ullam voluntatem in Deo diminutam & conditionatam, cujus contrarium antea evicimus: In Creaturis quidem locum habere posse non diffitemur, quæ impotentes sunt, & omnia sub arbitrio suo non habent; sed Deo omnipotenti, qui omnia in manu sua habet, talis voluntas sine gravi absurditate tribui nequit. Vide supra Lo. 3. Q. 16.

XVIII. Frustra etiam additur Deum posse dici velle media, non quidem ut efficiat re ipsa, ut omnes mediis ad salutem obtinendam necessariis actu utantur, sed ut ea omnibus offerat, ita ut illi quibus offeruntur; possint iis uti si volunt; nam nec Princeps subditos, vel Parens liberos ideo negabitur voluisse bene & sapienter vivere, quod non effecerunt, ut iis mediis, quæ ad istum finem consequendum ipsis offerebant, in rem suam uterentur. &. Nam qui vult serîo alicui finem, debet ei quantum in se est, non aliqua tantum, sed omnia ad finem assequendum media necessaria, non tantum offerre, sed etiam conferre & suppeditare, si hoc penes ipsum solum est. Atque hinc patet, quàm parum huc faciant similia Principis & Patris, quæ afferuntur: Nam licet Princeps & Pater optent subditos & liberos bene vivere, & id procurent omnibus modis qui penes ipsos sunt; non possunt tamen hoc reapse efficere, aliàs si possent, nec facerent tamen, signum esset certissimum eos hoc serîo non voluisse; At Deo nihil impossibile & invium. Itaque si non confert media omnia necessaria omnibus ad salutem, quæ ab ipso solo pendent, argumentum est eum hoc re ipsa noluisse.

XIX. Tertiò, Si Deus voluntatem universalem habet omnes servandi, vel est absoluta, vel conditionata; Si absoluta, omnes actu servabuntur; Si conditionata, vel conditionem ad salutem necessariam vult in hominibus efficere, vel exigere tantum; Si tantum exigere, talium salutem non vult & intendit, exigendo ab iis actum, quem novit homini impossibilem. Rursus conditio illa, vel erit certò futura, vel certò non futura; Si illud, omnes & singuli certò servabuntur; Si hoc, statuetur Deus vehementer id velle, quod tamen probè novit nunquam exiturum, utpote pendens ex tali conditione, quæ nunquam sit futura hoc respectu, quia ipse non vult eam efficere, qui solus id potest. At si in Virum Sapientem non cadit, aliquid velle sub conditione quam novit impossibilem; quantò minùs Deo sapientissimo hoc tribui poterit?

QUÆST.
XVII.

XX. Nec solvitur nodus, si dicamus, Deum sæpe in Scriptura testari se velle salutem eorum, in quibus tamen non vult conditionem fidei efficere, sed exigere tantum: Nam licet hoc concedatur de voluntate approbationis, quæ ad præcipientem refertur, non potest pariter dici de voluntate decernente, aliàs Deus sine suo excideret, & posset id intendere, quod certò novit se nunquam assecuturum. Nec plus proficiet qui addiderit, Deum non teneri dare fidem homini, ideo neminem conquerendi de eo ansam habere, si illam exigit tantum à reprobis, non verò efficit. Quia licet nihil à parte hominis illum ad dandam fidem ulli obliget, tamen, supposito quòd seriò velit salutem hominibus, videtur inde colligi, quòd ipse teneatur illam ipsis dare, ut salutem quam ipsis intendit consequi possint. Sanè si vires homini ad credendum suppetarent, vel si gratia subjectiva sufficiens poneretur, non posset dici Deus hoc velle sub conditione impossibili. Et hac in parte placita Arminianorum meliùs coherent, & sibi constant, quæ gratiam istam sufficientem statuunt, & liberi arbitrii ἀναφορίαν; sed quandiu impotentia statuetur esse in homine invicta & insuperabilis, cujuscunque sit generis, vel moralis, vel naturalis, de hoc enim nunc non quærimus, ut asserunt Viri Fratres cum quibus agimus; hinc bene adversus ipsos concludetur Deum ex illa hypothesi maximè seriò aliquid velle sub conditione impossibili, & quam Deus novit nunquam futuram, quia ipse eam implere non vult.

XXI. Quartò, Si Deus vult omnes & singulos servari; Vel omnes de facto servari debent, quod falsum; Vel voluntas quædam Dei manet irrita & inefficax, quod absurdum. Neque satisfaceret qui dixerit, non semper fieri quicquid Deus vult, cum nec fiant, quæcunque illi grata sunt & placent, & multa fiant, quæ non placent ipsi, & quæ non vult; Quicquid Deus vult facere, id procul dubio fieri, sed non statim fieri, quæ ipse non vult efficere, sed ab aliis præstari. &. Quia aliud est loqui de voluntate approbativa & præcipiente, quo sensu certum est multa fieri quæ non vult, & multa non fieri quæ vult, id est, approbat & præcipit; ut vult homines Legem implere & illi obsequi, quod non fit tamen; Aliud verò de voluntate decernente, quæ consilium & intentionem Dei importat, quo sensu nihil potest velle & intendere, quod non re ipsa fiat; Imò ea ipsa quæ non vult voluntate præcipientem, & fiunt tamen, non fiunt nisi ea velit voluntate decernente, ut ita non fiat *præter voluntatem ejus*, quod fit *contra ejus voluntatem*, ut olim loquebatur Augustinus. At hîc, ut antea dictum, non agitur de voluntate duntaxat approbante, quæ gratiam habet salutem hominum, sed de decernente, quæ intendit mittere Christum in mundum ad salutem omnibus acquirendam si credant; quam irritam & frustraneam esse oportet ex hac hypothesi.

XXII. Dices aliquem frustra posse dici aliquid velle duobus modis; vel ut id temerè nullaque ratione eum velle significetur; vel ut id quod vult mi-

nimè

nimè factum intelligatur. Absurdum esse Deum aliquid frustra velle priori sensu, nec locum hic habere, siquidem quod eos qui pereunt salvos fieri voluit, non temere factum, sed ex bonitatis suæ ratione voluit: Sed secundo non esse absurdum Deum aliquid frustra velle, quod re ipsa non fit. &c. Sed hoc non solvit nodum; Nam illud frustra esse dicitur, quod finem intentum non assequitur, quod hic fieri nemo negare potest; Nam voluntas ista, vel pro fine habuit salutem, vel non; Si non, non potest dici Deus voluisse eos servari; Si habuit, & non obtinuit, sequitur Deum fine suo excidisse. Reverses voluntatem istam posse dici *efficacem*, & *inefficacem* variis modis; *efficacem* ratione multorum actuum quos illa exerit, cujusmodi sunt Decretum de mittendo & morti tradendo Filio suo ad Justitiæ satisfactionem, de conservando mundo, & de salutaris cognitionis luce, quâ homines vocantur diversimodè ac pro variis temporibus dispensanda; *inefficacem* verò, si ad hominum animos eorumque actus referatur, quod minimè efficiat, ut quod vult eos facere, id est credere & resipiscere, id re ipsa faciant. &c. Sed ne sic quidem tollitur difficultas; Nam quacunque demum ratione efficax dicatur, inefficax semper manebit respectu finis à Deo intenti, scilicet salutis hominum. Deinde concipi non potest, quâ factum, ut Deus, qui voluerit efficaciter respectu singulorum id quod longè majus est, nimirum dationem Filii, non voluerit efficaciter id quod longè minus est, nempe ut homines crederent & resipiscerent, cum aliàs satis intelligeret, absque eo cætera frustra fore, nec cuiquam profutura.

XXIII. Quintò, Illos non vult salvari Deus, quos ne quidem Verbo suo vult vocare ad fidem & salutem. Nam cui denegantur media, illis etiam denegari censetur finis. At innumeris denegavit Verbi præconium, quod solum est medium ad fidem & salutem, ut sub V. T. omnibus gentibus, sub N. verò variis adhuc Populis, quibus nunquam affulsit lux Evangelii, & qui in tenebris densissimis Paganismi adhuc jacent. An verò credibile, si Deus propensissimam illam voluntatem miserendi omnium & singulorum ad salutem habuisset, & illis Christum Mediatorem mittere decrevisset; illum per quatuor circiter millia annorum omnes Gentes, excepto uno populo Israëlítico, permitturum fuisse ire viis suis, & nihil illis de Mediatore, qui pro ipsis venturus erat in mundum dicturum fuisse, & exclusurum eas fuisse à Verbi sui præconio, quod unicum est ad fidem & salutem medium; Rom. 10. 17. Ubi tum bona illa voluntas se exeruit, quam dicitur Deus habuisse in gratiam ipsarum? Et cui bono Christus illis destinatus est, quibus nunquam revelatur? Sanè vel hæc sola Dei erga Gentes alienas à fœderibus dispensatio, satis superque, si nullum aliud suppeteret argumentum, evincit absurdam esse, & nullo solido fundamento subnixam, de voluntate & misericordia Dei universali ad salutem, hypothesim.

QUEST. XXIV. Scio afferri ad ejus confirmationem loca Act. 14. 16. 17. ubi
 XVII. Deus dicitur non se reliquisse ἀμάρτυρον erga homines benefaciendo illis, mit-
 Act. 14. 16. tendo pluvias & tempestates frugiferas, & corda implendo cibo & letitiâ, &c.
 & 17. 26. 17. 26. 27. ubi Paulus testatur, Deum non procul esse ab unoquoque nostrum,
 27. & determinasse statuta tempora, ut homines quæram Dominum, si forte pal-
 pando eum possent invenire. 12. Sed neuter locus favet isti sententiæ. Non
 prior, quia licet Deus dicatur non se reliquisse ἀμάρτυρον per varia beneficia
 temporalia, quæ Gentibus indulgit, ibidem tamen testatur eum fuisse gena-
 tes ire viis suis, quoad revelationem salutis, quod non refertur ad solam de-
 relictionem internam, sive privationem Spiritus, sed etiam ad derelictio-
 nem externam, seu defectum vocationis externæ, quia non dedit illis statuta
 sua & Leges ut Jacobo, Ps. 147. 19. 20. Non posterior, quia statim addit
 Paulus, Deum dissimulasse tempora ignorantia, & nunc id est, sub Evangelio,
 denunciare ubique omnibus ut pœnitentiam agant, quod antithesim expressam
 instituit inter tempus V. T. & N. relatè ad vocationem externam ad pœni-
 tentiam; nam si dissimulabat olim tempora ignorantia, & nunc demum de-
 nunciat hominibus ut pœnitentiam agant, argumento est Deum hoc non
 denunciassè olim hominibus, adeoque vocationem externam ad salutem
 ipsis defuisse. Quicquid ergo ipsis revelatum fuit, pertinet ad revelationem
 Dei Creatoris & Conservatoris Mundi, non verò Redemptoris, & ad Sa-
 pientiam, quæ in operibus Providentiæ generalis elucet, non verò eam quæ
 abscondita est in Mysterio, & quæ in operibus gratiæ, & Evangelio solo re-
 velatur, 1. Corint. 2. 5. Nec aliò pertinet τὸ γνωστὸν τῷ Θεῷ apud Paulum
 Rom. 1. 19. 20. ut probatum fuit supra Loc. 1. Q. 4.

XXV. Sextò, Id ipsum confirmatur ex prima promissione Evangelica,
 Gen. 3. 15. Gen. 3. 15. quæ non ad omnes & singulos pertinuit, sed ad solos fideles, qui
 per Semen mulieris sub Christo Capite suo designantur, contradistinctè ad
 reprobos, qui per Semen serpentis notantur: Nam licet Dæmones etiam sub
 Semine serpentis possint contineri; non obstat quominus, & ipsi reprobi,
 qui vocantur, progenies viperarum, Matth. 3. 7. υἱοὶ πενυπῆ Matth. 13. 38. Jo.
 S. 44. eo nomine etiam veniant, eò vel magis, quòd quæcunque de semine
 serpentis dicuntur, in ipsos optimè quadrent, quippe ut in illis est venenum
 Serpentis, malitia scilicet & ingenium ejus per illius imitationem, in quibus
 caput exerit & vivit serpens, & per quos agit; ita illis intercedit inimicitia
 perpetua cum Semine mulieris, illi observant ejus calcaneum, & ipsum læ-
 dunt, nec in iis aut ab iis Caput Satanæ unquam contritum est, vel conte-
 rendum. Imò eorum caput conteritur à Semine mulieris. Unde liquet pro-
 missum hoc haudquaquam esse universale toti Generi humano, sed particu-
 lare Christo & fidelibus, qui nomine Seminis mulieris exprimuntur: Ille
 quidem primariò & ἐξ ὅλης; Isti verò secundariò, & dependenter à Christo,
 pro

pro quibus & in quibus solis Christus Caput Satanæ conterit, id est, Satanæ imperium & potentiam destruit, Rom. 16. 20. & quibus perpetua inimicitia intercedit cum Diabolo & Mundo.

Quæst.
XVII.

XXVI. Nec obstare potest, quòd Reprobi etiam *semen mulieris* dici possunt ratione ortus, quatenus ex muliere progenerati sunt: Quia *semen mulieris* hic intelligitur, non *sensu physico* duntaxat, aliàs Christus nullam hic prærogativam haberet supra impios, qui per semen serpentis designantur: Sed præcipuè *sensu morali*, tum respectu Christi, qui semen futurum erat extraordinarium, à Spiritu Sancto conceptum, tum respectu fidelium, qui sub Capite suo debebant in statu gratiæ esse Semen illius mulieris, cui Deus promissionem gratiæ proposuit, & quam erectam voluit à lapsu, non tam physice per generationem, quàm ethicè per imitationem ex Spiritus virtute, quâ fiunt non filii carnis, sed promissionis: Ita, licèt Semen mulieris absolute positum non designet homines quàm fideles; at quum ponitur comparatè & contradistinctè ad Semen serpentis, rectè de illis prædicatur: quamvis enim semen hoc *individualiter*, & *ἀντωνομαστικῶς* ad Christum referatur, qui propriâ virtute magnum hoc opus erat executurus, secundariò tamen, & sumptum *collective* bene extenditur ad solos fideles, *qui sunt Christi*, & membra Corporis ejus mystici, in quibus Christus etiam debuit Caput serpentis contere, non tantum *merito* suo per *satisfactionem*, sed etiam *efficaciâ* per *sanctificationem*: sine qua prior contritio vana fuisset & frustranea.

XXVII. Hujus autem particularitatis non obscura dare voluit argumenta Deus in promissionis complemento, quod in Fœdere gratiæ postea exhibuit, tum in Adami familia per distinctionem factam inter Cænum & Abelem, in familia Noachi inter Semum & Chamum, in familia Abrahami inter Ismaëlem & Isaacum, in familia Isaaci inter Esavum & Jacobum: Quorsum enim Deus tam sollicitè discretionem facere voluit in familiis Patriarcharum, alios sumendo, & alios relinquendo, nisi ut testaretur, gratiam istam salutarem universalem non esse, sed particularem illis, quos peculiari privilegio à cæteris seligere voluit?

XXVIII. Denique, ut alia multa nunc mittamus, Cùm ex hac hypothese velleitates, & vehementia desideria, sed vana & irrita Deo tribuantur, quibus statuitur id intendere & serio velle quod volens novit tamen, nec futurum unquam, nec fieri posse; proclive est cuivis colligere, An summi Numinis Majestatem ista deceant? An non repugnent ejus Sapientiæ & Potentiæ? An non sub prætextu extollendæ Gratiae & bonitatis divinæ, non parum obscuretur & imminuatur, dum vana & inefficax statuitur, & quæ non aliud eventum sortitur, quàm augere hominis reatum, & cum reddere *ἀναπλόγηται*? Nec hoc absurdum tolli potest, si dixeris, Scripturam desideria & velleitates istiusmodi videri Deo affingere, ut Psal. 81. 14.

QUEST. II. 48. 16. 18. quia liquet locutiones esse anthropopathicas, quæ Θεοπροπῶς debent intelligi, & quæ referendæ sunt ad voluntatem præcipientem, ut doceatur quid Deo gratum sit, & quodnam sit hominis officium, non ad voluntatem decernentem, ut notetur quid intenderit, & quid circa hominem fieri voluerit, ut supra ostensum L. 3. Q. 16. p. 253.

Fonies
Solutio-
num.

Joh. 3. 16.

XXIX. *Dilectio* de qua agitur, Jo. 3. 16. quum Deus dicitur, *ita dilexisse Mundum, ut Filium suum dederit*, &c. non potest esse universalis erga omnes & singulos, sed specialis erga paucos, 1. quia agitur de summo & intenso Dei amore, quo major nec datur, nec concipi potest erga eos, pro quibus suum Unigenitum dedit, quod patet, tum ex particula *Ἀπτατικῇ ὅτως*, sic, quæ magnum hîc pondus habet, tum ex re ipsa, quia ut majorem charitatem nemo habere potest, quàm ut ponat animam suam pro amicis, Jo. 15. 13. Ita nulla major inveniri potest dilectio, eâ, quâ Deus, cum homines adhuc essent inimici, Filium suum morti tradidit pro ipsis. Et ut Abrahamus non potuit evidentius Deo suam probare pietatem, quàm offerendo Filium in sacrificium, sic Deus hominibus illustrius non potuit demonstrare amorem suum, quàm Filium suum illis indulgendo in victimam *ἱλαστικῶς*. 2. quia amor Dei quo Filium dedit, omnia reliqua ad salutem necessaria post se trahit; nam *qui proprio Filio non pepercit, sed tradidit eum pro nobis, quomodo cum eo omnia non gratificabitur nobis?* Rom. 8. 32. Sed non omnibus & singulis, sed solis electis omnia cum Christo largitur; Ergo. 3. quia finis amoris istius quem Deus intendit, est salus eorum quos tali amore prosequitur, unde ψ. 17. addit, *Nam Deus non misit Filium suum in mundum, ut damnet mundum, sed ut Mundus servetur per ipsum*; Si ergo in eum finem misit Deus Christum, ut mundus servaretur per ipsum: vel fine suo exciderit oportet, vel necesse est ut mundus de facto servetur. At certum est non totum mundum, sed tantum electos ex mundo servari; Ergo ad eos propriè amor iste respexit. Nec concipi potest, si dilectio universalis hîc intelligitur, quâ talis ac tantus amor, qui longe maximi & præstantissimi boni causa est, puta missionis Christi, possit consistere cum odio innumerorum, quos præterire voluit, & ad damnationem præscribere, quibus vel Filium suum nunquam revelavit, vel fidem, sine qua frustra proponitur, largiri noluit; Vel quomodo tantopere hîc commendetur ista Dei dilectio, quæ tamen manet vana & inefficax propter defectum gratiæ subjectivæ, quam Deus denegare constituit.

XXX. *Mundi* nomen non evincit dilectionem istam esse universalem; quia licet in *communi* & *indefinitè* sumatur pro *Genere Humano*, ut Calvinus noster, Belgæ Interpretes, & alii interpretantur; Non sequitur ad omnes & singulos amorem illum referri, sed tantum peculiare privilegium Generi humano respectu alicujus partis collatum fuisse, ne tota species penitus interiret; & quidem oppositè, 1. ad *Societatem Angelorum*, quibus in simili peccato, similem non fecit gratiam. Unde *φιλάνθρωπος* quidem dicitur, sed

non

non φιλάγλα. Ut si Princeps ex duabus civitatibus rebellibus, alteram quidem funditus deleat nemini parcendo; alteri verò eatenus parcat, ut quosdam ex communi supplicio cæteris destinato eruat, omnino istam præ illâ dilexisse dicetur, licet non omnia illius membra ex æquo dilexerit, quia bonum partis redundat ad totum, & à potiori fit denominatio. 2. ad *æconomiam Vet. Test.* ubi non Mundo, sed soli Genti Judaicæ salus proponebatur, ut innuat non pro Judæis tantum, sed & pro Gentibus indiscriminatim mitti; quod imprimis faciebat ad scopum Christi, ut Nicodemo eriperet vanam gloriationem, quâ jactare se solebant Judæi, & quâ procul dubio & ipse fascinatus erat, quasi Messias suæ duntaxat Genti promissus esset & mittendus, & Gentes cæteræ vel subigendæ essent, vel exscindendæ; ut ergo inolitæ istius gentis opinioni obviam iret, & mysterium vocationis Gentium jam aperiret dixit Deum dilexisse *Mundum*, non unam tantum gentem, aut populum. Hoc sensu vocatur à Samaritanis Jo. c. 4. 42. *Salvator mundi*, id est, non tantum Judæorum, ut sub Vet. Test. quum salus erat tantum Judæorum, teste Christo ψ. 22. Sed etiam Gentium, ita ut cultus Dei non amplius ad Templum Jerosolymitanum ut antea restringeretur, sed veri adoratores possint ubivis eum adorare in Spiritu & veritate. Nec aliter Christus à Joh. Baptista vocatur, *Agnus Dei qui tollit peccata mundi*, Joh. 1. 29. & ab Evangelista 1æ c. 2. 2. *Propitiatio pro peccatis non solum nostris*, id est, Judæorum, sed & *totius mundi*, id est, cæterarum gentium, ut toti Ecclesiæ commune bonum hoc faciat, & designet eos, qui simul credituri erant, & qui per varias mundi plagas dispersi erant, ut Calvinus exponit. Nec novum & insolitum, ut *Mundus*, non in totâ suâ latitudine semper sumatur, sed ad quosdam ex mundo restringatur, ut quum ponitur pro Gentibus oppositè ad Judæos Rom. 11. 12. *Si eorum rejectio divitiæ mundi*, &c. pro Mundo impiorum, de quo Christus ait, Jo. 17. 9. *Se pro mundo non orare*, & Jo. 1æ c. 5. 19. *mundum totum in malo jacere*; pro Mundo fidelium, quum Christus ait, *se daturum carnem pro Mundi vita*, Jo. 6. 51. non sanè mundi reproborum, qui manent semper in morte, sed electorum, qui per Christum vivificantur, & 2. Cor. 5. 19. *Deus erat in Christo mundum reconcilians sibi*, & non imputans ipsis peccata ipsorum, de solis enim electis verum est, quod Deo actu reconcilientur, & quod peccata ipsorum illis non imputentur. Quidni ergo hic *Mundus* non universaliter pro singulis, sed indefinitè pro quibusvis tam Judæis quàm Gentibus sumatur, sine discrimine gentis, linguæ, & conditionis, ut dicatur dilexisse Genus humanum, quatenus noluit illud totum deleari, sed quosdam ex illo servare decrevit, non tantum ex uno populo ut antea, sed ex omnibus indiscriminatim, licet dilectionis illius effecta, non extendantur ad singula individua, sed ad quædam tantum, electos scil. ex mundo? Et nihil usitatius est in communi sermone, quàm ut aliquid Communitati alicui tribuatur respectu quorundam individuorum, non omnium.

Quæst. XXXI. Verba quæ sequuntur, *ut quicumque credis &c.* non sunt *exceptiva*, vel *restrictiva objecti*, quasi ex illo mundo à Deo dilecto, soli credentes statuuntur esse re ipsa servandi, sed sunt *exegetica*, seu *designativa mediis & conditionis*, cujus interventu salus promittitur & conferri debet, ut innuatur neminem nisi per fidem tanti beneficii participem esse posse; atque adeò ad omnes & solos credentes pertinere non *eventualiter*, sed *definitè*, quotquot scilicet ex Dei decreto credituri erant. Sic Christus uno versu totam salutis compagem complectitur *causam* *αγαπῆν* Dei amorem, *objectum* Mundum, *medium* acquirens Christum, applicans *fidem*, & finem *salutem & vitam æternam*. Nec potest dici distribui mundus quem dilexisse dicitur Deus, & ad quem servandum Christus venit, in credentes, & non credentes, *ψ. 18.* sed tantum confirmatur necessitas fidei, seu mediis unici, sine quo Christo frui non possumus; postquam enim dixit se non *venisse in mundum*, id est, in orbem, *ut damnaret mundum*, sed *ut servaretur per ipsum*, quia finis adventus Christi non est hominum exitium, sed salus, nihil enim opus erat Christum venire in mundum ad perdendos homines, qui suâ culpâ satis peribant; Ne quis putaret ad omnes & singulos adventum ejus pertinere, sive crederent sive non, confirmat quod prius dixerat de necessitate fidei, ut significet destinari tantum credentibus, aliis omnibus exclusis, *qui credit in eum non condemnabitur; At qui non credit, jam condemnatus est. ψ. 18.*

XXXII. *Particula universales* quæ hic sæpe occurrunt, non semper in totâ sua latitudine usurpantur, sed modò latiùs, modò strictiùs pro subjectâ materiâ. Aliquando per eas notatur *Universitas Gentium*, ad discrimen *œconomia*

Rom. 11. 32. ubi salus erat tantum Judæorum; & sic exponendus locus Pauli Rom. 11. 32. quum ait *Deum conclusisse omnia sub peccatum*, ut *omnium miseretur*, quod non debet ad omnes & singulos homines referri, sed tantum ad populos de quibus agebat, ut doceat tam Judæos quàm Gentiles sub peccatum conclusos, ut misericordia Dei erga utrosque distributivè tam Judæos quàm Gentes exerceretur, quod patet ex ipsa serie sermonis *ψ. 30. 31.* Sic intellige ejus verba c. 10. 11. 12. *Quisquis credit*, inquit, *non pudebit, quia non est distinctio Judæi & Græci, idem enim est Dominus omnium.* Eòdem pertinet locus Act. 10. 34. 35. *Certè deprehendo quòd Deus non accipit personam, sed in quavis gente, quisquis eum timet illi gratus est.* Aliquando designatur *universalitas conditionum & statuum*, oppositè ad *politias mundanas*, in quibus discrimina ponuntur inter servos & liberos, pauperes & divites, viros & feminas, nobiles & ignobiles &c. sed in gratiæ dispensatione nihil tale Deus attendit, nec personam accipit, sed indiscriminatim omnes cujuscunque status & conditionis, ac sexus ad communionem suam vocat. Sic intellige locum Tit. 2. 11. 12. ubi dicitur *gratia salutaris apparuisse omnibus hominibus*, id est, quibusvis, cujuscunque sint conditionis, sive Domini, sive servi, de his enim loquebatur *ψ. præcedenti*, & postquam hortatus erat Domi-

nos,

nos, ne servos inclementius haberent, ilicò subjicit, Gratia enim salutaris Quæst. XVII. Col. 3. 11. apparuit omnibus, idest, tam illis quàm vobis. Ita Coloss. 3. 11. *In Christo neque circumcisio, neque preputium, neque servus, neque liber, nec Scythæ, nec Barbarus, sed Christus omnia in omnibus*, non in omnibus & singulis, sed in omnibus indiscriminatim, cujuscunque ordinis, sexus, gentis, & conditionis. 3. Aliquando *universitas credentium & mundus electorum*, oppositus *mundo reproborum & incredulorum*. Sic 1. Cor. 15. 22. *Omnes dicuntur in Christo vivere, quemadmodum in Adamo omnes moriuntur*, non quòd eadem sit latitudo viventium, quæ morientium, multò enim plures moriuntur in Adamo, quàm servantur in Christo; sed ratione universitatis fidelium; quia ut quotquot pereunt & moriuntur, moriuntur in Adamo; Ita quotquot vivificantur, vivificantur in Christo: conferuntur enim ista duo Capita inter se, non quoad *amplitudinem objecti*, sed quoad *analogiam modi communicationis*, quia ut Adamus omnibus suis posteris peccatum, & per peccatum mortem communicat: Ita Christus omnibus membris suis justitiam, & per justitiam vitam largitur. Ita explicandus est locus Rom. 5. 18. 19. Rom. 5. 18. 19. ubi collatio fit Adami & Christi, non quoad extensionem, sed quoad similitudinem operationis. Ita Mundus pro universitate electorum & fidelium sumitur, 2. Cor. 5. 19. quo sensu August. Tr. 87. in Johan. Duos mundos in mun lo ponit, *Totus mundus*, ait, *Ecclesia est, & totus mundus odit Ecclesiam; Mundus igitur Mundum odit, inimicus reconciliatum, damnatus salvatum*, &c. sic & Prosper li. 1. de Voc. Genti. c. 3.

XXXIII. Licet Deus Ezech. 33. 11. protestetur *se nolle mortem peccatoris, sed ejus conversionem & vitam*, non sequitur eum ab æterno voluisse Ezech. 33. 11. & intendisse sub aliqua conditione omnium & singulorum conversionem & vitam; Nam, præterquam quòd conversio non potest intendi sub ulla conditione, quia est ipsa conditio; certum est hîc agi de *voluntate evæptias*, & *complacentia*, non de *voluntate evðoxias*, quod evincit verbum ודן quod passim *delectari*, & gratum habere significat, ut innuatur Deum delectari conversione & vitâ peccatoris, tanquam re sibi grata, & naturæ suæ summè misericordie conveniente, potius quàm interitu ejus, atque ideo eam exigere ab homine tanquam officium debitum, ut se convertat si vivere cupiat. Sed quamvis nolit, idest, non delectetur morte peccatoris, prout notat creaturæ destructionem, non desinit tamen eam velle & intendere ut exercitium justitiæ lux, & ut occasionem manifestandæ gloriæ, Prov. 1. 26. 1. Sam. 2. 34. ut pius Magistratus, qui non delectatur morte reorum, non desinit tamen eorum pœnam ex Legibus justè decernere. Nec, si Deus non intendit propriè eorum resipiscentiam & salutem, frustra dicitur improbis qui invitantur ad pœnitentiam, *quare moriemini?* quia rectè ipsis ostenditur his verbis quid debeant facere ad mortem declinandam, & quòd suâ impœnitentiâ voluntariâ, soli sint sui interitus causa, non Deus; licet enim

QUEST.
XVII.

per decretum reprobationis eos præterierit, & constituerit non dare ipsis fidem, non minus tamen voluntariè peccant, atque adeò suum sibi exitium contumaciâ suâ accersunt.

XXXIV. Quum Paulus ait 1. Tim. 2. 4. *Deum velle omnes homines servari, & ad agnitionem veritatis venire*, non favet Gratia universalitati; Sive *non velle* referamus ad voluntatem *ἐὐαγγελίας* cum quibusdam, ut doceatur Deum gratam habere salutem & conversionem hominum, & ad eam invitare ipsos per Verbi præconium, quò pertinere volunt, quod dicitur Deus velle *σωθῆναι*, id est, *servari*, sed non *σωζεν*, id est, *servare*, quia à voluntate revelata approbationis, ad voluntatem arcanam beneplaciti non valet consequentia: Sive intelligamus voluntatem beneplaciti & decreti cum *Calvino*, & aliis, quod convenientius videtur, quia particula *omnes*, non *distributivè* pro *singulis generum* hic sumitur, sed *collectivè* pro *generibus singulorum*, id est, ut *Beza* vertit pro *quibusvis*, ex omni gente, conditione, ætate, ac sexu, ut sensus sit, Deum velle non omnes sigillatim homines, sed ex quibusvis hominum generibus, sive ordinibus aliquos salvos fieri, & ut exponit *August. Enchi. ad Laur. c. 103. Omne genus humanum per quasunque differentias distributum, reges, primates, nobiles, ignobiles, sublimes, humiles, doctos, indoctos, &c. in linguis omnibus, in moribus omnibus, in ætatibus omnibus, in professionibus omnibus, in voluntatum & conscientiarum varietate innumerabili constitutis, & si quid aliud differentiarum est in hominibus &c.* Et hæc expositio primò confirmatur ex eo quòd frequentissimè in Scriptura syncategorema istud eo sensu usurpatur, ut quum *omne animal* dicitur fuisse in *Arca*, *Phariseos omne olus decimasse*, *Christum sanasse omnem morbum in populo*, *omnem Ierosolymam & Iudæam exivisse ad Johannem*, *omnem carnem visuram salutem Dei*, *omnia quadrupedia fuisse in linteo Petri*, *Deum effusurum Spiritum suum in omnem carnem*, & sim. quæ, non ad singula generum, sed ad genera singulorum pertinere nemo non videt. 2. à pari, quia Spiritus S. hunc sensum alibi nobis suppeditat Apoc. 5. 9. ubi fideles gratias agunt Christo, quòd redemerit *ipso ex omni tribu, lingua, & populo, ac natione*, id est, non omnes & singulos, sed indiscriminatim ex omnibus conditionibus & populis. 3. Scopus Pauli hoc postulat, qui est ostendere Magistratus etiam Ethnicos sub objecto precum contineri, & Deum pro illis orandum esse, quamvis tunc essent hostes Ecclesiæ, quod multis scrupulum movere poterat, quem removet Paulus, quum ait Deum velle omnes salvos fieri, id est, ex omni ordine hominum, atque adeò posse etiam ex Regibus & Imperatoribus aliquos assumere; cùm verò nos lateat, quinam illi sint, nostrum esse pro omnibus orare. 4. Circumstantiæ loci hoc confirmant, Apost. vult ut oremus in *omni loco* & c. non in omnibus & singulis, in quibus esse non possumus, sed indiscriminatim in quovis, ad discrimen V. T. ubi cultus adstringebatur ad Templum Ierosolymitanum;

nam; vult ut *pro omnibus* precemur, non quòd debeamus pro singulis orare, cum non sit orandum pro iis qui peccant ad mortem 1. Johan. 5. 16. QUEST. XVII.
 sed indiscriminatim pro quibusvis, ut nullum hominum ordinem & statum excludamus à precibus nostris, cum ex quolibet statu possit suos electos colligere. 5. Eo modo vult omnes salvari, quomodo *vult ad cognitionem veritatis venire*, quod nec factum esse respectu innumerorum, nec fieri hodieque patet. Imò si Deus hoc vult, qui fit quòd non fiat, cum voluntas propriè dicta sit semper efficax, ut operetur quod vult, nec quidquam illi resistere possit? Rursus vel absolutè Deus vult eos omnes ad agnitionem veritatis venire, & sic omnes ad eam venirent, quod falsum, vel sub conditione: At quænam illa potest esse? An si eam audiant? At innumeris eam prædicari non curat; An si credant? At credere est jam pervenisse ad cognitionem veritatis. 6. Eos omnes Deus vult servari pro quibus se Christus dedit *ἀντίλυτρον*, ut hoc statim additur ab Apostolo 1. Cor. 6. scilicet ut Mediator ipsorum, seipsum eorum loco substituendo, & pœnas ipsis debitas illorum vice luendo. At hoc de omnibus & singulis dici non posset, quin eo ipso omnes & singuli actu servandi essent, quod nemo dixerit.

XXXV. Quamvis dicamus vocem *omnes*, ad *genera singulorum* referendam esse, non ad *singula generum*, non sequitur precès concipi debere pro *generibus* tantum, seu *pro ideis*, non verò pro individuis; Nam distinguendi sunt *singulares à singulis*; Voluntas Dei non terminatur quidem ad genera, sed ad singularia ex illis collecta, sed non ideo ferri debet ad singula; sic quum orandum dicimus pro quibusvis, non volumus orare pro statibus & conditionibus hominum, sed pro singularibus individuis in unoquoque genere, non definitè pro singulis, sed indefinitè pro quibusvis, non tam positivè quasi omnes & singulos precibus nostris includamus, quàm negativè, quia neminem præcisè à precibus nostris excludimus. Nec enim hoc intelligendum præcisè & sensu Philosophico, quasi nullum absolutè sit genus hominum, vel nulla natio, ex quâ quovis tempore non salventur aliqui; sed sensu populari, quia nulla est gens, nulla conditio hominum, quæ exclusa sit à salute, & ex qua Deus non possit aliquos ad communionem salutis vocare quando libuerit, licèt hoc nec in omni tempore, nec in omni loco fieri soleat. Licèt verò homo sit species specialissima *in genere entis*, non tamen *in genere moris*, quum homines in varios ordines vel ratione originis, vel ratione conditionum, vel vitæ generis distribui possint.

XXXVI. Licèt Apostolus jubeat *precari pro omnibus*, non statim vult ut preces concipiantur pro omnibus & singulis; cum quidam dentur pro quibus non est orandum; sed tantum ut sine discrimine pro hominibus oremus, cujuscunque sint ordinis, & religionis, etiam pro Imperatoribus, quamvis Ethnicis, & Christi hostibus. Nec si orandum esset pro omnibus & singulis, sequeretur Deum velle omnes & singulos servari, quia pre-

Q U A E S T .
XVII.

ces nostræ non nituntur decreto Dei de salute hominum, quod nobis absconditum est; sed tum *mandato* Dei, qui hoc nobis præcipit, tanquam charitatis officium, cui tenemur erga proximum; tum *œconomia* gratia, in qua scimus Deum indiscriminatim velle homines vocare ex quavis gente & ordine: Cùm enim nostrum sit de omnibus bene sperare; nec quid apud se de singulorum salute vel exitio decreverit Deus sciri à nobis possit, neminem nominatim excludere possumus, quasi jam infallibiliter perditum, nisi constet nobis eum peccasse ad mortem; & rectè pro omnibus ita precamur, ut si qui sunt ex electione Dei, ad salutem adducantur. Ita rectè procedet argumentum Apostoli, orandum esse pro Nerone, non quia Deus vult servandos servari, sed quia etiam ex ordine Imperatorum & Regum, nonnullos potest ad salutem elegisse, & quia potest habere inter illos quos servare vult, quibus ideo precum nostrarum auxilium denegare non debemus, ut si fortè aliqui ex illis, quos precibus nostris Deo commendamus, ex illo numero fuerint, possit salus ipsorum votis nostris promoveri.

XXXVII. Quia novæ istius Methodi Authores solent subinde ad Calvinum provocare, quasi nihil doceant nisi quod ab ipso traditum jam olim fuerit; juvat hîc verba summi illius Viri in h. l. referre, in quo ut palmario præcipuum causæ suæ præsidium collocant, quæ quàm alienus fuerit ab eorum sententia satis probant. Tantùm enim abest ut faveat ipsis, ut disertè neget Apostolum hîc de singulis hominibus agere, & doceat simpliciter intelligere nullum mundi vel populum vel ordinem à salute excludi, quum omnibus sine exceptione Evangelium proponi Deus velit &c. Et postea, *At de hominum generibus, non de singulis personis sermo est; nihil enim aliud intendit, quàm Principes & extraneos populos in hoc mundo includere.* Quod confirmat Concione 13. in 1. Tim. ubi fultè probat non de singulis generum, sed de generibus singulorum agi, & eò devenit, ut pro Turbonibus & pertinacibus habeat, qui aliter sentiunt. *Quomodo potest consistere dictum istorum Turbonum, Deus vult omnes homines servari, id est, singulos: si hoc vult hodie, & voluit semper: si voluit semper, quid fiet de eo quod addit Apostolus, quod vult ut omnes veniant ad cognitionem veritatis?* Ita Tract. de prædesti. Editionis in 8. anni 1552. quæ præfert nomen Consensus Ecclesiæ Genevensis, p. 95. *Eo modo vult salvos fieri, quomodo vult ad cognitionem veritatis venire, utrumque enim copulat Paulus: Nunc quæro, An eadem voluntas ab initio Deo constiterit, necne? Nam si omnibus nosam voluit esse suam veritatem, cur Legem suam non publicavit & gentibus? cur inclusam in angustiis Judææ tenuit vitæ lucem?* Id ipsum Calvinus confirmat sæpius in eodem Tractatu, ut p. 95. *Nunc jactet Pighius, Deum velle omnes salvos fieri, cùm ne externa quidem doctrina prædicatio, quæ tamen Spiritus illuminatione longè inferior est, omnibus sit communis.* Et paulò post. *Hoc extorset Pighio, ut nemo nisi sensu ac judicio privatus credat arcano.*

Dei

Dei consilio statutam esse omnibus salutem. Idem antea p. 17. *Quomodo humiliterit, qui nec pristinam miseriam à quâ liberatus est, audire sustinet, Deique beneficentiam promiscuè ad omnes extendens, quantum in se est extenuat? Certe multum abest, quin Dei gratiam pro merito illustrent, qui eam prædicant omnibus esse communem &c.*

Et pag. 156. quum Georgius decantatum locum 1. Tim. 2. objicit. *At Paulus docet Deum velle omnes salvos fieri, statim respondet, Ergo aut Deum fateatur non esse volorum compotem, aut omnes sine exceptione salvos fore. Et ibid. Si respondem velle Deum omnes salvos fieri quantum in se est, &c. Cur non ergo omnibus indifferenter Evangelium ab initio mundi prædicari voluit? Cur tot seculis tam multas gentes in mortis tenebris errare passus est?*

Insti. lib. 3. cap. 22. §. 11. *Si omnes vellet salvos, custodem illis præficeret Filium, & omnes in ejus Corpus sacro fidei vinculo infereret: nunc constat fidem esse singulare paterni amoris pignus, filiis quos adoptavit reconditum. Et c. 24. §. 15. Qui sit, si Deus vult omnes salvos fieri, ut miseris qui ad gratiam paratiores essent, januam pœnitentiæ non aperiat?*

Et Respons. ad Artic. 1. Castalionis. *Quomodo Deus vult omnes salvos fieri, non anxie dubitandum, quia hæc duo inter se coherem, salus & cognitio veritatis: Nunc responde, si voluit Deus suam veritatem omnibus innotescere, Cur ad tot gentes, ex quo promulgari cepit Evangelium, nunquam pervenerit pura ejus Veritas? Deinde, cur non omnium oculos peræque aperuerit, quando interior Spiritus illuminatio, quâ non nisi paucos dignatur, ad fidem necessaria est? Hic etiam tibi solvendus erit nodus; Cum nemo nisi arcano Spiritus instinctu tractus, ad Deum accedat, Cur non promiscuè trahat omnes, si omnes vult salvos fieri?*

XXXVIII. Licet Deus possit dici velle homines servari, qui non servantur tamen, quando agitur de voluntate *eûagesias*, quæ præcipit homini officium, & quid Deo gratum sit declarat; Non potest tamen id pariter dici de voluntate decreti; Nam quotquot Deus vult servari, illos etiam vult servare, & de facto servat tempore præstituto, ne irrita sit & frustranea ejus voluntas. At in hac quæstione, ut jam dictum, non agitur simpliciter de eo quod gratum habet, vel quod vult ab hominibus fieri, sed de eo quod erga homines vult ipse facere, salutem ipsis destinando sub conditione fidei, & statuendo mittere Christum in eum finem ut ipsis eam acquireret. Frustra ergo sunt qui litibulum captant in ista distinctione, quasi in hoc negotio quæreretur tantum, *An Deus velit omnes homines servari*, non verò, *An velit illos servare*; cum duæ istæ propositiones eodem recidant intellectu de voluntate *eûdoxias*, de qua probavimus antea quæstionem nostram institui, & neminem hoc sensu velit servari Deus, quem etiam non velit servare.

QUEST.
XVII.
1. Pet. 3. 9.

XXXIX. Cùm Petrus c. 3. 2^a v. 9. testatur *Deum esse patientem erga nos, & nolle quemquam perire, sed ut omnes veniant ad pœnitentiam*, nihil habet quod causam Universalismi juvet; Nam, Vel hoc refertur ad voluntatem præcepti, & *εὐαγγελίας* per quam invitantur homines ad pœnitentiam præconio Evangelii, & per pœnitentiam ad vitam, quam malè traxeris ad decretum & intentionem Dei; Vel si referas ad decretum, quod aliis placuit, & satius videtur, non ulterius ea extendenda erit, quàm ad electos & fideles, in quorum gratiam Deus differt consummationem seculi, donec completus fuerit eorum numerus; & quibus colligendis ex quatuor mundi plagis Evangelium toto orbe prædicari debet. Eò autem spectare Apostolum patet, tum ex pronomine *Nos* quod præcessit, quod satis apertè electos & fideles, ut alibi non semel, designat, & ad cuius exegeſim addit, *nolens quemquam perire*, id est, *ex nobis*; ut pronomen repentendum sit ἀπὸ τοῦ ἐνός, ut sæpe solet, tum ex eo quod Petrus rationem reddere vult illius patientiæ, per quam Deus differt consummationem seculi, quæ non potest accessi ab ejus præcepto, sed ab ejus sapienti consilio in gratiam electorum, quò, ut propter electos solos mundum conservat; ita differt promissionem adventus, usquedum omnes & singuli ad salutem sint perducti, Apocal. 6. 11. Nec mirum, si propter electos, quorum neminem Deus vult perire, differatur finis mundi; cùm pariter Christus observet Matth. 24. 22. *quod nisi decurtati fuissent dies illi mali toti Judææ obventuri, periret omnis caro; sed propter electos*, inquit, *decurtabuntur dies illi*. Ut ergo hîc abbreviari debuerunt dies mali propter electos ex Judæis, ne sub onere calamitatum fatiscerent; Ita differtur dies ultimus propter electos Christo adducendos, donec completus sit eorum numerus. Denique de illis loquitur, quos Deus vult venire ad pœnitentiam, non tantùm ad eam invitando præceptis & promissis Verbi, sed eam operando efficacîâ Spiritus, cùm loquatur de illis, in quibus promissio Dei debet impleri v. 9. 13. qui non alii sunt quàm electi. Nec si Deus potest dici μακρόθυμος & erga impios per dilationem pœnarum, statim sequitur eandem esse μακροθυμίαν de qua Petrus loquitur, quâ differt sua judicia in mundum propter electos, & expectat tempus quo completus eorum sit numerus. Nec inutile fuit Christianos de eo monere, licèt hoc sit mysterium indubitatæ veritatis, quia maximè faciebat ad consolationem fidelium, & ad confirmandos eorum animos adversus tentationes, quæ ex dilatione complementi promissionum Dei oriebantur.

XL. Ut Deus φιλόανθρωπος dicatur, non necesse est, ut omnes & singulos homines ad salutem amet; sufficit ut aliquos tantùm eo sensu diligat, quemadmodum φιλέω ille dicitur, qui Græcam nationem amat, licèt non statim omnia ejus individua: Ita bene dicetur φιλόανθρωπος, non φιλάγγελος, quia cùm neminem ex Angelis lapsis dilexerit, quosdam ex hominibus amavit: Nec aliter exponi potest locus epistolæ ad Tit. 3. 4.

ubi

ubi φιλανθρωπίας semel mentio fit, cùm certum sit ibi agi de illis, quicquid Quæst. factò & re ipsa servantur per justificationem & regenerationem, quod ad so- XVII.
los electos pertinet.

XL I. Eos vult salvos fieri Deus, quos vult credere & resipiscere, eo modo quo vult eos credere: si vult decretivè & effectivè eos credere, ut respectu electorum, vult etiam eos servari hoc respectu, & ita revera servantur; si vult tantùm præceptivè & approbativè, ut respectu reproborum, quibus præcipit fidem & resipiscentiam, eodem modo etiam vult eos servari, id est, ut salutem eorum approbet & eâ delectetur: sed non statim ut eam destinet ipsis, vel intendat sive absolutè, sive conditionatè; quia alia ratio est voluntatis decernentis, alia præcipientis & approbantis: Deus quidem necessariò velle debet quod jubet, sed eo modo quo jubet, id est, ut *velit* ejus *præceptionem*, sed non semper quoad *executionem*, & eventum. Nec statim quod præcipitur intenditur, cùm multa præcipiantur, quæ nequaquam intenduntur. Sic Deus Pharaonem jussit dimittere populum, nec tamen potest dici intendisse de facto, vel absolutè, vel conditionatè ejus dimissionem, cùm contrà indurationem Pharaonis & retentionem populi intenderet. Jussit Abrahamum offerre filium, nec tamen intendit ejus immolationem; Jubet omnes Legem implere, quod tamen non intendit; Ut ergo ex mandato Legis implendæ, malè colligas Deum intendere omnimodam sanctitatem hominum, & ex ea eorum justificationem & vitam. Ita ex mandato credendi, & resipiscendi, non nisi perperam inferas Deum eo ipso intendere fidem & resipiscentiam, adeoque salutem eorum omnium, ad quos tale mandatum externè promulgatur. Licet verò finis mandati *in actu signato*, & *ex parte rei* possit dici, ut illi credant & resipiscant, tamen statui nequit hunc esse finem intentum à *parte Dei*, & *in actu exercito*, quia si hoc intenderet, media necessaria procuraret & efficeret quibus hoc assequeretur. Præceptum ergo significat Deum revera id velle nobis præcipere, sed non statim Deum revera velle seu intendere, ut id quod mandatur eveniat. Nec huc pertinet exemplum Legislatorum, qui volunt & intendunt, quantum in se est, ea quæ civibus suis præcipiunt; quia in illis non potest distingui ut in Deo, voluntas decreti, & præcepti, nec si maximè vellent rem præstari, continuò id possent effectum dare, ut Deus.

XLII. *Fides* & *pœnitentia* possunt considerari, vel ut *præstite* & *impleta* in homine, id est, in esse suo formali & absoluto, & prout Deus eas operatur per Spiritum suum in eo, vel ut *præcepta* & *mandata* tantùm, & in esse suo materiali & intentionali, id est, in quantum præcipiuntur sub promisso vitæ æternæ. Priori sensu bene dicuntur *media ad salutem*, quia per eas salus certissimè obtinetur; sed posteriori non item; Imò salus tunc propriè non habet rationem finis, quem intendat ille qui præcipit, sed potius medii & motivi ad excitandam obedientiam, qui finis est proprius præcepti, quæ præ-

Q U Æ S T .
XVII.

ceptum est: Ita Deus vult præceptivè reproborum respectu media ad salutem in suo materiali, sed non vult ea effectivè in suo formali; Vult ea præcipere reprobis, quæ præstita sunt media ad salutem, sed non vult illa efficere, ut præstita sint illis media indubitata salutis consequendæ.

XLIII. *Salus*, quæ proponitur in promissione Evangelica, potest spectari bifariam; vel ut *finis directe intentus* ab agente, & ut *bonum re ipsa conferendum*; vel ut *bonum tantum offerendum*, & ut *motivum* additum præcepto ad excitandam obedientiam: priori sensu revera cadit sub decretum effectivum Dei, quia non posset haberi nisi à Deo daretur; sed posteriori nequaquam, sufficit ut cadat sub decretum proponendi, non efficiendi. Rursus, *salus* potest pertinere ad *voluntatem præcepti* bifariam, vel *proprie & directe*, vel *indirecte & reductivè*: primo sensu non potest cadere sub præceptum, quia præceptio & promissio differunt, illa est officii, ista beneficii; sed secundo nihil obstat quominus dicatur reduci ad præceptum, quatenus illi per modum stimuli additur ad obedientiam excitandam in eo cui proponitur.

XLIV. A *Promissione* ad *Decretum* non valet consequentia; nec si promittit Deus aliquid conditionatè, continuò decrevit conditionatè illud dare; sufficit ut volitum sit conditionatum, non requiritur ut volitio ipsa sit conditionata, id est, vult quidem ut salus detur sub conditione, sed non sub conditione vult salutem dari; intendit absolutè promittere salutem sub conditione fidei, non ut decretum conditionatum notetur, sed ut connexio inter fidem & salutem indicetur. Fundamentum ergo veritatis promissionis Evangelicæ non arcessendum est à decreto Dei de personis, sed ab ejus sapienti rerum ordinatione, & connexionione inseparabili mediorum & finis, fidei & pœnitentiæ cum salute; non ut doceatur propriè quid Deus actu conferre huic vel illi decreverit, sed quænam sit via, & quodnam medium ac conditio ad salutem obtinendam necessaria, & quid illam conditionem habentes maneat. Ut ergo promissio tantum sit conditionem habenti, non habenti verò nihil promittitur; Ita nihil dare decrevit, nisi illi qui conditionem præscriptam habuerit; nec modò nihil dare vult aliis, sed etiam pœnam illis infligere decrevit; unde cum promissione comminatio semper jungitur Jo. 3. 36. & ut Deus vult seriò omnem credentem & pœnitentem servari; Ita vult etiam omnem incredulum & impœnitentem damnari. Dices, Si reprobis crederet ex vi promissionis Evangelicæ servaretur, sed non posset servari, nisi supponatur promissio ista extendi ad omnes. R. Sed quis non videt perperam huc argumentum duci à *conditionato* ad *absolutum*? Nec enim, si promissio ad eum pertinere deberet, si crederet, continuò sequitur ad eum jam pertinere antecederet ad ejus fidem; Nam cum solis credentibus à Deo destinata sit, nemo potest illam sibi vindicare nisi actu credat, quod nullus facit qui non sit electus. Et frustra talis hypothesi fingitur, quæ statuit oppositum in appposito; nam si reprobis crederet, eo ipso

non

non esset amplius reprobus, sed electus, ac per consequens promissionis Evangelicæ verum objectum. QUEST.
XVII.

XLV. Quamvis Deus non velit, id est, non intendat efficere salutem reproborum qui vocantur, non potest dici *Vocatio* ista *externa* propterea *fallax* & *illusoria*, in qua Deus minùs sincerè agat; dum promittit seriò, quod tamen non vult dare. 1. Quia promissio, ut jam dictum, non est absoluta, sed conditionata, quæ nihil promittit nisi positâ conditione, quæ in solis electis impletur. 2. Vocatio ista non eò respicit, ut patefaciat arcanum Dei consilium de hujus vel illius salute; sed tantùm, ut in genere officium homini præscribat, & proponat infallibilem salutis viam, quam qui secuti fuerint, necessariò salvandi sunt. At in utroque maximè seriò Deus agit, nam & verissimè homini præscribit officium suum, & viam unicam salutis docet, & sincerissimè officium facienti promittit beneficium; nihil ergo promittit quod non velit dare; nam ut promittit tantùm conditionem habenti; Ita vult etiam & intendit tantùm salutem dare credenti, & non credenti pœnam denunciat. 3. Ille seriò non vocat, qui vocatum non *vult*, id est, *non præcipit & gratum habet*, venire quò vocat; Sed non desinit seriò vocare, qui non *vult*, id est, non *intendit & decernit* effectivè vocatum venire quò vocat; quia ad seriam vocationem non requiritur ut sit constans intentio eos adducendi reipsa qui vocantur, sed tantùm ut sit voluntas constans præcipiendi officium, & facientibus promittendi beneficium. Sic Deus seriò vult, id est, præcipit homini implere Legem ut vivat, juxta clausulam fœderis operum, *Hoc fac & vires*, nec tamen propterea potest dici velle, id est, intendere ut homo impleat Legem, & eam implendo per eam vivat. 4. Eodem incommodo longe fortiùs urgetur sententia quam oppugnamus; Nam ex hac hypothesi statuitur Deus maximè seriò cupere & intendere salutem hominum, modò habeant fidem, quam scit tamen eos non habere, nec habere posse ex seipsis, & quam decrevit ipse jam ab æterno irrevocabili consilio non dare, qui solus potest; quod, an cum sinceritate Dei consistere possit facile est judicare, eo ipso enim Deus inducitur testans se velle salutem eorum, & non velle simul, quia non vult id sine quo obtineri nequit, ac si quis diceret, se velle ut homo vivat, sed nolle tamen ut respiret.

XLVI. Licet Vocatio externa objiciatur tam reprobis quàm electis, non objicitur tamen eodem modo; Nam ad istos quidem respicit *primario*, *directè*, & *principaliter*, quia eorum fidem & salutem intendit, & propter eos ministerium instituit, & Evangelium prædicari curat, ut filii Dei dispersi congregentur, Joh. 11. 52. & colligatur ac ædificetur Ecclesia, Ephes. 4. 11. 12. quod non fieret si nulli electi essent in mundo: unde non eos vocat tantùm *imperativè*, sed & *operative* conditionem ipsam per Spiritum in iis operando. Sed ad illos spectat tantùm *secundariò*, & *indirectè*, quia mixti sunt cum electis, quos Deus per Verbum ex mundo ad salutem per-

QUAEST. XVII. ducere intendit; non ut salus ipsis à Deo destinata dicatur conditionatè, sed tantùm ut ipsis officium præscribatur, & via salutis ostendatur. Non desinit ergo multiplex fins esse istius vocationis illorum respectu, licèt non decreverit aut intendat Deus, ut veniant & salventur. Nam quà *Legislator* vult officium illis suum præscribere, quà *Dominus* vult viam salutis illis benignè patefacere, quà *Judex* vult eos contumaces & rebelles convincere & ἀναπλογήτας reddere.

XLVII. Quamvis intentio Pastorum in Vocatione ista conveniat cum intentione Dei, tum in eo quòd nihil faciant nisi ex ordine Dei, sive agatur de mandanda fide, sive de promittenda salute; quo sensu dicuntur esse Os Dei, & nomine Christi nos hortari, 2. Cor. 5. 19. tum in eo quòd utrique propriè salutem solorum electorum intendunt, non verò reproborum; non per omnia tamen conveniunt; Nam quia Ministri nesciunt distinguere inter electos & reprobos, nec norunt eos nominatim, qui credituri sunt, vel non credituri, promiscuè omnes alloquuntur, & non nisi indistinctè possunt servire saluti electorum, quia ipsis sunt ignoti, & optarent proculdubio ex officio charitatis omnes salvari, nec de cujusquam salute absolute desperare debent, nisi constiterit eum peccasse ad mortem, & reipsa esse reprobum, cùm Deus possit ultimâ horâ homines vocare: Itaque tenentur sedulò officio suo defungi erga omnes peccatores, & magno se reatu implicarent coram Deo, si in ullo pereunte neglecti officii possent accusari, quamdiu spes aliqua superest emendationis. Et eò pertinet, quòd Col. 1. 28. Paulus ait, Col. 1. 28. *Se omnem hominem hortari, ut reddat omnem hominem perfectum in Christo*, ut doceat se facere quod sibi incumberat, ut prodesset quorumvis saluti, sive Judæorum, sive Gentilium, eventum Deo committendo: aliàs ipse cognitâ παράσει, & rejectione Judæorum, excussis vestibibus eos relinquit, & ad gentes se convertit, Act. 18. 6. & 13. 46. Sed Deus qui novit qui sui sunt, & eos, quorum solorum saluti, & conversioni destinavit vocationem, distinctè etiam & formaliter eorum salutem intendit per eam, non verò aliorum, quos novit à se reprobatos ab æterno, & aut non verè obsequi, aut nunquam obsecuturos, quorumque ideo salutem non potest intendere, sed potiùs detectionem malitiæ cordis ipsorum, Luc. 2. 35. & eorum inexcusabilitatem suppositâ eorum contumaciâ, Rom. 1. 20. Jo. 15. 22. ut eventus ipse satis ostendit. Nec hîc dicendum quæri de *vocantis animo*, & *voluntate*, non de *vocationis eventu*: Nam ipse eventus qui pendet ex liberrima & sapientissima Dei dispensatione, satis indicat qualis fuerit vocantis animus & voluntas, cùm nihil præter illius intentionem contingere queat.

XLVIII. Licèt Christus non magis destinatus sit ad salutem reproborum quàm dæmonum, & hac in parte similes sint, quòd utrorumque damnatio sit irrevocabilis; Non ideo par est in omnibus utrorumque ratio. Primò, quia, ut Christus non assumpsit Angelos, sed Semen Abraham, Heb.

Heb. 2. 16. & missus est non pro dæmonibus, sed pro hominibus: Ita so- QUÆST.
XVII.
lis hominibus rectè proponitur, non verò diabolis, quibus sublata omnis spes salutis. Secundo, quia dæmones cum damnatis extra viam constituti, jam sunt in statu pœnali, ubi pœnas pendunt suorum criminum; nec possunt amplius etiam imperativè vocari; Sed quoad reprobos, quia sunt adhuc in via, quandiu in terris versantur, ubi magnâ patientiâ à Deo tolerantur, dum differtur adhuc eorum pœna, nec eorum reprobatio adhuc nobis nota est; Nihil obstat eos vocari, ut quid sui sit officii intelligant, & ne ignorantiam impœnitentiæ suæ prætexere possint.

QUÆSTIO XVIII.

DE ORDINE DECRETORUM DEI IN PRÆDESTINATIONE.

An aliquis Ordo in Decretis Divinis admittendus sit, & quis ille sit?

I. **Q**Uamvis Christiana pietas istâ Quæstione faciliè carere potuisset, si homines revelatis contenti sapere voluissent ad sobrietatem, nec in arcana Dei irrumperere unquam satagissent, ad consilia ejus *divina* temerè scrutanda, & decreta ejus minutim partienda, quasi Deus humano metiendus esset pede: Necessariam eam tamen quodammodo reddidit Adversariorum pertinacia, qui sub novo & præpostero Decretorum Dei ordine, novam & periculosam contra Dei Gratiam pro libero hominis arbitrio doctrinam invexerunt; quibus ut occurratur pauca de Decretorum ordine dicenda, ut constet, An Ordo aliquis in illis sit admittendus, & quis verus sit & genuinus ex Verbo Dei, quis verò falsus?

II. Licet in Decretis *formaliter*, & à *parte Dei* spectatis, non attendi possit propriè ordo, quia non sunt plures & divisi actus, sed unicus & simplicissimus, quo omnia ab æterno decrevit: Nihil obstat quominus in illis ordo aliquis statuatur, quatenus *objectivè*, & à *parte nostri* considerantur ratione modi nostri concipiendi, quia cùm res decretæ multiplices sint & diversissimæ, quæque dependentiam & subordinationem ad se invicem habere possunt, necessariò in illis aliquis ordo concipiendus est, secundùm quem aliæ aliis vel priores, vel posteriores dicantur, & à nobis distinctè percipiantur.

III. Cùm verò duo præcipua sint Dei Opera, quæ à Decreto ejus proficisci debuerunt. Unum *Creationis* & naturæ; Alterum *Redemptionis* & gratiæ, duo præ cæteris hinc Decreta concipienda sunt, primum de Opere Creatio-

Quæst XVIII. nis, alterum de Opere Redemptionis, inter quæ veluti medium intercedit decretum de permittendo Generis humani lapsu. Rursus ut Opus Redemptionis varias partes habet, quarum aliæ habent rationem finis, aliæ mediorum, aliæ ad missionem Christi pertinent, aliæ ad vocationem, aliæ ad glorificationem: Ita diversa possunt concipi decreta pro earum diversitate. Quo verò ordine, quum inter se conferuntur, collocanda sint, non una est omnium sententia.

Prima Sententia Supralapsariorum de ordine Decretorum.

IV. Nam qui supra Lapsum, vel Creationem ascendunt, ad constituendum Prædestinationis Objectum, ita censent disponenda esse varia, quæ à nobis circa hominis statum concipiuntur Decreta; Ut Decretum Prædestinationis statuatur prius Decreto Creationis & permissionis lapsus, & concipiat Deus primò cogitasse de manifestanda gloria sua in exercitio Misericordiæ & Justitiæ quoad salutem vel damnationem hominum, quàm cogitaverit de creando homine, vel permittendo ejus lapsu; ita ut Creatio & Permissio lapsus habeant rationem medii ad patefactionem misericordiæ & justitiæ suæ tanquam finem. Ita primum Decretum secundum ipsos est de manifestatione gloriæ Dei in exercitio misericordiæ & justitiæ per salutem & damnationem hominum; Secundum de Creatione; Tertium de Permissione lapsus; Quartum de Missionem Christi pro salute eorum quos salvare decreverat.

V. Verum licet nihil habeat iste Ordo, quod fundamento salutis & analogiæ fidei absolutè repugnet, & Viris magnis & de Ecclesia bene meritis placuerit; varia tamen obstant quominus recipi possit, ut fuscè probatum est supra Quæst. IX. quibus & hæc addimus, duriorem & minùs commodum videri hunc ordinem. 1. quia ex hac hypothesi primus actus voluntatis Dei erga nonnullas ex creaturis statuitur esse actus odii, quatenus justitiam suam in earum damnatione demonstrare voluit, & quidem antequam consideratae sint in peccato, ac per consequens antequam essent odio dignæ, imò dum considerabantur ut innocentes, atque adeò objectum potiùs amoris, quod non satis videtur convehire ineffabili ejus bonitati. 2. durum etiam est, quòd juxta hunc ordinem Deus censetur amoris effecta longè maxima illis impertiri ex odii principio, dum statuitur eas creare in statu integritatis in eum finem, ut in earum damnatione justitiam suam illustret, quod nec summè bonum, nec summè sapientem, & justum videtur decere. 3. perperam supponitur Deum actum misericordiæ & justitiæ exerere erga Creaturas in destinatione salutis & exitii, quæ nec sunt miseræ, nec reæ, imò quæ nequidem concipiuntur adhuc existere: At cum virtutes istæ sint respectivæ, objectum suum præsupponunt, non faciunt. 4. gratis etiam asseritur Creationem & Lapsum esse media Electionis & Reprobationis, cum antecederet ad illas se habeant, aliàs peccatum esset propter damnationem, cum contra damnatio sit propter peccatum, & Deus creasse diceretur homines quos perderet.

VI. *Arminiani* in aliud extremum, sed longè periculosius delapsi, dogmata

gmata Pelagiana novi ordinis obtentu obtrudunt, & ita ordinem Decretorum disponunt, ut quatuor sibi subordinata decreta stabiliant in salutis negotio. *Primum* est quo decrevit Filium suum Jesum Christum ponere in Mediatorem & Salvatorem Generis humani lapsi, qui peccatum morte sua aboleret, amissam salutem obedientiâ suâ recuperaret, & virtute suâ communicaret. *Secundum*, quo decrevit resipiscences & credentes in gratiam recipere, eosque perseverantes in finem usque per & propter Christum salvos facere: Contrâ impœnitentes & infideles in peccato relinquere & æternum damnare. *Tertium*, quo decrevit media ad resipiscenciam & fidem necessaria sufficienter & efficaciter omnibus administrare. *Quartum*, quo decrevit certas quasdam & singulares personas nominatim salvare vel damnare, quas ab æterno prævidit credituras, vel non credituras. Quæ quatuor decreta ita sibi subordinari censent; ut Primum sit destinatio Christi in Mediatorem, qui acquireret peccatoribus jus salutis. II. Ordinatio fidei & perseverantiæ in conditionem communicandæ salutis. III. Ordinatio mediorum ad fidem, quorum beneficio peccatores possint credere & perseverare. IV. Ordinatio ipsius salutis, personis singularibus quâ credentibus & perseverantibus facta; cui ordinatio damnationis adversus finaliter impœnitentes & incredulos respondet. *Tria priora decreta generalia* sunt, quæ totum Genus humanum indefinitè spectant, citra respectum personarum singularium, & quibus fundamenti instar subternitur *Gratia Universalis*, sive benevolus Dei affectus erga totum Genus humanum, quo Christum in Mediatorem, fidem in conditionem salutis, media quòque ad fidem omnibus & singulis peccatoribus indiscriminatim ordinavit. *Postremum est particulare*, quo statuit de singulorum salute vel exitio, prout eos credituros, vel non credituros prævidit; atque ita nexus ejus cum prioribus non est necessarius, sed contingens & eventualis, quatenus fieri potuit, ut, dato Christo in Mediatorem, & positâ lege fidei & mediis ad eam administratis, nullus crederet & servaretur, sed damnarentur universi; quia gratia quæ illis confertur, resistibilis semper supponitur, id est, quam homo pro libitu potest vel recipere vel rejicere. Sic *Remonstrantes* exponunt Sententiam suam de Ordine Decretorum in *Actis Synod.* p. 18. 19.

VII. Sed Ordo iste multifariam impingit in veritatem, & sanorum sermonum formam, & gravissimos errores post se trahit. 1. In genere capitale est, quòd in eo Prædestinationis gratitæ doctrina corrumpitur, & ad Pelagianorum mentem traditur, dum ab homine & viribus liberi Arbitrii suspenditur, quatenus electio fieri supponitur ex fide prævisa, & ex bono usu liberi arbitrii. 2. Ex illa hypotheti Electio & Reprobatio sunt actus justitiæ, qui pendent à Deo ut Judice, qui eligere dicitur credentes, & reprobare incredulos, ubi proinde nullus datur amplius locus objectionibus, quæ à Paulo moventur, Rom. 9. cur hunc non illum elegerit aut reprobarit:

QUEST.
XVIII.

Cum tamen Scriptura constanter asserat, eas à sola Dei *evidentiâ* pendere, & esse actus meri beneplaciti Dei, tanquam supremi Domini, qui potest de suo facere quod libet. 3. Ex ista sententia Deus prævidet tantum fidem, sed non facit, siquidem gratia sufficiens quæ conferri dicitur, cum sit communis omnibus, non potest homines alios ab aliis discernere, atque ita discretio ista erit opus naturæ, & liberi arbitrii, non gratiæ & Spiritus Sancti, contra expressa Scripturæ verba, quæ fidem donum Dei vocat, & causam discretionis hominum, non hominibus, sed soli gratiæ acceptam ferre solet, 1. Cor. 4. 7. Eph. 2. 8. 4. Ex ista hypothese nulla datur Electio ad fidem, sed tantum ad salutem, cum tamen Deus non possit eligere ad salutem, ut finem, quin eligat etiam ad fidem tanquam medium, Ps. 65. 4. Act. 13. 48. Rom. 8. 30. 5. Non tam salvandorum & damnandorum discretio ponitur, quàm mera conditionis, sub qua homines damnandi, vel salvandi sunt, præstitutio. 6. Si penitiùs finis totius istius doctrinæ attenditur, non alius esse deprehenditur, quàm Pelagianismum, & Papismum novo tectorio incrustatum instaurare, liberi arbitrii idolum in arce reponere, & gratiam Christi, subtiliore quidem ratione, sed tantò periculosiore quàm antea, extenuare, quæ ex singulorum decretorum examine facile colligi possunt.

VIII. Nam hoc omnia hæc Decreta vitio laborant, quòd Electionis veram naturam ne verbo quidem attingant. Scriptura enim docet Electionis decretum esse æternum, immutabile, absolutum, adeoque practicum & efficax seu *ἐνεργητικόν*, Matt. 11. 25. & 13. 11. Act. 13. 48. Rom. 8. 28. 29. Unde quoties ferè loquitur *οὗτος ὁ θεὸς ἐvidentiâs* in hoc mysterio, continuo *τοῦς ἐνεργητικὰς* mentionem adhibet, quâ Deus omnia in omnibus operatur, Eph. 1. 11. Phil. 2. 13. ut non esse Dei contemplationem otiosè prospectantis, sed esse Dei summum & efficacissimum amorem infallibiliter operantis, doceret. Sed hæc omnia varia, revocabilia, conditionata, & ab hominum fide suspensa, nihil nisi merè speculativum & anceps quoad eventum Deo tribuitur, Electionis efficacis & irrevocabilis mentio nulla: Nam duo illa decreta, quæ præcipuè nomine Prædestinationis illis veniunt, secundum scilicet & quartum, non possunt pertinere ad Electionem, nec sunt propriæ actiones Dei, nec secundum illa quicquam operatur. Quippe secundo, quo statuit credentes servare, & incredulos damnare, eligitur tantum fides in conditionem salutis, non verò mortalium ullus: Quartum verò quo decrevit nominatim servare quos prævidit credituros, nihil novi decernit, sed præscit tantum quoniam secundum regulam secundi decreti ad salutem sint perventuri, vel non. 2. Prædestinatio qualis in Verbo traditur, semper refertur ad personas singulares, & iniis determinatur, prout vel fiunt vasa gratiæ, vel vasa iræ, vel ad vitam destinantur, vel ad exitium, Rom. 8. 29. 30. Rom. 9. 11. 16. Eph. 1. 4. 5. Johan. 10. 26. & 13. 18. & 17. 6. 12. At longè aliter se habent decreta Ar-

miniana; nam *primum & tertium* decretum indefinitè occupantur circa genus humanum. Secundum versatur tantùm circa qualitates salvandorum, vel damnandorum citra distinctionem personarum. Quartum verò circa personas singulares versatur quidem, sed contingenter & eventualiter, id est, propter illas qualitates, quæ adesse & abesse possunt à subjecto cui insunt, nec tam respicit personas, quàm fidem in personis, prout prævidetur in homine futura ex bono usu gratiæ & liberi arbitrii. 3. Gratia Prædestinationis ex Scripturæ est particularis quibusdam, non communis omnibus, Matth. 11. 25. 26. Rom. 8. 29. & 9. 11. 16. 18. Eph. 1. 4. 5. Sed Gratia quæ tribus primis decretis adstruitur, est omnibus & singulis communis, utpote quæ sita est in Misericordia universali, Redemptione universali, & Vocatione universali.

Quæst.
XVIII.

I X. 4. Prædestinatio ad vitam includit necessariò decretum fidei, & perseverantiæ à Deo donandæ, Act. 13. 48. Rom. 8. 29. 30. Et promissio de danda fide electis, non minis pertinet ad Evangelici fœderis ambitum, Heb. 8. 10. Eph. 2. 8. Phil. 1. 29. quàm promissio de danda salute fidelibus. Sed nihil in quatuor illis decretis habetur de dono fidei, Nec in primo; quod est de missione Christi; Nec in secundo, quod fidem sancit in conditionem salutis, sed nihil de ejus datione respectu certarum personarum constituit; Nec in tertio, quod est de Vocatione ad fidem, & mediorum ad eam administratione, quia cùm gratia illa sufficiens non sit irresistibilis, pendet ab hominis arbitrio eâ uti, vel non; Nec in quarto, quod nititur fidei prævisione, quodque eam præsupponit ex communi tantùm gratiâ quoad Deum, ex speciali autem ipsius credentis & perseverantis determinatione, tanquam propriâ & proximâ causâ utriusque.

X. 5. Scriptura unius tantùm Electionis meminit, quæ sit definita & completa, particularis, & absoluta, æterna, & irrevocabilis; Sed schola Arminii duplicem fingit, unam generalem, indefinitam, incompletam, conditionatam, & revocabilem; aliam completam, peremptoriam, definitam & irrevocabilem, quæ in fine demum vitæ, & post mortem obtinere potest, quia suspenditur à perseverantia finali. Denique ex hac hypothese objectum Prædestinationis sunt soli credentes, vel increduli vocati, quibus gratia in tempore oblata est, atque ita infantes omnes, & plerique Gentiles, qui vocationis participes nunquam fuerunt, ab ea perperam excluduntur. Vid. sup. Qu. 15.

X I. Si verò ulterius in examen Decretorum istorum descendimus, multiplicem eorum repugnantiam cum genuina Prædestinationis doctrina in Scriptura tradita, non difficile erit deprehendere. Nam ut de primo dicamus, quod spectat missionem Christi, 1. Scriptura testatur Christum ordinatum esse, & datum in mortem nominatim pro datis sibi à Patre, Joh. 17. 2. 6. 9. pro ovibus suis, Johan. 10. 11. 26. 29. pro populo suo, Matth. 1. 21. & pro Ecclesiâ, Ephes. 5. 25. At dum primo illo decreto destinatur pro genere hu-

mano

Q U A E S T .
XVIII.

mano universaliter, ordinatio illa facta supponitur in incertum, antequam quicquam apud se statuisset Deus de quoquam nominatim servando. 2. Christus ex decreto Patris non potuit frustra mori, sed efficaciter debuit redimere & salvare eos pro quibus est mortuus, Tit. 2. 14. Gal. 2. 21. Eph. 5. 25. Sedposito illo primo decreto, fieri potuit, ut Christus esset mortuus, & nemo tamen servaretur, si nimirum nulli conditiones fœderis observarent, atque ita Servator esset sine Servatis, Caput sine Membris, & Rex sine populo. 3. Christus ex consilio Patris missus est ad acquirendam nobis salutem, & obtinendam actu pro suis remissionem peccatorum; Spiritus Sancti donum, & vitam æternam; Nec enim aliàs, vel Salvator noster posset dici, vel Sponsor tam à parte Dei, quàm hominum, vel author & Princeps salutis, dux & consummator fidei nostræ. Sed ex primo isto decreto non nobis, sed Patri suo acquisivit possibilitatem, sive jus denuo agendi cum homine peccatore, & novas conditiones salutis, additâ gratiæ & remissionis peccatorum promissione illi præscribendi. Et ita censetur acquisivisse, non tam salutem, quàm *possibilitatem salutis*, removendo obstaculum justitiæ quod obstabat quominus Deus nobiscum novum fœdus pangere posset, quod quid aliud est quàm enervare Christi crucem, & meritum ejus perfectissimum exinanire?

XII. In *Secundo* non minor est repugnantia, dum statuitur totum & integrum Prædestinationis decretum, quod nequidem ad illud pertinet. 1. Quia per Prædestinationem Deus decrevit, quid de nobis ipse velit facere, non verò quid nos facere jubeat. Sed hoc decretum, quo credentes servare, & incredulos damnare statuit, respicit tantum vocationem externam, quæ præscribit hominibus officium, & eò tantum tendit, ut eligantur conditiones & qualitates salvandorum, non verò personarum, *quales* salvandi sint, non *quoniam*. 2. Electio est actus beneplaciti certus & definitus, quo nonnullorum præ aliis misereri voluit ad salutem, & decrevit ipsis dare Christum, & fidem; Sed decretum istud indefinitum est & vagum, quod neminem nominatim respicit, & quod fidem non dat, sed supponit. In *Tertio* quod versatur circa mediorum dispensationem præter jam dicta, hæc etiam notamus *ἀνίτητος*, tum respectu *objecti*, tum respectu *modi*. 1. Quod media ad fidem & salutem omnibus & singulis sufficienter & efficaciter statuuntur administrari, ut nemo damnetur, nisi qui media illa libero suo arbitrio repudiavit, cum tamen Scriptura non uno loco testetur, non omnibus & singulis, sed quibusdam tantum ex Dei *εὐδοκία* administrari, Psal. 147. 19. Matth. 11. 25. & 13. 11. & Rom. 8. 28. 29. tam in Veteri quàm in N. Testamento. 2. Media illa dispensari supponuntur *modo resistibili* & communi, ita ut, positâ quacunque operatione gratiæ istius, voluntati sua semper relinquatur *ἀδιαφορία* & libertas, vel eam admitendi, vel repudiandi; Cum Scriptura gratiam istam irresistibilem, & invictam esse passim doceat, quæ non tantum vires ad credendum, sed actum

actum ipsum fidei largiatur, & cui nullum resistere possit hominis arbitrium. Denique, quoad *quartum* de servandis credituris, præterquam quòd in secundo jam continetur, & cum eo coincidit, nec propriè decretum est, quod novi aliquid sanciat, sed decreti præcedentis applicatio; prævisio Pelagiana hic reponitur, quæ Deum ab homine, & gratiam à libero arbitrio suspendit, & talem electionem statuit, quæ pro objecto habeat hominem non nisi in exitu vitæ consideratum, & cujus nullus sensus aut fructus à quoquam in hac vita percipi possit nisi conditionatus. Quæ omnia cum sint non modò periculosa, sed & ἀντίρροφα, & ἀθεόλογα, quæ gratuitam Dei Electionem penitus convellunt, & liberi arbitrii idolum denuo erigunt, meritò ab Orthodoxis constanter hætenus rejecta sunt.

QUEST.
XVIII.

XIII. Tertia Sententia circa Decretorum ordinem, eorum est ex Reformatis, qui Gratiam Universalem tuentur, quique propterea ita Decreta divina partiuntur, ut in variis ad Remonstrantium hypotheses accedant, in aliis verò ab iis recedant. Quatuor enim & ipsi statuunt Decreta, duo generalia, & duo particularia. *Primum generale de dando Christo* in Mediatorem Generi humano, qui satisfactione suâ obstaculum justitiæ divinæ removeret, & omnibus & singulis viam salutis aperiret. *Alterum de Vocatione universali*, quo statuit Deus, positâ satisfactione Christi, omnes & singulos ad salutem vocare, & gratiam in Christo partam sufficientibus in se mediis offerre, quod utrumque nitatur φιλανθρωπία Dei & misericordia universali, quâ Generis humi misertus, Christum tanquam remedium universale dare voluerit, ut quicumque credit in eum non pereat, sed habeat vitam æternam, & eundem offerri curet omnibus & singulis sub conditione fidei & poenitentiae. Quia verò prævidit nimirum crediturum propter innatam hominis pravitatem, & Christi Evangelium ab omnibus rejiciendum, pertendunt Deum decreto speciali elegisse tunc demum nonnullos, quos Christo daret, quos postmodum servare constituerit, aliis in incredulitate & impoenitentia suâ voluntariâ relictis; ut hic Decretum *duplex speciale* attendendum sit, alterum de *danda fide* quibusdam, alterum de *danda illis salute*, quod oriatur ex speciali amore, quo Deus electos suos prosequitur. Decretum generale Genus humanum promiscuè respicit, & nihil de personis in singulari statuit. Speciale verò circa eas nominatim versatur, alias ab aliis secernendo. Generale versatur circa *Gratiam objectivam*, quæ omnibus & singulis datur. Speciale circa *subjectivam*, ejusque vel dationem, vel denegationem. Generale tendit ad tollendum *impedimentum æternum* salutis, positum in ἀδυναμία satisfaciendi justitiæ Dei pro peccatis. Speciale verò occupatur in removendo *interno*, posito in ἀδυναμία credendi. Generale nititur *velletate* salutis, seu voluntate seriò quidem cupiente salutem hominum, & propterea destinante Christum ad eam acquirendam, sed non explicante omnipotentiam ad eam conferendam;

Tertia Sententia eorum qui Gratiam universalem tuentur.

QUEST.
XVIII.

dam; Sed speciale pendet à voluntate potenter efficaci, seu effectiva. In Generali datur Christus omnibus, sed non fides, & promittitur salus, sed sub conditione; In speciali promittitur ipsa conditio, & datur fides. Generale dicitur esse *Dei* quà *Legislatoris*, qui fidem in Christum hominibus præscribit, ut conditionem & officium necessarium, si servari cupiunt, juxta formulam Fœderis Evangelici, *Crede & servaberis*. Speciale verò ab eodem, ut *Oeconomo*, & *eventuum Dispensatore* pendet, sub qua *quædam* determinat, non tantum quid homo facere debeat, sed quid re ipsa facturus sit, vel non facturus, & quid Deus ipse in eo operari decreverit.

XIV. Quamvis verò Ordo hîc in præcipuo Capite differat ab ordine Arminianorum supraposito, nimir. in *Decreto speciali*, quod nolunt isti agnoscere, ut facilius liberi arbitrii ἀδιαφορίαν, & Gratiae resistibilitatem tueantur, atque ita, qui in ea sunt sententia, convenient hac in parte cum illis qui Gratiae particularitatem urgent: In cæteris tamen Decretis, quæ generalia sunt, ad Remonstrantium ordinem accedere, & iisdem ferme argumentis confirmari negari non potest. Atque hinc jam satis colligi possunt rationes, propter quas nova illa Methodus, licet μετὰ πολλὰς φαντασίας obtrudatur tanquam commodissima ad explicanda loca Scripturæ, & retundenda tela Adversariorum, ab Ecclesiis nostris recipi non potuerit. Quod ulterius etiam ex incommodis, quæ ordinem hîc positum in decretis Divinis sequuntur, patere poterit. Nam, ut non repetamus quæ antea in Decretis generalibus Arminianorum carpenda diximus, quæ adversus ista non minus militant: Quis non videt in duobus istis decretis generali scilicet, & speciali, ea connecti quæ facile conciliari nequeant, multò minus ut unico & simplicissimo voluntatis actu, quo omnia decernuntur à Deo, peragi potuerint; cùm successionem prioris & posterioris necessario postulent? Quippe decreto generali omnium salutem vult, & speciali tantum paucorum: Illo amat impensè, quos isto odit & averfatur: Illo Christum dare, & vocare ad fidem & poenitentiam statuit, antequam reprobet; Isto verò reprobat eos, quos rebelles prævidit vocationi futuros, atque adeò consequenter tantum ad decretum Vocationis; eoque magis, quod ex ista hypothesi statuitur nullam fore sinceritatem in Vocatione, nisi decretum vocationis præcedat decretum reprobationis: Imò eo ipso quo decretum generale præmittendum dicitur necessario speciali, non obscure colligitur, ista non tantum non posse concipi simul & semel à nobis, sed ne quidem in Deo esse posse nisi successivè. Frustra verò dicitur, nos etiam prius & posterius in Deo ponere, quum decretum de fine præmittimus decreto de mediis, decretum electionis ad salutem, decreto de mittendo Christo, & de danda fide: Quia longè dissimilia conferuntur; Nam licet propter infirmitatem mentis nostræ, non possimus simul concipere decretum de fine & de mediis, sed cogamur illud partiri in duos conceptus

ceptus inadæquatos: Certum tamen nihil ob stare quominus unico & simplicissimo actu in Deo includantur, quia sunt subordinata & inter se artissimè connexa; Sed quis dixerit eandem rationem esse decreti istius generalis, & specialis, quæ res diversissimas ponunt respectu ejusdem, amorem & odium, voluntatem salvandi & damnandi, decretum vocandi, & decretum hominem vocatum & rebellem reprobandi?

Quæst.
XVIII,

XV. Secundò, Ex hac hypothese statuitur Deus primò cogitasse de mediis quàm de fine, putà de Christo, qui fuit potissimum exequendæ Electionis medium, quàm de salute Electorum, quod rectæ rationi repugnare nemo non videt. Nam in omni decreto sapiens prius naturâ finem intendit, antequam cogitet de mediis: Jam destinatio Mediatoris non est finis salutis hominum, sed contra salus hominum est finis destinationis Mediatoris; Nec Deus hominibus intendit salutem, ut mittat Mediatorem, sed intendit Mediatorem, ut suis salutem procuret. Unde constanter hætenus inter nos creditum, Christum esse primarium Electionis medium, & decretum de eo mittendo subordinandum esse Decreto Electionis, vel potiùs coordinandum, ut unicum decretum, quia eo ipso decreto, quo statuit homines servare, statuit servare per Christum, adeoque simul & finem hunc illis voluit, & per hoc medium. 2. Confirmatur ex eo quòd finis missionis Christi fuit salvare populum suum à peccatis suis, Matth. 1. 21. & Ecclesiam sibi colligere ex mundo, quam sibi uniret ut Corpus suum mysticum; Unde in decreto de mittendo Christo, populus ejus jam ut talis considerari debuit, quod non potest esse nisi ab electione Dei. 3. Mediator, & illi quorum Christus debuit esse Mediator, Redemptor, & redimendi, sunt ἐκ τῶν πνεύματι; adeoque simul naturâ, nec ille potuit considerari ut Mediator, nisi illi simul considerati fuerint, quorum debuit esse Mediator; maximè cùm officium istud importet necessariò, ut sit Vas & Caput eorum pro quibus mittebatur, ut se eorum loco substituendo pœnas ipsis debitas in se reciperet, & omnia bona ipsis acquireret & communicaret. Quî verò potuit concipi decretum de Christo mittendo, quin antecederet, vel saltem simul concipiatur electio illorum, pro quibus se debuit offerre, & quorum Vas & Caput futurus erat? Cùm enim ista sint γενναί, simul esse debent, & eo ipso decreto, quò statuitur Christum mitti in mundum ad salutem peccatorum obtinendam, debuit etiam numerus salvandorum decerni à Deo, & illi pro quibus vadium obire debebat, designari, ut daretur illis solis, qui illi à Patre dati erant per electionem, Johan. 17. 2. 6. 9.

XVI. Dices, Christum spectandum quidem esse ut medium, sed non Electionis, cujus potiùs sit fundamentum, sed φιλανθρωπίας Dei & misericordiæ generalis, quâ totum Genus humanum prosequitur, ad removendum obstaculum justitiæ divinæ per satisfactionem, ut nihil ampliùs

Quæst.
XVIII.

obstare possit, quominus servantur homines, præter ipsorum incredulitatem. R. Sed, præterquam quòd antea probavimus non posse dici fundamentum Electionis, accedit & hoc quòd supponitur gratis missus ex *φιλανθρωπία* generali, quæ indefinitè omnes, sed neminem nominatim respicit, quòd repugnat Scripturæ & missioni Christi, quæ necessariò versatur circa personas singulares, pro quibus venire debuit. 2. Si in eum tantum finem Christus missus est, ut obstaculum justitiæ divinæ removeret, sequeretur Christum *possibilitatem* tantum *salutis* nobis acquisivisse, non *salutem* ipsam, & propriè aliquid Deo acquisivisse, non nobis, nimirum potestatem nobis salutem dandi sub hac vel illa conditione, quæ quàm aliena sint à merito mortis Christi, & Scripturæ doctrinâ nemo non videt, quæ vim & efficaciam mortis Christi nobis describit, non tantum ut Pater possit aliquid nobis dare, sed ut det actu salutem, non ut sit *reconciliabilis* simpliciter, sed ut sit actu *reconciliatus*; unde dicitur *Princeps salutis*, qui dat *vivens suis vitam æternam*, Joh. 10. 28. qui *acquisivit* nobis, non *possibilitatem* salutis, sed *redemptionem æternam* Heb. 9. 12. qui actu *reconciliavit* nos Deo *pace per sanguinem facta* Col. 1. 20. & sic innumeris in locis. Adde forte, Christum non hunc finem generalem sibi proposuisse tantum, sed alium etiam specialem habuisse moriendi nominatim pro electis & credituris. Sed sic fingitur gratis, & in Deo mittente Christum, & in Christo moriente duplex intentio, alia generalis se offerendi pro omnibus sub conditione, alia specialis se dandi efficaciter pro quibusdam; quasi in uno Sponsore duo querendi essent, unus qui spondeat ex parte pro omnibus, alter verò qui spondeat ex assè pro aliquibus; unus impetrans omnibus salutem, sed sub ejusmodi conditione, quæ impetrationem illam vanam & inutilem reddit, alter verò qui absolute impetret, & applicet simul quibusdam; unus qui omnium *bono* moriatur, alter qui paucorum tantum *loco*; cum Scriptura ubi de morte Christi loquitur pro hominibus, duplicem hanc intentionem nusquam exprimat, sed unicam tantum se *loco* peccatorum substituendi, & peccatorum expiationem, & omnia salutis beneficia istis acquirendi. Deinde si Christus aliquos specialiter respexit, ut sibi datos à Patre, eorum electio necessariò concipienda est antecederet ad decretum missionis Christi; Cum enim primarius scopus ejus missionis fuerit omnino eorum salus, prius supponendi sunt electi pro quibus veniebat, quàm de missione cogitatum sit. Christus enim non missus est ut illi seligerentur, sed, contrà venit ut pro illis se sisteret; aliàs debebunt electi Mundo, quòd Christus Redemptor pro ipsis missus fuerit, non Mundus electis, cum tamen beneficia omnia, quibus alii homines omnes potiuntur, electis accepta ferre debeant, quorum causa cælum & terra perseverant, corruiura simul ubi eorum numerus consummatus fuerit, quorum pariter causa Christus apparuit, & Evangelium prædicatur: Unde patet non

non potuisse decerni missionem Christi, quin simul designarentur illi, pro quibus solis venturus erat, & in quorum gratiam electus fuit & præordinatus Mediator & Caput ab æterno. QUEST. XVIII.

XVII. Tertiò hic ordo supponit Christum non meruisse suis fidem, quia satisfactio pro omnibus præcedere concipitur decretum de quibusdam fide donandis, & sic sunt qui excluduntur à fide in Christum consequenda, qui tamen non excluduntur ab illius redemptione & merito: Nec diffidentur illi cum quibus agimus, qui eam arcessunt à libero Dei decreto, & volunt propterea dici potiùs *donum Patris*, quàm *donum Filii*: Cum tamen Scriptura passim, hanc Christo non minùs quàm cætera omnia bona spiritualia acceptam ferat, Eph. 1. 3. Phil. 1. 29. Heb. 12. 2. & vel sola consideratio fœderis gratiæ, cujus factus est Christus Mediator & Sponsor, hoc necessariò importet; cum in eo nobis propter Christum promittantur, cum ipsa salute, conditiones & media omnia salutis, inter quæ primarium est proculdubio Spiritus Sanctus, & fidei donum, Jer. 31. 32. & 32. 40. Luc. 24. 49. Et si gratia ista ab eo ut Capite dimanat in omnia membra efficaciam suam, quidni ab eo ut Vade dicetur pendere, quatenus illam nobis impetravit merito suo?

XVIII. Quartò minùs rectè in prædicto ordine præponitur Vocatio Electioni; cum certum sit Vocationem Electionis executioni destinari; Nec hoc tantùm respectu *Vocationis internæ*, quæ fit per Spiritum, locum habere debet, sed etiam *externæ* quæ fit per Verbum; cum Scriptura passim testetur, & res ipsa clamet, non alia potiori de causa Deum Ministerium instituisse, & Evangelium prædicari curare in mundo, quàm ad Ecclesiam colligendam, & Electos in communionem Christi, & per Christum ad salutem adducendos; Unde necesse est, ut primò Deo obversati sint illi quibus propriè Evangelium destinabatur. Licet verò Vocatio ista latiùs pateat Electione, & multò plures vocati sint hac ratione, quàm electi, Matth. 20. 16. quia secundariò etiam ad reprobos extenditur, qui mixti sunt cum Electis, ad officium suum illis præscribendum, & viam salutis declarandam, ut antea dictum; Non desinit tamen esse medium propriè dictum ad salutem Electorum, in quibus per fidem recipitur & efficaciter operatur; & eo respectu non ulterius extenditur quàm finis ipse, nimirum salus electorum. Nec si Christus Matth. 20. 16. illam præponit Electioni, quum *multos vocatos esse* Matth. 20. 16. ait, & *paucos electos*, continuo sequitur illam antecedere debere in decreto, quia alia est ratio *ordinis executionis*, de quo Christus loquitur, alia verò *ordinis intentionis*. Quamvis enim certum sit Deum eo ordine exequi sua consilia, quo ea exequi decrevit, non inde tamen potest inferri eundem ordinem intentionis esse, qui est executionis. In illo finis præcedit ut *intendatur*, & media sequuntur; In isto media præcedunt, finis sequitur ut *obtentus*. Ut sapiens primò intendit finem, postmodum in media, adhibet tamen primò

Quæst. XVIII. media antequam assequatur finem. Ita Deus in executione à Vocatione incipit, ut ad salutem electione destinata adducat, sed in intentione contra, primò de fine seu salute per electionem destinanda cogitat, deinde de vocatione, ut de medio ad finem illum obtinendum necessario.

XIX. Quintò, *Distinctio Dei Legislatoris, & Patris, seu Oeconomi, & eventuum Dispensatoris*, quâ nititur tota series istorum Decretorum non potest huc facere. Quamvis enim suum locum habere possit, & rectè adhibeatur à Theologis, quum agitur de collatione Fœderis Legalis & Evangelici, quia in illo se habet ad modum Legislatoris tantum per Legis propositionem, & officii exactionem: in isto verò agit Patrem, qui non tantum imperat, sed & operatur, non modò præcipit officium, sed dat vires illud præstandi; Et ita bene dicitur omnium Legislator, sed paucorum Pater: Non potest tamen nisi perperam ad Fœdus Evangelicum referri, quasi Deus in eo, modò Legislatorem tantum ageret, modò Patrem; cum constet Fœdus hoc à Legali toto genere diversum, esse Patris, non Legislatoris tantum, cujus essentia non consistit tantum in præscriptione officii ad salutem obtinendam, sed præcipuè in promissione absoluta salutis in Christo, & mediorum omnium ad eam obtinendam necessary: Ideo nomine *promissionis* *καὶ ἐξουσίᾳ*, & *Testamenti* solet exprimi, ut designetur totum pendere à Dei Patris gratiâ in Christo. Aliàs dicendum esset, vel pactum Evangelicum non minùs *ἀσθενὲς* esse, ac ipsam Legem, Rom. 8. 3. & posse abrogari, quod Apostolus constanter negat Heb. 8. vel duplex esse, aliud *universale* cum omnibus, in quo promittatur salus sub conditione fidei, quæ præscribatur, sed non detur, quodque adeò maneat irritum & inefficax; aliud verò *particulare* cum solis electis, in quo promittatur non modò salus sub conditione fidei, sed & ipsa fides, quodque re ipsa sit *ἐν ἐργασίᾳ*, & effectum suum infallibiliter in omnibus fœderatis sortiatur, quod inauditum est in Scriptura, & in sanâ Theologia. Rursus cum in destinatione & missione Christi, Deus summam, & quâ major dari nequit, charitatem nobis exhibuerit, ut passim testatur Scriptura, Joh. 3. 16. & 15. 13. Rom. 5. 8. 1. Joh. 4. 9. Et magnum & præstantissimum donum, quò nullum concipi potest majus, nobis largitus sit, quod cætera omnia post se trahit, Rom. 8. 32. quis dixerit hoc proficisci à Deo Legislatore, & non à Deo Patre? Legislatoris est officium creaturæ præscribere; Sed dare Servatorem, qui opus Redemptionis exequatur, & se loco nostro substituat ad expianda peccata nostra, & acquirendam salutem, non est Legislatoris, sed Patris: & Scriptura nos eò ducit, quum Christum ut novi Fœderis Sponsorem & Mediatorem à Deo nobis datum asserit, ut pace per sanguinem facta Deum hominibus, & homines Deo reconciliaret, atque ita fundamentum esset & causa omnigenarum benedictionum, quæ vel in gratia, vel in gloria conferendæ nobis sunt, Eph. 1. 3. 4. Col. 1. 20. Heb. 9. 15. quæ sanè dici non possent, si Christi missio

non esset proprium beneficium Patris, ad salutem suorum omnimodè procurandam, sed opus tantùm Legislatoris, qui obstaculum hoc pacto voluerit remove re justitiæ suæ, ut fundaret Legem Evangelicam fidei in Christum, & viam sibi aperiret ad hoc officium creaturæ præscribendum. Nec, si in dispensatione Evangelii vocatio externa ad reprobos directâ rationem habet jussionis tantùm legalis, quia non ulteriùs extenditur, quàm ad præceptionem officii; sequitur donum Filii, sive consilium missionis ejus, esse à Deo ut Legislatore, cùm constet proprium Dei finem in eo non alium esse, quàm Electorum, qui ipsi dati sunt redimendi à Patre, salutem procurare.

Quarta.
XVIII.

XX. Cùm ergo ex his liqueat ordinem istum Decretorum non parum recedere ab hypotyposi sanorum sermonum, & varia absurda post se trahere; mirum videri non debet, si ab Ecclesiis nostris recipi non potuerit. Nec obtendi debet commodiorem videri, 1. *Ad extollendam Dei bonitatem*, quia non extollitur, sed obscuratur potiùs & minuitur, quando vana & inefficax statuitur. 2. *Ad salvandam veritatem invocationis* omnium hominum ad salutem; Quia ex antedictis patet suam illi constare sinceritatem sine gratia universali, nec eam fundari in universalitate gratiæ, sed in œconomia fœderis novi, quâ, sublatâ omni populorum externâ distinctione, Filius sibi ascivit gentes omnes in hæreditatem, id est, erga quasilibet gentes & populos communiter pro arbitrio gratiam prædicationis aperit & defert, ut ex illis Ecclesiam colligat. 3. *Ad tuendam justitiam Dei adversus reprobos*; Quia inculcata semper deprehenditur, sive homines damnet propter peccata in Legem admissa, sive reos illos peragat incredulitatis adversus Evangelium, cùm utrobique voluntariè peccando sua sint sibi interitus causa, non Deus. 4. *Ad concilianda loca Scripturae*, quæ modò latiùs, modò strictiùs de gratiâ Dei, & missione Christi loquuntur; Quia conciliatio illa aliunde facile instituitur ex diversa fœderis istius dispensatione, & ex variâ fœderatorum *græd.*

XXI. Missâ ergo tertiâ istâ sententiâ, Quartam amplectimur, quæ communis est inter Reformatos, quæ duplex Decretum hic pro ratione duplicis ordinis operum Dei statuit; alterum *Providentiæ*, alterum *Prædestinationis*. In illo Deus concipitur primò cogitasse de manifestandâ gloriâ suâ per hominis Creationem, deinde per lapsus permissionem; In isto concipitur primò cogitasse de manifestandâ gloriâ suâ in exercitio misericordiæ & justitiæ, per nonnullorum electionem, & aliorum reprobationem; postmodum de mediis ad finem istum obtinendum necessariis. Ut autem *salus* potest considerari sub triplici *græd.*, vel ratione *destinationis*, vel *acquisitionis*, vel *applicationis*. Itatriplex concipitur circa eam decretum; Primum, quo designatur per *Electiorem*; Secundum, quo acquisitio ejus procuratur per *Redemptionem*; Et tertium, quo applicatio ejus ordinatur per *Vocationem*. Ita concipitur Deus, qui motus *φιλανθρωπίας* & bonitate suâ misertus sit Gene-
ris

Quarta
sententia.
quæ com-
munis est
Reforma-
torum.

QUAEST.
XVIII.

ris humani lapsi, ut licet posset justissime universum perdere propter peccatum, noluerit tamen funditus interire; sed certum & definitum hominum numerum, in communi corruptionis massa cum cæteris jacentium, selegit præ aliis ad salutem. Quia verò non poterat eorum misereri salvâ justitiâ suâ, nisi prius satisfactum esset ipsi pro peccato; Ideo Christum in Mediatorem, Vadem, & Caput ipsis destinavit, qui plenissimâ satisfactione præstitâ pro ipsis, salutem, & media omnia salutis, putâ Spiritum, fidem, & sanctificationem ipsis acquireret. Denique quia frustra acquisita fuisset salus electis, nisi ipsis applicaretur; Idcirco ad Christum ipsos efficaciter vocare constituit per Evangelii prædicationem, & Spiritus Sancti gratiam, qui fidem in ipsis potenter operando salutem acquisitam merito Christi, efficaciam suâ infallibiliter applicaret & conferret.

XXII. Juxta hunc ordinem, *Primum* Decretum nobis est de creando homine. *Secundum* de permittendo ejus lapsu, quo secum pertraxit in ruinam & exitium totam suam posteritatem. *Tertium* de quibusdam ex humano genere lapsis ad salutem eligendis, & aliis in nativâ suâ corruptione & miseriâ relinquendis. *Quartum* de Christo in mundum mittendo, ut Mediatore & Vade Electorum, qui placatâ per obedientiam suam perfectissimam Dei justitiâ, solis ipsis plenam salutem impetraret. *Quintum* de illis efficaciter per Evangelii præconium, & Spiritus S. gratiam vocandis, fide donandis, justificandis, sanctificandis, & tandem glorificandis.

XXIII. Hunc verò ordinem commodissimum esse tria præcipuè evincunt. 1. *Scriptura*, quæ Missionem Christi, & Redemptionem ejus Electioni subordinat, Eph. 1. 3. 4. 7. Rom. 8. 29. 30. Joh. 3. 16. & 17. 2. 6. 1. Thessal. 5. 9. 1. Pet. 1. 2. Et dona omnia salutaria Spiritus, fidem scilicet & poenitentiam à Christi merito arcessit, Joh. 16. 7. Rom. 8. 32. Eph. 1. 3. 4. 5. Philip. 1. 29. Heb. 9. 14. 15. 2. *Res natura*, quia in legitimo rerum ordine finis intentio præcedere debet intentionem mediorum, ut in executione primò media adhibentur, antequam ad finem perveniatur. Hic autem finis à Deo intentus in fœdere gratiæ, est Electorum salus, media verò ad eam procurandam sunt Christus, & Vocatio ad ipsum per Verbum & Spiritum: Nam nec Christus in mundum unquam missus fuisset, nisi Electi redimendi fuissent; Nec Evangelium prædicatum fuisset, nisi iidem colligendi fuissent in Corpus Christi mysticum: Unde Paulus ad Romanos Dei fuisse ait in præconio Evangelii, *servare credentem per stultitiam prædicationis*, 1. Cor. 1. 21. & Eph. 4. 12. finem ministerii, & donorum à Christo collatorum non alium esse docet, quàm *coagmentationem Sanctorum, & ædificationem Corporis Christi*. Idcirco necesse est, ut Electi qui soli salvandi sunt, & ædificandi in Corpore Christi, contingerentur antecedenter ad missionem Christi, & Evangelii prædicationem, quæ in eorum gratiam instituta est; atque ita vocationis objectum sunt electi,

Eti, non electionis vocati. 3. *Personarum S. S. Triadis* in opere Salutis Quæst. XVIII.
operatio æconomica; Ut enim singulæ ad illud concurrunt juxta peculiarem
 & sibi proprium operandi modum, Pater eligendo, Filius redimendo, &
 Spiritus S. regenerando: Ita debent convenire in objecto circa quod ver-
 santur, ut eadem sit *æκείνη* Electionis Patris, Redemptionis Filii,
 & Regenerationis Spiritus Sancti, ut quotquot eliguntur à Patre, redi-
 mantur à Filio, & regenerentur à Spiritu, & nemo Filio detur redimen-
 dus, qui à Patre electus non fuerit, & à Spiritu non sit sanctificandus.

XXIV. Quamvis verò ita disponi posse censeamus Decreta Dei, te-
 nendum tamen est semper hoc dici tantum respectu modi nostri concipien-
 di, qui cogimur in varios conceptus inadæquatos ea partiri, quæ non
 possumus unico capere; sed non à parte ipsius Dei, qui ista omnia unico
 & simplicissimo actu penes se decrevit, tam ea quæ ad finem, quàm quæ
 ad media spectant; quo sensu rectè dicitur esse tantum in Deo unicum De-
 cretum, complectens simul finem & media, quo constituit nonnullorum
 præ cæteris misereri ad salutem, & eos per & propter Christum servare. In
 qua simplicitate & sobrietate acquiescendum nobis putamus; ut solliciti
 potius simus de salutari ista doctrina ad praxim revocanda per pietatis & san-
 ctificationis studium, & de confirmanda Electione & Vocatione nostra
 per bona opera, quàm de excutiendis vanis *ἀπεργίς* quæstionibus, quas
 hominum temeritas profana movere hinc solet, quæ curiositatem inanem
 pascunt, sed fidem non ædificant.

XXV. Atque hic est dexter & salutaris usus doctrinæ Prædestinationis,
 ne ullam, vel *desperationi* hominum, vel profanæ eorum *licentia* occasio-
 nem præbeat, qui duo sunt infames scopuli, in quos impii perperam eâ
 abutentes, impingere solent: dum alii ex reprobationis immutabilitate
 damnationis suæ certitudinem, & salutis *ἀδυναμίαν*, quicquid facere pos-
 sint, eliciunt; alii verò ex Electionis certitudine, salutis suæ infallibita-
 tem, quomodocunque vivant, colligunt. Sed turpiter eos hallucinari
 constat, cum nulla sit doctrina, quæ majorem fidelibus consolationem, &
 potentiora ad pietatem & sanctimoniam incentiva præbeat, si quis eam
 dextrè intelligat, nec separet temerè quæ Deus conjunxit, vel conjungat
 perperam quæ separavit, qui præcipuus est fons erroris impiorum; Profa-
 ni quippe *media à fine* separant, dum salutem sibi pollicentur sine sancti-
 tatis studio, alii verò *finem à mediis*, dum de salute desperant, licet sancti-
 tati operam darent. Quisquis verò ista inter se à Deo connexa arctè semper
 conjunxerit, nec ad desperationem, nec ad licentiam doctrinâ istâ salutari
 unquam abutetur.

LOCUS QUINTUS DE CREATIONE.

QUÆSTIO PRIMA.

Quid sit Creatio?

*Opera Dei
sunt.*



HACTENUS de *Actionibus Dei immanentibus ad extra*, quæ vulgò *Decreta* dicuntur, actum. Nunc de *Actionibus trans-*

*Natura,
& Gratia.*

euntibus, & *externis* dicendum, quæ *Opera Dei* vocantur, quibus *Decretorum suorum executionem extra se molitur*. Quia verò alia exequitur operatione generali & communi in natura, alia verò actione particulari & propriâ in Ecclesia: Hinc distinguuntur in *Opera Natura*, & *Gratie*. Illa ita dicuntur, non quòd ea Deus naturâ operetur, siquidem extra se non naturæ necessitate, sed voluntatis suæ libertate agit, Ps. 115. 3. Eph. 1. 11. Sed quia ad omnes creaturas, & earum fines naturales pertinent, cùm *Opera Gratia* ad homines tantùm, & eorum finem supernaturalem spectant.

*Opera natura sunt
Creatio,
& Conservatio.*

II. *Opera Natura* iterum duplicia sunt, Alia *Creationis*, quæ Deus primâ creatione produxit; Alia *Conservationis*, & *Providentia*, quibus res creatæ in esse suo conservantur, & in operationibus suis gubernantur & diriguntur.

III. Primum opus naturæ est *Creatio*, quâ totum hunc Mundum, & quicquid in eo est ex nihilo quoad totum esse suum produxit; unde vocatur *initium viarum Dei* Prov. 8. 22. quia per eam ex abdito æternæ Majestatis suæ sacrario egressus, se ad extra communicare, & hominibus conspiciendum præbere voluit.

*Creatio
vel latè
sumitur.*

IV. *Creatio* verò hic non sumitur latè & improprie, quomodo in Scriptura usurpatur, vel de qualicunque rerum productione, etiam per generationem, Ps. 104. 30. *Emittis Spiritum tuum, & creantur, & renovas faciem terra*, & Isa. 45. 7. *Facio pacem, & creo malum*; vel de eventuum quorundam extraordinariorum ordinatione, Jerem. 31. 12. *Deus creavit rem novam, semina circumdat virum*, vel de regeneratione, quæ secunda quasi creatio est, tum in gratia, ut Ps. 51. 12. *Crea in me cor mundum*; tum in gloria, *Ecce creo novos celos & novam terram*, Isa. 65. 17. Apoc.

Apoc. 21.1. Sed *strictè* pro productione rerum ex nihilo, quæ propria est Quæst. 1.
& primaria verbi מְרַבֵּי apud Heb. & κτίειν apud Græcos, & *creandi*
apud Latinos significatio, quæ in Scholis Theologicis obtinuit.

V. Dicitur *Productio rerum ex nihilo*, quia cum omnia creata sint, ne- *vel strictè,*
cesse est ut ex nihilo educta sint, quia quicquid præexistere supponeretur, *& dicitur*
in rerum omnium universitate contineri debet: Et eò pertinet, quod *productio-*
Deus dicitur *vocare* τὰ μὴ ὄντα ὡς ὄντα, *ea quæ non sunt ac si essent*, Rom. *nom ex ni-*
4.17. quia vocando dat esse. Et quod dicitur alibi, *dixisse ut ex tenebris lux*
splendesceret, 2. Cor. 4.6. non tanquam ex materia, sed tanquam ex ter-
mino. Quum ergo omnia dicuntur esse *ex nihilo*, præpositio *ex* non dicit
ἐξ ad materiam, vel ad efficientem, sed ad terminum, ut notetur, non
subiectum quod præextiterit creationi, sed tantum *terminus à quo* omnia
producta sunt, vel ordo Creationis, quæ facta est non tam *ex nihilo*,
quàm *post nihilum*.

VI. Ut autem Creatio alia est *prima & immediata*, quæ est simpliciter
ex nihilo; alia *secundaria & mediata*, quæ fit quidem ex materia aliqua,
sed planè inhabili & indisposita, nec ullâ causarum secundarum vi disponi-
bilis, si ita loqui licet, ad termini productionem, & in qua sola datur
potentia obedientialis, seu *non repugnantia*, in ordine ad causam primam in-
finitâ virtute agentem; Ita *nihilum* dicitur, vel absolutè & simpliciter,
tam respectu *sui*, quàm respectu *subiecti*, tam materialiter, quàm forma-
liter, ex quo prima Creatio facta est, vel *secundum quid*, & *formaliter*
tale, respectu *sui*, si non respectu *subiecti*, ex quo secunda esse dicitur.

VII. *Nihil ex nihilo fit*, 1. *naturaliter* per potentiam finitam & crea-
tam, 2. tanquam ex *subiecto*; ceu principio & materia intrinsecè constituti-
tiva, 3. per viam *generationis*: Sed bene omnia dicuntur esse ex nihilo *su-*
pernaturaliter, per potentiam infinitam, tanquam *ex termino à quo*, &
per viam *creationis*.

VIII. Aliud est res visibiles factas esse *ex non apparentibus positivè*, id
est, ex rebus quibusdam invisibilibus. Aliud verò factas esse *ex non appa-*
rentibus negativè, id est, ex nulla re præexistente, Apostolus Heb. 11.3. *Heb. 11.3.*
prius non dicit, sed tantum posterius, ideo non ait, εἰς τὸ ἐκ μὴ φαινο-
μεῶν τὰ βλεπόμενα γεγονέναι, quasi illa non apparentia habuerint rationem
subiecti alicujus præexistentis, sed εἰς τὸ μὴ ἐκ φαινομεῶν τὰ βλεπόμενα
γεγονέναι, ut neget quicquam rerum productioni præextitisse, ut idem sit
cum eo quod 2. Maccab. 7. 28. Deus fecisse omnia dicitur ἐκ ἐξ ὄντων, *non*
ex rebus existentibus.

IX. Res talis dicitur esse in genesi, qualis est in analysi, non respectu
termini creationis, sed respectu principiorum generationis: Hinc malè in-
feras, nulla res resolvitur in nihilum, Ergo nulla res producta est ex nihilo.

Quæst.
I.

X. Quamvis Creatio *generatio* nonnunquam dicatur, ut Genes. 2. 4. & liber *genesis* inde nomen sumpserit, hoc non *physicè*, sed *metaphysicè* est intelligendum pro rerum *origine*. Creatio quippe à generatione plurimum differt; Ista exigit & supponit semper subjectum, & terminum à quo, scil. negationem formæ in subjecto apto, rem corpoream, ut terminum ad quem, motum, tempus, & locum, & fit à causa particulari successivè. Sed Creatio saltem prima objectum suum facit, non supponit, ad res immateriales extenditur, & à causa universali, eaque solâ, fit in instanti. Hinc fit ut propriè loquendo nullum detur Creationis subjectum quod illi supponatur, licèt Terminus Creationis possit etiam quodam sensu dici ejus subjectum, quia actio ad illud terminatur, & in eo quodammodo subjectatur.

Creatio a-
ctiva.

& passiva.

qua funda-
mentum est
relationis
inter Deum
& Creatu-
ras.
qua bene
dicitur rea-
lis.

XI. Creatio potest bifariam considerari, Vel *activè* quatenus competit Deo, & sic non est quidem volitio Dei practica formaliter, quia ab ea tanquam ab immediato suo principio oritur; sed est actio transiens Dei, per quam rebus creatis confert esse. Vel *passivè*, quatenus convenit creaturæ à non esse ad esse transeunti, non per mutationem propriè dictam, quæ est transitus subjecti præexistentis ab uno termino in alium, sed per mutationem communem & generalem, quæ infert qualemuncunque rei inceptionem. Unde oritur *relatio*, quæ intercedit inter Deum & Creaturam, quæ licèt nihil de novo addat Deo, sed dicat tantum habitudinem extrinsecam ad creaturam, rectè tamen vocatur *realis*, tum quia versatur inter extrema realia: tum quia ratio fundandi utrinque occurrit à parte rei, etiam nemine cogitante; positâ enim creaturâ Deus semper habet ad eam *ἔξω* Creatoris, & ipsa vicissim pendet ab eo & ad eum refertur ut Creatura, etiamsi nullus de eo cogitaret.

Nec tamen
ullam mu-
tationem
Deo infert.

XII. Quamvis autem Creatio non sit formaliter volitio divina, non tamen propterea ulla mutatio, vel perfectio de novo Deo per eam accessit: quia est *actio externa & transiens*, quæ est à Deo, sed non *in Deo*, quæ fit absque ullo motu, & novâ determinatione; nulla enim nova voluntas ipsum subiit, sed novum duntaxat opus externum, ab ejus æterna voluntate efficaci & omnipotente prodiit, nec ulla perfectio illi accedere propterea debuit, quia distinguendi sunt *actus interni*, qui perficiunt operantem, ab *externis*, qui perficiunt opus, ad quorum genus pertinet creatio. Unde si quæ mutatio facta est per creationem, facta est in Creaturis à non esse ad esse transeuntibus, non verò in Deo ipso creante, qui per eandem volitionem practicam, quam ab æterno habuit creandi mundum in tempore, cum re ipsa in temporis principio produxit.

QUESTIO II.

An Potentia creandi sit communicabilis ulli creature, vel principaliter, vel instrumentaliter? Neg.

I. **Q**uestio hæc movetur à Scholasticis, & acriter inter eos agitur, *Occasio* aliis affirmativam, aliis negativam tuentibus. *Durandus* ad *Quæstio-*
2. Dist. 1. q. 4. statuit creaturam posse produci à Deo, cui na-
tivâ virtute conveniat creare; *Magister* in 4. Dist. 5. c. ult. censet Creatu- *Scholastici*
ram posse esse instrumentum Creationis, voluntariè scilicet à Deo assum- *variâ vim*
ptum, quod operaretur non propriâ virtute, sed mendicatâ; quam sen- *creativam*
tentiam *Suarez.* defendit, & non pauci ex Pontificiis teste *Vasquesio* *communi-*
Disp. 176. c. 1. in eum potissimum finem, ut Transubstantiationis por- *cabilem*
tentosum dogma, juxta quod Sacrificuli dicuntur impiè *Creatores* *statuunt.*
Creatoris sui, ut habet *Biel* in Canone *Missæ*, faciliùs propugnent. Alii tamen
plerique Scholastici cordatiores, contrarium statuunt, non posse scilicet
vim creatricem alteri quàm Deo competere, quod fusè probat *Thomas*
c. Gentes lib. 2. c. 21. & 1. q. 45. artic. 5. cum quo faciunt *Occamus*, *Bo-*
naventura, *Cajetanus*, *Bannes*, & alii plures.

II. *Remonstrantes* cum *Socinianis* hoc etiam commentum adoptarunt, *Ut Et Re-*
sive illud ex commentis *Judæorum* hauserint, qui volunt Deum adhibuisse *monstran-*
Angelos, ut *συνεργῶς* in Creatione, sive ex *Philosophorum* lacunis, qui *tes & Socie-*
docuerunt Deum supremum Mundum hunc inferiorem per dæmonas seu *niani.*
genios condidisse: Scopus est, palmarium, quod petimus ex operibus
Creationis pro Divinitate *Christi* argumentum, convellere & enervare. *negant Or-*
Nos verò dogma hoc, ut temerarium & blasphemum rejicimus, & Po- *thodoxi.*
tentiam creandi soli Deo propriam esse, & aliis omnibus incommunica-
bilem censemus.

III. 1. Quia Deus Creationem sibi soli tribuit, *Isa.* 44. 7. 24. *Ego sum*
Jehova qui feci omnia, qui extendi cælos solus, exclusivè ad ullam Creatu-
ram, & expandi terram per me ipsum, & per consequens per nulla alia in-
strumenta, & 45. 12. *Ego feci terram, & hominem super illa creavi ego,*
manus mea extenderunt cælum, & omnem exercitum illorum imperavi, & 18.
sic ait Jehova, Creator calorum, is est Deus, qui formavit terram, & fe-
cit illam. Ego sum Jehova, & nemo est præter me; ubi probat neminem
præter se esse *Jehovam*, ex eo quòd solus sit Creator, & cap. 40. 12. 13.
Quis mensus est pugillo suo aquas, & cælum spatiosa aptavit? & mensura-
vit tridenti pulverem terra, & appendit in libella montes, & colles in bilan-

Quæst. 11. *ce? & p. 28. An non audivisti, Deus seculi est Jehova, Creator finium terrarum non defatigabitur, Job. 9. 8. Qui extendit cælum solus, & calcit celsa maris, & passim alibi: Unde Creatoris nomen illi singulariter dari solet, tanquam proprium & incommunicabile, quod dici non posset, si vis creativa aliis posset communicari.*

IV. 2. Quia hoc caractere Deus ab idolis, & falsis Diis Gentium distinguitur, Jer. 10. 11. 12. *Dii illi, qui cælum & terram non fecerunt, pereant de terra, At Jehova Deus veritas, qui fecit terram viribus suis, & intelligentiâ suâ extendit cælum &c.* Et Psal. 96. 5. *Omnes Dii gentium sunt res nihili, sed Dominus fecit cælum.* Sic Isa. 37. 16. Ezechias Deum verum à falsis Diis omnibus hac nota secernit, quod fecerit *Cælum & Terram.* Nec tantum falsis Diis hoc denegatur, sed & omnibus creaturis, dum soli Deo tribuitur.

V. 3. Quia Creatio est opus infinitæ virtutis, quod proinde non potest peragi ab Ente finito, ne quidem per modum Organi physici, quod debet proportionatæ esse efficaciz ad effectum suum producendum, sed causam omnipotentem postulat. Esse autem infinitæ virtutis patet, tum ex eo quod solo nutu & verbo peragitur, tum ex eo quod per eam tolli debet distantia infinita inter Ens & nihil: Cum enim Ens & nihil immediatè & contradictoriè opponantur, & eâ distantia ab invicem removeantur, quâ major nec esse, nec concipi potest, debent distare in infinitum; non quidem *distantiâ perfectionis*, quomodo Deus distat in infinitum à Creaturis, & Ens infinitum longè magis distat à nihilo, quàm finitum, quod pauciores habet perfectiones; Sed *distantiâ negativâ & contradictionis*, juxta quam Ens finitum æquè distat à nihilo, ac infinitum, quia Ens finitum æquè est nonnihil seu aliquid, ac infinitum. Quod verò Deus non sit ex nihilo, nec possit relabi in nihilum, ut Creatura, id non pendet ex distantia negationis inter Ens & nihil, sed ex distantia infinita perfectionis inter Deum & Creaturas. Licet verò Creatura omnis sit finita; Non sequitur virtutem finitam posse sufficere ad eam producendam; Quia distinguenda est *res ipsa producta*, à *modo producendi*, substantia producta debet esse finita, quia nihil infinitum produci potest, sed modus producendi non definit esse infinitæ virtutis, quia omnipotentia requiritur ad creaturam ex nihilo educendam.

VI. 4. Quia omnis Creatura agit dependenter à subjecto, & subjectum requirit circa quod operetur. At hic nullum datur subjectum præexistens, cum creatio illud faciat & ponat, non supponat. 5. Causa omnis tam principalis quàm instrumentalis debet opus ipsum attingere, & propriam ac peculiarem vim habere, quâ agat saltem dispositivè ad effectum producendum: At nulla Creatura potest eò elevari, ut capax sit operis virtutis infinitæ,

finitæ, sive principaliter, sive instrumentaliter, & eâ effectiōe, quæ opus ipsum attingat, tum quia est actiō instantanea, adeoque præparationis non indigat, tum quia subiectum nullum habet, in quo ejus opera occupari queat. Q U Æ S T. II.

VII. Licet Creaturæ possint concurrere ad patratiōem Miraculorum; Non sequitur pariter concurrere posse ad Creationem; 1. quia in miraculis supponitur semper subiectum, circa quod instrumentum versari potuit, sed non in Creatione. 2. in miraculis patrands homines se habuerunt tantum *moraliter*, ut instrumenta moralia, ad quorum præsentiam Deus operabatur, sed non *physicè*, ita ut reali aliqua actione opus miraculosum attingerent; unde Apostoli negant se propriâ virtute miracula edere, sed virtute Christi tantum Act. 3. 12. quamvis enim effectus physici non possit esse causa moralis tantum, potest tamen esse aliqua causa moralis instrumentalis simul cum physica. Sed in creatione quæ fit momento, & in qua nullum supponitur subiectum, nulla potest dari causa instrumentalis, nec physica, nec moralis.

VIII. Deus creavit omnia per *Verbum*, non tanquam per modum instrumenti & causæ ministerialis, sed efficienter & principaliter per *Verbum personale*, Filium Dei æternum, ejusdem cum Patre essentia, qui ideo cum Patre & Spiritu S. unicam causam totalem creationis constituit, cujus ut eadem est natura, ita eadem est causalitas, & vis ἐνεργητικὴ, servato tamen ordine agendi, qui illis competit. Nec si Joh. 1. 3. omnia dicuntur facta διὰ λόγου, hoc magis causam instrumentalem notat, quàm cum omnia dicuntur esse δι' αὐτοῦ per ipsum, scil. Deum, Rom. 11. 36.

IX. Quamvis Deus non valeat communicare vim creativam creaturæ, non sequitur hoc impotentiam in Deo arguere, quia hoc non fit ex defectu virtutis, sed ex ejus perfectione, quæ non potest extendi ad contradictoria; Talis autem communicatio implicat, tum à parte Dei, qui gloriam suam alteri daret, tum à parte Creaturæ, quia sic esset Ens infinitum & omnipotens, id est, non Creatura.

X. Ejusdem est virtutis creare, & recreare, Et si virtus infinita requiritur ad creandum, non minor exigitur ad recreandum. Unde toties conversio nomine creationis exprimitur, & invicta Dei potentia in ea celebratur, Eph. 1. 19. 20. & 3. 16. 20. Nec si Deus per ministerium hominum, & præconium Verbi istam operatur, hoc fit per eos ut per causam physicam, sed tantum moralem; cum Spiritus S. efficacia sola hoc possit opus peragere.

QUESTIO III.

*An Mundus fuerit ab æterno, vel esse saltem
potuerit? Neg.*

1. *Quæstio
de actuali
æternitate
mundi con-
tra Philo-
sophos.*

I. **D**Uæ sunt Quæstionis partes. Altera, de *actuali Mundi æternitate*, An fuerit reipsa ab æterno; Altera de *possibili*, An potuerit saltem esse. Prima intercedit nobis cum veteribus Philosophis, qui mundi æternitatem asseruerunt, vel *materialiter* tantum, ut *Plato*, ratione materiæ, quam statuebat coæternam Deo, à quo figmento alieni non fuerunt Stoïci, duo principia rerum ponentes, *ὦν & ὕλην*, *mentem & materiam*. Vel etiam *formaliter*, ut *Aristoteles*, qui mundum etiam formaliter æternum asseruit, & ab æterno fuisse vices mutationum in generatione & corruptione pertendit, prout hodie cernuntur, lib. 8. *Physic.* Licet verò *Thomas* nimio Præceptoris amore conetur eum excusare, quasi non simpliciter eum senscrit Mundum esse æternum, sed tantum negarit, aut materiam primam, aut cælum fuisse per generationem producta, facile tamen ostendi potest, rationes quas affert eo tendere, ut contra Platonem Mundum initium nunquam habuisse probet: Ad eos accedunt hodie Pseudo-Christiani & Athei, qui Mundi, vel saltem Materiæ æternitatem adhuc tuentur.

2. *Quæstio
de possibili
æternitate
Mundi con-
tra Schola-
sticos.*

II. Altera Quæstio agitur inter *Scholasticos*, quorum plerique pugnant pro possibili æternitate mundi, ut *Thomas* 1. q. 46. art. 1. *Cajetanus*, *Durandus*, *Occamus*, *Biel*, *Capreolus*, *Pererius*, & alii, quorum quidam rursus hoc referunt ad sola Entia incorruptibilia, alii verò ad omnes omnino Creaturas extendunt. Licet non pauci sint pro negativa, ut *Bonaventura*, *Albertus Magnus*, *Toletus*, *Gandavensis*, & alii, qui novitatem Mundi esse de ratione creationis asserunt, atque adeò Mundum ab æterno produci potuisse negant: quos sequuntur hic Orthodoxi, qui & actualem & possibilem Mundi æternitatem negant, & Mundum in temporis principio tantum à Deo creatum pertendunt.

*Mundum
non fuisse
ab æterno
probatum.
Heb. 1. 1.*

III. Rationes sunt, 1. Contra actualem æternitatem Mundi *Scriptura* vox, quæ *Deum in principio cælum & terram creasse* statuit Gen. 1. 1. quod verò in principio factum, non potest dici fuisse ab æterno; Neque hic opponi debet Targum Hierosolymitanum, quod vertit *בראשית* per *בחינה* in *Sapientia*, quia Deus Proverb. 3. 19. *In Sapientia*, dicitur *fundasse terram*. Vel ut innuatur Filius Sapientia Patris, ut Creationis author, quod non paucis placuit, teste *Hiero.* Quæstion. Hebraic. in Genesim. Nam licet hoc

hoc verum sit; non potest tamen convenire huic loco, nec vox ראשית hoc interpretamentum potest ferre, quæ non ad aliud commodè quàm ad *principium temporis*, & *rerum creatarum* potest referri, ut exponit Johan. cap. 1. 1. ἐν ἀρχῇ ἢ ὁ Λόγος, & Paulus Hebr. 1. 10. κατ' ἀρχαίς fundasti terram, & 2. Petr. 3. 4. ἀπὸ ἀρχῆς κόσμου, unde Onkelos reddit בקרית in initiis, & R. D. K. ראשית vertit per בתחלה in initio, & Magistri Judæorum interpretantur apud Salom. Jarch. ראשית תכלית in principio universi. Dicitur autem creatio facta in *principio*, non *præexistente*, quasi principium temporis jam ante esset; sed *coexistente*, quia cum prima creatura, ejusdem etiam duratio, seu tempus concreatum fuit, quod Aug. in Gen. cont. Manich. lib. 1. c. 3. rectè exponit, *Etsi in principio temporis Deum fecisse cælum & terram credamus, debemus utique intelligere, quòd ante principium temporis non erat tempus. Deus enim fecit & tempora. Et ideo antequam faceret tempora, non erant tempora, &c. Et si tempus cum cælo & terrâ esse cepit, non potest inveniri tempus, quo Deus nondum fecerat cælum & terram.*

IV. Eò pertinent loca illa varia Scripturæ, quæ Mundi productionem asserunt, Ps. 33. 6. Jo. 1. 3. Hebr. 1. 2. Jer. 10. 11. 12. &c. & quæ Dei existentiam æternam, ut & Decreti ejus prædicant, ex eo quòd ante cæli & terræ foundationem fuisse dicuntur, Ps. 90. 2. Prov. 8. 22. 23. Ephes. 1. 4. Matth. 25. 34. 2. Timoth. 1. 9. Cùm enim omnis productio rerum ad extra inferat novitatem essendi, quia quicquid producit, prius non esse debuit antequam fieret; Et quòd æternum est, nihil habeat se prius: Hinc necessariò evincitur, mundum non esse æternum, sed in tempore demum factum. Sed quia, qui pro Mundi æternitate pugnant, Scripturam non agnoscunt, consulenda est etiam ipsa *Natura*, & sanatio, quæ Mundi novitatem pluribus argumentis adstruit.

V. Primò Ex *causarum subordinatione*, in quibus non potest dari progressus in infinitum, sed necessariò ad primam deveniendum, quæ cæteris initium dederit, ut antè evictum est, L. 3. Q. 1. th. 6. 2. Ex *novitate motus & temporis*: Nam cùm nec motus, nec tempus ab æterno esse potuerint, sed necessariò sui quoddam initium habeant, hinc patet, Mundum, qui est in perpetuo motu, & cujus duratio tempore mensuratur, ab æterno esse non potuisse, sed aliquod initium habere. Tempus autem & motum æternum esse non posse, & jam supra probatum variis rationibus loco citato Lo. 3. Et exinde etiam colligitur certissimè, quòd utrumque successionem prioris & posterioris necessariò postulat, quòd in æternitate locum habere non potest. Rursus si motus, qui in Sole datur, fuit ab æterno, Sol debuit esse ab æterno, vel in aliquo Zodiaci signo, vel in omnibus simul; Sed neutrum dici potest; Non prius, quia sequeretur per totam æternitatem unum tantum

Quæst.
III. 2

aut alterum signum, id est, spatium finitum, quod unico mense percurrit; infinitâ duratione peragrassè; quod est *αἰώνιον*; Non posterius, quia necesse foret, Solem esse simul in omnibus Zodiaci signis, aliàs fuisset in uno priùs quàm in alio, quod æternitati repugnat. Sed implicat Solem per Zodiacum moveri, id est, ab uno signo ad aliud transire, & esse tamen in omnibus signis. Idem de mutationibus variis dici potest, quæ in Terra, & rebus omnibus sublunaribus, adeoque hominibus ipsis observantur, quæ non possunt dici æternæ, sed principium aliquod necessariò postulant.

VI. Tertiò ex *novitate Historiarum, & Scientiarum, ac Artium*. Nam profanæ historiæ vetustissimæ non altiùs fermè ascendunt quàm ad bellum Trojanum, id est, ad ter mille circiter annos, quia à diruta Troja ad fundatam Romam fluxerunt 730. à Roma fundata usque ad Christum 750. & à Christo ad nos 1678. Historia verò sacra à Mose conscripta, non ascendit adhuc ad sex millia annorum; At si homines ab æterno fuissent, non sit verisimile nullas futuras fuisse historias, nisi à quinque aut sex mille annis: Cur enim altum illud silentium à retroactò tempore? aut cur potiùs tunc cœpta fuit historia, quàm ante? hoc movit *Lucretium* licèt Epicureum & Dei contemptorem, ut novitatem Mundi agnosceret lib. 5.

*Præterea si nulla fuis genitalis origo
Terrarum & Cæli, semperque æterna fuère,
Cur supra bellum Thebanum, & funera Troja,
Non alias alii quoque res cecinere Poëta?
Quò tot facta virum toties cecidère, nec usque
Æternis fama monumentis insita florent?
Verùm, ut opinor, habet novitatem summa, recensque,
Natura est mundi, neque pridem exordia cæpit,
Quare etiam quadam nunc artes expoliuntur,
Nunc etiam augescunt &c.*

Et *Macrobius* his attentè consideratis, *Quis dubitet*, inquit, *quin mundus recens ac novus sit, cum Historia Græca bis mille annorum historiam vix contineat*. Si qui verò Populi Annales suos ulteriùs extendunt, vel meræ sunt fabulæ, & mentientis famæ ludibria, vel anni menstrui, vel quadrimestres, non verò Solares intelliguntur. Hoc *Diodorus* libro 1. observat de Chaldæis, qui authore Cicerone puerorum genses se observasse gloriantur 43000. ante Alexandrum annis, annos Lunares scilicet intelligere, id est, menses; *Porphyrus* ipse, testis in hac causa omni exceptione major, qui viderat observationes illas Chaldæorum, quas Alexandri tempore Callisthenes ex Babylone in Græciam miserat, mille tantùm & nongentorum annorum fuisse scribit. Idem de *Artibus & Scientiis* dici debet; Nam constat earum primordia non protendi ultra aliquot annorum ad summum millia, ut ex eorum inventoribus patet, quo-

quorum seriem Plinius, æternitatis tamen mundi assertor parum sibi constans, refert lib. 7. & 8. Quis verò crediderit homines ab æterno fuisse, & vel nihil tale excogitasse, vel si excogitarunt, ad posteros non transmisisse? vel si transmittere voluerunt, ita tamen intercidisse, ut nihil ad eos penitus transierit?

QUÆST.
III.

VII. Quartò à *Consensu Gentium, & Sapientum mundi*, quibus saltem plerisque non ignota fuit mundi productio. Licet autem non potuerint eò assurgere, ut Creationem ex nihilo per Verbum agnoscerent, quod Paulus testatur demum fide percipi Hebr. 11. 3. *Fide credimus compacta esse secula Verbo Dei, ut quæ videntur non sint ex apparentibus facta.* Et si quæ eò pertinentia leguntur apud Platonem, Mercurium Trismegi. & alios saniores, ea non ex lumine naturæ simpliciter habuerunt, sed ex testimoniis Chaldaeorum & Ægyptiorum, qui ea à Mose & Israëlitis acceperant. Constat tamen apud ipsos pro certo traditum Mundum aliquod initium habuisse. Testimonia *Mercurii Trismeg., Orpei, Pythagoræ, Platonis, Procli, Homeri, Hesiodi, & aliorum*, quæ brevitatis studio omittimus videri possunt apud *Plessæ. de verit. Relig. Christ. c. 9. & Zanch. lib. 1. c. 3.*

VIII. Ut autem Mundus æternus non fuit; Ita nec esse potuit, quicquid *Mundum æternum esse non potuisse probatur.* Scholastici garriant. Impossibilitas se tenet tum ex parte *Dei*, tum ex parte *Creationis*, tum ex parte *Creaturæ*. Primò ex parte *Dei*, Quia Deus non potest producere aliquid sibi coæternum, aliàs duo essent æterna, & sic æternitas attributum incommunicabile Dei ex Scriptura communicaretur creaturæ. 2. Quia causa debet esse prior suo effectu; nec effectum potest esse coævum causæ suæ. Frustra hîc obtenditur, Vel *generatio æterna Filii*, quæ non obstat quominus sit coæternus Patri; quia longissimè differt creatio ab ista generatione. Hæc actio est Dei ad intra quæ reddit Filium ὁμοῦσιον Patri per communicationem ejusdem numero essentia; Illa verò est actio transiens extra Deum in Creaturam, quæ diversissimam naturam in ipsa producit. Vel *emanatio radiorum Solis*, qui sunt coævi Soli; Quia alia est ratio *agentium per emanationem*, alia *agentium per transmutationem*; alia *agentium, naturalium*, alia *liberorum*, in illis effectus possunt esse coævi causæ, sed non in istis; Solis radii emanant naturaliter à Sole, & sunt ejusdem cum eo naturæ; Sed creaturæ liberè à Deo producuntur, & sunt diversissimæ ab ipso.

IX. Secundò repugnat à *parte Creationis*, quia cùm creatio sit ex nihilo, in qua res transit à non esse ad esse, necessariò infert novitatem essendi, quia res debet concipi non fuisse, priusquam producta fuerit; atque ita æterna esse non potuit. Nec juvat dicere per τὸ *ex nihilo* notari tantum *negationem materiae*, seu independentiam à subjecto, cùm notet etiam *nihilum termini*, ut res creata aliquando non fuerit, & postea esse creperit.

X. Tertiò impossibilitas illa se tenet à *parte Creaturæ*, 1. quia quod habet esse, & durationem successivam & finitam, illi repugnat æternitas: At

Q U Æ S T. III. omnis Creatura quâ talis habet esse, & durationem successivam & finitam, nec potest concipi aliter; Ergo. 2. si Creatura æterna esset, deberet existere, vel Dei, vel suâ propriâ æternitate; Si posterius, duo essent æterna, duo infinita, Deique & creaturæ duratio esset æqualis, & erit æternitas extra Deum, cui coexistet. Si prius, creaturarum existentia erit existentia Dei; cùm æternitas Dei non differat ab ejus existentia; atque ita Dei æternitas & infinitas erit communis creaturæ, quod *αὐτὸν, αὐτὴν*. Imò creata æternitas dicit contradictionem in adjecto, ut finita infinitudo. Denique de ratione formali creaturæ est, ut dependeat essentialiter à Deo, & ut principium habeat suæ existentia. At quod dependet ab alio, id posterius ipso est, & sic æternum esse nequit, *ubi quid principium statuis habere sui esse, negas esse eo ipso æternum*, ut ait *Lactan.* instit. lib. 7. c. 1.

Fontes
Solutio-
num.

XI. Agens æternum quod agit extra se in aliud, requirit patiens coæternum; sed Deus non est agens æternum hoc sensu, quia demum in tempore cœpit extra se agere. Nec si dicitur *purus actus*, quia fuit semper actuosus in se, & expers omnis potentia passivæ, quæ est radix mutationis, sequitur extra se semper egisse.

XII. Aliud est esse causam sufficientem *actu*, Aliud verò *in actu*: Deus fuit causa sufficiens actu ab æterno, quia semper fuit & semper voluit creare mundum, sed non fuit ab æterno in actu, quia non voluit creare ab æterno, sed tantum in tempore.

XIII. Licet Deus ab æterno non creavit, non propterea mutatus est à potentia ad actum, & ab otio ad negotium; quia alia est ratio agentium, quæ sola volitione agunt, & eorum in quibus præter volitionem requiritur operosa molitio. Ista quum opus producant, transeunt re vera à potentia ad actum, à volitione ad effectum: sed aliter se res habet in illis, quæ merâ agunt volitione, ut Deus, qui ut voluit existentiam mundi in tempore, sic eam voluit ab æterno. Atque ita mutatio quædam facta est in mundo, qui transiit à non esse ad esse, sed non in Deo, qui idem in se manens per volitionem suam practicam rem extra se produxit ex nihilo.

XIV. Ut Deus nunquam fuit sine sua omnipotentia; Ita nunquam fuit sine potentia creandi mundum, sed non potuit ab æterno exercere actum illius potentia, sed tantum in tempore; non ex defectu potentia in Deo, sed ex impossibilitate Creaturæ cum æternitate. Ita nunquam fuit Deus quin potuerit creare mundum, sed eo demum tempore, quo creari potuit, non verò ante.

XV. Alia est possibilitas quæ se tenet ex parte potentia passivæ, quæ est in re producenda; Alia verò quæ se tenet ex parte potentia activæ agentis; Mundus fuit possibilis ab æterno, non secundum *potentiam passivam* subjecti, sed secundum *potentiam activam Dei*: Nam possibilitas ista non fundatur in potentia aliqua, quæ sit à parte rei producenda; sed à parte Dei, in vir-

tute

tute producentis, quia Deus potuit illum producere in certo tempore. Quæst. III.

XVI. Positâ actione secundum se totam, ponitur statim effectus; sed Creatio posita non fuit ab æterno secundum se totam; licet fuerit quoad principium, non fuit tamen quoad terminum; licet fuerit actio interna & immanens in Deo, non fuit actio externa transiens in Creaturam.

XVII. Cum ante principium temporis, quo mundus creatus est, nihil aliud sit quàm æternitas, propriè non potest dici, quòd Deus potuerit citiùs mundum creare quàm creavit, quia *non citiùs*, vel *seriùs* sunt notæ temporis, quæ in æternitate non dantur; Interim si citiùs, vel seriùs referatur ad ipsam mundi durationem, potuit ille in æternitatis puncto, quod omnes temporum differentias etiam possibiles complectitur, citiùs vel seriùs creari: Ita ut duratio mundi esset plurium multò seculorum, ac de facto fuit: ut à principio mundi ad præsentem nostram ætatem fluxissent, non quinque modò, aut sex millia annorum, sed septem vel novem; Nec tamen inde bene colligas potuisse ergo mundum ab æterno creari: Quia non valet consequentia à longiori duratione finitâ & limitatâ, in qua concipimus Deum potuisse creare mundum, ad durationem æternam & infinitam, quæ est *ἀσύντακτος* & respectu mundi.

XVIII. Quod est ingenitum, nunquam incepit esse per generationem, sed potest incepisse per Creationem. Materia talis est, quæ non est genita, sed creata.

XIX. Quum dicimus mundum factum *in tempore*, hoc non intelligimus *ἀνεξαρτήτως*, quali propriè dictum tempus fuerit ante mundum, in quo creatus esset; sed phrasis ista populariter est intelligenda ut æternitati opponatur, & nihil aliud innuatur, quàm mundum non esse æternum, sed principium durationis accepisse; ita ut ante illud momentum, nihil aliud concipiatur fuisse quàm æternitas.

XX. Licet melius sit nunc mundum existere, quàm non existire, non tamen melius fuit ab æterno illum existere, quia de eo quod melius est, vel pejus, non determinandum est ex rationis nostræ lumine, sed ex voluntate Dei nobis in Verbo revelata, juxta quam constat non modò non melius esse, id est, convenientius mundum esse ab æterno, quia sic creatura æquaretur Creatori: Sed ne quidem possibile fuisse propter multiplicem rei repugnantiam.

QUÆSTIO IV.

*Quà Anni tempestate Mundus conditus sit? An Vere,
An Autumno?*

I. **L**icet Quæstio ista magis Chronologica sit quàm Theologica, atque adeò inter Problematicas rectè referatur, quia tamen suum etiam usum habet in sacris, hinc non est omittenda.

QUEST. II. In confesso est apud omnes Solem à Deo fuisse creatum in aliqua parte fixâ & statâ Zodiaci, id est, vel in uno Æquinoctiorum, seu Verno, seu Autumnali, vel in uno Solstitiorum, seu Hyberno, seu Æstivo: Quamvis enim in circulo & motibus Planetarum circularibus, nullum sit propriè principium, nec finis, nec medium, nec quidquam statum aut fixum; tamen relatione ad certas terræ partes & incolas, prædictæ Zodiaci partes rectè notantur ut statæ & fixæ ad varios usus in vita humana.

III. Hinc factum, ut diversæ fuerint de Anni tempestate, quâ Mundus creatus est Doctorum sententiæ; Aliis ad Solstitium æstivum, Aliis verò ad Æquinoctia creationem Mundi referentibus. Pro Solstitio æstivo pugnat *Gherardus Mercator*, & pauci cum ipso: Sed tota natio Chronologorum stat pro Æquinoctiis, si non pro punctis, saltem pro tempestatibus, multi pro Vere; sed plures & potiores pro Autumno, ut *Scaliger*, *Calvisius*, *Vsserius*, *Torniellus*, *Petavius* & alii, quos nos sequimur, his potissimum nixi argumentis.

Mundum
Autumno
conditum
esse proba-
tur.

Exod. 23.
16.

IV. 1. Quia extra dubium videtur Mundum creatum esse eo anni tempore, quo Israëlitarum annum suum civilem incipiebant, dum essent in Ægypto; eam enim proculdubio temporum rationem secuti sunt, quam à Patribus suis acceperant, & hi à suis majoribus Semo, Noacho, aliisque Patriarchis usque ad Adamum edocti sunt. At ipsos inchoasse non à Vere, sed ab Autumno colligitur, tum ex Exod. 23. 16. ubi festum collectionis omnium frugum ex agris dicitur celebrari *בצאת חשנה* in exitu anni, & c. 34. 22. ubi festum Tabernaculorum vocatur solemnitas, quæ debet celebrari septimo mense *בתקופת השנה* in revolutione anni, seu anno vertente, ut mensis ille Tisri, qui respondet Septembri, vel Octobri nostro dicatur annum claudere & aperire. Nec obstat quòd vocetur *mensis septimus*, quia constat hoc dici relatè ad annum sacrum, non civilem: Nam duplicem apud Judæos computum anni fuisse certum, alium qui rebus civilibus, alium qui rebus sacris destinaretur; Tisri qui primus fuit anni civilis mensis, factus est demum septimus anni sacri, ex quo Deus in memoriam liberationis Ægyptiacæ, voluit mensem *Nisan*, qui & Hebraicè *Abib*, qui Martio & Aprili nostro respondet, esse principium mensium anni scilicet sacri, ut colligitur ex Exod. 12. 1. *Hic mensis erit vobis principium mensium, primus erit in mensibus anni*, quod intelligendum tantum respectu anni sacri, & eorum omnium quæ ad rem divinam pertinent; Nam quoad res civiles & politicas, mensis Tisri mansit semper primus, & ab eo anni initium computabatur, quod *Iosephus* lib. 1. Antiq. c. 4. explicat, *Moses*, inquit, *Nisan*, qui est *Xanthicus*, mensem primum in suis fastis ordinavit, quod per hunc Hebræos ex Ægypto eduxisset, eundem etiam omnium quæ ad rem divinam pertinent, exordium fecit: alioqui quod ad nundinationes rerum venalium, re-

liquamque dispensationem anni attinet, nihil de pristino ritu innovavit. QUEST. IV.

V. 2. Confirmatur ex Tempore immissi Diluvii, quod dicitur contigisse secundo mense, Gen. 7. 11. Cum enim verosimillimum omnino sit illud immissum esse eâ tempestate, quæ idonea erat inundationibus, potius quàm eâ, quæ commoda erat siccandæ terræ, & arcendis imbribus, ad ineuntem hyemem referri debet potius, quàm ad tempus Vernum, ut secundus mensis ab Æquinoctio autumnali sit computandus, & ad Novembrem referatur, non verò à Verno, juxta quod diluvium incepisset circa Vernum, auctum fuisset æstate, & finitum mediâ hyeme.

VI. 3. Eâ anni tempestate Mundus creari debuit, quâ anni Sabbathici & Jubilæi Judæorum incepterunt, quæ fuit autumnalis. Nam & anni Sabbathici, qui septimo quoque anno, & Jubilæi qui quinquagesimi erant post septies septenos, Autumno post collectas fruges inchoabantur; unde Levi. 25. 9. clangor tubæ Jubilæi institutus est die decimo mensis Tisri. Eò pertinet, quòd Festum Tubarum cum pluribus aliis hoc mense celebraretur, quod non alia de causa factum videtur, quàm quia tunc recolebant memoriam Creationis, quæ in id tempus inciderat.

VII. 4. Ejus sententiæ supersunt adhuc vestigia in Synagogis Judæorum vetustissimi instituti; Nam in Sabbatho quod postremum est in mense Tisri, incipit Lectionarium Judaicum, cujus Caput primum quod פֶּרֶשֶׁה vocant, est initium Libri Geneseos, tum quòd eo tempore ipsis annus inciperet, tum quòd ipsi crederent, mundum eâ tempestate creatum. Hinc Chaldaus Paraph. in 1. Reg. 8. 2. dum loquitur de Encæniis Templi à Solomone ædificati, quæ festo tabernaculorum celebravit in mense Ethanim, sic ait, *In mense Ethanim, qui antiquitus ante Mosem dicebatur primus, nunc autem septimus.* Huc facit quòd Ægyptii, Persæ, & alii Orientales annum suum etiamnum hodie ab Autumno inchoant.

VIII. 5. Conveniens fuit Mundum condi eâ anni tempestate, quâ potuit maximè utilis esse homini propter quem condebatur, suppeditando illi & cæteris animantibus, quæ necessaria erant ad victum & sustentationem; nulla verò ad id commodior fuit autumnali, quâ arbores onerantur fructibus, & plantæ seminibus suis sunt gravidæ, quæ alias generare possint. Unde licet Ver amœnitate cæteris anni tempestatibus præstet, Autumnus utilitate illud superat. Rursus, ut Deus hominem & cætera animalia in statu perfecto creare voluit, idem etiam fecisse censendus est respectu plantarum & arborum, quod Autumno potius convenire, quàm Veri nemo non videt.

IX. Quum Mundum Autumno conditum dicimus, hoc non intelligendum est de qualibet orbis parte, fieri enim non potest, ut ubique terrarum uno eodemque tempore fuerit Ver, aut Autumnus: *Æstas, aut Hyems:* Fontes Solutio-
num.

Quæst.
IV:

Hyems, quia tempestates aliter se habent, pro ratione hemisphæriorum, & climatum, ut quando in Antarcticis regionibus Æstas est, in Arcticis est Hyems, & ubi Sol incipit se elongare ab Antarcticis plagis, & appropinquare Arcticis, in illis Autumnum, in istis Ver facit. Sed hoc accipiendum est de illa orbis parte, in qua Adam formatus est, vel pro ratione hemisphærii nostri, in quo Moses descripsit Creationis historiam; quippe Sol debuit cursum suum incipere ab aliquo ex duodecim Signis Zodiaci, vel ab Ariete Vere, vel à Librâ Autumno.

X. Licet Ver habeat imaginem nascentis Mundi, & ejus referat infantiam; non inde bene colligitur Vere conditum fuisse, quia ut Dei opera sunt perfecta, creari debuit in statu perfecto, atque adeò non modò ut nascens, sed ut partibus suis omnibus absolutus; potest ergo dici imago nascentis mundi in natura constituta, & in via ordinaria generationis, sed non in via extraordinaria Creationis, & in naturâ constituendâ.

XI. Quod Deus jubet Terram germinare herbas & gramina, non evincit necessariò hoc Vere factum esse; nam & arbores fructiferæ jussæ sunt fructus ferre secundùm speciem suam, quod commodius fieri non potuit quàm Autumno; Et si absurdum est Terram germinare in Autumno, quod tamen sæpe fit; absurdus est arbores quaslibet fructus ferre, quos Autumno demum debuerunt producere.

XII. Non negandum est plerosque Veterum retulisse orginem Mundi ad Vernal tempus, quò respiciunt illa *Virgilii* 2. *Georgic.*

*Non alios prima nascentis origine mundi,
Illuxisse dies, aliumve habuisse tenorem
Crediderim; Ver illud erat, Ver magnus agebat
Orbis, & Hybernis parcebant flatibus Euri.*

Ita Astrologi communiter cœlestium motuum initia à primo Arietis puncto inchoarunt. Scaliger ipse fatetur præfat. in Euseb. Veteres magnum honorem habuisse diei 25. Aprilis, in quo Mundum conditum, Christum conceptum, & passum putabant. Ideoque diem hunc *πρωτόκτισεν ἡμέραν* vocabant, quòd ab ea crederent incepisse primum Æquinoctium: Sed si expendantur fundamenta quibus nituntur, patebit hanc opinionem multitudinem Authorum potiùs se commendare, quàm rationum pondere.

QUÆSTIO V.

QUÆST.
V.

*An Mundus unico momento creatus sit, An verò sex diebus?
Et An opera singula cujusque hexaemeri absque motu &
successione temporis creata sint, An verò uniuscujusque
productioni integrum diem Deus impenderit?*

I. **C**reationem, non sex dierum intervallo, sed unico momento factam esse censuit *Augustinus* super Genes. l. i. c. 15. & lib. 11. de C. D. c. 9. & cum eo varii ex Veteribus, quos *Cajetanus* sequitur, *Mundus non unico momento est creatus.* ut quæ *Moses* de sex diebus refert, allegoricè sint intelligenda de cognitionibus Angelicis, quasi omnia idcirco creata dicantur sex diebus, quia totidem notitiis intellectui Angelorum fuerunt repræsentata, ita ut unaquæque cognitio Angelica dies appelletur, & habere dicatur manè & vespere, unde orta videtur distinctio cognitionis Angelicæ in *matutinam*, & *vespertinam*.

II. Sed huic sententiæ obstat, 1. narratio *Mosis* simplex & historica, *Sed sex diebus.* quæ sex dies memorat, & singulis diebus proprium opus adscribit. 2. quòd terra dicitur fuisse inanis & vacua, & tenebræ super superficiem abyssi, quod dici non potuisset, si omnia uno momento consummata fuissent. 3. quòd in quarto præcepto ad sanctificationem diei septimi commendandam dicitur Deus creasse sex diebus, & septimo quievisse, ut eo exemplo populus ad quietem septimo die agendam moveretur, quæ ratio nullius essent momenti, si Deus omnia unico momento creasset. 4. quòd nulla ratio posset reddi ordinis quem secutus est *Moses* in narratione sua, si successivè non facta sunt omnia.

III. Quum *Syracides* c. 18. 1. Deum omnia creasse *ἅμα* dicit, non de simultate temporis loquitur, quasi omnia simul creavit, quod perperam *Syracides* 18. 1. Vulgatus ita exposuit, sed de collectione omnium creaturarum intelligendus est, quæ pariter & communiter à Deo conditæ sunt, ut nihil sit quod à Deo creatum non sit.

IV. Quamvis autem Deus potuisset omnia momento creare, voluit tamen aliquod in operibus suis perficiendis spatium interponere, 1. ut libertatem suam testaretur, 2. ut sapientiam, potentiam, & bonitatem suam in magnifico hoc opere per partes distinctius explicaret, & rerum connexionem, dependentiam, & ordinem inter se clariùs indicaret, 3. ut nos ad distinctam contemplationem operum divinorum excitaret, 4. ut hominem exemplo suo doceret, sex diebus illi laborandum esse, & septimo quiescendum, & cultui divino vacandum in Creationis memoriam.

Quæst.
V.
Opus cu-
jusque diei
momento
factum.

V. Licet verò plures dies infumere voluerit in opere Creationis; Non in-
de tamen potest inferri, quod quidam vellent, in operibus singulorum die-
rum, Deum integrum diem impendisse, atque adeo ea successivè produxis-
se. Quia Scriptura testatur ad Dei nutum & imperium res ilico extitisse, nec
ullam moram temporis intercessisse inter mandatum & executionem, quia
nihil illi resistere potuit, Deusque non magis indiguit tempore ad res pro-
ducendas, quàm ad præcipiendum illis ut existerent, *Dixit & facta sunt*,
Psalm. 33. 9. Unde *Ambrosi.* hexaemeri lib. 1. c. 12. ad illa verba Fiat Lux,
*Non ideo dixit ut sequeretur operatio, sed dicto absolvit negotium, unde pul-
chrè Davidicum illud, Dixit & facta sunt, quia dictum implevit effectus.*

VI. 2. Si Resurrectio fit momento ἐν ἀπαιμα, ἐν ῥιπῇ ὀφθαλμοῦ, 1. Cor.
15. 52. quidni & Creatio? Si Satan potuit omnia mundi regna ἐν σιγῇ
ῥεῖν, Luc. 4. 5. Christo ostendere, quidni & illa Deus creare? Si miracula
varia momento facta sunt, cur non & Creatio? Et tam facilè Deus potuit
momento creare Lucem, Solem, Sidera, & plantas, ac Angelos & animam
Adami, solo nempe suo jussu & imperio; Nec aliter fieri potuit, quia eo
momento quo nihil defuit, aliquid incepit esse, & quo Lux extitit, tenebræ
evanuerunt.

Fontes
Solutio-
nem.

VII. Aliud est dicere tempus in quo res producuntur esse successivum,
Aliud ipsam productionem esse successivam; productionis modus potuit es-
se momentaneus, sed non modus existentiae in tempore.

VIII. Licet singulis diebus suum opus distinctum assignetur, non se-
quitur totam diem cuique operi expoliendo fuisse impendendam; aut Deum
eo temporis intervallo indiguisse ad hoc peragendum; sed quòd singulis illis
diebus distinctis nihil præterea Deus produxerit, aliàs, si totum primum
diem impendisset creationi lucis, absolvisset demum illam sub initium no-
ctis sequentis, quod est absurdum.

IX. Quum Deus dicatur septimo die absolutâ creatione quievissè, quia
cessavit à creanda omni nova specie, non potuit dici hoc sensu quievissè ullâ
die hexaemeri, cum earum qualibet aliquid operatus sit, & creavit, quod
pertinebat ad complementum Universi.

X. Licet varia opera sextæ diei commemorentur, quæ non potuerunt si-
mul fieri; non obstat quominus unumquodque momento fuerit absolu-
tum: Sic Adami corpus momento Deus creavit ex pulvere terræ, mo-
mento altero animam ei inspiravit, momento somnum illi indidit, & co-
stam illi revulsi, ex quo, momento altero Evam formavit. Ipsæ quoque
bestiæ momento acceperunt impetum veniendi ad Adamum licet ex illo
impetu successivè ad eum processerit.

XI. Ad aquarum separationem non opus fuit magno temporis inter-
vallo: nam ut Deus momento effecit, ut terra sive arida, aquis quibus cin-

gebatur undique superemineret, ita eodem momento indidit motum aquis, per quem cæperunt confluere & moveri ad cavernas & meatus subterraneos, qui parati erant ad eas excipiendas, qui licet successivus fuerit, momento tamen à Deo illis impressus est jussu & imperio suo.

XII. Quum res momento creatæ dicuntur, non tam intelligitur *momentum mathematicum*, quàm *physicum*, id est, brevissimum quod dari potest tempus.

XIII. Si Creatio immediata operum primæ diei est momentanea, talis debet esse mediata operum cujusque diei productio; quia non potest concipi minùs ductile fuisse in manu Dei nihil secundum quid, & materiam inhabilem, quàm nihil absolutum, ut ex isto potuerit creari momento, & sine mora materia, ex illo verò nihil potuerit fieri, nisi cum mora & successione temporis.

QUÆSTIO VI.

Quo ordine Opera Creationis in Hexaemero à Deo producta sunt?

I. **O**pera Creationis, vel in genere & *collectè* ac *aggregativè* spectari possunt, & per *Mundum* seu τὸ πᾶν *Universum* solent exprimi; vel in *specie* & *distributivè* ratione productionis variarum ejus partium in sextiduo Creationis, in qua primùm earum *creatio*, deinde *distinctio*, postremò *ornatus* proponitur.

II. In iis verò omnibus Deus *Potentiam* suam in productione rerum omnium, tam magnarum quàm parvarum ex nihilo per solum verbum; *Sapientiam* in varietate, ordine, ac usu earum; *Bonitatem* in sui communicatione, per quam omnia fecit valde bona, luculenter demonstravit: Ut adhibuit *jussionem*, & mandatum, quod potenter res efficeret, *approbationem* quæ rei productæ per bonitatem benediceret, *ordinationem* quæ sapienter omnia dirigeret, & usum suum singulis assignaret, & *sanctionem* quæ constanter legibus semel positis illa subjiceret.

III. Opera primi dei recensentur tria, *Cælum*, *Terra*, & *Lux* illa juxta Opera prima Genesis verba, *In principio creavit Deus Cælum, & Terram*; Licet enim quidam hæc velint proleptice dici per propositionem generalem, quæ universæ Creationis compendium & summarium ob oculos ponat, quam postea sigillatim & distinctè per singulos dies explicet, quam sententiam sequitur *Chrysostomus*, & post eum non pauci: Satiùs tamen videtur, & *Mosaicæ* narrationi convenientius, ut describatur hoc primo versu initium

Q U Æ S T.
VI.

Creationis per productionem duarum partium generalium Mundi, Cœli scilicet & Terræ, quam sequitur postea descriptio particularium, quæ cœlo & terrâ continentur, & quæ in sequentibus diebus distinctè à Deo productæ sunt. Et hoc non obscurè colligitur ex versu 2. ubi additur, *Et terra erat inanis & vacua*, quod dici non potuisset, nisi terra jam creata supponeretur v. 1. aliàs, vel ea à Deo ante hexaemeron creata statueretur, vel increata & coæterna Deo fingetur: Quò videntur inclinare non obscurè Sociniani, dum creationis ipsius materiæ in hexaemero Mosis nullam mentionem fieri per-tendunt, ut hac ratione eò faciliùs argumentum, quod petimus ad asserendam Divinitatem Christi, ex existentia ejus ante creationem mundi, enervent. Unde *Volkeli*. lib. 4. c. 4. expressè dicit, *de Terra & Aqua creatione nihil dixisse Moysen, nec sacras Literas alibi, nec male facere eos, qui sententiam hæc de re suam vel suspendunt, non audentes definire id quod Scriptura non definierunt, vel id quod rationi maximè consentaneum videtur ita sequuntur, ut aliis ambigendi, vel dissentiendi relinquunt libertatem*. Quæ non aliò spectare, quàm ad infirmendam Creationem mundi ex nihilo, judicare cuivis proclive est.

Quid per
Cælum no-
tetur?

Tum athe-
reum,

Tum supre-
mum.

Si b quo
de geli
cremen-
tur.

IV. Rectiùs ergo per *Cælum & Terram* intelligitur universa Mundi hu-jus machina, sed ornatus suo, splendore, & perfectione adhuc destituta, quam recipere postea debuit in particularium operum distincta creatione per sexti-
dui spatium facta. Et per *Cælum* quidem non modò *Cælum æthereum* notatur astris adhuc destitutum, sed præcipuè *Cælum supremum*, Empyræum dictum, quod aliàs *Cælum calorum*, 1. Reg. 8. 27. & *tertium cælum*, 2. Cor. 12. 2. & metaphoricè *Paradisus* Luc. 23. 43. vocatur, cujus Deus dicitur *ἐν τοῖς οὐρανοῖς* & *πνεύματος* Hebr. 11. 10. quod est quoad *substantiam* subtilissimum, quoad *qualitatem* lucidissimum, quoad *durationem* indefectibile ab intrinseco, quoad *situm*, supra omnes cœlos aspectabiles constitutum, 1. Tim. 6. 16. Apoc. 21. 10. Johan. 14. 3. Eph. 4. 10. Unde Deus habitans in cœlo dicitur habitare in excelsis, altissimè Deut. 4. 39. Ps. 102. 20. Luc. 2. 14. & 24. 49. Jacob. 1. 17. & Christus ascendens in cœlum dicitur in altum & sublime supra omnes cœlos ascendisse Ps. 68. 19. Eph. 4. 8. 10. Heb. 7. 26. Quod op-
ponendum Lutheranis, qui cœlum istud volunt esse increatum, & illocale & incorporeum fingunt, & quod sit ubique, ut argumentum ab ascensione Christi in cœlum petunt adversus Ubiquitatem Corporis Christi, elevent.

V. Sub Cœlo isto supremo *Angelos* ejus incolas comprehendi censemus, quorum creationem, licet Moyses sensibilem & visibilem descriptioni magis inhærens, non commemoret expressè, ab eo satis tamen innuitur sub *exercitu Cælorum*, de quo agitur Gen. 2. 1. & sub ipso cœlo, quod debuit esse illorum domicilium, Jud. 6. Luc. 2. 13. Matth. 24. 36. Unde dicuntur applausisse Deo, ut jam creati, cum fundaret terram, Job. 38. 6. 7. quod factum die primo, & Psal. 148. 2. recensentur primo loco inter Creaturas, ante Solem, Lunam, & Stellas.

VI.

VI. Alterum primi diei opus est *Terra*, quo nomine & aquæ compre- QUEST.
hendi solent, quam Moses per *תהו ובהו*, id est, *inanitatem & vastitatem* VI.
describit, non modò quia terra habitantibus & incolis fuit destituta, sed 2. Terra.
etiam, quia herbis, floribus, arboribus, & omni luce, ornatu, & de-
core, quod postea ipsi accessit, fuit denudata; quæ ibidem exponitur per
abyssum tenebris opertam; Atque ita innuitur massa illa informis ex aqua &
terra simul concreta, unde Poëtæ suum *Chaos* desumpserunt, quod *Ovi-*
dus non ineleganter expressit his verbis lib. 1. *Metam.*

*Ante mare & terras, & quod tegit omnia cælum,
Unus erat toto natura vultus in orbe,
Quem dixere Chaos, rudis, indigestaque moles,
Nec quicquam nisi pondus iners, congestaque eodem
Non bene junctarum discordia semina rerum.*

Materia verò informis dicitur, non *absolutè & simpliciter*, quod omnis
formæ expers esset, siquidem quicquid existit, per suam formam existit;
sed *secundum* quid & *comparatè*, quia forma eleganti & exacta quam postea
adepta est, adhuc careret: illa verò quoad *substantiam*, partim terrea, partim
aquea fuit, quoad *quantitatem* ingens, & ceu sine fundo moles, quæ inde
vocatur *abyssus*, quoad *qualitatem* deformis, & tenebricosa, quoad *effectum*
inanis & inefficax; quæ fuit materia unde omnia corpora sublunaria desum-
pta sunt; Quò pertinet quod statim additur de *Spiritu* qui *ferebatur super su-*
perficie aquarum v. 2. quod, nec aëri aut vento competere potest, qui nondum
creatus erat, & qui non fovet, sed dissipat potius; nec Angelo creator, ad
quem hoc opus non pertinet; nec vi & efficaciam Dei in genere, quæ per ver-
bum *incubandi* potius exprimitur, à qua distinguitur Spiritus S. qui ejus
principium erat; Sed soli *Spiritui Dei* convenit, qui & ipse Deus, qui mas-
sam illam informem virtute sua, & calore vitali fovebat & fecundat, *πρὸς*
ζωογονίαν σωθήσασκε, metaphorâ sumptâ ab avibus ovis suis, vel pullis incu-
bantibus, ut de aquila dicitur Deut. 32. 11. quæ alarum motitatione, &
dilatione vel ova fovent & calefaciunt ad pullos producendos, vel eos jam
productos sustentant, quæ vis est verbi *הנח* Jer. 23. 9.

VII. Tertiūm primi diei opus *Lux* fuit primigenia, à qua post cœli & 3. Lux.
& terræ creationem, particularium creaturarum productionem convenien-
tissimè Deus inchoavit; non modò, quia creatura fuit simplicissima & præ-
stantissima, sed etiam quia necessaria fuit ad cœli ornatum, & terræ fecun-
dationem, quæ & diem efficeret, opera Dei manifestaret, & esset velut com-
munis quædam rerum naturalium obstetrix, quæ calore suo innata educen-
dis & fovendis seminibus inserviret; in quo secundæ creationis typum
etiam dare voluit, quam Deus à luce cognitionis Verbi etiam orditur,

QUEST. VI. Deus enim qui dixit, ut lux è tenebris splenderet, is est qui luxit in cordibus nostris ad radiationem cognitionis gloria Dei in facie Jesu Christi 2. Cor. 4. 6.

VIII. Lux autem ista, Nec fuit Accidens sine subjecto, ut nugantur Pontificii, Nec elementum Ignis, ut alii pertendunt; Ignis enim, nec dies unquam vocatur, nec diem efficit; Nec nubecula lucida, quæ suo motu circulari ab Oriente in Occidentem diem noctemque confecerit, quod alii sentiunt, nam primo die nulla dum nubes creata fuit: Sed corpus lucidum in uno Cœli ætherei hemisphærio accensum, quod sui circumrotatione diem noctemque primo triduo distingueret, donec lux illa postea quarto die in corpus Solis & Stellarum collecta & distributa fuit.

Opera secundæ diei
1. Expansum.

IX. Secundi diei opera fuere, 1. *Expansum*, seu ingens illud intervallum, & spatium vastissimum, quod à terrestri globi superficie ad extremum usque cœli aspectabilis terminum extensum est, quod *cælum* vocatur v. 8. non quidem *æthereum*, quod primo die creatum diximus, & à terra distinctum, & quarto demum sideribus exornatum; sed *aëreum*, quod antea confusum & permixtum latuerat in massa illâ informi concretâ ex aqua & terra, quod sæpius in Scriptura *Cœli* nomine venit, unde *volucres Cœli* postea dicuntur v. 20. Hebraicè קַיִן vocatur, ab *expansione*, vel *extensione*, qualis est in Aulæo, vel Cortina, quod pertinent ista Psal. 104. 2. ubi Deus dicitur *extendere cælum instar Cortinae*. Nec obstat quod *Expansum* v. 14. 15. 17. etiam cœlo æthereo tribuitur, in quo astra posita sunt, quia diversimodè de eo loquitur Scriptura, vel in tota latitudine sua, quomodo complectitur quicquid cœli aspectabilis nomine venit, id est Cælum æthereum, & aëreum, vel respectu partis superioris, ut loco citato, vel respectu inferioris v. 20. quo pacto aquas superiores ab inferioribus dividit v. 6. 7. Quo sensu ordinatio *Expansi* fit secundo hoc die, & adaptatio ejus ad separandas aquas ab aquis, superas ab inferis. *Et dixit Deus, sit Expansum in medio aquarum, Et faciat distinctionem inter aquas & aquas* v. 6.

2. Divisio
aquarum.

Aque superiores sunt
nubes.

X. Alterum opus istius diei fuit *Divisio aquarum* superiorum ab inferioribus, id est, nubium extantium supra infimam expansi partem, ab aquis, quæ infra Expansum terræ permixtæ, & velut circumfusæ, indistinctæ usque ad tertium diem fuere. *Aquas enim superiores* non aliò quàm *ad nubes* commodè referri posse, quæ sunt in mediâ aëris regione, Scriptura clare innuit, variis illis locis, quæ aquas de nubibus interpretantur, Pl. 104. 3. *Contabulans aquis Cœnacula sua, ponens nubes in vehiculum suum*, Et Job. 26. 8. *Constringit aquas in nubibus suis, ita ut non scindatur nubes sub ipsis*, Jer. 10. 13. *Ad vocem dat multitudinem aqua in cœlis, & ascendere facit vapores à fine terra*. Confirmatur ex ipsa nubium natura, quæ nihil aliud sunt, quàm aquæ vi caloris diuturni evaporatæ, & frigore aëris rursus concretæ, quas Plin. lib. 3. c. 1. *aquas in cælo stantes* vocat. Denique Moses aquas tantum

duplices facit, superiores, & inferiores: Nubes autem, quæ sunt aquarum QUEST. VI.
non possunt esse inferiores; Ergo necesse est ut ad superiores referantur:
Licet enim inferiores possint dici *originaliter*, & *terminative*, quia ex loco
inferiori eductæ sunt, non sunt tamen *subjective*, & ratione situs, quan-
do sursum evectæ sunt.

XI. Perperam ergo Lutherani, post plerosque Scholasticos, finxerunt *Non aquas*
aquas supercælestes, ut difficiliorem ascensionem Christi & fidelium in cœ- *supercæle-*
lum reddant; Cum tales aquarum nulli usui esse possint, nec ad refrigerandum *stis.*
cælorum & siderum ardorem, qui nullus est in ipsis, nec ad comprimen-
dum cœlos, ne violentia ventorum agitati vacillent, sic enim à Deo fir-
mati sunt orbes cælestes, ut nulla ventorum vi queant luxari, imò ut nul-
la ad eos usque pertingat. Nec si *aqua* quædam dicuntur *supra cælum* Ps. 148. Ps. 148. 4:
4. statim sunt supra cælum æthereum, sed supra aëreum, quod passim
cælum etiam vocatur. Nec si nubes esse non possunt in cælo, nisi per Solis
attractionem in *naturâ constitutæ*; sequitur non potuisse elevari extraordi-
nariè à Deo sine Sole in *naturâ constituendâ*. Licet autem dicantur *supra*
Expansum, non statim debent fuisse supra totam latitudinem Expansi, sed
supra partem ejus: Imò non tam dicuntur fuisse *supra Expansum*, על רקיע
quàm *desuper Expanso*, מעל לרקיע, ut innuatur non evectas fuisse aquas
supra totum Expansum, ut totum esset aquis inferius, sed fuisse evectas
sursum, ut unâ cum Expanso essent supra & desuper, potiùs respectu no-
stri, quàm respectu totius Expansi. Denique *cataractæ Cælorum* Gen. 7. Gen. 7. 11.
11. quæ perruptis claustris maximam illam aquarum vim profuderunt in di-
ludio, quibus prior mundus obrutus periit; non aliud notant, quàm co-
piosissimos imbres metaphoricè, qui ex nubibus densis defluerunt.

XII. Tertiæ diei opera sunt, 1. *Collectio aquarum* inferiorum in certos *Operater-*
alveos, adeoque earum à terra separatio, ut terra ab iis liberata, aptum ac *III Diei.*
conveniens animantibus, ac præsertim hominibus, quos creaturus erat, *1. Collectio*
domicilium esset, quam à proprietate ipsius characteristica *aridam* voca- *Aquarum.*
vit, relictis tamen dispositisque partim occultis subterraneis meatibus ve-
luti tubis, per quos perennes fontium scatebræ, & magna flumina irri-
gandis terris ex vastissimo illo collectarum aquarum conceptaculo, quod
mare vocatur, erumpant. Nec facile admitti potest, quod quibuldam
placuit, opus istud ad secundum diem pertinere, ut per hysterosim hic ap-
ponatur, reddique debeat דבר, non ut alibi passim, *Et dixit*, sed,
dixerat autem, nulla enim ratio est, cur illud דבר v. 9. exponatur per
plusquamperfectum, cum in aliis omnibus locis hujus capituli v. 3. 6. 12.
14. 20. 24. 26. ubi occurrit idem verbum, constanter reddi debeat per
Et dixit: Nec Moses addere debuisset post separationem aquarum supe-
riorum ab inferioribus, ut in fine cujusque diei, *Et fuit vespera, & fuit*
mane,

Q U A E S T .
V l b

mane, dies secundus, si quod sequitur *ψ. 9. 10.* adhuc pertinuiſſet ad ſecundum diem. Nec neceſſitas videtur ulla fingendi talem hyſteroſim; nam quæ petitur ex eo quòd aliàs dies ſecundus caruiſſet ſolitâ benedictione, non poteſt hoc evincere; cùm ſufficiens ratio huius reddi poſſit, quòd cœpta quidem & adfecta hoc die fuerit ſublevatio terræ ab ingenti illa aquarum mole, quâ circumdabatur, ſed ſequenti die demum perfectâ fuerit, quo facta eſt aquarum inferiorum collectio, & arida apparuit.

2. Germinatio ſervata.

XIII. Alterum opus iſtius diei *Germinatio terra*, & plantarum, fruticum, & arborum ſeminiferarum productio, *ψ. 9. 10. 11.* ut individuis extinctis ſervarentur rerum ſpecies. Quamvis verò tunc indita ſit terræ vis quædam & fœcunditas, quâ poſtea ex herbarum omne genus ſemine caſdem producere, & ex ubere ſuo alere & nutrire poſſet, tamen ad primam illam plantarum germinationem, quæ facta eſt in iſtanti, paſſivè tantùm & materialiter, non activè ſe habuit.

Quartidi diei opus. Creatio Luminarium.

XIV. Quarti diei opus fuit *Creatio Luminarium* in Expanso *ψ. 14.* id eſt, in ea expaſi parte, quam æthera, ſive cœlum æthereum vocamus, quibus ornare voluit cœlum, ut antea terram herbis & arboribus exornaverat: *Uſus* triplex notatur, primus in diſtinctione lucis à tenebris, id eſt, diei artificialis à nocte, ſint luminaria in expaſo cœlorum, ut diſtinguant inter diem, & inter noctem, verſ. 14. Secundus in notandis ac diſterminandis vicibus, ac tempeſtatibus anni. Tertius in communicatione virium ſuarum, quibus hæc inferiora ab iſtis imbuta variè afficiantur, dum luce, calore, & motu ſuo in ſublunaria influunt, ut cœli exaudiant terram, & terra exaudiat frumentum, & muſtum, & oleum in uſum hominum, Oſe. 2. 21. à quibus tamen excipiendi ſunt animi hominum, qui in ſuis operationibus Luminarium influxui minimè ſubſunt.

Quinti diei opus. Aquatili-um ex aqua. volatili-um ex terra productio.

Opus ſexti diei Animalium, & Hominis productio.

XV. Quinti diei opus fuit *Aquatili-um* ſeu piſcium ex aquis, verſ. 20. 21. *Volatili-um* & avium ex terra productio, ut expreſſè docetur c. 2. 19. adeoque mundi ſublunaris exornatio, per Creaturas ſenſu & motu prædita gradatione conveniente obſervatâ, & proceſſu iſtituto à ſtructura domus, ad productionem incolarum ejus, eorumque imperfectiorum primò, poſtea verò perfectiorum.

XVI. Sexto die colophonem impoſuit operibus ſuis, per creationem, tum *Animalium* terreſtrium, quorum tria genera recensentur, manlue-tum, reptile, & ferum, ad quæ alia omnia revocari debent, ſive perfectâ, ſive imperfectâ, quorum ſpecies ſunt innumeræ: Tum *Hominis*, qui Mundi conditi foret incola, ad Dei imaginem productio, ut ad reliquas creaturas, quæ vel gradum eſſendi tantùm habent, vel gradum vitæ, vel gradum ſenſus & motus, accederet etiam illa, quæ perfectiſſimum vitæ gradum nimir. rationem obtinet, quamque ideo, ut præſtantiſſimum opus, & quoddam uni-ver-

verſitatis compendium, non modò poſtremo loco reſervavit Deus, ſed peculiari præ cæteris ratione, & quali conſultabundus condidit, *faciamus hominem* &c. non in indicium deliberationis in operante, vel difficultatis in opere, ſed dignitatis ipſius operis, ut oſtendat *Ὁὐκ ἔστι τῶν λέξεων παχύνει* & τὴν πρὸς εἰς τὸν μέγαν & δημιουργεῖν, ut ait Chryſoſt. in h. l.

QUÆSTIO VII.

An ex uſu Luminarium à Moſe poſito, Astrologia judiciaria extrui poſſit? N. c. Astrologos, & Planetarios.

I. **P**ER *Astrologiam*, de qua Quæſtio hîc movetur, non intelligitur *naturalis*, ſeu ſcientia de ordine ac motu naturali Corporum cœleſtium, quæ meritò in pretio habetur, & magnum in vita humana uſum habet; Sed *judiciaria*, quæ Ars eſt curioſitatis temerariæ, & ſuperſtitionis plena, quâ ex Aſtris & eorum conſtellationibus fit judicium de homine, ejus inclinationibus, actionibus, ſtudiis, eventibus, fortunâ omni, adeoque de vitâ & morte; Item de converſionibus Imperiorum, & Rerum-publicarum, & ſimilium, quæ accidunt in ſocietate civili, & quæ ex ea ut futura certò & indubitatè prædicuntur.

*Quid ſit
Astrologia
judiciaria.*

II. Affirmativam tenuerunt olim *Præſcillianiſtæ*, impia *Gnoſticorum* pro-pago, qui inter alia errorum portenta, fatalibus ſtellis alligabant homines, & ipſum hominis corpus ſecundùm duodecim Cœli ſigna compositum eſſe docebant, teſte *Auguſtino*. Quos ſecuti ſunt *Planetarii, Astrologi, & Ge-thliaci*, qui juxta tempus generationis, aut nativitatæ explorant conſtellationes, id eſt, poſitus, aſpectus, & influxus Aſtrorum, & ex iis naſcentium naturam, & fortunam prænunciant. Orthodoxi verò negativam conſtan-ter ſequuntur.

III. Non quæritur, An Corpora Cœleſtia in hæc ſublunaria, & ele-mentaria, imò & in ipſum corpus humanum magnam vim habeant, & pro vario motu, & poſitu, atque influxu lucis, & caloris, diverſimodè cor-pora afficiant, ut creſcant, vel decreſcant, alterentur, & variè muten-tur, quod non modò Scriptura, ſed experientia univerſalis comprobat. Sed quæritur, An vim hanc exerceanſ pariter in animos hominum, qui naturæ ſunt ſpiritualis, ut exinde de inclinationibus, actionibus, & even-tibus futuris certum judicium fieri queat; quod negamus.

*Status
Quæſtio-
nis.*

IV. Non quæritur, An Luminaria poſſint dici *Signa naturalia* tempeſta-tum, frigoris, æſtus, variarum cœli viciffitudinum, defectuum Solis & Lunæ, & aliorum effectuum naturalium, qui ex diverſo motu & poſitura ſiderum oriuntur; vel *Signa civilia*, & œconomica, quæ à naturalibus pendent, ut temporis arandi, navigandi, ſerendi &c. vel *Signa moralia*, partim

QUEST. VII. perfectionis Creatoris, quæ in istis mirandis operibus cernitur, partim officii creaturarum, quæ tantum Opificem tenentur suspicere & colere; vel Signa mystica variorum eventuum, vel in ira, vel in gratia; ut quum Sol stetit in Gibeon, Jos. 10. 12. quum retrocessit decem gradibus diebus Ezechia, 2. Reg. 20. 11. & quum Deus dicitur daturus signa in cælo, & in terra, Joël 2. 30. quorum significatio ut extraordinaria est, & non naturalis, ita ex peculiari revelatione pendere debet. Sed quæritur, An sint Signa necessaria, & naturalia eventuum futurorum, non tantum naturalium & necessariorum, sed etiam voluntariorum, & contingentium, adeoque vitæ & mortis hominum, ut, quo quisque fato natus sit, & quid cuique sit eventurum ex Astris certò prænoſcatur; quod negamus.

Non dari
Astrolo-
giam judi-
ciariam
probat.

V. Rationes sunt, 1. Quia Deus talem Astrologiam in Verbo suo severe prohibet, & damnat, Lev. 19. 31. *Ne convertite vos ad Pythones & Ariolos*, Imò præcipit, ut anima quæ se convertit ad ipsos exſcindatur è medio populi sui, Levit. 20. 27. *Viri aut mulieres, si erit ex iis Pytho aut Ariolus, omnino morte afficiuntur, lapidibus obruuntur, cadis causa est in eis.* Alibi Deus confusionem, stultitiam, furorem interminatur istiusmodi Astrologis, Isa. 44. 25. & cap. 47. 12. 13. vanitatem & artis, & artificum, & illorum qui ab illis deluduntur credulitatem perstringit, *Sta jam cum incantatoribus tuis, & cum multitudo præſtigiatarum tuarum in quibus laborasti à pueritia tua &c. Stent jam Astrologi, qui contemplantur stellas, qui notas faciunt in menses prædictiones suas, & servant te ab iis quæ superventura sunt tibi. Ecce sunt tanquam stipula &c.* Eò pertinet, quòd Deus edicit Israëlitis, ne discant viam gentium, & ne à signis cæli metuant, quæ metuunt gentes, Jer. 10. 2. *Juxta viam gentium ne assueſcatis, & ob signa cælorum ne consternemini, quia consternantur gentes ob ea, Et cap. 27. 9. Vos autem ne auscultetis Prophetis vestris, & conjectoribus vestris, somniis vestris, & auguribus vestris, & Magis vestris, qui dicunt ad vos; non servietis Regi Babel.*

VI. 2. Quia Scriptura futurorum cognitionem amolitur ab homine, & Deo soli transcribit tanquam *νετμερον* veri Dei dignoscendi ab idolis, Isa. 41. 21. 22. *Producite causam vestram*, ait Jehova, *admoveſte firmamenta vestra*, ait Rex Jacobi, *Proponant & annuncient vobis ea quæ obventura sunt &c.* Et Dan. 2. 28. *Est Deus in cælo revelans arcana, qui notum facit Regi, id quod futurum est consequentibus temporibus.* At si ex astris ista cognosci possunt, & prædici ab hominibus, cur Chaldæi Astrologi id non potuerunt assequi, sed Daniel hoc tanquam soli Deo proprium tribuit?

VII. 3. Quia mores & actiones hominum sunt voluntariæ & liberæ, quæ proinde non possunt à causa naturali, qualis est constellatio, deduci. Aliàs fatum plusquam adamantinum, & fatalis rerum omnium respectu causarum etiam secundarum necessitas in natura constituitur. 4. Si mores

& eventus pendent ex Astris, similes erant mores, & simile fatum eorum omnium, quorum idem est horoscopus, & nativitatis punctum. Quod tamen falsum esse experientia evincit; cum multi uno eodemque temporis momento edantur in lucem, qui tamen moribus & naturâ sunt maximè dissimiles, & diversissimis urgentur fatis, ut vel uno exemplo Esavi & Jacobi gemellorum patet. Ita maris & feminæ ex eodem utero circa idem tempus natorum diversa sunt studia, diversæ vires, diversi eventus & casus. Multi etiam, quorum diversissimus fuit horoscopus, eodem mortis genere pereunt, ut qui eodem prælio cadunt, quos eadem involvit strages, vel ruina domus, vel terræ motus, vel morbus epidemicus, vel publica aliqua calamitas. An v. g. Ægyptiorum primogenitis ab Angelo Domini percussis similiter, vel Ægyptiis in mari Erythreo submersis, vel Cananæis simul cæsis, vel infantibus Betlehemi simul jugulatis, sidera eodem positu in nativitate illuxêre? Rursus, An non illorum etiam ingenia, & fata sæpe conformia, qui diversissimo siderum positu nati?

VIII. 5. Quia tempus conceptionis & nativitatis hominis, ex quibus horoscopi duci solent secundum horarum observationes, incertum est. Conceptionis quidem, quia sæpe ipsos generantes latet; Nativitatis verò, quia vel potest anteverti, vel produci propter parentium infirmitatem. Adde quod punctum nativitatis nullus mortalium accuratè unquam subducere possit; cum ea, quæ cum motu conjuncta esse solet, momento non absolvatur. Quis nescit verò facilem esse aberrationem in paucis horæ momentis, quibus tamen magna fieri solet Solis & stellarum propter rapidissimum quomoveantur motum, inclinatio? Unde mutatâ constellatione aliud in eodem homine fatum circa diversa membra deprehendetur. Rursus cum hominum fortunæ, & vita, non ex unius, sed ex diversorum hominum voluntate & studiis pendeant, quomodo ex unius hominis horoscopo prædici possunt? Et quod majus est, non solum hujus vel illius hominis, sed totius alicujus urbis, regionis, & regni fata, quæ ex tot rerum & consiliorum *συμπλοκῇ* oriuntur, quomodo ex sideribus deduci possunt.

IX. 6. Si Eventus naturales plurimi non nisi probabiliter ex Astris prædici possunt, quantò minùs casualia fortuita, voluntaria, & libera cognosci & prænunciari poterunt? Non poterit Astrologus prædicere, vel æstum, vel imbrem, An agricola, serenitatem, vel tempestatem nunc sperare debeat, & timere; Et poterit compertum habere, quem quisque vitæ exitum sit habiturus, vel quid consilii homines in hoc vel illo casu sint capturi, vel quo mortis genere sint obituri? Vel quod longè difficilius, quam quisque gratiam ad sui conversionem homo sit consecuturus, quod ex sola Spiritus S. gratia, & liberrimo ac arcano Dei decreto pendet.

X. Denique, ut alia multa nunc mittamus, temeraria & impia non potest

Quæst
VII.

potest non esse Ars illa præstigiatrix, quæ in arcana Dei irrumperere satagit; & nefando ausu futura soli Deo nota definire præsumit. Quæ Astris atque adeò ipsi Astrorum Creatori peccatorum & scelerum causas transcribit, ut homines desinant seipsos excutere, & causam malorum omnium, quæ faciunt, vel patiuntur, non sibi, ut tenentur, sed astris, vel Deo adscribant. Quæ hominem magis ad astrorum contemplationem, quàm ad Creatoris astrorum venerationem & cultum alligat. Quæ vel inanibus minis homines torquet, vel vana spe credulorum animos implet, & fibulam laxat securitati, & projectæ ad omne scelus audaciæ apud illos, quibus vitam longævam pollicetur Astrologorum temeritas. Quæ & Scripturæ, & rectæ rationi adversatur, & veræ pietati, ac publicæ tranquillitati intercedit. Unde non semel legibus humanis Imperatorum proscripta fuit; Augustus Astrologos Urbe, Tiberius, & Clandius, Italiâ, Vitellius, Orbe & vitâ, ejecit, tanquam hominum genus potentibus infidum, sperantibus fallax. Sic Tit. 18. l. 9. Codicis, qui agit de crimine maleficii, *Mathematici* cum maleficis & Magis conjunguntur, & subjiiciuntur Legis Cornelie pœnæ, & ibid. ff. 2. & 5. *talis ars damnabilis & interdicta omnino* dicitur. Patres passim invehuntur adversus illam, & Planetariorum fraudes & imposturas execrantur: Unde in Concilio Bracarensi I. & Toletano I. Priscillianistarum sectatores damnati, & sub anathematis pœna proscripti; vide Aug. li. 5. de C. D. c. 1. 2. 3. & c.

Pontes
Solutio-
num.

Gen. 1. 14.

Jud. 5. 20.

XI. Aliud est, esse *Signa naturalia Tempestatum, dierum, & Annorum*, quod de Luminaribus dicitur Gen. 1. 14. Aliud est esse *Signa prognostica* eventuum futurorum, non modò necessariorum & naturalium, sed etiam contingentium & liberorum, quod de illis non asseritur.

XII. Quum Judic. 5. 20. stellæ dicuntur *è cælo in Siseram pugnasse*, Vel innuere voluit Spiritus Sanctus simpliciter, victoriam illam cœlestem fuisse, non humanâ fortitudine partam, sed solius Dei auspiciis, ut ostendatur omnia favisse Israëlitis ad victoriam, & ipsa velut astra pro illis pugnasse dicantur exaggeratione poëtica. Vel dicuntur pugnasse non *influxu naturali*, sed *directione supernaturali*, non actione ordinariâ, sed extraordinariâ, effectivè potius, quàm formaliter, quatenus Deus sideribus extra ordinem uti potuit ad meteora varia producenda tonitrua, fulmina, grandinem, à quibus Siseræ cum suo exercitu ingentem cladem passus sit.

Matth. 2. 2.

XIII. *Stella* quæ Magis nativitatem Christi indicavit, Matth. 2. 2. non potest favere Genethliacis. 1. Quia exemplum est singulare, ex quo perperam colligitur regula generalis: nam si hoc Christo contigit ob *ἡμετέριον* ejus singularem; Non sequitur & ad alios posse pariter trahi. 2. Quia stella illa fuit extraordinaria, cujus ortus non naturalis, sed supernaturalis fuit. 3. Quia stellæ isti addita fuit, tum interna tum externa revelatio ad ejus significationem declarandam. 4. Licet per eam Christi nativitas sit designa-

ta, nemo tamen inde inferat punctum nativitatis ejus in ea indicatum fuisse, vel ex ea collectum, multò minùs vitam, mores, & exitum Christi à stellæ istius influxu pependisse, ut cavillabatur olim Faustus Manichæus, cui bene Aug. lib. 2. contra Faustum respondet de stella loquens, *non dominabatur Christo ad decretum, sed famulabatur ad testimonium, nec subgiebat imperio, sed indicabat obsequio.* QUEST. VII.

XIV. Aliud est ex facie cœli cognoscere imbrem, vel æstum futurum, & ea quæ naturalia sunt, & à causis naturalibus pendent; Aliud verò cognoscere rerum futurarum eventus, & liberos motus voluntatis humanæ; Prius dicitur Luc. 12. 54. 55. Non posterius. Astrologorum *μεγίστοιμοι* Luc. 12. possunt quidem locum habere intra sphæram suam, quandiu intra artis suæ terminos se continent, aliàs proscribendæ sunt, ut temerariæ & fallaces.

XV. Licet Cœli habeant suas *δυνάμεις*, ex Matth. 24. 29. quibus in hæc inferiora agunt, luce, motu & influxu suo; non sequitur agere pariter in omnia, etiam voluntates & consilia hominum. Et quum ibidem addit Christus signa fore in cœlo, quæ diem adventus sui postremi prænuncient, non agit de illa siderum affectione, quæ ex naturæ statò & ordinato cursu eveniat; sed de eventu quodam extraordinario, cujus prorsus nihil simile est, & cum illo conveniens, de signis puta & portentis, quæ Deus propriè & peculiariter ad adventum Christi accommodaturus est, ad fideles de eo commonefaciendos, & infideles magis magisque convictos & inexcusabiles reddendos, quæ proinde ex motibus & aspectu astrorum intelligi non poterunt, utpote quæ motum & ordinem illum communem, in quo Astrologi præcipuum artis suæ firmamentum collocare solent, immutatura sint. Matth. 24. 29.

XVI. Aliud est Corpora cœlestia & sublunaria inter se colligari, & dari varias impressiones illorum in corpora nostra, & varias alterationes illas consequentes, per quas motione indirectâ humoribus mutatis diversimodè afficitur animus humanus; quod concedimus; Aliud verò Astra agere in voluntatem & actiones humanas, *motione*, vel *directâ*, vel *necessariâ*; quod negamus, cum illa sit potentia inorganica & immaterialis, istæ verò à causis partialibus & proximis pendeant, diversimodè specificantibus influxum causæ communis.

XVII. Josephus, & Moses in Ægyptiorum, Daniel in Chaldæorum sapientia instituti leguntur, Act. 7. 22. Dan. 1. 17. Sed non propterea vanis istis & impiis divinationibus indulsisse dicuntur: Sapientia eorum versari potuit circa literas hieroglyphicas, Artes liberales, Numeros, Geometriam, Astrologiam etiam naturalem, sed sobriam, & solidis principiis innitentem, non vanam & impiam *ἀσπομανηλὴν*, à qua semper alienissimi fuerunt. Et si quæ vaticinia debeant, vel interpretabantur, ea non ex Astris, sed ex Dei revelatione habebant, cui ea accepta ferebant.

QUEST.
VII.

XVIII. Ad Experimenta, quæ afferri solent, varia reponi possunt. 1. Pleraque ex iis esse sublestæ fidei, & dubiæ authoritatis, quæ vel vanos Scriptores habent, vel supersticiosos. 2. Pleraque sententiis lubricis & ancipitibus, & in utrumque versatilibus niti, qualia erant Oracula Apollinis *Δοξίς*, ut quomodocunque res cadat, rem acu tetigisse videantur. 3. Si quædam prædictiones eventu sunt comprobata, non sequitur scientiam illam certam esse, & veris fundamentis nixam, quia innumeræ sunt aliæ, quarum vanitatem elusit & proscripsit eventus. 4. Eventuum veritas, non vanæ isti arti tribuenda est, sed, vel vaticinantium solertiæ, quia ubi est ipsis compertus genius, inclinatio, mores, studia, & consilia eorum, apud quos vates agunt, facile est ipsis astrorum obtentu multa præfagire, quæ nec ex Astris habent, nec habere possunt; Vel consulentium credulitati, fortuitos casus sæpe in rei prædictæ complementum vertenti; Vel Dæmonis operæ, ex cujus inspiratione multa ante capiunt, quæ ille vel præfagit & conjicit probabiliter, vel comperta habet, sive per revelationem divinam, sive per cognitionem experimentalem tot millium annorum, sive per summam pernicitatem, cujus beneficio potest in remotissimis locis facta, alibi statim renunciare, & omnem cursorum celeritatem antevertere; Vel denique occulto & justissimo Dei Judicio, qui isto ludibrio vanas hominum mentes sæpe castigat, efficaciam erroris mittendo illis qui credunt mendacio, ut magis decipiantur, qui illis artibus credunt & student. 5. Prædictionum veritas non statim artem legitimam & probandam esse evincit, vel consulendos esse eos, qui eam profitentur: Nam vera etiam quandoque prædixit Diabolus, ut Spiritus ille Samuelis speciem mentitus, quem Pythonissa in gratiam Saulis ex inferis evocavit. 1. Sam. 28. 15. 16. quem propterea consulendum nemo dixerit. Imò Deus disertè vetat Deut. 13. 1. audire falsum Prophetam etiam vera prædicentem, si velit nos ad cultum alienorum Deorum abducere; ut doceat, quamvis veri speciem ex res habeant, quæ sunt Deo, ejusque Verbo contrariæ, non esse sequendas, sed sedulò ab iis esse abstinendum. Cùm ergo constet Artem hanc ex meris præstigiis, & imposturis esse contextam, in Dei Providentiam, hominum libertatem, Rerum publicarum & Imperiorum tranquillitatem, conscientiarum quietem injuriam, & Scripturæ, Rationi, & Experientiæ contrariam, meritò explodendam eam, & proscribendam esse dicimus.

QUÆSTIO VIII.

*An Adamus primus mortalium fuerit, An verò homines ex-
titerint ante Adamum, & Epochæ conditi Orbis, &
rerum ab hominibus gestarum multò altius, quam ab Ada-
mo sit repetenda? Prius Affirm. Poster. Neg. contra
Præadamitas.*

I. **Q**UAMVIS commentum Præadamiticum ita per se absurdum sit, &
ab omni ratione, non minùs ac Scripturæ ipsius revelatione alic-
num, ut contemptum, indignationem fidelium mereatur po-
tius, quàm operosam refutationem. Quia tamen novissimo hoc seculo,
tot periculosarum novitatum feraci, inventus est non ita pridem, qui fi-
gmentum hoc, seu fabulam mundo obtrudere non erubuit, & variis ar-
gumentis illam confirmare conatus est in *Exercitatione*, & *Systemate Theo-
logico*, quod in eum finem concinnavit, paucis Quæstio ista attingenda est,
ut commenti istius non modò vanitas, & falsitas, sed & impietas clariùs
pateat.

II. Quæstio ergo huc redit; An Adam primus homo fuerit à Deo con- *Status*
ditus: An verò plurimi ante ipsum jam creati fuerint. Is enim cum quo *Quæstio-*
nunc agimus, fingit Adamum, cujus creatio refertur Gen. 2. fuisse pa- *nis.*
trem tantùm Judæorum, non verò omnium hominum, & diversam fuisse
ejus formationem à creatione hominis, quæ narratur c. 1. à quâ vult Genti-
les ortum ducere, ita ut jam ante Adamum, multæ myriades hominum ter-
ram incolerent, & interstitium sit multorum seculorum inter Adamum,
& cæteros illos homines. Sed constans fuit hætenus, non modò apud Chri-
stianos, sed etiam apud Judæos, imò & ipsos Muhammedanos sententia,
Adamum in principio mundi conditum esse, & primum hominem fuisse,
patrem non modò Judæorum, sed & omnium omnino hominum. Cujus
Assertionis plura sunt fundamenta invicta.

III. Primum est ipsius *Scriptura Vox*, quæ non semel Adamum propo- *Non dari*
nit nobis, ut primum mortalium, ante quem nemo fuerit, & à quo omnes *Præadami-*
sint oriundi, sic 1. Cor. 15. 45. *Factus est primus homo in animam viventem,* *tas proba-*
& 1. 47. *Primus homo est terra terrenus.* Unde Sap. 7. 1. vocatur *πρωτόπλαστος* & *πατήρ* *αἰῶνος.* Et Eva hoc nomen ea de causa sortita est, quia fuit *mater* *45.*
omnium viventium, Genes. 3. 20. quod perperam diceretur, si sola gens Ju- *Gen. 3. 20.*
daica ab ea prodiit, innumeris aliis populis stirpem aliam, camque longè an-
ti-

Quæst.
VIII.

tiquiorem agnoscentibus. Huc pertinet, quòd Scriptura in genealogiis recensendis, ut ab Adamo orditur descendendo, ita in eo ascendendo desinit Gen.

Ad. 17. 26. 5. Luc. 3. Et quod Paulus Act. 17. 26. asserit *Deum totum genus humanum fecisse ex uno sanguine, ut habitaret super universa superficie terra*, Quì verò πᾶν ἔθν' & αἰθ' ὡπὸν ex uno sanguine oriundum est, si Judæi & Gentiles diversam habent originem, nec eundem sanguinem, eundemque parentem habent?

IV. Frustra excipitur, Adamum *primum* posse vocari hominem, relatè ad Christum, licèt non sit primus omnium, ut Christus *secundus* Adamus vocatur, & ἔχατ' & *novissimus*, 1. Cor. 15. 45. 47. licèt nec secundus sit ab Adamo, nec ultimus. Nam Adamus vocatur primus, non tantùm relatè ad Christum, quia illum præcessit, sed etiam ad cæteros homines, qui imaginem ipsius ferre debent, qualis enim terrenus est, tales etiam debent esse terreni, ψ. 48. ubi manifestè alluditur ad primam hominis productionem ex pulvere terræ. 2. Christus vocatur *secundus*, non quòd fuerit secundum individuum Generis humani, sed ratione *communicationis & originis*, quia fuit secunda radix, & stirps hominum, sit enim oppositio inter Adamum & Christum, tanquam inter duo Capita, quorum prius suis vitam animale, & cum ea peccatum & mortem communicat. Posterius verò suis vitam spiritualem, & æternam cum iustitia sua impertitur, quod Apostolus ψ. 22. notat, quum ait, *ut in Adamo omnes moriuntur, ita in Christo omnes vivificantur*, id est, quotquot vivificantur. *Novissimus* verò bene dicitur, non quòd ultimus debuerit nasci, sed tum quia Adamo successit, tum quia post eum nemo eandem Capitis rationem sustinere potest. Nec melius elabatur Præadamita, dum ait Adamum *primum* dici, & patrem omnium hominum, quatenus homines omnes in illo peccaverunt, & quatenus primus, & pater omnium peccatorum est; Nam Apostoli verba innuunt, non tantùm in ordine peccandi *primum* dici, licèt & hoc verum sit, sed & in ordine essendi, quatenus ab eo, & τὸ χοιρὸν, & τὸ ψυχικὸν homines hauriant, id est, esse terrenum & animale.

V. 2. Mas & fœmina, qui dicuntur creati sexto die, cap. 1. non alii sunt, quàm Adamus & Eva, de quibus agitur cap. 2. ubi distinctiùs repetitur & explicatur, quod brevius capite primò de hominis productione dictum fuerat, patet. 1. ex vers. 1. 2. 3. cap. 2. ubi præmittitur recapitulatio primævæ creationis cœli & terræ, de qua actum fuit c. 1. Ergo quod in sequentibus subjicitur de creatione maris & fœminæ eòdem pertinet. 2. Utrobique origo ejusdem *Adami* describitur, quia idem nomen utrobique occurrit, & eadem nominis ratio, puta ex terra productio, quod dici non posset, si hoc de duobus diversis esset intelligendum. 3. Si duo Adami intelligendi essent, vel de secundo non constabit, quòd sit factus ad Imaginem Dei, quia nihil de eo dicitur cap. 2. vel de primo non liquebit præditum esse animâ rationali, quia nihil traditur de insufflatione animæ in nares ejus, quod demum

cap.

cap. 2. traditur. 4. Sequetur primis hominibus, quibus dictum est, *cre-* Quæst. VIII
scite & multiplicamini, nullam tamen conjugii legem esse positam, quæ
 demum cap. 2. legitur, contra expressa Christi verba Matth. 19. 4. 5. qui ab
 initio Deum marem & foeminam creasse asserit, illisque hanc statuisset le-
 gem, ut *propterea relinquat homo patrem & matrem, ut adhæreat sua conju-*
gi, quò duo sint *in una carne*, quibus aperte innuitur primam maris & foe-
 minæ creationem factam ab initio, fuisse Adami & Evæ productionem,
 quibus ista Lex est posita, adeoque Adamum & Evam esse marem & foemi-
 nam, de quibus Genes. 1. 27. quos Deus fecit *ἀπ' ἀρχῆς*, id est, ab illo
 principio quo creavit cœlum & terram. 5. Primis hominibus datum est
 imperium in animalia cap. 1. 28. quod confirmatur c. 2. 19. quum omnia
 animalia Adamo sistuntur, ut singulis nomina sua imponeret, & dominium
 istud solemni quasi investiturâ acciperet. 6. Ut dantur ipsis in cibum, herbæ,
 olera, fructus arborum, c. 1. 5. 29. ita eadem lex repetitur c. 2. 16. & agnoscitur
 ab Eva c. 3. 2. solâ arbore scientiæ boni & mali exceptâ, in qua Deus eorum
 fidem & obedientiam explorare voluit. 7. Quum cap. 2. 5. Deus dicitur for-
 masse Adamum de luto terræ, *nullus dum dicitur fuisse homo ad colendam*
terram.

VII. Nec audiendus Præadamita, dum vult creationem capitis primi dif-
 ferre ab ea quæ recensetur cap. 2. in variis: Quòd in illa Deus uno actu ma-
 rem & foeminam simul creavit; at in ista non potuerit Adami & Evæ produ-
 ctio nisi successivè fieri, tum quia Deus plâsten egit Adami, formando eum
 ex pulvere terræ, quod sine mora fieri non potuit; tum quia debuit interval-
 lum aliquod intercedere, quo animalia adducerentur ad Adamum, ut illis no-
 men imponeret; &, quia nullum adjutorium simile Adamo reperiri in illis
 poterat, ut sopor profundus immitteretur Adamo, quo costa ejus revellere-
 tur ad Evæ formationem. Nam hîc duæ falsæ hypotheses supponuntur; Pri-
 ma maris & foeminæ creationem, de qua primo capite agitur, factam fuisse
 simul & unico actu: cùm duo supposita manifestè innuantur 5. 27. *marem*
& foeminam creavit eos, & quidem cum dependentia ab invicem ex Spiritus
 Sancti declaratione, qui tradit *Adamum primum* esse formatum, 1. Tim. 2.
 13. & 1. Cor. 11. 8. 9. *Virum non esse ex muliere, sed mulierem ex viro.* Se-
 cunda, non potuisse eodem die fieri quæcunque recensentur cap. 2. de Adami
 & Evæ formatione. Cùm enim sex diebus absoluta fuerit creatio, & Deus
 quievissè dicatur ab omni opere suo, productio maris & foeminæ debuit sexto
 die absolvi. Nec quæ afferuntur contrarium evincunt: licèt enim ex illis pa-
 teat Adamum & Evam non simul & semel creatos esse, sed successivè, perpe-
 ram tamen inde colligas diversis diebus productos fuisse; Quidni enim Deus
 uno momento Adamum de pulvere terræ plâsmare potuerit, altero soporem
 illi immittere, & tertio costam ex eo revellere, & Evam ex illa formare po-
 tuerit?

QVÆST. VII. Tertiò, Ille primus homo meritò censetur, à quo peccatum, & mors in omnes homines transiit. At ab Adamo peccatum & mors in omnes derivatur, *Per unum hominem peccatum introiit in mundum, & per peccatum mors, & sic mors transiit in omnes*, Rom. 5. 12. Unus autem ille homo, non aliusest quàm Adamus, *in quo omnes mori dicuntur*, 1. Cor. 15. 22. Frustra Præadamita distinguit hâc *transgressionem, & mortem, naturalem, & legalem*, ut hæc per Adamum introducta sit, ista verò ejus natalia multis seculis præcesserit in gentilibus Præadamitis, qui obnoxii fuerint peccato & morti naturali, ex innatâ sibi naturâ corruptibili & mortali; *System. Theol. lib. 1. cap. 1. & 3.* & Nam nec *peccatum* potest dici *naturale*, quin impingatur in Deum ipsum authorem naturæ; Nec *mors naturalis* dici debet, quasi homo moriturus necessariò fuerit, etsi non peccasset, quod commentum fuit Pelagii & Socini, à Præadamita adoptatum, contra expressa Pauli verba, qui mortem per peccatum ingressam esse asserit, Rom. 5. 12. & opsonia peccati esse mortem, Rom. 6. 23. Perperam etiam fingitur dari aliquod peccatum, quod non sit contra Legem, cùm nihil aliud sit quàm *avopula*, & mortem dari quæ non sit legalis, cùm non aliunde, quàm ex vi Legis, ejusque sanctione constitutum sit hominibus semel mori.

VIII. Quartò, Homines vocantur *בני אדם filii Adam*, Psal. 49. 2. & 62. 10. & alibi passim. Ergo Adamus primus parens fuit omnium. Nec dici potest Judæos solos *filios Adam* dici in singulari, Gentiles verò Præadamitas dici *filios hominum* in plurali, eo quòd originem suam ducant, non ab uno homine, sed à pluribus primæ creationis hominibus; Quia appellatio ista filiorum Adam promiscuè tribuitur & Judæis & Gentibus, & si quando filii hominum vocantur in plurali, non alia sit de causa, quàm quia respicitur ad causas intermedias, & generationes sequentes, non verò ad primam stirpem tantum generis humani.

IX. Quintò, Si innumeri homines ante Adamum conditi fuissent, non opus fuisset iteratâ hominis ex pulvere creatione, cùm ordinaria generatio abundè sufficere potuisset: Nec dici potuisset, non inventum fuisse homini adjutorium simile ipsi, si myriades mulierum jam extitissent; Nec homo fuisset solus, ut dicitur *ψ. 18*. Nec tum demum Adamus nomina bestiis imponere debuit, quia Præadamitæ, quibus jam multis antè seculis commissum fuisset in bestias imperium, ea procul dubio jam nomine aliquo insignivissent.

X. Denique, Si ante Adamum innumeri homines extiterunt; Ergo novus Mundus, & nova Ecclesia, & nova salutis adipiscendæ ratio, pro novis istis hominibus excogitanda erit, cùm tota salutis humanæ œconomia ad Adam posteros, non ad gentem Præadamitarum pertineat. Cùm ergo, & Moïsi historia, & universa Scriptura, & recta ratio figmento huic refragentur; ut & Gentium prope omnium consensus, apud quas hominis pri-
mi

mi memoria, licet variè corrupta, & fabulis multis obscurata sit, non ta- Quæst. VIII.
 men prorsus oblitterata & deleta fuit; Nemo non videt piis omnibus tan-
 quam falsissimum & impium, quod non aliò tendit, quàm ad Historiæ
 Mosaicæ veritatem, & Verbi divini *αὐθεντίας* convellendam, & Religio-
 nem nostram ludibrio exponendam, meritò rejiciendum esse.

XI. Vestes & tunicæ pellicæ, quas Adamus & Eva post peccatum ge- Fontes
 starunt, non evincunt datos fuisse jam tum coriarios & pelliones: quia Solutio-
 Deus dicitur ipsis fecisse immediatè tunicas illas ex pellibus animalium Gen. num.

3. 21. Et si jam tum temporis moris fuit pellibus indui, Cur Adamus & Gen. 3. 21.
 Eva nudi remanserunt? Et quid opus fuit, postquam nuditatem suam co-
 gnoverunt, ficulnea consuere folia, quibus eam tegerent, cùm faciliè ve-
 lites aliunde sibi potuissent comparare?

XII. Si Adamus bona filiis suis adultis divisit, dum terras arandas dedit
 Cæino, & Abeli oves pascendas, dividendo *jus fecit*, non *invenit*, & bona
 divisit tantum inter filios, non hos ab aliis allophylis, qui tum viverent, se-
 paravit. Unde liquet primos eos fuisse post Adamum, qui ex ejus lumbis
 egressi, mundum incolere & excolere cœperunt, cùm ante Adamum nul-
 lus dicatur homo extitisse qui coleret terram Gen. 2. 5.

XIII. Licet extra dubium sit agriculturam primum vitæ genus fuisse,
 quod sectatus sit Adamus cum filius, & in ea potissimum se exercuerit in
 georgica, & bucolica, quia prima hominum cura debuit spectare prima &
 maximè necessaria hujus vitæ adminicula, quæ præcipuè ex hac utraque pe-
 tuntur. Non propterea supponendum varios ante Adamum fuisse artifices,
 qui instrumenta pararent necessaria ad utriusque exercitium: Tum quia lon-
 gè facilius & felicius poterat exerceri quàm hodie, tum quia ex familia ipsa
 Adami, quæ divina benedictione mirum in modum multiplicabatur, mul-
 ti oriri potuerunt, qui hisce operibus sese applicarent, ut dicitur postea de
 Tubalcaino tertio à Cæino, Gen. 4. 22. quod autor fuerit eorum qui æs &
 ferrum acuunt; Nec si Abel custodire debuit oves, ideo fingendi sunt in-
 ter Præadamitas fures, quos arceret, quia poterant jam esse ex fratribus &
 nepotibus, à quibus sibi metuere potuit, ne dicam feras, adversus quas
 oves custodire debuit.

XIV. Quum Cæin factus exul & profugus à facie Dei, dicitur timuif-
 se, ne *omnis qui inveniret ipsum, eum occideret*, Genes. 4. 14. non opus Gen. 4. 14.
 est Præadamitas fingere, quos metueret, multi enim alii Adami liberi
 erant, multi quoque filii & nepotes ipsius Abelis jam centenario majoris
 quum obiit, quos tanquam fraterni & paterni sanguinis vindices tum me-
 tuere poterat: Quid quod verba ista propriè turbatam conscientiam notant,
 quæ omnia tuta timere solet, & justam iræ divinæ pœnam, ministerio vel
 hominum, vel bestiarum infligendam expectat.

QUÆST. XV. Licet Moſis mens fuerit ſpecialem Gentis ſuæ originem, & hiſto-
 VIII. riam pertexere, & Eccleſiæ primordia deſcribere; noluit tamen in eo ſiltere,
 ſed Mundi iplius originem tradere voluit, ut rem ab ovo repeteret, & Ec-
 cleſiæ primordia, & ſuorum Genealogiam ab iſtis mundi incunabulis ar-
 ceſſeret; Et hoc vel ex eo confirmatur luculenter, quòd ex tribus Noachi
 filiis ab Adamo oriundis, omnes Gentes toto terrarum orbe derivatæ ſint,
 ut conſtat ex Gen. 10. 32. quod Celeb. *Bochartus* in ſuo *Phaleg* abundè de-
 monſtravit; Quod dici non poſſet, ſi præter Adamum, unde Noachus
 oriundus fuit, alii longè plures homines jam conditi fuiſſent. Unde etiam
 patet abſurdiſſimè Judæos ſolos Adamitas dici, cùm Gentes aliæ à Judæis
 alieniſſimæ ab Adamo, & Noacho originem duxerint.

Gen. 4. 25. XVI. Quod Eva dicit in Sethi nativitate, Gen. 4. 25. *Poſuit mihi Deus*
ſemen aliud pro Abele, quem occidit Cainus, non ſignificat abſolutè nullos
 tunc alios fuiſſe Evæ filios, ſed tantùm nullos extitiſſe pietate & virtute ſimi-
 les Abeli recens tum cæſo, quem in Setho pia mater quadantenus revicturum
 ſperabat & optabat. Nec, ſi Moſes nomina reticet filiarum ab Adamo & Eva
 progenitarum; quia Genealogiam voluit texere hominum, quæ à maribus
 vulgò, non à ſcæminis ducitur; ſequitur nullas fuiſſe illis natas, cùm expreſ-
 ſè Gen. 5. Patriarchæ dicantur *genuiſſe filios & filias*.

Rom. 5. 13. XVII. Quamvis Paulus dicat Rom. 5. 13. *Peccatum fuiſſe in mundo uſ-*
que ad Legem, non ſequitur extitiſſe homines peccatores ante Adamum.
 Quia falſò & gratis ſupponitur per *Legem* hîc ab Apoſtolo intelligi *Adami-*
cam, ſcilicet quæ lata eſt Adamo circa arborem ſcientiæ boni & mali; cùm
 non alia quàm *Lex Moſaïca* intelligenda veniat, quod patet 1. ex eo quòd
 Paulo iſta duo æquipollent, *uſque ad Moſem*, & *uſque ad Legem*; nam ut di-
 cit peccatum fuiſſe *in mundo uſque ad Legem*; ita dicit mortem *regnare ab A-*
damo uſque ad Moſem. 2. Quia non aliam Legem poteſt intelligere, ab ea,
 de qua in tota epiſtola loquitur, ut oſtendat neminem per Legem juſtificari,
 quicquid Judæi pertenderent, quod non ad aliam quàm ad Moſaïcam re-
 fertur. 3. De ea Lege loquitur, quæ ſequuta eſt tranſgreſſionem Adami,
 non quæ eam præceſſit, quia dicit *Legem ſubintrare, ut abundaret peccatum*
 v. 20. Licet verò Lex Adamo lata fuerit prima omnium Legum, non pro-
 pterea κατ' ἐξολω Lex ſimpliciter dici debet; cùm fuerit merè poſitiva &
 ſymbolica; Unde Scriptura nuſpiam eam Legis nomine inſignit, quod de
 Lege Moſaïca paſſim dicitur. Non negandum quidem jam ante Legem Mo-
 ſis, fuiſſe Legem naturalem, ex cujus tranſgreſſione ortum eſt peccatum,
 & ex peccato mors; quia aliàs, ut Apoſtolus ait Rom. 4. v. 15. *Ubi non eſt*
Lex, ibi nec eſt tranſgreſſio, nec mors quæ ex illa oritur. Sed non propterea
 quis niſi perperam inferat, Legem, ante quam peccatum non imputabatur,
 fuiſſe Adamicam. Quod verò additur de iis *qui non peccarunt ad ſimilitudi-*
 nem

nem transgressionis Adami c. 5. v. 14. non potest extendi ad Præadamitas, sed ad *infantes* referri debet, qui non peccarunt actualiter ad instar Adami, sed labe tantum originali sunt infecti, quæ eos condemnationi & morti subjicit. Unde licet peccatores similiter cum Adamo bene dicantur, non tamen pariter dici possunt peccasse actualiter, ad ejus similitudinem, non modò *specificè*, quo sensu nemo etiam adultorum peccare potest ad similitudinem peccati Adami, quod illi proprium fuit, sed etiam *genericè*, quo pacto omnia peccata actualia illi sunt similia.

QUESTIO IX.

DE HOMINIS CREATIONE.

An Homo in puris naturalibus conditus fuerit, vel conditus saltem potuerit? Neg. contra Pelagianos, & Scholasticos.

I. **U**T Quæstio ista, quæ nobis cum Pelagianis veteribus, & recentioribus intercedit, melius intelligatur; Quid per *pura natura Statum*, vel per *pura naturalia* hic designetur ante omnia tenendum est.

II. *Naturale* trifariam sumi potest, vel pro eo quod *naturam constituit*, & ejus est pars essentialis, vel integralis; vel pro eo quod *naturam constitutam* immediatè & necessariò *consequitur*, ut ejus proprietas; vel pro eo quod *natura est congenitum*, & *consentaneum*, quodque eam ornat & perficit, qualis est habitus nobis congenitus. Hic verò non agitur de naturalibus tertio sensu, sed primo, & secundo, id est, vel constitutivis, vel consecutivis, quæ *pura* dicuntur oppositè ad accidentia, seu qualitates separabiles; Atque ita homo in puris naturalibus dicitur, qui constat partibus suis, & proprietatibus essentialibus, absque dono justitiæ originalis, & sine ullis qualitatibus vel habitibus superadditis bonis, vel malis. Et *status pura natura* vocatur, *puritate negativâ*, non *positivâ*, quâ scilicet naturæ superadditum bonum vel malum nihil habeat.

*Naturale
quot modis
dicatur.*

*Quid sint
pura natura-
lia.*

*Et status
pura natura-
ra.*

III. Non quæritur, An concipere possimus hominem in puris naturalibus, cogitando de ejus essentia & proprietatibus essentialibus, non cogitando de ejus bonitate, vel malitia, quod utrinque est in confesso: Sed, An homo, qualis è manu Dei prodiit, in tali statu conditus sit, vel conditus saltem potuerit? Quod negamus.

IV. Res nobis hic est cum Pelagianis veteribus, & novis; quorum

Quæst.
IX.

illi, ut peccatum originale destruerent, & liberum arbitrium stabilirent, finxerunt statum puræ naturæ, in quo homo conditus fuerit ab initio, & quotidie etiam nascatur. Quò pertinent illa Pelagii apud *Aug. de Peccat. orig. c. 13. Omne bonum ac malum, quo vel laudabiles, vel illaudabiles sumus, non nobiscum oritur, sed agitur à nobis. Capaces enim utriusque rei, non pleni nascimur, & ut sine virtute, ita & sine vitio procreamur, atque ante actionem propriae voluntatis, id solum in homine est quod Deus condidit*: Isti verò illis in eo adstipulantur, ut facilius tueantur Justitiam originalem fuisse donum supernaturale, superadditum naturæ, tanquam aureum frænum, & remedium languori & morbo naturæ, qui ex conditione materiæ oriebatur; unde naturam puram, & lapsam non aliter differre volunt, quàm nudum à spoliato, ut *Bellar.* loquitur de Gratia primi hominis c. 5. qui non aliter inter se discrepant, nisi quòd hic amiserit, quod alter nondum habuit, ut proinde pura natura se habeat instar negationis, lapsa verò instar privationis, atque ita volunt Adamum creatum fuisse in puris naturalibus. Verum est, non omnes in ea esse sententia, & nonnullos esse, teste *Medinâ* in 1. 2. q. 18. art. 2. qui per hominem constitutum in puris naturalibus, intelligunt hominem constitutum in natura integra, cum dono & vigore sanante naturam, adeò ut in bono & officio virtutum posset permanere, & perseverare si vellet, quæ sententia sine dubio videtur esse *Augustini*. Quod *Jansenius* in suo *Augustino* fulè ostendit tribus libris de statu puræ naturæ; Sed plerique sic sentiunt, ut *Alensis*, *Bonaventura*, & *Jesuitæ*. Ad quos hîc accedunt *Sociniani* & *Remonstrantes*, Pelagii vestigia sequentes.

Homo non
est conditus
in puris na-
turalibus.

V. Nos verò Hominem nunquam in puris naturalibus, seu in statu puræ naturæ ita intellectæ, conditum pertendimus, nec verò condi posse putamus. Rationes sunt, 1. Quia homo conditus est ad Imaginem Dei, *Genes. 1. 26.* atque adeò bonus & rectus moraliter, *Eccles. 7. 29.* Cùm enim Imago ista, ut postea dicetur, in Justitia originali potissimum sita sit, non potest dici creatus in puris naturalibus, qui eâ ornatus à principio fuit. 2. Quia conditus est ad gloriam & cultum Dei *Prov. 16. 4. Rom. 11. 36.* quo officio non potuisset defungi, nisi dotibus necessariis instructus fuisset; sapientiâ scilicet & sanctitate.

VI. 3. Quia ubi duo sunt immediatè opposita, quæ subjecto alicui competunt, eorum alterutrum necesse est illi inesse. At justitia & peccatum de homine prædicantur, tanquam subjecto eorum *δενήκω*, & sibi *ἀπέναντος* opponuntur. Ergo necesse est alterutrum illi inesse, nec potest dari homo, quin sit vel justus, vel peccator. Frustra assertur exemplum infantium, qui nec justi possunt dici, quia justè non agunt, nec peccatores, quia peccare non possunt. Nam quamvis infans non possit dici justus, aut peccator, justitiâ, aut peccato actuali; potest tamen habituali, & congenito, ut rectè dicitur rationalis,

nalis, quia rationem habet in actu primo, licet actu nondum ratiocinetur, Quæst. IX.
nec ratiocinari possit.

VII. 4. Quia status iste puræ naturæ, merum est figmentum, quod nec fuit unquam, nec esse potuit: Non in statu integro, quia in eo integer & innocens esse debuit; Non in statu peccati, quia nascitur filius iræ; Non in statu gratiæ, quia renascitur filius Dei; Non in statu gloriæ, quia tunc consummabitur ejus sanctitas & felicitas.

VIII. *Status natura puræ*, non dicitur oppositè ad *impurum*, sicut enim *Fontes* non repugnat statum integritatis vocari, quia pura tunc & integra fuit natura, sed oppositè ad *dona*, & *habitus spirituales* justitiæ & sanctitatis, num. *Solutio-*
quos Pontificii volunt esse supernaturales, patrocinaturi liberi arbitrii integritati, & ut concupiscentiam faciant naturalem in primo homine.

IX. Deus poterat quidem hominem non creare, sed posito quòd voluerit creare, non poterat illum creare ex legem, & homini creato non ponere Legem, quia ut dependentia physica essentialis Creaturæ à Creatore datur semper in genere entis, ita & ethica dari debet in genere moris; imò quamvis Deus nullam legem externam illi posuisset, conscientia & rectæ rationis dictamen illi esset instar Legis, quod Apostolus vocat *opus Legis*, Rom. 2. 15.

X. Cum ipsa carentia justitiæ originalis sit peccatum, non potest concipi homo destitutus justitia originali, quin eo ipso concipiatur peccator; maximè cum ille defectus non sit mera negatio, sed privatio rectitudinis debitæ inesse.

XI. Homo potest dari, qui non sit justus, vel qui non sit peccator; Sed non potest dari, qui non sit, vel justus, vel peccator; prius negat alterutrum de subiecto, quod sæpe occurrit; sed posterius utrumque, quod nunquam.

Q U Æ S T I O X.

In quo sita sit Imago Dei, ad quam Homo conditus est?

I. **U**T *Imago Dei* præcipua est hominis gloria, quâ cæteris Animantibus longè supereminet, & ad Deum propius accedit; plurimum nostra refert cognoscere, in quo potissimum constituenda sit, quod diversimodè à Theologis explicatur. Nos primò *ἡ ἀπειρα* & negativè ostendemus, in quo non sita sit: Secundò *ἡ ἵεσις*, & affirmativè videmus, in quo sit statuenda.

II. Observandum verò in antecessum, Scripturam quadruplicis Imaginis Dei mentionem facere. Prima est *Filii Dei*, qui vocatur *εικὼν ἡ Θεοῦ ἀεγέτης*, Col. 1. 15. *Imago Dei invisibilis*: Secunda *Adami*, qui factus est ad

QUÆST. ad Imaginem Dei. Tertia *Renati*, qui dicitur *renovari in cognitione ad imaginem Creatoris sui*, Col. 3. 10. Quarta *Viri*, qui peculiari ratione dicitur *imago Dei* supra mulierem, quæ est *imago Viri*, 1. Cor. 11. 7. *Filius Dei* est *imago essentialis*, æqualitatis perfectissimæ, eandem numero naturam obtinens cum Patre. Adam est *imago accidentalis*, & *analogica* similitudinis inadæquatæ & imperfectæ, quoad naturam, dona, & statum. Renati sunt *imago spiritualis*, quoad dona supernaturalia. Vir comparatè ad uxorem, est *imago authoritatis*, quoad potestatem quam habet in uxorem.

III. Rursus Imago, vel significat ipsum *ὑπότυπον*, ad cuius exemplar aliquid fit, seu res illas in Deo, ad quarum similitudinem conditus est homo: Vel significat ipsum *εἰκόν*, quod fit ad exemplar alterius, seu similitudinem ipsam, quæ est in homine, & relationem ad ipsum Deum; priori sensu homo dicitur esse factus ad imaginem Dei, posteriori verò ipsa Dei imago.

Imago Dei
non consi-
stis in par-
ticipatione
Essentie
Divine.

IV. Imago autem ista, Primò κατ' ἀρσιν, Non posita est in *participatione Essentie Divine*, quali hominis natura esset *ὑποσυναρμόσιον* divinæ, & divinæ auræ quædam particula, ut Gentiles loquebantur. Hac enim ratione solus Filius Dei est *Imago Dei invisibilis* Col. 1. 15. essentialis, & naturalis, & nullus mortalium potest eò assurgere, quia infinitum non potest participari à finito: Et si *participes* dicimur per gratiam *divine nature*, 2. Pet. 1. 4. hoc non intelligitur de *participatione essentiali, formali, & intrinseca*, sed *analogica, accidentali, & extrinseca*, ratione effectuum analogorum virtutibus divinis, quæ in nobis per Spiritum ad imaginem Dei producuntur.

2. Nec in
corporis
figura.

V. 2. Nec in *Corporis aliqua figura*, aut habitu externo, quò homo Deum referat, quod fuit olim Anthropomorphitarum delirium. Nam licet non putemus omnem rationem imaginis istius à corpore esse planè removendam, & aliquos ejus radios fulgere in ipso censeamus, sive immortalitatem hominis spectemus, cujus corpus etiam suo modo particeps fuisset, sive majestatem illam quam præ se ferebat, & quam Ovid. eleganter sic exprimit:

*Pronaque cum spectent animalia cætera terram,
Os homini sublime dedit, cælumque tueri
Jussit, & erectos ad sidera tollere vultus.*

sive admirabilem Corporis organici, & omnium membrorum compagem, symmetriam, & ulum attendamus; Certum tamen est, non tam formaliter, quàm consequenter, & effectivè fulsisse in corpore istam imaginem, quatenus & figura ipsius hominis, & majestas ab illa resultans, testatur de hominis potestate in reliquas creaturas, & quod habeat animam contemplationi & cognitioni idoneam; atque adeò propria Imaginis Divinæ sedem, non in corpore, sed in anima fuisse. Nec si membra humana Deo tribuuntur in Scriptura, propterea sequitur imaginis rationem in istis propriè esse collocandam; cum ἀνθρωπομορφία tantum illi tribuantur, & intelligen-
da

da sint *ὑπογεγραμμένοι*, non formaliter & propriè, sed figuratè & analogicè. Quæst. X.

VI. Secundò *ἡ ἑστὶν* Imago ista consistebat in bonis homini per creati-
nem collatis, iisque non essentialibus tantùm, nec solùm accidentalibus, sed
utrisque simul, tam internis, quàm externis, quibus in eo naturæ, perfe-
ctionis, & authoritatis gradu erat collocatus, ut nulla visibilis creatura Deo
vel esset similior, vel conjunctior. In tribus verò potissimùm posita erat,
1. In natura, 2. In rectitudine naturæ, 3. In statu beato, qui in utraque fun-
datur, *antecedenter* in natura, quoad spiritualitatem, & immortalitatem
animæ, *formaliter* in rectitudine, seu Justitia originali; *Consequenter*, In
hominis totius dominio, & immortalitate, qui fuit imaginis istius splenden-
tis fulgor, & radii undique micantes, qui hominem totum collustrabant.

Sed
1. In natura
2. rectitu-
dine.
3. dominio
ac immor-
talitate.
1. in Ani-
mæ sub-
stantia.

VII. Prima ergo pars Imaginis pertinet ad *Animæ substantiam*, eamque
spiritualem, & incorruptibilem, seu immortalem ab intrinseco, & ad
ejus facultates intellectum putà & voluntatem, & quæ ex utraque exur-
git libertatem, quæ omnia Deo eminenter & perfectissimè competunt.
Unde homo etiam post peccatum dicitur ad imaginem Dei factus, Jac. 3.
9. & Gen. 9. 6. exdes hominis imaginis Dei destructio vocatur, dum
vetatur homicidium hominis, quia ad imaginem Dei factus est, quod dici
non posset, nisi quædam pars imaginis divinæ, etiam in ipsa animæ natu-
ra sita esset. Nec si Scriptura sæpius refert imaginem Dei ad justitiam &
sanctitatem, quia est ejus pars potissima, propterea exclusivè loquitur, &
negat ad animam ipsam etiam pertinere; Nec *ἀποστέλλω* est, ut Imago par-
tim dicatur amissa, & partim conservata, & ut in eodem subjecto sit imago
Dei, & diaboli *κατ' ἀνθεκ' ἀνθεκ'*, Illa quidem in animæ essentia, & doti-
bus post lapsum residuis; Ista verò in vitiositate & maculâ; unde peccatores
similes in ea dicuntur diabolo patri suo, ejus opera patrando, qui tamen
non desinunt referre Authorem suum ratione spiritualitatis & incorruptibi-
litis. Nec propterea revocatur error Flaccii, qui non fuit in eo, quòd
constitueret imaginem in animæ essentia, sed quòd arbitraretur peccatum
laxasse ipsam animæ substantiam, quod falsum est.

VIII. 2. Adeam pertinet rectitudo, & integritas, seu dotes homini
collatæ, quæ nomine *Justitiæ originalis* exprimi solent, quia fuit homini
concreata, & ab origine illi collata est, quæ complectitur, tum sapien-
tiam in mente, sanctitatem in voluntate, & rectitudinem & *ὁρθότητα* in af-
fectibus, & talem harmoniam inter omnes ejus facultates dicit, ut membra
affectibus, affectus voluntati, voluntas rationi, ratio Legi divinæ obse-
querentur, & sic homo rectus & integer absque peccato existeret, sed ta-
men in statu semper mutabili, cui accessit *libertas* quadruplex, 1. à coactio-
ne, 2. à necessitate physica, 3. à peccato, 4. à miseria, de quibus postea.

*Contra So-
cianos
probat
Justitiæ
originalem
datam fuisse
Adamo.*

IX. Reclamant hic *Sociniani*, qui, ut faciliùs peccati originalis verita-

Quæst. X. ten, & naturam evertant, non modò nolunt agnoscere Justitiam hanc pertinere ad Dei imaginem, sed absolutè negant hominem in tali justitia esse conditum: Fatentur quidem hominem conditum esse absque corruptione peccati, quæ nunc est; Sed sapientem, justum, & sanctum absque dissidio & rebellionem rationis & appetitus esse negant, ut innocentia quidem & carentia peccati illi tribui possit, sed non justitia. Atque ita Imaginem Dei in solo dominio positam esse volunt, vide *Socinum*, Prælect. c. 3. Quem hinc sequuntur *Remonstrantes* in Colla. Hagi. p. 250. Nos verò hominem cum justitia ista fuisse creatum, & in ea præcipuam imaginis partem consistere censemus, & sequentibus rationibus demonstramus.

X. Primò, Quia homo creatus est rectus & bonus, atque adeò justus originaliter, bonitas enim & rectitudo moralis justitiam necessariò includit, imò *Gen. 1. 31.* est justitia de qua loquitur *Gen. 1. 31. Deus vidit ea quæ fecit, & erant omnia valde bona. Eccl. 7. 29. Deus fecit hominem rectum, sed ille quasi vult ratiocinia multa.* Perperam verò Socinus vult *ἵσθαι* quod habetur *Genes. 1.* non significare rectitudinem animæ, aut justitiam; sed aptitudinem & convenientiam ad id, quod Deus sibi proposuerat, & ad omnia opera creationis extendi. Quia licet hoc enunciatur de omnibus Dei operibus in genere, ad singula tamen debet in specie pertinere, & ad hominem peculiariter applicandum est, juxta statum naturæ suæ & convenienter ad finem ad quem destinatus fuit à Deo; Ut ergo bruta, & aliæ creaturæ dicuntur bonæ bonitate naturali, homo, qui est creatura rationalis, & qui Deo & Legi ejus moraliter subjici debet, *bonus* intelligitur *bonitate morali*, sine qua non potuit finem assequi ad quem destinatus fuit, nimirum Dei gloriam, & cultum. Vox *ἵσθαι* quæ *Eccl. 7.* habetur, non potest notare tantum negationem injustitiæ, & carentiam peccati, cum indifferentia ad bonum & malum; sed necessariò notat positionem justitiæ, quâ rectus & integer moraliter censeatur, id est conformis Legi, ut passim redditur à LXX. pro subjecta materia per *δικαιον, καθαρὸν, καλὸν & ἀγαθόν*, & antithesis hoc confirmat, quia pravitatem moralem in vanis hominum ratiociniis opponit rectitudini in qua creatus est

XI. Secundò, Qualis est imago, quæ in nobis restauratur per gratiam, & quæ perficietur in nobis per gloriam; Talis debuit esse, quæ collata est homini in natura, quia revocatio fit *κατ' εἰκόνα & κτίσαντος* juxta imaginem Creatoris *Col. 3. 10.* At Imago illa non alia est, quàm hominis regeneratio, quæ in illuminatione mentis, & sanctificatione voluntatis consistit; Unde dicimur *transformari per renovationem mentis nostræ* *Rom. 12. 2.* Et *Col. 3. 10. renovari eis ἐπιγνώσιν in cognitionem*, & *Ephes. 4. 24. novus homo*, qui est ipsissima imago quæ in nobis reformatur, dicitur esse *secundum Deum, in justitia & sanctitate veritatis*, id est, vel in vera justitia & sanctitate, vel in justitia & sanctitate, quæ oritur ex veritate: Ita Imago gloriæ, non alia erit,

erit, quàm perfecta similitudo cum Deo per cognitionem, & sanctitatem absolutam Pl. 17. 15. 1. Jo. 3. 2. Quest. X.

XII. Tertio, Deus hominem perfectum creavit, Ergo cum Justitia originali, quia hæc est animæ rationalis perfectio. Frustra regerit Adversarius perfectionem hominis esse justitiam voluntariam, non naturalem, quam usu liberi arbitrii demum sit adeptus. Quia supponit gratis Justitiam voluntariam tantum fuisse, prout voluntarium illud est, quod per actus voluntatis acquiritur, cum ea ab origine homini data sit, atque adeo connata, non acquisita; potest ergo dici & naturalis, & voluntaria; *naturalis* quia homini fuit concreata, *voluntaria*, tum *subjectivè*, quia fuit in voluntate, tum *effectivè*, quia actus liberos & voluntarios produxit.

XIII. Quarto, Quia Homo à Deo conditus est ad Creatorem suum *Fontes* agnoscendum & colendum, & ut dominium in cæteras creaturas exerceret; sed neutrum potuit præstare sine justitia originali; Quomodo enim *Solutio-* vel sapienter & justè potuisset dominari in creaturas, vel Deo servire, nisi sapientia & sanctitate fuisset instructus?

XIV. Aliud est habere justitiam originalem, Aliud habere eam immutabiliter; Si illam habuisset posteriori modo, nec peccare potuisset, nec ullâ tentatione urgeri. Sed quia habuit eam mutabiliter, potuit utrumque, ut eventus docuit. Justitia ergo originalis, nec fuit *impotentia absoluta peccandi*, nec *impeccantia simpliciter*, sed *potentia non peccandi*, ex justitiâ mutabili, quæ peccandi quidem voluntatem, quamdiu stabat, sed non facultatem auferebat: Nec debuit illa imago ponere impeccabilitatem in homine, qualis est in Deo, quia simile non est idem, potuit quidem imitari Dei sanctitatem & justitiam, & ad eam accedere, sed procul tamen à sanctitate Dei, quæ est essentialis, perfecta, & immutabilis.

XV. Quamvis bene colligatur ex Gen. 1. 26. Imaginem Dei etiam in *Gen. 1. 26.* Dominio consistere, vel illud post se trahere consequenter; hoc tamen non debet intelligi *exclusivè* ad Justitiam; nam dominium hoc necessariò illam requirit, & præsupponit, quippe ut simpliciter exerceatur, rationem, ut justè & placidè sapientiam & justitiam, ut perpetuò & constanter immortalitatem postulat.

XVI. Adamus post lapsum habuit adhuc Dei imaginem, sicut & posterij ejus etiam hodie habent, dum dicuntur facti ad imaginem Dei; sed hoc intelligendum tantum secundum quid, quoad reliquias quasdam naturales imaginis; sed non absolutè, quoad qualitates spirituales & supernaturales, quæ planè sunt amissæ, & restaurari debent in nobis per gratiam regenerationis.

XVII. Alia est *justitia gratiæ*, & *gloria* in Christo Adamo secundo, Alia *justitia nature*; Illa est immutabilis & indefectibilis; Sed ista non item, unde mirum non est si homo justus defecerit, quia erat justus mutabiliter.

QUEST.
X.

XVIII. Ut *caro & spiritus* physicè accepta, disparata sunt, non contraria; Ita etiam se habent utriusque appetitus inclinationes, & actiones per se, repugnantia quæ in illis deprehenditur nunc, per accidens ex peccato nata est; Antea enim summa erat harmonia, & ἀρμονία in appetitibus; Corpus quippe animæ, caro rationi obsequebatur, non violenter, sed naturaliter.

XIX. Sapientia Adami in variis eluxit, tum in ὁνομασθεία animalium, quæ non facta est pro arbitrio, & ad meram distinctionem, sed ex ratione, & convenienter cujuslibet naturæ Gen. 2. 19. tum in miraculosi Evæ uxoris ortus cognitione, cujus naturam & officium spiritu prophetico declarat ψ. 23. Nec, si oculi primorum parentum post peccatum dicuntur *aperti*, ut cognoscerent se nudos; sequitur hoc antea ignorasse, quia aperti dicuntur, non prout erant creati à Deo; sed prout obscurati fuerant à Diabolo; qui spe scientiæ & dignitatis divinæ eos lactaverat, à qua post lapsum se excidisse funestâ experienciâ didicerunt. Agnoverunt ergo se esse nudos, non quòd antea instar puerorum hoc ignorassent, quia c. 2. 25. expresse dicitur *eos fuisse nudos, nec propterea erubuisse*; sed quia non prius agnoverunt se indigere vestimentis, quàm amissa justitiâ, turpitudine sua confundi, & Judicis oculum formidare, ac elementorum injuriam sentire cœperunt. Duplex ergo veluti ipsorum *nuditas* attendenda est, alia *innocentiæ & sanctitatis*, quam ante lapsum agnoverunt, nec propterea erubuerunt, quia nullâ ἀρμονίᾳ, & turpitudine comitata erat; alia *reatus & turpitudinis* post peccatum, quæ non potuit non pudore eos suffundere, statim atque conscientia ipsorum evigilavit, & aperti sunt oculi ad eam cognoscendam.

XX. Sapiens & justus non peccat in *sensu composito*, & quæ talis, sed potest peccare in *sensu diviso*, quum deficit à sapientiâ & justitiâ sibi collatâ, quod fecit Adamus; Licet nosset theoreticè quid Deus circa arborem scientiæ boni & mali esset comminatus, non adhibuit tamen *practicè* illam Dei comminationem, cujus sibi conscius erat, ut debuisset, ad resistendum tentationi diaboli.

3. Imago
in dominio
& immortalitate
posita est.

XXI. Eadem justitia quæ reparatur per Christum, data fuit primitus Adamo, quoad *rem habitam*, sed non quoad *modum habendi*; ista enim ab origine in ipso fuit, & per naturam, illa verò supernaturaliter tantum, & per gratiam; prima mutabiliter, secunda immutabiliter & inamissibiliter.

XXII. Tertia pars Imaginis Dei consistit in hominis *Dominio, & Immortalitate*. Dominium est Potestas quæ illi à Deo tributa est, tanquam principi in omnes creaturas inferiores, per quam ut jus habebat illis pro libitu utendi; Ita omnes ipsi tanquam Domino famulari tenebantur, & ejus usibus servire, quæ fuit ἀπορροή quædam imaginis divinæ, & character supremi domini Creatoris, cujus ὑπεροχή, hac in parte cum homine aliquo modo communicata. Hinc formationi hominis ad imaginem Dei subjicitur statim ejus-

eiusdem dominium, Gen. I. 26. 27. *faciamus hominem ad imaginem nostram, & secundum similitudinem nostram, 1771 & dominantur, vel ut dominantur, sive qui dominantur in pisces maris, in alites celi, & pecudes, & in totam terram, &c.* Commune autem fuit dominium utrique respectu reliquarum creaturarum; licet vir hoc habuerit peculiare, quod potestatem haberet in uxorem, quo sensu vir singulariter vocatur Imago Dei 1. Cor. 11. Licet verò per lapsum, dominium illud valde fractum & imminutum fuerit, non tamen eo planè excidit; Unde Gen. 9. 2. 3. Noacho post diluvium confirmatur, quod non tam est prima concessio potestatis, quàm restitutio qualiscunque prisci juris antea dati. Qualecunque autem fuerit dominium istud etiam ante lapsum, infinitè distabat à dominio Dei, quod independens, naturale, absolutum, & illimitatum; hominis contra dependens, precarium, & suis limitibus circumscriptum.

XXIII. Huic addenda est *Immortalitas*, non animæ tantum ipsius, quæ etiamnum post peccatum remanet, sed totius suppositi, non absoluta qualis est beatorum, quæ est *impotentia moriendi*, sed conditionata, quæ est *potentia non moriendi*, si non peccasset, de qua peculiari quæstione postea agetur.

Q U Æ S T I O X I.

An Justitia originalis fuerit naturalis, An supernaturalis? Prius affirm. Poster. Neg. contra Pontificios.

I. **Q**uæstio hæc movetur à Pontificiis, quæ non magni momenti videretur esse, si de nomine tantum lis esset; Sed quia sub isto cortice varios errores inducunt Adversarii; necessaria facta est ad intelligendam status integritatis naturam, peccati originalis veritatem, & liberi arbitrii conditionem.

II. Quia verò multum logomachia solet in hac Quæstione misceri, ob multiplicem vocis naturalis, & supernaturalis significationem, de ea primò dicendum. *Naturale* quadrifariam sumitur, 1. *originaliter*, & *subjectivè*, quod à natura trahitur & illi est vel concreatum, vel congenitum, illique penitissimè infixum, quod opponitur *adventitio*. 2. *constitutivè*, & *consecutivè*, quod naturam rei constituit, vel consequitur, & fluit à principiis naturæ, quales sunt partes rei essentielles, vel ejus proprietates; quod opponitur *accidentali*. 3. *perfectivè*, quod naturæ convenit, & illam ornat & perficit, quod opponitur ei quod est *contra naturam*. 4. *transitivè*, quod cum natura propagari debuit.

Naturale quadrifariam dicitur,

1. *originaliter.*

2. *Constitutivè.*

3. *Perfectivè.*

4. *Transitivè.*

III. Rursus *natura* spectari potest, vel ut *integra*, vel ut *corrupta*, nam

Quæst. XL. quædam sunt naturalia quoad primam, quæ sunt supernaturalia respectu secundæ. Naturale in natura integra id dicebatur homini, non modò quod naturam ejus constituerebat essentialiter, vel consequebatur necessario; sed quod naturæ integræ ita conveniebat, & insitum erat, ut sine eo integræ esse non potuisset; Supernaturale verò, quod homini integro, supra naturæ principia, & animi dotes adveniebat ad ejus perfectionem.

Status

Quæstio-
nis.

IV. Non quæritur, An Justitia originalis dicatur *naturalis constitutivè* à priori, vel *consecutivè* à posteriori, quasi vel naturam ipsam constitueret, vel consequeretur, hoc enim nemo nostrum asserit. Non, An sit talis *originaliter*, & *transitivè*, ab origine putà deducta, & quæ ad posteros si homo integer perstitisset, propaganda fuisset, hoc enim nemo ex Pontificiis negat. Non, An sit naturalis resp. *status corrupti*, facilè enim concedimus, ita ab homine lapso esse alienam, ut sine supernaturali dono gratiæ illam recuperare non valeat. Sed, An sit *naturalis*, respectu *status integri*, quæ necessaria sit ad perfectionem naturæ integræ, & quæ pertineat ad dotes nativas hominis integri; sic enim homo non spectatur simpliciter *physicè*, quà homo, sed *Theologicè* & *moraliter*, quà sanus & integer.

V. Pontificii volunt Justitiam originalem esse donum supernaturale, quod ad nativas hominis integri dotes & vires superadditum fuerit. Cur autem ita statuant, causam Bell. exponit de gratia primi hominis c. 5. & 6. quòd in homine naturaliter pugna fuerit inter carnem & spiritum, rationem & appetitum, ex qua fluere morbus & languor quidam naturæ, qui ex conditione materiæ oriretur; Ideo Deum justitiam originalem tanquam *fratum aureum* addidisse, quod cohiberet illam pugnam, & instar pretiosæ *vestis*, quæ nuditatem ipsius tegeret, & *medicamenti*, quod sanaret illum languorem. Quæ communior est apud ipsos sententia, licèt reclamant hic Jansenistæ, & alii cum ipsis. Unde ortum illud Scholasticorum, *Naturalia mansisse integra, supernaturalia verò tantum amissa.*

Justitiam
originalem
naturalem
fuisse pro-
batum.

VI. Orthodoxi verò, licèt non diffiteantur justitiam istam supernaturalem posse dici ratione status corrupti, nec esse naturalem constitutivè, aut consecutivè; Tamen naturalem bene dici censent *originaliter* & *perfectivè*, ratione status integri, quia illi concreata est, & ita necessaria ad hominis integri perfectionem, ut sine ea talis esse non potuisset.

VII. Rationes sunt, 1. Quia bonitas & rectitudo sunt naturales homini integro; Ergo & justitia originalis, quæ in illis sita est: Qualis quippe fuit relatio bonitatis ad reliquas creaturas, talis etiam fuit relatio ad hominem. At reliquis Creaturis bonitas fuit naturalis, Gen. 1. 31. Ergo & homini. Ita quoad rectitudinem, cum homini tribuatur ab illius creatione, ut opponatur ei quod est adventitium, Eccl. 7. 29. non potest non esse naturalis.

VIII. 2. Quia quicquid transfunditur ad posteros, debet esse naturale;

At

At Justitia propaganda fuisset ad posteros, si homo perstitisset in integritate, siquidem sibi simile genuisset. 3. Quia peccatum originale, quod à parentibus derivatur in filios, est naturale, unde dicimur *naturâ filii ira*, Eph. 2. 3. Ergo Justitia originalis, quæ illi opponitur, naturalis etiam debuit esse. 4. Reliquiæ imaginis divinæ dicuntur naturales, quia sunt opus Legis, quod gentes faciunt naturâ, Rom. 2. 14. Ergo & ipsa Imago tota.

IX. 5. Si Justitia originalis fuit supernaturalis, Ergo naturalis illi fuit privatio justitiæ, & illa omnia, quæ necesse est ut subjecto capaci adsint, à quo justitia abest, ignorantia putâ, inclinatio ad vitia, concupiscentia carnis, rebellio partis inferioris adversus superiorem, & alia id genus, quæ Bellarm. vocat *morbos & languores naturæ*. At hoc dici non potest, quin eadem adscribantur, qui est author naturæ, qui ideo censeatur author peccati. Nam, quod Bellarminus regerit, concupiscentiam, quæ nunc est pœna peccati, tunc tantum fuisse languorem & morbum naturæ, qui non sit ex Deo, sed ex conditione materiæ; ut faber ferrarius, qui rubiginis author non est, quam factus ab ipso gladius contrahit, non solvit nodum; Nam 1. gratis supponitur datum fuisse languorem & morbum in naturâ sana. 2. morbum illum non fuisse peccatum; cum tamen certum sit concupiscentiam illam & præcipitem ad vitia inclinationem, pugnare cum Lege Dei, & causam esse multorum peccatorum, atque adeò non posse non esse peccatum. 3. comparatio fabri ferrarii non huc pertinet, quia rubigo sequitur materiam ferri, quam faber non fecit, sed invenit. At Deus ipsam hominis materiam condidit & quidem talem, ut vult Bellarminus, quam sequeretur necessario talis *ἀταξία* & rebellio, unde ut fuit author talis materiæ, debet author dici illius defectus, qui necessario eam sequitur; atque ita sapientissimo *ἀνυμνησθῆναι*, vel imperitia impingetur, vel impotentia, quod concupiscentiæ labem, ex conditione materiæ necessario emergentem, totamque illam carnis adversus spiritum *ἀταξίαν*, vel non præviderit, vel amovere non potuerit, quin nobilissimum opus invaderet, quod utrumque ex æquo impium & blasphemum.

X. 6. Finis naturalis hominis, supponere debet media naturalia ad illius consecutionem, sed beatitudo fuit finis naturalis hominis. Ergo media debuit habere naturalia, quæ non alia potuerunt esse, quàm justitia originalis: Nec reponi debet, posse dici finem quoad *appetitum* sed non quoad *consecutionem*: Nam cum appetitus primi hominis non potuerit esse vanus in natura integra, debuit post se trahere consecutionem, si non quoad eventum, saltem quoad possibilitatem, ut res non tantum esset appetibilis, sed possibilis: aliàs dicendum erit, Deum, quod singulis rebus à se creatis per naturam contulit, nimirum ut viribus idoneis ad edendas operationes suas pollerent, uni homini, id est operi longè præstantissimo invidisse & negasse.

QUEST.
XI.
Fontes
Solutio-
num.

XI. Aliud est loqui de *essentia hominis*, Aliud de *eius integritate*, & *perfectiōe*; Ad ablationem partis, vel proprietatis alicujus essentialis, sequitur revera rei interitus, sed non statim ad illius privationem, quod facit ad naturæ integritatem, & perfectiōem, qualis fuit justitia originalis; manet quidem mutila & depravata natura, quum amisit quod perficiebat, sed non quoad essentiam destruitur.

XII. Licet Justitia originalis dicatur Adamo naturalis; non sequitur eandem esse cum Justitia Dei, quia Deus solus naturaliter justus est omnimodè, essentialiter, independenter, & immutabiliter, sed homo tantum certo respectu, & secundum quid, mutabiliter, precario & dependenter.

XIII. Ut aliquis dicatur *naturalis Dei Filius*, non sufficit ut aliquid habeat naturale, propter quod filius Dei dicatur; sed requiritur ut cum Patre eandem numero naturam habeat, quod de solo Christo dici potest, qui est essentialis Dei imago, sed non de primo parente, qui ratione similitudinis aliquis tantum nomen filii Dei obtinet.

XIV. Qui *pulvis est*, secundum omnes essentiae partes, illi non potest esse justitia originalis naturalis; sed homo dicitur tantum pulvis Gen. 3. 19. secundum quid, & respectu corporis. Sic, ut naturale est homini pulvereum esse à parte corporis, quod è terra formatum fuit, tam naturale illi esse debet justum & sanctum esse, quoad imaginem Dei, ad quam formatus est. Deinde hic distinguenda est *labes*, & *labilitas*; aliud est labem habere connotatam, aliud verò posse labi; Homo quà pulvis habuit labilitatem, quâ potuit peccare, sed non labem ipsam, quâ actu peccavit. Illa statum naturæ mutabilis notabat, sed nullum morbum, vel languorem designabat in eo. Ista statum peccati, qui esse non potuit in natura integra.

XV. Tantum abest, ut pars animæ inferior per se pugnet cum superiori, ut contrà, teste Philosopho, *πειραρχεῖν πέφυκε*, & naturâ illi subordine-
tur: Propensiones utriusque possunt esse diversæ, sed non contrariæ per se, sed tantum per accidens propter peccatum, homo enim potuit naturaliter ferri ad utrumque bonum sensibile, & spirituale, sed in suo ordine, absque rebellionem carnis & spiritus, ut anima imperium semper obtineret, caro verò illi morem gereret, & omnes motus suos, & inclinationes illi subjiceret; bonum enim sensibile in bono intelligibili continetur, & appetitus sensitivi objectum se habet ad objectum rationalis, ut medium ad finem. Quamdiu ergo homo bonum sensibile respexit ut medium, nulla fuit in eo vitiositas, sed quum à Deo discedens ferri cœpit in objectum appetitus sensitivi, tanquam in ultimum finem, & summum bonum, quod factum est per peccatum, tum demum orta est *ἀταξία*, quæ ordinem à Deo constitutum perturbavit. Distinguendum ergo hic est accuratè in appetitu, quod fuit naturale, & ordinatum, ab eo quod præternaturale est, & inordinatum; Istud rationi repugnat, sed non pariter illud.

XVI.

XVI. Quamvis Justitia originalis rectè dici possit *Gratia*, seu *donum gratuitum*, atque adco indebitum à parte Dei, quemadmodum & natura ipsa, quæ ab ipso creata est; Non sequitur propterea esse supernaturalem, vel indebitam ad perfectionem naturæ integræ, quia licet nihil debuerit Deus homini,posito tamen quòd voluit creare hominem ad imaginem suam, debuit illum creare justum & sanctum.

XVII. Præter *habitu infusum* per gratiam, & *acquisitum* per industriam, datur alius *connatus* & collatus ad perfectionem creaturæ; Nec propterea confunditur cum potentia naturali, quia ista naturæ constitutionem in genere entis respicit; Ille verò naturæ constitutæ perfectionem in genere moris.

Q U Æ S T I O XII.

An primus homo ante lapsum immortalitatem habuerit, An verò naturâ, & conditione fuerit mortalis? Prius Affirm.

Poster. Neg. contra Socinianos.

I. **U**T Sociniani negant Justitiam originalem datam fuisse Adamo: Ita nolunt agnoscere ejus *immortalitatem*, quæ debuit esse consequens justitiæ, & pertendunt mortem fuisse sequelam naturæ, non stipendium peccati, ita ut homo moriturus fuisset, etsi nunquam peccasset. Scopus est evertere peccatum originis, quod à morte, tanquam à proprio effectu in infantibus adstruitur, & Satisfactionem Christi pro nobis negare.

II. Non quæritur de *immortalitate essentiali*, & *absolutâ*, in qua nulla *Status* est, vel intrinseca, vel extrinseca interitus causa, quæ soli Deo competit, *Questio* qui ideo vocatur *solus immortalis*, 1. Timoth. 6. 16. Sed de *immortalitate nis. comparata*, & *participata*. 2. Non de *immortalitate animæ in genere entis*, & quoad statum naturæ, quæ competit illi in quolibet statu; Sed de *immortalitate hominis in genere moris*, & quoad felicitatem. 3. Non de *immortalitate gloria*, quæ posita est in *impotentia absoluta moriendi*, quæ solis beatis convenit, secundum quam non potuerunt amplius mori; Sed de *immortalitate via*, quæ sita est in *potentiâ non moriendi conditionatâ*, per quam homo poterat non mori, si non peccasset. 4. Non de *mortalitate remotâ*, quo sensu illud *mortale* dicitur, quod potentiam habet remotam mortis, putà quod compositum est ex materiâ terrenâ & elementi; Et sic Adamus potest dici mortalis remotè, quia corpus ejus pulvereum fuit, & compo-

QUEST
XII.

situm ex contrariis qualitatibus; Sed de *mortalitate proximâ*, à qua actus immediate pendet, & quæ infert moriendi necessitatem, An Adamus ita fuerit mortalis potentiâ proximâ, ut necessario certò moriturus fuisset, licet non peccasset? Sociniani affirmant, *Socin. lib. 3. de Serva. cap. 8. Mors naturalis quatenus naturalis est, & omnibus communis; non est peccati stipendium, sed natura nostra, quam ipsemet Adamus in ipsa creatione accepit, propria sequela*, quod variis rationibus confirmare conatur, Prælect. Theol. c. 1. Orthodoxi verò negant Adamum, licet mortalis fuerit remotè ratione corporis, quod resolubile fuit in sua principia, fuisse mortalem proximè, & nunquam moriturum fuisse censent, si perstitisset in integritate, quia sanctitas animæ corpus à morte & corruptione præservaret.

Adamum
fuisse im-
mortalem
probat.

III. Rationes sunt. 1. Quia homo ad imaginem Dei conditus est, quæ duos istos radios præcipuos continet, sanctitatem, & immortalitatem: Ut in Deo duo sunt, τὸ ἀγαθόν, quod refertur ad bonitatem moralem, & τὸ μακρόζωον, quod boni physici naturam induit. Ita duo ista respondere debent in creatura, quæ Dei imaginem gerit, ut illi assimiletur in sanctitate & felicitate, in iustitia & vita. Nec inde sequitur hominem non magis mori potuisse, quàm Deum, quia imago ista non fuit essentialis, & æqualitatis omnimodæ, qualis fuit in Christo, sed analogica, & aliqualis tantùm similitudinis, quæ longissimè subidet infra immortalitatem Dei.

IV. Si Adamus fuit iustus, debuit esse immortalis, quia datur connexio necessaria inter iustitiam & vitam. 1. ex ordine Dei, qui iustitiam & vitam in Legge inseparabili vinculo conjunxit, ut peccatum & mortem arctè inter se copulavit, *Fac hoc & vives, Anima qua peccavit morietur*. 2. ex rei ipsius natura, quæ postulat, ut res homogeneæ à se invicem non separentur. At bonum morale est homogeneum bono physico, ut malum ethicum respondet physico. Unde necessario se consequuntur, nec possunt à se invicem divelli; Nam ut summa virtus cum vita longè miserrima consistere semper non potest, ita nec summa malitia, cum perfecta felicitate potest componi. Licet enim ad tempus, & per dispensationem, iustitia & vita potuerint separari, ut in Christo visum; non potest tamen hoc obtinere in perpetuum; Nec ratio sapientiæ & bonitatis Dei hoc patitur; cùm enim Deus non possit non se ipsum amare, utpote summopere amandum; Non potest etiam, quin suam amet creaturam, in qua videt suam fulgere imaginem, & si amat, non potest ei non bene velle, & illi bene volendo, benefacere, ut eam vitæ & beatitudinis suæ participem faciat, quando id potest quod vult.

V. 3. Quia Adamus per peccatum mortem contraxit quæ illi in peccati poenam denunciatur, Gen. 2. 17. & 3. 19. unde per peccatum dicitur ingressa, ut ejus stipendium, Rom. 5. 12. & 6. 23. à qua proinde immunis fuisset, si non peccasset, quod dici non posset, si esset sequela naturæ. Nec ju-

vat excipere, agi de morte æterna, non temporali; quia nobis non est limitandum, quod Spiritus S. non limitat; Scriptura loquitur in genere de morte, Ergo sub ea complectitur, quicquid nomine mortis venit in Scriptura; atque ita non minùs mors corporalis, quàm æterna intelligenda est, quod vel ex eo patet, quòd designatur per reditum in pulverem, Gen. 3. 19. Eccl. 12. 9. & ad infantes extenditur in hac vita, Rom. 5. 14. qui morti temporali subjiuntur. Frustra etiam additur, sententiam Gen. 2. 17. esse tantùm comminatoriam, non definitivam, siquidem eo die quo peccavit Adamus non est mortuus. Quia licèt non inflìcta fuerit pœna mortis homini, eo momento, vel die, quo peccavit, quoad omnes suas partes; cœpit tamen infligi, tum quoad reatum, & moriendi necessitatem, cui factus est obnoxius, tum quoad mortem spiritualem, tum quoad initia mortis corporalis, quæ in seipso experiri cœpit in miseriis, & morbis, & aliis mortis præludiis, quibus expositus fuit.

VI. 4. Quia quod est contra naturam, non potest esse sequela naturæ; cùm omnia maximè in statu integritatis fuerint valde bona, & naturæ convenientia. At mors est contra naturam, utpote quæ destruit compositum, & corpus in pulverem resolvit, quo fit ut homines naturâ mortem horreant & avertentur.

VII. 5. Quia nullæ fuerunt causæ mortis in homine ante lapsum; Nec internæ, quales sunt peccatum, pugna affectuum, *δυσμεγεία* humorum, & calidi atque humidi nativi defectus, unde languores & morbi; Nec externæ, ut corruptio elementorum, carentia alimenti, vel vis externa, quæ in hominem agere potuisset. Nam ut perfectæ hominis constitutio priores impediabat; Ita specialis Dei cura, & protectio posteriores removebat. Hinc Concilium Milevita. Can. 1. Anathema dicit illi, qui dixerit Adam primum hominem mortalem factum, ita ut si peccaret, si non peccaret, moreretur in corpore, non peccati merito, sed necessitate naturæ.

VIII. Alia est immortalitas absoluta patriæ; Alia conditionata via, Illi *Fontes* competit *ἰαχυρία*, & negatio procreationis & sobolis, & de ea Christus loquitur Luc. 20. 35. 36. Sed de illa pariter dici non potest, quia in ista propagari *Solutio-* debuisset genus humanum, licèt sobolis procreatio non pertinuisset ad con- *num.* *Luc. 20.* *35. 36.* servationem speciei, ut hodie post peccatum, & mortem introductam in mundum in natura corrupta: necessaria tamen fuisset ad illius multiplicationem juxta primævam benedictionem, Gen. 1. 28. Idem dici debet de necessitate cibi & potus, quæ locum non habitura est in immortalitate gloriæ, sed habitura fuisset in immortalitate naturæ, quam Deus non procurare voluit immediate, sed interventu ciborum ad vitæ animalis sustentationem. Nec si venturum cum cibus dicitur abolendus 1. Cor. 6. 13. hoc propriè spectat Adamum integrum, sed homines post lapsum, nec tam respectu naturæ hoc intelligendum, 1. Cor. 6. 13. cùm homo totus est resurrecturus, quàm respectu officii ventris, & necessitatis ciborum, quæ cessatura est.

QUEST.
XII.

IX. Licet corpus Adami origine esset terrenum, & ut compositum, sic etiam resolubile per materiæ imbecillitatem, potuit tamen esse immortale per originalis justitiæ dignitatem, & specialis Dei gratiæ virtutem. Ad erant quidem causæ mortis remotæ in materia corruptibili, & mixturâ elementari, eratque corpus ejus ustile & vulnerabile, sed proximâ non datâ, quæ fuit peccatum, nunquam illæ in actum educi potuissent. Nam anima peccati corruptionis expers, à corpore corruptionem removisset, & justitia originalis fuisset veluti sal connatum, quod arcuisset corruptionem, quæ videbatur oritura ex conditione materiæ.

X. Arbor vitæ non fuit data Adamo ad mortem arcendam, quasi vita ejus pependit ab hujus arboris esu; Sed partim ad immortalitatem homini in illo statu obsignandam, ut esset pignus illi, & sacramentum, tum non excidendi ex felicitate in qua conditus erat, modò non deficeret ab officio, tum etiam obtinendi tandem immortalitatem patriæ; partim ad vitam ejus in æquali vigore semper conservandam; quomodo alii cibi non inservire debuerunt viribus attritis reparandis sed tantùm illis conservandis.

XI. Corpus ψυχικὸν seu *animale* oppositè ad πνευματικὸν seu *spirituale* dupliciter potest intelligi, vel in *esse suo physico* tantùm, prout recens Adamo datum fuerat in statu integritatis, in quo vitam animalem & terrenam transigere debuit, & opus habuit subsidio ciborum, ut & somno & quiete; vel in *esse physico & morali* simul, prout post peccatum per generationem traducitur ab Adamo, in vita corrupta & animali: Posteriori sensu, illi convenit corruptibilitas actualis; Sed priori non nisi potentialis, in quantum homo relictus in manu consilii sui potuit deficere à Deo; sed cum illa corruptibilitate & mortalitate potentiali & remota, actualis immortalitas, & incorruptibilitas potuit consistere. Licet ergo Corpus non fuerit *spirituale*, qualia erunt corpora post resurrectionem, non naturâ, sed qualitatibus, quibus conveniet non posse mori, fuit tamen *immortale*, quatenus ab anima sancta perpetuò vivificandum fuisset, & ita potuisset non mori. Quum

1. Cor. 15. verò Paulus, 1. Cor. 15. 44. 45. agit de corpore ψυχικῷ seu animali, non
44. 45. tam loquitur de corpore Adami in statu integro, quàm de eo quale fuit post lapsum, quia agit de corpore, quod scribitur per mortem ἐν φθαρτῇ, ἐν ἀπυρίᾳ, & ἀδοξείᾳ, in corruptione, dedecore, & infirmitate, v. 41. 42. 43. quod de corpore peccato corrupto, & animali ethicè tantùm potest dici. Deinde eo modo de Adamo loquitur, quò ejus imaginem ferre debemus oppositè ad Christum, v. 49. id est, non modò in natura, sed in peccato, Gen. 5. 3. Nec quod Apostolus affert v. 45. de homine primo factò in animam viventem, eò respicit, ut probet Adamum habuisse simpliciter corpus animale, & corruptibile, sed tantùm ad descriptionem subiecti, quod in talem statum antea descriptum incidere potuit, quia fuit in

conditione labili & mutabili, in qua proinde potuit fieri actualiter corruptibile, & mortale per peccatum. Quæst. XII,

XII. Quamvis Christus non nos liberarit à *mortis obnoxietate*, liberavit tamen nos ab *eius pœnalitate*, quia non ampliùs est stipendium peccati fidelibus, sed transitus in meliorem vitam, non ampliùs maledicta, sed benedicta, Apoc. 14. 13. Secundò, quamvis Christus nondum abstulerit actu mortalitatem, eam tamen jam abstulit merito in cruce, & actu auferet per efficaciam suam, cum aliis calamitatibus, quæ etiam ex peccato fluxerunt, in resurrectione, 1. Cor. 15. 26. 54. 55.

XIII. Quod est generabile, est etiam corruptibile, potentiâ remotâ, sed non statim proximâ. 2. Axioma valet in statu corrupto, non integro; Nec enim idem corpus quod generari debuit in integritate, debuisset etiam actu corrumpi, accedente causâ internâ, quæ istam corruptionem arceret, nimirum sanctitate. Concursus qualitatum elementarium mutuò se destruentium, potest quidem nunc corruptionem efficere, postquam per peccatum pugnare cœperunt qualitates istæ contrariæ, & in ruinam corporis conspirare. Sed antea ubi inter se æquabiliter temperatæ, amicè ad hominis conservationem concurrebant; nulla potuit actualis corruptio succedere; ut nulla potuit esse in Corpore Christi, & nulla futura est in Corporibus glorificatis.

Q U Æ S T I O XIII.

D E O R I G I N E A N I M Æ.

An Animæ à Deo creentur, An verò per Traducem propagentur? Prius Affir. Poster. Neg.

I. **Q**Uamvis variæ sint Theologorum, & Philosophorum circa *Anima originem* sententiæ, duæ tamen sunt præcipuæ, ad quas cæteræ possunt referri. Altera quæ *Creationem* asserit, altera quæ *Traducem*. Illa vult animas omnes immediatè à Deo creari, & creando infundi, atque ita ex nihilo absque ulla præexistente materia produci; Ista verò per tendit animam Traduce propagari. Priorem Orthodoxi ferè omnes sequuntur, post plerosque ex Patribus, & Scholasticis; Posteriores Lutherani amplectuntur, quibus prævit jam olim *Tertullianus* Traducis author libro de anima, quem hic Luciferiani, & varii ex Latinis secuti sunt. *Augustinus* hac itæ, & licet sæpius de hac quæstione egerit, nihil tamen de ea determinare voluit, vide Epist. 28. ad Hiero. & 157. ad

Quæst. XIII. Optatum, & lib. 1. Retract. c. 1. & lib 2. c. 56. testatur *se adhuc nescire*, quid sit statuendum.

II. Qui sententiam de Traduce sequuntur, non omnes idem sentiunt & loquuntur. Quidam volunt animam ex parentum semine traduci, & educi ex potentia materiæ: Sed hæc ut minùs verisimilis à plerisque rejicitur, quia si penderet à virtute seminis, & corporea esset, & corruptioni obnoxia. Alii volunt esse ab anima patris per traducem, modo tamen imperscrutabili, & nobis incognito, ut *Jacob. Martinus*, lib. 3. miscell. quæst. disp. 7. Alii pertendunt animam patris procreare animam filii ex semine quodam spirituali & incorporeo, ut *Timoth. Brighus*. Alii denique, quæ communior est sententia, censent animam traduci ab anima, non per decissionem, & partitionem animæ paternæ, sed modo quodam spirituali, ut lumen accenditur de lumine. Sic *Baltha. Meisnerus*, & plerique Lutherani.

Anima
creatio probatur.

III. Nos verò Creationem Animæ sic adstruimus. 1. Ex *Creationis Lege*. 2. *Scriptura testimoniis*. 3. *Rationibus*. 1. Ex *Creationis Lege*, Quia eadem debet origo esse animarum nostrarum, qualis fuit animæ Adami, non modò, quia imaginem debemus ferre illius, 1. Cor. 15. 47. 48. sed & quia ejus creatio, utpote primi individui totius speciei, est exemplar formationis omnium hominum, ut Conjugium primorum parentum fuit exemplar reliquorum: Sed anima Adami immediatè à Deo creata fuit, quum *insufflavit in naves Adami spiraculum vitæ*, Gen. 2. 7. ut pateret animam non eductam esse ex materiæ potentia, sed extrinsecus advenisse per creationem, & in corpus infusam fuisse per Dei ipsius inspirationem. Nec excipi debet non valere ab Adamo ad nos, quia idem dicendum esset etiam de Corporis origine, quod tamen locum non habet, siquidem nostrum generatur ex semine, Adami verò creatum est ex pulvere terræ. Nam licèt sit disparitas ratione *causæ efficientis* propter diversitatem subjectorum, quia ut corpus est elementare, & materiale, potest ab homine produci per generationem; Sed anima immaterialis & simplex, non potest aliunde oriri, quàm à Deo per creationem: tamen respectu *causæ materialis*, potest collatio rectè fieri; nam ut anima Adæ ex nihilo creata est, ita & animæ posterorum, & ut corpus ipsius ex pulvere terræ formatum est; ita & corpora nostra ex semine, quod itidem terrenum est, & materiale. Ergo quamvis modus actionis singularis fuerit respectu Adami, rei tamen natura eadem est utrobique. Idem confirmatur ex Evæ ipsius productione, cujus ortus quoad corpus describitur ex costa Adami, sed de anima mentio nulla fit; Unde non obscurè colligitur, non aliam fuisse originem animæ Evæ, ab origine animæ Adami, quia aliàs Moses illud non reticuisset, cui propositum est primas rerum omnium originēs describere; Et Adam ipse hanc originem non ignorasset, imò & prædicasset, non dixisset, tantum, *hæc os est ex ossibus meis*, sed *anima ex anima mea*, Gen. 2. 23. quod for-

fortius erat ad exprimendum conjugii vinculum, quod non tantum debet esse in corporibus, sed & in animis. Denique si animæ Adami, & nostrarum diversa esset origo, non possent dici ejusdem speciei, quia illa esset ex nihilo, istæ verò ex præjacente aliqua materia planè dissimili.

IV. Secundo à *Scripturæ testimoniis*, in quibus Deus prædicatur author & Creator animæ peculiari ratione distincta à corpore. Eccles. 12. 9. *Et redibit pulvis in terram, quemadmodum fuerat, spiritus autem redibit ad Deum, qui dederat illum*, ubi manifestum discrimen notatur inter ortum & interitum corporis & animi; Illud dicitur redire in pulverem, unde desumptum fuerat; Hic verò redire ad Deum, qui dedit eum. Ut ergo corpus eò redit, unde habet originem; ita & animus: quod clariùs confirmatur ex eo quòd dicitur Deus *dare spiritum*: quod non potest intelligi de communi datione per concursum cum causis secundis, sic enim & corpus ipsum non minùs dat, quàm animum, quia utriusque est causa prima, nec bene κατ' ἀντίθεσιν diceretur dedisse spiritum; sed de propria & peculiari quadam ortus ratione, quæ corpori non competit. Nec dicendum, hoc ad primam Adami creationem referri, quia scopus, verba, & circumstantiæ textus evincunt agi de ordinario hominum ortu & interitu, secundum quem corpora redeunt in pulverem, id est in terram, unde desumpta sunt, spiritus verò redeunt ad Deum judicem, qui dedit illos, vel ad gloriam, vel ad pœnam.

V. Zach. 12. 1. *Dictum Jehovæ, qui extendis cælos, & fundas terram, formasque spiritum hominis in medio ejus*. Unde multiplex ducitur argumentum pro creatione animarum contra ψυχογονίαν. 1. quia dicitur formare spiritum in medio hominis. Ergo immediatè debet illum producere sine interventu hominis. 2. quia formatio spiritus conjungitur cum extensione cæli, & fundatione terræ, tanquam ejusdem ordinis & gradus; Ut ergo duo priora opera sunt omnipotentis, quæ immediatè fiunt à Deo absque causis secundis; tale & postremum debet esse. Nec potest hoc referri ad mediatam Dei productionem, quia sic homo in participationem causalitatis admitteretur, quod non fert textus, qui productionem animæ ut productionem cæli & terræ, ut peculiarem Deo vendicat. Perperam verò hoc restringitur ad primam hominis productionem, cum ex æquo ad omnes extendi debeat; Unde quum agitur de productione animæ, Scriptura alibi non loquitur in singulari, quasi de una Adami anima ageretur, sed in plurali, Ps. 33. 15. & Isa. 57. 16. Homo verò hic non sumitur *individualiter* de Adamo, sed *specificè* de quolibet homine.

VI. Heb. 12. 9. *Si carnis nostra castigatores habuimus, & eos reveriti sumus, an non multo magis subiciemur Patri spirituum & vivemus?* Eò spectat, quòd Petrus 1^a cap. 4. 19. peculiari ratione vocat eum *fidelem animarum Creatorem*, & Numer. 16. 22. Deus vocatur *Deus spirituum universæ carnis*.

Quæst. XIII. Sic Isa. 57. 16. *Non in seculum contendam, neque in aeternum effervescam; nam spiritus à conspectu meo obrueretur, & animæ quas ego feci.* Quare verò Deus Pater Spiritus contradistinctè vocaretur ad Patres carnis, nisi diversa esset utriusque origo? At si animæ sunt ex traduce, iidem corporis & animæ parentes essent. Ut verò Caro non potest hîc veterem hominem seu ingentam corruptionem significare, quia tunc non opponitur *πνέματι* in plurali, sed *πνέματι* in singulari; sed corpus designat, & Patres carnis vocantur, qui carnem genuerunt. Ita vox Spiritus non debet referri ad dona spiritualia, de quibus hîc agendi locus non est, sed ad alteram hominis partem, quæ corpori opponitur. Nec omissio pronominis *ἡμῶν*, quod habetur respectu carnis, potest obstare, quia repetendum est *ἀπὸ γενεῶν*, cùm loquatur de iisdem secundum diversarum partium principia & origines. Unde Num. 16. 22. vocatur Pater spirituum universa carnis, id est omnium hominum. Rursus Pater spirituum non potest dici mediatè, ut vocatur Pater pluvia, Job. 38. 28. quia est ejus author, licet non immediatè; quia sic non constaret antithelis inter patres carnis, & Patrem spirituum, & caderet vis hortationis Apostolicæ, ad majorem obedientiam Deo, quàm Patribus terrestribus præstandam. Nec, si non excluditur Dei concursus à productione carnis, quamvis tribuantur patribus terrenis, quia est causa prima universalis, statim non excludi debet concursus hominis in productione spiritus, quia est causa secunda particularis.

VII. Tertiò *Rationibus* idem evincitur. Nam si anima generando propagatur: aut ab utroque parentum, aut ab altero tantum, & vel quoad totum sui, vel tantum quoad partem. Sed neutrum dici potest; Non prius, quia sic duæ animæ in unam coalescerent, & miscerentur; Non posterius, nam si ab altero, vel à patre, vel à matre tantum, nec ulla ratio dari potest, cur ab uno potius quàm ab alio propagetur, cùm uterque parentum sit ex æquo principium generationis. Si tota traducitur, Ergo parentes eâ carebunt, & sic exanimabuntur; Si pars, erit divisibilis, & per consequens materialis, & mortalis. Nec hîc cum ratione reponi potest, nec animam totam, nec partem ejus traduci, sed substantiam quandam ab anima natam, tanquam immortale quoddam animæ semen. Quia supponitur gratis dari aliquod animæ semen, quo vel generet, vel generetur, cùm non possit dari tale semen, quin decidatur ab anima, quodque ideo eam materialem, & divisibilem arguat.

VIII. Rursus omnes Traducis modi gravissimis urgentur incommodis, nec possunt admitti, quin spiritualitas animæ rationalis evertatur. Non primus, eorum, qui volunt animam educi à potentia seminis, ut cum corporibus seminetur; Quia effectus non potest esse toto genere nobilior sua causa; nec res corporea & elementaris potest elevari ad spirituales & rationales producendam. Quia si generatur ex semine, cum semine etiam corrumpetur.

tur, Quia si idem erit ortus hominum, & brutorum, & per consequens idem interitus. Non *secundus*, eorum, qui volunt animam filii esse ab anima patris, modò imperscrutabili, & nobis incognito; Quia hoc implicat rem potius quam explicat: Nam Pater, vel producit animam filii ex aliqua re præexistente, vel ex nulla; Non ex nulla, quia sic crearet; Non ex aliqua, quia vel esset corporea seminis substantia, quod jam fieri non posse probatum, vel esset spiritualis quædam animæ substantia, quod iterum dici nequit; Tum quia spiritualis illa substantia, vel fit ex tota anima patris, vel ex parte tantum; Non ex tota, quia sic anima patris evanesceret, & in spirituale illud semen converteretur; non ex parte, quia sic anima patris esset divisibilis in partes; Tum quia substantia illa, vel est corruptibilis, & perit eo instanti, quo anima producit; sed ita non erit amplius substantia spiritualis, vel incorruptibilis, & sic sequetur dari duos spiritus in homine genito, animam filii, & substantiam spiritualement, ex quâ anima producta est: Adde quòd naturæ seminis repugnat post rei generationem manere, quia debet transmutari in rem ex semine ortam.

IX. Non *Tertius*, quamvis cæteris commodior videatur, quo non per alienationem, sed per communicationem traduci dicitur, ut quum lumen de lumine accenditur, sine ulla alterius divisione. 1. Quia communicatio quæ fit unius ejusdemque rei absque alienatione locum tantum habet in essentia infinita, sed non in finita, in qua eadem essentia numero non potest alteri communicari, sed similis tantum producit. 2. Anima filii non potest produci ab animâ patris, nec *terminativè*, quia terminus à quo, perit, producto termino ad quem; nec *decisivè*, quia anima est αἰνέσις; nec *constitutivè*, quia anima patris non est pars constitutiva animæ filii. 3. Similitudo luminis aliena est, nam, præterquam quòd hic flamma, & candela sunt substantiæ corporeæ, hic verò agitur de spirituali; certum est lumen educi de potentia materiæ, nec posse accendi sine decisione particularum ignearum, quæ transmittuntur à face accensa ad extinctam, quod de anima dici nequit.

X. Cùm ergo sententia de traduce inextricabilibus laboret incommodis, nec ulla ratio aliunde nos cogat illam admittere; aliam de Creatione, tanquam Scripturæ, & rectæ rationi magis consentaneam meritò amplectimur, à qua Philosophos ipsos Gentiles plerosque non alienos fuisse constat; Hinc illa Zoroastris apud Ficinum lib. 10. de immortalitate animarum:

Ἐνὲ σπένδειν σε πρὸς τὸ θεῶς, ἢ πρὸς πατρὸς αὐγὰς
Ἐνθεν ἐπέμφθη σὶ ψυχὴν παρ' οὐν εἰσαμμένη νῆν.

Et ista *Aristotelis* lib. 2. de Gener. anima. cap. 3. quibus asserit τὴν νῆν ἔχειν ἐπεσσίαν, ἢ θεῶν εἶναι μόνον. Et hæc *Ciceronis* *Tuscul.* 1. ut alios nunc mittamus. *Animarum nulla*, inquit, *in terris origo inveniri potest, nihil*

QUEST. *enim est in animis mixtum atque concretum, aut quod ex terra natum, atque fi-*
 XIII. *Etum esse videatur, &c. Itaque quid est illud quod sentit, quod sapit, quod vult,*
quod viget, cœleste & divinum est, ob eamque rem æternum sit necesse est.

Fontes XI. Deus dicitur quievisse ab omni opere suo Gen. 2. 2. non vacando
 Solutio- ab administratione rerum, sed cessando à creatione novarum specierum,
 num. vel individuorum, quæ essent principia novarum specierum; ut operatur
 Gen. 2. 2. usque nunc, Joh. 5. 17. institutas naturas administrando, & multiplicando
 quod jam erat, non autem instituendo quod non erat. At animæ quas quo-
 tidie creat, sunt nova individua specierum jam creatarum.

XII. Quamvis anima non sit ex traduce, non desinet vis benedictionis
 divinæ, data primitus Gen. 1. 28. sese exerere in generatione hominis,
 quatenus Deus generantibus & generationi semper cooperatur, non mo-
 dō vim prolificam dando & conservando homini, sed & corpori disposito
 animam infundendo.

XIII. Non necesse est, ut homo hominem generare dicatur, ut omnes
 naturas, vel partes essentielles compositi generet, aliās, verum Deum & ho-
 minem non genuisset B. Virgo: sed sufficit ut præparet & subigat materiam,
 & idoneam reddat ad introductionem formæ, & attingat unionem animæ
 cum corpore, per quam homo constituitur in esse hominis, & fit tale com-
 positum physicum. Generatio enim tendit ad compositum, non verò ad
 productionem utriusque partis; Et ut homo hominem interficere dicitur,
 qui solvit unionem animæ cum corpore; licet animam ne attingat quidem:
 Ita homo hominem generat, quia partes istas inter se copulat, ex quibus ho-
 mo exurgit, licet non sit *ψυχολογία*; nec qui generat *totum hominem*, statim
totum hominis debet producere.

XIV. Adamus potest dici genuisse filium ad imaginem suam, licet ani-
 mam non producat, quia causa similitudinis non est traductio animarum,
 sed corporum ejusdem temperamenti cum parentibus productio; ex diversa
 enim corporum & humorum temperie, diversæ quoque in animis nostris
 propensiones & affectiones nascuntur.

Gen. 46. 26. XV. Quum *anima* dicuntur *egresse ex femore Jacobi* Gen. 46. 26. non
 propriè intelliguntur, sed synecdo. pro *personis*, quâ locutione nihil usita-
 tius est in Scriptura; nec propterea opus est ut Jacobus aliquid ad produ-
 ctionem istarum animarum contulerit, sufficit ut concurrerit ad earum *con-*
junctionem, vel *subsistentiam* in corpore mediatè, vel immediatè; Egressæ
 ergo dicuntur, non quoad esse seu substantiam simpliciter, sed quoad *subsi-*
stentiam in corpore, & unionem cum eo.

Heb. 7. 9. XVI. Licet Christus non minùs fuerit in Abrahamo secundum carnem,
 quàm Levi, qui decimatus fuit in ejus lumbis, Heb. 7. 9. non sequitur Levi
 fuisse in ipso secundum animam; ut anima Levi per traducem sit propagata,
 ut

ut discrimen servetur: Sed tantum Levi respectu personæ fuisse in Abrahamo Q U Æ S T. XIII.
secundum rationem seminalem, & vires naturales patris, & matris, à quibus oriundus fuit; Christum verò fuisse tantum in eo quoad naturam humanam, ratione matris, non verò quoad naturam, & personam divinam: Ideo persona ipsius non potuit decimari, sed tanquam superior Abrahamo, illum decimavit, eique benedixit in Melchisedeco, qui ejus fuit typus, non ut homo, sed ut Mediator *ἱερεὺς* Regio & Sacerdotali munere fungens.

XVII. Peccati originalis propagatio non debet efficere, ut Creatio animarum negetur, & Tradux statuatur, quia sufficienter salvari potest sine hac hypothese, ut suo loco demonstrabitur. Licet anima non sit *materialiter* ab Adamo, quoad *substantiam*, est tamen *originaliter* ab eo quoad *subsistentiam*, & ut homo hominem rectè gignere dicitur, licet animam non gignat, ita impurus impurum progenerat, maximè accedente justo Dei judicio, quod sanctum fuit, ut quæ primo homini contulerat, ille tam sibi quàm posteris suis haberet simul, & perderet. Cur autem Deus infundat animam peccato inficiendam, & jungat impuro corpori, licet quærere sit curiosum, & definire temerarium, hoc certò constat, Deum noluisse propter hominis peccatum primam abolere sanctionem, de propagando per generationem genere humano, atque ita ordinem Universi, & naturæ humanæ conservationem hoc postulasse.

Q U Æ S T I O XIV.

DE IMMORTALITATE ANIMÆ.

An Anima ex intrinsecâ suâ constitutione sit immortalis?

Affirm.

I. **A**SSERTA verâ Animæ origine, ejus *Immortalitas* etiam demonstranda est, eoque diligentius in id incumbendum, quò majori molimine Athei & Libertini, ut facilius omnem de mundo Divinitatis sensum, & pietatis studium tollant, eam impugnare solent; Pii contrà, illam, tanquam primarium Fidei Caput amplectuntur, quo nullum ad pietatem dari possit fortius incentivum, nec efficacius, tam in vita, quàm in morte, solatii argumentum, cum *ἀθανασία* fides sit fundamentum *ἐν θανάτῳ*.

II. Diversæ autem circa Quæstionem hanc fuerunt sententiæ. Alia *negantium*, quales fuere olim *Sadducei*, & hodie *Epicurei*, & *Athei*, qui animas cum corporibus penitus extinguere volunt: Ad quos non parum accedunt illi, qui animas cum corporibus mori censent, sed postea cum corporibus suscitandas esse credunt, quæ fuit hæresis olim nonnullorum Arabum, referente *Eusebio hist. Eccl. li. 6. c. 26.* & *Aug. de hæres. hæres. 83.* & hoc seculo re-

QUEST. novata est à Socinianis mollioribus, & Anabaptistis, qui eorum prementes
 XIV. vestigia Pnychopannychia ad minimum defendere sultinent, animas scilicet vel dormire, & sensu omni carere, vel extingui usque ad resurrectionem *Smalci. c. Franzii. disp. de Judicio extr. Spiritus post mortem nullo sensu est pradius. Alia dubitantium*, quales sunt *Sceptici & Academici* veteres, & novi. Tertia *affirmantium*, quales fuerunt saniores Philosophi, & nunc omnes Orthodoxi.

III. *Immortalitas* alia est *extrinseca*, quæ nullum habet externum principium sui destructivum; alia *intrinseca*, quæ non habet in se principium corruptionis & interitus. Rursus immortale extrinsece dicitur, vel respectu causæ primæ, vel respectu causarum secundarum. Non quæritur hic, An anima sit immortalis extrinsece; nam etsi respectu causarum secundarum talis bene dicatur, quia nulla causa secunda potest eam resolvere in sua principia, quæ nulla habet; non potest tamen ita vocari respectu causæ primæ, quia Deus qui eam creavit, potest eam annihilare: Sed propriè agitur de *Immortalitate intrinseca*, seu de ejus incorruptibilitate.

IV. *Immortale* iterum, vel tale est per naturam strictè spectatam, cujus naturæ simpliciter repugnat ullo modo, vel ab extrinseco, vel ab intrinseco deficere; vel *latè*, quod per naturalem constitutionem intrinsecum nullum habet destructionis principium. Non quæritur, An Anima sit immortalis primo sensu, qui soli Deo competit, 1. Tim. 6. 16. sed secundo.

V. Denique alia est *immortalitas in genere entis*, & quoad animæ conservationem; alia in *genere moris*, & quoad ejus gloriam & felicitatem. Non hic agitur de posteriori, de qua actum fuit Quæst. 12. quæ propria est solis fidelium animabus, dum aliæ in morte spirituali & æternâ jacent, sed de priori, quæ competit animæ in omni statu.

*Animam
 immorta-
 lem esse
 probatur,
 1. ex Scri-
 ptura.*

*Matth. 22.
 32.*

VI. Hanc autem esse Animæ rationalis conditionem *Scriptura* non semel docet, & *Ratio* confirmat. Primò *Scriptura* hoc clarissimè adstruit celebri loco Matth. 22. 32. ubi Christus agens contra Sadducæos, animorum immortalitatem, & corporum resurrectionem negantes, argumentatur ex promissione fœderali data Patribus, quâ se Deum esse Abrahami, Isaaci, & Jacobi testatur Exod. 3. 6. cum verò *Deus non sit Deus mortuorum, sed viventium*, inde necessariò colligit, & animas eorum facile immortales, & corpora suscitanda. Cujus ratiocinationis tria sunt fundamenta. Primum, fœdus quod Deus cum hominibus contrahit, fœderatorum existentiam necessariò postulare, quia aliàs non posset dari relatio & commercium inter Deum & homines, nec beneficia fœderis, quæ tendunt ad communionem vitæ & felicitatis, possent illis communicari. Alterum, fœdus Dei non esse temporale, sed æternum, quod post mortem etiam manet, unde Deus etiam post mortem Deus ipsorum vocatur. Tertium, fœdus istud cum homine toto, & non cum anima tantùm altera ejus parte contrahi. Unde sequi-

sequitur Patriarchas, cum quibus Deus fœdus pangebatur, debuisse existere, Quæst. XIV.
 non tantum ad tempus, sed etiam post mortem, & in æternum, nec tantum quoad animam, sed etiam quoad corpus, quod propterea suo tempore suscitari debuit, quod invictè, & immortalitatem animarum, & corporum resurrectionem demonstrat. Nam quorum Deus est Deus fœdere æterno, illi in æternum etiam vivere debent, At Deus est Deus Abrahami, Isaac, & Jacobi, & talem se vocat etiam post mortem; Ergo debent illi vivere etiam post mortem, si non quoad corpus, at quoad animum, quia ut Lucas addit c. 20. 38. πάντες αὐτῶ ζῶσιν, donec ultimo die homo ipse totus & corpore & animâ vitâ Dei fruatur. Quamvis verò locus hic directè de beata immortalitate, & resurrectione fidelium, ex vi fœderis loquatur, non minùs solidè extenditur ad immortalitatem naturæ, quia illa necessariò debet istam supponere; & si animæ fidelium debent in æternum vivere, ut felicitate ipsis promissâ fruantur; justitiæ Dei ratio postulat, ut impiorum animi nunquam intereant, ut pœnis æternis à Deo denunciatis afficiantur.

VII. Secundò idem evincitur ex locis, quæ diversum corporis & animi exitum proponunt. Ita quum Eccles. 12. 9. *Corpus dicitur reverti in pulverem, & spiritus redire ad Deum qui dedit ipsum*, manifestè innuitur, animam subsistere post interitum corporis; nam si cum corpore extinguitur, quomodo dicitur redire ad Deum? redit ergo ad Deum, ut ad principium originis suæ extrinsecum & efficiens, non ut extingatur, sed ut ab eo, vel beetur, vel puniatur, & corpus in pulverem redit, tanquam in principium sui materiale, & intrinsecum, in quod resolvatur. Eò pertinet, quòd Ps. 146. 4. *Spiritus hominis exire dicitur, dum ille quoad corpus revertitur in terram suam*; at si animus cum corpore extinguitur, cur exire ab eo dicitur? Ita Matth. 10. 28. perperam Christus distingueret inter homines, qui corpus, & non animam possunt interficere, & Deum, qui potest animam & corpus perdere in gehenna, si anima cum corpore extingueretur, *Nolite timere, inquit, eos qui corpus occidere possunt, animam autem non possunt occidere, sed timeate eum qui potest animam & corpus in gehenna perdere.* Nec dicendum hic agi de perditione, & interitu; quia per τὸ ἀπαλεῖν non significatur extinctio, vel destructio, sed tantum *punitio*, quia agitur de gehenna, cujus tormentum dicitur esse æternum, quod Lucas cap. 12. 5. exponit per τὸ ἐμβάλεῖν εἰς τὴν γέεναν *in gehennam projicere*, ut scilicet torqueatur homo in æternum animâ & corpore.

VIII. Huc faciunt loca illa omnia, quæ vel vitam æternam fidelibus pollicentur, vel pœnam æternam impiis denunciant. Et ea quæ de Judicio ultimo agunt, tanquam de judicio æterno, Heb. 6. 2. quia eo adjudicatur præmium, vel pœna æterna Matth. 25. 34. 41. Quæ omnia falsa essent, si lethum in homine omnia finiret, & nihil post mortem in eo superesset.

QUEST.
XIV.

IX. Si Anima interit cum corpore, vel somno gravi obruitur, Quomodo Paulus cum fidelibus post terrestri tabernaculi dissolutionem, expectat ædificium, & domum æternam, & αἰχειροπῆχεν in cælis? Quomodo cupit cum ipsis ἐνδημῆσαι ἐν τῷ σώματι, & ἐνδημῆσαι πρὸς τὸν Κύριον, ex corpore excedere, & ad Deum concedere, 2. Cor. 5. 1. 8. & alibi optat abire, seu migrare ad Dominum, & esse cum Christo? Philip. 1. 23. Quomodo Lazari anima inducitur post obitum in sinu Abraham, ubi suaviter quiescit, & Epulonis, quæ contrā in inferis miserrimè torquetur, Luc. 16.? Quomodo anima Martyrum sub Altari, induta stolis albis, quæ symbola sunt gloriæ quā fruuntur, clamantes, & vindictam Dei expetentes proponuntur? Apocal. 6. 11. Quomodo spiritus impiorum corporibus soluti dicuntur esse ἐν φυλακῇ in carcere scilicet infernali, 1. Petr. 3. 19. ubi meritis contumaciæ & perfidiæ pœnas pendunt?

2. à Providentiæ Dei.

X. Ratio etiam multiplex hoc demonstrat. Primò Animæ immortalitatem postulat Providentiæ & Justitiæ Dei, ut bonis bonum, malis malum re- pendatur, quod cum sapientissimo Dei consilio non semper fiat in hac vita, debet altera expectari necessariò, in qua distributio illa pœnarum, & præmiorum fiat. Postulat eam Veritas Dei, quæ piis summam felicitatem, & impiis extremam miseriam interminatur, non in hoc tantum, sed etiam in futuro seculo. Postulat eam Sapientiæ & Bonitatis, quæ non potest pati, ut idem sit interitus hominum & brutorum, sed ut diversus est ortus, ita diversum exitum utrorumque esse vult. Postulat eam Religio & Pietas, frustra enim Deus colitur, frustra se macerant fideles, & de sanctitate promovenda sunt solliciti, frustra calamitatum & crucis jugum patienter ferunt, si idem exitus pios & impios manet cum bestiis; sapientissimi erunt Epicurei, qui cuticulam curant, & nihil pensi habent, quam ut genio indulgeant, & toti deliciis immergantur, Edamus & bibamus, inquit, Cras moriemur, 1. Cor. 15. 32. Postulat eam innatum omnibus immortalitatis desiderium, & appetitus ille infinitus, qui nunquam satiari potest nisi bono æterno & infinito: Cum enim vanum esse non possit & frustraneum desiderium hoc singulis à Numine & naturâ insitum, immortalitatem animarum dari necesse est, ut expleatur.

Immortalitatis desiderio.

3. à Spiritualitate.

XI. Secundò eam probat ejus Spiritualitas. Nam quicquid est spirituale, & à materiæ contagio liberum, illud est immortale, quia ut summè simplex & indivisibile, expers est contrarietatis, quæ oritur tantum à qualitatibus contrariis, quæ sunt materiales, & nihil est à quo ab intrinseco corrumpi possit, vel interire; mortale enim illud demum est, quod materiale est & compositum, quodque constat qualitatibus contrariis inter se pugnantibus. Si ergo anima spiritualis est, nec educitur ex potentia materiæ, nec ab ea dependet, non modò in fieri, sed nec in esse, quia peculiarem subsistendi modum sortitur, atque ita non moritur cum corpore, sed separata ab eo subsistere

re potest. Animam autem spiritualesse, non melius probatur, quàm ex Quæst. XIV. ejus operationibus, quæ à posteriori indicant, quale sit principium à quo proficiuntur, quia si sunt spirituales, & anima ipsa debet esse spiritualis.

XII. Spirituales autem esse ejus operationes certò colligitur ex earum *in-* 4. *Ab inde-*
dependentia à corpore, unde & animæ ipsius independentia sequitur: Nam si *pendentia*
anima independenter potest agere à corpore; potest etiam independenter à *à corpore.*
corpore subsistere, modus enim operandi sequitur modum essendi; Animam autem independenter à corpore operari, patet, vel ex sola *intellectione* Dei, Angelorum, & Animæ ipsius, quæ se ipsam intuetur actu reflexo, & ex motibus extaticis: Tales enim actus spirituales esse, & independentes à corpore res ipsa clamat, tum ratione *objecti*, quia mens versatur circa res spirituales & incorporeas, & æternas, quò assurgere non posset, nisi spiritualis & incorporea foret, effectus enim non est toto genere nobilior causâ suâ; tum ratione *modi*, quia versatur circa ista objecta modo spirituali, & sine usu organi corporei; quod nullam proportionem habet cum objecto spirituali & incorporeo; Unde quò magis mens evehitur & abstrahitur à sensibus, eò purius & acutiùs intelligere solet.

XIII. Aliud est animam pendere à corpore, tanquam à *subjecto*, & *efficiente*; Aliud pendere ab eo, tanquam ab *objecto*, & *occasione*. Quum *Aristoteles* lib. 3. de Anima, ait, *intelligentem oportere speculari phantasmata*, notat posteriorem dependentiam, non priorem; Intellectio enim non fit ordinariè sine phantasia *initialiter*, *conditionaliter*, & *objectivè*, quia phantasma est objectum, circa quod mens occupatur; sed non pendet à phantasia *effectivè*, vel *subjectivè*, quia nec ab ea elicitur, nec in ea recipitur, sed efficitur à solo intellectu, & in eo solo recipitur; licet propter unionem cum corpore, anima non operetur per intellectum, quin priùs operata sit per phantasiâ, ita ut ex operatione per phantasiâ, & ad phantasmatum præsentiam excitetur ad operandum per intellectum. Deinde falsum est intellectionem semper pendere à phantasia; licet enim hoc verum sit respectu rerum sensibilium, externarum, & singularium; non potest pariter locum habere respectu rerum universalium, & immaterialium; Nam intellectio Dei v. g. & Angelorum à nullo pendet phantasmate, sub quod talia objecta cadere non possunt. Et quum anima se ipsam intelligit, cum intimè sibi sit præsens, nullo eget phantasmatis adminiculo, sed sui cognitionem nudam & intuitivam per se ipsam habere potest, quod vel unum sufficiens probat, aliquam esse animæ rationalis operationem propriam & independentem à corpore.

XIV. Licet autem anima non utitur organo corporeo ad intelligendum; non sequitur animam posse ubique intelligere, quia ubique non habet sensuum adminicula, quibus uti debet dum versatur in corpore, sed tantum in cerebro. Nec si hoc negatur, ratio non poterit reddi furoris & amen-
tix,

Quæst.
XIV.

tiæ, quæ animæ non possunt convenire, nisi à parte organi læsi: ista enim non cadunt in animam, nisi per accidens, propter organa sensuum & facultatum administrarum vitiata & corrupta. Ita cerebri corruptio potest causare furorem & delirium, ex prava dispositione phantasiæ, aut sensus communis, quo fit, ut objecta confusa & perturbata obijciantur intellectui, qui ita præoccupatus, nihil potest rectè judicare. Unde si interdum helleboro; aut aliis remediis corporeis mentis insania sanatur, tota illa curatio pertinet ad cerebrum læsum, quod sanari necesse est, ut anima possit exercere operationes suas. Idem dicendum de diversitate operationum animæ pro ratione ætatis hominis; Non necesse est immutationem fieri in anima, sed in organis corporis, quorum ministerio utitur ad sensationes elicendas; inde est, quò in infante ab initio, vel parum, vel non omnino ratiocinetur, quia vel nulla sunt adhuc, vel pauca phantasmata, ex quibus occasionem ratiocinandi accipit, ob imbecillitatem organorum; & quò decrepitâ ætate non possit amplius ratiocinari, vel tenuiter ratiocinetur, ut *bis pueri senes*, quia phantasmata vel penitus, vel magna ex parte delentur, & quæ supersunt obscure repræsentantur intellectui, quamvis nonnunquam etiam contingat, ut inclinatis corporis viribus, major sit vis animæ, & quò magis deprimitur, & infirmatur corpus, eò altius mens assurgat, ex corporis ergaltulo egredi veluti gestiens.

5. A consensu popu-
lorum.

XV. Ad confirmationem ejusdem veritatis non exiguum pondus addit *Consensus populorum*, qui omnes eam calculo suo comprobarunt, & qui inter eos sapientissimi sunt habiti, paucis demum exceptis Epicureis, ad quos accessit Plin. lib. 7. cap. 55. qui potiùs ex voto, quàm ex animi sententia locuti videntur. Testimonia huc congerere nihil attinet, possunt legi apud *Plessaum* de Veri. Relig. Christ. cap. 15. *Vivem*, *Zanchium*, & alios, qui ex professo hoc argumentum sunt executi.

Fontes
Solutio-
num.

Eccel. 3.
18. 19. 20.

XVI. Aliud est loqui ex rei veritate; Aliud ex opinione hominis carnalis, qui judicat ex apparentiis, & eventibus externis, qui cadunt sub sensus. Quum Salomon ait Eccel. 3. 18. 19. 20. *Eventum filiorum hominis esse similem eventui ipsius bestie, & eventum eundem illis esse, ut moritur hac, ita mori illum, & spiritum eundem omnibus esse, & præstantiam hominis supra bestiam nullam esse*; non loquitur primo sensu, sed secundo, ut doceat ex rebus externis non posse colligi discrimen inter hominem & brutum, cum eadem mortis necessitas illis impendeat ex æquo; ut ita humani sensus vanitatem redarguat, qui non altius assurgens, quàm ad ista externa, nescit discernere inter finem hominis & brati. Nam aliàs ipse, dum ex lumine fidei loquitur, & juxta rei veritatem, satis testatur in alia se esse sententia, Eccel. 12. 9. quum corpus ait *redire in pulverem, unde peritum est. spiritum verò redire ad Deum qui dedit ipsum*, Et v. 15. hoc unum hominis totum esse

esse timere Deum, & servare eius mandata, quod frustra diceret, si animam ^{(2) xxi.} cum corpore extingui credidisset. Eodem spectat quod addit ibid. c. 3. v. 21. ^{xlv.} Quis scit an animus hominis ascendat in altum, id est, potiatur vitâ æternâ, nemo enim mortalium ex statu externo & rationis lumine sine gratia Spiritus Sancti potest illud certò assequi. Eodem sensu c. 9. v. 1. 2. dicit hominem nescire odium & amorem, id est, ex eventibus externis, quia, ut statim addit, idem eventus est justo & improbo, mundo & immundo, tam sacrificanti, quam ei qui non sacrificat &c. Potest etiam rectè dici Ecclesiastem comparare hic hominem cum bruto, in mortis veritate & necessitate, ut particulæ sicut, ita, non adumbrent modum, sed tantum rei ipsius necessitatem, & veritatem, ut sæpe alibi. Et quum spiritus brutorum & hominum idem esse dicitur, non intelligitur ipsa anima, sed halitus tantum, ut occurrit non semel eo sensu in Scriptura Job. 9. 18. Jac. 2. 26.

XVII. Mortui dicuntur non laudare Deum, Ps. 30. 10. & 88. 12. & ^{Ps 30. 10.} 115. 17. Is. 38. 18. non absolutè & simpliciter; quasi existere desinerent, ^{& 88. 12.} nam alibi beati dicuntur mortui in Domino, Apoc. 14. sed secundum quid, ^{& 115. 17.} habita ratione laudis, quæ illi debetur in Ecclesia militante à fidelibus in ^{Is 38. 18.} communione Sanctorum, quâ alii viatores ædificantur, & ad idem officium excitantur, quæ non potest locum habere respectu mortuorum, qui nullum cum viventibus colunt ampliùs commercium. Si mortui dicuntur non esse, ut Ps. 39. 14. *define à me, & roborabor, antequam vadam, &* ^{Ps 39. 14.} non sim, hoc non potest absolutè, sed secundum quid intelligi, quoad totum compositum, & quatenus non sunt ampliùs inter homines, nec eorum communione fruuntur.

XVIII. Quod ortum habet, illud & finem habere potest, eo modo quo ortum habuit: Quod generatur potest corrumpi; Sed quod creatur, si sit spirituale, potest tantum annihilari: Ita quod ortum habet naturalem & materiale, habet etiam interitum; Sed anima habet ortum supernaturalem.

XIX. Licet in anima separata nullæ possint esse species seu ideæ sensibiles, quæ oriantur à phantasmatibus; non sequitur nullas fore intelligibiles, quæ in anima ipsâ subiectentur; Nam præter *naïvâs êvoûas*, quæ ab initio ipsi impressæ sunt, habitus vitii, quos contraxit in corpore, & habitus supernaturales virtutum, quos Deus infundit in corda fidelium, debent in ea remanere. Nec fides & charitas semel in anima productæ per gratiam possunt ab eadeleri.

XX. Quamvis anima separata non habeat organa & phantasmata, quorum interventu intelligat; non sequitur eam torpere & otiosam manere, quia aliud est modus intelligendi in anima unita corpori, aliud verò in anima separata, & potest sine tali phantasmatum subsidio intelligere, ut Angeli.

Quæst. XXI. Aliæ sunt *operationes organicae*, & materiales hominis; Aliæ
XIV. *inorganicae* & immateriales, seu spirituales: Illæ ut sensatio, visio, &c. ut
à corpore pendent, ita in corpore tantum perfici possunt; Sed istæ extra
corpus etiam peraguntur.

XXII. Quamvis ut plurimum nihil sit in intellectu, quod prius non
fuerit in sensu, quia anima, quamdiu est in corpore, utitur organis cor-
poreis ad exercendas operationes, si non quoad actus elicitos, at quoad
actus imperatos, & ordinariè phantasmatis tanquam objectis eget circa
quæ versetur; hoc tamen absolutè & simpliciter verum non est; nam Deus
qui est in intellectu, nunquam tamen fuit in sensu; & anima, quæ se ipsam
intuetur, & supra se ipsam reflectitur, non potest dici fuisse in sensu.

XXIII. Quum homines dicuntur *spiritus vadens*, & non *rediens*
Ps. 78. 39. Psalm. 78. 39. per spiritum non designatur anima, sed *ventus*, ut vitæ
humanæ brevitatis & fragilitas notetur, similis vento, qui citò transit, quo-
modo Jobus 7. 7. *Memento mei*, inquit, *quia ventus est vita mea*.

XXIV. Quum mortui dicuntur dormire, Johan. 11. 11. 1. Corint.
11. 30. 1. Thessal. 4. 15. & alibi, hoc non respectu animæ intelligen-
dum est, quæ recipitur in cælum, & vivit cum Christo, sed respectu
corporis, quod in vitam revocandum est, ut à somno ad vigiliam; ut sæ-
pe ideo mors somno conferri solet, qui frater ejus & imago dicitur. Unde
alibi dicuntur *dormire in pulvere*, Dan. 12. 2. quod non nisi ad corpus re-
ferri potest.

XXV. Alia ratio est *beatitudinis inchoata*, alia *consummata*; loca
quæ pollicentur beatitudinem post resurrectionem, non inferunt statim ani-
mas dormire, vel excludi à visione Dei ante illud tempus; Sed agunt de
felicitatis consummatione, quæ jam inchoata fuit statim ab obitu fidelium.

LOCUS SEXTUS

DE

PROVIDENTIA DEI

ACTUALI,

QUÆSTIO PRIMA.

An detur Providentia? Affir.

I.



*U*n Opera natura distribui solent, in Opera Creationis, & Providentiæ; Doctrinam de Creatione, rectè excipit Disquisitio de Providentiâ, quæ nec ignorari sine gravi dispendio potest, nec sciri sine singulari solatio.

II. Vox Providentiæ, quæ *πρόνοια* dicitur *Quid notet*
Græcis, quia *πρόνοια* vocat, ut inquit Phavorinus, *vox Providentiæ,*
tria potissimum complectitur *πρόγνωσις, πρόθεσις,*

& *διοίκησις*, cognitionem mentis, decretum voluntatis, & efficacem rerum decretarum administrationem, scientiam dirigentem, voluntatem imperantem, & potentiam exequentem, ut Hugo de S. Victore loquitur: prima prævidet, altera prospicit, tertia exequitur; Hinc Providentiâ spectari potest, vel in antecedente decreto, vel in subsequente executione: Illa est æterna omnium ad fines suos destinatio; Hæc temporalis omnium secundum decretum istud gubernatio: Illa actio immanens in Deo; Ista actio transiens extra Deum. Nos hic de Providentiâ Dei sub secunda *ἡσυχία* potissimum agimus.

III. Prima Quæstio de Providentiâ, *An sit*, vix inter Christianos moveri deberet, nisi inter eos non pauci reperirentur adhuc Athei, qui non *An sit Providentiâ.*
men Christi profitentes, veritatem tamen Christi, & linguâ, & moribus abnegant, & doctrinam istam salutarem, verum Ecclesiæ peculium, cum Epicureis veteribus, non in dubium revocant tantum, sed penitus negare sustinent, fortunæ & casui omnia transcribentes, & vel Deum ipsum de mundo tollere satagentes, vel eum fingentes *ἀπρόνοιας*, qui nec sua, nec aliena curet. Adversus talia hominum monstra Veritas orthodoxa confirmanda est, ex qua

Quæst. I. patebit, non modò Providentiam dari in mundo, quâcuncta, etiam minima, sapientissimè simul ac potentissimè dirigantur, sed & ita cum Divinitate esse connexam, ut negari omnino non possit, quin simul negetur Deus.

Providentia probatur 1. à Natura & populorum consensu.

IV. Ad hoc primarium fidei & Religionis Caput demonstrandum, & impietatem irrisorum θεομάχων profligandam sufficere posset, vel ipsa *Natura vox*, & *Populorum consensus*, sapientissimorumque inter Ethnicos suffragium, qui omnes uno ore, si paucos Epicureos excipias, huic veritati constans testimonium perhibuerunt. *Plato* sermoni suo de Deo hoc præstruit fundamentum, ὥς εἰσιν θεομετέμφοι θεοὶ πάντων μικρῶν ἢ μεγάλων, *Quod Dii curant omnia, parva, & magna. Aristoteles*, sive quisquis est Author lib. de mundo c. 6. ὥσπερ ἐν νηὶ κυβερνήτης, ἐν ἄρματι ἡνίοχος, ἐν χωρῷ ὃ κερυφαῖος, ἐν πέλῃ ὃ νόμος, ἐν στρατοπέδῳ ἡγεμὼν, τὸ τοῦ θεοῦ ἐν κόσμῳ &c. *Quod in navi gubernator, in curru auriga, in choro præcentor, in civitate Lex, in exercitu Imperator, hoc idem in mundo est Deus.* *Stoici* eam constanter tuentur, & sic crebrò, sic solidè ab iis asserta est, inquit *Lipsius*, ut ludus, jocusque fuerint Adversariis, qui hanc fatidicam Annum Stoicorum appellabant. *Seneca* multis eam probat peculiari tractatu, cur bonis viris mala accidant, cap. 1. *Præst universis Providentia, & interest nobis Deus*, & postea, *supervacuum est in præseni obtrudere, non sine aliquo custode tantum opus stare, nec hunc siderum certum discursum fortuitu imperus esse, & quæ casus incitat, sæpe turbari, & citò arietare, hanc inoffensam velocitatem procedere æterna legis imperio, non esse materia errantis hunc ordinem*, &c. *Cicero* lib. 2. de natura Deorum, variis argumentis à cælorum motu, situ, &c. terræ stabilitate, formâ, ornamento, & aliis id genus rationibus solidè eam adstruit. Et tanti fiebat apud Ethnicos θεῖναι, ut pro Dea culta sit in Delo, quòd Latonam juvisset in partu, sub hoc cortice scilicet significantes, nihil *Naturam*, quæ per *Latonam* designabatur, posse sine obsetrice Providentia, quæ illam veluti gravidam & parturientem in partu juvaret, id est, causas secundas nihil posse sine prima.

2. Ex Scriptura.

V. Sed fortiùs hoc ipsum & clariùs confirmatur ex *Scriptura testimonio*, quæ cum rerum creatione passim earum providentiam conjungere solet, & Deum proponit, qui non sit modò καιρὸς, sed & πρὸνόντις, non Creator tantum momentaneus, qui ab opificio à se condito statim discedat, sed & constans provisor, qui opus suum continuo influxu foveat & sustentet, ejusque perpetuam curam gerat, *Nec enim, sicut structuram ædium, quam fabricaverit quis, abscedit, atque illo cessante & abscedente stat opus ejus: Ita mundus vel idem oculi stare poterit, si illi Deus regimen sui subtraxerit*, ut ait *Augustinus* lib. 4. de genesi ad lite. c. 12. Utrumque ad Deum pertinet, καλῶς ποιῆσαι, ἢ τῶν γινόμενων καλῶ θεομετεμφοῦαι *Nemesius* c. 42. Loca *Scripturæ*, quæ hoc adstruunt congerere nihil attinet; Tot enim ferè sunt, quot sunt *Scripturæ*

paginæ, quando nihil frequentius, nihil clarius in Verbo Dei inculcatur; *Quæst.*
 consulantur capita Jobi 12. 38. 39. 40. 41. Pl. 8. 19. 91. 104. 107. 136 Prov. 1.
 16. & 20. Jer. 10. Matt. 6. & 10. Act. 14. & 17. Eò pertinet quòd Christus
Patrem suum semper operari testatur, Joh. 5. 17. non utique novas res crean-
 do, sed creatas conservando, & gubernando; Ita ut *ne unus passer cadat sine*
voluntate Patris cælestis, & *capiti i capitis omnes numerati sint*, Luc. 12. 6. 7.
 Quod Paulus dicit, *Deum non se relinquere ἀπαρρητοῖς benefaciendo* *lo nimibus*,
dominus cælitus pluvias, & tempora fructifera, implens cibo & lætitiâ corda nostra,
 Act. 14. 17. & cap. 17. 25. *Deum dare nobis vitam, halitum, & omnia, & in*
ipso nos esse, vivere, & moveri testatur. Quod alibi, *Deum operari omnia secun-*
dum consilium voluntatis suæ, Eph. 1. 11. profitetur, & *Filium portare o-*
mnia Verbo suo potenti, Heb. 1. 3. & *in eo omnia subsistere*, Col. 1. 17. & sic
 innumeris in locis. Hoc ipsum etiam variis symbolis adumbratum, sed tri-
 plici potissimum typo. 1. *Monte Moriæ*, Gen. 22. ubi illustrissimum
 edidit Deus in conservatione Isaaci, & substitutione arietis in ejus locum
 Providentiæ argumentum, unde Ecclesia symbolum hoc tanquam pro-
 prium & peculiare sibi vendicat *יהוה יראא Dominus providebit.* 2. *Scala*
Jacobi, Gen. 28. quam Philo vocat *ἐγκεκλιµακα*, in qua Deus scalæ insi-
 dens exhibetur, qui res omnes cælestes, terrenas, visibiles, & invisibiles,
 sapientissimè regit & moderatur. 3. *Curru* Ezechielis, cap. 1. in quo non
 tantum *rota oculata* cum spiritu vitali, qui in ipsis erat, & quo movebantur,
 innuunt Providentiam, quæ & oculum æternum & perspicacissimum ha-
 bet, quo omnia intueatur, ut alibi Zach. 1. describitur, & vim efficacissi-
 mam quâ moveatur; sed & *rota in rota* ponitur, minor in majore, ad notan-
 dam concatenationem, & dependentiam causarum secundarum à prima.

VI. Tertiò idem evincitur. 1. à *Naturâ ipsius Dei*; Nam si Deus est, 3. à *Natu-*
 inquit Lact. de Ira. c. 9. *utique providens est ut Deus*, &c. nec magis sine *ra Dei.*
 eo potest mundus consistere, quam creari, quia eadem rationes, quæ il-
 lum impulerunt ad creandum, impellunt etiam ad gubernandum, 2. ab
 ejus *independentia* & causalitate, per quam res omnes creatæ & causæ secun-
 dæ debent ab eo pendere, & in esse & in operari, 3. ab ejus *sapientiâ*, *po-*
tentia, & *bonitate*. Nam si Deus non curat mundum, id propterea fit, vel
 quia nescit, vel quia non potest, vel quia non vult; Sed quomodo hoc dici
 posset sine summa in Deum blasphemia, cum & *sapientissimus* sit, qui o-
 mnia, & omnibus prospicit, & *potentissimus*, cui nihil est ἀδύνατον, & *opti-*
mus qui ut summa bonitate mundum primò creavit; ita non potest non
 eadem mundum creatum conservare & regere?

VII. Quartò à *posteriori* idem demonstrat. 1. *Natura & conditio re-* 4. à *Natu-*
rum creaturarum, quæ cum ex nihilo productæ sint, & de nihilo non pa- *ra rerum*
 rum participant, nec à se ipsis vim ullam subsistendi habeant, ne ad *creaturarum.*

Quæst. I. momentum quidem subsisterent, si eadem manu, quæ illas formavit, continuò non sustinerentur; quò respiciunt ista Psalm. 104. 28. 29. *Occultas faciem tuam, consternantur, aufers spiritum eorum, expirant, & ad pulverem suum redeunt. At mittis Spiritum tuum creantur, & renovas faciem terra.* Adde quòd, cùm plurimæ ex ipsis nec finem prospiciant, nec prospicere eum possint, & tamen in eum certis legibus, & constanti tenore ferantur, à Mente superiori omnium præscià omnino dirigi debeant.

5. ab Harmonia & ordine mundi.
6. Prædictionibus.

2. *Harmonia & ordo admirabilis*, qui in mundo inter tot, & confusa in speciem, & sibi invicem opposita observatur, & sine Rectore & Numine superiore dari non potest. 3. *Prædictiones* eventuum futurorum, diu antequam evenirent, quæ Providentiâ Dei sublatâ, nec dari potuissent, nec concipi; nisi enim ex illius immutabili arbitrio omnia disponderentur, & evenirent, tales prædictiones meræ essent conjecturæ, & penderent in incerto.

7. Imperiorum revolutionibus.

4. *Imperiorum, & Rerum publicarum constitutiones, & revolutiones*, quibus intercedere occultam Numinis providentiam, quæ diademata aufert, & confert ad lubitum, quæ attollit, & deprimit, quæ Reges transfert, & constituit, & mutat tempora & tempestates, fateri coguntur etiam pessimi. Unde enim fit, quòd Imperia erigantur in mundo, quòd erecta conserventur, quòd Legum, Ordinisque politici ratio observetur, nec Mundus in latrocinium abeat, cùm major semper sit multitudo malorum, qui leges sublatas vellent, quàm bonorum, qui eas tuentur? Sanè hæc non sine Deo fieri censenda sunt, nec ab alio dirigi possunt, quàm ab eo, *per quem Reges regnare dicuntur*, Proverb. 8. 15. qui dominatur in regno hominum, & cui voluerit dat illud, Dani. 4. 32.

8. Beneficiis & Judiciis.
9. Conscientia.

5. *Beneficia vel judicia* extraordinaria, quæ Deus effundit, vel in bonos, vel in malos, præter & supra omnem rerum humanarum, vel ordinem, vel apparatus. 6. *Conscientiæ sensus*, βρωτὸς enim ἀπαρτὶν ἡ συνείδησις Θεός. Nam si nulla datur Providentia, sed omnia casu & fortunâ diriguntur, Cur conscientia accusat & excusat homines, Roman. 2. 15.? Cur trepidat ad scelerum memoriam, & iudicii sensum? Cur impii malæ suæ conscientiæ furiis acti, *ad omnia fulgura pallent, Quum tonat exanimis primo quoque murmure cæli*, ut ait Juvenalis. Cur testis ille, & Judex inexorabilis penitus excuti nequit, quin usque recurat? Quid enim isto timore vanius, si neglectâ Universi curâ, pietatem, & impietatem mortalium pari loco Deus habet & æstimat?

VIII. Denique ea omnia argumenta, quibus Dei existentiam antea probavimus, ejus Providentiâ etiam adstruunt: Ita enim connexa est Providentia cum Divinitate, ut non possit asseri vel negari, quin vel asseratur, vel negetur ipse Deus; Unde Scriptura passim ab argumento Providentiæ Deum ab idolis secernit, Isa. 41. 22. 23. & 42. 8. 9. Job. 12. 7. 8. 9. & apud Ethni-

Ethnicos promiscuè θεοί, καὶ πρέσβεις usurpantur, & αἰθεόντες damnantur, Quæst. 1.
non modò qui existentiam Dei, sed etiam qui Providentiam ejus negabant.

IX. Providentia Dei, nec *contingentiam* rerum tollit, quia remanet sem- *Fomes*
per indifferens respectu causæ secundæ, quod necessarium sit per Providen- *Solutio-*
tiam respectu causæ primæ. Nec *libertatem voluntatis* evertit, quia necessi- *num.*
tas hypothetica decreti, nullam infert coactionem voluntati, sed eam liber-
rimè, licèt inevitabiliter finit motus suos exercere. Nec *mediorum usum* ab-
rogat, quia certitudo finis, non tollit, sed supponit necessitatem medio-
rum; nec concursus causæ primæ excludit concursum secundarum; imò
eum post se trahit; quippe ut Deus decrevit talem effectum producere per
actionem Providentiæ, decrevit pariter exequi mediorum & causarum se-
cundarum interventu. Nec *præmiorum vel pœnarum* rationem abolet, quia
necessitas quam infert Providentia, non est absoluta, physica, & coactio-
nis, quæ libertatem perimit, sed secundùm quid ex hypothesi decreti, &
immutabilitatis, quæ hominem quidem reddit dependentem & ἐπὶ ἑκείνου,
sed relinquit semper rationalem, & liberum, adeoque in bene, vel male-
factis præmio vel pœnâ dignum.

X. Peccatum quod repugnat voluntati divinæ, non potest *effici* à Dei Pro-
videntia *effective*; sed nihil obstat *permissive* ab ea ordinari, & *efficaciter* di-
rigi, sine ulla Providentiæ divinæ culpa, ut fusiùs postea probabitur.

XI. Quæ ita confusa sunt in se, ut nulla ratione possint in ordinem redi-
gi, non possunt dici regi à Providentia; Sed hoc sensu nihil confusum, &
ἀτάκτως potest dici in mundo: Nam si qua confusa videntur, & inordinata,
talìa sunt nostri respectu tantùm, qui rerum causas, modos, & fines videre
non possumus, non in se, & respectu Dei, à quo sapientissimè diriguntur:
nihil enim usque ad eò perturbatum nobis videtur, in quo tamen ordo exi-
mius sapientiæ, & justitiæ divinæ non eluceat. Ita in venditione Josephi,
& crucifixione Christi, horribilis fuit ἀτάξια quoad consilia hominum,
sed sapientissimus ordo quoad Dei decretum, qui ut è tenebris lucem, &
è malo bonum elicit; Ita eventus istos dispensare voluit ad manifestationem
gloriæ suæ, & salutem Ecclesiæ; nihil quippe hîc præstitum, quod *manus*
& *consilium Dei*, jam antea non decrevisset fieri, Act. 4. 28. Vos cogis ave-
ratis in malum, inquit Josephus fratribus Gen. 50. 20. Sed Deus cogitavit
illud in bonum convertere &c.

XII. Licèt felicitas impiorum, & piorum calamitates, dubitationem
de Providentia sæpe injecerint Ethnicis; imò & fideles ipsos & sanctissimos
Dei viros non semel exercuerint, quos toties de illis conqueri legimus in
Scriptura; Nihil tamen est quod fidem Providentiæ labefactare debeat. 1.
Quia Providentiæ & Justitiæ divinæ ratio quidem postulat, ut bonis bene,
& malis malè sit, sed non pariter exigit, ut semper bonis bene, & semper
malis

autem lascivire, & voluptatibus fluere, cogita filiorum nos modestiâ delectari, vernularum licentiâ; illos disciplina irriori contineri, horum ali audaciam. Idem tibi de Deo liqueas; Bonum virum in deliciis non habet, experitur, indurat, sibi illum praparat. Et cap. 4. Calamitas virtutis occasio est; Illos meritò quis dixerit miseros, qui nimia felicitate torpescunt, quos veluti in mari lenio tranquillitas iners detinet. Quicquid illis inciderit, novum veniet, magis urgent sava inexperios. Grave est tenera cervici jugum. Ad suspicionem vulneris tyro pallefcit: audaciter veteranus cruorem suum spectat, qui scit se saepe vicisse post sanguinem. Hos itaque Deus quos probat, quos amat, indurat, recognoscit, exercet, eos autem quibus indulgere videtur, quibus parcere, multis veniuris malis servat. Alia sunt ibidem plura id genus lectu digna, quibus sapientissima Providentia Dei ex tali bonorum & malorum distributione adstruitur; Ut mirum sit, Christianos de Providentia dubitare, ex eo, unde Gentiles ipsi indubitatum Providentiæ argumentum eliciunt.

QUESTIO II.

An Providentia Dei rectè dicatur Fatum, & An necessitas fatalis illi bene tribuatur? Dist.

I. **Q**UÆstio necessaria est, non modò, ut constet qualis debeat esse *Occasio* vocis Fati inter Christianos usus, de quo non consentiunt Theologi, sed etiam, ut doctrina nostra liberetur à calumniis Pontificiorum, & aliorum, qui subinde illi Parcarum tabulas, & fatalem ac Stoicam rerum omnium, & eventuum necessitatem objicere solent.

II. *Fati* vocabulum Latinum est à *fando*, id est, loquendo, deductum, *Fati vox* quasi *effatum*, seu *dictum*, *decretum*, *jussum*, & *voluntas Dei*. Priscianus *unde dicta*. *Gentilium more si loqui visum, fatum dictum, quia Jupiter illud sit fatus Per-* *Questio-*
cis, qua voluntatem ejus aeneis inscripsere tabulis, sive quia id Parca sum fusa.
Minutius Felix in Octavio, *Quid aliud est fatum, quam quod de unoquoque nostrum Deus fatus est.* Græcis dicitur, *εἰμαρμένη* à verbo *μαίρω*, quod est *divido*, *distribuo*, *sortior*, & *ἡ προαπορισμένη*, id est, *ordinatum*, & *determinatum*, *ὅτι ἡ προαπορισμένη*, *termino*, *finio*, quia per illud omnia à Deo determinantur. Stoici Philosophi vocabulum hoc adhibuerunt ad significandam Providentiam, à quibus illud mutuati sunt Christiani, tum veteres, tum recentiores, qui non rarò illo utuntur.

III. Multifariam autem usurpatum legitur apud Authores, unde quadruplex oritur *fatum*, ut observat *Picus Mirandul.* lib. 4. contr. Astro. c. 4. *Quon-*
plex sit fa-
tum.

QUEST. II. *Fatum Physicum, Mathematicum, Stoicum, & Christianum.* Primò *Fatum Physicum*, quod nihil aliud est quàm ordo & series causarum naturalium ad effectus suos definitarum, quarum necessitas est naturalis. *Principium* ejus est *natura*, seu vis agendi, quam Deus in creatione rebus indidit. *Effectus* sunt omnes illi eventus, qui à causis naturalibus per se pendent. Opponuntur ea quæ à liberâ hominis voluntate pendent, aut etiam casu fiunt.

2. *Mathematicum* IV. Secundum *Fatum* est *Mathematicum*, quod Chaldaeorum est & Genethliacorum, quod Bradwardino dicitur *Astrale*, est necessitas rerum ac eventuum, quæ ex Cœli ac siderum positura, sive constellationibus oritur, quâ non modò elementa & corpora mixta, sed & voluntates hominum ad actus suos necessariò impelli dicuntur, quo sensu *Mamilius* sæpe utitur fati voce, *fata tibi Leges, vitæque, necisque dederunt, & Augusti.* lib. 5. de C. D. c. 1. *Homines quando audiunt fatum*, inquit, *usitata loquendi consuetudine, nec intelligunt nisi vim positionis siderum, qualis est, quando quis nascitur, sive concipitur.* Hoc fatum alibi appellat *fatum* tract. 37. in Johann. *Si cor suum non esset fatuum, non crederes fatum*; Quia revera cum Scriptura, cum recta ratione, & universali experientia pugnat. Ad hoc quidam referunt *fatum Judaicum & Pharisæicum*, de quo Josephus lib. 18. Antiquit. c. 2. qui loquens de Pharisæis, dicit eos *fato tribuere quacunque geruntur*, quod non aliò, quàm ad fatum Astrologicum pertinere, ex axioma inter ipsos trito satis liquere videtur *הכל תלוי במצול* omnia pendent à planeta, & l. 2. bell. Jud. c. 12. *fato & Deo universa deputans*, quod cum quadam limitatione tamen intelligendum esse ipse Josephus lib. 13. antiq. c. 9. docet, dum ait, *Pharisæi quadam, non omnia fato tribuunt.*

3. *Fatum Stoicum.* V. Tertium est *Fatum Stoicum*, quod juxta Chrysippum apud Gelli. lib. 6. c. 2. est naturalis quidam ordo, & connexio rerum omnium ab æterno, aliis ad alias consequentibus, & immutabile manente hujusmodi complicatione, vel juxta Ciceronem lib. de Divina. ordo & series causarum, quum causa causa nexa rem ex se gignit, cui Deum ipsum subjiciunt & alligant, Senecæ c. 5. de Provid. Eadem necessitas & Deos alligat, irrevocabilis divina pariter & humana cursus vehit. Ille ipse omnium Conditor ac Rector, scripsit quidem *fata*, sed sequitur, *semper paret, semel jussit.* Qualis verò hac in parte fuerit Stoicorum sententia, non satis liquet, An scilicet fato voluerint causas omnes esse naturales & definitas, adeò ut libertas voluntatis humanæ, & contingentia eventuum per illud tolleretur, & Deus ipse ad ordinem causarum, seu rerum à se conditarum ita alligaretur, ut aliter agere non posset, quod vulgò illis obicitur. An verò voluerint tantùm decretorum divinorum immutabilitatem asserere, non verò vel libertatem hominis, vel eventuum contingentiam tollere, ut *Lipsius* Phyl. Stoic. lib. 1. dissert. 12. statuit, & non pauci cum eo, quod *August.* lib. 5. de C. D. c. 8. explicat his

verbis, Qui verò non astrorum constitutionem, sicuti est, quum quidque concipi-
tur, vel nascitur, vel inchoatur; sed omnium connexionem seriemque causa-
rum, quâ fit omne quod fit, Fatum nemine appellant, non multum cum eis de ver-
bi controversia laborandum atque certandum est, quandoquidem ipsum causarum
ordinem & quandam connexionem Dei summi tribuunt voluntati & potestati,
qui optimè & veracissimè creditur, & cuncta scire ænequâ fieri, & nihil inor-
dinatum relinquere, à quo sunt omnes potestates, quamvis ab illo non sint omnium
voluntates. Ipsam itaque præcipue Dei summi voluntatem, cujus potestas insu-
perabiliter per cuncta percipitur, eos appellare Fatum sic probatur, &c. quæ ti-
lunt revera ex genuinâ Stoicorum mente, ut ex Senecâ constare videtur,
non exagitanda est ipsorum sententia, quæ ad veritatem proximè accedit.
Sed quia ulus apud plerosque obtinuit, ut aliud Fatum Stoicis impatetur,
quod scilicet fatalem & ineluctabilem rerum omnium necessitatem, & causa-
rum inter se seriem & rerum æternam & naturalem ponit, cui Deus ipse sub-
jiciatur: Nos ab illis longissimè abesse profiteamur. Nam cum illi necessitatem
vulgò ponere dicantur extra Deum, in perpetuo & æterno rerum nexu; Nos
eam ponimus in ipso Deo, & æterno ejus decreto. Illi Deum necessitati;
Nos necessitatem Deo subicimus. Illi causas omnes naturales & definitas
fingebant; Nos discrimen naturalium & liberarum constanter tuemur, &
utrasque à Dei providentia pendere credimus; Unde patet non posse nili in-
justissimè fatum Stoicum, eo sensu intellectum, doctrinæ nostræ impingi.
Licet enim per inevitabilem necessitatem omnia fieri censeamus per Provi-
dentiam, nihil commune tamen nobis est cum ipsis, quia non urgemus ab-
solutam necessitatem in causis ipsis, ut illi, sed hypotheticam tantum ex de-
creto, nec seriem causarum naturalem & æternam, adeoque inevitabilem
etiam quoad Deum, fingimus, sed temporalem, prout sunt ipsæ causæ, à
Deo ipso factam, cujus beneplacito & regimini ita subjacet, ut eam pro libi-
tu vel mutare, vel impedire, vel tollere possit.

VI. Quartum *Fatum*, quod vocamus *Christianum*, est series & ordo
causarum pendens à divina Providentia, per quas illa effectus suos producit,
quo sensu Veteres non rarò vocem fati usurparunt, & *Thomas* 1. q. 126.
fusè illud probat, & ejus certitudinem & immobilitatem adstruit. Hoc ve-
rò, modò *active* sumitur, pro ipso divino decreto, & sic non differt ab ipsa
Providentia, modò *passive* pro ipsa complexione & dispositione causarum
omnium ad suos effectus, prout à Dei providentia immutabili pendent; &
ita distinguitur ab ea, tum ratione *subjecti*, quia Providentia est in Deo, Fa-
tum verò à Deo in causis secundis, tum ratione *ordinis*, quia Fatum à
Providentia pender, non contrà, tum *objecto*, quia Providentiæ omnia
subjacent, sed non Fato, ea puta, quæ à Deo immediatè fiunt. *Boetius*
lib. 5. de Consola. Philos. sic definit, *Inhærens rebus mobilibus immo-*

4. *Fatum*
Chr. fua-
num.

ut nihil in rerum natura possit dari vel evenire, quod ab ea non pendeat. Quæst. III.

II. Rationes sunt. 1. Quia Deus omnia creavit: Ergo & omnia curat. Nam si Deo gloriosum fuit ea creare, probrosum non debet esse illi ea curare. Imò ut semel creavit, continuò conservare & regere tenetur, siquidem Deus opus suum nunquam deserit, sed illi perpetuò adesse debet, ne in nihilum relabatur. Omnia subsunt Providentiæ.

III. Secundò, Quia Scriptura clarissimè hoc adstruit, tum in genere, tum in specie. In genere in iis locis, quæ Deo omnium curam & gubernationem vendicant, Neh. 9. 6. *Tu ille Dominus solus es, qui fecisti cælos cælorum, & omnem exercitum eorum, & terram, & quicquid in eo; Tu conservas hæc omnia*, Act. 17. *Ipse dat omnibus vitam, huiusmodi & omnia, nam in ipso vivimus, movemur & sumus*, Heb. 1. 3. *Sustinet omnia Verbo potenti*, Ps. 145. 15. 16. *Oculi omnium in te sperant, & tu das ipsis cibum suum in tempore suo, aperiens manus tuas, & satians omne vivens benevolentia, & sic innumeris in locis.*

IV. In specie iis locis, quæ omnes rerum species, & eas potissimùm, quæ in controversiam veniunt, Dei Providentiæ subjiciunt; Ita res minimæ non minùs ac maximæ ab illo pendere dicuntur. Quid vilius pilis capitis, & tamen omnes dicuntur numerati à Deo? Luc. 12. 7. Quid levius passer- culis? nullus tamen eorum cadit in terram sine voluntate Patris cœlestis, Matt. 10. 29. qui aves omnes providentiâ suâ nutrit, Matt. 6. 26. 28. & pullis corvorum dat escam, Ps. 147. 9. Quid minoris momenti herbis, & floribus agri? Et eos tamen Deus vestit, & augescere facit, Matt. 6. 28. 30. Quid pediculis, ranis, locustis, vermiculis, cæterisque insectis abjectius? hæc tamen Deus excitare dicitur ad executionem judiciorum suorum, Exod. 8. 16. 17. & 10. 12. imò vocantur *exercitus ejus robustus, faciens verbum ejus*, Joël. 2. 11. etiam minima.

V. Quamvis Dei Providentia versetur circa creaturas rationales longè illustriùs & efficacius; Non propterea subducendæ sunt cæteræ à Dei Providentia, cum ad utrasque extendatur, Ps. 36. 7. & 145. 15. 16. Nec quod Paulus 1. Cor. 9. 9. *boves cura non esse Deo*, dicit, simpliciter & absolute est intelligendum, quia & boves curæ sunt Deo, qui eos conservat & nutrit, Psal. 36. 7. sed tantùm secundùm quid, ut doceat mandatum de non obligando ore bovis trituran- tis, spectare potissimùm Ministros Evangelii, & in eorum gratiam datum esse, ut sciant homines, quid sui sit officii erga eos quorum utuntur operâ in ministerio, argumento à minori ad majus; Si Deus bovem vult vivere ex labore suo, multò magis æquum est ut Minister ex Evangelio vivat, quod clarum est ex antecedentibus & consequentibus. Nec hic propriè Paulus tam loquitur de Providentia, ut boves illi subducatur, quàm de legislatione, quæ non tam bestiarum causâ instituta fuit, quàm hominum, quorum solorum institutioni destinabatur. 1. Cor. 9. 9.

QUEST.

III.

Ps. 115. 16.

VI. Deus ita est magnus in magnis, ut minor non sit in parvis; Nec ita terram dedisse dicitur filiis hominum Ps. 115. 16. quin ex cœlis cœlorum eam respiciat semper, & in cura sua retineat: hoc scilicet sibi vult Psaltes, Deum gloriâ suâ contentum, inhabitare cœlos, & non opus habere; ut extra se quicquam quærat, sed terram in usum hominum condidisse, & locupletasse bonis omnibus, ne quid ipsis deesset; cœlos ergo sibi servasse dicitur in sedem gloriæ, & sacrarium Majestatis, & terram dedisse hominibus, non ad summum *dominium* & absolutam potestatem, sed tantum in *usum*, dependentem à Providentiâ suâ.

VII. Si non fuit indignum Majestate Dei res etiam vilissimas & minimas condere, quia faciebant ad majorem sapientiæ ejus demonstrationem, & perfectionem Universi in tanta creaturarum varietate; Cur indignum esset ejus gloriâ eas conservare? Ut infra gloriâ Solis non est loca abjectissima, imò & spurca & foetida radiis suis illustrare, quin potius hoc pacto monstratur amplitudo splendoris ejus. Nec dicendum cum *Corvino* Deum minima non curare, quia hoc nullam rationem bonitatis & justitiæ habet, siquidem dici non potest ex minimis creaturarum elucescere posse bonitatem, seu justitiâ divinam. Quia, præterquam quòd aliæ sunt proprietates Dei, quarum patefactione in minimis illustratur gloria Dei, nimir. sapientia & potentia; Certum est Deum bonitatem suam etiam in rebus vilissimis ostendere, & justitiâ sæpe exerere per minima animalcula, per ranas, pediculos, & vermes &c. Vide supra L. III. Q. 12. th. 4. ubi expenditur, & excusatur locus Hiero. in Hab. 1. quibus adde quæ habet Sixtus Senensis Bibli. lib. 5. annota. 257. qui ex ipso Hieronymo in c. 10. Matth. & ex Lombardo li. 1. senten. dist. 39. verba ejus emollit, & in meliorem sensum trahit.

2. Contin-
gentia &
fortuita.

VIII. Secundò *contingentia*, & *fortuita* cadere sub Providentiâ, Scriptura non uno loco asserit: Nihil magis contingens est cæde hominis, qui à lignatore præter intentionem suam est occisus, quæ tamen Deo tribuitur, qui dicitur illum objecisse manui occisoris, Exod. 21. 12. 13. & Deut. 19. 4. Nihil magis casuale & fortuitum fortibus, sed illarum tamen decisio in ipsum refundit Deum, Prover. 16. 33. *Sors projicitur in gremium, sed à Domino est tota ratio ejus.* Nihil magis contingens fuit venditione Josephi, & ejus incarceratione, & exaltatione, hæc tamen dispensata esse omnia à Dei providentiâ, Josephus ipse testatur, *Nequaquam vos estis, qui misistis me huc, sed Deus ipse, Gen. 45. 8. &c. Cogitaveratis in malum, sed Deus cogitavit in bonum, ut faceret de hoc, conservando in vita populum magnum.* Innumeri sunt eventus similes planè contingentes & fortuiti, qui expresse Providentiæ adscribuntur. Vide Genes. 22. 8. 13. & 24. 12. 13. & seq. & 27. 20. Prov. 21. 31. Matth. 10. 29. 30.

IX. Nihil ergo adeò fortuitum & casuale in rerum naturâ dari potest, quod

quod à Providentia Dei non regatur, atque adeò necessariò & infallibiliter non eveniat respectu decreti divini. Unde proscriptas volumus impias & blasphemias voces Ethnicorum, qui fortunam cæcam & volubili globo inistentem, loco sapientissimæ & potentissimæ Providentiæ substituunt, qualis illa Plinii li. 2. c. 7. qui *fortunam solam in tota ratione mortalium uiramque paginam facere statuit*. Et ista Juvenalis:

*Nullum Numen abest, si sit Prudentia, sed Nos
Te facimus fortuna Deam, cæloque locamus.*

X. Non tamen propterea putandum est *contingentiam* omnem de mundo tolli. Sic enim Deus qui omnia operatur in omnibus, causas secundas gubernat & regit, ut naturam & conditionem earum non tollat, sed potiùs tueatur & conserveat, & luds etiam exercere & agere motus sinat: Ut primum mobile ita censetur rapere sphæras inferiores, ut his tamen proprius & specialis suus motus remaneat. Ita non desinit id contingens censerì respectu causæ secundæ, à qua actus denominatio & specificatio oritur, cujus modus agendi contingens est, & non ad unum determinatus, quod certò tamen & infallibiliter evenit ex immutabili Providentiæ divinæ dispositione, quia illa infallibilitas eventus ex hypothesi, non tollit earum contingentiam ex causarum secundarum conditione & modo agendi, quibus semper inest intrinseca facultas, & indifferentia ad oppositum. Sic necesse fuit Josephum vendi à fratribus, & in Ægyptum descendere, quia ita constitutum fruerat à Deo ad familiæ Jacobi conservationem; Sed contingens tamen fuit respectu fratrum Josephi, qui poterant vel illum occidere, vel ab ejus venditione abstinere. Alia ergo ratio est eorum, quæ *necessaria sunt absolute*, & omnimodè, tum quoad *sui futuritionem*, tum quoad *modum*, quo fiunt & producuntur. Et eorum quæ sunt *necessitatis hypotheticæ* ex ordinatione divina. Illa non possunt consistere cum contingentia; Sed nihil obstat quominus ea, quæ quoad modum productionis contingenter fiunt respectu causarum secundarum, necessitatem tamen habeant consequentiæ, seu infallibilitatis futuritionis eventus ex ordine Providentiæ. Vide supra L. IV.

Q. 4. An Decretum afferat rebus necessitatem.

XI. Tertiò *Libera & Voluntaria*, quæ sunt ἐφ' ἑμὶν & fiunt ἐκ προαιρέσεως à Providentia regi constat ex Scriptura. *Homini sunt dispositiones cordis, sed à Domino pronuntiatio lingua*, Prov. 16. 1. & 9. *Cor hominis cogitat viam suam, & Dominus dirigit gressus ejus*, & cap. 20. 24. *A Domino diriguntur gressus viri*, & c. 21. 1. *Cor Regis in manu Domini, ut rivus aquarum, quocunque voluerit inclinat illud*, Jerem. 10. 23. *Scio Domine, quod non est hominis via ejus, nec viri ut dirigat gressus suos*. Sic Ps. 33. 14. 15. *E loco habitationis sua prospicit in habitatores terra, formator pariter cordis ipsorum, animadvertit ad omnia opera eorum*. Quod luculenter confirmatur

Quæst. firmatur exemplis *Labanis*, Genes. 31. 29. *Efavi*, Gen. 33. 4. *Aegyptiorum*, Exod. 12. 36. *Bileami*, Num. 22. 23. cap. *Saulis*, 1. Sam. 24. 15. 17. & 26. 17. & aliorum. Ratio etiam multiplex hoc suadet. Quia ut homo pendet à Deo quoad essentiam, & vitam; ita debet ab eo pendere quoad actiones, & motus animæ, quæ potissima est pars hominis: Nam fingere hominem independentem in volendo & agendo, est facere independentem in essendo, quia qualiscunque est in agendo, talis est in essendo. Deinde si actiones liberæ à Deo non penderent, & regerentur, fierent Deo, vel ignorante, & inscio, vel negligente, aut invito; quod sine impietate dici & cogitari nequit. Quomodo autem Dei Providentia concurret cum voluntate hominis, nec evertat tamen ejus libertatem, in sequentibus videbitur.

Q U Æ S T I O I V.

DE PROVIDENTIÆ ACTIBUS.

An Providentia sita sit tantum in conservatione, & sustentatione rerum, An verò etiam in gubernatione earum, per quam Deus ipse agat, & efficaciter concurret cum ipsis, concursu, non generali & indifferente, sed particulari specifico, & immediato? Neg. Pri. Aff. Poster. contra Jesuitas, Socinianos, & Remonstrantes.

I. **D**Uæ sunt Quæstionis partes. Prima de *Conservatione* rerum. Secunda de earum *Gubernatione*, quibus duobus actibus solet describi Dei Providentia. *Conservatio* est, quâ Deus creaturas omnes in statu suo conservat, quod fit *conservatione essentiae* in speciebus, *existentiae* in individuis, & *virtutis* ad operationes. *Gubernatio* est, quâ Deus universa & singula gubernat, & ad fines à se præstitutos dirigit & deducit.

*Status
Quæstio-
nis.*

II. Quoad primam; Non quæritur, An Providentia Dei occupetur circa Conservationem rerum; Hoc enim utrinque est in confesso, docente Scripturâ, Nehem. 9. 6. Psal. 36. 7. & 104. 27. 29. Heb. 1. 3. Act. 17. 28. & ratione probante: Quia ut res non potuerunt fieri sine Deo; Ita nec sine eo possunt vel ad momentum subsistere; aliàs independentes forent, quod soli Deo competit. Sed quæritur, An tota ratio Providentiæ consistat in illa Conservatione, & in eo quòd Deus vim agendi causis secundis tribuit & conservat, illasque agere sinit. An verò consistat etiam in gubernatione, per quam Deus ipse agat, & cum creaturis efficaciter concurret?

III.

III. Res hic nobis est cum *Durando*, & nonnullis ex Pontificiis, qui cum ipso faciunt, qui Providentiam & concursum Dei tantum in eo collocant, quod creaturæ, quam ad agendum antea idoneam fecit, vires solum conservet, & eam pro libitu agere sinat, tanquam per se solam ad agendum sufficientem. Quod sic explicat *Lud. à Dola* lib. de conjunct. concursuum Dei & Creaturæ, *Deum concurrere, est vel liberum arbitrium creare, ut in actibus naturalibus, vel dare in supernaturalibus potentiam seu habitum agendi, vel non agendi, per quem ipsa voluntas totum faciat in omni actu supernaturali, absque ullo alio Dei concursu immediato actionem actu promoventem*; Et ita hoc commentum probat, ut unicuique medium censeat esse idoneum tollendis litibus, quæ à tot jam annis inter Dominicanos & Jesuitas agitantur de ratione concursus divini.

Quæst.
IV.
Sententia
Durandi

IV. *Jesuitæ*, etsi fateantur Dei Providentiam non consistere in sola Conservatione rerum, sed etiam in influxu & concursu Dei; quum tamen ad explicationem concursus devenit, volunt eum *generalem* tantum esse, & *indifferentem*, qui determinetur à causis secundis; Ut Sol causa generans universalis determinatur ab homine generante, ut à causa particulari; unde fit, ut non generetur equus, sed homo, cum influxus Solis per se sit indifferens ad generationem hominis & equi. Ita volunt influxum causæ primæ esse indifferentem ad illam actionem, vel ad contrariam, nec esse antecedentem & præmoventem, sed contrà causam secundam se determinare antequam agat causa prima, quæ non excitet ad motum causam secundam, sed causa secunda sit occasio agendi causæ primæ: Hæc est communis sententia *Jesuitarum*, quam sequuntur *Sociniani* & *Remonstrantes*, Utrique duabus potissimum de causis se hanc amplecti profitentur: Una est, ut Deus vindicetur à peccati causalitate. Altera, ut voluntatis humanæ libertas & *aidia poeia* in omnibus actibus, & potissimum in conversione asseratur, & cum Providentia divina concilietur.

Jesuitarum.

V. Sed aliud longè statuunt in Communione Romana *Thomistæ*, & *Dominicani*, qui prædeterminationem physicam urgent, ut omnes causæ secundæ à Deo sint prædeterminatæ ad agendum, & Deus non tantum agat cum causa secunda in effectum, sed & in ipsam immediatè, atque ita ad hoc volendum, vel nolendum in particulari determinetur voluntas ab eo, non tantum in bonis actionibus, sed etiam in malis. Unde *Thomas* 1. q. 83. artic. 1. ad 3. *Cum liberum arbitrium movet se ipsum, non excluditur, quin ab alio moveatur, à quo habet hoc ipsum quod se ipsum movet*; Idem alibi 1. q. 105. & lib. 3. c. gent. c. 70. Concursum Dei in hisce quinque ponit 1. quatenus vires & facultates agendi dedit causis secundis. 2. quatenus eas ipse tuetur & sustentat in esse & vigore. 3. quatenus excitat & applicat causas secundas ad agendum. 4. quatenus ipse eas determinat ad agendum. 5. qua-

Thomistarum.

Quæst. IV. *tenus eas regit & dirigit, ut ad fines suos sibi præstitutos perveniant. Alvarez* Dominicanus hoc argumentum susceperat lib. de *Auxiliis*. Orthodoxi ad posteriores accedunt, & tam contra Durandum, quàm contra Jesuitas, Socinianos, & Arminianos, statuunt Providentiam Dei non consistere tantum in conservatione rerum, sed etiam in concursu Dei, non indifferente & generali, sed particulari & specifico, quo influat, & in causam, & in effectum immediatè.

Providentia non consistit tantum in conservatione rerum, sed etiam in concursu particulari, & immediato.

VI. Primò, quia Scriptura passim actiones causarum secundarum Deo tribuit ut causæ primæ, quod perperam diceretur si tota Providentiæ ratio constitueret in conservatione rerum, & sustentatione facultatum, & Deus effectivè cum illis non concurreret. Ita Deus dicitur *misisse Josephum in Egyptum*, Gen. 45. 7. *Cor Regis habere in manu sua, & inclinare quocunque voluerit*, Prov. 16. 1. *uti impiis tanquam securi, virgâ, ferrâ, baculo ad opus suum* Isa. 10. 15. 26. & 13. 5. Nam ut ista non operantur ex se ipsis, nisi concurrat artifex; Ita causæ secundæ, quæ hisce instrumentis comparantur, non agunt solâ suâ virtute, sed motæ demum à causâ primâ. Nec excipi potest, Deum posse dici concurrere, quatenus dat creaturis facultatem agendi, eamque conservat, licet cum illis non concurrat effectivè. Quia aliud est concurrere ad conservationem facultatum, aliud ad operationes earum; Deus verò ex locis allatis dicitur concurrere ad ipsas actiones; Et similitudo allata hoc necessariò evincit; nam licet instrumenta ipsa habeant facultatem operandi, non possunt tamen operari, nisi concurrente, & ipso manus admovente artifice.

VII. Huc pertinent loca Actor. 17. 28. Col. 1. 17. quibus dicimur in Deo esse, moveri, & vivere; Nam in quo, & à quo sumus, & movemur, ab illo omnes nostræ actiones effectivè quoque pendere debent. Quibus alia addi possunt, in quibus opera fidelium Deo accepta feruntur; quomodo enim Deus dicitur *operari in nobis velle & perficere*, Phil. 2. 13. & *omnia in nobis operari*, 1. Cor. 12. 6. & alia id genus; si Providentia ejus consistit tantum in conservatione facultatum, vel concursu generali & indifferente?

VIII. 2. Quia Deus est Moderator & Dominus mundi, Et per consequens eorum omnium quæ in eo sunt, vel fiunt, quod sola conservatione, vel concursu generali fieri non potest, quia moderari est ita præesse, ut destinato ordine regat ille qui præest, quod complectitur, tum definitionem finis, tum ordinationem mediorum. Ita quia Dominus est singulorum, omnes ac singulos motus, actiones, & eventus externos & internos, bonos & malos, imperio suo subjectos habet.

IX. 3. Quomodo se habet creatura in essendo respectu Dei, ita & debet se habere in operando, nam modus operandi sequitur modum essendi; hæc enim pari passu ambulant. At omnis creatura pendet à Deo in esse, Ergo & in operari. Sed si Deus per Providentiam versatur tantum in conservatione

rerum, vel in concursu generali, & indifferente, qui determinetur à causa secunda; Creatura non pendeat in operari à Deo, imò Deus potius pendeat à Creatura, & causa prima fiet secunda, & secunda prima, nec amplius erit subordinata, sed coordinata, & independens. Sic plura erunt prima entia, & prima principia, imò tot principia, quot sunt causæ, & quot sunt hominum, & Angelorum voluntates, quia, ut *Thomas* bene observat, de ratione primi principii, ut agere possit sine auxilio prioris agentis & illius influentiæ.

X. 4. Si datur tantum concursus generalis, frustra Deus oratur ad aliquid obtinendum, quia Deus nec malum avertere, nec bonum conferre potest, nisi prout allibuerit hominibus ipsius Dei motionem determinantibus. Frustra etiam gratias agimus de bonis per agentia libera procuratis, Frustra in Deum confidimus, speramus, & voluntates nostras patienter Deo submittimus, quia Deo concurrente tam non evenire possunt, quam evenire bona vel mala, quæ speramus, aut timemus.

XI. 5. Posito concursu generali & indifferente, Deus non magis erit causa boni, quam mali, utpote qui ad speciem aut qualitatem non determinatur, nec determinari ex se poterit, sed determinabitur, & specificabitur à voluntate humanâ; quod absurdum esse multis modis patet. 1. quia Providentia Dei circa res humanas ipsis hominibus, sive eorum arbitrio subjaceret. 2. potiores & priores essent voluntatis partes, & Dei inferiores, qui sequeretur tantum voluntatem. 3. determinatio influxus indifferentis ad hanc vel illam actionem in specie, ipsaque actio in specie foret independens, ex solâ hominis voluntate pendens, quæ omnia blasphemia, & ἀθεόλογα sunt, ut & ἀντιγενεα, cùm Scriptura passim causam omnes boni, sive naturalis, sive moralis testatur esse Deum Jac. I. 17. I. Cor. 4. 7. Rom. II. 36. Gen. I. 31.

XII. 6. Si Deus concurrit tantum cum creaturis per conservationem, vel per influxum generalem, & indifferentem. 1. Dispositio sortium non poterit dici à Deo, quia à Dei concursu ad hanc vel illam sortem planè indifferente, non est egressus hujus potius quam illius sortis, sed vel à fortunâ, vel à manu sortem apprehendente. 2. casus passeris non erit à Deo, quia volatus potius quam non volatus à Deo non determinatur. 3. falsa hæc omnia erunt Deum dare nives, imbres, glaciem, ventos, dare corvis escam, alas ciconia, robur equo, Job. 37. 38. 39. cap. Psal. 104. 147. dare cibum famelicis, aperire oculos cecorum, orphanos & viduas levare, morti addicere, & à sepulchro educere, I. Sam. 2. 7. 8. 9. Ps. 146. 7. 8. & sim. quæ in Scriptura illi tribuuntur, quia omnes isti effectus sunt determinati, qui non possunt tribui concursui Dei, indifferenti, & indeterminato, à quo non magis hi effectus, quam contrarii, pendere possunt; quod in actibus liberis etiam obinet. Nec potest elabi Bel-

Quæst. IV. larminus de Amist. grat. lib. 2. cap. 19. dum vult actionem humanam planè totam esse à Deo, & ab ipso habere non solum esse genericum, sed etiam specificum & singulare. Caterum id habere per concursum determinatum ad actionem talem à voluntate humana, seu à creatura; ac proinde non habere esse specificum, ex modo agendi Dei, sed ex modo agendi voluntatis humana. Quia vel dicitur loquitur, vel supponit quod probandum est. Nam si actio humana tota habet à Deo esse specificum, quomodo dicitur postea illud non habere ex modo agendi Dei? 2. Si actio Dei determinatur ad talem actionem à voluntate humana; Ergo eventus voluntati humanæ principaliter, non verò concursui Dei, qui indifferenter se habuit ad hunc effectum tribui debet.

XIII. 7. Denique posito concursu generali & indifferente. 1. Decretum Dei redderetur incertum, & Præscientia fallibilis, quia & illud, & hæc penderet à voluntate hominis mutabili. 2. Subtraherentur dominio Dei operationes voluntatis, & homo fieret independens, & ex subdito socius Dei, à cuius nutu Deus ipse pendere deberet. 3. Plus ageret Creatura quàm Deus, quia motio specialis est potior generali, & perfectior esset, quia quod determinat est perfectius eo quod determinatur. 4. Præcipuâ pietatis ratio, quæ sita est in dependentia voluntatis nostræ à voluntate Dei subverteretur; non ampliùs dicendum esset cum Jacobo c. 4. 15. *Si Dominus voluerit, hoc & illud faciemus*; Sed Deus quasi in ordinem redactus dicere deberet; *Si homo voluerit facere, hoc aut illud fiet.*

Fontes
Solutio-
num.

XIV. Alia est Causa universalis, secundùm quid ita dicta, quæ physicâ necessitate agit, qualis est Sol, & Altra. Alia verò universalis absolutè, sapientissimè & liberrimè operans, qualis est Deus. Illa quidem generali tantùm & indifferente influxu concurrit; Sed non ista, quia ita est *universalis* respectu *objectorum specie* distinctorum, ut quoad *modum concursus* etiam particulariter agat, & prout vult concurrat cum causis secundis.

XV. Quamvis Deus conservet voluntatem liberam, prout eam creavit, non sequitur illam gubernare debere generali tantùm concursu; Quia libertas voluntatis non est absoluta & independens, sed limitata & dependens à Deo, ad cuius conditionem sufficit, quòd homo proprio motu, & ex seipso agat, quod non tollitur per influxum specialem & determinatum, qui non evertit naturam rerum, sed convenienter agit illarum proprietatibus.

XVI. Potentia quæ absolutè & omnimodè est indifferens & indeterminata, neque aliunde dependet, non potest determinari à Providentia Dei. Sed voluntas humana non ita dicitur indifferens, sed secundùm quid, quatenus si in se spectetur, indifferenter se habet ad varia objecta, licet aliunde dependeat à Deo & ejus Providentia, à qua est & movetur. Quamvis verò se ipsam determinet, non obstat tamen quominus determinetur etiam

etiam à Deo, quia determinatio Dei non excludit sed includit determinatio-
nem hominis. Q^UÆST.
IV.

XVII. Alia est determinatio, quæ sit per modum *causæ efficientis*, alia per modum *causæ formalis*, & *subjectivæ*; Effectus determinantur à causis secundis per modum causæ formalis, & materialis, sed à causa prima per modum causæ efficientis.

XVIII. Causa particularis, quæ concurrit influxu particulari denominatur ab effectu suo, quando non tantum est efficiens, sed etiam proxima, formalis, & subjectiva, & quæ producit in se ipsa effectum. Sed Deus non potest dici hoc sensu causa particularis, licet influxu particulari concurrat, quia non est causa proxima, nec formalis, sed tantum efficiens, quæ in alio operatur.

XIX. Influxus generalis perperam necessarius statuitur, vel ad libertatem hominis salvandam, vel ad causalitatem peccati à Deo removendam, quia neutrum sequitur ex influxu particulari, ut in sequentibus probabitur.

Q U Æ S T I O V. D E C O N C U R S U D E I.

*An Deus concurrat cum causis secundis, non modo
concurso particulari, & simultaneo, sed
etiam prædix? Affir.*

I. **C**UM Quæstio de *Concurso Dei* sit ex difficillimis, quæ in Theologia occurrant, in qua explicanda, si uspiam alibi laboratum fuit, & erratum periculosissime, peculiarem & accuratam disquisitionem postulat.

II. Ad Statum Quæstionis Observa I. *Concursum* alium esse *Physicum*, *Concursum* quo quis per modum causæ physicæ concurrit & agit, id est, verè & efficaciter ac realiter influit in effectum positivo quodam influxu; *Physicus.* Alium *moralem*, & *Moralis.* quo per modum causæ moralis operatur, id est, suadendo, vel dissuadendo, vel objecta, & occasiones proponendo, vel removendo. Non agitur hic de Concurso morali, sed physico.

III. 2. *Concursum* alium esse *mediatum*, alium *immediatum*. Causa enim *mediatus,* potest dici agere, vel *mediate*, vel *immediate*, tum quoad *suppositum*, tum *& immediatus.* quoad *virtutem*. Illa causa agit *immediate* *immediatione suppositi*, inter quam & effectum nullum aliud suppositum singulare per se subsistens interjectum est, quod prius in se recipiat actionem agentis, ut aqua quæ manum abluit & refrigerat: contra illa agit *mediate* *mediatione suppositi*, inter quam & effectum aliud cadit suppositum, ut inter fabrum & statuam,

Quæst. V. statuam, securis. Causa agit immediatè *immediatione virtutis*, quæ agit per virtutem sibi propriam, & non aliunde acceptam; ut ignis calore suo calefacit; mediatè verò *mediatione virtutis*, quæ per virtutem non suam, nec sibi propriam, sed aliunde acceptam & commodatam operatur, ut quum Luna lumine à Sole mutuatio terram illuminat dicitur illuminare mediatè *mediatione virtutis*, id est, mediante virtute Solis. Deus verò cum causis secundis concurrit immediatè *immediatione*, tum *virtutis*, quia agit propriâ virtute, non aliunde commodatâ, tum *suppositi*, quia per suam essentiam rem attingit. Nec, si utitur causis secundis, ut mediis, sequitur cum immediatè etiam non agere; quia utitur iis non ratione actionis creaturæ, ipsiusque ad eò effectus, quasi illum non attingat immediatè, sed quatenus sibi subalternat causas secundas, in quas influendo, ipsum effectum quoque immediatè attingit.

3. Concur-
sus per mo-
dum prin-
cipii. &
per modum
actionis.

IV. 3. Rursus *concurfus*, talis dicitur, vel per *modum principii*, seu *actus primi*, quo Deus virtutem causæ secundæ conservat, & eam agere finit, vel per *modum actionis*, quatenus Deus est proximum principium operationis, quæ à causis secundis editur, ita ut eadem illa sit operatio & actio Dei concurrentis, quæ includitur in ipsa creaturæ actione, tanquam per se quoque & immediatè tendens ad eundem terminum, ad quem tendit actio creaturæ, quæ ratione termini, eadem est cum ipsa Dei cooperatione. Non agitur hic de primo, sed de secundo.

4. Concur-
sus prævius
& simul-
taneus.

V. 4. Denique *concurfus* alius dicitur *prævius*, & *prædeterminans*; alius *simultaneus*, sive *concomitans*. *Prævius* est actio Dei, qua in causas earumque principia influendo, creaturas excitat, & ad agendum præmoveret, & ad hoc potius quàm ad illud agendum applicat. *Simultaneus* verò est per quem Deus actionem creaturæ, quoad suam entitatem, vel substantiam producit; quò unâ cum creaturis in earum actiones & effectus influere ponitur, non verò in creaturas ipsas. Licet verò non differant realiter, sed tantum ratione, quia *concurfus simultaneus*, nihil aliud est quàm *concurfus prævius continuatus*, qui non tantum influit in causas ipsas, ut in illis operetur, sed in effectum ipsum, ut cum illis agat, possunt tamen distinctè considerari.

VI. Quod verò per *Concursum prævium*, qui melius *Præcurfus* diceretur, intelligitur; Id ipsum etiam nomine *Prædeterminationis*, seu *Pramotionis* solet designari, quâ Deus ciet & applicat causam secundam ad agendum, adeoque antecedenter ad omnem operationem creaturæ, seu prius naturâ & ratione, quàm creatura operetur, eam realiter & efficaciter movet ad agendum in singulis actionibus, ad eò ut sine hac præmotione causa secunda operari non possit, eâ verò positâ impossibile sit in sensu composito causam secundam non illud idem agere ad quod à prima causa præmoveretur. Quæstio ergo movetur de *Concurfu*. An sit tantum *simultaneus*, An verò etiam *prævius*,

prævius, de qua variæ sunt inter Pontificios sententiæ. Quidam enim, ut *Quæst. V. Jesuitæ*, qui scientiam mediam tuentur, concursum tantum simultaneum agnoscunt, & negant prævium, seu Prædeterminationem; pertendentes *Status* Deum influere quidem, sed non in causam secundam, sed cum causa secunda *Quæstio- nis.* in ejus actionem. Alii verò ut *Thomistæ & Dominicani* stant pro Concursu prævio, seu Prædeterminatione, qui inde *Prædeterminantes* dicuntur, qui censent Prædeterminationem Dei esse necessariam in omnibus actibus Creaturarum, sive naturalibus, sive liberis. Ex Nostreis quidam concursum tantum prævium volunt quoad bona opera gratiæ, sed in aliis omnibus simultaneum sufficere existimant. Alii verò utrumque, & prævium, & simultaneum hîc conjungendum esse putant, ut tota ratio Providentiæ Dei rite explicetur: Licet verò graves non desint utrinque rationes, quibus sententia negans, vel affirmans confirmetur, veriore tamen, & tutiorem posteriorem esse credimus.

VII. Pro hac sententia militant, præter argumenta, quæ præcedenti Quæ- *Concursus prævius probatur.* stione adducta sunt ad probandum particularem Dei concursum, & sequentia. 1. Ex natura causæ primæ, & subordinatione causarum secundarum. Prima causa est primum movens in omni actione, ideo causa secunda non potest movere, nisi moveatur, nec agere, nisi acta à prima; alioqui erit principium sui motus, & sic non amplius esset causa secunda, sed prima. Nec excipi potest, causam secundam semper subordinari primæ, tum ratione concursus simultanei, qui est naturæ & ordine prior concursu creaturæ, tum ratione sustentationis facultatum, per quas agit causa secunda. 2. Nam neutrum potest salvare dependentiam causæ secundæ in agendo. Non prius, quia ubi datur tantum concursus simultaneus, ibi Deus operatur quidem cum Creatura, sed non in ea, & causæ 1^a & 2^a sunt causæ partiales & sociæ ejusdem actionis, quomodo duo equi trahentes currum, & sic unaquæque adhibet proprium & peculiarem influxum, quem habet à se ipsa, ita ut in influendo non dependeat ex influxu alterius causæ, tanquam à causa verè efficiente, licet effectus dependeat ab utraque. Non posterius, quia conservatio naturæ & virium ejus, efficit quidem, ut causa secunda pendeat à Deo in essendo, sed non in operando, & causando, de quo quæritur; Siquidem hîc agitur de motione & determinatione causæ secundæ, quæ si à Deo non fieri statuitur, sed à solâ creaturâ, eo ipso erit independens in agendo, & Deus non poterit censerî causa primæ illius motionis, quæ, ut ens tamen, debet pendere à Deo.

VIII. 2. Quod est ex se indifferens ad plures actus, ad agendum, aut non agendum, necesse est ut ad agendum ab alio determinetur; Quia quod est in potentia, non potest reduci in actum, nisi ab aliquo, quod sit in actu; Sed omnis causa secunda, & præcipuè voluntas hominis est talis. Ergo necesse est, ut ab aliquo alio principio externo determinetur ad agendum,

QUESTIO V. dum, quod non potest aliud esse ab ipso Deo. Nec dici debet indifferentiam voluntatis vel causarum secundarum non obflare, quo minus se ipsas determinent, quando propria objecta ipsis offeruntur: Quia licet causæ secundæ virtutem sufficientem agendi habeant in ordine causarum secundarum, & possint se ipsas determinare ad hoc vel illud agendum; non desinunt tamen opus habere præmotione Dei ad certitudinem eventus consequendam: alias cum ex natura sua indifferentes sint, præscientia Dei nulla de illis certa haberi posset.

IX. Tertiò, Si Deus non concurrat concursu prævio determinando antecederet creaturam ad actum suum; neque poterit conjungi in agendo cum creatura concursu simultaneo. Nam ut duæ voluntates liberæ conjungi, & convenire possint ad eandem communem actionem simul & immediatè, & proximè, ac indivisim eliciendam, idque non casu & fortuitò, sed infallibiliter, & tam certò, ut contradictionem implicet, unam sine altera talem actionem elicere; Vel ambæ à quadam præpotente causa superiori conjungi debent ad eandem actionem eodem puncto temporis eliciendam; Vel ambæ naturâ suâ sunt determinatæ ad operationem illam, ita ut illam non possint non producere. Vel una ex illis determinat operationem alterius, & consequenter determinat causam alteram ad agendum; nam præter hos conveniendi, & concurrenti ad productionem unius ejusdemque operationis modos, alius excogitari non potest; nullus verò ex iis tribus præter tertium convenire potest causæ primæ. Non prior, quia cum Deus sit causa prima, quæ nullam habet supra se, non potest subordinari causæ tertiz superiori. Non posterior, quia nec Deus determinatur necessariò ad operandum, cum in omni concursu ad extra sit liberrimus; nec multæ causæ secundæ agent ex necessitate naturæ, sed liberè, quæ proinde dominium sui actus habere debent, ita tamen ut pendeant semper à causa prima, & in esse & in operari: Unde sequitur infallibilitatem eventus non aliunde oriri posse, quàm ex prædeterminationè divina.

X. Quartò, Deus absolutâ & efficaci voluntate decrevit ab æterno omnes actus etiam liberos antecederet ad prævisionem determinationis ipsius liberi arbitrii; Ergo etiam in tempore debet prædeterminare voluntatem ad eosdem actus, alias æternum Dei decretum posset frustrari: Ratio consequentiæ petitur à connexionione decreti Dei cum ejus executione, quia quicquid decrevit Deus id exequitur, & quicquid exequitur in tempore, id ab æterno decrevit. Antecedens probatur, quia cum futuritio rerum non aliunde pendeat, quàm à Dei decreto, nihil potest fieri in tempore, quod à Deo decretum non sit ab æterno. Frustra excipitur, Deum non decrevisse omnia efficere; sed multa tantum permittere, quia licet decretum versetur tantum permissivè circa malitiam actus; non obstat tamen quo minus versetur

versetur effectivè circa entitatem physicam ipsius actionis, ut postea fusiùs *Quæst. V.* probabitur.

XI. Prædeterminatio non tollit libertatem voluntatis, sed conservat; *Fontes* quia per eam Deus non cogit creaturas rationales, nec facit ut necessitate *Solutio-* physicâ, vel brutâ agant; sed tantùm hoc efficit, ut agant, & quidem sibi *num.* consentaneè, & convenienter naturæ suæ, id est ἐν ἀναγκασιότητι & sponte, nimirum ita determinantur à Deo, ut se ipsas etiam determinent. Licet verò id quod prædeterminatur, non sit ampliùs *indifferens* ad agendum, vel non agendum *in actu secundo*, & *in sensu composito*, potest tamen semper esse *indifferens in actu primo*, & *in sensu diviso*; quomodo ipsa voluntas, quando se ipsam determinat, potest tamen esse in se *indifferens*. Fons erroris est libertatis naturam metiri ex ἰσορροπία, & ei τὸ ἀμειψιότητι essentialē facere; Cùm per lubentiam & spontaneitatem definienda sit, ut suo loco videbitur.

XII. *Necessitas* quæ per prædeterminationem rebus infertur, non est libertatis destructiva, quia non est *consequens*, nec efficit, ut vel causa ipsa sit necessaria, vel effectus prout à causa ipsa prodit, sed est *consequentia*, quæ hoc tantùm facit, ut ejusmodi causa agat, & quidem sibi consentaneè, adeoque sponte & libenter; Unde duo illa simul possunt consistere, quòd homo velit sponte, & quòd respectu Providentiæ, vel præmotionis non possit non velle: quia ista Dei præmotio talis est, ut fiat convenienter naturæ rerum, nec adimat causis secundis suum cujusque proprium operandi modum.

XIII. Quamvis creaturæ in genere causarum secundarum, & dependentium à Deo, habeant vim sufficientem intrinsecam ad agendum; non sequitur non necessariam esse præmotionem Dei extrinsecam, quâ excitentur ad operationes suas; Imò quia causæ primæ debent subordinari, & ab ea pendere, necessariò supponenda est, ut actus suos eliciant. Nec potest ex eo concludi, creaturas tantùm passivè se habere; quia illa præmotio eò pertinet, ut creaturæ agant, & ex semetipsis actiones suas eliciant, quod ostendunt, tum diversæ essentia illarum, tum etiam facultates & vires, quibus non foret opus nisi agerent: Non sequitur ergo ex præmotione Dei causas secundas nihil agere, sed tantùm nihil agere independenter.

XIV. Licet Deus præmoveat causas secundas, non potest tamen dici actiones causarum secundarum producere, puta calefacere, vel ambulare. Quia illæ actiones Deo tantùm competunt *efficienter*, creaturis verò, non tantùm *efficienter*, sed etiam *formaliter*, & *subjectivè*, quomodo ab illis potius denominantur creaturæ, quàm ipse Deus.

XV. Quamvis Creaturæ sint instrumenta quibus Deus utitur ad operum suorum executionem; Non desinunt proprium habere influxum, & induere *αἰτίαν causarum principalium*, non quidem respectu Dei,

Quæst. V. sed reliquarum causarum sibi subordinatarum. Nec absurdum est duas dari causas ejusdem numero effectus totaliter agentes, diversi ordinis, cum utriusque causæ una demum sit actio, quâ ad effectum concurrunt.

XVI. Quamvis præmotio Dei extendatur ad actiones malas, non propterea Deum facit culpæ reum, vel authorem peccati; Quia illa tantum pertinet ad actiones, quatenus *materialiter*, & *emulative* se habent, non verò *moraliter*, id est, ad *actus substantiam*; sed non ad ejus *malitiam*: Nec novum est, ut una eademque actio diversimodè consideretur, vel *physicè*, vel *moraliter*; Ut Magistratus est causa mortis quæ infligitur reo à carnifice, sed non est causa crudelitatis quam in illa cæde exhibet; citharædus pulsando citharam est causa soni, non verò dissonantiæ quæ oritur à chordis, & qui agitat equum claudum, causa est incessus, sed non claudicationis. Nec obstat, quòd malitia tali actui necessario & inseparabiliter est annexa, unde sequi videtur, eum qui est causa talis actus, esse etiam debere causam malitiæ, quia voluntas creata non aliter est causa moralis malitiæ, nisi quatenus est causa materialis actus, cui necessario est annexa malitia. R. Nam falsò supponitur voluntatem creatam non aliter esse causam malitiæ, nisi quatenus est causa actus, cui annexa est malitia; quia voluntas, ut *agens physicum*, est *causa physica actus*, sed ut *agens morale*, est *causa moralis malitiæ*, non simpliciter quia actum producit, sed quia actum talem producit contra legem, cui obnoxius homo erat; Causa ergo cur malitia imputetur voluntati humanæ, non est simpliciter quia producit actum in genere entis, ut agens physicum, sed quia est homo legi subditus, qui producit actum vetitum, quâ agens morale. Unde malitia moralis non sequitur intrinsecè & ex natura rei ad actum, ut actus est in genere naturæ, sed ut procedit à voluntate creata deficiente; cui proinde, non Deo debet tribui causalitas peccati. Deinde ratio non minùs militat contra concursum simultaneum, quàm contra prævium, quia juxta illum Deus concurrat etiam verè & efficienter ad actum materiale peccati, ergo debebit etiam esse causa malitiæ, quæ illi est annexa. Saniores Scholastici nobis adstipulantur, Thomas in 2. dist. 37. q. art. 2. *Deus in actione deformitati conjunctus, hoc quod est actionis facit, quod deformitatis est non facit, etsi enim in aliquo effectu plura sunt inseparabiliter conjuncta, non oportet ut quicquid sit causa ejus quantum ad unum, sit etiam causa ejus quantum ad alterum.* Ita Cajetanus in 1. 2. q. 79. art. 1. *Sequitur tertio quod non est idem concurrere ad actum talem, secundum id quod habet ab agente ut sic, & secundum quod habet ab agente, ut deficiente, sicut non est idem esse agens, & esse deficiens.* Alvarez lib. 2. cap. 9. *Non sequitur Deum esse causam peccati, quia determinat ad actum; quia deformitas consequitur actum, non secundum quod est in genere naturæ, sed secundum quod est in genere morum, & prout causatur à libero arbitrio.*

XVII. Cum in omni actione morali necessario distinguenda sit substantia *Quæst. V.*
 actus in genere entis, ab ejusdem bonitate, vel malitia in genere moris, actio
 intelligendi & volendi simpliciter, quæ habet rationem *materialis*, ab actione
 intelligendi & volendi hoc vel illud objectum licitum vel illicitum, quæ ha-
 bet rationem *formalis*; patet nullam actionem posse dici essentialiter bo-
 nam, vel malam, sed tantum prout est hic & nunc circumstantiata in gene-
 re moris, id est, cum *æst* ad hoc vel illud objectum morale bonum, vel
 malum: Ita volitio furandi reduplicativè, & circumstantiata hic & nunc ad
 bonum alienum, est quidem essentialiter mala; sed volitio, cui accedit il-
 la circumstantia, per quam est volitio furandi, non item. Nihil obstat er-
 go Deum esse causam istius actionis, sed quatenus est actio singularis sim-
 pliciter in genere entis respectu materialis, sed non respectu formalis, qua-
 tenus est actio circumstantiata in genere moris ad tale objectum, id est, qua-
 tenus est actio furandi. Idem dici potest de *odio Dei*, quod obtenditur à
 variis tanquam intrinsecè & essentialiter malum; nam quamvis odium Dei
 reduplicativè, & formaliter quæ tale, & circumstantiatum ad tale ob-
 jectum sit intrinsecè malum, nec possit non esse peccaminosum; tamen si
 spectetur simpliciter, ut actio physica abstracta ab hoc objecto, potest ha-
 bere bonitatem entis metaphysicam, & esse moraliter indifferens, & eate-
 nus potest esse à Deo. Licet ergo ad determinationem Dei, quoad actus
 substantiam, sequatur necessario *avopia*, quæ in odio Dei notatur; non
 tamen censenda est pendere effectivè ab ipsa, ut causalitas peccati in illam
 refundi possit, quia ista determinatio est tantum physica, non moralis,
 quæ sola est peccaminosa.

XVIII. Prædeterminatio Dei in actibus malis, non repugnat *permis-*
sione ejus, quia non versantur circa idem; illa circa actus substantiam, ista
 verò circa ejus malitiam; illa attingit *ad* materiale ad illud efficiendum, ista
 verò *ad* formale ad illud libero hominis arbitrio, quæ hic sola est causa mo-
 ralis deficiens, relinquendum: Nam, ut in actu malo duplex est velut
 ratio formalis, una quidem quæ habet rationem effectus, alia verò quæ ha-
 bet rationem defectus; Deus potest movere & prædeterminare ad illam,
 quæ habet rationem effectus; sed aliam quæ habet rationem defectus, po-
 test tantum permittere.

XIX. Cum voluntas præcepti, & decreti diversa objecta respiciant;
 nihil obstat ut Deus aliquid velit voluntate decreti, quod non vult, sed
 prohibet voluntate præcepti. Ita potest fieri secundum voluntatem arcanam
 beneplaciti, quod est contra voluntatem revelatam signi. Deus volebat
 fratres Josephi vendere Josephum, & Judæos crucifigere Christum, cum
 ista essent gravissima scelera contra Legem; & tamen Deus hoc voluisse, imò
 & fecisse dicitur, Gen. 45. 7. Act. 4. 28.

QUESTIO VI.

Quomodo concursus Dei possit conciliari cum contingentia & libertate causarum secundarum, & precipue voluntatis hominis?

*Difficul- I.
tas Qua-
stionis.*

Questio ista non minùs est ardua præcedenti, imò aliquantò difficilior, nec satis explicabilis, nisi lucem Verbi Divini sequamur, & religiosè intra terminos ab eo præscriptos nos contineamus. Duo ista clarissimè ex Scriptura habemus, Dei Providentiam concurrere cum omnibus causis secundis, & cum voluntate humana imprimis; & suam tamen illis illibatam remanere contingentiam, & libertatem. Sed quomodo ista duo inter se possint consistere, nemo mortalium perfectè in hac vita assequi potest. Nec mirum videri debet, cum mille modos habeat nobis incomprehensibiles concurrendi cum voluntate nostra, & nobis se insinuandi, & corda nostra flectendi, ut agendo liberè quod volumus, nihil tamen præter Dei voluntatem, & determinationem faciamus, ut hîc meritò, si uspiam alibi, exclamare liceat, *ὦ βασις, Quam imperscrutabilia sunt Dei judicia, & ejus via impervestigabiles?* Rom. II. 33.

II. Quamvis verò conciliationis istius ratio in hac vita, clarè & perfectè à nobis explicari nequeat; potest tamen præviâ Verbi Divini luce, quantum ad salutem sufficit, utcunque describi. Ante omnia hoc in memoriam semper revocandum, Res certissimas & per se evidentes, non debere in dubium revocari, ob alias res incertas & inevidentes. Nimirum distinguenda est *res à modo rei*. Et si modum rei ignoramus, non ideo tamen rem ipsam de qua certò constat, negare debemus, cum innumera sint verissima, quæ captum nostrum tamen superant longissimè: Cum ergo duo ista sint indubitata, Deum ab una parte Providentiâ suâ eventus rerum omnium, sive liberos, sive contingentes, non modò decrevisse, sed & procurare certissimè: Ex altera parte verò, hominem semper liberum esse in agendo, & effectus multos esse contingentes, licet non possem assequi, quomodo inter se ista connecti possunt; non tamen propter ignoratiam modi, res ipsa, quæ aliunde ex Verbo certissima est, vel in dubium revocanda, vel penitus neganda esset.

*Falsi conciliationis
modi rejiciuntur,
primus per
Præscientiam.*

III. Non defuerunt qui concordiam istam tentaverint, sed parum felici successu. Nam sive ad *Præscientiam Dei* spectetur, sive ad ejus *Permissionem*, sive ad *indifferentem Providentiæ influxum*, qui tres sunt præcipui modi conciliationis quos Adversarii obtendunt, facilè est ostendere,

non modò vanos esse & fictitios, sed falsos & impios, Scripturæ contrarios, Quæ est: VL
& in Dei Providentiam injurios. Et ad postremum quidem quod attinet, quia fultè satis de eo actum fuit in præcedentibus, plura dicere nihil opus est. De cæteris duobus breviter idem demonstrandum, quod nullo negotio fieri potest. Nam quoad *Præscientiam*, primò gratis supponitur Providentiam Dei, solo actu præscientiæ contineri, quo res futuræ cognoscuntur, cum includat etiam actum voluntatis, quo futuritio earum infallibilis decernitur, atque ita causæ omnes contingentes, & liberæ *quædam* habere debent ad Providentiam, non modò quatenus præsciuntur à Deo, ut futuræ, sed etiam quatenus ab æterno decernuntur futuræ, & in tempore moventur, & ordinantur infallibiliter ad effectus suos. 2. Supponitur interum falsò nullam dari connexionem rerum præscitarum cum Præscientia, nec istam illis ullam necessitatem imponere; Cùm Scriptura utrumque clarissime doceat innumeris in locis, Matt. 18. 7. & 26. 54. Marc. 8. 31. Luc. 24. 7. 46. 1. Cor. 11. 19. & ratio hoc evincit, quia aliàs nisi necessaria esset inter ista connexio, præscientia Dei falli, & decretum ejus mutari posset, quod utrumque blasphemum.

IV. Qui ad *Permissionem* confugiunt, non meliùs se expediunt; Licet enim suum habere debeat locum in explicanda Providentia Dei in malo, ut postea videbitur, perperam tamen adhibetur ad istam conciliationem: Tum quia plures actus Dei præter nudam permissionem hincitantur, qui concursus ejus specialem & efficacem important: Tum quia falsò supponitur permissionem conjunctam esse cum indifferentia peccatorum quoad eventum; cum positâ permissione Dei necessariò sequatur peccatum, si non à parte liberi hominis arbitrii; at à parte decreti Dei, quia aliàs potuisset actio illa impediri, & sic falsum fuisset decretum Dei circa eam, v. g. circa venditionem Josephi, aut crucifixionem Christi, quod tamen Scriptura negat, & rei ipsius natura prohibet.

V. Vera ergo conciliationis ratio aliunde peti debet, nimirum ab ordine *Verus ad-*
causarum inter se, & à modo agendi illis proprio. Quod sequentibus propo- *struitur ex*
sitionibus sic explicari utcumque potest. Prima *Concursus Providentia & ordine cau-*
voluntatis humana, non est causarum collateralium, & aequalium, sed inaequa- *sarum, &*
lium, & subordinatarum; Ratio petitur ex natura utriusque, cum enim ille sit *modo agen-*
conkursus Creatoris, ille verò Creaturæ; Ille concursus causæ primæ, uni- *di illis pro-*
versalis, & hyperphysicæ, Iste verò causæ secundæ, particularis, & physicæ; *prio.*
non potest dari *coordinatio* inter eas, qualis est inter causas socias & partiales, quæ inter se conjunguntur ad producendum unum eundemque effectum, ad quem non sufficiunt singulæ: Sed necessariò admitti debet *subordinatio*, quâ prima præsit, subsint secundæ; Illa independenter, istæ verò dependenter agant, & hæc ita est necessaria, ut absque ea causæ secundæ nec esse, nec etiam cogitari queant.

QUEST.
VI.

VI. *Secundò*, Ita Deus concurrit cum causis secundis, ut licèt eas præmoveat, & prædeterminet, motione non generali tantùm, sed & speciali, eas tamen moveat secundùm naturam ipsarum, nec adimat ipsis suum cuiusque proprium operandi modum. Ratio est, quia, ut Decretum Dei non modo verlatur circa determinationem rerum quæ fieri debent, sed etiam modorum secundùm quos futuræ sunt, pro naturâ & conditione cuiusque; ita Providentia actualis, quæ est executio istius decreti, non tantùm procurat, ut res decreta fiat infallibiliter, sed etiam ut fiat eo modò quo decreta est, nimirum consentaneè naturæ cuiusque, id est, ut necessaria necessariò, libera verò & contingencia liberè & contingenter eveniant. Nam ut duo sunt causarum genera, aliæ *definitæ*, & *generales*, quæ eodem modo semper agunt, ut ignis qui urit, Sol qui lucet; aliæ *indefinitæ* & *liberæ*, quæ possunt agere vel non agere, hoc vel illo modo agere: Ita Deus naturam earum conservat, & cum illis juxta eam in agendo concurrit; cum *definitis*, ut ipse eas determinet sine determinatione propria; cum *indefinitis* verò & liberis, ut ipsæ quoque se determinent proprio rationis judicio, & liberâ voluntatis dispositione, quam Deus non aufert homini, quia sic opus suum destrueret, sed relinquit, & confirmat. Atque hîc se prodit vis illa admirabilis Providentiæ, per quam ita se attemperat rei cuiusque naturæ, ut licèt infallibiliter, & necessariò rem decretam exequatur, eam tamen convenienter ejus naturæ perficiat interventu causæ secundæ; attingendo à fine ad finem fortiter, & disponendo omnia suaviter.

VII. Unde *Tertiò* sequitur, Cùm Providentia non concurrat cum voluntate humana, vel per *coactionem*, cogendo voluntatem invitam, vel *determinando physice*, ut rem brutam & cæcam absque ullo judicio, sed *rationaliter*, flectendo voluntatem modo ipsi convenienti, ut se ipsam determinet, ut causa proxima actionum suarum proprio rationis judicio, & spontineâ voluntatis electione, eam libertati nostræ nullam vim inferre, sed illam potius amicè fovere. Quia duæ istæ tantùm sunt necessitatis species, quæ libertatem perimunt, & cum ea sunt *divinæ necessitas naturalis*, & *coactionis*; Cæteræ, quæ oriuntur, vel à decreto Dei, & causæ primæ motione, vel ab objecto, & judicio ultimo intellectus practici, tantùm abest ut libertatem evertant, ut eam magis tueantur, quia flectunt voluntatem, non cogunt, & faciunt ex nolente volentem. Quisquis enim facit sponte quod vult ex rationis judicio & pleno voluntatis consensu, id non potest non liberè facere, etiam si necessariò faciat, undecunque fluat illa necessitas, sive ab ipsa rei *existentia*, quia quicquid est, quando est, necessariò est, sive ab *objecto* mentem & voluntatem efficaciter movente, sive à causa prima decernente, & concurrente.

VIII. *Quartò*, Deus ita concurrit cum voluntate humana, ut aliter tamen eam determinet in bonis, aliter verò in malis. Nam in *bonis* quidem
ita

ita Deus voluntatem præmoveret, ut eorum author sit, non tantum in genere naturæ, sed etiam secundum eorum bonitatem moralem, determinando voluntatem, non tantum quoad rem, id est, bonum, vel in genere, vel in specie, sed etiam quoad modum, ut fiat bene quod fit, partim indendo ipsi bonas qualitates speciali auxilio, vel gratiâ supernaturali, partim inditas excitando, adjuvando, & in actum deducendo per ipsarum συνέργειαν: hinc dum suggerit pias cogitationes homini 2. Corinth. 3. 5. facit etiam ut homo cogitet viam suam Proverb. 16. 9. Aggæ. 1. 5. dum dat novum cor, & novum spiritum in medio nostri, facit etiam ut in mandatis ambulemus, Ezech. 36. 27. dum operatur in nobis velle & perficere, efficit etiam ut nos ipsi operemur salutem nostram cum timore & tremore, Philip. 2. 12. 13. In malis verò ita concurrit, ut neque ea efficiat, adjuvet, aut approbet, sed permittat, & efficaciter dirigat, non infundendo malitiam, sed creaturas rationales ita determinando physicè ad actus substantiam in genere entis, ut ipsæ sibi relictæ deficiendo à lege se ipsas moveant & determinent ad malas actiones in genere moris, liberè & ἐκείως eas perpetrando; unde culpa in eas solas cadit, à qua Deus prorsus est immunis, ut fusiùs in sequenti Quæstione probabitur.

IX. Alia est ratio libertatis absolutæ & independentis, quæ soli Deo *Fontes* competit; Alia verò limitatæ & dependentis, quæ creaturis est propria. Per *Solutio-* illam ita Deus se determinat, ut à nullo alio regatur & determinetur. Sed *num.* cum ista optimè consistit determinatio aliena, quia non desinit homo agere sponte & ἐκ προαιρέσεως, licet hi motus aliunde excitentur & ordinentur.

X. Quamvis voluntas relatè ad Providentiam, & respectu actus secundi, dum exerit operationem suam, non possit esse indifferens ad hoc vel illud faciendum, vel omittendum, quia determinatur ad unum oppositorum: Non obstat tamen, quominus in se spectata, & in actu primo, naturâ suâ sit indifferens & indeterminata ad multa, & liberè se ipsam determinet. Certum est quidem indeterminatæ causæ non posse esse determinatum effectum, si hæc sola sit: Sed si ad unum idemque effectum producendum concurrat cum voluntate humana causa superior, agens non tantum per eam, sed etiam cum ea, potest causæ proximæ ex se indeterminatæ effectus sic determinari à causa superiore, ut ei vim non inferat, sed eam patiatur agere suo pte motu, & liberâ voluntate, imò hac ipsa libertate utatur ad exequenda consilia sua, quia hoc etiam Deus decrevit, ut homo sponte & liberè decreto Dei inserviret. Idem de contingentia dicendum, quæ potest tribui effectui respectu causæ secundæ, qui ceteroquin necessarius est respectu causæ primæ, ut supra visum. Cætera quæ huc pertinent præcedenti Quæstione sunt excussa.

XI. Quod si quid præterea in re obscurissima hæret scrupuli, vel aliquid, quod

Q U Æ S T . VII. quod nostrum superet captum, ut sanè non diffitendum est multa nobis hîc esse impervia, satius est id ignorare humiliter, quàm definire temerariè, & meminisse decet, vias Dei non esse sicut vias nostras, mirandas esse, non temerè rimandas; & nobis homuncionibus sufficere debet τὸ ὄν, quod clarissimè traditur in Verbo, firmiter retinere, licèt τὸ δέον, vel τὸ πῶς nobis non detur plenè nunc assequi.

Q U Æ S T I O VII.

DE PROVIDENTIA DEI IN MALO.

An Peccata subsint Providentiæ, & quomodo circa illa versetur?

I. **I**N hac Quæstione, quam inter eas omnes, quæ de Providentiâ agitantur, intricatissimam esse, & maximè arduam, consentiunt omnes, Duo extrema occurrunt ex æquo periculosa, & à nobis fugienda. Primum in *defectu*, dum otiosa permissio circa peccata Deo tribuitur. Alterum in *excessu*, quum peccati causalitas in Deum transcribitur. Illud Providentiæ Dei est injurium, Hoc verò justitiæ & sanctitati ejus. In prius incurrunt *Peccant in defectu Pelagiani.* Pelagiani, qui Providentiæ Dei rationem circa modum referunt ad nudam & otiosam permissionem, quasi Deus circa illud nihil ageret, sed tantùm id otiosè spectaret & permetteret. In posterius verò impegerunt olim *In excessu Manichæi & Libertini.* Manichæi, Simoniani, & Priscillianistæ, qui Deo causam leclerum & peccatorum tribuebant, quod peccatores faciliè arripiunt ad excusanda scelera sua, qualis Agamemnon Homericus, ἰγώδε εἰς αἶνος εἶμι, αἰδὰ ζεὺς καὶ μῆτις, & Lyconides Plauti in Aulularia, *Deus impulsor fuit, credo Deos voluisse*, quam impietatem sequuntur hodierni *Libertini*.

II. Inter hæc extrema medium tenent Orthodoxi, qui ita Dei Providentiâ circa peccatum versari contendunt, ut nec otiosè illud permittat, ut volunt Pelagiani, nec efficienter producat, quod statuunt Libertini, sed efficaciter ordinet & dirigat; Hoc verò ut faciliùs percipiatur, paulò distinctiùs de eo agendum.

Quomodo Deus concurrat ad actum peccati.

III. Primò in Peccato tria accuratè distinguenda sunt. 1. ipsa entitas *actus*, quæ habet rationem *materialis*. 2. *circumstantiæ* & *malitia* cum eo conjuncta, vel cum concomitans, quæ induit notionem *formalis*. 3. *Judicium consequens*, quod dicitur *adjunctum*. Deus diversimodè versatur circa ista. Nam ad *primum* quod attinet, cum *actus* quæ talis semper bonus sit quoad entitatem suam, Deus ad illum concurrat *effectivè*, & *physicè*, non modò naturam conservando, sed motus etiam ejus & actiones

nes ciendo motione phylicâ, utpote quæ sunt bona naturalia, quo sensu dici-
mur in *Deo vivere, moveri, & esse*, Act. 17. 23. Quoad *tertium* etiam, quod
ad iudicium Dei refertur, quodcum peccato conjungitur, non per se ratio-
ne peccantis, qui tale nihil cogitat, aut intendit, Gen. 50. 20. Is. 10. 5. 6. 7.
sed per accidens ratione Dei peccata permittentis, & præter naturam ipso-
rum ad bonum finem ordinantis; Deus se habet etiam *positive* & efficaciter,
quippe quod quâ tale habet rationem boni, quod non potest non esse à Deo.
Et quamvis idem, & culpa & pœna possit esse materialiter, formaliter ta-
men, & secundum diversas *quædam* semper in eadem actione mala distingui
potest vitium, & iudicium, malitia, & reatus.

IV. Quoad *secundum*, quod est ipsa *avopia*, Deus nec *causa physica* po-
test ejus dici, quia nec illam inspirat, aut infundit, nec facit; nec *ethica*,
quia nec imperat, aut approbat, & suadet, sed severissimè prohibet & punit;
Unde Deus dicitur *nolle iniquitatem*, Ps. 5. 5. 6. 7. & 45. 8. ita illam dete-
ctari, ut eam ferre non possit, *Oculi ejus sunt puriores, quàm ut ferat malum*,
Habac. 1. 13. & Jacob. 1. 13. *Deus neminem tentat, nec potest à quoquam*
temptari, scilicet ad peccatum, quia est *κακῶν ἀναιτία*. Sed non debet tamen
peccatum subduci Providentiæ Dei: cadit enim sub illam multifariam, &
quoad *initium*, & quoad *progressum*, & quoad *terminum*; quoad *initium*,
dum liberè illud permittit; quoad *progressum*, dum sapienter dirigit; quoad
finem, dum potenter terminat, & ad bonum finem dirigit, qui tres sunt gra-
dus Providentiæ circa peccatum, de quibus dicendum.

V. Primus gradus respicit *initium* peccati, circa quod dicimus Deum
versari *permissive*, quod Scriptura non uno loco testatur Ps. 81. 13. *Per-*
missi eos ambulare ex sententia animi sui, & Act. 14. 16. *Deus in præteritis*
etatibus hæc sivit gentes suis ipsarum viis incedere. Sed quia permissio ista
non eodem modo ab omnibus explicatur, quænam sit ejus ratio ante omnia
explicandum est.

VI. Primò *permissio* ista non est *ethica*, seu moralis, quæ *juris* est per
relaxationem, vel *dispensationem Legis*, quæ opponitur prohibitioni, quo
sensu si permetteret peccatum Deus, idem etiam approbaret, tanquam lici-
tum, aut justum, quod implicat. Sed *physica*, quæ est *facti*, per *non impedi-*
tionem, quæ opponitur *effecti*. Illa Deum spectat ut Legislatorem & Ju-
dicem; Ista verò ut supremum Dominum & Rectorem mundi, qui rerum
omnium eventus pro arbitrio regit & moderatur. Illa fit per *justitiam*,
quando dat licentiam aliquid faciendi; Ista per *potentiam*, quando non ex-
cit vires, quæ poterant actu impedire ne hoc vel illud fieret.

VII. Secundò, *Permissio* ista non est concipienda *negative*, quasi esset *non otiosa*.
mera *ἀνεργία* seu cessatio voluntatis & Providentiæ in operibus malorum,
quâ Deus quasi in specula sedens spectaret tantum eventum actionis

Quæst. VII. *sed efficax.* permissæ, quique ideo incertus, ambiguusque relinqueretur, ut volebant olim Pelagiani veteres, & ut volunt hodie eorum sequaces, qui permissionis otiosæ & inertis commentum nobis obtrudunt, ut *Bellar. lib. 2. de amiss. gra. cap. 16. Deus erga peccata non habet positivè velle aut nolle, sed negativè non velle.* Sed concipienda est *positivè, & affirmativè*, non simpliciter, ut *Deus non velit impedire peccatum*, quæ est otiosa negatio, sed ut *velit non impedire*, quæ efficax est affirmatio, ut permissio actum positivum voluntatis arcanæ importet, quâ Deus statuit consultò & volens non impedire peccatum, licet nolle dicatur quoad voluntatem revelatam approbationis. Hoc sensu Nostri non recusant uti *permissionis* vocabulo cum Scriptura; Quod si quando illud rejiciunt, ut *Calvinus, Beza & alii*, eam intelligunt sensu Pelagiano de otiosa permissione, quæ Deum jure suo eximit, & idolum liberi arbitrii in ejus locum erigit. Unde *Beza* in libello *Quæstio. & Respons.* Si *Permissionis* vocabulo intelligatur illud *discrimen*, quoniam videlicet in malis non agit Deus, sed eos *Satana, & suis cupiditatibus* permittit, id minime repudio. Sin verò permissio opponitur voluntati, hoc ut falsum & absurdum rejicio; falsum esse ex eo constat, quod si Deus quippiam invitus permittit, Deus certè, id est *Onnipotens*, non est; sin verò quasi non curans permittere quippiam dicatur, quantum absimus ab *Epicureismo*? Superest ergo ut volens permittat quod permittit. *Voluntas igitur permissioni non opponitur.*

VIII. Quum autem permissionem dicimus versari circa peccatum positivè si non à parte *termini*, saltem à parte *principii*, quatenus includit voluntatis actum positivum, hoc ita intelligimus, non quasi voluntas divina habeat præcitè, & per se pro objecto peccatum; nam cum voluntas pro objecto nihil nisi bonum habere possit, malum quâ malum non potest velle, sed ut voluntas terminetur ad permissionem ejus, quæ bona est. Deus ergo propriè *non vult fieri peccatum*, sed *vult tantum permittere*. Nec, si aliquando peccatum dicitur medium illustrandæ gloriæ Dei, sequitur Deum, qui vult finem, debere velle etiam peccatum, quâ tale, quod est medium ad illum. Nam vocatur *medium*, non tam *causaliter, & effectivè*, quasi concurreret finaliter ad finem illum efficiendum, quàm *materialiter, & objectivè*, quia est occasio, ex qua Deus gloriam suam illustrat. Deinde non est *medium per se*, quia potius obscurat gloriam Dei, quàm illustrat, sed per accidens ex sapientia Dei, qui ex malo bonum, ut lumen ex tenebris elicit. 3. Qui vult finem, vult etiam media, sed non semper eadem volitione; si media sunt diversæ naturæ, potest velle finem volitione effectiva, quia finis per se bonus est; sed medium volitione tantum permissiva, si sit malum, non tam volendo medium ipsum, quàm *usum medium*, nimirum peccati ipsius permissionem, & ordinationem.

IX. Quia verò mirum videri potest, quòd Deus permittat peccatum; hinc factum ut in causas istius permissionis inquisitum fuerit. *Arminiani* causam, vel unam, vel præcipuam esse putant, quòd nolit Deus vim inferre libero arbitrio creaturis à se concessis. Verùm hæc causa non valet, quia, præterquam quòd fallò supponitur Providentiam non posse efficaciter concurrere cum voluntate peccante, quin vis inferatur libero arbitrio, quod antea refutavimus; si hoc foret, Deus peccatum nunquam impediret, ne liberum arbitrium cogeretur, quod sæpe tamen eum facere constat. Causæ ergo permissionis istius aliæ quærendæ sunt, quæ variæ possunt esse pro vario creaturarum statu. Nam si de Creaturis integris agitur, Scriptura nihil expressè dicit, cur Angelum, vel hominem labi permiserit: Quia tamen nihil eo fit vel inscio, vel invito, dubitari non debet, quin certo quodam & deliberato factum sit consilio, quod tutius est admirari, quàm curiosius rimari; hoc tantum certò constare debet, nihil hoc pacto fecisse Deum, quod vel repugnaret *justitiæ*, quia non tenebatur impedire peccatum; vel *sapientia*, quia cum voluerit creaturæ conditionem esse mutabilem, nulla ratio fuit, quæ eum obligaret ad ea facienda erga eam, quæ naturæ modum excederent; vel *bonitati*, quia amor quo creaturam prosequitur, dum ab integritate non deficit, non statim eò usque progreditur, ut debeat præstare ne deficiat, maximè cum ex ipso malo bonum etiam elicere queat, quòd *August.* respiciens ait, lib. de corrept. & gratia, c. 10. *Scivit Deus magis ad suam omnipotentissimam bonitatem pertinere, etiam de malis bona facere, quàm mala esse non sinere.* Nam si malum non permisisset, non apparuisset justitia Dei quæ punit, nec misericordia quæ ignoscit, nec sapientia quæ mala in bonum vertit, nec amor ille immensus quo nos persecutus est Deus mittendo Filium in mundum ad salutem Ecclesiæ. Ad Creaturam lapsam quod attinet, facilius est causas permissionis peccati assignare, quia cum sit jam corrupta, Deus justissimè potest peccatum permittere, vel ad *vindictam*, ut peccata præcedentia ulciscatur; vel ad *castigationem*, ut fideles sic admoniti de nativa sua vitiositate, de ea corrigenda sint solliciti; vel ad *exemplum*, ut ex aliorum lapsibus alii sapiant, & cautiùs incedant.

X. Quamvis verò homo particeps sit culpæ, qui cum possit aliquem avertere à peccato, non facit tamen; Non sequitur Deum permittentem peccatum, peccati reum ullatenus fieri; quia homines tenentur impedire peccatum, tum in se, tum in aliis; unde Eli imputatur culpa filiorum, quos indulgentiâ suâ peccare sivit, 1. Sam. 3. 13. Sed Deus nullâ ad id lege tenetur. Deinde permissio ista nullum dicit influxum & causalitatem, respectu creaturæ peccantis quoad *αιτιας*, sed meram suspensionem impediendi; nec creaturæ spontaneitatem & *αεριστον* tollit, vel intercedit quominus liberrimè semper agat. Nec, si ad permissionem sequitur infalli-

Quæst. VII. biliter peccatum, ideo potest dici ejus causa, sed tantum antecedens, quod necessario supponitur.

2. per desertionem. XI. Ad permissionem accedit *desertio*, per quam Deus, ut non impediat hominem peccare, illum deserit, subtrahendo gratiam peccato advertentem, vel non dando tam efficacem, quam superare possit tentationem ingruentem, quæ subtractio, vel est *privativa*, quum gratiam antea datam tollit, vel *negativa*, quum non dat novam gratiam ad perstandum necessariam: Priori sensu Deus deserit homines peccatores, quum illis aufert lumen quo abutuntur, & spiritum coërcentem retrahit, quo fit, ut hoc obice remoto ruant velut effusis habenis in scelera: Posteriori deseruit Adamum, non dando cum *auxilio sine quo* stare non poterat, & quod habebat posse si vellet, *auxilium quod* actu staret, & haberet velle quod posset.

qua triplex: explorationis. XII. *Desertio* autem ista potest esse triplex, 1. *Explorationis*, quum Deus deserit hominem, ut eum probet, qualis tribuitur Ezechia, 2. Chron. 32. 31. quum Legatos Babyloniorum admisit, & thesauros illis suos omnes aperuit, quippe tunc dicitur illum *deseruisse Deus, ut probaret illum, & cognosceret quod erat in corde suo*. Sic deseruit Adamum, quum permittit tentationem, non dedit illi efficax auxilium, quo illi resisteret, Deo veluti eminus recedente, ut patefieret quanta sit sine Creatoris virtute humanæ naturæ imbecillitas. 2. *Correctionis* respectu Ecclesiæ & fidelium, quos Deus dicitur deserere ad tempus, ut postea colligat eos in miserationibus æternis Is. 54. 7. & Ps. 125. 3. 3. *Pœnalis judicii*, qualis denunciatur peccatoribus 2. Reg. 21. 14. Jer. 7. 29. & 23. 33. & tribuitur Gentilibus, quos cupiditatibus suis scedis dereliquisse & tradidisse dicitur, Rom. 1. 24.

XIII. Hujus autem desertionis causa est semper justa & sancta penes Deum, sed modò manifesta, ut desertio peccatorum, qui peccatis suis precedentibus eam commeriti sunt; modò occulta manet, qualis in primo Adam peccato. Interim causalitas ejus non potest Deo ulla ratione impingi, quia per desertionem illam, nec coëgit illum ad lapsum, nec inspiravit ipsi voluntatem labendi, nec abstulit gratiam ullam internam in creatione datam, sed tantum denegavit indebitam gratiam confirmationis non datam, ex liberrimo voluntatis suæ beneplacito, quo de suo dispensat ut vult, liber æquè donorum suorum negator ac largitor. Licet autem necessitas lapsus cum negatione istius gratiæ fuerit, non sublata fuit tamen libertas & spontaneitas hominis peccantis, sed tantum ostensum, Deum voluisse, ut certò laberetur. Verum ut Deus cum certò labi voluit ex æterno suo decreto, ita simul liberrimè eum labi voluit, nec magis ob negatum istum Dei concursum ad ejus actuale perseverantiam delit ipsius lapsus esse liberrimus, quam ob liberrimum Dei concursum cum causa necessaria, delinit operatio istius causæ esse necessaria, vel naturalis.

XIV. An verò præter permissionem, & desertionem Dei detur ulterior quædam Dei *operatio*, non immeritò quaeritur, quod quidam acriter inficiantur, alii verò asserunt: Illi ne Deo labem ullam malitiæ vel iniustitiæ aspergant, quæ eum peccati authorem faciat; Isti ne quid divinæ Providentiæ subtrahant. Non negandum equidem multa loca Scripturæ, quæ activè enunciantur, passivè explicari posse & debere, ita ut illud facere dicatur aliquis, quod tantum permittit, & non impedit, ut quum *David Moabitas vivificasse* dicitur, 2. Sam. 8. 2. id est, non occidisse, & *Noachus vivificasse animalia*, Gen. 6. 19. id est, conservasse. Atque ita loca quædam quæ actionem notant, dum de Providentia Dei agitur in malo, possent exponi de permissione Dei, vel denegatione simplici gratiæ, ut non semel Aug. exponit *non indurare*, per *non emollire*. Verum Scriptura *ἐμψαρκύνει* loquitur, quàm ut in sola permissione subsistamus, & aliquid ampliùs efficacibus istis locutionibus quas usurpat significari censemus, quibus quippe non tantum secessio quædam Dei & non impeditio notatur, sed actio quædam efficax designatur; Unde non modò verbis *Hiphil* Spiritus S. utitur, sed etiam verbis *Pihel* quibus roboratur actio, Exod. 4. & 7. ut quum dicit Deum *indurasse Pharaonem*, & alibi Scriptura ait *uxores Davidis Absalomo filio violandas traditas esse à Deo*, 2. Sam. 12. 11. imò *Deum in conspectu Israël per Absalomum palam fecisse, quod David clam fecerat*, ibidem. *Deum præcepisse Semei ut malediceret Davidi*, 2. Sam. 16. 10. à Deo Spiritus malos immitti addito nocendi præcepto, 1. Reg. 22. 23. *eum mittere spiritum erroris*, Is. 19. 14. *implere spiritu vertiginis*, Jer. 13. 12. 13. *Mittere efficaciam erroris ut credatur mendacio*, 2. Thess. 2. 11. & innumera alia loca, quæ fortiora sunt, quàm ut de nuda permissione exponantur. Aliàs pleraque judicia Dei, quæ per reprobos exercentur, enervarentur, & essent nudæ permissionis opus, adeòque ipsa Christi mors, à qua tota redemptio nostra pendet; cum tamen expresse testatur Spiritus S. Herodem & Pontium Pilatum nihil fecisse, quàm quod manus Dei & consilium, id est, decretum ejus efficax antea determinaverat fieri, Act. 4. 28.

XV. Quænam autem illa sit Providentiæ efficacia à nullo mortalium factis potest, vel concipi, vel explicari; Tria potissimum huc pertinent. 1. *Oblatio occasionum*. 2. *Traditio Satanae*. 3. & *immediata Dei in corde operatio*. Primò *oblatio occasionum*, quæ non sine peculiari Dei providentia procurari possunt, per circumstantiarum concursum & objectorum propositionem, quæ facultates hoc vel illo modo constitutas commovere apta nata sunt, quomodo Deus malitiam in hominum animos non infundit, sed latentem in apertum educit: Sic ad Josephi venditionem occurrere fecit mercatores Madianitas, Achani avaritiam voluit excitari ad conspectum chlamydis Babylonice Jos. 7. & ut Davidis luxuria inflammaretur nuditate Bersabæ. Talia sunt dicta & facta in sensus incurrentia, quibus, licet bona sint

3. Provi-
dentia ef-
ficacia pa-
tet 1. in ob-
latione oc-
casionum.

Quæst. VII. in se, & ejusmodi, quibus deberent emolliri, perperam tamen abutuntur impii, & suâ culpâ indurantur; Ut mandata Dei, & plagæ Ægyptiacæ, ac prodigia facta coram Pharaone; Et miracula Christi; illa quæ Pharaonis, ista quæ Judæorum corda flectere debuerunt, magis indurarunt.

2. in Satana
na conditio-
ne.

XVI. 2. Non tantum occasiones & objecta offert, sed *Satana*, & cupiditatibus suis pravis homines tradit, quomodo *Gentiles* dicitur tradidisse Deus cupiditatibus suis fœdis, & in reprobum sensum, Rom. 1. 24. 26. 28. in pœnam præcedentium peccatorum. Sic *spiritus malus* à *Jehova* dicitur exagitasse *Saulem*, 1. Sam. 16. 14. & mitti dicitur à Deo *spiritus mendacii* in ore pseudoprophetarum, 1. Reg. 22. 22. Unde Deo illi habenas laxante, operatur efficaciter in filiis rebellionis, Eph. 2. 2. Quamvis enim tanto in Deum & homines odio feratur, ut spontè intentus sit ad omnes nocendi occasiones, nec ullo stimulo indigeat, quia tamen nihil potest aggredi vel exequi præter Dei nutum; hinc fit, ut à Deo nonnunquam mitti, & illius jussu impia sua consilia exequi dicatur. Ut autem *Diabolus* trifariam spectari potest respectu hominum, vel ut *Tentator*, vel ut *Accusator*, vel ut *Carnifex* & *Tortor*; Deus tradere potest homines *Diabolo* triplici hoc modo, vel ut *Tentatori*, quum mittit efficaciam erroris, ut homines credant mendacio, & à *Satanâ* excæcentur, 2. Thes. 2. 9. 11. 2. Cor. 4. 4. vel ut *Accusatori*, quum exponit homines ejus accusationibus, quod visum in *Jobo* c. 1. & *Jehosua* Zach. 3. 1. vel ut *Carnifici* & *Tortori*, quum tradit illi hominem vexandum, & corpore & spiritu, quo sensu incestuosus à *Paulo* traditur *Satana*, 1. Cor. 5. 5. & *Hymenæus* & *Alexander* 1. Tim. 1. 20.

XVII. *Satan* autem bifariam agit in homines, Vel *externè*, tentando cor, modò per objectorum carni gratorum propositionem, ut ad licentiam & rebellionem impellat, ut visum in primis parentibus; modò per calamitatum & malorum immissionem, ut ad desperationem præcipitet, ut in *Jobo*, & aliis observatum; Vel *internè*, in phantasiâ agendo, & per phantasiâ afficiendo intellectum phantasmatum eorum representatione, quæ homines seducere, & incitare ad malum, vel revocare à bono possunt, vel humores movendo, & per humores appetitus corporis excitando, vel ad inflammandam libidinem, vel ad iram concitandam, & ad alia faciendâ, quæ τὸ θυμὸν, vel τὸ ἰμθυμὸν, quorum magna est vis in homine, præsertim irrogenito, incendunt; quo sensu in cor hominis dicitur immittere quod illi suadet, imò in hominem ipsum ingredi, ut de *Juda* perhibetur, Johan. 13. 2. 27.

3. in inter-
na Dei ope-
ratione.

XVIII. Tertiò præter *Satanæ* traditionem, datur etiam nonnunquam interna quædam Dei in homine operatio, per quam fit, ut à Deo cor hominis flectatur ad executionem consilii sui, quò respiciens *Salomo* dicit Prov. 21. 1. Cor Regis esse in manu Domini, ut illud inclinet quocunque voluerit. Et *Augusti*. lib. 3. cont. *Juli*. cap. 3. Deus operatur in cordibus hominum ad inclinandum.

inclinandas eorum voluntates quocunque voluerit, siue ad bona pro sua miseri-
cordia, siue ad mala pro meritis eorum, iudicio utique suo, aliquando aperto;
aliquando occulto, semper tamen iusto. Hoc verò fieri potest, vel objecto-
 rum propositione interna, quæ mentem & voluntatem movere possunt,
 vel cogitationum impressione, quæ licet bonæ sint in se, in malum tamen
 vitio hominis corrupti convertuntur per accidens. Sic fratres Iosephi cogi-
 tant eum amari à parentibus, & in somniis honorari à Deo, quæ cogitatio
 bona fuit, sed quæ impiè abutuntur, dum eam detorquendo ad invidiam,
 consilium capiunt ab eo tollendo. Pharaon post mortem Iosephi cogitat
 dispiciendum esse, ne quid detrimenti Imperium pateretur: Cogitatio bona
 fuit, & à Deo proculdubio immissa, sed quæ incidit in malum animum,
 qui eam ad perniciem populi abutitur. Ita quod Caiaphæ in mentem venit,
 Johan. 11. 50. *expedire ut unus homo moriatur pro populo*, bonum fuit, sed
 pessimè detortum ad nefariam Christi cædem. Rursus, Deus internè in ho-
 mine operatur, quum facit ut objecta illum in hanc potius, quàm in illam
 partem permoveant. Cum enim homo pronus sit ad quodvis malum, ut-
 pote qui semina omnium vitiorum in se contineat, quod tamen in hoc po-
 tius quàm in illud propendat, non aliunde fit, quàm ab occultâ Dei pro-
 videntiâ, illum potius huc quàm illuc inclinantis; non secus ac rivus deor-
 sum fluens, aquilegis industriâ in hanc potius quam in illam partem conver-
 titur; Cùmque hominibus ad nocendum pateant plures viæ, Deus, cæteris
 occlusis, unam apertam relinquit, ut in hanc partem moveantur; ut ita im-
 probi inserviant executioni iudiciorum suorum, quando vult iis uti, vel
 ad punienda alicujus scelera, vel ad explorandam fidem piorum, vel ad sti-
 mulandam socordiam. Cujus exemplum insigne occurrit Ezech. 21. 24.
 26. 27. in Nebucadnetsare adversus judæam, potius quàm Ægyptum exer-
 citum deducente. Cum ergo his, & aliis miris & ineffabilibus modis Deus
 possit in hominibus operari ad exequenda judicia sua, non sine ratione ef-
 ficaci Dei providentiæ eorum actiones tribuuntur.

XIX. Sic illa circa *peccati initium* versatur: Quoad *progressum* etiam sese
 exerit per potentem ejus *terminationem*, dum illi limites ponit, tum *intensio-*
nis, ne in immensum excrescat, tum *extensionis*, ne latius serpat, tum *dura-*
tionis, ne diutius duret, & sic & peccatori ipsi, & aliis magis noceat; quod
 facit; Vel *internè*, mentem illuminando, ut turpitudinem mali, & pœna-
 rum illud subsequendum magnitudinem percipiat, vel cupiditates pravas
 cohibendo & refrænando; Vel *externè* Satanz, & mundi furores reprimen-
 do, occasiones mali amovendo, mandatis etiam & minis à peccato avocan-
 do, quod exemplis Labanis, Esav, Bileami, Sennacheribi, & aliorum plu-
 rium constare potest; imprimis ex historia Jobi, & Christi.

XX. Denique quoad *finem* in ejus *sapienti ordinatione*, & *directione*,
 dum

Secundò
 Providen-
 tia ver/a-
 tur circa
 progressum
 peccati,
 per termi-
 nationem.

Tert:ò circa
 finem per
 directio-
 nem.

QUEST.
VII.

dum præter peccati naturam, & peccantis voluntatem, pro sapientiâ & potentia suâ malum in bonum convertit, & ad bonum finem dirigit & deducit. *Vos cogitaveratis in malum*, inquit Josephus Gen. 5. 20. *sed Deus cogitavit in bonum*, &c. cujus simile exemplum extat Isa. 10. 5. 6. 7. Job. 1. 20. 21. 22. & 2. 9. 10. Act. 3. 13. 14. 15. Ordinatio autem ista, à posteriori non est intelligenda, quasi Deus prævisâ existentia peccati cogitaret de fine illius, Sed à priori, per quam Deus sibi proponit finem, quem per peccatores, & actiones peccaminosas vult procurare, ad quem etiam illas suâ providentiâ dirigit, quia aliâ ordinatio ista finis foret tantum occasionalis, & per accidens.

XXI. Qualiscunque verò sit Dei actio circa peccata, manet tamen semper Providentia sancta & immunis ab omni culpa, ut radii solares non inficiuntur, licet in sordes, aut cadaver influant. Et si quando idem opus Deo, Diabolo, & impiis tribuitur, ut Josephi venditio, induratio Pharaonis, Jobi calamitas, deceptio Achabi, numeratio populi, mors Christi, diversimodè tamen utrisque adscribitur, Deo quidem, ut sanctissimum opus, quia à bono principio, ad bonum finem tendit. Hominibus verò, ut pessimum, quia à malo principio, malis mediis, ad malum finem tendunt. Sic opus, quod Assur Deo mandante peracturus erat in abductione populi, bonum fuit respectu Dei, qui hac ratione voluit populum suum castigare, ideo dicitur, *virga furoris Dei, cui mandatum est ab ipso, ut spoliet spolia*, &c. sed respectu Assyrii malum, quia non alium finem sibi propoliturus erat, quàm populi excidium, & cupiditatis suæ expletionem, Isa. 10. 6. 7. *Ad gentem impiam missam eum*, &c. *Ipsè autem, non sic existimabit, nec cor ejus ita reputabit, sed ad perdendum se missum putabit in corde suo*: Ut ergo Judex leonibus & feris ad pœnam reorum, Medicus hirundinibus & sanguisugis, imò & ipsis viperis ad curationem ægrotorum rectè utitur; Ita in eo sapientissimum Dei consilium, & virtus Dei admirabilis elucet, quòd creaturarum peccatis præter earum intentionem ad bonum finem utitur; non faciendo malas creaturarum voluntates vel actiones, sed eas ad bonum finem ordinando. Ut verò Providentiæ Dei concursus non excuset peccantes, quia nec libertatem, & spontaneitatem tollit; Ita nec potest Deum peccati reum facere, quia semper sanctissimè versatur in pessimis hominum operibus, & ad bonum finem: Notum autem causas impulsivas, & finales facere actionum discrimina, & quando ejusdem effectus plures causæ sunt, aliæ bonæ, aliæ malæ, effectum illum respectu causarum bonarum bonum esse, respectu malarum malum. *Cum Pater tradideris Filium, & Judas Dominum, cur in hac traditione, homo est reus, & Deus justus, nisi quia in re una quam fecerunt, causa non una est ob quam fecerunt*, ut ait Aug. ep. 48. ad Vincen.

Fontes
Solutio-
num.

XXII. Quod Deus vult, & decrevit simpliciter, & per se, ejus rectè potest

potest dici causa. Sed peccata non decrevit simpliciter, sed secundum quid, Quasi VII. quatenus sunt actiones, nec per se, in quantum sunt opera mala, sed per accidens, in quantum per eas actiones exequi voluit occulta sua judicia: Sic voluit & decrevit Josephi venditionem, & Christi crucifixionem, sed fine optimo; Illam ut servaretur familia Jacobi, Istam ut redimeretur Ecclesia, utraque opus fuit justum & sanctum à parte Dei, licet illud voluerit per hominum scelera exequi, quæ noluit efficere, sed tantum permittere. Perperam verò *Bellarmin.* de amiss. grat. & sta. pecca. lib. 2. c. 11. pertendit loca ista Gen. 45. 7. & Act. 4. 28. non ad opera mala referenda esse, sed ad *passiones bonas* in illis, ut quæ ex parte agentium gravissima erant scelera, ex parte patientium Christi, & Josephi, æquo animo ferentium venditionem & mortem, fuerint opera summæ patientiæ, adeoque valde bona. Quia Scriptura non tantum passionem aut Josephi, aut Christi Deo tribuit, sed etiam disertè actionem, à qua fuit illa passio; Non dicit Josephus passivè de se, Ego à Deo huc missus sum, sed activè, *Deus huc me misit*; Non dicunt Apostoli, Deum voluisse Christum mori, sed activè Dei consilium & manum præfinivisse illud ipsum, quod fecerunt Herodes & Pontius Pilatus. Adde quod, cum actio & passio non re, sed ratione differant, quisquis decernit passionem, is etiam debet actionem ipsam decernere: Si Deus voluit Josephum vendi; Christum crucifigi, voluit etiam eo ipso, ut fratres Josephum venderent, & ut Judæi Christum cruci affigerent.

XXIII. Qui impellit ad malum homines, voluntates bonas efficiendo malas, vel invitas & nolentes trahendo, vel *moraliter* ad malum quæ malum incitando per præceptum, aut suasionem, est causa peccati; Sed Deus impellere dicitur voluntates in se malas, & sponte ad mala ruentes, nec ad mala, quæ mala, sed quæ occulta sunt sua judicia; ut hinc non simpliciter, ut Dominus spectandus sit, qui liberè creaturam labi permittit, sed ut justissimus Judex, qui peccata peccatis punit, quique ideo non potest censeri peccati author, sed tantum pænæ administrator. *Impulsio* ergo alia est *proprie ita dicta*, & *coactionis*, quæ vis infertur libero arbitrio; Alia *impropria* & *secundum quid*, quæ cum libertate conspirat, & necessitatem consequentiæ tantum infert, seu conditionatam, non verò absolutam, & consequentis. Illa est vitiosa, & reum peccati facit, qui eam utitur; Sed non ista, quam adhibet Deus erga impios.

XXIV. Axioma vulgatum, quod *Actio & effectus est potius causa principalis, quam instrumentalis*, unde videtur colligi Deum esse peccati causam, quia utitur Diabolo, & impiis tanquam instrumentis ad opus suum, varias patitur limitationes. 1. Valet in *causis homogeneis*, quum utraque tam principalis, quam instrumentalis sunt vel positivæ, vel privativæ, vel physicæ, vel morales; Ut Verbum Dei, ut instrumentum nos sanctificat;

Quæst. VII. Ergo multò magis Spiritus Sanctus per Verbum. Pseudopropheta seducit Achabum, Ergo multò magis Diabolus, qui per ipsum agit; quia in primo utraque causa positiva est, in altero utraque est privativa. Sed non in *heterogeneis*, quando altera, nempe principalis est positiva, & physica, altera, scilicet instrumentalis est privativa, & moralis; vel quando altera est legi subdita, altera verò ἀντιθετὴ & supra legem, vel legis incapax. Unde non valet, gladius occidens hominem ut instrumentum, non est causa culpabilis homicidii, Ergo nec homo movens gladium; Vel Carnifex ut instrumentum justī Judicis fontem plectit ex studio vindictæ, Ergo multò magis justus Judex, quia causæ sunt heterogenæ. In primo, causa principalis est privativa, legi obnoxia, & moralis, Et instrumentalis causa physica, positiva, & nulli legi obnoxia; In altero verò causa principalis est positiva, moralis, & legi congrua, Sed causa instrumentalis est privativa, moralis, & legi dissona. Itahic Deus est causa positiva, physica, ἀντιθετὴ, homines verò causa privativa, moralis, & legi obnoxia.

XXV. 2. Valet in *instrumentis propriis, puris, & irrationalibus*, quæ quicquid sunt & agunt, id à principali agente mutuuntur, nec quicquam de suo admixtum habent, quia in illis nulla est causalitas principalis, sed tantum merè organica; & ex virtute principalis agentis profluens; Ut causa homicidii à gladio perpetrati, non gladio, sed homini, qui tractat gladium debet imputari, quia est instrumentum purum, & ἀλογον. Sed non valet in *instrumentis metaphoricis, & mixtis*, quæ de suo aliquid admixtum habent, quo operentur, quod à principali causa non mutuuntur, v. g. non valet, Equus calcaribus adactus à Sessore claudicat, Ergo ipse Sessor magis claudicat, quia non est instrumentum purum Sessoris, sed tale, quod aliquod de suo admixtum habet in motu claudicationis, in quo non subordinatur Sessori, nimirum luxatam tibiam, quæ causa est adæquata, & principalis claudicationis. Sic *peccatores* non sunt instrumenta propria & pura, sed *rationalia, metaphorica, & mixta*, quæ de suo habent malitiam, quæ propria est & adæquata peccati causa. Eò pertinet quod tertio dicitur, Axioma valere, ubi actio causæ principalis est eadem moraliter cum actione instrumenti: Ut discipulus Pelagii, malè sentit de gratia, Ergo multò magis Pelagius ipse, quia est eadem actio moralis utriusque causæ, & principalis & organica. At non pariter, quum actio est quidem eadem materialiter & physice, non verò moraliter, tunc enim non modò actio causæ organica, non est principalius causæ principali adscribenda, sed non est adscribenda omnino, quia ut rectè docent Scholastici, *Non ab actus realis physici substantiâ oritur actus specificatio quoad esse morale, sed à diversis circumstantiis moralibus*; eadem quippe actio physica, potest esse iusta, vel iniusta, pro diversitate agentium, vel legi subjectorum, vel à lege solutorum. At hic, ut jam dictum, actio
Dei

Dei non est eadem moraliter cum actione instrumenti, sed tantum physicè. *Quæst. VII.*
Unde vitium instrumenti non esttribuendum causæ principali.

XXVI. Deus iussit Semei maledicere Davidi 2. Sam. 16. 10. *Jussione providentia, non jussione legali; Jussione physicè directivâ, non moraliter suavisâ; Jussione judiciali, voluntatis beneplaciti, quâ est iustus Judex puniens & castigans, non jussione approbativa, voluntatis signi, quâ Legislato imperans; Jussione non propriè ita dicta, quam Semei cognoverit, & cui obedire voluerit; Sed impropria, & figuratâ, quomodo Deus iussisse dicitur piscem evomere Jonam Jon. 2. 11. quæ nihil aliud est quàm motio Dei efficax, quâ malam Semei voluntatem ad hoc peccatum in pœnam Davidis inclinavit, quod sic exponit Augustinus, Dominus dixit Semei, maledic Davidi, non jubendo, ubi obedientia laudaretur, sed quod ejus voluntatem proprio vitio suo malam in hoc peccatum justo suo judicio & occulto inclinavit. Ita quod Deus 1. Reg. 22. 22. mittere dicitur spiritum mendacem ad decipiendum Achabum, non est approbantis, sed permittentis, & efficaciter ordinantis ad impii Regis pœnam; nec enim spiritui isti mendaci indidit libidinem mentiendi, sed cupido, & operam suam offerenti habenas laxavit.*

XXVII. *Quod est causa causa, est etiam causa causati, 1. valet in causis adequatis, non intercedente ipsius causati aliâ verâ & proximâ causâ. 2. in causis per se, quæ effectum producant, quatenus sunt tales, quum causa est, & causæ & causati per se. 3. In essentialiter, & necessitate naturalis subordinatis, & à se invicem dependentibus. Sed non pariter, si causæ quidem sit causa per se, causati verò per accidens tantum; quando causa inferior effectum non simpliciter ex naturâ suâ, sed ex aliquo accedente defectu producit. Sic non valet, humana voluntas est causa peccati; Deus est causa voluntatis humanæ; Ergo est causa peccati, quia quum voluntas creata peccat, exorbitat, & deficit ab ordine primæ causæ. Et Deus qui est causa voluntatis per se, non potest dici causa actionis malæ, quæ est à voluntate non simpliciter in genere entis, quomodo est à Deo, sed ab ea deficiente à lege in genere moris.*

XXVIII. Deus *excacare* vel *indurare* dicitur homines, non tantum *Quomodo negativè* non illuminando, & emolliendo, vel *privativè* gratiam suam quæcunque fuerit subtrahendo, postquam eâ homines abusi sunt, vel *permissivè*, non impediendo: Sed etiam *positivè*, non quidem cæcitatem, vel duritiem, *induratio & excacatio Deo tri-* quæ homini est naturalis, inferendo; sed tum *objective*, externa objecta iis offerendo, quæ licet naturâ suâ aliò ordinentur, novit tamen aliorum ipsorum vitio esse trahenda, tum *judicialiter*, internè scotomate eos percutiendo, ablato vel extincto lumine, quo perperam uti fuerant, tum fræna laxando cupiditatibus ipsorum, & Satanæ tradendo, & mancipando, aliisque pluribus modis inexplicabilibus, agendo, quibus justæ excacationis & in-

Quæst.
VII.

durationis iudicium in contumaces exerit. Quod non obstat tamen, quominus impii ipsi, se ipsos etiam excæcent & indurent, abusu eorum, quibus maximè debuissent emolliri, qualis est longanimitas & beneficentia Dei, Rom. 2. 4. lux Verbi, & suavitas Evangelii, quod sit *ipsis odor mortis ad mortem*, 2. Cor. 2. 15. & ipsæ Dei castigationes, quibus cum corrigi debuissent fiunt obstinatiores, *ô Jehova percutis eos, sed non dolens, reddunt faciem suam obstinatiores petrâ* Jer. 5. 3. Ita *induratio* alia est *culpabilis* à parte hominum se ipsos indurantium; Alia *iusta & pœnalis* à parte Dei, homines iusto suo iudicio in pœnam præcedenti peccatorum indurantis.

¶ Tentatio.

Jac. 1. 13.

XXIX. *Tentatio* alia est *probationis*, alia *seductionis*, illa bona, hæc mala; illa Deo competit, ista Diabolo, qui propterea *ὁ πειράζων* dicitur, quia ut tentavit Adamum, & Christum, Ita fideles quotidie ad malum tentat. Hoc sensu Jacobus cap. 1. 13. dicit *Deum nec tentari posse à malis nec quemquam tentare*, quia, ut Deus nihil habet in se quod tantillum ad peccatum vergat, imò quod ab eo non sit alienissimum; Ita non potest dici alios ad peccatum, aut mandatis, aut consiliis, aut interiori aliqua persuasionem sollicitare. Si quando tentare homines dicitur, ut Abrahamum Gen. 22. & Israëlitas Deut. 8. 2. hoc de tentatione probationis intelligendum est, non seductionis, ut hominis fidem & constantiam exploret, non quòd illam ignoret, qui est omniscius, sed ut ea tum homini ipsi, tum aliis innotescat: Quum petimus in Oratione Dominicâ, *Ne Deus nos inducat in tentationem*, non deprecamur tentationem priorem, quæ bona est, sed posteriorem, quæ mala, ad quam Deus potest dici nos inducere, quando, non modò permittit nos in eam labi, sed cupiditatibus & Satanæ nos tradit, à quibus tentemur. Ita petimus ex hypothese voluntatis divinæ, id est si Deo ita visum fuerit, ut ita nobis provideat, ne inducamur in periculum tentationis. Sin autem aliter Deo placeat, nimirum ut tentationem habeamus, tunc petimus absolutè, ne nos deserat, aut permittat, & tradat hostium spiritualium arbitrio ut eorum tentationibus succumbamus, sed ut ejus gratiâ confirmati eas superemus, ut *non sinat nos tentari supra id quod possumus, sed verò cum tentatione præstet etiam exitum, ut possimus sustinere*, 1. Cor. 10. 13. Unde August. lib. 5. adv. Julia. Pelag. c. 3. *Quid est autem quod quotidie dicimus, ne nos inferas in tentationem, nisi ut non tradamur concupiscentiis nostris, unusquisque enim tentatur à concupiscentia sua abstractus & illeclus*. Ete p. 89. ad qu. 2. *Ne nos inducas in tentationem, intelligitur, ne nos inferri deserendo permittas*.

¶ Seductio.

Jer. 20 7.

XXX. Quod Jerem. 20. 7. dicitur, *Seduxisti me Domine, & seductus sum*, non est ita accipiendum, quasi Deus cum in fraudem & errorem induxerit. Licet enim Deus dicatur aliquando posuisse spiritum mendacii in ore falsorum Prophetarum Achabi, tamen dici non potest, ullum sancto-
rum

rum Prophetarum, quos Deus inspiravit, ita unquam errasse, ut in nomine Dei falsum aliquid prædixerit; vel in prophetico munere, licet aliàs infallibiles non forent, à veritate unquam aberrarit. Sed diversimodè potest intelligi. Vel ut **נִסָּה**, unde Græcum **πειράω** videtur deductum, in bonam partem sumatur pro *allicere*, *pellicere*, *persuadere*, quomodo & alibi sumitur, Gen. 9. 27. Prov. 25. 15. Hof. 2. 14. hoc sensu *pellaxisti me*, & *pellexisti me*, id est ad suscipiendam & obcundam functionem meam, q. d. Tu unus mihi author es vocationis meæ, & recusanti vim quodammodo attulisti. Vel si in malam partem sumitur pro seductione, ut Ezech. 14. 9. hypotheticè hoc intelligendum; Si ego seductus sum, ut seducerem alios, prout calumniantur hostes mei, Tu Domine me seduxisti. At hoc falsum, Ergo & illud; Ut ita significet in Deum doctrinæ suæ authorem recidere eorum calumnias; Vel ut verba humanitus dicta sint secundum sensum carnis, & animi perturbationem, nimirum ut Jeremias ex infirmitate & iudicio carnis queratur, se à Deo deceptum fuisse, idque quia ex Dei verbis perperam intellectis, longè alia expertus fuerit, quàm existimaverat Deum sibi indicasse, non culpâ dicentis, sed audientis; non enim dixerat Deus, illum nihil passurum, sed se eum esse liberaturum. Si alibi *seducere* dicitur Prophetas, vel populum Ezech. 14. 9. Jerem. 4. 10. hoc tum ad permissionem & desertionem Dei bene refertur, quia permittit homines decipi, nec impedimentum ullum opponit, tum ad Satanæ traditionem, quia tradit Satanæ & impostoribus decipiendos.

XXXI. Quum Jobi 12. 16. 17. Dei dicitur *esse errans*, & *errare faciens*, potest bifariam intelligi, vel in dativo, *Deo est errans*, & *errare faciens*, ut innuat tum decepti hominis ignorantiam, tum impostorum & deceptorum malitiam, Deo id est divinæ providentiæ inservire, quasi illius administras, dum nimi. Deus per eos, qui voluntati suæ *διαπεινάς* repugnant, voluntatem suam arcanam & *δόξας* perficit, quatenus ex malis bona elicit. Vel in genitivo, *Eius est errans*, &c. quia uterque est in Dei potestate, ita ut nemo erret, vel in errorem inducat, nisi prout Deo libet permittere, qui errorem & seductionem, & impedire, & tollere posset, si vellet. Vel quia ipse errandi actus, quando aliquis seducit, est à Deo.

XXXII. Quum dicit Deus Ezech. 20. 25. *se dedisse populo suo statuta non bona, per quæ non possit vivere*, ubi non modò videtur peccatum permittere, sed etiam jubere, locus diversimodè exponitur. Quidam per *statuta non bona* intelligunt præcepta idololatrica Gentilium, quibus Deus iratus populum suum subjecerat, quorum observatio mortem eis afferret æternam, ut *dedisse* dicatur, quia *permisit eis dari*, vel quia eos, ut sui gubernatione indignos iusto suo iudicio excæcavit, & imperio Satanæ mancipavit, ut mendacio obedirent, q. d. Mentem ipsis ademi, ita

Q U A E S T .
VII.

ut in eis legibus contemptis, ipsi sibi leges facerent duras & mortíferas. Alii commodius per ea designari volunt *Legem* ipsum Dei tam moralem, quam cæremonialem, quæ *non bona* dicitur, vel quia *inutilis* ad salutem, quia infirma in carne, Rom. 8. 3. vel quia *ingrata* & insuavis, ut *bonum* sæpe sumitur pro *jucundo* Gen. 3. 6. & ita vocatur alibi jugum grave & ἀβάσταν Αἰ. 15. 10. vel quia *noxia* & *exitialis*, non per se, sed per accidens propter hominis pervicaciam, quo sensu alibi vocatur *littera occidens*, & *ministerium condemnationis*, 2. Cor. 3. 6. 7.

XXXIII. Quum dicimus cum Scriptura peccata hominum à Deo permitti, & efficaciter ad bonum finem dirigi, non volumus peccata & scelera malorum esse bona opera; sed in operibus, quæ à malis patrantur, ipsos motus & actiones esse opera bona in genere entis, & iusta Dei judicia, sicut ἀνομία motuum & actionum est moraliter mala, & à malis. Ita mala hominis intentio, non est à Deo in genere moris, sed tantum in genere entis. Nec si finis conciliare dicitur mediis bonitatem & amabilitatem; sequitur peccata, quia ordinantur à Deo ad bonum finem, esse bona, quia axioma valet tantum de mediis, quæ per se ad bonum finem tendunt, non iis, quæ præter naturam suam à Dei sapientia & potentia ad illum diriguntur, quale est peccatum.

Rom. 3. 8.

XXXIV. Regula Apostoli Rom. 3. 8. *Non facienda esse mala, ut evaniant bona*, non huc pertinet, quia aliud est *facere mala*, aliud verò *eapermittere*, vel ad *bonum finem dirigere*, & in bonum convertere; illud injustitiæ, hoc sapientiæ, bonitatis, & potentiæ. 2. hominibus, qui ὁνειδίζουσ non solum non licet mala facere, sed ne quidem permittere, nec talis permissio posset in illis dari sine vitio. Sed Dei qui est ἀνυπειθίζουσ, non potest esse eadem ratio, qui optimas & sapientissimas habet permittendi causas. 3. si aliquando Scriptura dicit Deum facere malum, hoc non intelligit de malo reduplicativè quò malo, quo sensu non potest habere rationem boni, sed quatenus habet rationem judicii, & est conducibile, & ordinabile ad gloriæ suæ illustrationem, quo sensu habet rationem boni.

XXXV. Qualiscunque sit Dei actio circa peccatum, nulla propterea excusationis ratio potest obtendi à peccatore: Sive quia implet voluntatem Dei; quia voluntas non est revelata & signi, quæ in regulam vitæ proponitur, sed occulta & beneplaciti, quam ignorat & minimè attendit, non probans aut imperans, sed iustissime decernens; Sive quia voluntati isti resisti nequit ab homine; quia quicquid est hîc *necessitatis*, fit ratione *eventus*, non ratione *modi agendi*; *infallibilitatis* non *coactionis*; *consequentia*, & *secundum quid*, non *absolutæ* & *consequentis*; Unde Paulus os occludens impiis, *Quis es ô homo*, inquit, *qui responsas Deo* Rom. 9. 19. 20. ? Sive quia Deus imple indurare & excæcare dicitur; quia actio Dei non everit libertatem actionis

nis hominis, quia ita induratur & excæcatur à Deo, ut se ipsum etiam liber- Quæst. VIII.
rimè excæcet & induret, tum quia actio Dei judicialis est, quam homines
peccatis suis præcedentibus sunt jam promeriti.

Q U Æ S T I O VIII.

An ex Doctrina nostra sequatur, & legitimâ consequentiâ elici possit, nos Deum facere authorem peccati? Neg. contra Pontificios, Socinianos, Remonstrantes, & Lutheranos.

I. **L**icet innocentia Doctrinæ Orthodoxæ circa hoc argumentum, sapius ita clarè & solidè asserta sit à Nostreis adversus atroces calumnias, & illiberalia convitia, quibus proscendi solet ad Adversariis, ut nihil necesse foret in ea vindicanda operam collocare. Quia tamen non desinunt subinde iniquissimam istam accusationem reponere, ut puritatem fidei nostræ quibuscunque possunt modis traducant: Æquum est, ut falsitatem istius calumniæ in apertâ luce collocemus, & Religionem quam profitemur, ab injusta criminatione, quâ gravatur, liberemus.

II. Ante omnia verò observandum, Quæstionem non novam esse, & recens cusam, sed veterem, jam olim excitatam à Pelagianis, & intentatam Augustino, quod libri ipsius contra Julianum abunde testantur. Occasio calumniæ, non alia erat, quàm quòd in peccatis hominum, Deum non nudum permissorem, & otiosum spectatorem, sed sanctissimum gubernatorem, & justissimum Judicem statueret. Nec alia causa est, cur Pelagiani hodierni, doctrinam Orthodoxam infamare conentur, quibus non difficile est exemplo Augustini os occludere.

III. Non quæritur autem hic, An expressis verbis asseramus Deum esse Status
peccati causam. Licet enim quidam hanc blasphemiam nobis impingere non Quæstio-
nis.
erubuerint, apertè calumniantes nos ex dictis & exemplis Scripturæ hanc hypothesim confirmare. Alii tamen prudentiores non audent hoc profiteri, & agnoscunt, nihil tale à nobis proferri, *Et si ita formetur quæstio*, inquit Bellar. l. 2. de amiss. gratiæ c. 2. *nulla erit siquidem illa, non solum Catholici, sed etiam Calvinisti negant.* Sed quæritur, An tale quid ex nostra Doctrina necessariò & evidenter elici queat. Pertendunt scilicet Nostros re ipsa sentire, quod verbo profiteri non audent, & *si non expressis verbis, certè necessariis argumentis*, ut loquitur Tirinus Controv. 1. 12. num. 8. *Deum facere authorem & causam omnium peccatorum*, in quo sequitur vestigia Bellarmini lib. 2. de amiss. gratiæ c. 3. & seq. & Becani Theolog. Schol. tr. 2. p. 2. c. 6. quibus se ad-
jungunt

Quæst.
VIII.

jungunt *Brockmannus* de Provid. Dei c. 2. q. 3. *Eckardus* fasci. contr. c. 10. q. 1. *Graverus* ad art. 29. Confess. August. & alii Lutherani. *Crehins* c. 25. lib. 1. de vera Relig. *Tilenus* Remonstrans tr. de causa & ordine peccati, *Episcopus*, de Providentia, & alii Remonstrantes in Scriptis Synodicis p. 249.

I V. Huic verò calumniæ retundendæ, vel hoc unum sufficit, *Confessiones* publicas Ecclesiarum Reformatarum, hanc impietatem disertis conceptisque verbis, & ex professo damnare & detestari, ut Augustanæ art. 19. Gallicanæ art. 8. Helveticæ art. 8. Belgicæ art. 13. Canonum Synodi Dordracenæ artic. 1. 5. 15. quibus accedunt Catechismi, Apologiæ, & alia Scripta symbolica, quæ publica sunt & solennia innocentia nostræ testimonia, quæ Adversarii ipsi non possunt diffiteri; Unde nihil ex scriptis publicis adferre solent ad probandam suam calumniam, sed ex scriptis tantum privatorum Doctorum, ex quibus consequentias perperam nectunt.

V. Quamvis verò de publicâ & receptâ Ecclesiæ alicujus sententiâ, ex privatorum scriptis, non possit nec debeat judicium ferri, atque ita liceret salvâ doctrinâ Ecclesiarum Reformatarum, hoc quicquid est criminationis, tanquam à re alienum præterire, & suis authoribus relinquere, quia non stant, aut cadunt cujusque Doctoris privati, quantumvis eximii, judicio. Quia tamen de sinceritate doctrinæ Zwinglii, Lutheri, Calvini, Martyris, Bezzæ, & aliorum insignium Dei Servorum, quibus hoc crimen impingitur, sumus persuasi, & constat magnis illis Heroibus de Ecclesia Dei præclare meritis atrocem fieri injuriam; Quia etiam notum est per ipsorum latus doctrinam Ecclesiarum nostrarum malitiosè impeti, & maledicè exagitari; justitia & æquitas postulat, ne illos tam iniquis calumniis obrui sinamus, cum tam multa suppetant nobis ad ipsorum defensionem argumenta.

VI. Primò, Licet durioribus, & non satis accuratis & commodis usi essent nonnunquam phrasibus in re difficili explicanda, non propterea exagitandi essent, vel vexandi: cum constet sanam & piam esse ipsorum mentem, quam sæpe & ore & scriptis sunt professi, de Deo unico omnis boni auctore, & acerrimo mali vindice. Calumniosum quippe est in verbis fingere hæresim, quæ juxta Hiero. est *in rebus, non in verbis*, quò faciunt ista Lutheri, *sceleratum est in verbis statuere hæresim, cum sola sit in sensu, non in verbis*. Secundò nihil tam durum in quoquam illorum occurrit, cui analogæ locutiones non extent in Scriptura, ut quum ait Deum homines excæcare, indurare, seducere, efficaciam erroris immittere, in reprobum sensum trahere, &c. Quòd si phrascs istæ ab ipsis Adversariis bene ex analogia fidei explicantur, & vindicantur; Cur non pariter ex charitatis Canone in benigniorem & commodiorem sensum, vel eadem, vel similes phrascs, quæ apud Doctores nostros occurrunt, pertrahentur? Nec reponi hic debet, consequentiam non valere, tum quòd homines variè hallucinentur,

&

& errent, præsertim circa divina mysteria; Deus verò hallucinari & errare non possit; Tum quia Scriptura plenè & perspicuè se ipsam declarat, ut criminationi isti non possit esse locus. & firma quippe manet consequentia, cujus vis non nititur paritate, vel æqualitate authoritatis scriptorum humanorum & divinorum, sed identitate vel similitudine phrasium, quæ utrobique usurpantur; Ut verò meritò ista Scripturæ veneratio debetur, ut quæ obscurius aut etiam durius in uno loco dicta videntur, juxta alia clariora accipiantur & explicentur: quidni similis æquitas ex lege charitatis Viris Dei tribuenda est, quoties cum Scriptura non modò sentire, sed etiam loqui student?

VII. Tertiò, Nihil à Nostreis dictum in hoc negotio, quod etiam durius non exciderit variis ex Adversariis, imò quod fortius non asserant societates integræ in communione Romana: Notum enim Thomistas & Dominicanos idem nobiscum hic sentire, & durioribus etiam aliquando phrasibus uti; Notum Occamum, & Gabrielem, teste Medina, in 1. 2. q. 9. art. 2. non veritos esse statuere, *Deum in rigore & proprietate sermonis esse causam peccati*. Sed, ut alios mittamus, Bellarminus, qui tanto calumniandi cæstro percitus in Nostros invehitur, ejusdem impietatis & blasphemix convincetur. Sic enim ille lib. 2. de amiss. gra. cap. 13. *Deus, inquit, non solum permittit impios agere multa mala, nec solum deserit pios, ut pati cogantur, quæ ab impiis inferuntur, sed etiam præsidet ipsis voluntatibus malis, easque regit, & gubernat, torquet, ac flectit, in iis invisibiliter operando, ut licet visio proprio mala sint, tamen à divina providentia ad unum potius malum, quàm ad aliud, non positivè, sed permissivè ordinentur*. Quibus verbis nihil durius apud Nostros occurrit. Cum verò id addit fieri *permissivè*, non *positivè*, sibi turpiter contradicit, siquidem actionem illam, quæ torquet, & flectit voluntates improborum, opponit nudæ permissioni; & res ipsa clamat, verba regendi, torquendi, gubernandi, flectendi, actum positivum significare, & non nudam permissionem; Quò pertinet quod ibidem affert ex Thoma, *Deum non solum inclinare voluntates malas ad unum potius, quàm ad aliud, permittendo ut ferantur in unum, & non permittendo ut ferantur in aliud, ut rectè docuit, sed etiam positivè inclinando in unum, & avertendo ab alio &c.* Ita cap. 14. dicit *Deum, quum in Scriptura dicitur indurare, excacare, id facere ut justum judicem, & à Deo penam & ruinam intercedere eorum qui indurantur & excacantur*. Sic Cornel. à Lapide in Exod. c. 7. p. 762. *Deus, inquit, omnium hominum voluntates in suâ habet manu, ut eas quaquaversum flectere possit, voluntas autem hominis sine Dei nutu, in nullum omnino opus, sive bonum, sive malum exire potest, nisi Deus illi permissionis suæ laxet habenas, imò cum illa positivè concurrat, & cooperetur ad actum & opus hoc producendum &c.* At Nostri nihil aliud volunt, dum efficaciam Providentiæ circa malum asserunt. In eum sensum

Quæst. VIII. loquuntur alii plures, ut *Pererius*, in c. 11. *Exod.* *Suarezius* de concur. lib. 2. c. 3. *Ruizius*, & alii. *Arminius* Disput. publ. 10. de iustitia & efficacia Providentiæ in malo, th. 9. agnoscit præter permissionem, dari oblationem occasionum & obiectorum, & concursum Dei, qui necessarius est ad omnem actum producendum, cum nihil omnino ullam entitatem habere possit, nisi à primo & summo ente immediate illam producente, concursum autem hunc, non esse influxum immediatum in causam secundam, sed actionem Dei immediate influentem in effectum creaturæ, sic ut effectum idem unâ & eadem totali actione à Deo simul & creaturâ producatur &c. Ita Deum eiusdem actus simul esse effectorem & permissorem, &c. idem facile ostendi posset de Lutheranis, & de magno Dei Viro *Luthero*, qui longè fortiùs Nostri hoc argumentum executus est lib. de *Servo Arbitrio*, quum ait, *Torturam* verbi esse, si quis dicat verborum illorum, Ego indurabo cor Pharaonis, hunc esse sensum. Ego permittam indurari, occasionem indurandi dabo, dum non statim corrigitur peccator, p. 452. simpliciter, ut verba sonant, sermonem esse accipiendum, ibidem, Cum in malis & per malos operatur Deus, mala quidem fieri, Deum tamen non posse male facere, licet mala per malos faciat, quia ipse bonus male facere non potest, malis tamen instrumentis utitur, quæ raptum & motum potentia suæ non possunt evadere. Vitium ergo est in instrumentis, quæ otiosa Deus esse non sinit, quod mala fiunt, movente ipso Deo &c. p. 454. In nobis, id est per nos Deum operari mala, non culpâ Dei, sed vitio nostro, &c. p. 455. *Satanæ* & hominis voluntatem Deo deferente, & peccante *Satanâ*, malam factam, operando arripit à Deo & moveri quorsum vult, ibidem, Verba Dei indurabo cor Pharaonis, ita esse accipienda; Ego faciam ut cor Pharaonis induraretur, seu ut me operante & faciente induretur &c. ibidem, & alia innumera id genus, quæ non absimilia sunt Nostrorum phrasibus. Si ergo sanum sensum possunt obtinere ex iudicio Lutheranorum, quidni & Nostrorum dicta ex eodem charitatis iudicio benignè exponentur?

VIII. Quartò, Doctores nostri mentem suam ita clarè explicant, & impium hoc dogma tam expresse & formaliter damnant in scriptis suis, ut non sine insigni calumnia possit ipsis impingi: huc faciunt loca *Zwinglii*, *Calvini*, *Bezzæ*, *Martyris*, & aliorum citata *Bellarmino* lib. 2. de amiss. gra. c. 2. & *Becan.* *Manua.* lib. 3. c. 5. qu. 6. *Calvinus* sanè non solum solidè prior, imò ferè unicus *Libertinos* refutavit, assertâ Dei sanctitate, sed etiam in lib. de Prædestinatione ex professo hanc calumniam amolitur, ut & lib. 1. Insti. cap. 13. sect. 5. *Beza* hac in parte, & *Calvinum*, & seplensè vindicavit in tract. de Prædesti. contra *Castellionem*, & fulè ostendit non consequi ex doctrina *Calvini* & sua ullam istarum blasphemiarum, nempe vel Deum esse authorem peccati, sive delectari iniquitate, aut etiam velle iniquitatem, vel *Satanam* aut homines malè agendo obedire Deo, aut quatenus malè agunt, facere quod

quod Deus vult, ac proinde esse extra culpam. Absint vero quàm longissimè, inquit, omnes ejusmodi blasphemiae, non tantum à linguis, sed etiam à cogitationibus nostris. Vide etiam ejusdem absterfionem calumniarum Heshulii, ubi idem fusè exponit.

I X. Quintò, Si fundamentum criminationis expenditur, patebit non aliunde peti, quàm à verbis quibusdam & phrasibus truncatis, detortis, & per sophisticas consequentias in sensum, ab intentione & scopo ipsorum alienissimum, traductis. Unde cùm consequentias illas nec videant, nec agnoscant pro suis, imò se eas animo detestari non semel profiteantur, & anathema dicant talia sentientibus, non sine gravi injuria pollunt illis imputari, quasi hæc genuina esset ipsorum mens, & proprium dogma; maximè cùm antecedens ex quo illas eliciunt, sit ipsius Scripturæ, & ex propriis ejus verbis plerumque conceptum.

X. Quamvis Deus ab æterno non solùm prævidisse, & permisisse, sed etiam voluisse & prædestinasse lapsum hominis dicatur, & omnia fiant non solùm permittente, sed etiam volente Deo, ut Calvinus asserit lib. 1. Inst. c. 18. S. 1. & l. 3. c. 23. S. 6. 8. 9. Non sequitur Deum ab ipso statui auctorem peccati. Quia is demum potest censerī author peccati, qui decernit, & vult peccata quoad effectiōem, & approbationem, non verò quoad permissionem, & ordinationem tantum, quam mentem Calvinī esse loca citata evincunt, quæ non aliò spectant, quàm ut opponat voluntatem Dei, *nuda & otiosa permissionis* figmento, quod Pelagiani & plerique Scholastici obtendebant, & ut doceat, non temerè & fortuitò, sed certo Dei consilio & providentiâ, & primum Adami peccatum contigisse, & cætera quæ fiunt in mundo evenire: utpote quæ versetur non tantum in illis permittendis, sed etiam gubernandis, terminandis, & ad bonum finem dirigendis. Aliud est ergo velle ipsum peccatum, aliud verò ejus permissionem & eventum; posterius dicit Calvinus cum Scriptura, non prius.

XI. *Dispensatio Dei*, quâ scelera patrari dicuntur Calvino c. 17. S. 8. non est scelerum efficientia, sed permissio, non tamen otiosa, sed scelerum gubernatrix, & directrix ad certa objecta & fines: Nec si per illam dispensationem Dei justam, non solùm permitti, sed & immitti dicitur ab eo Sect. 8. quicquid hostes sceleratè in nos admittunt, sequitur Deo tribui peccati causalitatem, quia ista immissio Calvino, non est malitiæ infusio, sed hostium, quibus malitia est congenita, in certa objecta à Deo directio ad justa ejus judicia exequenda, ut quum ursi fuerunt excitati contra pueros Bethel 2. Reg. 2. 24. & leo contra Prophetam immorigerum, 1. Reg. 13. 24. Sic dicitur excitasse Pharaonem contra Israëlitas Exod. 9. 16. Rom. 9. 17.

XII. *Nutus Dei arcanus*, sine quo homines nihil efficere dicuntur lib. 1. c. 18. S. 1. non est complacentia Dei in ipsorum peccatis, vel impulsus ad

QUEST. VIII. peccata quàm talia; sed est *motus* 1. *physicus*, 2. *judicialis* in iis, quorum peccata à Deo seu iusto Iudice puniuntur peccatis. 3. *directivus* ad objecta & fines certos, ut quum Eques equum, non Equitis vitio claudum, freno agit & dirigit quò vult.

XIII. Quum Calvinus ait c. 17. Sect. 11. Diabolum & omnes improbos nullum facinus concipere, moliri, & patrare, nisi quantum Deus permiserit, imò quantum Deus ipse *mandavit*, quippe qui ad obsequia Deo præstanda *cogantur*, nihil habet quod crimini illi impacto possit favere. 1. Quia nihil hic dicit *ἀπὸ γοῦν*, Parais est Scripturæ, dum ait Deum præcepisse Semeio, ut malediceret Davidi. 2. *mandatum* intelligitur non præceptionis moralis contra expressum Dei interdictum, Exod. 22. 28. sed partim *prædictionis propheticae*. 2. Sam. 16. 10. partim *arcane motionis*, & directionis in objecta, quibus Deo visum est. 3. *Coactio* illi non est, vel impulsio violenta, vel voluntatis, aut bonæ inclinatio ad mala, sed necessitas tantum infallibilitatis, quæ dependet partim *objective* ex naturali Diaboli & improborum malitia, partim *dispositive* ex Dei immutabili consilio. 4. locus malâ fide adducitur contra mentem Calvini, scopus enim ibi ejus est solari pios adversus formidinem & anxietatem, quâ premuntur, ut sciant non licere Diabolo, & impiis grassari pro arbitrio, sed eos potenti providentiæ freno ita cohiberi, ut in omnibus, licet frementes & frendentes, providentiæ Dei subsint, & furor eorum in salutem etiam fidelium convertatur; *Verum*, inquit, *ubi in memoriam revocant*, *Diabolum totamque impiorum cohortem sic omnibus partibus, manu Dei, tanquam freno cohiberi, ut nec concipere ullum adversus nos maleficium, neque conceptum moliri, nec ad perpetrandum si maxime moliantur digitum movere queant, nisi quantum illi permiserit, imò nisi quantum mandavit, nec compedibus tantum teneri ligatos, sed etiam ad obsequia præstanda freno cogi, habent unde se prolixè consolentur.* Quis verò non videt, aliud esse Deum Diabolos & improbos quasi freno coercere, ne concipiant & moliantur maleficia in pios; aliud verò, Deum eos cogere ad maleficium; Vult scilicet innuere eos cogi, non ad maleficium, quod sponte agunt, sed ad obsequium, ut malè agendo serviant consilio Dei, & voluntatem ejus præter suam mentem & voluntatem faciant.

XIV. Si Calvinus ait Deum operari in mentibus impiorum, & per eos tanquam per sua instrumenta ipsum, ut causam primam, facere ea omnia, quæ respectu hominum sunt & dicuntur vera peccata, lib. 1. c. 17. S. 5. & cap. 18. S. 1. 2. non debet propterea accusari, quòd *θεομαρτυρίαν* invexerit. 1. quia sequitur Scripturam, quæ non semel sic loquitur, ut antea visum. 2. Deus operari dicitur mala, sed non quàm mala *formaliter*, & in *abstracto*, sed in *concreto*, & *materialiter*, quatenus sunt opera, vel *judicialiter*, quatenus sunt iusta sua judicia. 3. quomodo Deus possit uti impiis ut instru-

strumentis, sine ulla tamen in ipso vitii labe ostensum est supra. 4. Calvinus ipse ita se exponit & vindicat, ut nullus criminationi locus superesse possit, Insti. lib. 2. cap. 4. Sect. 5. *Longo tamen discrimine semper distat id quod agit Dominus, ab eo quod Satan & impii moluntur. Ille mala instrumenta, quæ sub manu habet, & versare quolibet potest, servire iustitiæ suæ facit. Hi, prout mali sunt, nequitiam ingenii pravitatē conceptam effectui pariunt.* Et lib. de æterna Dei Prædestina. fule ostendit, Deum ita agere ut per ipsos etiam impios licet inscios & nolentes, quod ordinatum fuerat compleatur, nec tamen propterea vel ipsum esse ulli culpæ affinem, vel mala instrumenta non peccare. Sed clariùs adhuc mentem suam exponit in *Instructione adversus Libertinos* cap. 14. postquam enim dixit eos, ex eo quod Dei providentia dicitur efficere omnia, omnia permiscere, & non tantum cælum cum terra, sed & Deum cum Diabolo confundere, addit *id ita accidere, quod exceptiones duas valde necessarias minimè observent. Prior est, Satanam & iniquos non sic esse instrumenta Dei, quin ipsi etiam suas partes agant &c. Altera exceptio, cuius infelices isti nullam rationem habent, hæc est, magnam esse differentiam inter opus Dei, & opus impii, cum eo Deus vice instrumenti utitur. Impius enim suam avaritiâ, aut ambitione, aut invidiâ, aut crudelitate incitatur ad facinus suum, nec alium finem spectat. Ideo ex radice illa, id est ex animi affectione, & fine quem spectat, opus qualitatem sumit, & merito malum iudicatur. Sed Deus respectum omnino contrarium habet, nempe ut iustitiâ suam exercent ad conservandos bonos, gratiâ & bonitate suâ utatur erga fideles, malè autem meritos castiget. En quo pacto sit inter Deum & homines discernendum, ut hinc in eodem opere iustitiâ, bonitatem & iudicium ejus contemplemur: illinc Diaboli & infidelium malitiâ.* Vide etiam tr. de occulta Dei Providentia, ubi refutat calumnias nebulonis, qui doctrinam ejus tanquam impiam & blasphemam traducebat. Nec ablimiliter Beza de æterna Dei Prædestinatione, & in absterfione calumniarum Helhutii, qui Calvinii mentem, & suam clarè explicat: Loca consulantur apud utrumque. 4. Bellarminus non potest vitio vertere Calvino tales loquendi modos, cum ipse durioribus usus sit, quum Deum torquere, & flectere voluntates dicit in iis invisibiliter operando, ut supra notatum.

XV. Quum Martyr in Rom. cap. 1. dicit Deum esse aliquo modo causam peccati, & cap. 9. Deum quodammodo voluisse peccatum Adæ, ac ejus quædamtenus auctorem esse, sano sensu intelligendus est, non ut causa dicatur propriè, sed improprie & κατὰ ἁπορίαν, ut innuat adjunctum antecedens, vel causam sine qua non, vel ut notet tantum causam actionis, non verò malitiæ, quæ illi annexa est.

XVI. Quum Zwinglius de Provid. cap. 6. ita loquitur, *Nec dicat quisquam, innocens est latro: Deo enim impulsore egit, nam contra legem peccavit. At inquires: coactus est ad peccandum. Permitto inquam coactum*

Quæst. VIII. esse, sed in hoc, ut alter transferretur, & aliter crucifigeretur. Licet verba duriuscula sint si ad vivum refecentur; possunt tamen sanum sensum obtinere, si impulsio & coactio sumantur improprie pro efficaci & determinata motione non ad peccandum, sed ad agendum. Unde non dicit *latronem Deo impulsore peccasse*; sed tantum *egisse*, at aliud est agere, aliud verò peccare. Deinde non allerit proprie coactum esse, sed veluti per concessionem ait, *permisso coactum esse*, quod est largientis, sed non semper hypothelam approbantis.

XVII. Ex quibus, ne in aliis locis recensendis, vel indicandis immoremur, liquidò patet iniquissimè famam magnorum Virorum traduci, quasi Deum peccati authorem fecerint, cum constet ab istâ blasphemiam eos alienissimos fuisse, & eam solidissimè non semel refutasse, nec ex scriptis ipsorum, nisi per falsas & violentas consequentias tale quid elici queat. Sed iniquius adhuc Ecclesiis nostris blasphemiam istam sententiam tribui constat, quam Confessiones publicæ, & Scripta symbolica constanter rejiciunt & detestantur. Quæ verò pro calumnia ista pallianda ulterius petuntur, ex doctrina nostra de *Absolute Reprobationis Decreto* suo loco excussa sunt Lo. IV. Q. 14.

Q U Æ S T I O I X.

Quis sit usus, & abusus doctrinæ de Providentia?

I. **U**T multifariam erratur *theoreticè* circa Providentiam, ab iis, vel qui eam penitus negant, vel veram ejus naturam, & agendi rationem ignorant, aut corrumpunt, de quibus supra actum. Ita non minus periculose peccatur in eam *practice* ab iis, qui rectum & legitimum doctrinæ istius usum nesciunt, vel negligunt.

Peccatur in Providentiam quoad præterita, i. murmure.

2. desperatione.

II. *Peccatum* multiplex potest fieri, sive de præteritis, sive de futuris agatur. Nam quoad *præterita*, peccatur 1. *murmure*, quum peccatores fremunt adversus Dei Providentiam, & eam tanquam injustam criminantur; quod tribuitur impiis apud Ezech. c. 18. 29. & 33. 20. quasi immerentes plecterentur propter peccata aliena, cum tamen ipsi justissimas pœnarum causas in se deprehendere possent: quod piis etiam nonnunquam accidit per impatientiam carnis, quum vident impiorum prospera, & piorum adversa, Job. 21. 7. 8. Ps. 73. 2. 3. Jerem. 12. 1. Cui opponenda *submissio* humilissima, quæ vias Providentiæ ut sanctissimas adorat semper, qualescunque carni nostræ videantur, qualis in Jobo c. 1. 21. & 2. 10. In Davide Ps. 39. 10. In Eli 1. Sam. 3. 18. & aliis videtur. 2. *desperatione*, quum in malis desperabundi jacent, quasi actum esset de ipsis, nec ulla daretur spes restorationis, cujus exemplum in Caïno; Saule, Juda & aliis. Talis erat Plautinus ille ado-

adolescens, quasi fatis abreptus, desperatione se propiciens in exitium. *Insta- Quæst.*
bilis est, inquiebat, sors rerum, pro libidine fata agunt homines, res eram me IX.
ad scopulum, ut rem istic cum etate perduam. Cui opponenda est firma in
 Deum *fiducia*, quæ nos in mediis arumnis, & calamitatum decumanis flu-
 ctibus, quum omnia desperata à parte hominis & causarum secundarum vi-
 dentur, immotos & inconcussos reddit, qualis fuit Jobi spes, *Occidat me,*
in eum sperabo, Davidis fides Psalm. 23. 6. trium sociorum Danielis constan-
 tia, Daniel. 3. 16. 17.

III. Tertiò *scelerum excusatione*, quum peccatores flagitiis suis Dei Pro- 3. *Scelerum excu-*
 videntiam obtendunt, quia nihil fit nisi Deo volente & permittente: Cum satione.
 tamen hac cogitatione nihil sit iniquius. Nam licet peccata non fiant sine
 Dei Providentia, tamen nec Deus in consortium peccati venit, nec scelera-
 ti homines à culpa propterea eximuntur; quia non Dei voluntati, sed suæ
 cupiditati obsequuntur. Vera enim obedientia respondet voluntati revelatæ
 in Verbo expressæ, non verò arcanæ in Deo latentis: Paret ille Deo, qui de ejus
 voluntate edoctus, eò contendit, quò ab ea vocatur; Sed si quid adversus
 ejus mandatum delignant homines, non obedientia est, sed contumacia &
 transgressio; licet de cætero impleant voluntatem Dei occultam, quia Deus
 præter intentionem eorum, malis eorum operibus sapientissimâ, & justissi-
 mâ ordinatione suâ utitur ad exequenda sua judicia, ut supra dictum.

IV. Quoad *futura peccatur in Providentiam*, 1. *securitate & socordia*, quoad fu-
 ab iis qui contemptis proterve mediis à divina Providentia sapientissimè in- tura 1. *se-*
 stitutis, ignaviæ ac torpori suo in sanctissima hac doctrina latebras quærunt, curitate,
 & sub prætextu certitudinis eventuum à Providentia præstimatorum, socor-
 ritati carnali se mancipant, negligentes media ad sui conservationem & salu- dia.
 tem necessaria: Quasi certitudo finis tolleret mediorum necessitatem, & idem
 Deus qui eventum aliquem futurum præordinavit, non præfixerit etiam
 media hominibus, quibus ex Dei præcepto & voluntate utantur: Si vitam
 hominis certis terminis limitavit, curam ejus apud hominem deposuit, ejus-
 que conservandæ rationibus, subsidiisque eum instruxit, periculorum quo-
 que præscium fecit, ne incautum opprimerent, cautiones & remedia sug-
 gessit, quibus uteretur. Huc pertinet *temeritas* eorum, qui nimiam præfiden-
 tiâ, sine vocatione & necessitate pericula quævis adire non reculant, & cau-
 sis secundis, quæ præstò sunt, mediisque à Deo institutis uti nolunt, quod
 est Deum tentare. Quamvis enim possit non minus sine mediis, quàm cum
 mediis nos servare, quia tamen ad id, studium etiam & curam nostram in-
 tercedere vult ordinariè, non possumus sine crimine ea negligere, quæ ad
 usum nostrum, sive ad pericula præcavenda, sive ad mala depellenda insti- 2. *Anxie-*
 tuere voluit. 2. *anxietate & diffidentiâ*, quum solliciti sumus in crastinum tate & as-
 de victu & vestitu, rebusque ad vitam necessariis, quasi Deus non esset sidentiâ.

Quæst.
IX.

Pater providus, qui omnibus abundè prospiceret. Huc faciunt apprimè verba Christi, Matth. 6. 25. *Propterea dico, ne sitis solliciti anima vestra, quid esuri sitis, aut bibituri, neque corpori vestro, quibus indumentis usuri, nonne anima pluris est quam cibus, & corpus plus, quam indumentum?* ubi non omnem omnino suis curam vult eximere, liquidem eâ legè nati sunt homines, ut aliquid curæ sustineant, imò hæc non ultima pars est miseriæ, quas Dominus nobis in pœnam injunxit, ut nos humiliaret; Sed curam tantùm anxiam, & supervacuam sollicitudinem, quâ homines increduli, & gentiles se excruciare solent, damnat, quæ ex diffidentia Providentiæ oritur, quasi Deus otiosus in cælo dormiret, vel non prospiceret rebus humanis: Vult ergo fideles in paternam Dei curam & bonitatem recumbere, & ab eo tranquillè expectare, in legitimæ vocationis exercitio, quæcunque sibi necessaria esse sentiunt.

3. Nimiâ
causis se-
cundis ad-
hæsione.

VI. 3. *Nimiâ causis secundis adhæsione*, nam ut qui eas prorsus negligunt, Deum tentant, inquirentes, an Deus etiam sine mediis ipsos sit conservaturus; Non minùs etiam in eum peccant, qui illis nimium tribuunt, fiduciam suam in illis collocando, & certis quibusdam mediis, veluti clavo trabali affixi, nullum præ diffidentia Providentiæ divinæ locum relinquunt, exemplo Aîæ 2. Chron. 16. 12. qui in morbo non requisivit Jehovam, sed hætit Medicis. Licèt enim creaturas diligere & honorare debeamus, cùm Deus illas veluti in aliquam operis sui partem assumere non dedignatur; in Deo tamen solo confidere, illique inniti licet, tanquam sapientissimo & providentissimo Patri, qui suis nunquam deest tempore opportuno.

Uſus Pro-
videntiæ.

VII. *Uſus* verò istius doctrinæ longè uberrimus est, & præstantissimus, tum in asserenda Dei gloria, cui summæ sapientiæ, potentiæ, & bonitatis laus hic tribuitur; tum in fide nostra alenda, augendaque fiducia, quam ingruentibus ærumnarum procellis, Providentiæ persuasio, tanquam tutissima anchora in improbo hujus mundi salo firmat. Hic ergo *primum* hominis pii officium est, quoad *intellectum*, ut non solum ad Deum, ceu primam & primariam rerum omnium causam oculos attollat, persuasum habens nihil fieri fortuitò; sed omnia à sapientissima Dei Providentiâ dirigi; verùm & apud se reputet singularem & specialem Dei Providentiâ pro salute suâ excubare, sive cum hominibus, sive cum aliis creaturis illi negotium sit; quod docent non modò promissiones luculentæ Scripturæ Psalm. 34. 37. 55. 91. Zach. 2. 8. Isa. 26. 2. & 49. 15. Matth. 6. & 10. Luc. 12. 1. Pet. 5. 7. Sed & exempla Sanctorum, quorum vias à Deo custoditas passim recitat. Huc faciunt varia illa loca, quæ docent creaturas omnes sub Dei potestate esse, ut nihil sine ejus nutu aggredi possint, vel exequi.

Unde oritur
1. studium
sanctitatis.

VIII. 2. Ex hac Providentiæ Dei contemplatione, serium in fidei ori-
ri debet studium 1. *sanctitatis*, ut cautiore reddamur in vita quotidiana, quòd


quòd ubique versemur sub oculo Dei, qui nobis adstat semper proximus, *Qua 17.*
 & cujus præsentiæ nunquam, quicquid agamus, nos possumus subducere, *IX.*
 quia πέντ' ἐφορᾷ ὃ πέντ' ἐπαυξή. 2. *gratitudinis*, ut in prosperitate & re- *1. Gratitudo.*
 bus secundis non reti nostro sacrificemus, sed benevolam Dei providen- *dim.*
 tiam exosulemur, & grato animo veneremur, Ps. 115. 1. non nobis, sed
 Nomini ejus gloriam dantes, ceu primario benefactori, in cujus benefica
 manu versantur omnes causæ secundæ, sive sint homines, sive creaturæ
 inanimatæ Hos. 2. 21. 22. 3. *Patientia*, & *humilitatis* in adversis, exem- *3. Patientia.*
 plo Christi Luc. 22. 42. Josephi Gen. 45. 8. & 50. 20. Job. 1. 21. Davidis *114.*
 2. Sam. 16. 10. Ps. 39. 10. ut in omnibus quæ duriora nobis contingunt in
 Dei voluntate & Providentia sine murmure acquiescamus, quod ipsi Gen-
 tiles non ignorarunt; Hinc Seneca, epist. 107. *Ad hanc legem*, inquit,
animus noster aptandus, hanc sequatur, huic pareat, & quæcunque fiunt de-
buisse fieri putes, nec velis objurgare naturam; optimum est pati quod emenda-
re non possis, & Deum, quo authore cuncta proveniunt sine murmuratione
comitari. Malus miles est, qui Imperatorem gemens sequitur. Quare impigri
& alacres excipiamus imperia, nec deferamus hunc operis pulcherrimi cur-
sum, cui quicquid patimur intextum est. Et hoc eò libentius faciendum, quòd
 persuasos nos esse decet, hostium etiam crudelissimorum maleficia non nisi
 justa Dei dispensatione, & permitti, & immitti, quin etiam nec ipsum
 Diabolum in conflictum contra nos prodire absque Dei nutu, atque adeò
 omnia in bonum nobis *συνεργῶν* Rom. 8. 28. & pocula ista, quæ à tam
 amica manu propinantur, licet amara carni, spiritui tamen esse salubria
 Heb. 12. 11. 4. *resipiscentiæ*, nam ut beneficia Dei nos invitant ad grati- *4. Resipien-*
 tudinem, sic adversa sunt ejus flagella, quæ ad poenitentiam nos vocant *scentia.*
 Thren. 3. 38. Is. 45. 7. Amos 3. 6. Heb. 12. 9. 10.

IX. Denique ex fide Providentiæ maximum piis oritur *solatium*, & in- *2. Sola-*
 credibilis *animi tranquillitas*, quæ efficit, ut conquiescentes in Dei sinu, *tium.*
 & paternæ ejus curæ se totos commendantes, bene semper de eo in futurum
 sperent, non dubitantes, quin Patris officium erga eos sit semper facturum
 in bonis conferendis, & malis avertendis, exemplo Davidis 1. Sam. 17.
 37. Ps. 23. 1. 4. 6. Pauli 2. Tim. 4. 17. 18. Sub illius tutela, qui omnes
 creaturas ad nutum habet, nihil sibi metuendum esse intelligentes, dum
 in vocatione sua ambulant. Unde nec media securè negligentes, nec illis
 temerè confidentes, sed prudenter iis ex Dei præscripto utentes, devol-
 vunt omnem curam suam in Dominum, 1. Petr. 5. 7. & in omnibus per-
 plexitatibus suis semper usurpant illud Patris credentium *יהוה יראו*
Dominus providebit.

LOCUS SEPTIMUS DE ANGELIS.

QUÆSTIO PRIMA.

An, & quando creati sint Angeli?

I.  T inter Creaturas, circa quas Dei Providentia versatur, excellunt Angeli, quorum dignitas eò maior, quò magis accedunt ad Divinam naturam, & ab omni materiæ compage sunt immunes, eorum Theoria cæteris rectè præmittitur.

Nomina
Angelo-
rum varis,
a natura,
a virtute,
& dignit.
te, ab offi-
cio.

Dari An-
gelo: pro-
batur.

II. *Nomina* eorum, ut de illis aliquid in antecessum dicamus, varia sunt in Scripturis; Alia ὡς ὄν, a natura eorum petita, quale est nomen πνεύμα & Spiritus; Alia ἐκείνων a virtute, potestate, & dignitate, quâ sunt præditi, qualia sunt nomina Seraphim & Cherubim, & nomina Thronorum, Dominationum, Potestatum, de quibus postea; Alia γεννα & relativa ad officium, quod ipsis demandatum, quale est nomen Angeli, quod legatum, & missum, seu nuncium significat, & nomina πρέσβητων λειτουργικῶν spirituum administratorum Heb. 1. 14.

III. Dari Angelos, quicquid olim Sadducæi dixerint, & dicant hodie Pseudo-Christiani, quieorum vestigia premunt, multa probant. 1. *gradus Entium, & complementum Universi*; Ut enim in eo Deus creaturas merè corporeas condidit, quæ in sensus incurrerent, ut corpora; alias, partim corporeas & visibiles; partim spirituales & invisibiles, quales sunt homines; ita conveniens fuit ad perfectionem mundi creari merè spirituales, quales sunt Angeli. 2. *experimenta varia petita ab effectis mirandis*, quæ vires humanas superant, ab *Oraculis* apud Gentes editis, ab apparitione *spectrorum*, ab *enigmatibus*, linguis peregrinis loquentibus, qui cum à Deo proficisci non possint, nec in homines illos convenirent, malos genios authores produnt; Qui si existant, etiam bonos existeri non negari debet, cum ipsi saltem ab initio boni esse debuerint. 3. *Scriptura vox*, quæ passim hoc tradendo, apodicticum & omni exceptione magis nobis suppeditat argumentum.

IV.

IV. Cum verò toties in libris Moſis, & univerſâ Scripturâ eorum mention fiat, mirum videri poteſt, quo pacto Sadducei, qui libros Moſis recipiebant, potuerint in illum errorem incidere, ut negarent dari Angelos Act. 23. 8. dicentes, *nec Angelum, nec Spiritum eſſe*: Hinc factum, ut quidam hoc abſolutè intelligendum eſſe nolint, ſed referendum tantùm ad Angelos *παρίδρυς* appoſitos cuſtodes ſingulis hominibus. Sed meliùs alii putant, ipſos cluſile loca Scripturæ, vel per Angelos, de quibus ibi agitur, intelligendo qualitates à Deo productas in imaginatione ejus, quem de realiqua voluit docere; Vel concedendo quidem Deum produxiſſe ſpiritus, quando eorum operâ uti voluit, ſed poſtea eos legatione geſtâ cum corporibus ſuis rurfus evanuiſſe.

V. Angelos non eſſe Deo coæternos, ut volebant Peripatetici; ſed à Deo creatos, non modò ratio probat, quæ alia omnia à Deo, ut ſummo Ente, per participationem Entia eſſe evincit; Sed Scriptura expreſſè aſſerit, 1. in genere, quando cælum & terram, & proinde quotquot in eo ſunt, creati à Deo aſſerit Genes. 1. 1. 2. in ſpecie, quum *perfectos fuiſſe cælos, & omnem exercitum eorum* dicit Genes. 2. 1. nihil verò eſt familiarius Scripturæ, quàm quod Angeli *cæli exercitus* vocantur Psalm. 103. 20. 21. & 148. 2. Luc. 2. 13. Unde Deus dicitur *Zebaoth*, ſeu *Exercituum*; maximè ab Angelis, qui ipſum circumſtant Dan. 7. 10. Nec dicere poſſet David Pf. 104. 4. & poſt eum Apoſt. Heb. 1. 7. Deum facere *Angelos ſuos ventos, & miniſtros ſuos ignem flammantem, & eſſe ſpiritus miniſtratorios*, qui mittuntur ad ſalutem fidelium ꝑ. 14. niſi à Deo creati eſſent.

V. 3. Paulus clariffimè hoc adſtruit, Coloff. 1. 16. 17. quum ait *Per Chriſtum condita eſſe omnia, quæ in cælis ſunt, & quæ in terra; viſibilia, & inviſibilia, ſive thronos, ſive dominia, ſive imperia, ſive poteſtates, omnia per ipſum condita eſſe*. Ut enim per viſibilia creaturas omnes corporeas, ſive cœleſtes, ſive ſublunares complecti voluit: Ita per inviſibilia creaturas ſpirituales & intelligentes, puta Angelos denotari certò certius eſt.

VII. Creati autem ſunt Angeli, non ante principium Moſaïcum, ut *in principio Moſaico* vellent Sociniani, & non pauci ex Veteribus, præſertim Græcis Patribus, ut Chryſoſtomus, Nazianzenus, Baſilius, & alii citati Voſſio lib. 1. de orig. Idol. c. 17. quibus ſuffragantur ex Latinis Hiero. commen. in ep. ad Titum, & Ambroſius lib. 1. cap. 5. Hexaem. quanquam non deſint, qui eos volunt, non tam de principio Moſaïco loqui, quàm quòd in principio ante cæteras creaturas conditi fuerint, ut ipſorum ſententiam explicat *Damaſcenus* lib. 2. de Ortho. fid. cap. 2. Sed in ipſo mundi principio cum cæteris omnibus creaturis.

QUEST. VIII. Rationes sunt. 1. quia principium Mosaicum est principium;
 I. & temporis, & omnis Creaturæ, ante quod, ex stylo etiam Scripturæ,
 nihil concipi potest præter abyssum æternitatis. Ergo illi principio non
 potuerunt præexistisse Angeli, quin extiterint ab æterno. 2. Quia quic-
 quid fuit ante mundum, id est Deus, quia hæc prærogativa illi vendica-
 tur in Scriptura Ps. 91. 2. Proverb. 8. 22. Johan. 1. 1. 3. Quia Moses
 disertè dicit, *In principio Deum creasse cælum & terram*, hoc est, & illa
 corpora, & omnia quæ in cælo & in terra continentur; In principio sci-
 licet temporis, & creationis, ut exprimit *Lyræus*. Ergo Angeli ante
 illud principium creati non fuerunt, quod evidentius asseritur Exod. 20.
 11. *Sex diebus perfecit Deus cælum & terram, & quicquid est in iis*. Er-
 go & Angelos.

IX. Quamvis Moses Creationis Angelorum expressè non meminerit;
 non propterea sequitur planè de illis siluisse, cùm, ut dictum est, eos sub
 exercitu cælorum, vel sub luce primigenia, vel sub cælo & terra com-
 plecti potuerit. Causa silentii Mosis, non fuit, vel ingenium Israëlita-
 rum φιλειδωλον ad idololatriam propensissimum, quia sic nullam pariter eo-
 rum mentionem facere debuisset in libris suis, quod tamen facit læpissimè;
 Vel tarditas populi, cui attemperatâ scriptione originem aspectabilis mun-
 di proponere voluerit, siquidem Israëlitis traditione saltem majorum, non
 erant ignoti Angeli, nec opus fuit rudi populo naturam Angelicam fusè
 exponere, sed ejus tantùm originem proponere. Sed scopus Mosis, cui
 propositum fuit historiam Ecclesiæ texere, & ejus initium ab initio mundi
 repetere, ideo originem mundi, ex quo Ecclesia originem ducit, deli-
 neare satis habuit, de Angelis etiam non silendo subinde, prout postula-
 bat instituti in adornanda Ecclesiæ historia ratio; simili ferè modo, quo in
 historiis Regnorum, non fit semper mentio accurata originis vicini re-
 gni.

Job. 38.
6. 7.

X. Locus Jobi 38. 6. 7. in quo stellæ matutinæ, & Filii Dei dicun-
 tur jubilasse, cùm fundaret terram, evincit quidem creatos fuisse in prin-
 cipio, & statim in laudes Creatoris sui erupisse. Sed nihil ex illo habe-
 tur, unde colligi possit, eos longè ante principium Mosaicum conditos
 fuisse. Imò cùm exinde constet eos esse partem quandam Universi, ratio
 dari non potest, quare pars illa à toto suo per tot secula manserit separata;
 Et quid opus fuerit spiritus istos ministratorios tanto temporis intervallo
 creare, antequam essent ad quos mitterentur, quibusque ministrarent.

QUÆSTIO II.

QUÆST.
II.

An Angeli sint substantiæ spirituales & incorporeæ? Aff.

I. **D**Uæ sunt circa hanc Quæstionem Theologorum sententiæ, Prima, quæ negat Angelos esse meros spiritus, materiæ omnis expertes. Altera quæ affirmat. Primam secuti sunt varii ex Patribus post Platonicos, qui propria sua corpora Angelis tribuebant, quales sunt *Tertull.* lib. de Carne Christi, & contra Praxeam. *Aug.* lib. 15. de C. D. c. 23. & tom. 3. de Trini. l. 2. c. 7. *Bernar.* in Canti. Sermon. 5. *Autor libri de Eccle. dogma.* qui in tom. 3. operum *Aug.* reponitur c. 19. qui aperte definit Angelos esse corporeos; quos *Vorstius* sequitur *Apol. exeg.* cap. 7. Secunda verò communis est, & recepta tam apud Pontificios, quam apud Nostros, quam retinemus.

II. Primò, quia Scriptura expressè vocat eos πνεύματα, quorsum autem vocarentur *Spiritus*, si corporei essent, cum spiritus corpori è diametro opponatur *Luc.* 24. 39. *Spiritus carnem & ossa non habet*, inquit Christus, *sicut videtis me habere.* Eadem de causa referuntur inter τὰ ἀόεστα *Col.* 1. 16. & hæc modo ab omnibus Dei operibus, quæ in sensus incurrunt distinguuntur: Licet autem ventis & flammæ ignis comparentur; non ideo corporei dicendi sunt; aliàs corpus esset tribuendum Deo, qui se istis adumbrare voluit sæpe similitudinibus; sed analogicè ita dicuntur, ut constet eos esse intar ventorum, & fulguris, velocissimos Dei nuncios.

III. Secundò, Quia illis tribuuntur facultates & operationes spirituales, quæ à natura corporea proficisci nequeunt, quales sunt intellectus & voluntas, & actus qui ab illis eliciuntur; quæque ideo causam spirituales, & immaterialem necessariò postulant. Tertiò, quia si essent corporei haberent quantitatem, atque adeò impenetrabiles essent, nec plures simul in eodem loco esse possent, quod fit tamen, quia *legio demonum* dicitur fuisse in uno *Ennergumeno* *Luc.* 8. 30. Quartò, quia si corpora jam haberent, non possent nec deberent alia corpora assumere, quod constat tamen sæpe ipsos facere, quum se videndos præbent in assumptis corporibus.

IV. Quamvis verò spirituales dicantur, non censendi sunt tamen, absolutà & summâ simplicitate gaudere, quæ soli Deo competit, à qua infinitum distant, non quòd ex materia coalescant, sed quia accidentibus subjiuntur, & sic in iis distinguuntur semper genus & differentia, potentia & actus, subiectum & accidens.

V. Corpus vel opponitur umbræ, seu φάσι, & phantasmati, & notat *Fomes* rem verè existentem, vel propriè notat id quod materiale est, & ex partibus

Quant. 11. quantitativis compositum: Priori sensu Deo tribuitur corpus à Tertulliano; & sic Angeli possent dici corporei, sed valde *αίτιως*. Vel Corpus dicitur de eo omni, quod qualicunque ratione est compositum, & mutabile, & sic omnis substantia creata potest dici corporea, respectu Dei, qui est simplicissimus, & immutabilis; Ita *August.* tom. 3. in lib. de Sp. & Ani. c. 18. *Anima*, inquit, *respectu incorporei Dei est corporea, nihil invisibile & incorporeum naturā credendum est prater solum Deum, qui ex eo incorporeus & invisibilis dicitur, quia infinitus & incircumscribitur*. Sic Damasc. lib. 3. c. 3. intelligit *μόνον ὃ ὅτις αὐτοῦ πρὸ θεοῦ ἐστὶ ἡ ἀσώματις*: Sic conciliant Scholastici dicta Patrum, ut Angelos spiritus vocarint respectu nostri, sed corpora respectu Dei; Quod emolliret quidem eorum sententiam, sed *αἰσχρολογίαν* tamen, & errorem planè non tolleret.

VI. Apparitiones Angelorum, in quibus videndos se præbuerunt hominibus, non evincunt eos esse corporeos, quia non in propriis, sed in assumptis corporibus apparebant. Unde visibiles & tactiles erant, non per se, sed per accidens tantum: qualia verò fuerint illa corpora, postea videbitur.

VII. Licet Angeli dicantur esse in certo ubi, seu loco; Non sequitur propterea eos esse corporeos, quasi sola corpora possint dici esse in loco, & res spirituales non possint aliter dici alicubi, quàm efficaciter agendo, ut pertendunt Philolophi recentiores. Quia confunditur perperam *ubi circumscripturum*, quod solis corporibus competit, cum *definitivo*, quod spiritibus convenit; Nec statim negari potest aliquid esse alicubi, licet non coëxtendatur spatio in quo est. Imò tam necessarium est illud omne quod est, alicubi esse, ut bene dictum fuerit, illud non esse, quod nūspiam est, quia ut rectè *August.* de ani. immort. c. 1. *quicquid est, nusquam esse non potest*, quicquid enim finitum est, seu ipso quod est tale, debet certo suo ubi definiti, ut ita hic sit, ut non sit alibi. Nec hic *præsentia virtualis à substantiali* divelli potest, cum illa istam necessariò supponat, tanquam suum principium: Nam ut operari supponit esse, ita causa omnis ibi esse debet, ubi operatur. Quamvis verò Angeli præsentia à posteriori cognoscatur ex ejus operatione, non sequitur totam rationem præsentia in sola operatione consistere, cum non necesse sit semper illum operari, saltem ad extra. Nec absurdus est Angelum per essentiam esse alicubi, quàm per operationem, cum utraque sit spiritualis. Licet autem inter spiritum & corpus nequeat concipi contactus, bene tamen possumus intelligere dari inter eam relationem, ut inter duo sibi mutuò coëxistentia, quod sufficit ad fundandam rationem præsentia seu ubi etatis in spiritu. Ut ut ergo Angelus per essentiam non habeat relationem ad locum, quasi illum occupet, & illi coëxtendatur, non definit tamen habere *ἔξωθεν* ubi, in quo est per essentia suæ finitudinem, indivisibiliter, & absque sui extensione.

VIII. Non melius ex *motu Angelorum* eorum corporeitas colligitur. *Quæst.* 11.
 Quamvis enim motus localis propriè competat corporibus, in quibus est movens, & motum: Non repugnat tamen dari, si non loci, saltem tñ ubi definitivi mutationum in entibus finitis quibuslibet, quando uno ubi relicto, acquirunt aliud. Nec opus est propterea quantitate vel dimensione propriè dicta, quia licèt locans sit divisibile & extensum, locatum tamen manet semper indivisibile, & virtualiter tantum spatio potest dici utcunque coextendi, per intrinsecam essentia definitionem. Frustra verò hinc à nonnullis obtenditur, Angelo motum adscribi non posse, nisi quatenus operationem mutat; quia cum non possit operari nisi ubi est, non potest mutare operationem, sine substantialis sui ubi mutatione. Quod Scriptura clarè innuit, quando de adventu, vel abitu Angelorum loquitur, eorumque apparitionibus; Siquidem non potuerunt in terram descendere, quin cælum relinquerent, nec cælum repetere, quin à terra recederent, & sic ubi suum præcedens mutarent; aliàs essent ubique.

IX. Quamvis *ignis æternus* dicatur paratus Diabolo & Angelis ejus Mat. 25. 41. Non sequitur Angelos esse corporeos; Quia non necesse est ignem intelligi materialem & corporeum; sed spiritualem, & figuratum ad exquisitissima inferni tormenta describenda; ut vitæ æternæ gaudia sub rerum jucundissimarum & suavissimarum symbolis solent adumbrari.

QUÆSTIO III.

DE COGNITIONE ANGELORUM.

Qualis sit modus, & quale objectum cognitionis Angelicæ?

I. **N**on quæritur, An Angeli intelligendi virtute sint præditi; hoc *Status* enim in consensu est apud omnes, & vel solum nomen *Intelligentiarum*, quod ipsis ob eximiam ipsorum cognitionem tribuitur, *Quæstio- nis.* satis evincit. Sed *quomodo*, & *quid* intelligant, sive quisnam sit *modus*, & quodnam *objectum* eorum cognitionis. Nam ut prius à nemine negatur: Ita posterius à nullo perfectè cognoscitur; nec Scripturâ tacente, nobis temere definiendum. Ideo, nullis Scholasticorum vanis & curiosis quæstionibus, qui volunt *impugnare eis à præiudicium*, sobriè nobis hic ex Verbo sapiendum.

II. *Cognitio Angelica* quadrifariam potest in genere distinguere, in *naturalem*, *revelatam*, *experimentalē*, & *supernaturalem*. 1. *Naturalis* est, quæ à principio creationis Angelis fuit indita, quæ tam bonis, quam malis fuit

Quæ 1. fuit communis. 2. *Revelata*, per quam ex revelatione Dei multa norunt, quæ antea ignorabant, ut Daniel. cap. 9. revelatur Angelo Gabrieli mylterium 70. hebdomadum, & in Apocalypsi multa revelantur Angelis à Deo, ut hominibus annuncient. 3. *Experimentalis*, & acquisita, quæ oritur ex rebus quæ fiunt in mundo, & præsertim in Ecclesia, de qua Ephes. 3. 10. & Luc. 15. 10. 4. *Supernaturalis*, quæ est tantum Angelorum bonorum, quæ donati sunt à Deo in confirmatione, per quam ita perfecte Deum intuentur, ut ipsi constanter adhæreant, nec ab eo deficere in æternum velint.

Objecta cognitionis Angelica non sunt omnia.

III. *Objectum* cognitionis Angelicæ 1. κατ' ἀπορίαν, non sunt omnia, 1. quia Christus testatur eos ignorare diem judicii, Marc. 13. 32. 2. quia multa quotidie discunt ex revelatione, quæ antea ignorabant Eph. 3. 10. unde dicuntur Petr. 1. c. 1. 12. desiderare in mylteria Evangelica ἀποκρύφαι, id est ex magno mylterium pietatis cognoscendi studio, sese demittere, & caput veluti inclinare, alludendo ad Cherubinos Arcæ, quorum oculi versus Propitiatorium spectabant Exod. 25. 20. 3. quia Deo soli, qui est Ens infinitum, omniscientia competit; Creaturarum verò omnium quarum essentia finita est, finita etiam debet esse cognitio, & certis limitibus circumscripta. Licet verò Deum omnia videntem videant Angeli, non sequitur eos in essentia Dei omnia videre; quia cum Deus sit agens voluntarium, non exhibet necessario res omnes eorum aspectui, sed tantum prout vult, vident ergo quantum Deus vult eos videre; Ita qui Solem videt omnia lustrantem, non statim videt omnia.

non futura contingensia.

IV. 2. *Non futura contingentia*, quæ à libera Dei voluntate pendent, quæque à Creaturis non nisi ex ejus revelatione sciri certò possunt, quia Deus illorum cognitionem, tanquam sibi propriam, & aliis incommunicabilem, tribuit. Isa. 41. 22. 23. & 42. 8. 9. & 44. 7. 8. Quia intellectus creatus non potest prædicere futura, nisi intuendo in causas ex quibus oriuntur: at futura contingentia, causas definitas nullas habent, ideo ab intellectu creato proprio lumine pervideri nequeunt. Nec si Angeli nonnunquam futura prædixerunt, sequitur illa cadere sub eorum notitiam naturalem, quia hoc potuerunt præstare, vel ex revelatione divina, quæ illis hæc aperuit, ut hominibus patefacerent, vel ex merâ conjecturâ, ut in Angelis malis, quæ ut plurimum fallax deprehenditur, ut constat ex oraculis Gentilium.

non Corda.

V 3. Non cognoscunt corda, quia hoc Deus sibi servavit, Jerem. 17. 9. 2. Paral. 6. 30. scilicet *in se ipsis*, & *immediatè*; quamvis in suis effectis, & signis externis possint cogitationes eorum utcunque assequi. Possunt quidem phantasmata circa quæ versatur intellectus deprehendere; sed quodnam sit mentis judicium de illis phantasmatibus, immediatè, & per se non possunt cognoscere, quod solius Dei est proprium.

Sed Deum.

VI. Κατὰ θέαν, 1. cognoscunt Deum & res divinas, non quòd Essentiam Divinam comprehendant, quia finitum non capit infinitum: sed quatenus

tenus Majestatis ejus & gloriæ radios quadatenus apprehendunt, quantum ^{Quæst.} potest ferre creaturæ infirmitas, unde dicuntur *videre continuo faciem Dei* ^{III.} *in cælis* Matth. 18. 10. 2. *se ipsos, & homines*, quia nisi hoc esset, minoris perfectionis essent, quàm homines in intelligendo, qui se ipsos & alios cognoscunt, nec possunt hominum curam gerere, & circa eos castramentari, nisi eos nossent. 3. *alias creaturas* à Deo conditas, tam cœlestes, quàm sublunares, tam universales, quàm singulares, quantum quidem fert eorum natura, longè perfectiùs hominibus.

VII. Sed difficilius est *modum* cognitionis Angelicæ capere, circa quem ^{Quis sit} *acres & anxie* sunt Scholasticorum quæstiones, quas illis relinquentes, pau- ^{modus co-} *cis tantum* notamus. 1. *Cognitionem* Angelicam esse tantum *intellectivam*, ^{gnitionis} *Angelica.* non *sensitivam*, quæ organica est, & ad corpora duntaxat, quibus carent Angeli pertinet; Unde ut nullus actus corporeus propriè ipsis tribuitur; Ita nec egent organo corporeo, aut sensibus externis, quos ut fenestras objectis aperiant. 2. Angelos non intelligere *per suam essentiam*, quia sic essentia Angelica omnia containeret, & esset omnium imago, & causa, quod soli Deo infinito competit; sed per certas species & ideas, seu similitudines rerum, partim ingenitas & insitas à prima creatione rerum, quas naturaliter cognoscunt, partim acquisitas, rerum quas norunt, vel ex Dei revelatione, tales ideas ipsorum intellectui offerentis, vel ex experimentis, per species ex rebus ipsis abstractas. Licet autem nobis non liqueat, quomodo tales species, seu imagines abstrahere possint à rebus, cum sensibus externis destituantur, non ideo negandum est hoc ab ipsis fieri; Nec obstare quicquam videtur, quominus habeant vim abstrahendi imagines à rebus, & eas intellectui suo representandi, quod vel ex eo colligitur, quòd in colloquiis Sanctorum voces eorum percipiunt & illis respondent. Quamvis verò Angelum cetera intelligere dicamus per imagines, non putamus tamen eas requiri ad sui cognitionem, quæ potest fieri immediatè per suam essentiam; Non quòd Angeli intellectio sit sua ipsius essentia, cum nulla substantia constitutur in esse substantiæ per suam operationem, & semper distinguenda sit causa ab effectu, & intellectiois principium ab ejus actu & exercitio, sed quia essentia Angeli est ratio & principium cognoscendi se ipsum sine ulla specie intelligibili superaddita, quia cum sit actu intelligibilis, & intimè præsens intellectui Angelico, nullà opus habet imagine ad sui intellectioem.

VIII. 3. Non est etiam cognitio *intuitiva*, & *noëtica*, sed *dianoëtica*, & *discursiva*, quia solius Dei est cognoscere intuitivè, quia immediatè res ipsas in essentia videt, nec ullo opus habet discursu, ut unum ex alio colligat; Sed Creaturæ omnes, quæ finitæ sunt, & ab imaginibus pendent, non possunt intuitivè res pervidere; Non ergo simplici & momentaneo intuitu Angelus omnia perspicit, sed modo discursui nostro analogo, sed

Quæst. longè perfectiori, non languenti, imperfecto ac obscuro, qualis est no-
III. ster, sed perniciosissimo & acutissimo.

IX. Dari mutuam inter Angelos communicationem Scriptura testatur, quum loquitur de colloquiis Angelicis Zach. 2. 3. & alios ad alios clamantes inducit, If. 6. 3. Apoc. 7. 2. & 14. 18. Sed qualis sit illa, & quomodo fiat, nec Scriptura tradit, nec quisquam mortalium potest affirmare, quicquid Scholastici hic de *loquela Angelorum* temerè garriant, ac si ipsos loquentes audivissent; dum alii volunt in intellectu Angelico fulgere cogitationem ejus velut in speculo, alii imprimi intellectiōem Angelicam ab Angelo alterius intellectu, alii voluntate regi & revelari secretum, quod sola voluntate clauditur. Sed hæc omnia curiosè quærantur, & temerariè definiuntur: Nobis satis est πὶ ὧν sive rem tenere, licet πὶ πῶν, seu *modum* ignoremus, quò pertinent ista Damasceni lib. 2. c. 3. de Angelis loquentis, ἡ γλῶσσις ἢ ἀγγελικὴ δέεται, ἀλλ' ἀνευ λόγου περιφορικῶς μεταδιδόσκει ἀπ' ἑαυτοῦ τὰ ἰδία νοήματα καὶ βιβλύματα. Quod verò Apostolus 1. Cor. 13. 1. dicit de linguis Angelorum, *Si ego linguis hominum, imò & Angelorum loquerer*; non huic pertinet, quia loquitur hyperbolicè, & ex hypotheti ad majorem emphasim, ut notet *linguam excellentissimam & disertissimam*, quales essent linguæ Angelorum, si loquerentur; quomodo *facies Angelica* vocatur ea quæ pulcherrima & augustissima est Act. 6. 15. & *panis Angelorum*, Psalm. 78. 15. pro exquisito & optimo ponitur.

Q U Æ S T I O . IV.

Qualis Voluntas, & liberum Arbitrium Angelorum, & An affectus in eos cadant?

I. **I**ntellectionem Angeli sequitur *Voluntas*, quæ liberrima est, & longè perfectior hominum voluntate, quæ passionibus & motibus corporis sæpe turbatur, qualis verò ejus sit ratio, nec Scriptura docet, nec multùm refert cognoscere.

II. Hoc certum, Voluntatem eorum nec esse *independentem*, quia Deo semper subest, nec *operativam*, quasi sola voluntate agerent, quia operari per meram voluntatem, & jussionem potentissimam ad solum Deum pertinet; Creaturæ verò omnes præter voluntatem, egent potentiâ, quæ sit principium effectivum operationum ad extra, & quæ realiter influat in effectum; Sed esse liberrimum volendi principium, ex quo actus multiplices & varii pro ratione objectorum sponte eliciuntur, juxta dictamen intellectus practici.

III. Ex utraque autem facultate liberum eorum exurgit Arbitrium,

cujus Angeli participes sunt, & quidem nobiliori, quàm homines modo. *Quæst. IV.*
 Istud verò, quamvis ab initio indeterminatum fuerit ad bonum & ad malum, postea in bonis quidem ex Dei confirmatione determinatum est tantum ad bonum, in malis verò ex eorum peccato, justa Dei desertione ad malum tantum.

IV. Ut nulla est in Angelis cognitio sensitiva; ita nec appetitus sensitivus, nec affectus, seu *πάθος* propriè ipsis competunt. Licet ergo Scriptura illis aliquando eos tribuat, ut quum dicuntur amare Deum, odisse malum, gaudere de nostra relapscentia & salute, contrà verò tristari nostris peccatis, & dolere calamitates nostras; Tales affectus *propriè dicti*, quibus nos in hac mortalitate obnoxii sumus in Angelis fingendi non sunt, qui sedem habeant in subjecto quodam *συναισθητικῷ*, vel *ἡθροσυναισθητικῷ*; Sed *analogicè* tantum, quia semoto perturbationum æstu, in simplici rectæ voluntatis actu positi sunt, qui naturæ ipsorum spirituali convenit, quo vel diligunt, vel averfantur bonum, vel malum, & de eo lætantur, vel contristantur; eodem ferè modo, quo iidem affectus Deo solent *αἰσθητικῶς* tribui, qui tamen *ἡθροσυναισθητικῶς* debent intelligi.

QUÆSTIO V.

Quænam sit Potentia Angelorum?

I. **P**ost explicatum Angelorum agendi *principium directivum*, & *imperativum*, sequitur *executivum*, quod ad *potentiam* refertur. Quam magnam esse in ipsis, non Scriptura solum testatur, quum eos *valentissimos robore* vocat Ps. 103. 20. & contradistinctè à *carne & sanguine*, prout infirmitatem notat, *Imperia & potestates* Eph. 6. 12. imò & *δυναμεις*, & *Angelos potentes* 2. Thess. 1. 7. sed & effecta mira & stupenda quæ ab ipsis producuntur, satis evincunt.

II. Quantacunque verò sit ista potentia, maxima omnium creaturarum, *Qualis sit finita* tamen est, & certis limitibus circumscripta, ut licet multa possint, *potentia Angelorum.* non possit tanen omnia; hæc quippe *παντοδύναμις* soli Deo omnipotenti competit; Sed ea tantum quæ non superant naturæ creatæ ordinem, & vires. Possunt ergo Angeli agere supra ordinem naturæ particularis; Sed non supra ordinem naturæ universalis. Possunt quæ superant captum humanum, & quæ nobis mirabilia videntur; Sed non *miracula* propriè dicta, quæ superant vim totius naturæ creatæ, solus enim Deus est miraculorum author, qui facit mirabilia magna solus Ps. 71. 19. quia virtus infinita ad ea requiritur: Et si quando Deus usus legitur Angelorum operâ ad ea patrandâ, fuerunt tantum instrumenta moralia, ad quorum præsentiam Deus ope-

Quæst. V. rabatur, non verò causæ propriè dictæ, quæ ad ea concurrerent physico & reali influxu.

Quid possint in corpora.
In animas.

III. Quoad corpora non dubium est, quin plurimum possint in corpora elementaria & sublunaria quælibet, ad ea localiter movenda, & agitanda diversimodè. Certum etiam posse eos agere in sensus externos, & internos, ad eos excitandos, vel ligandos; sed quoad animam rationalem, nihil possunt immediatè in ipsam, quia ad Deum solum, qui corda novit & scrutatur, & qui ea in manu sua habet, pertinet etiam ea flectere & movere quòcunque voluerit, sed mediate tantùm per phantasmata, vel per π̄ *ὑμῶν*, & π̄ *ἐμῶν*, non effectivè, & physicè, aliquid in eam infundendo, vel efficaciter operando, sed objectivè, & moraliter, phantasmata objiciendo, & affectus excitando & commovendo, quibus voluntas ad hoc vel illud præstandum impellitur, si non per infallibilem persuasionem; at per potentem suasionem, quæ ut plurimum effectum suum sortitur in hominibus propter eorum corruptionem.

Eph. 2. 2.

IV. Si Diabolus dicitur ἐμψυχῶν in filiis rebellionis Eph. 2. 2. hoc ita non intelligendum, quasi immediatè in animam ipsam rationalem operetur, sed quia diversimodè agit in sensus externos & internos, per suggestiones & tentationes malas, in phantasiam per objectorum propositionem, in concupiscentiam per affectuum excitationem, & irritationem. Nec si idem verbum usurpatur respectu operationis Spiritus S. agentis immediatè in corde nostro, dum dicitur ἐμψυχῶν velle & perficere Phil. 2. 13. sequitur eundem omnino esse sensum respectu Diaboli, quoad principium, & modum, cum Dei operatio longè differat ab operatione Diaboli; sed tantùm quoad eventum, qui non tam oritur ex virtute Satanæ, qui non potest ulterius agere, quàm per suasionem, quæ inefficax esset, si homo illi resistere vellet, quàm ex prava subjecti dispositione, quod sponte sua ad malum ruit, instigante Satanâ. Nec si Satanæ dicitur replevisse cor Anania Act. 5. 3. immediatè in illud agere debuit; hoc enim potuit per objectorum propositionem, & concupiscentiæ irritationem, quæ ita cor ejus incendit, ut ad eam explendam non dubitarit in Spiritum S. impiè mentiri. Ita dicitur intrasse in cor Judæ Joh. 13. 2. non subeundo animam rationalem, sed in animam sensitivam, & affectus sese insinuando, unde cor ipsum oppugnare & expugnare potuit.

Act. 5. 3.

Joh. 13. 2.

Quæ possint substantias producere?

V. Quoad productionem substantiarum, licet occasionaliter & dispositivè possint ad eam concurrere per excitationem causarum, applicando activa passivis, non possunt tamen propriè & physicè quicquam producere, quia cum duo tantùm sint productionis modi per creationem, & per generationem, neuter in eos cadit. Non prior, quia ad eum virtus infinita requiritur; Non posterior, quia cum sint incorporei, non sunt generationis capaces. Qui hic Angelos voluerunt fingere sexu discretos, ex quibus Gigan-

tes, & alii geniti sint, quæ fuit variorum ex Judæis sententia, ut *Iosephi* lib. *Quæst.*
1. Antiq. cap. 4. & Philonis de Gigantibus, quam ex Judæis plurimi Chri-
 stianorum hauserunt; vel sola Christi autoritate sufficiens refelli possunt,
 dum ait beatos in resurrectione fore *ἀγαλλῶντες*, qui nec uxorem ducunt, ne-
 que nuptui dant *Matt. 22. 30.* Quod verò ex *Gen. 6. 2.* petitur ad erroris *Gen. 6. 1.*
 illius confirmationem de *Filiis Dei, qui accepisse dicuntur uxores ex filiabus*
hominum, qualiscunque Veterum fuerit sententia, quam rectè *Pererius* in
 h. l. falsam & pudendam judicat, non potest huc referri, quia *Filii Dei* eo
 loco non alii sunt, quàm *posteris Sethi*, qui ob retentum adhuc puriorem Dei
 cultum, hoc Filiorum Dei nomine à *posteris profanis Caini*, ceu *filiis homi-*
num discriminantur.

VII. Cùm à privatione totali ad habitum non detur regressus naturali- *An possint*
 ter, *Suscitatio morui* opus est quod superat virtutem Angelicam, & solius *suscitare*
 Dei proprium est. Et si quæ afferuntur exempla à *Philostrato*, & aliis apud *moruos.*
Delrio lib. 2. q. 29. eorum qui à dæmonibus suscitati dicuntur, si ficta non
 sunt, fuerunt aut spectra diabolica specie hominum defunctorum, aut cada-
 vera defunctorum ad tempus gestata & mota à Diabolo, vel homines illi re-
 vera mortui non erant, sed gravi aliqua syncope pressi, ut apoplexiâ, hyste-
 ricâ passione, & sim. symptomatis pro mortuis habitis sunt, vel qui ita à Dæ-
 mone sopiti erant, cohibito & represso eorum motu & sensu, ut adstanti-
 bus mortui viderentur. Quod verò *1. Sam. 28. 12.* de *Samuele à Maga ex-* *1. Sam. 28.*
citato dicitur, certum est non fuisse verum Samuelem, vel animam ejus, quic- *12.*
 quid *Syracides* cap. 46. 21. dicat de *Samuele* post mortem prophetante; Sed
spectrum Satanae, quia excitatum dicitur de terra *ψ. 13.* cùm Sanctorum ani-
 mæ sint in cælo in manu Dei, non in potestate Satanz.

QUÆSTIO VI.

DE APPARITIONIBUS ANGELORUM.

Quales fuerint Angelorum apparitiones, & quænam corpora
assumpserint?

I. **N**on quæritur, An Angeli hominibus apparuerint: toties enim
 Scriptura talium apparitionum meminit, quæ vel Patriarchis
 ante Legem, vel Patribus sub Lege, vel sanctis hominibus in N.
 Test. exhibitæ fuerunt, ut extra omnem dubitationis aleam hoc positum
 sit. Sed quales fuerint illiusmodi apparitiones, & qualia corpora, quæ ab
 Angelis assumpta sunt, ut in iis apparerent.

Quæst.

VI.

II. Triplices legimus *ἄγγελοφανεΐαι*; Quædam, quæ in somnio fiebant, qualis Jacobo contigit in visione scalæ mysticæ, *per quam vidit Angelos ascendentes & descendentes* Genes. 28. 12. Josepho, cui *Angelus Domini apparuit in somnio* Matth. 1. 20. & Paulo, cui *nocte adstitit Angelus Dei dicens, ne metue Paule* Act. 27. 23. Aliæ in visione merè extaticâ, quales obtigerunt sæpe Prophetis, & Johanni in Apocalypsi; Vel in visione sensibili, & ejusmodi specie quæ in oculos incurreret, quæ videntibus & vigilantibus hominibus contingebant, quales fuerunt pleræque apparitiones Patriarchis exhibitæ. In primis apparitionibus non opus fuit assumptione corporum, quia per simplicem *χρηματισμὸν* citra formæ alicujus determinationem revelatio fieri potuit, nec etiam in visionibus extaticis; Sed in aliis corpora ab ipsis assumi debuerunt, ut sub specie sensibili hominibus apparerent, & de istis peccatissimum quæritur; An vera corpora ab ipsis assumpta fuerint, & quomodo.

III. Corpora autem ista, in quibus apparebant, nec erant inania spectra & phantasmata, quibus hominibus illuderent, nec corpora propria sibi hypostatice unita, sed *œconomica* & mutuatitia, ex Dei præscripto, liberâ voluntate, ministerii, quod ipsis demandabatur, peragendi gratiâ ad tempus assumpta.

IV. Qualia autem illa fuerint, & unde assumpta, An ex nihilo, vel ex materia aliqua præjacente, sed inhabili condita, An ex condensato aëre aptata, & coagmentata, An verò ex alia aliqua materia compacta, curiosum est quærere, & temerarium Scripturâ tacente definire, & latius est ignorare sine crimine, quàm scrutari cum discrimine.

V. Vera corpora Angelos sæpe assumpsisse, sive ea de novo à Deo immediate condita fuerint, sive fuerint corpora hominum viventium jam existentia, in quæ delapsæ actiones quasdam œconomicas peragerent, averlâ tantisper eorum quorum erant phantasiâ, ut ipsi nescirent, quid in se & per se fieret, negari non potest; & operationes Angelorum in istis corporibus, & colloquia quæ ipsis intercedebant cum hominibus, & convictus satis testantur; Ne dicam sanctorum Virorum sensus omnes bene dispositos, nec ullâ vanâ imaginatione delusos hoc agnovisse, ita ut pro veris hominibus non semel habitî sint.

VI. Ita tamen uniti erant illis corporibus, ut propterea homines verè dici non potuerint, quia *unio* non erat *personalis* & *interna*, qualis est animæ & corporis, sed *externa* & *accidentalis*, ad modum *formarum assistentium* ad se manifestandos, ut motores uniuntur mobili, corpora illa tanquam vestes induendo, & deponendo, ut ait *Augusti.* quibus uterentur ad ministeria sua, non tanquam compartibus sed ut instrumentis ad opus suum exequendum. Si ergo vocantur *ὄντα* seu *viri*, id fit *ἡ δέξας*, & propter externam formam quâ apparebant, non ex rei veritate: Nec tamen propterea imposuisse

fuisse dicendi sunt Patribus qui ita de illis judicabant, quia non eo animo as-
sumebant, ut simularent se esse homines, vel ut tales se profiterentur, sed
tantum ut possent familiariter versari cum hominibus, & sic opus sibi de-
mandatum peragere. Licet ergo Patres potuerint falli circa ipsos, non pos-
sunt tamen dici eos se fallisse.

Quæst.
VI.

VII. Operationes, quas ab Angelis in istis corporibus edebantur, qua-
les erant loquela, ambulatio, manducatio, *vitales* non possunt dici *proprie*
& *strictè*, quatenus fieri debent *in subiecto vivente* & animato, ab animâ cor-
pori hypostaticè unitâ, & illud intinè movente, quomodo in solos homi-
nes cadunt, quia actus secundus supponit necessariò primum. Sed *late* &
improprie vitales dici nihil obstat, quia sunt efficienter à *principio vivente*.
Quoad *comestione*m, si pro *commutatione* cibi simpliciter sumatur, possunt
dici comedisse, sed si pro sumptione cibi convertibilis in substantiam, &
concoctione ejus in stomacho usurpatur, non potuit in eos cadere.

VIII. Quid verò de corporibus, quæ assumebant, factum fuerit,
peracto eo, ad quod mittebantur, opere, superfluum est quærere; cum
Scriptura notet tantum ea disparuisse, ex quo Angeli abscedebant, sive cor-
poribus illis in principia sua, unde composita fuerant, resolutis, sive in
nihilum redactis, vel, si hominum viventium fuerunt corpora, in pristi-
num statum restitutis.

IX. Ut verò Deus *πολυτρόπως καὶ πολυμερῶς* sese Patribus in V. T. com-
municare voluit, maximè ante Legem, tempore Patriarcharum, quò
Verbum Dei scripto nondum consignatum fuerat, & quò nox adhuc ob-
scura cælum Ecclesiæ occupabat. Ita mirum non est, si frequentius tunc
temporis istis Angelorum apparitionibus uti voluit, ad fidelium consolatio-
nem, & fidei confirmationem; Sed nunc, ex quo clarum Evangelii ju-
bar exortum est, Filio Dei, Angelorum Domino in carne manifestato,
in quo Deus nos alloquitur; Ex quo Spiritus S. copiosissimè in Ecclesiam
effusus est, & Scripturæ Canon clausus est & obsignatus, minùs necessa-
ria fuit ista dispensatio, quia Ecclesia non eget ampliùs talibus subsidiis.
Hinc factum, ut licet sub initium Evangelii aliqua adhuc fuerint *ἄγγελοι*,
Φάντασται, ad ministerium Christo exhibendum, & fidem doctrinæ ipsius fa-
ciendam; postea tamen confirmato Evangelio desierint, ut, quamvis in-
visibili utatur semper Angelorum ministerio, sive in Ecclesia, sive in Mun-
do, non ampliùs tamen, vel rarissimè eos conspicuos hominibus reddi-
derit.

QUÆSTIO VII.

DE ORDINIBUS ANGELORUM.

An inter Angelos detur aliquis ordo, Et An distinctæ sint inter ipsos Hierarchie? Pr. Aff. Post. Neg. cont. Judæos, & Pontificios.

I. **U**T Quæstio de Ordinibus Angelorum bifariam potest intelligi, vel de *Ordine simpliciter*, qui inter æquales naturâ obtinet: An aliquis detur ordo inter Angelos; Vel de *Ordine excellentiæ*, seu potestatis, & jurisdictionis, An talis sit ordo, per quem unus Angelus altero, non modò differat specie, sed & vim & auctoritatem habeat in eum, unde certæ oriantur Hierarchiæ. Ita ad eam distinctè responderi debet.

Dari ordinem inter Angelos, Sed quis sit ignorari.

II. Nam ad primam quod attinet; Non negamus aliquem inter Angelos bonos ordinem dari, cum in cælo nulla sit *anarchia*. Et nomina *Exercituum cælestium*, ut & *Thronorum, Dominationum, & Potestatum, Archangelorum, Angelorum*, tale quid satis apertè videantur insinuare; sive ille ex diversitate officiorum ipsis impositorum, sive ex mero Dei arbitrio pendeat. Respectu verò malorum, res etiam indubia est, quia fit sæpe mentio *Principis demoniorum* in Scriptura, cui tribuuntur Angeli, quum *ignis æternus* dicitur *paratus Diabolo & Angelis ejus* Matth. 25. 41. Sed quis & qualis sit ille ordo, Scripturâ tacente, nemo curiosius inquirere, multò minùs temerè definire debet, quæ est sententia *Augustini* contra *Priscillian*. c. 11. *Esse inquit sedes, dominationes, principatus, potestates in cælestibus apparatibus firmissimè credo, & differre inter se aliquid indubia fide teneo. Sed quo me contemnas, quem magnum putas esse Doctorem, quanam ista sint, & quid inter se differant nescio, & horum disquisitionem damnans ait, magis in istis temerariam presumptionem, quam cautam ignorance[m] culpandam videri.* Et alibi *Enchir.* cap. 58. loquendo de variis nominibus à Paulo illis datis. *Quid inter se differant hac vocabula, dicant qui possunt, si tamen possunt probare quod dicunt, ego me ista ignorare profiteor.*

III. Sed non ea mens est Pontificiis, & Scholasticis imprimis, qui ut faciliùs Hierarchiæ Ecclesiasticæ suæ figmentum obtrudant, aliam in cælis Angelorum Hierarchiam sunt commenti, cujus ordines, & officia, ac proprietates ita describunt, quasi per multos annos in cælis versati, totam istam politiam accuratè didicissent. Cujus sententiæ authorem prædicant *Dionysium*

sum *Arcopagitam*, falsò ita dictum, qui Angelos omnes in tres classes, sive Quasi Hierarchias, quas appellat τρεῖς τάξεις Ἀγγελικῶν, supremam, mediam, ultimam, quæ rursus ternos ordines sub se complectantur, ut in universum sint novem ipsorum ordines, & in singulis sedibus rursus multa Angelorum millia. In suprema collocat *Cherubinos*, *Seraphinos*, & *Thronos*. In media *Dominationes*, *Principatus*, *Potestates*. In infima *Virtutes*, *Archangelos*, *Angelos*. Denominationes autem istas illis impositas vult secundum proprietates in quibus eminent, vel secundum officia quæ illis committuntur. *Cherubinos* dictos esse, qui lumine scientiæ excellunt, & qui alios illuminant sapientiâ. *Seraphinos*, qui amore divino maximè flagrant, & alios incendunt. *Thronos*, qui gloriam & æquitatem judicariam contemplantur, & alios regunt judicio. In secunda classe *Dominationes* regunt officia Angelorum. *Principatus* præsumt populis & provinciis. *Potestates* coercent potentiam Diabolorum. In tertia *Virtutes* habent sibi delegatam operationem miraculorum. *Archangeli* nuntiationem in majoribus negotiis. *Angeli* in minoribus. Ita autem distingui putat Angelos pro ratione cognitionis, quòd primi ordinis Angeli Deum intueantur, & ex Dei contemplatione percipiant rationes rerum; Secundi verò ordinis cognoscant causas universales secundum Deum; Tertiū verò ordinis colligant causas rerum, quomodo colliguntur ex consideratione causarum proximarum, quæ particulares sunt. Quæ omnia prædictus *Dionysius* habet lib. de Hierar. cœlesti, à quo *Damasceus*, *Magister Sententiarum*, *Thomas*, & *Scholastici* omnes eadem hauserunt.

IV. Hisce verò jam præluserant *Judæi*, qui itidem in varios ordines Angelos tribuunt, decem eorum Hierarchias constituentes, qui sapientiâ, dignitate, & potestate ab invicem sint discreti, quorum supremi infra Solium majestatis sunt, infimi verò cum hominibus conversentur, & cum iis aliquando loquantur. Et inter superiores, quos volunt denotari per primarios principes Dan. 10. 12. & per adstantes Isa. 6. 2. & Dan. 7. 16. similitudine ducta à primariis servis, seu ministris Regis, qui dicuntur adstare coram eo, & videre faciem ejus, pertendunt dari septem præcipuos & eminentiores, ut inter Ministros Regis dantur quidam intimæ admissio- nis, quod videtur haustum ex Tob. 12. 15. ubi *Raphaël* dicit se esse unum ex septem Angelis sanctis, qui referunt preces Sanctorum, & egrediuntur coram gloria Sancti; Sed hæc omnia figmenta sunt hominum, otio & ingenio suo abutentium, qui temerè se ingerunt in ea qua non videntur, inflati carnis suæ sensu Col. 2. 18.

V. Nec difficile est hoc agnoscere illi, qui rem paulò attentius perpendere voluerit. Nam, ut de *Dionysio* illo, qui cœlestis istius Hierarchiæ author perhibetur, aliquid obiter observemus, falsò nomen *Arcopagita* illi tribui multis argumentis constare potest, & nihil minùs esse, quàm illum,

Quæst. VII. illum, de quo Act. 17. 34. narrat Lucas Paulo prædicanti adhæsisse, quicquid *Baronius*, *Possevinus*, *Bellarminus*, & alii ex Pontificiis in contrarium afferant, quibus opponere possumus 1. Testes domesticos, qui non modò dubitarunt de hujus commentì veritate, sed & apertè falsi sunt *Dionysium* hunc alium esse ab *Areopagita*, & longè recentiorẽ, quales sunt *Cajetanus* Cardin. in Act. 17. *Godellus* Episcopus Venciensis hist. Eccles. Galli. l. 1. an. c. 99. cujus verba referre, quia paucis multa complectuntur, non pigebit. *De libris*, inquit, *qui Dionysii nomine circumferuntur*, valde diversa sunt hominum iudicia, mihi docti pene omnes dubitare videntur, an vere sint *Dionysii*; negari profectò non potest, quin ab Apostolici illius seculi simplicitate magnopere sit alienus scriptoris stylus sequiorum temporum Platonismum redolens, sed neque facile fuisse videtur, ut illius ævi, quo vixisse auctor dicitur, Ecclesia omnes illas ceremonias jam usurparis, quas ille narrat, atque exponit mirabiliter, quod eam disciplinam, & ab initio statim coorta persecutiones observari prohibuerunt, & serius revera institutam fuisse ex scriptoribus appareat. In eadem sunt sententia *Sirmondus* dissert. de duobus *Dionys.* cap. 8. *Petavius* To. 2. Theol. dogma. lib. 2. cap. 1. *Launoyus* Sorbonæ Doctor in vita *Dionys.* *Areop.* *Morinus* de Ordi. p. 2. c. 1. & alii, ut hùc *Erasmus*, *Vallant*, *Rhodiginum*, *Nicol. Fabrum*, & plures alios recenseam, qui idem censuerunt.

VI. Secundò, Si quid ab *Areopagita* tale scriptum fuisset, dubium non est, quin è tam multis, tamque diversis Græcis, Latinisque Scriptoribus, aliqui, imò plures futuri fuissent, qui istiusmodi libris, & Authoris nomine, & suopte ingenio, ac merito celebratissimi, facturi fuissent alicubi mentionem, ut & aliorum ejus Scriptorum; cùm tamen per quinque circiter secula, penitus ignota fuerint, & indicta; Unde nec *Eusebius* in historia, nec *Hieronymus*, nec *Gennadius*, qui Veterum libros diligentissimè collegerunt, ullam horum librorum mentionem faciunt. Et ex *Irenæo*, *Augustino*, *Cyrillo Hierosolymitano*, & aliis facilè ostendi potest inauditam fuisse totam illam cœlestem Hierarchiam. Tertiò, stylus librorum hoc ipsum confirmat, qui non est simplex & inaffectatus, conveniens sermoni Apostolorum, vel Virorum Apostolicorum, sed turgidus, inflatus, & argutus, in quo Author sublimitatis speciem captando, vitiosam quandam grandiloquentiam sectatus est, & ut verè observat *Maximus*, *ὁ πολυπληθὺς λέξεων σκοπεῖ τὸν λόγον*, congestis verbis multis obscurat sermonem, & consueta atque usu Ecclesiæ recepta vocabula studiosè refugit, tanquam ad illum, quem quærebat *ὄγκον*, parum accomodata; in verbis fingendis, in epithetis expoliendis, in sensibus exaggerandis, & sermone toto ad pompam componendo potissimùm laborans, à quo studio Apostolicos Viros plurimùm abhorruisse constat. Quartò in li. de Hierar. cœl. multa scribit de Templis, de Altaribus, de Locis Sacris, de Choro, de Catechumenis extra fores Templi statuendis, quæ locum ha-

habere non poterant atate veri Dionysii, cum cogerentur Christiani in locis occultis convenire propter persecutiones, & ibi preces & conciones habere, ut ostendit *Hospinianus* de Orig. Templ. cap. 5. Idem liquet ex eo quod dicit de *Monachis*, & eorum consecratione cap. 6. quos nullos dum fuisse inter Christianos, non possunt diffiteri Adversarii, qui Paulum & Antonium primos Monachorum Patres fuisse scribunt, quos certum est aliquot post *Arcopagitam* seculis vixisse. Alia plura argumenta huc facientia omittimus, quæ videri possunt apud *Rivetum* in Critico sacro, *Casaubonum* in Baro. Appa. 1. S. 99. & imprimis *Joh. Dallæum*, qui peculiari tractatu hoc argumentum solidissimè est executus; & clarissimè demonstravit, non ante quintum seculum, libros, de quibus agitur, scriptos fuisse, & ut major illis autoritas conciliaretur, eos sub nomine Dionysii Arcopagite Authorem edidisse & venditasse.

VII. Sed propius vanitas Hierarchiæ istius cœlestis, quam Pseudo-Dionysius excogitare voluit, aperienda est. Primò quia altum de ea apud Paulum est silentium, à quo tamen ille se eam accepisse jactat. Angelorum quidem plura nomina, & diversa passim usurpat, novem autem esse eorum ordines in tres classes ita distributos, ut tres singulis classibus contineantur, & quicunque primâ continentur, eos vel Thronos esse, vel Seraphim, vel Cherubim, Paulus nusquam definit, ac ne levissimè quidem, vel uno verbo ita definienda decernit. Nec confugiendum est ad traditionem *ἁγίων*, quasi vivâ voce, non scripto suos discipulos hæc mysteria docuerit, quia supponitur gratis dari talem aliquam traditionem; Et falsum etiam esse ex eo deprehenditur, quòd nec Timotheus, nec Titus, nec alii Pauli discipuli, quibus proculdubio hoc tradidisset, non minùs ac Dionysio, nihil de illis scriptum reliquerunt. 2. Si ex variis appellationibus variæ sunt instituendæ Hierarchiæ, ternarius triplex non sufficeret, Angeli enim vocantur etiam *Vigiles*, *Exercitus Dei*, & *Filii Dei* &c. 3. omnes hos ordines perturbat Apostolus, quum omnes vocat *spiritus administratores*, Heb. 1. 14. qui si ad inferiorem classem detrahantur, peribit vis argumenti Apostoli, quo probare satagit Angelos Christo non esse æquandos, quòd de omnibus omnino est intelligendum. 4. Nullæ proprietates ex notatione vocum istarum eruuntur, quæ omnibus Angelis non sint communes, omnes enim vident Deum, & fervent ejus amore, omnes etiam mittuntur. 5. in prima Hierarchia locantur illi qui semper Deo adstant, & nusquam mittuntur in mundum; At in Scriptura Cherubim & Seraphim leguntur missi, & versantes in terris Isa. 6. 6. Gen. 3. 24. 6. hæc Platonice scholam sapiunt, non Paulinam, sic enim distinguebant Genios suos in supercœlestes, cœlestes, & subcœlestes, ut videre est apud *Jamblicum* in mylteriis Ægyptiorum, & apud *Proclum* in Alcibiadem Platonis.

Commen-
tum Hier-
archia
cœlestis re-
solvatur.

QUÆST. VII. Col. 1. 16. VIII. Variæ appellationes quæ tribuuntur Angelis ab Apostolo Col. 1. non probant varias classes Angelorum, quia non obtinet ibi ille numerus quem jactant, nulla enim eo loco mentio fit Cherubinorum, & Seraphinorum, nec Archangelorum, aut Angelorum; sed ita loquitur, vel ex hypothese Platonica Angelicorum, contra quos disputat, qui talibus epithetis ornabant Angelos ad multiplices ordines eorum notandos; Vel sunt beatorum istorum spirituum elogia, quæ faciunt, Tum ad celebrandam Dei majestatem, Regio quasi satellitio stipatam, hi enim inter Reges eminent, qui apparitores habent alios Reges & Principes; Tum ad commendandam dignitatem naturæ Angelicæ, & denotandam multiplicem officiorum, ad quæ vocantur, varietatem & efficaciam, nominibus petitis ab iis, quæ inter homines ad designandam varietatem munerum & dignitatum obtinere solent. Nam in politia sunt *Throni*, quales sunt Regum & Monarcharum, sunt *κυβέκτες*, quales sunt Regulorum, sunt *ῥήτορες*, quæ præficiuntur à Regibus & Regulis, Provinciis & Urbibus, sunt denique *ἐξουσίαι* Magistratus scilicet infimo loco constituti, qui etiam nomine *Potestà* apud Italos veniunt. Hinc ergo potest quidem colligi dari ordinem aliquem inter Angelos, sed quis ille sit exinde definiri nequit: Unde alibi Paulus Eph. 1. neglecto, quem hic sequitur, ordine, meminit quidem *Principatum, Potestatum, Dominationum*, sed non *Thronorum*.

Apoc. 12. 7. IX. Quum Apoc. 12. 7. mentio fit *Michaëlis & Angelorum eius*, qui pugnarunt cum Dracone, nihil exinde potest colligi pro cœlesti Hierarchia. 1. Quia per *Michaëlem* bene potest intelligi *Christus* ipse Angelorum Dominus, qui est revera *sicut Deus* sive par Deo, Dux & Princeps militiæ cœlestis, Jos. 5. 13. Is. 55. 4. Heb. 2. 10. quod postulat antithesis ex loco Pauli Rom. 16. 20. & confirmat primum oraculum Evangelicum Gen. 3. 15. quo nomine etiam videtur designari Dan. 12. 1. Nec aliter exponi debet Dan. 10. 5. 6. 21. ubi de Michaële agitur, collat. cum Apoc. 1. 13. qui dicitur *unus ex primariis Principibus*, v. 13. quia est caput & princeps Angelorum. Eodem sensu mentio fit Jud. 9. *Michaëlis Archangeli qui certavit de corpore Moses cum Diabolo*, quod de Christo dici, vel ex eo patet, quod tribuitur Jehovah Zach. 3. 2. quod hic Michaëli adscribitur, *Increpet te Jehovah*. Quod verò dicitur non ausus esse *promunciare maledictionem*, hoc non factum est per impotentiam, sed per moderationem, non metu Legum à maledictis abstinens, sed se ipse comprimens, ut nobis patientiæ exemplum præberet. Sic non rarò *audere pro sustinere*, & *velle aliquid*, ponitur. 2. Si Angelus creatus intelligitur, ut fit à variis, designabit nomen hoc ordinem temporarium, & munus aliquod illi commissum ad exequenda judicia Dei per certam œconomiam, quod legatione peractâ rursus ponitur; sed inde non potest inferri ordo potestatis & jurisdictionis perpetuæ.

X. *Archangelus* de quo agitur 1. Theff. 4. 16. non est Angelorum omnium Princeps, sed insignis Majestatis Christi inter Angelos quasi anteambulo, & voluntatis promulgator, ad similitudinem Regum terrenorum. Nec sine ratione articulus τὸ videtur omissus, ne quis hinc statueret singularem & unicum in omnes Angelos Principem. Quæst. VII. 1. Theff. 4. 16.

XI. Licet inter malos Angelos detur unus, qui supra reliquos eminet, qui dicitur *Diabolus, Satan, Draco, Beelzebub, Deus hujus seculi, Princeps mundi*, non sequitur bonis etiam unum Angelum inter ceteros præesse; hæc enim præfectura rectius dicitur privilegium Coloss. 1. 18.

QUÆSTIO VIII.

DE ANGELORUM MINISTERIO.

*Quare, Et ad Quid Deus utatur Angelorum ministerio?
Et An unicuique fidelium certus Angelus custos
perpetuus assignatus sit? Neg.*

I. **D**Eum uti Angelorum ministerio nemo dubitare potest, cum vocentur πνεύματα λειτουργικά Heb. 1. 14. *Ministri Dei* Pl. 104. 4. qui continuo adstant coram ipso, & illi ministrant, Dan. 7. 10. & faciunt voluntatem ejus Psal. 103. 21. Sed quare eorum operâ uti voluerit quæri potest.

II. Ratio multiplex reddi potest; Non *necessitatis & indigentia*, quasi illis egeat, solus enim sibi sufficit, & ut solo Verbo omnia condidit, solo etiam eo posset omnia regere; Sed *indulgentia & charitatis*. 1. *Ad bonum ipsorum Angelorum*, quos Deus hoc honore dignatur, ut Deus veluti suos οὐπερ ἑαυτοῦ in regimine mundi esse velit. 2. *Ad fidelium solatium*, qui exinde norunt quantum Deo curæ sint, cum ad salutem suam promovendam ministerio creaturarum, non tantum corporearum, sed & spiritualium, se quoad naturam longè præstantiorum, uti velit. 3. *Ad amicitiam inter Angelos & homines* fortiùs conciliandam, beneficiorum enim & officiorum mutuorum collatione, amicitias coalescere, & augeri constat. 4. *Ad ὁμόνοιαν* Universi, ut ita creaturæ omnes superiores & inferiores, visibiles & invisibiles, sibi invicem respondentes, & inter se certis quibusdam officiorum vinctulis nexæ, harmoniam mundi firmiùs stabilirent. 5. Præcipuè ad *Dei ipsius gloriam* qui ultimus est & præcipuus omnium operum ejus finis, quæ maximè elucet ex ministerio tam nobilium Creaturarum.

*Quare
Deus utatur
ministerio An-
gelorum.*

Q U Æ S T.

VIII.

Et ad quid
1. respectu
Dei, ad
eum lau-
dandum.

III. Multiplex verò eorum officium notatur in Scriptura, 1. respectu Dei, 2. inter se, 3. respectu Mundi, 4. respectu hominum. Primò respectu Dei, quatenus occupantur in Deo perpetuò celebrando, & adorando, quò pertinet *Trisagion Seraphicum* Isa. 6. quod repetitur, in Apoc. c. 4. 8. & 7. 11. 12. & Canticum quod in nativitate Christi accinunt Luc. 2. 13. 14. *Gloria in excelsis Deo; in terra pax, erga homines benevolentia*, ad quod officium etiam invitantur Psal. 97. 7. & 103. 20. & 148. 2. quò respiciens Greg. Nazianz. vocat eos *ὁμνωδὲς τῷ θεῷ μετὰ μεγαλειότητος* & Theodor. Serm.

Et illi obsequium.

3. de Angelis *ὁ ἀγγέλων λειτουργία ἐστὶν ὁμνωδία*. 2. In obsequio sancto, prompto, & pleno, quod illi exhibent Psal. 103. 20. Unde dicuntur *adstare coram ipso*, ut apparitores & ministri, & *videre ejus faciem*, ad ejus mandata capellenda & exequenda, *Millies milleni serviunt ei, & myrias myriadum coram eo stabant* Dan. 7. 10. *Vidi Jehovah infidentem solio suo, & totum exercitum celi adstantem ei à dextra ejus, & à sinistra ejus* 1. Reg. 22. 19. Eò spectant *ala*, quæ ipsis tribuuntur Is. 6. ut enim duabus, quibus *velabant faciem* suam, summa eorum *reverentia* erga Deum notatur, quâ tantæ majestatis fulgorem sustinere non possunt, & duabus, quibus *pedes tegebant*, *sanctitatis* immaculatæ *studium* innuitur, partes eas, quas velari in hominibus jubet pudor, & quæ infirmitates eorum relatè ad Deum Job. 4. 18. designant, velando. Ita *duæ*, quibus *volabant*, *celeritatem* eorum, & zelum in exequendis Dei mandatis adumbrant. Huc referendum ministerium ab ipsis Christo, ceu Capiti & Domino suo exhibitum, tum in ejus adoratione, quâ defuncti sunt à principio, ex Dei mandato, *adorent eum omnes Angeli* Heb. 1. 6. & quo quotidie defunguntur Apocal. 5. 11. 12. tum in actuali ministerio, quod illi exhibuerunt in conceptione Luc. 1. in nativitate Luc. 2. in tentatione Matth. 4. in agonia Luc. 22. in resurrectione Matt. 28. in ascensione Act. 1. & quod exhibituri sunt ultimo die, quum cum comitabuntur in novissimo suo adventu, *Venies enim cum Angelis potentia sua*, 2. Thess. 1. 7.

2. respectu sui.

IV. Secundò respectu sui. Utenim sunt cœlestis Societas bene ordinata, dubium non est, quin variis erga se invicem defungantur officiis, per mutuam rerum vel cognoscendarum, vel faciendarum communicationem. Licet à nobis sciri non possit, quis & qualis sit istius communicationis modus: hinc dicuntur Isa. 6. 3. *clamare alter ad alterum*, quasi se ipsos ad laudes Dei celebrandas excitando. Et alibi colloquentes inter se introducuntur apud Zachar. & Johann. in Apoc.

Dan. 10.

13.

V. Ex Dan. 10. 13. nulla potest colligi pugna & dissidium inter bonos Angelos. Nam *Princeps Regni Persarum* qui restitisse dicitur Angelo Gabrieli, non est bonus aliquis Angelus à Deo præfectus regno Persarum, qui omnia moliretur, ut perpetuò Judæi sub Persis manerent, quia nihil aggredi potuisset sine Dei mandato, qui voluit eos ex captivitate liberare, sed optime

optimè refertur ad *Cambysem* Cyri filium, qui dum Pater trajecto mari pugnat in Asia & contra Scythas, iustus erat Judæorum restitutioni, & crudele edictum tulerat, ne pergerent Judæi in Templo extruendo. Unde necesse fuerat Angelum Gabrielem ibi aliquandiu morari, ut Cambyſis furorē compelleret, ne ſcilicet magis ac magis ſæviret in populum Dei, quod confirmatur *ψ. 20.* ubi idem Angelus ait, quòd *reversurus eſſet ad pugnandum cum Principe Perſarum, & quòd ubi egreſſus erit, Princeps Javan ſit venturus*, nimirum ut innuat ſe operam ſuam adhuc ex ordine Dei collocaturum, in cohibenda crudelitate Regis Perſarum contra populum Dei, interea dum Princeps Javan, id eſt, Græcorum, ſcilicet Alexander Magnus venturus eſſet, qui Regnum Perſicum evertere debuit.

VI. Tertiò officium Angelorum circa *Mundum*, non in eo ſitum eſt, ut orbēs cœleſtes moveant, quod voluit Ariſtoteles, ſed ut res creatas, & earum ordinem tueantur & conſervent Providentiæ Divinæ miniſtrando, quòd pertinent *Angeli ſcendentes & aſcendentes*, qui in Scala Jacobi viſi ſunt, & quod *Psalm. 104.* dicitur Deus facere *ventos Angelos ſuos, & flammam ignis Miniſtros ſuos*. Unde Athenagoras in legatione ſua pro Chriſtianiſis, ait *πλῆθος ἀγγέλων καὶ λειτουργῶν φανερῶν. ὅς ὁ ποιητὴς, καὶ δημιουργὸς κόσμου θεός, διὰ τῆ παρ' αὐτοῦ λόγου διένειμε, καὶ διέταξε ὥς τὰ πειχέια εἶναι, καὶ τὰς ἐργασίας, καὶ τὴν κόσμον, καὶ τὰ ἐν αὐτῷ, καὶ τὴν τῶν ἐνταξίαν*, hinc *Apoc. 14. 18.* agitur de Angelo, qui *potestatem habuit in ignem*, & cap. 16. 5. de *Angelo aquarum*. Imò Deus non rarò iis utitur ad tutelam Regnorum & Imperiorum, ut liquet ex *Dan. 10. & 11.*

VII. Quartò *reſpectu hominum*, tam bonorum, quàm malorum; Et circa malos quidem in iudiciorum Dei inſtigatione, ut patet in Sodomitis *Genes. 19. 11.* Ægyptiis *Exod. 12. 19.* Exercitu Sennacheribi *2. Reg. 19. 35.* Iſa. 37. 36. Nebucadnetzare *Dan. 4. 13. 14. 23. 31.* Herode *Act. 12. 23.* & reprobis, quos ultimo die in pœnas æternas conſcient Matt. 13. 41. 42.

VIII. Circa *Electos & fideles*, ſive in illis caſtigandis, exemplo Davidis & populi ejus *2. Sam. 24. 16.* ſive in beneficiis Dei dupenſandis ad ſalutem eorum promovendam *Heb. 1. 14.* Trifariam autem piis *benefaciunt. 1. docendo. 2. conſolando. 3. cuſtodiendo. 1. docendo*, quum Deus iis utitur ad monendos fideles de officio ſuo, vel de rebus futuris, ut variæ *ἀγγελολογίας* eò tendunt in V. T. *Genes. 16. 18. 19. 28. 32.* *Dan. 6. 9. 10. 11.* *Zachar. 1. 2.* *Ezech. 1. & in Novo funguntur munere Evangelistarum Luc. 1. 11. & 2. 10.* nunciando Chriſti nativitatē, prædicando ejus reſurrecciónem, *Matth. 28.* & aſcenſionem *Act. 1.* & in *Apocal.* Johannem monent de rebus futuris. 2. eos *conſolando*, tum adverſus mala præſentia, tum adverſus pericula imminētia, exempla obvia ſunt in Agare *Gen. 16.* Jacobo *Gen. 32.* Daniele *Dan. 10.* Eliâ *1. Reg. 19.* Mariâ *Luc. 1.* Apoſtoliſ *Matth. 28. 3.* *cuſtodiendo,*

Quæst.
VIII.

custodiendo, quia castrametantur circa timentes Dominum, Psalm. 34. 8. Genes. 32. protegunt eos, Psalm. 91. 11. pugnant pro ipsis, Dan. 10. 13. custodiunt infantes, Matth. 18. 10. liberant fideles à manu inimicorum, à carcere, à morte, à periculis imminentibus, ut patet in Loto, Gen. 19. 15. 16. 17. Elizzo, 2. Reg. 6. 17. Jerosolymitanis, 2. Reg. 19. 35. tribus Sociis Danielis, Dan. 3. 25. 28. Daniele ipso, cap. 6. 22. Apostolis, Act. 5. 19. Petro, cap. 12. 15. Eò pertinet etiam ministerium, quod fidelibus in morte præstant, animas eorum in sinum Christi deferendo, ut anima Lazari ab ipsis in sinum Abraham deportata est, Luc. 16. Et quod ipsis in consummatione seculi sunt exhibituri, congregando fideles, ut sistantur Christo glorificandi.

An Angelus custos
detur uni-
cuique ab
ortu?

IX. Huc refertur Quæstio de *Angelo custode*. An singulis fidelibus certus assignetur à Deo aliquis Angelus ab ipsa nativitate, qui perpetuus sit eorum comes & custos usque ad mortem, quæ recepta est apud Pontificios sententia, cui religiosum Angelorum cultum, & nominatim Angeli comitis quotidianam venerationem superstruxerunt. Nos verò, licet agnoscamus Angelos in custodiam & præsidium dari fidelibus, ut antea probatum; Nec diffiteamur certos Angelos posse tubinde destinari & mitti ad fideles, vel ad revelanda quædam Dei mylteria, vel ad eos solandos & protegendo, ut visum in Patriarchis sæpius, in Daniele, Josepho, Maria, & aliis: Negamus tamen rectè inde colligi posse Angelum custodem & tutelarem cuique esse assignandum, vel sententiam istam, quamvis variis Patribus non displicuerit, tanquam ἑγγραφον recipi posse.

Negans
sententia
probatur.

X. Rationes sunt. 1. Quia Scriptura, quæ toties de ministerio Angelorum erga fideles loquitur, nusquam tamen meminit Angeli custodis; quod tamen non reticisset, si certum est cuique fidelium ab ipso ortu certum aliquem Angelum assignari, qui perpetuò eos comitetur, & eorum curam gerat. Imò dum Spiritus hos à Deo liberè huc illuc mitti testatur ad ministerium eorum, qui salutem heredare debent Hebr. 1. 14. satis innuit certis hominibus non esse alligatos & obnoxios.

XI. 2. Quia unus Angelus sæpe ad multorum fidelium custodiam mittitur, & plures uni destinantur. Unus Angelus obsidione Jerosolymam solvit Is. 37. unus Angelus castrametatur circa timentes Dominum, Psalm. 34. 8. Plures etiam sæpe uni destinantur, *Angelis suis præcipiet de te, ut te custodiant in omnibus viis tuis*, Psal. 91. 11. circa Elizam mons plenus erat equis & curribus igneis 2. Reg. 6. 17. Jacobo obviam veniunt Angeli Dei, dixitque ille, *quum videret eos, acies Dei hæc est* Gen. 32. 1. 2.

XII. 3. Quia hæc sententia originem habet Paganam: Notum enim Ethnicos, unicuique homini peculiarem Genium seu Dæmonem datum esse, censuisse, quò spectant ista Ariani in Epist. lib. 1. cap. 14. Θεός, inquit ἐπίτροπον ἐκάσῳ προέσται τὸν ἐκάστῳ δαίμονα καὶ παρέδωκε φυλάττειν αὐτὸν αὐτῷ,

ἀπὸ, ἢ τῶν ἀειμένων, ἢ ἀπαρρομένων, Deus praefectum unicuique impo-
 suit peculiarem Daemonem, & ei tradidit eum custodiendum, eumque per-
 vigilem, & qui falli non posset. Quod confirmant versus Menandri apud
 Ammia. Marcelli. lib. 29. 5. 13.

ἀπαντὶ δαίμων ἀνδρὶ τῷ γινόμενῳ
 ἀπαντὸς ἐστὶ μυσταγωγὸς ὁ βίος,

Cuique homini statim atque natus est demon est totius vitae ductor. Nec alieni
 fuerunt Judæi ab hac sententia, à quibus ad Christianos transiit, quæ proin-
 de meritò suspecta nobis esse debet, eò vel magis, quòd non parum super-
 stitioni Pontificiæ super θεοκρατίας Angelorum obstetricetur.

XIII. Loca duo Scripturæ, quæ vulgò ad ejus confirmationem afferri
 solent, non possunt eam probare. Nam quod Matth. 18. 10. *Angeli par-* Matth. 18.
vulorum dicuntur, bene ostendit Angelos parvulis non minùs ac adultis
 dari ad custodiam: Sed non potest colligi certum & peculiarem quendam da-
 tum esse singulis infantibus Angelum in perpetuum custodem; non dicitur
definitè Angelum uniuscujusque ex illis parvis, vel singulos Angelos singu-
 lorum parvulorum, videre faciem Dei, sed *indefinitè* tantùm *Angelos eo-*
rum, sive plures uni assignentur, sive unus pluribus, nimirum ut innua-
 tur eos sub Angelorum tutela in genere asservari.

XIV. Non meliùs hoc evincitur ex Act. 12. 15. ubi mentio fit *Angeli* Act. 12. 15.
Petri. 1. Quia non est vox Scripturæ, sed nonnullorum, qui ita loquuntur,
 ut Judæi, conversi quidem, sed non satis in doctrina Christiana adhuc insti-
 tuti. Nec si hoc refertur à Luca, statim ab eo probatur, cùm multa sic pro-
 ponantur in Scriptura, narrative, non approbativè. 2. Si verba ad Angelum
 referantur, bene inde colligi potest, Angelum aliquem adfuisse tunc Petro,
 sed non certum aliquem & perpetuum custodem illi datum, quia dicitur *su-*
pervenisse v. 7. ut quum *Medicus* & *samulus Regis* dicitur, non certus quis-
 piam intelligitur, sed indefinitè is, qui id muneris obit, quod multi succes-
 sivè possunt obire. 3. pro confesso sumitur quod est controversum, agi hùc
 de Angelo propriè dicto; cùm nihil obster vocem ἀγγελος hùc pro *nuncio* sumi,
 ut hoc sensu non rarò usurpatur Matth. 11. 10. Luc. 3. 24. 27. & 9. 52. q. d.
nuncius est ab eo missus, de eo aliquid nunciaturus, ut qui sunt in vinculis so-
 lent sæpe nunciis uti, qui significant, quo in statu res ipsorum sint. Nec
 obstat quòd Rhode ancilla dicatur *vocem Petri* agnovisse, quia in eo non im-
 petravit fidem, & fieri potuit, ut Petri injectâ mentione à Petri nuncio, qui
 cum illa loquebantur putarint eam secius rem accepisse.

XV. Quod dicitur 1. Cor. 11. 10. *mulierem potestatem habere debere in* 1. Cor. 11.
capite propter Angelos, ostendit quidem Angelos cœtibus sacris interes-
 se, & testes esse pietatis, vel impietatis, humilitatis vel impudentiæ

QUÆSTIO IX. hominum, qui iis inter adsunt, quos propterea mulieres revereri debeant. Sed nihil hinc exsculpi potest pro Angelo custode, quasicertus aliquis Angelus singulis datus sit.

Quædam hinc dicenda essent de *confirmatione bonorum Angelorum*, & de *peccato malorum*, sed de illa quidem actum jam est superius L. IV. Q. 7. de isto verò agetur postea Loco de *Peccato*.

Q U Æ S T I O IX.

DE INTERCESSIONE ET CULTU ANGELORUM.

An Angeli sint Intercessores nostri apud Deum, Et An cultus aliquis religiosus illis debeatur? Neg. contra Pontificios.

I. **E**X Ministerio Angelico, de quo actum fuit antea, duplex adhuc oritur Quæstio. Prima de *eorum Intercessione*. An eorum officium extendatur ad id, ut nostri sint apud Deum Intercessores & μεσίται, qui vel precentur pro nobis, vel preces nostras Deo offerant, & precibus & meritis suis acceptas reddant? Altera de *eorum Cultu*, An aliquis cultus religiosus illis debeatur? De utraque paucis agemus.

II. Quoad primam; Quæritur, An ad Ministerium Angelicum pertineat quædam eorum Mediatio & Intercessio, quâ non modò precentur pro nobis, sed etiam preces nostras ad Deum deferant, & patrocinio suo ac precibus nos Deo acceptos & commendabiles reddant. Pontificii affirmant; Nos negamus.

*Angeli non
sunt Inter-
cessores no-
stri.*

III. Primò, Quia Ille solus pro nobis potest intercedere, qui pro nobis est mortuus, Ille solus potest esse παροικλητός, & advocatus noster, qui solus est ἱλασμός & propitiator: hæc enim ab Apostolo inter se indivulso nexu conjunguntur, tanquam partes unius, ejusdemque muneris Sacerdotalis, quæ sibi invicem subordinantur, & à se mutuò pendent. Ut enim propitiatio est causa & fundamentum Intercessionis, quam post se trahit necessariò: Ita intercessio supponit necessariò propitiationem, ut possit rite impleri; Ut sub V. T. Sacerdos non poterat defungi actu ἱμψανισμῶ, qui non implevisset antea actum ἱλασμοῦ, Et ad ipsum solum pertinebat iussitum offerre Exod. 30. At Christus solus satisfecit pro nobis; Ergo solus pro nobis intercedere potest, Vide Rom. 8. 34. 35. & 1. Joh. 2.

1. 2. ubi duæ istæ functiones uni Christo exclusivè ad cæteros tribuuntur. Quæst. 18.

IV. Secundò, Quia preces aliorum Deo offerre est pars muneris Mediatorii & Sacerdotalis, quod soli Dei Filio vendicat Scriptura, qui unicus est Mediator inter Deum & homines, 1. Tim. 2. 5. Nec admitti potest distinctio inter Mediatoresecundarios, mediatos, & ministeriales, & primarium, immediatum, & principalem: Cùm Scriptura nullum agnoscat Mediatorem nisi unicum, qui solus, utpote *ἡ ἀνθρώπων*, potuit munia Mediatoris obire. Hæc vidit *Hesseli* Professor Lovaniensis in l. h. qui negat Angelos & Sanctos posse esse nostros mediatores apud Deum, quia non possunt per se ipsos Deum placare.

V. Tertiò, Ille solus preces nostras deferre potest ad Deum, qui earum sordes ablucere, & impuritatem & imperfectionem expiare & sanctificare potest, quod nulli Angelo creato competit. Cùm enim Deus nihil probare possit nisi bonum, nunquam preces nostræ, quæ suis nævis non carent, illi acceptæ esse possent, nisi merito perfectissimæ Christi justitiæ tegantur, & repurgentur, ut S. Sacerdos V. T. ferre & auferre debuit iniquitatem sacrarum oblationum filiorum Israël, Exod. 28. 38.

VI. Quartò, Quia Angeli vel omnes offerre debent, vel quædam tantum; Si omnes, ergo & eas quæ sunt tantum mentales, quod fieri nequit, quia non sunt *καὶ διανοηταί*. Si quædam tantum, debent ergo determinari ab illis, & non indefinitè offerri; Sed ratio nulla dari potest, cur quædam ab illis deferantur potius, quàm aliæ. Deinde licèt cognoscerent preces quoad *materiale*, nimirum verba externa, non possunt cognoscere quoad *formale*, scilicet earum sinceritatem, quod Deo soli competit.

VII. Quintò, Quia opinio de Intercessione Angelorum ab Ethnicis petita est, apud quos Dæmones mediatores constituebantur, qui interpretum & portitorum munere fungerentur, ut divina ad homines, & humana ad Deos transmitterent, vide Symposium Platonis, ubi Diotimas instituit Socratem, *Dæmonum*, inquit, *natura intermedia est inter Deum & mortalem; Interpretis autem & portitoris munere funguntur, ut humana ad Deum, & divina ad homines transmittant, horum preces & sacrificia, Illorum mandata, remunerationes, & præmia &c.*

VIII. Quamvis custodia nostri Angelis sit demandata in omnibus viis Fontes nostris; non propterea preces nostras Deo offerre debent, quia hoc non
facit ullam custodiæ Angelicæ partem, nedum præcipuam. Solutio-
num.

IX. Angelus qui deprecatur pro populo Zach. 1. 12. non est Angelus Zach. 1.
creatus, sed increatus Dei Filius, qui intercessionem suam, & hîc, & alibi 12.
interponit pro Ecclesia apud Patrem, qui modò vocatur *Angelus* ratione muneris, modò *homo* ratione naturæ assumendæ, qui inducitur orans pro Ecclesiæ restauratione, & stans in procinctu ad pugnandum pro ipsa, & qui-
dem

Q U Æ S T. dem *inter myrios* id est in Ecclesia, hac debili in speciem plantâ, sed pretiosâ & IX. semper fragrantē & virente, bene adumbratâ; cui adiungantur Angeli varii, ut ministri, qui illi rationem reddere tenentur ꝑ. 8. equorum variorum emblemate descripti ad multiplicem Dei erga homines dispensationem designandam. Nam ut equi *rufi* notant instrumenta severitatis, *albi* gratiæ; ita *variegati* sunt symbola *correctionis*, quæ benignitate & severitate temperatur.

Job. 33. 23. X. Locus Jobi 33. 23. non facit pro intercessionē Angelorum, quia non agitur ibi de *Angelo* secundum naturam, sed tantum secundum officium; nec de oblatione precum, quæ fiat Deo à parte hominis, sed de annuntiatione voluntatis Dei, quæ fiat homini à parte Dei. 2. כלאך שליך non bene refertur ad Angelum, quia additur *unus ex mille* ad raritatem istorum monitorum designandam, ut vix ex mille unus reperiatur, vel ad eorum delectum faciendum, cum omnes Angeli sint tales dispensatores, prudentes & fideles, qui hoc possunt sedulo præstare. 3. Commodè intelligitur de quovis Dei ministro, qui recte dicitur שליך id est, *nuncius* seu legatus à Deo missus, ut sæpe alibi Malac. 2. 7. Apoc. 1. 20. & כריץ id est, *interpret divina voluntatis*, qui hic inducitur homini peccatorum suorum, & poenarum ac castigationum divinarum sensu dejecto; annuncians ושידו *restitutionem suam*, id est, officium quod Deus ab eo exigit, ut veniam obtineat, nimirum fidem & resipiscentiam, quam sequatur Dei miseratione, & *miserabitur eius*, scilicet si resipuerit, remittendo ei peccata, & pristinam valetudinem ei restituendo, ut sequentia declarant.

Apoc. 8. 3. XI. Angelus, qui Apoc. 8. 3. dicitur *stare ante aram cum thuribulo aureo*, & cui dantur suffragia multi, ut offerat cum precibus Sanctorum omnium super altare aureum, quod est ante Thronum, non potest esse Angelus creatus, sed increatus, Christus scilicet qui hoc munere fungitur. 1. Quia Angelus iste distinguitur ab aliis septem Angelis, de quibus actum fuit ꝑ. 2. & alius esse dicitur non tam numero, quam specie, maxime si, ut Lyrano placet, septenario numero Angelorum intelligitur universitas. 2. Quia Angelus iste proponitur ut Sacerdos qui suffragia offert; At Christo soli hoc officium alibi vindicatur Hebr. 9. 24. utpote qui unus est noster apud Deum Mediator & Advocatus 1. Timoth. 2. 5. & 1. Johann. 2. 1. 3. Quia agitur de precibus omnium Sanctorum, qui ab Angelo creato offerri nequeunt. 4. Quia dicitur accepisse thuribulum & implevisse illud igne altaris, & projecisse in terram, unde facta sunt tonitrua, & voces, & terra motus, ꝑ. 5. quod Christo demum convenit, qui dicitur *venisse missurus ignem in terram*, Luc. 12. 49. 50. propter dissidia & contentiones, quæ propter Evangelium ex hominum malitia natæ sunt, ut idem ignis qui electos fovet & purgat, hostes exurat & consumat, eadem mors Christi aliis cedat in salutem, aliis in condemnationem. Inducitur ergo hic Christus magnus ille Angelus fœderis,

ut summus Pontifex N. Test. qui suffitu suo, id est, meriti sui *exaudiat* preces nostras offert Deo, & acceptas illi reddit allusione facta ad Sacerdotem typicum Vet. T. qui intercessurus pro populo, thuribulo aureo imponebat thymiamata, quæ gratum Deo odorem exhalare dicebantur. Nec huic expositioni opponi potest. 1. Quòd Christus nunquam ita absolutè vocetur; Contrarium enim patet ex Gen. 48. 16. 2. Quòd distinguatur Angelus ille ab altari aureo, quod sit Christus. Quia certum est multos typos simul ad Christum respicere, ita ut secundum varias *græcos*, & per Sacerdotem thurificantem, & per Altare, & per Candelabrum, & per panes conspectus adumbretur. *Sacerdos* respectu personæ, *Altare holocaustorum* in Cruce, *suffituum* in Intercessione, *Candelabrum* in Evangelio, *Mensa cum panibus conspectus* in beneficiis quæ nobis communicat. 3. Quòd *suffitus* illi *deur*. Quia ex more V. T. loquitur, ubi odores dari solebant per alium ei qui incensum faciebat. Ita, sicut Christo officium Mediatorium, & omnia data sunt à Patre, & Spiritus sine mensura, Matth. 11. 27. Johann. 3. 34. nihil repugnat suffitus illi dari etiam à Deo, & gratiositatem meritis ejus, quo preces Sanctorum acceptæ Deo fiant. Deinde non dicuntur ipsi dati suffitus isti, quòd illis egeret, sed ut illos ex officio Patri offerret: Deinde observandum visionem istam totam allegoricam esse, quæ nihil aliud ostendit, quàm unicum fidelium præsidium in ingentibus calamitatibus, ad quas immittendis Angeli se parabant, fore preces fidelium à Christo oblatas, & propter eum gratas, quas Deus certissimè ad ipsorum salutem exauditurus sit.

XII. Locus Tobie 12. 15. ubi personatus ille Angelus de quo ibi agitur, sibi officium soli Filio Dei proprium tribuit, dum proficitur se *esse unum* ex septem illis Angelis sanctis, qui deferant preces Sanctorum, quia ex Apocrypho libro petitur; qui mendaciis & superstitionibus scatet; merito rejicitur, non minùs enim hic à veritate recessit, quàm quum se Azariam esse, Ananiam magni filium ex filiis Israël proficitur, & cap. 7. se esse ex tribu Nephtholim, ex captivitate Ninives. Tobia 12. 15.

XIII. Ut verò Angeli non sunt Intercessores nostri apud Deum, Ita nec censendi sunt objectum cultus religiosi, quod Pontificii vellent, post veteres Angelicos, quos, ut ad cultum Angelorum inclinatos hæreticis aggregat August. 11. Quod vult Deum hæ. 39. Unde secunda oritur Quæstio circa eorum cultum, de qua observa, Non quæri, An aliquis honor & veneratio debeatur Angelis; Non negamus enim honorem illis exhibendum esse pro ratione eorum dignitatis, ut agnoscamus & celebremus eorum excellentiam, præsentiam revereamur, monitis obtemperemus, exempla imitemur, & intensum ipsorum erga nos amorem, mutuo amore compensemus, quò spectant illa August. de vera Relig. cap. 55. *Honoramus eos non servitute, sed charitate.* Sed agi propriè de cultu religioso, Qualiscunque enim sit creaturæ Ange-

De cultu Angelorum.

Status Quæstionis.

Quæst. licæ dignitas, pertendimus eos non posse censerî cultus religiosi objectum.

IX. XIV. Rationes sunt. 1. Quia *ἑρπύρεα* seu cultus Angelorum expressè damnatur à Paulo Col. 2. 18. *Nemo vos brabio defraudet pro libidine, in demissione animi, & Cultu Angelorum, in ea qua non vidit se ingerens, temere inflatus mente suâ carnali.* Ubi varia latent argumenta. 1. in eo quòd Ap. ait eos, qui errorem illum fovebant, fideles *καταβέβηκεν*, id est, *præmium ipsis interciperè*, vel à præmio proposito impedire, scilicet à rectâ viâ abducendo, vel à legitimâ metâ & scopo avocando, quia à Christo qui meta est cursus nostri, & ejus vero cultu eos abstrahabant. 2. dicit *volentes* id facere, ut innuat *cultum* hunc esse *voluntarium*, non imperatum, qui fiat ex propriâ hominis voluntate & libidine, non autem ex Dei mandato. 3. *humilitatem affectare*, qui Romanorum etiam hodie prætextus est, & nihilominus *turgere sensu carnis suæ*, quia falsi istius cultus commentum, indicium est superbix, quâ sapientiores volunt videri Deo. 4. non *tenere Caput*, quia Christo ipso excidunt, qui alium socium illi in cultu adjungunt. Denique *pedem inferre in ea qua non viderunt*, jus sibi faciendo loquendi de incognitis, & sua commenta tanquam oracula proferendi.

XV. Nequicquam hic excipitur. 1. à Perronio, *ἑρπύρεα*, seu cultum Angelorum, intelligi *originaliter*, non *objectivè*, non cultum Angelis delatum, sed cultum ab Angelis allatum; scilicet Legem seu Religionem Judaicam, quæ ministerio Angelorum tradita fuerat, à qua Christianos Paulus vult revocare. & 1. quia Paulus loquitur de cultu voluntario, quod ad Legem Mosaicam, quæ Deum authorem habet, referri nequit. 2. quia inauditus est vocis istius usus in Scriptura, quoties enim usurpat nomen *ἑρπύρεα*, ut Act. 26. 5. Ja. 1. 26. Sapient. 14. 27. vel significat cultum ab aliquo, vel alicui delatum. At hic priori sensu non potest sumi, ergo cultus Angelis exhibitus intelligi debet. 2. non damnari Angelorum venerationem, sed eam quæ Deo propria est, vel quæ deferretur Angelis, omisso Christo, quia dicuntur *non retinere Caput*, vel quæ referatur ad Magorum præstigias, & cultus superstitiosos. & Quia Paulus damnat omnem *ἑρπύρεα* Angelorum absolute, non quæ deferretur ipsis, ut summo Deo, Angelici enim profitebantur se Deum agnoscere, sed ut Mediatoribus, inferioribus Deo, qui ideo dicuntur non retinere Caput; non quòd Christum prorsus secluderent, sed quòd cum profitendo factis abnegarent, aliud præter ipsum adorationis objectum constituentes, ut Pseudoapostoli, qui circumcisionem urgebant, dicuntur excidisse à Christo Gal. 5. 4. licet Christum adhuc profiterentur.

2. ex Apoc. XVI. Secundò, Quia Angelus cultum istum repudiat, Apoc. 19. 10. & 22. 9. Cùm Johannes ad pedes ejus procumbere vellet, Angelus statim ad ipsum, *Vide*, inquit, *ne facias, Adora Deum, Conservus tuus sum, & fratrum tuorum.* Nec dici potest Angelum recusasse illum cultum tantum

tum modestiæ causâ, & aulico more, ut *Lorinus* & *Estius* volunt, vel ob mysterii Incarnationis reverentiam, vel ob lumen Propheticum, & Sacerdotium quod in Johanne suspiciebat: Quia duplex ratio, quam affert Angelus à legitimæ adorationis objecto, & ab ipsius ministerio, vanitatem cæterarum satis evincit: & docet Angelum non respuisse tantum secundum quid cultum sibi aliàs debitum, sed absolutè ut indebitum, & soli Deo deferendum. Quis verò ferat Bellar. & Estium, qui volunt, non posse reprehendi qui faciunt, quod Johannes fecit, quia ut Spiritu divino plenus fuit, non suspicari licet eum, aut obliviosum, aut indocilem fuisse; imò factum meritò omnibus esse imitandum? Nam si rectè fecit Johannes adorans Angelum, Ergo peccavit Angelus, cultum illum ut illicitum rejiciendo. Nec obstat, quòd Johannes Spiritu divino plenus ignorare non potuit hoc illicitum esse, quia Spiritus dabat infallibilitatem in doctrinâ & verbis, sed non statim in vita & praxi. Quamvis ergo cognosceret theoreticè Angelos non esse adorandos, potuit tamen ex animi perturbatione ortâ ad conspectum Angeli, ab illa theoriâ in sua praxi deflectere, & mensuram excedere in honore, quem ei exhibere volebat, ut quid faceret non satis attenderet, ut simile quid contigisse legitur Cornelio erga Petrum Act. 10. 26. qui eadem ratione cultum sibi à Cornelio oblatum respuit. Non incommodè quidam volunt Johannem magis errasse in facto, & personâ, quàm in jure, putando Angelum istum non fuisse Angelum creatum, sed increatum, cui ille cultus deberetur. Unde Angelus eum instituit de sua natura & conditione, ne servus cum esset, pro Domino communi utriusque sumeretur.

XVII. Tertiò, Quia Scriptura soli Deo cultum religiosum vindicat, 3. ex Matt. *Dominum Deum tuum adorabis & illi soli servies*, Matt. 4. 10. quod petitur ex Deut. 6. 13. & 10. 20. ubi licet expressè non habeatur vox *soli*, necessariò tamen includitur, ut Servator exponit. Frustra occurrunt Adversarii λατρείαν hîc solum Deo appropriari, non δαλείαν, quam nihil obstat Cœlitibus etiam communicari. Quia Satan non petit λατρείαν, sed tantum προσκύνησιν, nec ulla δαλείας hîc sit mentio. Deinde fictitia est & inanis distinctio, cum tam apud sacros, quàm profanos Scriptores promiscuè sit λατρείας & δαλείας significatio, ut facile ostendi posset, & nobis alibi fusè probatum est Disp. 2. de Secess. ab E. R.

XVIII. Quartò, Nemo objectum potest esse cultus religiosi & Invocationis, qui non sit *omniscius*, & *omnipotens*: nam omnium ubique necessitates & preces nosse nemo potest nisi omniscius, & καρδιογνώστης, nec eas exaudire nisi omnipotens; qui ergo talis non est, frustra ad eum cultus & invocatio dirigitur. Sed omniscientia & omnipotentia sunt proprietates soli Deo propriæ, & creaturis omnibus incommunicabiles.

Quæst.

IX.

5.

6.

XIX. Quintò, si licita esset *ἑρσικεία* Angelorum, aliquod daretur in Scriptura ejus mandatum, vel promissum, vel exemplum probatum; cum verò nihil tale afferre possint Adversarii, ex eo patet meram esse *ἑρσολοῦσιν*: Exempla verò quæ ab ipsis afferuntur, non huc facere infra ostendetur.

XX. Sextò, Cultus iste non semel à Patribus in Veteri Ecclesia damnatus est, pauca è multis testimonia damus. Tertull. lib. de Præscript. cap. 33. ait, *Simoniaca magia disciplinam Angelis servientem inter idololatrias collocatam, & à Petro Apostolo in ipso Simone damnatam*. Augustinus hæc. 39. *Angelicos* ita dictos esse asserit, quòd in Angelorum cultum inclinarent, quos refellit cap. ult. de Vera Relig. *Hoc ipsos optimos Angelos & excellentissima Dei ministeria velle credamus, ut unum cum ipsis colamus Deum, cujus contemplatione beati sunt &c. Quare honoramus eos charitate, non servitute, nec eis Tempia construimus, nolunt enim se sic honorari a nobis, quia nos ipsos cum boni sumus templum summi Dei esse noverunt*. Origenes lib. 1. & 5. contra Celsum prolixè vindicat Judæos & Christianos à creaturarum cultu, & l. 7. extremo docet eos recusare colere quicquam præter Deum universorum Dominum, & Verbum ejus primogenitum omnis creatura. Lactant. lib. 1. cap. 20. *Religio & veneratio nulla, inquit, nisi unius Dei tenenda est*. Concilium Laodicenum an. 364. congregatum, Ca. 35. cultum Angelorum expresse damnat, & statuit *Angelos nominare, & congregationes facere, esse Ecclesiam Dei relinquere, occulta idololatria vacare, & Christum derelinquere*, Carol. Mag. in Capitu. lib. 1. cap. 1. *non mediocris est error, cum aliud adoratur cultu religionis quam is, qui dixit Dominum Deum tuum adorabis*.

Fontes
Solutio-
num.

XXI. Alius est cultus religiosa adorationis, qui illi soli debetur, quem apprehendimus ut principium Creationis & Redemptionis nostræ. Alius subjectionis civilis, qui exhibetur alicui ratione peculiaris *ὑπεροχῆς* & domini, quod habet in alterum, quo colimus Parentes, Magistratus, & alios in autoritate constitutos. Alius moralis reverentia, quæ exhibetur personis propter excellentiam earum ex se consideratarum, absque dominio honorati, vel servitute honorantis. Angeli coli possunt postremo hoc cultus genere, sed non primo, quod Deo soli competit.

XXII. Exempla quæ petuntur pro adoratione Angelorum ex V. T. Vel referenda sunt ad adorationem civilem eorum, qui sub specie humana illis apparebant juxta morem Orientalium, & qui existimabantur homines esse, ut Bellar. lib. de Beatit. Sanct. cap. 13. non diffidetur: Vel pertinent ad Angelum increatum, Filium Dei scilicet, qui in præludium Incarnationis Patribus sub tali specie sæpe apparuit, quod facile colligitur ex circumstantiis locorum. Genes. 18. Abraham procumbit coram uno ex Angelis, qui eum allocuti erant, ex quo cognovit eum esse Deum, ideo eum vocat *Jehovam*. 2. orat eum pro incolumitate Sodomæ. 3. vocat eum *Judicem*

Gen. 18.

totius

totius terra ψ. 25. Gen. 32. Angelus qui luctatur cum Jacobo Deus fuit ^{Quæst. IX.} ^{Gen. 32.} Hofe. 12. 4. ubi dicitur Jacob *principem se gessisse cum Deo*, quod nomen Israël confirmat, & benedictio quam ab ipso postulat, & denominatio loci פניאל *Peniel*, quia *vidisse dicitur Deum facie ad faciem* ψ. 30. Gen. 48. 16. Jacob loquitur de Angelo Goël, qui cum ab omni malo libera- ^{c. 48. 16.} vit, & à quo benedictionem salutarem petit pro filiis Josephi, qui non potest alius esse, quàm increatus. Jos. 5. 14. Josua adorat Angelum increa- ^{Jos. 5. 14.} tum, quia dicitur *Princeps militie Jehova*, quod nemini nisi Christo convenit, qui Caput est Angelorum & hominum Apoc. 19. 11. 12. & jubetur Josua solvere calceamenta ob præsentiam Numinis, quod Mosi præcipitur in visione Dei, Exod. 3.

XXIII. *Septem Spiritus* de quibus agitur Apoc. 1. 4. non sunt creati, ^{Apoc. 1. 4.} sed Spiritus Sanctus, qui ob multiplicem donorum varietatem & relatè ad septem Ecclesias Asiaticas, quibus communicari debuit, ita vocatur. Patet 1. quia in eodem ordine collocantur cum Patre & Filio in invocatione, per quam petitur *gratia* & *pax* Ecclesiis, id est, omnigena benedictio, quod soli Deo competit. 2. præponuntur ipsi Filio non ob *prioritatem naturæ*, vel anterioritatem ordinis existendi, sed tum ob *æconomiam* officii à Christo suscepti, qui consideratur ut primogenitus à mortuis, qui peccata suorum lavit suo sanguine ψ. 5. 6. tum ob seriem verborum sequentium, quæ de Christo agunt. Nec si dicuntur Spiritus isti esse *ante thronum*; sequi-
tureos esse inferiores Deo, quia & ipse Filius qui est *ὁμοῦσι* Patri, dicitur *stare ante thronum*, secundum certam *ἁγίαν*, Apoc. 5. 6. qui secundum aliam non desinit sedere in ipso throno, Apoc. 4. 2. sed tantum *distinctio personalis* à Patre innuitur; Adde quòd aliud est esse ante thronum *κατὰ ὁσίαν*, aliud *κατὰ ἐξουσίαν* in visione Prophetica.

XXIV. Diversitas excellentiæ subjectorum postulat quidem diversitatem cultus; sed non diversitatem cultus religiosi, nam ut iste habet tantum pro objecto excellentiam infinitam & increatam, non potest esse multiplex, sed unicus esse debet.

XXV. *Cultus civilis*, vel strictè dicitur pro eo, qui tam *causaliter*, quàm *formaliter*, id est, tam ratione causæ, quàm ratione modi, talis est, qui propter causas merè civiles defertur, vel latè pro eo, qui est tantum civilis posteriori sensu, prout distinguitur à religioso, quo sensu tribuitur Angelis.



LOCUS OCTAVUS
DE
STATU HOMINIS
ANTE LAPSUM,
ET
FOEDERE NATURÆ.

QUÆSTIO PRIMA.

Quænam fuerit Libertas Adami in Statu Integritatis?



I. UM Homo in quadruplici Statu spectari possit, *instituto naturæ, destituto peccati, restituto gratiæ, & præsultato gloriæ*, diversimodè etiam *Libertas* ejus considerari debet circa illos. Nos hic de primo tantùm agimus.

II. Per *Statum integritatis* intelligimus primam hominis ad imaginem Dei, interna bonitate, & externa felicitate creati conditionem: in qua, ut bonis omnibus, tam corporis, quàm animi ad veram beatitudinem obtinendam in illo statu necessariis, abundabat: Ita sanctissimum & suavissimum Dei regimen experiebatur. Unde duabus potissimùm partibus absolvebatur, *Felici hominis conditione, & fæderali circa ipsum Dei gubernatione*. Felicitas ejus oriebatur ex *Imaginem* Dei ad quam conditus erat, quæ in *justitiâ originali* præcipuè sita erat, & in *immortalitate*, ac *dominio* eam consequente, de quibus antea dictum Loco de Creatione. Ad quam etiam pertinebat *Libertas* ejus, de qua quæstio instituitur.

III. Ut verò de Adami integri libertate rectius possimus ratiocinari, *Quæst.* *1.* variaz Libertatis species ante omnia debent distingui, ut conslet, quanam illi competere potuerit, quanam verò non.

IV. Quadruplex datur libertas. 1. *Libertas independentiæ*, quæ competit soli Deo, ut primo Enti; quæ opponitur *necessitati dependentiæ*, quæ convenit omnibus creaturis. 2. *Libertas à coactione*, per quam homo agit sponte, & cum lubentia, quæ opponitur *necessitati coactionis*, quæ videtur in iis, qui per vim agunt. 3. *Libertas rationalis à necessitate brutâ & physicâ*, per quam homo agit *ἐκ προαιρέσεως*, & non bruto instinctu, & cæco impetu, quæ opponitur *necessitati physicâ* inanimatorum & brutorum. 4. *Libertas à servitute*, per quam homo nullius servitutis, vel peccati, vel miseriæ jugo obnoxius est, quæ opponitur *necessitati servitutis*, quæ est in peccatoribus.

Quadruplex libertas.
1. independentiæ.
2. à coactione.
3. à necessitate physicâ.
4. à servitute.
Quanam necessitas conveniat cum libertate.
Quanam cum ea sit àντιστοιχία.

V. Non omnis necessitas pugnat cum libertate, nec omnis cum ea convenit. Quædam necessitas ab extrinseco destruit libertatem, Quædam cum ea consistit. Quædam ab intrinseco perimit eam, & quædam eam perficit. *Necessitas coactionis*, quæ est ab extrinseco est *ἀντιστοιχία* cum libertate; Sed *necessitas hypothetica* quæ oritur, vel à decreto Dei, vel ab existentia rei, cum libertate conspirat. *Necessitas ab intrinseco*, quæ oritur ex *determinatione physicâ & brutâ* ad unum, libertatem tollit; *Necessitas ab intrinseco*, quæ fluit ex *determinatione rationali* voluntatis ab intellectu, non modò non destruit libertatem, sed eam conservat & fovet.

VI. *Libertas Adami* non fuit *libertas independentiæ*, quasi fuerit *ἀντιστοιχία*, & absolutè sui juris, quia semper ut Creatura Creatori sui, & ut causa secunda primæ debuit subijci, & ab ejus nutu pendere; Non fuit *libertas indeterminatiæ* voluntatis ab intellectu practico; Hæc enim voluntatem in appetitum irrationalem transmutasset, ut appeteret malum sub ratione mali, & non tam libertas, quàm effrenis fuisset licentia, quæ cum imagine Dei fuisset *ἀντιστοιχία*. Sed triplex alia fuit in ipso *libertas*. 1. à coactione. 2. à necessitate physicâ. 3. à servitute, tum peccati, tum miseriæ. Duæ priores constituiebant *libertatem* ejus *essentialem*, quæ homini in quocunque statu sit constitutus conveniunt, cujus duo sunt characteres τὸ προαιρετικόν, & τὸ ἐνέργειον, ut quod sit, fiat prævio rationis judicio, & sponte. Sed posterior *accidentalis* fuit, quia supervenit libertati essentiali, & ab illa separari potest; quippe datur vera libertas, ubi talis non datur immunitas à servitute, ut in statu peccati.

Libertas Adami.
suis
1. à coactione.
2. à necessitate physicâ.
3. à servitute.

VII. Licet verò liber fuerit à servitute peccati, quia justus & rectus creatus est, non fuit tamen *liber à mutabilitate*, quia qualiscunque fuerit ejus sanctitas & justitia, mutabilis fuit, à qua proinde deficere potuit. In eo quippe statu positus fuit Adamus, ut posset stare & cadere, peccare & non peccare. Quod quamvis minorem perfectionem arguat præ statu gratiæ, qui immu-

QUEST. I. tabilis est, nullum tamen vitium vel imperfectionem notat, siquidem immutabilitas non est donum naturæ, sed gratiæ: Non potest tamen mutabilitas illa pertinere ad libertatem Adami, quamvis eo nomine nonnunquam veniat, quia tam illustri ornari non meruit elogio illa conditio, quæ tum libertati, tum beatitudini hominis modum ponebat, sed fuit tantum libertatis Adamicæ appendix, quæ ita propria illi fuit, ut in nullo homine fuerit amplius, vel esse possit.

VIII. Ex hac verò mutabilitate *indifferentia* oritur, quæ vulgò tribui solet Adamo, de qua quaeritur, An libertas ejus in ea posita fuerit, Ad quam respondemus negative. 1. quia talis *indifferentia*, seu æqualis ad bonum & malum propensio, cum voluntatis naturâ pugnat, quæ necessario sequitur dictamen intellectus. 2. cum statu creationis, in quo voluntas creata fuit valde bona, utpote ad imaginem Dei in justitia & sanctitate condita; valde bona autem non esset, si ad vitium, æquè ac ad virtutem propensa esset. 3. cum Lege homini lata, quæ Deum totâ mente & totis viribus amare jubebat; à quâ utique jam recessisset, si in tali æquilibrio fuisset constitutus. Si ergo quædam *indifferentia* illi tribuenda est, non est intelligenda in *actu secundo*, & quoad *potentiam simultatis*, quasi potuerit simul & semel manens in illo statu actu ferri ad bonum & ad malum, quod est *ἀόριστον*, quia sic homo supponeretur esse simul integer & lapsus: sed in *actu primo*, & quoad *simultatem potentie*, quia potentia seu facultas Adami ita erat disposita per conditionem mutabilem in qua conditus erat, ut posset ad malum determinari, non minus ac ad bonum, sed successivè, & in sensu diviso, non simul & in sensu composito, quod tristis experientia nimis docuit.

IX. Quamvis libertas naturæ conveniat in essentialibus cum libertate hominis in aliis statibus constitutæ, longè tamen differt in accidentalibus. Nam *libertas gloria* in beatis est, *non posse peccare*. *Libertas peccatorum* in statu peccati est *non posse non peccare*. *Libertas fidelium* in gratia est *posse peccare, & non peccare*; Sed libertas Adami fuit *posse non peccare*. Prima fuit absoluta *impotentia peccandi*: Secunda absoluta *impotentia bene agendi*: Tertia *potentia peccandi & bene agendi*: Quarta fuit *potentia non peccandi*. Quod August. eximie explicat lib. de Corrupt. & Grat. c. 11. *Si bona ista differant, diligenter & vigilanter intuendum est posse non peccare, & non posse peccare, posse non mori, & non posse mori, bonum posse non deserere, & bonum non posse deserere. Potuit enim non peccare primus homo, potuit non mori, potuit bonum non deserere. Et postea. Prima ergo libertas voluntatis erat posse non peccare, novissima erit multo major, non posse peccare. Prima immortalitas erat posse non mori, novissima erit multo major, non posse mori. Prima erat perseverantia potestas, bonum posse non deserere, novissima erit felicitas perseverantia, bonum non posse deserere.*

QUÆSTIO II.

An Adamus vires habuerit credendi in Christum?

I. **Q**UÆSTIO hæc nobis intercedit cum Arminianis, qui, ut hypothesim suam tuerentur de necessitate gratiæ cujusdam universalis sufficientis; hanc invexerunt opinionem, Adamum non habuisse unquam vires credendi in Christum. Ideoque eas non potuisse amittere per peccatum; nec proinde Deum posse fidem in Christum à nobis nunc exigere in Evangelio, nisi antea sufficientem ad eam gratiam largitus sit, quia ad impossibile nemo tenetur. Hinc pertendunt Deum aut dare, aut saltem paratum esse omnibus dare potentiam credendi si velint. Ita duo simul probare conantur. Primò falsò à nobis asseri Adamum amisisse vires credendi in Christum, quia nunquam eas habuerit. Secundò Gratiam fidei debere esse universalem ex justitia & æquitate novi fœderis. *Armin. resp. ad art. 19. Dico & affirmo, assevero, profiteor & docco, Adamum ante lapsum non habuisse potentiam credendi in Christum, quia fide in Christum non erat opus, ideoque Deum non potuisse ab illo fidem illam exigere post lapsum, hoc nimirum jure, quia Adamus potentiam illam credendi suâ culpâ amiserit.* Idem statuit & probare satagit *Corvinus* in *Tilenum*, & *Molinæum*.

II. Non quæritur, An Adamus habuerit fidem actualem in Christum. *Status* Certum enim est objecto non revelato non credidisse actu. Sed An potuerit *Quæstio-* illam habere, si hoc illi revelatum fuisset, id. An habuerit fidem potentialem, *nis.* non tantum ad revelata, sed & ad revelanda? An quemadmodum per fidem actualem credebat omni Dei Verbo actu revelato: Ita per potentialem potuerit credere non modò Verbo jam revelato, sed etiam ulterius revelando, si ita Deo libuisset? Orthodoxi sic sentiunt, Adamum quidem in Christum tanquam Redemptorem actu non credidisse ante lapsum, quia Christus revelatus illi non fuit, nec tunc redemptione illi erat opus: sed tamen in creatione vires sufficientes à Deo accepisse, quibus omni Verbo revelato, aut revelando credere potuit, ac proinde etiam in Christum futurum Redemptorem, si ei hoc à Deo fuisset revelatum, quòd & lapsurus esset, & post lapsum Deus Filium suum in redemptionis pretium esset traditurus.

III. Rationes sunt. I. Quia Adam accepit vires credendi omni Dei Verbo, Ergo etiam Verbo Evangelii si illi revelatum fuisset; quia fides in Christum est pars & species, quæ continetur sub notione generali fidei. Accepisse autem vires credendi omni Dei Verbo, patet ex perfectione

Quæst. I. naturæ, in qua conditus est; Nam qui perfectè sanctus est, omnimodam fidem & obedientiam Deo præstare tenetur, aliàs defectus aliquis in eo daretur, quia sic non credendo Dei Verbo se infidelem, eoque non integrum probasset. Deinde si non potuisset credere, id ideo factum esset, vel quia intellectus aliquo errore excæcatus, & voluntas aliqua rebellione præpedita fuisset; Sed neutrum dici potest de homine sancto, & ad imaginem Dei condito. Frustra *Corvinus* arguitur, Adamum vires quidem credendi omni Dei Verbo revelato habuisse, sed quod pertineret ad fœdus legale, non verò ad fœdus Evangelicum, quia hoc homini integro absolute non fuit credibile sine contradictione. & Quia licèt Verbum Evangelii non fuerit credibile, ut necessarium & salutare pro tunc, id est, in statu integritatis, potuit tamen esse credibile respectu temporis futuri, quod secuturum esse ejus lapsus, si Deus illi eum revelasset; ut Petro revelatus est à Christo lapsus ejus, & post lapsum resurrectio. Deinde si credibile non fuit Evangelium pro statu integritatis, hoc non oriebatur ex defectu potentiz, sed tantùm revelationis objecti.

IV. 2. Quia ante lapsum habuit potentiam amandi Deum, eique in omnibus obsequendi; Amor enim fidem supponit, quæ pars est obedientiz; Nam qui jubetur ex Lege amare Deum, & ei obtemperare, jubetur etiam ei credere loquenti: Nec valet quod excipitur, aliam esse potentiam quàm Deo creditur, aliam quàm Christo, quia Verbum Legis & Evangelii toto genere sunt opposita; & in Lege mandatum esse quidem, ut Deum amaret, & ei obsequeretur, sed tantùm pro ratione status, in quo per creationem constitutus erat, ut Creatorem suum coleret, non in quo per redemptionem fuit restituendus, ut in eum crederet. Quia licèt quoad formulam peculiarem differant inter se Lex & Evangelium; conveniunt tamen in eo, quòd sint ex æquo Verbum Dei, atque adeò fidei nostræ objectum, & obedientiz norma. Unde qui tenetur credere Deo loquenti in Lege, & vires habet ad id sufficientes, posset etiam & deberet credere Evangelio, si illi revelaretur. Nec major concipi potest amor, vel obsequium eo, quod in Lege nobis præcipitur.

V. Tertiò, Angeli integri ex revelatione Dei cognoverunt Redemptorem promissum suo tempore exhibendum, & eo gavisi sunt, 1. Pet. 1. 11. & Eph. 3. 10. Ergo homo in statu integritatis potuisset ex revelatione Dei cognoscere futurum Redemptorem à lapsu, & in ipsum credere. Eadem enim est utrobique ratio.

VI. Quartò, Quæ est ratio misericordiz, pœnitentiz, & aliarum virtutum in statu integritatis, eadem & fidei in Redemptorem, quia illæ actualiter acceptæ, non minùs repugnant statui integritatis, quàm fides in Redemptorem; At nemo negare potest hominem integrum potuisse affici misericordiâ & pœnitentiâ, si objectum utriusque illi oblatum fuisset. Ergo & potuit habere fidem in Christum, si illi prædicatus fuisset.

VII. Non ideo dicenda frustranea illa potentia, quæ non versatur circa speciale aliquod objectum ad illius ambitum pertinens, quia potest habere alia plura objecta circa quæ occupatur, & vires non semper insunt naturæ propter exercitium actus, sed sæpe propter perfectionem naturæ. Ut virtus misericordiæ & charitatis non fuit inutilis in Adamo integro, dum nulli erant miseri & egeni, quia Adamum perficiebat. Ita potentia credendi non fuit frustra in Adamo, licet circa certum aliquod objectum sese exercere non potuerit propter absentiam objecti, quia circa plura se occupavit. Tum dicitur frustranea vel otiosa potentia, quando quæ debet agere & potest agere, non agit, quod hic non datur.

Quæst.
I.
Fontes
Solutio-
num.

VIII. Quamvis Adamus integer non potuerit credere remissionem peccatorum præsentium, quæ nulla dumerant; hoc non obstabat, quominus potentiam haberet credendi remissionem futurorum, si Deo placuisset illi, & futurum lapsum ejus, & restaurationem ex eo revelare; ἀνίστατο erat respectu ejusdem credere se integrum & peccatorem, sed κατ' ἀλλο, ὃ ἀλλο, idem qui nunc est integer, potest credere se postea lapsurum; quique ideo egeat gratiâ Dei & fide in Christum.

IX. Quamvis fides in Christum non præscribatur *specificè*, & *expresse* in Lege, quæ Christum non novit, continetur tamen in ea *in genere*, & *implicite*, quatenus Lex jubet nos credere omni Dei Verbo, & omni promissioni ejus, ut nemo potuerit Legi obtemperare, qui non paratus fuerit etiam Verbo Evangelii credere si à Deo revelatum fuisset.

X. Qui accepit vires resurgendi à lapsu, non opus habet novis viribus ad resurgendum, nisi lapsu suo eas vires amittat, quod factum ab Adamo, qui peccando potentiam illam omnem cum justitia originali perdidit. Si ergo post lapsum non potest propriis viribus resurgere, non inde oritur, quod vires illas in creatione non acceperit, sed quod eas per lapsum amiserit. Nec dici potest, eas amitti non potuisse, quia usus earum erat demum post lapsum; nam non minus se exercere debuerunt ante lapsum in eo præcavendo, quàm in eo corrigendo, si in homine mansissent.

QUÆSTIO III.

DE FOEDERE NATURÆ.

*An Fœdus aliquod cum Adamo Deus pepigerit,
& quale?*

I. **C**UM Fœdus inter homines dicatur vulgò *mutua pactio duarum pluriumve personarum de certis bonis & officiis mutuò præstandis communis utilitatis ergò*: Et has conditiones præcipuè postulet. 1. ut personæ sint æquales, vel simpliciter, vel in certo saltem ordine. 2. ut in sua potestate habeant bona, vel officia quæ sibi mutuò præstare debent, & ut quoad illa sint *ἀντιθέσεις*. 3. ut non sint obligatæ absque illa pactione ad officia illa præstanda. Certum est fœdus Dei cum homine strictè loquendo intercedere non posse; 1. quia nulla datur inter Deum & hominem æqualitas vel proportio, ut nec inter bona, quæ Deus suo fœdere promittit, & officia quæ homo præstare tenetur, ex quibus nihil utilitatis Deo *ἀντιπροσέτις* accedit Pl. 16.2. 2. quia homo nullo respectu est *ἀντιθέσις*, & tenetur etiam absque ullo pacto ad obsequium Deo præstandum. 3. quia homo ad id nihil ex se conferre potest, sed totum à Deo pendet, tam quoad bonum promissum, quàm quoad officium præceptum, ad quod præstandum Deus homini vires largitur. Deus tamen per summam *συγκατάθεσιν* cum Creaturis voluit fœdus aliquod inire.

II. Poterat quidem Deus pro jure suo obedientiam homini à se condito præscribere sine ulla præmii pollicitatione; sed ut supremum illud dominium bonitate suâ temperaret, fœdus addidit, quod promissione præmii, & obedientiæ stipulatione constat. In quo, ut Jus suum in hominem fortiùs asserere voluit; Ita summam benignitatem demonstravit in eo, quòd ipse nullius rei indigus, creaturam sibi jam ex creationis jure subditam, & ex naturali obligatione omnia debentem, inito fœdere, ad propiorem sui communionem invitare, & isto amoris & mutue obligationis nexu potentiùs allicere voluit. Ut jam homo promissione Dei excitatus, felicitatem, non ex mera solùm ejus *φιλανθρωπία*, sed etiam ex pacto propter veritatem & fidelitatem ejus certò expectare possit.

III. Licet verò fœdus aliquando *latius* sumatur pro simplici Dei *promissione* citra ullius conditionis stipulationem ex parte creaturæ, quale est fœdus illud quod pepigit cum hominibus, & animantibus terræ, de illis non ampliùs diluvio perdendis, quod etiam Iride fuit obsignatum Gen. 9.9.10. 11. & illud de quo loquitur Jer. 31. 35. & 33. 25. quod diei & noctis
vices,

vices, & statuta cœli & terræ disponit & tuetur, quod vocatur propterea *Quæst.*
μονοπλόγον, quia unus tantum partis dispositione & promissione constat. 111.
 At *strictæ* & *proprie* notat pactionem Dei cum homine, per quam Deus sua
 bona, & præcipue vitam æternam illi promittit, & ab homine vicissim of-
 ficiū & cultum restipulatur, certis signis externis, confirmationis causâ
 adhibitis, quod *διπλόγον* & *mutuum* vocatur, quia mutuâ constat partium
 fœderatarum obligatione, hinc promissione à parte Dei, inde conditio-
 nis stipulatione ab hominis parte.

IV. *Fœdus* istud geminum nobis proponitur in Scriptura, *Natura* & *Duplex*
Gratia, *Operum* & *Fidei*, *Legale* & *Evangelicum*. Cujus distinctionis *fœdus, na-*
 fundamentum pendet, tum ex diversâ *χρίσ* Dei contrahentis, qui modò *tura* &
 ut Creator & Dominus spectari potest, modò ut Redemptor & Pater; tum
 ex diversâ hominis conditione, qui vel ut Creatura integra, vel ut lapsa
 consideratur; tum ex diverso modo vitam & felicitatem consequendi, vel
 per obedientiam propriam, vel per alienam imputatam; tum ex diversis
 officiis homini præscriptis, scilicet operibus, vel fide. In illo enim Deus
 ut Creator obedientiam perfectam ab homine integro postulabat cum pro-
 missione vitæ & felicitatis æternæ; Sed in isto Deus ut pater, salutem in
 Christo pollicetur homini lapsò sub conditione fidei. Illud opere hominis
 nititur; Istud solâ Dei gratiâ, Illud à Creatore justo, hoc à Redemptore
 misericordi pendet. Illud cum homine integro sine Mediatore; Hoc cum
 lapsò interventu Mediatoris pactum est.

V. *Fœdus natura* est, quod Deus Creator cum homine integro, tan- *Quare fœ-*
 quam suâ creaturâ pactus est, de illo felicitate, & vitâ æternâ donando sub *duis natura*
 conditione perfectæ & personalis obedientiæ: Vocatur *naturale*; non *dicatur.*
 ab obligatione naturali, quæ nulla est Dei erga hominem; sed quia
 in naturâ hominis, prout primitus à Deo condita est, & in illius integri-
 tate, seu viribus fundatur. Dicitur etiam *Legale*, quia conditio ex parte
 hominis fuit observatio legis naturæ, quam sibi habebat insculptam, Et
operum, quia operibus, seu obedientiâ ejus propriâ nitebatur.

VI. *Fœdus naturæ* cum Adamo initum esse negat *Episcopus Insti. The.* *Dari fœdus*
 l. 2. c. 1. & cum eo Remonstrantes; Sed tale fuisse probatur. 1. Quia dan- *natura pro-*
 tur partes essentielles fœderis, Deus & homo. *Deus*, qui prout erat hominis *batur.*
 creator, non poterat non esse ejusdem gubernator, & ex hoc legislator, &
 quia naturâ suâ bonus est, etiam remunerator ipsum quærentibus Heb. 11.
 6. ut non modò legem illi poneret, quâ regeretur, sed & præmium illam ob-
 servanti statueret, licet nullo jure ad id obstrictus foret. *Homo* qui cum esset
 creatura, non poterat etiam non totus dependere à Deo, & quia erat integra,
 poterat legem insculptam servare, & quia erat rationalis, non debebat aliter
 quàm modo rationali, id est, per intellectum & voluntatem gubernari; tum
 legum

Quæst. III. legum præscriptione, tum præmiorum promissione, & pœnarum comminatione; Et quia erat ad imaginem sanctitatis divinæ conditus, etiam ad communionem beatitudinis ejus, quæ individua sanctitatis est comes, perducì debebat.

VII. Secundò, Quia Lex Adamo posita fuit, quæ necessariò importat pactum & contractum aliquem fœderalem, quia qui eam accipit, ex officio se obligat ad obedientiam sub pœna per eandem denunciata, & qui eam fert, eo ipso quòd obedientiam exigit, tenetur obedienti præstare indemnitàtem, & securitàtem. Licet verò alteram tantum partem sanctionis istius fœderalis exprimat Moses, quæ refertur ad pœnam, Genes. 2. 17. priorem tamen de promissione non esse excludendam probatur, tum ex Sacramento Arboris vitæ, quo obli gnabatur, tum ex comminatione mortis, quæ à ratione contrariorum implicitam habuit promissionem vitæ, tum ex variis locis Scripturæ, quæ legis naturam & sanctionem clariùs exprimunt, ut Lev. 18. 5. *qui fecerit hæc, vivet in ipsis* Deuter. 27. 26. Ezech. 20. 11. Matth. 19. 17. Galat. 3. 12.

Hof. 6. 7. VIII. Tertiò, Hoc non obscurè videtur innuere locus Hof. 6. 7. *nbi Israhelitz dicuntur transgressi fœdus sicut Adam כארם עברו ברית הכה. Et ipsi sicut Adam violarunt fœdus.* Quamvis enim hæc verba possint etiam exponi de inconstantia hominum, ut dicantur transgressi fœdus, sicut homines facere solent, qui suâ naturâ vani, levesque sunt, & fidem sæpe fallunt. Nihil obstat tamen ea ad Adamum etiam referri, ut dicantur violasse fœdus ad instar Adami primi parentis, qui fœdus cum ipso à Deo contractum miserè fregit; non absimilis locutio occurrit Job. 31. 33. *Sit exi, inquit, כארם sicut Adam iniquitates meas*, ubi manifestè respicit ad factum Adami peccatum suum excusare & tegere conantis, Gen. 3. 12.

IX. Quartò, Tale fœdus postulabat, non modò Dei bonitas & φιλαδελφία, quæ non potuît convenientiùs se exercere, quàm hominem se quærentem ad se propiùs recipiendo & communione suâ beando: sed & ipsius hominis status, & felicitatis appetitus ipsius cordi à Deo impressus; Cùm enim dubitari non possit, quin rectus fuerit & legitimus, vanus & irritus esse non potuit; sed impleri debuit positâ hominis obedientia, nisi velimus Deum inani desiderio voluisse hominem pascere, & illi illudere, quod vel cogitare blasphemum.

In fœdere hoc conside-
randa sunt.

1. Partes contrahentes.

Deus & Homo.

Deus ut Creator &

Legislator.

X. In isto fœdere consideramus. 1. *Subjèctum*, seu *Partes contrahentes*. 2. *Pactionem* ipsam, quæ includit res utrinque pactas, tam à parte Dei in promissione beneficii, quàm à parte hominis in restipulatione officii. *Partes contrahentes* sunt Deus, & Homo. Deus quâ Creator, & Dominus, sub qua & duo includuntur, legislatória potestas, & bonitas in remunerando; Illa quidèin, quia, qua Creator non potest non creaturam gubernare, nec guberna-

burnare potest, nisi congruenter ejus naturæ, id est λογικῶς, per legum Quæst.
 idonearum positionem: Hæc verò, quia non potuit non creaturam suam III.
 officium præstantem amare, & remunerari.

XI. *Homo* sub gemina *quæ* spectandus, vel quæ *justus*, vel quæ *primus*. *Homo quæ*
 Priori respectu, vires habuit præstandi officium præscriptum: Unde orieba- *justus.*
 tur obligatio illud implendi, quæ aliàs locum habere non potuisset; cum ad *Et quæ pri-*
 impossibile absolutè nemo teneatur. Posteriori, Adamus universum genus
 humanum, quod ex ipso nasciturum erat quodammodo inclusit, tum ut *ra-*
dix, & *principium seminale*, à quo debuit descendere totum genus humanum
 Act. 17. 26. tum ut *persona publica*, & *caput repræsentativum*, quod omnes
 homines ex se naturaliter oriundos repræsentaret. Unde fœdus illud non ad
 Adamum solum, sed in illo ad omnes ejus posteros pertinuit. Quod Cl. A-
 myr. Disp. de tribus Fœder. th. 8. agnoscit, *Quæ primus homo fuit*, inquit,
universum genus humanum, quod ex eo nasciturum erat, veluti repræsentavit.
 Fundamentum autem istius communionis oritur ex duplici vinculo, quò
 homines cum Adamo colligantur, *naturali* uno, secundum quod Pater fuit
 communis omnium, & illi filii; *forensi* altero, quò ex sapientissimâ Dei
 Providentia in Principem, & Caput generis humani constitutus est, qui pro
 se & suis contraheret, & bona sibi collata, tanquam bona communia toti
 naturæ, & sibi & suis haberet, vel amitteret.

XII. *Pactio* duabus partibus constat, hinc officii exactione, à parte Dei, *1. Pactio*
 & restipulatione à parte hominis, inde promissione beneficii à parte Dei, & *ipsa qua*
 acceptatione à parte hominis. *Officium* fuit partim generale, partim speciale, *constat.*
 juxta duplicem legem ipsi latam, moralem seu naturalem, & symbolicam. *1. exactione*
Generale fuit cognitio & cultus Dei cum justitia erga proximum, & omni- *ne officii,*
 modâ sanctitate; *Speciale* fuit abstinencia à fructu vetito, in qua totius Legis *seu obe-*
 obedientia velut in compendio & specimine continebatur. Illud fundabatur *dientia Le-*
 in Lege naturali, quæ non in libro scripta, sed in corde insculpta & impressa *gi debita.*
 fuit, de qua Paulus ait, *omnes naturâ facere qua sunt Legis, & opus Legis*
scriptum esse in cordibus hominum, Rom. 2. 14. 15. Ita ut qui sunt sine Lege
 scripta, non sint tamen sine Lege sculpta, cum ipsi per conscientiæ dictamen
 sibi ipsis sint Lex. Istud in Lege symbolicâ & positivâ. Illud præcipuum &
 primarium fuit, Hoc verò tantum secundarium. Quamvis enim speciali
 quoque præcepto, seu Legi istî symbolicæ ipsi datæ parere teneretur; potis-
 simum tamen Legis naturalis obedientia ab ipso requirebatur, cui exploran-
 dæ præceptum hoc symbolicum tantum inservivit, ut postea dicetur.

XIII. *Obedientia* quam Lex exigebat, characteres istos habere debuit. *Qualis de-*
1. ratione principii, sinceritatem, ut esset vera & sincera ex toto corde, non *buerit esse.*
 hypocritica, & externa tantum corporis. *2. ratione objecti, universalitatem*,
 ut extenderetur, non ad quædam tantum, sed ad omnia Legis præcepta nul-

Quæst. III. lo excepto. 3. ratione *graduum*, *intensionem*, ut esset perfecta, & omnibus numeris absoluta. 4. ratione *durationis*, *perseverantiam*, ut esset constans & perpetua usque ad finem sine interruptione.

XIV. Ad hanc verò obedientiam, licet homo obligatus jam esset *obligatione naturali*, quæ creatura rationalis, quæ non potest non subesse dominio Dei, & ipsius Legi, fortius tamen obstrictus fuit *obligatione fæderali*, quam Deus ita stipulatus est, ut homo, viribus quas in creatione acceperat, eam præstare posset, quamvis ut illam actu præstaret, ipsi adhuc opus esset *auxilio Dei*, quo facultates illæ & vires tum actuarentur, tum à mutatione præservarentur. Quod auxilium non tendebat ad virtutem novam aliquam ipsi infundendam, sed tantum ad efficaciam illius virtutis exerendam, quam acceperat. Hoc autem non pertinebat propriè de *fædus naturæ*, sed à liberrimâ Dei *indulgentiâ* semper pendebat, alias fædus naturæ fuisset immutabile, nec homo unquam peccasset.

XV. Officii exactionem comitabatur *Fæderis sanctio*, quæ tum promissione præmii & mercedis, tum comminatione pœnæ constabat. *Promissio* fuit summæ *felicitatis*, & vitæ æternæ, non in terra, sed in cælo peragendæ. *Comminatio* fuit *mortis*, & quicquid mortis nomine venit in Scriptura, ad omne genus pœnæ exprimendum, in quam homo per peccatum suum meritò incurrit.

XVI. Ex hac verò pactione nascitur *obligatio* mutua partium, quæ diversa est pro conditione earum; Nam respectu *hominis*, non tantum fuit ex pacto, sed absoluta & simplex ex naturâ rei, tum propter Deum, cui homo tanquam creatura Creatori, beneficiarius benefactori se ipsum totum, & quicquid erat Deo debebat, & illum toto corde amare tenebatur. Sed respectu *Dei*, fuit gratuita, utpote pendens ex pacto seu promissione gratuita, per quam Deus, non ipsi homini, sed sibi, suæque bonitati, fidelitati, & veracitati obstringebatur, Roman. 3. 1. 2. Tim. 2. 13. nulum ergo fuit *debitum* propriè dictum, ex quo homini jus posset nasci, sed tantum *fidelitatis debitum*, ex promissione ortum, quod ejus constantiam, & veritatem infallibilem & immutabilem ostendit. Quòd si Apostolus jus sive *debitum* videtur agnoscere, Rom. 4. 4. non alio sensu intelligendum est, quàm *respectivè*, non ad proportionem, & condignitatem officii, quod homo præstat Deo, Rom. 8. 18. Luc. 17. 10. Sed ad *Dei pactum*, & *paciscentis justitiam*, id est, fidelitatem.

XVII. Si quod ergo *meritum* homo integer in illo statu obtinisset, non intelligendum est *propriè & in rigore*, quia cum homo omnia habeat à Deo, & Deo debeat, nihil jure tanquam suum potest ab illo repetere, nec Deus illi debitor esse potest: Non per condignitatem operis, & ex intrinseco ejus valore, quia quaecunque illud sit, nullam proportionem

habere potest cum præmio vitæ infinito; Sed ex pacto, & liberali Dei promissione, juxtaquam jus postulandi præmii homo habuisset, ad quod Deus ultrò se obligaverat. Et *comparatè ad fœdus Gratiæ*, quod solo merito Christi nititur, quo jus ad vitam nobis acquirit: Hoc verò obedientiam propriam & personalem postulabat antecedenter, ex quâ & justificationem suam coram Deo, & vitam obtineret, tanquam mercedem pactam sui laboris.

QUEST.
IV.

QUÆSTIO IV.

DE ARBORE SCIENTIÆ BONI ET MALI.

Unde dicta sit Arbor scientiæ boni & mali, Et cur Legem de ea non gustanda Deus Adamo dederit?

I. **D**Uæ sunt Quæstionis partes. 1. de *Nomine*. Unde Arbor scientiæ boni & mali nomen hoc sortita fuerit? 2. De ejus *Usu*. Quare Deus eâ usus sit ad Legem symbolicam explorationis hominis.

II. Frustra quæritur, Quænam fuerit Arbor, An *ficus*, ut quibusdam placuit, quia ex ea post lapsum folia ad subligacula homo petiit; An verò *malum*, ut aliis visum est ex Cantic. 8. 5. quia Sponsa dicitur sub malo suscitata & parata; Quia cùm Scriptura nihil de eo tradat, nihil certi de eo statui potest, & temeraria esset curiositas non minùs ac inutilis ea inquirere, quæ Deus latere nos voluit.

III. Videndum potiùs, Cur nomen hoc sortita sit. Ita autem dictam putamus; Non *formaliter*, quasi in se λογική rationalis esset, sciens bonum & malum; Non *effectivè*, quasi per se fuerit scientifica, quæ usu suo scientiæ vel productrix fuisset, vel adjuatrix, ut quibusdam ex Judæis, & post eos Soci- Unde Arbor scientiæ boni & mali dicta. nianis placuit; Non *putativè* à fallaci Serpentis nomenclatione, & promissione, quod Ruperto, Tostato, & aliis visum, quia nulla ratio est, cur Adamus, vel Moses voluissent arbori nomen imponere ex impudentissimo mendacio deductum, compertâ impostoris fraude: Sed tum *sacramentaliter*, quia erat signum exploratorium, & commonitorium de cavenda scientia experimentalis mali æquè ac boni, tum *eventualiter* à posteriori per proleptim, quatenus ex ejus usu homo revera experturus erat, quid interesset inter obedientiæ bonum, & inobedientiæ malum, ut qui illud discernere nollet per præceptum, discerneret per experimentum; suoque malo edocendus erat, quantum bonum amisisset, quantum contra malum sibi attraxisset, à quantæ felicitatis fastigio, in quam profundam miseriæ abyssum per peccatum se præcipitasset.

Q U A E S T.

I V.

IV. Hanc verò arborem selegit Deus ad explorandam obedientiam Adami, unde nata Lex specialis illis lata de non gustando ejus fructu, Gen. 2. 16. 17. *Ex omni arbore horti comedendo comedes; sed ex arbore scientiae boni & mali non comedes, quia in die quâ comedes ex eâ, mortem morieris*, quæ vocatur *Lex positiva*, quia non obligabat hominem ex natura rei, quæ in se erat indifferens, sed ex mero Dei arbitrio; & *Symbolica*, quia in symbolum & experimentum obedientiæ hominis data erat. Talis enim erat, ut in ea velut in matrice tota Lex naturalis includeretur, ut Tertull. loquitur lib. adv. Judæ. c. 2. *Primordialis illa Lex data Adamo in paradiso, quasi matrix fuit omnium praeceptorum Dei*. Ut enim illâ impletâ, amorem suum & obsequium erga Deum illibatum testatus fuisset: Ita illâ violatâ, se Dei imperium detrectare, & propriam voluntatem, imò & vocem diabolicam voluntati & voci divinæ se præferre professus est.

Cur lata

sit Lex

symbolica.

V. Necessaria ergo fuit Lex illa exploratoria præter Legem naturalem, quæ hominis conscientiae fuit impressa. 1. ut Deus, qui homini dominium rerum omnium concesserat, declararet se hominis Dominum, homo autem intelligeret se servum, qui teneretur illi subesse & adhærere; Licet enim Lex naturalis id jam non obscure declararet, quia tamen potuisset quis arbitrari Legem naturalem esse proprietatem naturæ, non autem Legem; Ideo peculiari Lege, quæ esset de re absolute indifferente hoc clariùs declarare voluit; Ut hinc Dei dominium, qui arbitrato suo puro puto id vetat, cujus nulla alia præter voluntatem ejus ratio est indaganda; Inde verò hominis obsequium appareret, nullam jussi, vel interdicti rationem indagantis, sed se ad morem gerendum componentis, ob solam imperantis voluntatem. 2. Ut peccatum luculentiùs in externo illo symbolo conspiceretur, & latentis ulceris malum in lucem pertraheretur, vel obedientiæ virtus longè clariùs eluceret. Illustrior enim futura erat virtus obedientiæ, quæ ideo tantum mala esset, quia à Deo vetita. *Nec enim*, inquit Aug. lib. 8. de gene. c. 13. *potuit melius & diligentius commendari, quantum malum sit inobedientia, cum ideo reus iniquitatis factus est homo, qui rem eam tetigit contra prohibitionem, quam si eo non prohibitus tetigisset, utique non peccasset*. 3. ut declararet hominem à se liberi arbitrii esse factum, quia si ea caruisset, talem legem illi non imposuisset. 4. ut pulchræ arboris fructum interdicendo, beatitudinem suam in rerum terrenarum fruitione non consistere admoneret, quia alias Deus earum usu ipsum arcere non voluisset. 5. ut doceret Deum solum, & ejus obsequium, posthabitis rebus omnibus, ut summum bonum quærendum fuisse, & in eo solo acquiescendum.

VI. Ad hoc experimentum de homine sumendum potuisset quidem Deus magnum aliquid & arduum homini præcipere vel prohibere: ut tentavit fidem Abraham præcepto duro & difficili; sed voluit legem dare de re
nec

nec magna, nec difficili, ut facilis esset obedientia, & homo si transgredere-
tur omni prætextu careret. Unde August. lib. 14. de C. D. c. 15. *Quisquis*
damnationem Adæ vel nimiam, vel injustam putat, melius profecto nescit,
quanta fuerit iniquitas in peccando, ubi tanta erat non peccandi facilitas;
Sicut ergo Abrahæ non immerito magna obedientia prædicatur, quia ut occideret fi-
lium res difficillima est imperata: Ita & in paradiso tantò major inobedientia
fuit, quanto id quod præceptum est, nullius difficultatis fuit.

VII. Deus autem hoc præceptum homini dedit ad ejus explorationem,
non quòd ejus mutabilitatem, vel eventum ignoraret; sed partim, ut homi-
ni ipsi suam patefaceret infirmitatem, ut eventu ipso cognosceret, quantum
inter Creaturam & Creatorem interesset discriminis; partim etiam, ut Deus
gloriam suam illustriùs declarandi circa hominem occasionem haberet, quæ
absque hoc præcipuâ suâ parte latuisset; nimirum quodad exercitium mise-
ricordiæ & justitiæ, cui per peccatum hominis via aperta est.

QUÆSTIO V.

DE ARBORE VITÆ.

Unde dicta sit Arbor Vitæ?

I. **A**ltera Arbor, quâ Deus veluti Sacramento Promissionem datam
Adamo obsignari voluit, fuit *Arbor vitæ*, circa cujus nomenclat-
tionem non una est omnium sententia.

II. Quidam pertendunt ita vocatam fuisse *effective*, quòd vim innatam
haberet hominem vivificandi, id est, non tantùm morbos & languores, sed
& ipsam mortem arcendi, & omnimodam immortalitatem ipsi conferendi,
quod *Bellarmino*, & variis ex Pontificiis placet; Sed meritò à *Scoto*, *Thoma*,
& aliis hæc sententia rejicitur; Quia potentia finita non potuit habere effi-
caciâ infinitam, vitam in infinitum tempus extendendi: Adde quòd cùm
fructus ejus non minùs ac succus corruptioni obnoxius esset, absolutè non
potuisset ab interitu hominem vindicare, nisi alia causa intercessisset. Pro-
babiliter quidem statui potest fructum ejus fuisse optimum & efficacissimum
vitæ conservandæ alimentum, cui insita fuerit vis facultatem nutritivam cor-
roborandi, & humidum radicale reparandi, & æquabilem sanitatis, & vigo-
ris statum conservandi, donec in coelestem vitam eveheretur. Sed non pro-
pterea hoc nomine peculiari insigniri debuisset, quia aliæ etiam arbores ea-
dem virtute, si non fortè æqualiter, pollebant.

III. Longè ergo melius ab aliis statuitur nomen hoc præcipuè sortitam
esse

Quæst.
IV.

Unde dicta
sit Arbor
vitæ? non
effective.

Sed sacra-
mentaliter,
esse

Quæst. V. esse istam arborem ratione *significationis*, quia sacramentum & symbolum fuit immortalitatis, quæ Adamo conferenda fuit, si in primo statu perseverasset. Unde *August.* lib. 8. de gene. ad lit. c. 4. *Erat, inquit, ei in cæteris lignis alimentum, in isto autem sacramentum.* Significatio autem hæc potest triplicem ἔχειν habere. 1. respectu *vite præterite*, quia erat symbolum *μνησθέντων* vitæ à Deo acceptæ, quoties enim de illo fructu gustabat, recordari debuit se non à se ipso, sed à Deo vitam habere. 2. respectu *vite future*, quia fuit signum *σπουδαίων* & *σφραγιστικόν* vitæ beatæ in paradiso transigendæ, & in cœlestem postea transmutandæ, si in integritate perstitisset. 3. ratione *status gratiæ*, quia fuit illustris typus felicitatis æternæ, quæ in cœlis nobis parata est, & Christi ipsius, qui eam nobis acquisivit & confert, qui ideo vocatur *Arbor vite in medio paradisi Dei* Apocal. 2. 7. & 22. 2. *Arbor vite fructus duodecim per singulos menses ferens, cujus folia sum ad sanitatem gentium.*

I V. Vita ergo quam arbor ista significabat & obsignabat, non fuit corporis solius propriæ vel longævitas, vel immortalitas; sed æterna beatitudo in cœlis tandem obtinenda, quæ vitæ æternæ nomine in Scriptura venit, quàmque nulli cibi largiri possunt, sed cum qua cibi & potus usus potius pugnat: Unde Deus & ventrem, & cibos dicitur aboliturus, ut homo non in corpore hoc animali, sed spirituali Deum videat. Quod postea peculiari Quæstione probabitur.

Gen. 3. 22. V. Quum Deus Gen. 3. 22. expellit hominem ex paradiso, *Ne homo extendens manum suam acciperet de fructu arboris vite, & viveret in æternum*, non inde rectè potest inferri, fuisse vim physicam in hac arbore tantæ efficaciz, quæ potuerit suo fructu semel degustato etiam hominem peccatorem mortalitati eximere: Quia non aliò verba ista respiciunt, quàm ut justæ ejectionis ejus ex paradiso causa notetur propter peccatum suum, per quod ut vitâ ipsâ, quæ fuit res significata, exciderat suâ culpâ; Ita nullum amplius jus habere debuit ad ejus Sacramentum: Et Deus sic loquitur non ad rem ipsam, vel ejus eventum respiciendo, quasi actu debuisset arbor illa vitam illi conservare etiam post peccatum; Sed relatè ad præposteram opinionem Adami, qui hoc potuit cogitare, non intellectu verâ nominis istius ratione. Ne ergo conaretur, licet frustra, irritam reddere Dei comminationem, expellitur ex paradiso, non quòd immortalitatem, aut longiorem vitam homini Deus invideret; sed quia æquum non erat, ut signo immortalitatis quam amiserat, ulterius frueretur. Quem in finem etiam Cherubim cum framea ignea ad portam paradisi apponere voluit, ut primi parentes tam ab horto, quàm ab arbore arcerentur.

V I. Sed quod ipsis interdictum in pristino illo statu, nobis jam non modò licitum factum est, sed & imperatum, & promissum in statu gratiæ, in quo

quo ad Paradisum cœlestem, & ad Christum veram vitæ Arborem facilis ^{Quæst.} nobis datur accessus. Is scilicet veritas est, & Mysterium veteri hoc typo ^{V.} adumbratum, *Arbor vitæ*, non terrena, sed cœlestis, non materialis, & ^{Quomodo} *ἀλογος*, sed mystica & rationalis, non tantum significativa & obliqnativa ^{Arbor vitæ} vitæ, sed ejus verè collativa. *In ipso vitæ erat* Johan. 1. 4. id est, omnis vitæ ^{Christum} fons & causa, tam *naturalis* in mundo, quia in ipso sumus, vivimus, & mo- ^{significa-} ^{vitæ} vemur, Act. 17. 28. quàm *spiritualis* in Ecclesia per gratiam, quia ut Me-
diator, est *Princeps vitæ*, qui dat vitam mundo, & *æterna* in cœlo per glo-
riam, quia est *resurrectio & vitæ*, qui suis vitam æternam certissimè est lar-
giturus. Arbor verè *unica*, quia nullus præter Christum author vitæ æter-
næ, nec est in alio quoquam salus, Act. 4. 12. in medio paradi, Apoc. 2. 7.
& plateæ Civitatis c. 22. 2. quia Christus est in medio Ecclesiæ, tanquam
in loco honoratiori, & commodiori, ut omnibus præstò sit, & vim suam
vivificam in omnes diffundat, & ab omnibus conspiciatur, veluti centrum
in quod lineæ omnes fidei & amoris confluere debent, ut in eo acquiescant.
Arbor frugifera Apoc. 2. 7. quæ suavissimos & exquisitissimos fert fructus
ad sustentationem fidelium Cant. 2. 3. fert illos *duodecim* Apoc. 22. 2. id est
copiosissimos & uberrimos, qui possint sufficere duodecim tribubus Israël,
id est omnibus Ecclesiæ membris, quæ ab ejus plenitudine hauriunt dona
omnia ipsis necessaria: fert illos *singulis anni mensibus*, id est, perpetuò, quia
vis & efficacia justitiæ & Spiritus Christi est perpetua & indefinens ad conso-
lationem & sanctificationem fidelium, ejus *folia* nunquam decidentia &
perpetuò virentia ad *sanitatem gentium sunt destinata*, quia non tantum vim
habet *alimenti* ad pascendas animas nostras, sed & *medicamenti* saluberrimi
ad morbos nostros omnes sanandos, Il. 53. 5. Matth. 11. 28.

VII. Hinc patet mysterio non caruisse duas istas arbores Paradisi. Nam
ut prima fuit Sacramentum explorationis, quod officium homini præscribe-
bat, & secunda Symbolum præmii, quò ejus obedientiam remunerari Deus
voluit. Ita nobis utraque adumbravit optimè modum agendi Dei in Eccle-
sia per *mandata*, & *promissa*: Illa, quæ officium homini præscribunt, & quæ
ejus obedientiam explorant, quæ arbore scientiæ boni & mali bene signifi-
cantur. Ista verò, quæ beneficium Dei & mercedem amplissimam exhibent,
quæ vult obsequium nostrum coronare, quæ arbore vitæ commodè expri-
muntur. Secundò *Lex & Evangelium* pollunt etiam sub gemino hoc symbo-
lo contineri. *Lex* enim, ut arbor scientiæ boni & mali, ad explorationem
obedientiæ nobis datur, & per peccatum non minùs ac illa, fit occasio mor-
tis, & ministerium condemnationis. *Evangelium* verò est arbor vitæ saluta-
ris, & vivifica, quia est *Verbum vitæ*, Jo. 6. 68. Tertiò, Illa *Adami*, à quo
peccatum & mors fluxit: Ista verò *Christi*, à quo justitia & vita oritur, 1. Cor.
15. 22. imaginem exhibet.

QUÆSTIO VI.

An Adamus promissionem habuerit vitæ æternæ & cœlestis, ut peracto obedientie curriculo in calum evehendus fuerit? Affirm.

Status
Quæstio-
nis.

I. **Q**uæstio hæc à variis nobis movetur. Primò à *Socinianis*, qui ut mortalitatem primi hominis asserant, & mortem non esse poenam peccati, sed sequelam naturæ evincant, pertendunt, fœdus Dei cum Adamo non fuisse spirituale, sed de animalis tantùm & terrenæ vitæ commodis, nullamque illi aliam expectandam fuisse beatitudinem præter terrenam & animale, quâ fruebatur in Paradiso, obnoxiam esui & potui, & aliis vitæ necessitatibus, quæ etiam morte abrumpi debuerit. Unde promissum vitæ æternæ referunt ad bona N. T. Nec ullam spem ejus factam primo homini contendunt, vel subobscuram tantùm aliquam significationem ex arboris vitæ ænigmate hauriendam. *Soci. Prælect. c. 1. Volkcl. l. 3. c. 11.*

II. Secundò ab iis qui triplex fœdus constituentes; Naturale, Legale, & Evangelicum, ita promissionem unicuique fœderi additam exponunt, ut sola *Evangelica* fuerit vitæ æternæ in cœlis peragenda, *Legalis* constiterit in beatitudine perfectissima, cum animi tum corporis fruenda in terra Canaan; Promissio verò fœderi naturali annexa non aliò respexerit, quàm ad vitam perpetuam, & affluentem omni bonorum genere, quæ cum in animam, tum in corpus hominis in statu integra natura constituti competere possunt, eamque in Paradiso terrestri fruendam, ut loquitur Cl. *Amyrald.* Disp. de tribus Fœder. Th. XI.

III. Recepta verò apud Orthodoxos sententia est, Promissionem Adamo datam, non fuisse tantùm vitæ felicitis continuandæ in Paradiso, sed cœlestis & æternæ, ad quam evehendus fuisset Adamus emenso obedientiæ perfectæ & perseverantis curriculo, quod Deus illi præscribere voluisset ad ejus obedientiam explorandam. Hinc patet, Non quæri An Adamus immortalitatis privilegium habuerit in statu integro, quod antea contra Socinum probavimus. Non, An illi promissio data fuerit felicitatis & vitæ perpetuæ duraturæ, si in integritate perstitisset; quod non negant Viri Docti, adversus quos hic agimus. Sed An felicitas illa, & vita transigenda fuerit in cœlis, An tantùm in terra & Paradiso. Posterius affirmant; Nos prius.

IV. Rationes sunt. I. Quia Lex operum habuit promissionem vitæ cœlestis & æternæ; Ergo etiam Lex præscripta Adamo, quia eadem est Lex utrobique quoad substantiam: prius patet ex *Levit. 18. 5. Qui fecerit ista,*

vivet in illis Matth. 19. 16. 17. Si vis intrare in vitam, nimir. cœlestem, *ser-* QUEST. VI.
ua mandata, & Rom. 7. 10. *Præceptum* dicitur esse datum ad vitam, non uti-
 que terrenam, sed cœlestem. Cum verò post lapsum Lex neminem possit
 justificare; necessario in Adamo integro hæc promissio locum habuisset.

V. Secundò confirmatur ex eo, quòd Christus vitam æternam & cœle-
 stem, quam nobis confert, non aliter acquisivit, quàm quia factus sub Lege,
 Legis *δικαιωμα* pro nobis implevit, Rom. 8. 4. Gal. 4. 5. quod fieri non po-
 tuisset, nisi Lex vitam cœlestem obedienti addidisset. Ut enim non aliam
 obedientiam Deo Patri præstitit, præter eam, quam Lex exigebat. Ita non
 aliam vitam acquisivit per impletionem Legis, quàm quæ Lege promitteba-
 tur. Adde quod cùm Christus mortuus sit, ut per ipsum recuperemus quod
 amisimus in Adamo, & vitam cœlestem nobis meritus sit; Necessè est illam
 nobis periisse in Adamo, & Adamum ad illam perventurum fuisse, si perse-
 verasset in obsequio. Nec Christus arbor vitæ appellaretur, nisi eam vitam
 nobis restitueret, cujus promissionem hæc arbor protoplastis obligabat.

VI. Tertiò, Quia *comminatio mortis*, quæ denunciatur transgressori,
 complectitur & temporariam, & æternam mortem in inferis subeundam.
 Ea enim mors intelligitur, cujus propter peccatum imperium nactus est Dia-
 bolus Heb. 2. 14. At is habet imperium mortis æternæ in gehenna patiendæ.
 Ergo & promissio vitæ illi opposita, vitam cœlestem & æternam includit;
 Consequentia ratio pendet ex Dei bonitate, quæ non minor est ejus justi-
 tiâ. Quòd si Legislatores solent mitioribus pœnis transgressores plectere,
 & amplioribus præmiis obedientes remunerari. Quantò magis hoc de Deo
 optimo & munificentissimo Legislatore dicendum, qui tardus est ad iram,
 & multus misericordiâ? An Deus delectaretur pœnas aggravare, & præmia
 minuere? pœnas spirituales, æternas, & infernales denunciare, & promif-
 siones tantum terrenas largiri?

VII. Quartò, Hoc exigit summa Dei bonitas sui communicativa, quæ
 cùm creaturæ rationali ad id condita, & inter omnes creaturas Dei capaci
 non possit non se communicare, debet & se fruendam exhibere naturæ suæ
 convenienter, id est, spirituali modo: Nam corporalia & terrestria bona
 possidere, non est illo frui ut Deo, id est, ut solido & immutabili bono;
 maxime cùm fœdus, in cujus societatem illum cooptat, non quævis, sed
 præstantissima bona in intima Dei communione polliceatur, quæ alia esse
 non possunt, quàm æterna & cœlestia.

VIII. Idem postulat quintò *Hominis ipsius dignitas*, qui cùm nobilif-
 simâ sui parte spiritus sit, originis proinde cœlestis, qui cœlestium bono-
 rum desiderio vehementi tangitur, quibus solis appetitus ejus infinitus sum-
 mi boni expleri potest. Non potuit in terra plenam suam felicitatem conse-
 qui, sed cœlo tandem donandus fuit, ubi plenissimâ & perfectissimâ Dei

Quæst. VI. communione; in qua situm est summum ejus bonum, frui potuit. Nam licet in terris se utcumque homini fruendum dare potuerit; Certum est immediatam & absolutam omnibus numeris Dei fruitionem, extra beatificam visionem, quæ in cœlo demum expectari potest, quærendam non esse.

IX. Sexto, Quia alius debet esse *Status via*, & *Status Patria*, locus certaminis & explorationis, & locus præmii & mercedis. At paradysus terrestris fuit locus explorationis, & vita, quâ in eo fruebatur, status viæ; Ideo debuit alius locus assignari statui patriæ, in quo præmium promittebatur, qui non potuit alius esse præter cœlum. Aliàs sequeretur nullum bonum illi promissum fuisse, cujus antea particeps non factus esset ante perfectam obedientiam Legi præstitam, quia jam in paradiso vitâ beatâ, & omni bonorum genere cumulata fruebatur. Mitto, quod si Adam perseverasset in suâ obedientiâ, impossibile fuisset ei, & toti suæ posteritati perpetuò in terris manere. His enim numero crescentibus per generationem nemineque in cœlum translato, intra bis mille annos angustior fuisset terra, quàm ut totum genus humanum continuisset. Quanto minùs eos omnes capere & nutrire unus Hedenis hortus potuisset? Ex quibus omnibus patet promissionem Adamo datam non fuisse demum vitæ beatæ in terris peragenda, sed cœlestis & æternæ, quod Calvinus in Gen. 2. 17. observat, *Terrena quidem vita illa fuisset temporalis, in cœlum autem sine interitu & illasus migrasset.*

Fortes
Solutio-
num.

X. *Fœdus naturale* non ideo dicitur, quod nihil conferat supra naturam, & conditionem, quam homo habuerat à Creatione, sed quia nitebatur naturæ viribus, & obedientiâ, quam juxta illas præstare debuit. Nec si proportio non datur inter officium præscriptum, & cœlestis vitæ beneficium; sequitur locum habere non posse talem promissionem, quia gratis & falso supponitur promissiones Dei regulari secundum proportionem meriti nostri, cum contrâ pendeant à voluntate & bonitate Dei; Ut nulla proportio fuit inter Angelorum constantiam, originem suam servantium, & infinitum confirmatæ vitæ cœlestis præmium. Ut enim Deus citra condignum punit, ita ultracondignum longè remuneratur.

XI. Licet Scriptura expressum mentionem non faciat vitæ cœlestis Adamo conferendæ: satis clarè colligitur per legitimam consequentiam, ex oppositâ comminatione mortis gehennalis, & ex sacramentali promissionis istius oblatione per arborem vitæ, cujus significationem homini non ignotam fuisse certò certius est. Quamvis enim Moses obscurius id tradat, sicut pleraque ad fœdus istud pertinentia, quæ tanquam fugientis imaginis umbram, tenui tantum luce spargit, ad representandum ejus *ἀπαρχὴν*, dubium tamen esse non potest, quin distinctius hæc primo homini revelata fuerint.

XII. Christus solus dat nobis promissiones vitæ æternæ in statu peccati;

cati; Sed in statu naturæ Adamus potuisset illas habere per propriam obedientiam ex pacto Dei. QUÆST. VI.

XIII. *Promissiones* novi fœderis dicuntur *meliores* promissionibus veteris, Hebr. 8. 6. non quoad *substantiam*, quia eadem vita cœlestis & æterna Hebr. 8. 6: utrobique promittitur: Sed quoad *modum*, quia, ut longè nobiliori modo acquisitæ sunt per Christum: ita longè *clariùs* & *efficaciùs* proponuntur, & certius ac firmitus in manu Mediatoris applicantur, quatenus non datur tantum nobis *auxilium sine quo non* perseverare possimus, ut Adamo, sed *auxilium quo* certò perseveremus. Deinde possunt dici *meliores*, quoad objectorum conditionem: Nam fœdus operum vitam tantum homini perfectè iusto & merenti promittit. Sed fœdus gratiæ non vitam tantum, sed etiam salutem homini planè immerenti & indigno, putà peccatori pollicetur.

XIV. Quamvis fœdus hoc naturæ caruerit Mediatore, non minùs tamen potuit vitam cœlestem promittere & conferre Adamo perseveranti; Ut Angeli potuerunt sine Mediatore in bono confirmari.

XV. Alia debet esse beatitudo & perfectio viæ, alia verò patriæ. Licet nihil defuerit Adamo in paradiso ad beatitudinem & perfectionem, quæ convenit statu viæ, deesse tamen plura poterant, quæ requiruntur ad beatitudinem patriæ.

XVI. Quum Paulus 1. Cor. 15. 45. 46. ait primum Adamum factum 1. Cor. 15: fuisse in *animam viventem*, sed secundum in *spiritum vivificum*, illum *animalem* & *terrenum* fuisse, istum verò *spiritualem* & *cœlestem*. Non innuere vult quid Adamo promissum fuerit, vel non promissum; Sed tantum quamnam fuerit utriusque Adami conditio, & quid posteris communicare debuerint, nimir. Adamus vitam tantum animale, sed Christus cœlestem & æternam per Spiritum suum vivificum. Sed ut secundus Adamus non fuit ita de cœlo respectu suæ Divinitatis, quin haberet etiam aliquid *τὸ ἡμιῶς* in carne nostra quam assumpsit: Sic nec primus ita fuit *ψυχὸς* & terrenus respectu sui corporis e terra facti, & respectu functionum animalium, quæ spectant propagationem speciei, & conservationem individui, quin etiam moraliter spiritualis fuerit, sapientiâ, iustitiâ, & sanctitate præditus, adeoque iis dotibus ornatus, per quas capax erat vitæ æternæ & cœlestis.

XVII. *Caro & sanguis* non possunt hæredare Regnum Dei, 1. Corinth. 15. 50. non quatenus spectantur simpliciter *physicè*, & *substantivè*, aliàs carnis resurrectio non esset credenda; Sed tantum *moraliter*, & *qualitativè*, ut 50. sunt corruptioni per peccatum obnoxia, quod Adamo in statu naturæ non conveniebat. Quamvis verò Adamus in illo statu non potuisset vitâ cœlesti donari citra aliquam immutationem, ut à statu animalitatis, qui obnoxius est esui & potui, & somno & quieti, & aliis vitæ necessitatibus, transiret in statum gloriæ, in quo ab illis eximendus fuit; Non necesse fuit statum modum & rationem istius immutationis illi revelari; sufficiebat Adamo nosse *τὸ ὄν*, licet *τὸ πῶς* ignoraret.

QUÆSTIO VII.

DE PARADISO.

An Paradisus terrestris hodie adhuc supersit ? Neg.

*Status
Quæstio-
nis.*

I. **N**on quæritur hic, Quis, Qualisve Hortus Hedenis extiterit, quemve locum in Orbe terrarum habuerit, de quo variæ & discrepantes sunt Doctorum sententiæ, quas *Bellarminus* lib. de gratia primi homi. cap. 12. operosè refert & expendit. Licèt facile sit ex Mosis narratione & Topographia Paradisi, quam proponit colligere, non alibi quærendum esse, quàm in Mesopotamia circa Babylonem. Sed agitur hic tantùm de ejus præsentè existentia. An hodierno die adhuc Hortus ille supersit, ubicunque terrarum sit?

II. Quæstio hæc nobis intercedit cum variis ex Pontificiis, qui asserunt ipsum Hortum adhuc superesse, *loco quidem nobis ignoto, definito tamen in terra nova, & à peccatorum consortio remoto, ubi Enoch & Elias degant tantisper, donec inde prodeuntes contra Anti-Christum eum tandem debellant.* Quo fine verò hoc ita statuunt, non est obscurum; nimirum ut vulgo persuadcant Pontificem suum non esse Anti-Christum, prout à nobis dici solet, utpote qui proditurus demum sit sub finem seculi, redeuntibus Enocho & Elia, qui nondum apparuerint, quæ est *Bellarmini* sententia cap. 14. de gra. primi hom. *Sixti Senensis* biblio. lib. 5. anno 36. & aliorum.

III. Non pauci tamen ex Pontificiis ab ipsis hac in parte discedunt, ut *Pererius, Jansenius, Suarezius, Viegas, à Lapide*, & alii, qui uno ore asserunt hortum illum aquis diluvii obrutum, adeòque ita eversum & dirutum fuisse, ut non amplius supersit. Nos locum quidem superesse non negamus circa Euphratem in Mesopotamia, sed hortum ipsum jam olim vastatum & destructum statuimus universalidiluvio, veletiam singulari aliquo Dei judicio nobis incognito, ne reditum in illum homines affecarent, & scirent alium quærendum esse longè præstantiorem, nim. cœlestem, qui nullo diluvio deleri possit, sed in æternum ad felicitatem piorum sit perennaturus.

*Paradisum
non superes-
se proba-
tur.*

IV. Rationes sunt 1. Quia Gen. 7. 19. 20. diluvii aquæ ita per totum orbem terrarum invaluisse dicuntur, ut altissimos quosque montes quindecim cubitis superarint. Ergo delere etiam hortum istum debuerunt. Quod verò *Bellarmin.* ait credibile esse aquas diluvii in paradisum non penetrasse, & quod de montibus quos superaverint aquæ narratur, intelligendum esse de illis

illis montibus, qui à peccatoribus in terrâ habitatâ incoherentur; eadem facilitate rejicitur, quâ gratis & sine fundamento proponitur. Imò Scripturæ apertè repugnat, quæ non loquitur tantùm de quibusdam montibus, sed de omnibus *ÿ. 19. Operti sunt montes altissimi, qui sunt sub universo calo.* At propositio universalis non debet restringi, nisi in ipsâ Scriptura exceptio fiat, vel ratio necessaria eam exposcat, quæ nulla hîc datur: Nam quæ assertur de Enochî salute postea refelletur. Imò ipse Bellarminus sua vineta cædens fatetur postea, aquas in Paradisum penetrasse, & si non omnino destructum, detrimentum tamen aliquod accepisse, sed non totale, *quia non mutaverit situm loci, nec aëris temperamentum, nec arbores omnes eradicaverit, vel arefecerit.*

V. Secundò, Quia nullum ampliùs existit, vel deprehenditur Paradisi vestigium, nec in Mesopotamia, in qua ut diximus probabilissimum est fuisse, quia est regio amœnissima, ubi reperiuntur flumina Paradisi Euphrates & Tigris, ubi est terra *Eden* quæ nomen dedit paradiso *Gen. 2. 8. vicina Charan 2. Reg. 19. 12. Ezech. 27. 23.* nec uspiam alibi.

VI. Tertiò, Si Paradisus speciali privilegio conservatus fuisset à Deo, & immunis ab aquis Diluvii; frustra Noachus tanto tempore & sumptu Arcam confecisset, in quam se reciperet, cum facilè potuisset in Paradisum cum familia sua, & cæteris animantibus migrare, ubi tutus fuisset ab inundatione.

VII. Quartò, Si Paradisus conservatus est, aliqua procul dubio de causa conservari debuit, & in aliquem finem. Sed nulla ratio potest ejus reddi. Nam ea quam Adversarii fingunt, nimirum ut Enoch & Elias eò transferrentur, ut congruentem suo statui sedem haberent, donec tempus esset, ut cum Anti-Christo congregientes, vitam cum morte commutarent, futilis est, & absurda fabula, quæ nullo fundamento nititur. Dubium quidem non est Enochum & Eliam in Paradisum fuisse translatos, ubi in æternum vivere debent, sed cœlestis fuit, non terrenus; Paradisus scilicet ille, *in quo Paulus auditur verba àp̄l̄i*, ut Irenæus loquitur lib. 5. cap. 7. quia de Elia constat eum raptum esse in cœlum in turbine, *2. Reg. 2. 11.* & de Enocho quòd translatus, scilicet in cœlum ne mortem videret, *Hebr. 11. 5.* non fuisset autem mortalitati exemptus, si adhuc in Hedene asservaretur ad martyrium.

VIII. Locus Syracidis cap. 44. 16. asserit quidem *Enochum placuisse Deo, & translatum fuisse*, scilicet ex mundo in cœlum, sed additamentum illud, quo dicitur *translatus in Paradisum*, non extat in Codice Græco, sed insertum est à V. Interprete, & à Concilio Tridentino perperam approbatum: Adde quod aliud est transferri in paradisum, aliud transferri in paradisum terrestrem; prius asseritur apud Syracidem ex V. Versione, sed non posterius.

- QUAEST. IX. Frustra Bellarminus, ut probet Anti-Christum nondum venisse, ne cogatur cum in suo Pontifice agnoscere, fingit lib. 3. de Rom. P. cap. 6. Enochum & Eliam asservari in Paradiso, & inde redituros sub finem mundi, ad pugnandum cum eo, & ab ipso trucidandos; Cum talis commenti nec vo-
- Mala. 4. 5.* la, nec vestigium in Scriptura occurrat. Quod dicitur de Eliæ adventu *Mala. 4. 5.* in Johanne Baptista impletum esse constat ex *Luc. 1. 17.* & Christus ipse testatur *Matth. 11. 14.* *Si vultis credere, ipse est Elias qui venturus erat, &*
- Matth. 11. 14.* *Marc. 9. 13.* *dico vobis Elias ille jam venit, & fecerunt ei quacunque voluerunt.* Judæi credebant Eliam mittendum fuisse, priusquam regnum suum M. Elias auspicaretur, fatetur Christus id quidem verum esse, sed factum jam fuisse testatur. Qui ergo dicunt Eliam, qui juxta Malachiae oraculum ante Messiae adventum primum mittendus erat, nondum venisse, iis necessario fatendum est, nondum venisse Messiam. Nec reponi potest Malachiam loqui de ultimo adventu, quia vocat illum diem Domini *magnum & horribilem*; quia vox *מגדל* non significat tantum horribilem, sed etiam *reverendum*. Deinde adventus Christi primus ita dicitur, quia *magnus est sanctis, horribilis peccatoribus*, ut ait Hiero. *Nisi enim venisset Christus ad Judæos non habuissent peccatum &c.* *Johan. 15. 22.* Sed cum Christum venientem respiciissent, ille terram eorum excidio percussit ex oraculo Prophetæ *Mala. 4. 6.* Atque respectu hujus judicii & excidii, quod Christi adventum erat subsequiturum, adventus ipse Christi ut terribilis describitur *Mal. 3. 2.* à Johan. Baptista *Matth. 3. 10.* Nec si *Elias* dicitur *venturus* *Matth. 17. 11.* hoc ita intelligendum est, quasi adhuc venturus esset, sed quia juxta Malachiam olim venturus erat, & restitutus omnia, quod *Abulen's*, in *Matth. 11.* ita exponit, qui venturus est, id est, *qui venturus erat; nam jam venerat: sed dicitur, qui venturus est, quia venturus promittitur in Scripturis*, ut *Matth. 11. 3.* Johan. Bapt. per discipulos suos Christum interrogat, *Tu-ees, qui venturus es?* Christus jamdudum venerat, ac proinde venturus dicitur, non quia tunc venturus, sed quia juxta prophetias S. Scripturæ venturus erat, ut sæpe solet Scriptura mutato statu retinere nomen antiquum.
- Apoc. 11. 3.* X. *Bini testes* de quibus agitur *Apoc. 11. 3.* non possunt referri ad *Enochum & Eliam*, quia semel immortalitate donati ulterius morti obnoxii non sunt, ut vel neci possint tradi ab Anti-Christo, vel resurrectione opus habeant. Sed hoc refertur, vel ad V. & N. Testamentum, quod testimonium perhibet Christo, & quod impiè prohibuit & scdavit Bestia; Vel ad ipsius Verbi Præcones, qui Reformationem præcesserunt, & viam illi aperuerunt, qui aptius dicuntur *bestia sese opponere, occidi, habere cadavera, non sepeliri, reviviscere* in successoribus, qui *bini* dicuntur, sive propter paucitatem, numero certo pro incerto posito, sive, quia ut plurimum Deus ad Ecclesiam suam instaurandam binos & binos emisit, ut Moysen & Aaronem; Eliam

Eliam & Elifæum; Zorobabelem & Josuam in Veteri Testamento, & in Quæst. VII.
 Novo, Discipulibini & bini mittuntur ad prædicandum, Marc. 6. 7. in
 Reformatione excitavit Johannem Hussum, & Hieronymum Pragensem
 in Bohemia, Zwinglium & Oecolampadium in Helvetia, Lutherum &
 Melancthonem in Germania, Calvinum & Farellum in Gallia.

XI. Licet non pauci ex Veteribus commentum de Paradisi duratione,
 & de sede Enochi & Eliæ in illo adoptarint; Non sequitur statim recipien-
 dum esse, cum destituatur Verbo Dei, imò non obscurè illi repugnet:
 fons erroris videtur petendus, partim à Translatione græcâ duobus in locis
 depravatâ, Malac. 4. 5. ubi secundum veritatem Hebraicam legitur *Mit-
 to vobis Eliam Prophetam*, Græca versio habet *Ἠλίαν τὸν Θισβίτην*, *Eliam
 Thisbitem*, quasi hoc de persona Eliæ Thisbitæ esset intelligendum. Et
 2. Reg. 2. 1. 11. ubi juxta Hebr. legitur Eliam fuisse *assumendum*, vel *as-
 sumptum in cælum*, sed Græca *ὡς εἰς τὸν ἑγγύον*, *tanquam in cælum*; par-
 tîm à traditione quadam sublestæ fidei, quæ videtur originem duxisse à Pa-
 pia Hierapolitano, qui eam à Senioribus Asiæ Apostolorum discipulis tra-
 ditam, cum aliis multis fabulis & ineptiis, homo exigui judicii, & pluri-
 marum fabularum inventor, teste Eusebio lib. 1. c. 39. posteritati com-
 mendavit, ut quod de quinquagenaria Christi ætate in terris, & millena-
 rio ejus Regno tradit.

XII. Non necesse est ut ramus oleæ, quem columba fregit, & ad Noa-
 chum in Arcam attulit, petitus fuerit ex Paradiso; quia jam imminutæ
 fuerant aquæ, & per multos dies Arca in montibus Ararat steterat immo-
 ra, atque ita olea quæ semper viret potuit habere folia, quæ columba fre-
 gerit; *olea enim*, teste Plinio lib. 16. c. 20. *perpetuè virens, pinguedine
 sua folia nunquam dejicit.*

XIII. Caterùm non sine mysterio videtur Deus voluisse Paradisum
 hunc deleri, ut innueret, alium longè feliciorẽ jam nobis quærendum es-
 se, paratum fidelibus à Deo per Christum, non in terra, sed in cælo,
 Luc. 23. 43. Apoc. 2. 7. consitum innumeris arboribus mysticis & divi-
 nis fructus saluberrimos ferentibus, Apoc. 22. 2. irriguum fluvio perenni
 aquæ vivæ, & torrentibus deliciarum, Ps. 36. 9. unde peccatum & mors
 in æternum exulant: ex quo Satan semel pulsus, eò nunquam rediturus est,
 in quem fidelis receptus nunquam inde ejiciendus est, cujus aditum Angeli
 non prohibent, sed quò animas nostras deferunt, ut in visione Dei omni-
 genâ felicitate fruantur, & æternum sabbatum agant.

LOCUS NONUS

DE PECCATO

IN GENERE, ET SPECIE.

QUÆSTIO PRIMA.

An Peccati ratio formalis rectè consistere dicatur in ἀνομία?
Affirm.



I. Statu integritatis ad Statum peccati progredimur, in quem homo voluntariè, suâ à summo bono defectione se præcipitem dedit, & malus simul ac miser evasit. Ad cuius faciliorem cognitionem, de duobus agendum erit. I. De Peccato in genere. II. de Eodem in specie, id est, de lapsu Angelorum, & Adami, Peccato Originali, & Actuali.

II. Peccatum Hebræis vulgò פֶּשַׁע dicitur,

quod propriè est deflexio à scopo; & tribuitur funditoribus & sagittariis, qui scopum non assequuntur; quod peccati naturam optimè exprimit, quod revera est deflexio & aberratio à scopo, nobis, & in Creatione, & in Lege Dei proposito. Cui respondet ἀμαρτία apud Græcos, quasi ἀμαρπία, non assecutio, ut ἀμαρτάνειν sit ἡ σκοπῶν ἀποτυχάνειν, à scopo aberrare. Unde Suidæ dicitur ἡ ἡ ἀμαρτία ἀποτυχία, Cicero ad hoc etymon respiciens dicit peccare esse *tanquam lineas transilire* parad. 3. alii à פָּרָד deducunt quod est *rebellare*. Latinis peccatum quasi *pecuatum* à pecudibus, ut peccare sit αἰλόγως instar pecudis agere. Unde Scriptura confert peccatores canibus, porcis, viperis, leonibus, & id genus animalibus. Isidorus lib. 10. etym. vult peccatorem esse quasi *pellicatorem*, & peccare esse quasi *pellicari*, id est, scortari.

Peccati
etymon.

Quid sit
Peccatum
in concreto.

III. Peccatum autem bifariam spectari potest, vel in *concreto*, & *materialiter*, id est, cum subiecto cui inhæret; vel in *abstracto* & *formaliter*, pro ipsa vitiositate, sive actuali sive habituali: Priori sensu Augustinus peccatum definit, *concupitum, dictum, factum, contra Legem Dei*, sed non satis accuratè, quia pertinet tantum ad peccatum actuale, & quidem commissio-

nis.

nis. Rectius ergo dicitur inclinatio, actio, vel omissio pugnans cum Lege Dei, vel carens rectitudine legali debitâ inesse. Posteriori nihil aliud est quam *ἀνομία*, seu *discrepancia à Lege*, Johanne finitore 1. Joh. 3. 4. *ἡ δὲ ἀμαρτία ἐστὶν ἀνομία*, quia ubi non est Lex, ibi non est transgressio, Rom. 4. 15. *Quid in ἀμαρτία ἐστὶν ἀνομία.*

IV. Per Legem hic κατ' ἐξοχὴν sola Lex Dei intelligitur, qui solus est Legislatoꝝ, qui potest servare & perdere, Jac. 4. 12. sive ea sit naturalis, & ἐμφυτοῦς, conscientiiis hominum impressa, sive revelata & ἐκτὸς scriptis in Verbo Dei consignata. Leges humanæ conscientiam non obligant *primariò, directè, immediatè, & per se*; sed *secundariò tantùm, indirectè, & mediatè* per Legem Dei, secundùm quam tenemur obsequi Superioribus nostris.

V. Hinc sequitur rationem formalem peccati in *ἀνομίᾳ*, & *privatione* consistere, quæ notat carentiam rectitudinis seu bonitatis secundùm præscriptum Legis debitæ inesse Creaturæ rationali, sive ea naturæ sit, seu qualitatum, sive actionum ipsarum, privat enim utrasque conformitate cum Lege, atque ita peccati reas eas constituit. Sed *privatio* ista non est *pura*, vel *simplex*, sed *corrumpens*, non *otiosa*, sed *actiosa*, non *pura negationis*, sed *prava dispositionis*, quâ non tollitur tantùm rectitudo debita, sed ponitur etiam irrectitudo indebita, & prava qualitas, quæ singulas facultates inficit. Ut morbus physicus non est tantùm sublatio temperiei humorum, sed etiam prava dispositio & *δυσμεγεία* humorum. Ita peccatum, quod habet rationem morbi ethici animi, non est tantùm negatio bonæ, sed positio prave dispositionis. Ut ergo quatenus est carentia justitiæ debitæ inesse bene dicitur *Privatio*: ita quatenus animam inficit & corrumpit, *prava qualitas* vocatur; & per maculam & labem solet describi. Hinc Thomas 1. 2. q. 81. art. 1. *Ut agritudo corporalis habet aliquid de privatione, in quantum tollitur æqualitas sanitatis, & aliquid habet positivi, scilicet ipsos humores inordinatè dispositos: Ita peccatum originale &c. non est pura privatio, sed quidam habitus corruptus &c.*

VI. Hoc respectu sunt qui peccato aliquid esse *positivum* tribuunt, non *absolutè & physicè*, quasi sit subsistens aliquid, quod habeat entitatem aliquam physicam, & à Deo sit conditum; Sed tum *logicè*, quia verè affirmatur de subjecto, tum *ethice*, quatenus est corruptus quidam habitus inficiens facultates morales, & actus ex illis promanantes, oppositè ad merum nihil, quia aliud est nihil agere, aliud malè agere; vel ad simplicem privationem, quæ subjectum quidem rectitudine debitâ privat, nullam tamen qualitatem contrariam ponit.

VII. Non omne quod includit aliquid positivi cum bono vel Ente convertitur: sed quod propriè & omni modo est positivum, præcipuè substantiale, & quod in conceptu suo non implicat privationem, vel defe-

QUÆST. I. Etum, Tale etiam solum est à Deo, & est expetibile; Sed eadem non est ratio illius, quod positivum tantum vocatur secundum quid vel logicè, vel ethicè, quale est peccatum.

VIII. Licet peccatum in conceptu suo privationem involvat; non definit tamen discrimen esse inter peccata omissionis & commissionis: Nam illa in præcepta affirmantia; Ista in negantia incurrunt. In illis privatio tollit totam substantiam actus, & bonitatem illius objectivam; In istis substantia actus non tollitur, sed ejus bonitas tantum actualis. Privatio omissionis immediatè existit in potentia, per quam homo debuisset operari, sed altera est immediatè in actione, quæ caret debita honestate.

IX. Quamvis infantes non sint Legis capaces quoad actum, sunt tamen quoad habitum, utpote Creaturæ rationales, quibus Lex præscribit omnimodam sanctitatem tam habitualement, quam actuali. Unde peccatum originale rectè dicitur esse contra Legem, quia est privatio rectitudinis originalis quam Lex in homine exigit.

X. Virtutes Gentilium pollunt esse secundum Legem ratione *substantia operis*; licet sint contra Legem ratione *modi operandi*, qui aberrat multi-
tariam.

Q U Æ S T I O II.

An τὸ ἐκούριον sive voluntarium, quatenus est illius, qui sciens & volens aliquid agit, sit de essentia peccati? Neg. contra Pontific. & Socin.

I. **P**ontificii & Sociniani litem hanc nobis movent, ut facilius veram peccati originalis naturam obscurent, & motus primos naturæ, utcunque fœdos & turpes, qui non sunt ἐφ' ἡμῶν, ac pleno animi assensu carent, peccata esse negent. Ideo nihil volunt peccati rationem habere, nisi quod pariter sit voluntarium, nimirum quod fit scienter & ἐκ προαιρέσεως, Bell. lib. 1. de Amiff. gra. c. 1. Socin. Disp. 2. cont. Frantz.

STATUS

Quæstio-
nis.

II. Nos quæstionem duplici distinctione solvimus. Primò *Voluntarium*, vel *strictè* dicitur, vel *latè*. Priori sensu pro eo quod fit per actualem motum voluntatis; posteriori pro eo quod quomodocunque vel voluntatem afficit, & illi inhæret, vel à voluntate pendet. Hic verò non agitur de voluntario latè dicto; Non negamus enim peccatum esse in voluntate, & hætenus voluntarium posse dici saltem subjectivè. Sed agitur de voluntario strictè dicto, quod involvit actum προαιρέσεως & voluntatis, quo sensu negamus omne peccatum esse ἐκούριον.

III. Secundò *Involuntarium* bifariam dicitur, vel *positivè*, vel *negativè*. Illud idem est cum invito, quod tale est per *nolitionem positivam*, hoc sensu damus nullum peccatum posse esse involuntarium; Illud est, quod sit cessante actu voluntatis, cum agere debuisset, quod tale dicitur per *nolitionem negativam*. Hoc sensu non necesse est ut omne peccatum sit voluntarium.

IV. Ratio est, Quia hoc requisitum, nec omni peccato, nec soli, nec semper convenit. Non *omni*, quia nec dici potest de *peccato originis*, quod antecedit omnem voluntatis & libertatis usum, & quod licet sit in voluntate *subjectivè*, non est tamen ab ea *originaliter*. Non *peccatis ignorantia*, & *imprudencia*, quæ vocantur à 70. Numer. 15. 27. ἀμαρτία ἀνέσται, tam ex ignorantia accersitâ, qualis fuit Noachi & Lothi, qui ebrii peccarunt, quàm ex simplici, qualis fuit Abimelechi rapientis uxorem Abrahami, & Pauli 1. Tim. 1. 13. Non *soli*, quia τὸ ἐκείνων est affectio communis omnium actionum, quæ sunt ἐκ προαιρέσεως, Non *semper*, quia quandoque datur lucta in actionibus peccaminosis, ut quum Paulus peccatum facit, quod non vult & odit, Rom. 7. 16.

V. Motus primo primi concupiscentiæ non desinunt esse peccata, licet nec sint plenè voluntarii, nec in nostra potestate; *peccatum non cognovi nisi per Legem*: Nam ipsam quoque cupiditatem non novissem esse peccatum, nisi Lex dixisset, non concupisces, Rom. 7. 7. imò estranatos istos concupiscentiæ motus non modò vocat *peccatum*, sed *peccatum κατ' ὑπερβολὴν ἀμαρτωλὸν* 1. 13. Quamvis verò motus illi non sint in nostra potestate, quia tamen fuerunt in principio ἐφ' ἡμῖν & debent esse ex hominis officio, non desinunt esse peccata.

VI. Cupiditas contradistinguitur peccato, non simpliciter, sed certæ ejus speciei, nempe peccato consummato, quod membris externis peragitur, Jac. 1. 14. 15.

VII. *Ignorantia* excusare quidem potest à tanto, sed non à toto, quæque non juris, sed facti, non vincibilis, affectata, & ἐπίπραστος, sed invincibilis & involuntaria, non *præva dispositionis*, quæ culpabilis, & error dicitur, sed *pura negationis*, quæ nescientia vocatur.

VIII. Quum Augustinus ait lib. de Vera Relig. c. 14. Usque adeò voluntarium esse peccatum, ut ne quidem peccatum sit, nisi voluntarium sit, hoc non intelligendum est de quolibet peccato, sed tantum de actuali, ut ipse exponit lib. 3. cont. Julian. c. 5. Frustra putas ideo in parvulis non esse delictum, quia sine voluntate, quæ in iis nulla est, esse non potest. Hoc enim rectè dicitur propter proprium cujusque peccatum, non propter primi peccati originale contagium.

IX. Voluntarium duplex est, vel radicaliter in actu signato, vel actuali in actu exercito. Peccatum non semper est voluntarium actualiter & in actu exercito, quia datur peccatum originale; Sed potest dici voluntarium radicaliter, quia propria sedes peccati est voluntas in omni peccato.

QUEST. X. Quod est necessarium necessitate physica, vel coactionis, non potest habere rationem peccati; Sed quod est necessarium necessitate hypotheticâ & rationali, non statim tollit peccatum.

QUESTIO III.

An reatus sit formale peccati, vel adjunctum ejus inseparabile? An verò tantum ejus effectus? Et An bene distinguatur in reatum culpæ & pœnæ?

Duo vulgò peccati effecta dicuntur, *Macula*, & *Reatus*. *Macula* est pollutio spiritualis & ethica, quâ hominis anima inficitur. *Reatus* est obligatio ad pœnam ex prævio delicto. Illa est inhærens in hominẽ, Ille verò adhærens coram Deo: Illa pravum facit hominem, Ille miserum. Juxta primam *αἰσιν* peccata vocantur *sordes*, *morbi*, *vulnera*. Juxta posteriorem verò *crimina*, *offensa*, *debita*. Illa potest manere isto sublato. Posterior respondet *justificationis* beneficio, quò Christus auferat à nobis reatum ex imputatione justitiæ suæ. Prior verò *sanctificationis gratia*, quâ macula eluitur per Spiritus S. efficaciam.

II. *Reatus* politicè nihil aliud est, quàm status & conditio in qua sunt rei, donec vel absolvantur, vel condemnentur. Theologicè verò dicitur *obligatio ad pœnam ex peccato*. Ut verò obligatio illa potest considerari, vel in *actu primo* pro obnoxietate, seu merito pœnæ, vel in *actu secundo*, pro ipsa obligatione, seu ordinatione actuali ad pœnam ex judicio Dei. Hinc duplex oritur *reatus*; alius qui *potentialis* dicitur, qui notat meritum intrinsecum pœnæ, quod à peccato inseparabile est; alius verò *actualis*, qui per Dei misericordiam ab eo separari potest, per remissionem scilicet, quæ propriè est *reatus actualis ablatio*. Ille pertinet ad peccati *demeritum*, & *τὸ κατὰ φύσιν* seu *condemnabilitatem*, quæ semper peccato adhæret. Ille verò ad *demeriti judicium*, seu *τὸ κατὰ κρίμα* *condemnationem*, quæ tollitur in iis quibus venia peccati facta est.

III. Unde patet non satis accuratè *Reatum* à Scholasticis dici *formale peccati*, cum sit tantum ejus consequens, quod ex *αἰσιν* oritur. Ut enim Lex potest spectari, vel respectu mandati, vel respectu sanctionis, seu comminationis additæ; Peccatum duplicem *αἰσιν* ad eam habet; respectu prioris, quatenus refertur ad sententiam Legis aliquid præcipientem, vel interdicentem dicitur *αἰσιν*, quatenus verò refertur ad comminationem, *reatus*. Hinc sit, ut reatus saltem actualis, de quo præcipuè agitur, à peccato separari possit; Nam in renatis est *αἰσιν*, & non reatus, Rom. 8. 1. In Christo contra,

contrà, est reatus, Is. 53. 5. 2. Cor. 5. 21. quia Sponsor noster; sed nulla tamen *ἀνομία*, 1. Pet. 2. 22. 1. Jo. 3. 5. Jo. 8. 46. Aliud ergo est *ἀνομία*, Aliud verò *καίμα*, quod eam comitatur, illa peccati naturam constituit; Istud verò eam consequitur, & ab ea necessario pendet.

Quæst.
III.

IV. Consequitur verò peccatum reatus, partim ex jure Dei naturali & indispensabili, quod fundatur in ejus Justitia, & intrinseco peccati demerito, quia res est naturâ suâ mala, & turpis, quam Deus non potest non odisse, Ro. 1. 32. Haba. 1. 13. partim ex sanctione Legis divinæ, quæ pœnam peccato denunciat, & quæ non potest non impleri.

V. Quamvis verò sanctio Legis necessario impleri debeat, atque hoc sensu reatus nunquam separetur à peccato; quia tamen potest substitui sponsor in locum peccatoris, qui reatum ejus in se recipit; hinc fit ut separari possit à *persona peccante*, non sanè per *naturam*, vel *ex Lege*, quæ talem substitutionem ignorat; sed per *gratiam ex Evangelio*.

VI. Perperam verò à Pontificiis distinguitur *reatus*, in *reatum culpæ* & *pœnæ*. *Reatus culpæ* illis dicitur, quo peccator ex se indignus est Dei gratiâ, dignus autem est ipsius irâ & damnatione; *Pœnæ* verò; quò obnoxius est damnationi, & ad eam obligatur: Priorem reatum tolli ajunt per Christum; Posteriores verò remanere posse, saltem quoad reatum pœnæ temporalis. Sed vanitas distinctionis patet ex natura utriusque; Cum enim culpa & pœna relata sint, & reatus nihil aliud sit quàm obligatio ad pœnam, quæ nascitur ex culpa, se mutuò ponunt & tollunt, ita ut sublata culpâ & ejus reatu, necessario auferri debeat ipsa pœna, quæ non nisi propter culpam potest infligi: aliàs culpa remissa dici non potest, vel ejus reatus ablatu, si peccatori pro ea adhuc aliquid luendum superest.

VII. Licet fidelibus post culpam remissam pœnæ adhuc quædam à Deo imponantur, ut Davidi & aliis, quia sunt tantum improprie ita dictæ, id est, *medicinales*, & *castigatoria*, ad correctionem ipsorum, non verò proprie dictæ & *satisfactoria*, ad eorum ultionem: Non sequitur remissâ culpâ vel sublato ejus reatu, remanere adhuc reatum ullum pœnæ.

QUÆSTIO IV.

DE PECCATO VENIALI ET MORTALI.

*An omnia peccata per se & naturâ suâ sint mortalia? An
verò aliquod detur veniale? Pr. affirm. Post.
neg. contra Pontificios.*

*Sententia
Pontificio-
rum de
Peccato
mortali &
veniali.*

I. **N**otum est Pontificios inter varias partitiones peccati, hanc præ cæteris urgere, dum *Peccatum* tribuunt in *mortale & veniale*. Scopus ipsorum in eo non est obscurus, nimir. perfectioni Justitiæ, operibus supererogatoriis meritis operum, & Purgatorio patrocinium querere. Licet verò variis inter Pontificios displiceat, ut *Gersoni, Almayno, Rossensi*, & aliis, quod non dissimulat Bellarm. lib. 1. de amiss. gr. c. 4. à pluribus tamen recipitur, & à Synodo Tridentina confirmatur Sess. 14. c. 5.

II. *Mortalia peccata* ipsi sunt, quæ hominem planè avertunt à Deo, & quibus poena debetur æterna, similia vulneribus lethiferis, quæ statim vitam extinguunt. *Venialia* verò, quæ non quidem planè avertunt à Deo, cursum tamen ad Deum impediunt, & facili negotio expiantur, vel quæ ex se & suâ naturâ sunt tam levia & minuta, ut non valeant aliquem privare gratiâ divini, aut facere illum Dei inimicum, aut reddere dignum morte æternâ. Hæc verò talia esse volunt, vel ex *genere suo*, vel ex *imperfectiōe operis*. Illa quæ habent pro objecto rem malam quidem & inordinatam, non tamen charitati sive Dei, sive proximi repugnantem, quale est verbum otiosum, vel jocosum, risus nimius, mendacium officiosum. Ista quæ ob imperfectiōem operis venialia esse judicantur, quæ iterum duplicia. 1. ex *subreptione*, quæ non sunt perfectè voluntaria, quales subiti motus cupiditatis, iræ, vindictæ, &c. qui in animo existunt, priusquam ratio plenè deliberare potuerit, an sint admittendi nec ne. 2. ex *materia parvitate*, quæ in re parva admittuntur, v. g. furtum oboli, quod nec proximum notabiliter lædit, nec hujusmodi est, ut apud homines æquos tollere queat amicitiam.

Status

*Questio-
nis.*

III. Hinc patet, Non quæri de peccatorum *paritate*, vel *imparitate graduati*, sed de eorum *demerito essentiali*. Non, An peccata omnia inter se sint paria, quod fuit olim Stoicorum paradoxum, & quod perperam nobis impingitur ab Adversariis: Nec enim si peccata omnia conveniunt in eo quòd sint mortalia, sequitur protinus esse paria in omnibus, quia differre possunt inter se quoad gradus demeriti, ut majorem vel minorem poenam mereantur; Sed tantum quæritur, An sint ex æquo mortalia.

IV. 2. Non quaeritur, An Peccata possint dici *mortalia*, vel *venialia*. 20. 2. 11. IV.
ex eventu. Fatemur enim, quoad eventum per gratiam Dei multa peccata esse venialia, quæ scilicet remittuntur à Deo, & eo sensu censemus omnia peccata fidelium posse dici venialia, quia nullum est quod eventualiter per Dei misericordiam non condonetur; Et omnia peccata reproborum esse *mortalia*, quia nullam eorum veniam obtinent. Sed, An talia sint *per se* & *naturâ suâ*, ut quædam *mortalia* sint, id est, morte digna, quædam verò *venialia*, quæ veniam ex se mereantur.

V. 3. Non quaeritur, An admitti possit distinctio relatè ad Providentiæ divinæ administrationem in fœdere gratiæ in puniendis peccatis fidelium. An quædam peccata in fidelibus *mortalia* possint dici, quia gravia sunt & atrocia, quæ aliùs vulnerant & vastant conscientiam, quæ actum fidei justificantis impediunt, & præsentem habitudinem tollunt ad Regnum cælorum, quibus ideo iram & indignationem denunciet, inò exclusionem à Regno cælorum & mortem æternam interminetur, qualia sunt ea de quibus agitur 1. Cor. 6. 10. Coloss. 3. 6. Alia verò *venialia*, quæ sunt leviora & quotidianæ incurisionis, quæ gratiæ regimen & operationem non impediunt, nec sensum favoris Dei, aut fiduciam de remissione peccatorum a fidelibus auferunt, qualia sunt, rebelles concupiscentiæ motus, de quibus conqueritur Paulus Rom. 7. & defectus & navi, qui etiam optimis renatorum operibus adherescunt. Hoc sensu non desunt è Noltris, qui peccati mortalis & venialis distinctionem retineri posse censent, ut Rob. Baro post Theologos M. Britannix in Judicio suo de Perseverantia: quanquam non satis commoda videatur propter Adversarios, & melior sit distinctio peccatorum gravium & levium. Sed quaeritur simpliciter de natura peccatorum in se, & juxta rigorem Legis, quæ *mortalia* omnia esse censemus, nullum verè *veniale*.

VI. Quæstio ergo eò redit, An peccata omnia per se & naturâ suâ sint *mortalia*, non ut semper actu morte plectantur, sed ut eâ sint digna, & justè plecti possint. An verò quædam *mortalia*, quædam verò *venialia*, non ex eventu & per gratiam, sed naturâ suâ & secundum Legem. Posterius volunt Adversarii; Nos prius statuimus.

VII. Rationes sunt. 1. Quia *stipendium peccati mors est*, Rom. 6. 23. *Nullum*
& *anima qua peccavisti morietur*; Ezech. 18. 20. ubi agitur non de aliquo peccato in specie, sed in genere, & indefinite mentio fit peccati, ut quodvis notetur; ideo vel peccatum *veniale* non est peccatum, vel mortem meretur, adeoque *veniale* non est. *dari peccatum veniale probatur*
Gratis verò supponitur Paulum agere tantum de peccato graviore pugnante cum gratia & cum iustitia; Quia disserit de quovis peccato, etiam de reliquiis peccatorum in regenitis, ut exemplo suo comprobatur Rom. 7. exclamans sub finem, *Miser ego homo, quis*
1. ex Rom. 6. 23.

Quærit. *me eripiet ex isto corpore mortis?* & scopus ejus hoc evincit, qui est Christianos dehortari a peccatis, non quibusdam tantum, sed omnibus, quia non aliud stipendium habent quam mortem.

1V. *2. ex Deut. 27. 26.* VIII. Secundò, Hoc ipsum probat horrendum Legis carmen, *Maledictus qui non permanserit in omnibus, quæ scripta sunt in libro Legis hujus*, Deut. 27. 26. Gal. 3. 10. Si omnis aberratio a Lege maledictionem meretur, & omne peccatum est *avopia*, nullum datur peccatum etiam minimum, quod maledictionem non inferat: Nec dici potest Mosem agere tantum de peccatis quibusdam gravioribus, de quibus egerat in vers. præcedent. putà de idololatria, incestu, homicidio. &c. Quia particula universalis omnia complectitur, ut Paulus explicat Gal. 3. 10. ubi ad sensum magis quam ad sonum respiciens ex LXX. addit syncategoremata universalia, *omnis, & in omnibus, & Legis* simpliciter mentionem facit, non *Legis hujus*, ut comminatio ad totam Legem extendatur. Nec si re ipsa & de facto omnes peccatores non maledicuntur, sequitur peccatum omne illam non mereri; sed tantum veniam illius ex gratia obtinere.

3. ex Jac. 2. 10. IX. Tertiò, *Quia qui impingit in uno præcepto, reus est omnium* Jacob. 2. 10. ubi non solum de criminibus agere Apost. sed de peccatis quibuslibet indefinite, & verba ipsius generalia testantur, *quisquis impegit in uno, &c* exemplum *παραβάτης* ab ipso adductum probat. Cur verò unum præceptum violando homo fiat reus omnium, ratio multiplex redditur. 1. ab *authore*, quia idem est author omnium præceptorum, ideo in unius violatione offenditur Legislatoris majestas. 2. à *connexione peccatorum*, quia omnia præcepta revocantur ad unum præceptum charitatis, quo violato tota Lex violatur. 3. à *sine Legis*, quæ non partialem, sed universalem obedientiam postulat; ideo qui unum violat, reus est totius Legis violatæ, nec amplius ex Lege vitam potest obtinere.

4. ex Matth. 12. 36. X. Quartò, Quia etiam verbi otiosi ratio reddenda est in die judicii. Matth. 12. 36. tanquam de eo quod per se potest esse causa damnationis, unde v. 37. ut innuat verba illa otiosa, de quibus v. 36. loquebatur, quæ ex Adversariorum hypothese sunt peccata venialia, sufficientem esse causam condemnationis, addit, *Ex sermonibus tuis justificaberis, & ex sermonibus tuis condemnaberis*. Scopus Christi idem confirmat, qui est ostendere Peccatum in Spiritum Sanctum nunquam remissum iri, argumento à minori, quia si verbum otiosum condemnationem meretur, quanto magis tam atrox blasphemia?

5. Quia *gloria Dei adversatur.* XI. Quintò, Quia omne peccatum gloriæ Dei adversatur, & majestatem ejus infinitam lædit, atque adeò culpam habet suo modo *infinitam*, si non intensive & intrinsecè, saltem *objective*, quatenus committitur contra bonum infinitum, & *extensive* ratione *durationis*, quia lites ejus, seu macula durat in æternum, quantum est ex parte peccantis, quia is per se seu propriis

priis viribus expurgare eam nunquam potest, unde seclusa Dei condemnantis misericordia, peccantem in æternum Regno cœlesti excluderet, & pœnis infernalibus subjeceret, quia nihil inquinatum in illud admitti potest. Si ergo culpa est infinita, pœna etiam quæ illi debetur infinita sit oportet, si non *intensive*, quod repugnat creaturæ finitæ; at *objectivè*, quia separat à bono infinito nimir. Deo, & *extensive*, ratione durationis.

XII. Sextò, Quia peccata levissima possunt non remitti, siquidem remissio quæ sit electis, est planè gratuita, à qua proinde posset Deus abstinere sine injustitia; Ergo possunt in æternum iustè puniri, quod dici non posset nisi pœna æterna digna essent. Septimò, Quia Christus pro omnibus peccatis etiam levissimis mortuus est; Ergo omnia sunt mortalia.

XIII. Aliud est *peccatum mortale*, Aliud *peccatum gignens mortem*. Fontes Illud designat quid mereatur peccatum; Hoc quò nos ducat peccatum, si *Solutio-* patiamur nos ab eo abstrahi, & inescari. Omne peccatum mortale est *natum*. rà luà; Sed non omne tamen re ipsa & de facto ad mortem ducit propter *gratiæ interventum*.

XIV. Peccatum consummatum dicitur *gignere mortem* Jaco. 1. 15. non *Jac. 1. 15.* exclusivè ad peccatum conceptum, vel partum; sed ut causa proxima; at concupiscentiæ tribuitur ut causæ remotæ; Ut ergo quod est causa causæ, est etiam causa causati; quia concupiscentia causa est peccati actualis mortem generantis, ipsius etiam mortis causa meritò habetur. Jacobus non distinguit varias species peccatorum, sed ejusdem peccati diversos gradus, & progressus tentationis, in quibus ab actu primo ad secundum, ab interno ad externum, adeoque ipsam mortem pervenitur. Primus gradus ponitur in tentatione concupiscentiæ, seu primo ejus motu. Secundus in conceptione peccati per consensum ejus imperfectum. Tertius in partu per consensum plenum & perfectum. Quartus in consummatione peccati per opus externum; quod mortem generat.

XV. *Fœnum & stipula*, de quibus agitur 1. Cor. 3. 15. non notant peccata *1. Cor. 3.* venialia; sed doctrinas novas, vanas, & curiosas, quæ licet fundamentum non *15.* evertant; non sunt tamen illi homogeneæ; ideo examen Judicii divini, sive lucem Verbi, & efficaciam Spiritus, quæ *per ignem probantem* opus uniuscujusque notantur *ψ. 13.* sustinere nequeunt. 2. Quamvis qui ædificant talia super solidum fundamentum, non dammentur; non inde sequitur peccatum ipsorum non fuisse morte dignum: sed gratiam Dei illud condonasse.

XVI. Peccatum in Spiritum Sanctum dicitur ad mortem *κτ' ἐξελω'* *1. Joh. 5.* *1. Joh. 5. 16.* non tantum quia mortem meretur, sed quia ut est planè irremissibile mors necessariò & infallibiliter illud sequitur. Cætera verò non sunt ad mortem; non quòd per se mortalia non sint & morte digna, sed quia ex gratia Dei remissibilia sunt, & veniam sæpe consequuntur.

Quæst.
IV.
Matth. 5.
21. 23.

XVII. Christus Matth. 5. 22. 23. nihil habet quod faveat peccatis venialibus, licet videatur quædam tantum addicere gehennæ ignis; Quia scopus ejus quidem est ostendere inæqualitatem dari poenarum ex inæqualitate peccatorum, & in specie homicidium non consistere tantum in actu externo, ut pertendebant Pharisei, teste Josepho Antiq. lib. 12. cap. 13. sed etiam in iracundia interna, & in irritantibus contumeliis. Sed non peccata ulla dari venialia; cum vel minimus poenæ gradus ibi capitalis sit, ut minimus peccati gradus est *ἀνομιή*. Imò docere vult, vel primum iracundiæ gradum coram Deo morte esse dignum, quia qui eo obstrictus est, dicitur *ὁ ἐν σκότεινῃ καὶ τῇ κελεύσει*, eodem scilicet sensu, quo Pharisei volebant homicidam esse *ἐν σκότεινῃ καὶ τῇ κελεύσει* ut dicitur vers. præcedenti, nimirum quoad mortis poenam.

2. Verba Christi non sunt ad literam urgenda, quasi ageretur proprie in duobus primis gradibus poenæ, *judicii* scilicet, & *concilii*, de judicio humano, in tertio verò *gehenna ignis*, de divino tantum, seu morte æterna: Quia sic sequeretur iram intus conceptam, nec in actum erumpentem humano judicio esse obnoxiam, & aliquod dari peccatum, quod peccatorem judicio Dei non redderet obnoxium, quod absurdum. Sed figuratè sunt intelligenda, ut diversitas gradus poenarum in judicio Dei describatur per analogiam & allusionem ad diversos gradus judiciorum & poenarum capitalium ultimos inter Judæos; Nam præter judicium infimum quod erat triumvirale, quod judicabat de mulctis, seu poenis pecuniariis, dabantur adhuc tres gradus poenarum capitalium inter eos. Primus erat *Judicii* scilicet *XXIII*. Virorum, quod in singulis civitatibus constitutum erat, ad quod pertinebant *ἡ κρίσις τῶν ψυχῶν* *judicia animarum*, id est, causæ capitales; Secundus erat *Concilii magni*, sive *Sanhedrim*, quod constabat *LXX*. Viris ad imitationem *LXX*. Aïssorum Moïsi, de quibus Num. 11. 16. quod Hierosolymis tantum conveniebat, & de gravissimis criminibus cognoscebat. Tertius erat *Gehenna ignis*, qui erat cruciatus omnium maximus, qui & gladium & lapidationem, quæ à Judicio & Synedrio decernebantur excedebat: sive hoc referatur ad *τὴν πυρρὰν* *vivicomburium*, sive ad abominanda sacrificia, quæ in illa valle filiorum Hinnom fiebant, ubi ex *καὶ τῇ θυσιᾷ* sacrificii Abrahami Idolo Ammonitarum Molecho humanus sanguis & liberorum quidem à parentibus offerebatur, dum vel inter duos rogos traducebantur infantes, ut lentâ morte perirent, vel candentibus statuæ Molechi brachiis innexi horrendis cum cruciatibus ibi ustulabantur. Unde locus ille infamis habitus est, ubi continuus erat ignis comburendis cadaveribus damnatorum destinatus, 2. Reg. 23. 10. & Jere. 7. 31. &c. & eade causa symbolicè pro inferno sumitur non rarò in Scriptura. Sensus ergo verborum Christi is est, Vos hac lege *Non occides* putatis homicidium tantum externum damnari. Ego verò sensum Legis istius vobis declarans dico, quoslibet actus

actus tam internos quàm externos in Legem istam impingere, & affectum Quæsti
etiam iræ temerè exardescentem in fratrem etiam internum, esse speciem quan- IV.
dam homicidii, & pœnam mortis gravem mereri, qualis erat ea, quæ judicio XXIII. Virorum infligebatur. Si verò in injuriam & contumeliam erumpat gravius esse peccatum, graviore etiam pœna plectendum, qualis est ea quæ in Synedrio decernebatur. Et si in convitium atrox profiliat, ut frater stultus vocetur, gravissimo cruciatu dignum sit, huic analogo, qui videbatur in valle filiorum Hinnom. Ita *Gehenna* hîc non sumitur simpliciter pro inferno, quasi huic solum gradui iræ deberetur pœna inferni, seu mors æterna; Sed allusivè notat supplicium gravissimum. 3. Non pauci ex Pontificiis nobis hîc adstipulantur, *Maldonatus* in h. l. agnoscit gradus distinguere pœnarum, non genus, & utrobique capitales esse. *Salmero* ingenuè docet phrasim *reum esse judicio* intelligendam esse non solum de judicio mortis temporariæ, sed etiam damnationis, & interitus æterni in divino judicio. *Barradas* tres hos gradus supplicii pœnam significare gehennalem cui-libet lethifero crimini destinatam.

XVIII. Quum peccata conferuntur *sefluca & trabi*, Luc. 6. 41. & *camelo* Luc. 6. 41.
& *culici*, Matth. 23. 24. hinc quidem evincitur, alia aliis graviora vel levio- Matth. 23.
ra esse, quod non negamus: sed non potest inde elici quædam esse venialia. 24.
2. Pharisei dicuntur *excolare culicem*, & *deglutire camelum*, proverbiali locutione, quia perperam in minimis puta in ceremonialibus erant superstitiosi, dum maxima mandata, id est moralia negligebant.

XIX. Paulus Ephes. 5. 4. 5. non distinguit quædam vitia ab aliis tan- Eph. 5. 4. 5.
quam mortalia à venialibus, sed potiùs omnia ut homogenea particulâ copulativâ conjungit, quæ etiam ab eodem verbo in constructione dependent. Unde ad universa pertinet quod dicitur v. 6. *propter hac venit ira Dei in filios contumaciæ*, & Gal. 5. 19. recensentur omnia tanquam opera Carnis. Quod verò *Scortationem*, *Avaritiam*, & *Immunditiam*, dicit excludere à Regno cœlorum, non inde fit, quòd ista tantùm sint mortalia, sed quòd cæteris sint graviora.

XX. Licet *formalis & expressa aversio* à Deo non occurrat in omni peccato, datur tamen *virtualis & implicita*, etiam in levissimo, quia præfertur Creatura Creatori, & plusquam Deus diligitur, dum homo ad eam convertitur, tanquam ad bonum suum & finem ultimum.

XXI. Qui peccata extenuant, nec Dei majestatem, nec Legis justitiam, nec peccati foeditatem, nec suam conditionem abjectissimam coram Deo probè expendunt. Ut nulla parva est rebellio, nullum parvum læsæ Majestatis crimen; Ita exiguum non potest censerì peccatum quod adversus optimum & maximum Deum, adeoque infinitum committitur. Licet enim sæpe parva sit res circa quam peccatur, non desinit tamen gravis

Q U Æ S T. V. esse reatus, qui non ex objecti parvitate, sed ex Legislatoris majestate æstima-
 - V. matur, quæ dum violatur, eo ipso in iram & maledictionem ejus incurritur, si non de facto, saltem de jure & demeritoriè. Hæc est statera Sanctuarii, ad quam appendenda sunt peccata, ut vera eorum gravitas & reatus agnoscatur, non statera dolosa & fallaces hominum, quæ pietatem relaxant, & lethargum ac securitatem carnalem inducunt.

Q U Æ S T I O V.

D E L A P S U A N G E L O R U M.

Quodnam fuerit Peccatum Angelorum, quò defecisse dicuntur à Deo?

I. **P**eccatum in specie distinguitur ratione Subjectorum quibus inhæret, in *Peccatum Angelorum*, qui per illud evaserunt Diaboli, & *Peccatum Hominum*, quia illi soli, ut Creatura rationales, sunt Peccati capaces: De Peccato Angelorum prius dicendum, sed brevius; quia paucissima de eo tradit Scriptura.

Statut
 Quæstio-
 nis.

II. Frustra quæritur, Quomodo peccare potuerint Angeli, cum ex Scriptura constet eos peccasse, & ratio luadeat, potuisse eos in peccatum prolabi, cum labiles creati fuerint. Frustra etiam inquiritur de tempore lapsus. An diu in integritate perstiterint? An verò ab initio Creationis ceciderint, ut quibusdam Scholasticis visum. Cum Scriptura nihil de eo tradat: Hoc tantum in genere constat lapsum eorum, hominis lapsum antecessisse. Aliquam verò inter creationem Angelorum, quæ Dei opus, & defectionem quæ Dæmonum est actio, moram intercessisse, non sine ratione asseritur; ne si prima eorum operatio vitiosa statueretur, vitii causa Deo Creatori, tanquam efficienti proximo videretur impingenda. Nec verisimile est eos ante Creationis opus absolutum defecisse, quia tunc quæcunque Deus creaverat erant adhuc valde bona Gen. 1. 31. Nec si Diabolus dicitur peccasse à principio 1. Joha. 3. 8. statim sequitur ab ipso creationis initio peccasse, quia tractus aliquis temporis non obliat, quominus ab initio aliquid factum dicatur.

III. Non quæritur de modo & ordine peccati istius; An peccarint omnes simul, An verò unus aliquis rebellionis cæteris dux & author fuerit. Quamvis enim posterius multis arrideat, nec improbabile videatur, unius hortatu & suasu, qui Princeps Dæmoniorum dicitur, peccasse alios, qui Angeli ipsius vocantur; nullâ tamen solidâ ratione, vel firmo ex Scriptoris documento colligi potest, & Scripturâ tacente, satius est in medio relinquere, quàm curiosius sine necessitate & fructu inquirere. Sed quæritur hic de specie istius peccati.

IV.

IV. Circa quam variae sunt Theologorum & Scholasticorum imprimis Quæst. V: sententiae. Nam ut nihil de *luxuria*, quod tamen eorum peccatum fuisse, non modò *Josephus* & *Philo* cum Judæis, sed varii ex Patribus, Justinus, Clemens Alex. Tertull. Lactantius, & alii ex loco Gen. 6. 2. perpèram intellecto absurdè existimarunt. Duæ sunt præcipuæ Doctorum sententiae, Prima eorum qui *livorem* & *invidiam* in hominem fuisse censent, ortum ex decreto ipsis revelato, de natura humana supra Angelicam in Christo evehenda, qui non Angelos, sed semen Abraham per incarnationem assumere debuit. Altera, quæ communior est apud Scholasticos, eorum est, qui *superbiam* fuisse pertendunt, ut *Anselmus* de Calu Diab. c. 4. & ex eo *Lombardus* l. 2. dist. 5. cap. 1.

V. Cùm verò Scriptura speciem istius peccati expressè definire noluerit, sed genus tantùm ejus proponat, quum eos peccasse asserit, nihil de eo certum potest statui, nec nimis curiositati indulgendum; sufficit ut teneamus ultroneam fuisse eorum desertionem, per quam *in veritate non fecerunt*, Jo. 8. 44. quæ fuit, non *veritas Evangelica*, quasi acquiescere noluerint Jo. 8. 44 veritati Evangelii de Christo ab initio ipsis propositi, quod parum verisimiliter quibusdam visum, cùm hoc decretum non ante lapsum sit revelatum; Sed *veritas fidelitatis*, quam debebant Deo, ut subditi Regi suo, & *integritatis*, in quâ conditi erant, adeòque in Deo ipsius, qui summa est veritas, communionem. Eò pertinet quòd Jud. 6. dicuntur *originem suam* Jud. 6. *deseruisse*, & *proprium reliquisse domicilium*, sive per originem intelligatur Deus ipsorum Creator, sive originaria sanctitas & rectitudo in qua fuerant creati, à qua apostati suâ ultroneâ deficiendo, sedem beatam cœli, in qua tanquam proprio domicilio cum Angelis aliis collocati erant, amiserunt, ita ab ea dejecti, ut nunquam in æternum eò redire possint Luc. 10. 18.

VI. Non diffidendum sanè in isto peccato *superbiam* præ cæteris eminerè, per quam non modò jugum Dei excutere voluerunt contumaciter adversus Deum & Legem ipsis impressam insurgendo, sed etiam in affectione æquiditatis cum Deo, quod non obscurè videtur insinuare Paulus 1. Tim. 3. 6. dum non vult promoveri *εὐδοκίαν, μὴ τι φθάρῃς ne inflatus incidat eis utiua in judicium & condemnationem Diaboli*, id est, in pœnam peccati Diabolici. Adde quòd cùm hoc semper præcipuum fuerit Diaboli studium, qui ut Deum & principem se gessit in mundo, & talis haberi ac coli voluit à principio 2. Cor. 4. 4. Joh. 12. 31. non sine causa est, quòd in illud peccatum dicatur incidisse. Tertiò quia ad hoc peccati genus Adamum tentavit à principio, & quotidie homines impellit.

VII. Ita tamen superbiam hic sese exeruisse putamus, ut illam incogitantia,

Quæst.
V.

tantia, & minor attentio circa contemplationem Dei præcedere debuerit, per quam Angelus factus ad contemplandum Deum remissior, cœpit aciem intellectus a Deo ad se ipsum convertere, & se ipsum admirari, ex admiratione verò, & nimio sui amore in superbiam effertur, quam rebellio statim consecuta est. Ut hic *error* quidam necessario admittendus sit, non quidem speculativus, quasi ignoraverit quod scire tenebatur, sed *practicus*, quo amore sui exæcatus bonum delectabile anteposuit honesto. Nec mirum videri debet, si in intellectum Angelicum, qui non fuit ætus purus, & immutabilis, talis obrepere potuerit incogitantia & error, qui rebellionem & superbiam pepererit.

VIII. Peccatum hoc gravissimum fuisse, severissima pœna quæ illud comitata est satis arguit; per quam exclusi sunt à Dei communione, ut nulla in æternum vel veniæ, vel restitutionis in integrum spes supersit, sed in horridam & caliginosam tartari custodiam conjecti, & catenis tenebrarum ligati asserventur ad judicium magnæ diei Jud. 6. Unde quidam, sed minùs solidè colligere voluerunt fuisse peccatum in Spiritum Sanctum, cùm talis peccati objectum non aliud sit ex usu Scripturæ, quàm gratia Evangelii. Falluntur verò *Thomas Cajetanus*, & alii, qui censent non potuisse eos, si Deo ita libuisset, restitui in integrum, *eo quod naturâ suâ sint inflexibiles*. Nam quod naturâ suâ inflexibile est, si Deo ita visum fuisset, electi poterat per potentem gratiæ divinæ efficaciam, ut respectu hominum peccatorum factum. Vera ergo severitatis istius causa non alibi quærenda est, quàm in liberrimo Dei beneplacito, qui ut in hominibus lapsis suam misericordiam; Ita in Angelis apostatis suam justitiam & *Sanctitatem* demonstrare voluit. Vide supra L. IV. Q. 8. th. 18.

IX. Quamvis verò lapsus iste non sine Providentiæ divinæ interventu contigerit, vera tamen ejus causa in solis Angelis quærenda est, nequaquam verò in Deo, vel ratione *Præscientiæ*, quæ rem ut futuram prævidet tantùm, non facit; Vel *decreti* ejus, quod fuit permissivum tantùm, non effectivum; Vel *permissionis* ipsius actualis, quæ non est ethica, sed physica, per non impeditionem ad quam non tenebatur; Vel *defectus sustentationis*, quia gratia hæc est planè indebita, quam nemini ex officio debet, sed quibus visum ex solo beneplacito largitur. Unica ergo causa fuit propria cujusque Dæmonis voluntas, quâ singuli ultro à bono ad malum desciverunt. Defecerunt, quia deficere voluerunt: Potuerunt autem deficere, quia mutabiles & labiles conditi fuerant. Quanam ipsorum pœna fuerit, Vide supra L. IV. Q. 8. th. 20.

QUÆSTIO VI.

DE LAPSU ADAMI.

Quodnam fuerit primum Hominis peccatum, An infidelitas, An superbia?

I. **P**rimum Hominis peccatum, à quo cætera tanquam à fonte manarunt, est voluntaria apostasia hominis primi à Deo Creatore suo, quâ comedendo ex arbore scientiæ boni & mali, non modò interdictum hoc speciale, sed & in illo totam Legem naturæ cordi ejus insculptam transgressus est, quod à Scriptura in genere, & κατ' ἐξοχῆν vocatur ἀσέβεια, παράβασις, πειράσις.

II. In specie ejus assignanda mire inter se discrepant Doctores; Sed duæ præ cæteris sunt communiores sententiæ, prima plerorumque ex Pontificiis, quia ad *superbiam* illud referunt, Posterior, quæ in *incredulitate*, & infidelitate collocat, quæ inter Nostros recepta est.

III. Certum est non spectandum esse lapsum istum, ut peccatum aliquod *Peccatum* particulare, quale est furtum, vel adulterium, sed ut apostasiam generalem *primum* & defectionem à Deo, non tantùm Legis specialis positivæ de non comedendo fructu vetito, sed totius Legis moralis violationem quæ in ea inclu- *non fuit simplex, sed aggregatum ex* debatur, adeoque & obsequii, quod homo Deo Creatori, præsertim ratione *variis peccatis.* fœderis iniki, debebat: Uthic sit veluti morbus complicatus, & totum aggregatum ex variis actibus, tum internis, tum externis, quibus in utramque Legis tabulam incurrit. Nam ut incredulitate & contemptu verbi divini, ingratitude, superbâ, & nominis divini profanatione, primam tabulam. Ita secundam ἀσέβεια in liberos, homicidio quo se & posteros in mortem præcipitavit, intemperantiâ, & gulâ, furto & contrectatione rei alienæ invito domino, illicito amore, & pravâ concupiscentiâ transgressus est.

IV. Atque hinc peccati istius gravitas, facilè colligitur contra eos, qui *Unde gravitas ejus colligitur.* illud veniale & leviusculum fuisse attulerunt: Tum ex parte *persona peccantis,* quæ tot dotibus erat ornata, tot beneficiis affecta, omnis vitii expert, & omnis boni ipsi necessarij particeps; Tum ex parte *objecti,* circa quod peccavit, à quo facilè abstinere potuisset in tanta aliorum fructuum copia, ut magna fuerit in peccando iniquitas, ubi tanta erat non peccandi facilitas, ut loquitur *Augustinus;* Tum ex parte *Legis violata,* quæ fuit non specialis, sed universalis, quam violando & in Deum, & in posteros, & in se ipsum graviter peccavit; Tum ex parte *actus,* cujus summa fuit pravitas,

Quæst. VI. totalis putà, conculcato fœderis symbolo, à Deo apostasia, & cordis, oris, ac operis conjuncta ab officio declinatio; Tum ex parte *loci*, & *temporis*, quia vix è Creatoris manibus egressus, & in paradiso amœnissimo positus ad tentationis impetum statim concidit; Tum ex parte *effectorum* & *pœnarum* tristissimarum, quæ illud consecutæ sunt, sub quarum pondere etiamnum hodie universa natura gemit.

V. Si quæritur porro quodnam fuerit initium, seu primus gradus istius peccati, non consentiunt Theologi, dum alii in sensualitate constituunt, alii in voluntate, alii in intellectu. Quamvis verò anxie litigandum non censeamus, super ordine istorum actuum, vel primo istius peccati gradu, quod in plurium actuum, ut jam dictum complicatione consiluit, & inter quos naturæ potius, quàm temporis diuturni intervallum intercessit. Possumus tamen tutò asserere primum gradum istius peccati, nec quærendum esse in *actibus externis* locomotivæ, qui ad executionem tantum pertinent; nec in *actibus internis*, vel appetitus, vel voluntatis, quia obnoxii in illo statu adhuc erant intellectui, cujus est τὸ ὑπερῶν. Sed ascendendum esse ad *actus facultatis directive*, scilicet intellectus, ad quem pertinet judicare de rei veritate vel fallitate, & in quem propriè cadit error, & incredulitas, quæ in isto peccato primas tenet. Licet autem homo judicium istud non invitus, sed lubens & volens fecerit, non sequitur propterea fuisse actum voluntatis, non intellectus.

Primus
gradus
peccati in-
credulitas.

VI. Hinc patet initium peccati potius ad incredulitatem referendum esse, quàm ad superbiam, licet in eo utraque conjungatur. 1. Quia is debet esse ordo in peccato, qui fuit in tentatione. At in tentatione homo prius sollicitatus fuit ad incredulitatem, quàm ad superbiam. Nam Gen. 3. 1. per interrogationem Tentator eum sollicitat primò ad dubitationem de Verbo Dei, deinde ad ejus negationem ψ. 4. *non moriemini*; antequam ad superbiam incitet per promissionem *divinitatis*, & *scientiæ boni & mali* ψ. 5.

VII. 2. Quia superbia in homine locum habere non potuit nisi positâ incredulitate: nam quamdiu homo constans mansisset in fide Verbi Dei, nunquam ad superbiam impelli potuisset, nec jugum Dei excutere, vel gradum superiorem partim scientiæ, partim excellentiæ affectare ausus fuisset, nisi interminationem mortis interdicto adjectam non credidisset veram, vel saltem de ea dubitasset.

VIII. 3. Quia Scriptura peccatum hominis per *seductionem* exprimit 2. Cor. 11. 3. & 1. Tim. 2. 14. & *calliditatis* serpentis mentionem facit Gen. 3. 1. quæ tota pertinet ad decipiendum. Quartò, quia primus homo sine igni errore non potuit credere pulchrum & bonum illi esse non pendere à Deo, cum hoc sit omnium pessimum. Quintò, si Diabolus primò sollicitavit hominem ad superbiam, vel credidit ipsius verbis, vel non; si

credidit eo ipso erravit; si non credidit, non potuit affectare illud quod à Quæst. VI.
Diabolo proponebatur.

I X. Cæterum incredulitas non potuisset in homine locum habere, nisi prius per *incogitantiam* cessasset à consideratione interdicti Dei, & ipsius veracitatis & bonitatis. Nam si ad illud mentem seriò semper applicuisset, maxime momento tentationis, nunquam ab ejus fide dimoveri potuisset, ut aures præberet Tentatori. Hinc ergo fluxit primò *incredulitas* seu diffidentia, per quam homo fidem Verbo Dei, quam habere debuit, non habuit, sed dubitatione primùm, mox negatione excussit, non credens seriò tibi interdictum fructum, nec se moriturum. Deinde *credulitas*, quâ verbis Diaboli cœpit auscultare, fidem falsam concipiendo ex ejus mendaciis, Deum sibi invidere fructum, & se Deo similem futurum & omniscium, atque ita judicium fecit erroneum, quo statuit objectum à Diabolo propositum sibi bonum esse; Unde mox appetitus ejus in voluntate, & inclinatio concupiscentiæ, ejusque motus extitit ad illum fructum comedendum, & tandem externa actio. Ita hæc incogitantia bene potest dici initium, seu primus gradus peccati, quæ, ut potuit cadere in hominem mutabilem, ita in actum non potuit exeri ab homine stante, sed jam incipiente deficere à Deo, & semet corrumpere per suam mutabilitatem, & seductionem Diaboli.

X. Quamvis in lapsu Adami, quem Apostolus appellat *inobedientiam* *Fontes*
Rom. 5. 19. includatur superbia, ut ante dictum, non sequitur fuisse pri- *Solutio-*
mum ejus gradum: Imò ut primus actus superbiæ fuit nolle obedire Deo; *num.*
Ita primus superbiæ fons fuit nolle credere verbis Dei: Superbia enim cor hominis nunquam potuisset subire, nisi prius fide verborum Dei labefacta & excussa.

XI. Ut in omni motu terminus à quo prior est termino ad quem; Ita aversio à bono in creato quæ est infidelitatis, præcedere debet conversionem ad bonum creatum, quæ est superbiæ; nam quamdiu bono increato, nimir. Deo adhæsisset, ad creaturas & ad se ipsum per superbiam nunquam se convertisset.

XII. Licet in electione bene ordinata, & ratiocinatione directâ, primò finis obversetur menti, antequam cogitetur de mediis; non semper hoc locum habet in ratiocinatione obliqua, quæ seductionis est, in qua ordo iste sæpe invertitur; hæc autem usum fuisse Satanam in tentatione hominis constat. 2. quamvis superbiæ actus versatus sit circa finem, non sequitur infidelitatem habuisse rationem medii, sed potius causæ, ex qua superbia orta est: nam nisi homo in fide fluctuasset, appetitio Deitatis, quæ est actus superbiæ, cor ejus subire non potuisset; nec ille finis potuit obversari primo homini, sine magno errore & incredulitate.

XIII. Locus Syraci 10. 14. *Initium superbiæ est defectio à Deo*, præter- *Syrac. 10.*
quam 14.

QUÆST. VII. quam quòd Apocryphus est, nihil habet quod sententiæ nostræ repugnet; nam si apostasia est initium superbiæ, necesse est infidelitatem, in qua illa posita est, præcessisse superbiam: Nec quod additur v. 15. *Initium omnis peccati superbia*, contrarium evincit, quia non est absolutè & simpliciter intelligendum de quovis peccato, etiam primo, & illo, quod dixit esse initium superbiæ; sed secundùm quid de aliis ortis, quæ à superbia ut plurimum originem ducunt.

Q U Æ S T I O VII.

Quomodo labi potuerit homo integer? Et quenam ejus lapsus vera causa fuerit?

I. **D**Ux hîc Quæstiones moventur. Prima de possibilitate lapsus. Altera de vera ejus causa: Utraque explicatu difficilis; & in qua expedienda diversimodè peccatum fuit.

Prima

*Quæstio de
lapse
lapis.*

II. Quoad primam, Difficultas non est magna in assignanda origine peccatorum omnium, quæ orta sunt ex lapsu Adami, quia cum homines sint corrupti, nihil proclivius est concipere, quàm cur quotidie peccent, quia concupiscentia prava, non alios quàm pravos & inordinatos motus edere potest. Sed in homine integro, in quo nullus dum error in mente, nec ulla *ἀσέβεια* in voluntate locum habuit, in quo justitia originalis erat, quæ lapsum impediabat, & cum illo erat *ἀνίστατο*, difficillimum est capto, quo tandem modo labi potuerit homo integer.

*Non potest
sola per
sententiam
Pelagianorum
de inclinatione
ad peccandum.*

III. Ut ex hac difficultate se expediant *Pelagiani* veteres & recentiores, *Pontificii*, *Sociniani*, & *Remonstrantes*, homini integro prout à Deo conditus est, tribuunt præcipitem ad vitia inclinationem, ex qua ortum sit primum peccatum, licet non ita vehementem ac inordinatam prout nunc est. Sed sententia hæc in Deum manifestè est injuria, & falsitatis facile potest revinci. 1. Quia si inclinatio ad peccandum fuit in homine à natura. Ergo Deum authorem habebit, atque ita ipsum peccatum in Deum ipsum refundetur, ut antea probatum L. V. Q. 11. th. 9. 2. Quia inclinatio ad amandum & colendum Deum, qualem habebat Adamus per justitiam originalem, est *ἀνίστατο* cum inclinatione ad peccandum. 3. Quia omnia fuerunt valde bona in homine ante lapsum, utpote facto ad imaginem Dei; At inclinatio ad peccandum non potest esse bona, quia est Legi repugnans: Unde patet mutabilitatem quæ fuit in Adamo sine ulla labe, non confundendam esse cum tali inclinatione ad peccandum, quæ non potuit non esse vitiosa.

*Sed per
mutabilitatem
ejus.*

IV. Alia ergo quærenda est ratio tollendi istius scrupuli, quæ non alia
pote

potest dari commodior, quàm si recurramus ad hominis primi *mutabilitatem* & *libertatem*, quippe qui iustus quidem & sanctus conditus est, sed mutabiliter, ut posset quidem stare si vellet, sed posset etiam si vellet ad malum deficere; quod si nihil aliud doceret, eventus ipse satis comprobatur.

Quæst.
VII.

V. Licet autem mutabilitas ista possibilitatem lapsus indicet, & sit *causa sine qua non*, seu antecedens lapsus; Non potest tamen censeri ejus causa propria & per se; Non modò quia fuit conditio concreata homini integro à Deo, quæ fuit etiam in Angelis electis ante eorum confirmationem, sine ulla vitiositate; Sed etiam quia est quidem negatio alicujus boni, sed non est privatio boni debiti creaturæ, sed indebiti, adeò quæ non sustulit perfectionem aliquam in statu naturæ requisitam. Ita hic accurate distinguendum est inter *mutabilitatem* ipsam, quæ est conditio creaturæ conveniens, & *actum mutabilitatis* istius, quo homo ad mutationem inclinavit. Illa potentiam notabat, quæ poterat inclinari ad malum, sed quæ nondum erat inclinata; Ille verò inclinationem ipsam actualem ad malum designat, Lege Dei damnatam, & omnis peccati fontem.

VI. Causa ergo proxima & propria peccati non alibi quaerenda est, quàm in *libera hominis voluntate*, qui se a Diabolo decipi passus est, & suadente Satanâ, licet non cogente, liberè à Deo defecit. Ita nec qua integer proprie lapsus est, nec quâ corruptus; sed quâ falsi specie imbutus, semet ipsum corrumpebat, & neglectâ cognitione habituali à Deo inditâ, errorem à Diabolo suggestum suscipiens. Nec mirum videri debet, si homo qui labilis & mutabilis conditus erat, mutatus sit & lapsus; non magis, quàm si perfectè quiescenti initium motus accidat: nam ubi datur potentia ad mutationem, facilis est transitus à potentia ad actum.

Vera causa
peccati li-
bera homi-
nis volun-
tas.

VII. Quamvis verò homo lapsus sit, non deerant tamen illi vires ad standum si voluisset; alioqui conditionem impossibilem illi tulisset Deus. Unde duplex *auxilium*, vel *adjutorium* vulgò, distingui solet, *auxilium sine quo non*, seu potentia non peccandi, quâ vires habuit sufficientes ad standum si voluisset; Et *auxilium quo*, seu efficax gratia, quæ non dabat tantum *posse si vellet*, sed *velle quod posset*. Illud se habebat ad modum habitus & facultatis in homine; Hoc verò ad modum actionis, seu efficacis motus ad bonum. Prius necessarium erat ad non posse perseverare, sed posterius ad non perseverare actu. Adamo nunquam defuit prius auxilium, ne quidem in ipso momento quo peccavit; sed posterius liberè illi denegavit Deus, ut ad illud non obligabatur; Unde tamen non potest vel excusari homo, quia sponte, & nulla vi adactus, peccavit; Vel accusari Deus, quia ut liberrimus bonorum suorum dispensator, nullâ lege ad gratiæ istius collationem tenebatur; ut postea futius dicetur.

VIII. Solus ergo homo mali sui causa fuit, quia volens peccavit, &

QUÆST
VII.

sponte & ultrò citra ullam coactionem aut vim externam transgressus est Dei mandatum, & iis erat instructus viribus & subsidiis, quibus peccatum facile vitare potuisset, si voluisset. Hanc verò spontaneitatem, nec *Providentia* tollit, quæ infallibilitatem eventus infert, sed naturæ conditionem non mutat, nec *tentatio* Satanæ, quæ quantumvis admota nihil profecisset, nisi ultrò ab ipso homine *admissa* fuisset, quam retundere tamen illi difficile non fuit, si voluisset.

Causa ex-
terna pec-
cati. Dia-
bolus.

IX. Præter causam istam *internam* moventem, fuit & alia *externa* adjuvans: quæ iterum duplex, alia *principalis*, alia *instrumentalis*. *Principalis* est *Diabolus*, qui Deo gloriam, hominibusque felicitatem invidens, protoplastos ad apostatiam instigavit. *Instrumentalis* *Serpens*, quo ad hoc opus uti voluit, in quo non vi, sed astu hominem aggredi voluit, qui quò fuit astutior, cò fuit aptior ad hoc ministerium, & Diabolo propter similitudinem gratior. Quamvis præcipua ratio petenda sit à Dei providentia, qui rem ita direxit, ut Diabolus tale animal seligeret, in quo & insidiosæ calliditatis Satanæ, & odii summi, quo genus humanum persequitur, & maledictionis in quam tentatione illa incurrit, & victoriæ à Semine mulieris tandem aliquando de Satana reportandæ perpetuum aliquod extaret monumentum, quale quid non potuisset fieri circa animal quod usibus humanis fuisset necessarium. Hinc *August.* de C. D. l. 14. c. 11. *Lubricum animal & tortuosus anfractibus mobile operi suo congruum per quod loqueretur elegit &c.*

X. Authorem tentationis fuisse Diabolum, dubitare nos non sinit Scriptura, quum cum *Serpentem antiquum*, *Draconem* Apoc. 12. 9. & 20. 2. *homicidam*, & *mendacem ab initio*, Johan. 8. 44. *Tentatorem* κατ' ἐξουσίαν 1. Thess. 3. 5. 2. Cor. 11. 3. vocat, qui mortis imperium habet, Heb. 2. 14. ad cuius opera destruenda Christus venit 1. Jo. 3. 8. Licet verò Moses historicum agens, & visibilibus ac sensibilibus hærens, satis habuerit referre, quid mulier tentata viderit & audiverit, adeoque non tentatorem Diabolum, sed solum serpentem sub quo latebat in scenam producat; Satis tamen ex historia tentationis colligi potest; cum enim serpenti loquela à natura non inesset, multò minùs peritia argumentandi; necessariò debuit proficisci à creatura aliqua intelligente, quæ nulla potuit tunc esse præter Diabolum. Adde quod effectus moraliter malus, qualis fuit tentatio & seductio protoplastorum, causam debuit habere moraliter malam, quæ extra Diabolum quærenda non fuit. Denique pœna Tentatori inflicta, ita externum serpentem spectat, ut longè veriùs, & plenius Dæmoni conveniat, qui à Christo contritus est, Heb. 2. 14. Col. 2. 15. & Rom. 16. 20.

XI. Diabolum verò non solum hic adfuisse, sed sub Serpente vero latuisse & locutum esse, multa probant: Tum simplex & nuda Moïsis relatio, quæ temerè in allegoriam non est vertenda: Tum Serpentis ipsius tanquam callidissimi;

callidissimi inter bestias agri descriptio; Tum denique poena, quæ illi ceu QUEST.
VII. seductionis instrumento non minus ac Diabolo inflicta est; quemadmodum Judex falsarium unâ cum calamo damnat, & sicarium cum suo telo, & bovem cornupetam Deus unâ cum Domino occidi voluit, si quem ferisset per Domini negligentiam Exod. 21. 29. Unde patet admittendam non esse eorum sententiam, qui post *Cyrillum* & *Eugubinum* pertendunt Serpentem verum nullum hic fuisse, sed Diabolum sub istius animantis carne primis parentibus illusisse. Vel eorum qui post *Cajetanum*, ne quidem externam serpentis imaginem hic admittunt, sed à solo Diabolo serpentis nomine hic indigitato rem totam peractam volunt; reclamante licet totâ tentationis historiâ, quæ frustra Serpentis mentionem iniecisset, & eorum omnium quæ ab eo gesta aut dicta sunt ad oculos & aures primorum parentum pulsandas, si Satan tentatione internâ solus hoc executus fuisset.

XII. Neque hoc ipsos Ethnicos penitus latuit: Nam eò non obscure videntur respicere, quæ à Pherecide Syro referuntur de *Ophionco*, quem vocat ductorem Dæmonum, quos cælo Jupiter exturbavit; & quæ ab aliis dicuntur de Serpente Pythone confecto ab Apolline; & de eo, cui Sibylla Cumana apud Virgilium minatur interitum redeunte Virgine, & chara Dei sobole, magno Jovis incremento Saturnia regna revocante; Quæ etiam narrantur de Dracone vigili in Hesperidum horto aurea mala custodiente. Nec aliâ de causa Diabolus tanto studio videtur curasse cultum religiosum deferri Serpentibus ab Ægyptiis & aliis, nisi quia feliciter serpente usus erat ad hominis seductionem. Hinc veteres *Ophite* de quibus Augusti. hær. 17. & Epiphanius hær. 17. serpentem summâ veneratione sunt prosecuti, quòd primorum parentum oculos aperuisset, & eos ad sapientiam traduxisset.

XIII. Quia verò nec Homo, nec Diabolus quicquam potuissent sine Dei providentia; Videndum superest, quomodo hic sine ullâ tamen peccati causalitate versata sit sanctissimè: Nec enim eventus tanti momenti, ex quo mundi facies tota pene immutari debuit, eo vel inscio, vel invito, vel otioso tantum spectatore contigisse dici potest, quod non aliud foret, quàm universi mundi regimen Deo abrogare. Diversimodè autem lapsus potest cadere sub Dei Providentiam; Vel ratione *præscientiæ*, quia illum præscivit infallibiliter, Vel ratione *decreti*, quia decrevit ejus futuritionem immutabiliter, Vel ratione *permissionis* actualis in tempore, quia permisit fieri liberimè & direxit sapientissimè. Sed quomodocunque circa illud versata sit, sanctissimè semper se in eo exeruit; ut nulla ideo vel minima peccati labes ipsi adscribi possit: Nec quia *præscivit*, quia præscientia non est rerum causa, nec ideo res fiunt quia præsciuntur, sed præsciuntur, quia futuræ sunt. Nec quia *decrevit*, quia decrevit quidem permittere, sed non efficere: Nec
quia

Q U A E S T. VII. quia tentationem *permisit*, quia nec voluntatem tentandi diabolo inspiravit, nec illum ad id impulit; sed tantum permittit *physice* non impediendo, ut id præstare nullâ lege tenebatur, non *ethice* approbando & consentiendo.

X I V. Fateor hic cum permissione accessisse negationem gratiæ & auxilii efficaciis, quo actu stare; Nam si tale auxilium dedisset, Adamus lapsus non fuisset. Sed neque sic in peccati consortium potest dici venisse; Tum quia nullam gratiam internam antea datam ipsi subtraxit; nec eum ad tentationis admissionem vel assensum impulit, vel coëgit; nec novam tantum confirmationis gratiam non dedit, vel efficaciam per quam actuaretur gratia quæ in ipso erat, quam nec dare tenebatur, nec dare voluit sapientissimo consilio, ad explorandum obsequium creaturæ; Nec si sine tali auxilio lapsus vitari ab Adamo non potuit, sequitur eum à culpa immunem fuisse, quia necessitas illa non abrogavit ejus libertatem, nec obstitit quo minus liberè peccarit & maximâ cum spontaneitate, nullâ naturæ necessitate, vel coactione ad id impulsus.

X V. Sunt qui hanc gratiæ negationem, per *desertionem* solent exprimere *non privativam*, quasi gratia interna & habitualis jam data, ablata fuerit, sed *negativam*, quâ suspenditur nondum data. Sed quum desertio propriè videatur supponere deserti culpam aliquam antecedentem, præstat uti voce *negationis*, vel *non dationis*, ut dicatur Deus non dedisse homini gratiam actualem efficaciter Adamum determinantem ad standum, ex qua negatione sequutum quidem fuerit peccatum necessariò necessitate consequentiæ & hypotheticâ à parte Dei, sed libere tamen à parte hominis, qui sibi conscius fuit solâ voluntate, & nullâ interna necessitate ad peccandum impulsus fuisse.

X V I. Non negandum sanè hic sapientiæ Dei *patet* occurrere, admirandum potius quàm rimandum, quod rationis captum longissimè superat; Qui scil. voluerit Deus gratiam istam homini adhuc immerenti denegare, sine qua prævidebat eum lapsum vitare non posse. Unde sunt, qui, ne Deus videatur deseruisse hominem, priusquam ab homine desertus fuerit, statuunt Deum Adamo paratum fuisse gratiam confirmationis largiri, si homo voluisset ad eam confugere, & eâ uti, sed cum auxilium, quod illi præstò erat, & cujus usum arbitrio suo Deus permiserat, neglexerit adhibere; mirum videri non debere, si à Deo denegatum fuerit. Sed difficultas quæ hic occurrit, non potest hac ratione sufficienter solvi; quia neglectus ille usus auxilii divini, vel refugii ad Deum ad illud impetrandum, peccatum fuit, vel non; Si non fuit peccatum, non debuit ideo suspendi Dei auxilium; Si fuit peccatum, ergo datum est peccatum aliquod prius primo. Deinde cum ad omnem actum homini necessaria sit Dei gratia, quaestio redit de usu istius auxilii. An ad ejus exercitium gratia Dei efficax data fuerit à Deo, nec ne? Nam si data fuit, non potuit non eâ uti homo: Si verò
negata

negata est, jam negatio præcedet neglectum hominis. Satius est ergo hic acquiescere in solo liberrimo Dei beneplacito, gratiam suam vel dantis vel negantis pro libitu, sine cuiusquam injuria. Quod eò tutius est, quia non modò jam ab æterno constituit gratiam suam non dare, etiam antequam homo potuisset illam negligere, vel abjicere; sed etiam quia nisi talis ponatur denegatio gratiæ, antecedenter ad hominis neglectum, non poterit salvari futuritionis lapsus certitudo, & veritas præscientiæ divinæ: Nam si penes hominem positum fuit uti gratiâ istâ, vel non, cum homo fuerit indifferens naturâ suâ, non potuit determinari certò ad talem eventum, nisi à causa aliqua superiori. Nec propterea impingi potest Deo peccati causalitas; non magis, quàm ex decreto ejus æterno, vel permissione temporali, ad quam sequitur necessariò & infallibiliter peccatum, potest hæc illi adscribi.

XVII. Hinc patet bene dici Adamum potuisse non peccare, & non potuisse tamen non peccare. Prius respectu gratiæ habitualis & internæ Adams, & virium ipsi à creatione collatarum, quæ tales erant, ut facultatem haberet præstandi legem ipsi datam; si modò illis bene uni voluisset. Posterius ratione decreti & suspensionis gratiæ actualis æternæ, seu concursus divini, sine quo nulla actio ab ipso fieri potuit. *Possibile ergo fuit Adamum non peccare in sensu diviso, & ratione sui, sed impossibile fuit in sensu composito, quum spectatur relatè ad Dei decretum, & permissionem peccati & gratiæ negationem.* Quod Celeb. *Twissus* non malè explicat in *Animadversio. ad Collatio. Arminii cum Junio*, *Nos dicimus adfuisse Adamo gratiam sufficientem, quâ potuit præstare legem ipsi datam; negamus adfuisse ei gratiam efficacem, quâ efficereur, ut de facto præstaret legem. Habere facultatem præstandi legem, & fieri non posse ut lex præstetur, non sunt contradictoria; quemadmodum militibus non defuere vires frangendi Servatoris ossa, posito tamen ex adverso decreto Dei, fieri non potuit ut frangerentur. Pari ratione licet Adamus habuerit facultatem præstandi Legem Dei, posito tamen decreto Dei de negando gratia efficaci, fieri non potuit ut præstaret Legem. Deus non removit gratiam quam concesserat, nimirum sufficientem, tantum non gratificatus est gratiam ad vitandum peccatum efficacem. Deo autem non dante gratiam efficacem, necesse fuit ut peccaret Adam, &c.*

XVIII. Si quid porro in hac Dei dispensatione adhuc occurrat, quod facilè à nobis percipi non possit, meminerimus Vias Dei non esse vias nostras, & sobriè nobis esse hic sapiendum, ne scrutantes Majestatem, opprimamur à gloria. Sufficiat duo ista arctè tenere, lapsum istum funestissimum, non sine Dei providentia contigisse; Sed ad ejus causalitatem eam nihil contulisse, solum hominem ex Diaboli tentatione motum, veram & propriam ejus causam fuisse.

QUÆSTIO VIII.

An Adamus per lapsum suum amiserit Dei imaginem?

Affirm.

I. **U**T gravissimum fuit Adami peccatum, Ita non potuit non pessimos effectus post se trahere, tum in ipso, tum in posteris ejus, qui pro ratione facultatum hominis, in *morales*, vel *physicos* distinguunt; *morales* sunt *reatus*, & *macula*, per illum in maledictionem & iram Dei cum suis incurrit, per istam universalem corruptionem & sceditatem contraxit sibi & suis. *Physici* sunt omnigenæ miseriæ, quæ agmine factæ illi incubuerunt, & mors ipsa tam temporalis quàm æterna, cui obnoxius factus est.

II. Quia verò inter effectus morales solet reponi *amissio imaginis divinæ*, seu *justitiæ originalis*, de qua litem nobis movent post Socinianos, Remonstrantes, Veritas Orthodoxa paucis adversus eos confirmanda est.

Status

*Quæstio-
nis.*

III. Per Imaginem autem divinam non intelligimus generaliter quicquid donorum homo integer à Deo acceperat, de qua Gen. 1. 26. 27. vel specialiter reliquias qualdam ejus in mente & corde hominum post lapsum superstites, quo sensu sumitur Gen. 9. 6. & Jac. 3. 9. sed *strictè* præcipuam partem Imaginis istius, quæ in Sapientia & Sanctitate posita erat, quæ justitiæ originalis nomine solet designari, quo sensu in præsentī Quæstione de ea agitur.

IV. *Sociniani* quidem imaginem istam per lapsum Adami ullo modo amissam esse negant, utpote quam integram superesse adhuc contendunt *Soci. prælect. c. 3. Smalzi. cont. Frantz. Disp. 7. Remonstrantes* verò fatentur Adamum lapsu suo meruisse, ut Deus ab ipso auferret justitiam originalem; Sed negant eum actu ipso illam amisisse; Quod ideo asserunt, ne cogantur agnoscere hominem omnem justitiam originalem amisisse, adeoque ei non amplius superesse liberum arbitrium.

V. Nos verò Amissionem Imaginis divinæ, seu Justitiæ originalis dupliciter lapsum Adami secutam fuisse statuimus, tum *meritorie* & *moraliter*, propter ordinationem divinam, tum *efficienter*, & *realiter* propter peccati istius gravitatem.

VI. Rationes sunt. 1. Quia fuit averſio & apostasia totalis à Deo tanquam à summo bono & ultimo fine, mutato autem fine ultimo, qui in moralibus principii universalissimi, unde reliqua pendent, rationem habet, moralia omnia mutari necesse est, ut jam homo à Deo planè averſus &

& in se ipsum conversus de statu suo beato absolutè deturbatus, nec in integrum restitui nisi per Dei singularem misericordiam valeat. Quæst. VIII.

VII. Secundò, Quia peccatum istud non particulare fuit, sed universale, quod totius Legis violationem post se traxit; unde non potuit non omnem rectitudinis habitum excutere, & conscientiam ejus vastare, ut nihil superesset residui, nisi infelicis naufragii tabulæ, & rudera quædam, quæ Deus superesse adhuc voluit; tum ut ex iis integræ olim imaginis præstantia agnosceretur, tum ut esset vinculum externæ disciplinæ in societate politica, ne mundus in latrocinium abiret; tum ut ex illis veluti ruinis novum opus extrueret; & novum hominem formaret ad imaginem eandem ad quam prius eramus conditi Col. 3. 10.

VIII. Tertiò, quia nuditas hominum lapsorum notavit amissionem seu privationem bonorum, quibus gaudebant antea. Et nuditatis istius sensus & pudor, aliquid in homine pudendum arguebat, quale in Dei opere sine Creatoris contumelia cogitari non potest, quod non tam fuit nuditas Corporis, quæ per se indifferens fuit, imò quæ potuit esse gloriosa, quam nuditas animæ ex privatione dotium eximiarum quibus veluti induta & exornata fuerat; propter quam meritò pudore suffundi debuit.

IX. Quartò, Quia Deus hanc privationem illi interminatus est; mors enim quam illi peccanti denunciavit, non minùs spirituales in privatione justitiæ originalis, & statu peccati, quam temporalem & æternam complectebatur, ut suo loco videbitur.

X. Quintò, Quia qualis homo nascitur hodie, talis fuit Adamus post lapsum, siquidem quicquid habet à natura, ab ipso Adamo originem ducit. At nascitur cum universali corruptione, non tantùm privativâ boni antea accepti, sed etiam positivâ mali accersiti, sive quoad cæcitatem mentis, sive quoad *αισθησιαν* voluntatis; unde non modo cæcus, sed cæcitas ipsa & tenebræ vocatur, non modò corruptus & æger, sed *mortuus* dicitur, id est, in totali ad bonum impotentiâ.

XI. Quod dicitur *unum actum non posse tollere integrum habitum*, non potest universaliter admitti, ne quidem secundùm Philosophos ipsos, juxta quos dantur actus quidam adeò enormes, ut totum tollant habitum antegressum, v. g. actus incestus totum habitum castitatis, actus parricidii amorem paternum tollit, & sim. 2. Hoc vel minimi peccati meritum est, ut hominem à Dei communionem removeat, istiusque pacem & amicitiam rumpat. Homo autem extra Dei communionem positus, nullaque Spiritus luce collustratus, hoc ipso corruptissimus est, & nihil boni præstare potest. 3. Quamvis axioma concederetur quoad alia peccata, peculiaris tamen est ratio istius, quo fœdus fractum est, ac proinde beneficia omnia fœderis amissa. 4. Confirmatur à pari in Angelis, qui peccato suo ita excusserunt ha-

Q U Æ S T. bitum sanctitatis & justitiæ, in veritate non stando Joh. 8. 44. ut malum
VIII. *ἀνίσταν* sibi accersiverint. 5. Ipsi Adversarii fatentur, quovis graviore peccato
amitti Spiritum Sanctum.

XII. Si in regenitis per ipsorum peccatum non excutitur habitus sancti-
tatis licet imperfectus, qui excussus fuit per Adami lapsum, licet perfectus
esset, hoc non pendet à naturâ peccati, sed à gratiâ perseverantiæ, quia fide-
les habent promissionem perseverantiæ, quam Adamus non habuit.

Q U Æ S T I O I X.

*An actualis inobedientia Adami omnibus ejus posteris naturali
generatione ab eo oriundis imputetur imputatione im-
mediata & antecedente? Aff.*

I. **L**icet omnes Christiani consentiant in agnitione peccati Adami,
non parum tamen inter se dissident, quoad ejus effecta, potiissi-
mum verò quoad imputationem, quæ à variis vel in dubium vo-
catur, vel apertè negatur.

*Quinam
negent im-
putationem
peccati.*

II. Hæc fuit jam olim *Pelagianorum* veterum sententia, qui pertende-
bant Peccatum Adami ipsi soli nocuisse, non verò aliis hominibus ipsius po-
steris, unde locum Apostoli Rom. 5. 12. ad imitationis exemplum re-
stringebant. Quorum in hoc capite, ut in cæteris ferè omnibus vestigia
premunt *Sociniani*, qui disertè negant totum genus humanum peccasse &
lapsum esse in Adamo, aut voluisse Deum, ut propter unum illum lapsum
totum genus humanum reum esset peccati, ut *Socinus* loquitur de statu pri-
mi homi. cap. 10. & de Servato. pag. 3. cap. 8. *Tametsi omnes ab Adamo pro-
gnati, morti perpetua sint obnoxii, non ideo fit, quod ipsis Adami delictum
imputetur, sed quia ab eo progeniti sunt, qui morti perpetua divino decreto
sunt addicti. Et ita non propter peccati imputationem id illis contigit, sed
propter generis propagationem.*

III. A quibus non recedunt *Anabaptista*, qui negant posteros propter
lapsum primorum parentum esse reos. Nec alia est *Remonstrantium* senten-
tia; Quamvis enim ab initio ambigüe loquerentur, ut incertum esset quid
statuerent, postea tamen Apol. c. 7. non obscurè se Socinianis favere testati
sunt, imputationis quidem nomen retinentes, sed rem ipsam tollentes,
dum scribunt, *Peccatum Adami à Deo imputari posteris ejus, non quasi re-
ver. i. censeat reos ipsos eisdem cum Adamo peccati & culpa, sed quatenus eos
eodem malo, cui Adamus per peccatum obnoxium se reddidit, obnoxios nasci
voluit.* Quod clariùs adhuc confirmat *Curcellanus* lib. de Jure Dei, ubi resi-
cit omnem illam peccati imputationem.

IV.

IV. Nec modò si iſe *Evangelicus* Imputationem iſtam impugnante; Sed Quæſt. IX.
etiam inter noſtros R. & Cl. Vir Joſ. *Placcus* Profeſſor Salmurienſis hoc
Adverſariorum commentum adoptavit; & dum totam rationem labis ori-
ginalis conſtituit in habituali, ſubjectivâ & inhærente corruptione, quæ ad
ſingulos per generationem ordinariam propagatur, imputationem iſtam
rejecit, & magno molimine oppugnare conatur in *Theſibus Salmuriens.* de
Statu hominis lapſi ante gratiam, & in variis Tractatibus ſuper eo argumen-
to editis.

V. Cui oppoſitum fuit Decretum Synodi Nationalis Carentonienſis
ann. 1644. quo ſancitur & confirmatur recepta in Eccleſiis noſtris doctri-
na de primi peccati Adæ imputatione, & hæreditaria corruptione, quæ ad
omnes derivatur. Cujus hæc ſunt verba, *Cum relatum eſſet ad Synodum, ſcri-
pta quadam alia typis evulgata, alia manu exarata produiſſe, quæ totam ratio-
nem peccati originalis ſolâ corruptione hæreditariâ in omnibus hominibus inhe-
rente definiunt, & primi peccati Adami imputationem negant: Damnavit
Synodus doctrinam cuiusmodi, quatenus peccati originalis naturam ad corruptio-
nem hæreditariam poſteriorum Adæ ſua reſtringit, ut imputationem excludat
primi illius peccati, quo lapſus eſt Adam: Adeoque cenſuris omnibus Eccleſia-
ſticis ſubjiciendos cenſuit, Paſtores, Profeſſores, & quoscumque alios, qui in
huius quæſtionis diſceptatione à communi ſententia reſceſſerint Eccleſiarum Pro-
teſtantium, quæ omnes hætenus & Corruptionem illam, & Imputationem hanc
in omnes Adami poſteros deſcendentem agnoverunt &c.*

VI. Ut verò vim Decreti Synodici declinaret V. D. diſtinxit poſtea Im-
putationem, in immediatam & antecedentem, & mediatam & conſequentem:
Illam vocat, quâ actio Adami ejus poſteris omnibus, Chriſto excepto, pro-
ximè, immediatè, hoc ipſo quòd ſunt filii Adami imputatur, tam ad priva-
tionem juſtitiz originalis, quàm ad mortem æternam, antecedenter ad
corruptionem inhærentem: Iſtam verò, quæ hæreditariæ corruptionis in
nos ab Adamo derivatæ intuitum conſequitur, eaque mediante fit; huius
enim corruptionis participatione ſtatuit, nos communicare peccato Adami,
eique habitualiter conſentire, ac propterea dignos eſſe qui Adamo pecca-
tori annumeremur. Hanc vult Synodum aſſerere, & ſe cum illa agnoſcere,
ſed non illam. Verùm ſi penitiùs res attendatur, non obſcurè patebit diſtin-
ctionem iſtam ad fucum faciendum eſſe excogitatam, quæ nomen imputa-
tionis retinendo, rem ipſam de facto tollit. Nam ſi ideo tantùm Adæ pecca-
tum nobis imputari dicitur mediatè, quia apud Deum rei conſtituimur, & ob-
noxii pænæ ſimus propter corruptionem hæreditariam quam ab Adamo tra-
hiimus, nulla erit imputatio propriè peccati Adami, ſed tantùm labis inhæren-
tis. Quod Synodus proſcriptum voluit, quia peccati originalis duas partes con-
ſtituit corruptionem inhærentem, & imputationem; quod dici non poſſet, ſi

Q^{uest.} 1X. imputatio non aliter fieret quàm corruptionis interventu. Aliud enim est subesse iræ Dei & condemnationis reatui propter corruptionem inhærentem & nativam, quæ per generationem propagatur; Aliud propter ipsum peccatum Adami nobis imputatum.

Statu

Q^{uestio-}
nis.

VII. Ad Statum Quæstionis Observandum. 1. Non agi hic de quovis peccato Adami, sed de primo, nec de *primo habituali*, quod in ipso hæsit, sed *primo actuali*, quo Legem primordiale violavit, & fœdus secum à Deo initum fregit.

VIII. 2. Non quaritur De omnibus posteris, qui quoquomodo sunt ab eo oriundi sed tantum de illis qui viâ ordinariâ generationis ab eo descendunt, ut ita eximatur Christus, qui non viâ ordinariâ, sed extraordinariâ & supernaturali conceptus est per vim Spiritus Sancti, non vi benedictionis ante lapsum datæ, sed vi promissionis specialis lapsum secutæ, de Semine mulieris contrituro caput Serpentis; non secundum personalitatem, sed secundum humanitatem tantum, & planè extraordinariè.

IX. 3. Non quaritur, An peccatum Adæ imputari nobis dicatur, quia ob peccatum originale nobis inhærens digni sumus, qui eo loco habeamur, ac si actuale ipsam inobedientiam commisisse inus, quomodo *præputium* ab Apost. Rom. 2. 26. dicitur *imputari in circumcisionem*, id est, eodem loco haberi ac si circumcisum esset: quia sic ageretur tantum de collatione diversorum peccatorum in diversis personis existentium, vel de paritate inter diversa peccata ratione pœnæ, aut reatus. Sed quaritur, An actuale peccatum Adami ita omnibus reipsa imputetur, ut propter illud omnes rei censeantur, & vel pœnas dent, vel saltem pœnis digni existimentur.

X. *Imputatio* vel est *rei aliena*, vel *propria*; Aliquando imputatur nobis id quod nostrum est personaliter, quo sensu Deus imputat peccata peccatoribus, quos propter propria crimina punit, & in bonis dicitur *zelus Phineas illi imputatus ad justitiam* Plal. 106. 31. Aliquando imputatur id quod est extra nos, nec à nobis est præstitum, quomodo Justitia Christi dicitur nobis imputari, & peccata nostra ipsi imputantur, licet nec ipse peccatum in se habeat, nec nos justitiam. Hic verò agitur de ista imputatione, non de illa, quia agitur de peccato ab Adamo commissio, non à nobis.

XI. Quando autem peccatum alterius imputari dicitur alicui, non est intelligendum peccatum quod simpliciter, & omni modo sit alienum, sed quod aliquâ ratione ad eum pertinet, cui imputari dicitur, si non propriè, singulariter, & *personaliter*: At *communiter*, propter communionem quæ illi intercedit cum proprio ejus authore: Nulla enim potest dari imputatio peccati alieni, nisi positâ peculiari aliquâ unius cum alio conjunctione. *Communio* autem illa triplex potest esse, 1. *naturalis*, qualis est inter Patrem & liberos, 2. *moralis & politica*, qualis inter Regem & subditos, 3.

voluntaria

voluntaria qualis inter amicos, & inter reum & Sponsorem: Atque hinc patet fundamentum duplicis imputationis inter Christum & nos, quâ peccata nostra ipsi imputata sunt, & ejus Justitia nobis vicissim imputatur. 2. Cor. 5. 21. Nos hic postremam communionem non attendimus, in qua fate-mur necessarium esse consensum prævium, sed tantum duas priores, in quibus non necesse est, ut justa sit imputatio, ut qui poenam peccati alterius sustinet, in illud vel consentiat actualiter, vel aliquando consenserit. Adamus enim duplici isto *vinculo* nobiscum junctus est; 1. *Naturalis* quatenus Pater est, & nos ejus filii, 2. *Politico* ac *forensi* quatenus fuit Princeps & Caput repræsentativum totius generis humani. Fundamentum ergo Imputationis non est tantum communio naturalis, quæ nobis cum Adamo intercedit, aliis omnia ipsius peccata deberent nobis imputari, sed præcipue *moralis* & *federalis*, per quam factum est, ut Deus cum illo, ut cum nostro Capite fœdus pepigerit. Unde Adamus se habuit in illo peccato, non ut *persona privata*, sed ut *publica*, & *repræsentativa*, quæ omnes suos posteros in actione illa repræsentavit, cujus proinde demeritum ad omnes pertinet.

XII. Ut Adamus esset persona publica & repræsentativa, non necesse fuit, ut munus illud à nobis ipsi demandaretur, ut tam nostro quam suo nomine ageret; sufficit intercessisse justissimam Dei ordinationem, secundum quam voluit Adamum esse Stirpem & Caput totius Generis humani, qui ideo non sibi tantum, sed & suis bona acciperet, vel amitteret: Unde omnes dicuntur fuisse unus homo, *Quicumque*, inquit August. ep. 106. *ex illo uno multi in seipsis futuri erunt, in illo uno, unus homo erant*, unitate non specifica, vel numerica, sed partim *unitate originis*, quia omnes ex uno sunt sanguine, partim *unitate repræsentationis*, quia unus omnium personam repræsentabat ex ordine Dei.

XIII. Talem fuisse Dei ordinationem multa probant. 1. *Fœdus* cum Adamo pactum, de quo supra, quod non fuit particulare cum Adamo solo, sed generale & publicum cum universo Genere humano initum, quod proinde in illo primo parente ruptum, universam ejus sobolem eidem calamitati involvit; aliàs Deus cum singulis personis pacisci debuisset. 2. Ratio *Imaginis* divinæ, & Justitiæ originalis, quam Adamus pro se & suis acceperat, non ut bonum personale, & sibi peculiare, sed ut bonum commune, quod transmittendum fuit ad posteros, si steteret in integritate, sed quo etiam privanda fuit ejus posteritas, ubi semel lapsus fuisset, ut hic Adamus fuerit instar beneficiarii, qui fundum accipiens à Domino, accipit illud & sibi & posteris; sed eâ lege, ut si rebellet adversus Dominum, beneficium non sibi duntaxat, sed & posteris suis amittat. Quod Confess. Galli. art. 10. clare exponit. *Quæ Deus Adamo largitus erat, non ipsi soli, sed etiam toti ipsius posteritati fuerunt data: ut proinde nos in ipsius personâ spoliati bonis illis omnibus,*

Quæst. *bus, in omnem hanc miseriam & maledictionem incidimus. 3. Communio*
 IX. *pœnarum* tam generalium, quàm specialium, quæ in posteros non minus ac
 in Adamum dimanarunt, quæ justè non possent intelli, nisi supponeretur
 communis Lex, & communis reatus; nam si pœna infra: fœderis ad o-
 mnes extenditur, fœdus quoque & lex ad omnes extendi debet. 4. *Collatio*
Adami & Christi, quam instituit Paulus Rom. 5. & 1. Cor. 15. quæ non
 potest sufficienter salvari, nisi positâ imputatione peccati, quæ respondeat
 imputationi justitiæ, ut postea probabitur.

XIV. Pœna quam peccatum Adami in nos accersit, vel est *privativa*,
 vel *positiva*. Prior est carentia & privatio justitiæ originalis. Posterior est
 mors tum temporalis, tum æterna, & in genere mala omnia, quæ peccato-
 ribus immittuntur. Et si secunda necessarîo sequitur primam ex naturâ rei,
 nisi intercedat Dei misericordia non debet tamen cum ea confundi. Quoad
 primam dicimus Adami peccatum nobis imputari immediatè ad pœnam
 privativam, quia est causa privationis justitiæ originalis, & sic corruptionem
 antecedere debet saltem ordine naturæ; Sed quoad posteriorem potest dici
 imputari mediatè quoad pœnam positivam, quia illi pœnæ obnoxii non su-
 mus, nisi postquam nati & corrupti sumus.

XV. Quæstio redit ad hos terminos, An peccatum Adami, non quodlibet,
 sed primum, non habituale, sed actuale, posteris ejus omnibus naturaliter ab
 eo oriundis imputetur, imputatione, non mediatâ & consequente, sed im-
 mediatâ & antecedente. Illi cum quibus hic agimus, vel negant absolutè
 imputationem, vel mediatam tantùm admittunt; Nos verò cum Orthodoxis
 utrumque affirmamus, & dari imputationem & eam esse immediatam & an-
 tecedentem.

Probat
 Peccati im-
 putatio 1.
 Ex Rom.
 5. 12

XVI. Rationes sunt. 1. Quia Paulus ad Rom. cap. 5. 12. 13. 14. &c.
 imputationem istam clarè adstruit, *Sicut per unum hominem peccatum introiit*
in mundum, & per peccatum mors, & ita in omnes homines mors transiit, in
quo omnes peccarunt. Ex quibus varia petuntur argumenta. 1. ex scopo A-
 postoli, qui est probare illustri typo justificationis doctrinam per imputatio-
 nem justitiæ Christi, de qua locutus fuerat capite 3. & 4. quia enim mirum
 videri poterat & insolitum alienâ justitiâ aliquem justificari, Apostolus per
 collationem Adami & Christi *fundamentum* ab opposito istius mysterii pro-
 bat ex condemnatione, quam Deus voluit in omnes derivari propter unius
 peccati imputationem, ut quemadmodum Adamus à Deo Caput & Stirps
 generis humani constitutus est, ut reatus peccati sui, & ex eo mors in o-
 mnes derivaretur: Ita Christus alter Adamus Caput factus sit omnium Ele-
 ctorum, ut per ejus obedientiam justificatio in omnes electos veniret. 2. lo-
 quitur de *peccato* quod *introiit in mundum, & per quod mors in omne. per-*
vasis, quod non ad originale & inhærens potest referri, quod supposebat
 jam actuale, sed ad primum actuale, per quod revera mors & in Adamum
 &

& in posteros ejus pervasit quod patet ex *ψ. 18.* ubi apodosis similitudinis *QUÆST. IX.* redditur, & mentio fit *unius illius peccati.* 3. illud peccatum debet intelligi, de quo dici potest, quod omnes peccarint, quum peccatum introiit per unum hominem in mundum, & per peccatum mors, quæ est vis ratiocinationis Paulinæ, *Sicut per unum hominem peccatum introiit in mundum & per peccatum mors, & ita mors pervasit in omnes* *ἐφ' ᾧ πάντες ἥμαρτον* in quo, vel quia omnes peccarunt. At verbum *ἥμαρτον* propriè non potest trahi ad habitum peccati, vel ad corruptionem habituales & inhærentem, sed propriè peccatum aliquod actuale notat, idque præteritum, quod non potest aliud esse, quàm ipsum Adami peccatum; aliud quippe est peccatorem esse vel nasci, aliud verò re ipsa peccare. Qui ergo, cùm nondum essent in rerum natura, dicuntur in alio peccasse, censentur proculdubio eo committente peccatum, & ipsi etiam commisisse. At Paulus dicit de omnibus cùm nondum essent eos in Adamo peccasse. Ergo eo peccante censentur & ipsi peccasse, quod sine imputatione peccati dici non posset. 4. Paulus non tantum loquitur de peccato, sed de *uno peccato*, & de *unius offensa* cujus reatus in omnes diffusus est *ψ. 17. 18. 19.* *ut per unum peccatum reatus in omnes venit ad condemnationem: Ita & per unam justitiam gratia transit in omnes in justificationem vite; & ψ. 19.* *ut per unius inobedientiam multi constituti sunt peccatores; Ita & per unius obedientiam multi constituentur just.* Quare verò toties Apostolus mentionem faceret, *unius hominis peccatis, & unius offensa ac inobedientia in singulari*, cujus reatus in omnes venerit in condemnationem, non semel, sed quinques in paucis versibus, nisi hæc una inobedientia, quæ non potest alia esse ab actuali transgressione Adami, posteris imputaretur? nam si rei sumus, non imputatione peccati Adæ, sed tantum vitiositatis propagatione, non jam ex uno peccato reatus & condemnatio potest dici in omnes transire, sed ex innumeris inhærentibus. 5. Hoc fortius confirmatur ex collatione Adami & Christi, quam hic Apostolus instituit resp. justificationis de qua agit, cujus causâ vocat *Adamum τὸν πρῶτον ὃς μέλλει ὅτι ἵπνον futuri ψ. 14.* Eadem quippe ratione constituimur peccatores in Adamo, quâ justii constituimur in Christo: At in Christo justii constituimur, per justitiæ imputationem. Ergo & peccatores in Adamo per peccati ipsius imputationem, aliàs luxaretur ejus comparatio. 6. Mors quæ per peccatum regnavit, ambitu suo mortem spirituales complectitur ex Dei comminatione, quæ nihil aliud est, quàm privatio justitiæ originalis cum corruptione hæreditaria; unde præter eam peccatum aliquod prius debet agnosci quod fuerit ejus causa, quod aliud non potest esse præter Adami peccatum actuale.

XVII. Frustra hic excipitur. I. *ἐφ' ᾧ* non reddendum esse in quo, relative, sed causaliter pro eo quod, vel quia, ut Calvin. Martyr, Versio Gallica, & alii reddunt. 2. Nam quomocunque reddatur *ἐφ' ᾧ*, sive

QUÆST. *relative in quo*, quod Veteres magno consensu tam Græci quàm Latini retinent, & Aug. urget contra Pelagianos lib. 6. in Juli. c. 12. ut insolitum non est præpositionem *in* sumi pro *ex*, ut patet ex Marc. 2. 4. Act. 2. 38. Heb. 9. 10. 17. Matth. 13. 14. quo sensu etiam alibi dicimur in Adamo mori 1. Cor. 15. 22. live *causaliter*, res eòdem redit; Quia causa redditur ab Apostolo, cur mors in omnes & singulos pervaserit, quia scilicet omnes peccarunt, non utique actualiter & personaliter in se, quia nondum erant, sed in Adamo peccante, peccato scilicet illo primo quod per ipsum introiit in mundum, ut supplenda sit necessariò sententia Apostoli, & ita reddenda, *eo quòd*, scilicet in uno illo homine, *omnes peccaverunt*, quod Versio Gallica in margine notat, quum addit, vel *in quo*, nempe *quatenus comprehensi sunt in persona Adami, in quo unusquisque fuit*. 11. *Similitudinem Adami & Christi esse in re, sed non in modo rei*, id est, docere quidem Apostolum Adamum in posteros transferre reatum & condemnationem; Christum verò justificationem. Sed non docere id ab utroque fieri per imputationem. Aliàs manus dandas esse Pontificiis, & agnoscendum cum ipsis justificationem nostram pendere ex imputatione justitiæ Christi, & infusione justitiæ inhærentis, ut condemnatio nostra oritur, tam ex peccato propagato, quàm imputato, quod Bell. urget lib. 2. de Justific. c. 3. r. Verùm hæc exceptio jam eo nomine non parum suspecta esse debet, quòd *Socinum* authorem habeat lib. 4. de Serv. c. 6. ut vim argumenti nostri eludat, quod hinc desumimus ad confirmationem doctrinæ de imputata Christi justitia. 2. gratis hîc supponitur Apostoli similitudinem tantum esse in re, non in modo rei, cum modus ipse ingrediatur naturam rei de qua quæritur: quia hîc, ut antea observatum, scopus Apostoli est agere de justificationis negotio, id est, non tantum de communicatione reatus, vel justitiæ in genere, sed de communicationis istius modo, quatenus fit per unius offensam, vel obedientiam, id est, per ejus imputationem. Nec tamen propterea quicquam Pontificiis accedet, quia Pauli verba non sunt ultra ejus scopum extendenda, qui non est agere de justitiæ inhærentis communicatione, quæ fit per sanctificationem, de qua c. 6. agit ex professo, sed tantum de justitiâ imputatâ. 111. Illud peccatum intelligi ab Apostolo, quod potest dici introiisse in mundum; & transiisse in homines, quod de actuali Adæ peccato commodè dici nequit, sed tantum de corruptione inhærente. r. Nam peccatum actuale non minùs introiisse in mundum, & transiisse dicitur in homines, quàm corruptio, si non ratione *actus* qui transit; at ratione *reatus* qui manet, quatenus propter actionem illam alius reus habetur, & pœnæ subjacet: Nec mirum videri debet si Ap. actuale hoc peccatum potius intelligat quàm habituale, quia de justificatione, non de sanctificatione hîc agere illi propositum est. iv. Eo modo dici omnes peccasse, quomodo peccatum dicitur fuisse in mundo ab Adamo usque ad Legem

ψ. 13. quia prius illud ex isto posteriori probat; At peccatum quod fuit in QVART.
IX. mundo non posse dici actuale imputatum, cum Apostolus addat peccatum istud non imputari, non existente Lege, sed tantum inherens. R. Quia tantum abest ut Apost. velit negare peccatum illud imputatum fuisse, ut contrarium potius intendat probare, quod colligit ex ψ. 14. ex mortis imperio, quæ *regnauit etiam in eos qui non peccauerunt ad similitudinem transgressionis Ada*, nimirum infantes, qui non possunt dici actualiter instar Adami peccasse. Quia verò imputatio peccati ad pœnam non potest fieri non existente Lege, siquidem peccatum est *æquiu*, & ubi non est lex, ibi nec est transgressio Rom. 4. 15. Paulus inde elicit, legem ergo aliquam datam fuisse ante Legem scriptam Moïsi; juxta quam peccatum potest dici imputatum, quæ non potest alia esse, quam Lex primordialis lata Adamo & in eo omnibus posteris ejus. 7. Multos non omnes dici *constitutos peccatores*, Rom. 5. 19. R. Sed illi *multi* omnibus æquipollent, ut docet collatio ψ. 15. & 19. cum ψ. 12. 18. & 1. Cor. 15. 22. dicuntur verò *multi*, non ad restringendum subiectum, & vim peccati contrahendam; quasi opponantur aliis, qui ab eodem parente orti infantes remanserint: sed Adamo ipsi, qui unus solum erat & cui tam multi, quam omnes, bene opponuntur, & ut antithesim melius instituat inter multitudinem fidelium, qui per Christi obedientiam iusti constituuntur, & multitudinem peccatorum, qui ab Adamo reatum trahunt.

XVIII. 11. Quia in Adamo omnes moriuntur 1. Cor. 15. 22. id est, 1. Ex
1. Cor. 15.
22. mortis ac damnationis reatum contrahunt. Ergo in eodem etiam peccarunt, & cum eo communi culpâ tenentur: Nemo enim potest in aliquo pœnam mortis mereri, nisi cum eo, & in eo peccatum, quod causa est mortis, commune habuerit. Nec sufficit dici omnes in Adamo mori *efficienter*, quia ab Adamo peccatum originale, quod est mortis causa, trahimus; Quia eadem ratione possemus dici mori in Parentibus & Majoribus nostris, à quibus peccatum immediatè haurimus, quod tamen nusquam dicit Scriptura, sed de Adamo tantum, quia peculiari ratione in ipso fuimus, non tantum ut principio seminali, sed etiam ut capite repræsentativo, atque adeò in eo peccasse dicimur, non tantum ratione *efficientia*, quia est causa à qua peccatum ad nos propagatur, sed etiam ratione *demeriti*, quia culpâ suâ reatum in nos attraxit: Eodem modo quo *omnes* dicuntur ibidem *vivificari* in Christo, non tantum *efficienter* per Spiritum vivificum, sed etiam *meritoriè* per justitiæ ejus imputationem.

XIX. 111. Quia proximorum parentum peccata justo Dei judicio non 3. Ex im-
putatione
peccato-
rum alie-
norm. raro transeunt in liberos, & iis imputantur. Ergo multò magis hoc dici potest de primo, quod & gravius est omnibus ortis, quodque non particulare est personæ Adami, sed universale totius naturæ. Talem autem dari imputationem probat non modò comminatio Legis, Exod. 20. 5. quâ Deus denunciat

Quæst.
IX.

se ut sortem & zolotypum peccata parentum visitaturum in filios, usque ad tertiam & quartam generationem. Sed & exempla varia evincunt, In Achane Jos. 7. 24. 25. Hamalekitis 1. Sam. 15. 2. 3. Filiis Saulis 2. Sam. 21. Jeroboamo, 1. Reg. 4. 9. 10. Achabo 1. Reg. 21. 21. 23. & aliis; Unde Lament. 5. 7. Ecclesia agnoscit se criminum à Patribus commissorum pœnas ferre. Et Christus Matt. 23. 35. interminatur Judæis superventuras iis pœnas eorum criminum, quæ ab ipsorum Majoribus longè antè patrata fuerant, ut veniat super vos omnis sanguis justus effusus super terram à sanguine Abelis justī, usque ad sanguinem Zacharia filii Barachia &c. Ex quibus luculenter patet imputationem alieni peccati non esse traducendam, vel quasi insolitam & inauditam, cum tot exemplis probari possit, vel quasi absurdam, injustam, & crudellem, cum Deus ipse vindicem se profiteatur paternorum criminum in liberos. Nec hoc ipsis Ethnicis ignotum, quorum plerique fatentur hoc juris in Divinitatem competere, ut pœnam alieni peccati ab aliis exigat. *Plutarch.* l. de sera Numinis vindicta variis rationibus hoc probat. *Proclus* in *Helioid.* hoc Jovis opus esse ait, commune supplicium urbibus inferre, ob injusta Magistratuum supplicia, & varia in eam rem exempla affert; Hinc *Helioidus* introducit Διὸν Jultitiæ Deam rogantem Jovem

ὁφρ' ὀππὶ σὴ Δῆμ' αἰτῶσθαι βασιλείων, & ibid. inquit

πολλὰ κ' ἐμπασι πόλεις κακῶ ἀνδρὲς ἐπαυρεῖ

Multoties tota civitas ob malum virum punitur.

Et *Horatius*,

Quicquid delirant Reges, plectuntur Achivi.

Atque hinc proculdubio factum, ut inter ipsos Ethnicos, non rarò imputatio criminum locum habuisse legatur, *Cicero* ad Brut. ep. 15. in Græcis civitatibus liberos Tyrannorum oppressis illis eodem supplicio affici notat. *Curtius* lib. 6. Macedonibus Legem observatam ait, ut qui Regi insidiati essent, illi cum cognatis & propinquis suis morte afficerentur. Et apud omnes ferè populos in more positum fuit in criminibus perduellionis sive læsæ Majestatis, liberos cum parentibus reis ad pœnam deposcere. Eò respicit *Arcadii* & *Honorii* Sanctio L. Quisquis. C. ad L. Jul. Majest. *Filiis verò ejus, quibus vitam Imperatoria lenitate concedimus, (paterno enim perire debebant supplicio, in quibus paterni, hoc est hereditarii criminis exempla notantur) à maternâ vel avitâ, omnium etiam proximorum hereditate ac successione habeantur alieni: testamentis extraneorum nihil capiant, sint perpetuò egentes & pauperes, infamia semper paterna eos comitetur, ad nullos prorsus honores, ad nullâ sacramenta perveniant, sint postremo tales, ut iis perpetuè egestate sordentibus, sit & mors solacium, & vita supplicium.* Unde patet nec apud Deum, nec apud homines simpliciter injustum esse, ut quis puniatur propter alienum peccatum. Quod *Cl. Anyraldus* lib. de Relig. p. 3. c. 7. variis rationibus & exemplis probat.

XX. Frustra hic obtenditur. 1. Varia esse discrimina inter imputationem

nem peccati Adamici, & imputationem aliorum peccatorum. *℞.* Quia licet non per omnia convenient, inde tamen liquidò constat imputationem peccati alieni, nec insolitam esse, nec justitiæ divinæ contrariam, quod unum istis exemplis quæritur. II. Filios qui puniuntur propter peccata parentum non meliores esse Patribus, ideo mirum videri non debere, si ex occasione peccatorum patrum, puniantur propter propria peccata. *℞.* Quia aliud est puniri ex occasione peccati alieni, aliud verò pœnam eius ferre. Et quamvis nemo nisi nocens & corruptus in se plectatur propter alienum peccatum; tamen dum alieni peccati pœnam luit, non spectatur quâ nocens in se, sed in alienâ personâ; nec peccati sui, sed alieni pœnam ferre dicitur. III. Non filios propriè, sed parentes in filiis, qui sunt pars eorum puniri. *℞.* Nam licet patres in liberis puniantur, hoc non obstat tamen, quin filii ipsi etiam puniri dicantur, dum pœnæ ex ordine justitiæ divinæ propter peccata parentum illis imponuntur, qui pœnam autem fert alterius peccati, illi necessariò tale peccatum debet imputari.

XXI. Quartò, Quia negatâ imputatione immediatâ primi peccati præcipuum fundamentum justitiæ propagationis peccati tollitur. Nec sufficiens ratio reddi potest, cur Deus labem illam hæreditariam & inhærentem voluerit à parentibus transmitti ad posteros: Cum enim rationem habeat non tantum *mali turpis*, seu maculæ, sed etiam *mali tristis* seu pœnæ, necessariò supponere debet peccatum aliquod antecedens ob cuius reatum irrogetur à Dei justitia, pœna enim nulla nisi à peccato, nam & solum peccatum punitur, & id solum quod punitur peccatum est; Non potest autem esse peccatum nostrum proprium & personale, quia nondum fuimus acti. Ergo peccatum est Adami quod nobis imputatur. Unde patet non sufficere ad salvandam veritatem & justitiam propagationis solam *natura Legem*, secundum quam ut homo hominem generat, & leprosus leprosum, ita corruptus corruptum: quia hic non ordo tantum naturæ, sed *exercitium justitiæ* attendendum est, & aliquod sanctissimum, licet arcanum & admirabile Dei iudicium. Quare enim Deus, qui poterat propagationem istam impedire si voluisset, vel homines independentes à se invicem, non secus ac Angelos creando, vel aliâ quavis viâ, voluit tamen omnes ex uno homine corrupto corruptos nasci, & sic totum genus humanum per peccatum à se ipso separari, & maledictionem æternam incurrere, id est maximæ pœnæ subjici, nisi jam justitiæ actum in homine propter peccatum aliquod antea commissum exercere voluisset? Rursus, si sola Lex naturæ hic locum habet; Unde fit, quòd illa labe originalis ex primo peccato in posteros potius transeat, quàm alia peccata singularia parentum in filios; Unde fit quòd animæ hominum, quæ non traducuntur per generationem, sed immediatè à Deo creantur, non creentur cum justitia originali, ut animæ primorum parentum, sed

Quæst.
IX.

destituta hoc ornamento? Nulla discriminis istius ratio potest afferri, nisi ascendamus ad occultum Dei iudicium, quo filios Adami plectere vult propter peccatum parentis, quod Calvinus optimè explicat Instit. lib. 3. c. 8. 7. *Nec enim factum est naturaliter, ut omnes a salute exciderent, unius parentis culpâ. Et postea. Cunctos mortales in unius hominis personâ mortis æternæ mancipatos fuisse Scriptura clamat. Hoc quum natura adscribi nequeat, ab admirabili Dei consilio profectum esse nemini obscurum est. Ibidem. Iterum quæro unde factum est, ut tot gentes unâ cum liberis eorum infantibus æternæ mortis involveret lapsus Adæ absque remedio, nisi quia Deo ita visum est? Hic obmutescere oportet tam dicaces aliqui linguas. Decretum quidem horribile fateor, inficiari tamen nemopo. est, quin præsciverit Deus quem exitum habiurus esset homo antequam ipsum conderet, & ideo præserverit, quia decreto suo sic ordinaret.*

XXII. Quod autem privatio iustitiæ originalis, & labe hæreditaria non tantum peccatum sit, sed etiam pœnæ rationem habeat, exinde facillè colligitur. 1. quia inflictio mali maximi, tum damni, tum sensus, non potest non esse pœnæ irrogatio. At per istam propagationem infligitur maximum malum creaturæ, tum damni per privationem iustitiæ & boni inesse debiti, & separationem à Deo, tum sensus per depravationem totius naturæ, & horrendam facultatum hominis *ἀταξία*. 2. Quia eandem rationem utrumque hoc malum in nobis sortitur, quam habuit in Adamo, si quidem ab eo in nos derivatur, tanquam ejus hæredes. At habuit rationem pœnæ in Adamo, si quidem fuit mors spiritualis, quæ à peccato ejus actuali fluxit ex interminatione Dei. Nec obstat quòd privatio ista iustitiæ respectu hominis rationem habeat peccati, quia privat eum rectitudine debitâ inesse, quia non desinit habere rationem pœnæ à parte Dei illam ordinantis ad damnum creaturæ propter peccatum, si non proprium & personale, at publicum & commune: Ut induratio, quæ à parte hominis seipsum indurantis peccatum est, à parte Dei hominem indurantis, pœna est gravissima, utrumque autem simul subsistere posse infra probabitur.

XXIII. V. Quia Adam fuit stirps, radix, & Caput Generis humani, non tantum in sensu physico, & ratione seminali, sed moraliter, & in sensu representativo, qui pro se & posteris suis fœdus pepigerat, ut supra visum, qui proinde ut pro se & suis dona quæ habebat acceperat, ita sibi suisque ea amisit. Principiata enim in principiis contineri, & eorum conditionem referre constat. Et sicut Adamus vitæ conditionem & promissionem non sibi tantum, sed etiam suis posteris acceperat, si staret: Ita debuit mortis reatum suo lapsu, non sibi tantum, sed etiam suis omnibus contraxisse: Nam ad quem pertinent commoda, ad illum quoque onera & incommoda pertinere æquissimum est.

XXIV. VI. Negatâ imputatione peccati Adami, non parum labefactatur imputatio iustitiæ Christi, quæ ex adverso sibi respondent, & quibus
nititur

nititur præcipua pars antithesis, quam Paulus instituit inter Adamum primum & secundum; cum facillimus sit lapsus à prioris negatione ad posterioris inficiationem. Unde nemo est ex hæreticis, qui imputationem peccati negarunt, qui non eadem ratione imputationem justitiæ Christi oppugnarit, ut visum in Pelagianis, Socinianis, & Arminianis. Hinc fit ut rationes, quibus imputatio peccati Adæ oppugnatur, non minùs retorqueri possint adversus imputationem justitiæ Christi, & illæ quibus adstruitur imputatio Christi, faciant etiam ad asserendam imputationem peccati Adami. Nec obstat quòd imputatio justitiæ Christi sit ex gratia, imputatio verò peccati ex justitia, possit autem gratia tribuere alteri, id quod ei non debetur, Justitia non possit; quia gratia dat beneficium immerenti, Justitia pœnam non irrogat nisi merenti. Nam in imputatione peccati Adæ, justitia Dei non irrogat pœnam immerenti, sed merenti, si non merito proprio & personali; at participato & communi, quod fundatur in comunione naturali & fœderali, quæ nobis cum Adamo intercedit.

XXV. VII. Ut Levi decimatus fuit à Melchisedeco *διὰ Ἀβραάμ* Heb. 7. 9. id est, vel per *Abrahamum*, tanquam intermediam personam, vel in *Abrahami persona*, quatenus in lumbis ejus adhuc erat potentialiter, ut propterea in eo & cum eo, qui totius prosapiæ suæ personam tunc gerebat, jure decimatus censeatur. Ita multò magis censi possunt in Adamo peccasse ejus posterì, utpote qui in eo essent ut rami in radice, massa in primitiis, & membra in Capite. Non quòd fundamentum imputationis in illo facto quæretur, quod in multis differt ab ea; sed tantùm ut à simili per analogiam illustretur. Nec verba quæ addit Apost. *ὡς ἔστιν εἰς αὐτὸν*, rem tropicam & figuratam innuunt, quasi Levi figuratè tantùm, non propriè in Abrahamo diceretur decimatus, quod est contra mentem Apostoli, qui vult ex ista decimatione inferioritatem Sacerdotii Aaronici præ Melchisedeciano colligere, quia qui decimas solvit inferior est eo qui eas accipit; sed vel emolliunt phrasim duriusculam de Levi decimatione, cum bona propriè decimentur, non personæ; vel significant Apostolum uno verbo velle rem totam absolvere, nec se ulterius in ea explicanda diffundere, ut *uno verbo & breviter dicam*. Nec si fides Abrahami, aut ejus peccata non fuerunt imputata Levi, quamvis in eo decimatus fuerit, sequitur inde non bene colligi imputationem peccati. Quia Abrahamus sustinebat personam Levi sive ordinis Sacerdotalis Aaronici ex se orituri, in illa solemnì actione, quâ decimas dedit Melchisedeco; sed non in particularibus suis actionibus, quæ vel fidei vel peccati respectu erant merè personales.

XXVI. Alia est ratio *peccatorum merè personalium*, Alia verò *communium & publicorum*; Illa non debent imputari posteris, & de illis intelligenda *Solutio*. Lex Deut. 24. 16. *Ne morte afficiantur patres pro filiis, nec filii pro patribus, num.*
sed

Q uæst. IX. *sed unusquisque pro peccatis suis morte afficiatur; sed ista nihil obstat imputari, quale fuit peccatum Adami.* 2. Alia ratio est Legis quæ hominibus ponitur; Alia verò Legis, cui Deus ipse adstringitur. Hic metæ ponuntur vindictæ humanæ, quia in ea potest dari abusus, sed non justitiæ divinæ; ostendit nimirum hoc loco Deus quid ab hominibus velit ordinariè præstari, sed non statim quid ipse velit præstare, quidve ex ordine justitiæ possit exequi, aliàs non potuisset dicere in Lege se visitaturum peccata patrum in filios, nec exemplis variis hoc confirmasset.

Ezech. 18. 20. *ubi protestatur Deus Filium non portaturum iniquitatem Patris, sed animam quæ peccavit morituram, non est absolute & simpliciter intelligendus prout sonat, aliàs contradictio daretur cum Lege, & neganda esset substitutio Christi in nostri locum: Sed debet exponi* 1. *de filiis adultis, qui recedunt à peccatis parentum, & illa non imitantur, ut patet ex v. 19. quare filius non fert iniquitatem patris? quia facit justitiam & iudicium, idcirco vivendo vivet.* At tales non sunt filii Adæ, qui ab utero sunt transgressores. 2. *de peccatis personalibus & particularibus, non communibus & generalibus, quæ multos possunt involvere, quale est peccatum Adæ.* 3. *non hic constituitur regula generalis providentiæ & justitiæ, ad quam Deus vel ante semper exegerit, vel in posterum exacturus sit omnia sua iudicia; aliter enim in Lege sancitum, & in exemplis observatum liquet; sed agitur negotium peculiare cum Judæis, quibus hoc Deus ex speciali concessione largitur, ut non cum ipsis agat ex illo justitiæ rigore, quem posset observare, ut aliena peccata ipsis imputer, sed ut propria peccata in ipsis plectat, ut os illis hoc pacto penitus obstrueret. Hoc enim prætextu iudicia divina Judæi carpebant, quod immerentes propter parentum peccata plecterentur, ut constat ex proverbio quod usurpabant, Patres omphacem comederunt, & filiorum dentes obduperunt; Respondet Deus se id minime erga ipsos præstiturum, sed unumquemque propter propria peccata puniturum, ut habetur v. 30. Vult ergo in rem præsentem eos deducere, & ad eam confessionem adigere, ut agnoscant Deum esse in suis iudiciis justum, nec opus esse ut quærat in patribus peccata ad filios plectendos; satis esse in ipsis criminum, etiam sepositâ alieni peccati imputatione, ut & iis quas passi fuerant, & gravioribus etiam pœnis mulctarentur. Ita non hic sit ulla Juris definitio, sed tantum pacti specialis declaratio, non dicit quid jure possit, sed adversus criminationes populi, quid facere velit. Eò nos ducunt scopus Prophetæ & series verborum. Denique aliud est jus summum, aliud emendatæ temperatum. Ex illo Deus potest visitare peccata parentum in filios; Sed ex illo non ulterius quàm ad peccatores ipsos pœnam extendit; Unde Jer. 31. 29. Prophetæ loquens de tempore Novi Testamenti inter alia hæc habet, In dictis istis, inquit, non dicent, Patres manducaverunt uvam acerbam, & dentes filio-*

rum obstupuerunt, sed unusquisque in peccato suo morietur &c. ut doceat Quæst. 18.
Deum mitius quàm antea cum ipsis acturum.

XXVIIII. Actus unius non potest esse & dici universorum, si sit actus merè personalis, cujusmodi sunt peccata, quæ quotidie à singulis admittuntur: sed non potest intelligi de actu communi seu universali, qui ad totum genus humanum pertinet, qualis fuit actus Adami peccantis. Adam sanè fuit unus in individuo, & persona singularis, sed in hoc actu, non spectatur ut persona singularis, sed potius ut principium & Caput totius generis, cum quo Deus in ipso fœdus contraxit. *Voluntas ergo Adami* potest dici *singularis actus proprietate, universalis representationis jure*, singularis, quia ab uno ex individuis humanis profecta est, universalis quia individuum illud universum genus humanum representabat. Sic justitia Christi est actus unius, & bene tamen dicitur omnium fidelium per divinam imputationem; ut quod unus fecit, omnes censcantur fecisse, *si unus mortuus est, omnes sunt mortui* 2. Cor. 5. 15.

XXIX. Licet omnium personam sustinuerit Adamus peccando, non pariter & remissionem obtinendo, ut ut essemus & què in ejus lumbis; Quia status quo excidit, naturalis fuit, ideo omnes implicuit ejus lapsus; sed ad omnes non debuit pertinere ejus restitutio, quæ supernaturalis & gratuita, ac proinde etiam personalis.

XXX. Qui nullo modo fuit in Adamo, nec potentiâ, nec actu, non potest dici peccasse in Adamo, Sed quamvis non fuerimus actu, & personaliter in ipso, fuimus tamen potentiâ tum *seminalter*, quatenus in ipso, tanquam totius speciei radice continebamur Act. 17. 26. tum *representative*, quatenus ex ordine Dei personam nostram referebat, & Deus in ipso cum toto genere humano fœdus pepigerat. Ita quamvis non fuerimus actu in Christo, quum pro nobis mortuus est, mors tamen ejus nobis bene imputatur propter unionem quæ nobis cum ipso intercedit.

XXXI. Repugnat justitiæ divinæ, punire aliquem ob alienum peccatum, quod sit simpliciter & omni modo alienum; sed non quod, licet sit alienum ratione personæ, commune tamen est representationis & communionis alicujus jure, quo sit ut reatus ejus multos involvat: hoc enim & comminatio Legis, & judicia varia Dei, quibus impletur, & exemplum Christi, cui peccata nostra verè imputata sunt, justissimè fieri demonstrant.

XXXII. Quamvis inobedientia Adami nobis imputata sit, non sequitur pari er & mortem ejus nobis imputari debere; Quia morte sua, quæ fuit pœna ejus personalis, nihil nobis procurat, ut inobedientiâ suâ; ideo non potuit nobis communicari moraliter & per imputationem sicut ista, sed tantum reali & physicâ transmissione.

XXXIII. Licet peccatum primum non sit voluntarium respectu nostri

Quæst. realiter, quia propriâ voluntate non peccavimus, potest tamen voluntarium dici moraliter, quatenus voluntas Adami censetur quodammodo nostra propter nostri cum ipso communionem.

IX.

XXXIV. Ut diximus Christi, quod unicum est, potest tamen innumeris communicari per imputationem; Et ut reatus peccatorum parentum, quæ imputantur posteris, unus est & æqualis, qui transit in omnes: Ita nihil obstat reatum peccati Adami unicum esse, & æqualem qui transeat ad omnes per imputationem, quia non transit ad eos per divisionem, sed per communionem, quatenus omnes dignos poenâ eâ reddit.

XXXV. Licet Deus sit author fœderis illius quod cum Adamo initum est, ad quod sequitur peccati Adamici communio & imputatio; Non propterea potest aut debet censeri author peccati. Quia peccatum non ortum est per se ex illo fœdere, sed tantum per accidens propter hominis *avariam*: Nec magis potest censeri ejus peccati author, quam censetur ejus causa, eo quod peccatum fiat, vel ad nos propagetur, quia voluit illud permittere, & ad nos propagari.

XXXVI. Non eadem est ratio peccatorum aliorum, quæ ab Adamo commissa sunt, & primi quod nobis imputatur; Quia cætera fuere ipsi *personalia* simpliciter, tam *inchoative*, quàm *terminative*, post violatum fœdus, quod Deus cum illo pepigerat, & depositam personam publicam, quam sustinebat. Nam licet post primum peccatum Adamus non desierit esse *Caput* ratione *originis*, desuit tamen esse *Caput repræsentativum*, relatione *fœderis*. Sed primum licet sit personale *inchoative*, quia à persona singulari ortum est, non tamen tale fuit *terminative*, quia pluribus commune fuit.

XXXVII. Carentia justitiæ originalis spectari potest vel *passive*, quatenus *subjective*, est in homine, vel *active*, quatenus *iudicialiter* à Deo immittitur, Vel respectu *malis turpis*, quod includit, Vel respectu *malis tristis*, quod post se trahit, nimirum ratione deformationis creaturæ, & separationis à Deo. Priori sensu peccatum rectè dicitur, quia est privatio rectitudinis debite inesse, quæ repugnat Legi, sed posteriori poenæ rationem induit.

XXXVIII. Cum imputatio ad poenam sit tantum *actus moralis*, mirum videri non debet, si, ut primus actus peccandi nobis imputatur, ita primus *actus generandi*, qui est merè *naturalis*, pariter non imputetur.

XXXIX. Licet actus inobedientiæ Adami nobis potuerit imputari ad condemnationem; non statim sequitur actum ejus obedientiæ debuisse nobis imputari ad justificationem, quia reatus oritur ex uno actu inobedientiæ, sed justitia requirit complementum & perseverantiam integram obedientiæ. Deinde Adami justitia utpote finita, & ab ipso debita non potuit aliis communicari ad eorum justificationem; maxime cum non debuerit alia esse conditio posterorum, quàm Adami, qui mutabilis semper fuit & ejus perseverantiæ tantum promissa fuit justificatio & vita.

XL.

XL. Cæterum hanc de imputatione peccati Adæ doctrinam receptam Quæst. IX. esse in Ecclesiis nostris fuscè demonstrarunt Celeberrimi Viri & de Ecclesia optimè meriti *Andreas Rivetus* singulari tractatu super ea edito, ubi probat Protestantes omnes in hanc doctrinam consentire. Et *Antonius Garzolinus* Professor Podiolaurensis, eximio libro, quem ad defensionem Decreti Synodici adornavit. Ut hic non opus sit in eam rem operosè testimonia hinc inde colligere. Quia tamen subinde Viri docti cum quibus hic agimus gravissimorum Theologorum, & *Calvini* imprimis, *Martyris*, & *Chamieri* auctoritatem obtendere solent, quasi illi hanc imputationem silentio suo tacitè, vel etiam apertè & disertis verbis improbaverint. Non abs re futurum est, si paucis quàm à vero aberrant probatum dederimus.

XLI. Hanc fuisse *Calvini* sententiam multa probant. Licet enim non ubique imputationis mentionem faciat, quando de peccato originali loquitur, sive quia nondum illa in controversiam vocabatur, sive quia adversus *Albertum Pighium*, & *Ambrosium Catharinum* disputabat, qui totum peccati originalis naturam solà imputatione primi peccati definiabant, nullam inhaerentem corruptionem agnoscentes, ubi proinde non illi laborandum fuit in probanda imputatione, quam solam agnoscebant adversarii, sed tantum in allerenda labe inhaerente: facilè tamen est ostendere non ignoram fuisse, sed probatam summo Viro istam doctrinam. Pauca è multis, quæ afferri possunt, loca damus. In formula Confessionis fidei ab ipso conscripta, cui se adstringere tenentur omnes studiosi publicæ Scholæ Genevensis. *Confiteor omnem nostram corruptionem, & vitia quibus laboramus inde profluxisse, quod Adam communis hominum pater sua rebellionem sese à Deo alienavit, & vitam, honorumque omnium fontem derelicto sese omnibus miseriis obnoxium fecit. Quo fit, ut singuli nascamur originali peccato infecti, & ab ipso patris vero maledicti, & à Deo damnati, non propter alienum delictum duntaxat, sed propter improbitatem, quæ intra eos est. Et ut adversus Franciscanum naturà æterna damnationis heredes sumus, quoniam omne humanum genus in Adam maledictum est. Et postea. Dicimus Deum justo iudicio nobis in Adamo maledixisse, ac voluisse nos ob illius peccatum corruptos nasci, ut in Christo instaureremur. Et Responsi. ad Calumnias nebulonis de occulta Dei Providentia. Quod si Deum natura legibus subicere tibi propositum est, iniustitiæ eum damnabis, quod ob unius hominis culpam omnes æterna mortis reatu teneantur implicati. Peccavit unus, omnes ad penam trahuntur, neque id modo, sed ex unius vitio contagionem omnes contrahunt. Et statim. Etsi se & suos perdidit Adam, corruptionem tamen & reatum arcana Dei iudicio adscribere necesse est, quia nihil ad nos unius hominis culpa, nisi nos cælestis Iudex æterno exitio addiceret &c. Unde hæc conditio, ut non solum temporalibus miseriis, sed morti quoque æterna simus obnoxii,*

Quæst. IX. nisi quia hominis unius culpâ, Deus in communem reatum nos coniecit. In Ezech. 18. 20. Si quaratur causa maledictionis, quæ incumbit omnibus posteris Adæ, dicitur esse alienum peccatum, & cuiusque proprium. Alienum, quia ubi defecit Adam à Deo, in ejus personâ totum humanum genus spoliatum fuit rectitudine & intelligentiâ. Deinde corrupta sunt omnes animæ partes, ita ut quisque in se ipso sit perditus. Plura sunt istiusmodi, & in Instit. lib. 2. cap. 1. S. 1. 5. & lib. 3. cap. 23. S. 7. & in Genes. 9. 25. Homil. 53. in Jobum 14. In Rom. 5. 12. & 17. & alibi, quæ huc faciunt, quæ brevitas studio mittimus.

XLII. Hanc Calvini sententiam Beza secutus est, & sapius confirmavit, in Apolog. pro Justificatione. Tria sunt quæ hominem reum constituunt coram Deo. 1. Culpa promanans ex eo quod omnes peccavimus in Protoplasto Rom. 5. 12. 2. Corruptio quæ est pœna istius culpa, imposita tam Adamo, quam posteris. 3. Peccata quæ perpetrant homines adulti. Idem fortius asserit in Rom. 5. 12. & seq. Deo considerari debent in originis peccato, Reatus, & Corruptio, quæ ut non possunt separari, distingui tamen accurate debent &c. Nec alia fuit mens eorum qui eum exceperunt, & in hac Ecclesia docuerunt. Quod vel ex suffragio Celeb. Theologorum ad Synodum Dordracenam Deputatorum Joan. Diodati, & Theod. Tronchini in Art. 1. Th. 1. abunde liquet, quum ajunt, Deum ab æterno, ex mero voluntatis suæ beneplacito, certas personas, ex semine & posteris Adæ, in, & cum eodem lapsas, reas & corruptas decrevisse in Christo, per & propter Christum ex eadem & donâ in hunc finem ipsis singulariter a Patre destinatum vocare &c. quam sententiam & fidem esse Ecclesiæ Genevensis profitentur.

XLIII. Martyr aliud sensisse non legitur. Quamvis enim agens contra Pighium Cl. 2. Lo. de pecc. orig. totus sit in adstruenda corruptione quam ille negabat, & nihil de imputatione tradat, satis tamen clare eam alibi statuit, quum docet corruptionem nostram originalem esse pœnam peccati Alæ in Rom. cap. 1. Prose. lo nemo est qui ambigat, inquit, peccatum originale nobis infligi in ultionem & pœnam primi lapsus. Et in Rom. 5. 14. Adamo peccante perinde fuit ac si omnes presentes adfuissent, & simul cum eo peccavissent. Vid. in 1. Cor. 15. 21. 22.

XLIV. Chamierus clariùs hoc ipsum adstruit to. 3. l. 21. c. 2. s. 9. Negamus posse nos fieri injustos injustitiâ inherente per unum hominem, nisi huius hominis injustitia nobis imputetur. Et cap. 17. sect. 11. Concedimus & inobedientiam Adami & obedientiam Christi constituere nos & efficienter & meritorie justos & injustos, sed non imputari nobis utramque constanter negamus. Imò negamus, posse nos meritorie efficere sive justos, sive injustos, nisi prius imputentur. Et in ox. Itaque ipsum Adami peccatum, ipsam, inquam, illam inobedientiam necesse fuit imputari posteris, ac proinde etiam Christi

Christi obedientiam. Illam quidem, quia Adamus is fuit, in quo censebatur esse genus unversum humanum per naturam: Istam verò, quia in Christo est unversa multitudo fidelium per gratiam. Inde factum, ut non tantum per Adamum peccatores facti sint omnes, sed & in ipso peccasse dicantur, quod longè aliud est.

Quæst.
IX.

XLV. Nec tantum Vir iste Celeberrimus cum cæteris Orthodoxis hîc facit. Verum & alii Viri Docti, qui in cæteris ab hypothesebus Cl. Placai non sunt alieni, à communi sententia non recedunt, ut Celeber. Amyraldus lib. de Relig. p. 3. c. 7. qui fusè probat peccatum alienum posse justè imputari iis qui cum auctore aliquo vinculo juncti sunt, licet culpam non participarint. Et lib. Galli. de Prædest. c. 5. Sicut in criminibus Lasa Majestatis ita puniuntur qui ea commiserunt, ut miseria pæna ipsorum transeat usque ad posteros, puta edificiorum everasio, munerum privatio, fama jactura, & alia ejusmodi. Ita, ut nihil consideremus, pæna primi hominis propter peccatum suum, extendi debuit usque ad posteros ejus in complurium miseriarum eam consequentium sensu. Et li. de Just. contr. Milleter. c. 3. Ex eo, inquit, clarum esse potest, quomodo Apostolus intelligat doctrinam justificationis, nempe quod ut condemnatio quâ condemnatur in Adamo, non significat qualitatem inhaerentem sed vel obligationem ad pænam, vel obligationis illius declarationem a potestate superiori. Ita justitia quâ justificamur in Christo, non sit etiam qualitas inhaerens, sed vel jus obtinenda in judicio divino absolutionis, vel absolutio ipsa a Judice, quod clarè adhuc in sequentibus probat. Ita Celeberr. Mestrezatius lib. de Commun. cum Christo c. 2. Justitia Dei non potuisset nobis imputare peccatum Adami nisi in Adamo fuisset, & quasi in lumbis eius, Adamum scilicet considerando tanquam posteritatis sue caput. Et lib. de gra. contr. Milleter. Corruptio quadam Adami transit in nos realiter & nobis inheret, sed dico præcedere actum imputationis inobedientie ipsius, ideoque corruptionem in nos transmitti per generationem, quia in Adamo peccavimus, ut in capite nostro. Sic Cl. Testardus Synopli de na. & gra. th. 12. Primus homo fuit stirps generis humani, & natur. aliter respectu speciei & æconomice respectu fæderis: debuit scilicet non modo naturam humanam, sed aut beatitudinem, aut miseriam, hanc peccando, illam perseverando in rectitudine divina, quia cum eo fædus inuit Deus, non tanquam cum privato homine aliquo, sed tanquam cum Capite, & Sponsore totius generis.

QUÆSTIO X.

DE PECCATO ORIGINALI.

An detur Peccatum aliquod originale, seu labes & vitiositas inherens, quæ per generationem ad nos traducatur?

Aff. contr. Pelag. & Socin.

I. **Q**UAMVIS Peccato originali nihil ad prædicandum notius, nihil ad intelligendum sit secretius, ut loquitur Aug. de mor. Eccl. Catho. c. 22. Cum tamen summa sit doctrinæ istius utilitas ad miseriam hominis, & gratiæ salutaris necessitatem & efficaciam certius percipiendam, meritò inter primarias Religionis Christianæ reponitur.

II. *Peccatum originale* modò latius sumitur, prout complectitur peccatum imputatum & inherens, quibus tanquam duabus partibus absolvi dicitur, quomodo usurpatur ab *Ursino* & *Zanchio*, & aliis; modò *strictius*, ut solum inherens connotet, non excluso, sed supposito imputato, tanquam causâ & fundamento, quo modo *Bucerus*, *Calvinus*, *Bullingerus*, de eo sapius loquuntur. Et hoc sensu hic à nobis nunc usurpatur.

III. Tria circa ipsum quæri solent. 1. Ejus *existentia*, seu An sit. 2. Ejus *natura*, seu Quid sit. 3. Ejus *propagatio*, seu Quomodo ad nos transeat. De primo agitur in hac Quæstione, de aliis postea.

IV. Nomen *Peccati originalis* primus *Augustinus* in Ecclesium invexit à Pelagianis in quæstionem de Peccato vocatus, ut haberet certum aliquem terminum, quo posset inter disputandum contra eos uti, quod Scholæ tanquam apprimè peccati istius naturæ exprimendæ conveniens retinuerunt. Ita verò dicitur, non ratione *originis primæ*, quam habuit homo à Deo creatus, sed ratione *originis secundæ*, quam habet à primo parente, tum ratione *principii sui*, quia est à peccato originante, tum ratione *modi propagandi*, quia ab origine nobis inheret, tum ratione *effectorum suorum*, quia est origo peccatorum actualium.

*An detur
Peccatum
originale?*

V. Ad Quæstionem *An sit*, Peccant hîc varii hæretici, qui negativam sequuntur. *Pelagiani* veteres, qui Pelagium Britannum Magistrum suum secuti, Peccatum originale secundùm omnes partes suas negabant, peccatum Adami nemini nocuisse nisi ipsi statuentes, vel si nocuisse diceretur aliis, hoc factum tantùm quoad *exemplum* & *imitationem*, non quoad *propagationem*. Vide *August.* de hæres. c. 88. 2. *Sociniani*, qui licet in omnibus possibilitatem ad peccandum agnoscant, quia Deus voluntatem liberam

liberam & ad bonum & ad malum dedit, negant tamen expressè ullum dari Quæst. X.
 peccatum originale. Socin. prælect. cap. 4. *In homine, inquit, dum nascitur, propter lapsum Adæ, nulla sive culpa, sive pena locum habere potest &c.*
 Et mox, *concludimus igitur, nullum, improprie etiam loquendo, peccatum originale esse.* Idem statuit Volk. lib. 5. cap. 18. Sed clariùs *Cateches. Rarovi.* illorum mentem exponit tit. de libero arbit. cap. 18. ubi ad quæstionem propositam, An non peccato originis liberum arbitrium viciatum sit. Respondet, *Peccatum originis nullum prorsus est, quare nec liberum arbitrium vitiare potuit, nec enim à Scriptura id peccatum originis doceri potest, & lapsus Adami, cum unus actu fuerit, vim eam que depravare ipsam naturam Adami, multo minùs verò posterorum ipsius possit, habere non potuit.* 3. Nec ab iis alieni sunt *Remonstrantes*, qui in Apologia sua pro certo statuunt, quicquid in contrarium Augustinus aliique judicaverint, Deum nullos infantes cujuscunque sortis aut prosapia, sine actualibus & propriis peccatis morientes, æternis cruciatibus destinare velle, aut jure destinare posse ob peccatum quod vocatur originis; alienam esse hanc opinionem à divina bonitate & recta ratione, imò incertum, utrum in ea major absurditas, an crudelitas præponderet. *Curtell.* apertè idem negat Dissert. 2. de Peccato originali. 4. Inter Pontificios *Pighius* & *Catharinus* peccatum originale ad solam imputationem restringunt propagationem negantes. Anabaptistæ priorum vestigia sequentes peccatum originale *Augustini figmentum* vocant. Colloq. Francotha. Actio. 2. art. 4. Hisce verò omnibus Ecclesia Orthodoxa semper se opposuit, & affirmativam constanter retinuit.

V. I. Quæstio ergo inter Nos & Adversarios est, Non, An detur peccatum aliquod primum originans in Adamo, à quo illas illa malorum, Status Quæstionis.
 quæ generi humano incumbit ad nos vel exemplo & imitatione, vel propagatione diminaverit. Sed, An detur vitium aliquod inhærens, quod peccatum originale dicitur, quod ab Adamo ad omnes ipsius posteros naturali generatione ab eo oriundos propagetur. Negant illi, Nos affirmamus.

V. II. Rationes sunt. 1. *Quia omne figmentum cogitationum cordis hominis dicitur tantum malum, omnibus diebus, & à pueritia* Genes. 6. 5. Peccatum originale probatur ex Gen. 6. 5. 6. & 8. 21.
 6. & 8. 21. ubi occurrit Dei ipsius judicium de opere suo, sed corrupto & fœdato, quo notatur non tantum corruptio hominum, sed corruptio universalis, tam habitualis cordis, quàm actualis cogitationum, & quidem ab ipso vitæ primordio nobis connata & perpetua. Nec si ista dicantur de primi mundi incolis, *exclusivè* intelligenda sunt ad alios homines, & naturalem eorum constitutionem. Imò hypothesis illa transferenda est ad thesaurum, & idem de aliis inferendum, quia eandem naturam omnes in statu peccati

Quæst. X. peccati habent in se, sine gratia coercente, vel convertente, quod vel ex eo patet clarissimè, quòd cap. 8. 21. eadem dicuntur non amplius de mundo illo prisco, quem aquis ulticibus ob scelera deleverat, sed de novo mundo, quem ex superstiti Noachi sobole profeminaturus erat. Nec ita peccata actualia innuuntur, quin habituale cum illis jungatur, quia principia corrupta esse non possunt, quin ipsa principia sint etiam corrupta; unde non tantum agitur de actionibus vel cogitationibus malis, sed etiam de figmento cordis malo, quod Judæi יצר הרע, dicunt, quo exprimere solent originale peccatum. Eò magis quòd non dicitur tantum malum aliquo tempore, sed omni, & ab ipsa infantia, hoc enim נעורים etiam significat Thre. 3. 27. Jere. 22. 10. Ezech. 4. 14. & 16. 22. Ose. 2. 15. non verò tantum adolescentiam, ut vellent Sociniani: Et ratio suadet, quia agitur de causa Diluvii, quo perierunt etiam ipsi infantes, in quos malitia actualis non cadit, qui tamen non sine causa & injustè puniti sunt. Ergo malitia originalis cum actuali debet connotari. Fingere hinc Spiritum Sanctum hyperbolicè veteris mundi flagitia exaggerare, non quasi omnes fuerint flagitiosi, sed quòd maxima ex parte corrupti fuerint, est supponere gratis quod probandum est. Nam hyperbolis demum locus est in sacris, ubi verba ad literam accepta, vel rationi, vel sensui, vel experientiæ, vel aliis locis parallelis repugnant. Sed hinc contraria omnia.

2: Ex Gen.
5. 3.

VIII. Secundò idem evincitur ex Gen. 5. 3. ubi Adamus dicitur genuisse Sethum *ad imaginem suam*; id est, corruptus corruptum, corrumpi autem in generatione alia ratione non potuit, quàm ex contracta labe originali. Ubi notanda antithesis inter imaginem Dei, ad quam formatus fuerat Adamus, de qua v. 1. & imaginem Adami, ad quam formatus Sethus. Ut ergo illa moraliter designabat, tum sapientiam mentis, tum sanctitatem voluntatis: Ita ex opposito imago Adami debet notare corruptionem inhærentem & hæreditariam tam mentis, quàm voluntatis, ut Apostolus hoc exprimit 1. Cor. 15. 49. ubi opponit imaginem Adami primi & secundi; illam quidem terrenam & corruptibilem, istam verò cœlestem & incorruptibilem. Frustra verò hoc refertur, Vel ad imaginem physicam & specificam Adami, Vel ad similitudinem in forma, figura, & lineamentis externis. Quia non alia ratione debet intelligi imago, ad quam Adam formavit liberos suos, quàm quo sensu sumitur; quum homo dicitur factus ad imaginem Dei non physice, sed moraliter. Quid verò opus fuit *Μεγαλειαν*; tam emphaticâ phrasi, & geminatâ voce id commemorare, quod per se certum erat, & homini cum brutis commune? Sed ratio fuit peculiaris cur de Setho hoc prædicaret potius quàm de Abele qui fuit ἀπικνος, & de Caino, cui propter vitam flagitiosam potuit censeri hoc proprium fuisse: nim. ut designaret Spiritus Sanctus prærogativam Seminis sancti, cujus Caput debuit esse, non obstitisse, quo-

quominus corruptus naturâ esset, utpote ex Adamo corrupto ad ejus simi- Quæ s t.
litudinem genitus. X.

IX. Tertiò, Ex Jobi 14. 4. *Quis edat mundum ex immundo? ne unus* 3. Ex Job.
quidem. Ubi ab hominibus omnibus ne uno quidem excepto removetur 14. 4.
puritas, & illis tribuitur immundities, non externa corporis simpliciter, quæ
potest facillè tolli, sed interna animi, quæ est inevitabilis, & quæ purgari ne-
quit per naturam, quæ obnoxium reddit judicio Dei 7. 3. non actualis tan-
tùm & transiens, sed permanens & hæreditaria, derivata à parente in sobo-
lem, quæ alia esse nequit à peccato originali, quicquid subintelligendum sit
nomine נדב sive semen, sive homo. Neque hic excipi debet, vel immun-
ditiem illam non esse universalem, quia Jobus alibi cap. 31. talem se non
fuisse satis ostendit. &. Quia licet talis non fuerit per gratiam ex qua regen-
tus est, talis tamen erat per naturam, ex qua genitus fuit. Vel immunditiem
esse comparatam qualis tribuitur Angelis, non absolutam. &. Quia sermo est
de tali impuritate, quæ Dei non potest ferre judicium, ut constat ex verbis
immediatè præcedentibus. Ista autem impuritas est simpliciter peccaminosa,
non comparata creaturæ, sive essentia unius respectu alterius imperfectio.
Hanc enim non adducit Deus in judicium, nisi condemnet opus suum.

X. Quartò, ex Psal. 51. 7. *Ecce in iniquitate conceptus sum, & in peccato* 4. Ex Ps.
fovis, vel calefecit me mater mea. Ubi David ascendendo à consideratione 51. 7.
peccati actualis à se admissi, ad primam mali labem, fatetur coram Deo se in-
de ab utero corruptum fuisse, & peccato obnoxium, unde invictum pro Pec-
cato originali fluit argumentum; Nam qui in iniquitate conceptus fuit & in
peccato forus, non potest esse sine originali peccato. Nec ad vim istius loci
cludendam valet quod Volkellius hic reponit cum sociis; Vel Davidem non
agere de quibusvis hominibus, sed de se tantùm, nec simpliciter, sed habitâ
ratione lapsus sui. &. Nam quamvis loquatur de se, quidni possit etiam
ad alios qui sunt ejusdem conditionis extendi, & qui pari modo concipi-
untur & nascuntur, ut genitura ipsius erat illi cum cæteris communis, sic
& nativa corruptio; Imò à majori, si David vir secundùm cor Dei in pec-
cato conceptus est, quantò magis alii? Vel cum loqui non de peccato suo
originali, sed de peccato actuali, vel parentum suorum communiter, vel
præcipuè matris suæ singulariter. &. Quia certum est Davidem confessio-
nem edere de peccato suo, cujus veniam pro se petit, non de alieno, ut
tota series orationis clarè demonstrat, quæ omnino periret, si ad alienum
peccatum transitum faceret. Præterquam quòd fallò supponitur peccasse pa-
rentes ejus in ejus generatione, quasi ex illegitimo concubitu natus esset.
Nec verba eò trahi possunt: Nam verbum הוללתי *conceptus sum*, referri
non potest ad actionem gignendi parentum, sed ad corporis geniti formatio-
nem in utero, & והסתני non significat gignere aut concipere, quod paren-

Quæst. tum est, sed *calefieri & foveri* quod spectat ad fœtum jam formatum & in peccato calefactum.

5. Ex Joh. 3. 5. 6. X I. Quintò, Quia omnes naturâ sunt *caro*, & *nati ex carne*, Joh. 3. 5. 6. nam *nisi quis regnuus fuerit ex aqua & Spiritu*, non intrabit in regnum Dei, quicquid natum ex carne caro est. Ubi 1. notatur necessitas regenerationis supernaturalis, quæ supponit generationem naturalem corruptam. 2. Universalitas corruptionis, quæ in omnes grassatur, quia omnes sunt caro. 3. Universalitas translationis dum caro nascitur ex carne. Nec dici potest *carnem* hic *physice* intelligi pro fragilitate naturæ. Nam licet nonnunquam eo sensu sumatur in Scriptura, non potest tamen hic ita usurpari, sed *moraliter*, quia agitur de carne opposita spiritui, & quatenus opus habet regeneratione, id est, pro natura nostra irrogenita, oppositâ illi quâ regenitæ, quo modo passim sumitur. Deinde fragilitas ista physica supponit necessariò corruptionem moralem, tanquam causam, unde ab ea separari nequit.

6. Ex Eph. 2. 3. X II. Sextò, Quia omnes tam Judæi quàm Gentiles sunt *filii iræ* Ephes. 2. 3. *Et eramus filii iræ naturâ, sicut & ceteri*, ubi non tantum notantur peccata actualia, per quæ dicuntur *fecisse cupiditates carnis*, sed etiam originale, quia dicuntur *filii iræ*, id est, iræ divinæ obnoxii, non imitatione & consuetudine, sed *ex* naturâ, non integrâ, sed corruptâ, ut innuatur malum esse inherens ab utero, & non tantum superveniens à peccatis actualibus. Nec dici debet nos filios iræ appellari, quia geniti sumus ab Adamo, cum jam filius iræ propter peccatum factus esset. Quia non de Adamo, sed de ejus posteris dicitur, quod sint filii iræ naturâ, quod dici non posset nisi a natura jam peccatores essent.

7. Ex Rom. 5. 12. X III. Septimò, *Qui per unum hominem peccatum introiit in mundum & per peccatum mors &c.* Rom. 5. 12. ubi Apostolus assurgit ad primam mali librem, & originem peccati & mortis aperit; nimir. primum hominis peccatum, quod in mundum introiit, nim. in homines, tum per imputationem, tum per propagationem, quod Apostolus probat ex morte peccati effecto necessario, quia in omnes regnat, tum *externa* & temporalis, tum *interna* & spiritalis, tum *æterna*, nec tantum mors actualis, sed etiam obnoxietas & obligatio ad mortem. Nec dici potest transiisse per *imitationem*, ut volebat Pelagius, quia non posset dici transire in infantes, qui imitationis non sunt capaces. 2. quia sic debuisset omnibus innotescere, cum tamen innumeri de Adamo nihil audiverint. 3. quia non magis posset dici transiisse per unum hominem, quàm per Diabolum, qui peccantium est Pater.

8. Ex Ne. capitulo mortis. X IV. Octavò, Rationes varix idem probant. 1. *Necessitas universalis mortis* omnibus imposita, etiam infantibus; Nam si mors regnat in omnes, Ergo peccatum necessariò debet in ipsi regnare, quia illa est istius stipendium, nec illi locus dari potest, ubi non datur peccatum. Recurrere hic ad seque-

quelam naturæ, ut vellent Sociniani, quasi mors sit naturalis, non pœnalis, Quod est *apw* ipforum *φωδ*, quod antea à nobis est confutatum L. V. 2. *Ne-* X.
cessitas Redemptionis omnibus salvandis, quia redemptione opus non esset, *Redemptio-*
 nisi supposito peccato. 3. *Necessitas regenerationis* sine qua nemo potest vi- *Regenera-*
 dere regnum Dei Joh. 3. 3. cur enim renovari deberet homo per regenera- *tionis.*
 tionem, nisi quia corruptus est à natura per generationem? 4. *Necessitas Sa-*
cramenti administrandi infantibus recens natis, *Circumcisionis* in Veteri, & *Circumci-*
Baptismi in Novo Testamento, quo haudquaquam iis opus foret, nisi ob de- *sionis &*
 meritum & inhærentiam peccati, & rei forent & mali. Huc facit etiam *Baptismi.*
ne-
cessitas purificationis, quæ puerperis præscribebatur in Veteri Testamento,
 quæ locum non habuisset, nisi aliqua corruptio, & immundities in ipsa ho-
 minis generatione existeret. 5. *Lex communis*, ut omne genitum simile sit
 gignenti, tam quoad speciem, quàm quoad accidentia speciei propria, quia
 generatio est communicatio non modò essentia, sed & qualitatum & acci-
 dentium speciei priorum: ut ergo homo hominem generat: Ita peccator
 non alium quàm peccatorem potest generare. 6. *Experientia* quæ latens illud
 vitium in infantibus ipsis esse docet etiam ante rationis usum, unde propen-
 sio ad mendacium, vindictæ cupiditas, luxus, amor, stimulus gloriæ, &
 ludibundi vanitas, & sim. in plurimis ita apparent, ut parentes in sua prole
 corruptionis & perversitatis suæ nativæ imaginem deprehendere possint.

XV. Quod est involuntarium per nolitionem positivam, non potest *Forma*
 esse peccatum; Sed quod non est voluntarium per volitionem positivam *Solutio*
 non desinit esse peccatum, si modò sit contra Legem, ut supra probatum. *nam*
 Quamvis peccatum originale non sit voluntarium *actu*, est tamen *ortu*, *vo-*
luntate ejus à quo est, etsi non propriè *voluntate* ejus *in quo* est, *inhærenter*
 & *subjectivè*, quia hæret in voluntate, & eam inficit, licèt non *elicitivè*,
 quia non elicitur per aliquem voluntatis actum, *radicaliter* ratione princi-
 pii, licèt non *formaliter* ratione *exercitii*.

XVI. Si infantibus tribuitur quandoquæ innocentia in Scriptura, ut Psal. *Ps. 106. 38.*
 106. 38. & Jonæ 4. 11. hoc non absolute intelligendum est, & in se, quasi
 distituantur omni peccato, aliàs nec morti obnoxii forent; Sed secundum
 quid & comparatè ad adultos qui peccant actualiter. Gemelli de quibus loqui-
 tur Paulus Rom. 9. 11. nihil fecerant adhuc boni & mali, quo inter se distin- *Rom 9 11.*
 guerentur, sed erant tamen ambo concepti in peccato in massa corruptionis.

XVII. Licèt Lex nemini prohibeat nasci cum peccato originali, quia
 hominem sanctum supponit, dampnat tamen ut *ἀνομιαν* corruptionem hære-
 ditariam & inhærentem hominis, quia adversatur illi justitiæ & sanctitati,
 quam Lex exigit ab omnibus.

XVIII. Joh. 9. 3. Quum Christus ait cæcum natum non peccasse, non *Joh. 9 3.*
 asserit absolute illum immunem fuisse ab omni peccato, cujus pœna fuerit

Quæst.
X.

hæc illius calamitas, sed tantum comparatè negat illum peccasse præ cæteris; ut ita afflgeretur, & nativam illam ejus cæcitatem pœnam fuisse alicujus peccati specialis, vel ipsiusmet cæci, ex falsa hypotheli Judæorum, qui putabant infantem in utero peccare posse, vel qui Pythagoricam μεταμύχων, seu transmigrationem animarum credebant, vel parentum ejus, juxta doctrinam in Scholis Judaicis traditam, qua liberos ob peccata parentum nasci sæpe mancos & tortos credebant. Christus ergo ne quidquam vel cæco ipsi vel parentibus imputaretur singularis & personalis peccati, dicit hoc factum esse, ut opera Dei manifestentur, id est, Deum voluisse in hoc exemplo, opera tum justitiæ & potestatis in puniendo, tum misericordiæ & omnipotentia in sanando patefacere.

X I X. Quamvis peccatum remittatur parentibus, non minùs tamen potest transmitti in posteros, quia remisso reatu, manet semper macula, si non ex toto, saltem ex parte; unde ut circumcissus generat præputiatum; ita homo fidelis & regeneritus generat corruptum & irrogenitum, quia non generat per gratiam, sed per naturam, ut ex grano à palea purgato, nascitur granum cum palea.

1. Cor. 7.
14.

X X. Liberi fidelium sunt sancti, 1. Cor. 7. 14. non ratione immunitatis ab omni peccato, quo sensu nemo est mortalium qui sine peccato vivat, 1. Joh. 1. 8. Sed ratione communionis cum Ecclesia, à qua qui excluduntur censentur profani & immundi. Sanctitas ergo ista est potius *relativa* & *federalis*, quàm *inhærens*. Et quamvis sancti dicerentur inhærenter, non everteretur ideo veritas peccati originalis, quia sanctitas ista esset beneficium gratiæ, non privilegium naturæ, quam habent non à se, vel à parentibus, sed à Spiritu Christi fideles renovante.

X X I. Quamvis B. Virgo revera fuerit *εχαρατωμένη*, & præ cæteris fœminis à Deo dilecta & selecta, ut gestaret in utero, & pareret Dei Filium, & verè propterea *Θεοτόκος* Deipara dicatur. Non obstat tamen eximium illud & planè singulare privilegium, quo in maximum felicitatis gradum elevata est, quominus communi more cæterorum hominum, in & cum peccato originali concepta, & nata sit. 1. quia labe illa omnibus in universum hominibus tribuitur in Scriptura, nemine, nisi solo Christo excepto, qui ideo non genitus est via ordinariâ, sed extraordinariè conceptus ex Spiritu Sancto, & ab Adamo ortus ut *principio materiali* tantum, non ut *principio activo*. 2. quia ipsa opus habuit Servatore, quem ut suum celebrat Luc. 1. 47. 3. quia veteris Legis sacrificia, quæ non sine peccati confessione peragi poterant, offerre debuit. 4. quia effecta peccati istius in ea deprehenduntur, ut peccata actualia propter quæ etiam à Christo objurgata legitur, Jo. 2. 4. Luc. 2. 49. Luc. 8. 19. 20. 21. calamitas & ærumna, quæ sunt peccati fructus, quæ animam ejus transfigere debuerunt, Luc. 2. 35. Quantæ fue-

rint

rint super hoc argumento contentiones in E. R. inter Dominicanos, Franciscanos, & Jesuitas, istis immaculatam B. V. conceptionem asserentibus, illis verò negantibus, nemini ignotum esse potest: Error videtur primùm ortus à Canonicis Lugdunensibus circa an. 1136. ex immodico in B. Virginem cultu, & à Bernardo ep. 174. & Scholasticis illius ævi refutatus. Lis verò renovata postea acrius circa an. 1300. & porrecta usque ad ann. 1439. quo Concilium Basileense Sess. 36. in gratiam Franciscanorum pronuntiavit, quod postea Sixtus IV. an. 1476. confirmavit, & à Concilio Tridentino approbatum, tandem ab Alexandro VII. an. 1661. per novam Bullam sancitum est, ut pro Ecclesiæ dogmate in posterum habeatur. Qui plura voluerit adeat Celeb. Heideg. Dissert. 18. de Conceptione Mariæ, qui historiam istius litis fulè persequitur.

XXII. In peccati propagatione accidens non transit de subjecto in subjectum, quia subjectum immediatum peccati non est persona, sed natura humana, per actualem personæ transgressionem vitiata, quâ posteris communicatâ, communicatur etiam in ea hæc inhærens corruptio. Ut ergo in Adamo *persona* infecit *naturam*: Ita in posteris *natura* inficit *personam*.

XXIII. Licet modus propagationis peccati sit obscurus, & explicatu difficilis; Non ideo ipsa propagatio, quam Scriptura tam clarè asserit, & experientia confirmat, neganda est. Quid autem de modo propagationis sit sentiendum, peculiari Quæstione excutietur.

QUÆSTIO XI.

*An Peccatum originis ipsam Animæ substantiam corruperit?
Et An sit mera privatio, An etiam positiva quædam qualitas?*

I. **D**uo sunt extrema circa naturam Peccati originalis ex æquo vitanda. 1. In *excessu* eorum qui peccatum originale censent situm esse in ipsa substantiæ animæ corruptione. 2. In *defectu* eorum qui volunt consistere in mera carentia & privatione Justitiæ.

II. Primum errorem *Flaccius Illyricus* superiori seculo propugnavit, qui ut fortius pugnaret contra Victorinum Strigelium Collegam suum, liberum hominis arbitrium in conversione extollentem, & corruptionem extenuantem, peccatum ipsam hominis substantiam infecisse pertendit, quem secutus est Cyriacus Spangenberg, cum quo videtur monstrosa hæc opinio evanuisse. Unde non sine calumnia Bell. l. 5. c. 1. errorem hunc tribuit illis, qui adversus illam decertarunt.

Quæst.
XI.

III. Orthodoxi enim constanter statuunt *Peccatum* à *Substantia* ipsa distinguendum esse, ut accidens & qualitatem vitiosum à subiecto suo. 1. Quia omnis substantia creata est à Deo, & eo sensu bona est Gen. 1. 31. 1. Tim. 4. 4. 2. Quia Scriptura distinguit naturam & peccatum ipsi adhærens, quum vocat illud *ἐν τῇ οὐσίᾳ*, *καὶ ἐν τῇ φύσει*, & quod habitat in nobis, & vestem quæ exuenda est. 3. Quia sic sequeretur Christum assumendo naturam, assumpsisse etiam peccatum, & corruptionem ipsam, & hominem post sanctificationem & resurrectionem alium esse quoad essentiam ab eo qui erat antea. 4. Peccatum non potest prædicari de homine in quæstione *quid est*, quia esset, vel genus, vel species, sed tantum in quæstione *quale quid*.

IV. Quicquid est *ἀρετὴ* in abstracto, seu *ἀρετὴ*, revera peccatum est, sed non statim quod dicitur *ἀρετὴ* in concreto, quia peccatum in se habet; Quo sensu natura humana dicitur *ἀρετὴ*, non quod sit ipsum peccatum, sed quia peccatum in se habens bene dicitur *peccatrix*.

V. *Novum cor* dicitur fieri in nobis per regenerationem, non *physicè*, sed *ethicè*, quia eadem substantia quæ infecta fuit peccato, debet restaurari per gratiam; Nec si exuendus dicitur *vetus homo*, & *novus induendus*, aliud innuitur, quàm corruptionem peccati, quæ moraliter *vetus homo* dicitur, quia à veteri Adamo descendit, esse abjiciendam ab homine, ut opus regenerationis, quod per *novum hominem* significatur, inchoetur & promoveatur. Idem dicendum de aliis phrasibus peccatum vel gratiam connotantibus, ab ipsa hominis substantia petitis, quæ sumuntur *ethicè*, non *physicè*, nec tam in abstracto, quàm in concreto, ad magnitudinem corruptionis nostræ eò efficacius exprimendam.

VI. Justitia originalis & peccatum sibi invicem opponuntur; sed imago Dei latius aliquando usurpatur, quatenus ad ipsius animæ substantiam spirituales & immortales extenditur.

Sententia
Pontificiorum de
natura peccati
originalis.

VII. In defectu peccant Pontificii, qui totam naturam peccati originalis restringunt ad meram carentiam seu privationem justitiæ originalis, quatenus corruptionem naturæ solâ amissione doni supernaturalis, sine ullius malæ qualitatis accessu definiunt. quod *Anselmus* lib. de *Peccato originali* cap. 25. & post eum Scholastici plerique statuunt, quæ communior est apud Pontificios sententia. Scopuseorum est; evincere hominem post lapsum, non plus differre à se ipso ante lapsum, quàm languidum seu ægrotum, à vegeto, vel sano, ligatum à soluto, & ut ea ratione liberum arbitrium ad bonum stabiliant, & non tam impotentiam in eo esse, quàm difficultatem bene agendi, præsertim cum justitiæ originalem faciant supernaturalem. Nos verò duo hic necessariò includi censemus; Primò privationem justitiæ originalis; Secundò positionem contrarii habitus injustitiæ.

Sententia
Orthodoxorum

VIII. Rationes sunt. 1. Quia Scriptura Peccatum istud describit non tantum *συνήκως*, & per modum negationis, Rom. 3. 23. & 7. 18. 1. Cor. 2. 14. Eph. 4. 18. Sed etiam *γενικώς*, & per modum affirmationis, quum illud vocat *carnem*, *concupiscentiam*, *Legem membrorum*, *peccatum inhabitans*, *corpus mortis*, *veterem hominem* &c. Jo. 3. 6. Rom. 7. 8. 6. 23. 24. Eph. 4. 22.

XI.

IX. 2. Quia actu & subjective inhæret homini, & prava desideria in eo continuò excitat, & reipsa per generationem transit ad posteros, quod de mera carentiâ, vel privatione dici nequit.

X. 3. Quia homines non tantum sunt justitiâ vacui, sed & injustitiâ pleni, inepti ad bonum, sed & propensi ad malum, averſi à Deo, ut incommunicabili & æterno bono, sed & converſi ad creaturas, & ad omnia vitia inclinati. Ut morbus & prava corporis dispositio quæ dolorem parit, non dicit meram privationem sanitatis, sed etiam temperamenti & humorum *δυσεγορίαν*, ut lepra non tantum est privatio puri sanguinis, sed etiam ejus corruptio. Ita peccatum quod cum morbo confertur non est tantum privatio rectitudinis, sed etiam positiva corruptio, quæ universalem naturæ, & omnium ejus facultatum *ἀλγίαν* invehit, & per stultitiam, cæcitatem ac ignorantiam in mente, malitiam & contumaciam seu rebellionem in voluntate, & inordinationem seu *παράσπον* in affectibus solet describi, quibus homo non tantum à bono averſus, sed & ad omne malum fit pronus.

XI. 4. Quia justitiæ originali non modo privativè opponitur, sed etiam contrariè tanquam originalis injustitiæ, ut apud Philosophos, vitia virtutibus, non tantum ut privationes, sed etiam ut contrarii habitus opponuntur.

XII. 5. Quia effectus peccati originalis non tantum sunt privativi, sed etiam positivi, non tantum peccata omissionis, sed etiam commissionis, quæ ideo causam ejusdem generis postulant. Hinc Tit. 3. 3. peccatores ante gratiam dicuntur *amentes*, *rebeldes*, *errantes*, *servientes cupiditatibus variis*, & Matt. 15. 19. ex corde dicuntur exire *cogitationes pravae*, *caecæ*, *adulteria*, *falsæ testimonia* &c. & caro dicitur *concupiscere adversus Spiritum* Gal. 5. 19. 20. 21.

XIII. 6. Pontificii non pauci hoc observant, Thomas 1. 2. q. 82. art. 1. vocat *habitum corruptum in quo sit aliquid privativum, nempe privatio originalis justitiæ, & aliquid positivum, nempe inordinata dispositio partium anime*. Cajetanus ad h. l. *Privatio dicit negationem in subjecto apio nato, corruptio verò addit positivum contrarium, fundans illam negationem*. Hanc sententiam Bellarm. lib. 5. cap. 15. tribuit Lombardo Henrico, Gregorio Ariminensi, quos propterea erroris accusat, & refutare conatur.

XIV. Aliud est *positivum phisicè*, quo sensu Ens & bonum converſuntur, & nihil est positivum quod non sit à Deo. Aliud *positivum ethicè & logicè*,

Quæst. *logicè*, quod affirmatur de subiecto, cui inhaeret, sive sit bonum sive malum.
 XI. Peccatum positivum dicitur, non priori sensu, sed posteriori; atque ita potest habere causam positivam non physicè, quia sic est tantùm causa deficiens, sed logicè & ethicè, quia positivam qualitatem inducit.

XV. Peccatum originale non ideo non est habitus vitiosus, quia nec infusus est, nec acquisitus, dantur enim habitus varii congeniti, ut liquet exemplo conscientiae, iustitiae originalis, communium notionum de Deo & de discrimine honesti & turpis.

XVI. Nihil obstat quominus peccatum originale possit esse privatio, & simul positiva qualitas; Quia privatio non est nuda & simplex, vel puræ negationis, sed actiosa & efficax, & pravæ dispositionis, quæ non tollit ipsum subiectum, sed illud privando rectitudine, debitâ inesse, male disponit, & corrumpit, nec extinguit interna actionum principia, sed ea depravat, ut morbus in corpore, & putredo in pomo.

XVII. Porro labe illa hæreditaria non partem tantùm inferiorem animæ, seu τὸ αἰσθητικὸν & sensualitatem infecit, ut vellent Pontificii, libero arbitrio patrocinatori, sed etiam partem superiorem, seu τὸ λογικὸν intellectum nimirum & voluntatem. Hinc cæcitas & ignorantia mentis, rebellio & contumacia voluntati tribuitur, & homo totus quantus quantus est corruptus dicitur, ut nihil vel veri cognoscere, vel boni præstare queat, atque ad regenerationem & sanctificationem egeat, quoad utramque sui partem.

XVIII. Vox *carnis* aliquando *strictè* pro corruptione sensualitatis, vel corporis sumitur, ut 2. Corinth. 7. 1. aliquando *latè* pro universali animæ corruptione, quæ mentem ipsam infecit. Unde φρόνημα tribuitur carni Rom. 8. 6. & *hæreses* dicuntur *opera carnis*, quæ tamen sunt in intellectu, & hæretici dicuntur inflati *carnis suæ* intelligentiâ Coloss. 2. 18. hoc sensu peccatum originale vocatur *caro*.

XIX. *Concupiscentia*, vel philosophicè sumitur, & idem notat cum appetitu concupiscibili, vel *theologicè* & *populariter*, quo sensu malæ propensiones voluntatis ad eam pertinent, hoc sensu *caro* dicitur *concupiscere adversus Spiritum* Galat. 5. 17. & Peccatum originale ab *Augustino* definitur per *concupiscentiam*, ex qua ceu malâ & corruptâ radice & arbore, pullulant corrupti surculi, & pessimi fructus.

XX. Hæc autem concupiscentia non modò in infidelibus & irrogenitis peccatum est, sed etiam in fidelibus & renatis, quicquid asserant Pontificii, qui pertendunt languorem, & morbum naturæ, & depravationem, quæ effectus peccati sit, & causa peccatorum, dici posse, sed negant habere rationem peccati propriè dicti. Sic sancit Synod. Trident. Sess. 5. Can. 5. *Si quis per Jesu Christi Domini nostri gratiam, quæ in Baptismate confertur, reatum originalis peccati remitti negat; aut etiam asserit, non tolli totum id, quod*

quod veram & propriam rationem peccati habet, sed illud dicit tantum radi, QUEST.
XI.
& non imputari: anathema sit &c. Et mox. Hinc concupiscentiam, quam aliquando Apostolus peccatum appellat, sancta Synodus declarat Eccl. siam Catholicam nunquam intellexisse peccatum appellari, quod verè & proprie in renatis peccatum sit, sed quia ex peccato est, & ad peccatum inclinat. Si quis autem contrarium senserit, Anathema sit.

XXI. Quamvis verò per regenerationem statuamus tolli peccati originalis reatum, & maculam quoad dominum, quia nec ipsis imputatur amplius ad damnationem, nec in iis dominatur. Negamus tamen absolutè tolli quoad existentiam, & quicquid in eo peccati rationem habet. Quia Paulus subinde nomen peccati illi tribuit Rom. 6. & 7. quod non potest aliò, quàm ad peccatum propriè dictum referri, quia agitur de peccato pro quo Christus traditus est, cui mortui sumus in baptismo Rom. 6. 3. quod cum Christo crucifixum est, v. 6. cuius stipendium mors est, Rom. 6. 2. 6. 12. 23. quod repugnat Legi cap. 7. 7. quod generat omnem cupiditatem v. 8. & fit peccatum peccans, & hominem reddit carnalem, & venditum sub peccato v. 14. Cujus φρόνημα est inimicitia adversus Deum, & quod nec Legi subicitur, nec subjici potest, Rom. 8. 7. quod peccatorum omnium est causa & origo, Jac. 1. 15. Quæ omnia peccato propriè dicto conveniunt. Unde Aug. lib. 5. cont. Juli. cap. 2. statuit concupiscentiam esse & peccatum, quia illi inest inobedientia adversus dominationem mentis, & poenam peccati, quia reddita est meritis inobedientis, & causam peccati, defectione consentientis, ut & contagione nocentis.

XXII. Licet concupiscentia dicatur gignere peccatum Jac. 1. 15. scilicet Jac. 1. 15. actuale, consummatum & externum, non desinit esse peccatum, Imò contrà peccatum esse debet, quia partus sequitur ventrem, & ejusdem est cum parente naturæ; malus effectus necessario arguit causam malam, ut arbor æstimatur ex fructu.

XXIII. Aliud est in renatis nullam esse *condemnationem*; Aliud nihil *condemnabile*, & odio dignum, prius dicit Paulus, Rom. 8. 1. quia Rom. 8. 1. actualis reatus sublatus est per gratiam justificationis, sed non posterius, quia quamdiu remanet peccatum in nobis, quod fit usque ad mortem, tamdiu remanet reatus potentialis, seu meritum intrinsicum peccati, per quod revera odio est dignum, & condemnabile naturâ suâ, quamvis per accidens gratiæ actu non condemnet.

QUÆSTIO XII.

DE PROPAGATIONE PECCATI.

Quomodo Peccatum originale propagetur à Parentibus in Liberos?

*Questio de
modo Pro-
pagationis
peccati dif-
ficilis.*

QUÆSTIONEM hanc peperit hæreticorum improbitas, & avida omnia scrutandi curiositas, quam eò fortius urserunt Peligiani, ut ex propagationis peccati difficultate, facilius ejus veritatem negarent. Tam ardua & explicatu difficilis visa est *Augustino*, ut in ea enodanda nunquam sibi potuerit satisfacere. Unde libro 5. advers. Julia. capite 3. propositis duobus propaginis modis, vel ut utrumque vitiatum ab homine trahatur, vel ut alterum in altero, tanquam in vase vitiato corrumpatur, addit, *Quid autem horum sit verum libentius disco, quàm dico, ne audeam docere quod nescio.* Ideo alibi scribens ad Hiero. ep. 29. eo devenit, ut dicat, dispiciendum esse potiùs, quomodo ab eo malo per Christum liberemur, quàm quomodo id ab Adamo traxerimus disputandum; ut qui in puteum prolapsus est, non tam sollicitus esse debet de cognoscendo modo quo in illum inciderit, quàm de investiganda ratione per quam istinc evadere queat.

*Ad eam
respon-
sur.*

*i. Genera-
liter, esse
impuram
generatio-
nem.*

II. Quamvis verò in quæstione obscurissima, non possint scrupuli omnes removeri, Ea tamen ex Verbo Dei possunt tradi, quæ modestis ingeniis possint satisfacere, ut rem firmiter & indubitatè teneamus, licet modum plenè & clarè non possimus assequi. Bifariam autem ad Quæstionem propositam responderi potest, vel *generalius*, vel *specialius*. Primò *generalius* modum propagationis istius esse *impuram generationem*, quâ ex corruptis & peccatoribus corrupti & peccatores nascimur. Nam ut homo hominem generat, & leprosus leprosum; mirum videri non debet, si peccator peccatorem etiam sibi similem procreat. Hoc & natura & conditio omnium generantium postulat, qui gignunt sibi simile specie, quoad substantiam & accidentia speciei, & Lex generationis à Deo posita, non minùs post lapsum Gen. 9. 1. quàm ante eum exigit. Utergo ante lapsum voluit Deus propagari naturam integram; Ita post lapsum naturam corruptam, in pœnam peccati.

III. Sic Peccatum propriè nec in animam, nec in corpus seorsim sumpta, sed in hominem propagatur, quia nec anima nec corpus seorsim, sed homo in Adamo peccavit prout in ipso potentiâ fuit, *corpore* ratione substantiæ, *animâ* ratione subsistentiæ.

IV.

IV. Nec obstat quòd generatio naturalis non videtur posse propagare illud quod est morale. Nam labes ista hæreditaria ita est moralis objectivè, ut non desinat esse naturalis originaliter, quia est individua comes naturæ corruptæ; Ut Justitia originalis quæ moralis erat, propaganda tamen fuit per generationem naturalem, si homo perstitisset in integritate.

V. Licet verò modus iste propagationis generalis evidens sit, & possit sufficere ad veritatem traductionis peccati adtribuendam. Unde cum Julianus peteret per quas rimas peccatum esset ingressum, siquidem non peccat ille qui nascitur, non peccat ille qui genuit, non peccat qui condidit, August. respondet lib. 2. de nup. & conc. cap. 28. *Quid quæris latentem rimam, cum habeat patentem januam? Per unum hominem &c. Quid quæris amplius, quid quæris apertius, quid quæris inculcatius?* Quia tamen Adversariorum importunitas modum istum tanquam impossibilem exagitare solet, quia nec per animam transire potest peccatum, quæ à Deo creatur, & à corpore non trahitur, nec per corpus quod est brutum, & incapax peccati. Videamus quid hîc specialius dici possit ad nodum istum quem insolubilem putant solvendum.

VI. Quidam non melius posse expedire difficultatem arbitrati sunt, quàm per animæ traducem, quam non pauci ex Veteribus crediderunt, & ipse Augustinus non semel eò propendere videtur. Nec dubium est quin hac ratione omnis sublata videretur difficultas; sed quia, ut supra diximus, nec Scripturæ, nec sanæ rationi sententia illa convenit, & magnis difficultatibus est obnoxia, non putamus eò deveniendum esse.

VII. Alii ut Lombardus & plerique Scholastici statuunt animam à corpore vitari lib. 2. dist. 31. puram quidem creari à Deo, sed à corpore cui infunditur peccato inquinari, ut quum liquor purus in vas impurum infusus inquinatur. Sed Bellarm. lib. 4. de pecca. cap. 12. hanc sententiam impugnat, hac potissimum ratione, quòd intelligi non possit, quomodo caro, quæ corpus est, animam inficiat, quæ spiritus est. Et fatendum est, non usquequaque illum satisfacere, si nihil ulterius additur.

VIII. Ut ergo modum istum utcumque explicemus, Tres gradus statuimus istius propagationis. 1. In *conceptione corporis ex semine immundo*. 2. In *creatione animæ rationalis cum carentia justitiæ originalis*. 3. In *constitutione totius compositi*, per unionem animæ cum corpore. Primus est in *conceptione corporis ex semine immundo*, nam qualis est materia, tale debet esse materiatum, *Quis edet mundum ex immundo?* Job. 14. 4. *Quod genuitum est ex carne caro est.* Johan. 3. 6. Licet autem corpus per se non sit subiectum *depravationis* peccati, ut dicatur esse in eo *consummatè*, *formaliter & perfectè*; nihil obstat tamen quominus in eo dicatur esse *inchoativè*, *dispositivè & radicaliter*, tanquam in proprio animæ domicilio, mox in eandem hypo-

2. vel specialiter per tres gradus propagationis peccati
1. In conceptione ex semine immundo.

Quæst.
XII.

statim cum anima coalituro. Quia fomes hujus peccati hauritur in ipsa conceptione, & fœtui mediantibus spiritibus vitalibus & animalibus imprimitur, ut liberi ex parentibus haurire solent, non quidem ipsos morbos actu, ut podagram & calculum, sed eorum semina, & impressiones quasdam, quæ sunt certa principia illorum morborum.

2. in crea-
tione ani-
mæ justæ à
originali
destituta.

VIII. Secundus gradus est in *Anima Creatione*, quæ licet sine ulla labe creetur à Deo, non creatur tamen cum justitia originali, qualis anima Adami, ad imaginem Dei, sed cum ejus carentia in pœnam primi peccati. Ut hic distinguendum sit inter *Animam puram, impuram, & non puram*. Illa *pura* dicitur, quæ ornata est habitu sanctitatis; *impura*, quæ contrarium habitum injustitiæ habet; *non pura*, quæ licet nullum habeat habitum bonum, nullum tamen habet malum, sed creatur simpliciter cum facultatibus naturalibus; qualis supponitur creari à Deo post lapsum, quia imago Dei amissa semel per peccatum non potest amplius restitui nisi regenerationis beneficio per Spiritum Sanctum.

IX. Quamvis autem animæ creentur à Deo destitutæ justitiâ originali; Non propterea Deus potest censeri author peccati, quia aliud est impuritatem infundere, aliud puritatem non dare, quâ homo se indignum reddidit in Adamo. Nec tenetur Deus creare animas puras, imò justissimè potest eas in pœnam peccati Adami tali dono privare: Quæ privatio licet à parte hominis sit culpabilis, quia est privatio rectitudinis debitæ inesse, non tamen respectu Dei, quia est actus justitiæ vindicatricis, quo primum peccatum ulciscitur.

X. Licet autem Animæ non fuerint in Adamo, quoad *essentia originem*, quia à Deo creantur, rectè tamen dicuntur in ipso fuisse quoad *originem subsistentiæ*, quatenus conjungendæ fuerunt cum corporibus, ut partes constitutivæ illorum hominum qui sunt filii Adæ, quæque proinde hoc respectu bene censentur reæ in Adamo.

XI. Nec indignum debet censeri bonitate divinâ, ut in corpus corruptum infundatur anima, quia sic ab initio certâ & immotâ lege sanxit, ut in omne corpus humanum organizatum infunderet animam; quæ lex non debuit aboleri propter hominis peccatum.

2. in unionem
animæ cum
corpore.

XII. *Tertius propagationis gradus* est in ipsa *Unione animæ cum corpore*, tunc enim peccatum quod fuerat tantum *initiativè & radicaliter*, fit tale *formaliter & consummatè*; Ut homo per istam unionem constituitur in esse hominis; Ita & peccatum completur, non tantum privativè, per carentiam justitiæ, sed etiam positivè per contrarii habitus injustitiæ positionem.

XIII. Mirum autem videri non debet, si anima inficiatur à corpore, cum Scriptura & experientia testentur, tantam esse inter animam & corpus

συνπαί-

συμπάθειαν, ut sicut corpus ab animâ afficitur; ita & vicissim anima à corpore. Unde mores animi dicuntur sequi temperamentum corporis, Et Scriptura animum à corpore vitiato gravari asserit, Luc. 21. 34. *Cavete vobis ne quando graventur corda vestra crapulâ & ebrietate, & sollicitudinibus hujus vitæ.* Et Sapi. 9. 15. *Corpus corruptum, inquit, aggravat animam, & terrenum domicilium plenam curarum mentem deprimis.*

XIV. Si verò quæritur, quomodo anima, quæ spiritualis est, possit infici à corpore, quod est res bruta & materialis, non potest solvi nodus, ut fit à nonnullis dicendo, animam indigere corpore organizato, & non posse operari nisi per organa corporea; itaque si bene temperata sint organa, actionem animi fieri rectam, sin contra corrupta sint & malè disposita, animi operationem etiam corrumpi. Quia hoc posset utcunque facere ad corruptionem actualem operationum animæ demonstrandam, sed non ad ejus corruptionem habitualement, de qua quæritur, & ita peccatum originale nullum extaret in anima infantium, sed demum oriretur quum anima per corpus inciperet operari.

XV. Longè commodiùs & veriùs loquuntur, qui pertendunt hoc non fieri per *actionem aliquam corporis in animam*, quasi corpus agendo, anima verò patièdo paulatim depravetur, quia peccatum originale naturæ est, non actionis, nec corpus supra sphaeram activitatis suæ assurgere potest, ut agat in spiritum immediate & physicè; Non etiam per *contactum physicum*, qualis est liquoris in vale, qui non cadere potest in animam immaterialem: Sed per *arctissimam animæ & corporis conjunctionem in unam hypostasim*, & intimam utriusque *συμπάθειαν*, mutuamque ad se invicem appetitum, & *πόσιν*, quâ fit ut se arctissimè complectantur & afficiant, & ut corpus tendit in animam tanquam in perfectionem & bonum suum; ita anima tendat in corpus tanquam in proprium domicilium suum, & organum actionum suarum; Et ut anima corpori suas affectiones communicat: Ita corpus suas dispositiones animæ, unde etiam resultat diversitas inclinationum in diversis hominibus.

XVI. Hoc verò eò faciliùs fieri potest, quòd cùm anima privata sit justitia originali, non ampliùs corpus regere, & sibi subiectum retinere possit, quod in statu integritatis facile potuisset; sed jam amissa Dei imagine, quæ illi hanc *ὑπεροχὴν* præcipuè largiebatur, naturalis ordo perturbatus sit, ut caro quæ parere debuit jam imperet; anima verò quæ ad imperandum facta erat, jam in alterius potestatem quodammodo transierit, & carni subiciatur, ac deorsum trahatur. Ubi non tam ordo naturæ, quam Lex justitiæ divinæ agnoscenda est & justissimæ ejus sanctio, hoc malo pœnæ ulciscētis malum illud culpæ, quo primus parens nolter spiritum carni subigendum ultro prostituit.

Q U Æ S T .
XII.

XVII. Hoc autem pacto Deus non potest censerī author peccati, sed vindex. Author est conjunctionis tanquam operis sui; sed non peccati tanquam vitii alieni; Animam conjungit corpori ad conservationem speciei; Et animam privatam justitiā corpori corrupto conjungit in pœnam peccati. Nec Deus est corruptionis causa, si in conjunctione animæ cum corpore naturæ institutam legem tuetur, à qua propriè homo, ex accidenti verò tantum peccator oritur.

XVIII. Quamvis verò non omnis sublata videtur difficultas, quæ in isto modo propagationis explicando occurrit; ejus *veritas* tamen quæ tam clarè in Scriptura traditur, & per experientiam confirmatur, non minùs certò retinenda esset; Nec si *τὸ πῶς* allequi non possumus, *τὸ ὅτι* propterea negandum est, vel in dubium revocandum. Satiùs hīc est cum Augustino *modum* hunc, qualiscunque sit, *justum* agnoscere, *occultum* verò fateri.

Q U Æ S T I O XIII.

De Peccato Actuali, Et variis ejus Divisionibus.

Quid sit
Peccatum
actuale.

I. **P**eccatum *actuale* est aberratio à Lege Dei in actibus internis & externis, procedens à peccato originali, tanquam effectus à causa, rivus à fonte, & actus secundus à primo. Vel ut alii concupitum, dictum, factum, aut omisum contra Legem, quia tam omissione faciendorum, quàm commissione prohibitorum patrat, vel *corde* per cogitationes & desideria illicita, vel *ore* per verba impura, vel *opere* per actiones pravas: *Actuale* dicitur non tam quòd actu existat, quia hoc non minùs peccato originali competit, quàm quòd sit in actionibus, non in habitu.

Quos-
plex.
1. ratione
objecti in
Deum &
proximum.

II. Ut multiplicia sunt peccata actualia; Ita varia sunt eorum divisiones. Præcipuas hīc obiter notamus, in quibus aliqua videtur subesse difficultas. 1. Ratione *objecti*, Aliud in *Deum*, Aliud in *proximum*, sub quo homo ipse qui peccat continetur, quia non potest vel in Deum, vel in proximum peccare, quin in se ipsum peccet. Illud in primam Legis tabulam admittitur; Illud verò in secundam. Hoc verò de objecto *materialiter* sumpto intelligendum est, non autem *formaliter*, quia sic solus Deus est objectum proprium peccati Ps. 51. 6.

2. Ratione
forma, in
peccatum
commissionis
& omis-
sionis.

III. 2. Ratione *forma*, primò in *peccatum commissionis & omissionis*, isto omittitur bonum præceptum; illo committitur malum vetitum. Licet verò utrumque positum sit in privatione, non desinent tamen inter se distingui, quia peccatum commissionis incurrit in præcepta negantia, omis-

omissionis verò in affirmantia: In illo substantia actus non tollitur, sed tantum ejus bonitas actualis. In isto tollitur ipsa actus substantia. Illud est immediate in actione, quæ caret debita honestate; Istud verò in ipsa facultate per quam homo debuisset operari. Quamvis verò omissio actus præcepti, non sit actus; atque adeò nec videatur esse peccatum actuale, rectè tamen ita vocatur. 1. *directè & univocè* dum est conjunctum cum actu interno mentis & voluntatis, quo peccator cogitat & vult omissionem actus externi, Jac. 2. 15. 16. 2. *analogicè & reductive* quatenus ad actum aliquem antecedentem reducit, qui sit vel causa, vel occasio, vel impedimentum actus omitti, prout crapula est causa neglecti cultus divini, qui ideo ad illam reducit. 3. si peccatum omissionis non est peccatum actuale *naturaliter*, est tamen tale *moraliter*, quatenus propter illam omissionem homo incurrit in Legem, & reatum contrahit.

IV. Secundò, Peccatum aliud est *per se*, aliud *per accidens*. Illud quoad substantiam, siue quoad actum tale, quod per se Lege prohibetur, quando vel actus prohibitus patrat, vel præceptus omittitur: Istud quoad modum, quando actus de cætero bonus sit malè. Illud reperitur in actibus per se malis & lege vetitis; Istud verò in actibus in se bonis, sed non bene præstitis. Sic opera pietatis & justitiæ fidelium sunt per se bona, sed per accidens fiunt peccata, quando non fiunt eo modo quo Deus jubet, & vitium est, vel ratione *principii*, si non orientur ex corde per fidem purificato, vel ratione *finis*, quando non referuntur ad Dei gloriam, vel ratione *modi*, quando non sincerè & integrè exercentur. Huc pertinent virtutes Gentilium, quæ licet bonæ fuerint quoad substantiam actus, vitiosæ tamen erant quoad modum, & nihil aliud quàm splendida peccata.

V. 3. Ratione *principii*, In peccatum ignorantia, vel scientia. Ignorantia autem illa, non intelligenda est *latè*; sic enim omne peccatum ex ignorantia oritur, quia cum voluntas non possit appetere malum sub ratione mali, sed sub idea boni, sed falsi & apparentis, non potest non errorem in mente supponere; Unde Scriptura peccatores omnes stultos & avortos vocat, & peccata per ἀγνοῦματα designat Heb. 9. 7. Sed *strictè* prout notat specialem ignorantiam quæ prævalet in peccante, quale fuit peccatum Pauli 1. Timoth. 1. 13. qui dicitur peccasse ignorans, & Judæorum qui dicuntur Christum crucifixisse δι' ἀγνοίας per ignorantiam.

VI. Rursus ignorantia quæ peccatum dicitur, non est *mere negationis*, quæ *nescientia* potius est quàm ignorantia, nec in vitio poni solet, quum quis ignorat quod scire non tenetur, sed *prava dispositionis*, seu *privativa* & culpabilis, quæ removet cognitionem, quæ debuit homini inesse. Non ignorantia planè invincibilis & involuntaria, quum quis ignorat quod scire non potest quantumvis vellet, quia objectum illi non est re-

Quæst.
XIII.

Peccatum
per se &
per acci-
dens.

3. Ratione
principii in
peccatum
ignorantia & scientia.

veiatum,

QUEST. velatum, sed vincibilis, & affectata, quum quis ignorat quod potest scire si vellet, non tam *facti* & personæ, ut qui occidit hominem credendo esse feram, quàm *juris*, quum quis ignorat quæ scire tenetur ex officio.

VII. Peccatum *contra scientiam* est quod committitur à scientibus, quale est peccatum servi mali, qui novit voluntatem Domini, Luc. 12. 47. Quod iterum duplex est, vel contra scientiam evidenter & distinctè judicantem, & magis ex contemptu Dei & Legis divinæ, quàm ex aliqua passione & perturbatione animi, quale cadit in irregénitos, & in eos qui dicuntur *ex actis peccare post acceptam cognitionem veritatis* Heb. 10. 26. vel contra scientiam judicantem ex passionē & perturbatione, vel ex metu, & infirmitate, non verò ex præfractio Legis vel Dei contemptu, quale cadit etiam in regénitos.

VIII. Peccatum ignorantie negat omnem cognitionem tam theoreticam quàm practicam. Sed peccatum contra scientiam, non negat quidem cognitionem theoreticam, sed non habet practicam. Peccatum contra conscientiam habet cognitionem theoreticam & practicam, sed absolutam, non comparatam.

Peccatum infirmitatis & malitia. IX. Peccatum vel est *infirmitatis*, vel *malitia*, vel planè *voluntarium*, vel secundum quid *involuntarium*. Sic in Veteri Testamento distinguebantur peccata, quæ fiebant *בשגגה* per errorem & *infirmitatem*, Num. 15. 25. ab iis quæ fiebant *בד רכה* elatâ manu Numer. 15. 30. quum scilicet peccator addit malo quod perpetrat contumaciam & superbiam, per quam pleno consensu & deliberata malitia peccat, & in peccato suo gloriatur. Sic Ps. 19. 14. errores & peccata occulta distinguuntur à *superbiis*, id est peccatis pervicaciæ & rebellionis manifestæ. Paulus de se loquens dicit se *facere malum quod non vult*, Rom. 7. 19. sed alibi Hebr. 10. 26. loquitur de illis qui *peccant ex actis voluntarie*.

Peccatum infirmitatis. X. Ita Peccatum *infirmitatis* & involuntarium est, quod oritur ex ignorantia, subreptione, vel gravi aliqua passione subitaneâ judicium antevertentē, qualis est metus mortis, vel cum luctu seu resistantia, sed inefficaci ob passionem, vel tentationem: vel quod fit absque certo proposito committendi, quod in peccatis regénitorum, quæ quotidie committuntur, apparet.

Peccatum malitia. XI. Peccatum verò *malitia* illud est, quod non ex ignorantia, vel infirmitate, aut metu committitur, sed ex malitia & contumacia, & cum aliquo proposito committendi, vel actualitantum, orto ex aliqua vehementiori passione, quæ rationis judicium quasi opprimit, & hominem transversum abripit, quod etiam in regénitos cadit; vel habituali & actuali simul, quum non cum resistantia & luctu, sed deliberato & pleno animi consensu contra veritatis cognitionem perpetratur, quale est eorum qui Apostolo dicuntur peccare *ex actis* loco citato Heb. 10. 26. non late, sed stricte

& maxime propriè, quod videtur in Apostatis plurimis, & illis præsertim qui peccant in Spiritum S. de quibus postea. QUEST. XIII.

XII. 4. Ratione *adjunctorum*; Aliud est *habitans* tantum, Aliud *regnans*. Illud cui peccator & in ipso actu, & extra illum resistit, quamvis illi propter infirmitatem succumbat, quod non fit sine quadam lucta, vel antecedente, vel concomitante, vel subsequente, quale est in rege- 4. Ratione adjunctorum in peccatum habitans & regnans.
lud vero quod fit sine lucta, & cui peccator omnimodè servit, tum antecederet per propensionem seu propositum tam habituale quàm actuale, tum consequenter, partim per delectationem, partim per actus peccaminosi continuationem, quale in illis reperitur, quos Christus vocat servos peccati, Johan. 8. 34. & qui dicuntur *facere peccatum* 1. Joh. 3. 8. qui scilicet artem peccandi exercent, & quorum hoc velut *ἔργον* est continuum.

XIII. *Regnum peccati*, vel est *absolutum & totale* quoad *statum*, vel *partiale & comparatum* quoad *actum*. Prius cadit in solos *irregeneratos*; Sed posterius aliquando cadit in ipsos fideles, quum in gravia peccata incidunt, & in illis aliquamdiu hærent, ut in Davide, Solomone, & aliis visum.

XIV. Secundò, Aliud est *remissibile*, Aliud *irremissibile*. Illud quod remitti potest ex Dei gratia; Istud verò quod nec remissionem obtinet, nec obtinere potest ex Iustitia: qualis est finalis impenitentia, quæ reprobis omnibus communis est, & præcipuè peccatum in Spiritum Sanctum, cui præ cæteris tribuitur, quòd sit irremissibile, cui nec venia conceditur unquam, nec verò concedi potest, de quo aget sequens *Quæstio*. *Distinctio Peccati venialis & mortalis* antea excussa fuit. Remissibile & irremissibile.

QUÆSTIO XIV.

In quo consistat ratio formalis peccati in Spiritum S.

Et cur sit irremissibile?

I. **N**on quæritur, An detur aliquod peccatum, quod singulariter *Statu* dicatur in Spiritum Sanctum. Hoc enim ita clarum est ex Scriptura, ut de eo dubitari nequeat; cùm expressè Christus *Quæstio- minerit peccati & blasphemie in Spiritum Sanctum* Matth. 12. 31. Marc. 3. 29. 30. Et Johannes c. 5. primæ v. 16. loquatur de *peccato ad mortem*, pro quo orandum non est, quod aliud non potest esse quàm peccatum in Spiritum S. Sed quænam sit ejus *natura*, circa quam varix sunt Theologorum sententiæ. Et de qua August. Sermon. 11. de Verbis Domini ait, *Quæstio- nem nullam in Scripturis majorem & difficiliorem inveniri.*

QUEST.
XIV.
Cur peccatur
in Spiritum S.

II. Quum Spiritus Sanctus dicitur objectum istius peccati, non tam sumitur *ὑποαπὸς* ratione *persona*, quàm *ἐκ τῆς ἰδέας* ratione *officii*, & *operationis*: Ut enim trium Personarum divinarum communis est essentia, ita est *ἀμείβας & ἀξία indivisa dignitas*, ut loquitur Athanasius, ita ut una seorsim ab alijs nec offendi nec glorificari possit: Verum, ut in œconomia salutis peculiare dantur operationes, quæ singulis personis competunt per appropriationem, ut Filio *redemptio*, Spiritui Sancto *illuminatio*, hinc fit, ut peccata quæ specialius committuntur contra operationem Filii, aut Spiritus S. dicantur committi contra Filium, aut Spiritum S. nimir. ratione illorum operationis.

In quo non
consistat.

III. Non potest dici Peccatum hoc consistere simpliciter in *impœnitentia finali*, ut August. voluit, quia reprobi omnes in ea moriuntur, qui tamen non possunt dici peccare in Spiritum Sanctum: Multò minùs sex species ejus constitui possunt, ut plerique ex Pontificijs statuunt, Præsumptio, Desperatio, Oppugnatio veritatis agnitæ, Invidentia fraternæ gratiæ, Obstinatio & impœnitentia, quia unius speciei Scriptura facit hoc peccatum, nec debent vel partes alicujus peccati, vel gradus & dispositiones ad illud, in illius species permutari.

In quo
consistat.

IV. Nobis dicitur esse apostasia universalis à vero Christianismo, seu veritatis Evangelicæ, de qua quis in conscientia sua convictus est, totalis & perleverans abnegatio, detestatio, & oppugnatio, seu sophistica seu tyrannica, non ex communi infirmitate humana, sed ex singulari & deliberata malitia, & illius odio prorsus diabolico profecta, conjuncta cum contemptu omnium mediorum salutis, & finali impœnitentia.

Clar.
ut sit
abnegatio
veritatem
Evangelicam.

V. Hinc patet varios esse characteres istius peccati. Primus ut committatur adversus *cognitionem veritatis* non Legalis tantum, sed præcipuè *Evangelicæ*, non tantum *theoricam* & historicam, nam quicumque peccant contra scientiam peccarent in Spiritum Sanctum, sed *practicam*, & *convictivam*, licet non *persuativam*. Convictio est quando quis non tantum cognoscit veritatem Evangelii, sed & in mente sua convictus est de ejus bonitate, adeò ut ne hescere quidem possit contra, quamvis velit; Persuasio est, quum quis ita persuasus est, ut non modò non possit contradicere, sed ne velit quidem. Idcirco qui peccant ex ignorantia, ut Paulus, quum Christum blasphemavit & Ecclesiam persecutus est, & Judæi qui Christum crucifixerunt, non peccarunt in Spiritum S. quia *δι' ἀγνοίας* fecerunt ex ignorantia & sine convictione.

VI. Ut verò clariùs constet quænam cognitio hic requiratur, & quomodo differat a cognitione salutari fidelium; distinguendum est triplex *judicium* intellectus practici. Primum *absolutum* & *simplex*. Secundum *comparatum primum*. Tertium *comparatum ultimum*, quod *ultimo practicum* vocatur. Nam ut objecta sub variis respectibus representantur intellectui & cum

variis circumstantiis, quæ rem mirum in modum variari solent: Ita diversa judicia formare solet, modò absolutum, si res simpli. & in se consideretur, seu in *thesi*, modò comparatum, si conferatur cum aliis in *hypothesi*; quia verò collatio potest multifariam fieri, hinc iudicium comparatum potest esse multiplex, aliud prius, aliud posterius. Cum ergo voluntas ad executionem rei sequi soleat iudicium ultimò practicum intellectus, inde fit, ut veritas cognita & apprehensa non modò à iudicio practico absoluto, sed etiam comparato rejici possit, modò non sit ultimum. Qui ergo peccant in Spiritum Sanctum in eo differunt à fidelibus, quòd habeant quidem cognitionem aliquam practicam comparatam, sed non ultimam, quæ voluntatem necessario post se trahit ad sanctificationem, qualis est in regenitis, quos ita irradiat Spiritus Sanctus, ut licet gravis sæpe sit lucta in intellectu, tamen vincat tandem ultimò cognitio practica salutaris, per gratiam quippe invictam & irresistibilem producta.

VII. Rursus Lumen Spiritus S. quadruplex potest concipi. 1. merè *theoreticum* & *instruens*, quod sistit in illuminatione. 2. *coercens*. 3. *convincens*. 4. *convertens* & sanctificans. Lumen *theoreticum* irradiat mentes hypocritarum. *Coercens* afficit animum *μεγαλύνων*, ut à crassioribus peccatis abstineant, & aliquam honestatem moralem saltem externam retineant. *Convincens* penetrat corda peccantium in Spiritum Sanctum, & ea convincit de veritate & bonitate Evangelii, quod illis proponitur, additis motivis variis quibus impelli deberent ad illud amplectendum. Sed *lumen persuadens* & *convertens* solis datur fidelibus, & eò pertingit, ut non modò mentibus aliquam notitiam theoreticam infundat, non modò coërceat affectus intus æstuant, & reprimat intra certos honestatis externæ limites, non modò convincat de veritate ista salutari; sed & persuadeat intimè, & ad veram sanctitatem ducendo solidâ consolatione perfundat.

VIII. Si quærat porro unde oriatur diversitas istius cognitionis, quæ est convictiva, non persuasiva: Ratio peti potest ex diversa *αἰτία*, sub qua Evangelium obversatur hominum mentibus, sub idea, vel *boni honesti*, vel *utilis*, vel *jucundi*. In fidelibus idea *boni honesti* prævalet, sensus puta intimus misericordiæ Dei in remissione peccatorum, & in sanctificationis gratia. Sed in aliis idea *boni utilis*, vel *jucundi*, dum scilicet Evangelium apprehendunt & sequuntur ad tempus, vel tanquam bonum aliquod jucundum, & delectabile, quod vel novitate, vel suavitate, & libertate, vel quadam dogmatum ipsorum admirabilitate hominum animos ad se allicit, & inusitata quadam voluptate perfundit. Unde dicuntur excipere Verbum *μὴ χαρὸς* Matth. 13. 20. vel respiciunt illud ut bonum aliquod sibi utile & commodum, quod memorabile aliquod bonum in hac vita ipsis potest afferre. Sed non assurgunt ad veri & salutaris boni rationem, quod in communione cum

QUEST. XIV. Deo per sanctitatem & æternam felicitatem consistit. Nam tanta est ejus efficacia erga hominem reum & miserum, ut qui semel illud sub tali ~~æ~~ rite apprehendit, non possit à se impetrare, quin illud statim amplectatur, & constanter retineat.

2. Chara-
cter.
Defectio re-
tus a ve-
ritate.

IX. Secundò ad hoc peccatum constituendum requiritur *defectio totalis à veritate, ejusque malitiosa rejectio & abnegatio*. Non ex metu simpliciter & carnis infirmitate, ut qui metu mortis, aut gravis alicujus mali impendentis Christum abnegat, vel Idolis thus adolet, ut Petrus Christum abnegavit, & multi in veteri Ecclesia deficiebant à fide, & hodie etiamnum deficiunt ex metu perdendæ vitæ vel facultatum, & dignitatum, quibus fruuntur. Non ex *lucris cupiditate*, & spe consequendæ lautioris fortunæ, qualis Demas, qui præsens seculum amavit, & illi *πρόσωποι* in quibus fallacia divitiarum & sollicitudo seculi extinguit bonum semen. Quamvis enim gravius omnino peccent isti, & longè sint inexcusabiliores aliis, qui ex metu abnegant, & propius accedant ad peccatum de quo agimus; unde ut rarior solet esse eorum poenitentia, ita difficilius veniam peccati sui obtinent: Tamen non est absolute *ἐν τῷ ἀδυνατῶν*; quia licèt non tantum gradum *ἀνυσίς* participet peccatum illud, quantum observatur in eo quòd ex metu oritur, habet tamen semper aliquem; siquidem cupiditas illa quæ illectus est homo, & quæ non est sine perturbatione aliqua, videtur vim quandam inferre rationi & lucem ejus extinguere. Unde non planè *ἐκυσίως* peccatum illud committi videtur. Superest ergo ut abnegatio illa veritatis fiat ex purâ malitiâ & petulantia, quæ ex odio ejus internecino, & pertinaci contemptu proficiscitur.

X. Dico *odium & contemptum* veritatis hic locum habere, quia quæ maximè aversamur, & despiciatui habemus, rejicere solemus, & à nobis amovere quantum possumus. Et de contemptu quidem res non obscura videtur: nam si Evangelium rite pro dignitate sua æstimarent, nunquam eò adduci possent ut rejicerent, ergo quod rejiciunt & abnegant, ideo fit quia aspernantur, & pro nihilo ducunt. Quòd pertinet quòd Paulus Heb. 10. ait de *conculcatione Filii Dei, & sanguinis ejus profanatione*, quòd sine intolerando contemptu fieri nequit. Idem arguit exemplum Esavi, qui tanquam typus istorum peccatorum proponi solet, cujus crimen in eo ponitur, quòd pro edulio jus primogenituræ vendiderit, pro nihilo scil. illud ducens. Verum quia Evangelium istis non modò pro re nihili & vilissîma habetur, sed etiam pro re molestissîma & infami, atque adeò affectibus eorum adversa & odio digna; hinc fit ut cum contemptu odium adsit, ex quo *oppugnatio & insectatio* Evangelii oritur, quæ in hoc peccato etiam continetur. Nec enim alia insectari, & oppugnare solemus, quàm quæ aversamur. Huc facit exemplum Phariseorum, quibus à Christo impingitur peccatum in Spiritum Sanctum, quia ex ferali ejus odio doctrinam & miracula ipsius protervè respuebant, &

per-

personam persequerentur; & nomen ipsum *blasphemia* quo designari solet hoc necessario infert, ut & vox ὀφθαλμοῦ, quā Apostolus Heb. 10. contumeliam Spiritui Sancto illatam exprimit, quæ odium & detestationem rei gravissimam secum trahit.

XI. Tertius character est, non modò abnegatio veritatis cognita, sed etiam *perinax ejus oppugnatio*. Ut enim odio summo illam prosequuntur, non mirum est, si totis viribus eam evertere conentur, sive arte per sophisticam insectationem, sive marte per tyrannicam persecutionem; quod in Phariseis, Porphyrio Philosopho, Juliano Apostata, & aliis hujus peccati reis patuit. Quò pertinent, quæ de Juliano refert Theodo. lib. 3. cap. 20. ipsum scilicet equestri hastâ impetum in medio suorum, manum plenam sanguinis versus cælum projecisse cum blasphemis his in Christum verbis, *Vicisti Galilæe*.

XII. Quartus denique character est *obfirmatio animi, & perseverantia in scelere ad finem usque*, quò spectant ista Athan. to. 2. q. 71. *Non dixit Deus blasphemanti & pœnitentiam agenti non remittitur, sed blasphemanti, nimirum in blasphemia perseveranti*, quæ ratio impulit Augustinum ut essentiam istius peccati in impœnitentia finali constitueret, quod licet non usquequaque admitti possit, quia commune hoc illi est cum omnibus peccatis reproborum, dubitari non potest tamen eam in hoc peccato includi.

XIII. Atque hinc oritur *irremissibilitas* istius peccati, quod ejus adjunctum est inseparabile, quod Matth. innuit cap. 12. 31. 32. quum asserit blasphemiam in Spiritum Sanctum non remitti, nec in hoc seculo, nec in futuro, id est, *nunquam in æternum*, ut Marcus interpretatur cap. 3. 29. Atque ea de causa peculiariter vocatur *peccatum ad mortem* 1. Johan. cap. 1. 5. 16. 17. non tantum quia mortem meretur naturâ suâ, sic enim omnia peccata sunt ad mortem, non modò quia est irremissum & morte tandem actu punitur, quod omnibus reproborum peccatis competit; sed quia tale est, ut absolutè sit irremissibile ex se.

XIV. *Irremissibilitas* autem ista non est tantum comparata & secundum quid, quia magna difficultate remittitur, quod vult Bellar. lib. 2. de pœni. cap. 16. & Grego. de Valen. to. 3. disp. 1. q. 14. post Thomam 1. 2. q. 14. qui licet ex parte sui irremissibile esse velint, Deum tamen illud remittere posse censent; sed *absoluta & simplex*, non modò quòd nunquam actu remittatur, sed quòd remitti absolute non possit à Deo.

XV. Irremissibilitas autem ista non oritur, vel ex defectu misericordiae Dei, vel meriti Christi, quasi illa non esset immensa, vel istud pretii & valoris infiniti: Sed ex natura ipsius peccati, quæ talis est, ut conditionem ipsam ad remissionem requisitam, puta pœnitentiam, excludat, *impossibile est enim tales renovari ad pœnitentiam* Heb. 6. 6. Nam ut nemo excluditur à remissione qui pœnitentiâ ducitur; Ita qui non potest ad pœnitentiam

Q U Æ S T .
XIV.

tentiam renovari, non potest veniam consequi. Si verò quæras, Cur pœnitentia à tali peccato sit impossibilis; Facile respondetur, hoc pendere, tum à gravitate peccati ipsius, quod unicum pœnitentiæ ipsius principium, nimir. Spiritum gratiæ rejicit, tum ab ipsa Dei voluntate, qui juxta ordinem in dispensatione salutis positum à se impetrare non potest, ut gratiam ad id necessariam largiatur. Cum enim unicum sacrificium Christi à Deo constitutum sit ad expiationem peccatorum, & unica detur regeneratio per Spiritum Sanctum, qui utrumque beneficium semel rejecit, ut sit à peccantibus in Spiritum Sanctum, nullum amplius medium habere potest, quo vel remissionem consequatur, vel ad pœnitentiam renovetur. Et hoc Apostolus innuit Heb. 10. 29. quum duplex hoc crimen Apostatis impingit, quòd *Filium Dei conculcent*, & quòd *Spiritum gratiæ contumeliâ afficiant*, ut doceat eos & vim sacrificii Christi, & efficaciam Spiritus rejicere, atque hac de causa allerit nullam superesse pro ipsis hostiam, & nullam veniæ spem, quæ in sacrificii oblatione demum fundatur: Ut desperatus est illius morbus, qui omnia remedia quibus sanari potest rejicit, & in Medicum ipsum insurgit. Huc pertinet, quod Apostolus ibidem c. 6. v. 6. *Fieri non posse*, ait, *tales renovari ad pœnitentiam, ut qui rursus crucifigant sibi Filium Dei, & ignominia exponant*: quia enim isti emanatores protervè sacrificium Christi abijciunt, aliquod aliud sacrificium *ἱλασµόν* ipsis quærendum esset quo servarentur, quod cum extra Christum dari non possit, opus foret ut Christum denuo crucifigerent, & illum opprobrio exponerent; quod cum sit impossibile, impossibile est pariter eos ad pœnitentiam renovari.

XVI. Hoc verò clariùs adhuc patet ex diversitate operationum, quæ singulis Personis competunt in œconomia salutis. Nam ut Pater majestatem Numinis læti refert, & Legum sancitarum custos est & vindex. Filius locum habet Mediatoris & Vadis, qui pro peccatis nostris satisfecit. Et Spiritus Sanctus vices sustinet Sanctificatoris, qui ultimam manum operi salutis admovet, nos ad Christum, & per Christum ad Patrem adducendo. Ita qui Patris leges violavit, remedium habere potest in satisfactione Filii; Qui Filii personam, & satisfactionis ejus dignitatem per incredulitatem & ignorantiam læsit, illi spes aliqua superest in gratia Spiritus, qui potest ejus ignorantiam sanare, & incredulitatem corrigere; Sed qui Spiritum Sanctum contumeliâ afficit, ejusque operationem rejicit, nihil ei superest amplius unde spes aliqua oriatur, quia nulla datur alia Persona divina, quæ illi succurrere possit, & Spiritus operatio ultima est in negotio salutis, post quam nullum ulterius potest expectari gratiæ remedium.

XVII. Ubi abundat peccatum ibi superabundat gratia, si homo ad eam recurrat per fidem & pœnitentiam; sed si peccator gratiam istam pertinaciter rejicit, non potest vim suam in eo exercere. Christus sanat omnem morbum

morbum in populo, sed positis ponendis, in iis scilicet qui Pharmacum QUEST.
XIV. protervè non rejiciunt.

XVIII. Peccatum hoc in nullum cadit ex electis Dei, quorum salus est in tuto, tum propter electionis immutabilitatem, & amoris Dei æternitatem, Mat. 24. 24. 2. Timot. 2. 19. tum quia per Christi intercessionem Joh. 17. 20. & custodiam Dei perpetuam 1. Petr. 1. 5. & regenerationis Spiritus beneficium præstantur immunes à quolibet peccato regnante, adeò ut nec peccent, nec peccare possint 1. Joh. 3. 9. peccato quod est ad mortem. Nec si Apostata illi de quibus agit Paulus Heb. 6. 4. 5. dicuntur *sanctificati*, & *gustasse bonum Dei Verbum*, & *virtutes futuri seculi*, sequitur eos veros fideles fuisse; Cùm *sanctificati* dicantur potius *sacramentaliter* & *externe*, quàm *interne* & *spiritualiter*, quia recepti in Ecclesiam per Sacramentum baptismi, qui vocatur metonymicè *sanguis fœderis*, quia ejus est sigillum, non censebantur amplius pagani, & immundi, ut sanctificati dicebantur qui sanguine taurorum aspergebantur Heb. 9. 13. Ita *gustasse* dicuntur *bonam Dei Verbum*, gustu labiali & superficiali, non intimo & radicali, & *virtutes futuri seculi*, id est, non delicias paradisi, & primitias vitæ æternæ, sed *virtutes miraculorum*, & donorum extraordinariorum, quæ Ecclesiæ tunc conferebantur, quæ vocatur *seculum futurum*, Hebr. 2. 5.

XIX. Quamvis verò peccatum hoc in solos reprobos cadat, non tamen est omnium: sed eorum tantum, qui veritatem Dei sibi oblatam, & de qua sufficienter convicti sunt apud se, vel tyrannicè ut Julianus, vel sophisticè ut Porphyrius ex odio & destinata malitiâ rejiciunt & persequuntur. Licet autem certum sit id præcipuè committi sub Evangelio, quia longè copiosius lumen affulget hominibus, potuit tamen locum etiam habere sub Lege, & in iis qui veritatem nondum sunt professi. Unde *tres gradus* ejus possunt constitui. *Primus* in iis, qui sub Veteri Testamento doctrinam Moïsis ut exitialem conculcabant, & obfirmato animo conspuebant, ad quos accessisse videntur illi, qui dicuntur peccare *elata manu*, & *per superbiam*, & qui Spiritum sanctitatis contristasse leguntur Isa. 63. 10. *Secundus* in Pharisæis & Scribis, qui licet Evangelium non recepissent, tamen Christum ejusque doctrinam & miracula ut diabolica, ex destinata malitia insectabantur, Matt. 12. 24. Quamvis verò dicantur non novisse Christum 1. Cor. 2. 8. *quia si illum novissent, non crucifixissent*; hoc de cognitione practica & salutari intelligendum est, non de theoretica & historica, quia quod sciebant, malitiosè negabant & abominabantur. *Tertius* est in iis qui Evangelium aliquamdiu professi contra lumen Spiritus S. quo de ejus excellentia & suavitate convincuntur, illud postea ex odio & obstinatione aspernantur, eique ex professo bellum indicunt, Filium Dei & sanguinem ejus conculcando; & sic totum Dei fœdus rejiciunt, quod

Quæst. quod in insignes potissimum quadrat Apostatas de quibus loquitur Paulus
XIV. Heb. 6. & 10.

XX. Hoc scelus nemini temerè est impingendum, & faciliùs definiri potest in abstracto, quàm detegi in concreto, tum ob internorum sive principiorum, sive actuum ignorantiam, tum ob diversas gratiæ vocantis horas. Non negandum quidem cognoscibile esse, quia in Scriptura cum omnibus circumstantiis describitur, & quia aliàs Scriptura non prohibuisset orare pro talibus. Cognitio autem ista, vel est divina, quæ fit per Dei revelationem, & extraordinariè per donum discretionis spirituum, quod obtinebat in Ecclesia Apostolica; vel est humana, quæ oritur ex effectis & circumstantiis; prior hodie cassavit, altera adhuc superest. Ut verò petatur tantum ex signis externis, ex quibus non potest infallibilis ejus notitia haberi; Ideo cautè admodum in eo procedendum, ut prouiores simus ad bene sperandum ex charitate, quàm ad damnandum ex rigore.

Q U Æ S T I O X V.

An Peccatum possit esse pœna peccati? Affirm.

I. **O**ccasionem Quæstioni dederunt Pelagiani Veteres, qui peccatum esse pœnam peccati præfractè negabant, ut constat ex Aug. contr. Juli. lib. 3. cap. 3. tum ut nudam & otiosam Dei permissionem circa peccatum assererent, tum ut evincerent peccatum originale non esse proprii nominis peccatum, sed tantum pœnam antecedentis, defectum & languorem naturæ. Illos sequuntur hodie Jesuitæ, Sociniani, & Remonstrantes, Ad quos accedunt ex Nostri, qui Peccati primi imputationem negant, ut faciliùs inde colligant, Peccatum originale inhaerens non esse pœnam primi illius peccati, ut ab Orthodoxis vulgò asseritur.

Status II. Non quæritur, An Peccatum *formaliter & reduplicatiuè* quæ peccatum, & relatè ad *Legem* cui repugnat, sit pœna; quia sic est *malum turpe* Legi contrarium: Sed, An Peccatum *materialiter & specificatiuè* spectatum, id scilicet *quod peccatum est*, ratione actus substrati, & relatè ad *subjectum* quod inficit, possit esse pœna; quod negant Aduersarii, affirmant Orthodoxi.

III. Peccatum autem pœna dici trifariam potest, vel respectu *sui ipsius*, vel respectu *peccati antecedentis* in eo qui peccatur, vel respectu *alterius*. 1. Pœna est *sui ipsius*, quia ut virtus merces tibi est optima, Ita peccatum tibi ipsi est pœna. Unde Aug. lib. 1. confess. c. 12. *Iussisti Domine, & sic est, ut pœna sua sibi sit omnis inordinatus animus*, quia est accidens disconueniens subjecto, & nocivum, quod maximum damnum infert creaturæ, separando eam à Deo summo nostro bono, & privando illam sanctitate, potissimà felicitatis

felicitatis nostræ parte, & maculam scedissimam inurendo hominis con-
scientiæ, quâ non tantum malus, sed & miser redditur. 2. Pœna est peccati
præcedentis, ut idololatria Gentilium punitur per scedas libidines, quibus
traditi sunt, Rom. 1. 3. ratione alterius, ut peccatum Davidis punitur in-
cestu Absalomi.

IV. Peccatum rectè pœnam dici evincitur. 1. Quia Scriptura hoc ex-
pressè statuit 2. Sam. 12. 11. 12. ubi incestus Absalomi proponitur ut pœ-
na Davidis à Deo immissa. *Sic ait Jehovah, Ecce ego suscitaturus contra te*
malum è domo tua, & accipiens uxores tuas ante oculos tuos tradam proximo
suo, qui cubabis cum iis coram isto Sole. Quia tu fecisti clam, etiam ego factu-
rus sum coram toto Israhèle & coram Sole. Nec potest excipi nihil hic fuisse
pœnale, nisi nudam permissionem, non autem ipsum incestum fuisse formaliter
pœnam. 2. Quia pœna Davidis debuit esse publicum dedecus & damnum
Davidi inflictum coram Sole & toto Israhèle, & fuit pollutio tori Davidici.
At permissio divina nec fuit Davidis damnum formaliter, nec facta publicè
coram Sole, sed clam in impuro corde Absalomi. Deinde Deus non inter-
minatur permissionem istam Davidi ut pœnam, sed rem permissam, nempe
damnum & ignominiam polluti tori. Verba enim ista continent justam
proportionem ex lege talionis inter peccatum & pœnam, Tu hominis in-
nocui unicam uxorem violasti, Ego tuas multas violandas tradam. Tu
clam & inscio Israhèle & marito hoc adulterium patraisti; Ego palam, cœlo &
Sole coram Israhèle testibus, te puniam. Tu adulterio laxasti proximum; Ego
te incestus damno plectere volo. Nulla autem hic esset compensatio, si pœ-
na illa silteret in nuda permissione.

V. Secundò, Ex Rom. 1. 24. 25. 26. ubi Deus in pœnam idololatriæ
Gentilium dicitur eos tradidisse scedis libidinibus & in reprobum sensum,
Ἀλλὰ τὸν τὸν παρὰ τὸν αὐτὸν ὁ Θεὸς, Propterea, nempe propter idolola-
triam, de qua v. 25. tradidit eos Deus scedis suis affectibus &c. ἀντιμισθίαν
compensationem erroris sui in se recipientes. Unde ita colligo; Quæ transmu-
tatio usus naturalis corporum in scedam libidinem præter naturam est ἀντι-
μισθία *justa compensatio* transmutationis idololatricæ gloriæ Dei in gloriam
creaturæ, & veritatis Dei in mendacium, ea est peccatum, & simul pœ-
na peccati. Atque talis ἀναστασία & ἀρχιμοσύνη, quæ scedissimum est pec-
catum, dicitur ἀντιμισθία præcedentis sceleris. Huic affinis est locus alter
2. Thessal. 2. 11. ubi Deus dicitur *immisisse efficaciam erroris, ut credant*
mendacio, & ut damnentur omnes, qui veritati non crediderunt, quia amorem
veritatis non receperunt, quod enim Deus infligit hominibus, quia amorem
veritatis non receperunt, ut damnentur non credentes veritati, non potest
non pœnale esse. Nec dici potest talia peccata vocari pœnam metonymiâ cau-
sæ, quia sunt majoris pœnæ demeritoria, ut vult *Arminius*; Quia aliud est

QUEST. mereri novam pœnam, aliud verò esse ipsam pœnam, & compensationem
XV. sceleris, quod hic dicitur de sceleribus Gentilium.

3. Ex VI. Tertiò, Ex 1. Reg. 22. 20. Spiritus mendacii qui fuit in ore Pseu-
1. Reg. 22. do-prophetarum, & mendacium cui credidit Achabus ad suscipiendum bel-
20. lum injustum, fuit gravissimum peccatum; Et tamen fuit pœna à Deo im-
missa ad eum perdendum, *Quis pelliciet, inquit Deus, Achabum, ut ascen-
dat & corruat apud Ramoth Gilead* v. 23. *Quare mox indidit Jehovah spiri-
tum mendacii ori omnium Prophetarum tuorum: Propterea contra te Jehovah lo-
cuus est malum, quæ verba ita clara sunt ut Vorstio vel invito extorserint ve-
ritatis confessionem, Ami. dupli. c. Pisca. cap. 3. Sermo, inquit, iste est de
judiciali, siue majoris penali quadam Dei punientis actione, ea quæ rarâ & ex-
traordinariâ quæ voluntatem Dei consequentem semper arguit, quâ impium Re-
gem, gravesque pœnas commercium decipi permisit, imò aliquatenus curavit.*

4. Ex locis VII. Quartò, Ex aliis locis Scripturæ, quæ in eadem actione rationem
qua pecca- peccati & pœnæ conjunctam habent. Defectio decem Tribuum fuit grave
tum & pœ- peccatum proculdubio, sed simul pœna idololatriæ Solomonis 1. Reg. 11. 31.
nam con- 32. Oppressio populi per Assyrios & Chaldaeos fuit horrendum peccatum à
jungunt. parte hostium populi Dei Isa. 10. 7. & 14. 3. Jer. 50. 6. 7. 8. eadem tamen
à parte Dei fuit pœna defectionis & idololatriæ populi Is. 7. 17. 18. & 39.
6. 7. 8. Jer. 1. 12. 13. 14. Judæ ἀπειθεία fuit teterrimum scelus, & simul
iusta pœna prodicionis Salvatoris; Idem de induratione Pharaonis Exod. 4.
Recensione populi 2. Sam. 24. 1. & Excacatione Judæorum Isa. 6. & Jo-
han. 12. 40. & 9. 39. dici potest. August. lib. 5. cont. Juli. cap. 3. loca istius-
modi plura colligit, in quibus recensentur peccata, quæ sunt etiam pœnæ.
*An non peccatum est & pœna peccati, ubi legitur Dominus miscuit eis spiri-
tum erroris &c. Non est peccatum & pœna peccati, ubi Deo dicis Prophe-
ta, Quid errare fecisti nos Domine? &c. Isa. 63. 17. Non est peccatum &
pœna peccati, ubi legitur de gentibus quas debellavit Josué, quia per Dominum
factum est confortari cor eorum, ut obviam:rent ad bellum contra Israël ut ex-
terminarentur Jos. 11. 20. &c. Multa alia, inquit, enumerare possemus, in
quibus liquido appareat occulto judicio fieri perversitatem cordis, ut non audia-
tur quod verum dicitur, & inde peccetur, & sit ipsum peccatum præcedentis
pœna peccati.*

VIII. Quintò, Quia Deus in pœnam transgressionis Legis non de-
nunciat tantùm calamitates & ærumnas, quæ sunt pœnæ simplices, sed va-
ria etiam peccata, puta cæcitatem mentis, vertiginem, indurationem &
sim. Deut. 28. 28. 29. & Levit. 26. quæ sunt pœnæ mixtæ.

IX. Sextò, Quia justitia & sanctitas potest habere rationem boni
moralis & phyfici, Ergo nihil obstat in peccato duas hæc æioms culpæ
& pœnæ conjungi: Ut creaturæ summum bonum est Deo uniri per
san-

sanctitatem; Ita summum malum ejus est à Deo separari per peccatum. (2) UEST. XV.

X. Non est absurdum ut unius ejusdemque rei contrariæ sint differentiæ, si contrarii sunt & diversi respectus, secundum quos κατ' ἀλλοτρίαν & ἀλλοτρίαν Fontes Solutio- num. possit utrumque dici de ea: Ut homo potest dici mortalis & immortalis diverso respectu. Sic eadem actio potest dici & laudabilis & justa à parte Dei eam decernentis in poenam, & vituperanda & injusta à parte hominis eam committentis ut peccatum. Nefandæ Gentium libidines justæ sunt respectu Dei, quatenus Gentes illis tradidit in ἀντινομίαν peccatorum præcedentium, unde additur eos oportuisse illam pati, sed fuerunt injustæ respectu Gentium, unde dicuntur fecisse τὰ μὴ κατ' ἄγωνα quæ minime oportuit. August. adv. Julia. lib. 5. c. 3. hoc Pelagianorum argumentum refert & refellit, dum ait Deum ad puniendos homines Satanæ & hominum malitiâ uti, quam nemo tamen laudabilem dixerit; nim. admirabilem Dei sapientiam ex tenebris lucem eruere, & creaturarum peccata materiam facere judiciorum suorum. Sic peccatum potest spectari, vel ratione *causæ producentis internæ*, vel ratione *ordinationis seu judicii divini externi*. Injustum est & culpabile respectu prioris, quatenus ad hominem inobedientem refertur. Posteriori verò ratione potest habere laudabilitatem, quatenus ad Deum ordinantem & judicantem pertinet. Hinc Biel, *Eadem privatio quæ peccatum est ordinat, & deordinat, culpabilis est & laudabilis, deordinat, quatenus peccator per eam recedit à rectitudine Legis, & ab ordine justitiæ premiantis, ordinat quatenus peccator punitur sub ordine justitiæ punientis, culpabilis est quantum ad peccatorem voluntariè descrentem, laudabilis quoad Deum justè cadere permittentem.*

XI. Aliud est bonum honestum & morale, quod respondet Legi, & opponitur malo turpi; Aliud bonum utile & commodum justitiæ. Alia est complacentia approbativa voluntatis signi: Alia complacentia permissiva & directiva voluntatis beneplaciti; Peccatum non potest Deo placere, ut bonum honestum & morale complacentiâ approbativâ. Sed hoc non impedit, quominus placeat complacentiâ permissivâ, ut bonum conducibile ad justitiæ manifestationem.

XII. Actio & passio sunt unum & idem realiter & modo tantum differunt: hinc peccatum diverso respectu potest esse & actio & passio, actio in quantum committitur, passio in quantum infligitur, & malum triste est, ut verberatio est actio quatenus proficiscitur ab agente, & passio quatenus recipitur in patiente.

XIII. De ratione poenæ est, ut sit mala punito, vel in se & actu primo, vel punito sic opinanti & actu secundo. Licet poena non semper sentiatur ab homine, ut quid nocivum & damnosum, sed apprehendatur ab eo, ut quid gratum & jucundum, per falsum intellectus judicium, non

Quæst. ideo tamen minùs pœna debet in se censeri, quin gravior debet haberi; X V. quòd pœnam esse haud sentiat, imò pro bono utili & jucundo eam æstimet. Sic Deum non punire Virginum Israëlitarum scortationes, denunciatur à Deo in pœnam scortationum, Hos. 4. 14. sed non puniri à Deo est imprimis jucundum.

X I V. Non est de essentia pœnæ semper ut sit involuntaria, ut nec de ratione peccati est semper ut sit voluntarium, sufficit ut talis sit cui voluntas repugnare debeat, si rectè æstimatur. Unde Becanus p. 2. tr. 2. c. 8. *Non necesse est ut pœna talis sit, cui voluntas actu repugnet, satis est esse talem cui repugnaret, si illam rectè æstimaret & perpenderet,* & Greg. de Valent. in 1. 2. to. 1. q. 84. *Satis est, inquit, ut pœna suapte natura adversetur inclinationi hominis, adeoque sit involuntaria in actu primo.*

X V. Id quod est ἀνομία, non potest esse ἐνομία eodem respectu; sed diverso. Peccatum est ἀνομία in ordine ad *Legis mandatum*, & eo respectu verum est nunquam posse esse ἐνομίαν; sic enim & vetitum esset & iustum, quod implicat. Sed potest tamen dici ἐνομία, relatè ad *Legis sanctionem*, ut quod est contra Legem præcipientem, sit tamen secundum Legem sancientem. Ita dicitur pœna, quatenus dicit malum nocivum creaturæ juxta sanctionem Legis, quæ vult creaturam affligi ob culpam.

X V I. Nullus iustus Judex ulciscitur transgressionem & injuriam sibi factam alià transgressionem vel injurià, quam ipse faciat, vel quam fieri permittat, quia tenetur omnem injuriam impedire: Sed nihil obstat Deum ulcisci injuriam sibi factam per aliam injuriam, quam ipse sapientissimo & justissimo consilio permittat fieri ad damnum creaturæ; quia nullà Lege adstringitur ad eam impediendam; imò gravissimas rationes habet eam permittendi ad majorem justitiæ suæ illustrationem.

X V I I. Licet Magistratus civilis non puniat peccata peccatis; Non sequitur neque Deum id justè posse; quia aliud est longe forum humanum, & divinum; tum respectu justitiæ Dei, quæ severior, tum respectu potentix, quæ longè major, se extendens ad ipsas animas, atque ita ad pœnas ipsas spirituales. Nec modus iste puniendi potest dici repugnare gloriæ Dei, eo quòd hac ratione in immensum cumulantur peccata, quæ per pœnas æternas non possunt elui, imò videtur dari processus in infinitum, & gloria Dei lædi magis, quàm promoveri. Quia si cumulantur peccata, hoc non fit culpā Dei punientis, sed subjecti patientis vitio. Nec possunt elui peccata, quia nunquam reprobi desinunt peccare. Atque ita promovetur gloria Dei, non emendatione vitii in subjecto, sed continuatione & duratione pœnæ in eo; unde non mirum, si dum in æternum continuantur peccata, in æternum etiam continuantur pœnæ.

X V I I I. Absurdum est solutione debiti augeri debitum, & per idem
cresce-

crefcere & minui reatum; fed falſum eſt dari ullam plenam ſolutionem debiti, quum peccata peccatis puniuntur, vel reatum minui aut tolli; quia hoc fit tantum per pœnam ſimplicem, & ubi datur perfecta ſatisfactio, quod hic non occurrit.

Q U A E S T.
X V.

X I X. Omnis pœna ſimplex eſt à Deo *effeſſivè*, ſed ſufficit ut pœna mixta ſit ab eo *directivè*. Ut verò in peccato tria diſtinguenda ſunt. 1. *actus phyſicus*, qui habet rationem materialis. 2. *ipſa àνωμα*, quæ habet rationem formalis. 3. *judicium Dei* ſeu pœnalitas, quæ adjunctum eſt utriusque; Ille provenit à Deo motore; Iſta proficiſcitur tantum à Diabolo & peccatore: Hoc verò pendet à Deo Judice.

X X. Licet Chriſtus omnem pœnam in genere nobis debitam ſuſtinere debuerit loco noſtro; non ſequitur omnes ſpecies pœnarum ſtatim ferre debuiſſe; ut factus quidem eſt pro nobis maledictio, Galat. 3. 13. ſed non propterea omnes ſpecies maledictionis enumeratas Deut. 27. 28. cap. ferre debuit. Sic morbos noſtros pertuliſſe dicitur Iſ. 53. 4. & Matt. 8. 17. non tamen omnes morborum ſpecies poteſt dici veltuliſſe, vel ſanaiſſe. Hinc defectus pœnales in *ἀσβλήτους* & culpabiles diſtingui ſolent, quibus Chriſtus obnoxius eſſe non potuit, & *ἀσβλήτους* & innoxios, quos Chriſtus aſſumere potuit, ſed neque innoxios quoscumque, ut personales, qui ex particularibus cauſis in certas perſonas competunt, ſed naturales tantum & communes, in totum genus graſſantes. Ita rectè dicitur ſuſtinuiſſe omnem pœnam ſimplicem, ſed non neceſſe eſt ut tulerit pœnam mixtam. Imò nec potuit, nec debuit eam ferre; Non potuit, quia illa non cadit niſi in ſubjectum corruptum & vitioſum; Non debuit, quia patiendò debuit tollere peccatum, non cumulare. Sufficit ergo ut pœnam ſimplicem ferendo, mixtam etiam ſuſtulerit.


X X I. Quamvis peccatum ſit pœna peccati, non poteſt inde colligi juſtitiam Dei exigere ut violetur, & ut offendatur Deus ad ſui ſatisfactionem; Sed tantum Deum poſſe pro ſapientia & juſtitiâ ſuâ, ex ipſius juſtitiae directricis quæ in Lege revelatur violatione, elicere contra peccantium intentionem, & peccati ipſius naturam, juſtitiae vindicatricis manifeſtationem. Idem argumentum poteſt fieri contra permiſſionem peccati; Nam ſi Deus permittit peccatum ad ſuam gloriam, ergò gloria Dei requireret ut peccatum fiat, & ſic per illud manifeſtaretur gloria Dei, per quod obſcuratur, quod tamen perperam concludi conſtat, quia peccatum non per ſe, ſed per accidens facit ad gloriam Dei, quam propriè & per ſe obſcurat.

Aliæ Quaëſtiones quæ moveri poſſunt de Pœna Peccati ſuo loco excutientur, quum de Morte agetur.

LOCUS DECIMUS
DE
LIBERO HOMINIS
ARBITRIO
In Statu Peccati.

QUÆSTIO PRIMA.

An nomen Liberi Arbitrii, seu αὐτεξουσίας retinendum sit in Scholis Christianis, Et ad quam facultatem animæ, intellectum, vel voluntatem propriè pertineat?

- I.  UANTA per peccatum in Genus humanum inventa sit corruptio in præcedentibus aperuimus. Vidi-
mus mali fontem in Peccato Originali, & rivos lu-
tulentos inde fluentes in Peccatis Actualibus. Jam
propiùs miserrimus hominis status, & teterrema li-
beri arbitrii sub peccato servitus expendenda est.
Triste fateor spectaculum, sed utilissimum tamen,
& summè necessarium, ut magnitudinem miseræ
nostræ penitus agnoscamus, & gratiæ medicinalis necessitatem certius capia-
mus, & ardentius expetamus. Atque eò diligentius id exequendum est ar-
gumentum, quòd gravissimæ ab òmni ferè ævo à variis Adversariis circa il-
lud motæ sint, & etiamnum hodie moveantur Controversiæ, quæ magna in-
genia subinde exercuerunt & exercent. Et ne hîc Philosophorum Genti-
lium errores vanissimos commemoremus, qui naturæ corruptionem igno-
rantes, hominem fortunæ suæ fabrum & architectum esse posse contende-
bant, & faciendo homines liberos faciebant sacrilegos. Quis nescit Pelagia-
norum & Semipelagianorum giganteos hac in parte cónatus, ut naturæ im-
puritatem vel penitus negarent, vel mirum quantum extenuarent, & liberi
arbitrii

arbitrii vires extollerent? quos non ita, vel Conciliorum variorum authori- Quæst. I.
 tas, Vel summorum Ecclesiæ Luminum Hieronymi, Augustini, Prospe-
 ri, Hilarii, Fulgentii, & aliorum, qui huic pestilentissimo errori sese op-
 ponere sategerunt, diligentia & industria fregit, quin labentibus deinceps
 seculis, identidem renovarentur, & repullularent, adeò ut triumphatos po-
 tiùs, quàm plenè victos hosce hostes à Patribus diceres. Nec aliud agunt
 hodie Jesuitæ, Sociniani, & Remonstrantes, quàm ut hoc in capite, ut &
 in variis aliis, Pelagianismum & Semipelagianismum, vel apertè, vel clan-
 culum & per cuniculos reducant, & Idolum liberi Arbitrii in arce collocent.
 Hæc est Helena, quam tantopere depereunt, & pro qua tanquam pro aris
 & focis decertare non dubitant: Multùm ergo refert, ut veri & genuini
 Gratia Discipuli, exitiabilibus istis erroribus sedulò se opponant, & ita ho-
 minis miseriam, & gratia necessitatem adstruant, ut tota exitii causa in ho-
 minem, tota verò salutis gloria in Deum solum refundatur. Quò pertinet
 Doctrina de *Libero Arbitrio*, de qua nunc disputamus.

II. Quia verò lis moveri nobis solet hinc à Pontificiis, quasi nomen liberi Nomen li-
beri arbi-
trii unde sit
ortum.
 arbitrii, non minùs ac rem ipsam ferre non possimus, pauca de nomine
 præmittenda sunt. Vox *Liberi Arbitrii*, ut & ἀνπεξίσις, quâ Patres Græci
 illud exprimere solent, in Scriptura non occurrit; sed à Scholis Christianis
 recepta est, tanquam commodior ad designandam facultatem illam animæ
 rationalis, quâ quodcunque libet, sponte agit præeunte rationis iudicio.
 Nam quod quidam illam invenisse se putant in eo quod Paulus 1. Cor. 7. 37.
 vocat ἐξουσίαν περὶ ἑἰδὸς ἡλήματ^{ος} frustra sunt; Siquidem illi ἐξουσία non
 libertatem arbitrii, sed exequendi facilitatem significat, nec τὸ ἡλῆμα vo-
 luntatis actum, sed objectum, ut sæpe alibi, notat. Origo istius vocis vide-
 tur potiùs deducenda à Schola Platonica, cujus sectatores varii ex Patribus
 erant antequam ad Christum converterentur; Nam quod Peripatetici voca-
 bant ἐλευθέριον πρᾶξιον, & Stoici τὸ ἐφ' ἡμῖν, Platonici ἀνπεξίσιον dice-
 bant.

III. Quamvis verò nomen hoc nimis superbum videatur, si præcisè in
 se spectetur, quasi potestas sui ipsius penes hominem esset, quod soli Deo
 competit propriè, qui propterea verè ἀνπεξίσιον & ἀνυπὺχον est, ita sui
 juris, ut a nullo absolutè pendeat, vel pendere possit: homo verò sit semper
 ὑποδύχον & ὑπεξίσιον; Atque hæc de causa quidam optarint illud remo-
 veri ab usu Ecclesiæ ad tollendum abusum Pelagianorum, qui sub eo virus
 suum spargebant. Quia tamen longo usu jam in Ecclesia receptum est, non
 putamus illud ad Philosophos, à quibus profectum videtur ablegandum;
 sed utiliter retineri posse censemus, si dexter ejus sensus doceatur, & abusus
 caveatur. Unde non sine calumnia nobis impingi potest, quòd nec nomen,
 nec rem liberi arbitrii ferre possimus. Nam ut quoad rem postea demon-
 stra-

Quæst. I. litaturi sumus, nos longe veriùs Adversariis liberum arbitrium stabilire : Ita scripta Nostrorum abundè docent, nos nomen hoc bene intellectum haudquaquam repudiare.

I V. *Subiectum* liberi arbitrii nec est intellectus, nec voluntas seorsim, sed utraque facultas conjunctim; nam ut ad intellectum pertinet ratione arbitrii seu προαιρετικῆς; Ita ad voluntatem ratione libertatis; Unde facultatem mixtam rectè dixeris, sive utriusque tam intellectus, quàm voluntatis conubium & συγγεμίαν. Non tamen facilè dixeris in utra potiùs facultate consistat; Sicut enim arbitrium intellectus terminatur in voluntate; Ita libertas voluntatis radicem habet in intellectu; Unde Philosophus hoc in medio relinquens ait, vel esse τὸν ὁρεκτικὸν *intellectum appetentem*, vel ὁρεξὶν ἀλογοντικὴν *appetitum intelligentem* Ethic. I. 5. c. 2.

V. Nec mirum hoc videri debet, cùm intellectus & voluntas tam arcta necessitudine inter se copulentur, ut à se invicem separari nunquam possint, nec reale & intrinsecum hic videatur esse discrimen, sed extrinsecum tantùm ratione objectorum, ut una eademque animæ facultas & judicet intelligendo, & volendo amplectatur quod bonum judicavit, & *intellectus* dicatur, quando in rerum cognitione & judicio occupatur, *voluntas* verò, quando ad earum amorem vel odium fertur. Ita quod est in intellectu affirmatio & negatio, id in voluntate est desiderium & fuga, ἐπεὶ ἐν ἀλογικῇ κατὰ φασιν καὶ ἀπὸ φασιν, ἢ ἐν ὁρεξὶ διωξίς καὶ φυγή, ut ait Philosophus.

VI. Ut in anima præter animæ essentiam tria tantùm occurrunt, *facultas*, *habitus*, *actus*, vulgari notione arbitrium *actum* mentis notat; Sed hic nec *actum*, nec *habitus* significat propriè, quòd & ab homine separari possint singuli, & eum ad unum duntaxat contrariorum determinent: Sed *facultatem*, non vegetativam & sensitivam, quæ nobis sunt communes cum brutis, in quibus nullus virtuti vel vitio locus est, sed rationalem, ex qua boni vel mali non sumus quidem, sed esse possumus per illius actus & habitus.

Q U Æ S T I O . II.

An Voluntatis libertati repugnet quævis necessitas? Neg. contra Pontif. & Remonstrantes.

I. **A** Nequam de natura & ratione formali Liberi Arbitrii dicamus, excutienda est quæstio proposita propter Adversarios, quorum hoc est πρώτον ψεύδος, cui superstruunt dogma suum erroneum de essentiâ libertatis sitâ in indifferentia; nimirum *Necessitatem quamvis*
li-

libertati voluntatis adversari, & necessitatem ac libertatem esse ἀντιδιωκόμενους Quæ r. 11.
oppositas: Nec liberum arbitrium concipi aut intelligi posse cum determinatione
ad unum, sive cum necessitate illud antecedenter determinante. Scopus non
alius est, quàm voluntatem hominis eximere à necessitate determinatio-
nis, & gubernationis divinæ, & ἀδύνατον, ac Dominam suorum actuum
constituere.

II. Huic Pelagianorum assertioni opponitur Orthodoxa veritas, quæ Non omnis
statuit, Non omnem necessitatem pugnare cum libertate, Nec omnem necessitas
etiam cum ea subsistere, sed aliquam cum ea esse ἀνίσχυρον, aliquam verò repugnat
cum ea amicè conspirare, quod supra jam obiter observatum Loc. VIII. libertati.
Qu. I. paulò distinctiùs est explicandum. Sed qua-
dam san-
ctum.

III. Varii variè Libertatem distinguunt. Quidam ut Bernardus de grat.
& lib. arbi. & ex eo Lombardus lib. 2. dist. 25. triplicem facit Libertatem, pri-
mam à necessitate, secundam à peccato, tertiam à miseriâ. Illam vocat natu-
ræ, quam contulit nobis in conditione naturæ. Istam gratiæ, quia restaura-
mur ad eam in gratia. Hanc gloriæ, quia reservatur nobis in gloria. Per pri-
mam præstamus cæteris animantibus, per secundam carnem, per tertiam
mortem subijcimus. Prima sic naturalis est homini, ut nequeat ullo modo
eripi, aliæ duæ per peccatum sunt amissæ. Hanc distinctionem facile recipi-
mus, modò sub necessitatis voce intelligamus tam necessitatem physicam,
quàm coactionis, quæ cum libertatis naturâ sunt ἀνίσχυρα.

IV. Sed ut clariùs res tota pateat, libertatem & necessitatem in sex capi-
ta tribuimus: Nimirum ut Voluntas potest spectari, Vel ratione agentis ex-
terni, Vel ratione materiæ, & sensus interni, Vel ratione Dei, Vel ratione
intellectus practici, Vel ratione bonitatis, vel malitiæ objecti propositi, Vel
ratione eventus & existentia. Hinc sextuplex oritur necessitas. Prima necessi-
tas coactionis, quæ oritur ab agente externo, nihil conferente ei qui cogitur.
Secunda necessitas physica & bruta, quæ occurrit in inanimatis & brutis,
quæ cæco naturæ impetu, vel bruto instinctu & innato appetitu, nullo autem
rationis lumine agunt, ut necessitas ignis ad urendumposito objecto combu-
stibili, necessitas inequo ad edendum positâ herba, vel scæno sine ulla nega-
tione. Tertia est necessitas dependentiæ creaturæ à Deo, tam quoad jus & Legem
ab illo positam; quàm quoad factum, gubernationem scilicet providentiæ 1.
in antecedente decreto. 2. in subsequente executione quæ necessitas dicitur
hypothesica, tum infallibilitatis, ratione præscientiæ, tum immutabilitatis,
ratione decreti & actualis concursus. Quarta necessitas rationalis determina-
tionis ad unum ab intellectus practici judicio, cui refragari non potest vo-
luntas. Quinta necessitas moralis, seu servitutis, quæ oritur ex habiti-
bus bonis vel malis, & appulsu objectorum ad facultates suas: Ea enim est
habituum moralium ratio, ut quamvis in nostra potestate eorum acquisitio
fuerit,

QUEST.
II.

fuerit, ubi tamen voluntas nostra iis imbuta est, neque non exerceat, neque deponi possint, ut Philoso. rectè docet Eth. I. 3. c. 5. Hinc fit, ut voluntas in se libera, ita determinetur, vel ad bonum, vel ad malum, ut non possit non, vel bene vel malè agere. Unde fuit *servitus* peccati, vel iustitiæ. Sextò *necessitas existentia rei*, seu *eventus*, per quam fit, ut quando res est, non possit non esse.

*Necessitas
conditionis
& physica
repugnat
libertati.*

V. Ut duo sunt præcipui characteres Liberi Arbitrii, in quibus ejus ratio formalis consistit, 1. *περαιρεσις*, ut quod fit, prævio rationis judicio fiat, 2. *πρὸ ἐκείνου*, ut quod fit, sponte & sine coactione fiat; prior ad intellectum, posterior ad voluntatem pertinet: Duæ etiam necessitatis species cum ea pugnant. Prima est *necessitas physica & bruta*, altera *necessitas coactionis*; illa *περαιρεσις* tollit, ista verò *ἐκείνου*. Nam quæ sunt ex necessitate physica ab agentibus naturalibus ad unum naturâ, & sine ratione determinatis, non possunt censi fieri liberè, id est, prævio rationis lumine; Et quæ sunt per vim & coactè, non possunt dici sponte fieri. Et de his nulla inter Nos & adversarios est controversia. Hoc tantum obiter monendum Bellarmin. lib. 3. de gra. & lib. arb. cap. 4. & alios ex Pontificiis Nostros calumniari, dum illis imponunt, quod sentiant libertatem à coactione sufficere ad constitutionem liberi arbitrii; Quia præter illam requirunt etiam immunitatem à necessitate physica; Et si quando dicunt hominem à coactione, non à necessitate liberum esse; *necessitatis* voce non intelligunt eam quæ dicitur *physica*, de qua nulla erat controversia, & quæ satis per se excluditur, tum conditione subiecti, quod est rationale, tum ex actibus judicandi & volendi, qui cum ea sunt *ἀντιθετοί*; sed necessitatem dependentiæ, servitutis, & rationalem.

*Sed conveniunt cum ea,
1. necessitas
dependen-
tia à Deo.*

VI. Sed si duæ istæ necessitatis species à nobis commemoratæ, cum libero arbitrio pugnant; non eadem est ratio aliarum, quæ cum eo subsistere possunt, & quibus non tam destruitur, quàm conservatur & perficitur, quod sigillatim quoad quatuor necessitatis species ante notatas ostendi potest. Primò quoad *necessitatem dependentiam à Deo*, Liberum arbitrium eam non excludit, sed supponit, siue intelligatur *dependentia ethica* juris ratione Legis divinæ, à qua creatura rationalis nunquam eximi potest, siue *dependentia physica facti*, quoad concursum Providentiæ, per quam res à Deo ut summo Rectore & causâ primâ ita pendent, in esse, fieri, & operari, ut nec esse, nec quicquam agere nisi dependenter ab ipso possint, siue *dependentia futuritionis* quoad præscientiam & decretum, ex quibus nascitur *necessitas infallibilitatis & immutabilitatis*: Quantacumque enim sit creaturæ libertas in operationibus suis, necessariæ tamen sunt hoc utroque respectu, aliàs præscientia Dei posset falli, & decretum ejus mutari.

*2. Necessitas
ratio-
nalis.*

VII. Secundò quoad *necessitatem rationalem* determinationis ad unum ab intellectu practico. Cùm enim voluntas sit appetitus rationalis, ea est ejus

natura, ut non possit non sequi ultimum intellectus practici iudicium; aliàs posset appetere malum sub ratione mali, & aversari bonum sub ratione boni, quod est *ἀντιστοιχίαν*. Nam si ultimum iudicium intellectus practici eò fertur, ut iudicet hoc objectum, hic & nunc expensis omnibus circumstantiis esse optimum, & voluntas huic iudicio refragaretur, tum aversaretur bonum sub ratione boni. Nec opponi debet voluntatem non rarò malum appetere; Quia non appetit illud sub ratione mali, sed sub specie boni apparentis, vel utilis, vel iucundi.

VIII. Tertio, quoad *necessitatem moralem*, quæ oritur ex habitibus; Nam ut voluntas libera potest dici, si est habitu vacua: Ita *servus* rectè dicitur, si per habitum ad certum agendi modum fuerit determinata. Quæ *servitus* tamen veram & essentialem libertatis rationem haudquaquam evertit; aliàs sequeretur habitus destruere voluntatem, quam perficiunt potiùs & faciunt ad operationem. Hinc ut duplices sunt habitus morales, alii boni, alii mali; duplex etiam inde nascatur *servitus*, alia *iustitie* in bono, alia *peccati* in malo & miseria. Ista quæ convenit homini in statu peccati, de qua Joh. 8. 34. *Quisquis dat operam peccato, servus est peccati*, & Rom. 6. 17. *Eratis servi peccati*. Illa quæ illi competit in statu gratiæ, de qua Rom. 6. 18. *nunc liberati à peccato, servi facti estis iustitie*, quæ servitus vera libertas est, ut servitute peccati nulla verior, nulla miserior occurrit; minimè enim facit, quod vult, qui peccato servit, facit enim inclinatione particulari, quod minimè vult universali, omnes enim universali & naturali appetitu sibi bonum & beatitudinem semper appetunt.

3. Necessitas moralis.

IX. Atque hinc patet perperam Adversarios, & præsertim Bellarm. lib. 4. de gra. & lib. arbi. c. 6. Nostros criminari, quòd *servum* dixerint *arbitrium* in statu peccati, quasi eo ipso destrueretur ejus libertas; Quia ita nuncupatur præviâ Scripturâ, & quidem cum duplici limitatione, 1. ut servum intelligatur non *absolute* & *physicè*, sed *relatè post lapsum* in statu peccati. 2. non simpliciter circa omne objectum naturale, civile, aut morale externum, sed præcipuè circa objectum spirituale per se bonum, quomodo *adversaria* ad bonum fortius asseritur, sed essentia libertatis non destruitur; quia licet peccator ita sit mancipatus malo, ut non possit non peccare, non desinit tamen liberrimè & summâ cum lubentia peccare; Hinc Jansenius lib. 3. de sta. nar. lap. c. 5. agnoscit Lutherum, non primum nomen Servi arbitrii invenisse, sed secutum fuisse Augustinum, qui de eò jamdiu ita locutus fuerat, Enchir. ad Laur. c. 30. & lib. 3. cont. duas ep. Pela. c. 8. & suis succenset qui nomen servi arbitrii ante Lutherum ignotum fuisse pertendebant. Aug. de Corrupt. & Grat. c. 13. *Arbitrium Liberum, sed non liberatum, liberum iustitie, peccati autem servum, quo voluntur per diversas noxias cupiditates, alii magis, alii minus, sed omnes mali*. Et Enchi. c. 30. *Homo libero arbitrio male utens, & se perdidit & ipsum*.

Quæst. II. 4. Necessitas even-
tus. X. Quartò, Quoad necessitatem eventus. Nam etsi quicquid est, quando est, necessariò est, ita ut non possit amplius non esse; non minùs tamen liberè vel contingenter fieri dicitur, prout à causis liberis, vel contingentibus pendet: quia certitudo & veritas existentia rei non potest essentiam ejus mutare.

Fontes XI. Quamvis voluntas libera sit; hoc non obstat quominus determine-
Solutio- tur à Deo, & illi semper subsit, quia libertas ista non est absoluta & inde-
num. pendens, ac ἀδικοῦτο, quæ soli Deo competit, sed limitata & depen- dens: aliàs si nulla facultas libera datur, nisi quæ nulli subsit, aut non da- bitur in creaturis voluntas libera, aut omnis causa secunda erit prima.

XII. Voluntas dicitur domina suorum actuum, non absolutè & sim- pliciter, quasi ab ipsa penderet semper eos elicere vel non elicere; hac enim ratione non potest non subesse & Deo, & intellectui: sed secundùm quid, ratione actuum imperatorum, quos imperat potentiis inferioribus, non ra- tione elicitorum, qui non possunt dici propriè voluntatis imperio subesse, cùm sint ipsissimum voluntatis imperium, quo aliarum facultatum sibi sub- jectarum actus imperat.

XIII. Voluntas potest spectari, vel relatè ad decretum & concursum Dei, vel contradistinctè ad intellectum; Priori sensu rectè dicitur ita deter- minari à Deo, ut se ipsam etiam determinet, quia ut supra visum, sic Deus movet creaturas, ut suum illis motum relinquat: Sed posteriori non potest dici se ipsam determinare, quia determinatur ab intellectu, cujus non potest non sequi ultimum intellectus practici judicium.

XIV. Si voluntas semper determinatur à Deo, potest dici *instrumentum* ejus sensu populari, quo modo ratio instrumenti tribuitur in Scriptura ho- minibus impiis, quando vocantur *securis, malleus, virga Dei*, sed non sen- su Philosophico & proprio, quo dicitur agens quod intra se nullam habet causalitatem principalem, & hanc habet indolem, ut producat effectum se nobiliorem, ut calor Solis qui est inanimatus, producit animalia animata. Nam voluntas non producit Ens se nobilius, & non desinit esse causa prin- cipalis, si non absolutè, at in suo genere, scil. causæ secundæ.

XV. Quamvis voluntas possit refragari judicio theoretico intellectus, vel judicio absoluto & simplici intellectus practici, quò pertinent ista Me- dex apud Poëtam, *video meliora, proboque, deteriora sequor*. Nunquam ta- men refragari potest judicio comparato & ultimo.

XVI. In primo peccato voluntas Adami non est secuta primum & abso- lutum judicium intellectus, quo judicabat, non esse manducandum fructum, quia Deuse ejus esum prohibuerat sub pœna mortis v. 3. sed secuta est compa- ratum & ultimum, quo dicitur v. 6. vidisse mulier bonum esse sibi fructum arboris in cibum, & judicasse desiderabilem esse oculis, scil. juxta promissio- nem fallacem Satanæ, ut similes essent Deo.

XVII.

XVII. In Peccato contra Spiritum Sanctum voluntas refragatur qui- Quæst. III.
dem iudicio intellectus practici, etiam comparato primo, aliàs non diceretur fieri contra conscientiam, & cognitionem veritatis; sed non repugnat tamen iudicio comparato ultimo, in quo caro omnibus expensis hìc & nunc iudicat Evangelium abnegandum esse, & Christum deferendum.

QUÆSTIO III.

An ratio formalis Liberi Arbitrii in indifferentia posita sit?

An verò in lubentia rationali? Prius Neg. Posterius Aff. contra Pontificios, Socin. & Remonstr.

I. **L**iberum Arbitrium potest spectari vel in genere entis, & absolute, Liberum Arbitrium in genere Entis.
prout competit Enti rationali in quovis statu; vel in genere moris, & relate ad varios status, vel peccati, vel iustitiæ. In hac Quæstione agitur de eo priori sensu, in sequentibus agetur de eo, posteriori.

II. De ratione formali liberi arbitrii potest disputari 1. *κατ' ἀπὸν* & *negative*, ut videatur in quo non consistat. 2. *κατ' ἐξ ὧν* & *positive*, ut constet in quo proprie sita sit. Quoad prius oppugnandus est error Adversariorum, qui rationem ejus formalem collocant in indifferentia. Quoad posterius confirmandi est veritas Orthodoxa, quæ illam in lubentia rationali positam asserit. Non est positum in indifferentia, sed in lubentia.

III. Res nobis hìc est cum Jesuitis, Socinianis & Remonstrantibus, qui Pelagium sequentes liberi arbitrii essentiam in ἀναφορᾷ constituunt, & illud definire vulgò solent, *facultatem, quæ positis omnibus ad agendum requisitis, voluntas potest agere vel non agere*. Requisita autem illa dicuntur ad actionem, sine quibus actio non potest produci, qualia sunt decretum Dei, & concursus ejus, iudicium mentis, & cæteræ circumstantiæ, quæ huc pertinent.

IV. Unde patet, Non hìc quæri de indifferentia in actu primo, seu in sensu diviso, quoad simultatem potentie, quæ passiva & objectiva dicitur. An scilicet voluntas absolute spectata ex naturali sua constitutione, sepositis requisitis ad agendum, sit determinabilis ad varia objecta, & indifferenter se ad ea habeat: Non negamus enim voluntatem ex se ita esse comparatam, ut possit vel actum elicere, vel suspendere, quæ libertas est exercitii & contradictionis, vel ad utrumque oppositorum ferri, quæ libertas est contrarietatis & specificationis. Fatemur etiam voluntatem indifferenter se habere, quamdiu intellectus hæret dubius & incertus quò se vertat. Sed de indifferentia in actu secundo, & in sensu composito, quoad potentiam simultatis, quæ activa & subjectiva dicitur. An voluntas positis omnibus ad agendum requisitis, Status Quæstionis.

Quæst. sitis, v.g. decreto Dei, & ejus concursu, judicio intellectus practici &c.
 III ita semper sit indifferens & in æquilibrio posita, ut possit agere vel non agere. Hoc Adversarii pertendunt, ut sua relinquatur voluntati libertas; Nos verò negamus.

Libertas
 non est posi-
 ta in indif-
 ferentia.

V. Primò, Quia talis indifferentia ad opposita in nullo agente libero sive creato, sive increato deprehenditur; Nec in *Deo*, qui liberrimè quidem bonus est, non tamen indifferenter, quasi possit esse malus, sed necessariò & immutabiliter; Nec in *Christo*, qui liberrimè Deo obedivit, & tamen maximè necessariò, quia non potuit peccare; Nec in *Angelis* & *Beatis*, qui summâ cum lubentiâ Deum colunt, & ad bonum tamen necessariò sunt determinati; Nec in *Demonibus* & *Reprobis*, qui non possunt non peccare, quamvis liberè peccent. Ita nec illorum constantia & immutabilitas in bono destruit eorum libertatem, sed perficit; Nec istorum ineluctabilis pertinacia & obfirmatio in malo, obstat quominus gravissimè peccent, adeoque summo digni sint supplicio.

VI. Quid hic excipi potest? 1. An aliam esse rationem libertatis divinx, aliam nostræ? R. Sed quò libertas Dei perfectior est nostrâ, eò remotior debet esse ab indifferentia, quæ non tam virtus est, quàm defectus libertatis. 2. An Christum, licet nunquam peccaverit, non fuisse tamen absolutè impeccabilem, nec repugnasse ejus naturæ, voluntati, aut muneri, peccare potuisse, quam blasphemiam Episcopus & alii Remonstrantes eructare non erubuerunt? R. Sed absit à nobis, ut tale quid de sanctissimo Dei Filio, vel cogitemus, vel dicamus, quem novimus fuisse ἀνακτον, ἀμείαντον, separatum à peccatoribus, qui nullum commercium cum peccato non solùm habuit, sed nec habere potuit; tum quia Dei Filius, tum quia Redemptor noster, qui si peccare potuit, potuit etiam nos non servare. Nec si miser esse potuit, potuit eadem ratione esse peccator. Quia miseria ad tempus non refragatur naturæ ejus sanctissimæ, & faciebat ad muneris executionem, quia debuit solvere peccati nostri pœnas, adeoque eas ferre patiendò; sed non potuit eas mereri. 3. An aliud esse loqui de libertate viatorum & comprehensorum? R. Sed cum eadem debeat esse quoad essentialia ratio formalis libertatis, si isti libertatem habent perfectissimam sine indifferentia, non potest dici ad essentiam ejus pertinere.

VII. Secundò, Quia voluntas nunquam potest esse sine determinatione tam extrinseca à Dei providentia, quàm intrinseca ab intellectus judicio, ut antea probatum fuit. Et Bell. ipse hoc probat variis rationibus lib. 3. de gra. & lib. arbi. c. 8. Ergo non potest positus omnibus ad agendum requisitis agere vel non agere. Aliàs nec esset creata, quia non penderet à Deo; Nec rationalis, quia contra rationis judicium ageret, & malum sub ratione mali appeteret. Nec obstat quòd dicitur esse de ratione voluntatis liberæ,

ut

ut se ipsam determinet, quia subordinata non pugnant: De ratione quidem Quæst. III.
voluntatis est, ut à se determinetur, sed non à se sola; sic determinatio vo-
luntatis non excludit, sed supponit determinationem Dei.

VIII. Tertiò, Quia volitio summi boni, & ultimi finis non potest esse sine summâ lubentiâ; Et tamen non est sine magna & ineluctabili necessitate: Cùm ex Adversariorum ipsorum consensu & Philosophorum placitis ab appetendo summo bono abstinere non possimus, quia nemo à se impetrare potest, ut velit esse miser. Nec dici potest liberum arbitrium non versari circa summum bonum, seu ultimum finem; sed tantùm circa electionem mediorum. Quia cùm in appetitione summi boni veri vel falsi, ratio virtutis vel vitii præcipuè sita sit: necesse est ut libertas sine qua nulla datur vel virtutis, vel vitii ratio, circa illud non minùs ac circa media versetur. Deinde cùm media dentur, quæ necessariam connexionem habent cum fine, & circa quorum electionem voluntas versatur, liberè quidem in illis eligendis, sed tamen necessariò occupabitur.

IX. Quartò, Positâ indifferentiâ voluntatis, 1. tollitur *precum & hortationum usus*, quia frustra oratur Deus, ut nos convertat & sanctificet, frustra hortationes adhibentur, si positâ qualibet Dei actione, voluntas non potest dimoveri ab æquilibrio, & manet semper in ejus potestate se convertere, vel non. 2. vanæ redduntur *promissiones Dei* de effectione sanctitatis & efficacia gratiæ, quia non posset præstare quod promisit, quicquid enim præstaret circa voluntatem, maneret semper in æquilibrio & *ἀδύναμις*, quomodo verò sic posset dici dare velle & perficere, & cor novum facere? 3. perit omnis *consolatio* nostra, quia quomodocunque Deus agat in nobis, nunquam certi erimus de gratia, si pendeat semper à voluntate illam admittere vel rejicere, & sic omnem Dei operationem frustraneam reddere. 4. abrogatur *imperium Dei in voluntatem*, quæ fiet independens & sui juris, si positis omnibus ad agendum requisitis potest agere vel non agere. Ita homo author erit & causa principalis suæ conversionis, non Deus, quia positis omnibus gratiæ operationibus voluntas semper erit in æquilibrio, nec aliunde determinabitur quàm à se ipsa.

X. Cum ergo ratio formalis libertatis non posita sit in indifferentia; non *Libertas* potest alibi quæri, quàm in *lubentiarationali*, per quam *homo facit quod posita est in* *lubentia.*
libet prævio rationis judicio: Ut hic necessariò duo conjungenda veniant ad eam constituendam. 1. *τὸ ἀεὶ κατὰ λόγον*, ut quod sit, non fiat cæco impetu, & bruto quodam instinctu, sed *ἐν ἀεὶ κατὰ λόγον*, & prævio rationis lumine, & intellectus practici judicio. 2. *τὸ ἐκ φύσεως*, ut quod sit, sponte & libenter fiat & sine coactione. Unde Philosophus illud vocat *ἐκ φύσεως ἀεὶ κατὰ λόγον & μέτρον*, Ethic. lib. 3. cap. 2.

XI. Hanc autem esse rationem formalem liberi arbitrii, ex eo non obscure

Quæst. I. Iurè colligitur, quòd *omni, soli, & semper* conveniat. Ita ut nullum sit agens liberum, vel creatum, vel increatum, in quo duo isti characteres non deprehendantur: nec ad tempus tantùm, sed semper, ut posita lubentia ista rationali, ponatur libertas, & sublatâ, tollatur. Unde sequitur adjunctum esse inseparabile agentis rationalis, quod illud in quovis statu comitatur, ut non possit esse rationale, quin eo ipso sit liberum, nec spoliari queat libertate, quin privetur etiam ratione. Quod evincit etiam liberum arbitrium absolute spectatum & in genere Entis nunquam ab homine tolli posse in quocunque versetur statu. Quòd si à nonnullis denegatur homini in statu peccati, intelligi debet, non tam *physice* & absolute, quàm *ethice* & relate, nec tam quoad essentiam, quàm quoad vires, ut postea ostendetur.

*Fontes
Solutio-
num.*

XII. Principium electionis suâ naturâ potest esse indifferens & indeterminatum in sensu diviso, & quoad actum primum, & simultatem potentia; Sed non in sensu composito, & quoad actum secundum, seu potentiam simultatis. Electio, ut sit libera, debet esse immunis à coactione & necessitate physicâ; sed non à necessitate extrinsecâ dependentiâ à Deo, & intrinsecâ determinationis ab intellectu. Et tantùm abest ut determinatio ad unum, quæ fit à ratione, electionem liberam tollat, ut eam potius perficiat, quia ideo eligit hoc vel illud, quia à iudicio intellectus ad id determinatur.

XIII. Quod est *naturale brutum* & sui nescium, non habet rationem vitii aut virtutis; sed tantùm quod est *naturale rationale*. Peccatum autem naturale dicitur, non ut natura opponitur libero arbitrio; sed ut natura opponitur gratiæ. Datur locus obedientiæ vel inobedientiæ etiam sine indifferentia, & cum determinatione ad unum, ut in Christo immutabiliter determinato ad obediendum Patri, & in Diabolis necessario determinatis ad inobediendum, & tamen liberrimè peccantibus, & gravissimo supplicio dignis. Obedientiæ ratio non in eo posita est, ut homo possit obedire, vel non obedire, sed in eo, ut homo libenter & sine coactione ex prævia ratione obediat.

XIV. Tantùm abest, ut ex sententia nostra tollatur ulus hortationum & præceptionum; ut fortius potius asseratur. Nam si certum est voluntatem determinari ab intellectu, intellectum prius persuaderi necesse est, antequam voluntatem flectat. At quomodo persuadebitur, nisi rationibus & hortationibus? Licet verò impossibilis sit hortationis impletio ex nobis sine gratia; Non minùs tamen potest rite ad nos dirigi, quia est officium à nobis debitum.

XV. Ut detur præmio vel pœnæ locus, non necesse est ut detur indifferentia in voluntate ad utrumque oppositorum; Sufficit ut sit spontaneitas & lubentia, quæ pendeat à rationis iudicio, qualis est in omnibus hominibus.

QUESTIO IV.

An Liberum Arbitrium in statu peccati, ita sit servum & mancipatum peccato, ut nihil possit quàm peccare: An verò vires adhuc habeat sese inclinandi ad bonum, non tantum civile, & morale externum, sed internum, & spirituale, quod præscriptæ in Lege Dei voluntati accuratè respondeat? Prius Affir. Poster. Neg. contra Pontificios, Socinianos & Remonstrantes.

I. **A**ctum est præcedenti Quæstione de Libero Arbitrio absolutè quoad *naturam* in genere Entis: Nunc de eodem agitur relatè quoad *statum* peccati, & *vires* ejus in genere moris; Ibi visum est *quid sit*. Jam videndum *quid possit* circa bonum, quæ primaria est Controversia, quæ nobis in hoc doctrinæ Capite intercedit cum Pelagianis & Semipelagianis.

II. Non quæritur de *Libertate essentiali* à coactione & necessitate physica, quæ talis dicitur ratione *subjecti & principii*, quia eadem est semper utrobique in quolibet hominis statu, ut antea dictum; Sed de *libertate accidentali* à servitute peccati, ratione *objecti*, circa quod voluntas versatur, An sit malum tantum, An etiam bonum. Status
Quæstio-
nis.

III. Non quæritur de *bono civili, & morali externo*. Non negamus enim aliquas vires in homine adhuc post lapsum superesse quoad opera illa externa & civilia bona, ut justitiam & temperantiam exerceat, misericordiæ & charitatis actum edat, ut manus à furto & homicidio absteineat, & similibus virtutum operationes edat, antecedente concursu Dei & auxilio ejus generali; quod spectant virtutes Gentilium, de quibus postea; Sed quæritur de *bono spirituali & supernaturali*, quod gratum & acceptum sit Deo. An homo in statu peccati, ita sit corruptus, ut liberi ejus arbitrii vires quoad bonum istud, non modò sint labefactæ & attritæ, sed plane deperditæ, ut nihil vel veri salutaris cognoscere, vel boni præstare queat. An verò voluntas ejus semper sit *ἀμφοτέρωθεν*, & ad utrumque oppositorum indifferens. Prius affirmant Orthodoxi; Posterius Adversarii.

IV. Non quæritur de *potentia* seu *facultate naturali* voluntatis, à quâ est ipsum velle vel nolle, quæ *potentia prima* vocari potest, & *principium materiale* actionum moralium. Hæc enim semper in homine manet, & à brutis per eam distinguitur: Sed de *dispositione* ejus *moralis* ad bene volendum,

QUÆST.
IV.

volendum, quæ potentia secunda, seu principium formale dicitur illarum actionum: nam ut à potentia naturali fluit non velle; ita à dispositione morali non bene velle.

V. Eò redit ergo Quæstio, An homo irrogenitus eas vires liberi arbitrii adhuc habeat, ut sit indifferens ad bonum & malum, & possit non peccare sine gratia regenerationis. Affirmant Adversarii; Nos negamus.

VI. Adversarios hîc habemus Pelagianos veteres & novos, qui Liberi Arbitrii Idolum in arce reponunt, & ut faciant homines liberos, faciunt sacrilegos. Licet verò recentiores odiosum nomen & dogma Pelagii à se sollicitè amovere studeant, nec exertè profiteri audeant, quod ille statuebat; hominem suis viribus aliquid ad vitam cœlestem posse: Non minùs tamen cum eo faciunt, dum non pudet ipsos, hominem ac Deum in salutis negotio tanquam causas partiales consociare; atque ita Liberi Arbitrii vires etiam ad bonum in homine lapsio superesse volunt. Et de Socinianis quidem res non obscura est. Nam si in primo homine, inquit Soci. Prælect. cap. 5. ante lapsum liberum arbitrium fuit, nulla causa est, cur propter lapsum eo privari debuerit, quandoquidem nec rei ipsius natura id postulat, nec Dei justitia patitur. Licet verò postea fateatur in homine post peccatum dari magnam ad peccandum proclivitatem, & exiguas vires ad ea præstanda quæ Lex jubet; Non ita tamen exiguas esse vult, ut homo, Dei ope accedente, id est, auxilio externo, ut interpretatur, si sibi ipsum facere velit, Legi divina parere non possit. Idem Volkeli. lib. 5. c. 18. statuit, & alii cum eo.

VII. Quoad Pontificios licet videantur nonnunquam naturæ depravationem agnoscere, & gratiæ necessitatem urgere, non desinunt tamen liberi arbitrii vires supra modum extollere. Sic Bellarm. qui lib. 6. de grat. & lib. arbit. cap. 4. asserit, Non posse hominem sine speciali Dei gratia aliquid facere, aut velle in iis rebus quæ ad pietatem & salutem pertinent. Item, Non posse hominem propriis viribus ad gratiam se disponere, siue aliquid facere propter quod gratia divina ei conferatur. Alibi tamen larvam hanc sibi detrahit, lib. 5. cap. 9. quum statuit & probare conatur, Hominem posse sine auxilio speciali bonum aliquod morale perficere, si nulla tentatio urgeat. Nec aliò respicit Concil. Trident. quum Canon. 4. & 5. Sess. 6. anathema denunciat illi qui dixerit Liberum arbitrium à Deo motum & excitatum nihil cooperari assentiendi atque vocanti, quo ad gratiam justificationis se disponat & præparet, nec posse dissentire si velit. Item, Si quis post Adæ peccatum liberum arbitrium amissum & extinctum esse dixerit. Ne jam hîc referamus similitudines, quibus ad peccatorem describendum uti solent, qualis est hominis agroti & laesi, cujus vires attritæ quidem sint & fractæ, sed non penitus amissæ, & ejusdem ligati & vincti, qui vires quidem habeat, sed quas exere-re nequeat, nisi solvatur. Nec aliud possunt sentire, qui voluntati suam

ἀδύναμιαν semper superesse pertendunt. Et qui bonas dispositiones & me- Quæst.
IV.
rita de congruo in homine esse volunt ad gratiam. Certum tamen non pau-
cos ex Pontificiis, ut varios ex Thomistis, Dominicanis, & præcipuè Jan-
senistas, reclamare, qui totalem hominis *ἀδύναμιαν* agnoscunt, & strenuè
contra Idolum liberi arbitrii pugnant.

VIII. Ad *Remonstrantes* verò quod spectat, tam speciosè quidem ho-
minis corruptionem, & gratiæ necessitatem stabiliunt, ut supra nihil dici
posse videatur, quum Artic. 3. Coll. Hagi. consentitur, *Hominem in statu*
defectionis & peccati nihil boni, quod quidem verè sit bonum, quale quid est
fides salutaris, ex se posse cogitare, velle, aut facere: sed necessarium esse eum à
Deo in Christo per Spiritum Sanctum ejus regni, renovari mente, affectibus,
seu voluntate, & omnibus facultatibus, ut aliquid boni possit intelligere, velle
& perficere &c. quia scilicet res odiosa erat, gratiam Dei apertè impugnare.
Verùm si penitus in eorum mentem inquiratur, non obscure patebit eos
idolo liberi arbitrii non minùs ac Pontificios litare, ac Pelagianismum revo-
care. Quum voluntatis libertatem in *ἀδύναμιαν* constituunt, & liberum ar-
bitrium flexile esse in utramque partem etiam sine gratia asserunt, apud Ar-
min. cont. Perk. pag. 244. Quum gratiam semper resistibilem statuunt, ut
penes voluntatem hominis sit semper eam admittere vel rejicere. Quum vi-
tam spirituales in homine animali non penitus à mente separari, nec verè
ac propriè à voluntate agnoscunt. Et voluntatem sic liberam in se manere,
ut excitari possit ad bonum antequam propriè vivificetur, aut ullas novas
vires accipiat. In Colla. Hagi. pag. 298. Quum gratiam Dei & liberum ar-
bitrium simul esse *causas partiales, seu concusas* dixerunt apud Grevincho.
pag. 209. 210. ut liberum arbitrium quidem nihil possit à se, id est solum,
sed possit tamen aliquid cum gratia. Quæ omnia satis produnt, quicquid de
naturæ corruptione jactant, ad fucum faciendum dicere, ut lectori incauto
palpum obtrudant, & genuinam eorum mentem esse, liberum arbitrium sat
virium adhuc habere, ut cum gratia salutem suam operetur. Nec tam ope-
rosè omnibus argumentis, quibus *ἀδύναμιαν* probare solemus, obviam ire
satagerent, nisi se peti sentirent; ut eos causam suam agere facile possis
agnoscere. Sed Orthodoxi contrà, licet liberum hominis arbitrium semper
in homine quoad essentialia manere statuunt, nullas tamen in eo ad bo-
num vires superesse censent.

IX. Rationes sunt. 1. Quia homo *servus* dicitur peccati, Joh. 8. 34. & *Liberi ar-*
talis servus, qui concupiscentiæ laqueis ita constringitur, ut sistat membra *bitrii im-*
sua serva impuritati *eis ἀδύναμιαν*, & subsit dominio peccati, Rom. 6. 12. 14. *potentia*
qui à Diabolo devictus ei in servitutem addictus est 2. Pet. 2. 19. sub quo ut *probat*
hujus mundi Principe desideria mala implet, & facit quod illi placet, cui ni- *i. a servi-*
hil nisi malum placet, Joh. 8. 44. & in quo efficacissimè operatur, Eph. 2. 2. *tute pecca-*
ti.

QUEST
IV.

qui denique in libertatem asseri non potest nisi assertore Christo, Johan. 8. 39. Quis verò dixerit miserrimam istam servitutem in malo, cum aurea ad bonum stare posse libertate? & peccatorem carni mancipatum, aliquid posse quo se à tyrannidis jugo, cui se sponte addixit liberet? maximè cum servitus illa, licet durissima, illi tamen grata sit, & tantùm abest, ut libertatem expetat, vel quærat, ut vincula sua potiùs osculetur, & liberationem fugiat. Ut verò duritiem istius servitutis, Scriptura fortiùs exprimat, omnia servitutis genera nobis tribuit, tam eorum qui in servili conditione domi nascebantur, qui *Verna* dicebantur, dum ait nos *naturâ filios esse ira* Eph. 2. 3. ideoque servos pœnæ, quàm eorum qui pretio empti, & bello capti erant, quum nos *venditos esse sub peccatum*, & à corruptione & Diabolo in captivitatem actos asserit Rom. 7. 14. 2. Pet. 2. 19. 1. Tim. 3. 7. Heb. 2. 14. 15.

X. Frustra hic reponitur, 1. Servitutem peccati non opponi libertati peccatoris; quia non necessariò, sed liberè servit. 2. Nam licèt non opponatur libertati naturæ, per quam differt à brutis animantibus, quia agit semper sponte quod ipsi adlubescit; opponitur tamen libertati à peccato, de qua disputamus, quia ita constrictus tenetur à vincentibus & vincientibus cupiditatibus, ut licèt liberrimè, necessariò tamen peccet, & non possit non peccare. 3. Fideles servos justitiæ dici, qui non sunt tamen omnis peccati expertes. Ita homines posse servos peccati esse, licèt aliqua ad bonum in illis supersit libertas. 4. Diversa quippe est utriusque servitutis ratio. Nam servitus justitiæ quæ vera est libertas, non est perfecta in hoc seculo, propter reliquias peccati nobis adhærentes, à quibus non liberamur ante mortem: Sed servitus peccati plena est & integra, ut homo peccato perfectè serviat & in eo totus sit. Adde quod quum Paulus ita loquitur Rom. 6. non tam vitam ipsam fidelium, quàm eorum officium respicit, nimir. ut liberati à peccato in totum se Deo mancipent, ac ne levissime quidem peccato indulgeant, non secus ac antè peccato prorsus addicti erant, nec de Deo ne per somnium quidem cogitabant. 5. Servitutem illam impedire ne homo possit suis viribus jugum peccati excutere: sed non obstando, quominus possit per liberum arbitrium adjuvante gratia liberari à peccato. 6. Sed hominem posse liberari per liberum arbitrium adjuvante Deo ambiguè dicitur; nam, vel intelligitur de *liberatione passivâ*, ut liberum ipsum arbitrium à gratia liberetur, quod concedimus; vel de *activâ*, per quam liberum arbitrium Dei gratiæ adjuvanti sese applicet, & suis viribus, licèt non solis, cum ea cooperetur, quod negamus.

2. A morte
spirituali
Eph. 2. 1.

XI. Secundò. Quia homo *in peccatis mortuus est*, Ephes. 2. 1. non tantùm propter afflictiones, quæ mortes totidem in Scriptura appellantur 2. Cor. 1. 13. non modò propter mortalitatem corporis, quod propter peccatum mortuum dicitur Rom. 8. 10. aut propter æternæ mortis reatum; quo sensu

sensu incredulos in peccato morituros Dominus pronunciat, Johan. 8. 21. Quæst. IV.
& 24. sed potissimum propter dissolutionem unionis cum Deo, & privationem sanctitatis, quæ verè est vita, ut quæ vivitur in peccato vita, vita non est, & mortui sunt quotquot in deliciis mundi vivunt 1. Timot. 5. 6. Qualis ergo est in mortuo ad vitam ex se recuperandam impotentia, eadem dicenda est in peccatore ad bonum seu vitam spiritualem obtinendam.

XII. Ut liilius, quod graviter eos premit, cuspidem frustrentur & declinent; Variæ hîc excipiunt Adversarii. Primò similitudinem non esse urgendam, eo quòd variæ sint discrimina inter mortuum & peccatorem. R. Sed ut non negamus simile istud in variis esse dissimile: Ita in hoc quod præcipuè hîc urget Spiritus Sanctus optimè quadrat, nimirum ut mortuus vitâ naturæ, atque adeò omni sensu & motu privatur: Ita peccator vitâ gratiæ destituitur, & omnem sensum & motum spirituales amittit; ut nihil vel veri cognoscere, vel boni præstare possit, hand magis quàm mortuus in vitam se revocare. 2. Mortem istam non obitare, quominus reliquiæ lucis spiritualis in homine peccatore supersint ad Deum cognoscendum, & utcunque colendum. R. Sed tales reliquiæ vitam spirituales non accendunt, nec mortem animi propriè dictam impediunt, quia non sunt ejusdem ordinis & speciei cum vita spirituali, quam nobis largitur Christus, & cadere possunt in induratos; imò & in Dæmonem ipsum, qui quamvis sit oculis acutissimis, non desinit esse mortuus suo sensu in peccato. 3. Eos qui dicuntur mortui, *dormientes & agros* etiam indigitari, ut innuatur superesse in iis vires, sed ligatas & impeditas. R. Sed hoc mirum videri non debet, cùm in Scriptura mortui dicantur dormire, & resurrectio eorum quasi excitatio à somno Ephes. 5. 14. *Excitare qui dormis, & resurge à mortuis*, quo sensu mors ipsa Christi, plaga, vibex & vulnus appellatur. Ita Scriptura variis similitudinibus utitur ad rem eandem describendam, non ut una vel altera seorsum spectetur, vel una per alteram deteratur, sed magis, ut quod in una desideratur, altera suppleat. Istæ ergo non ita sunt opponendæ, ut scopum ejus evertant; sed componendæ sunt, ut plena Dei veritas habeatur. Atque ita idem peccator, qui agro & dormienti confertur in nonnullis, respectu aliorum per mortuum bene exprimitur. Ut sciamus, non ligationem tantum sensuum vel vitæ languorem hîc esse, sed totalem vitæ extinctionem, & virium privationem. 4. *Mortem in peccato* designare potius *statum condemnationis*, & pœnam mortis quâ afficiendi sunt, quàm *statum corruptionis* in quo jacent, Ezech. 18. 4. *Si justus defecerit morietur in peccato suo*. Et Joh. 8. 24. *In peccatis moriemini*. R. Sed aliud est esse mortuum in peccato in præterito, aliud esse moriturum in futuro, istud notat statum pœnæ inferendæ, illud verò statum corruptionis præsentis. 5. Denique *fideles mortuos peccato* dici, qui tamen viribus ad peccatum non destituuntur, sic in peccatis

Quæst. mortuos dici posse, quibus tamen vires ad bonum aliqua supersint? 2. Quia aliud est *mori peccato*, aliud *mortuum esse in peccatis*. Illud dicitur de fidelibus qui veterem hominem ita crucifigunt, ut aboleatur corpus peccati, & nihil amplius commercii cum eo habeant, nec ejus dominio ulterius sublint, ut leges in mortuum non valent: Sed istud de peccatoribus, qui destituti vitâ Dei ambulant in peccatis, & toti in iis jacent. Cùm ergo phrasæ sint ex diametro sibi invicem oppositæ, non temerè una ex altera exponenda est. Deinde *mori peccato* totalem abolitionem peccati innuit, tam quoad *justificationem*, ut reatus ejus planè sublatus sit, & nulla amplius sit condemnatio fidelibus, Rom. 8. 1. quàm quoad *sanctificationem*, si non quoad complementum; at quoad *baptismum*, qui est plenæ regenerationis symbolum. 2. quoad *officium*, ut perfecti & sancti fideles dicuntur, quia tales esse debent; Sic mortui peccato vocantur, quia tenentur peccatum in seip̄is extinguere, & neci dare. 3. Quoad *eventum*, quia hoc certò & indubiè futurum est, sic enim de talibus non aliter Scriptura loquitur, quàm si jam reipsa contigissent.

3. Ex cæcitate & induratione hominis.

XIII. Tertiò. Quia Homo nullas ad cœlestia vires, vel in intellectu, vel in voluntate habet, ex quibus facultatibus liberum oritur arbitrium. Nam quoad intellectum, qui oculus est animæ, non modò *cæcus* dicitur, & *obtenebratus mente* Eph. 4. 18. sed & *tenebræ ipsæ* c. 5. 8. *Eratis olim tenebra*. Et quoad voluntatem, non modò dicitur habere cor *pravum* & *fraudulentum* quod corrigi, *immundum* quod purgari, *clausum* quod aperiri, *incircumcissum* quod circumcidi, sed *lapideum*, Ezech. 36. 26. quod frangi & auferri debeat potius, quàm emolliri, & vitam admittere possit. Ut ergo qui cæcus est, maxime à naturâ, nullas habet ad videndum vires, & qui lapideum cor gerit, expers est sensus & motus: Ita peccator nihil veri cognoscere, vel boni præstare potest; non magis quàm penes cæcum est videre, vel penes lapidem sentire, aut moveri.

Ezech. 36. 26.

XIV. Nec obiter intueandum est cordis lapidei emblemata, de quo Ezech. 36. 26. quod est *ἡ ψαλίς λίθου*, sive à *rebus naturalibus* petatum sit, ut ab *agrorum cultu & semine*, quod in loca petrosa jactum radicem non habet, vel à *naturâ spiritus & vitæ*, cujus lapis non est subiectum *δὲ πνεύματος*, vel ab *aquarum origine*, quæ ex lapidibus exprimi non possunt, nisi per miraculum; sive ab *artificialibus*, ut ab *arte fabrilis*, quia lapis non est ductilis, nec malleo cedit, sed durus est, qui potius frangitur quàm emollitur. Nam sicut lapis nec subiectum est *δὲ ζωῆς* vitæ, nec sentire vel moveri, vel flecti aut emolliri potest, sed inflexibilis, insensibilis, & impenetrabilis est: Ita cor irrogenitorum induratum in peccato, nec vitam spirituales habet, nec ad eam se potest disponere, sed inflexibile est Spiritui, insensibile Verbo, & judiciis Dei, impenetrabile gratiæ, quod non modò gratiam non recipit, sed illi resistit & reluctatur cum obstinatione. Atque hujus rei symbolum

non

non obscurum dare voluit Deus in inscriptione Legis in tabulis lapideis, ut Quæst. 14. 7. 1 V.
innueret Legem cordi lapideo ferri, nec, quia destituta est Spiritu, illud posse flectere, sed Evangelium in tabulis carneis cordis, quia Spiritu vivifico animatum, corda renovat, & ad obsequium flectit 2. Cor. 3. 3.

X V. Frustra ad elevandam vim istius argumenti opponitur 1. *Cacoseos* etiam vocari, qui credunt Evangelio, ut Laodicenses Apoc. 3. 17. non quia nullo modo intelligere poterant, sed quia negligentiores erant in officio faciendo. R. Quia alia est *cacitas comparata*, & secundum quid, quæ tribuitur Angelo Laodicensi, ob inanem gloriationem, quæ se jactabat, quasi dives esset & oculatus, cum tamen natura se pauperem, nudum & cæcum debuisse profiteri: Alia verò *absoluta & totalis*, quæ irrogenitis tribuitur, quæ omnem cognitionem salutarem illis adimit. 2 Fideles vocari lucem in Domino Eph. 5. 8. qui tamen suis tenebris obnubilantur. R. Quia à piis ad impios non valet consequentia. Illi *Lux* dicuntur, non in se, sed in *Domino*, scilicet quatenus sunt novæ creaturæ ab ipso factæ, licet non sine tenebris, quia nondum perfectè regeneriti sunt. At in impiis non est duplex homo, sed unica natura tota irrogenita, & meræ tenebræ.

X V I. Non solidius est quod assertur adversus similitudinem cordis lapidei, figuratam esse locutionem quæ non sit urgenda. R. Quia figuratæ locutiones vim habent propriarum, quando ab ipsa Scriptura exponuntur, & quando clarum est in quem sensum & linem adhibeantur. Ut apud Ezechielem multæ voces simplices occurrunt, quæ figuram ipsam exponunt, ut quod ibidem Deus promittit se daturum *cor novum*, & *novum spiritum*, per quem efficiat, ut in viis Dei incedamus. Frustrà verò Arnoldus anxie congerit discrimina inter cor & lapidem; Quia una in re de quâ hic agitur aptissima est comparatio: nimirum non secus ac saxum non potest seipsum molire, vel caro per se fieri: Ita nec cor irrogenitum posse ipsum se convertere aut disponere ad regenerationem, sed id fieri solâ Spiritus Dei efficaciam.

X V I I. Quartò. Quia Scriptura passim Peccatoribus tribuit *aidwauia* ad bonum, quum figmentum cogitationum hominis dicitur malum omni tempore à juventute, Genes. 6. 5. cujus loci vim supra attigimus. Ita Christus *sine me*, inquit, *nihil potestis facere* Joh. 15. 4. non dicit, *sine me parum potestis*, vel difficulter potestis aliquid facere, sed *sine me nihil potestis*; non dicit *sine me nihil facitis*, vel *facturi estis*, sed *nihil potestis*, quod non tantum actum, sed ipsam potentiam excludit. Sic Paulus, *Homo animalis non capit ea quæ sunt Dei, nec potest ea cognoscere, quia discernuntur spiritualiter* 1. Corinth. 2. 14. *Non sumus idonei ad cogitandum aliquid ex nobis ipsis, ut ex nobis* 2. Corint. 3. 5. *prudencia carnis non subijcitur Legi, & ne quidem potest* Rom. 8. 7. *Arbor mala*, quales sunt homines naturâ, *non potest bonos fructus ferre* Mat. 7. 18. non tantum non fert, sed non potest

4. Ex locis
quæ impo-
tentiam ho-
mini tri-
buunt.
Joh. 15. 4.

Quæst. ult. ferre, quia qualis causa, talis effectus. Et Matt. 12. 34. *Quomodo potestis beneloqui, cum sitis mali?* Sic Joh. 6. 44. *Nemo potest venire ad me, nisi Pater traxerit ipsum.* Quorsum verò toties Spiritus Sanctus illa impotentiam urgeret, nisi ut homini vires omnes ad bonum adimantur, & soli gratiæ salutis & regenerationis opus in solidum tribuatur?

XVIII. Perperam hic dicitur 1. *non posse* non semper notare absolutam *aduxiam*, sed tantum ejus insolentiam, id est, rem non solere fieri ordinariè, vel non facilè fieri. R. Quia loca ipsa evincunt totalem impotentiam designari, & quam non magis possibile sit homini vincere, quam mortuo se ipsum suscitare, Æthiopi pellem, & Pardo maculas mutare, & arbori malæ bonos fructus facere. Aliàs si difficultatem tantum rei notare voluisset Spiritus Sanctus; Cur non semel aut iterum hoc dixit, præsertim ubi absoluta potentiæ negatio videbatur injicere scrupulum, & errori occasionem præbere? Cur non satis habuit asserere hominem animale non capere ea quæ sunt Dei, sed addit statim, & *non posse*, carnem non modò Legi non subjici, sed ne *id. posse quidem*, & similia quæ clarè innuunt Paulum non modò actum, sed & potentiam ipsam benefaciendi homini auferre?

XIX. Nec melius elabuntur, qui pertendunt *impotentiam* istam *moralem* esse, non *naturalem*, atque ita rem non absolute & simpliciter homini esse impossibilem, sed illam hominem posse si velit. R. Nam sive naturalis, sive moralis dicatur impotentia ista, de quo postea; Certum est esse homini ineluctabilem, & frustra dici hominem hoc vel illud posse si velit, cum constet cum non posse velle; non quòd destituatur potentia naturali volendi, quia sic differt à brutis; sed quòd careat dispositione ad bene volendum, de qua in hac quæstione unice agitur.

5. ex 1.
Cor. 4. 7.

XX. Quintò. Quia Homo se ipsum ab alio discernere non potest, & nihil habet boni, quod aliunde non acceperit. *Quis te discernis*, inquit Paulus 1. Cor. 4. 7. *Quid habes quod non acceperis? Et si acceperis, quid gloriaris, quasi non acceperis?* At si post lapsum liberum arbitrium vires adhuc aliquas habet, quibus ad bonum se disponere possit, & gratiam oblatam admittere; homo se ipsum discernet ab alio, & habebit quod non acceperit, & de quo gloriatur, quia admissio gratiæ quæ fit ab ipso, ipsum ab alio qui eam rejicit, discriminat, atque ita homo rectè dicetur salutis suæ faber, & præcipua conversionis suæ & discretionis ab alio causa. Nec juvat excipere, hoc non posse hominem sine gratia Spiritus Sancti operantis per Verbum. R. Nam qualiscunque statuatur actio Spiritus Sancti per Verbum, cum Verbum ex æquo offeratur & electo & reprobo, & communia non faciant discrimen, ratio discretionis unius ab alio, cur ille credat, iste non, non potest à Verbo, vel à Spiritu per Verbum solum operante pendere, idem enim in utroque efficere debuisset; Sed à libero arbitrio, quod in illo se determi-

nat

nat ad gratiam recipiendam; in isto verò ad eam rejiciendam. Atque eò cer-
 tius hoc evincitur, quòd ex hypothesi Adversariorum, qualicunque positâ
 operatione gratiæ, voluntas semper manet in æquilibrio, ut possit eâ uti vel
 non; quum ergo eâ bene utitur, hoc debet sibi, non gratiæ, quæ communis
 est. Quod non dissimulat Bellarminus, dum Molinam, & qui ipsum sequun-
 tur suppresso nomine perstringit lib. 1. de gra. & lib. arb. c. 12. *Nonne*, in-
 quit, *dicere poteris is qui credidit, se discerni ab infidelibus per liberum arbitrium,*
quia ipse inspirationem recepit, quam alter rejicit, nonne gloriari poteris contra
infidelem, quòd ipse Dei gratiæ cooperatus sit, quam ille contempsit? sed Aposto-
lus hac omnia prohibet &c. Non felicius se expediunt qui motionem divinam
 volunt considerari bifariam, vel præcisè in se, & ita in thesi esse indifferen-
 tem, vel relativè respectu *annexæ congruitatis*, ut loquitur Bellarminus, vel
debitæ applicationis, ut alii, & hinc oriri discrimen, quia eadem eleemosyna
 non æque afficiet saturum ac famelicum. Nam congrua ista gratiæ applica-
 tio, vel referenda est ad ipsam gratiam solam, vel ad liberum arbitrium so-
 lum, vel ad utrumque; Si arbitrio hoc conceditur, vel in toto, vel ex parte,
 jam vicit Pelagius, non Paulus; Si soli gratiæ, jam corruiat idolum liberi ar-
 bitrii, & gratia non erit æqualis, quia alteri defuit congrua applicatio, quam
 alterius gratia inclusit. Nec dicendum, inæqualitatem gratiæ dari in genere
 beneficii, sed non in genere motionis; eandem gratiæ motionem utrisque
 à parte Dei adhiberi, sed ob diversam objectorum dispositionem, & captam
 à proponente opportunitatem diversos effectus producere: Nam si ob diver-
 sam convertendorum dispositionem diversus ejusdem motionis effectus pro-
 deat, ergo discrimen hoc quodcunque sit, non à gratiâ fluit, sed à recipien-
 tis, quæ superadditur, promptitudine, ergo se ipsum discernit contra Pau-
 lum, & habet quod non accepit, unde gloriatur.

XXI. Sextò. Quia opus conversionis nostræ est Creatio, Resurrectio, 6. *Quia*
 Regeneratio, & Cordis novi productio, per quam Deus non modò sua- *opus gratia*
 det leniter, sed potenter efficit in nobis velle & perficere. Ut verò homo *est Creatio*
 ad sui creationem, resurrectionem, & regenerationem nihil conferre po- *&c.*
 test; ita nec peccator ad sui conversionem, sed in solidum hoc gratiæ Dei
 acceptum ferre debet. Nec obstat quòd eadem actio quæ Deo tribuitur in
 conversione, homini etiam ipsi non rarò imperetur, ut quum resurgere ju-
 bemur, & cor novum nobis facere, Ezech. 18. 31. Eph. 5. 14. &c. Nam licet
 conversio imperetur à Deo ut officium à nobis debitum; Non desinit pro-
 pterea à Deo in fœdere gratiæ promitti ut donum; Ita ut concipienda sit du-
 plex veluti conversio, vel unius conversionis potiùs duæ partes, alia quæ à Deo
 fit, alia quæ ab hominine, de qua Ecclesia loquitur Lament. cap. 5. 21. *Con-*
verte nos, & convertemur, illa præcedit, hæc sequitur; Illa semper tribuitur
 Deo, non homini, Ista semper homini, nunquam Deo. In prima voluntas

Quæst. agitur, & non agit, In secunda agitur & agit, seu reagit ipsa, sed à Deo primùm acta. **IV.** In prima, Dei gratia *operans* dicitur, quia sola operatur, In secunda *cooperans*, quia jam non tantum in voluntate, sed cum voluntate operatur. In prima voluntas est subiectum passivum, sed & capax & conscium gratiæ; In secunda non tantum est subiectum capax, sed etiam instrumentum idoneum & vivum divinæ gratiæ, quippe *ancilla* ejus, ut subinde Augustinus loquitur & ὁργανὸν ψυχῆς *organum animarum*. Quò respiciunt ista Bernardi de Libero Arbitrio, *Quid agit liberum arbitrium? breviter respondeo salvatur, opus hoc sine duobus effici non potest, uno à quo fit, altero in quo fit, Deus author salutis, liberum arbitrium tantum capax.* Et ista Hugonis de S. Viçt. *Gratiareparatrix spirat primo bonam voluntatem ut sit, deinde inspirat eam ut moveatur, primo operatur eam, deinde per eam.*

Fontes

Solutio-
num.

Deut. 30.

19. & 32.

29.

XXII. Quum Deus proponit Israëlitis eligendam vitam & mortem Deut. 30. 15. & optat eorum conversionem Deut. 32. 29. compellat instructos jam & illuminatos, ut operentur pro libertate datâ, non infideles, & in sordibus ac tenebris nativis jacentes, de quibus hic agitur. Deinde, si qui fuerunt adhuc irregenerati in statu peccati, ut plurimos fuisse dubium non est, ex 1. Cor. 10. 5. Heb. 4. 6. 9. illis, hac ratione ad bonum eligendum non simul tribuit vires id eligendi sine gratia; sed docet officium, ut sciant quid eligere sit consultius, & quid à Deo petere debeant, ut per gratiam promissam id eligere possint: denique ut si eligere bonum noluerint reddantur inexcusabiles.

XXIII. *Præcepta Dei non sunt mensura virium, sed regula officii*, non docent quid nunc possimus, sed quid debeamus, & quid olim potuerimus, & quanto justitiæ culmine per lapsum Adami simus devoluti. Nec semper verum est injusta esse præcepta, quæ non possunt impleri, ut intemperans, qui consuetudine callum obduxit; nec potest sibi temperare à libidine aut crapulâ, consuetudine verâ in naturam, sobrietatis tamen & temperantiæ legibus constringitur. Sic à debitore, qui grandem pecuniam scœnori sumptam aleâ decoxit, non frustra nec injustè exigitur quod debet, nec per debitoris scelus creditor jus suum amisit. Cùm ergo homo suâ sibi culpâ contraxerit impotentiam obsequendi Deo, non frustra, nec injustè Deus ab eo postulat obedientiam quam debet. Quippe non æquum est, ut peccatum hominis illi profit, & ideo t exlex, quia ipse se suo scelere corruptit.

XXIV. Licet homo non possit implere mandata quæ illi feruntur; Non possunt tamen dici esse inutilia, quia finem à Deo intentum semper obtinent, qualis est 1. Juris Dei, & hominis officii repræsentatio. 2. regulæ justitiæ propositio, ne quis peccatis suis obtendat ignorantiam. 3. impotentiae nostræ convictio, ut eâ agnitâ ardentius gratiæ auxilium requiramus, quod Augustinus lib. de corrept. & grat. contra Pelagia. urget c. 3. *O homo, in præ-*
ceptio-

ceptione cognosce quid debeat agere, In correctione cognosce tuo te visio non habere, In oratione agnosce, unde accipias quod vis habere. In specie multiplices sunt præceptorum fines & usus tam respectu piorum, quàm impiorum. Quoad illos quidem, præcepta inserviunt, ad præparandos eos ad recipiendam gratiam, per agnitionem impotentia suæ. 2. ad opus ipsum regenerationis inchoandum & promovendum quia mandata Evangelica non tantum sunt *imperativa*, sed & *operativa*, quæ cum officii præscriptione habent vim Spiritus, quæ intus operatur, quod foris jubet. Quoad impios verò, tendunt mandata, primò ad cognitionem officii, & impotentia suæ, 2. ad præstationem obedientia externæ, quæ ab ipsis fieri utcumque potest Rom. 2. 14. 15. 3. ad patefactionem latentis hypocrisis & malitia, & ad ipsorum ἀναπόδῃσιν, & justam damnationem.

XXV. Ad impossibile nemo tenetur, 1. quod est *absolute* & *simpliciter tale*, & in omni statu, ad quod homo nec habet nunc, nec unquam habuit potentiam, sed non valet de eo, quod tale est secundum quid, & in certo tantum statu, qualis est impotentia peccatoris. 2. valet de *impossibili plane involuntario*, & *mere physico*, quod oritur, vel ex coactione, ut qui vinculus catenis currere non potest, vel ex defectu potentia naturalis, qualis est impotentia in cæco videndi, in mortuo resurgendi. Sed non valet de *impossibili præteritæ & voluntario*, quod oritur ex depravatione facultatum, & quod conjunctum est cum magna animi lubentia, qualis est ἀδυναμία peccatoris. Licet ergo frustra jubeatur cæcus videre, & mortuus resurgere, nec objurgari possit, quod non videat, vel resurgat; Non perinde frustra jubetur peccator se convertere, quia cæcus amissa facultate videndi non tenetur amplius videre, nec mortuus amissa vitâ, tenetur eam sibi restituere; sed nulla est hominis impotentia, quæ eum à debito obedientia Dei eximat.

XXVI. Ex verbis Dei ad Caimum Gen. 4. 7. nihil elici potest quod fateatur viribus liberi arbitrii. Nec quum interrogat ipsum, *quare fratri iratus es?* quia verba ista ostendunt quidem, quod causam & rationem irascendi non habuerit, sed non inferunt præcisè, quod Caimus potuerit non irasci. Deinde licet potuisset non irasci in sensu diviso, quia homo non est determinatus necessario ad hoc vel illud peccatum, non sequitur potuisse aliquod verè bonum opus præstare. Nec ex his quæ adduntur, *si bene egeris, erit acceptatio, si male, peccatum ad fores cubat*; quia sic notatur quidem nexus antecedentis cum consequente, inter bonum opus & præmium, peccatum & pœnam, sed non innuitur hominem habere vires bene agendi. Nec ex istis, quæ potissimum urgent Adversarii, *sub te eris appetitus ejus, & tu dominaberis illi*. Primùm quia non dicitur *sub te*, sed *ad te* ὑπὲρ σε. 2. quamvis relativum ejus referretur ad peccatum, notaret tantum officium Caimi, nimirum sibi subicere peccatum, non verò vires, vel eventum. 3. non potest referri ad

QUÆST
IV.

peccatum, sive propriè sumatur pro crimine, sive impropriè pro ejus pœna, quo sensu verba immediatè præcedentia sumenda sunt, *peccatum cubat ad portam*, quod ex variis patet, 1. ex scopo; Quid enim libertas arbitrii imperans peccato faciebat ad invidiam Caïni conceptam adversus Abelem, aut ad assignandam causam, cur Abelis sacrificium Deo fuerit acceptius? Deinde licet hominis appetitus dici possit utcumque esse ad peccatum; non nisi absurdè tamen dicitur appetitus peccati, vel pœnæ esse *sub homine*, vel *ad hominem*. Tertiò inauditum est in Scriptura hominem maximè irregentum, qualis fuit Caïn, dominari peccato, cùm contrà dicatur passim servus peccati. Sed optimè hoc ad *Abelem* refertur, tum quia phrasis ista nunquam aliter usurpatur quàm de persona, non de re, sic Deus Evam alloquens Gen. 3. 16. 17. *Ad virum tuum desiderium tuum, & ipse dominabitur tibi*, tum quia manifestum est pronomen *ejus* notare subiectum appetitus, quod non aliud est, quàm ipse Abel, cujus in hoc Deicum Caïno colloquio, nomen quidem non exprimitur, sed causa tamen agitur; nec enim alteri irascebatur Caïn nisi fratri suo; Nec aliò spectat Dei alloquium, quàm ad mitigandum ejus animum, tribus potissimùm argumentis, primò ut eum doceat, causam cur non sic à Deo sit habitus ut frater, non in fratre, sed in ipso hæsisse, qui non egerit bene. *Si bene egeris, eris exaltatus*. Secundò si malè agere pergat, eum non laturum impune, *sed si malè egeris, peccatum cubat ad portam*, id est, pœna peccati tibi imminet & parata est. Tertiò fratrem cum colere, ac ei sese ex amore tanquam primogenito subicere debere, quasi diceret; An justum est te irasci vel nocere fratri tuo minori, qui sub tua est potestate, cui proinde debes dilectionem, & à quo ut inferiori nulla tibi metuenda est lælio? Ita LXX. exponunt πρὸς τὴν ὁμιλίαν αὐτοῦ. nimir. Abelis, non αἰμαρτίας. Sic Chrysost. hom. 19. in Gene. Cyrillus li. 2. in Gene. Procopius & alii.

Luc. 6. 32.
33.

XXVII. Luc. 6. 32. 33. Opera communia tribuuntur impiis cum piis, qualia sunt *diligere, benefacere, mutuum dare*, sed externâ duntaxat specie coram hominibus, non verò internâ bonitate coram Deo, cujusmodi fuerunt sacrificia Abelis & Caïni, Genes. 4. elemosynæ divitum, & viduæ pauperulæ, Luc. 21. preces Pharisei & Publicani, Luc. 18.

Rom. 2. 14.
15.

XXVIII. Aliud est *facere quæ sunt Legis*, quoad *præceptionem*, id est, fungi officio Legis jubendo, prohibendo, promittendo & minando; Aliud verò facere ea quoad *obedientiam*, implendo ejus mandata. Prius dicitur de Gentilibus Rom. 2. 14. 15. quia cùm non habeant Legem scriptam, *sunt sibi ipsi Lex*, conscientia quippe in ipsis facit quæ sunt Legis, præcipiendo & prohibendo. Nec si cogitatione ipsorum dicuntur eos excusare, hoc non intelligendum est in foro *poli*, sed *soli*, nec à *toto*, sed à *tanto*, in iis qui à gravioribus sceleribus abstinendo, cæteris non quidem sunt absolute meliores, sed tantum minùs mali; aliàs Paulus procul esset à scopo suo, qui Gentiles, qui sine Lege peccant, sine Lege perituros ibidem pronunciat. XXIX

XXIX. Exemplum Obstetricum, de quibus Exod. 1. 15. non juvat Quæst. IV. Exod. 1. 15.
 Adversarios. Primò quia non fuerunt Ægyptiæ, sed Hebrææ, quod nisi Scriptura commemoraret, quum vocat eas *obstetrices Hebræorum*, vel *Hebræas*, satis tamen docerent ipsa nomina *Siphra* & *Phua*, quæ duæ inter plures alias præcipuum locum tenere videbantur, quæ Hebræam originem habent. Nec fit verisimile, mulieres Hebræas non habuisse obstetrices ex sua gente, maximè cum inter Ægyptios & Hebræos esset mutua quædam alienatio. Deinde licet Ægyptiæ fuissent, quod post Josephum non pauci volunt; quòd timuisse Deum dicuntur, inferret quidem aliquo Dei timore & reverentiâ ductas fuisse ex reliquiis luminis naturalis, & conscientiæ sensu, quæ ipsis dictabat eædem innocentum infantium esse Deo abominandam; Sed non evinceret statim vero & filiali Dei timore fuisse imbutas, qui à fide proficiscitur.

XXX. Non magis ad rem facit exemplum *Rahabæ meretricis*, quia per fidem dicitur excepisse exploratores, & salutem obtinuisse Heb. 11. 31. vel Heb. 11. 31. Act. 10. 31.
Cornelii Act. 10. 31. cujus eleemosynæ in conspectum Die venerunt, & qui vocatur *δικαιος, δεισής, καὶ φοβούμενος τὸ Θεόν*; quia ista elogia non possunt competere irrogenito & infideli. Fuit ergo Cornelius gentilis origine, sed religione profelytus, qui in Messiam venturum cum Judæis crediderat, licet illum esse Jesum qui venerat nondum sciret, quod à Petro edocetur; Potuit ergo crescere ejus fides & confirmari per præconium Petri, ut nosset Jesum in hypothese esse Messiam, sed non tunc demum initium habuit. Habuit ergo antea cognitionem Christi implicitam, si non explicitam, & Spiritum quoad dona ordinaria, & gratiam gratum facientem, licet non quoad dona extraordinaria, & quoad gratias gratis datas.

XXXI. Quicquid affertur de virtutibus Ethnicorum, ostendit quidem superesse adhuc in homine lapso vires aliquas ad bonum externum & civile, maximè ubi auxilium speciale ipsis confertur, sine quo ne quidem hoc possent exequi; sed non evincit quicquam posse circa bonum spirituale, ut postea fusiùs ostendetur.

XXXII. Homo dicitur Dei *συνεργός* 1. Corint. 3. 9. non quæ corruptus, sed quæ regenitus, qui agit ex gratiâ sibi collatâ. Deinde non agitur ibi propriè de cooperatione ad resipiscentiam, sed ad functiones Ecclesiasticas. 1. Cor. 3. 9.

XXXIII. Quum Paulus ait 1. Corinth. 15. 10. *Ego plus omnibus laboravi*; Non tamen ego, sed gratia Dei mecum, non vult dividere boni operis causam inter se & gratiam; Sed in solidum eam tribuit gratiæ, ut textum Græcum attendenti patet; Non dicit enim Apostolus *ἡ χάρις τοῦ κυρίου ἐμοῦ* gratia Dei mecum, ut malâ fide redditur à V. V. sed *ἡ χάρις τοῦ θεοῦ, ἡ οὖν ἐμὴ*, Gratia Dei, quæ mecum est. Ita non vult venire in laboris 1. Cor. 15. 10.

Quæst. IV. societatem, sed quod de se dixerat, per quamdam epanorthosim corrigit, & gratiæ soli vult acceptum ferre. Deinde labor iste refertur ad ipsius ministerium, non verò ad ejus regenerationem.

Apo. 3. 20. XXXIV. Quamvis Deus dicatur *stare ad ostium* Apo. 3. 20. & *pulsare*, Non sequitur hominem habere vires aperiendi ex se; quia vel adstat regenitis, & pulsat ut utantur gratiâ jam collatâ, ad aperiendum per fidem & obedientiam; vel irrogenitis, qui sunt vel electi, quibus pulsando dat per Spiritum vires aperiendi, vel reprobi, quorum cor non frustra pulsatur, ut pateat hominem justè damnari, cum Deus nihil intermiserit eorum quæ ad conversionem ipsorum faciebant.

Syr. c. 15. XXXV. Ab homine integro ad corruptum non valet consequentia: Syracides cap. 15. 14. de illo agit, non de isto, quum ait *Deum ab initio consiluisse hominem in manu consilii sui* &c. ut ita describat statum innocentiae, & primi hominis conditionem, & libertatem. Nec si homini corrupto apponi diceretur vita & mors, bonum & malum, ut illud consequatur quod ipse elegerit, ideo ipsi tribuenda esset libertas indifferentiæ positivæ ad utrumque oppositorum; sed tantum libertas rationalis, ut nihil nisi spontè & deliberate agat.

XXXVI. Licet irrogeniti possint nolle venire, & resistere Deo vocanti; Non sequitur eos pariter posse velle venire, & vocantem Deum sequi: Nam prius illud est morbi & imperfectionis hominum, quod illis in statu naturæ lapsæ ita proprium est, ut nihil aliud possint aut facere aut velle: At hoc posterius est restorationis per gratiam, & illius opus speciale in nobis; Censuræ ergo & redargutiones quæ ad ipsos diriguntur, non ostendunt quid possint boni, sed quid debeant ex officio, & quam ultro in illius regulas impeerint.

Jer. 32. 23. XXXVII. Mala poenæ meritò dicuntur inflicta peccatoribus propter sua scelera Jer. 32. 23. non quòd potuerint in statu nativæ corruptionis bene agere, contra quam docet ipse Jeremias cap. 13. 23. *Si potest mutare Æthiops pellem suam, aut pardus maculas. Et vos poteritis benefacere, cum malum didiceritis*; sed quia hoc est jus Dei, ut qui talia patrant digni sint morte, neque in scelerum poenis attendi debet quid homines potuerint, sed quid ex officio debuerint; cum illis convincendis sufficiat, quòd malum patrent deliberatè, ultro, & sua sponte, contra quam sibi faciendum esse optimè noverunt.

XXXVIII. Causa discriminis inter homines bonos & malos, meliores ac peiores, non petenda est à naturali indifferentia & inclinatione ad bonum & què ac malum absque gratia. Sic enim omnes & què proni ad malum nascimur, nec alter altero melior vel peior deprehenditur. Sed consistit respectu regenitorum in gratia discriminante, quâ ab aliis secernuntur. 1. Cor.

4. 7. respectu verò irrogenitorum in communis providentiæ operatione quâ Deus, non quidem repurgat & renovat naturam, sed ejus malitiam & corruptionem in aliis minus, in aliis magis coercet & reprimat, abique quod si esset, homo licenter se diffunderet in quavis flagitia & scelera, & mundus in latrocinium abiret. Cum verò velit societatem humanam conservari, omnium pariter ferocire proterviam non sinit, sed alios metu poenæ compescit, alios amore præmii accendit, alioqui summa esset rerum confusio, si quàm prout sunt omnes ad quavis mala, tam in ea prorumperent. Ad hos verò effectus producendos, Deus nonnunquam utitur mediis quibusdam & causis secundis, quales sunt 1. *inopia* scilicet *bonitas natura*, ex qua major vel minor est inclinatio ad vitia pro ratione temperamentis. 2. *Educatio & institutio*, cujus magna vis est in formandis moribus & corrigendis vitiis. 3. *Consuetudo & consortia aliorum*, quæ multum valent in utramque partem, tales ferè sumus, quales sunt quibuscum versamur. 4. *Disciplina civilis circa præmia & poenas*, quibus duobus contineri Remp. dixit Plato. 5. *Infamia metus*, quæ vitia & scelera comitari solet, & bonæ famæ conservatio, cujus maximam rationem saniores inter Ethnicos haberi volebant; unde *vitam & honorem pari passu ambulare* dixerunt, & præ cæteris famam servandam esse, juxta illud, *omnia si perdas, famam servare memento*.

XXXIX. *Impotentia* hominis peccatoris, nec est simpliciter dicenda *moralis*, contra distincte ad *naturalem*, prout moraliter impossibile dicitur Philosophis moralibus, id quod tale est potius ex consuetudine, quàm ex naturâ, & quod difficulter quidem fit, fit tamen aliquando, nec iis quæ absolute sunt *ἀδυνάτα* accendi debet; cum ista *ἀδυνάτια* nobis sit innata & insuperabilis. Nec simpliciter *naturalis*, prout id naturale est, à quo neque boni neque mali dicimur, cum certum sit impotentiam istam vitiosam esse & culpabilem; Vel prout naturale contradistinguitur voluntario, ut naturalis est impotentia in lapide, vel bruto, loquendi; quia impotentia nostra est maxime voluntaria; Vel ut naturale dicitur, quod oritur ex defectu facultatis seu potentie naturalis, qualis est impotentia videndi in caeco, ambulandi in paralytico, resurgendi in mortuo. Quia nostra non excludit, sed supponit semper in homine potentiam naturalem intelligendi & volendi. Optime tamen & *naturalis*, & *moralis* dicitur diverso respectu. *Moralis* 1. *objective*, quia versatur circa officia moralia. 2. *originaliter*, quia est *ἐν ἀρχῇ*, quæ oritur ex morali corruptione, per hominis peccatum sponte accersitâ. 3. *formaliter*, quia est voluntaria & culpabilis, quæ in habitum voluntatis corruptæ refunditur. *Naturalis* etiam, 1. *originaliter*, quia est nobis congenita, & à naturâ, non creata à Deo, sed corrupta ab homine, qua ratione dicimur à Paulo *φύσει τίνων ὁ γένος naturâ filii iræ* Eph. 2. 3. & à Davide *in iniquitate formati, & in peccato concepti* Psal. 51. ut naturale est serpenti

QUEST.
IV.

*Impotentia
peccatoris
nec simpliciter mora-
lis, nec natu-
ralis dis-
cenda.*

*Sed utrum-
que diverso
respectu be-
ne dicitur.*

Q U AESTIO
IV.

serpenti venenum, & lupo rapacitas. 2. *subjectivè*, quia naturam nostram totam inficit, & importat privationem illius facultatis bene agendi, quæ primo homini data fuerat, & naturalis erat, quæ fuit iustitia originalis. 3. *eventualiter*, quia est invicta & insuperabilis, non minùs ac impotentia merè naturalis in cæco videndi, & in mortuo resurgendi. Non magis enim homo peccator se convertere potest, quàm cæcus videre, & mortuus resurgere. Ut ergo *moralis* rectè dicitur & voluntaria ad reatum hominis evincendum, & inexcusabilem eum reddendum. Ita *naturalis* optimè nuncupatur ad magnitudinem corruptionis exaggerandam, & gratiæ necessitatem demonstrandam, quia ut est homini congenita, ita illi est insuperabilis, ut eam haud aliter quàm per omnipotentem & vorticordiam Spiritus Sancti gratiam excutere possit.

XL. Perperam ergo homo tali impotentia laborans dicitur *posse credere si velit*, quasi fides, quæ donum Dei tam disertè vocatur à Paulo Eph. 2. 8. esset ἐν τῷ ἐφ' ἑµῶν. Nam licèt phrasis utcunque posset tolerari intellecta de potentiâ naturali volendi, quæ à nobis, quocunque in statu simus, nunquam aufertur, ut pote quâ à brutis distinguimur. Non potest tamen admitti, quum agitur de dispositione morali voluntatis ad bonum, non tantùm ad volendum, sed ad bene volendum, de qua sola lis nostra est cum Adversariis; nisi velimus in castra Pelagii transire, qui bonam voluntatem in hominis potestate positam esse voluit. Quamvis enim per peccatum non perierit homini facultas volendi in genere entis, ita tamen *est corrupta* in genere moris, ut nihil boni agat, nec agere possit. Adde quod cum velle credere, & credere non differant, siquidem qui vult credere, eo ipso credit, ut qui vult amare Deum & proximum, revera Deum & proximum amat; dicere hominem posse credere si velit, est dicere hominem posse credere, si jam crediderit, quod negatorium est. 3. Frustra homo dicitur posse credere si velit, cum certum sit eum ex se non posse velle. Nec juvat reponere, stare per hominis malitiam, quominus possit velle, nihil prohibere quominus credat, quàm ejus voluntatem. Nam licèt dubium non sit impotentiam istam voluntariam esse & culpabilem, ut nemini nisi homini soli ejus causa adscribenda sit. Non potest tamen dici absolutè, solam hominis voluntatem prohibere quominus credat, quia, ut *negativè* id quoque prohibet carentia & privatio gratiæ, quâ posita crederet, & sine qua impossibile est eum credere. Ita *positivè* id prohibet etiam, non simpliciter ejus voluntas, sed *nativa* ista corruptio, quæ voluntatem infecit, & quâ veluti catenâ spirituali peccato ita mancipatur, ut illam ex se & suis viribus sine gratia abrumperet & excutere nunquam possit.

QUESTIO V.

DE VIRTUTIBUS ETHNICORUM.

*An Virtutes Ethnicorum fuerint bona opera, ex quibus
Liberi Arbitrii vires ad bonum colligi possint?*

Neg. contra Pontificios.

I. **Q**uestio ista oritur ex præcedenti: Nam ut Pontificii ostendunt superesse Libero Arbitrio in statu peccati vires ad bonum, *Occasio* utuntur vulgò Gentilium exemplo, qui præ cæteris virtutibus *Questio-
nis.* studuerunt, vel eximiis facinoribus claruerunt, quorum virtutes peccata fuisse negant, quæ odium Dei mereantur, sed potiùs bona opera, quæ gratiam possint promereri. Concil. Trident. Sess. 6. cap. 7. *Si quis dixerit opera omnia, quæ ante justificationem fiunt, quacunque ratione facta sint, verè esse peccata, vel odium Dei mereri, aut quanto vehementius quis nititur se disponere ad gratiam, tantò cum gravius peccare anathema sit.* Hinc Bellarm. lib. 5. de Gra. & Lib. Arbit. cap. 9. & 10. probare conatur, *Possè hominem sine fide, cum auxilio speciali, & etiam sine illo, bonum aliquod morale perficere, si nulla tentatio urgeat.*

II. Nos verò duo dicimus. Primò, licèt fateamur aliquid boni in illis actionibus deprehendi, quoad *externam honestatem actus*, qui à Deo præcipitur, & qui ideo non potest non esse bonus, tamen propriè & univocè posse bona opera dici quoad *rei veritatem, & operationis modum*, internam scilicet rectitudinem cordis, & intentionem finis, negamus; Imò nihil aliud quam *splendida peccata* fuisse cum Augustino asserimus. Secundò, quicquid illi fecerunt boni, vel minùs mali, non fecisse propriis viribus, sed speciali Dei auxilio.

III. Prius ex ante dictis facillè colligitur; Cùm enim demonstratum sit totalem esse peccatoris ad bonum *aidvapian*, & Scriptura eam de omnibus nullo excepto pronunciet, patet nulla ab homine irrogenito opera verè bona præstari posse.

IV. Quod ulterius confirmatur ex conditionibus boni operis: Cùm enim tria omnino requirantur ad bonum opus. Primò ex parte *Principii*, ut fiat corde per fidem purificato Act. 15. 9. quia quicquid non fit ex fide peccatum est, Rom. 14. 23. & Deo displicens Heb. 11. 6. *Immundis enim & infidelibus nihil est mundum, sed polluta est eorum mens & conscientia* Tit. 1. 15. Secundò ex parte *forma* seu modi, ut fiat

Cecce

secun-

Quæst. V. secundum Legem Dei, non solum externo opere, sed præcipue internâ cordis obedientiâ, quam Lex Dei spiritualis à peccatoribus requirit, Rom. 7. 14. 3. Ex parte *finis*, ut fiat ad gloriam Dei, 1. Cor. 10. 31. Certum est virtutes Ethnicorum in tribus illis peccare. Nam, ut quoad *principium* non potuerunt proficisci ex fide, aut mundo corde, quod ipsis defuit: Ita quoad *modum* defuit illis interna & spiritualis obedientia; Et quoad *finem* directio ad Dei gloriam, cum litarent propriæ ambitioni, & gloriæ: bonum autem est ex integra causa, sed malum, vel ex unico defectu.

Act. 17. 23. V. Athenienses dicuntur *ἵνα θεὸν* colere Deum ignotum Act. 17. 23. non quasi vero & salutari cultu Deum verum prosequerentur, *καὶ δόξαν* secundum opinionem, quia verum Deum etsi ignotum vero cultu se afficere putarunt. Sic Apostolus per miram *συγκατάθεσιν* eos Christo lucrifacere studuit, reprehensionem laudatione leniendo: nam ut non simpliciter dixit eos *ἀγνοῦντες*, sed *ὡς ἀγνοῦντες*, ne durior videretur: ita non simpliciter dicit *ἀθεῖον*, sed *ἀγνοῦντες θεῖον*, ut vanitatem cultus ipsorum arguat, ne quis eum adulationis accusaret.

VI. Ut Actiones morales Gentilium non sunt peccata per se, & quoad substantiam operis, sed per accidens, & quoad modum operandi in conditionibus essentialibus, propter varios defectus antè notatos; non propterea præstat eas omittere, quàm præstare, ne peccemus; sed potius defectus corrigi & suppleri debent. Quæ per se sunt peccata à Deo prohibita, omittenda sunt; sed quæ per accidens tantum ex aliquo circumstantiarum defectu, non omittenda, sed corrigenda sunt.

VII. Merces terrena virtutem veram & opus bonum non arguit; quia non nisi rerum caducarum est, quas Deus tam reprobis, quàm electis promiscuè indulget. Estque hoc eximium Justitiæ divinæ documentum, ut doceat quantum ipsi vera pietas placeat, quando non tantum veras virtutes æternis præmiis, sed etiam virtutum imagines temporalibus beneficiis remuneratur, non ratione vitiositatis adhærentis, sed ratione boni externi apparentis, ne etiam infideles habeant quod de Dei justitiâ conquerantur.

1. Reg. 21. 27. VIII. Cum Achab humiliatio, de qua 1. Reg. 21. 27. 28. fuerit simulata & hypocritica, ex formidine pœnæ potius, quàm ex amore virtutis, per se Deo grata esse non potuit; Nec Deus illi concessit pœnæ prius denunciatae absolutam remissionem, sed tantum aliquam dilationem; non quod testatum faceret, acceptam sibi fuisse profani Regis externam illam humiliationem, sed ut aliis ostenderet, quid sit expectandum serio, & ex animo resipiscenti. Ninivitarum resipiscencia non potest operibus Ethnicorum accenseri; cum dicantur ad Dei verbum relipuisse, & ex fidei in
Jonæ 3. 5. Deum operatione, quæ ipsis expressè tribuitur Jon. 3. 5. & Matth. 12. 41.

IX. Quicquid porrò à Gentilibus præstitum est hac in parte, non QUAST. V.
quò aliis meliores, sed saltem minùs mali fierent, non arguit reliquas in
ipsorum libero arbitrio vires ad bonum, quia ne hoc quidem sine speciali
Dei auxilio fieri potuit. Quippe si alii aliis fuerunt æqui bonique reti-
nentiores; si aliqui doctrinà, ingenio, fortitudine, justitià, & tem-
perantià, cæterisque virtutibus antecelluerunt, ut inter ipsos Aristides
celebratur propter justitiam, Scipio propter continentiam, Socrates
propter sapientiam, Alexander propter fortitudinem, alii propter alias
virtutes, non meliori naturæ ista tribuenda sunt, sed tanquam Dei
dona agnoscenda sunt, qui alios permittit suæ libidini, aliorum verò re-
frænat pravitatem ne erumpat. Nec ipsos Ethnicos hoc latuit, qui
agnoverunt, *Virtutes non absque divino instinctu afflari, & nullum un-*
quam virum magnum existisse sine afflatu divino; ut non semel Plato, &
ex eo Cicero tradit. Et ratio ipsa persuadet, cur enim Heroum filii
tam degeneres, cur eodem partu editi tam dissimiles occurrerent; cur
educatione optimè imbuti, immanes belluæ fierent? Causa ergo discrimi-
inis istius non aliunde petenda, quàm à Dei providentiâ, quæ dum
alios finit impunè grassari in quævis scelera, alios injecto veluti fræno
coercet & reprimit, ne cum cæteris laxis habenis effrænes in paccata
ruant; Unde non sunt communes naturæ dotes, sed speciales Dei gra-
tiæ, quas variè hominibus dispensat, quatenus expedire novit ad con-
servandum rerum universitatem.

X. Qualiscunque in Ethnicis deprehenditur cognitio Dei, non potest
bonum opus censerì, quia si confitebantur ore, negabant opere. Norant
Deum, sed veritatem in injustitiâ detinebant, nec eum glorificabant ut
Deum, id est non verè norant, & hæc summa delicti erat, nolle agnosce-
re, quem ignorare non poterant, & loco unius Dei, quem ex operibus
colligere poterant, innumeros sibi fingere. Bene ergo Athei Apostolo
dicuntur Eph. 2. 12. eum suâ illâ Deorum turbâ, quia quis verus esset
Deus, & qualis erga nos esse velit, ignorabant. Ita præbuit quidem
illis Dominus exiguum Divinitatis suæ gustum, ne ignorantiam impie-
tati obtenderent, & eos interdum ad dicenda nonnulla impulit, quo-
rum confessione ipsi convincerentur; sed ita viderunt quæ videbant, ut
tali intuitu ad veritatem minimè dirigerentur, nedum pertingerent;
qualis est nocturni fulgetri coruscatio, quâ viator circumfusus, longè
latèque ad momentum videt, sed adeò evanido aspectu, ut noctis caligi-
ne ante reforbeatur, quàm gradum movere queat, tantùm abest ut in
viam tali subsidio deducatur.

XI. Hæc fuit constans Augustini sententia, quam non semel contra
Pelagianos adstruit lib. 4. in Juli. cap. 3. *Absit ut sit in aliquo vera virtus,*
nisi fuerit justus, absit autem ut sit justus verè, nisi vivat ex fide. Quis

QUEST. V. porro eorum, qui se Christianos haberi volunt, nisi soli Pelagiani, aut in ipsis etiam fortè, tu solus, justum dixerit Diabolo mancipatum? Et alibi. Quantumlibet opera infidelium pradicentur, omne quod non est ex fide peccatum est. Sic Prosper Augustini discipulus lib. 1. de Voca. Gentium cap. 3. Sine cultu veri Dei, etiam quod videtur vritus peccatum est, nec placere ullus Deo sine Deo potest; qui verò Deo non placet, cui nisi sibi & Diabolo placet? Et in aureo de Ingratis libello cap. 16.

Omne etenim probitatis opus, nisi semine vera
Exoritur fides, peccatum est, inque erratum
Vertitur, & sterelis cumulat sibi gloria penam.

Qui plura voluerit super hac Quæstione consulat *Jansenii Augustinum*, ubi fusè & solidè totum hoc argumentum exequitur lib. 3. & 4. de *Stati Natura Lapsa*.

XII. Atque hæc est ratio Liberi arbitrii in statu peccati. Quomodo verò se habeat in momento Vocationis, & in Sanctificationis progressu, suo loco cum bono Deo dicitur. Faxit misericordiarum ille Pater, ut *adversarij* & *adjuvantes* nostram seriò agnoscentes, toti ab eo pendere discamus, & gratiæ ipsius salutem nostram in solidum acceptam ferre, cum Psalte dicentes, *Non nobis Domine, sed Nomini tuo da gloriam. AMEN.*

F I N I S.



INDEX

I N D E X

LOCORUM S. SCRIPTURÆ

Quæ vel explicantur, vel vindicantur.

Prior Numerus Paginam, Posterior Thesim notat.

GENESIS.

Caput I. Versus I. Pag. 480. Thes. 3

& 492. t. 3. 4

v. 2. 301. t. 6. & 493. t. 6

v. 6. 494. t. 9

v. 9. 495. t. 12

v. 14. 496. t. 14. & 500. t. 11

v. 26. 300. t. 4. & 515. t. 15.

22. & 516. t. 22.

v. 31. 514. t. 10

C. II. v. 1. 492. t. 5. & 595. t. 5

v. 2. 530. t. 11

v. 7. 526. t. 3

v. 17. 522. t. 5. & 634. t. 7. &

638. t. 4

v. 19. 23. 25. 516. t. 19

C. III. v. 15. 444. t. 25

v. 19. 520. t. 14. & 522. t. 5

v. 21. 507. t. 11

v. 22. 640. t. 5

C. IV. v. 7. 749. t. 26

v. 14. 507. t. 14

v. 25. 508. t. 16

C. V. v. 3. 696. t. 8

C. VI. v. 2. 605. t. 6

v. 5. 6. 695. t. 7

v. 6. 8. 227. t. 11

v. 19. 573. t. 13

C. VII. v. 11. 487. t. 5

& 495. t. 11.

v. 19. 21. 646. t. 4

Cap. VIII. Vers. 21. Pag. 695. Th. 7

v. 23. 516. t. 22

C. IX. v. 6. 674. t. 3

v. 10. 11. 632. t. 3

C. XI. v. 26. 90. t. 29

C. XVIII. v. 21. 133. t. 28

C. XIX. v. 12. 41. t. 9

v. 24. 304. t. 7

C. XXII. v. 1. 580. t. 28.

v. 12. 133. t. 27.

C. XXIII. v. 9. 92. t. 32

C. XXVIII. v. 12. 606. t. 2

v. 30. 625. t. 22

C. XLV. v. 7. 577. t. 21.

v. 8. 550. t. 8

C. XLVI. v. 10. 121. t. 17

v. 26. 27. 91. t. 30

C. XLVIII. v. 15. 16. 306. t. 11. &

625. t. 22.

C. L. v. 20. 574. t. 19

EXODUS.

C. I. v. 15. 751. t. 29

C. III. v. 4. 5. 6. 203. t. 7

v. 6. 307. t. 9. & 532. t. 6

C. III. v. 8. 303. t. 9

v. 14. 202. t. 5

v. 21. 573. t. 13

C. VI. v. 3. 202. t. 5

C. XII. v. 1. 486. t. 4

v. 40. 121. t. 19

v. 46. 165. t. 2.

C. XVII. v. 15. 204. t. 14

Cccccc 3 Cap.

INDEX LOCORUM S. SCRIPTURÆ.

Cap. XX. Vers. 12. Pag. 359. t. 14	
C. XXI. v. 12. 13.	550. t. 8
v. 16.	486. t. 4
C. XXIII. v. 20.	203. t. 12
C. XXVIII. v. 38.	619. t. 5
C. XXXII. v. 5.	205. t. 19
v. 32.	408. t. 19

LEVITICUS

C. XVIII. v. 5.	634. t. 7
C. XIX. v. 31.	498. t. 5
C. XX. v. 27.	<i>ibid.</i>
C. XXV. v. 9.	487. t. 6

NUMERI.

C. VI. v. 23. 24.	304. t. 11
C. XI. v. 17.	338. t. 20
C. XIV. v. 30.	350. t. 17
C. XV. v. 25. 30.	712. t. 9
C. XVI. v. 22.	527. t. 6
C. XXI. v. 14.	106. t. 7

DEUTERONOMIUM.

C. IV. v. 2.	152. t. 15
v. 40.	359. t. 14
C. VI. v. 13.	623. t. 17
C. VIII. v. 2.	580. t. 28
C. XIII. v. 1.	502. t. 18
C. XVII. v. 11. 12.	176. t. 26
C. XIX. v. 4.	550. t. 8
C. XXIV. v. 16.	688. t. 26
C. XXVII. v. 26.	658. t. 8
C. XXVIII. v. 63.	346. t. 9
C. XXIX. v. 29.	253. t. 17
C. XXX. v. 11.	160. t. 9
v. 15.	748. t. 22
v. 19.	359. t. 14

C. XXXIII. v. 15.	222. t. 2
-------------------	-----------

JOSUE.

C. V. v. 14.	625. t. 22
C. X. v. 15.	106. t. 7

JUDICES.

C. V. v. 20.	500. t. 10
--------------	------------

Cap. XVII. Vers. 3. Pag. 205. Th. 19	
I. SAMUELIS.	

C. II. v. 30.	349. t. 13
C. XIII. v. 13.	251. t. 11. & 349
t. 13.	
C. XVI. v. 14.	374. t. 15
C. XXIII. v. 11. 12.	238. t. 15
C. XXVIII. v. 12.	605. t. 7

II. SAMUELIS.

C. I. v. 14.	106. t. 7
C. VIII. v. 2.	573. t. 13
C. XII. v. 8.	239. t. 17
v. 11. 12.	721. t. 4
C. XVI. v. 10.	579. t. 25
C. XXIV. v. 13.	87. t. 23
v. 24.	87. t. 22

I. REGUM.

C. VIII. v. 24.	218. t. 9
C. IX. v. 28.	89. t. 25
C. XIV. v. 19. 20.	106. t. 7
C. XXI. v. 27. 28.	754. t. 8
C. XXII. v. 10.	722. t. 6
v. 19.	614. t. 3
v. 22. 374. t. 15. & 579. t. 25	

II. REGUM.

C. II. v. 1. 11.	649. t. 11
v. 9.	338. t. 20
C. VI. v. 18.	41. t. 9
C. VIII. v. 26.	87. t. 25
C. XIII. v. 19.	239. t. 17
C. XXI. v. 8.	87. t. 24

I. CHRONICORUM.

C. III. v. 17.	84. t. 16
v. 19.	84. t. 17
C. XXI. v. 12.	87. t. 23
C. XXIX. v. 29.	107. t. 7

II. CHRON.

C. V. v. 30.	600. t. 5
C. VIII. v. 18.	89. t. 27
C. IX. v. 29.	107. t. 7

Cap.

INDEX LOCORUM S. SCRIPTURÆ.

Cap. XXII. Vers. 2. Pag. 87. Th. 25	Pf. LXXVIII. V. 39. Pag. 538. T. 25	
C. XXXII. v. 31. 570. t. 11	Pf. LXXXI. v. 13. 569. t. 5	
C. XXXVI. v. 9. 87. t. 19	v. 14. 15. 239. t. 17. & 253	
NEHEM.		
C. IX. v. 6. 549. t. 3. & 552. t. 2	Pf. XC. v. 4. 224. t. 13	
JOBUS.		
C. IV. v. 18. 378. t. 14	v. 10. 361. t. 26	
C. VII. v. 1. 355. t. 5	Pf. CII. v. 26. 225. t. 3	
v. 7. 538. t. 23	Pf. CIII. v. 20. 614. t. 3	
C. XL v. 7. 214. t. 5	Pf. CIV. v. 3. 494. t. 10	
C. XII. v. 16. 17. 581. t. 30	v. 28. 29. 30. 474. t. 4. 542. t. 7	
C. XIV. v. 1. 697. t. 9	Pf. CVI. v. 38. 699. t. 16	
v. 4. <i>ibid.</i> t. 9	Pf. CX. v. 1. 302. t. 7	
v. 5. 355. t. 5	Pf. CXV. v. 3. 231. t. 16	
C. XV. v. 15. 373. t. 14	v. 16. 550. t. 6	
C. XXVI. v. 8. 494. t. 10	v. 17. 537. t. 17	
C. XXXIII. v. 23. 620. t. 10	Pf. CXIX. v. 105. 160. t. 8	
C. XXXVIII. v. 6. 7. 596. t. 10	Pf. CXXXIX. v. 7. 8. 218. t. 9	
v. 28. 528. t. 7	Pf. CXLV. v. 3. 214. t. 5	
PSALMI.		
Pf. II. v. 7. 323. t. 8	v. 15. 16. 549. t. 3	
Pf. XIV. v. 1. 197. t. 19	Pf. CXLVI. v. 4. 533. t. 7	
Pf. XIX. v. 1. 8. t. 6	Pf. CXLVIII. v. 2. 614. t. 3	
Pf. XIX. v. 6. 120. t. 15	v. 4. 495. t. 11	
v. 8. 9. 153. t. 16	PROVERBIA.	
v. 9. 160. t. 8	C. VIII. v. 22. 324. t. 10	
v. 14. 712. t. 9	C. XVI. v. 1. 554. t. 6. & 574. t. 17	
Pf. XXII. v. 17. 86. t. 20	v. 4. 384. t. 25	
Pf. XXIV. v. 7. 204. t. 15	v. 33. 550. t. 8	
Pf. XXX. v. 10. 537. t. 17	C. XXVIII. v. 14. 415. t. 17	
Pf. XXXIII. v. 6. 303. t. 8	ECCLESIASTES.	
Pf. XXXIX. v. 5. 6. 355. t. 6	C. III. v. 1. 2. 356. t. 7	
v. 14. 537. t. 17	v. 18. 19. 536. t. 16	
Pf. XLV. v. 8. 311. t. 5	C. VII. v. 17. 358. t. 15	
v. 8. 302. t. 7	v. 29. 514. t. 10	
Pf. XLIX. v. 2. 506. t. 9	C. IX. v. 1. 2. 415. t. 15. & 537. t. 16	
Pf. LI. v. 7. 697. t. 10	C. XII. v. 9. 527. t. 4. & 533. t. 7	
Pf. LV. v. 24. 358. t. 14	v. 13. 176. t. 27	
Pf. LXVIII. v. 1. 204. t. 15	ISAIAS.	
Pf. LXIX. v. 29. 409. t. 20	C. V. v. 4. 234. t. 29	
	C. VI. v. 3. 304. t. 11. & 602	
	t. 9. & 614. t. 3. 4	

INDEX LOCORUM S. SCRIPTURÆ.

Cap. VII. Vers. 14. Pag. 311. Th. 5	Cap. XVIII. Vers. 20. Pag. 657. T. 7
C. VIII. v. 20. 153. t. 18	& 688. t. 27.
C. IX. v. 1. 168. t. 13	v. 23. 253. t. 18
v. 6. 120. t. 16	v. 31. 745. t. 21
v. 5. 311. t. 5	C. XX. v. 25. 581. t. 31
C. X. v. 5. 6. 7. 574. t. 19	C. XXI. v. 24. 26. 575. t. 17
C. XXIX. v. 13. 153. t. 18	C. XXXIII. v. 11. 449. t. 33
C. XXXIV. v. 16. 107. t. 8	C. XXXVI. v. 26. 742. t. 14
C. XXXVIII. v. 1. 358. t. 13	C. XXXVII. v. 1. 168. t. 13
C. XLIV. v. 7. 24. 477. t. 3	C. XLVIII. v. 35. 204. t. 13
v. 25. 498. t. 5	DANIEL.
C. XLV. v. 7. 474. t. 4	C. I. v. 17. 501. t. 17
v. 12. 477. t. 3	C. II. v. 28. 498. t. 6
C. XLVIII. v. 12. 253. t. 17	C. X. v. 5. 6. 712. t. 9
C. LXI. v. 1. 2. 3. 304. t. 10	v. 13. 616. t. 8
C. LXIII. v. 7. 8. 9. 303. t. 9	C. XII. v. 1. 612. t. 9
JEREMIAS.	v. 4. 161. t. 16
C. IV. v. 10. 581. t. 29	HOSEAS.
C. VII. v. 29. 570. t. 12	C. I. v. 2. 77. t. 27
C. X. v. 11. 12. 478. t. 4	v. 7. 302. t. 7
C. XVII. v. 9. 10. 231. t. 15. &	C. VI. v. 7. 634. t. 8
600. t. 5	C. XII. v. 4. 625. t. 22
C. XVIII. v. 7. 227. t. 12	JONAS.
v. 11. 346. t. 9	C. II. v. 5. 754. t. 8
C. XX. v. 7. 580. t. 29	v. 11. 579. t. 25
C. XXIII. v. 5. 6. 311. t. 5. & 413. t. 10	C. IV. v. 11. 699. t. 16
v. 6. 121. t. 16	MICHÆAS.
v. 24. 218. t. 9	C. V. v. 2. 326. t. 13
C. XXXI. v. 29. 688. t. 27	HABAC.
v. 33. 413. t. 10	C. I. v. 13. 262. t. 11. & 655. t. 4
v. 34. 65. t. 9	HAGGÆUS.
v. 35. 632. t. 3	C. II. v. 11. 177. t. 28
C. XXXII. v. 23. 750. t. 38	ZACHARIAS.
C. XXXIII. v. 16. 204. t. 16	C. I. v. 12. 619. t. 9
EZECHIEL.	C. II. v. 3. 602. t. 9
C. I. v. 15. 16. 541. t. 5	C. III. v. 2. 612. t. 9
C. II. v. 10. 167. t. 9	C. IX. v. 9. 121. t. 18
C. III. v. 6. 239. t. 16	C. XII. v. 1. 527. t. 5
C. XIV. v. 9. 581. t. 29	MALA-

INDEX LOCORUM S. SCRIPTURÆ.

MALACHIAS.

C. I. v. 1. 2. 3. 4. 19. t. 3. & 424. t. 19	
v. 7.	225. t. 3
C. II. v. 7.	177. t. 28
C. III. v. 1.	311. t. 5
C. IV. v. 5. 648. t. 9. & 649. t. 11	

SYRACIDES.

C. X. v. 14.	667. t. 13
C. XV. v. 14.	750. t. 35
C. XVIII. v. 1.	489. t. 3
C. XLIV. v. 16.	647. t. 8

TOBIAS.

C. XII. v. 15.	621. t. 12
----------------	------------

MATTHÆUS.

C. I. v. 12.	86. t. 16
v. 13.	86. t. 17
v. 16.	85. t. 13
v. 20.	606. t. 2
C. II. v. 2.	500. t. 13
v. 23.	107. t. 11
C. III. v. 10.	623. t. 17
v. 16. 294. t. 7. & 334. t. 8	
v. 17. 327. t. 14. & 331. t. 28	
C. IV. v. 10.	623. t. 17
C. V. v. 18.	105. t. 4
v. 22. 23.	660. t. 17
C. VI. v. 13. 122. t. 22. & 580. t. 28	
C. VII. v. 2.	164. t. 8
C. X. v. 28. 356. t. 8. & 533. t. 7	
v. 29.	549. t. 4
C. XI. v. 13.	110. t. 12
v. 14.	648. t. 9
v. 25.	424. t. 20
C. XII. v. 31. 713. t. 1. 2. & 717. t. 13	
v. 36.	658. t. 10
C. XIII. v. 11.	14. t. 13
v. 20.	715. t. 8
C. XV. v. 4. 9.	153. t. 18
C. XVI. v. 16.	327. t. 14

Cap. XVII. Vers. 11. Pag. 648. T. 9

C. XVIII. v. 7.	177. t. 30
v. 10.	617. t. 13
C. XIX. v. 4. 5.	505. t. 6
v. 17. 208. t. 4. & 320. t. 39	
v. 28.	172. t. 8
C. XXII. v. 32.	532. t. 6
C. XXIII. v. 2.	177. t. 29
v. 8.	66. t. 12
v. 37.	255. t. 12
C. XXIV. v. 24.	404. t. 9
v. 29.	501. t. 15
C. XXV. v. 41.	599. t. 9. & 608. t. 2

C. XXVII. v. 9.	89. t. 28
C. XXVIII. v. 18.	277. t. 3
v. 19. 294. t. 8. & 334. t. 7	

MARCUS.

C. I. v. 1.	112. t. 21
C. III. v. 29.	717. t. 13
C. XIII. v. 32.	315. t. 8

LUCAS.

C. I. v. 37.	273. t. 16
v. 35.	331. t. 27
C. II. v. 13. 14.	614. t. 3.
C. III. v. 36.	84. t. 12
C. IV. v. 31.	41. t. 10
C. VI. v. 32. 33.	748. t. 27
v. 41.	661. t. 18
C. VII. v. 30.	349. t. 12
C. X. v. 18.	375. t. 20
v. 20.	406. t. 13
C. XII. v. 7.	549. t. 4
v. 47.	712. t. 7
v. 49.	620. t. 11
v. 54. 55.	501. t. 14
C. XV. v. 10.	600. t. 2
C. XVI. v. 29. 109. t. 5. & 172. t. 8	
C. XIX. v. 40.	239. t. 16

Ddddd

Cap.

INDEX LOCORUM S. SCRIPTURÆ.

Cap. XX. Vers. 35. Pag. 523. Th. 8

C. XXIII. v. 43. 649. t. 13

C. XXIV. v. 39. 40. t. 6

v. 45. 161. t. 14

JOHANNES.

C. I. v. 1. 312. t. 7. & 314. t. 14

v. 3. 316. t. 22. & 479. t. 8

v. 14. 18. 327. t. 15

C. III. v. 5. 698. t. 11

v. 13. 315. t. 16

v. 16. 446. t. 29. 30

v. 36. 432. t. 10

C. V. v. 17. 318. t. 28. & 530. t. 11

& 541. t. 5

v. 26. 315. t. 20

v. 39. 110. t. 9. & 162. t. 18

C. VI. v. 70. 410. t. 24

C. VII. v. 39. 338. t. 23

C. VIII. v. 34. 739. t. 9

v. 44. 663. t. 5

v. 47. 425. t. 21

v. 58. 314. t. 15

C. IX. v. 3. 699. t. 18

C. X. v. 30. 318. t. 29

v. 36. 331. t. 28

C. XI. v. 11. 538. t. 24

v. 41. 316. t. 23

v. 50. 575. t. 17

C. XIII. v. 2. 574. t. 16

& 604. t. 4

C. XV. v. 19. 379. t. 15

v. 26. 296. t. 12

C. XVI. v. 12. 155. t. 24

v. 13. 334. t. 6

v. 18. 162. t. 19

C. XVII. v. 17. 410. t. 24

v. 3. 25. t. 9. & 289. t. 7

299. t. 25

v. 5. 314. t. 15

v. 21. 296. t. 10

Cap. XX. Vers. 30. Pag. 154. Th. 21

ACTA.

C. II. v. 3. 334. t. 8

v. 36. 319. t. 31

C. III. v. 12. 479. t. 7

C. IV. v. 28. 577. t. 21

C. V. v. 3. 335. t. 9

C. VII. v. 4. 90. t. 19

v. 14. 91. t. 30

v. 16. 92. t. 31

v. 22. 501. t. 17

C. X. v. 34. 35. 448. t. 32

v. 31. 749. t. 30

C. XII. v. 15. 617. t. 14

C. XIII. v. 33. 323. t. 8

v. 48. 395. t. 13

C. XIV. v. 16. 17. 443. t. 24

v. 17. 12. t. 6

C. XV. v. 9. 753. t. 4

v. 18. 230. t. 12

& 345. t. 3

C. XVII. v. 26. 504. t. 3

v. 26. 356. t. 7. & 444

358. t. 24

v. 28. 211. t. 7

v. 23. 24. 8. t. 6. & 754. t. 5

v. 26. 356. t. 7

v. 27. 196. t. 7

v. 28. 552. t. 2. & 554. t. 7

C. XIX. v. 3. 295. t. 8

C. XX. v. 27. 433. t. 6

v. 28. 313. t. 10

C. XXIII. v. 8. 395. t. 4

EPISTOLA AD ROMANOS.

C. I. v. 4. 323. t. 8

v. 21. 22. 52. t. 9

v. 24. 25. 26. 574. 15. & 721.

t. 5.

v. 19.

INDEX LOCORUM S. SCRIPTURÆ.

v.19.20.8.1.6.&12.17.&62
t.5
C.II.v.4 15.t.13
v.14.15.7.t.5.&15.14.15
&196.t.6.&748.t.28
v.16. 431.t.8
C.III.v.8. 582.t.33
C.IV.v.4. 636.t.16
v.18.19. 414.t.13
C.V.v.13. 508.t.17.&680.681.
t.16.&698.t.13.
v.13. 508.t.17
C.VI.v.23. 522.t.5.&657.t.7
C.VII.v.14. 754.t.4
C.VIII.v.1. 705.t.23
v.6. 704.t.18
v.29. 330.t.20.&367.
t.8.&394.t.11.&399.
t.27.&405.t.10
v.29. 390.t.17
v.34.35. 618.t.3
v.38. 415.t.13
C.IX.v.2. 409.t.19
v.3. 312.t.9
v.11.12. 699.t.16.&419
t.3
v.17. 384.t.27
v.18. 423.t.17
v.21.22. 380.t.17.&19
C.X.v.4. 112.t.19
v.11.12. 448.t.32
v.17. 102.t.22
C.XI.v.23. 410.t.25
v.24. 367.t.8
v.29. 403.t.6
v.7. 406.t.12
v.32. *ibid.*
v.36. 211.t.7
C.XII.v.1. 28.t.8
C.XIV.v.1. 55.t.6

v.23. 753.t.4
C.XV.v.4. 109.t.7

I. AD CORINTH.

C.II.v.12. 414.t.11
v.14. 35.t.14.&37.
t.5.
v.8. 719.t.20
v.9. 401.t.34
v.10. 336.t.13
C.III.v.9. 749.t.32
v.11. 54.t.4.6
v.15. 659.t.15
v.16. 336.t.12
C.IV.v.6. 154.t.18
v.7. 744.t.20
C.V.v.5. 574.t.15
C.VI.v.13. 523.t.8
v.17. 296.t.10
C.VII.v.10. 77.t.25
v.14. 700.t.20
v.37. 727.t.2
C.VIII.v.5.6. 320.t.38
C.IX.v.9. 549.t.5
v.27. 408.t.17
v.24. 215.t.10
C.X.v.2. 295.t.8.
v.31. 754.t.4
C.XI.v.7. 512.t.2
v.10. 617.t.15
v.30. 538.t.24
C.XII.v.4.5. 335.t.11.&297.
t.13
v.11. 333.t.4
C.XIII.v.1. 602.t.9
v.14. 162.t.17
C.XV.v.10. 749.t.33
v.22. 448.t.32.&683.
t.18

INDEX LOCORUM S. SCRIPTURÆ.

v. 44. 45.	503. t. 3. 4. & 524. t. 11
v. 45. 46.	645. t. 16
v. 47.	122. t. 21
v. 50.	645. t. 17
C. XVI. v. 15.	395. t. 13

II. AD CORINTH.

C. III. v. 3.	743. t. 14
v. 6. 7.	582. t. 31
C. IV. v. 4.	574. t. 15
v. 3.	160. t. 9
C. V. v. 15.	689. t. 28
v. 19.	447. t. 30
C. X. v. 4.	44. t. 11
v. 5.	35. t. 15
C. XI. v. 3.	666. t. 8
C. XIII. v. 13.	296. t. 11

AD GALATAS.

C. I. v. 8.	152. t. 15
C. II. v. 12.	77. t. 24
C. III. v. 10.	658. t. 8
C. VI. v. 16.	105. t. 2

AD EPHESIOS.

C. I. v. 4.	373. t. 16. & 388.
t. 10. & 394. t. 12	
v. 10.	373. t. 15
v. 21. 22.	ibid. t. 12
C. II. v. 1.	740. t. 11
v. 2.	604. t. 4
v. 3.	698. t. 12
v. 8.	752. t. 40
v. 12.	197. t. 12. & 755. t. 10
v. 20.	98. t. 10. & 109. t. 6
C. III. v. 10.	600. t. 2
C. IV. v. 30.	414. t. 11
C. V. v. 4. 5.	661. t. 19
v. 8.	743. t. 15
v. 14.	745. t. 21

AD PHILIPP.

Cap. II. Vers. 6. Pag. 313. Thes. 11	
v. 12.	415. t. 17
C. III. v. 12.	215. t. 10
v. 15.	55. t. 6
C. IV. v. 3. 4.	406. t. 13

AD COLOSS.

C. I. v. 15.	320. t. 37. & 328. t. 17
& 330. t. 20. & 511. t. 2	
v. 16. 17.	595. t. 6. & 612. t. 8.
v. 18.	330. t. 20
v. 20.	373. t. 15
v. 28.	458. t. 47
C. II. v. 8.	51. t. 8
v. 9.	315. t. 20
C. III. v. 10.	512. t. 2. & 514. t. 11
v. 11.	448. t. 32
v. 15.	511. t. 2. & 512. t. 4
C. IV. v. 16.	109. t. 9

I. AD THESSAL.

C. IV. v. 13.	538. t. 24
v. 16.	612. t. 10
C. V. v. 9.	389. t. 10
& 439. t. 14	

II. AD THESSAL.

C. II. v. 9. 11.	574. t. 15
v. 11.	721. t. 5
v. 15.	155. t. 25
v. 13.	395. t. 15

I. AD TIMOTH.

C. I. v. 6.	46. t. 23
v. 13.	711. t. 5
v. 20.	574. t. 15
Cap.	

INDEX LOCORUM S. SCRIPTURÆ.

Cap. II. Vers. 4. Pag. 450. Th. 34

v. 5. 619. t. 4

v. 14. 666. t. 8

C. III. v. 6. 663. t. 6

v. 15. 103. t. 25

C. V. v. 22. 370. t. 2

v. 6. 741. t. 11

C. VI. v. 3. 287. t. 23

v. 16. 521. t. 2

v. 20. 155. t. 23. & 287. t. 24

II. AD TIMOTH.

C. I. v. 9. 389. t. 12

v. 13. 286. t. 22

C. II. v. 19. 367. t. 8. & 403. t. 7

v. 21. 401. t. 34

C. III. v. 15. 16. 151. t. 13. 14

AD TITUM.

C. I. v. 1. 395. t. 14

C. II. v. 11. 12. 418. t. 32

v. 13. 312. t. 9

C. III. v. 4. 454. t. 40

AD HEBRÆOS.

C. I. v. 3. 328. t. 17. & 552. t. 2

v. 2. 204. t. 18. & 319. t. 32

v. 6. 330. t. 20

v. 14. 615. t. 8

C. II. v. 4. 338. t. 19

C. III. v. 3. 4. 317. t. 24

C. IV. v. 13. 230. t. 13

C. VI. v. 1. 2. 54. t. 4

v. 4. 5. 719. t. 18

v. 6. 717. t. 15

C. VII. v. 9. 530. t. 16. & 687

t. 25.

C. VIII. v. 13. 111. t. 14

v. 6. 645. t. 13

C. IX. v. 7. 711. t. 5

Cap. X. Vers. 1. Pag. 111. Th. 15

v. 26. 712. t. 7. & 11. &

716. t. 10

C. XI. v. 3. 475. t. 8

v. 17. 328. t. 15

v. 6. 16. t. 20. & 399. t. 25

& 26

v. 31. 749. t. 30

C. XII. v. 19. 527. t. 6

v. 23. 406. t. 13

C. XIII. v. 2. 203. t. 10

v. 17. 183. t. 14

JACOBI.

C. I. v. 13. 569. t. 4. & 580. t. 28

v. 14. 653. t. 6

v. 15. 659. t. 14. & 705.

t. 22

v. 17. 225. t. 3

C. II. v. 5. 399. t. 28

v. 10. 658. t. 9

C. III. v. 9. 674. t. 3

I. PETRI.

C. I. v. 8. 415. t. 14

v. 12. 600. t. 3

v. 17. 415. t. 17

C. II. v. 7. 418. t. 1

v. 8. 425. t. 21. & 439. t. 14

C. III. v. 19. 534. t. 9

v. 22. 372. t. 12

C. IV. v. 14. 527. t. 6

II. PETRI.

C. I. v. 4. 209. t. 5. & 512. t. 4

v. 10. 407. t. 16

v. 19. 109. t. 5

v. 20. 47. t. 30

v. 21. 178. t. 33

C. II. v. 4. 375. t. 20

Dddd 3 Cap.

INDEX LOCORUM S. SCRIPTURÆ.

Cap. III. Vers. 9. Pag. 454. T. 39
v. 15. 161. t. 15

I. JOHAN.

C. II. v. 1. 2. 618. t. 3
v. 2. 447. t. 30
v. 27. 65. t. 9
v. 23. 289. t. 8
C. III. v. 4. 651. t. 3. 4. 5
v. 8. 662. t. 2
C. V. v. 6. 100. t. 13
v. 7. 295. t. 9
v. 16. 17. 659. t. 16. &
717. t. 13
v. 20. 289. t. 7. & 312. t. 8

JUD.

v. 6. 663. t. 5. & 664. t. 8
v. 9. 612. t. 9
v. 14. 107. t. 10

APOC.

C. I. v. 4. 337. t. 15. & 625. t. 13
C. II. v. 7. 640. t. 4. 641. t. 6. &
649. t. 13
v. 17. 413. t. 10
C. III. v. 14. 320. t. 37
v. 20. 750. t. 34
C. V. v. 1. 161. t. 16. & 167. t. 9
C. VI. v. 11. 534. t. 9
C. VIII. v. 3. 620. t. 11
C. XI. v. 3. 648. t. 10
C. XII. v. 9. 10. 375. t. 20
v. 7. 669. t. 9
C. XIII. v. 8. 406. t. 13
C. XIV. v. 13. 525. t. 12
v. 18. 615. t. 6
C. XVI. v. 5. 615. t. 6
C. XIX. v. 10. 622. t. 16
C. XX. v. 10. 14. 375. t. 21
C. XXII. v. 2. 641. t. 6
v. 19. 409. t. 20

INDEX

I N D E X

R E R U M E T V E R B O R U M

M E M O R A B I L I U M,

Quæ hîc occurrunt.

A

Abrahamus quo anno Tharz natus sit, & quo profectus in Canaan.

Pagina 90. Th. 29

quo sensu dicatur emisse monumentum à filiis Emmor 92. t. 37

Abrahami tentatio quænam fuerit 580. t. 28

Absolutum quot modis dicatur 411. t. 11

an absolutum sit Reprobationis decretum 418. 419. &c.

Achazias quomodo dicatur cœpisse regnare in lib. Regum an. 21.

& in lib. Chron. 2. 42. varii conciliationis modi afferuntur 87. t. 25

Actio spectatur vel physice vel materialiter 562. t. 16

nulla datur actio essentialiter mala 563. t. 17

quo sensu actio sit potius causa principalis, quàm instrumentalis 577. t. 24

Actus divini quotuplices sint 342. t. 4

Actus duplex reprobationis, positivus & negativus 419. t. 4

Adamum fuisse primum hominem probatur contra Præadamitas. 503. t. 2. 3. &c. seq.

an conditus sit in puris naturalibus. 509. t. 1. 1

in quo consistat imago Dei ad quam conditus est Pag. 511. t. 1. 2
ejus sapientia in variis eluxit 516. t. 19

cum habuisse immortalitatem, probatur contra Socinum. 521. t. 1

quænam fuerit ejus libertas in statu integritatis 627. t. 6. 7

an habuerit vires credendi in Christum 629. t. 1. 2. 3. &c.

an fœdus cum illo Deus pepigerit & quale 632. t. 1. 2

an aliquid potuerit mereri 636. t. 17

an habuerit promissionem vitæ æternæ & cœlestis, asseritur 642. 643. &c.

quodnam fuerit primum peccatum, an infidelitas, an superbia 665

quomodo labi potuerit, & quænam vera lapsus causa fuerit 668. 669

quomodo Providentia circa illum versata sit 671. t. 13. 14. &c.

an per lapsum suum amiserit Dei imaginem 674

an actualis ejus inobedientia imputetur omnibus ejus posteris 676. 677. &c.

an fuerit persona privata quum peccavit, annon publica & re-
pra-

INDEX RERUM & VERBORUM.

præsentativa	678. t. 11. 12.	quis modus	601
quomodo in Adamo omnes moriuntur	683. t. 18.	quænam communicatio mutua	602. t. 9.
<i>Æternitas</i> absoluta & secundum quid	222. t. 1. 2.	qualis sit voluntas, & quodnam liberum arbitrium	<i>ibid.</i>
absoluta Deo competit	<i>ibid.</i> t. 3.	quanta sit eorum potentia in corpora, & in animas	603. t. 2. 3. 4.
<i>Æternitas</i> excludit successione secundum prius & posterius	<i>ibid.</i> t. 1. 2. & c.	an possint suscitare mortuos, & substantias producere	604. 605.
<i>Æternitas</i> Decretorum Dei probatur	344. t. 1. & c.	quales fuerint eorum apparitiones, & quænam corpora assumerint	605. t. 3.
<i>Allegoria</i> , alia est innata, alia illata	166. t. 7.	an detur ordo inter ipsos, & quis sit	608. t. 2.
allegoricus sensus quis sit	166. t. 1.	commentum Hierarchiæ cœlestis Pseudo-Dionysii refutatur	611. 612.
<i>Americani</i> non carent omni cognitione Dei	9. t. 9.	quare Throni & Dominationes vocentur	<i>ibid.</i> t. 8.
<i>Amoris</i> Dei varii gradus	267. t. 4.	quare Deus utatur ministerio Angelorum	613.
quotuplex sit erga fideles, benevolentia, beneficentia, complacentia	<i>ibid.</i> t. 5.	eorum officium tum respectu Dei, tum inter se, tum respectu mundi & hominum, tam bonorum quam malorum	614.
alia ratio amoris benevolentia & complacentia	398. t. 25.	an detur Angelus custos unicuique	616. t. 9. 10.
<i>Anagoge</i> non facit sensum diversum	165. t. 1. & 166. t. 6.	an Angeli sint intercessores nostri	618. t. 3. & c.
<i>Analogia</i> fidei quænam sit	169. t. 18.	qualis honor illis debeatur, & an cultus religiosus illis sit deferendus, negatur c. Pontificios	621.
<i>Angeli</i> vox sæpe increatum notat	203. t. 7.	de lapsu Angelorum, Quodnam fuerit eorum peccatum, & quàm grave	662. 663. & c.
<i>Angelorum</i> nomina varia	594. t. 2.	quare casus eorum sit irreparabilis	374. t. 18.
dari Angelos probatur	<i>ibid.</i> t. 3.	de eorum Prædestinatione	369.
& creatos esse in principio	595. t. 5. 6. & c.	quales Deo sint obversati	370.
esse substantias spirituales & incorporeas	597.		an
quid de eorum loco censendum	598. t. 7.		
qualis sit eorum cognitio, & quotuplex	599. t. 2.		
quodnam ejus objectum	600. t. 3. 4.		

INDEX RERUM & VERBORUM.

an boni sint electi in Christo [372](#)
t. [9. 10](#)
an possit dici eorum Mediator &
Caput [372. t. 9. 12](#)
qualis sit eorum reprobatio tam
quoad actum negativum, quàm
positivum [374. t. 17. 18](#)
Anima creatio probatur [525. 526](#)
527
sententia de Traduce refutatur
[528. t. 2. 8. 9](#)
quomodo Imago Dei sit in Ani-
mæ substantia [513. t. 2](#)
ejus immortalitas demonstratur
[531. 532. &c.](#)
ejus spiritualitas, & independen-
tia à corpore *ibid.*
quomodo anima separata possit
operari [537. t. 19. 20](#)
quomodo animæ fuerint in Ada-
mo [708. t. 10](#)
quid sit anima pura, non pura, &
impura *ibid.* t. 8
quomodo possit dici infici à cor-
pore [709. t. 15](#)
Annus sacer & civilis apud Ju-
dæos [486. t. 4](#)
quâ Anni tempestate Mundus sit
conditus, Vere an Autumno,
posterius asseritur [485. &c.](#)
Apocryphi Libri cur ita vocentur
[112. t. 1](#)
cur à Canone excludantur [113. 114](#)
characteres eorum varii *ibid.*
quo sensu vocem Apocryphi Au-
gustinusumat, & quo Hiero-
nymus [115. t. 2](#)
Apostoli non tenebantur singuli
scribere, ut tenebantur prædica-
re [67. 68](#)

non debuerunt scribere Catechis-
mum, aut Librum aliquem com-
munem *ibid.*
fuerunt infallibiles in fide, non in
moribus [77. t. 24](#)
Apostolicum Symbolum cur ita di-
ctum [59. t. 22](#)
quomodo sit character articulo-
rum fundamentalium [55. t. 22](#)
Aquarum divisio [494. t. 10](#)
Aque superiores non sunt super-
celestes, sed nubes [494. 495](#)
quænam fuerit collectio aquarum
inferiorum *ibid.* t. 12
Arbitrii liberi, seu *ἀνεξαρτήτου*
an retinenda [727. t. 2. 3](#)
ratio formalis ejus non est posita
in indifferentia, sed in lubentia
rationali [734. t. 5](#)
rectè dicitur servum in statu pec-
cati [731. t. 8. & 739. t. 9](#)
nullas dari vires ejus ad bonum in
statu peccati probatur [737](#)
duo ejus præcipui characteres
ὑπεράνω & *ἐξάνω* [735. t. 10](#)
Arbor scientiæ boni & mali unde
dicta, & quare [637. t. 3](#)
Arbor vitæ unde dicta [639. t. 2. 3](#)
cur Adamo sit data [524. t. 10](#)
quomodo sit typus Christi [640](#)
t. 6
Articulus fundamentalis quid sit
& quotupliciter sumatur [54. t. 4. 5](#)
quinam peccarint in excessu &
defectu circa articulos funda-
mentales *ibid.* t. 1. 2
quænam eorum sint criteria [58](#)
59
quomodo alii plures, alii paucio-
res constituent, & de eorum
Eccce numero

INDEX RERUM & VERBORUM.

- numero 60. t. 24. 25
- Articuli* positivi & negativi quomodo ex Scriptura probentur 43. t. 6
- Astrorum* creationis multiplex finis, distinctio diei & noctis, tempestatum notatio, & influxus communicatio 496. t. 14
- qualia signa sint, an naturalia, & mystica tantum, an etiam prognostica eventuum futurorum, quod negatur 497. t. 4. 5. &c.
- quid sit Astrologia judiciaria *ibid.* t. 1
- probatur non dari 498. &c.
- Athei* quotuplices sint, speculativi, practici, directi, & indirecti 194. t. 2. 3
- an dentur propriè dicti 195. &c.
- nullos dari probatur 196. &c.
- quomodo Athei dicti sint Gentiles 197. t. 12
- quinam dicti sint apud Veteres *ibid.* t. 13
- Attributa divina* quid sint, & quomodo Deo tribuantur 205 t. 1. 2. 3
- quomodo distinguantur ab essentia, non realiter, sed virtualiter, & eminenter 206. t. 5. 6. &c.
- quomodo de se invicem prædicentur in sensu identico, sed non in sensu formali 207. t. 11
- quid sint attributa communicabilia & incommunicabilia 208 t. 2. 3
- communicabilia non dicuntur de Deo & creaturis univocè, sed analogicè *ibid.* t. 4
- Quid sit *Autoritas Scripturae* & quotuplex, intrinseca, extrinseca, historiarum, & normæ, asseritur contra Atheos ex ejus notis 69. 70. &c.
- authoritas Testimonii Prophetici, & Apostolici demonstratur 72 t. 14. 15. &c.
- authenticia Librorum Moysi adstruitur 74. t. 18. &c.
- an ferenda sit distinctio Auctoritatis quoad se, & quoad nos 96. t. 2. 3
- authenticum scriptum quid sit, & quotupliciter spectetur 124 t. 3. 4. 5.
- authenticia Editionum 123. t. 1. 2
- Auxilium* duplex, sine quo non, & quo; quid differant, & quodnam datum sit Adamo 667. t. 7
- B
- Baptizari* in nomine Dei quid importet 295. t. 8
- baptizari in Moysen quid sit *ibidem.*
- quomodo id Baptismo Christi Trinitas se revelaverit *ibid.* t. 7
- Benedictio* Sacerdotalis Trinitatem probat 304. t. 11
- aliud est benedici in Christo, aliud eligi in ipso 389. t. 11
- Bonitas Dei* quid sit, & quotuplex, generalis erga creaturas, specialis erga homines, specialissima erga fideles, ratio istius diversitatis 266. t. 2. 3
- solus Deus quomodo dicatur bonus 320. t. 39
- Bonum* civile, & morale externum potest utcumque præstari ab homi-

INDEX RERUM & VERBORUM.

mine irrogenito, sed non verum
bonum spirituale & internum

737. t. 3

sub Boni honesti idea fideles re-
cipiunt Evangelium, sed ~~omnes~~
~~omnes~~ sub idea boni utilis, aut
jucundi 715. t. 8

Brasilienses non carent omni co-
gnitione Dei 9. t. 9

C

Cainan Luc. 3. 36. esse suppositi-
tium probatur 84. t. 12

Calvinus Prædestinationis obje-
ctum asseruit esse hominem la-
psum 385. t. 30

non fecit Deum authorem pec-
cati 588. t. 10. 11. 12

imputationem peccati Adami
agnovit. 691. t. 41

quomodo potentiam absolutam
neget 271. t. 5

quo sensu vocem Trinitatis sepul-
tam esse velit 285. t. 17

vindicatur à Judaïsimo 300. t. 3

Canon quot modis sumatur, latè &
strictè 104. t. 1

quid sit Canon Dogmatum, &
Canon Librorum 105. t. 2

Canon fidei, & lectionis ecclesia-
sticæ differunt 114. t. 6. 7

an distinguendus sit Canon Ju-
deorum, & Christianorum 113
t. 3. & 115. t. 8

an aliquis Liber Canonicus pe-
rierit? Neg. 104. 105

quid sint apud Patres Libri Deu-
tero-Canonici 115. t. 9

Cathedra Moïsis quid sit 177. t. 29

Certitudo triplex, Mathematica,
Moralis, & Theologica 76. t. 22

certitudo electionis probatur
402. t. 1. &c.

certitudo salutis objectiva, & sub-
jectiva adstruitur 402. 410

certitudo subjectiva non semper
est in eodem gradu 412. t. 6. 7

non excludit, sed supponit media
416. t. 20. 21

nec est securitatis mater t. 22

certitudo finis non tollit necessi-
tatem mediorum 360. t. 19

Christi divinitas probatur 311. &c.

distinguitur à Deo hypostaticè,
non essentialiter 319. t. 33

est homo verus, licet non homo
merus ibid. t. 34

quomodo sit primogenitus Dei,
Mariæ, Creaturæ, & mortuorum
320. t. 37. & 329. t. 20

an quæ Mediator sit adorandus
318. t. 27

non est causa & fundamentum
Electionis, sed tantum medium
386. 387. &c.

quomodo possit dici Caput Ange-
lorum 372. t. 9. 10

quare vocetur Adam secundus &
novissimus 504. t. 4

missio Christi pendet ab Electio-
ne, non illi supponitur 463. t. 11.
& 467. t. 14. & 471. 472

non potest dici pro omnibus &
singulis missus, sed tantum pro
electis ipsi datis à Patre ibidem
& 467. t. 15

meruit nobis Spiritum S. & fidem
469. t. 17

Circulus quid sit, & quomodo Pon-
tifici in questione de Authori-
tate Scripturæ incurrant in il-

INDEX RERUM & VERBORUM.

lum, nos verò minimè 102. t. 24
Codex Hebraicus hodiernus Vet.
 Test. solus authenticus est 128.
 129. &c.
 an bene distinguatur *Codex* He-
 braicus in se à Codice hodierno
ibid. & 131. t. 7. 8
 Quid per *Calum* intelligatur,
 quod primo die creatum est 491.
 t. 3. 4
 an sub eo contineantur Angeli
ibidem t. 5
 quomodo Deus dicatur esse in
 celo 219. t. 13
 quid sint celorum virtutes 501
 t. 15
Communicatio alia formalis & essen-
 tialis, alia similitudinaria & ana-
 logica 208. t. 2
 alia in concreto, alia in abstracto
 209. t. 7
 quo sensu attributa Dei dicantur
 communicabilia 208. t. 4
Concilia non postulârunt confirma-
 tionem autoritativam à Papis
 absentibus, sed tantum frater-
 num assensum 177. t. 31
Concupiscentia quot modis sumat-
 ur 704. t. 19
 eam peccatum esse in renatis pro-
 batur 705. t. 21
 etiam quoad motus primo primos
 654. t. 5
Concursus Dei quotuplex sit, Physi-
 cus, moralis, mediatus, immidia-
 tus, per modum principii, & per
 modum actionis, simultaneus, &
 prævius 557. 558
Providentia non concurrat tan-
 tum generali & indifferente con-

cursum, sed particulari & specifi-
 co, non tantum simultaneo, sed
 etiam prævio 551. 553. 559. &c.
 quomodo possit conciliari cum
 contingentia & libertate causa-
 rum secundarum 564
 varii modi conciliationis afferun-
 tur, & verus adstruitur 565. 566
Consequeniarum usus in Theolo-
 gia 41. &c.
 dogmata fidei non tantum expres-
 so Dei Verbo, sed & per conse-
 quentias legitimè ex eo dedu-
 ctas probari posse probatur 42.
 43
 quarum consequentia admitten-
 dae sint 46. t. 19. 20
 quomodo sint opus rationis 47.
 t. 26
Contingens quotuplex sit, vel resp.
 causae primae, vel respectu causae
 secundae 229. t. 8
 futura contingentia cadunt sub
 scientiam Dei *ibid.* t. 7
 & sub providentiam 550. t. 8
 necessitas eventus non tollit con-
 tingentiam rerum 232. t. 24
Contradictionis Judicium an in re-
 bus fidei rationi humanae per-
 mittendum sit, & quomodo 36. 37
 an contradictiones verae sint in
 Scriptura? Neg. 80. 81. 82. &c.
 an omnipotentia se extendat ad
 ea quae implicant contradictio-
 nem? Neg. 272. t. 11. 12
Corpus modò opponitur phantaf-
 mati, & notat rem verè existen-
 tem, modò propriè innuit rem
 materialem 597. t. 5
 qualia corpora assumpta fuerint

INDEX RERUM & VERBORUM.

ab Angelis; & quid de illis factum sit 606. t. 3
Creatio quid sit 474. t. 3
 quot modis sumatur *ibid.* t. 45. 6
 non infert mutationem in Deo 476. t. 12. & 484. t. 13
 importat novitatem essendi 483. t. 9
 potentia creandi non est communicabilis creaturæ, vel principaliter, vel instrumentaliter 477
 quomodo creatio facta sit per Verbum 479. t. 8
 quænam virtutes Dei in creatione eluxerint 491. t. 2
 quo ordine opera Creationis sint producta *ibid.*
Criticas conjecturas an liceat facere in Textu Sacro 132. t. 10
Critica sacra Capelli à Viris Doctis rejecta 128. 132. & 134
Cultus religiosus soli Deo debitus, Christo & Spiritui Sancto tribuitur 317. t. 25. 26. & 237. t. 15
 non debet reddi Angelis 621. 622
 Cultus civilis vel causaliter; vel formaliter dicitur 625. t. 25

D

Decreta an dentur in Deo, & quomodo 341. 342
 quomodo identificentur cum Essentia, & quomodo ab ea differant 342. t. 7. 13. 14
 quomodo sint libera 212. t. 11. & 343. t. 13
 quomodo sint æterna 344. & c.
 nulla dantur conditionata à priori 347. & c.
 an decretum inferat necessitatem

rebus; & qualem 351. 352
 an libertatem tollat 352. t. 6. 8
Decretum electionis & reprobationis non potest stare cum gratia universalis 439
 an detur aliquis ordo in Decretis divinis 459
 quis statuatur à Supralapsariis 460
 quis ab Arminianis 461
 quis à Patronis Gratia Universalis 465
 quis communiter à Reformatis 471
Deservio Dei quotuplex sit, explorationis, correctionis, & judicii 570. t. 11. 12
 an propter eam Deus possit dici causa peccati? Neg. *ibid.*
 an Deus deservisse possit dici hominem in lapsu 672. t. 15
Deus est objectum Theologiæ 18. 19
 Dei existentia potest invictè demonstrari 186. 187. & c.
 datur cognitio ejus naturalis in omnibus, tum insita, tum acquisita 8. 9
 triplex via quâ cognitio Dei acquisita potest obtineri, eminentiæ, causalitatis, & negationis 146. t. 8
 an nomen in Deum cadat 201. t. 1
 de nomine Jehova Vide *Jehova*.
 quomodo differant proprietates Dei ab essentia, & inter se 205. 206
 de Æternitate Dei 222
 de ejus Immenfitate 216
 Infinitate 213

INDEX RERUM & VERBORUM.

Immutabilitate	225	economicum, & quomodo inter se differant	277. t. 3
Unitate	198	fundamentum ejus duplex, eminentia naturæ, & beneficiorum magnitudo	276. t. 2
Scientiâ	227	Dominium hominis est pars imaginis Dei, sed non tota	516. t. 2
Simplicitate	209	valde est imminutum per peccatum, sed non sublatum	517. t. 2
Voluntate, & variis ejus distinctionibus	243. 244	E	
Justitiâ vindicatrice	259	Ecclesia officium circa Scripturam multiplex, ut sit Custos, Vindex, Prætor, Interpres	99. t. 12
Bonitate, Amore, Gratia, & Misericordia	266	sed non potest esse supremus Judex controversiarum, quod probatur contra Pontificios	173. 173.
Potentia	270	Scripturæ autoritas non pendet ab ejus testimonio, nec quoad se, nec quoad nos	98. t. 10
Potestate & Dominio	276	quomodo dicatur columna & firmamentum veritatis	103. t. 25
Deus non potest esse causa peccati	569. t. 4	locus Augustini de Ecclesiæ autoritate exponitur	104. t. 26
Diaboli peccatum quodnam fuerit	662. 663	quid faciat circa Canonem Scripturæ	101. t. 20
gravitas illius, & quare sit irreparabile	374. t. 18	quomodo sit antiquior Scripturâ	100. t. 16
qualis fuerit ejus reprobatio, quoad duplicem ejus actum, negativum, & positivum	ib. t. 17. &c.	Editiones Scripturæ aliæ primariæ, & originales, aliæ secundariæ	123
varii gradus pœnæ ipsi inflicta	375. t. 20	sola Editio Hebræa V. T. & Græca N. est authentica	ibid. 124. &c.
quomodo fuerit tentationis Adam author	670. t. 8. 9	an in <i>ἐξέστης</i> sit de essentia peccati	652. t. 1. 2
quare voluerit uti serpente, & an fuerit verus serpens	ibid. t. 11	includitur in ratione formali libertatis	735. t. 10
quomodo agat in homines externè & internè eos tentando	574. t. 15	Electiois vox quid significet	366. t. 10
16. t.		qualis fuerit Electio Angelorum	
quomodo dicatur <i>ἐρεγγυῖν</i> in filiis rebellionis	604. t. 4		
quid sit <i>Disciplina</i> theoretica, & practica	23. t. 3		
<i>Distinctio</i> Personarum Trinitatis ab essentia, & inter se	306. t. 2		
attenditur & ratione ordinis, & proprietatum personalium, & operationum	308. 309		
<i>Dominium</i> Dei duplex, naturale &			

INDEX RERUM & VERBORUM.

371. t. 7
 an possint dici electi in Christo
 372. t. 9
 Christus non est causa & funda-
 mentum Electionis, sed medium
 386. 387
 quomodo dicamur electi in Chri-
 sto 388. t. 10
 an Electio facta sit ex praevisione
 fidei, aut bonorum operum? Neg.
 391. 392. *¶*
 an certa sit & immutabilis, affir-
 matur 403. 404
 quod tamen non excludit necessi-
 tatem mediorum 411
 an fidelis certis esse possit de Ele-
 ctione sua certitudine fidei, &
 non conjecturali tantum, sen-
 tentia partium proponitur, &
 vera de certitudine divina proba-
 batur 411. 412
Εμμελωπος quid significet apud
 Veteres 284. t. 13
 quis *Elias* dicatur venturus apud
 Malach. 648. t. 9
 an afferretur cum Enocho in pa-
 radiso, & an sit rediturus novis-
 simo die 646
Epistola ad Laodicenses quanam
 fuerit 107. t. 9
 quare Apostoli scripserint per
 Epistolas 68. t. 8
Error triplex, contra fundamentum,
 circa fundamentum, & præter
 fundamentum 56. t. 9
Error verbalis & realis 57. t. 12
Essentia quid significet in Divinis
 280. t. 3
 quomodo communicetur Perso-
 nis 292. t. 1

quomodo differat ab illis 306. t. 1
Ethnici non potuerunt salvari per
ἡ νόμος τῆ θεῆς 11. 12. 13. 14
 quomodo faciant quæ sunt Legis
 15. t. 16
 sententia quorundam Patrum, &
 Zwinglii de ipsorum salute 17.
 t. 21. 22
 virtutes ipsorum non fuerunt bo-
 na opera, sed splendida peccata
 16. t. 17. & 753
Expansum quid sit, & quot modis
 lumatur 494. t. 9

F

Fati nomen quid innuat, & quotu-
 plex sit 545. t. 2. 3
 quid sit fatum Physicum 546
 quid Mathematicum *ibid.* t. 4
 quid Christianum 547. t. 7
 an Providentia rectè dicatur fa-
 tum 548. t. 8
Fides in Deum, & Christum non
 differunt 16. t. 20
 Fidei amplitudo differt ab ejus
 necessitate 55. t. 5
 spectatur vel secundum gradum
 luminis, vel secundum mul-
 titudinem credendorum 57.
 t. 16
 non est conditio antecedens ele-
 ctionem, sed medium & effectus
 ejus 494. 495
 an Adamus habuerit fidem in
 Christum 629. 630
 Fidelis potest esse certus de ele-
 ctione sua, vide *Electio*.
Filius Dei est verus & æternus
 Deus Patri coessentialis, & coæ-
 ternus 310. 311
 an habeat principium 320. t. 36
 quo-

INDEX RERUM & VERBORUM.

quomodo possit dici *αὐτὸς Θεός* 321
 qualis sit aeterna ejus generatio 321. 322. &c.
 quomodo differat ab humana *ibid.* t. 5. & 331. t. 29.
 quo sensu dicatur Filius, & proprius Dei Filius unigenitus 327. t. 14. 15. 18. Filius Dei viventis 329. primogenitus Dei *ibid.* t. 20
 an *Fædus* possit dari inter Deum & hominem 632. t. 1
 latè & strictè sumitur *ibidem* t. 3
 quare duplex tantùm statuatur, Legale & Evangelicum 633. t. 4
 an fœdus naturæ cum Adamo initum sit *ibid.* t. 6
 quænam fuerint partes contractantes, & quænam pactio 635. t. 11. 12
 qualis debuerit esse obedientia t. 13
 & qualis sanctio 636. t. 15
 an homo potuerit mereri aliquid in isto fœdere *ibid.* t. 17
 de *Fontium* puritate 116. 117
 varia ejus argumenta 80. t. 8. & 117. t. 5
 quinam ex Pontificiis eam agnoscant, quinam oppugnent 117. t. 4. &c.
Fundamentum fidei sumitur vel incomplete, vel complexè, idque vel latè vel strictè 54. 55
 cur Electio fundamentum Dei dicatur 403. t. 7
 Error vel est contra, vel circa, vel præter fundamentum, vide *Error.*

G

Genealogia Mariæ cur à Luca referatur ad Josephum 83. t. 13
 quomodo conciliari possit Lucas cum Matthæo in *Genealogia* Christi *ibid.*
Græca Versiones sunt variae, præcipua τῶν 70. vide *Versio.*
 Editio Græca N. T. est sola authentica 125. t. 6
Gratia quid sit in Deo 268. t. 7
 quotupliciter sumatur t. 8
 quid sit gratia gratis data, & gratum faciens, præveniens & operans, cooperans & subsequens, decernens & exequens t. 8. 9
 quid de Gratia Universalis Arminiani, Lutherani, & Universalistæ statuatur, & quomodo inter se differant 435. 436. &c.
 nullam dari probatur 439. &c.

H

Habitu intellectualium distinctio unde oriatur 20. t. 3
 ad quemnam habitum Theologia referenda sit 21. t. 5. 6. &c.
 proximè accedere ad sapientiam probatur *ibid.* t. 7
 sola *Hebræa* Editio V. T. est authentica 125. t. 6. 7
 non potest dici mutila 126. t. 10
Hebræus Textus hodiernus, tam circa res, quàm circa verba est *ἑρμηνεύς* 128. 129
Homo primus non est conditus in puris naturalibus 509. t. 2. 3. &c.
 ante lapsum fuit immortalis 522. 523.
 quomodo sit conditus ad Imaginem Dei, vide *Imago.*

Homo

INDEX RERUM & VERBORUM

Homo creabilis & labilis non
est objectum Prædestinationis,
sed creatus & lapsus 376.
377. &c.

I

Jacobus quomodo pater Josephi
dicatur apud Matthæum, He-
li verò apud Lucam 83. t. 13

Idea an dentur in Deo, & quales
343. t. 8.

quomodo differant ab Ideis ho-
minum *ibid.* t. 9.

an detur *Idea* Dei in homine
192. t. 17.

Jehove nomen quid notet 202.
t. 5.

esse incommunicabile creaturis
probatur 201. 202

Ignorantia alia puræ negationis,
alia pravæ dispositionis 711.
t. 6.

ignorantiæ peccatum vel latè
sumitur pro quolibet peccato,
vel strictè pro eo quod contra-
distinguitur peccato contra
scientiam *ibid.* t. 5

Imago Dei multiplex 511. t. 2. 3
quomodo Filius Dei dicatur
imago Dei invisibilis 328. t.
17. & 511. t. 2

imago Dei ad quam homo con-
ditus est, non est in corporis
figura, velessentiæ Dei parti-
cipatione, sed in animæ essen-
tia, ejus rectitudine & justitia,
& dominio ac immortalitate
512. &c.

Immensitas Dei probatur, non tan-
tùm quoad virtutem & opera-
tionem, sed & quoad essen-

tiam 216. 217. &c.

Immortalitas absoluta & partici-
pata, patriæ & viæ 521
t. 2.

qualis data sit primo homini
523. 524.

immortalitas animæ probatur
531. 532

Immutabilitas Dei probatur, tam
quoad naturam, quàm volun-
tatem 225. 226

Impossibile quotuplex sit 271. t. 7
impossibile naturæ, & naturâ,
a parte rei, & à parte Dei t. 8. 9
non potest cadere sub potentiam
Dei *ibid.*

impotentia peccatoris non est
tantùm moralis, sed etiam na-
turalis 738

absoluta est, & totalis 739. 743.
744.

quo sensu ad impossibile nemo
teneatur 747. t. 25

de *Imputatione* primi peccati sen-
tentia partium 676. 677

quo loco sit habenda in hac quæ-
stione distinctio imputationis
antecedentis & consequentis
677. t. 6

imputatio vel est rei alienæ, vel
propriæ 678. t. 10

imputatio antecedens probatur
680. 681. &c.

imputari sæpe peccata aliena
Dei judicio ostenditur 683

Incredulitas alia naturalis, alia
acquisita 439. t. 2

incredulitas adversus Euange-
lium non præsupponitur ut
causa in reprobatione 431. t. 8

F f f f f

In-

INDEX RERUM & VERBORUM

- Indifferentia* Adami qualis fuerit 628. t. 8
Libertas non est posita in indifferentia 734
Induratio quomodo Deo tribuatur & hominibus 579. 580
Infinitas quoruplex sit 213. t. 1
 absoluta infinitas Dei probatur 214. 215
Intercessor noster solus est Christus, non Angeli 618. 619
Joachim quo anno ætatis regnum adierit 87. t. 24
Judex Controversiarum alius supremus, alius ministerialis, alius privatus 170. 171
 Scriptura sola est Judex supremus non Ecclesia, non Patres, multò minus Pontifex 172 173. &c.
Judex visibilis præter Scripturam non est necessarius 175 t. 20
Judicium privatæ discretionis competit singulis fidelibus 178 t. 33. 34
Judicium privatum Spiritus dicitur, vel originaliter, vel subjectivè 100. t. 15
Judei religiosi circa Codicem sacrum 117. t. 5. 6
 fontes non corruerunt, nec potuerunt aut voluerunt eos corrumpere 118. t. 6. 7
 Traditiones introduxerunt 150 t. 10
Jus Dei absolutum & ordinatum 278. t. 5
 naturale & positivum 257. t. 2. & 279
 summum & temperatum 260. t. 4
 quo sensu liceat, vel non liceat de jure suo remittere 264. t. 16
Justitia Dei quoruplex sit 259. t. 1. 2. 3
 Justitiam vindicatricem Deo esse naturalem probatur 260. 261. 292. &c.
 an liberum sit ejus exercitium, & quomodo differat ab exercitio misericordiæ 265. t. 18. 21
Justitiæ regula, quomodo voluntas Dei dicatur 257. 258
Justitia originalis quid sit 513. t. 8. 9
 fuit præcipua pars Imaginis Dei 514. 515
 an fuerit naturalis, an supernaturalis 517. 518
Justitia naturæ & gratiæ differunt 515. t. 17

K

Keri & *Ketib* quid sint 119. t. 11. 12

L

Lectioes variæ in Scriptura non arguunt corruptionem fontium 117. t. 3. & 125. t. 8
Legis opus quid sit apud Paulum 15. t. 16
Lex quomodo dicatur norma omnium actionum 258. t. 6
Lex sæpe ponitur pro œconomia V. T. 110. t. 12
Lex data etiam fuit à Christo per Moysen 111. t. 18
 quomodo Christus sit finis Legis 112. t. 19
Lex data Adamo fuit naturalis, &

INDEX RERUM & VERBORUM.

- & symbolica 638. t. 4
 quare data sit illi Lex symbolica
 1. 5
Liber bellorum Jehovæ, & Liber
 Iustitiam quid fuerint 106. 107. t.
 7. 8
Liber Enochii *ibid.* t. 10
Libri Sacri non interierunt in
 captivitate 107. t. 12
Liber vitæ quid sit 406. 407
Liber Prædestinationis, & Pro-
 videntia 408. t. 19
 an quis possit deleri de libro vitæ
 409. t. 20
 quid sit inscribi in illo libro
 413. t. 10.
Libertas quotuplex sit 627. t. 4.
 & 729. t. 3. 4. 5. & 730
 quænam necessitas pugnet cum
 libertate *ibid.*
Libertas Adami in statu integro
 quænam fuerit 628
Liberum arbitrium est in intel-
 lectu & in voluntate 728. t. 4
 spectari potest vel in genere en-
 tis, vel in genere moris 733. t. 1
 ratio ejus formalis non est sita in
 indifferentia 733. 734
Linguarum divisio, maledictionis,
 & benedictionis symbo-
 lum 136. t. 2
 cur tres linguæ in titulo Crucis
 positæ 138. t. 7
 in *Loco* quot modis res esse dicantur
 217. t. 5
 quo sensu Deus repletivè dica-
 tur esse in loco *ibid.*
 Angeli sunt in loco per essen-
 tiam, & non tantum per opera-
 tionem 598. t. 7
Lux primigenia quid fuerit 493.
 t. 7. 8
Luminarium usus multiplex
 496. t. 14.
 nec tamen Astrologia judica-
 ria inde elici potest 497
 M
Massa de qua loquitur Paulus
 non est integra, sed corrupta
 380. t. 17
 quomodo Christus quæ *Media-*
 tor sit adorandus 318. t. 27
Mediatorium munus Deum
 postulat 319. t. 30
 Christus non potest dici *Media-*
 tor Angelorum 372. t. 9
Mens hominis quo sensu tabula
 rasa dicatur 9. t. 11
Metaphysica quare dicatur Theo-
 logia 2. t. 8
 & scientia omnium suprema 4.
 t. 4
Misericordia Dei quid sit 269.
 t. 10.
 quotuplex *ibid.* t. 12
 ejus exercitium est planè libe-
 rum 265. t. 21
 an possit innotescere ex operibus
 naturæ 14. t. 11.
 non datur in Deo misericordia
 universalis ad salvandum ge-
 nus humanum 435. 436. &c.
Modi subsistendi quid sint in di-
 vinis & an reales bene dica-
 tur 308. t. 14
 an aliquid positivi inferant *ibid.*
 t. 15
Mors non est sequela naturæ, sed
 stipendium peccati 522. 523
 mortis terminus est fixus & im-

INDEX RERUM & VERBORUM

mobilis 354. 355
 mortale est omne peccatum natura sua 65.7
 quo sensu peccator dicatur mortuus in peccatis 740. t. 11
Mosem non fuisse impostorem, sed Prophetam à Deo missum, probatur 74. 75
 authenticia Librorum ejus adstruitur *ibid.*
Mundus nec fuit ab æterno, nec esse potuit; Creatio ejus & novitas asseritur 481. 482. &c.
 variaz sententiaz de anni tempestate quâ creatus est. 486
 sententia de Autumno præfertur cæteris *ibid.*
 non est creatus momento, sed sex diebus, sed singula cujusque diei opera momento sunt condita 489. 490
Mundi vox non semper sumitur in tota sua latitudine pro universalitate hominum, sed sæpe restrictè, vel pro electis, vel pro reprobis 446. 447. t. 30
 quo sensu Deus dicatur dilexisse mundum 446. &c.
Mysteria fidei sunt supra rationem, sed non contra eam 33. t. 4
 sunt incomprehensibilia, sed non impossibilia 34. t. 9

N

Nature puræ status quid sit 509. t. 1. 2. & 511. t. 8
 naturale quot modis dicatur 509. t. 2. & 517. t. 2
 quomodo Justitia originalis fuerit naturalis. Vide *Justitia*.

Necessitas datur multiplex, absoluta, hypothetica 241. t. 2. & 351. t. 2
 physica, & coactionis *ibid.*
 variaz species necessitatis distinguuntur, & quænam cum libertate pugnent; quænam cum illa convenient, ostenditur 729. 730
 quomodo aliquid possit esse necessarium & liberum 243. t. 11. & 353. t. 9
 ex *Nihilo* omnia facta sunt 475. t. 5
 quo sensu ex nihilo nihil fieri dicatur *ibid.* t. 7
Notio quid significet in divinis 284. t. 14
 quid sint actus notionales *ibid.* t. 15

O

Objectum scientiaz quomodo spectari possit, vel materialiter, vel formaliter 17. t. 1. 2
 objecti unitas unde sumenda sit *ibidem* t. 5
 objectum Theologiae. Vide *Theologia*.
Obscuritas duplex, objecti, & subjecti, rerum & modi tradendi 158. t. 2. 3
 obscuritas Scripturæ non datur in rebus necessariis ad salutem, licet varia sint in cæteris abstracta, & *δυσνόητα* 159. t. 4. 5
Omnipotentia Dei non se extendit ad contradictoria 272. t. 12. 13
Omnipresentia Dei probatur 218. t. 9. 10. 11

INDEX RERUM & VERBORUM.

non tollitur per varios modos
præsentia specialis 216.
217. &c.

omnipræsentia differt ab im-
menſitate 221. t. 22

'Ομοῖον quid ſignificet, quare à
Patribus ſit uturpatum, & quæ
lites de eo motæ ſint 282. 283

Opera Dei quotuplicia 474. t. 1. 2
opera Creationis quo ordine
producta ſint 491. t. 1. 2

P

Paradiſus terreſtris non ſuperest
amplius 646. 647

typus fuit coeleſtis 649. t. 13

Paraphraſis Chaldaica Jonatha-
nis & Onkelos 136. t. 4

Patrum nomine quinam ſint in-
telligendi 179. t. 2. 3

quænam ſit authoritas Patrum,
Teſtes ſunt, non Judices 180.
181 &c.

Patres nonnulli in exceſſu pec-
carunt circa Philoſophiæ
uſum in Theologia 49. t. 1

quo ſenſu alii Philoſophiam
damnent 52. t. 11

quo ſenſu Traditionem admife-
rint 157. t. 36

Peccati Etymon 650. t. 2
ratio formalis conſiſtit in *avaym*
651. t. 5

an includat aliquid poſitivi *ibid.*

quid differant peccata commiſ-
ſionis, & omiſſionis 652. t. 8

an *ἡ ἐξέστης* ſit de eſſentia pecca-
ti 652. 653

Peccati reatus quotuplex 654
t. 2

an ſit formale peccati t. 3

an poſſit ſeparari ab eo 655. t. 5
nullum datur peccatum veniale,
ſed omnia ſunt mortalia 656.
657

quomodo Deus verſetur circa
peccatum tam circa ejus ini-
tium, quam circa progreſſum,
& finem 569. t. 4. 5. &c.

nec tamen poſſit dici cauſa pec-
cati 574. t. 20

non ſequitur ex doctrina noſtra
Deum eſſe peccati authorem
583. 584

vindicantur loca Calvini, Zwin-
glij &c. quibus hoc impingitur
588. 589

Peccatum Angelorum quale fue-
rit 662. 663

peccatum actuale quid ſit 710
variæ ejus diſiſiones *ibid.*

quid ſit peccatum per ſe & per
accidens, peccatum ignoran-
tiæ & malitiæ 711. 712

Peccatum habitans & regnans,
remiſſibile & irremiſſibile
713. t. 12. 14

Peccatum primum Adami
quodnam fuerit, prima ejus
radix in incogitantia ponitur
666. 667

imputatio ejus adſtruitur. Vide
Imputatio.

Peccatum originale ſumitur la-
tè & ſtrictè 694. t. 2

dari probatur 695. 996. &c.

quomodo voluntarium poſſit
dici 699. t. 15

non eſt in animæ ſubſtantia 701

nec mera tantum privatio, ſed
poſitiva quædam qualitas

702. 703

F f f f f 3

Quæ-

INDEX RERUM & VERBORUM.

- Quæstio de propagatione peccati** difficilis 706
 modus ejus explicatur 707. 708
Peccatum in Spiritum S. cur ira vocetur 714 t. 2
 varii ejus characteres, *ibidem* & 715
 unde oriatur ejus irremissibilitas 717. 718
 quomodo possit dignosci 720. t. 20
 Peccatum potest esse poena peccati 721. 722
Perfectio Scripturæ quotuplex. *Vide Scriptura.*
 Perfectiones omnes quomodo Deo competant 215. t. 14
Permissio Ethica & Physica 569. t. 6
 Permissio Dei circa peccatum non est otiosa, sed efficax 570
 quare Deus permittat peccatum 571
Persona quid sit, & quomodo definiatur 281. 282
Personarum Trinitas probatur 293. 294. &c.
 Personæ quomodo distinguantur ab Essentia & inter se 306. 307 &c.
 quænam sint proprietates Personales 309. t. 17. 18
Perspicuitas quænam Scripturæ tribuatur 158. 159
Philosophiæ usus & abusus in Theologia ostenditur 49. 50. 51
 quinam peccarint hic in excessu & in defectu *ibidem*
 an aliquid sit falsum in Philosophia quod verum est in Theologia 52. t. 13
Pontifex non potest esse supremus Judex Controversiarum 172. 173
Pœna quotuplex, simplex, & mixta 725. t. 19
 quomodo peccatum possit habere rationem poenæ 721. &c.
 quo sensu Christus omnes poenas nobis debita stulerit 725. t. 20
Potentia Dei quotuplex, ordinata & absoluta 270. t. 3
 quodnam sit objectum potentiae Dei 271. 272
 an Deus possit facere infinitum 275. t. 24
 an dici debeat Deum posse fallere si velit *ibid.* t. 25
Practica disciplina quot modis dicatur 23. t. 3. 4
 Theologia non est tantum theoretica, sed etiam practica 24. 25
Præadamitarum figmentum refellitur 503. 504
Prædestinatio an publice doceri debeat, & quomodo 363. 364. &c.
 quorupliciter sumatur vox Prædestinationis 365
 de Reprobatione dicitur non minus ac de Electione 366
 quid noceat *περίστασις*, & *περὶ ὁμοιωµὸς* 367. 368
Prædestinatio Angelorum quomodo differat à prædestinatione hominum 371. 372
 Prædestinationis objectum non est homo creabilis, vel labilis, sed creatus, & lapsus 377. 378. &c.

INDEX RERUM & VERBORUM.

- voluntas servandi credentes & damnandi incredulos, non est totum decretum Prædeterminationis 432
- Vide cætera Titulo de *Electiōe & Reprobatione*.
- Prædeterminatio* quid sit 558. t. 6
quinam Prædeterminantes dicantur apud Pontificios 559. t. 6
- Prædeterminatio* probatur *ibid.* t. 7
- necessitatem rebus aliquam infert, sed libertatem non aufert 560. t. 11
- nec Deum facit peccati authorem 562. t. 16
- Præsentia* Dei multiplex, in Cælo, in Mundo, in Christo, in Ecclesia, & Sanctis 216. t. 2. 3
- Præteritio* quid importet in Reprobatione 374. t. 18
- Primogenitus* Christus dicitur multifariam 329. t. 20
- Processio* Spiritus à Patre & Filio probatur 339
quomodo differat à Generatione *ibid.*
- quænam Controversia sit inter Græcos & Latinos de Processionis principio 340. t. 4
- Prædictio* in negotio Prædeterminationis non sumitur theoreticè, sed practicè 367. t. 8. 9. & 399. t. 27
- Propagatio* peccati datur 706. &c.
varietus modi proponuntur & verus probatur 707. &c.
- Proprietates* Dei. Vide *Attributa*.
- proprietates absolutæ & respectivæ quænam sint 256. t. 5
- proprietas personalis quid sit 284. t. 14
- Providentia* vox quid notet 539
dari providentiam probatur 540. 541.
- quomodo contingentia & libertas rerum cum ea consistere possit 543. & 551. t. 10. 11
- Providentiæ* omnia subjacent tam minima quam maxima, libera & contingentia, non minus ac necessaria 548
- non infert fatum Stoicum 546. t. 5
- non consistit tantum in conservatione & sustentatione rerum, sed etiam in earum gubernatione 553
- concurfus ejus non est tantum generalis & indifferens, sed particularis & immediatus, non tantum simultaneus, sed etiam prævius 554. 555. &c.
- quomodo versetur circa peccatum, nec tamen peccati causa dici possit 569. &c.
- quis sit usus & abusus doctrinæ de Providentia 570. &c.
- Puncta* non esse humanæ, sed divinæ originis magno consensu Judæi paucis exceptis crediderunt, & plurimi ex Christianis 127
- si con fuerunt semper quoad figuram, fuerunt tamen ab initio quoad *valorem* & potestatem *ibid.*
- non possunt pro libitu mutari, sine

INDEX RERUM & VERBORUM.

sine magno *superius* Textus
sacri detrimento 128. &c.

R

Ratio quem usum obtineat in
Theologia 27. 28. &c.

an sit principum & norma ad
quam exigi debeant mysteria
fidei, an tantum instrumen-
tum *ibid.*

quomodo audienda sit in rebus
fidei, & quomodo non 33. 34.

Judicium contradictionis ad
illam pertinet 36. &c.

quomodo se habeat in eliciendis
consequentis. 44. &c.

rationalis cultus quid sit 28. t. 8

Reatus non est formale peccati, sed
adjunctum ejus 654. t. 1

bene distinguitur in potentia-
lem, & actualem, sed male in
reatum culpe & pœnæ *ibid.* t. 2.
& 655. t. 6

Relationes personales in Divinis
quotuplices sint 284. t. 14

quomodo reales dici possint
309. t. 18

Religio communis per quam o-
mnes promiscuè salvari possint,
nulla datur 10

Reprobatio Angelorum quid sit &
quot actibus absolvatur 374.
t. 17

quotuplex sit actus Reprobatio-
nis hominum, negativus & po-
sitivus, & quid includat 420.
t. 6. 7. &c.

consideratur absolutè vel com-
paratè 421. t. 10

quomodo Decretum Reproba-
tionis sit absolutum 421. 422

Reprobatio non repugnat Justi-
tiæ, Veritati, Milericordiæ,
& Sanctitati Dei 426. 427

incredulitas non præsupponitur
ut causa in Reprobatione 430.
431

Revelationis per Verbum necessi-
tas 61. t. 3. 4

Revelationis naturalis ad salu-
tem imperfectio 62. t. 5. 6

S

Sacrificia Gentilium quem finem
habuerint 17. t. 23

Sapientia quomodo possit dici ge-
nus Theologiæ 21. t. 7

Scientia Dei quis sit modus 227.
t. 2

quodnam objectum 228

singularia & futura contingen-
tia sub eam cadunt 228. 229.
&c.

quomodo contingentia Deus
præsciat 234. t. 30

præter scientiam naturalem &
liberam, nulla datur media
234. 235. &c.

quo sensu scientia non sit sin-
gularium 19. t. 8

quænam scientia dicatur pra-
ctica 23. t. 4. 5

Scriptura quot modis spectetur
63. t. 2

an necessaria fuerit, & quare
63. 64

non est tantum data occasiona-
liter 66. 67

authenticia ejus & divinitas pro-
batur 69

quomodo se ipsam probet, &
quænam sint ejus notæ, tam in-
trin-

INDEX RERUM & VERBORUM.

trinsecæ, quàm extrinsecæ 69.

70. 71

authenticâ Scripturæ Prophetiæ

& Apostolicæ adstruitur 72. 73

non dantur in ea loca planè ἀλυστα,

& veræ contradictiones 78. 79

etc.

authoritas ejus non pendet, vel

quoad se, vel quoad nos, à Testi-

monio Ecclesiæ 95. 96

quomodo se ipsam probet 101

Testimonium Scripturæ, Spiritus

& Ecclesiæ, quomodo inter se

convenient & differant 97. t. 6.

& 100. t. 13

quo sensu dicatur Canonica 105.

t. 2

Scriptura V. T. est pars Canonis

fidei 108. 109

Scripturæ perfectio in rebus ne-

cessariis ad salutem probatur

149. 150. etc.

quæ Pontificii obtrudunt creden-

da præter Scripturam, non evin-

cunt eam esse imperfectam 154.

t. 22

Scripturæ perspicuitas adstruitur

158. 159

quæ non obstat quo minus sua

βάσι habeat, & δυνάμει *ibid.*

t. 4. 5

Scripturam debere legi probatur

163. 164

sensus ejus non est multiplex 165

quænam sint necessaria ad verum

sensum inquirendum 169. t. 18

Scriptura est Judex Controversia-

rum 170. etc.

Semen mulieris individualiter,

& primariò de Christo dicitur,

collectivè verò & secundariò

de solis fidelibus 444. 445.

t. 25. 26

Semen Serpentis non sunt tantùm

dæmones, sed impii & reprobi

ibid.

Sensuum Testimonium non est ab-

solutè rejiciendum in rebus fidei

39. t. 1. 2. etc.

sensus non falluntur positis certis

conditionibus *ibid.* t. 7

sensus Scripturæ non est multi-

plex literalis, allegoricus, ana-

gogicus, tropologicus, sed

unicus tantùm, qui vel simplex

est, vel compositus, vel pro-

prius, vel figuratus 165. t. 1.

2

quid sit sensus literalis, & quot

modis sumatur *ibid.* t. 3.

sensus mysticus quotuplex sit 168.

t. 15. 16

quando recedendum sit à sensu li-

terali proprio 169. t. 19

Serpens verus fuit in Tentatione,

sub quo Diabolus latuit 666.

t. 8. & 670. t. 10. 11

Serpentis semen quinam sint. Vide

Semen.

Sigillum Dei quotuplex sit 403.

t. 7. 8

quomodo ex Spiritus S. obfigna-

tione certitudo salutis oriatur

414. t. 11

Simplicitas Dei asseritur 209. 210

probatur à remotione omnis

compositionis *ibid.*

Simplicitas & Trinitas non oppo-

nuntur 211. t. 9

varietas Decretorum divinatorum

Ggggg

non

INDEX RERUM & VERBORUM

- non tollit ejus simplicitatem 212. t. 10
- Spiritus S.* personalitas & divinitas probatur 332. 333. &c.
- Processio ejus quomodo differat à Generatione Filii 339
- ejus principium non est tantum Pater, sed & Filius 340
- quid sit *Spiritus incubans aquis* 303. t. 8
- quinam sint septem *Spiritus Apocal. c. 1.* 625. t. 23
- Peccatum in *Spiritum S.* quid sit. Vide *Peccatum.*
- quomodo *Spiritus* judicium privatum admittamus non originaliter, sed subjective 100. t. 15
- Subsistentia* quid notet in divinis 280. t. 5
- alia est independentiæ, alia incommunicabilitatis; *Christi humanitas* habuit priorem, non posteriorem 280. 281
- Syllogismi mixti* quinam sint, & quid ratio in illis præstet 29 t. 14
- Conclusionem in iis esse de fide probatur 30. t. 16. & 45. t. 16
- T
- Tempus* non potuit esse ab æterno 187. t. 7
- Temporis differentiæ quomodo Deo tribuantur 223. t. 7
- Tentatio* alia probationis, alia seductionis 580. t. 28. 29
- Deus non tentat homines ex ignorantia, sed ex sapientia 233 t. 27
- quomodo dicatur inducere in tentationem 580
- Terminus vite* alius generalis, alius specialis 354. t. 2
- quotupliciter possit dici mobilis, vel immobilis *ibid.*
- fixum & immobilem à parte Dei esse probatur 355. &c.
- quo sensu produci vel contrahi dicatur 358. 359
- Terra* quid significet *Gen. 1. 1. 493.* t. 6
- Testamentum V.* spectatur vel ratione œconomix Mosaicæ, vel ratione doctrinæ 108. t. 1
- Vet. Test. Libri sunt pars Canonis fidei *ibid.*
- Testes* cœlestes quinam intelligantur apud Johannem 295. t. 9
- Testimonium* Scripturæ, *Spiritus*, & Ecclesiæ quomodo differant 96. t. 4. 5. &c.
- Textus originales* puri & incorrupti ad nos pervenerunt 117. 118
- non licet illos ex Versionibus corrigere 129. 130. t. 6. & 138. t. 13
- Theologia* vox, an retinenda, & quot modis sumatur 1. 2
- quomodo differat *Theologia* ab *Oeconomia* apud Patres *ibid.*
- dari *Theologiam* probatur 3. t. 1 &c.
- varix ejus divisiones 4. t. 5
- Triplex Gentilium *Theologia*, fabulosa, politica, & naturalis *ibid.*
- quid sit archetypa, ectypa, unionis, visionis, revelationis 5. t. 7
- Theologia* naturalis datur tum insita, tum acquisita *ibid.* t. 8
- sed

INDEX RERUM & VERBORUM

sed non est sufficiens ad salutem
 10. &c.
 quale sit ejus objectum 17. 1
 quale genus 20. t. 1
 licet omnes habitus eminenter in-
 cludat, propius ad sapientiam
 accedit 21. t. 6. 7
 non est tantum Theoretica, sed &
 Practica 22. 23
Tikkun Sopherim quid sint, & An
 arguant fontium corruptionem
 120. t. 12
Traditiones quotuplices, histo-
 ricæ, rituales, dogmaticæ, &
 ethicæ, & quænam rejiciendæ
 150. t. 7
 Traditionibus dogmaticis & ethi-
 cis post Scripturam nullus locus
 datur 149. 150. &c.
 quot modis Traditio sumatur in
 Scriptura 155. 156
 & quot apud Patres 157. t. 36
Traducem quinam doceant 526
 t. 1
 ejus absurditas ostenditur *ibid.* t. 6.
 7. &c.
Trinitatis vox quid significet 282.
 t. 9
 an sit articulus fundamentalis 288.
 289
 non ignota fuit sub V. T. 289.
 t. 11. & 300. 301
 sed non potest lumine naturæ di-
 gnosci 293. t. 4. 5
 veritas ejus probatur 295. 296.
 &c.

V

Verbi revelatio quare necessaria
 fuerit 61. 62


distinctio Verbi in *אֵלֶּיךָ* &
אֵלֶּיךָ non est generis in spe-
 cies, sed subjecti in sua accidentia
 64. t. 4
Versionum necessitas 136. t. 1. 2. 3
 qualis sit autoritas 138. t. 13
 quotuplices sint, Chaldaicæ, Sy-
 riacæ, Græcæ, Latinæ 137
 an ex Versionum collatione corri-
 gi debeat textus originalis. Neg.
 131. t. 7. 8. 9
 quænam debeat esse conformitas
 Versionum cum originali, &
 qualis possit haberi de ea certi-
 tudo 143
Versio L. XX. quando fuerit ador-
 nata 140
 non debet censeris authentica 141
 quare Apostoli eâ usi sint 142.
 t. 7
Versio Vulgata non potest haberi
 authentica 144. 145
 variant circa eam sententiæ Pon-
 tificiorum *ibid.*
Virgo B. non est concepta sine pec-
 cato, & quot lites inter Pontifi-
 cios fuerint de immaculata ejus
 conceptione 700. t. 21
Vocatio externa non est fallax &
 illusoria sine voluntate universa-
 li omnes salvandi 457
 quis sit ejus finis erga reprobos
ibid. t. 47
 quomodo in ea intentio Pastorum
 conveniat cum intentione Dei
 458. t. 47
Voluntatis divinæ objectum quod-
 nam sit 241. t. 1
 variz distinctiones voluntatis
 decreti & præcepti, & *donias*,
 &c.

INDEX RERUM & VERBORUM.

& *ἀποκρύφια*, arcana, & revelata, ligni & beneplaciti 243.
244. 245
nulla datur pugna inter istas voluntates 246. 247
distinctio voluntatis antecedentis & consequentis, efficacis & inefficacis, absolutæ & conditionatæ refellitur 249
non datur velleitas in Deo 253
t. 17. &c.
quo sensu voluntas sit prima justitiæ regula 257. t. 1. 2. 3
nulla datur voluntas universalis miserendi totius generis huma-

ni 435. 436. &c.
quo sensu dicatur Deus velle omnes homines salvari 450. t. 34
ὁμοτιμία quid notet in Divinis 281.
t. 6.
diversa ejus acceptio apud Veteres modò latior, modò strictior *ibid.*

Z
Zwinglii sententia de salute Gentilium 17. t. 22
non fecit Deum authorem peccati 589. t. 16



F I N I S.



10-2-3

